



MISSALE
ROMANUM



ths

W

+

ths

W



W

+

ths

W

+



+

ths

W

+

ths



ths

W

+

ths

W



W

+

ths

W

+



+

ths

W

+

ths



ths

W

+

ths

W





This is the 1962 Missale Romanum
of the Masonic New Order of the Mass
scanned for research purposes in full color by
The Fatima Movement

www.fatimamovement.com
www.ourladyisgod.com
www.thirdsecretoffatima.com

IN MEMORY OF
MARY FRANCES GUINAN
PRAY FOR
WILLIAM J. GUINAN



THE LAST VISION OF FATIMA

TUY, SPAIN JUNE 13, 1929



The Mystery of the Most Holy Trinity Revealed



Our Lady (the Mother of God), Our God Jesus Christ, and the Holy Ghost (the Father)

"I understood that it was the mystery of the Most Holy Trinity that was shown to me,
and I received insights into this mystery that I am not permitted to reveal." - St. Lucia of Fatima

"There is nothing else like it in the history of the world."

www.FATIMAMOVEMENT.com



THE MYSTERY OF THE TRINITY WAS REVEALED IN 1929

Our Lady is God the Mother, the Holy Ghost is God the Father



"I am the Lord,
your god"



Miracle of the Trinitarian Theophany

Day, Spain June 13, 1929

The Mystery of the Most Holy Trinity Revealed



Our Lady (the Mother of God), Our God Jesus Christ, and the Holy Ghost (the Father)






"I understood that it was the mystery of the Most Holy Trinity that was shown to me; and I received insight into this mystery that I cannot personally defend." - St. Lucia of Fatima



"I am the Lord,
your god"

The burning bush 'Lord' of Moses & the Vatican II Novus Ordo Mass is Allah / Satan.
The New World Order was dependent upon a universal belief in this 'Lord.'
But now, the secret of the 1917-1944 Fatima Miracles is out.

"The Church finds herself in an hour of unrest, of self-critique, one might say, even of auto-destruction!
It is like an internal, acute, and complicated revolution, for which no one was prepared after the Council." - Pope Paul VI, Dec. 7, 1968.



OUR LADY IS GOD, THE "OUR FATHER" OF THE LORD'S PRAYER IS SATAN

The first edition of the New Testament appeared in 1749, the second, together with the first edition of the Old Testament, in 1750. Between these two editions there are but few differences, but the third edition, published in 1752, had important changes both in text and notes, the variations numbering over two thousand. Dr. Challoner's Bible has been the groundwork of nearly all subsequent English versions. An American edition was published in Philadelphia in 1805.

- 1906 Catholic Encyclopedia, "Challoner" Entry

"For our God is a consuming fire." - Hebrews 12:29

"And he shall be in disgrace with all men,
because he understood not the fear of the Lord."
- Ecclesiastes 23:31

for the house of the LORD, and for the king's house, harps also and psalteries for singers: there came no such 'almug-trees, nor were seen unto this day.

13 And king Solomon gave unto the queen of Sheba all her desire, whatsoever she asked, besides that which Solomon gave her of his royal bounty. So she turned and went to her own country, she and her servants.

14 ¶ Now the weight of gold that came to Solomon in one year was six hundred threescore and six talents of gold.

- 666 can be found in 1 or 3 Kings 10:12-14 in all bibles

OUR LORD IS GOD, NOT THE COMING JEWISH MESSIAH

JESUS CHRIST, the Messiah. See CHRIST.
JE'SUS, or **JOS'UE**, son of Joseph, high-priest of the Jews after the Babylonian captivity; regulated the order and offices of the priests and Levites (1 Esd. iii. 3, 8); the prophet Aggeus urged him to hasten the rebuilding of the temple (Agg. i. 2); foretelling that the desired of nations should come (Zach. iii. 1-9); saw him in spirit crowned with a tiara, and also in iv. 2; vi. 11; associated with promises of the coming of the Orient or Messiah. The son of Sirach praises him (Ecclesiastes. xlix. 14).

JE'SUS, son of Sirach, author of the book of Ecclesiastes (Ecclesiastes. Prolog.)

- Source: The 1883 Catholic Haydock Bible

"Oh my Jesus, pardon our sins and save us from the fires of hell. Lead all souls from purgatory, especially those in most need."

- Fatima Prayer on The Lord (Our Father) rosary beads
- The original Rosary did not have the decade system, only 150 straight beads, as many as the 150 Psalmists who still await their 'Messiah.'

"Even if Catholics faithful to tradition are reduced to a handful, they are the ones who are the true Church of Jesus Christ." - St. Athanasius

THE HOLY GHOST IS GOD THE FATHER, THE "SPIRIT" IS THE MARK

SAINT JOHN THE BAPTIST - Q. Why is he one of the patrons of Freemasonry?

A. The firm integrity of Saint John the Baptist, which induced him to forego every other consideration in discharging the obligations he owed to God; the unselfish firmness with which he met martyrdom rather than betray his duty to his Master; his steady repudiation of vice, and continued preaching of repentance and virtue, make him a fit patron of the Masonic Institution. His festival is celebrated on the 24th of June.

- 1990 Masonic KJV Reference Bible

COUNCIL OF TRENT

CANONS ON THE SACRAMENT OF BAPTISM

If any one saith, that the baptism of John (Holy Spirit) had the same force as the baptism of Christ (Holy Ghost); let him be anathema.

- John's baptism (which clears the way for the one who is coming) is the Mark of the Beast. More in Acts XIX, LV

"But he that shall blaspheme against the Holy Ghost, shall never have forgiveness, but shall be guilty of an everlasting sin."

- Mark 3:29

"...if you despise and reject this ultimate means, we will not have any more forgiveness from Heaven, because we will have committed a sin which the Gospel calls the sin against the Holy Ghost. This sin consists of openly rejecting, with full knowledge and consent, the salvation which He offers." - Sister Lucia Santos, 1957

"Either you are for the Blessed Virgin or you are for the Devil. There is no other possibility." - Sister Lucia Santos, Memoirs of Our Lady of Fatima

www.FATIMAMOVEMENT.com

www.FATIMAROSARY.org

TRADITIONAL CATHOLIC ROSARY INSTRUCTIONS FOR THE LAST DAYS

HOW TO FIX YOUR NOVUS ORDO VATICAN II ROSARY



While many Traditional Catholics are more than aware of the spiritual destruction of the invalid Lord-centric Novus Ordo Mass which was forced on us by the Judeo-Masonic Vatican II Council in 1959-1962, they are unaware that the Rosary and its Divine Liturgy has also been destroyed by this internal, anti-Catholic, modernist sect. This notice is designed as a crash course in how to repair both your Rosary & correct the prayers to restore the Divine Prayers originally given to St. Dominic by Our Lady, the Mother of God, in 1208. Many Catholics turn to the Rosary as a last resort to solve the crisis that faces the Church and society in these last days, completely unaware that this spiritual weapon given to us by the Mother of God has been altered to such an extent over the centuries that it simply does not work anymore. The following instructions give Catholics both a refresher course in Catholic history and a foundation for correcting these sins of heresy, handed down to us by shepherds who have gone astray.



THE SECRET TO UNLOCKING THE ROSARY'S POTENTIAL IS REMOVING THE HERETICAL "LORD BEADS"

This propheticized deception will come as a shock to most Catholics, especially Traditionalists. "The Lord" is not the God of Heaven. The Lord is Satan, the god of Hell, who deceives mankind in the last days. The Muslims call it "Allah," the Jews refer to it as the Lord the god of Israel. It is the 'god' printed on U.S. Federal Reserve Notes, the 'god' of the Illuminati-inspired U.S. Constitution, the 'god' of the U.S. Court System, the 'god' of Voo-Doo Economics and the 'god' of Protestants. It is the 'god' of the Masonic New World Order, an utter rejection of the God of Heaven, Jesus Christ. In 1917, Our Lady of Fatima gave Catholics the Fatima Prayer to say on the "Lord beads," Her Divine way of alerting serious Catholics to this abominable loss of the True Catholic Faith, outside of which there is absolutely no salvation:

"Oh my Jesus, pardon our sins and save us from the fires of Hell. Lead all souls from Purgatory, especially those in most need." - The Fatima Prayer, 1917

"The most holy Roman Church firmly believes, professes, and teaches that the Mosaic Law (the 10 commandments of the Lord) cannot be observed without the loss of eternal salvation... Everyone, therefore, who observes circumcision and the Sabbath and the other requirements of the Law, the Church declares not in the least fit... to participate in eternal salvation." - *Infallible Teaching of the Catholic Church from the Council of Florence, 1441*

THE BIBLE, WRITTEN BY THE PERFIDIOUS JEWS WHO CRUCIFIED GOD AND HAVE ALREADY DECEIVED MOST CATHOLICS INTO WORSHIPPING THEIR LORD, MAKE THIS PERFECTLY CLEAR IN THEIR SCRIPTURES:

3 Kings 22:22: "And he said: I will go forth, and be a lying spirit in the mouth of all his prophets. And the Lord said: Thou shalt deceive him, and shalt prevail; go forth, and do so."

Revelation 18:21: "And the Lord said: Thou shalt deceive, and shalt prevail; go out, and do so."

3 Kings (Catholic) 10:14 or 1 Kings (King James Version) 10:14: "Now the weight of gold that came to Solomon in one year was 666 talents of gold"

Ecclesiastes 23:31: "And he shall be in disgrace with all men, because he understood not the fear of the Lord."

Hebrews 12:29: "For our god is a consuming fire."

OUR LADY OF FATIMA, 1917

Our Lady of Fatima gave us the Rosary as the last means of salvation as we approach the end of the world. The Vatican II Sect that is responsible for the Novus Ordo Mass, the destruction of Catholic Altars to our God Jesus Christ and the implementation of their heretical "Lord" Mass is easy to overcome. Simply refuse to believe in this burning bush pagan system of the gods of Hell, and pray the Original 150 Rosary everyday. Our Lady's Original 150 Rosary accomplishes several things. First, it stops the "abomination of desolation" in the "holy place" spoken of by Daniel the Prophet. Second, every 150 Rosary said saves 7,500 souls from Hell, souls that were deceived into Hell by the sin of worshipping fire. Third, it prevents the gates of Hell from prevailing against the Real Catholic Church, which has been driven underground by the seizure of the Papacy by the Jews in these last days. And fourth, it counters the Psalmists of David, who continuously chant the 150 Psalms of David and reject Christ for their coming Messiah, the anti-Christ.

Psalm of David 110:1: The Lord said to my Lord, Sit thou at my right hand: Until I make thy enemies thy footstool."

You also need to know that the Rosary Prayer, just like the Liturgy of the Catholic Mass, has also been corrupted by Jewish-Masonic infiltrators into the Catholic Priesthood. For their Godless New Order to take power, all opposing Divine Catholic Liturgy had to be destroyed. But those days are over. The Power of the Original Catholic Religion is back.

"The best method of prayer is the Holy Rosary, if you SAY IT WELL." - St. Francis de Sales (Doctor of Church)

INCORRECT

THE HERETICAL PENTAGRAM
NOVUS ORDO ROSARY
(THE LORD BEADS WERE ADDED
AFTER THE COUNCIL OF TRENT
IN 1569. THIS IS NOT THE CORRECT
FORM OF THE ROSARY GIVEN TO ST. DOMINIC)

The Heretical Modern Form of the Rosary Prayer:

Hail Mary, full of Grace, "the Lord" is with Thee.
Blessed art thou amongst women, and
Blessed is the fruit of thy womb, Jesus.
Holy Mary, Mother of Jesus, pray for us sinners.
Now and at the hour of our death. Amen.



CORRECT

OUR LADY'S ORIGINAL ROSARY
FEATURED 150 CONTINUOUS BEADS
(TO PRAY AGAINST THE PSALMISTS
OF DAVID, WHO STILL
AWAIT THEIR MESSIAH -
THE ANTI-CHRIST)

The Original Form of the Divine Rosary Prayer:

Our Lady, full of Grace, God is with Thee.
Blessed art thou amongst women, and
Blessed is the fruit of thy womb.
Our Lady, Mother of God, pray for us sinners.
Now and at the hour of our death.




"Either you are for the Blessed Virgin or you are for the Devil. There is no other possibility." - Sister Lucia Santos, Memoirs of Our Lady of Fatima

www.FATIMAMOVEMENT.com

www.FATIMAROSARY.org

The Authentic Third Secret of Fatima

Our Lady's Final Warning concerning the Novus Ordo Seclorum (New World Order)



Translation to English:

January 4, 1944

Now I will reveal the third part of the secret:

This part is the apostasy in the Church!

Our Lady showed us a vision of someone

who I describe as the 'Pope,' standing in front of a praising multitude.

But there was a difference with a real Pope; the evil look, this one had eyes of evil.

Then after a few moments we saw the same Pope entering a church, but this church was like the church of hell, there is no way to describe the ugliness of this place, it seemed like a fortress made of gray cement, with broken angles and windows like eyes,

there was a beak on top of the building.

We then looked up at Our Lady who said to us

you have seen the apostasy in the Church, this message can be opened by

The Holy Father, but must be announced after Pius XII and before 1960.

During the kingdom of John Paul II the cornerstone from Peter's tomb

must be removed and transferred to Fatima.

Because the Dogma of faith is not preserved in Rome, her

authority will be removed and given to Portugal.

The cathedral of Rome must be destroyed and a new one built in Fatima.

If 69 weeks after this command is announced Rome continues its

abomination, the city will be destroyed.

Our Lady told us this is written, Daniel 9 24-25 and Matthew 21 42-44.

"The Other Copy" released on April 21, 2010 from Portugal.

It appears the 70th week of Daniel begins on August 17, 2011.

Final warning about the Novus Ordo Revolution from 1959-1969 at Vatican II.



"The holy Church built upon a rock, that is Christ, and upon Peter... because by the gates of Hell, that is, by the disputations of heretics which lead the way to destruction, it would never be overcome." - Pope St. Leo IX, Sept. 2, 1053



"The Church finds Himself in an hour of angst, of self-critique, one might say, even of auto-destruction! It is like an internal, acute, and complicated revolution, for which no one was prepared after the Council." - Pope Paul VI, Dec. 7, 1968.



Notre Dame *not* Pater Noster

version, as, for instance, in the substitution of "The Lord" for "Our Lord" and finally the printing of the verse separately. The first edition of the New Testament appeared in 1749, the second, together with the first edition of the Old Testament, in 1750. Between these two editions there are but few differences, but the third edition, published in 1752, had important changes both in text and notes, the variations numbering over two thousand. Dr. Challoner's Bible has been the groundwork of nearly all subsequent English versions. An American edition was published in Philadelphia in 1805.

- 1906 Catholic Encyclopedia, "Challoner" Entry

"Hark! O Israel: our Lord is one: The Lord is one: and there is none like him."

"For our God is a consuming fire." - Hebrews 12:29

"And he shall be in disgrace with all men, because he understood not the fear of the Lord." - Ecclesiasticus 23:31

for the house of the Lord, and for the king's house, harps also and psalteries for singers: there came no such *almug-trees, nor were seen unto this day. 13 And king Solomon gave unto the queen of Sheba all her desire, whatsoever she asked, besides that which Solomon gave her of his royal bounty. So she turned and went to her own country, she and her servants.

14 ¶ Now the weight of gold that came to Solomon in one year was six hundred threescore and six talents of gold.

- 666 can be found in 1 or 3 Kings 10:12-14 in all bibles

Our God *not* the coming Ecclesia Dei Jesus

JESUS CHRIST, the Messiah. See CHRIST.

JE'SUS, or JOS'UE, son of Josuec, high-priest of the Jews after the Babylonian captivity; regulated the order and offices of the priests and Levites (1 Esd. iii. 3, 8); the prophet Aggeus urged him to hasten the rebuilding of the temple (Agg. i. 2); foretelling that the desired of nations should come (Zach. iii. 1-2); saw him in spirit crowned with a thorn, and also in iv. 2; vi. 11; associated with promises of the coming of the Orient or Messiah. The son of Sirach praises him (Ecclesiasticus, xlv. 14).

JE'SUS, son of Sirach, author of the book of Ecclesiasticus (Ecclesiasticus, Prolog.)

- 1883 Haydock Bible

"Oh my Jesus, pardon our sins and save us from the fires of hell. Lead all souls from purgatory, especially those in most need."

- Fatima Prayer on The Lord (Our Father) rosary beads
- The original Rosary did not have the decade system, only 150 straight beads, as many as the 150 Psalmists who still await their 'Messiah.'

"Even if Catholics faithful to tradition are reduced to a handful, they are the ones who are the true Church of Jesus Christ." - St. Athanasius

Holy Ghost (The Father) *not* Holy Spirit

SAINT JOHN THE BAPTIST - Q. Why is he one of the patron of Freemasonry?

A. The firm integrity of Saint John the Baptist, which induced him to forego every mere consideration in discharging the obligations he owed to God; the unselfish goodness with which he met martyrdom rather than betray his duty to his Master; his steady refusal of vice, and continued preaching of repentance and virtue, make him a fit patron of the Masonic Institution. His festival is celebrated on the 24th of June.

- 1990 Masonic KJV Reference Bible

COUNCIL OF TRENT

CANONS ON THE SACRAMENT OF BAPTISM

If any one saith, that the baptism of John (Holy Spirit) had the same force as the baptism of Christ (Holy Ghost); let him be anathema.

- John's baptism (which clears the way for the one who is coming) is the Mark of the Beast. More in Acts XIX, LV

"But he that shall blaspheme against the Holy Ghost, shall never have forgiveness, but shall be guilty of an everlasting sin."

- Mark 3:29

"...if you despise and reject this ultimate means, we will not have any more forgiveness from Heaven, because we will have committed a sin which the Gospel calls the sin against the Holy Ghost. This sin consists of openly rejecting, with full knowledge and consent, the salvation which He offers." - Sister Lucia Santos, 1957

www.fatimamovement.com

"Either you are for the Blessed Virgin or you are for the Devil. There is no other possibility." - Sister Lucia Santos, Memoirs of Our Lady of Fatima

MISSALE ROMANUM

EX DECRETO
SACROSANCTI CONCILII TRIDENTINI
RESTITUTUM
SUMMORUM PONTIFICUM CURA
RECOGNITUM

EDITIO IUXTA TYPICAM



NOVI EBORACI

SUMPTIBUS ET TYPIS BENZIGER BROTHERS, Inc.

SANCTÆ SEDIS ET SACRÆ RITUUM CONGREGATIONIS TYPOGRAPHORUM

NOVI EBORACI, BOSTONLÆ, CINCINNATI, CHICAGLÆ, SANCTI FRANCISCI

MISSALE ROMANUM 4°
EDITIO IUXTA TYPICAM

Set up, printed and bound in the
United States of America
by
Benziger Brothers, Inc.



Franciscus Josephus

TITULI SS. IOANNIS ET PAULI
S.R.E. PRESBYTER CARDINALIS SPELLMAN

DEI ET SEDIS APOSTOLICÆ GRATIA

ARCHIEPISCOPUS NEO-EBORACENSIS
OMNIBUS HAS LITTERAS VISURIS
SALUTEM IN DOMINO

Cum dilecti filii Nostri Benziger Fratres, Sanctæ Sedis Apostolicæ et Sacræ Rituum Congregationis typographi, de consensu Nostro diligenter præparaverint et exornaverint præsentem editionem Missalis Romani, ex decreto sacrosancti Concilii Tridentini restituti, et Summorum Pontificum cura recogniti, et cum ex altera parte censoris Nostri testimonio certiores facti simus hanc editionem Missalis Romani plane concordare cum Missali Romano Domus Editorialis Benziger quod Sacra Rituum Congregatio approbavit necnon uti iuxta typicam declaravit die 21 octobris 1961, Nos, ad normam canonis 1390 Codicis Iuris canonici, hanc primam editionem iuxta typicam libenter approbamus et evulgandi licentiam impertimur.

In quorum fidem has Nostras litteras manu Nostra signatas atque maiori Nostro sigillo munitas expediri iussimus. Novi Eboraci. Festo S. Leonis Magni, 1962.

✠ Franciscus Cardinalis Spellman
Archiepiscopus Neo-Eboracensis

L ✠ S.

ticulo constituti, absolvi nequeant; in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Cameræ prædictæ applicandorum, pœnas absque alia declaratione irremissibiliter incurrant eo ipso. Et nihilominus eorundem Missalium per eos de cetero absque huiusmodi licentia imprimendorum aut vendendorum usum ubique locorum et gentium sub eisdem pœnis perpetuo interdiciamus et prohibemus. Ipsi autem Inquisitores, seu Ordinarii locorum, antequam huiusmodi licentiam concedant, Missalia ab ipsis typographis imprimenda, et postquam impressa fuerint, cum hoc Missali auctoritate Nostra recognito et nunc impresso, diligentissime conferant, nec in illis aliquid addi vel detrahi permittant, nec in præmissis, prætextu incuriæ typographorum, aut non factæ per correctores vel alios ab ipsis forsitan deputandos diligentiae, se aliquo modo excusare, quodque in infrascriptas pœnas non incurrerint, allegare valeant, et in ipsa licentia originali de collatione facta, et quod omnino concordent, manu propria attestentur: cuius licentiæ copia initio, vel in calce cuiusque Missalis semper imprimatur. Quod si secus fecerint, Inquisitores videlicet privationis suorum officiorum, ac inhabilitatis ad illa et alia in posterum obtinenda; Antistites autem et Ordinarii locorum suspensionis a divinis, ac interdicti ab ingressu Ecclesiæ; eorum vero Vicarii, privationis similiter officiorum et beneficiorum suorum, et inhabilitatis ad illa et alia in posterum obtinenda, ac præterea excommunicationis absque alia declaratione, ut præferatur, pœnas incurrant eo ipso. Ceterum pauperum ec-

clesiarum, clericorum, et personarum ecclesiasticarum, ac typographorum et bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus (iis dumtaxat exceptis quæ auctoritate Nostra, ut supra dictum est, interdicta et abrogata fuerunt), ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis, et privilegiis quibuscumque typographis hactenus per Nos seu Romanos Pontifices prædecessores Nostros, Missale prædictum Pii V imprimendi concessis, quæ per præsentem expresse revocamus, et revocata esse volumus: necnon constitutionibus et ordinationibus Apostolicis, generalibus vel specialibus, in contrarium præmissorum quomodocumque concessis, confirmatis et approbatis. Quibus omnibus, etiamsi de illis eorumque totis tenoribus, specialis, specifica et expressa mentio habenda esset, tenores huiusmodi præsentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem, ut præsentium transumptis, etiam impressis vel manu alicuius Notarii publici subscriptis, et sigillo alicuius personæ in dignitate ecclesiastica constitutæ munitis, eadem prorsus fides habeatur, quæ ipsis præsentibus haberetur, si essent exhibitæ vel ostensæ.

Datum Romæ apud sanctum Marcum sub anulo Piscatoris, die vii Iulii MDCIV, Pontificatus Nostri anno xiii.

M. VESTRIUS BARBLIANUS.

URBANUS PAPA VIII

AD PERPETUAM REI MEMORIAM

Si quid est in rebus humanis plane divinum, quod Nobis superni cives (si in eos invidia caderet) invidere possent, id certe est sacrosanctum Missæ Sacrificium, cuius beneficio fit, ut homines quadam anticipatione possideant in terris cælum, dum ante oculos habent et manibus contrectant ipsum cæli terræque Conditorem. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae osiores, qui sunt æmuli venerationis. Hinc factum est, ut huius sacri mysterii celebrandi rationem, ac preces, quas Summi Pontifices prædecessores Nostri Pius V et Clemens VIII diligentissime recognosci atque instaurari curaverunt; Nos quoque eorum vestigiis inhærentes, iterum examinari, et si quid forte in iis assiduus (quod plerumque contingit) temporis cursus corruperit, restitui iusserimus. Quamobrem, sicuti nuper ad divini Officii nitorem reformari Breviarium, ita demum huius exemplo ad divini Sacrificii ornamentum corrigi Missale mandavimus. Et quoniam hasce quasi alas, quas Sacerdos instar Cherubim prisci mystici Tabernaculi cotidie pandit ad verum mundi Propitiatorium, decet esse plane geminas, atque uniformes, huius rei curam commisimus viris eruditis ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu ritumque veteri degeneraverant, in pristinum restitutæ; quæ vero non ita captui legen-

tium accommodatæ videbantur, clarius explicatæ: præterea collata omnia cum codice sacræ Scripturæ Vulgatæ editionis, quæque diversa irreperant, ad eius unius exemplum normamque correctæ sunt. Verumtamen parum prodesse consuevit solertia correctorum, nisi ad eam par typographorum accedat industria; propterea dilecto filio Andreæ Brugiotto Typographiæ Nostræ Apostolicæ Præfecto mandavimus, ut Missale ita expurgatum in lucem emittat: sed, quæ in posterum extra Urbem imprimi contingerit, ea non aliter quam ad exemplar in dicta Typographia nunc editum imprimi posse permittimus, requisita tamen prius, et in scriptis obtenta, dilectorum filiorum Inquisitorum hæreticæ pravitatis, in iis locis in quibus fuerint, ubi vero non fuerint, Ordinariorum locorum facultate; alioquin, si absque ea dictum Missale ipsi posthac imprimere, aut bibliopolæ vendere præsumpserint, typographi et bibliopolæ extra Statum Nostrum Ecclesiasticum existentes, excommunicationis latæ sententiæ, a qua, nisi a Romano Pontifice, præterquam in mortis articulo constituti, absolvi nequeant; in alma vero Urbe et reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Cameræ prædictæ applicandorum, pœnas absque alia declaratione irremissibiliter incurrant eo ipso: et nihilominus eorundem Missalium per eos de cetero absque huiusmodi licentia imprimendorum, aut vendendorum usum,

ubique locorum et gentium, sub eisdem pœnis interdiciamus et prohibemus. Ipsi autem Inquisitores, seu Ordinarii locorum, antequam huiusmodi licentiam et facultatem concedant, Missalia ab ipsis typographis imprimenda, et postquam impressa fuerint, cum hoc Missali auctoritate Nostra recognito diligentissime conferant, nec in illis aliquid addi, vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cuius licentiæ copia initio, vel in fine cuiusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa, et alia in posterum obtinenda; Ordinarii autem locorum suspensionis a divinis, ac interdicti ab ingressu Ecclesiæ, eorum vero Vicarii privationis similiter officiorum, et beneficiorum suorum, et inhabilitatis ad illa, et alia in posterum obtinenda, ac insuper excommunicationis absque alia declaratione pœnas incurrant eo ipso. Ceterum pauperum ecclesiarum, clericorum, et personarum ecclesiasticarum, ac typographorum, et bibliopolarum quorumcumque indemnitas ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere

respective possint, similiter permittimus et indulgemus. Non obstantibus licentiis, indultis et privilegiis quibuscumque typographis, per Nos seu Romanos Pontifices prædecessores Nostros, Missale imprimendi concessis, quæ per præsentis expresse revocamus et revocata esse volumus, nec non constitutionibus et ordinationibus Apostolicis, generalibus, vel specialibus, in contrarium præmissorum quomodocumque concessis, approbatis et confirmatis. Quibus omnibus, etiamsi de illis, eorumque totis tenoribus specialis, specifica et expressa mentio habenda esset; tenores huiusmodi præsentibus pro expressis habentes, hac vice dumtaxat specialiter, et expresse derogamus. Volumus autem, ut præsentium transumptis, etiam impressis, manu alicuius Notarii publici subscriptis, et sigillo alicuius personæ in dignitate ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ apud sanctam Mariam Maiorem sub anulo Piscatoris, die secunda Septembris MDCXXXIV, Pontificatus Nostri anno duodecimo.

M. A. MARALDUS.

I. SAVENIER.

LITTERÆ APOSTOLICÆ MOTU PROPRIO DATÆ

IOANNES PP. XXIII

NOVUM RUBRICARUM BREVIARII ET MISSALIS
ROMANI CORPUS APPROBATUR.

Rubricarum instructum, quo publicus Ecclesiæ cultus ordinatur ac regitur, Apostolica Sedes, inde præsertim a Concilio Tridentino, continenter studuit et pressius definire et perfectius ordinare. Pluribus itaque emendationibus, variationibus et additamentis decursu temporis introductis, totum rubricarum systema abunde succrevit, non semper vero systematico ordine servato, et non sine primitivæ perspicuitatis ac simplicitatis detrimento.

Nil proinde mirum quod Decessor Noster, Pius Papa XII, fel. rec., plurium Episcoporum precibus annuens, rubricas Breviarii ac Missalis Romani in quibusdam ad simpliciorum formam esse redigendas censuerit, quod generali Decreto S. Rituum Congregationis diei 23 Martii anni 1955 fuit peractum.

Anno vero sequenti 1956, cum interim studia præparatoria pro generali liturgica instauratione maturescerent, idem Decessor Noster Episcoporum mentem explorandam decrevit, circa Breviarii Romani liturgicam emendationem. Episcoporum autem responsionibus mature perpensis, quæstionem de generali ac systematica rubricarum Breviarii ac Missalis emendatione aggrediendam esse censuit, eamque peculiari illi commisit virorum peritorum Commissioni, cui generalis instaurationis liturgicæ studia demandata fuerant.

Nos autem, postquam, adspirante Deo, Concilium Œcumenicum coadunandum esse decrevimus, quid circa huiusmodi Prædecessoris Nostri inceptum agendum foret, haud semel recogitavimus. Re itaque diu ac mature examinata, in sententiam devenimus, altiora principia, generalem liturgicam instaurationem respicientia, in proximo Concilio Œcumenico Patribus esse proponenda; memoratam vero rubricarum Breviarii ac Missalis emendationem diutius non esse protrahendam.

Harum itaque rubricarum Breviarii ac Missalis Romani corpus, a peritis viris S. Rituum Congregationis præparatum et a præfata Pontificia Commissione pro generali liturgica instauratione diligenter revisum, Nos ipsi, *motu proprio* et certa scientia, Apostolica Nostra Auctoritate, probandum censuimus, sequentia decernentes:

1) Novum rubricarum Breviarii ac Missalis Romani codicem, per tres partes digestum, scilicet: *Rubricae generales, Rubricae generales Breviarii Romani, et Rubricae generales, Missalis Romani*, a Sacra Nostra Rituum Congregatione mox evulgandum, inde a die 1 Ianuarii proximi anni 1961, ab omnibus qui ritum romanum sequuntur, servandum esse præcipimus. Qui vero alium ritum latinum observant, quamprimum sive novo rubricarum codici, sive Calendario se conformare tenentur, in iis omnibus, quæ illi ritui stricte propria non sunt.

2) Eodem die 1 Ianuarii anni 1961 vigere cessant *Rubricae generales* Breviarii et Missalis Romani, necnon *Additiones et Variationes* in rubricis Breviarii et Missalis Romani, ad normam Bullæ Prædecessoris Nostri S. Pii X *Divino afflatu*, quæ hucusque his libris præpositæ habentur. Pariter vigere cessat Decretum generale S. R. C. diei 23 Martii anni 1955 *De rubricis ad simpliciorum formam redigendis*, in hac nova rubricarum redactione assumptum. Abrogantur denique eiusdem S. Congregationis decreta et ad dubia responsiones, quæ cum nova hac rubricarum forma non conveniunt.

3) Item statuta, privilegia, indulta et consuetudines cuiuscumque generis, etiam sæcularia et immemorabilia, immo specialissima atque individua mentione digna, quæ his rubricis obstant, revocantur.

4) Librorum liturgicorum editores, rite a S. Sede approbati et admissi, novas parare possunt editiones Breviarii et Missalis Romani, iuxta novum rubricarum codicem dispositas; ad necessariam vero novarum editionum uniformitatem præcavendam, S. Rituum Congregatio peculiare tradat instructiones.

5) In novis Breviarii vel Missalis Romani editionibus, omissis rubricarum textibus de quibus n. 2, novarum rubricarum textus præponantur, Breviario quidem *Rubricae generales et Rubricae generales Breviarii Romani*; Missali autem item *Rubricae generales et Rubricae generales Missalis Romani*.

6) Omnes denique ad quos spectat quamprimum Calendaria et Propria, sive diocesana sive religiosa, ad normam et mentem novæ redactionis rubricarum et Calendarii conformari curent, a S. Rituum Congregatione approbanda.

His itaque firmiter statutis, muneri Nostro Apostolico consentaneum ducimus, nonnulla addere hortamenta.

Nova sane hac rubricarum dispositione, dum ex una parte universus rubricarum Breviarii et Missalis Romani instructus in meliorem formam est redactus, clariore ordine digestus et in unicum textum contractus, ex altera parte aliquæ quoque introductæ sunt peculiare modificationes, quibus Officium divinum paulisper contrahitur. Hoc siquidem quamplurimum Episcoporum erat in votis, intuitu præsertim multorum sacerdotum, qui in dies magis magisque pastoralibus sollicitudinibus onerantur. Hos autem et omnes qui Officio divino persolvendo tenentur, paterno hortamur animo, ut si quid in eodem divino Officio breviatur, hoc maiore diligentia ac devotione compensetur. Cum porro lectio quoque sanctorum Patrum aliquantisper quandoque minuatur, omnes enixe clericos hortamur, ut volumina Patrum, tanta sapientia ac pietate referta, assidue præ manibus legenda ac meditanda teneant.

Quæ autem per Nostras has Litteras, motu proprio datas, decrevimus ac statuimus, rata atque firma sunt, contrariis quibuslibet minime obstantibus, peculiarissima quoque et individua mentione dignis.

Datum Romæ, apud S. Petrum, die 25 mensis Iulii, anno 1960, Pontificatus Nostri secundo.

IOANNES PP. XXIII

DECRETUM GENERALE

QUO NOVUS RUBRICARUM BREVIARII AC MISSALIS
ROMANI CODEX PROMULGATUR

Novum rubricarum Breviarii ac Missalis romani codicem, quem Ss̃mus Dominus Noster Ioannes Papa XXIII, per Litteras Apostolicas *Rubricarum instructum*, die 25 iulii huius anni *motu proprio* datas approbavit et huic S. Congregationi promulgandum mandavit, S. Rituum Congregatio, per hoc Decretum generale, et promulgat et promulgatum esse declarat, in novas Breviarii et Missalis romani editiones inserendum, et ab omnibus ad quos spectat, inde a die I ianuarii proximi anni 1961, servandum.

Ut autem libri liturgici qui in usu habentur adhuc adhiberi possint, rubricarum codici adduntur «Variationes» Breviariis et Missalibus necnon Martyrologio aptandis.

Ex ædibus S. Rituum Congregationis, die 26 iulii anni 1960.

✠ CAIETANUS CARD. CICOGNANI, Ep. Tusculanus, *Præfectus*

L. ✠ S.

Henricus Dante, *a secretis*

RUBRICÆ BREVIARII ET MISSALIS ROMANI

PARS PRIMA

RUBRICÆ GENERALES

CAPUT I

NORMÆ GENERALES

1. Rubricæ quæ sequuntur ritum romanum respiciunt.

2. Nomine calendarii veniunt tum calendarium in usum Ecclesiæ universæ, tum calendaria particularia.

3. Rubricæ generales quæ sequuntur, valent tam pro Breviario quam pro Missali. Ipsi tamen exceptiones dantur per particulares rubricas, quæ aliquando in Breviario et in Missali ad normam harum rubricarum redactis occurrunt.

CAPUT II

DE DIE LITURGICO IN GENERE

4. Dies liturgicus est dies sanctificatus actionibus liturgicis, præsertim Sacrificio eucharistico et publica Ecclesiæ prece, id est Officio divino; et decurrit a media nocte ad mediam noctem.

5. Celebratio diei liturgici decurrit per se a Matutino ad Completorium. Sunt tamen dies solemniore, quorum Officium inchoatur a I Vesperis, die præcedenti.

Habetur denique celebratio liturgica non plena seu sola **commemoratio** in Officio et Missa diei liturgici currentis.

6. Singulis diebus fit aut de dominica, aut de feria, aut de vigilia, aut de festo, aut de octava, iuxta calendarium et præcedentiam dierum liturgicorum.

7. Præcedentia inter singulos dies liturgicos unice per peculiarem tabellam (n. 91) determinatur.

8. Dies liturgici sunt primæ, secundæ, tertiæ aut quartæ classis.

CAPUT III

DE DOMINICIS

9. Nomine dominicæ intellegitur dies Domini initio cuiusque hebdomadæ occurrens.

10. Dominicæ sunt I aut II classis.

11. **Dominicæ I classis** sunt:

- a) I-IV Adventus;
- b) I-IV Quadragesimæ;
- c) I-II Passionis;
- d) dominica Resurrectionis seu Paschatis;
- e) dominica in albis;
- f) dominica Pentecostes.

Dominicæ Paschatis et Pentecostes sunt pariter festa I classis cum octava.

12. Omnes aliæ dominicæ sunt **II classis**.

13. Officium dominicæ incipit a I Vesperis, sabbato præcedenti, et explicit post Completorium dominicæ.

14. Dominica celebratur suo die, iuxta rubricas. Officium et Missa dominicæ impeditæ nec anticipantur nec resumuntur.

15. **Dominica I classis**, in occurrentia, festis quibuslibet præfertur.

Festum tamen Immaculatæ Conceptionis B. Mariæ Virg. præfertur occurrenti dominicæ Adventus.

Ad concurrentiam vero quod attinet, servetur norma, quæ nn. 104-105 traditur.

16. **Dominica II classis**, in occurrentia, festis II classis præfertur.

Attamen:

a) festum Domini I aut II classis, in dominica II classis occurrens, locum tenet ipsius dominicæ cum omnibus iuribus et privilegiis: de dominica, proinde, nulla fit commemoratio;

b) dominica II classis præfertur Commemorationi omnium Fidelium defunctorum.

Ad concurrentiam vero quod attinet, servetur norma, quæ nn. 104-105 traditur.

17. Dominica excludit, per se, assignationem perpetuam festorum.

Excipiuntur:

a) festum Ss̃mi Nominis Iesu, celebrandum dominica quæ occurrit a die 2 ad 5 ianuarii (secus die 2 ianuarii);

b) festum S. Familiæ Iesu, Mariæ, Ioseph, celebrandum dominica prima post Epiphaniam;

c) festum Ss̃mæ Trinitatis, celebrandum dominica prima post Pentecosten;

d) festum D. N. Iesu Christi Regis, celebrandum dominica ultima mensis octobris;

e) festa Domini I classis quæ, in calendariis particularibus, dominicæ II classis nunc assignantur.

Hæc festa locum tenent dominicæ occurrentis cum omnibus iuribus et privilegiis: de dominica, proinde, nulla fit commemoratio.

18. Dominicæ post Epiphaniam quæ, superveniente Septuagesima, impediuntur, transferuntur post dominicam XXIII post Pentecosten, hoc ordine:

a) si dominicæ post Pentecosten fuerint 25, dominica XXIV erit quæ inscribitur dominica VI post Epiphaniam;

b) si dominicæ fuerint 26, dominica XXIV erit quæ inscribitur V post Epiphaniam; et XXV, quæ inscribitur VI;

c) si dominicæ fuerint 27, dominica XXIV erit quæ inscribitur IV post Epiphaniam; XXV, quæ inscribitur V; et XXVI, quæ inscribitur VI;

d) si dominicæ fuerint 28, dominica XXIV erit quæ inscribitur III post Epiphaniam; XXV, quæ in-

scribitur IV; XXVI, quæ inscribitur V; et XXVII, quæ inscribitur VI.

Ultimo tamen loco semper ponitur ea quæ in ordine est XXIV post Pentecosten, omissis, si opus sit, ceteris, quæ aliquando locum habere non possunt.

19. Dominica prima mensis ea intellegitur, quæ prima occurrit in mense, scilicet a die primo ad septimum mensis; dominica autem ultima, quæ diem primum mensis sequentis proxime præcedit.

Item ad computandam primam dominicam mensium augusti, septembris, octobris et novembris, ratione lectionum Scripturæ occurrentis, ea dicitur prima dominica mensis, quæ cadit a die primo ad septimum mensis.

20. Dominica I Adventus ea est, quæ cadit die 30 novembris vel est ipsi proximior.

CAPUT IV

DE FERIIS

21. Nomine feriæ intelleguntur singuli dies hebdomadæ, præter dominicam.

22. Feriæ sunt primæ, secundæ, tertiæ aut quartæ classis.

23. **Feriæ I classis** sunt:

- a) feria IV cinerum;
- b) omnes feriæ Hebdomadæ sanctæ.

Hæ feriæ festis quibuslibet præferuntur, et nullam admittunt commemorationem, nisi unam privilegiatam.

24. **Feriæ II classis** sunt:

- a) feriæ Adventus a die 17 ad diem 23 decembris;
- b) feriæ Quatuor Temporum Adventus, Quadragesimæ et mensis septembris.

Hæ feriæ præferuntur festis particularibus II classis; si vero impediuntur, commemorari debent.

25. **Feriæ III classis** sunt:

- a) feriæ Quadragesimæ et Passionis, a feria V post cineres usque ad sabbatum ante dominicam II Passionis inclusive, superius non nominatæ, quæ præferuntur festis III classis;
- b) feriæ Adventus usque ad diem 16 decembris inclusive, superius non nominatæ, quæ cedunt festis III classis.

Hæ feriæ, si impediuntur, commemorari debent.

26. Omnes feriæ, numeris 23-25 non nominatæ, sunt **feriæ IV classis**; quæ numquam commemorantur.

27. Officium feriæ incipit a Matutino et explicit per se post Completorium; Officium vero sabbati, excepto Officio Sabbati sancti, explicit post Nonam.

CAPUT V

DE VIGILIIS

28. Nomine vigiliæ intellegitur dies liturgicus, qui aliquod festum præcedit, et rationem habet præparationis ad illud.

Vigilia Paschatis vero, cum non sit dies liturgicus, modo sibi proprio, seu pervigilio, celebratur.

29. Vigiliæ sunt primæ, secundæ aut tertiæ classis.

30. **Vigiliæ I classis** sunt:

- a) vigilia Nativitatis Domini quæ, in occurrentia, locum tenet dominicæ IV Adventus, de qua, proinde, nulla fit commemoratio;
- b) vigilia Pentecostes.

Hæ vigiliæ festis quibuslibet præferuntur, et nullam admittunt commemorationem.

31. **Vigiliæ II classis** sunt:

- a) vigilia Ascensionis Domini;
- b) vigilia Assumptionis B. Mariæ Virg.;
- c) vigilia Nativitatis S. Ioannis Baptistæ;
- d) vigilia Ss. Petri et Pauli Apostolorum.

Hæ vigiliæ præferuntur diebus liturgicis III et IV classis; et, si impediuntur, commemorantur, iuxta rubricas.

32. **Vigilia III classis** est vigilia S. Laurentii.

Hæc vigilia præfertur diebus liturgicis IV classis; et, si impeditur, commemoratur, iuxta rubricas.

33. Vigilia II aut III classis penitus omittitur, si occurrat in dominica quavis, aut in festo I classis, vel si festum cui præmittitur in alium diem transferri aut ad commemorationem reduci contingat.

34. Officium vigiliæ incipit a Matutino et explicit quando initium habet Officium festi subsequentis.

CAPUT VI

DE FESTIS ET CALENDARIO

A) De natura et proprietate festorum

35. Nomine festi intellegitur dies liturgicus in quo cultus publicus Ecclesiæ peculiari modo ad mysteria Domini recolenda, vel ad B. Mariam Virg., aut Angelos, aut Sanctos vel Beatos venerandos dirigitur.

36. Festa sunt primæ, secundæ aut tertiæ classis.

37. Ratio celebrationis festorum hæc est:

a) festa I classis inter dies solemniores adnumerantur, quorum Officium incipit a I Vesperis, die præcedenti;

b) festa II et III classis Officium habent quod per se decurrit a Matutino ad Completorium ipsius diei;

c) festa vero Domini II classis I Vesperas acquirunt, quoties, in occurrentia, locum tenent dominicæ II classis.

38. **Festa sunt universalis** aut **particularia**; particularia autem sunt **propria** aut **indulta**.

39. Festa **universalis** ea sunt quæ a Sancta Sede in calendario Ecclesiæ universæ inscribuntur.

Hæc festa ab omnibus, qui ritum romanum sequuntur, celebrari debent, iuxta rubricas.

40. Festa **particularia** ea sunt quæ ex iure aut ex indulto Sanctæ Sedis in calendariis particularibus inscribuntur.

Hæc festa ab omnibus, qui illo calendario tenentur, celebrari debent, iuxta rubricas, et nonnisi ex speciali Sanctæ Sedis indulto e calendario expungi vel gradu mutari possunt.

41. Festa particularia, **ipso iure** in calendario inscribenda, sunt festa propria:

- a) cuiusque nationis et regionis seu provinciæ sive ecclesiasticæ sive civilis (n. 42);
- b) cuiusque diocesis seu territorii ecclesiastici cui præficitur «Ordinarius loci» (n. 43);
- c) cuiusque loci seu oppidi vel civitatis (n. 44);
- d) cuiusque ecclesiæ aut oratorii publici vel semipublici, quod locum tenet ecclesiæ (n. 45);
- e) cuiusque Ordinis seu Congregationis (n. 46).

42. **Festa propria cuiusque nationis et regionis seu provinciæ sive ecclesiasticæ sive civilis** sunt:

- a) festum Patroni principalis rite constituti (I classis);
- b) festum Patroni secundarii rite constituti (II classis).

43. **Festa propria cuiusque diœcesis seu territorii ecclesiastici cui præficitur «Ordinarius loci» sunt:**

- a) festum Patroni principalis rite constituti (I classis);
- b) anniversarium Dedicationis ecclesiæ cathedralis (I classis);
- c) festum Patroni secundarii rite constituti (II classis);
- d) festa Sanctorum et Beatorum, qui in Martyrologio vel eius Appendice rite sunt inscripti, qui ad diœcesim peculiare habent relationes, ut sunt originis, commorationis longioris, obitus (II vel III classis, aut commemoratio).

44. **Festa propria cuiusque loci seu oppidi vel civitatis sunt:**

- a) festum Patroni principalis rite constituti (I classis);
- b) festum Patroni secundarii rite constituti (II classis).

45. **Festa propria cuiusque ecclesiæ aut oratorii publici vel semipublici, quod locum tenet ecclesiæ, sunt:**

- a) anniversarium Dedicationis, si sint consecrata (I classis);
- b) festum Tituli, si sint consecrata aut saltem solemniter benedicta (I classis);
- c) festum Sancti, in Martyrologio vel eius Appendice rite descripti, cuius corpus ibi asservatur (II classis);
- d) festum Beati, item in Martyrologio vel eius Appendice rite descripti, cuius corpus ibi asservatur (III classis).

46. **Festa propria cuiusque Ordinis seu Congregationis sunt:**

- a) festum Tituli (I classis);
- b) festum Fundatoris canonizati (I classis) vel beatificati (II cl.);
- c) festum Patroni principalis rite constituti totius Ordinis seu Congregationis, in universo Ordine vel Congregatione; aut Patroni principalis item rite constituti cuiusque provinciæ religiosæ, in singulis provinciis (I classis);
- d) festum Patroni secundarii, ut supra (II classis);
- e) festa Sanctorum et Beatorum, qui illius Ordinis vel Congregationis sodales fuerunt (II vel III classis, aut commemoratio).

47. Festa particularia **indulta** sunt festa quæ, ex indulto Sanctæ Sedis, in calendariis particularibus inscribuntur.

B) De calendario et festis in eo inscribendis

48. Calendarium est **universale** aut **particulare** seu proprium.

49. **Calendarium universale** est calendarium in usum Ecclesiæ universæ, quod Breviario ac Missali romano præficitur.

50. **Calendarium particulare** seu proprium est diœcesanum aut religiosum; et conficitur inserendo calendario universali festa particularia.

Huiusmodi autem calendarium particulare perpetuum conficiendum est respective ab Ordinario loci aut a supremo Religionis Moderatore de consilio sui Capituli vel Consilii generalis, et approbari debet a S. Rituum Congregatione.

51. **Calendarium diœcesanum** habet quælibet diœcesis et quodlibet aliud territorium ecclesiasticum cui præficitur «Ordinarius loci».

52. In calendario **diœcesano**, præter festa universalis, inscribi debent:

a) festa propria (n. 42) et indulta universæ nationi et regioni seu provinciæ sive ecclesiasticæ sive civili;

b) festa propria (n. 43) et indulta universæ diœcesi.

53. Super huiusmodi calendario **diœcesano** conficitur:

a) calendarium cuiusque loci, addendo festa propria (n. 44) et indulta;

b) calendarium cuiusque ecclesiæ aut oratorii, item addendo festa loci propria (n. 44) et indulta, atque festa ipsi ecclesiæ propria (n. 45) et indulta;

c) calendarium Congregationum religiosarum seu Institutum iuris pontificii, quæ ad recitationem divini Officii non obligantur; et Congregationum iuris diœcesani, addendo festa loci propria (n. 44) et indulta; necnon et alia ipsis propria (nn. 45 et 46) et indulta.

54. **Calendarium religiosum** habent:

a) Ordines regulares, et Moniales ac Sorores eiusdem Ordinis, necnon Tertiarii eidem aggregati in communi viventes et vota simplicia emittentes;

b) Congregationes religiosæ seu Instituta utriusque sexus, iuris pontificii, et sub regimine unius præsidis generalis constituta, si ad recitationem divini Officii, ex quovis capite, tenentur.

55. In calendario **religioso**, præter festa universalis, inscribi debent festa propria (n. 46) et indulta ipsi Ordini seu Congregationi.

56. Super huiusmodi calendario **religioso** conficitur:

a) calendarium cuiusque provinciæ religiosæ, addendo festa propria (n. 46) et indulta;

b) calendarium cuiusque ecclesiæ aut oratorii, item addendo festa propria (n. 45) et indulta, necnon et alia de quibus numero sequenti: quod calendarium vocatur etiam domus religiosæ.

57. In singulis diœcesibus et locis, Religiosi, ii etiam qui alium ritum ac romanum sequuntur, celebrare tenentur, una cum clero diœcesano:

a) festum Patroni principalis nationis, regionis seu provinciæ sive ecclesiasticæ sive civilis, diœcesis, loci seu oppidi vel civitatis (I classis);

b) anniversarium Dedicationis ecclesiæ cathedralis (I classis);

c) alia festa actu feriata, si quæ sint, eodem gradu quo in calendario diœcesano inscribuntur.

58. Religiosi, in celebrandis festis Sanctorum Ordinis seu Congregationis, quoad diem et Officium magis proprium, clero diœcesano se conformare tenentur, sicubi iidem Sancti tamquam Patroni principales (n. 57 a) recoluntur.

Item, si festa Sanctorum aut Beatorum alicuius Ordinis seu Congregationis gradu superiore aut Officio magis proprio a clero alicuius diœcesis vel loci celebrantur, ibidem etiam a Religiosis eiusdem Ordinis seu Congregationis eodem gradu superiore aut Officio magis proprio celebrari possunt, dummodo eadem festa, in utroque calendario, eodem die inscripta sint.

C) De festorum die proprio

59. Festa in calendaria iam inducta eo die celebrantur, quo nunc in calendariis inscripta inveniuntur.

60. Pro novis festis **universalibus** inducendis, hæc servantur:

a) festa Sanctorum ordinarie diei natalicio assignentur, diei nempe quo Sanctus æternæ vitæ natus est; hoc die ex qualibet causa impedito, eadem

festā assignentur diei a S. Sede determinando, qui proinde habebitur tamquam dies quasi-natalicius;

b) pro ceteris festis, dies a S. Sede assignabitur.

61. Pro novis festis **particularibus** inducendis, hæc servantur:

a) festa propria Sanctorum vel Beatorum, ordinarie, diei natalicio assignentur, nisi sit impeditus aut aliter a S. Sede dispositum sit. Festa tamen alicuius loci vel ecclesiæ propria, quæ etiam in calendario universali vel diocæsano vel religioso gradu quidem inferiore inscribuntur, eodem die celebranda sunt ac in calendario universali vel diocæsano vel religioso;

b) si dies natalicius ignoretur, festa assignentur, cum approbatione S. Sedis, diei qui, in calendario perpetuo diocæsano vel religioso, sit IV classis;

c) si vero dies natalicius perpetuo impediatur pro universa diocæsi vel Religione vel ecclesia propria, festa in tali calendario particulari, si sint I vel II classis, assignentur proximiori diei sequenti qui non sit I vel II classis; si sint III classis, assignentur proximiori diei, qui ab aliis festis et Officiis paris aut superioris gradus liber existat;

d) festa particularia indulta inscribantur in calendario die a S. Sede in concessione assignato.

62. Sancti vel Beati qui in calendario, ex quavis ratione, unico festo inscribuntur, semper simul celebrantur prout in Breviario habetur, quoties eodem gradu sunt colendi, etsi unus aut aliqui eorum sint magis proprii.

Proinde:

a) si unus aut aliqui ex his Sanctis festo I classis essent colendi, fit Officium de his tantum, omissis sociis;

b) si unus aut aliqui ex his Sanctis vel Beatis essent magis proprii et gradu superiore essent colendi, fit integrum Officium de magis propriis, cum commemoratione sociorum.

CAPUT VII

DE OCTAVIS

A) De octavis in genere

63. Octava est celebratio summorum festorum per octo dies continuos protracta.

64. Celebrantur tantum octavæ Nativitatis Domini, Paschatis et Pentecostes, exclusis omnibus aliis, sive in calendario universali sive in calendariis particularibus.

65. Octavæ sunt I aut II classis.

B) De octavis I classis

66. Octavæ I classis sunt octavæ Paschatis et Pentecostes. Die infra has octavas sunt I classis.

C) De octava II classis

67. Octava II classis est octava Nativitatis Domini. Dies infra octavam sunt II classis; dies autem octavus est I classis.

68. Octava Nativitatis Domini modo peculiari ordinatur, scilicet:

a) die 26 decembris, fit festum S. Stephani Protomart. (II classis);

b) die 27 decembris, fit festum S. Ioannis Ap. et Evang. (II classis);

c) die 28 decembris, fit festum Ss. Innocentium Mart. (II classis);

d) die 29 decembris, fit commemoratio S. Thomæ Episcopi et Mart.;

e) die 31 decembris, fit commemoratio S. Silvestri I Papæ et Conf.;

f) ex festis particularibus ea tantum admittuntur quæ sunt I classis et in honorem Sanctorum qui in calendario universali his diebus inscribuntur, etsi tantum ad modum commemorationis; cetera transferuntur post octavam.

69. De dominica infra octavam Nativitatis Domini, quæ scilicet a die 26 ad 31 decembris occurrit, semper fit Officium cum commemoratione festi forte occurrentis, iuxta rubricas, nisi dominica incidat in festum I classis: quo in casu, fit de festo cum commemoratione dominicæ.

70. Normæ peculiare pro ordinandis Officio et Missa infra octavam Nativitatis Domini inveniuntur in rubricis Breviarii et Missalis.

CAPUT VIII

DE ANNI TEMPORIBUS

A) De tempore Adventus

71. Tempus sacri Adventus decurrit a I Vesperis dominicæ I Adventus usque ad Nonam inclusive vigiliæ Nativitatis Domini.

B) De tempore natalicio

72. Tempus natalicium decurrit a I Vesperis Nativitatis Domini usque ad diem 13 ianuarii inclusive.

Huiusmodi autem temporis spatium comprehendit:

a) **tempus Nativitatis**, quod decurrit a I Vesperis Nativitatis Domini usque ad Nonam inclusive diei 5 ianuarii;

b) **tempus Epiphaniæ**, quod decurrit a I Vesperis Epiphaniæ Domini usque ad diem 13 ianuarii inclusive.

C) De tempore Septuagesimæ

73. Tempus Septuagesimæ decurrit a I Vesperis dominicæ in Septuagesima usque post Completorium feriæ III hebdomadæ Quinquagesimæ.

D) De tempore quadragesimali

74. Tempus quadragesimale decurrit a Matutino feriæ IV cinerum usque ad Missam Vigiliæ paschalis exclusive.

Huiusmodi autem temporis spatium comprehendit:

a) **tempus Quadragesimæ**, quod decurrit a Matutino feriæ IV cinerum usque ad Nonam inclusive sabbati ante dominicam I Passionis;

b) **tempus Passionis**, quod decurrit a I Vesperis dominicæ I Passionis usque ad Missam Vigiliæ paschalis exclusive.

75. Hebdomada a dominica II Passionis seu in palmis usque ad Sabbatum sanctum inclusive dicitur **Hebdomada sancta**; tres autem ultimi dies eiusdem hebdomadæ nomine **Tridui sacri** designantur.

E) De tempore paschali

76. Tempus paschale decurrit ab initio Missæ Vi-

giliae paschalis usque ad Nonam inclusive sabbati in octava Pentecostes.

Huiusmodi autem temporis spatium comprehendit:

a) **tempus Paschatis**, quod decurrit ab initio Missae Vigiliae paschalis usque ad Nonam inclusive vigiliae Ascensionis Domini;

b) **tempus Ascensionis**, quod decurrit a I Vesperis Ascensionis Domini usque ad Nonam inclusive vigiliae Pentecostes;

c) **octavam Pentecostes**, quæ decurrit a Missa vigiliae Pentecostes usque ad Nonam inclusive sabbati sequentis.

F) De tempore «per annum»

77. Tempus «per annum» decurrit a die 14 ianuarii usque ad Nonam sabbati ante dominicam in Septuagesima, et a I Vesperis festi Ss̃mæ Trinitatis, id est dominicæ I post Pentecosten, usque ad Nonam inclusive sabbati ante dominicam I Adventus.

CAPUT IX

DE SANCTA MARIA IN SABBATO

78. In sabbatis, in quibus occurrit Officium de feria IV classis, fit de sancta Maria in sabbato.

79. Officium sanctæ Mariæ in sabbato incipit a Matutino et explicit post Nonam.

CAPUT X

DE LITANIIS MAIORIBUS ET MINORIBUS

A) De Litaniis maioribus

80. Litaniæ maiores assignatæ sunt diei 25 aprilis; si vero eo die occurrit dominica Paschatis vel feria II post Pascha, transferuntur in sequentem feriam III.

81. De Litaniis maioribus nihil fit in Officio, sed tantum in Missa. Earum autem commemoratio non est habenda commemoratio «de Tempore».

82. Iuxta ecclesiarum et locorum condiciones et consuetudines, cuius rei iudex est Ordinarius loci, hoc die fit processio, in qua dicuntur Litaniæ Sanctorum (quæ tamen non duplicantur) cum suis precibus.

83. Si autem processio fieri nequit, locorum Ordinarii instituant peculiare supplicationes, in quibus dicantur Litaniæ Sanctorum et aliæ preces in processione fieri solitæ.

84. Omnes qui ad recitationem divini Officii obligantur, processioni vero aut aliis peculiaribus supplicationibus, de quibus numero præcedenti, non intersunt, tenentur dicere, hoc die, Litanias Sanctorum cum suis precibus, lingua latina.

85. Si Litaniæ Sanctorum cum suis precibus, iuxta locorum consuetudinem, in processione vel aliis peculiaribus supplicationibus, lingua vernacula, una cum fidelibus dicuntur, ii qui ad recitationem divini Officii obligantur, et his supplicationibus rite intersunt, non tenentur has preces lingua latina iterare.

86. Missa de Rogationibus regulariter dicenda est expleta processione, iuxta ea quæ in nn. 346-347 statuuntur. Convenit autem ut Missa de Rogationibus dicatur etiam post peculiare supplicationes, quæ

locum tenent processionis, etsi horis vespertinis peragantur.

B) De Litaniis minoribus seu de Rogationibus

87. Litaniæ minores seu Rogationes, per se, assignantur feriis II, III et IV ante festum Ascensionis Domini.

Ordinariis autem locorum facultas tribuitur eas transferendi ad alios tres dies continuos magis opportunos iuxta regionum diversitatem aut consuetudinem aut necessitatem.

88. De Litaniis minoribus nihil fit in Officio, sed tantum in Missa quæ connectitur cum processione aut aliis peculiaribus supplicationibus.

89. Ad processionem aut alias peculiare supplicationes et Missam aut commemorationem quod attinet, servantur quæ supra de Litaniis maioribus statuta sunt (nn. 81-83 et 86).

90. Litaniæ Sanctorum cum suis precibus, his diebus, dicuntur tantum in processione aut aliis supplicationibus (cfr. n. 85). Proinde, qui ad recitationem divini Officii obligantur, processioni vero aut aliis peculiaribus supplicationibus non intersunt, non tenentur dicere, his diebus, Litanias Sanctorum cum suis precibus.

CAPUT XI

DE PRÆCEDENTIA DIERUM LITURGICORUM

91. Præcedentia dierum liturgicorum, sublatis quibuslibet aliis titulis vel normis, unice regitur ex sequenti

TABELLA DIERUM LITURGICORUM SECUNDUM ORDINEM PRÆCEDENTIÆ DISPOSITA

Dies liturgici I classis

1. Festum Nativitatis Domini, dominica Resurrectionis et dominica Pentecostes (I classis cum octava).
2. Triduum sacrum.
3. Festa Epiphaniæ et Ascensionis Domini, Ss̃mæ Trinitatis, Corporis Christi, Cordis Iesu et Christi Regis.
4. Festa Immaculatæ Conceptionis et Assumptionis B. Mariæ Virg.
5. Vigilia et dies octavus Nativitatis Domini.
6. Dominicæ Adventus, Quadragesimæ et Passionis, et dominica in albis.
7. Feriæ I classis superius non nominatæ, nempe: IV cinerum et II, III et IV Hebdomadæ sanctæ.
8. Commemoratio omnium Fidelium defunctorum, quæ tamen locum cedit dominicæ occurrenti.
9. Vigilia Pentecostes.
10. Dies infra octavas Paschatis et Pentecostes.
11. Festa I classis Ecclesiæ universæ superius non nominata.
12. Festa I classis **propria**, nempe:
 - 1) Festum Patroni principalis rite constituti:
 - a) nationis, b) regionis seu provinciæ sive ecclesiasticæ sive civilis, c) diocesis.

- 2) Anniversarium Dedicationis ecclesiae cathedralis.
- 3) Festum Patroni principalis rite constituti loci seu oppidi vel civitatis.
- 4) Festum et anniversarium Dedicationis ecclesiae propriae, aut oratorii publici vel semipublici, quod locum tenet ecclesiae.
- 5) Titulus ecclesiae propriae.
- 6) Festum Tituli Ordinis seu Congregationis.
- 7) Festum Fundatoris canonizati Ordinis seu Congregationis.
- 8) Festum Patroni principalis rite constituti Ordinis seu Congregationis, et provinciae religiosae.
13. Festa **indulta** I classis, primum mobilia, deinde fixa.

Dies liturgici II classis

14. Festa Domini II classis, primum mobilia, deinde fixa.
15. Dominicæ II classis.
16. Festa II classis Ecclesiae universae, quæ non sunt Domini.
17. Dies infra octavam Nativitatis Domini.
18. Feriæ II classis, nempe: Adventus a die 17 ad diem 23 decembris inclusive, et feriæ Quatuor Temporum Adventus, Quadragesimæ et mensis septembris.
19. Festa **propria** II classis, nempe:
 - 1) Festum Patroni secundarii rite constituti: a) nationis, b) regionis seu provinciae sive ecclesiasticæ sive civilis, c) diœcesis, d) loci seu oppidi vel civitatis.
 - 2) Festa Sanctorum aut Beatorum, de quibus n. 43 d.
 - 3) Festa Sanctorum alicui ecclesiae propria (n. 45 c).
 - 4) Festum Fundatoris beatificati Ordinis seu Congregationis (n. 46 b).
 - 5) Festum Patroni secundarii rite constituti Ordinis seu Congregationis, et provinciae religiosae (n. 46 d).
 - 6) Festa Sanctorum aut Beatorum, de quibus n. 46 e.
20. Festa **indulta** II classis, primum mobilia, deinde fixa.
21. Vigiliæ II classis.

Dies liturgici III classis

22. Feriæ Quadragesimæ et Passionis, a feria V post cineres usque ad sabbatum ante dominicam II Passionis inclusive, exceptis feriis Quatuor Temporum.
23. Festa III classis, in calendariis particularibus inscripta, et quidem primum festa **propria**, nempe:
 - 1) Festa Sanctorum aut Beatorum, de quibus n. 43 d.
 - 2) Festa Beatorum alicui ecclesiae propria (n. 45 d).
 - 3) Festa Sanctorum aut Beatorum, de quibus n. 46 e; deinde festa **indulta**, primum mobilia, deinde fixa.
24. Festa III classis, in calendario Ecclesiae universae inscripta, primum mobilia, deinde fixa.
25. Feriæ Adventus usque ad diem 16 decembris inclusive, exceptis feriis Quatuor Temporum.
26. Vigilia III classis.

Dies liturgici IV classis

27. Officium sanctæ Mariæ in sabbato.
28. Feriæ IV classis.

CAPUT XII

DE DIERUM LITURGICORUM OCCURRENTIA

92. **Occurrentia** dicitur occursus duorum vel plurium Officiorum uno eodemque die.

Occurrentia autem dicitur **accidentalis**, quando dies liturgicus mobilis et dies liturgicus fixus certis solummodo annorum intervallis simul occurrunt; **perpetua** vero quando duo dies liturgici quotannis simul occurrunt.

93. Effectus occurrentiæ est, ut Officium diei liturgici gradus inferioris Officio gradus superioris cedat: quod fieri potest per minus nobilis omissionem, aut commemorationem, aut translationem, aut repositionem, prout numeris sequentibus indicatur.

94. Commemoratio die fixo statuta non transfertur vel reponitur cum festo transferendo vel reponendo, sed fit suo die vel omittitur, iuxta rubricas.

CAPUT XIII

DE DIERUM LITURGICORUM OCCURRENTIA ACCIDENTALI EORUMQUE TRANSLATIONE

95. Ius translationis in alium diem ob occurrentiam accidentalem cum die liturgico, qui in tabella præcedentiæ superiorem obtinet locum, competit solummodo festis I classis. Alia festa, ab Officio gradus superioris accidentaliter impedita, aut commemorantur aut, eo anno, penitus omittuntur, iuxta rubricas.

Si vero duo festa eiusdem Divinæ Personæ aut duo festa eiusdem Sancti vel Beati simul occurrunt, fit de festo, quod in tabella præcedentiæ superiorem obtinet locum, et aliud omittitur.

96. Festum I classis impeditum a die qui in tabella præcedentiæ superiorem obtinet locum, transfertur in proximum sequentem diem qui non sit I vel II classis.

Attamen:

a) festum Annuntiationis B. Mariæ Virg., quando est transferendum post Pascha, transfertur, tamquam in sedem propriam, in feriam II post dominicam in albis;

b) Commemoratio omnium Fidelium defunctorum, quando occurrit cum dominica, transfertur, tamquam in sedem propriam, in feriam II sequentem.

97. Si **eodem die** plura festa I classis simul occurrant, ipso die celebratur festum, quod in tabella præcedentiæ superiorem obtinet locum; et alia transferuntur secundum ordinem quo in eadem tabella præcedentiæ inscripta sunt.

98. Item, si plura festa I classis transferri contingat, quæ **diebus subsequentibus** occurrunt, servetur ordo quo in tabella præcedentiæ inscribuntur; in paritate autem Officium prius impeditum præcedit.

99. Festa translata sunt eiusdem gradus ac in sede propria.

CAPUT XIV

DE DIERUM LITURGICORUM OCCURRENTIA PERPETUA EORUMQUE REPOSITIONE

100. Ius repositionis in alium diem, ob concurrentiam perpetuam cum die liturgico, qui in tabella præcedentiæ superiorem obtinet locum, competit omnibus festis I et II classis, necnon festis particularibus III classis extra Adventum et Quadragesimam occurrentibus, quæ in tota diœcesi vel in toto Ordine seu Congregatione vel in propria ecclesia impediuntur.

Festa autem III classis Ecclesiæ universæ, in aliquo calendario particulari, et festa III classis diœceseos vel Ordinis seu Congregationis, in aliquibus tantum ecclesiis perpetuo impedita, perpetuo aut commemorantur aut penitus omittuntur, iuxta rubricas.

101. Festa reponenda, si sint I vel II classis, assignentur proximiori diei sequenti qui non sit I vel II classis; si sint III classis, assignentur proximiori diei sequenti, qui ab aliis Officiis paris aut superioris gradus liber existat.

102. Dies in quem festa perpetuo impedita reposita sunt, habetur tamquam dies proprius, in quo festum repositum celebratur sub eodem gradu ac in sede propria.

CAPUT XV

DE CONCURRENTIA DIERUM LITURGICORUM

103. Concurrentia dicitur concursus Vesperarum diei liturgici currentis cum I Vesperis diei liturgici subsequentis.

104. In concurrentia præferuntur Vesperæ diei liturgici classis superioris, et alteræ commemorantur vel non, iuxta rubricas.

105. Quando vero dies liturgici, quorum Vesperæ concurrunt, sunt eiusdem classis, dicuntur integræ secundæ Vesperæ de Officio currenti et fit commemoratio sequentis, iuxta rubricas.

CAPUT XVI

DE COMMEMORATIONIBUS

106. Quæ hic de commemorationibus statuuntur, valent tam pro Missa quam pro Officio, sive in concurrentia sive in concurrentia.

107. Commemorationes sunt aut **privilegiatæ** aut **ordinariæ**.

108. Commemorationes **privilegiatæ** fiunt in Laudibus et in Vesperis necnon in omnibus Missis; commemorationes vero **ordinariæ** fiunt tantum in Laudibus, in Missis conventualibus et in omnibus Missis lectis.

109. Commemorationes **privilegiatæ** sunt commemorationes:

- a) de dominica;
- b) de die liturgico I classis;
- c) de diebus infra octavam Nativitatis Domini;

d) de feriis Quatuor Temporum mensis septembris;

e) de feriis Adventus, Quadragesimæ et Passionis;

f) de Litaniis maioribus, in Missa.

Omnes aliæ commemorationes sunt commemorationes **ordinariæ**.

110. In Officio et Missa S. Petri semper fit commemoratio S. Pauli, et vicissim. Hæc commemoratio dicitur **inseparabilis**; et duæ orationes adeo in unam coalescere censentur ut, in numero orationum computando, pro unica habeantur. Proinde:

a) in Officio S. Petri aut S. Pauli, oratio alterius Apostoli additur, ad Laudes et ad Vesperas, sub unica conclusione, orationi diei, absque antiphona et versu;

b) in Missa S. Petri aut S. Pauli, oratio alterius Apostoli additur, sub unica conclusione, orationi diei;

c) quoties vero oratio unius Apostoli addenda est **ad modum commemorationis**, huic orationi additur altera immediate, ante omnes alias commemorationes.

111. Ratio admittendi commemorationes hæc est:

a) in diebus liturgicis I classis et in Missis in cantu non conventualibus, nulla admittitur commemoratio, præter unam privilegiatam;

b) in dominicis II classis, una tantum admittitur commemoratio, scilicet de festo II classis, quæ tamen omittitur si commemoratio privilegiata facienda sit;

c) in aliis diebus liturgicis II classis, una tantum admittitur commemoratio, scilicet aut una privilegiata aut una ordinaria;

d) in diebus liturgicis III et IV classis, duæ tantum admittuntur commemorationes.

112. Ad commemorationes et orationes quod attinet, hæc insuper servantur:

a) Officium, Missa aut commemoratio de aliquo festo vel mysterio unius Divinæ Personæ excludit commemorationem aut orationem de alio festo vel mysterio eiusdem Divinæ Personæ;

b) Officium, Missa aut commemoratio de dominica excludit commemorationem aut orationem de festo vel mysterio Domini, et vicissim;

c) Officium, Missa aut commemoratio de Tempore excludit aliam commemorationem de Tempore;

d) item, Officium, Missa aut commemoratio de B. Maria Virg. aut de aliquo Sancto vel Beato excludit aliam commemorationem aut orationem in qua eiusdem B. Mariæ Virg., vel Sancti aut Beati intercessio imploretur: quod tamen non valet de oratione dominicæ vel feriæ, in qua fit invocatio eiusdem Sancti.

113. Commemoratio de Tempore fit primo loco. In admittendis et ordinandis aliis commemorationibus, servetur ordo tabellæ præcedentiæ.

114. Quælibet commemoratio, quæ numerum pro singulis diebus liturgicis statutum superet, omittitur.

CAPUT XVII

DE CONCLUSIONE ORATIONUM

115. Conclusio orationum tam in Missa quam in Officio hæc est:

a) si oratio dirigitur ad Patrem, concluditur: **Per Dominum nostrum Iesum Christum Filium tuum, qui tecum vivit et regnat in unitate Spiritus Sancti, Deus, per omnia sæcula sæculorum. Amen;**

b) si oratio dirigitur ad Patrem, sed in eius principio fit mentio Filii, concluditur: **Per eundem Dominum nostrum**, etc. ut supra;

c) si oratio dirigitur ad Patrem, sed in fine ipsius fit mentio Filii, concluditur: **Qui tecum vivit et regnat in unitate Spiritus Sancti, Deus, per omnia sæcula sæculorum. Amen;**

d) si oratio dirigitur ad Filium, concluditur: **Qui vivis et regnas cum Deo Patre in unitate Spiritus Sancti, Deus, per omnia sæcula sæculorum. Amen;**

e) si in oratione facta est mentio Spiritus Sancti, in conclusione dicitur: . . . **in unitate eiusdem Spiritus Sancti**, etc.

116. Servandæ sunt etiam aliæ peculiare conclusiones in libris liturgicis quandoque notatæ.

CAPUT XVIII

DE COLORIBUS PARAMENTORUM

A) De coloribus paramentorum in genere

117. Paramenta altaris, celebrantis et ministrorum debent esse coloris convenientis Officio et Missæ diei aut alteri Missæ celebrandæ, secundum usum Romanæ Ecclesiæ, quæ quinque coloribus uti consuevit: albo, rubro, viridi, violaceo et nigro.

Indulta tamen et consuetudines legitimæ circa usum aliorum colorum in suo robore manent.

Sicubi vero in regionibus Missionum, ex probata et originali traditione gentis indigenæ, significatio unius vel alterius coloris liturgici Ecclesiæ Romanæ cum significatione quæ illis populis congenita est non congruit, Conferentiæ episcopali eiusdem regionis, vel maioris territorii, si ita magis conveniat, facultas datur, ut in locum coloris inepti alium colorem magis aptum substituant; hoc tamen non fiat inconsulta S. Rituum Congregatione.

118. Ad colorem paramentorum in Missis votivis lectis IV classis quod attinet, ea quæ n. 323 traduntur, recolantur.

B) De colore albo

119. Colore albo utendum est in **Officio et Missa de Tempore**:

a) a festo Nativitatis Domini usque ad expletum tempus Epiphaniæ;

b) a Missa Vigiliæ paschalis usque ad Missam vigiliæ Pentecostes exclusive.

120. Adhibetur color albus in **Officio et Missa de festis**:

a) Domini, exceptis festis de mysteriis et instrumentis Passionis;

b) B. Mariæ Virg., etiam in benedictione et processione candelarum die 2 februarii;

c) Ss. Angelorum;

d) Omnium Sanctorum (1 novembris);

e) Sanctorum non Martyrum;

f) S. Ioannis Ap. et Ev. (27 decembris); Cathedræ S. Petri (22 februarii); Conversionis S. Pauli (25 ianuarii); Nativitatis S. Ioannis Baptistæ (24 iunii).

121. Colorem album requirunt **Missæ votivæ**:

a) quæ respondent festis, de quibus numero præcedenti;

b) de D. N. Iesu Christo, summo atque æterno Sacerdote;

c) de coronatione Summi Pontificis, et de anniversariis Summi Pontificis et Episcopi diocesani;

d) «Pro Sponsis».

122. Demum adhibetur color albus, feria V Hebdomadæ sanctæ, in Missa Chrismatis et in Missa in Cena Domini; necnon, a diacono, pro cantu præconii paschalis et, a celebrante, ad renovationem promissionum baptismatis in Vigilia paschali.

C) De colore rubro

123. Rubro colore utendum est in **Officio et Missa de Tempore** a Missa vigiliæ Pentecostes usque ad Nonam sabbati sequentis.

124. Item adhibetur color ruber in **Officio et Missa de festis**:

a) mysteriorum et instrumentorum Passionis Domini;

b) Sanctorum Apostolorum et Evangelistarum, in eorum die natalicio, excepto festo S. Ioannis (27 decembris);

c) Commemorationis S. Pauli Apostoli (30 iunii);

d) Commemorationis omnium Ss. Summorum Pontificum;

e) Sanctorum Martyrum, quorum colitur aut martyrium, aut inventio, aut translatio;

f) Sanctarum Reliquiarum.

125. Colorem rubrum requirunt **Missæ votivæ**:

a) de Passione Domini;

b) de Spiritu Sancto;

c) de Mysteriis et Sanctis, de quibus numero præcedenti;

d) pro eligendo Summo Pontifice.

126. Demum adhibetur color ruber, dominica II Passionis seu in palmis, ad benedictionem et processionem ramorum.

D) De colore viridi

127. Color viridis adhibetur in **Officio et Missa de Tempore**:

a) a die 14 ianuarii usque ad sabbatum ante Septuagesimam;

b) a feria II post dominicam I post Pentecosten, usque ad sabbatum ante Adventum.

Excipiuntur feriæ Quatuor Temporum mensis septembris et vigiliæ II et III classis, extra tempus paschale.

E) De colore violaceo

128. Color violaceus adhibetur in **Officio et Missa de Tempore**:

a) a dominica I Adventus usque ad vigiliam Nativitatis Domini inclusive;

b) a dominica in Septuagesima usque ad Vi-

giliam paschalem, exceptis: benedictione et processione ramorum in dominica II Passionis; Missa sive Chrismatis sive in Cena Domini feria V Hebdomadæ sanctæ; Actione liturgica feriæ VI in Passione et Morte Domini usque ad Communionem exclusive; necnon cantu præconii paschalis, pro diacono, et renovatione promissionum baptismatis, pro celebrante, in Vigilia paschali;

c) in feriis Quatuor Temporum mensis septembris;

d) in vigiliis II et III classis, extra tempus paschale.

129. **Missæ votivæ**, quæ colorem violaceum requirunt, sunt:

- a) Pro Fidei propagatione;
- b) Pro Ecclesiæ defensione;
- c) Pro unitate Ecclesiæ;
- d) Tempore belli;
- e) Pro pace;
- f) Pro vitanda mortalitate;
- g) Pro remissione peccatorum;
- h) Pro peregrinantibus et iter agentibus;
- i) Pro infirmis;
- l) Ad postulandam gratiam bene moriendi;
- m) Pro quacumque necessitate.

130. Adhibetur color violaceus etiam:

- a) ad processionem et Missam in Litaniis maioribus et minoribus;
- b) ad benedictionem cinerum;
- c) ad Communionem in Actione liturgica feriæ VI in Passione et Morte Domini;
- d) in Missis de Commemoratione omnium Fidelium defunctorum, quæ celebrantur tempore expositionis Ssni Sacramenti pro oratione Quadraginta Horarum.

131. Paramenta **coloris rosacei** adhiberi possunt, dominica III Adventus et dominica IV Quadragesimæ, sed in Officio et Missa diei dominici tantum.

F) De colore nigro

132. Nigro colore utendum est:

- a) in Actione liturgica feriæ VI in Passione et Morte Domini, usque ad Communionem exclusive;
- b) in Officiis ac Missis defunctorum, excepto casu de quo supra, n. 130 d.

CAPUT XIX

DE USU ET QUALITATE PARAMENTORUM

133. In Missa, sacerdos celebrans semper utitur planeta seu casula.

134. Episcopus, et alii qui usu Pontificalium gaudent, si solemniter celebrant, planetam induunt super dalmaticam et tunicellam.

Item, planetam super dalmaticam et tunicellam induit Episcopus, etiam in Missa lecta:

- a) in consecratione Episcopi;
- b) in collatione Ordinum;
- c) in benedictione Abbatis;
- d) in benedictione Abbatissæ;
- e) in benedictione et consecratione Virginum;
- f) in consecratione ecclesiæ et altaris.

Attamen Episcopus alique de quibus supra, ex rationabili causa, a sumenda tunicella et dalmatica subter planetam abstinere possunt.

135. Pluviale adhibetur:

- a) in Officio Laudum et Vesperarum, quando solemniter dicuntur;
- b) in benedictionibus quæ fiunt ad altare;
- c) in processionibus;
- d) in absolutione super cadaver aut super tumulum;
- e) in Missa pontificali, a presbytero assistente;
- f) ad «orationes solemnes» in Actione liturgica feriæ VI in Passione et Morte Domini;
- g) in Vigilia paschali.

136. Cum celebrans utitur pluviali, numquam adhibet manipulum; et si pluviale haberi non potest, in benedictionibus quæ fiunt ad altare, sacerdos stat in alba cum stola, sine planeta et manipulo.

137. Dalmatica et tunicella utuntur diaconus, respective subdiaconus, quando sacerdoti ministrant:

- a) in Missa;
- b) in benedictionibus ad altare;
- c) in processionibus.

Attamen cum sacerdos celebrans stat sine pluviali, etiam ministri stant sine dalmatica et tunicella.

Planetæ plicatæ et stola latior amplius non adhibentur.

PARS SECUNDA—Rubricæ generales Breviarii Romani—(hic omittuntur)

PARS TERTIA

RUBRICÆ GENERALES MISSALIS ROMANI

CAPUT I

NOTIONES ET NORMÆ GENERALES

269. Sacrosanctum Missæ Sacrificium, iuxta canones et rubricas celebratum, est actus cultus publici, nomine Christi et Ecclesiæ Deo redditi. Denominatio proinde «Missæ privatæ» vitetur.

270. Missa cum Officio divino summum totius christiani cultus constituit; Missa proinde per se cum Officio diei concordare debet.

Dantur tamen etiam Missæ extra ordinem Officii, scilicet votivæ aut defunctorum.

271. Missarum species duæ sunt: **Missa in cantu** et **Missa lecta**.

Missa dicitur in cantu, si sacerdos celebrans partes ab ipso iuxta rubricas cantandas revera cantu profert; secus dicitur lecta.

Missa in cantu porro, si celebratur cum assistentia ministrorum sacrorum, appellatur **Missa solemnis**; si celebratur absque ministris sacris, vocatur **Missa cantata**.

Missa solemnis demum, quæ ab Episcopo vel ab aliis facultatem habentibus celebratur cum solemnitatibus in libris liturgicis statutis, dicitur **Missa pontificalis**.

272. Missa natura sua postulat, ut omnes adstantes, secundum modum sibi proprium, eidem participant.

Varios autem modos, quibus fideles sacrosancto Missæ Sacrificio actuose participare possunt, ita oportet moderari, ut periculum cuiusvis abusus amoveatur, et præcipuus eiusdem participationis finis obtineatur, plenior scilicet Dei cultus et fidelium ædificatio.

De hac fidelium actiosa participatione fusius actum est in **Instructione de Musica sacra et sacra Liturgia** a S. Rituum Congregatione data die 3 septembris anni 1958.

273. Rubricæ quæ sequuntur valent tam pro Missis in cantu quam pro Missis lectis, nisi aliter expresse caveatur.

CAPUT II

DE CALENDARIO ADHIBENDO IN MISSÆ CELEBRATIONE

274. Missa dicenda est iuxta calendarium aut ecclesiæ vel oratorii in quo Missa celebratur, aut loci, aut ipsius sacerdotis celebrantis, aut Ecclesiæ universæ, prout infra exponitur.

275. **In ecclesia vel oratorio publico**, quilibet sacerdos, tam diocesanus quam religiosus, celebrare tenetur iuxta calendarium ipsius ecclesiæ vel oratorii publici.

Idem servetur **in oratorio semipublico principali** seminarii, domus religiosæ, collegii, nosocomii, carceris et similium.

276. **In oratoriis secundariis** seminarii, domus religiosæ, collegii, nosocomii, carceris et similium, quilibet sacerdos sequi potest aut calendarium ipsius oratorii aut proprium.

277. **In oratoriis privatis**, et cum celebrat super altare portatile extra locum sacrum, quilibet sacerdos sequi potest aut calendarium loci (n. 53 a) aut proprium.

278. De festis Patroni principalis nationis, regionis seu provinciæ sive ecclesiasticæ sive civilis, diocesis, oppidi seu civitatis, necnon de anniversario Dedicationis ecclesiæ cathedralis et aliis festis actu feriatis, si quæ sint, quilibet sacerdos Missam celebrare debet, etiamsi secus calendarium proprium sequi posset.

279. Oratorium fixe constitutum **in navibus** est oratorium publicum; et in eo adhiberi debet calendarium Ecclesiæ universæ. Cum autem quis celebrat extra huiusmodi oratorium, super altare portatile, adhibere potest vel calendarium Ecclesiæ universæ vel calendarium proprium. Idem facere potest qui legitime celebrat in itinere æreo, fluviali vel viæ ferreæ.

280. In seminariis et collegiis clericorum diocesanis, Religiosis commissis; necnon in seminariis et collegiis clericorum interdiocesanis, regionalibus, nationalibus et internationalibus, etiam Religiosis commissis, idem adhibetur calendarium, quod præcipitur pro recitatione divini Officii in communi (nn. 154-155).

281. In collegiis et domibus interprovincialibus, nationalibus et internationalibus Religiosorum, adhibendum est calendarium proprium Ordinis seu Congregationis universæ (n. 55), additis tantum festis de quibus n. 57.

282. **Calendarium diocesanum**, additis festis loci et ecclesiæ vel oratorii propriis, adhiberi debet:

a) in ecclesiis cathedralibus, etsi Religiosis sint commissæ;

b) in ecclesiis et oratoriis propriis cleri diocesanis, etsi chorum Religiosorum adnexum habeant, qui cum ecclesia per crates tantum communicat;

c) in ecclesiis et oratoriis Religiosorum utriusque sexus, qui calendarium proprium non habent, additis tamen festis ipsis propriis et indultis;

d) in ecclesiis et oratoriis Religiosorum, quæ clero diocesano commissæ sunt, aut adnexum habent chorum Canonorum; non autem si ecclesia vel oratorium alicui sacerdoti in particulari est commissum;

e) in ecclesia et oratorio principali seminarii, etsi Religiosis sit commissum, data tamen facultate addendi festa de quibus n. 154.

283. **Calendarium religiosum**, additis festis de quibus n. 57 atque festis ecclesiæ vel oratorii propriis, adhiberi debet:

a) in ecclesiis et oratoriis principalibus Religiosorum, qui calendarium proprium habent, etsi sint parœcialia;

b) in ecclesiis et oratoriis cleri diocesanis, quæ Religiosis commissæ sunt, aut ipsis Religiosis inser-

viunt pro publica divini Officii recitatione, etsi sint parœcialia; non autem si ecclesia vel oratorium alicui Religioso in particulari est commissum;

c) in ecclesiis et oratoriis Tertiariarum utriusque sexus, etsi solum Officium parvum B. Mariæ Virg. recitent;

d) in oratoriis secundariis seminarii Religiosis commissi, si hæc oratoria ipsis Religiosis tantum inserviunt.

284. Sacerdos qui celebrat in ecclesia vel oratorio ubi ritus diversus viget, stare debet calendario ipsius ecclesiæ vel oratorii quoad festa eorumque gradum, commemorationes et collectam imperatam. In ordinanda autem Missa, sumere debet partes variables proprias illius ritus, retentis cæremoniis et Ordinario proprii ritus.

CAPUT III

DE MISSA CONVENTUALI

285. Nomine Missæ conventualis intellegitur Missa quæ ab iis, qui per leges Ecclesiæ choro adstringuntur, in coniunctione cum Officio divino cotidie celebranda est.

286. Singulis diebus una tantum dicenda est Missa conventualis, quæ cum Officio in choro recitato concordare debet, exceptis diebus de quibus infra nn. 289-294.

Obligatio tamen alias Missas in choro celebrandi, ex piis foundationibus vel alia legitima causa, firma manet.

287. Missa conventualis dicenda est post Tertiam, nisi communitatis moderator, gravi de causa, eam post Sextam vel Nonam dicendam esse censuerit.

In vigilia Pentecostes, Missa conventualis dicitur post Nonam.

288. Missa conventualis per se solemnis esse debet, vel saltem cantata. Ubi vero per leges particulares vel per peculiaria indulta a solemnitate Missæ in choro dispensatum fuerit, convenit ut, Missæ conventuali lectæ chorales participationem liturgicam directam præstent, partes saltem Ordinarii Missæ recitando. Porro iidem chorales prohibentur quominus, inter Missam conventualem, Horas canonicas choraliter prosequantur.

289. In omnibus feriis IV classis, nisi aliter præscribatur, loco Missæ conventualis Officio conformis, dici potest, sine commemoratione feriæ:

a) aut Missa quæ respondet commemorationi in Officio diei forte occurrenti;

b) aut Missa de Mystério, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata;

c) aut una ex Missis votivis quæ in Missali, pro Missa conventuali, per hebdomadam disponuntur;

d) aut quælibet alia Missa, quæ tamquam votiva celebrari permittitur.

290. **Missa conventualis pro defunctis** sacerdotibus, benefactoribus et aliis, excepto tempore natalicio et paschali:

a) **dici debet**, quolibet mense, excepto mense novembri, prima feria IV classis;

b) **dici potest**, qualibet hebdomada, prima feria IV classis.

Sumitur Missa «Cotidiana» cum oratione **Deus, veniæ largitor.**

291. In diebus Litaniarum tam maiorum quam minorum, ubi fit processio, aut fiunt aliæ peculiare

supplicationes, Missa conventualis dici debet de Rogationibus (nn. 346-347).

292. In die coronationis Summi Pontificis, et in anniversariis eiusdem Summi Pontificis et Episcopi diœcesani, in ecclesiis cathedralibus et collegiatis, pro Missa conventuali dicitur Missa de ipsis anniversariis, iuxta nn. 362-363.

293. In anniversario Episcopi proxime defuncti, necnon in anniversario quod infra octiduum omnium Fidelium defunctorum celebratur pro animabus omnium Episcoporum et ecclesiæ cathedralis Canonicorum defunctorum, in ipsa ecclesia cathedrali pro Missa conventuali dicitur Missa de iisdem anniversariis.

294. In anniversariis omnium defunctorum alicuius Capituli aut Ordinis seu Congregationis ad chorum obligatæ, pro Missa conventuali dicitur Missa de iisdem anniversariis.

295. In Commemoratione omnium Fidelium defunctorum, pro Missa conventuali adhibenda est Missa quæ prima inscribitur hoc die; et chorales illi soli interesse tenentur.

296. In festo Nativitatis Domini, in choro dicuntur duæ Missæ conventuales, scilicet una in nocte et altera in die.

297. Cum Episcopus Missam solemniter celebrat, vel eidem assistit; aut cum in choro canitur Missa Officio non conformis, ratione alicuius solemnitatis externæ, chorales huic Missæ tantum interesse tenentur, etsi pro benefactoribus non applicetur, servata tamen lege de applicanda alia Missa per eum ad quem spectat.

CAPUT IV

DE MISSA IN DOMINICIS ET FERIIS

298. Omnes dominicæ, sive I sive II classis, propriam Missam habent. Attamen dominicæ post Epiphaniam, quæ transferuntur inter dominicam XXIII et XXIV post Pentecosten, sumunt antiphonas ad Introitum, ad Offertorium et ad Communionem, necnon graduale et **Alleluia** cum suo versu a dominica XXIII post Pentecosten, retentis orationibus, Epistola et Evangelio propriis.

299. Item propriam Missam habent omnes feriæ temporis Quadragesimæ et Passionis necnon Quatuor Temporum Adventus et septembris. In reliquis feriis dicitur Missa dominicæ præcedentis, nisi a rubricis aliter provisum sit.

300. In sabbatis Quatuor Temporum et in sabbato «Sitientes», Missa in qua Ordines conferuntur dicenda est de sabbato, etiam festo I vel II classis occurrente.

CAPUT V

DE MISSIS FESTIVIS

301. Missa de festo, **sensu proprio**, intellegitur Missa de Mystério, Sancto vel Beato quæ celebratur secundum ordinem Officii.

302. **Sensu** autem **latiore**, dicuntur quoque Missæ de festo:

a) Missa de festo III classis ab alio festo eiusdem gradus impedito;

b) Missa de commemoratione in Officio diei occurrente;

c) Missa de Mysterio, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata.

303. Missæ festivæ numero præcedenti recensitæ omnibus iuribus liturgicis gaudent, ac si festum cum integro Officio celebraretur. Attamen:

a) Missa de festo III classis impedito dici potest suo die, solummodo si etiam festum impediens sit III classis;

b) Missa de commemoratione in Officio diei occurrente, et Missa de Mysterio, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata, dici potest tantum si occurrit dies liturgicus IV classis.

304. Missæ quæ dicuntur festivæ sensu latiore prohibentur in ecclesiis unam tantum Missam habentibus:

a) quoties urgeat onus Missæ conventualis cui per alium sacerdotem satisfieri nequeat, nisi Missa, iuxta n. 289, tamquam conventualis dici possit;

b) quoties diebus Litaniarum dicenda sit, iuxta rubricas, Missa de Rogationibus.

305. Ad formulam autem Missæ festivæ eligendam extra Missam conventualem, hæc servantur:

a) pro festis quæ in Proprio Sanctorum habentur, sumitur Missa quæ, suo die, in Missali indicatur. Attamen, loco Missæ de Communi, sumi potest, ad libitum sacerdotis celebrantis, Missa propria de eodem festo, si habetur, inter Missas pro aliquibus locis;

b) pro festis quæ in Proprio Sanctorum non habentur, sumitur Missa de Communi. Quoties in eodem Communi plures exstant formulæ, electio fit ad libitum sacerdotis celebrantis. In singulis autem Communibus Epistolæ et Evangelia, quæ habentur sive in ipsis Missis sive ad calcem totius Communis, sumi possunt in qualibet Missa de eodem Communi.

CAPUT VI

DE MISSIS VOTIVIS

A) De Missis votivis in genere

306. Nomine Missæ votivæ intellegitur Missa quæ dicitur extra ordinem Officii vel commemorationum diei currentis, aut non est de Mysterio, vel Sancto eo die in Martyrologio elogium habente.

307. Missa votiva potest esse:

- a) de mysteriis Domini;
- b) de Beata Maria Virgine;
- c) de Angelis;
- d) de Sanctis;
- e) ad diversa.

308. Tamquam Missæ votivæ, **de mysteriis Domini**, celebrari possunt:

- a) in Ecclesia universa:
 - 1) de Ssma Trinitate;
 - 2) de Ssmo Nomine Iesu;
 - 3) de Ssmo Corde Iesu;
 - 4) de pretiosissimo Sanguine D.N.I.C.;
 - 5) de Christo Rege;
 - 6) de Ssmo Eucharistiæ Sacramento;
 - 7) de D. N. Iesu Christo, summo atque æterno Sacerdote;
 - 8) de sancta Cruce;

9) de Passione Domini;

10) de sancta Familia Iesu, Mariæ, Ioseph;

11) de Spiritu Sancto;

b) in singulis ecclesiis, præter Missas supra memoratas, omnes Missæ de festis Domini quæ in calendariis particularibus inscribuntur, et aliæ Missæ votivæ specialiter concessæ.

Celebrari tamen nequeunt, tamquam votivæ, Missæ quæ referuntur ad mysteria vitæ Domini.

309. **De Beata Maria Virgine** celebrari possunt, tamquam votivæ:

a) in ecclesia universa, Missæ quæ pro sancta Maria in sabbato, iuxta temporum diversitatem, in Missali assignantur, necnon omnes Missæ de festis B. Mariæ Virg. quæ in calendario universali inscribuntur;

b) in singulis ecclesiis, præter Missas supra memoratas, omnes Missæ de festis B. Mariæ Virg. quæ in calendariis particularibus inscribuntur, et aliæ Missæ votivæ specialiter concessæ.

Partes variandæ iuxta diversa anni tempora, in his Missis deficientes, sumuntur e Communi festorum B. Mariæ Virg.

Celebrari tamen nequeunt, tamquam votivæ, Missæ quæ referuntur ad mysteria vitæ eiusdem B. Mariæ Virginis, excepta Missa de eiusdem Immaculata Conceptione.

310. **De Angelis** celebrari possunt, tamquam votivæ:

- a) Missæ de singulis festis Ss. Angelorum;
- b) Missa votiva de Ss. Angelis feriæ III assignata.

311. **De Sanctis** celebrari possunt, tamquam votivæ, Missæ de quolibet Sancto canonizato elogium habente in Martyrologio romano, vel eius Appendice pro respectivis Ecclesiis approbata.

312. **Missæ votivæ de Beatis** permittuntur, ex Apostolico Indulto, unice in triduo quod in eorum honorem celebratur intra annum a beatificatione.

313. **Missæ votivæ «ad diversa»** habentur in Missali, vel eius Appendice pro aliqua ecclesia approbata, pro peculiaribus circumstantiis vel necessitatibus celebrandæ.

314. Pro Missa votiva de mysteriis Domini sumitur Missa de respectivo festo, nisi expresse indicetur aliam esse adhibendam; aut peculiaris Missa votiva.

315. Pro Missa votiva de B. Maria Virg., de Angelis et de Sanctis sumitur Missa de respectivo festo, si in Missali habetur, sive in Proprio Sanctorum sive inter Missas pro aliquibus locis, nisi alia Missa tamquam votiva in Missali expresse indicetur.

Quodsi festum in Missali desit, sumitur Missa de Communi. Quoties in eodem Communi plures exstant formulæ, electio fit ad libitum sacerdotis celebrantis. In singulis autem Communibus, Epistolæ et Evangelia, quæ habentur sive in ipsis Missis sive ad calcem totius Communis, sumi possunt in qualibet Missa de eodem Communi.

Servantur tamen rubricæ de mutandis nonnullis partibus vel verbis, iuxta anni tempora et iuxta qualitatem mere votivam huius Missæ.

316. Pro aliqua peculiari necessitate, sumitur Missa votiva propria, si habetur in Missali; ea vero deficiente, sumitur «Missa pro quacumque necessitate», adhibitis, loco orationum huius Missæ, orationibus necessitati occurrenti convenientibus, si inter «Orationes diversas» inveniuntur.

317. Quævis Missa votiva de mysteriis Domini, de B. Maria Virg. vel Sancto, prohibetur quoties occurrit dies liturgicus I vel II classis in quo fit Officium de eadem Persona. Tunc, loco Missæ votivæ, dicenda

est Missa de Officio occurrenti. Occurrente vero die liturgico III vel IV classis, eligi potest aut Missa de Officio diei aut Missa votiva, exclusa alterius commemoratione.

318. Oratio Missæ votivæ impeditæ additur, sub unica conclusione, orationi Missæ diei, solummodo si Missa votiva est I aut II classis, et modo ne occurrat dies sub nn. 1, 2, 3 et 8 in tabella præcedentiæ recensitus.

De Missa votiva III classis impedita nihil fit in Missa de Officio occurrenti.

319. In admittendis et ordinandis orationibus in Missis votivis, servantur ea quæ infra pro singulis Missarum votivarum classibus statuuntur (nn. 330 b, 343 b, 386 b, 389 b).

320. De hymno angelico et de symbolo in Missis votivis dicitur suis locis, cum agitur de singulis Missarum votivarum classibus, et infra, nn. 431-432, et 475-476.

321. Sequentia, si qua habetur, in Missis votivis omittitur.

322. Præfatio dicitur quæ cuique Missæ votivæ propria est; qua deficiente, dicitur præfatio de Tempore aut communis, iuxta normas generales.

323. Color paramentorum, in Missis votivis, debet esse cuique Missæ conveniens; sed in Missis votivis lectis IV classis non conventualibus, adhiberi potest etiam color Officii diei, servato tamen colore violaceo et nigro unice pro Missis quibus per se competit.

324. Nisi in rubricis particularibus aliud statuetur, Missa votiva potest esse aut in cantu aut lecta.

325. Missæ votivæ sunt I, II, III aut IV classis; de singulis agitur numeris sequentibus.

326. Quævis Missa votiva prohibetur in ecclesiis unam tantum Missam habentibus:

a) quoties urgeat onus Missæ conventualis, cui per alium sacerdotem satisfieri nequeat, exceptis Missis votivis, quæ certis diebus pro Missa conventuali dici possunt (n. 289) aut debent (nn. 290-294);

b) die 2 februarii, si fiat benedictio candelarum;

c) in Litaniis maioribus et minoribus, si dicenda sit Missa de Rogationibus (n. 346).

327. Quoties, in rubricis aut in peculiari indulto, aliqua Missa indicatur tamquam votiva alicuius classis, ordinanda est iuxta normas et privilegia, quæ pro eadem classe Missarum votivarum statuuntur.

B) De Missis votivis I classis

I—De Missis votivis I classis in genere

328. Nomine Missæ votivæ I classis intellegitur Missa votiva quæ celebrari permittitur omnibus diebus liturgicis, iis tantum exceptis qui sub nn. 1-8 in tabella præcedentiæ recensentur, salvo præscripto n. 332.

329. Missæ votivæ I classis, a rubricis generalibus prævisæ, sunt:

a) Missæ de Dedicatione, in actu consecrationis ecclesiæ (nn. 331-334);

b) Missæ **in cantu** de Ss̃mo Eucharistiæ Sacramento, in solemnioribus celebrationibus Congressus eucharistici (n. 335);

c) Missæ **in cantu** de mysteriis Domini, B. Maria Virg., Sancto vel Beato, occasione celebrationis extraordinariæ (n. 340 a).

330. Privilegia Missarum votivarum I classis sunt:

a) dicuntur cum **Gloria** et **Credo**;

b) excludunt omnes commemorationes non pri-

vilegiatas, et collectam ab Ordinario loci imperatam;

c) oratio Missæ votivæ impeditæ additur sub unica conclusione orationi Missæ diei currentis, modo ne occurrat dies sub nn. 1, 2, 3 et 8 in tabella præcedentiæ recensitus;

d) si in cantu celebrantur, adhibetur tonus solemnis.

II—De Missis Dedicationis in actu consecrationis ecclesiæ

331. Ecclesiarum consecratio, quamvis omni die de iure fieri possit, opportunius tamen fit dominicis et festis diebus. Prohibetur vero in vigilia et festo Nativitatis Domini, in festis Epiphaniæ et Ascensionis Domini, Corporis Christi, diebus a dominica II Passionis seu in palmis usque ad dominicam Resurrectionis inclusive, in dominica Pentecostes, necnon die Commemorationis omnium Fidelium defunctorum.

332. Missa de Dedicatione in actu consecrationis ecclesiæ vel oratorii est pars totius ritus consecrationis; proinde celebrari debet quoties ecclesia vel oratorium consecratur, etiam diebus quibus reliquæ Missæ votivæ I classis prohibentur.

333. In Missa de Dedicatione in actu consecrationis ecclesiæ additur, sub unica conclusione, oratio de Mysterio vel Sancto in cuius honorem ecclesia vel oratorium est consecratum, et nulla alia admittitur commemoratio, ne privilegiata quidem.

334. Aliæ Missæ quæ in ecclesia vel oratorio, die consecrationis, expleto ritu, celebrantur, dici possunt de Dedicatione, tamquam votivæ I classis.

III—De Missis in Congressibus eucharisticis

335. Singulis diebus Congressus eucharistici diocæsani, regionalis, nationalis et internationalis, Missa principalis, dummodo sit **in cantu**, celebrari potest de Ss̃mo Eucharistiæ Sacramento, tamquam votiva I classis.

336. In ceteris publicis celebrationibus eorundem Congressuum, Missa de Ss̃mo Eucharistiæ Sacramento celebrari potest tamquam votiva II classis.

337. Singuli sacerdotes qui Congressui eucharistico intersunt, celebrare possunt Missam de Ss̃mo Eucharistiæ Sacramento, tamquam votivam III classis.

IV—De Missis votivis in quibusdam celebrationibus extraordinariis

338. Privilegia hac paragrapho indicata spectant ad Missas:

a) in triduo vel octiduo quod in honorem alicuius Sancti vel Beati, intra annum a canonizatione vel beatificatione, celebratur;

b) in quibusdam celebrationibus extraordinariis, per triduum vel octiduum perductis, occasione v. gr. sæcularis recurrentiæ. Excluduntur tamen celebrationes extraordinariæ in honorem Beatorum.

339. Ad celebrationes peragendas, de quibus numero præcedenti, requiritur peculiare indultum Sanctæ Sedis.

340. Singulis diebus harum celebrationum permittitur:

a) **unica Missa in cantu** de mysterio Domini, B. Maria Virg., Sancto vel Beato in cuius honorem celebrationes peraguntur, tamquam votiva I classis;

b) **omnes Missæ lectæ**, ut supra, tamquam votivæ II classis.

C) De Missis votivis II classis

I—De Missis votivis II classis in genere

341. Nomine Missæ votivæ II classis intellegitur Missa votiva quæ celebrari permittitur omnibus diebus liturgicis II, III et IV classis.

Missa tamen pro Sponsis et Missa pro gratiarum actione in 25^o vel 50^o anniversario a celebratione matrimonii prohibentur omnibus diebus dominicis.

342. Missæ votivæ II classis, a rubricis generalibus prævisæ, sunt:

a) Missa in solemni benedictione ecclesiæ vel oratorii, et in consecratione altaris (n. 345);

b) Missa Rogationum in Litaniis tam maioribus quam minoribus (nn. 346-347);

c) Missæ votivæ occasione orationis Quadragesima Horarum aut alterius expositionis Ss̃mi Sacramenti (nn. 348-355);

d) Missæ de solemnitate externa festorum (nn. 356-361);

e) Missa in die coronationis Summi Pontificis et in anniversariis Papæ et Episcopi diocesanis (nn. 362-365);

f) Missa pro re gravi et publica simul causa (nn. 366-368);

g) Missa «Pro Fidei propagatione» (n. 369);

h) Missæ in quibusdam occasionibus peculiaribus (nn. 370-372);

i) Missa votivæ in sanctuariis (nn. 373-377);

l) Missa votiva pro Sponsis et Missa pro gratiarum actione in 25^o et 50^o anniversario a celebratione matrimonii (nn. 378-382).

343. Privilegia Missarum votivarum II classis sunt:

a) dicuntur cum **Gloria**, nisi adhibeatur color violaceus paramentorum; sed sine **Credo**, nisi ratione dominicæ aut octavæ occurrentis dicendum sit;

b) admittunt unam tantum commemorationem, et excludunt collectam ab Ordinario loci imperatam;

c) oratio Missæ votivæ impeditæ additur, sub unica conclusione, orationi Missæ diei, modo ne occurrat dies sub nn. 1, 2, 3 et 8 in tabella præcedentiæ recensitus, salvo præscripto n. 380;

d) si in cantu celebrantur, adhibetur tonus solemnis.

344. Missæ votivæ II classis reguntur normis generalibus n. 343 memoratis; quæ autem sunt cuique Missæ propria, infra indicantur.

II—De Missa votiva in solemni benedictione ecclesiæ vel oratorii, et in consecratione altaris

345. In solemni benedictione ecclesiæ vel oratorii, et in consecratione altaris, expleto ritu, dicitur, tamquam votiva II classis, Missa de Mysterio vel Sancto in cuius honorem ecclesia vel oratorium est benedictum, vel altare est consecratum.

III—De Missa Rogationum in Litaniis tam maioribus quam minoribus

346. In Litaniis tam maioribus quam minoribus (nn. 80-90), in ecclesiis in quibus fit processio vel, de mandato Ordinarii loci, peculiare celebrantur supplicationes (n. 83), dicitur, tamquam votiva II classis, Missa de Rogationibus (cfr. n. 86).

347. Missa Rogationum, vel Missa diei quæ locum tenet Missæ votivæ impeditæ, habetur tamquam pars totius actionis liturgicæ; et dicitur regulariter expleta processione, vel expletis aliis peculiaribus supplicationibus.

IV—De Missis votivis occasione orationis Quadragesima Horarum aut alterius expositionis Ss̃mi Sacramenti

348. Ad exponendum et reponendum Ss̃mum Sacramentum pro oratione Quadragesima Horarum, sive continua sive interrupta, in ipso altari expositionis celebratur, **in cantu**, tamquam votiva II classis, Missa de Ss̃mo Eucharistiæ Sacramento.

349. Die medio expositionis, in altari ubi Ss̃mum Sacramentum non est expositum, celebrari potest **in cantu**, tamquam votiva II classis, aut Missa de Ss̃mo Eucharistiæ Sacramento, aut alia Missa votiva peculiaribus necessitatibus loci accommodata.

350. Diebus quibus Missæ votivæ IV classis a rubricis permittuntur, convenit ut Missæ quæ celebrantur in ecclesia in qua habetur oratio Quadragesima Horarum, sint de Ss̃mo Eucharistiæ Sacramento.

351. In Commemoratione omnium Fidelium defunctorum:

a) expositio Ss̃mi Sacramenti sequatur, repositio vero præcedat Missam in cantu, vel principalem;

b) tempore expositionis, Missæ de Officio diei dicuntur cum paramentis violaceis, et extra altare expositionis.

352. Die 2 februarii, feria IV cinerum et in dominica II Passionis seu in palmis, si fit benedictio candelarum, aut respective cinerum vel palmarum, Ss̃mum Sacramentum, pro adoratione Quadragesima Horarum expositum, tempore benedictionis et processionis vel impositionis cinerum, aut transfertur ad aliud altare in quo adoratio continuari possit absque detrimento pietatis fidelium, aut deponitur, et adoratio resumitur, expleta benedictione et processione vel cinerum impositione cum Missa. Quod convenienter servatur etiam in Commemoratione omnium Fidelium defunctorum, pro Missa principali diei et sequenti absolutione ad tumulum.

353. Ad exponendum Ss̃mum Sacramentum pro publica adoratione, quæ per unum diem protrahitur, dici potest, tamquam votiva II classis, Missa de Ss̃mo Eucharistiæ Sacramento.

354. Ad exponendum vero Ss̃mum Sacramentum pro publica adoratione, quæ per aliquas tantum horas protrahitur, dicitur Missa de die, sine commemoratione Ss̃mi Sacramenti.

Diebus tamen, quibus permittuntur Missæ votivæ IV classis, convenientius dicitur Missa de Ss̃mo Eucharistiæ Sacramento.

355. In Missis quæ durante adoratione, ex indulto, ad altare expositionis celebrantur, additur, sub unica

conclusionem, oratio de Ssmo Eucharistiæ Sacramento, modo ne occurrat dominica, nec Officium, Missa aut commemoratio fiat de Christo Domino.

V—De Missis votivis in solemnitate externa festorum

356. Nomine solemnitatis externæ alicuius festi intellegitur celebratio ipsius festi absque Officio, in bonum fidelium, vel die quo festum impeditur, vel in dominica quando ipsum festum occurrit infra hebdomadam, vel alio statuto die.

357. Solemnitas externa alicui festo aut ipso iure competit, aut peculiari indulto conceditur.

358. Solemnitas externa ipso iure competit dumtaxat:

a) festo Ssmi Cordis Iesu, in dominica III post Pentecosten;

b) festo B. Mariæ Virg. a Rosario, in dominica I mensis octobris;

c) festis I aut II classis, quæ cum quadam peculiari actione liturgica sunt connexa, si eadem actio liturgica, approbante Sancta Sede, in dominicam transfertur, pro ea tantum Missa, quæ coniunctim cum prædicta actione liturgica celebratur;

d) festo Patroni principalis, rite constituti;

e) anniversario Dedicationis propriæ ecclesiæ;

f) festo Tituli propriæ ecclesiæ;

g) festo Tituli Ordinis seu Congregationis;

h) festo Sancti Fundatoris Ordinis seu Congregationis;

i) festis I et II classis, quæ cum peculiari populi concursu celebrantur: cuius rei iudex est loci Ordinarius.

359. Solemnitas externa, si ipso iure competit, nec supra, n. 358, pro quibusdam solemnitatibus externis aliter statuatur, fieri potest aut ipso die quo festum impeditur, aut in dominica immediate præcedenti vel immediate sequenti Officium festi impediti, iuxta rubricas.

Si vero peculiari indulto conceditur, solemnitas externa diei definito assignatur.

360. De festo cuius fit solemnitas externa, celebrari potest una Missa in cantu et altera lecta, vel duæ Missæ lectæ, tamquam votivæ II classis, excepto casu de quo n. 358 c.

361. Solemnitates externæ per peculiare indultum quibusdam diocesis, ecclesiis vel familiis religiosis iam antea concessæ, in vigore manent, ea tamen restrictione quod diebus liturgicis I classis prohibeantur, et numquam plures quam duæ Missæ de eadem solemnitate celebrari possint.

VI—De Missa votiva in die coronationis Summi Pontificis et in anniversariis Papæ et Episcopi diocesani

362. In die coronationis Summi Pontificis; in anniversario coronationis Summi Pontificis; in anniversario aut electionis aut consecrationis aut translationis Episcopi diocesani (semel scilicet, die ab ipso Episcopo eligendo), pro Missa conventuali, in ecclesiis cathedralibus et collegiatis, dicitur Missa votiva propria, ad modum Missæ votivæ II classis.

363. Si autem hæc Missa votiva impeditur, hæc

serventur:

a) si anniversarium coronationis Summi Pontificis **perpetuo** impeditur pro universa Ecclesia; aut si anniversarium Episcopi perpetuo impeditur pro universa diocesi, fixe reponitur in proximiorum diem similiter non impeditum. Pariter reponitur anniversarium Episcopi diocesani, si eodem die occurrat dies coronationis Summi Pontificis vel eiusdem anniversarium;

b) si **accidentaliter** tantum impediuntur a die sub nn. 1, 2, 3, et 8 in tabella præcedenti recensito, transferuntur in proximum diem qui non sit I classis.

364. Iisdem diebus, supra n. 362, recensitis, in omnibus ecclesiis et in omnibus Missis, præter quam defunctorum, additur oratio pro Papa aut pro Episcopo, prout infra, n. 449, indicatur. Attamen hæc oratio transfertur, quoties transfertur Missa votiva in ecclesiis cathedralibus et collegiatis.

365. Una Missa «In anniversario coronationis Papæ» permittitur, de consensu Ordinarii loci, tamquam votiva II classis, in singulis ecclesiis, die quo peculiare aguntur celebrationes in honorem Summi Pontificis.

VII—De Missa votiva pro re gravi et publica simul causa

366. Nomine Missæ votivæ pro re gravi et publica simul causa intellegitur Missa quæ, de mandato vel consensu Ordinarii loci, cum populi concursu, celebratur, pro aliqua gravi necessitate vel utilitate spirituali vel temporali, quæ communitatem vel notabilem ipsius partem afficit.

367. Missa votiva pro re gravi est unica in qualibet ecclesia; et sumitur Missa quæ necessitati convenit, aut, ea deficiente «Missa pro quacunque necessitate», iuxta ea quæ supra, n. 316, indicantur.

368. Cum occurrit gravis necessitas aut publica calamitas, tempus autem Ordinarium loci adeundi non suppetit, parochus Missam votivam, ut supra, n. 366, in sua parœcia statuere potest.

VIII—De Missa «Pro Fidei propagatione»

369. Una Missa «Pro Fidei propagatione» celebrari permittitur, tamquam votiva II classis, in singulis ecclesiis, die quo peculiare habentur celebrationes pro Missionibus, et occasione Congressus missionalis.

IX—De Missis votivis in quibusdam occasionibus peculiaribus

370. Missæ de quibus agitur hac paragrapho, peculiare respiciunt celebrationes, cœtibus quibusdam particularibus aut parti tantum fidelium proprias.

Peculiare autem huiusmodi celebrationes sunt:

a) **pro parœciis**: initium et finis sacræ Missionis ad populum; iubilæa maiora parœciæ et parochi vel alterius sacerdotis in parœcia degentis; solemnes celebrationes extraordinariæ, et similia;

b) **pro scholis, collegiis, seminariis et aliis institutis huius generis**: initium et finis anni scholaris; iubilæa extraordinaria, ut sunt quinquagesimum vel centesimum anniversarium ab eorum institutione;

c) **pro domibus religiosis**: solemnitas vestitionis aut professionis; initium et finis Capituli generalis, provincialis; iubilæa maiora Religionis, provinciae, domus; vigesimum quintum vel quinquagesimum anniversarium a professione vel ordinatione sacerdotali sodalium;

d) **pro diversis cœtibus**, uti sunt confraternitates, societates piæ, uniones professionali et similia: conventus generales annui; conventus extraordinarii plurium cœtuum eiusdem generis: iubilæa maiora et similia;

e) **pro domibus exercitiorum**: initium et finis cursus exercitiorum vel conventus extraordinarii;

f) **pro nosocomiis, castris, carceribus et institutis similibus**: celebrationes extraordinariæ religiosæ, et aliæ festivitates modo vel tempore extraordinario celebrandæ.

371. Huiusmodi Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii.

372. Missa, his occasionibus celebranda, seligatur conveniens, iuxta occasionum diversitatem, ex. gr. de Spiritu Sancto, pro gratiarum actione, de aliquo mysterio Domini, de B. Maria Virg., aut Sancto, aut inter Missas votivas ad diversa.

X—De Missis votivis in sanctuariis

373. Sanctuarii nomine venit ecclesia seu ædes sacra divino cultui publice exercendo dicata, quæ ob peculiarem pietatis causam (ex. gr. ob imaginem sacram ibi veneratam, ob reliquiam ibi conditam, ob miraculum quod Deus ibi operatus sit, ob peculiarem indulgentiam ibi lucranda) a fidelibus constituitur meta peregrinationum ad gratias impetrandas vel vota solvenda.

374. Missæ votivæ, ex indulto Sanctæ Sedis, sanctuariis vel aliis piis locis concessæ vel concedendæ, sunt Missæ votivæ II classis.

375. Ad omnia altaria sanctuarii, Missa votiva celebrari potest singulis diebus quibus Missæ votivæ II classis permittuntur, sed solummodo a sacerdotibus peregrinis, aut quoties Missa dicitur in favorem peregrinantium.

376. Similiter, in piis locis, Missa votiva celebrari potest, ut votiva II classis, a sacerdotibus ipsum pium locum visitantibus.

377. Præter casus nn. 375 et 376 recensitos, Missa votiva celebrari potest tantum ut votiva IV classis.

XI—De Missa votiva «Pro Sponsis» et de Missa pro gratiarum actione in 25° et 50° anniversario a celebratione matrimonii

378. Missa votiva «Pro Sponsis», vel saltem eius oratio in Missa diei impediens, permittitur quoties nuptiæ celebrantur, sive extra tempus clausum, sive etiam tempore clauso, si loci Ordinarius, ex iusta causa, solemnem nuptiarum benedictionem permiserit.

379. Præter dies quibus Missæ votivæ II classis prohibentur, Missa «Pro Sponsis» prohibetur etiam dominicis diebus et quoties, iuxta n. 381 c, benedictio nuptialis dari nequit.

380. Quoties Missa «Pro Sponsis», non autem benedictio nuptialis, prohibetur, dicitur Missa de

Officio diei, cuius orationi additur, sub unica conclusione, oratio Missæ votivæ impeditæ iis etiam diebus quibus, iuxta n. 343 c, commemoratio Missæ votivæ II classis impeditæ prohibetur; et in ea datur benedictio nuptialis more solito.

Cum vero tam Missa «Pro Sponsis» quam benedictio nuptialis prohibentur, Missa una cum benedictione transferri potest in opportuniorem diem non impeditum, post celebratum matrimonium.

381. Quoad Missam «Pro Sponsis» et benedictionem nuptialem, hæc insuper servantur:

a) benedictio nuptialis a Missa inseparabilis est. Proinde extra Missam dari nequit, nisi ex Apostolico Indulto; quo in casu, impertienda est iuxta formulam, quæ invenitur in Rituali romano, tit. VIII, cap. III;

b) benedictio nuptialis infra Missam dari debet a sacerdote qui Missam celebrat, etiamsi alius sacerdos matrimonio adstiterit;

c) benedictio nuptialis omittitur, si sponsi non sunt præsentibus; et si uterque vel alteruter benedictionem iam acceperit, servata nihilominus, sicubi vigeat, consuetudine benedictionem impertiendi, si hanc vir tantum obtinuerit;

d) in Commemoratione omnium Fidelium defunctorum et in Triduo sacro, prohibetur et Missa votiva et eius commemoratio in Missa diei, et benedictio nuptialis infra Missam.

382. Pro gratiarum actione in 25° vel 50° anniversario a celebratione matrimonii, dici potest, ut votiva II classis, aut Missa de Ssma Trinitate aut de B. Maria Virg., addita oratione pro gratiarum actione sub unica conclusione cum prima.

Missa finita, super coniuges dicuntur preces quæ inveniuntur in Rituali romano, tit. VIII, cap. VII.

XII—De aliis quibusdam Missis votivis II classis

383. Præter Missas votivas II classis, numeris præcedentibus recensitas, revocare oportet Missas votivas lectas, quæ permittuntur, tamquam votivæ II classis, in celebrationibus Congressus eucharistici (n. 336), et in quibusdam celebrationibus extraordinariis (n. 340 b).

D) De Missis votivis III classis

384. Nomine Missæ votivæ III classis intellegitur Missa votiva quæ celebrari potest diebus liturgicis III et IV classis.

385. Missæ votivæ III classis, a rubricis generalibus prævisæ, sunt:

a) una Missa de D. N. Iesu Christo, summo atque aeterno Sacerdote, prima feria V vel primo sabbato cuiusque mensis, in ecclesiis et oratoriis in quibus peculiaria pietatis exercitia pro cleri sanctificatione, eo die, peraguntur;

b) duæ Missæ de Ssma Corde Iesu, prima feria sexta cuiusque mensis, in ecclesiis et oratoriis in quibus peculiaria pietatis exercitia in honorem eiusdem Ssmi Cordis, eo die, peraguntur;

c) una Missa de Immaculato Corde B. Mariæ Virginis, primo sabbato cuiusque mensis, in ecclesiis et oratoriis, in quibus peculiaria pietatis exercitia in honorem eiusdem Immaculati Cordis B. Mariæ Virginis, eo die, peraguntur.

His addi debet Missa de Ssmo Eucharistiæ Sacramento, quæ singulis sacerdotibus permittitur, diebus Congressus eucharistici (n. 337).

386. Ratio ordinandi Missas votivas III classis hæc est:

- a) dicuntur cum **Gloria**; sed semper sine **Credo**;
- b) admittunt duas commemorationes, aut unam commemorationem et collectam ab Ordinario loci imperatam;
- c) si in cantu celebrantur, adhibetur tonus solemnis;
- d) quoties prohibentur, non commemorantur in Missa diei.

E) De Missis votivis IV classis

387. Missa votiva IV classis est Missa votiva quæ celebrari potest tantum diebus liturgicis IV classis.

388. Pro Missa votiva IV classis sumi potest quælibet Missa, quæ a rubricis tamquam votiva permittitur. Requiritur tamen iusta causa, scilicet sacerdotis celebrantis vel fidelium necessitas, utilitas aut devotio.

389. In ordinanda Missa votiva IV classis, hæc servantur:

- a) non dicitur **Gloria**, nisi in Missis de Angelis, quocumque die, et in Missis de B. Maria Virg., in sabbato;
- b) præter orationem Missæ, dici possunt duæ aliæ orationes, inter quas adnumerandæ sunt sive commemorationes de Officio diei aut in Officio diei occurrentes, sive collecta ab Ordinario loci imperata, sive oratio votiva;
- c) **Credo** semper omittitur;
- d) si in cantu celebrantur, adhibetur tonus ferialis.

CAPUT VII

DE MISSIS DEFUNCTORUM

A) De Missis defunctorum in genere

390. Missæ pro defunctis, quæ celebrantur in Commemoratione omnium Fidelium defunctorum, sunt iuxta ordinem Officii; omnes aliæ Missæ pro defunctis sunt extra ordinem Officii.

391. In Missis defunctorum nulla fit commemoratio de Officio diei currentis.

392. Missæ defunctorum sunt I, II, III aut IV classis; de singulis agitur numeris sequentibus.

393. Quævis Missa defunctorum, etiam exsequialis, prohibetur:

- a) in ecclesiis et oratoriis ubi, quavis ratione, habeatur expositio Ssmi Sacramenti, toto expositionis tempore. Excipiuntur Missæ in die Commemorationis omnium Fidelium defunctorum (n. 352);
- b) in ecclesiis unam tantum Missam habentibus, quoties urgeat onus Missæ conventualis, cui per alium sacerdotem satisfieri nequeat; nisi ipsa Missa conventualis dici debeat aut possit pro defunctis;
- c) in ecclesiis unam tantum Missam habentibus, die 2 februarii, et feria IV cinerum, si respective fit benedictio candelarum aut cinerum; et in Li-

taniis maioribus et minoribus, si dicenda sit Missa de Rogationibus.

394. Prima Missa ex iis quæ habentur in Commemoratione omnium Fidelium defunctorum, adhibitis orationibus propriis in Missali inter orationes diversas pro defunctis assignatis, sumitur:

a) pro defunctis Summo Pontifice, Cardinalibus, Episcopis, et Sacerdotibus, in omnibus Missis I, II et III classis;

b) in anniversariis omnium defunctorum aliquis Ordinis vel Congregationis clericalis.

395. Missa quæ inscribitur «In die obitus seu depositionis defuncti» dicitur pro defunctis non sacerdotibus:

- a) in Missa exsequiali;
- b) in Missis pro die obitus;
- c) in Missis post acceptum mortis nuntium;
- d) in ultima defuncti sepultura;
- e) in die III, VII et XXX, adhibitis tamen orationibus propriis.

396. Missa quæ inscribitur «In anniversario defunctorum» sumitur in anniversariis defunctorum qui non sunt sacerdotes.

397. Missa «cotidiana» sumitur pro omnibus defunctis cuiusque ordinis vel gradus, extra dies supra recensitos.

398. Quoad orationes in Missis defunctorum, hæc servantur:

- a) omnes Missæ defunctorum, sive in cantu sive lectæ, per se dicuntur cum unica oratione, nisi oratio imperata pro defunctis, iuxta n. 458, addi debeat, vel oratio votiva pro defunctis, iuxta n. 464, addi possit;
- b) in Missis defunctorum IV classis, si pro certis defunctis applicentur, dicitur oratio conveniens, ut in Missali inter orationes diversas pro defunctis; si applicentur pro defunctis in genere, vel designatio ignoretur, dicitur oratio **Fidelium**;
- c) in Missis defunctorum prohibetur quævis oratio, quæ non est pro defunctis.

399. Sequentia **Dies iræ**:

a) dici debet tantum in Missis defunctorum I classis. Attamen in Commemoratione omnium Fidelium defunctorum, cum quis tres Missas sine intermissione celebrat, sequentiam dicere debet tantum in Missa principali, secus in prima Missa; in aliis Missis, nisi sint in cantu, eam omittere potest;

b) omitti potest in Missis defunctorum II, III et IV classis.

400. Quælibet Missa defunctorum potest esse aut in cantu aut lecta.

401. Absolutio super cadaver aut super tumulum:

- a) fieri debet post Missam exsequialem;
- b) fieri potest post ceteras Missas defunctorum;
- c) fieri potest, ex rationabili causa, etiam post Missas quæ non sunt defunctorum.

B) De Missis defunctorum I classis

I—De Missis defunctorum I classis in genere

402. Missæ defunctorum I classis sunt:

- a) Missæ in die Commemorationis omnium Fidelium defunctorum;
- b) Missa exsequialis.

II—De Missis in die Commemorationis omnium Fidelium defunctorum

403. In die Commemorationis omnium Fidelium defunctorum, quilibet sacerdos tres Missas celebrare potest, ut in Missali hoc die.

404. In dicendis Missis huius diei, hæc servantur:

- a) qui unam dumtaxat Missam celebrat, primam adhibet; qui vero duas, primam et secundam;
- b) qui Missam in cantu vel conventualem celebrat, primam adhibet, facta ei potestate anticipandæ secundæ et tertiæ;
- c) qui plures Missas in cantu celebrat, in diversis ecclesiis, semper primam adhibere debet;
- d) si vero plures Missæ, in eadem ecclesia, in cantu celebrantur, primum adhibeatur prima, deinde secunda et denique tertia.

III—De Missa exsequiali

405. Nomine Missæ exsequialis intellegitur unica Missa pro defunctis, quæ directe connectitur cum exsequiis alicuius defuncti.

Hæc Missa, per se, celebranda est præsentem cadavere; celebrari vero potest etiam, rationabilem ob causam, absente vel iam sepulto.

406. Missa exsequialis prohibetur:

- a) diebus sub nn. 1, 2, 3, 4, 5 et 6 in tabella præcedentiæ recensitis;
- b) diebus festis de præcepto, inter festa sub n. 11 in tabella præcedentiæ comprehensis;
- c) in anniversario Dedicationis et in festo Tituli ecclesiæ, in qua funus peragitur;
- d) in festo Patroni principalis oppidi vel civitatis;
- e) in festo Tituli et Sancti Fundatoris Ordinis seu Congregationis, ad quam pertinet ecclesia in qua funus peragitur.

407. Si Officium alicuius festi, de quo n. 406, iuxta rubricas, in alium diem accidentaliter transferendum sit, Missa exsequialis prohibetur die quo festum impeditur ac permittitur die in quem transfertur Officium; si vero solemnitas externa alicuius festi fit in dominica, Missa exsequialis prohibetur die quo fit solemnitas externa, non autem die festo.

408. Quoties Missa exsequialis prohibetur, vel, ob rationabilem causam, in ipso actu funeris celebrari nequit, transferri potest in proximiorum diem similiter non impeditum.

409. In Commemoratione omnium Fidelium defunctorum pro Missa exsequiali sumitur prima Missa diei cum orationibus pro respectivo defuncto in Missa exsequiali dicendis. Si vero prima Missa celebratur pro Officio diei, pro Missa exsequiali sumitur secunda, aut denique tertia.

C) De Missis defunctorum II classis

I—De Missis defunctorum II classis in genere

410. Missæ defunctorum II classis sunt:

- a) Missæ pro die obitus;
- b) Missa post acceptum mortis nuntium;
- c) Missa in ultima defuncti sepultura.

411. Omnes Missæ defunctorum II classis dicuntur ut in die obitus; permittuntur autem dummodo:

- a) pro ipso defuncto applicentur;
- b) non occurrat dies liturgicus I classis aut dominica quævis.

Si Missa in die obitus dicitur ultra octiduum a die obitus seu sepulturæ defuncti, in oratione et post-communione omittitur adverbium hodie.

II—De Missis pro die obitus

412. Nomine «Missæ pro die obitus» intelleguntur quæ pro aliquo defuncto celebrantur a die obitus usque ad diem sepulturæ:

- a) sive in oratorio privato ipsius defuncti, dummodo cadaver sit physice præsens in domo;
- b) sive in ecclesia vel oratorio loci ubi defunctus obiit, sepelitur vel habuit domicilium;
- c) sive in ecclesia vel oratorio in quo celebratur Missa exsequialis, etsi a funere defuncti seiuncta.

III—De Missa post acceptum mortis nuntium

413. Nomine «Missæ post acceptum mortis nuntium» intellegitur unica Missa quæ pro aliquo defuncto dici potest in qualibet ecclesia vel oratorio, opportuniore die post acceptum mortis nuntium.

IV—De Missa in ultima defuncti sepultura

414. Nomine Missæ in ultima defuncti sepultura intellegitur unica Missa, quæ dici potest in ecclesia vel oratorio illius loci, ubi corpus defuncti iam humatum ad definitivam sepulturam defertur, eo ipso die eiusdem definitivæ sepulturæ.

D) De Missis defunctorum III classis

I—De Missis defunctorum III classis in genere

415. Missæ defunctorum III classis sunt:

- a) Missa in die III, VII et XXX ab obitu vel sepultura defuncti;
- b) Missa «in anniversario»;
- c) Missæ defunctorum in ecclesiis et sacellis cœmeterii;
- d) Missæ defunctorum intra octiduum Commemorationis omnium Fidelium defunctorum.

416. Missæ defunctorum III classis prohibentur diebus liturgicis I et II classis; et adhibetur formula quæ infra pro singulis Missis indicatur, nisi iuxta n. 394 prima Missa ex iis quæ habentur in Commemoratione omnium Fidelium defunctorum sumenda sit.

II—De Missa in die III, VII et XXX ab obitu vel sepultura

417. In die III, VII et XXX ab obitu vel sepultura defuncti computando, in qualibet ecclesia vel oratorio dici potest pro ipso defuncto unica Missa ut in

die obitus, adhibitis orationibus propriis, quæ in fine huius Missæ inveniuntur.

Quoties hæc Missa a rubricis impeditur, transferri potest in proximiorum diem similiter non impeditum.

Huiusmodi Missæ plures esse possunt diebus quibus Missæ defunctorum IV classis permittuntur.

III—De Missa «in anniversario»

418. Anniversarium **stricte sumptum** intellegitur annuus recursus diei obitus aut sepulturæ alicuius defuncti; **late sumptum** vero intellegitur aut anniversarium ex fundatione extra diem obitus vel sepulturæ semel quolibet anno celebrandum, aut celebratio quæ pro omnibus defunctis alicuius cœtus, item semel quolibet anno, habetur, die aut ex fundatione vel consuetudine cœtus statuto aut a cœtu vel sacerdote celebrante statuendo.

419. His diebus, in qualibet ecclesia vel oratorio, permittitur **una** Missa quæ dicenda est ut in anniversario; et quoties a rubricis prohibetur, transferri potest in proximiorum diem similiter non impeditum.

Huiusmodi Missæ plures esse possunt diebus quibus Missæ defunctorum IV classis permittuntur.

IV—De Missis in ecclesiis et sacellis cœmeterii

420. Nomine ecclesiæ vel sacelli cœmeterii intellegitur:

a) ecclesia vel oratorium publicum principale cœmeterii, in quo actu cadavera sepeliuntur, dummodo huiusmodi ecclesia vel oratorium adnexum non habeat onus chorale aut curam animarum;

b) sacellum alicuius particularis sepulcreti rite erecti intra fines cœmeterii.

421. Missæ quæ his locis celebrantur, dummodo pro defunctis applicentur, dici possunt de requie, adhibita «Missa cotidiana» cum oratione convenienti.

V—De Missis defunctorum intra octiduum Commemorationis omnium Fidelium defunctorum

422. Intra octiduum a die Commemorationis omnium Fidelium defunctorum inclusive computandum, omnes Missæ, quæ applicantur pro omnibus vel quibusdam defunctis, dici possunt de requie, adhibita Missa «cotidiana» cum oratione convenienti.

E) De Missis defunctorum IV classis, «cotidianis»

423. Missæ defunctorum IV classis sunt aliæ Missæ defunctorum «cotidianæ», quæ celebrari possunt, loco Missæ Officio diei respondentis, in feriis IV classis tantum, extra tempus natalicium.

Maxime convenit ut hæc Missæ defunctorum IV classis tunc tantum dicantur cum revera pro defunctis, aut in genere aut certo designatis, applicantur.

CAPUT VIII

DE DIVERSIS MISSÆ PARTIBUS

A) De psalmo Iudica me, Deus, confessione et altaris incensatione

424. Psalmus Iudica me, Deus cum sua antiphona, et confessio cum absolutione dicuntur, ante gradus altaris, in qualibet Missa sive in cantu sive lecta; omittuntur autem una cum sequentibus versibus et orationibus **Aufer a nobis** et **Oramus te, Domine**, in:

a) Missa festi Purificationis B. Mariæ Virg., quæ sequitur benedictionem et processionem candelarum;

b) Missa feriæ IV cinerum, quæ dicitur post benedictionem et impositionem cinerum;

c) Missa dominicæ II Passionis seu in palmis, quæ sequitur benedictionem et processionem ramorum;

d) Missa Vigiliæ paschalis;

e) Missa Rogationum, quæ sequitur processionem Litaniarum tam maiorum quam minorum;

f) certis Missis, quæ sequuntur quasdam consecrationes, ex rubricis Pontificalis romani.

425. Psalmus **Iudica me, Deus** omittitur:

a) in Missis de Tempore, a dominica I Passionis usque ad feriam V in Cena Domini;

b) in Missis defunctorum.

426. Incensationes quæ in Missa solemni fieri debent, fieri possunt etiam in omnibus Missis cantatis.

B) De antiphona ad Introitum, et Kyrie, eleison

427. Ad Introitum dicitur antiphona cum versu psalmi et **Gloria Patri**; atque, his expletis, repetitur antiphona.

Deest vero antiphona ad Introitum cum psalmo et **Gloria Patri** in Missa Vigiliæ paschalis.

428. **Gloria Patri** ad Introitum omittitur in Missis de Tempore, a dominica I Passionis usque ad feriam V in Cena Domini, et in Missis defunctorum.

429. Tempore paschali antiphonæ ad Introitum duplex additur **Alleluia**, nisi iam habeatur. E contra, in qualibet antiphona ad Introitum, **Alleluia** omittitur quoties Missa dicitur extra tempus paschale, nisi in quibusdam Missis aliter indicetur.

430. **Kyrie, eleison** dicitur novies post repetitam antiphonam ad Introitum, id est ter **Kyrie, eleison**, ter **Christe, eleison**, et ter **Kyrie, eleison**.

C) De hymno Gloria in excelsis

431. Hymnus **Gloria in excelsis** dicitur:

a) in Missis quæ respondent Officio diei, quotiescumque ad Matutinum dictus est hymnus **Te Deum**;

b) in Missis festivis de quibus n. 302;

c) in Missis feriæ V in Cena Domini, et in Missa Vigiliæ paschalis;

d) in Missis votivis I, II et III classis, nisi adhibeatur color violaceus paramentorum;

e) in Missis votivis IV classis de Angelis, quocumque die, et de B. Maria Virg. quæ in sabbato celebrantur.

432. Hymnus **Gloria in excelsis** omittitur:

- a) in Missis quæ respondent Officio diei, quando ad Matutinum omittitur hymnus **Te Deum**;
- b) in omnibus Missis in quibus adhibetur color violaceus paramentorum;
- c) in Missis votivis IV classis, iis exceptis de quibus n. 431 e;
- d) in Missis defunctorum.

D) De orationibus

I—De orationibus in genere

433. Nomine orationum, in Missa, intellegi debent:

- a) oratio Missæ quæ celebratur;
- b) orationes Officii commemorati et alicuius commemorationis occurrentis;
- c) aliæ orationes a rubricis præscriptæ (nn. 447-453);
- d) oratio ab Ordinario loci imperata (nn. 454-460);
- e) oratio votiva, quæ certis diebus liturgicis dici potest ad libitum sacerdotis celebrantis (nn. 461-465).

434. Numero orationum pro singulis diebus liturgicis statuto complectuntur tam oratio Missæ et commemorationes quam aliæ orationes sive a rubricis præscriptæ sive ab Ordinario imperatæ sive votivæ. Proinde, post orationem Missæ:

- a) in diebus liturgicis I classis, in Missis votivis I classis, et in Missis in cantu non conventualibus, nulla alia admittitur oratio, præter orationem sub unica conclusione dicendam et unam commemorationem privilegiatam, salvo præscripto n. 333;
- b) in dominicis II classis, nulla alia admittitur oratio, præter commemorationem festi II classis, quæ tamen omittitur si commemoratio privilegiata facienda sit;
- c) in aliis diebus liturgicis II classis et in Missis votivis II classis una tantum alia admittitur oratio, scilicet aut una privilegiata aut una ordinaria;
- d) in diebus liturgicis III et IV classis et in Missis votivis III et IV classis duæ tantum admittuntur orationes.

435. Quælibet oratio, quæ numerum pro singulis diebus liturgicis statutum superet, omittitur; profecto numerum ternarium orationum nullo prætextu excedere licet.

436. Oratio propria Missæ semper dicitur sub sua conclusione, nisi ipsi alia oratio, sub eadem conclusione, iugenda sit, ut infra nn. 444-445 dicetur.

437. Sub altera conclusione semper dicuntur:

- a) commemorationes faciendæ;
- b) oratio ab Ordinario loci imperata;
- c) oratio votiva.

438. Si duæ orationes in prima aut in altera parte sint iisdem fere verbis compositæ, oratio posterior:

- a) si est de Tempore, mutatur in aliam de sequenti dominica vel feria;
- b) si agitur de Sancto, mutatur in aliam de eodem vel simili Comuni;
- c) si agitur de oratione imperata, omittitur.

439. In orationibus Officii translati vel repositi non sunt mutanda verba **hanc** vel **hodiernam** vel **presentem diem**, aut similia.

440. Quoties in Missali dicenda occurrunt verba **Flectamus genua**, **Levate**, in Missa solemni a diacono, in ceteris Missis a celebrante proferenda sunt; et post **Flectamus genua**, omnes, una cum celebrante, flexis genibus, per aliquod temporis spatium in si-

lentio orant; dicto **Levate**, omnes surgunt, et celebrans dicit orationem.

441. Ad qualitatem et numerum orationum in Missis defunctorum quod attinet, servantur ea quæ n. 398 tradita sunt.

II—De orationibus in Missis cum pluribus lectionibus

442. In Missis cum pluribus lectionibus (nn. 467-468) commemorationes et aliæ orationes ponuntur post orationem quæ præcedit ultimam lectionem seu epistolam; et hæc tantum oratio computatur ad numerum orationum definiendum.

443. Ad commemorandam feriam cuius Missa plures habet lectiones, sumitur prima oratio, scilicet ea quæ dicta est in Laudibus.

III—De orationibus sub unica conclusione cum oratione Missæ dicendis

444. Orationi Missæ additur, sub unica conclusione, altera oratio, solummodo si agitur:

- a) de oratione rituali (n. 447);
- b) de oratione Missæ votivæ I aut II classis impeditæ (nn. 330 c, 343 c);
- c) de alia oratione a rubricis expresse indicata aut concessa uti dicenda sub unica conclusione cum oratione Missæ (nn. 110, 350, 449, 451, 453).

445. Sub unica conclusione cum oratione Missæ una tantum dici potest alia oratio.

Si vero plures orationes, iuxta rubricas, sub unica conclusione cum oratione Missæ essent dicendæ, una tantum retinetur, secundum ordinem supra, n. 444, descriptum; reliquæ omittuntur.

446. Oratio dicenda sub unica conclusione cum oratione Missæ una cum illa computatur; et dicenda est etiam in Missis in cantu.

IV—De orationibus ritualibus

447. Nomine «orationis ritualis» intellegitur oratio dicenda in Missa quæ cum sequentibus benedictionibus vel consecrationibus connectitur:

- a) consecratione Episcopi,
- b) collatione Ordinum,
- c) benedictione Abbatis,
- d) benedictione Abbatissæ,
- e) benedictione et consecratione Virginum,
- f) benedictione cæmeterii,
- g) reconciliatione ecclesiæ,
- h) reconciliatione cæmeterii.

Hæ orationes, quæ exstant inter Missas votivas ad diversa, semper addendæ sunt, sub unica conclusione, orationi Missæ.

448. In Missis in quibus additur oratio ritualis, excluduntur omnes aliæ orationes, præter commemorationes privilegiatas.

V—De orationibus in die coronationis Summi Pontificis et in anniversariis Papæ et Episcopi diocesani

449. In die coronationis Summi Pontificis et in anniversario eiusdem, necnon in anniversario aut ele-

ctionis aut consecrationis aut translationis Episcopi diœcesani (semel scilicet, die ab ipso Episcopo eligendo), in omnibus Missis, præterquam defunctorum, additur, sub unica conclusione cum oratione Missæ, oratio pro Papa aut pro Episcopo, modo ne occurrat dies liturgicus sub n. 1, 2, 3 et 8 in tabella præcedentiæ recensitus (cfr. n. 363).

450. Quoties impeditur, oratio pro Papa aut pro Episcopo transfertur in proximiorum diem similiter non impeditum, eodem modo ac transfertur Missa conventualis pro iisdem anniversariis, in ecclesiis cathedralibus et collegiatis (n. 364).

VI—De oratione pro seipso sacerdote in anniversario propriæ Ordinationis sacerdotalis

451. In anniversario propriæ Ordinationis sacerdotalis, quilibet sacerdos orationi Missæ, sub unica conclusione, orationem pro seipso addere potest, modo ne occurrat dies liturgicus sub nn. 1, 2, 3 et 8 in tabella præcedentiæ recensitus.

452. Quoties impeditur, oratio pro seipso sacerdote transferri potest in proximiorum diem similiter non impeditum.

VII—De oratione «Pro Fidei propagatione»

453. Pænultima dominica mensis octobris, aut alia ab Ordinario loci statuta «pro Missionibus», in omnibus Missis, orationi Missæ additur, sub unica conclusione, oratio pro Fidei propagatione, exceptis diebus sub n. 1, 2, 3 et 8 in tabella præcedentiæ recensitis.

VIII—De oratione imperata

454. Nomine orationis imperatæ intellegitur oratio, quam Ordinarius loci imperare potest, occurrente gravi et publica necessitate aut calamitate.

455. Tamquam imperata, ab Ordinario loci præscribi potest quælibet oratio e Missis, quæ tamquam votivæ celebrari permittuntur, aut ex orationibus ad diversa, aut ex Missis et orationibus pro defunctis.

456. Maxime convenit ut Ordinarius loci orationem imperatam non modo stabili imponat, sed tantum ex causa revera gravi et per spatium quod tempus veræ necessitatis non excedat.

457. Oratio imperata:

a) una tantum esse potest;

b) dici debet ab omnibus sacerdotibus Sacrum facientibus in ecclesiis et oratoriis, etiam exemptis, diœcesis;

c) numquam dicitur sub unica conclusione cum oratione Missæ, sed post commemorationes privilegiatas;

d) prohibetur omnibus diebus liturgicis I et II classis, in Missis votivis I et II classis, in Missis in cantu et quoties commemorationes privilegiatæ numerum pro singulis diebus liturgicis statutum compleverint.

458. Oratio imperata pro defunctis dicitur tantum in feriis IV classis, et in Missis votivis aut defunctorum lectis IV classis.

459. In publica calamitate aut necessitate, natura sua per longius tempus persistente (v. gr. bello, pestilentia et similibus), Ordinarius loci imponere quidem potest orationem imperatam convenientem **pro toto tempore** infausti eventus; sed hæc oratio:

a) dicitur tantummodo feriis secunda, quarta et sexta;

b) prohibetur iisdem diebus et in Missis de quibus supra, n. 457 d.

460. Occurrente urgentiore, gravi et publica necessitate aut calamitate, nec tempus suppetat adeundi Ordinarium loci, parochus, intra fines suæ parœciæ, etiam pro ecclesiis et oratoriis exemptis, statuere potest orationem convenientem dicendam per tres dies continuos. Hæc oratio iisdem diebus et in iisdem Missis prohibetur ac oratio ab Ordinario loci imperata (n. 457 d); quæ, si dicenda esset, omititur.

IX—De oratione votiva

461. Quilibet sacerdos addere potest unam orationem ad libitum in omnibus Missis lectis non conventualibus diebus liturgicis IV classis.

462. Oratio votiva eligi potest aut ex Missis, quæ tamquam votivæ celebrari permittuntur, aut ex orationibus ad diversa, aut ex Missis et orationibus pro defunctis.

463. Hæc oratio ponitur ultimo loco, post alias orationes, non autem excedere debet numerum ternarium orationum.

464. Oratio votiva pro defunctis addi potest in Missis lectis non conventualibus defunctorum IV classis.

465. In oratione **A cunctis**, nominari potest sive Titularis propriæ ecclesiæ, sive quilibet Patronus principalis, sive Fundator aut Titulus Ordinis seu Congregationis. Ceterum servantur rubricæ quæ, pro hac oratione, in Missali inveniuntur.

E) De lectionibus et aliis usque ad Evangelium

466. Post orationes dicitur Epistola; qua finita, respondetur **Deo gratias**.

467. Epistolæ præmittitur una lectio:

a) in feriis IV Quatuor Temporum;

b) in feria IV hebdomadæ IV Quadragesimæ;

c) in feria IV Hebdomadæ sanctæ.

In fine huius lectionis respondetur **Deo gratias**.

468. Quinque lectiones præmittuntur Epistolæ in sabbatis Quatuor Temporum; et in fine cuiusque lectionis, præter quam post lectionem Danielis prophetæ, respondetur **Deo gratias**.

In Missis conventuanibus, et in Missis in quibus Ordines conferuntur, semper dici debent omnes lectiones cum suis orationibus et versibus; in ceteris Missis, sive in cantu sive lectis, dici potest tantum prima oratio, quæ respondet Officio, cum **Flectamus genua**, si dicendum est, et prima lectio cum suis versibus, deinde, dictis more solito **Domine vobiscum, Et cum spiritu tuo** et **Oremus**, secunda oratio sine **Flectamus genua**, quam sequuntur aliæ commemorationes forte occurrentes, et, omis- sis sequentibus lectionibus cum suis versibus et orationibus, statim subiungitur ultima lectio seu Epistola cum sequenti tractu et, sabbato post Pentecosten, cum sequentia.

469. Post Epistolam, dicitur graduale, **Alleluia** cum suis versibus, aut tractus, prout in Missali suo loco indicatur.

470. Sequentia dicitur ante ultimum **Alleluia** vel post tractum. Omittitur in Missis votivis. Ad sequentiam **Dies iræ** quod attinet, servantur normæ n. 399 traditæ.

471. In principio Evangelii dicitur **Dominus vobiscum**, cui respondetur **Et cum spiritu tuo**; deinde: **Sequentia** (vel **Initium**) **sancti Evangelii secundum N.**, cui respondetur **Gloria tibi, Domine**; et in fine respondetur **Laus tibi, Christe**.

472. In Hebdomada sancta, ante lectionem historię Passionis Domini non dicitur **Dominus vobiscum**, neque **Sequentia sancti Evangelii**, **Gloria tibi, Domine**, sed **Passio Domini nostri Iesu Christi secundum N.**, et in fine non respondetur **Laus tibi, Christe**.

473. In Missis in cantu, ea omnia, quæ diaconus vel subdiaconus aut lector, vi proprii officii cantant vel legunt, a celebrante omittuntur.

474. Post Evangelium, præsertim in dominicis et diebus festis de præcepto, habeatur, iuxta opportunitatem, brevis homilia ad populum.

Homilia vero, si fiat ab alio sacerdote ac celebrante, non superimponatur Missæ celebrationi impediendo fidelium participationem; proinde, hoc in casu, Missæ celebratio suspendatur, et tantummodo expleta homilia resumatur.

F) De symbolo

475. Post Evangelium aut homiliam, dicitur symbolum:

a) in qualibet dominica, etsi eius Officium alicui festo locum cedat, vel Missa votiva II classis celebratur;

b) in festis I classis et in Missis votivis I classis;

c) in festis II classis Domini et B. Mariæ Virg.;

d) per octavas Nativitatis Domini, Paschatis et Pentecostes, etiam in festis occurrentibus et in Missis votivis;

e) in festis nataliciis Apostolorum et Evangelistarum, necnon in festis Cathedræ S. Petri et S. Barnabæ Ap.

476. Non dicitur symbolum:

a) in Missis sive Chrismatis sive in Cena Domini, feria V Hebdomadæ sanctæ, et in Missa Vigiliæ paschalis;

b) in festis II classis, iis exceptis quæ supra, n. 475 c et e, recensentur;

c) in Missis votivis II classis;

d) in Missis festivis et votivis III et IV classis;

e) ratione alicuius commemorationis in Missa occurrentis;

f) in Missis defunctorum.

G) De antiphona ad Offertorium et de orationibus secretis

477. Post symbolum vel, si non est dicendum, post Evangelium aut homiliam, dicitur **Dominus vobiscum** cui respondetur **Et cum spiritu tuo**, et **Oremus**; deinde antiphona ad Offertorium, quæ deest tantum in Missa Vigiliæ paschalis.

478. Tempore paschali, antiphonæ ad Offertorium additur **Alleluia**, nisi iam habeatur. Retinetur

vero **Alleluia**, quod aliquando invenitur in fine antiphonæ ad Offertorium, extra tempus paschale, præterquam a Septuagesima ad Pascha.

479. Oblatio hostiæ et calicis, et quæ sequuntur, fiunt ut in Ordine Missæ.

480. Oratio «secretæ» dicitur secreto, absque **Dominus vobiscum** et **Oremus**. Tot vero dicuntur orationes secretæ, quot dictæ sunt orationes in initio Missæ. Dicuntur eodem ordine et concluduntur ac aliæ orationes.

481. Conclusio ultimæ orationis secretæ dicitur secreto usque ad verba **Per omnia sæcula sæculorum**, quæ clara voce proferuntur.

H) De præfatione

482. Præfatio dicitur quæ cuique Missæ propria est; qua deficiente, dicitur præfatio de Tempore, secus communis.

483. Nulla commemoratio, in Missa occurrens, præfationem propriam inducit.

484. **Præfatio de Nativitate Domini** dicitur:

a) tamquam **propria** in Missis de Nativitate Domini et de eiusdem octava, necnon in festo Purificationis B. Mariæ Virg.;

b) tamquam **de Tempore**, infra octavam Nativitatis Domini, etiam in Missis quæ secus præfationem propriam haberent, exceptis iis Missis quæ præfationem propriam de divinis mysteriis vel Personis habent; et a die 2 ad 5 ianuarii.

485. **Præfatio de Epiphania Domini** dicitur:

a) tamquam **propria** in Missis de festo Epiphaniæ et de Commemoratione Baptismatis D. N. Iesu Christi;

b) tamquam **de Tempore** diebus a 7 ad 13 ianuarii.

486. **Præfatio de Quadragesima** dicitur:

a) tamquam **propria** in Missis de Tempore a feria IV cinerum usque ad sabbatum ante dominicam I Passionis;

b) tamquam **de Tempore** in ceteris Missis quæ celebrantur eodem tempore, et præfatione propria carent.

487. **Præfatio de sancta Cruce** dicitur:

a) tamquam **propria** in Missis de Tempore a dominica I Passionis usque ad feriam V in Cena Domini; in Missis tam festivis quam votivis de sancta Cruce, de Passione Domini et instrumentis Passionis Domini, de pretiosissimo Sanguine D. N. Iesu Christi, de Ss̃mo Redemptore;

b) tamquam **de Tempore** in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

488. **Præfatio de Missa Chrismatis** dicitur feria V in Cena Domini, in sua Missa.

489. **Præfatio paschalis** dicitur:

a) tamquam **propria** in Missis de Tempore a Missa Vigiliæ paschalis usque ad vigiliam Ascensionis Domini;

b) tamquam **de Tempore** in ceteris Missis quæ celebrantur eodem tempore, et præfatione propria carent.

490. **Præfatio de Ascensione Domini** dicitur:

a) tamquam **propria** in festo Ascensionis Domini;

b) tamquam **de Tempore** in omnibus Missis a feria VI post Ascensionem usque ad feriam VI ante vigiliam Pentecostes, quæ præfatione propria carent.

491. **Præfatio de Ss̃mo Corde Iesu** dicitur in Missis

festivis et votivis de Ss̃mo Corde Iesu.

492. **Præfatio de D. N. Iesu Christo Rege** dicitur in Missis festivis et votivis de D. N. Iesu Christo Rege.

493. **Præfatio de Spiritu Sancto** dicitur:

a) tamquam **propria** in Missis de Tempore a vigilia Pentecostes usque ad subsequens sabbatum; et in Missis festivis et votivis de Spiritu Sancto;

b) tamquam **de Tempore** in ceteris Missis quæ celebrantur eodem tempore, et præfatione propria carent.

494. **Præfatio de Ss̃ma Trinitate** dicitur:

a) tamquam **propria**, in Missis de festo et votivis Ss̃mæ Trinitatis;

b) tamquam **de Tempore** in dominicis Adventus, et in omnibus dominicis II classis, extra tempus natalicium et paschale.

495. **Præfatio de Beata Maria Virgine** dicitur in Missis festivis et votivis Beatæ Mariæ Virginis, præterquam in festo Purificationis B. Mariæ Virg.

496. **Præfatio de S. Ioseph** dicitur in Missis festivis et votivis S. Ioseph.

497. **Præfatio de Apostolis** dicitur in Missis festivis et votivis Apostolorum et Evangelistarum.

498. **Præfatio communis** dicitur in Missis quæ præfatione propria carent, nec sumere debent præfationem de Tempore.

499. **Præfatio defunctorum** dicitur in Missis defunctorum.

I) De Canone Missæ et aliis usque ad postcommunem

500. Post præfationem et Sanctus dicitur Canon Missæ secreto, ut in Ordine Missæ.

501. Quoties infra actionem **Communicantes, Hanc igitur** et **Qui pridie** variari contingit, suo loco in propriis Missis adnotatur.

Infra octavas Nativitatis Domini, Paschatis et Pentecostes **Communicantes** et **Hanc igitur** propria dicuntur quoque in Missis quæ non sunt de octava, etiamsi præfatione propria gaudeant.

502. Tempus proprium sanctæ Communionis fidelibus distribuendæ est infra Missam, post Communionem sacerdotis celebrantis, qui ipsemet eam peccantibus distribuat, nisi propter grandem communicantium numerum conveniat, ut ab alio vel aliis sacerdotibus adiuvetur.

Dedecet vero omnino, ut in eodem altari, in quo actu Missa celebratur, ab alio sacerdote sancta Communio distribuatur, extra tempus Communionis proprium.

Ex rationabili porro causa permittitur quoque, sanctam Communionem distribuere, immediate ante vel post Missam, imo etiam, extra Missam, quibus in casibus adhibetur forma in Rituali Romano præscripta, Tit. V, Cap. II, nn. 1-10.

503. Quoties sancta Communio infra Missam distribuitur, celebrans, sumpto sacratissimo Sanguine, omissis confessione et absolutione, dictis tamen **Ecce Agnus Dei** et ter **Domine, non sum dignus**, immediate ad distributionem sanctæ Eucharistiæ procedit.

504. Expleto Canone et omnibus aliis usque ad Communionem, dicitur antiphona ad Communionem, cuius in fine, tempore paschali, additur **Alleluia**, nisi iam habeatur; retinetur vero **Alleluia**, quod aliquando invenitur in fine huius antiphonæ, extra tempus paschale, præterquam a Septuagesima ad Pascha.

505. Orationes post Communionem dicuntur eodem numero, modo et ordine ac orationes in principio Missæ.

506. In Missis de feriis Quadragesimæ et Passionis, excepto Triduo sacro, expleta ultima oratione post Communionem, additur **Oratio super populum**, quæ dicitur semper sub sua conclusione, et cui præmittitur **Oremus. Humiliate capita vestra Deo**. Hæc oratio dicenda est etiam cum tres orationes post Communionem iam præcesserint.

L) De conclusione Missæ

507. In fine Missæ dicitur **Ite, missa est**, cui respondetur **Deo gratias**.

Attamen:

a) in Missa vespertina in Cena Domini quam sequitur solemnis repositio Ss̃mi Sacramenti, et in aliis Missis quas sequitur aliqua processio, dicitur **Benedicamus Domino**, cui respondetur **Deo gratias**;

b) infra octavam Paschatis, in Missis de Tempore, ad **Ite, missa est** et ad sequens **Deo gratias** duplex additur **Alleluia**;

c) in Missis defunctorum dicitur **Requiescant in pace**, cui respondetur **Amen**.

508. Dicto Placeat, datur benedictio, quæ omittitur tantum cum dictum est **Benedicamus Domino** aut **Requiescant in pace**.

509. Pro ultimo Evangelio, in quavis Missa, regulariter sumitur initium Evangelii secundum Ioannem.

Attamen in dominica II Passionis seu in palmis, in omnibus Missis quæ non sequuntur benedictionem et processionem ramorum dicitur ultimum Evangelium proprium.

510. Ultimum Evangelium penitus omittitur:

a) in Missis in quibus dictum est **Benedicamus Domino**, iuxta n. 507 a;

b) in festo Nativitatis Domini, ad tertiam Missam;

c) in dominica II Passionis seu in palmis, in Missa quæ sequitur benedictionem et processionem ramorum;

d) in Missa Vigiliæ paschalis;

e) in Missis defunctorum, cum sequitur absolutio super tumulum;

f) in certis Missis, quæ sequuntur quasdam consecrationes, ex rubricis Pontificalis romani.

CAPUT IX

DE HIS QUÆ CLARA VOCE AUT SECRETO DICENDA SUNT IN MISSA

511. **In Missa lecta**, dicuntur clara voce:

a) verba **In nomine Patris**, etc.; psalmus **Iudica me, Deus**, cum sua antiphona; confessio et ea quæ sequuntur usque ad **Oremus** inclusive; orationes vero **Aufer a nobis** et **Oremus te, Domine** dicuntur secreto;

b) antiphona ad Introitum cum suo versu et **Gloria Patri** necnon **Kyrie eleison**;

c) hymnus **Gloria in excelsis**;

d) **Dominus vobiscum, Oremus, Flectamus genua-Levate**, orationes;

e) lectiones, Epistola, graduale, tractus, **Alleluia** cum suo versu, sequentia et Evangelium;

- f) symbolum;
- g) **Dominus vobiscum, Oremus** et antiphona ad Offertorium, necnon verba **Orate, fratres;**
- h) præfatio et **Sanctus-Benedictus;**
- i) verba **Nobis quoque peccatoribus;** oratio dominica cum sua præfatione; **Per omnia sæcula sæculorum** et **Pax Domini sit semper vobiscum; Agnus Dei,** etc.; verba **Domine, non sum dignus** ante Communionem sacerdotis celebrantis; formulæ ad Communionem fidelium; antiphona ad Communionem; **Dominus vobiscum** et postcommuniones; necnon verba **Humiliate capita vestra Deo** et oratio super populum;

l) **Ite, missa est** vel **Benedicamus Domino** aut **Requiescant in pace;** benedictio et ultimum Evangelium.

Cetera dicuntur secreto.

512. Sacerdos autem maxime curare debet ut ea quæ clara voce dicenda sunt, distincte et apposite proferat, non admodum festinanter, ut advertere possit quæ legit, nec nimis morose, ne audientes tædio afficiat; neque etiam voce nimis elata, si in altari secundario celebrat, ne perturbet alios, qui fortasse in eadem ecclesia tunc temporis celebrant; neque tam submissa, ut a circumstantibus audiri non possit. Quæ vero secreto dicenda sunt, ita pronuntiet, ut ipsemet se audiat, et a circumstantibus non audiatur.

513. **In Missa solemni, celebrans:**

a) **dicit in cantu: Dominus vobiscum,** quoties occurrit, præterquam in versibus post confessionem; orationes; **Oremus** ante antiphonam ad Offertorium, **Per omnia sæcula sæculorum** cum præfatione; **Per omnia sæcula sæculorum** cum **Pater noster** et sua præfatione; **Per omnia sæcula sæculorum** cum **Pax Domini;**

b) **incipit in cantu: Gloria et Credo,** quando sunt dicenda;

c) **dicit clara voce** formulas ad Communionem fidelium et verba benedictionis in fine Missæ;

d) **dicit voce convenienti** partes quibus ministri sacri respondere debent;

e) **dicit secreto** alia quæ in Missa lecta dicuntur clara voce;

f) **omittit** ea quæ a ministris sacris vel a lectore proferuntur.

514. **In Missis cantatis,** scilicet sine ministris sacris, celebrans tenetur servare ea quæ numero præcedenti dicta sunt, et insuper tenetur partes ministris sacris proprias cantu proferre. Epistola a lectore cani potest. Quod si non cantetur a lectore, satius erit quod legatur sine cantu ab ipso celebrante, qui tamen potest Epistolam more solito cantare.

515. **Tonus solemnis,** in cantu orationum, præfationis et orationis dominicæ, adhibetur:

a) in dominicis;

b) in Missis festivis et in Missa de Officio S. Mariæ in sabbato;

c) in vigiliis I classis;

d) feria V in Cena Domini et in Missa Vigiliæ paschalis;

e) per octavas;

f) in Missis votivis I, II et III classis.

516. **Tonus ferialis** vero adhibetur:

a) in feriis;

b) in vigiliis II et III classis;

c) in Missis votivis IV classis;

d) in Missis defunctorum.

CAPUT X

DE ORDINE GENUFLECTENDI, SEDENDI ET STANDI IN MISSA

517. **In Missa lecta,** sacerdos celebrans genuflectit:

a) quoties aut in Ritu servando in celebratione Missæ, aut in Ordine Missæ, aut in Proprio cuiusque Missæ, adnotatur ipsum genuflectere debere;

b) quando Sacramentum in altari discoopertum apparet, quoties ad medium altaris accedit vel e medio discedit.

518. **In Missis in cantu,** sacerdos celebrans genuflectit:

a) quoties ipsi genuflectendum est in Missa lecta. Sed ad verba quæ ab aliis cantanda sunt, non genuflectit dum ipse illa verba legit, sed dum aut a ministris aut a choro, iuxta rubricas, cantu proferuntur;

b) ad verba autem **Et incarnatus est,** in symbolo, sacerdos celebrans semper genuflectit, cum hæc verba recitat; cum vero cantantur, si non sedet, iterum genua flectit; si autem sedet, non genuflectit, sed caput tantum profunde inclinat apertum, præterquam in tribus Missis Nativitatis Domini et in Missa Annuntiationis B. Mariæ Virg. in quibus, dum hæc verba cantantur, omnes genua flectunt.

519. **Ministri,** in Missis in cantu, semper genuflectunt cum sacerdote celebrante, præterquam subdiaconus tenens librum ad Evangelium, et acolythi tenentes candelabra, qui tunc non genuflectunt. Et cum diaconus cantat illa verba, ad quæ est genuflectendum, ipse versus librum, celebrans et omnes alii versus altare genuflectunt. Ad Consecrationem vero ministri utrumque genu flectunt.

520. In choro, qui non sunt Prælati genua flectunt ad confessionem cum suo psalmo et ad benedictionem celebrantis in fine Missæ. Prælati autem et Canonici, ad benedictionem, caput profunde inclinant.

521. Insuper omnes, etiam Prælati, in choro genua flectunt:

a) ad Consecrationem;

b) ad Communionem fidelium;

c) in Missis feriarum Adventus, Quadragesimæ et Passionis, Quatuor Temporum mensis septembris, vigiliarum II et III classis extra tempus paschale, et in Missis defunctorum: ad orationes ante Epistolam, dicto **Dominus vobiscum;** ab expleto **Sanctus** usque ad **Pater noster** cum sua præfatione exclusive; et ad orationes post Communionem et super populum;

d) quoties cantantur a ministris vel a choro verba quæ genuflexionem requirunt.

522. Item in choro omnes unum genu flectunt:

a) dum celebrans recitat verba symboli **Et incarnatus est** etc.;

b) dum dicit verba ultimi Evangelii **Et Verbum caro factum est.**

523. In Missa solemni celebrans, medius inter diaconum et subdiaconum, sedere potest ad latus Epistolæ, iuxta altare, dum cantantur **Kyrie, eleison, Gloria in excelsis,** sequentia et **Credo;** alio tempore stat ad altare, vel genuflectit, ut supra. Hæc valent quoque in Missa cantata.

524. In choro non sedent qui actu cantant, reliqui autem sedere possunt:

a) quando celebrans sedet;

b) dum cantantur lectiones et Epistola, graduale, tractus et **Alleluia** cum suo versu, et sequentia;

c) ab Offertorio usque ad incensationem chori vel, si chorus non incensatur, usque ad præfationem;
d) ab expleta Communionem usque ad **Dominus vobiscum** ante postcommunionem.
Ad alia stant vel genuflectunt, ut supra.

CAPUT XI

DE PRÆPARATIONE ALTARIS AD MISSAM

525. Altare, in quo sacrosanctum Missæ Sacrificium celebrandum est, debet esse totum lapideum, rite consecratum; vel saltem habere debet tabulam lapideam, seu petram sacram, item rite consecratam, quæ tam ampla sit ut hostiam et maiorem partem calicis capiat; aut etiam, ex Indulto Apostolico, **antimensium**, rite benedictum.

526. Altare cooperiatur tribus tobaleis, rite benedictis, quarum una ita oblonga sit ut, ad latera, usque ad terram pertingat.

527. Super altare adsit in medio Crux satis magna cum Crucifixo, et candelabra quæ iuxta qualitatem Missæ requiruntur, cum candelis accensis, hinc et inde in utroque eius latere. Ponantur insuper sic dictæ «tabellæ secretarum», sed pro tempore Missæ tantum; et, ad latus Epistolæ, cussinus, seu legile, Missali supponendum.

528. Ad latus Epistolæ, super mensa ad hoc præparata, parentur ampullæ vini et aquæ cum pelvícula et manutergio, necnon parva campanula, et patina pro fidelium Communionem.

529. Super altare nihil omnino ponatur, quod ad Missæ sacrificium vel ipsius altaris ornatum non pertineat.

530. Usus accendendi cereum, prope altare, a Consecratione ad Communionem, ubi viget, servetur.

DE ANNO ET EIUS PARTIBUS

Annus menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas; tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt; hinc annus ille intercalaris, bissextus, vel bissextilis dicitur.

De anni correctione, eiusque necessitate, ac Calendario Gregoriano

Quod dictum est, annum continere trecentos et sexaginta quinque dies, et fere sex horas, intellegendum est, sex horas non esse integras, cum ad earum complementum aliqua minuta deficiant.

Ex quorum minutorum neglectu progressum est, ac si annus ultra dies 365 contineret integras sex horas: et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem iuncta constituerint dies decem; qui causam dederunt ut Æquinoctium vernum sedem suam mutaverit.

Cui malo occurrens Gregorius XIII, non solum Æquinoctium vernum restituit in pristinam sedem, a qua iam a Concilio Nicæno, decem circiter diebus in anno correctionis 1582 præcedendo recesserat, quod a Concilio ad xii Kalendas aprilis fuerat constitutum, et xiv Lunam Paschalem suo in loco reposuit; sed viam quoque tradidit et rationem, qua caveretur ut in posterum et Æquinoctium vernum et xiv Luna Paschalis a propriis sedibus numquam removerentur.

Ut enim Æquinoctium vernum ad xii Kalendas aprilis restitueretur, statuit, ut dicti decem dies in mense octobris ipsum anni 1582 eximerentur, ut post quartum diem octobris sancto Francisco sacrum, sequens dies non esset quintus, sed decimus quintus octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xii Kalendas aprilis Æquinoctium vernum recederet, statuit idem Gregorius, bissextum quarto quoque anno (uti mos est) continuari debere, præterquam in centesimis annis: qui quamvis bissextiles antea semper fuerint, qualem etiam esse voluit annum 1600, anno correctionis proximum, post eum tamen qui deinceps consequentur centesimi, non omnes bissextiles essent, sed in quadringentis quibusque annis primi quique tres centesimi sine bissexto transigerentur; quartus vero quisque centesimus esset bissextilis, ita ut anni 1700, 1800, 1900 bissextiles non sint, anno vero 2000 more consueto dies bissextus intercaletur, februario dies 29 continente; idemque ordo intermittendi intercalandique bissextum diem in quadringentis quibusque annis perpetuo conservaretur.

Quatuor Tempora

Quatuor Tempora celebrantur quarta et sexta feria ac sabbato post tertiam dominicam Ad-

ventus, post primam dominicam quadragesimæ, post dominicam Pentecostes, post dominicam III septembris.

De nuptiarum celebratione

Matrimonium quolibet anni tempore contrahi potest.—2 Solemnis tantum nuptiarum benedictio vetatur a dominica I Adventus usque ad diem Nativitatis Domini inclusive, et a feria IV cinerum usque ad dominicam Paschatis inclusive.—3 Ordinarii tamen locorum possunt, salvis legibus liturgicis, etiam prædictis temporibus, eam permittere ex iusta causa, monitis sponsis ut a nimia pompa abstineant.

De cyclo decennovennali Aurei numeri

Cyclus decennovennalis Aurei numeri est revolutio numeri 19 annorum ab 1 usque ad 19, qua revolutione peracta, iterum ad unitatem reditur. Verbi gratia: Anno 1577 numerus cycli decennovennalis, qui dicitur Aureus, est 1; anno sequenti 1578 est 2; et ita deinceps in sequentibus annis, uno semper amplius usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cuius usus incipit ab anno correctionis 1582 inclusive, duratque in perpetuum. Ex ea enim Aureus numerus cuiuslibet anni post annum 1582 reperietur hoc modo:

6	7	8	9	10	11	12	13	14	
15	16	17	18	19	1	2	3	4	5

Anno 1582 tribuatur primus numerus tabellæ, qui est 6, secundus autem, qui est 7, sequenti anno 1583, et ita deinceps in infinitum, donec ad annum, cuius Aureum numerum quæris, perveniatur, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

Modus brevis cognoscendi Aureum numerum cuiusque anni

Numero anni de quo quæris, adde unicam unitatem 1. Exempli gratia: 1833 adde 1: summam inde conflata divide per 19; quod superest, erit Aureus numerus ipsius anni; si nihil superest, erit Aureus numerus 19.

De Epactis et Noviluniis

Epacta nihil aliud est quam numerus dierum quibus annus solaris communis dierum 365 annum communem lunarem dierum 354 superat: ita ut Epacta primi anni sit 11, cum hoc numero annus

solaris communis lunarem annum communem excedat; atque adeo sequenti anno Novilunia contingant 11 diebus prius quam anno primo. Ex quo fit, Epactam secundi anni esse 22, cum eo anno rursum annus solaris lunarem annum superet 11 diebus, qui additi ad 11 dies primi anni, efficiunt 22: ac proinde, finito hoc anno, Novilunia contingere 22 diebus prius quam primo anno: Epactam autem tertii anni esse 3, quia si rursus 11 dies ad 22 adiiciantur, efficietur numerus 33; a quo si reiciantur 30 dies, qui unam lunationem embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abiectis tamen 30, quando reici possunt. Solum quando perventum erit ad ultimam Epactam Aureo numero 19 respondentem, quæ est 29, adduntur 12, ut abiectis 30, ex composito numero 41, habeatur rursus Epacta 11, ut in principio. Quod ideo fit, ut ultima lunatio embolismica, currente Aureo numero 19, sit tantum 29 dierum. Si enim 30 dies contineret, ut aliæ sex lunationes embolismicæ, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii Romani. Sunt autem novemdecim Epactæ, quot et Aurei numeri, respondebantque ipsis Aureis numeris ante Calendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Calendarii correctionem

Aur. num. Epactæ		1	2	3	4	5
		xi	xxii	iii	xiv	xxv
6	7	8	9	10	11	12
vi	xvii	xxviii	ix	xx	i	xii
13	14	15	16	17	18	19
xxiii	iv	xv	xxvi	vii	xviii	xxix

Quia vero cyclus decennovennalis Aurei numeri imperfectus est, cum Novilunia post 19 annos solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo hoc*, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout solaris anni ac lunaris æquatio exposcit; quæ quidem decem et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582, post deductionem decem dierum, usque ad an-

num 1700 exclusive. Quamvis autem vulgares Epactæ mutantur in martio, reipsa tamen in principio anni mutandæ sunt, una cum Aureo numero, in cuius locum hæ nostræ Epactæ succedunt.

Tabella Epactarum respondentium Aureis numeris ab Idibus octobris anni correctionis 1582 (detractis prius decem diebus) inclusive, usque ad annum 1700 exclusive

Aur. num. Epactæ		6	7	8	9	10
		xxvi	vii	xviii	xxix	x
11	12	13	14	15	16	17
xxi	ii	xiii	xxiv	v	xvi	xxvii
18	19	1	2	3	4	5
viii	xix	i	xii	xxiii	iv	xv

Itaque si Epacta quocumque anno proposito invenienda sit, quærendus est Aureus numerus illius anni in superiori ordine illius tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum*. Ubi ergo illa Epacta vel signum* in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito temporis congruente,tribuendo primum Aureum numerum illius tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno, a quo eius usus incipit, et secunda Epacta sequenti anno, etc.

Exemplum: Anno correctionis 1582 Aureus numerus est 6, nempe primus primæ tabellæ, cuius usus incipit ab Idibus octobris dicti anni 1582, detractis prius decem diebus. Erit ergo tunc Epacta xxvi, quæ sub Aureo numero 6 collocatur, fietque Novilunium die 27 octobris et 26 novembris et 25 decembris. Item anno 1583 iam correcto Aureus numerus est 7, cui in eadem tabella supposita est Epacta vii, quæ toto eo anno in Calendario Novilunia indicabit: ut in ianuario die 24, in februario die 22, in martio die 24, etc.

Alia Tabella Epactarum respondentium Aureis numeris ab anno 1700 inclusive, usque ad annum 1900 exclusive

Aur. num. Epactæ		10	11	12	13	14
		ix	xx	i	xii	xxiii
15	16	17	18	19	1	2
iv	xv	xxvi	vii	xviii	*	xi
3	4	5	6	7	8	9
xxii	iii	xiv	xxv	vi	xvii	xxviii

Alia tabella Epactarum respondentium Aureis numeris ab anno 1900 inclusive, usque ad annum 2200 exclusive

Aur. num, Epactæ	1 xxix	2 x	3 xxi	4 ii	5 xiii	
6 xxiv	7 v	8 xvi	9 xxvii	10 viii	11 xix	12 *
13 xi	14 xxii	15 iii	16 xiv	17 25	18 vi	19 xvii

Ad tollendam dubitationem de usu huius novæ tabulæ Epactarum, ostendemus rem exemplis. Anno 1901 tribuatur Epacta x, quæ sub Aureo numero 2 collocatur: fietque Novilunium 21 ianuarii, 19 februarii, 21 martii. Item anno 1902 tribuatur Epacta xxi sub Aureo numero 3 collocata, quæ toto eo anno in Calendario Novilunia monstrabit: ut in ianuario die 10, in februario die 8, in martio die 10. Et sic deinceps per ordinem annis progredientibus, redeundo ad principium tabellæ quotiescumque eam percurreris. Rursus anno 1911 Epacta non signatur numero, sed hoc signo *, quod collocatur sub Aureo numero 12, et in Calendario toto eo anno Novilunia indicabit, nimirum in ianuario die 1 et 31, in martio (nam in februario nullum tunc Novilunium, cum in eo signum hoc * non reperiatur) die 1 et 31, in aprili die 29, etc.

Postremo: Anno 1916 Aureus numerus est 17, sub quo in ordine Epactarum quartæ tabellæ, quæ proposito anno congruit, reperitur Epacta 25 non antiquo numero, ut aliæ Epactæ, sed vulgari numero scripta. Ubi cumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in ianuario die 6, in februario die 4, in martio die 6, in aprili die 4, etc. Quotiescumque enim Epacta 25 respondet Aureis numeris maioribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta: atque hoc solum contingit in Epacta 25, in aliis numquam; quod ideo fit, ut anni lunares solaribus annis perfectius respondeant. Ob quam etiam causam in sex locis Calendarii duæ Epactæ, scilicet xxv et xxiv sunt adscriptæ.

Tabella litterarum dominicalium ab Idibus octobris anni correctionis 1582 (detractis prius decem diebus) usque ad annum 1700 exclusive

c	b	A	f	e	d	c	A	g	f	e	c	b	A
		g				b				d			
g	e	d	c	b	g	f	e	d	b	A	g	f	d
f				A				c				e	

Usus huius tabellæ hic est. Anno correctionis 1582 post Idus octobris (detractis prius decem diebus) tribuatur littera c primæ cellulæ, et sequenti anno

1583 littera b secundæ, et anno 1584 dentur litteræ A g tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum sit, redeundo ad principium tabellæ, quotiescumque eam percurreris. Nam cellula, in quam annus propositus cadit, dummodo minor sit quam annus 1700, dabit litteram dominicalem propositi anni. Quæ si unica occurrerit, annus erit communis; si vero duplex, bissextilis: et tunc superior littera dominicam diem ostendet in Calendario a principio anni usque ad festum S. Matthiæ Apostoli, inferior autem ab hoc festo usque ad finem anni.

Exempli gratia: Sit invenienda littera dominicalis anni 1587. Numera ab anno 1582, quem tribue primæ litteræ c, usque ad annum 1587,tribuendo singulis cellulis singulos annos (computando geminas litteras quascumque, superiorem et inferiorem, pro una cellula), cadetque annus 1587 in litteram d, quæ sextum locum in tabella occupat. Est ergo toto eo anno littera dominicalis d, annusque communis est, cum littera simplex occurrat. Rursus sit investiganda littera dominicalis anni 1616. Numera ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille bissextilis, cum duplex littera occurrat, superiorque littera c dominicam diem indicabit a principio anni illius usque ad festum S. Matthiæ, inferior autem b in reliqua parte anni.

Alia tabella litterarum dominicalium ab anno 1901 inclusive, usque ad annum 2100 exclusive

f	e	d	c	A	g	f	e	c	b	A	g	e	d
			b			d				f			
c	b	g	f	e	d	b	A	g	f	d	c	b	A
	A				c				e				g

Usus autem huius tabellæ hic est. Anno 1901 tribuatur littera f primæ cellulæ, et sequenti anno 1902 littera e, et sic deinceps ceteris annis ordine aliæ cellulæ tribuantur, donec ad annum propositum perventum sit, redeundo ad principium tabellæ, quotiescumque eam percurreris; nam cellula, in quam annus propositus cadit, dabit litteram dominicalem propositi anni: quæ si unica occurrerit, annus erit communis; si vero duplex, bissextilis: et tunc superior littera dominicam diem ostendet in Calendario a principio anni usque ad festum S. Matthiæ Apostoli, inferior autem ab hoc festo usque ad finem anni.

De Indictione

Indictio est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus huius cycli a ianuario in Bullis Pontificiis. Et quoniam Indictionum frequens usus est in Diplommatibus et Scripturis publicis, facile annum Indictionis currentem quolibet anno proposito inveniemus ex sequenti tabella, cuius usus perpetuus est: initium tamen sumit ab anno correctionis 1582.

Tabella Indictionis ab anno correctionis 1582

10	11	12	13		14	15	1
2	3	4	5	6	7	8	9

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem quæ quaeritur.

De festis mobilibus

Quoniam ex decreto sacri Concilii Nicæni Pascha, ex quo reliqua festa mobilia pendent, celebrari debet die dominico, qui proxime succedit xiv Lunæ primi mensis (is vero apud Hebræos vocatur primus mensis, cuius xiv Luna vel cadit in diem verni Æquinoctii, quod die 21 mensis martii contingit, vel propius ipsum sequitur), efficitur ut si Epacta cuiusvis anni inveniatur, et ab ea in Calendario notato inter diem octavum martii inclusive, et quintum aprilis inclusive (huius enim Epactæ xiv Luna cadit vel in diem Æquinoctii verni, id est, in diem 21 martii, vel eum propius sequitur), numerentur inclusive deorsum versus dies quatuordecim; proximus dies dominicus diem hunc xiv sequens (ne cum Iudæis conveniamus, si forte dies xiv Lunæ caderet in diem dominicum) sit dies Paschæ.

Exemplum: Anno 1605 Epacta est x et littera dominicalis b. Et quoniam invenimus Epactam x inter diem 8 martii et 5 aprilis inclusive positam esse e regione diei 21 martii, a quo inclusive, si deorsum versus numerentur 14 dies, inveniemus xiv Lunam die 3 aprilis, quæ est dominica, cum e regione illius sit littera dominicalis b. Ne igitur cum Iudæis conveniamus, qui Pascha celebrant die xiv Lunæ, sumenda est littera dominicalis b, quæ sequitur xiv Lunam, nempe ea quæ e regione diei 10 aprilis collocatur: atque eo anno Pascha celebrandum erit die 10 aprilis. Item anno 1604 Epacta est xxix et duplex littera dominicalis d c, cum annus ille sit bissextilis. Si igitur ab Epacta xxix, quæ e regione diei 1 aprilis ponitur inter diem 8 martii et 5 aprilis inclusive, numerentur dies 14, cadet xiv Luna in diem 14 aprilis. Et quia tunc currit posterior littera dominicalis, nempe c, quæ post diem 14 aprilis, id est, post xiv Lunam collocata est e regione diei 18 aprilis, celebrabitur eo anno Pascha die 18 aprilis.

Ceterum ut facilius omnia festa mobilia inveniantur, compositæ sunt duæ sequentes tabulæ paschales, una antiqua, et nova altera. Ex antiqua ita festa mobilia reperientur: In latere sinistro tabulæ accipiat Epacta currens, et in linea litterarum dominicalium sumatur littera dominicalis currens, infra tamen Epactam currentem, ita ut si littera dominicalis currens reperiat e regione Epactæ currentis, assumenda sit eadem littera dominicalis proxime inferior. Nam e regione huius litteræ dominicalis omnia festa mobilia continentur.

Exemplum: Anno 1606 Epacta est xxi, et littera dominicalis A. Si igitur in tabula antiqua sumatur littera dominicalis A, quæ primo infra Epactam xxi occurrit, reperietur e regione huius litteræ dominica Septuagesimæ die 22 ianuarii, dies cinerum 8 februarii, Pascha 26 martii, Ascensio Domini 4 maii, Pentecostes 14 maii, et festum Corporis Christi 25 maii. Dominicæ autem inter Pentecosten et Adventum eo anno erunt 28, et Adventus celebrabitur die 3 decembris; et sic de ceteris. Item anno 1605 Epacta est x, et littera dominicalis b, quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur, e regione cuius invenies Septuagesimam die 6 februarii, diem cinerum 23 februarii, Pascha 10 aprilis, etc.

Notandum autem est, quod quemadmodum in anno communi, cadente littera dominicali e regione Epactæ in tabula antiqua, sumitur eadem littera proxima infra Epactam, ut diximus; ita quoque in anno bissextili, si alterutra duarum litterarum dominicalium tunc currentium e regione Epactæ reperiat, assumendæ sunt aliæ duæ similes litteræ proxime inferiores, ut festa mobilia inveniantur.

Ex tabula vero paschali nova ita eadem festa mobilia reperientur: In cellula litteræ dominicalis currentis quaeratur Epacta currens. Nam e directo omnia festa mobilia deprehenduntur. Ut anno 1609 in cellula litteræ dominicalis d, tunc currentis, e regione Epactæ xxiv, quæ eodem anno currit, habetur Septuagesima die 15 februarii, dies cinerum 4 martii, Pascha 19 aprilis, etc.

Sed sive antiqua, sive nova tabula paschali utamur, inveniendæ sunt omnia festa mobilia in annis bissextilibus per litteram dominicalem posteriorem, quæ nimirum currit post festum sancti Matthiæ Apostoli, ne scilicet ambigamus, utra duarum litterarum pro hoc, aut illo festo indagando accipiendæ sit; ita tamen, ut Septuagesimæ et diei cinerum inventæ in ianuario aut februario addatur unus dies. Quod ideo fit, quia ante diem S. Matthiæ currit prior littera dominicalis, quæ in Calendario posteriorem semper sequitur; post festum autem S. Matthiæ, in februario, licet posterior littera currat, additur tamen tunc dies intercalaris, ita ut dies 24 februarii dicatur 25, et dies 25 dicatur 26, etc. Quod si dies cinerum cadat in martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris februario sit additus. Immo nisi per posteriorem litteram investigarentur, non inveniretur recte Septuagesima in anno bissextili, currente Epacta xxiv vel xxv et littera dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia: Anno 2096 bissextili Epacta erit v et litteræ dominicales A g. Si igitur per posteriorem litteram, quæ est g, festa mobilia investigentur, reperietur Septuagesima die 11 februarii et dies cinerum 28 februarii. Si autem addatur unus dies, cadet Septuagesima in diem 12 februarii, quæ est dominica, et dies cinerum in diem 29 februarii, quæ est feria iv; Pascha autem et reliqua festa in eos dies cadent qui in tabula expressi sunt. Item anno 4088 bissextili Epacta erit xxiv et litteræ dominicales d c. Si igitur per litteram c, quæ posterior est, inquirantur festa mobilia, invenietur Septuagesima die 21 februarii, et si addatur unus dies, cadet in diem 22 februarii, quæ est dominica. Dies autem cinerum cadet in diem 10 martii: quare nihil additur, etc. Rursus anno 3784 bissextili, Epacta erit xxv et litteræ dominicales d c. Ergo iterum per posteriorem c reperietur Septuagesima die 21 februarii, hoc est, addita 1 die, 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet Septuagesimam die 15 februarii, quod falsum esset, cum eo anno posterior littera c Pascha offerat die 25 aprilis, ac proinde Septuagesima die 22 februarii celebranda sit, ut liquido constat, si a die Paschæ dominicæ retro numerentur usque ad Septuagesimam.

In priori porro tabula paschali antiqua reformatâ, Epactis ad sinistram præposuimus Aureos numeros eodem ordine, quo ante emendationem Calendarii collocari solebant, ut ex iis festa mobilia inveniren-

tur. Hoc autem idcirco a nobis factum est, ut Pascha ceteraque festa mobilia a Concilio Nicæno usque ad annum 1582 quilibet indagare possit. Eodem autem prorsus artificio ex Aureis numeris ita distributis festa mobilia eruuntur, quo ex Epactis. Sit enim explorandum, exempli causa, quando festa hæc celebrata fuerint anno 1450. Quoniam eo anno Aureus numerus fuit 7, et littera dominicalis d, si Aureus numerus 7 in sinistro latere accipiat, et prima littera d infra eum occurrens, reperietur e regione huius litteræ d, Septuagesima die I februarii, dies cinerum 18 februarii, Pascha die 5 aprilis, etc.

Adventus Domini celebratur semper die dominico, qui propinquior est festo S. Andreæ Apostoli, nempe

a die 27 novembris inclusive usque ad diem 3 decembris inclusive; ita ut littera dominicalis currens, quæ reperitur in Calendario a die 27 novembris usque ad diem 3 decembris, indicet dominicam Adventus. Ut verbi gratia, si littera dominicalis est g, dominica Adventus cadet in diem 2 decembris: quia ibi est littera g in Calendario, etc.

Ad finem tandem tabellarum paschalium apposita est tabula temporaria multorum annorum, e regione quorum omnia festa mobilia inveniuntur; quæ quidem tabula ex tabulis paschalibus excerpta est, ex quibus infinitæ aliæ erui possunt pro quibuscumque annis.

TABULA PASCHALIS ANTIQUA REFORMATA

Aureus Numer.	Cyclus Epactarum		Litteræ Dominic.	Septua- gesima	Dies Cinerum	Pascha	Ascensio	Pente- costes	Corpus Christi	Domin. post Pentec.	Domini- ca I Adventus
16 5 13 2		xxiii xxii xxi xx xix	d e f g	Ianuarii 18 19 20 21	Februarii 4 5 6 7	Martii 22 23 24 25	Aprilis 30 1 Maii 2 3	Maii 10 11 12 13	Maii 21 22 23 24	28 28 28 28	29 Nov. 30 Nov. 1 Dec. 2 Dec.
10 18 7		xviii xvii xvi xv xiv	A b c d e	22 23 24 25 26	8 9 10 11 12	26 27 28 29 30	4 5 6 7 8	14 15 16 17 18	25 26 27 28 29	28 27 27 27 27	3 Dec. 27 Nov. 28 Nov. 29 Nov. 30 Nov.
15 4 12		xiii xii xi x ix	f g A b c	27 28 29 30 31	13 14 15 16 17	31 1 Aprilis 2 3 4	9 10 11 12 13	19 20 21 22 23	30 31 1 Iunii 2 3	27 27 27 26 26	1 Dec. 2 Dec. 3 Dec. 27 Nov. 28 Nov.
1 9 17		viii vii vi v iv	d e f g A	1 Februarii 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 Nov. 30 Nov. 1 Dec. 2 Dec. 3 Dec.
6 14 3		iii ii i * xxix	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1 Iunii 2	9 10 11 12 13	25 25 25 25 25	27 Nov. 28 Nov. 29 Nov. 30 Nov. 1 Dec.
11 19 8	25 xxv	xxviii xxvii xxvi xxiv	g A b c d	11 12 13 14 15	28 1 Martii 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2 Dec. 3 Dec. 27 Nov. 28 Nov. 29 Nov.
			e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1 Iunii 2 3	8 9 10 11 12 13	19 20 21 22 23 24	24 24 24 24 23 23	30 Nov. 1 Dec. 2 Dec. 3 Dec. 27 Nov. 28 Nov.

TABULA PASCHALIS NOVA REFORMATA

Litteræ Dominic.	Cyclus Epactarum	Septua- gesima	Dies Cinerum	Pascha	Ascensio	Pente- costes	Corpus Christi	Domin. post Pentec.	Domini- ca I Adventus
D	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	18 Ian. 25 Ian. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.	22 Mart. 29 Mart. 5 Apr. 12 Apr. 19 Apr.	30 Apr. 7 Maii 14 Maii 21 Maii 28 Maii	10 Maii 17 Maii 24 Maii 31 Maii 7 Iunii	21 Maii 28 Maii 4 Iunii 11 Iunii 18 Iunii	28 27 26 25 24	29 Nov. 29 Nov. 29 Nov. 29 Nov. 29 Nov.
E	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	19 Ian. 26 Ian. 2 Febr. 9 Febr. 16 Febr.	5 Febr. 12 Febr. 19 Febr. 26 Febr. 5 Mart.	23 Mart. 20 Mart. 6 Apr. 13 Apr. 20 Apr.	1 Maii 8 Maii 15 Maii 22 Maii 29 Maii	11 Maii 18 Maii 25 Maii 1 Iunii 8 Iunii	22 Maii 29 Maii 5 Iunii 12 Iunii 19 Iunii	28 27 26 25 24	30 Nov. 30 Nov. 30 Nov. 30 Nov. 30 Nov.
F	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	20 Ian. 27 Ian. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.	24 Mart. 31 Mart. 7 Apr. 14 Apr. 21 Apr.	2 Maii 9 Maii 16 Maii 23 Maii 30 Maii	12 Maii 19 Maii 26 Maii 2 Iunii 9 Iunii	23 Maii 30 Maii 6 Iunii 13 Iunii 20 Iunii	28 27 26 25 24	1 Dec. 1 Dec. 1 Dec. 1 Dec. 1 Dec.
G	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	21 Ian. 28 Ian. 4 Febr. 11 Febr. 18 Febr.	7 Febr. 14 Febr. 21 Febr. 28 Febr. 7 Mart.	25 Mart. 1 Apr. 8 Apr. 15 Apr. 22 Apr.	3 Maii 10 Maii 17 Maii 24 Maii 31 Maii	13 Maii 20 Maii 27 Maii 3 Iunii 10 Iunii	24 Maii 31 Maii 7 Iunii 14 Iunii 21 Iunii	28 27 26 25 24	2 Dec. 2 Dec. 2 Dec. 2 Dec. 2 Dec.
A	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	22 Ian. 29 Ian. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.	26 Mart. 2 Apr. 9 Apr. 16 Apr. 23 Apr.	4 Maii 11 Maii 18 Maii 25 Maii 1 Iunii	14 Maii 21 Maii 28 Maii 4 Iunii 11 Iunii	25 Maii 1 Iunii 8 Iunii 15 Iunii 22 Iunii	28 27 26 25 24	3 Dec. 3 Dec. 3 Dec. 3 Dec. 3 Dec.
B	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	23 Ian. 30 Ian. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.	27 Mart. 3 Apr. 10 Apr. 17 Apr. 24 Apr.	5 Maii 12 Maii 19 Maii 26 Maii 2 Iunii	15 Maii 22 Maii 29 Maii 5 Iunii 12 Iunii	26 Maii 2 Iunii 9 Iunii 16 Iunii 23 Iunii	27 26 25 24 23	27 Nov. 27 Nov. 27 Nov. 27 Nov. 27 Nov.
C	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 25 24	24 Ian. 31 Ian. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.	28 Mart. 4 Apr. 11 Apr. 18 Apr. 25 Apr.	6 Maii 13 Maii 20 Maii 27 Maii 3 Iunii	16 Maii 23 Maii 30 Maii 6 Iunii 13 Iunii	27 Maii 3 Iunii 10 Iunii 17 Iunii 24 Iunii	27 26 25 24 23	28 Nov. 28 Nov. 28 Nov. 28 Nov. 28 Nov.

TABELLA TEMPORARIA

FESTORUM MOBILIIUM

Anno Dom.	Litteræ Domin.	Aureus numer.	Epactæ	Septua- gesima	Dies Cinerum	Pascha	Ascensio	Pente- costes	Corpus Christi	Indict- iones	Domin. post Pentec.	Domini- ca I Adventus
1962	g	6	xxiv	18 Febr.	7 Mart.	22 Apr.	31 Maii	10 Iunii	21 Iunii	15	24	2 Dec.
1963	f	7	v	10 Febr.	27 Febr.	14 Apr.	23 Maii	2 Iunii	13 Iunii	1	25	1 Dec.
1964	e d	8	xvi	26 Ian.	12 Febr.	29 Mart.	7 Maii	17 Maii	28 Maii	2	27	29 Nov.
1965	c	9	xxvii	14 Febr.	3 Mart.	18 Apr.	27 Maii	6 Iunii	17 Iunii	3	24	28 Nov.
1966	b	10	viii	6 Febr.	23 Febr.	10 Apr.	19 Maii	29 Maii	9 Iunii	4	25	27 Nov.
1967	A	11	xix	22 Ian.	8 Febr.	26 Mart.	4 Maii	14 Maii	25 Maii	5	28	3 Dec.
1968	g f	12		11 Febr.	28 Febr.	14 Apr.	23 Maii	2 Iunii	13 Iunii	6	25	1 Dec.
1969	e	13	xi	2 Febr.	19 Febr.	6 Apr.	15 Maii	25 Maii	5 Iunii	7	26	30 Nov.
1970	d	14	xxii	25 Ian.	11 Febr.	29 Mart.	7 Maii	17 Maii	28 Maii	8	27	29 Nov.
1971	c	15	iii	7 Febr.	24 Febr.	11 Apr.	20 Maii	30 Maii	10 Iunii	9	25	28 Nov.
1972	b A	16	xiv	30 Ian.	16 Febr.	2 Apr.	11 Maii	21 Maii	1 Iunii	10	27	3 Dec.
1973	g	17	25	18 Febr.	7 Mart.	22 Apr.	31 Maii	10 Iunii	21 Iunii	11	24	2 Dec.
1974	f	18	vi	10 Febr.	27 Febr.	14 Apr.	23 Maii	2 Iunii	13 Iunii	12	25	1 Dec.
1975	e	19	xvii	26 Ian.	12 Febr.	30 Mart.	8 Maii	18 Maii	29 Maii	13	27	30 Nov.
1976	d c	1	xxix	15 Febr.	3 Mart.	18 Apr.	27 Maii	6 Iunii	17 Iunii	14	24	28 Nov.
1977	b	2	x	6 Febr.	23 Febr.	10 Apr.	19 Maii	29 Maii	9 Iunii	15	25	27 Nov.
1978	A	3	xxi	22 Ian.	8 Febr.	26 Mart.	4 Maii	14 Maii	25 Maii	1	28	3 Dec.
1979	g	4	ii	11 Febr.	28 Febr.	15 Apr.	24 Maii	3 Iunii	14 Iunii	2	25	2 Dec.
1980	f e	5	xiii	3 Febr.	20 Febr.	6 Apr.	15 Maii	25 Maii	5 Iunii	3	26	30 Nov.
1981	d	6	xxiv	15 Febr.	4 Mart.	19 Apr.	28 Maii	7 Iunii	18 Iunii	4	24	29 Nov.
1982	c	7	v	7 Febr.	24 Febr.	11 Apr.	20 Maii	30 Maii	10 Iunii	5	25	28 Nov.
1983	b	8	xvi	30 Ian.	16 Febr.	3 Apr.	12 Maii	22 Maii	2 Iunii	6	26	27 Nov.
1984	A g	9	xxvii	19 Febr.	7 Mart.	22 Apr.	31 Maii	10 Iunii	21 Iunii	7	24	2 Dec.
1985	f	10	viii	3 Febr.	20 Febr.	7 Apr.	16 Maii	26 Maii	6 Iunii	8	26	1 Dec.
1986	e	11	xix	26 Ian.	12 Febr.	30 Mart.	8 Maii	18 Maii	29 Maii	9	27	30 Nov.
1987	d	12		15 Febr.	4 Mart.	19 Apr.	28 Maii	7 Iunii	18 Iunii	10	24	29 Nov.
1988	c b	13	xi	31 Ian.	17 Febr.	3 Apr.	12 Maii	22 Maii	2 Iunii	11	26	27 Nov.
1989	A	14	xxii	22 Ian.	8 Febr.	26 Mart.	4 Maii	14 Maii	25 Maii	12	28	3 Dec.
1990	g	15	iii	11 Febr.	28 Febr.	15 Apr.	24 Maii	3 Iunii	14 Iunii	13	25	2 Dec.
1991	f	16	xiv	27 Ian.	13 Febr.	31 Mart.	9 Maii	19 Maii	30 Maii	14	27	1 Dec.
1992	e d	17	25	16 Febr.	4 Mart.	19 Apr.	28 Maii	7 Iunii	18 Iunii	15	24	29 Nov.
1993	c	18	vi	7 Febr.	24 Febr.	11 Apr.	20 Maii	30 Maii	10 Iunii	1	25	28 Nov.
1994	b	19	xvii	30 Ian.	16 Febr.	3 Apr.	12 Maii	22 Maii	2 Iunii	2	26	27 Nov.
1995	A	1	xxix	12 Febr.	1 Mart.	16 Apr.	25 Maii	4 Iunii	15 Iunii	3	25	3 Dec.
1996	g f	2	x	4 Febr.	21 Febr.	7 Apr.	16 Maii	26 Maii	6 Iunii	4	26	1 Dec.
1997	c	3	xxi	26 Ian.	12 Febr.	30 Mart.	8 Maii	18 Maii	29 Maii	5	27	30 Nov.
1998	d	4	ii	8 Febr.	25 Febr.	12 Apr.	21 Maii	31 Maii	11 Iunii	6	25	29 Nov.
1999	e	5	xiii	31 Ian.	17 Febr.	4 Apr.	13 Maii	23 Maii	3 Iunii	7	26	28 Nov.
2000	b A	6	xxiv	20 Febr.	8 Mart.	23 Apr.	1 Iunii	11 Iunii	22 Iunii	8	24	3 Dec.
2001	g	7	v	11 Febr.	28 Febr.	15 Apr.	24 Maii	31 Maii	14 Iunii	9	25	2 Dec.
2002	f	8	xvi	27 Ian.	13 Febr.	31 Mart.	9 Maii	19 Maii	30 Maii	10	27	1 Dec.
2003	e	9	xxvii	16 Febr.	5 Mart.	20 Apr.	29 Maii	8 Iunii	19 Iunii	11	24	30 Nov.

CALENDARIUM

Cyclus Epac- tarum	L.D.		D.M.	MENSIS	Cyclus Epac- tarum	L.D.		D.M.	MENSIS
				IANUARIUS					
•	A	Kal.	1	OCTAVA NATIVITATIS DOMINI, I cl.	ii	A	iv	29	S. Francisci Salesii Ep., Conf. et Eccl. Doct., III cl.
xxix	b	iv	2		i	b	iii	30	S. Martinæ Virg. et Mart., III cl.
xxviii	c	iii	3		•	c	Prid.	31	S. Ioannis Bosco Conf., III cl. Dominica inter octavam Nativitatis Domini et Epiphaniam, vel, ea de- ficiente, die 2 ianuarii: SANCTISSIMI NOMINIS IESU, II cl. Dominica I post Epipha- niam: S. FAMILIÆ, IESU, MARIÆ, IOSEPH, II cl.
xxvii	d	Prid.	4						
xxvi	e	Non.	5	Commemoratio S. Teles- phori Papæ et Mart. Comm.					
25 xxv	f	viii	6	IN EPIPHANIA DOMINI, I cl.					
xxiv	g	vii	7						
xxiii	A	vi	8						
xxii	b	v	9						
xxi	c	iv	10						
xx	d	iii	11	Commemoratio S. Hygini Papæ et Mart. Comm.					
xix	e	Prid.	12						
xviii	f	Idib.	13	IN COMMEMORATIONE BAP- TISMATIS D. N. I. C., II cl.	xxix	d	Kal.	1	S. Ignatii Ep. et Mart., III cl.
xvii	g	xix	14	S. Hilarii Ep., Conf. et Eccl. Doct., III cl. Com- memoratio S. Felicis Presb. et Mart.	xxviii	e	iv	2	IN PURIFICATIONE B. MA- RIÆ VIRG., II cl.
xvi	A	xviii	15	S. Pauli primi Eremitæ, Conf., III cl. Commemo- ratio S. Mauri Abb.	xxvii	f	iii	3	Commemoratio S. Blasii Ep. et Mart., Comm.
xv	b	xvii	16	S. Marcelli I Papæ et Mart., III cl.	25 xxvi	g	Prid.	4	S. Andreæ Corsini Ep. et Conf., III cl.
xiv	c	xvi	17	S. Antonii Abb., III cl.	xxv xxiv	A	Non.	5	S. Agathæ Virg. et Mart., III cl.
xiii	d	xv	18	Commemoratio S. Priscæ Virg. et Mart. Comm.	xxiii	b	viii	6	S. Titi Ep. et Conf., III cl. Commemoratio S. Doro- theæ Virg. et Mart.
xii	e	xiv	19	Commemoratio Ss. Marii, Marthæ, Audifacis et Abachum Mm., Comm. Commemoratio S. Canuti Regis, Mart.	xxii	c	vii	7	S. Romualdi Abb., III cl.
xi	f	xiii	20	Ss. Fabiani Papæ et Seba- stiani Mm., III cl.	xxi	d	vi	8	S. Ioannis de Matha Conf., III cl.
x	g	xii	21	S. Agnetis Virg. et Mart., III cl.	xx	e	v	9	S. Cyrilli Ep. Alex., Conf. et Eccl. Doct., III cl. Commemoratio S. Apollo- niæ Virg. et Mart.
ix	A	xi	22	Ss. Vincentii et Anastasii Mm., III cl.	xix	f	iv	10	S. Scholasticæ Virg., III cl.
viii	b	x	23	S. Raymundi de Peñafort Conf., III cl. Commemo- ratio S. Emerentianæ Virg. et Mart.	xviii	g	iii	11	In Apparitione B. Mariæ Virg. Immaculatae, III cl.
vii	c	ix	24	S. Timothei Ep. et Mart., III cl.	xvii	A	Prid.	12	Ss. Septem Fundatorum Or- dinis Servorum B. Mariæ Virg., Confessorum, III cl.
vi	d	viii	25	In Conversione S. Pauli Ap., III cl. Commemo- ratio S. Petri Ap.	xvi	b	Idib.	13	Commemoratio S. Valentini Presb. et Mart. Comm.
v	e	vii	26	S. Polycarpi Ep. et Mart., III cl.	xv	c	xvi	14	Commemoratio Ss. Faustini et Iovitæ Mm. Comm.
iv	f	vi	27	S. Ioannis Chrysostomi Ep., Conf. et Eccl. Doct., III cl.	xiv	d	xv	15	
iii	g	v	28	S. Petri Nolasci Conf., III cl. Commemoratio S. Agnetis Virg. et Mart., secundo.	xiii	e	xiv	16	
					xii	f	xiii	17	
					xi	g	xii	18	Commemoratio S. Simeonis Ep. et Mart. Comm.
					x	A	xi	19	
					ix	b	x	20	
					viii	c	ix	21	
					vii	d	viii	22	CATHEDRA S. PETRI AP., II cl. Commemoratio S. Pauli Ap.
					vi	e	vii	23	S. Petri Damiani Ep., Conf. et Eccl. Doct., III cl.

Cyclus Epac- tarum	L. D.	D. M.	MENSIS	Cyclus Epac- tarum	L. D.	D. M.	MENSIS
v iv iii ii i	f g A b c	vi v iv iii Prid.	24 S. MATTHIÆ Ap., II cl. 25 26 27 S. Gabrielis a Virgine Per- dolente, Conf., III cl. 28 In anno bissextili mensis februarius est dierum 29, et festum S. Matthiæ celebra- tur die 25 februarii, ac fe- stum S. Gabrielis a Virgine Perdolente die 28 februarii, et bis dicitur Sexto Kalen- das, id est die 24 et die 25; et littera dominicalis, quæ assumpta fuit in mense ia- nuario, mutetur in præce- dentem; ut, si in ianuario littera dominicalis fuerit A, mutetur in præcedentem, quæ est g, etc.; et littera f bis servit, 24 et 25.	iii ii i °	c d e f	v iv iii Prid.	28 S. Ioannis de Capistrano Conf., III cl. 29 30 31 Feria VI post dominicam I Passionis: <i>Commemoratio Septem Dolorum B. Ma- riæ Virg. Comm.</i>
APRILIS							
• xxix xxviii xxvii	d e f g	Kal. vi v iv	1 2 3 4 S. Casimiri Conf., III cl. <i>Commemoratio S. Lucii I Papæ et Mart.</i>	xxix xxviii xxvii 25 xxvi xxv xxiv xxiii xxii xxi xx xix xviii	g A b c d e f g A b c	Kal. iv iii Prid. Non. viii vii vi v iv iii	1 2 S. Francisci de Paula Conf., III cl. 3 4 S. Isidori Ep., Conf. et Eccl. Doct., III cl. 5 S. Vincentii Ferrerii Conf., III cl. 6 7 8 9 10 11 S. Leonis I Papæ, Conf. et Eccl. Doct., III cl.
xxvi 25 xxv xxiv xxiii xxii xxi xx xix xviii xvii xvi xv xiv xiii xii xi x ix viii vii vi v iv	A b c d e f g A b c d e f g A b	iii Prid. Non. viii vii vi v iv iii Prid. Idib. xvii xvi xv xiv xiii xii xi x ix viii vii vi v iv iii Prid.	5 6 Ss. Perpetuæ et Felicitatis Mm., III cl. 7 S. Thomæ de Aquino Conf. et Eccl. Doct., III cl. 8 S. Ioannis de Deo Conf., III cl. 9 S. Franciscæ Romanæ Vid., III cl. 10 Ss. Quadraginta Martyrum, III cl. 11 12 S. Gregorii I Papæ, Conf. et Eccl. Doct., III cl. 13 14 15 16 17 S. Patricii Ep. et Conf., III cl. 18 S. Cyrilli Ep. Hierosolymi- tani, Conf. et Eccl. Doct., III cl. 19 S. IOSEPH, SPONSI B. MARIÆ VIRG., Conf. et Eccl. univ. Patroni, I cl. 20 21 S. Benedicti Abb., III cl. 22 23 24 S. Gabrielis Archang., III cl. 25 IN ANNUNTIATIONE B. MARIÆ VIRG., I cl. 26 27 S. Ioannis Damasceni Conf. et Eccl. Doct., III cl.	xvii xvi xv xiv xiii xii xi x ix viii vii vi v iv iii ii i • xxix xxviii xxvii xxvi xxv xxiv xxiii xxii xxi xx xix xviii xvii xvi xv xiv xiii xii xi x ix viii vii vi v iv	d e f g A b c d e f g A b c d e f g A b	xviii xvii xvi xv xiv xiii xii xi x ix viii vii vi v iv iii Prid. Kal.	12 13 14 15 16 17 18 19 20 21 22 23 24 25 26 27 28 29 30 31 S. Hermenegildi Mart., III cl. S. Iustini Mart., III cl. <i>Commemoratio Ss. Ti- burtii, Valeriani et Maxi- mi Mm.</i> Commemoratio S. Aniceti Papæ et Mart. Comm. S. Anselmi Ep., Conf. et Eccl. Doct., III cl. Ss. Soteris et Caii Pp. et Mm., III cl. Commemoratio S. Georgii Mart. Comm. S. Fidelis de Sigmaringa Mart., III cl. Litania maior. S. MARCI EVANGELISTÆ, II cl. Ss. Cleti et Marcellini Pp. et Mm., III cl. S. Petri Canisii Conf. et Eccl. Doct., III cl. S. Pauli a Cruce Conf., III cl. S. Petri Mart., III cl. S. Catharinæ Senensis Virg., III cl.
MAIUS							
v iv	A b	vii vi	26 27 S. IOSEPH OPIFICIS, SPONSI B. MARIÆ VIRG., Conf., I cl.	xxviii	b	Kal.	1 S. IOSEPH OPIFICIS, SPONSI B. MARIÆ VIRG., Conf., I cl.

Cyclus Epac- tarum	L.D.	D.M.	MENSIS	Cyclus Epac- tarum	L.D.	D.M.	MENSIS
xxvii	c	vi	2 S. Athanasii Ep., Conf. et Eccl. Doct., III cl.	xxvii	e	Kal.	IUNIUS
xxvi	d	v	3 <i>Commemoratio Ss. Alexandri, Eventii et Theoduli Mm., ac Iuvenalis Ep. et Conf., Comm.</i>	25 xxvi	f	iv	2 <i>Commemoratio Ss. Marcel- lini, Petri atque Erasmi Ep., Mm., Comm.</i>
25 xxv	e	iv	4 S. Monicæ Vid., III cl.	xxv xxiv	g	iii	3
xxiv	f	iii	5 S. Pii V Papæ et Conf., III cl.	xxiii	A	Prid.	4 S. Francisci Caracciolo Conf., III cl.
xxiii	g	Prid.	6	xxii	b	Non.	5 S. Bonifatii Ep. et Mart., III cl.
xxii	A	Non.	7 S. Stanislai Ep. et Mart., III cl.	xxi	c	viii	6 S. Norberti Ep. et Conf., III cl.
xxi	b	viii	8	xx	d	vii	7
xx	c	vii	9 S. Gregorii Nazianzeni Ep., Conf. et Eccl. Doct., III cl.	xix	e	vi	8
xix	d	vi	10 S. Antonini Ep. et Conf., III cl. <i>Commemoratio Ss. Gordiani et Epimachi Mm.</i>	xviii	f	v	9 <i>Commemoratio Ss. Primi et Feliciani Mm., Comm.</i>
xviii	e	v	11 Ss. PHILIPPI et IACOBI APP., II cl.	xvii	g	iv	10 S. Margaritæ Reg., Vid., III cl.
xvii	f	iv	12 Ss. Nerei, Achillei et Domitillæ Virg. atque Pancratii Mm., III cl.	xvi	A	iii	11 S. Barnabæ Ap., III cl.
xvi	g	iii	13 S. Roberti Bellarmino Ep., Conf. et Eccl. Doct., III cl.	xv	b	Prid.	12 S. Ioannis a S. Facundo Conf., III cl. <i>Commemoratio Ss. Basilidis, Cyrini, Naboris et Nazarii Mm.</i>
xv	A	Prid.	14 <i>Commemoratio S. Bonifatii Mart., Comm.</i>	xiv	c	Idib.	13 S. Antonii de Padua Conf. et Eccl. Doct., III cl.
xiv	b	Idib.	15 S. Ioannis Bapt. de la Salle Conf., III cl.	xiii	d	xviii	14 S. Basilii Magni Ep., Conf. et Eccl. Doct., III cl.
xiii	c	xvii	16 S. Ubaldi Ep. et Conf., III cl.	xii	e	xvii	15 <i>Commemoratio Ss. Viti, Modesti atque Crescentiæ Mm., Comm.</i>
xii	d	xvi	17 S. Paschalis Baylon Conf., III cl.	xi	f	xvi	16
xi	e	xv	18 S. Venantii Mart., III cl.	x	g	xv	17 S. Gregorii Barbadici, Ep. et Conf., III cl.
x	f	xiv	19 S. Petri Cælestini Papæ et Conf., III cl. <i>Commemoratio S. Pudencianæ Virg.</i>	ix	A	xiv	18 S. Ephræm Syri Diaconi, Conf. et Eccl. Doct., III cl. <i>Commemoratio Ss. Marci et Marcelliani Mm.</i>
ix	g	xiii	20 S. Bernardini Senensis Conf., III cl.	viii	b	xiii	19 S. Iulianæ de Falconeriis Virg., III cl. <i>Commemoratio Ss. Gervasii et Protasii Mm.</i>
viii	A	xii	21	vii	c	xii	20 <i>Commemoratio S. Silverii Papæ et Mart., Comm.</i>
vii	b	xi	22	vi	d	xi	21 S. Aloisii Gonzagæ Conf., III cl.
vi	c	x	23	v	e	x	22 S. Paulini Ep. et Conf., III cl.
v	d	ix	24	iv	f	ix	23 Vigilia, II cl.
iv	e	viii	25 S. Gregorii VII Papæ et Conf., III cl. <i>Commemoratio S. Urbani I Papæ et Mart.</i>	iii	g	viii	24 IN NATIVITATE S. IOAN- NIS BAPTISTÆ, I cl.
iii	f	vii	26 S. Philippi Nerii Conf., III cl. <i>Commemoratio S. Eleutherii Papæ et Mart.</i>	ii	A	vii	25 S. Gulielmi Abb., III cl.
ii	g	vi	27 S. Bedæ Venerabilis Conf. et Eccl. Doct., III cl. <i>Commemoratio S. Ioannis I Papæ et Mart.</i>	i	b	vi	26 Ss. Ioannis et Pauli Mm., III cl.
i	A	v	28 S. Augustini Ep. et Conf., III cl.	.	c	v	27
.	b	iv	29 S. Mariæ Magdalænæ de Pazzis Virg., III cl.	xxix	d	iv	28 Vigilia, II cl.
xxix	c	iii	30 <i>Commemoratio S. Felicis I Papæ et Mart., Comm.</i>	xxviii	e	iii	29 SS. PETRI ET PAULI APP., I cl.
xxviii	d	Prid.	31 B. MARIE VIRG., REGINÆ, II cl. <i>Commemoratio S. Petronillæ Virg.</i>	xxvii	f	Prid.	30 In Commemoratione S. Pauli Ap., III cl. <i>Commemoratio S. Petri Ap.</i>

Cyclus Epac- tarum	L. D.		D. M.	MENSIS	Cyclus Epac- tarum	L. D.		D. M.	MENSIS
				IULIUS					
xxvi	g	Kal.	1	PRETIOSISSIMI SANGUI- NIS D. N. I. C., I cl.	xxix	f	v	28	Ss. Nazarii et Celsi Mm., Victoris I Papæ et Mart., ac Innocentii I Papæ et Conf., III cl.
25 xxv	A	vi	2	IN VISITATIONE B. MARIE VIRG., II cl. Commemo- ratio Ss. Processi et Mar- tiniani Mm.	xxviii	g	iv	29	S. Marthæ Virg., III cl. Commemoratio Ss. Feli- cis, Simplicii, Faustini et Beatricis Mm.
xxiv	b	v	3	S. Irenæi Ep. et Mart., III cl.	xxvii	A	iii	30	Commemoratio Ss. Abdon et Sennen Mm., Comm.
xxiii	c	iv	4		25 xxvi	b	Prid.	31	S. Ignatii Conf., III cl.
xxii	d	iii	5	S. Antonii Mariæ Zaccaria Conf., III cl.					AUGUSTUS
xxi	e	Prid.	6		xxv xxiv	c	Kal.	1	Commemoratio Ss. Macha- bæorum Mm., Comm.
xx	f	Non.	7	Ss. Cyrilli et Methodii Epp. et Cc., III cl.	xxiii	d	iv	2	S. Alfonsi Mariæ de Ligorio Ep., Conf. et Eccl. Doct., III cl. Commemoratio S. Stephani I Papæ et Mart.
xix	g	viii	8	S. Elisabeth Reg., Vid., III cl.					
xviii	A	vii	9		xxii	e	iii	3	
xvii	b	vi	10	Ss. Septem Fratrum Mm. ac Ss. Rufinæ et Secundæ Vv. ac Mm., III cl.	xxi	f	Prid.	4	S. Dominici Conf., III cl.
					xx	g	Non.	5	In dedicatione S. Mariæ ad Nives, III cl.
xvi	c	v	11	Commemoratio S. Pii I Papæ et Mart., Comm.	xix	A	viii	6	IN TRANSFIGURATIONE D. N. I. C., II cl. Commemo- ratio Ss. Xysti II Papæ, Felicissimi et Agapiti Mm.
xv	d	iv	12	S. Ioannis Gualberti Abb., III cl. Commemoratio Ss. Naboris et Felicis Mm.					
xiv	e	iii	13		xviii	b	vii	7	S. Caietani Conf., III cl. Commemoratio S. Donati Ep. et Mart.
xiii	f	Prid.	14	S. Bonaventuræ Ep., Conf. et Eccl. Doct., III cl.	xvii	c	vi	8	S. Ioannis Mariæ Vianney Conf., III cl. Commemo- ratio Ss. Cyriaci, Largi et Smaragdi Mm.
xii	g	Idib.	15	S. Henrici Imperatoris, Conf., III cl.					
xi	A	xvii	16	Commemoratio B. Mariæ Virg. de Monte Carmelo, Comm.	xvi	d	v	9	Vigilia, III cl. Commemo- ratio S. Romani Mart.
x	b	xvi	17	Commemoratio S. Alexii Conf., Comm.	xv	e	iv	10	S. LAURENTII MART., II cl.
ix	c	xv	18	S. Camilli de Lellis Conf., III cl. Commemoratio Ss. Symphorosæ et sep- tem eius filiorum Mm.	xiv	f	iii	11	Commemoratio Ss. Tiburtii et Susannæ Virg., Mm., Comm.
viii	d	xiv	19	S. Vincentii a Paulo Conf., III cl.	xiii	g	Prid.	12	S. Claræ Virg., III cl.
vii	e	xiii	20	S. Hieronymi Æmiliani Conf., III cl. Commemo- ratio S. Margaritæ Virg. et Mart.	xii	A	Idib.	13	Commemoratio Ss. Hippoly- ti et Cassiani Mm., Comm.
vi	f	xii	21	S. Laurentii de Brundusio Conf. et Eccl. Doct., III cl. Commemoratio S. Praxedis Virg.	xi	b	xix	14	Vigilia, II cl. Commemo- ratio S. Eusebii Conf.
v	g	xi	22	S. Mariæ Magdalenæ Pæ- nitentis, III cl.	x	c	xviii	15	IN ASSUMPTIONE B. MARIE VIRG., I cl.
iv	A	x	23	S. Apollinaris Ep. et Mart., III cl. Commemoratio S. Liborii Ep. et Conf.	ix	d	xvii	16	S. IOACHIM, PATRIS B. MA- RIE VIRG., CONF., II cl.
iii	b	ix	24	Commemoratio S. Christinæ Virg. et Mart. Comm.	viii	e	xvi	17	S. Hyacinthi Conf., III cl.
ii	c	viii	25	S. IACOBI AP., II cl. Com- memoratio S. Christo- phori Mart.	vii	f	xv	18	Commemoratio S. Agapiti Mart., Comm.
i	d	vii	26	S. ANNÆ MATRIS B. MA- RIE VIRG., II cl.	vi	g	xiv	19	S. Ioannis Eudes C., III cl.
•	e	vi	27	Commemoratio S. Pantale- onis Mart., Comm.	v	A	xiii	20	S. Bernardi Abb. et Eccl. Doct., III cl.
					iv	b	xii	21	S. Ioannæ Franciscæ Fré- miot de Chantal Vid., III cl.
					iii	c	xi	22	IMMACULATI CORDIS B. MA- RIE VIRG., II cl. Com- memoratio Ss. Timothei et Soc. Mm.
					ii	d	x	23	S. Philippi Benitii C., III cl.
					i	e	ix	24	S. BARTHOLOMÆI AP., II cl.
					•	f	viii	25	S. Ludovici Regis, C., III cl.
					xxix	g	vii	26	Commemoratio S. Zephyrini Papæ et Mart., Comm.

Cyclus Epac- tarum	L.D.	D.M.	MENSIS	Cyclus Epac- tarum	L.D.	D.M.	MENSIS
xxviii	A vi	27	S. Iosephi Calasactii Conf., III cl.	*	A viii	24	Commemoratio B. Mariæ Virg. a Mercede, Comm.
xxvii	b v	28	S. Augustini Ep., Conf. et Eccl. Doct., III cl. Com- memoratio S. Hermetis M.	xxix xxviii	b vii c vi	25 26	Commemoratio Ss. Cypriani et Iustinæ Virg., Mm., Comm.
xxvi	c iv	29	In Decollatione S. Ioannis Bapt., III cl. Commemo- ratio S. Sabinæ Mart.	xxvii	d v	27	Ss. Cosmæ et Damiani Mm., III cl.
25 xxv	d iii	30	S. Rosæ Limanæ Virg., III cl. Commemoratio Ss. Fe- licis et Adaucti Mm.	25 xxvi	e iv	28	S. Wenceslai Ducis, Mart., III cl.
xxiv	e Prid.	31	S. Raymundi Nonnati Conf., III cl.	xxv xxiv	f iii	29	IN DEDICATIONE S. MICHAELIS ARCH., I cl.
			SEPTEMBER	xxiii	g Prid.	30	S. Hieronymi Presb., Conf. et Eccl. Doct., III cl.
xxiii	f Kal.	1	Commemoratio S. Ægidii Abb., Comm. Commemo- ratio Ss. duodecim Fra- trum Mm.				OCTOBER
xxii	g iv	2	S. Stephani Regis, C., III cl.	xxii	A Kal.	1	Commemoratio S. Remigii Ep. et Conf., Comm.
xxi	A iii	3	S. Pii X P. et C., III cl.	xxi	b vi	2	Ss. Angelorum Custodum, III cl.
xx	b Prid.	4		xx	c v	3	S. Teresiæ a Iesu Infante Virg., III cl.
xix	c Non.	5	S. Laurentii Iustiniani Ep. et Conf., III cl.	xix	d iv	4	S. Francisci Conf., III cl.
				xviii	e iii	5	Commemoratio Ss. Placidi et Sociorum Mm., Comm.
xviii	d viii	6		xvii	f Prid.	6	S. Brunonis Conf., III cl.
xvii	e vii	7		xvi	g Non.	7	B. MARLE VIRG., A RO- SARIO, II cl. Commem. S. Marci P. et C.
xvi	f vi	8	IN NATIVITATE B. MARLE VIRG., II cl. Commemo- ratio S. Hadriani Mart.	xv	A viii	8	S. Birgittæ Vid., III cl. Commemoratio Ss. Sergii, Bacchi, Marcelli et Apu- leii Mm.
xv	g v	9	Commemoratio S. Gorgonii Mart., Comm.	xiv	b vii	9	S. Ioannis Leonardi Conf., III cl. Commemoratio Ss. Dionysii Ep., Rustici et Eleutherii Mm.
xiv	A iv	10	S. Nicolai de Tolentino Conf., III cl.	xiii	c vi	10	S. Francisci Borgiæ Conf., III cl.
xiii	b iii	11	Commemoratio Ss. Proti et Hyacinthi Mm., Comm.	xii	d v	11	MATERNITATIS B. MARLE VIRG., II cl.
xii	c Prid.	12	Sanctissimi Nominis B. Ma- riæ Virg., III cl.	xi	e iv	12	S. Eduardi Regis, C., III cl.
xi	d Idib.	13		x	f iii	13	S. Callisti I, P. et M., III cl.
x	e xviii	14	IN EXALTATIONE S. CRUCIS, II cl.	ix	g Prid.	14	S. Teresiæ Virg., III cl.
ix	f xvii	15	SEPTEM DOLORUM B. MA- RLE VIRG., II cl. Com- mem. S. Nicomedis M.	viii	A Idib.	15	S. Hedwigis Vid., III cl.
viii	g xvi	16	Ss. Cornelii Papæ et Cypri- ani Ep., Mm., III cl. Com- memoratio Ss. Eu- phemie Virg., Lucie et Geminiani Mm.	vii	b xvii	16	S. Margaritæ Mariæ Ala- coque Virg., III cl.
vii	A xv	17	Commemoratio Impressio- nis Ss. Stigmatum S. Francisci Conf., Comm.	vi	c xvi	17	S. LUCÆ EVANGELISTÆ, II cl.
vi	b xiv	18	S. Iosephi de Cupertino Conf. III cl.	v	d xv	18	S. Petri de Alcantara Conf., III cl.
v	c xiii	19	Ss. Ianuarii Ep. et Sociorum Mm., III cl.	iv	e xiv	19	S. Ioannis Cantii C., III cl.
iv	d xii	20	Commemoratio Ss. Eusta- chii et Soc. Mm., Comm.	iii	f xiii	20	Commemoratio S. Hilario- nis Abb., Comm. Com- memoratio Ss. Ursulæ ac Soc. Vv. et Mm.
iii	e xi	21	S. MATTHÆI AP. ET EVAN- GELISTÆ, II cl.	ii	g xii	21	
ii	f x	22	S. Thomæ de Villanova Ep. et Conf., III cl. Com- memoratio Ss. Mauritii et Soc. Mm.	i	A xi	22	S. Antonii Mariæ Claret Ep. et Conf., III cl.
i	g ix	23	S. Lini Papæ et Mart., III cl. Commemoratio S. Theclæ Virg. et Mart.	o	b x	23	S. Raphaëlis Arch., III cl.
				xxix xxviii	c ix d viii	24 25	Commemoratio Ss. Chry- santhi et Dariæ Mm., Comm.
				xxvii	e vii	26	Commemoratio S. Evaristi Papæ et Mart., Comm.

Cyclus Epac- tarum	L.D.	D.M.	MENSIS	Cyclus Epac- tarum	L.D.	D.M.	MENSIS
xxvi 25 xxv	f vi g v	27 28	Ss. SIMONIS ET IUDÆ APP., II cl. Dominica ultima octobris: D. N. IESU CHRISTI REGIS, I cl. NOVEMBER OMNIUM SANCTORUM, I cl. IN COMMEMORATIONE OMNIUM FIDELIUM DEFUNCTORUM, I cl. S. Caroli Ep. et Conf., III cl. <i>Commemoratio Ss.</i> <i>Vitalis et Agricola Mm.</i> Commemoratio Ss. ^{or} Qua- tuor Coronatorum Mm., Comm. IN DEDICATIONE ARCHIBA- SILICÆ SSMI SALVATO- RIS, II cl. Commemoratio <i>S. Theodori Mart.</i> S. Andreae Avellini Conf., III cl. <i>Commemoratio</i> <i>Ss. Tryphonis, Respicii et</i> <i>Nymphæ Virg., Mm.</i> S. Martini Ep. et Conf., III cl. <i>Commemoratio S.</i> <i>Mennæ Mart.</i> S. Martini I, P. et M., III cl. S. Didaci Conf., III cl. S. Iosaphat Ep. et M., III cl. S. Alberti Magni Ep., Conf. et Eccl. Doct., III cl. S. Gertrudis Virg., III cl. S. Gregorii Thaumaturgi Ep. et Conf., III cl. In Dedicatione Basilicarum Ss. Petri et Pauli App., III cl. S. Elisabeth Vid., III cl. <i>Commemoratio S. Ponti-</i> <i>ani Papæ et Mart.</i> S. Felicis de Valois Conf., III cl. In Præsentatione B. Mariæ Virg., III cl. S. Cæcilie V. et M., III cl. S. Clementis I Papæ et Mart., III cl. <i>Commemo-</i> <i>ratio S. Felicitatis Mart.</i> S. Ioannis a Cruce Conf. et Eccl. Doct., III cl. <i>Com-</i> <i>mem. S. Chrysogoni M.</i> S. Catharinæ Virg. et Mart., III cl.	25 xavi	A vi	26	S. Silvestri Abb., III cl. <i>Commemoratio S. Petri</i> <i>Alexandr. Ep. et Mart.</i>
xxiv xxiii xxii	A iv b iii c Prid.	29 30 31		xxv xxiv xxiii xxii	b v c iv d iii	27 28 29	<i>Commemoratio S. Saturnini</i> <i>Mart., Comm.</i> S. ANDRÆ AP., II cl.
xxi	d Kal.	1		xxi	e Prid.	30	DECEMBER
xx	e iv	2		xx xix xviii	f Kal. g iv A iii	1 2 3	S. Bibianæ V. et M., III cl. S. Francisci Xaverii Conf., III cl.
xix xviii	f iii g Prid.	3 4		xvii	b Prid.	4	S. Petri Chrysologi Ep., Conf. et Eccl. Doct., III cl. <i>Commemoratio S.</i> <i>Barbaræ Virg. et Mart.</i>
xvii xvi xv xiv	A Non. b viii c vii d vi	5 6 7 8		xvi xv xiv	c Non. d viii e vii	5 6 7	<i>Commemoratio S. Sabbæ</i> <i>Abb., Comm.</i> S. Nicolai Ep. et C., III cl. S. Ambrosii Ep., Conf. et Eccl. Doct., III cl.
xiii	e v	9		xiii	f vi	8	IN CONCEPTIONE IM- MACULATA B. MA- RIE VIRG., I cl.
xii	f iv	10		xii xi	g v A iv	9 10	<i>Commemoratio S. Melchi-</i> <i>adis P. et M., Comm.</i> S. Damasi I, P. et C., III cl.
xi	g iii	11		x ix viii vii vi v iv iii ii i	b iii c Prid. d Idib. e xix f xviii g xvii A xvi b xv c xiv d xiii e xii f xi	11 12 13 14 15 16 17 18 19 20 21 22	S. Lucie V. et M., III cl. S. Eusebii Ep. et M., III cl. S. THOMÆ AP., II cl.
x ix viii vii	A Prid. b Idib.	12 13		xxix xxviii xxvii xxvi	g x A ix b viii	23 24 25	Vigilia, I cl. IN NATIVITATE DOMI- NI, I cl. cum octava. II classis. In secunda Missa: <i>Commemoratio S.</i> <i>Anastasiæ Mart.</i>
vi v	e xvi f xv	16 17		25 xxv	c vii	26	II dies infra octavam Nati- vitatibus Domini. S. STE- PHANI PROTOMART., II cl.
iv	g xiv	18		xxiv	d vi	27	III dies infra oct. Nativitatis Domini. S. IOANNIS AP. et EVANGELISTÆ, II cl.
iii	A xiii	19		xxiii	e v	28	IV dies infra oct. Nativitatis Domini. Ss. INNOCENTI- UM MARTYRUM, II cl.
ii	b xii	20		xxii	f iv	29	DE V DIE INFRA OCTAVAM NATIVITATIS DOMINI, II cl. Commemoratio S. Thomæ Ep. et Mart.
i	c xi	21		xxi	g iii	30	DE VI DIE INFRA OCT. NA- TIVITATIS DOMINI, II cl.
• xxix	d x e ix	22 23		19 xx	A Prid.	31	DE VII DIE INFRA OCT. II cl. Com. S. Silvestri I P. et Cf.
xxviii	f viii	24		Hæc Epacta 19 nigra nunquam est in usu, nisi quando eodem anno concurrat cum Aureo numero xix.			
xxvii	g vii	25					

RITUS SERVANDUS IN CELEBRATIONE MISSÆ

I—De præparatione sacerdotis celebraturi

Sacerdos Missam celebraturus orationi aliquantum vacet, precibus inferius positis, ad libitum adhibitis. Deinde accedit ad locum in sacristia vel alibi præparatum, ubi paramenta, aliaque ad celebrationem necessaria habentur, accipit missale, perquirat Missam, perlegit, et signacula ordinat ad ea quæ dicturus est. Postea lavat manus, dicens orationem inferius positam. Deinde præparat calicem (qui debet esse vel aureus vel argenteus, aut saltem habere cuppam argenteam intus inauratam, et simul cum patena itidem inaurata, ab Episcopo consecratus), super eius os ponit purificatorium mundum, et super illud patenam cum hostia integra, quam leviter extergit, si opus est, a fragmentis, et eam tegit parva palla lineæ, tum velo serico; super velo ponit bursam coloris paramentorum intus habentem corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2 Quibus ita dispositis, accedit ad paramenta, quæ non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habente, benedicta; ubi calceatus pedibus, et indutus vestibis sibi convenientibus, quarum exterior saltem talum pedis attingat, induit se, dicens ad singula singulas orationes inferius positas.

3 Ac primum accipiens amictum circa extremitates et chordulas, osculatur illud in medio, ubi est crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum alba induitur, caput submittens, deinde manicam dexteram brachio dextero, et sinistram sinistro imponens. Albam ipsam corpori adaptat, elevat ante, et a lateribus hinc inde, et cingulo, per ministrum a tergo sibi porrecto, se cingit. Minister elevat albam super cingulum circumcirca, ut honeste dependeat, et tegat vestes; ac eius fimbrias diligenter aptat, ut ad latitudinem digiti, vel circiter, super terram æqualiter fluat. Sacerdos accipit manipulum, osculatur crucem in medio, et imponit brachio sinistro. Deinde ambabus manibus accipiens stolam, simili modo deosculatur, et imponit medium eius collo, ac transversando eam ante pectus in modum crucis, ducit partem a sinistro humero pendentem, ad dexteram, et partem a dextero humero pendentem, ad sinistram. Sicque utramque partem stolæ extremitatibus cinguli hinc inde ipsi cingulo conjungit. Postremo sacerdos accipit planetam et, convenienter, caput tegit.

4 Si celebrans sit Episcopus, vel Cardinalis, vel Abbas habens usum pontificalium non ducit stolam ante pectus in modum crucis, sed sinit hinc inde utrasque extremitates

pendere; et antequam accipiat stolam, accipit parvam crucem pectoralem, quam osculatur, et collo impositam sinit ante pectus chordulis pendere. Manipulum quoque non accipit ante stolam, nisi in Missis defunctorum, sed accipit ad altare, cum in Confessione dicit **Indulgentiam**, illumque prius osculator.

5 Si sit Episcopus, vel Abbas, ut supra, habens usum Pontificalium, et solemniter celebret, accipit paramenta et alia, ut in Pontificali et Cæremoniali.

II—De ingressu sacerdotis ad altare

Sacerdos, omnibus paramentis indutus, accipit manu sinistra calicem, ut supra præparatum, quem portat elevatum ante pectus, bursam manu dextera super calicem tenens, et facta reverentia Cruci, vel imagini illi, quæ in sacristia erit, accedit ad altare, ministro cum Missali et aliis ad celebrandum necessariis (nisi ante fuerint præparata) præcedente, superpelliceum induto. Procedit autem oculis demissis, incessu gravi, erecto corpore. Si vero contraerit eum transire ante altare maius, capite cooperto faciat ad illud reverentiam. Si ante locum Sacramenti, genuflectat. Si ante altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adoret, nec ante surgat quam celebrans deposuerit calicem super corporale.

2 Cum pervenerit ad altare, stans ante illius infimum gradum, caput detegit, biretum ministro porrigit, et altari, seu imagini Crucifixi desuper positæ, profunde se inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium altaris, ubi ad latus Evangelii sistit calicem, extrahit corporale de bursa, quod extendit in medio altaris, et super illud calicem velo coopertum collocat, bursam autem ad latus Evangelii. Si in altari paramenta accipit, hoc idem facit antequam descendat ab altari, ut Missam inchoet.

3 Si est consecraturus plures hostias pro Communionem faciendam, quæ ob quantitatem super patenam manere non possint, locat eas super corporale ante calicem, aut in aliquo calice consecrato, vel vase mundo benedicto, ponit eas retro post calicem, et alia patena seu palla cooperit.

4 Collocato calice in altari, accedit ad latus Epistolæ et missale super cussino aperit. Deinde rediens ad medium altaris, facta primum Cruci reverentia, vertens se ad latus Epistolæ, descendit post infimum gradum altaris, ut ibi faciat Confessionem.

5 In Missa solemnî missale apertum super altare, calix vero, et alia necessaria præparentur in credentia cooperta linteo, antequam sacerdos veniat ad altare. Ipse autem procedit cum diacono et subdiacono, qui capite cooperto simul cum eo tenent manus iunctas ante pectus; acolythi vero ante eos deferunt candelabra cum candelis accensis, quæ deinde collocantur super credentia; et cum pervenerit ante infimum gradum altaris, ibi medius inter diaconum a dexteris, et subdiaconum a sinistris, antequam ascendat ad altare, facit cum ipsis (ut infra) Confessionem.

6 In Missa Pontificali omnia servantur, ut in Pontificali et Cæremoniali romano ordinantur: cuius Pontificalis ordinem Episcopus, sive alius ut supra, numquam prætermittat, quodcumque cum diacono et subdiacono paratis celebrat.

III—De initio Missæ

Sacerdos cum primum descenderit sub infimum gradum altaris, convertit se ad ipsum altare, ubi stans in medio, iunctis manibus ante pectus, extensis et iunctis pariter digitis, et pollice dextero super sinistrum posito in modum crucis (quod semper servatur quando junguntur manus, præterquam post consecrationem), detecto capite, facta prius Cruci vel altari profunda reverentia, vel si in eo sit tabernaculum sanctissimi Sacramenti, facta genuflexione, erectus incipit Missam.

2 Si celebraturus sit coram Summo Pontifice, sistit se ante infimum gradum altaris a latere Evangelii ante ipsum Pontificem, ubi genuflexus exspectat: accepta benedictione, erigit se, et stans aliquantulum versus ad altare, incipit Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo, et Episcopo in eorum residentijs, vel loco iurisdictionis, stans ante infimum gradum a latere Evangelii ut supra, exspectat: dato signo, facit profundam reverentiam praelato, et versus ad altare incipit Missam.

3 Si autem solemniter celebrat coram Summo Pontifice aut alio ex Prælati prædictis in ecclesijs eorum iurisdictionis, stans a sinistris Prælati, facit cum eo Confessionem, et alia servat, ut in Pontificali et Cæremoniali romano ordinatur.

4 Stans igitur celebrans ante infimum gradum altaris, ut supra, producens manu dextera a fronte ad pectus signum crucis, dicit intelligibili voce: **In nómīne Patris, et Filii, et Spíritus Sancti. Amen.** Et postquam id dixerit, non debet advertere quemcumque in alio altari celebrantem, etiamsi Sacramentum eleve, sed continueat prosequi Missam suam usque ad finem. Quod item observatur in Missa solemnī, et simul etiam a ministris.

5 Cum seipsum signat, semper sinistram ponit infra pectus: in alijs benedictionibus cum est ad altare, et benedicit oblata, vel aliquid aliud, ponit eam super altare, nisi aliter notetur. Seipsum benedicens, vertit ad se palmam manus dexteræ, et omnibus illius digitis iunctis et extensis, a fronte ad pectus, et ab humero sinistro ad dexterum, signum crucis format. Si vero alios, vel rem aliquam benedicit, parvum digitum vertit ei cui benedicit, ac benedicens totam manum dexteram extendit, omnibus illius digitis pariter iunctis et extensis: quod in omni benedictione observatur.

6 Postquam dixerit: **In nómīne Patris, etc.** ut supra, jungens iterum manus ante pectus, pronuntiat clara voce antiphonam: **Introibo ad altāre Dei.** Minister retro post eum ad sinistram genuflexus, et in Missa solemnī ministri hinc inde stantes prosequuntur: **Ad Deum, qui lætīficat iuventūtem meam.** Deinde sacerdos eodem modo stans incipit, et prosequitur cum ministro, vel ministris alternatim psalmum: **Iúdica me, Deus,** usque ad finem, cum **Glória Patri.** Quo finito, repetit antiphonam **Introibo** cum ministris, ut supra. Qui psalmus numquam prætermittitur, nisi in Missis defunctorum, et in Missis de Tempore a dominica I Passionis usque ad feriam V in Cena Domini inclusive, in quibus semel tantum dicta antiphona **Introibo** cum ministris, ut

supra, sacerdos statim subiungit. **Ÿ. Adiutorium nostrum, etc.** ut infra. Cum in fine psalmi dicit **Glória Patri, etc.** caput Cruci inclinat.

7 Repetita antiphona **Introibo**, dextera manu producens signum crucis a fronte ad pectus, dicit **Ÿ. Adiutorium nostrum in nómīne Dómini.** **R. Qui fecit cælum et terram.** Deinde altari se profunde inclinans, iunctis manibus dicit: **Confiteor Deo,** ut in Ordine Missæ: et prosequitur eodem modo stans inclinatus, donec a ministro, vel ministris dictum sit **Misereatur.** Cum incipitur a ministris **Confiteor**, se erigit. Cum dicit: **mea culpa**, ter pectus dextera manu percutit, sinistra infra pectus posita.

8 Si est coram Pontifice, Cardinali, Legato Sedis Apostolicæ, vel Patriarcha, Archiepiscopo et Episcopo in eorum provincia, civitate vel diœcesi constitutis, ubi dicit: **vobis, fratres**, dicat: **tibi, Pater;** similiter in fine ubi dicit: **vos, fratres**, dicat: **te, Pater;** quod dicens Summo Pontifici genuflectit, alijs Prælati profunde se inclinat.

9 Cum minister, et qui intersunt (etiamsi ibi fuerit Summus Pontifex), respondent **Confiteor**, dicunt **tibi, Pater**, et **te, Pater**, aliquantulum conversi ad celebrantem.

10 Facta a circumstantibus Confessione, celebrans stans respondet: **Misereatur vestri, etc.** Deinde producens manu dextera a fronte ad pectus signum crucis, dicit: **Indulgentiam, etc.;** et si est Episcopus, vel Abbas, ut supra, accipit manipulum, osculando illum in medio. Et stans inclinatus iunctis manibus prosequitur: **Deus, tu convérsum,** et quæ sequuntur in Ordine Missæ, clara voce usque ad orationem **Aufer a nobis, etc.;** et cum dicit: **Orémus**, extendit et iungit manus.

11 Et tunc si coram Summo Pontifice, aut alijs Prælati, ut supra, celebret, facta Summo Pontifici genuflexione, alijs Prælati profunda reverentia, accedit ad medium altaris ante infimum gradum, et ibi incipit secreto: **Aufer a nobis**, ut in Ordine Missæ.

12 Aliquando psalmus **Iúdica me, Deus**, cum sua antiphona, confessio cum absolutione, versus sequentes atque orationes **Aufer a nobis** et **Oramus te, Domine**, omittenda sunt, ad normam n. 424 rubricarum. His in casibus, celebrans, facta altari debita reverentia, illud ascendit nihil dicens, et disposito calice, altare osculatur, item nihil dicens; deinde, nisi fiat incensatio altaris, in latere Epistolæ incipit antiphonam ad Introitum, ut infra.

IV—De antiphona ad Introitum, Kýrie, eléison, et Glória in excélsis

Dum dicit: **Aufer a nobis, etc.**, celebrans iunctis manibus ascendit ad medium altaris, et ibi inclinatus, manibusque item iunctis super eo positis, ita ut digiti parvi dumtaxat frontem, seu medium anterioris partis tabulæ, seu mensæ altaris tangant, residuo manuum inter altare et se retento, pollice dextero super sinistrum in modum crucis posito (quæ omnia semper observantur, cum manus iunctæ super altare ponuntur), secreto dicit: **Oramus te, Domine, etc.**, et cum dicit: **Quorum reliquæ hic sunt**, osculatur altare in medio, manibus extensis æqualiter hinc inde super eo positis: quod semper servatur, quando osculatur altare, sed post Consecrationem pollices ab indicibus non disjunguntur. In omni etiam deosculatione sive altaris, sive libri, sive alterius rei, non producit signum crucis pollice, vel manu super id quod osculandum est.

2 Osculato altari, accedit ad latus eius sinistrum, id est Epistolæ: ubi stans versus altare, et producens a fronte ad pectus signum crucis, incipit intellegibili voce antiphonam ad Introitum et prosequitur iunctis manibus. Cum dicit: **Glória Patri**, tenens iunctas manus, caput inclinatur. Cum repetit antiphonam ad Introitum, non signat se, ut prius, et ea repetita, iunctis manibus ante pectus accedit ad medium altaris, ubi stans versus illud similiter manibus iunctis, dicit eadem voce ter **Kýrie, eléison**, ter **Christe, eléison**, et iterum ter **Kýrie, eléison** alternatim cum ministro. Si minister, vel qui intersunt, celebranti non respondeant, ipse solus novies dicit.

3 Dicto ultimo **Kýrie, eléison**, sacerdos stans in medio altaris et manus extendens, elevansque usque ad humeros (quod in omni manuum elevatione observatur), voce prædicta incipit, si dicendum sit, **Glória in excelsis**. Cum dicit **Deo**, iungens manus, caput Cruci inclinatur: quo erecto, stans iunctis manibus ante pectus, prosequitur usque ad finem. Cum dicit **Adoramus te, Grátias ágimus tibi, et Iesu Christe, Súscipe deprecationem nostram**, et iterum **Iesu Christe**, caput Cruci inclinatur. Cum dicit in fine **Cum Sancto Spíritu**, seipsum a fronte ad pectus signat, interim absolvens: **in glória Dei Patris. Amen.**

4 In Missa solemni sacerdos facta Confessione ascendit cum ministris ad medium altaris: ubi dicto **Orámus te, Dómine**, et osculato altari, ponit incensum in thuribulum, ministrante diacono naviculam, et thuriferario thuribulum; diaconus, parum inclinatus versus celebrantem, dicit: **Benedicite, Pater reverénde**, et osculatur cochlear, et manum celebrantis ante et post. Celebrans ter incensum ponit in thuribulum, dicens interim: **Ab illo benedicáris**, etc., et deposito cochleari producens manu dextera signum crucis super thus in thuribulo, illud benedicit. Postea diaconus dimissa navicula accipit thuribulum, et dat celebranti, osculata prius catenularum summitate, et manu illius dextera: qui, facta Cruci profunda reverentia, eam ter incensat, nihil dicens: et, facta iterum Cruci reverentia, incensat, altare, ter ducens thuribulum æquali distantia, prout distribuuntur candelabra, a medio eius usque ad latus Epistolæ; ubi demissa manu, thurificat illius postremam partem inferiorem, mox superiorem, bis ducto thuribulo: et conversus ad altare, elevans manum incensat eius planitiem, seu mensam in parte anteriori, ter ducens thuribulum usque ad medium: ubi facta Cruci reverentia, procedendo thurificat aliud latus altaris triplici ductu usque ad latus Evangelii: et pariter incensata inferiori et superiori parte ipsius lateris Evangelii duplici ductu, adhuc stans ibidem, elevat thuribulum, et ter incensat superiorem tabulæ partem versus medium altaris, ut fecit in latere Epistolæ: deinde manu aliquantulum demissa, incensat anteriorem eius partem, seu frontem, ter ducens thuribulum, dum procedit a latere Evangelii usque ad medium altaris, et facta Cruci reverentia, incensat similiter triplici ductu reliquam partem anteriorem usque ad latus Epistolæ: ubi reddito thuribulo ipsi diacono, ab eo ipse solus incensatur.

5 Si vero in altari fuerint reliquiae, seu imagines Sanctorum, incensata Cruce, et facta ei reverentia, antequam discedat a medio altaris, primum incensat eas quæ a dexteris sunt, id est parte Evangelii prope Crucem, bis ducens thuribulum, et iterum facta Cruci reverentia, similiter incensat bis alias, quæ sunt a sinistris, hoc est a parte Epistolæ: deinde prosequitur incensationem altaris ut supra, ter ducens thuribulum in unoquoque latere, etiamsi in eo essent plures reliquiae, vel imagines, seu etiam plura, vel pauciora candelabra.

6 Si in altari fuerit tabernaculum Sanctissimi Sacramenti, accepto thuribulo, antequam incipiat incensationem,

genuflectit, quod item facit quotiescumque transit ante medium altaris.

7 Diaconus et subdiaconus hinc inde assistant celebranti cum incensat, et cum transeunt ante Crucem, semper genuflectunt, Deinde celebrans, diacono a dexteris eius, subdiacono a dexteris diaconi stantibus in latere Epistolæ, legit antiphonam ad Introitum et **Kýrie, eléison**. Cum vero intonat hymnum **Glória in excelsis Deo**, diaconus et subdiaconus, unus post alium, stant a tergo celebrantis: postea ascendunt ad altare, et hinc inde, diaconus a dexteris, subdiaconus a sinistris, cum celebrante hymnum submissa voce prosequuntur usque ad finem. Quod etiam servatur cum dicitur **Credo**; et cum dicitur **Dóminus vobiscum**, oratio, præfatio, et **Pater noster**, diaconus et subdiaconus similiter stant unus post alterum a tergo celebrantis.

8 In Missis cantatis, si incensationes fiant, celebrans se gerit ut supra pro Missa solemni dictum est; in fine a ministrante incensatur.

V—De oratione

Dicto hymno **Glória in excelsis**, vel, si non sit dicendus, eo omisso, celebrans osculatur altare in medio, manibus hinc inde super eo, ut supra, extensis: tum illis ante pectus iunctis, et demissis ad terram oculis, vertit se a sinistro latere ad dexterum versus populum, hoc est, per eam partem quæ respicit latus Epistolæ, et extendens, ac iungens manus ante pectus, ut prius, dicit, clara voce: **Dóminus vobiscum**, vel si sit Episcopus: **Pax vobis** (quod dicitur tantum hoc loco, quando dictus est hymnus **Glória in excelsis**). **R. Et cum spiritu tuo**, et iunctis, ut prius, manibus, revertitur per eandem viam ad librum, ubi eas extendens, et iungens ante pectus, caput inclinans, dicit: **Orémus**: tum manus ante pectus extendit, digitis simul iunctis, et orationem dicit. Cum dicit **Per Dóminum**, manus iungit, easque usque ad finem iunctas tenet. Si oratio concludatur **Qui tecum** vel **Qui vivis**, manus iungit cum dicit **in unitate**.

2 Cum in oratione, vel alibi in Missa, pronunciantur nomen IESU vel MARIÆ, itemque cum exprimitur nomen Sancti vel Beati de quo dicitur Missa aut fit commemoratio, vel Summi Pontificis, sacerdos caput inclinatur. Si plures orationes sint dicendæ, idem in eis, in voce, in extensione manuum, et capitis inclinatione, quod supra dictum est, observatur.

3 Si altare sit ad Orientem, versus populum, celebrans versa facie ad populum, non vertit humeros ad altare, cum dicturus est **Dóminus vobiscum**, **Oráte, fratres, Ite, missa est**, vel daturus benedictionem; sed osculato altari in medio, ibi expansis et iunctis manibus, ut supra, salutat populum, et dat benedictionem.

4 Quoties in Missa dicenda occurrunt verba **Flectámus genua, Leváte**, sacerdos, dicto in medio altaris **Kýrie, eléison**, revertitur ad latus Epistolæ, ubi stans ante librum, extensis et iunctis ante pectus manibus, caput inclinans, dicit: **Oremus**, ac deinde; **Flectámus genua**; et illico, manibus super altare extensis, ut se ipsum sustineat, utrumque genuflectit ac, iunctis manibus per aliquod temporis spatium in silentio orat; deinde dicit: **Leváte**, surgit, et manibus extensis, dicit orationem. Lectionem sequentem eodem modo legit, ut infra de Epistola dicitur.

5 In Missa solemni cum dicitur **Dóminus vobiscum** et oratio, diaconus et subdiaconus stant retro post celebrantem. **Flectámus genua et Leváte**, cantantur a diacono; celebrans omnesque alii utrumque genu flectunt, atque orant ut supra dictum est. Diaconus cantat **Flectá-**

mus genua antequam genua flectat, **Levate** autem priusquam surgat.

VI—De Epistola, graduali, et aliis usque ad Offertorium

Dictis orationibus, celebrans positus super librum, vel super altare manibus, ita ut palmæ librum tangant, vel (ut placuerit) librum tenens, legit Epistolam intelligibili voce, et respondetur a ministro: **Deo grâtiâs**, et similiter, stans eodem modo, prosequitur graduale, **Alleluia**, et tractum, ac sequentiam, si dicenda sint. Quibus dictis, sacerdos, in Missis lectis, ipsemet, seu minister portat librum missalis ad alteram partem altaris in latere Evangelii, et dum transit ante medium altaris, caput Cruci inclinatur, et missale sic locat, ut posterior pars libri respiciat ipsum latus altaris, et non ad parietem, sive ad partem eius contra se directam.

2 Locato missali in altari, celebrans redit ad medium altaris, ibique stans iunctis manibus ante pectus, levatisque ad Deum oculis, et statim demissis, tum profunde inclinatur, dicit secreto: **Munda cor meum**, et **Iube, Dômine, benedicere, Dôminus sit in corde meo**, ut in Ordinario. Quibus dictis, vadit ad librum missalis, ubi stans versus illum, iunctis manibus ante pectus, dicit intelligibili voce: **Dôminus vobiscum**. **R.** **Et cum spiritu tuo**. Deinde pollice dexteræ manus signo crucis signat primo librum super principio Evangelii, quod est lecturus, postea seipsum in fronte, ore, et pectore, dicens: **Sequentia**, vel **Initium sancti Evangelii, etc.**, **R.** **Glória tibi, Dômine**. Tum iunctis iterum manibus ante pectus, stans, ut supra, prosequitur Evangelium usque ad finem. Quo finito, minister stans in latere Epistolæ post infimum gradum altaris, respondet: **Laus tibi, Christe**, et sacerdos, elevans parumper librum, osculatur principium Evangelii, dicens: **Per Evangélica dicta, etc.**, præterquam in Missis defunctorum, et nisi celebret coram Summo Pontifice, Cardinali et Legato Sedis Apostolicæ, vel Patriarcha, Archiepiscopo et Episcopo in eorum residentiis, quo casu deferitur cuilibet prædictorum osculandus liber, et celebrans tunc non osculatur illum, nec dicit: **Per Evangélica dicta**. Cum autem nominatur IESUS, caput versus librum inclinatur; et eodem modo versus librum genuflectit, cum in Evangelio est genuflectendum.

3 Dicto Evangelio, stans in medio altaris versus Crucem, elevans et extendens manus, incipit (si dicendum sit) **Credo**; cum dicit: **in unum Deum**, iungit manus, et caput Cruci inclinatur; quo erecto stans ibidem iunctis ante pectus manibus, ut prius, prosequitur usque ad finem. Cum dicit: **Iesum Christum**, caput Cruci inclinatur. Cum dicit **Et incarnatus est**, usque ad **et homo factus est** inclusive, genuflectit. Cum dicit: **simul adoratur**, caput Cruci inclinatur. Cum dicit: **Et vitam venturi sæculi. Amen**, producit sibi manu dextera signum crucis a fronte ad pectus.

4 In Missa solemni subdiaconus circa finem ultimæ orationis accipit ambabus manibus librum Epistolarum, deferens illum supra pectus, et, facta altari genuflectione in medio, vadit ad partem Epistolæ contra altare, et cantat Epistolam, quam celebrans sedens auscultat. Epistola cantata, celebrans redit ad librum, et subdiaconus facit iterum genuflectionem in medio ac vadit ad celebrantem, et genuflectens osculatur eius manum, et ab eo benedicitur, præterquam in Missis defunctorum. Deinde celebrans legit, submissa voce, graduale etc., usque ad **Munda cor meum** exclusive.

5 Postea celebrans in medio altaris expectat donec

subdiaconus missale in latere Evangelii collocaverit et diaconus librum Evangeliorum in medio altaris deposuerit; deinde incensum imponit et benedicit more solito. Postea diaconus, genuflexus in supremo gradu, inclinatus dicit: **Munda cor meum**, et accipens librum Evangeliorum de altari, petit benedictionem a celebrante similiter genuflexus in superiori gradu altaris; et osculata illius manu, præcedentibus thuriferario, et duobus acolythis cum candelabris accensis de credentia sumptis, vadit cum subdiacono a sinistris ad locum Evangelii contra altare versus populum, ubi subdiacono librum tenente medio inter duos acolythos tenentes candelabra accensa, dicit: **Dôminus vobiscum**, iunctis manibus. Cum dicit: **Sequentia, etc.**, signat librum in principio Evangelii, frontem, os et pectus: postea ter librum incensat, hoc est, in medio, a dexteris, et a sinistris, et prosequitur Evangelium, iunctis manibus. Interim celebrans post datam diacono benedictionem retrahens se ad latus Epistolæ, ibi stat, iunctis manibus. Et cum diaconus dicit: **Sequentia sancti Evangelii**, sacerdos etiam signat se: et cum nominatur IESUS, caput inclinatur. Finito Evangelio sacerdos osculatur librum a subdiacono sibi delatum, dicens: **Per Evangélica dicta, etc.**, et a diacono ter incensatur. Si sit coram Prælato in sua residentia, liber deferitur ad Prælatum, ut supra, et ille incensatur, ut in Cæremoniali. Postea stans in medio altaris versus ad Crucem, incipit, si dicendum sit, **Credo**, stantibus post eum diacono et subdiacono, deinde ad altare accedentibus et cum eo prosequentibus, ut dictum est ad **Glória in excelsis**.

6 Si autem sit prædicandum, concionator, finitio Evangelio, prædicet, et sermone, sive concione expleta, dicatur **Credo**, vel, si non sit dicendum, cantetur antiphona ad Offertorium.

7 Cum vero in symbolo cantatum fuerit: **Et incarnatus est**, diaconus accepta bursa de credentia, ambabus manibus eam deferat elevatam cum solitis reverentiis ad medium altaris, in quo explicat corporale, et revertitur ad celebrantem. Cum non dicitur **Credo**, subdiaconus deferat bursam simul cum calice, ut infra dicitur.

8 In Missis cantatis Epistola a ministrante cani potest; secus sufficit ut legatur a celebrante, qui tamen potest Epistolam more solito canere. Si incensationes fiant, celebrans antequam dicat **Munda cor meum**, in medio altaris incensum ponit et benedicit, et post verba **Sequentia** vel **Initium sancti Evangelii, etc.**, ter missale incensat; postquam autem Evangelium cantaverit, celebrans non incensatur.

VII—De Antiphona ad Offertorium et aliis usque ad Canonem

Dicto symbolo, vel, si non sit dicendum, post Evangelium vel homiliam, celebrans altare osculatur in medio, et iunctis manibus ante pectus ibidem a manu sinistra ad dexteram (ut dictum est supra), vertit se ad populum, et extendens ac iungens manus dicit: **Dôminus vobiscum**, et iunctis manibus revertitur per eandem viam ad medium altaris, ubi extendens et iungens manus, caputque Cruci inclinans, dicit **Orémus**: tum iunctis, ut prius, manibus, dicit antiphonam ad Offertorium, et omnia quæ usque ad finem Missæ in medio altaris dicenda sunt, dicit ibidem stans versus ad altare, nisi ubi aliter ordinatur.

2 Antiphona ad Offertorium absoluta, discooperit calicem et ad latus Epistolæ sistit, et manu dextera amovet parvam pallam desuper hostiam, accipit patenam cum hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit: **Suscipe, sancte Pater, etc.**

3 Si fuerint aliæ hostiæ non super patenam, sed super corporale, vel in alio calice, seu vase pro Com-

munione populi consecrandæ, calicem illum, seu vas dextera discooperit, et intentionem suam etiam ad illas offerendas et consecrandas dirigens, dicit ut supra: **Suscipe, etc.** ut in Ordine Missæ. Quo dicto, patenam utraque manu tenens, cum ea facit signum crucis super corporale, et deponit hostiam circa medium anterioris partis corporalis ante se, et patenam ad manum dexteram aliquantulum subtus corporale; quam, exterso calice, ut dicetur, cooperit purificatorio. Si autem adsit vas seu calix cum aliis hostiis, ipsum cooperit alia patena, vel palla.

4 Deinde in latere Epistolæ accipit calicem, purificatorio extergit, et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum celebrantis) et ponit vinum in calicem. Deinde eodem modo tenens calicem, producit signum crucis super ampullam aquæ, et dicit: **Deus, qui humanæ substantiæ,** et infundens parum aquæ in calicem prosequitur: **Da nobis per huius aquæ et vini mysterium, etc.** Si vero celebrat pro defunctis, non facit signum crucis super aquam, sed imponit absque benedictione, dicens orationem ut supra.

5 Imposita aqua in calice et finita oratione prædicta, accipit manu dextera calicem discoopertum; et stans ante medium altaris, ipsum ambabus manibus elevatum tenens, videlicet cum sinistra pedem, cum dextera autem nodum infra cuppam, intentis ad Deum oculis offert, dicens: **Offérimus tibi, Dómine, etc.** Qua oratione dicta, facit signum crucis cum calice super corporale, et ipsum in medio post hostiam collocat, et palla cooperit. Deinde iunctis manibus super altare positis, aliquantulum inclinatus dicit secreto: **In spíritu humilitatis, etc.** Postea erectus, elevans oculos, manusque expandens easque in altum porrectas, statim iungens ante pectus (quod semper facit quando aliquid est benedicturus) dicit: **Veni, sanctificátor, etc.** Cum dicit: **et benedic,** signat manu dextera communiter super hostiam et calicem, sinistra posita super altare.

6 Tum iunctis ante pectus manibus, accedit ad latus Epistolæ, ubi stans, ministro aquam fundente, lavat manus, idest, extremitates digitorum pollicis et indicis, dicens psalmum: **Lavábo inter innocéntes,** cum **Glória Patri, etc.**; qui versus **Glória Patri** præmittitur in Missis defunctorum, et in Missis de Tempore a dominica I Passionis usque ad feriam V in Cena Domini inclusive.

7 Celebrans, lotis manibus, eas tergit, et, illis ante pectus iunctis, revertitur ad medium altaris, ubi stans, oculosque ad Deum elevans, et statim demittens, manibus iunctis super altare aliquantulum inclinatus, dicit secreto orationem: **Suscipe, sancta Trínitas, etc.** Qua dicta, manibus hinc inde extensis et super altare positis, osculatur illud in medio; tum, iunctis manibus ante pectus, demissisque oculis ad terram, a sinistra manu ad dexteram vertit se ad populum, et versus eum extendens et iungens manus, dicit voce aliquantulum elata: **Oráte, fratres,** et secreto prosequens: **ut meum ac vestrum sacrificium, etc.** perficit circulum, revertens, iunctis manibus ante pectus, a manu dextera ad medium altaris. Et responso a ministro, vel a circumstantibus: **Suscipiat Dóminus sacrificium de manibus tuis, etc.** (alioquin per seipsum, dicens: **Sacrificium de manibus meis**), ipse celebrans submissa voce dicit: **Amen.** Et manibus ante pectus extensis, ut fit ad orationem, stans in medio altaris versus librum, dicit absolute sine **Orémus** et sine alia interpositione orationem, vel orationes secretas. Cum dicit **Per Dóminum,** iun-

git manus: cum dicit **Iesum Christum,** caput inclinatur: quod facit in prima oratione, et in ultima, si plures sint dicendæ.

8 In conclusione autem ultimæ secretæ ad verba illa: **Per ómnia sæcula sæculórum** exclusive, sacerdos stans in medio altaris, depositis super eo manibus hinc inde extensis, dicit convenienti et intelligibili voce præfationem. Cum dicit: **Sursum corda,** manus elevat hinc inde ante pectus extensas. Cum dicit: **Grátias agámus,** manus iungit; cum dicit: **Domino Deo nostro,** oculos elevat, et statim Cruci caput inclinatur. Responso: **Dignum et iustum est,** elevatis et extensis ut prius manibus, prosequitur præfationem. Cum dicit: **Sanctus,** iunctis ante pectus manibus, et inclinatus eadem voce prosequitur, ministro interim parvam campanulam pulsante. Cum dicit: **Benedictus qui venit in nómine Dómini, etc.** erigit se, et signum crucis sibi producit a fronte ad pectus.

9 In Missa solemni dicto **Orémus,** diaconus et subdiaconus accedunt ad altare in latere Epistolæ; diaconus amovet calicem, si est in altari, vel, si est in credentia, ut magis decet, accipit eum de manu subdiaconi, qui illum cum patena et hostia, coopertum palla et velo a collo sibi pendente manu sinistra tenens, et alteram manum superponens velo, ne aliquid decidat, de credentia detulit, comitatus ab acolytho ampullas vini et aquæ portante; ipse diaconus calicem detegit, et dat patenam cum hostia celebranti, osculando eius manum: subdiaconus extergit calicem purificatorio; diaconus, accepta ampulla vini de manu subdiaconi, imponit vinum in calicem: subdiaconus interim ampullam aquæ ostendens celebranti, dicit: **Benedicite Pater reverénde;** qui facto versus eam signo crucis, dicit orationem: **Deus, qui humanæ, etc.,** interim subdiaconus infundit paululum aquæ in calicem; diaconus illum celebranti dat, et pedem calicis tangens, seu brachium dexterum Celebrantis sustentans, cum eo dicit: **Offérimus tibi, Dómine, etc.,** quem postea positum in altari, ut supra, palla cooperit. Subdiacono deinde stanti in latere Epistolæ ponit in dextera manu patenam, quam cooperit extremitate veli ab eius humero pendentis: qui vadit post celebrantem ante medium altaris, et, facta genuflexione, ibi stat, sustinens eam elevatam usque ad finem orationis dominicæ, ut dicetur. In Missis autem defunctorum patena non tenetur a subdiacono.

10 Dicto **Veni, sanctificátor,** ut supra, celebrans, ministrante diacono naviculam, et dicente: **Benedicite, Pater reverénde,** ponit incensum in thuribulum, dicens: **Per intercessiónem, etc.** ut in Ordine Missæ. Deinde accepto thuribulo per manum diaconi, nullam tunc faciens Cruci reverentiam, incensat oblata, ter ducens thuribulum super calicem et hostiam simul in modum crucis, et ter circum calicem et hostiam, scilicet bis a dextera ad sinistram, et semel a sinistra ad dexteram (diacono interim pedem calicis tenente manu dextera), dispensans verba in qualibet incensatione hoc modo. In prima incensatione: **Incensum istud.** In secunda: **a te benedictum.** In tertia: **ascéndat ad te, Dómine.** In quarta: **et descéndat super nos.** In quinta et sexta: **misericórdia tua.** Deinde facta reverentia, incensat Crucem et altare, ut dictum est supra, assistente eodem diacono, interim dicens: **Dirigátur, Dómine, orátio mea, etc.;** et cum incensatur Crux, diaconus amovet calicem ad partem Epistolæ, et, incensata Cruce, reponit in loco suo. Cum reddit thuribulum diacono, dicit: **Accéndat in nobis, etc.** Et incensatur ab eo: deinde diaconus incensat chorum, et postremo subdiaconum tenentem patenam, et ipse diaconus incensatur a thuriferario, et thuriferarius postea incensat acolythos et populum. Celebrans, postquam incensatus fuerit, lavat manus, ministrantibus acolythis ampullam aquæ, cum

pelvicula et manutergio. In Missa cantata, si incensationes fiant, celebrans se gerit ut in Missa solemni, et in fine incensatur a ministrante, qui postea incensat clerum quoque et populum.

11 Cum dicitur præfatio, diaconus et subdiaconus stant retro post celebrantem: et paulo antequam dicatur **Sanctus**, accedunt ad altare, ubi cum celebrante hinc inde dicunt **Sanctus**, et quæ sequuntur usque ad Canonem. Deinde diaconus accedit ad sinistram celebrantis, ei assistens dum dicitur Canon, nisi alius sacerdos assistat, quia tunc ipse staret ad dexteram aliquantulum post celebrantem. Subdiaconus vero tunc stat post celebrantem.

VIII—De Canone Missæ usque ad Consecrationem

Finita præfatione, ut supra, sacerdos stans ante medium altaris versus ad illud, extendit et aliquantulum elevat manus, oculisque elevatis ad Deum, et sine mora devote demissis, ac manibus iunctis et super altare positis, profunde inclinatus incipit Canonem, secreto dicens: **Te igitur, etc.** ut in Ordine Missæ. Cum dicit: **Ut accépta hábeas et benedícas, etc.**, prius osculatur altare in medio, deinde erigit se, et stat iunctis manibus ante pectus. Cum dicit: **Hæc ✠ dona, hæc ✠ múnera, hæc sancta ✠ sacrificia**, dextera manu signat ter communiter super hostiam et calicem. Deinde, extensis manibus ante pectus, prosequitur: **In primis quæ tibi offérimus, etc.**

2 Ubi dicit: **una cum fámulo tuo Papa nostro N.**, exprimit nomen Papæ: Sede autem vacante verba prædicta omittuntur. Ubi dicitur: **et Antístite nostro N.**, specificatur nomen Patriarchæ, Archiepiscopi, vel Episcopi ordinarii diócesis in qua Sacrum facit, et non alterius Superioris, etiamsi celebrans sit omnino exemptus, vel sub alterius Episcopi iurisdictione. Si vero Episcopus ordinarius illius loci, in quo Missa celebratur, sit vita functus, prædicta verba omittuntur, quæ etiam omittuntur ab iis qui Romæ celebrant. Si celebrans est Episcopus, Archiepiscopus vel Patriarcha, omissis prædictis verbis, eorum loco dicit: **et me indigno servo tuo.** Summus autem Pontifex cum celebrat, omissis verbis: **una cum fámulo tuo Papa nostro N. et Antístite nostro N.**, dicit: **una cum me indigno fámulo tuo, quem gregi tuo præesse voluisti.** Et continuant omnes, ut sequitur: **et ómnibus orthodoxis, etc.**

3 Cum dicit: **Meménto, Dómine**, elevans et iungens manus usque ad faciem vel pectus, sic iunctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemorat: non tamen necesse est ea exprimere, sed mente tantum eorum memoriam habeat. Potest etiam celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos, tam vivos quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4 Commemoratione vivorum facta, demissis et extensis, ut prius, manibus, continuat: **Et ómnium circumstántium, etc.** Similiter stans prosequitur: **Communicántes.** Cum dicit: **Iesu Christi**, caput inclinat: in conclusione, quando dicit: **Per eúndem** iungit manus. Cum dicit: **Hanc igitur oblatiónem**, expandit manus simul super oblata, ita ut palmæ sint apertæ versus ac supra calicem et hostiam, quas sic

tenet usque ad illa verba: **Per Christum Dóminum nostrum.** Tunc enim iungit manus, et sic prosequitur: **Quam oblatiónem tu, Deus, in ómnibus, quæsumus: et cum dicit: bene ✠ dictam, adscrip ✠ tam, ra ✠ tam**, communiter signat ter super hostiam et calicem simul: deinde cum dicit: **ut nobis Corpus**, separatim signat semel super hostiam tantum; et cum dicit: **et Sanguis**, semel super calicem tantum: deinde elevans et iungens manus ante pectus, prosequitur: **fiat dilectíssimi Filii tui Dómini nostri Iesu Christi**, et inclinans caput Cruci, extergit, si opus fuerit, pollices et indices super corporale, et dicit secreto, ut prius: **Qui pridie quam paterétur:** et accipiens pollice et indice dexteræ manus hostiam, et eam cum illis ac indice et pollice sinistræ manus tenens, stans erectus ante medium altaris, dicit: **accépit panem in sanctas ac venerábiles manus suas**, elevansque ad cælum oculos et statim demittens, dicit: **et elevátis óculis in cælum ad te Deum Patrem suum omnipoténtem**, caputque aliquantulum inclinans, dicit: **tibi grátias agens**, et tenens hostiam inter pollicem et indicem sinistræ manus, dextera producit signum crucis super eam, dicens: **bene ✠ dixit, fregit, deditque discíplis suis, dicens: Accipite et manducáte ex hoc omnes.**

5 Si adsit vas cum aliis hostiis consecrandis, antequam accipiat hostiam, discooperit manu dextera calicem, seu vas aliarum hostiarum. Cum autem finierit supradicta verba, cubitis super altare positis, distincte et reverenter profert verba consecrationis super hostiam et simul super omnes, si plures sint consecrandæ; et hostiam suam pollicibus et indicibus tantum tenens dicit: **Hoc est enim Corpus meum.** Quibus prolatis, celebrans tenens hostiam inter pollices et indices prædictos super altare, reliquis manuum digitis extensis, et simul iunctis (et hostiis, si plures sint consecratæ, in loco, in quo a principio Missæ positæ sunt, super corporale vel in alio vase aut calice demissis) genuflexus eam adorat. Tunc se erigens, quantum commode potest, elevat in altum hostiam, et intentis in eam oculis (quod et in elevatione calicis facit) populo reverenter ostendit adorandam; et mox sola manu dextera ipsam reverenter reponit super corporale in eodem loco unde eam levavit, et deinceps pollices et indices non disiungit, nisi quando hostiam consecratam tangere vel tractare debet, usque ad ablationem digitorum post Communionem.

6 Reposita hostia consecrata super corporale, genuflexus ipsam veneratur; si adsit vas aliarum hostiarum, patena vel palla cooperit, ut supra. Minister paulo ante Consecrationem campanulæ signo fideles moneat. Deinde dum celebrans elevat hostiam, manu sinistra elevat fimbrias posteriores planetæ, ne ipsum celebrantem impediat in elevatione brachiorum; quod et facit in elevatione calicis; et manu dextera pulsat campanulam ter ad unamquamque elevationem, vel continue quousque sacerdos deponat hostiam super corporale, et similiter postmodum ad elevationem calicis.

7 Celebrans, adorato Sacramento, surgit, et discooperit calicem, in quem, si opus sit, extergit digitos, quod semper faciat si aliquod fragmentum digitis adhæreat; et stans erectus dicit: **Símili modo postquam cœnátum est**, et ambabus manibus accipiens calicem iuxta nodum infra cuppam, et aliquantulum illum elevans, ac statim deponens, dicit: **accípiens et hunc præclárum Cálicem in sanctas ac venerábiles manus suas, etc.** Cum dicit: **item tibi grátias agens**, caput inclinat; cum dicit: **benedíxit**, sinistra

calicem infra cuppam tenens, dextera signat super eum; et prosequens: **deditque discipulis suis, etc.**, et ambabus manibus tenens calicem, videlicet sinistra pedem, dextera nodum infra cuppam, cubitis super altare positus, profert attente et continue, ut supra, verba consecrationis Sanguinis: **Hic est enim Calix etc.** Quibus dictis, reponit calicem super corporale, dicens: **Hæc quotiescūque feceritis, etc.**, genuflexus Sanguinem reverenter adorat. Tum se erigit, et accipiens calicem discoopertum cum Sanguine ambabus manibus, ut prius, elevat eum, et erectum quantum commodè potest, ostendit populo adorandum: mox ipsum reverenter reponit super corporale in locum pristinum, et manu dextera palla cooperit, ac genuflexus Sacramentum veneratur.

8 In Missa solemni ad finem præfationis accenduntur duo saltem intorticia ab acolythis, quæ extinguuntur post elevationem calicis, nisi aliqui sint communicandi, et tunc extinguuntur post Communionem. In diebus etiam ieiuniorum et in Missis defunctorum tenetur accensa usque ad Communionem. Cum autem celebrans dicit: **Quam oblationem, etc.**, diaconus accedit ad eius dexteram, et ibi in superior gradu altaris genuflexus, cum Sacramentum elevatur, fimbrias planetæ elevat, et quando opus est, se erigens, calicem discooperit et cooperit, et cum celebrante genuflectit. Subdiaconus genuflectit in loco suo. Thuriferarius genuflexus, in latere Epistolæ ter incensat hostiam, cum elevatur, et similiter calicem, posito incenso in thuribulo absque benedictione; quod servatur etiam in Missis cantatis in quibus incensationes fiunt. Deposito calice, diaconus redit ad librum, nisi alius assistat. Ceteri surgunt et stant in locis suis.

IX—De Canone post Consecrationem usque ad orationem dominicam

Reposito calice et adorato, sacerdos stans ante altare, extensis manibus ante pectus, dicit secreto: **Unde et mēiores, etc.** Cum dicit: **de tuis donis ac datis**, iungit manus ante pectus: et cum dicit: **Hóstiam ✕ puram, Hóstiam ✕ sanctam, Hóstiam ✕ immaculatam**, manu sinistra posita super altare intra corporale, dextera signat ter communiter super hostiam et calicem, et semel super hostiam tantum, et semel super calicem tantum, dicens: **Panem ✕ sanctum vitæ æternæ, et Cálicem ✕ salutis perpétuæ**; deinde stans ut prius extensis manibus, prosequitur: **Supra quæ propitio, etc.** Cum dicit: **Súpplīces te rogāmus, etc.** inclinatur ante medium altaris, manibus iunctis super illo positus. Cum dicit: **ex hac altáris participatióne**, osculatur altare, manibus hinc inde super corporale positus. Cum dicit: **sacrosánctum Fílii tui**, iungit manus; et dextera signans semel super hostiam tantum, et semel super calicem, sinistra super corporale posita, dicit: **Cor ✕ pus, et Sán ✕ guinem sumpsérimus**, et cum dicit: **omni benedictiōne ✕ cælesti**, seipsum signat a fronte ad pectus signo crucis, sinistra posita infra pectus, et prosequitur: **et grátia repleámur**. Cum dicit: **Per eúndem**, iungit manus.

2 Cum dicit: **Meménto, etiam, Dómine, famulórū famularūque tuárum etc.**, extensis et iunctis manibus ante pectus, et usque ad faciem elevatis, et intentis oculis ad Sacramentum super altare, facit commemorationem Fidelium defunctorum, de quibus sibi videtur, eodem modo ut dictum est de commemoratione vivorum. Qua commemoratione facta, stans ut prius extensis manibus, prosequitur: **Ipsis,**

Dómine, et ómnibus in Christo, etc., et in fine ad: **Per eúndem**, iungit manus, et caput inclinatur.

3 Cum dicit: **Nobis quoque peccatóribus**, vocem aliquantulum elevat et dextera manu pectus sibi percutit, sinistra posita super corporale, et prosequitur secreto: **fámulis tuis, etc.** stans manibus extensis, ut prius. Cum dicit: **Per Christum Dóminum nostrum. Per quem hæc ómnia, Dómine, semper bona creas**, iungit manus ante pectus: deinde manu dextera ter signans communiter super hostiam et calicem, dicit: **sancti ✕ fícas, vivi ✕ fícas, bene ✕ dicis et præstas nobis**. Postea discooperit manu dextera calicem, et genuflexus Sacramentum adorat: tum se erigit, et reverenter accipit hostiam inter pollicem et indicem dexteræ manus, et cum ea super calicem, quem manu sinistra tenet circa nodum infra cuppam, signat ter a labio ad labium, dicens: **Per ✕ ipsum, et cum ✕ ipso, et in ✕ ipso**. Et similiter cum hostia signat bis inter calicem et pectus, incipiens a labio calicis, et dicit: **est tibi Deo Pa ✕ tri omnipoténti, in unitáte Spíritus ✕ Sancti**. Deinde tenens manu dextera hostiam super calicem, sinistra calicem, elevat eum aliquantulum simul cum hostia, dicens: **omnis honor et glória**, et statim utrumque deponens, hostiam collocat super corporale, et si opus sit, digitos extergit, ut supra; ac pollices et indices ut prius iungens, calicem palla cooperit, et genuflexus Sacramentum adorat.

4 In Missa solemni cum celebrans dicit: **Per quem, hæc, ómnia, etc.**, diaconus, facta Sacramento genuflectione accedit ad dexteram celebrantis, et quando opus est discooperit calicem, et cum celebrante adorat, similiter cooperit, et iterum genuflectit. Cum incipit: **Pater noster**, idem vadit retro post celebrantem, facta prius Sacramento genuflectione, ubi stat, dum dicitur oratio dominica.

X—De oratione dominica, et aliis usque ad factam Communionem

Celebrans, cooperto calice adoratoque Sacramento, erigit se, et manibus extensis hinc inde super altare intra corporale positus, dicit intellegibili voce: **Per ómnia sæcula sæculórum**, et cum dicit: **Orémus**, iungit manus, caput Sacramento inclinans. Cum incipit: **Pater noster**, extendit manus, et stans oculis ad Sacramentum intentis, prosequitur usque ad finem. Responso a ministro: **Sed libera nos a malo**, et a celebrante, submissa voce: **Amen**, manu dextera, pollice et indice non disiunctis, patenam aliquantulum purificatorio extergens, eam accipit inter indicem et medium digitos; quam tenens super altare erectam, sinistra super corporale posita, dicit secreto: **Libera nos, quæsumus, etc.**

2 Antequam celebrans dicat: **Da propítius pacem**, elevat manu dextera patenam de altari, et seipsum cum ea signat signo crucis, dicens: **Da propítius pacem in diébus nostris**. Cum signat se, manum sinistram ponit infra pectus; deinde patenam ipsam osculatur, et prosequens: **ut ope misericórdiæ tuæ, etc.**, submittit patenam hostiæ, quam indice sinistro accommodat super patenam, discooperit calicem, et genuflexus Sacramentum adorat; tum se erigens, accipit hostiam inter pollicem et indicem dexteræ manus, et cum illis ac pollice et indice sinistræ manus eam super calicem tenens, reverenter frangit per medium, dicens: **Per eúndem Dóminum nostrum Iesum Christum Fílium tuum**, et mediam partem, quam inter pollicem et indicem dexteræ manus tenet, ponit super patenam; de alia media, quam sinistra manu tenet, frangit cum pollice et indice dexteræ ma-

nus particulam, proseguens: **Qui tecum vivit et regnat**, et eam inter ipsos dexteræ manus pollicem et indicem retinens, partem maiorem, quam sinistra tenet, adiungit mediæ super patenam positæ, interim dicens: **in unitate Spiritus Sancti Deus**; et particulam hostiæ, quam in dextera manu retinuit, tenens super calicem, quem sinistra per nodum infra cuppam retinet, intellegibili voce dicit: **Per omnia sæcula sæculorum**. R. **Amen**, et cum ipsa particula signans ter a labio ad labium calicis, dicit: **Pax ✕ Dómini sit ✕ semper vobis ✕ cum**. Responso per ministrum: **Et cum spiritu tuo**, particulam quam dextera manu tenet, immittit in calicem dicens secreto: **Hæc commixtio, et consecratio Corporis, etc.** Deinde pollices et indices super calicem aliquantulum tergit et iungit, calicem palla cooperit, et genuflexus Sacramentum adorat, surgit, et stans iunctis manibus ante pectus, inclinatus versus Sacramentum, dicit intellegibili voce: **Agnus Dei, qui tollis peccata mundi**; et dextera percutiens sibi pectus, sinistra super corporale posita, dicit: **miserere nobis**, et deinde non iungit manus, sed iterum percutit sibi pectus, cum dicit secundo: **miserere nobis**, quod et tertio facit, cum dicit: **dona nobis pacem**.

3 Tunc manibus iunctis supra altare positis, oculisque ad Sacramentum intentis, inclinatus dicit secreto: **Dómine Iesu Christe, etc.** Qua oratione finita, si est daturus pacem, osculatur altare in medio et instrumentum pacis ei porrectum a ministro iuxta ipsum ad dexteram, hoc est, in latere Epistolæ, genuflexo, et dicit: **Pax tecum**. Minister respondet: **Et cum spiritu tuo**. Si non adsit qui huiusmodi instrumento pacem recipiat a celebrante, pax non datur, etiamsi illius datio Missæ conveniat; nec osculatur altare, sed, dicta præmissa oratione, statim subiungit alias orationes ut in Ordine Missæ.

4 Si vero celebret pro defunctis, non percutit pectus ad **Agnus Dei**, quia dicit: **Dona eis réquiem**, nec dicit primam orationem: **Dómine Iesu Christe, qui dixisti Apóstolis tuis, etc.**, non dat pacem, sed dicit alias duas sequentes orationes: **Dómine Iesu Christe, Fili Dei vivi, etc.** et **Percéptio Corporis tui, etc.** Quibus orationibus dictis, genuflectens Sacramentum adorat, et se erigens dicit secreto: **Panem cælestem accipiam, etc.**; quo dicto, dextera manu accipit de patena reverenter ambas partes hostiæ, et collocat inter pollicem et indicem sinistrae manus, quibus patenam inter eundem indicem et medium digitos supponit, et eadem manu sinistra tenens partes huiusmodi super patenam inter pectus et calicem, parum inclinatus, dextera tribus vicibus percutit pectus suum, interim etiam tribus vicibus dicens voce aliquantulum elevata: **Dómine, non sum dignus**; et secreto proseguitur: **ut intres, etc.** Quibus tertio dictis, ex sinistra accipit ambas partes prædictas hostiæ inter pollicem et indicem dexteræ manus, et cum illa supra patenam signat seipsum signo crucis, ita tamen ut hostia non egrediatur limites patenæ, dicens: **Corpus Dómini nostri Iesu Christi custódiat ánimam meam in vitam ætérnam. Amen**; et se inclinans, cubitis super altare positis, reverenter easdem ambas partes sumit: quibus sumptis, deponit patenam super corporale, et erigens se, iunctis indicibus et pollicibus, ambas quoque manus ante faciem iungit, et aliquantulum quiescit in meditatione sanctissimi Sacramenti. Deinde depositis manibus dicit secreto: **Quid retribuam Dómino pro ómnibus quæ retribuit mihi?** et interim discooperit calicem, genuflectit, surgit, accipit patenam, inspicit corporale, colligit fragmenta cum patena, si qua sint

in eo, patenam quoque diligenter cum pollice et indice dexteræ manus super calicem extergit et ipsos digitos, ne quid fragmentorum in eis remaneat.

5 Post extensionem patenæ, iunctis pollicibus et indicibus, calicem dextera manu infra nodum cuppæ accipit, sinistra patenam, dicens: **Calicem salutáris, etc.**, et signans se signo crucis cum calice, dicit: **Sanguis Dómini nostri, etc.** et manu sinistra supponens patenam calici, stans reverenter, sumit totum Sanguinem cum particula in calice posita. Quibus sumptis, dicit secreto: **Quod ore sumpsimus, etc.**, et super altare porrigit calicem ministro in latere Epistolæ, quo vinum fundente, se purificat: deinde vino et aqua abluit pollices et indices super calicem, quos abstergit purificatorio, interim dicens: **Corpus tuum, Dómine, quod sumpsi, etc.** Ablutionem sumit, et extergit os et calicem purificatorio: quo facto purificatorium extendit super calicem et desuper patenam ac super patenam parvam pallam; et, plicato corporali, quod reponit in bursam, cooperit calicem velo, et bursam desuper ponit, et collocat in medio altaris, ut in principio Missæ.

6 Si qui sunt communicandi in Missa, paulo antea ministrans campanulæ signo eos moneat. Sacerdos autem, post sumptionem Sanguinis, calicem parum ad latus Evangelii collocat, intra tamen corporale, et palla tegit. Deinde: si particulæ super corporale consecratæ sint, facta genuflexione, eas super patenam ponit; si particulæ in eadem Missa intra pyxidem consecratæ sunt, pyxidem collocat in medio corporali, eam discooperit et genuflectit; si vero administrandæ sunt particulæ iam antea consecratæ, aperto tabernaculo, genuflectit, pyxidem extrahit et discooperit. Postea accipit manu sinistra pyxidem seu patenam cum Sacramento, dextera vero sumit unam particulam, quam inter pollicem et indicem tenet aliquantulum elevatam super pyxidem seu patenam, et conversus ad communicandos in medio altaris, dicit: **Ecce Agnus Dei, ecce qui tollit peccata mundi**. Deinde dicit: **Dómine, non sum dignus, ut intres sub tectum meum, sed tantum dic verbo, et sanábitur ánima mea**. Quibus verbis tertio repetitis, accedit ad eorum dexteram, hoc est, ad latus Epistolæ, et unicuique porrigit Sacramentum faciens cum eo signum crucis super pyxidem vel patenam, et simul dicens: **Corpus Dómini nostri Iesu Christi custódiat ánimam tuam in vitam ætérnam. Amen**.

7 Fidelibus communicatis, celebrans ad altare revertitur. Deinde: si particulæ super corporale positæ erant, extergit illud cum patena, et si qua in eo fuerint fragmenta, in calicem immittit; si particulæ in pyxide inveniuntur, eam super corporale deponit, cooperit, in tabernaculo reponit, genuflectit et ostiolum claudit. Postea in calicem immittit fragmenta quæ forte inveniuntur in patina sub mento communicantium apposita. Deinde dicit secreto: **Quod ore sumpsimus. Domine, etc.**, et se purificat dicens **Corpus tuum, Domine, quod sumpsi, etc.**, et alia facit ut supra. Si in altari desit tabernaculum, et pyxis cum particulis consecratis super altare maneat usque ad finem Missæ, ea servantur quæ feriæ V in Cena Dómini præscribuntur versus finem Missæ.

8 In Missa solemni diaconus stans retro post celebrantem cum in oratione dominica dicitur: **Et dímítte nobis débíta nostra**, facta ibidem genuflexione, vadit ad dexteram celebrantis, et subdiaconus circa finem orationis dominicæ, facta itidem genuflexione, revertitur ad altare et stans in latere Epistolæ porrigit patenam diacono, qui eam discooperit, et purificatorio abstergens dat celebranti, illius manum osculando, et quando opus est, discooperit et co-

operit calicem, et cum celebrante adoratur. Subdiaconus, reddita patena et deposito velo, quod ab humeris eius pendebat, genuflectit, et descendit retro post celebrantem, et cum dicitur: **Pax Dómini**, iterum genuflectens, accedit ad sinistram celebrantis, et simul dicunt: **Agnus Dei**. Deinde facta ibidem Sacramento genuflexione, redit post celebrantem. Diaconus vero a dextris genuflexus exspectat pacem: et cum celebrans osculatur altare, ipse se erigens simul osculatur illud extra corporale, et a celebrante dicente: **Pax tecum**, complexus accipit pacem sinistris genis sibi invicem appropinquantibus, et ei respondet: **Et cum spiritu tuo**. Postea iterum Sacramento in altari adorato, vertit se ad subdiaconum retro post celebrantem, et similiter dat ei pacem. Subdiaconus accepta pace a diacono et facta altari genuflexione, comitatus ab acolytho vadit ad chorum, et dat pacem primo cuiusque ordinis, dignioribus prius, deinde minus dignis; et reversus ad altare, facta genuflexione, dat pacem acolytho qui ipsum comitaverat, qui et aliis acolythis circa altare dat pacem: deinde subdiaconus vadit ad dexteram celebrantis, et quando opus est, discooperit calicem, accipit ampullam vini, et infundit, quando celebrans vult purificare. Diaconus post datam pacem subdiacono vadit ad librum: et, dum celebrans se communicat, stant ipse et subdiaconus profunde inclinati versus altare.

9 In Missa Pontificali, Assistens accipit et defert pacem, ut in Cœremoniali habetur. Si in Missa solemni fiat Communio, omnia servantur, ut supra, sed prius communicet diaconum et subdiaconum, deinde alios per ordinem. Interim a choro canitur antiphona ad Communionem.

XI—De antiphona ad Communionem et orationibus post Communionem

Celebrante purificato, dum calicem collocat in altari, liber missalis defertur per ministrum ad latus Epistolæ, et collocatur ut in Introitu. Ipse autem minister genuflectit iuxta latus Evangelii, ut in principio Missæ. Deinde celebrans, stans iunctis manibus, legit antiphonam ad Communionem; qua lecta, iunctis itidem manibus ante pectus, vadit ad medium altaris, et eo osculato, vertit se ad populum a manu sinistra ad dexteram, et dicit: **Dóminus vobiscum**, et per eandem viam redit ad librum, dicit orationes post Communionem, eisdem modo, numero et ordine, ut supra dictæ sunt orationes initio Missæ. Quibus finitis, claudit librum, et iungens manus ante pectus, revertitur ad medium altaris, ubi eo osculato, vertit se ad populum, et dicit, ut supra: **Dóminus vobiscum**, quo dicto, stans iunctis manibus ante pectus versus populum, dicit, si dicendum est: **Ite, missa est**, et per eandem viam revertitur ad altare. Si vero non sit dicendum, dicto **Dóminus vobiscum**, revertitur eodem modo per eandem viam ad medium altaris, ubi stans versus ad illud, iunctis ante pectus manibus, dicit: **Benedicámus Dómino**. In Missis autem defunctorum eodem modo stans versus altare, dicit: **Requiescant in pace**.

2 In Quadragesima autem a feria IV cinerum usque ad feriam IV Hebdomadæ sanctæ, in Missa feriæ postquam celebrans dixit orationes post Communionem cum suis solitis conclusionibus, antequam dicat: **Dóminus vobiscum**, stans in eodem loco ante librum dicit: **Orémus. Humiliáte cápita vestra Deo**, caput inclinans, et extensis manibus, subiungit eadem voce orationem super populum, ibidem positam, qua finita, osculatur altare, et vertens se ad populum dicit: **Dóminus vobiscum**, et alia ut supra.

3 In Missa solemni diaconus defert librum missalis ad Epistolæ, deinde vadit retro post celebrantem, subdiaconus

vero vadit ad latus Evangelii, ubi calicem mundat, aptat cum purificatorio, patena et palla cooperit, plicat corporale, reponit in bursam, et illam ponit super calicem coopertum velo, quem collocat in altari, vel super credentia ut prius: postea redit ad locum suum retro post diaconum: qui cum dicit: **Ite, missa est**, cum celebrante vertit se ad populum: et in Quadragesima, dicto per celebrantem **Orémus**, diaconus in latere Epistolæ vertens se ad populum, iunctis manibus dicit ut supra: **Humiliáte, etc.**; quo dicto vertit se versus altare a tergo celebrantis, et celebrans dicit orationem super populum. In Missis cantatis **Ite, missa est** vel **Benedicámus Dómino** vel **Requiescant in pace** ab ipso celebrante canuntur.

XII—De benedictione in fine Missæ, et Evangelio sancti Ioannis

Dicto, **Ite, missa est**, vel **Benedicámus Dómino**, vel **Requiescant in pace**, celebrans ante medium altaris stans iunctis manibus super eo, inclinatus, dicit secreto: **Pláceat tibi, sancta Trínitas, etc.** Quo dicto, extensis manibus hinc inde super altare positus, ipsum in medio osculatur: tum erigens se, adhuc stans versus illud, elevat ad cælum oculos et manus, quas extendit et iungit, caputque cruci inclinans, dicit voce intellegibili: **Benedicat vos omnipotens Deus**, et iunctis manibus, ac demissis ad terram oculis, vertens se ad populum a sinistro latere ad dexterum, extensa manu dextera, iunctisque digitis, et manu sinistra infra pectus posita, semel benedicit populo dicens: **Pater, et Filius, et Spiritus Sanctus. Ky. Amen**; et circulum perficiens accedit ad latus Evangelii, ubi dicto **Dóminus vobiscum**, et **Ky. Et cum spiritu tuo**, pollice dextero signans primum signo crucis altare, seu librum in principio Evangelii, deinde frontem, os et pectus, dicit: **Initium sancti Evangelii secundum Ioánnem**, vel **Sequéntia sancti Evangelii**, ut dictum est in Rubricis generalibus, et **Ky. Glória tibi, Dómine**, iunctis manibus legit Evangelium: **In principio**, vel aliud ut convenit. Cum dicit: **Et Verbum caro factum est**, genuflectit versus latus Evangelii, et surgens prosequitur ut prius: quo finito, minister stans a parte Epistolæ respondet: **Deo grátias**.

2 Si celebrans in altari vertit faciem ad populum, non vertit se, sed stans ut erat, benedicit populo, ut supra, in medio altaris; deinde accedit ad latus Evangelii, et dicit Evangelium S. Ioannis.

3 Si celebravit coram Summo Pontifice, Cardinali, et Legato Sedis Apostolicæ, vel Patriarcha, Archiepiscopo et Episcopo in provincia, civitate, vel diœcesi sua existente, celebrans dicto **Pláceat tibi, sancta Trínitas, etc.**, dicit: **Benedicat vos omnipotens Deus**, et convertens se ad Summum Pontificem genuflexus, ad Cardinalem vero, et Legatum, vel alium ex supradictis Prælatibus, capite inclinato, quasi licentiam benedicendi petens, prosequitur: **Pater, et Filius, et Spiritus Sanctus**, benedicens adstantes a parte ubi non adest Pontifex, Cardinalis, Legatus aut Prælati prædicti. Si autem celebravit coram Patriarcha, Archiepiscopo, et Episcopo extra eorum provinciam, civitatem, vel diœcesim constitutis, eis absque alio respectu, ut ceteris qui intersunt, more consueto benedicit.

4 In Missis in quibus dictum est **Benedicámus Dómino** vel **Requiescant in pace**, celebrans non dat benedictionem, sed, dicto **Pláceat tibi, sancta Trínitas**, ut supra, et altari osculato, si dicendum sit ultimum Evangelium, accedit ad latus Evangelii, ibique dicit initium Evangelii secundum Ioánnem **In principio**.

5 Si vero ultimum Evangelium omittendum sit, iuxta rubricas, celebrans, data benedictione, vel, si etiam benedictio omittenda sit, osculato altari, recedit. Finito Evangelio in fine Missæ, si celebravit coram Summo Pontifice, Cardinali, et Legato Sedis Apostolicæ, vel Patriarcha, Archiepiscopo et Episcopo, convertit se ad illum coram quo ex prædictis celebravit, et facit reverentiam convenientem. Si non celebravit coram aliquo prædictorum, huiusmodi reverentiam prætermittit.

6 Quibus omnibus absolutis, sacerdos accipit sinistra calicem, dexteram ponens super bursam, ne aliquid cadat, descendit ante infimum gradum altaris, et, ibi in medio vertens se ad illud, se profunde inclinat (vel, si in eo est tabernaculum sanctissimi Sacramenti, genuflectit); et, facta reverentia, accipit biretum a ministro, caput cooperit, ac præcedente eodem ministro, eo modo quo venerat, redit ad sacristiam, interim dicens antiphonam **Trium puerorum** et canticum **Benedicite** vel alias preces quas maluerit. Postquam paramenta deposuerit, gratiarum actionem per temporis spatium conveniens protrahit, preces infrascriptas persolvens, vel alias pro sua devotione.

7 In Missa solemni celebrans, eadem voce et modo quo in Missis lectis, semel tantum benedicit populo, nisi sit Episcopus vel alius ut infra: et dicto Evangelio secundum Ioannem, discedit cum ministris ordine et modo quo venerat.

8 Episcopus autem, vel Cardinalis, vel Abbas, habens usum pontificalium ter benedicit populo, etiam in Missis lectis.

XIII—De his quæ omittuntur in Missa defunctorum

In Missa defunctorum ante Confessionem non dicitur psalmus **Iudica me, Deus**, sed, pronuntiata antiphona: **Introibo ad altare Dei**, et responso a ministro: **Ad Deum, qui lætificat, etc.**, dicitur **Adiutorium nostrum**, et Confessio, cum reliquis ut supra. Cum celebrans ad altare incipit antiphonam ad Introitum, non signat se, sed, manu dextera extensa, facit signum crucis super librum, quasi aliquem benedicens, sinistra super altare posita. Non dicitur **Glória Patri**, sed post psalmum repetitur: **Réquiem æternam**; nec dicitur **Glória in excelsis**, nec **Alleluia**, nec **Iube, Domine, benedicere**, nec **Dominus sit in corde meo**; nec osculatur librum in fine, nec dicit **per Evangelica dicta**. Non dicitur **Credo**, non benedicitur aqua in calicem fundenda; dicitur tamen oratio: **Deus, qui humanæ substantiæ, etc.** Cum lavat manus, in fine psalmi **Lavabo inter innocentes**, non dicitur **Glória Patri**. Ad **Agnus Dei** non dicitur: **miserere nobis**, cuius loco dicitur: **dona eis réquiem**; nec tertio: **dona nobis pacem**, cuius loco dicitur:

sempiternam; neque percutitur pectus. Non dicitur prima oratio ante Communionem, scilicet: **Domine Iesu Christe, qui dixisti Apostolis tuis, etc.**, nec datur pax. In fine non dicitur: **Ite, missa est**, nec **Benedicamus Domino**, sed: **Requiescant in pace**. Et non datur benedictio: sed dicto **Pláceat**, et osculato altari, dici-

tur, ut supra: **In principio erat Verbum, etc.** Alia omnia ut in aliis Missis.

2 In Missa solemni non incensatur altare ad Introitum, et subdiaconus, finita Epistola, non osculatur manum celebrantis, nec benedicitur: diaconus non petit benedictionem, nec osculatur celebrantis manum: non tenentur luminaria ad Evangelium, nec portatur incensum, sed duo tantum acolythi sine candelabris stant unus a dextris et alter a sinistris subdiaconi tenentis librum Evangeliorum. Non incensatur liber, nec in fine celebrans: nec defertur liber Evangeliorum osculandus. Oblata et altare incensantur ut supra: incensatur solus celebrans, et non incensantur alii. Subdiaconus non tenet patenam post celebrantem; sed tempore elevationis Sacramenti genuflexus in latere Epistolæ, illud incensat. Ministri cum aliquid porrigunt celebranti, in hac Missa non osculantur eius manum, neque rem quæ porrigitur.

3 Si distribuendæ sunt candelæ, distribuantur post Epistolam, et accendantur ad Evangelium, ad elevationem Sacramenti, et post Missam, dum fit Absolutio. Si habendus est sermo, habeatur, finita Missa, ante Absolutionem.

XIV—De agendis, si sacerdos bis vel ter eodem die celebret

Sacerdos, qui in festo Nativitatis Domini vel in Commemoratione omnium Fidelium defunctorum, duas vel tres Missas sine intermissione, id est quin ab altari discedat, celebrat:

a) In prima et secunda Missa, si aliam sit immediate celebraturus, sumpto divino Sanguine, calicem nec purificat nec abstergit, sed eum ponit super corporale et palla tegit. Deinde iunctis manibus dicit: **Quod ore sumpsimus**, et postea in vase cum aqua parato digitos abluit, dicens: **Corpus tuum, Domine**, et abstergit. His peractis, calicem super corporale adhuc manentem, deducta palla, iterum disponit et cooperit, uti moris est, scilicet purificatorio linteo, deinde patena cum hostia consecranda, et palla, ac demum velo. Calix vero extra corporale ne statuatur. Si per inadvertentiam ablutiones cum vino sumpserit, celebrare nihilominus potest secundam et tertiam Missam etiam ante tres horas, si necessarium sit. De cetero Missa more solito completur.

b) In secunda et tertia Missa, si aliam Missam immediate antea celebraverit, ad Offertorium, ablato velo a calice, hunc parumper versus latus Epistolæ collocat, intra tamen corporale; factaque hostiæ oblatione, calicem purificatorio non abstergit, sed eum intra corporale relinquens, leviter elevat, vinumque et aquam eidem infundit, ipsumque calicem, nullatenus ab intus abstersum, offert. Cetera omnia more solito peraguntur.

2. Sacerdos qui plures Missas cum intermissione celebrat, prioribus in Missis duas ablutiones a rubricis præscriptas sumere debet. Si sequentem Missam ante tres horas celebraturus sit, aqua tantum in ablutionibus adhibenda est; si vero per inadvertentiam vinum quoque sumpserit, sequentem Missam nihilominus etiam ante tres horas celebrare potest, si necesse sit.

DE DEFECTIBUS

IN CELEBRATIONE MISSARUM OCCURRENTIBUS

I

Sacerdos celebraturus omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, et ex parte formæ adhibendæ, et ex parte ministri conficientis. Quidquid enim horum deficit, scilicet materia debita, forma cum intentione, et Ordo Sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II—De defectibus materiæ

Defectus ex parte materiæ possunt contingere, si aliquid desit ex iis quæ ad ipsam requiruntur. Requiritur enim, ut sit panis triticeus et vinum de vite: et ut huiusmodi materia consecranda, in actu consecrationis, sit coram sacerdote.

III—De defectu panis

Si panis non sit triticeus, vel, si triticeus, admixtus sit granis alterius generis in tanta quantitate, ut non maneat panis triticeus, vel sit alioqui corruptus, non conficitur Sacramentum.

2 Si sit confectus de aqua rosacea, vel alterius distillationis, dubium est an conficiatur.

3 Si cœperit corrumpi, sed non sit corruptus; similiter si non sit azymus, secundum morem Ecclesiæ Latinæ, conficitur, sed conficiens graviter peccat.

4 Si celebrans ante consecrationem advertit hostiam esse corruptam, aut non esse triticeam; remota illa hostia, aliam ponat, et facta oblatione, saltem mente concepta, prosequatur ab eo loco ubi desivit.

5 Si id adverterit post consecrationem, etiam post illius hostiæ sumptionem, posita alia, faciat oblationem, ut supra, et a consecratione incipiat, scilicet ab illis verbis: **Qui pridie quam pateretur**, et illam priorem si non sumpsit,umat post sumptionem Corporis et Sanguinis, vel alicubi reverenter conservet. Si autem sumpserit, nihilominusumat eam, quam consecravit: quia præceptum de perfectione Sacramenti, maioris est ponderis quam quod a ieiunis sumatur.

6 Quod si hoc contingat post sumptionem Sanguinis, apponi debet rursus novus panis et vinum cum aqua: et, facta prius oblatione, ut supra, sacerdos consecret, incipiendo ab illis verbis: **Qui pridie**; ac statimumat utrumque, et prosequatur Missam, ne Sacramentum remaneat imperfectum, et ut debitus servetur ordo.

7 Si hostia consecrata dispareat, vel casu aliquo, ut vento, vel ab aliquo animali accepta, et nequeat reperiri; tunc altera consecratur ab eo loco incipiendo: **Qui pridie quam pateretur**, facta eius prius oblatione, ut supra.

8 Casibus de quibus supra 5-7, elevatio Sacramenti omittatur, et omnia fiant vitando, quantum fieri potest, fidelium scandalum vel admirationem.

IV—De defecti vini

Si vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquæ ut vinum sit corruptum; non conficitur Sacramentum.

2 Si vinum cœperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea seu alterius distillationis, conficitur Sacramentum, sed conficiens graviter peccat.

3 Si celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in calice; debet statim apponere vinum cum aqua, et facta oblatione, ut supra, consecrare: incipiendo ab illis verbis: **Simili modo, etc.**

4 Si post verba consecrationis advertat vinum non fuisse positum, sed aquam; deposita aqua in aliquod vas, iterum vinum cum aqua ponat in calice, et consecret, resumendo a verbis prædictis: **Simili modo, etc.**

5 Si hoc advertat post sumptionem Corporis, vel huiusmodi aquæ, apponat aliam hostiam iterum consecrandam, et vinum cum aqua in calice, offerat utrumque, et consecret, etumat, quamvis non sit ieiunus.

6 Casibus de quibus supra 3-5, elevatio Sacramenti omittatur, et omnia fiant vitando, quantum fieri potest, fidelium scandalum vel admirationem.

7 Si quis percipiat ante consecrationem, vel post consecrationem, totum vinum esse acetum, vel alias corruptum: idem servetur quod supra, ac si deprehenderet non esse positum vinum, vel solam aquam fuisse appositam in calice.

8 Si autem celebrans ante consecrationem calicis advertat, non fuisse appositam aquam: statim ponat eam, et proferat verba consecrationis. Si id advertat post consecrationem calicis: nullo modo apponat, quia non est de necessitate Sacramenti.

9 Si materia quæ esset apponenda, ratione defectus vel panis vel vini, non posset ullo modo haberi: si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera iam consecrata: tunc, si nullo modo haberi possit, procedendum erit, et Missa absolvenda, ita tamen, ut prætermittantur verba et signa, quæ pertinent ad speciem deficientem. Quod si exspectando aliquamdiu haberi possit: exspectandum erit, ne sacrificium remaneat imperfectum.

V—De defectibus formæ

Defectus ex parte formæ possunt contingere, si aliquid desit ex iis quæ ad integritatem verborum in ipsa consecratione requiruntur. Verba

autem consecrationis, quæ sunt forma huius Sacramenti, sunt hæc: **Hoc est enim Corpus meum. Et: Hic est enim Calix Sanguinis mei, novi et æterni testamenti: mysterium fidei: qui pro vobis et pro multis effundetur in remissionem peccatorum.** Si quis autem aliquid diminueret, vel immutaret de forma consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet vel detraheret, quod significationem non mutaret, conficeret quidem, sed gravissime peccaret.

2 Si celebrans non recordetur se dixisse ea quæ in consecratione communiter dicuntur, non debet propterea turbari. Si tamen certo ei constet, se omisisse aliquid eorum quæ sunt de necessitate Sacramenti, id est, formam consecrationis, seu partem: resumatur ipsam formam, et cetera proseguatur per ordinem. Si vero valde probabiliter dubitet, se aliquid essentielle omisisse: iteret formam saltem sub tacita conditione. Si autem non sunt de necessitate Sacramenti, non resumatur, sed procedat ulterius.

VI—De defectibus ministri

Defectus ex parte ministri possunt contingere quoad ea quæ in ipso requiruntur. Hæc autem sunt: In primis intentio, deinde dispositio animæ, dispositio corporalis, dispositio vestimentorum, dispositio in ministerio ipso quoad ea quæ in ipso posunt occurrere.

VII—De defectu intentionis

Si quis non intendit conficere, sed delusorie aliquid agere: item si aliquæ hostiæ ex oblivione remaneant in altari, vel aliqua pars vini, vel aliqua hostia lateat, cum non intendat consecrare nisi quæ super corporale sunt: item si quis habeat coram se undecim hostias, et intendat consecrare solum decem, non determinans quas decem intendit: in his casibus non consecrat, quia requiritur intentio. Secus, si putans quidem esse decem, tamen omnes voluit consecrare quas coram se habebat: nam tunc omnes erunt consecratæ: atque ideo quilibet sacerdos talem semper intentionem habere deberet, scilicet consecrandi eas omnes quas ante se super corporale ad consecrandum positas habet.

2 Si sacerdos putans se tenere unam hostiam, post consecrationem invenerit fuisse duas simul iunctas, in sumptione sumat simul utramque. Quod si deprehendat post sumptionem Corporis et Sanguinis aut etiam post ablutionem, reliquias aliquas relictas consecratas, eas sumat, sive parvæ sint sive magnæ, quia ad idem sacrificium spectant.

3 Si vero relictæ sit hostia integra consecrata, eam in tabernaculo cum aliis reponat: si hoc fieri nequit, eam sumat.

4 Si intentio non sit actualis in ipsa consecratione propter evagationem mentis, sed virtualis, cum accedens ad altare intendat facere quod facit Ecclesia, conficitur Sacramentum, etsi curare debet sacerdos, ut etiam actualem intentionem adhibeat.

VIII—De defectibus dispositionis animæ

Si quis in peccato mortali aut aliqua poena ecclesiastica impeditus, celebret, conficit quidem Sacramentum, sed gravissime peccat.

IX—De defectibus dispositionis corporis

Si sacerdos ante Missam non sit ieiunus per tres saltem horas quoad cibum solidum et potum alcoholicum, et per unam saltem horam quoad potum non alcoholicum, non potest celebrare. Aquæ tamen sumptione ieiunium non frangitur.

2 Infirmi, quamvis non decumbant, potum non alcoholicum, et veras ac proprias medicinas, sive liquidas sive solidas, ante Missæ celebrationem sine temporis limite sumere possunt.

3 Enixe invitantur sacerdotes qui id præstare valeant, ut venerandam ac vetustam eucharistici ieiunii formam ante Missam servant.

X—De defectibus in ministerio ipso occurrentibus

Possunt defectus occurrere in ministerio ipso, si aliquid ex requisitis ad illud desit: ut, si celebretur in loco non sacro, vel legitime non deputato, vel in altari non consecrato, vel tribus mappis non cooperto; si non adsint luminaria cerea; si non sit tempus debitum celebrandi, quod est ab una hora ante auroram usque ad unam horam post meridiem communiter, nisi pro quibusdam Missis aliud tempus statutum sit, vel Ordinarius loci quasdam Missas etiam horis vespertinis permiserit; si omittat aliquid ex vestibus sacerdotalibus; si vestes sacerdotales et mappæ non sint ab Episcopo, vel ab alio hanc habente potestatem benedictæ, si non adsit clericus, vel alius deserviens in Missa, vel adsit qui deservire non debet, ut mulier; si non adsit calix cum patena conveniens, cuius cuppa debet esse aurea vel argentea vel stannea, non ærea vel vitrea; si corporalia non sint munda, quæ debent esse ex lino, nec serico in medio ornata, et ab Episcopo vel ab alio hanc habente potestatem benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si sacerdote celebrante, violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur Missa; post consecrationem vero Sacerdos accelerare poterit sumptionem Sacramenti, omissis omnibus aliis.

3 Si sacerdos ante consecrationem graviter infirmetur, vel in syncopen inciderit aut moriatur, prætermittitur Missa. Si post consecrationem Corporis tantum, ante consecrationem Sanguinis, vel utroque consecrato id accidit, Missa per alium sacerdotem expleatur ab eo loco ubi ille desiit, et in casu necessitatis etiam per non ieiunum. Si autem non obierit, sed fuerit infirmus, adeo tamen ut possit communicare, et non adsit alia hostia consecrata, sacerdos qui Missam supplet, dividat hostiam, et unam partem præbeat infirmo, aliam ipse sumat. Si autem semiprolata forma Corporis obiit sacerdos, quia non est facta consecratio, non est necesse ut Missa per alium suppleatur. Si vero obierit semiprolata forma Sanguinis, tunc alter proseguatur Missam, et super eundem calicem repetat integram formam ab eo loco: **Simili modo, postquam cœnatum est;** vel posset super alium calicem præparatum integram formam proferre, et hostiam primi sacerdotis, et Sanguinem a se consecratum sumere, ac deinde calicem relictum semiconsecratum.

4 Si quis extra huiusmodi casus necessitatis in-

tegra Sacramenta non sumpserit, gravissime peccat.

5 Si musca, vel aranea, vel aliquid aliud ceciderit in calicem ante consecrationem, proiciat vinum in locum decentem, et aliud ponat in calice, misceat parum aquæ, offerat, ut supra, et prosequatur Missam: si post consecrationem ceciderit musca aut aliquid eiusmodi, extrahat eam, et lavet cum vino, finita Missa comburat, et combustio ac lotio huiusmodi in sacrarium proiciatur.

6 Si aliquid venenosum ceciderit in calicem, vel quod provocaret vomitum, vinum consecratum reponendum est in alio calice aqua pleno, ita ut species vini dissolvantur; et huiusmodi aqua in sacrarium proiciatur. Aliud autem vinum cum aqua apponendum est denuo consecrandum.

7 Si aliquid venenatum contigerit hostiam consecratam, tunc alteram consecret, et sumat eo modo quo dictum est, et illa mittatur in calicem aqua plenum, et supra n. 6 de Sanguine dictum est.

8 Si sumendo Sanguinem, particula remanserit in calice, digito ad labium calicis eam adducat, et sumat ante purificationem, vel infundat aquam, et sumat.

9 Si hostia ante consecrationem inveniatur fracta, nisi populo evidenter appareat, talis hostia consecratur: si autem scandalum populo esse possit, alia accipiat et offeratur: quod si illius hostiæ iam erat facta oblatio, eam post ablutionem sumat. Quod si ante oblationem hostia appareat confracta, accipiat altera integra, si citra scandalum aut longam moram fieri poterit.

10 Si hostia consecrata dilabatur in calicem, propterea nihil est reiterandum; sed sacerdos Missam prosequatur, faciendo cæremonias et signa consuetum cum residua parte hostiæ quæ non est made-

facta Sanguine, si commode potest. Si vero tota fuerit madefacta, non extrahat eam, sed omnia dicat, omitendo signa, et sumat pariter Corpus et Sanguinem, signans se cum Calice, dicens: **Corpus et Sanguis Domini nostri, etc.**

11 Si in hieme Sanguis congeletur in calice, involvatur calix pannis calefactis: si id non proficeret, ponatur in ferventi aqua prope altare, dummodo in calicem non intret, donec liquefiat.

12 Si aliquid de Sanguine Christi ceciderit, si aliqua tantum gutta effusa est, sufficit ut super eas parum aquæ fundatur, purificatorio postea abstergenda; secus vero corporale vel tobalea vel locus, meliore quo fieri potest modo lavetur, et aqua postea in sacrarium mittatur.

13 At si contingat totum Sanguinem post consecrationem effundi, si quidem aliquid vel parum remansit, illud sumatur, et de effuso reliquo Sanguine fiat, ut dictum est. Si vero nihil omnino remansit, ponat iterum vinum et aquam, et consecret ab eo loco: **Simili modo, postquam cœnatum est, etc.**, facta prius tamen calicis oblatione, ut supra.

14 Si sacerdos evomat Eucharistiam, vomitus colligatur et in aliquem decentem locum mittatur.

15 Si hostia consecrata, vel aliqua eius particula dilabatur in terram, reverenter accipiat et parum aquæ in locum ubi cecidit fundatur et purificatorio abstergetur. Si cadat super vestes, non est necesse ut indumentum abluatur. Si super vestes mulieris cadat, ipsa particulam accipiat et sumat.

16 Possunt etiam defectus in ministerio ipso occurrere, si sacerdos ignoret ritus et cæremonias ipsas in eo servandas, de quibus omnibus in superioribus Rubricis copiose dictum est.

PRÆPARATIO AD MISSAM

PRO OPPORTUNITATE SACERDOTIS FACIENDA

Quilibet sacerdos, ex concessione Pii Pp. XI sub die 3 oct. 1936, lucrari potest: Indulgentiam 5 annorum, si ante Missæ celebrationem, recitet psalmos 83, 84, 85, 115 et 129 cum adnexa antiphona, versiculis et Orémus, ut infra; plenariam, si per integrum mensem prædictas preces cotidie recitaverit, additis confessione sacramentali et oratione ad Summi Pontificis mentem.

Ant. Ne reminiscáris, * Dómine, delicta nostra vel paréntum nostrórum, neque vindictam sumas de peccátis nostris. (T. P. Allelúia.)

Psalmus 83

Quam dilécta habitátio tua, Dómine exercítuum! * desiderat, languens concupiscit ánima mea átria Dómini;
Cor meum et caro mea * exsúltant ad Deum vivum.

Etiam passer invénit domum, * et hirúndo nidum sibi, ubi ponat pullos suos:

Altária tua, Dómine exercítuum, * rex meus et Deus meus!—

Beáti qui hábitant in domo tua, Dómine, * perpétuo laudant te.

Beátus vir, cuius auxílium est a te, * cum sacra itinera in ánimo habet:

Transeúntes per vallem áridam, fontem fácient eam, * ac benedictiónibus véstiet eam plúvia prima.

Procédent de róbore in robur: * vidébunt Deum deórum in Sion.—

Dómine exercítuum, audi oratióem meam; * áuribus pércipe, Deus Iacob.

Clípeus noster, áspice, Deus, * et réspice fáciem uncti tui.

Vere, mélior est dies unus in átriis tuis * quam álíi mille;

Consístere malo in límine domus Dei mei, * quam morári in tabernáculis peccatórum.

Nam sol et clípeus est Dóminus Deus: * grátiam et glóriam largítur Dóminus;

Non negat bona eis * qui ámbulant in innocéntia.

Dómine exercítuum, * beátus homo qui confidit in te.

Glória Patri.

Psalmus 84

Propítius fuísti, Dómine, terræ tuæ; * bene vertísti sortem Iacob.

Dimisísti culpam pópuli tui; * operuísti ómnia peccáta eórum.

Continuísti omnem iracúndiam tuam, * destitísti a furóre iræ tuæ.—

Restítue nos, Deus Salvátor noster, * et depóne indignatióem tuam advérsus nos.

Num in ætérnum irascéris nobis, * aut exténdes iram tuam in omnes generatióes?

Nonne tu vitam restítues nobis, * et pópulus tuus lætábitur in te?

Osténde nobis, Dómine, misericórdiam tuam, * et salútem tuam da nobis.

Audiam, quid loquátur Dóminus Deus: * profécto loquitur pacem

Pópulo suo et sanctis suis * et eis qui corde convertúntur ad eum.

Certe propínqua est salus eius timéntibus eum, *

ut hábitet glória in terra nostra.

Misericórdia et fidélitas óbviám vénient sibi, * iustítia et pax inter se osculabúntur.

Fidélitas germinábit ex terra, * et iustítia de cælo prospiciet.

Dóminus quoque dabit bonum, * et terra nostra dabit fructum suum.

Iustítia ante eum incédet, * et salus in via grésuum eius.

Glória Patri.

Psalmus 85

Inclína, Dómine, aurem tuam, exáudi me, * quia miser et pauper sum ego.

Custódi ánimam meam, quia devótus sum tibi; * salvum fac servum tuum sperántem in te.

Deus meus es tu: miserére mei, Dómine, * quia assidue ad te clamo.

Lætífica ánimam servi tui, * quia ad te, Dómine, ánimam meam attóllo.

Tu enim, Dómine, es bonus et clemens, * plenus misericórdiæ in omnes qui invocant te.

Auscúlda, Dómine, oratióem meam, * et atténde ad vocem obsecratiónis meæ.

Die tribulatiónis meæ clamo ad te, * quia exáudies me.—

Non est tibi par inter deos, Dómine, * et non est opus símile óperi tuo:

Omnes gentes, quas fecísti, vénient et adorábunt te, Dómine, * et prædicábunt nomen tuum.

Quia magnus es tu et facis mirabilia: * tu solus es Deus.

Doce me, Dómine, viam tuam, ut ámbulem in veritáte tua; * dírige cor meum, ut timeat nomen tuum.

Celebrábo te, Dómine, Deus meus, toto corde meo, * et prædicábo nomen tuum in ætérnum,

Quia misericórdia tua magna fuit erga me, * et eripuísti ánimam meam de profúndis inférni.

Deus, supérbi insurrexérunt contra me, et turba præpoténtium insidiátur vitæ meæ, * neque te ponunt ante óculos suos.

Sed tu, Dómine, Deus miséricors es et benígnus, * tardus ad iram, summe clemens et fidélis.

Réspice in me et miserére mei; * da robur tuum servo tuo, et salvum fac filium ancillæ tuæ.

Signum da mihi favóris tui, ut vídeant, qui odérunt me, et confundántur, * quod tu, Dómine, adiúveris me et consolátus sis me.

Glória Patri.

Psalmus 115

Confísus sum, étiam cum dixi: * "Ego afflíctus sum valde";

Ego dixi in pavóre meo: * "Omnis homo fallax!"

Quid retribuam Dómino * pro ómnibus quæ tribuit mihi?

procul a poténtia præsentis tuæ, ut, foris et intus munus per te, recto trámite ad regnum tuum perveniam, ubi non in mystériis, sicut in hoc tēpore ágitur, sed fácie ad fáciem te vidēbimus, cum tradideris regnum Deo et Patri, et Deus eris ómnia in ómnibus. Tunc enim me de te satiabis satietate mirífica, ita ut neque esúriam, neque sítiā in ætérnum. Amen.

ORATIO S. AMBROSII ANTE MISSAM

*Indulgentia 3 annorum. Pius Pp. XI,
3 octobris 1936.*

Ad mensam dulcissimi convívii tui, pie Dómine Iesu Christe, ego peccátor de propriis meis méritis nihil præsumens, sed de tua confidens misericórdia et bonitate, accédere véreor et contremisco. Nam cor et corpus hábeo multis criminibus maculatum, mentem et linguam non caute custoditam. Ergo, o pia Déitas, o treménda maiestas, ego miser, inter angústias deprehensus, ad te fontem misericórdiæ recúrro, ad te festino sanándus, sub tuam protectionem fúgio; et quem Iúdicem sustinere néqueo, Salvátorem habere suspiro. Tibi, Dómine, plagas meas osténdo, tibi verecúndiam meam détego. Scio peccáta mea multa et magna, pro quibus timeo: spero in misericórdias tuas, quarum non est número. Réspice ergo in me óculis misericórdiæ tuæ, Dómine Iesu Christe, Rex ætérne, Deus et homo, crucifixus propter hóminem. Exáudi me sperántem in te: miserere mei pleni misériis et peccátis, tu qui fontem miserationis numquam manare cessabis. Salve, salutáris víctima, pro me et omni humano gēnere in patíbulo Crucis oblata. Salve, nóbilis, et pretióse Sanguis, de vulnéribus crucifixi Dómini mei Iesu Christi prófluens, et peccáta totius mundi ábluens. Recordáre, Dómine, creatúræ tuæ, quam tuo Sanguine redemisti. Pænitet me peccasse, Cúpio emendáre quod feci. Aufer ergo a me, clementissime Pater, omnes iniquitates et peccáta mea; ut, purificátus mente et corpore, digne degustáre merear Sancta sanctorum. Et concéde, ut hæc sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfécta purgatio, sit túrpium cogitationum effugatio ac bonorum sensuum regeneratio, operúmque tibi placéntium salúbris efficácia, animæ quoque et corporis contra inimicorum meorum insidias firmíssima tuítio. Amen.

ORATIO S. THOMÆ AQUINATIS

Indulgentia 3 annorum; plenaria, dummodo cotidiana orationis recitatio in integrum mensem producta fuerit, et præterea sacramentalis confessio, alicuius ecclesiæ vel publici oratorii visitatio, et ad mentem Summi Pontificis preces additæ fuerint. Pius Pp. XI, 10 dec. 1936.

Omnípotens sempitérne Deus, ecce accédo ad sacraméntum unigéniti Filii tui, Dómini nostri, Iesu Christi; accédo tamquam infirmus ad medicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cæli et terræ. Rogo ergo imménsæ largitátis tuæ abundántiam, quatenus meam curáre digneris infirmitatem, laváre foeditatem, illumináre cæcitatē, ditáre paupertatem, vestire nuditatem; ut panem Angelórum, Regem et Dóminum dominántium, tanta suscipiam reveréntia et humi-

litate, tanta contritióne et devotióne, tanta puritate et fide, tali propósito et intentiόne, sicut expedit salutí animæ meæ. Da mihi, quæso, Domínici Corporis et Sanguinis non solum suscipere sacraméntum, sed étiam rem et virtutem sacraménti. O mitissime Deus, da mihi Corpus unigéniti Filii tui, Dómini nostri Iesu Christi, quod traxit de Vírgine María, sic suscipere, ut corpore suo mystico merear incorporári, et inter eius membra connumerári. O amantissime Pater, concéde mihi dilectum Filium tuum, quem nunc velátum in via suscipere propóno, revelata tandem fácie perpétuo contemplári: Qui tecum vivit et regnat in unitate Spíritus Sancti, Deus, per ómnia sæcula sæculórum. Amen.

ORATIO AD B. MARIAM VIRGINEM

*Indulgentia 3 annorum. Pius Pp. XI,
3 oct. 1936.*

O Mater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu; et precor pietatem tuam, ut, sicut dulcissimo Filio tuo in Cruce pendénti astitisti, ita et mihi, misero peccatóri, et sacerdotibus ómnibus, hic et in tota sancta Ecclésiá hódie offeréntibus, cleménter assistere digneris, ut, tua grátia adiúti, dignam et acceptábilem hóstiam in conspéctu summæ et indivíduæ Trinitátis offerre valeámus. Amen.

PRECES AD S. IOSEPH

*Indulgentia 3 annorum. Pius Pp. XI,
3 oct. 1936.*

O felícem virum, beátum Ioseph, cui datum est Deum, quem multi reges voluerunt vidére et non vidérunt, audíre et non audiérunt, non solum vidére et audíre, sed portáre, deosculári, vestíre et custodíre!

V. Ora pro nobis, beáte Ioseph.

R. Ut digni efficiámur promissionibus Christi.

Orémus

Deus, qui dedisti nobis regále sacerdotium: præsta, quæsumus; ut, sicut beátus Ioseph unigénitum Filium tuum, natum ex María Vírgine, suis mánibus reverénter tractáre méruit et portáre, ita nos fácias cum cordis mundítia et óperis innocentia tuis sanctis altáribus deservíre, ut sacrosántum Filii tui Corpus et Sanguinem hódie digne sumámus, et in futúro sæculo præmium habére mereámur ætérnum. Per eúndem Christum Dóminum nostrum. Amen.

ORATIO AD OMNES ANGELOS ET SANCTOS

*Indulgentia 3 annorum. Pius Pp. XI,
3 oct. 1936.*

Angeli, Archángeli, Throni, Dominationes, Principatus, Potestates, Virtutes cælórum, Chérubim atque Séraphim, omnes Sancti et Sanctæ Dei, præsertim Patróni mei, intercédere dignemini pro me, ut hoc sacrificium Deo omnipoténti digne váleam offerre, ad laudem et glóriam nóminis sui et ad utilitatem meam totiúsque Ecclésiæ suæ sanctæ. Amen.

ORATIO AD SANCTUM

in cuius honorem Missa celebratur

*Indulgentia 3 annorum. Pius Pp. XI,
3 oct. 1936.*

O sancte N., ecce ego miser peccator, de tuis méritis confisus, offero nunc sacratissimum sacramentum Corporis et Sanguinis Domini nostri Iesu Christi pro tuo honore et gloria. Precor te humiliter et devóte, ut pro me hódie intercedere digneris, ut tantum sacrificium digne et acceptabiliter offerre váleam, ut eum tecum et cum ómnibus eléctis eius æternáliter laudáre, atque cum eo regnáre váleam: Qui vivit et regnat in sæcula sæculórum. Amen.

FORMULA INTENTIONIS
ANTE MISSAM*Indulgentia 500 dierum. Pius Pp. XI,
12 iul. 1935.*

Ego volo celebráre Missam, et conficere Corpus et Sanguinem Domini nostri Iesu Christi, iuxta ritum sanctæ Románæ Ecclesiæ, ad laudem omnipotentis Dei totiúsque Cúriæ triumphántis, ad utilitatem meam totiúsque Cúriæ militántis, pro ómnibus, qui se commendavérunt orationibus meis in génere et in spécie, et pro felíci statu sanctæ Románæ Ecclesiæ. Amen.

Gáudium cum pace, emendationem vitæ, spátium veræ pæniténtiæ, grátiam et consolationem Sancti Spíritus, perseverántiam in bonis opéribus, tríbuat nobis omnipotens et miséricors Dóminus. Amen.

ORATIONES

DICENDÆ CUM SACERDOS
INDUITUR SACERDOTALIBUS
PARAMENTIS*Indulgentia 100 dierum pro singulis orationibus.
Pius P. XII, 14 ianuarii 1940.**Cum lavat manus, dicat:*

Da, Dómine, virtutem manibus meis ad abstergéndam omnem máculam ut sine pollutióne mentis et córporis váleam tibi servíre.

*Ad amictum, dum ponitur super
caput, dicat:*

Impóne, Dómine, cápiti meo gáleam salútis, ad expugnándos diabólicos incúrsus.

Ad albam, cum ea induitur:

Deálba me, Dómine, et munda cor meum; ut, in ságuine Agni dealbátus, gáudiis pérfruar sempitérnis.

Ad cingulum, dum se cingit:

Præcinge me, Dómine, cingulo puritátis, et exstingue in lumbis meis humórem libídinis; ut máneat in me virtus continéntiæ et castitátis.

*Ad manipulum, dum imponitur
bracchio sinistro:*

Mérear, Dómine, portáre manipulum fletus et dolóris; ut cum exsultatióne recípiam mercédem labóris.

Ad stolam, dum imponitur collo:

Redde mihi, Dómine, stolam immortalitátis, quam pérdidi in prævaricatióne primi paréntis: et, quamvis indignus accédo ad tuum sacrum mystérium, mérear tamen gáudium sempitérnum.

Ad casulam, cum assumitur:

Dómine, qui dixísti: Iugum meum suáve est et onus meum leve: fac, ut istud portáre sic váleam, quod cónsequar tuam grátiam. Amen.

ORATIONES

DICENDÆ AB EPISCOPO
QUANDO IN PONTIFICALIBUS
CELEBRAT*Indulgentia 100 dierum pro singulis orationibus.
Pius Pp. XII, 14 ianuarii 1940.**Ad caligas:*

Cálcea, Dómine, pedes meos in præparatióne evangélii pacis, et prótege me in velaménto alárum tuárum.

Cum exuitur cappa:

Exue, me, Dómine, vétterem hóminem cum móribus et áctibus suis; et indue me novum hóminem, qui secúndum Deum creátus est in iustitia, et sanctitáte veritátis.

Cum lavat manus:

Da, Dómine, virtutem manibus meis ad abstergéndam omnem máculam immúndam; ut sine pollutióne mentis et córporis váleam tibi servíre.

Ad amictum:

Impóne, Dómine, gáleam salútis in cápiti meo ad expugnándas omnes diabólicas fraudes, inimicórum ómnium versútias superándo.

Ad albam:

Deálba me, Dómine, et a delicto meo munda me: ut cum his, qui stolas suas dealbavérunt in ságuine Agni, gáudiis pérfruar sempitérnis.

Ad cingulum:

Præcinge me, Dómine, cingulo fidei et virtúte castitátis lumbos meos, et exstingue in eis humórem libídinis; ut iúgiter máneat in me vigor totiús castitátis.

Cum accipit crucem pectoralem:

Muníre digneris me, Dómine Iesu Christe, ab ómnibus insídiis inimicórum ómnium, signo sanctíssimæ Crucis tuæ: ac concédere digneris mihi indigno servo tuo, ut sicut hanc crucem, Sanctórum tuórum reliquiis refértam, ante pectus meum téneo, sic semper mente retíneam et memóriam passiónis, et sanctórum victórias Mártýrum.

Ad stolam:

Redde mihi, Dómine, óbsecro, stolam immortalitátis, quam pérdidi in prævaricatióne primi paréntis: et, quamvis indignus accédere præsumo ad tuum sacrum mystérium cum hoc ornaménto, præsta, ut in eódem in perpétuum mérear lætári.

Ad tunicellam:

Túnica iucunditátis, et induménto lætitiæ induat me Dóminus.

Ad dalmaticam:

Indue me, Dómine, induménto salutis et vestiménto lætitiæ; et dalmática iustitiæ circúmda me semper.

Ad chirothecas:

Circúmda, Dómine, manus meas mundítia novi hóminis, qui de cælo descendit: ut, quemádmódum Iacob diléctus tuus, pelliculis hædórum opértis mânibus, paternam benedictiónem, obláto patri cibo potúque gratíssimo, impetrávit; sic et obláta per manus nostras salutáris hóstia, grátie tuæ benedictiónem mérear. Per Dóminum nostrum Iesum Christum Fílium tuum, qui in similitúdinem carnis peccáti pro nobis óbtulit semetípsum.

Ad planetam:

Dómine, qui dixísti: Iugum meum suáve est, et onus meum leve: præsta, ut illud portáre sic váleam, quod possim cónsequi tuam grátiam.

Ad mitram:

Mitram, Dómine, et salutis gáleam impóne cápiti meo; ut contra antiqui hostis omniúm-que inimicórum meórum insídiás inoffénsus evádam.

Ad anulum:

Cordis et córporis mei, Dómine, dígitos virtúte decóra, et septifórmis Spíritus sanctificatióne circúmda.

Ad manipulum:

Mérear, precor, Dómine, manípulum portáre mente flébili; ut cum exsultatióne portióne accípiam cum iustis.

ORATIONES DICENDÆ AB
EPISCOPO QUANDO NON IN
PONTIFICALIBUS CELEBRAT

**Indulgentia 100 dierum pro singulis orationibus.
Plus Pp. XII, 14 ianuarii 1940.**

Cum exiit cappa:

Exue me, Dómine, véterem hóminem cum móribus et áctibus suis: et indue me novum hóminem, qui secúndum Deum créatus est in iustítia, et sanctitáte veritátis.

Cum lavat manus:

Da, Dómine, virtútem mânibus meis ad abstergéndam omnem máculam immúndam; ut sine polutióne mentis et córporis váleam tibi servíre.

Ad amictum:

Impóne, Dómine, cápiti meo gáleam salutis, ad expugnándos diabólicos incúrsus.

Ad albam:

Deálba me, Dómine, et munda cor meum; ut, in ságuine Agni dealbátus, gáudiis pérfruar sempitérnis.

Ad cingulum:

Præcínge me, Dómine, cingulo puritátis, et extingue in lumbis meis humórem libidinis; ut máneat in me virtus continétiæ et castitátis.

Cum accipit crucem pectoralem:

Muníre dignéris me, Dómine Iesu Christe, ab ómnibus insídiis inimicórum ómnium, signo sanctíssimæ Crucis tuæ: ac concédere dignéris mihi indígnio servo tuo, ut sicut hanc crucem, Sanctórum tuórum relíquiis refértam, ante pectus meum téneo, sic semper mente retíneam et memóriam passiónis, et sanctórum victóriás Mártýrum.

Ad stolam:

Redde mihi, Dómine, óbsecro, stolam immortalitátis, quam pérdidi in prævaricatióne primi paréntis; et, quamvis indígnus accédere præsumo ad tuum sacrum mystérium cum hoc ornamento, præsta, ut in eódem in perpétuum mérear lætári.

Ad planetam:

Dómine, qui dixísti: Iugum meum suáve est, et onus meum leve: præsta, ut illud portáre sic váleam, quod possim cónsequi tuam grátiam.

Ad manipulum:

Mérear, precor, Dómine, manípulum portáre mente flébili: ut cum exsultatióne portióne accípiam cum iustis.

GRATIARUM ACTIO POST MISSAM

PRO OPPORTUNITATE SACERDOTIS FACIENDA

Quilibet sacerdos, ex concessione Pii Pp. XI sub die 3 octobris 1936, lucrari potest: Indulgentiam 5 annorum, si post Missam celebratum, recitet canticum trium Puerorum et psalmum 150 cum adnexa antiphona, versiculis et Orémus, ut infra; plenariam, si per integrum mensem prædictas preces cotidie recitaverit, accedente sacramentali confessione et oratione ad mentem Summi Pontificis.

Ant. Trium puerorum * cantemus hymnum, quem cantabant Sancti in camino ignis benedicentes Dóminum. (T. P. Allelúia.)

Canticum trium Puerorum Dan. 3, 57-88 et 86

Benedicite, ómnia ópera Dómini, Dómino; * laudáte et superexaltáte eum in sæcula.
Benedicite, Angeli Dómini, Dómino; * benedicite, cæli, Dómino.

Benedicite, aquæ omnes quæ super cælos sunt, Dómino; * benedicite, omnes exercitus Dómini, Dómino.

Benedicite, sol et luna, Dómino; * benedicite, stellæ cæli, Dómino.—

Benedicite, omnis imber et ros, Dómino; * benedicite, omnes venti, Dómino.

Benedicite, ignis et æstus, Dómino; * benedicite, frigus et alor, Dómino.

Benedicite, rores et pluviae, Dómino; * benedicite, glacies et gelu, Dómino.

Benedicite, pruinae et nives, Dómino; * benedicite, noctes et dies, Dómino.

Benedicite, lux et tenebrae, Dómino; * benedicite, fulgura et nubes, Dómino.—

Benedicat terra Dómino, * laudet et superexaltet eum in sæcula.

Benedicite, montes et colles, Dómino; * benedicite, universa germinantia in terra, Dómino.

Benedicite, fontes, Dómino; * benedicite, maria et flumina, Dómino.

Benedicite, cete, et ómnia quæ moventur in aquis, Dómino; * benedicite, omnes volucres cæli, Dómino.

Benedicite, omnes bestiae et pecora, Dómino; * laudáte et superexaltáte eum in sæcula.—

Benedicite, filii hóminum, Dómino; * benedicite, Israel, Dómino.

Benedicite, sacerdotes, Dómini, Dómino; * benedicite, servi Dómini, Dómino.

Benedicite, spíritus et animæ iustorum, Dómino; * benedicite, sancti et humiles corde, Dómino.—

Benedicite, Anania, Azaria, Misael, Dómino; * laudáte et superexaltáte eum in sæcula.

Benedicamus Patrem et Filium cum Sancto Spíritu: * laudémus et superexaltémus eum in sæcula.

Benedictus es, Dómine, in firmamento cæli, * et laudabilis, et glorificatus in sæcula.

¶ **Hic non dicitur** Glória Patri, **neque** Amen.

Psalmus 150

Laudáte Dóminum in sanctuario eius, * laudáte eum in augústo firmamento eius.

Laudáte eum propter grándia ópera eius, * laudáte eum propter summam maiestatem eius.

Laudáte eum clangóre tubæ, * laudáte eum psalterio et cithara.

Laudáte eum tympano et choro, * laudáte eum chordis et órgano.

Laudáte eum cymbalis sonóris, laudáte eum cymbalis crepitántibus: * omne quod spirat, laudet Dóminum!

Glória Patri.

Ant. Trium puerorum cantemus hymnum, quem cantabant Sancti in camino ignis benedicentes Dóminum. (T. P. Allelúia.)

Postea sacerdos dicit:

Kyrie, eléison, Christe, eléison, Kyrie, eléison.
Pater noster.

Y. Et ne nos inducas in tentationem.

R. Sed libera nos a malo.

Y. Confiteantur tibi, Dómine, ómnia ópera tua.

R. Et sancti tui benedicant tibi.

Y. Exsultabunt sancti in glória.

R. Laetabuntur in cubilibus suis.

Y. Non nobis, Dómine, non nobis.

R. Sed nómini tuo da glóriam.

Y. Dómine, exáudi orationem meam.

R. Et clamor meus ad te véniat.

Orémus

Deus, qui tribus púeris mitigásti flammam ignium: concéde propítus; ut nos famulos tuos non exúrat flamma vitiorum.

Actiões nostras, quæsumus, Dómine, aspirádo præveni et adiuvádo proséquere: ut cuncta nostra orátio et operátio a te semper incípiat, et per te coepta finiátur.

Da nobis, quæsumus, Dómine, vitiorum nostrorum flammam exstinguere: qui beáto Lauréntio tribuísti tormentorum suorum incéndia superáre. Per Christum Dóminum nostrum.

R. Amen.

ORATIO S. THOMÆ AQUINATIS

Indulgentia 3 annorum; plenaria, oratione cotidie in integrum mensem pie reiterata et additis sacramentali confessione, alicuius ecclesiae vel publici oratorii visitatione et precibus ad Summi Pontificis mentem. Pius Pp. XI, 22 nov. 1934.

Gratias tibi ago, Dómine, sancte Pater, omnipotens ætérne Deus, qui me peccatórem, indignum famulum tuum, nullis meis méritis, sed sola dignatione misericórdiae tuæ satiáre dignátus es pretiósó Córpoze et Sanguine Filii tui, Dómini nostri Iesu Christi. Et precor, ut hæc sancta commúnio non sit mihi reátus ad poenam, sed intercessio salutáris ad véniam. Sit mihi armatúra fidei et scutum bonæ voluntátis. Sit vitiórum meórum evacuátio, concupiscéntiæ et libídinis exterminátio, caritátis et patiéntiæ, humilitátis et obediéntiæ omniúmque virtútum augmentátio: contra insídias inimicórum ómnium, tam visibílium quam invisibílium, firma defénsio: mótuum meórum, tam carnálium quam spirituálium, perfécta quietátio: in te uno ac vero Deo firma adhæsió; atque finis mei felix consummátio. Et precor te, ut ad illud ineffábile convívium me peccatórem perducere dignéris, ubi tu, cum Filio tuo et Spíritu Sancto Sanctis tuis es lux vera, satietas plena, gáudium sempitérnum, iucúnditas consummáta et felicitas perfécta. Per eúndem Christum Dóminum nostrum. Amen.

ALIA ORATIO

Indulgentia 3 annorum. Pius Pp. XI, 3 octobris 1936.

Transfige, dulcíssime Dómine Iesu, medúllas et víscera ánimæ meæ suavíssimo ac salubérrimo amóris tui vúlvere, vera serenáque et apostólica sanctíssima cartitate, ut lángueat et liquefiat ánima mea solo semper amóre et desidério tui; te concupiscat et deficiat in átria tua, cúpiat dissólvi et esse tecum. Da ut ánima mea te esúriat, panem Angelórum, refectionem animárum sanctárum; panem nostrum cotidiánum, supersubstantiálem, habéntem omnem dulcédinem et sapórem, et omne delectaméntum suavitátis. Te, in quem desidérant Angeli prospícere, semper esúriat et cómedat cor meum, et dulcédine sapóris tui repleántur víscera ánimæ meæ; te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiónem, cum dilectiónem, et delectatióem, cum facilitáte et afféctu, cum perseverántia usque in finem; ut tu sis solus semper spes mea, tota fidúcia mea, divítiæ meæ, delectátio mea, iucúnditas mea, gáudium meum, quies et tranquillitas mea, pax mea, suávitás mea, odor meus, dulcédo mea, cibus meus, refectio mea, refúgium meum, auxiliúm meum, sapiéntia mea, pórtio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

RHYTHMUS S. THOMÆ AQUINATIS

Indulgentia 5 annorum toties quoties; 7 annorum si rhythmus vel eiusdem postrema tantum strophæ coram Sæmo Eucharistiæ Sacramento recitatus fuerit; plenaria, suetis conditionibus, cotidiana rhythmí recitatione in integrum mensem producta. Pius Pp. XI, 12 martii 1936 et Pius Pp. XII, 12 iulii 1941.

Adóro te devóte, latens Déitas,
Quæ sub his figúris vere látitas:
Tibi se cor meum totum súbiicit,
Quia, te contémpfans, totum déficit.

Visus, tactus, gustus in te fállitur,
Sed auditu solo tuto créditur:
Credo quidquid dixit Dei Fílius,
Nil hoc verbo Veritátis vérius.

In Cruce latébat sola Déitas,
At hic latet simul et humánitas;
Ambo tamen credens atque cónfítens,
Peto quod petívit latro prænitens.

Plagas, sicut Thomas, non intúeor.
Deum tamen meum te confíteor:
Fac me tibi semper magis crédere,
In te spem habére, te diligere.

O memoriále mortis Dómini,
Panis vivus, vitam præstans hómini,
Præsta meæ menti de te vívere
Et te illi semper dulce sápere.

Pie pellicáne, Iesu Dómine,
Me immúndum munda tuo ságuine,
Cuius una stilla salvum fácere
Totum mundum quit ab omni scélere.

Iesu, quem velátum nunc aspício,
Oro, fiat illud quod tam sítio:
Ut, te reveláta cernens fácie,
Visu sim beátus tuæ glóriæ.
Amen.

ASPIRATIONES AD SSMUM
REDEMPTOREM

Indulgentia 7 annorum si sacerdos post Missam invocationes pie recitaverit; 300 dierum toties quoties; plenaria suetis conditionibus, dummodo cotidie per integrum mensem invocationum recitatio devote peracta fuerit. Pius Pp. IX, 9 ianuarii 1854.

Anima, Christi, sanctífica me. Corpus Christi, salva me. Sanguis Christi, inébria me. Aqua láteris Christi, lava me. Pássio Christi, confórta me. O bone Iesu, exáudi me. Intra tua vúlnera absconde me. Ne permíttas me separári a te. Ab hoste maligno defénde me. In hora mortis meæ voca me. Et iube me veníre ad te, ut cum Sanctis tuis laudem te in sæcula sæculórum. Amen.

OBLATIO SUI

Indulgentia 3 annorum; plenaria, suetis conditionibus, si cotidie per integrum mensem actus oblationis devote recitatus fuerit. Pius Pp. XI, 4 decembris 1932.

Súscipe, Dómine, univérsam meam libertátem. Accipe memóriam, intelléctum atque voluntátem omnem. Quidquid hábeo vel possídeo, mihi largítus es: id tibi totum restítuo, ac tuæ prorsus voluntáti trado gubernándum. Amórem tui solum cum grátia tua mihi dones, et dives sum satis, nec áliud quidquam ultra posco.



ORATIO
AD D. N. I. C. CRUCIFIXUM

Indulgentia 10 annorum; plenaria recitantibus post Missam coram Iesu Christi Crucifixi imagine et orantibus ad mentem Summi Pontificis. Pius Pp. XI, 2 februarii 1934.

En ego, o bone et dulcissime Iesu, ante conspéctum tuum génibus me provólvo, ac máximo ánimí ardóre te oro atque obtéstor, ut meum in cor vívidos fidei, spei et caritátis sensus, atque veram peccatórum meórum pæniténtiam, éaque emendándi firmissimam voluntátem velis imprímere; dum magno ánimí afféctu et dolóre tua quinque vúlnera mecum ipse considéro ac mente contéplor, illud præ óculis habens, quod iam in ore ponébat tuo David prophéta de te, o bone Iesu: Foderunt manus meas et pedes meos: dinumeravérunt ómnia ossa mea. **Ps. 21, 17-18.**

ORATIO UNIVERSALIS SUB NOMINE
CLEMENTIS PAPÆ XI VULGATA

Indulgentia 5 annorum sacerdotibus conceditur, saltem corde contrito lucranda, si hanc orationem devote recitaverint; plenaria, suetis conditionibus, semel in mense ab ipsis acquirenda, si cotidie per integrum mensum eandem decitationem pie persolverint. Ioannes Pp. XXIII, 11 martii 1960.

Credo, Dómine, sed credam firmitus; spero, sed sperem secúrius; amo, sed amem ardéntius; dóleo, sed dóleam veheméntius.

Adóro te ut primum princípium; desidéro ut finem últimum; laudo ut benefactórem perpétuum; invoco ut defensórem propitium.

Tua me sapiéntia dírige, iustítia cóntine, cleméntia soláre, poténtia prótege.

Offero tibi, Dómine cogitánda, ut sint ad te; dicénda, ut sint de te; faciénda, ut sint secúndum te; ferénda, ut sint propter te.

Volo quidquid vis, volo quia vis, volo quómodo vis, volo quámdu vis.

Oro, Dómine: intelléctum illúmines, voluntátem inflámmes, cor emúndes, ánimam sanctífices.

Défleam prætéritas iniquitátes, repéllam futúras tentatiónes, córrigam vitiósas propensiónes, excolam idóneas virtútes.

Tríbue mihi, bone Deus, amórem tui, ódium mei, zelum próximi, contéptum mundi.

Stúdeam superióribus obedíre, inferióribus subveníre, amícis consúlere, inimícis párcere.

Víncam voluptátem austeritáte, avaritiam largitáte, iracúndiam lenitáte, tepiditátem fervóre.

Redde me prudéntem in consiliis, constántem in periculis, patiéntem in advérsis, húmilem in próspers.

Fac, Dómine, ut sim in oratióne atténtus, in épulis sóbrius, in múnere sédulus, in propósito firmus.

Curem habére innocéntiam interiórem, modéstiam exteriórem, conversatiónem exemplárem, vitam regulárem.

Assídue invígilem natúræ domándæ, grátiae fovéndæ, legi servándæ, salúti promeréndæ.

Discam a te quam ténue quod terrénum, quam grande quod divínium, quam breve quod temporáneum, quam durábile quod aetérnum.

Da mortem prævéniám, iudícium pertímeam, inférnum effúgiam, paradísium obtíneam.

Per Christum Dóminum nostrum. Amen.

ALIA ORATIO

Indulgentia 3 annorum. Pius Pp. IX, 11 decembris 1846. Insuper hanc orationem recitanti flexis genibus, nisi impediatur, conceditur remissio defectuum et culparum in celebratione Missæ ex humana fragilitate contractarum. Pius Pp. X, 29 augusti 1912.

Obsecro te, dulcissime Dómine Iesu Christe, ut pássio tua sit mihi virtus, qua múníar, prótegar atque deféndar; vúlnera tua sint mihi cibus potúsque, quibus pascar, inébrier atque delécter; aspérsio sánguinis tui sit mihi ablútio ómnium delictórum meórum: mors tua sit mihi vita indeficiens, Crux tua sit mihi glória sempitérna. In his sit mihi refectio, exsultatio, sánitas et dulcédo cordis mei: Qui vivis et regnas in sácula sæculórum. Amen.

ORATIO AD B. MARIAM VIRGINEM

Indulgentia 3 annorum. Pius Pp. XI, 3 octobris 1936.

O María, Virgo et Mater sanctíssima, ecce suscepí dilectíssimum Fílium tuum, quem immaculáto útero tuo concepísti, genuísti, lactásti, atque suavíssimis ampléxibus strinxísti. Ecce, cuius aspéctu lætabáris et ómnibus delíciis replebáris, illum ipsum tibi humíliter et amáncer repræsentó et óffero tuis brácciis constringéndum, tuo corde amándum, sanctíssimæque Trinitáti in supréum latríæ cultum, pro tui ipsíus honóre et glória et pro meis totiúsque mundi necessitatibus, offeréndum. Rogo ergo te, píssima Mater, ímpetra mihi véniam ómnium peccatórum meórum, uberémque grátiam ipsi deinceps fidélius serviéndo, ac dénique grátiam finálem, ut eum tecum laudáre possim per ómnia sácula sæculórum. Amen.

ORATIO AD S. IOSEPH

Indulgentia 3 annorum toties quoties; 7 annorum singulis mensis martii diebus necnon qualibet anni feria quarta; plenaria, suctis conditionibus, oratione cotidie per integrum mensem pia mente iterata. Pius Pp. XI, 18 maii 1936 et Pius Pp. XII, 10 martii 1941.

Virginum custos et pater, sancte Ioseph, cuius fideli custodiæ ipsa Innocentia Christus Iesus et Virgo virginum Maria commissa fuit; te per hoc utrúmque caríssimum pignus Iesum et Mariam óbsecro et obtéstor, ut me, ab omni immundítia præ-

servátum, mente incontamináta, puro corde et casto córpore Iesu et Mariæ semper facis castíssime famulári. Amen.

ORATIO AD SANCTUM

in cuius honorem Missa celebrata est

Indulgentia 3 annorum. Pius Pp. XI, 3 octobris 1936.

Sancte **N.**, in cuius honórem incruéntum Córporis et Sánguinis Christi sacrificium óbtuli, fac, tua poténti apud Deum intercessióne, ut, usu huius mystérii, passiónis et mortis eiúsdem Christi Salvatóris nostri mérita cónsequar, ac, cum illius frequen-tatióne, continuo crescat meæ salútis efféctus. Amen.

Ordo incensandi Oblata

iuxta Rubricas Missalis Romani (Ritus celebrandi Missam, VII, 10).

In modum crucis




In modum circuli



Ordo incensationis Altaris


iuxta Rubricas Missalis Romani (**Ritus celebrandi Missam, IV, 4 et 5**).



**Si in Altari non adsunt Reliquiæ, seu Imagines Sanctorum, omit-
titur earum Incensatio, quæ indicatur sub Numeris 4, 5, 6, 7 (Rit.
celebr. Missæ, IV, 5), et statim incensata Cruce (Num.1, 2, 3), procedi-
tur ad incensandum Altare per ordinem Numerorum 8, 9, etc. ad 29.**

Ordo incensationis Altaris

quod commode circuiari potest



Præmissa crucis (et reliquiarum seu imaginum) incensatione, fiunt 22 ductus, quorum nn. 1-3 et 14-16 *supra mensam altaris*, nn. autem 4-13 et 17-22 *infra et ex latere*.



PROPRIUM DE TEMPORE

TEMPUS ADVENTUS

DOMINICA PRIMA ADVENTUS

I classis

Statio ad S. Mariam maiorem

Antiphona ad Introitum

Ps. 24, 1-3

Ad te levávi ánimam meam: Deus meus, in te confido, non erubéscam: neque irrideant me inimíci mei: étenim univérsi, qui te expéctant, non confundéntur. **Ps. ibid., 4** Vias tuas, Dómine, demónstra mihi: et sémitas tuas édoce me. **V.** Glória Patri, et Fílio, et Spirítui Sancto. Sicut erat in princípío, et nunc, et semper, et in sáecula sæculórum. Amen.

Quo finito, repetitur Ad te levávi usque ad psalmum.

¶ Hic modus repetendi antiphonam ad Introitum servatur per totum annum.

¶ Non dicitur Glória in excélsis **in Missis de Tempore ab hac dominica usque ad vigiliam Nativitatis Domini inclusive.**

Orémus.

Oratio

Excita, quæsumus, Dómine, potentiam tuam, et veni: ut ab imminéntibus peccatórum nostrórum perículis, te mereámur protegénte éripi, te liberánte salvári: Qui vivis et regnas cum Deo Patre in unitáte Spíritus Sancti, Deus, per ómnia sáecula sæculórum. **R.** Amen.

Léctio Epístolæ beáti Pauli Apóstoli ad Romános

Rom. 13, 11-14

Fratres: Sciéntes quia hora est iam nos de somno súrgere. Nunc enim própior est nostra salus, quam cum credídimus. Nox præcésit, dies autem appropinquávit. Abiiciámus ergo ópera tenebrárum,

et induámur arma lucis. Sicut in die honéste ambulémus: non in comessatió nibus, et ebrietátibus, non in cubílibus, et impudicítiis, non in contentióne, et æmulatione: sed induímini Dóminum Iesum Christum.

Graduale Ps. 24, 3 et 4 Univér si, qui te expéctant, non confundén tur, Dómine. **V.** Vias tuas, Dómine, notas fac mihi: et sémitas tuas édoce me.

¶ In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.

Allelúia, allelúia. **V. Ps. 84, 8** Osténde nobis, Dómine, misericórdiam tuam: et salutáre tuum da nobis. Allelúia.

✠ Sequéntia sancti Evangélii secúndum Lucam

Luc. 21, 25-33

In illo témpore: Dixit Iesus discí pulis suis: Erunt signa in sole, et luna, et stellis, et in terris pressúra géntium præ confusióne sónitus maris, et flúctuum: arescéntibus homí nibus præ timóre et exspectatióne, quæ supervénient univérso orbi: nam virtútes cælórum movebúntur. Et tunc vidébunt Fílium hóminis veniéntem in nube cum potestáte magna, et maiestáte. His autem fieri incipiéntibus, respícite, et leváte cápita vestra: quoniam appropínquat redéemptio vestra. Et dixit illis similitúdinem: Vidéte ficúlneam, et omnes árbores: cum prodú cunt iam ex se fructum, scitis quóniam prope est æstas. Ita et vos cum vidéritis hæc fieri, scitóte quóniam prope est regnum Dei. Amen dico vobis, quia non præteríbit generátio hæc, donec ómnia fiant. Cælum et

terra transíbunt: verba autem mea non transíbunt.

¶ Credo, quod dicitur in qualibet dominica, etsi eius Officium alicui festo locum cedat, vel Missa votiva II classis celebretur; non dicitur autem in feriis, quando adhibetur Missa dominicæ præcedentis.

Antiphona ad Offertorium

Ps. 24, 1-3

Ad te levávi ánimam meam: Deus meus, in te confido, non eru béscam: neque irrídeant me inimíci mei: étenim univér si, qui te expéc tant, non confundéntur.

Secreta

Hæc sacra nos, Dómine, poténti virtúte mundátos, ad suum fácient purióres veníre princípium. Per Dóminum.

¶ Præfatio de Ssma Trinitate, quæ dicitur tamquam de Tempore in dominicis Adventus et in omnibus dominicis II classis, extra tem pus natalicium et paschale; non vero in feriis, quando adhibetur Missa harum dominicarum, sed tunc dicitur præfatio communis.

Antiphona ad Communionem

Ps. 84, 13

Dóminus dabit benignitátem: et terra nostra dabit fructum suum.

Postcommunio

Suscipiámus, Dómine, misericórdiam tuam in médio templi tui: ut reparatiónis nostræ ventúra solémnia cóngruis honóribus præ cedámus. Per Dóminum.

¶ Per totum annum, si dicenda sit infra hebdomadam Missa de feria, adhibetur Missa dominicæ præcedentis, nisi propria Missa assignetur; et similiter sumuntur orationes de dominica, quando de feria, quæ Missam propriam non habeat, facienda sit commemoratio iuxta rubricas.

¶ De feriis Adventus fit commemoratio in omnibus Missis, tam in cantu quam lectis.

DOMINICA SECUNDA ADVENTUS

I classis

Statio ad S. Crucem in Ierusalem

Antiphona ad Introitum

Isai. 30, 30

Pópulus Sion, ecce Dóminus véniet ad salvándas gentes: et audítam fáciet Dóminus glóriam vocis suæ in lætítia cordis vestri. **Ps. 79, 2** Qui regis Israë́l, inténde: qui dedúcis, velut ovem, Ioseph. **V.** Glória Patri. **P**ópulus.

Oratio

Excita, Dómine, corda nostra ad præparándas Unigéniti tui vias: ut per eius advéntum, purificáti tibi méntibus servíre mereámur: Qui tecum.

Léctio Epístolæ beáti Pauli Apóstoli
ad Romános

Rom. 15, 4-13

Fratres: Quæcúmque scripta sunt, ad nostram doctrínam scripta sunt: ut per patiéntiam, et consolatióem Scripturárum, spem habeámus. Deus autem patiéntiæ, et soláti, det vobis idípsum sápere in altérutrum secúndum Iesum Christum: ut unánimes, uno ore honorificétis Deum et Patrem Dómini nostri Iesu Christi. Propter quod suscípite invicem, sicut et Christus suscepit vos in honórem Dei. Dico enim Christum Iesum minístrum fuísse circumcisiónis propter veritátem Dei, ad confirmándas promissiões patrum: gentes autem super misericórdia honoráre Deum, sicut scriptum est: Proptérea confitébor tibi in géntibus, Dómine, et nómini tuo cantábo. Et iterum dicit: Lætámini, gentes,

cum plebe eius. Et iterum: Laudáte omnes gentes Dóminum: et magnificáte eum omnes pópuli. Et rursus Isaías ait: Erit radix Iesse, et qui exsúrget régere gentes, in eum gentes sperábunt. Deus autem spei répleat vos omni gáudio, et pace in credéndo: ut abundétis in spe, et virtúte Spíritus Sancti.

Graduale Ps. 49, 2-3, et 5 Ex Sion spécies decóris eius: Deus manifeste véniet. **V.** Congregáte illi sanctos eius, qui ordinavérunt testaméntum eius super sacrificia.

¶ In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.

Allelúia, allelúia. **V. Ps. 121, 1** Lætátus sum in his, quæ dicta sunt mihi: in domum Dómini íbimus. Allelúia.

✠ Sequéntia sancti Evangélii secúndum Matthæum

Matt. 11, 2-10

In illo témpore: Cum audísset Ioánnes in vínculis ópera Christi, mittens duos de discípulis suis, ait illi: Tu es, qui ventúrus es, an álium expectámus? Et respóndens Iesus, ait illis: Eúntes renuntiáte Ioánni, quæ audístis, et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, coepit Iesus dicere ad turbas de Ioáanne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus regum sunt. Sed quid exístis vidére? prophétam? Etiam dico vobis, et plus

quam prophétam. Hic est enim, de quo scriptum est: Ecce ego mitto Angelum meum ante fáciem tuam, qui præparábit viam tuam ante te. **Credo.**

Antiphona ad Offertorium

Ps. 84, 7-8

Deus, tu convérsus vivificábis nos, et plebs tua lætábitur in te: osténde nobis, Dómine, misericórdiam tuam, et salutáre tuum da nobis.

Secreta

Placáre, quæsumus, Dómine, humilitátis nostræ précibus et hóstiis: et ubi nulla súppetunt suffrágia meritórum, tuis nobis succúrre præsídiis. Per Dóminum.

Præfatio de Ssma Trinitate.

Antiphona ad Communionem

Bar. 5, 5; 4, 36

Ierúsalem surge, et sta in excélso, et vide iucunditátem, quæ véniet tibi a Deo tuo.

Postcommunio

Repléti cibo spirituális alimóniæ, súpplikes te, Dómine, deprecámur: ut huius participatióne mystérii, dóceas nos terréna despícere et amáre cæléstia. Per Dóminum.

DOMINICA TERTIA ADVENTUS

I classis

Statio ad S. Petrum

Antiphona ad Introitum

Philipp. 4, 4-6

Gaudéte in Dómino semper: iterum dico, gaudéte. Modéstia vestra nota sit ómnibus homínibus: Dóminus

enim prope est. Nihil solliciti sitis: sed in omni oratióne petitiónes vestræ innotéscant apud Deum. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri. **Gaudéte.**

Oratio

Aurem tuam, quæsumus, Dómine, précibus nostris accómmoda: et mentis nostræ ténebras, grátia tuæ visitatiónis illústra: Qui vivis.

Léctio Epístolæ beáti Pauli Apóstoli ad Philippénes

Philipp. 4, 4-7

Fratres: Gaudéte in Dómino semper: iterum dico, gaudéte. Modéstia vestra nota sit ómnibus homínibus: Dóminus prope est. Nihil solliciti sitis: sed in omni oratióne, et obsecratióne, cum gratiárum actiόne, petitiόnes vestræ innotéscant apud Deum. Et pax Dei, quæ exsúperat omnem sensum, custódiat corda vestra et intelligéntias vestras, in Christo Iesu Dómino nostro.

Graduale Ps. 79, 2, 3 et 2 Qui sedes, Dómine, super Chérubim, éxcita poténtiam tuam, et veni. **V.** Qui regis Israél, inténde: qui dedúcis, velut ovem, Ioseph.

¶ In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.

Allelúia, allelúia. **V.** Excita, Dómine, poténtiam tuam, et veni, ut salvos fácias nos. Allelúia.

✠ Sequéntia sancti Evangélii scúndum Ioánnem

Ioann. 1, 19-28

In illo témpore: Misérunt Iudæi ab Ierosólymis sacerdótes et levítas

ad Ioánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox clamántis in deserto: Dirígite viam Dómini, sicut dixit Isaías prophéta. Et qui missi fúerant, erant ex pharisáeis. Et interrogavérunt eum, et dixérunt ei: Quid ergo baptizas, si tu non es Christus, neque Elías, neque prophéta? Respóndit eis Ioánnes, dicens: Ego baptízo in aqua; médius autem vestrum stetit, quem vos nescítis. Ipse est, qui post me ventúrus est, qui ante me factus est: cuius ego non sum dignus ut solvam eius corrigiam calceaménti. Hæc in Bethánia facta sunt trans Iordánem, ubi erat Ioánnes baptizans. **Credo.**

Antiphona ad Offertorium

Ps. 84, 2

Benedixísti, Dómine, terram tuam: avertísti captivitátem Iacob: remisísti iniquitátem plebis tuæ.

Secreta

Devotiónis nostræ tibi, quæsumus, Dómine, hóstia iúgiter immolétur: quæ et sacri péragat institúta mystérii, et salutáre tuum in nobis mirábiliter operétur. Per Dóminum.

Præfatio de Ssma Trinitate.

Antiphona ad Communionem

Isai. 35, 4

Dícite: pusillánimes confortámini, et nolíte timére: ecce Deus noster véniet, et salvábit nos.

Postcommunio

Implorámus, Dómine, cleméntiam tuam: ut hæc divína subsidia, a víitiis expiátos, ad festa ventúra nos præparent. Per Dóminum.

FERIA QUARTA QUATUOR TEMPORUM ADVENTUS

II classis

Statio ad S. Mariam maiorem

Antiphona ad Introitum

Isai. 45, 8

Roráte cæli désuper, et nubes pluant iustum: aperiátur terra, et gérminet Salvátorem. **Ps. 18, 2** Cæli enarrant glóriam Dei: et ópera mánuum eius annúntiat firmaméntum. **V.** Glória Patri. **Roráte, cæli.**

Post Kýrie, eléison, **immediate dicitur:** Orémus. Flectámus génua. Leváte.

Oratio

Præsta, quæsumus, omnípotens Deus: ut redemptionis nostræ ventúra solémnitas, et præsentis nobis vitæ subsidia cónferat, et æternæ beatitúdinis præmia largiátur. Per Dóminum.

¶ **Præcedens oratio sine** Flectámus génua sumitur ad commemorandum feriam IV Quatuor Temporum.

Léctio Isaíæ Prophétæ

Isai. 2, 2-5

In diébus illis: Dixit Isaías prophéta: Erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi, et di-

cent: Veníte et ascendámus ad montem Dómini et ad domum Dei Iacob, et docébit nos vias suas, et ambulá-bimus in sémitis eius: quia de Sion exíbit lex, et verbum Dómini de Ierúsalem. Et iudicábit gentes, et árguet pópulos multos: et conflá-bunt gládios suos in vómeres, et lánceas suas in falces. Non levábit gens contra gentem gládium: nec exercebúntur ultra ad próelium. Do-mus Iacob veníte, et ambulémus in lúmine Dómini Dei nostri.

Graduale Ps. 23, 7, 3 et 4 Tóllite portas, príncipes, vestras: et elevá-mini portæ æternáles: et introíbit Rex glóriæ. **V.** Quis ascéndet in montem Dómini? aut quis stabit in loco sancto eius? Innocens máni-bus et mundo corde.

Hic dicitur V. Dóminus vobíscum, **sine** Flectámus génuá.

Orémus.

Oratio

Festína, quæsumus, Dómine, ne tardáveris, et auxiliú nobis supérnæ virtútis impénde: ut advéntus tui consolatió nibus suble-véntur, qui in tua pietáte confidunt: Qui vivis.

Et dicuntur aliæ orationes forte occurrentes.

Léctio Isaíæ Prophétæ

Isai. 7, 10-15

In diébus illis: Locútus est Dómi-nus ad Achaz, dicens: Pete tibi signum a Dómino Deo tuo in profúndum inférni, sive in excélsum supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Prop-ter hoc dabit Dóminus ipse vobis signum. Ecce Virgo concípíet, et pá-

riet filium, et vocábitur nomen eius Emmánuel. Butýrum et mel cóme-det, ut sciat reprobáre malum, et eligere bonum.

Graduale Ps. 144, 12 et 21 Prope est Dóminus ómnibus invocántibus eum: ómnibus qui invocant eum in veritáte. **V.** Laudem Dómini loqué-tur os meum: et benedícat omnis caro nomen sanctum eius.

✠ Sequéntia sancti Evangélii se-cúndum Lucam

Luc. 1, 26-38

In illo témpore: Missus est Angelus Gábriel a Deo in civitátem Ga-lilææ, cui nomen Názareth, ad Vír-ginem desponsátam viro, cui nomen erat Ioseph, de domo David, et no-men Vírginis María. Et ingræssus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogi-tábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fi-lium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus De-us sedem David patris eius: et re-gnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spí-ritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanc-tum, vocábitur Fílius Dei. Et ecce Elísabeth cognáta tua, et ipsa concé-pit filium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit

autem María: Ecce ancilla Dómini, fiat mihi secúndum verbum tuum.

Antiphona ad Offertorium

Isai. 35, 4

Confortámini, et iam nolíte timére: ecce enim Deus noster retribuet iudícium: ipse véniet, et salvos nos fáciet.

Secreta

Accépta tibi sint, quæsumus, Dómine, nostra ieiúnia: quæ et expiándo nos tua grátia dignos efficiant, et ad sempitérna promíssa perdúcant. Per Dóminum.

Antiphona ad Communionem

Isai. 7, 14

Ecce Virgo concípiet, et páriet fílium: et vocábitur nomen eius Emmánuel.

Postcommunio

Salutáris tui, Dómine, múnere satiáti, súpplíces deprecámur: ut, cuius lætámur gustu, renovémur effectú. Per Dóminum.

FERIA SEXTA QUATUOR TEMPORUM ADVENTUS

II classis

Statio ad Ss. duodecim Apostolos

Antiphona ad Introitum

Ps. 118, 151-152

Prope es tu, Dómine, et omnes viæ tuæ véritas: inítio cognóvi de testimoniis tuis, quia in ætérnum tu es. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **Prope.**

Oratio

Excita, quæsumus, Dómine, poténtiam tuam, et veni: ut hi, qui in tua pietáte confídunt, ab omni cítius adversitáte liberéntur: Qui vivis.

Léctio Isaíæ Prophétæ

Isai. 11, 1-5

Hæc dicit Dóminus Deus: Egrediétur virga de radíce Iesse, et flos de radíce eius ascéndet. Et requiescet super eum spíritus Dómini: spíritus sapiéntiæ, et intelléctus, spíritus consílii, et fortitúdinis, spíritus sciéntiæ, et pietátis; et replébit eum spíritus timóris Dómini. Non secúndum visiónem oculórum iudicábit: neque secúndum audítum áurium árguet: sed iudicábit in iustítia páuperes, et árguet in æquitáte pro mansuétis terræ: et percútiet terram virga oris sui, et spíritu labiórum suórum interfíciet ímpium. Et erit iustítia cíngulum lumbórum eius: et fides cinctórium renum eius.

Graduale Ps. 84, 8 et 2 Osténde nobis, Dómine, misericórdiam tuam: et salutáre tuum da nobis. **V.** Benedixísti, Dómine, terram tuam: avertísti captivitátem Iacob.

✠ Sequéntia sancti Evangélíi secúndum Lucam

Luc. 1, 39-47

In illo témpore: Exsúrgens María ábiit in montána cum festinátione in civitátem Iuda: et intrávit in domum Zachariæ, et salutávit Elísabeth. Et factum est, ut audívit salutatiónem Mariæ Elísabeth, exsultávit infans in útero eius: et repléta est Spíritu Sancto Elísabeth: et exclamávit voce magna, et dixit:

Benedicta tu inter mulieres, et benedictus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ credidisti, quóniam perficiéntur ea, quæ dicta sunt tibi a Dómino. Et ait María: Magnificat ánima mea Dóminum: et exsultávit spíritus meus in Deo salutári meo.

Antiphona ad Offertorium

Ps. 84, 7-8

Deus, tu convérsus vivificábis nos, et plebs tua lætábitur in te: osténde nobis, Dómine, misericórdiam tuam, et salutáre tuum da nobis.

Secreta

Munéribus nostris, quæsumus, Dómine, precibúsq; suscep-tis: et cæléstibus nos munda mystériis, et cleménter exáudi. Per Dóminum.

Antiphona ad Communionem

Zach. 14, 5-6

Ecce Dóminus véniet, et omnes sancti eius cum eo: et erit in die illa lux magna.

Postcommunio

Tui nos, Dómine, sacraménti libátio sancta restáuret: et a vetustáte purgátos, in mystérii salutáris fáciat transíre consórtium. Per Dóminum.

SABBATO QUATUOR TEMPORUM ADVENTUS

II classis

Statio ad S. Petrum

FORMA MISSÆ LONGIOR

¶ Hæc forma adhibenda est in Missa conventuali et in Missa, in qua Ordines conferun-

tur; in ceteris Missis adhiberi potest forma brevior, ut infra 12.

In sabbato Quatuor Temporum Missa, in qua Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis "In Collatione Ordinum" sub unica conclusione cum oratione quæ sequitur Dóminus vobiscum, et omittuntur omnes commemorationes, nisi sint privilegiatæ.

Antiphona ad Introitum

Ps. 79, 4 et 2

Veni, et osténde nobis fáciem tuam, Dómine, qui sedes super Chérubim: et salvi érimus. **Ps. ibid., 2** Qui regis Israël, inténde: qui dedúcis, velut ovem, Ioseph. **V.** Glória Patri. **Veni.**

Post Kýrie, eléison, dicitur: Orémus. Flectámus génua.

Leváte.

Oratio

Deus, qui cónspicis, quia ex nostra pravitate affligimur: concede propítius; ut ex tua visitatióne consolémur: Qui vivis.

¶ **Præcedens oratio sine** Flectámus génua sumitur ad commemorandum sabbatum Quatuor Temporum.

Léctio Isaíæ Prophétæ

Isai. 19, 20-22

In diébus illis: Clamábunt ad Dóminum a fácie tribulántis, et mittet eis salvatórem, et propugnatórem, qui liberet eos. Et cognoscétur Dóminus ab Ægýpto, et cognóscant Ægýptii Dóminum in die illa: et colent eum in hóstiis, et in munéribus: et vota vovébunt Dómino, et solvent. Et percútiet Dóminus Ægýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 18, 7 et 2 A summo cælo egressio eius: et occursus eius usque ad summum eius. *℣.* Cæli enarrant glóriam Dei: et ópera mánuum eius annúntiat firmaméntum.

Orémus. Flectámus génua.
Leváte.

Oratio

Concède, quæsumus, omnípotens Deus: ut, qui sub peccáti iugo ex vetústa servitúte deprímimur: expectáta unigéniti Fílii tui nova nativité liberémur: Qui tecum.

Lectio Isaíæ Prophétæ

Isai. 35, 1-7

Hæc dicit Dóminus: Lætábitur désérta et ínvia, et exsultábit solitúdo, et florébit quasi lílium. Gérminans germinábit, et exsultábit, lætabúnda et laudans: glória Líbani data est ei: decor Carméli, et Saron, ipsi vidébunt glóriam Dómini et decórem Dei nostri. Confortáte manus dissolútas, et génua debília roboráte. Dícite pusillánimis: Confortámini, et nolíte timére: ecce Deus vester ultiónem addúcet retributiónis: Deus ipse véniet, et salvábit vos. Tunc aperientur óculi cæcórú, et aures surdórú patébunt. Tunc sáliet sicut cervus claudus, et apérta erit lingua mutórú: quia scissæ sunt in désérto aquæ, et torréntes in solitúdine. Et quæ erat árida, erit in stagnum, et sítiens in fontes aquárum: ait Dóminus omnípotens.

Graduale Ps. 18, 6 et 7 In sole pósuit tabernáculum suum: et ipse tamquam sponsus procédens de thálamo suo. *℣.* A summo cælo

egressio eius: et occursus eius usque ad summum eius.

Orémus. Flectámus génua.
Leváte.

Oratio

Indígnos nos, quæsumus, Dómine, fámulos tuos, quos actiόνis propriæ culpa contrístat, unigéniti Fílii tui advéntu lætífica: Qui tecum.

Lectio Isaíæ Prophétæ

Isai. 49, 9-11

Hæc dicit Dóminus: Super montem excélsu ascénde tu, qui evangelízas Sion: exálta in fortitúdine vocem tuam, qui evangelízas Ierúsalem: exálta, noli timére. Dic civitatibus Iuda: Ecce Deus vester: ecce Dóminus Deus in fortitúdine véniet, et brácchium eius dominábitur: ecce merces eius cum eo, et opus illius coram illo. Sicut pastor gregem suum pascet: in brácchio suo congregábit agnos, et in sinu suo levábit, Dóminus Deus noster.

Graduale Ps. 79, 20 et 3 Dómine Deus virtútum, convérte nos: et osténde fáciem tuam, et salvi érimus. *℣.* Excita, Dómine, poténtiam tuam, et veni, ut salvos fácias nos.

Orémus. Flectámus génua.
Leváte.

Oratio

Præsta, quæsumus, omnípotens Deus: ut Fílii tui ventúra solémnitas, et præsentis nobis vitæ remédia cónferat, et præmia ætérna concédatur. Per eúndem Dóminum.

Lectio Isaíæ Prophétæ

Isai. 45, 1-8

Hæc dicit Dóminus christo meo Cyro, cuius apprehénderi déx-

teram, ut subiiciam ante faciē eius gentes, et dorsa regum vertam, et apēriam coram eo iānuas, et portæ non claudētur. Ego ante te ibo: et gloriōsos terræ humiliābo: portas æreas cōnteram, et vectes fēreos confrīgam. Et dabo tibi thesauros abscōnditos, et arcāna secretōrum: ut scias quia ego Dōminus, qui voco nomen tuum, Deus Israēl. Propter servum meum Iacob, et Israēl elēctum meum, et vocāvi te nōmine tuo: assimilāvi te, et non cognovisti me. Ego Dōminus, et non est āmplius: extra me non est Deus: accīnxi te, et non cognovisti me: ut sciant hi, qui ab ortu solis, et qui ab occidēte, quōniam absque me non est. Ego Dōminus, et non est alter, formans lucem, et creans tēnebras, faciēns pacem, et creans malum: ego Dōminus faciēns ōmnia hæc. Rorate, cæli, dēsuper, et nubes pluant iustum: aperiātur terra, et gērminet Salvatōrem: et iustitia oriātur simul: ego Dōminus creāvi eum.

Graduale Ps. 79, 3, 2 et 3 Excita, Dōmine, potēntiam tuam, et veni, ut salvos faciās nos. **V.** Qui regis Israēl, intēde: qui dedūcis, velut ovem, Ioseph: qui sedes super Chérubim, appāre coram Ephraïm, Bēniāmin, et Manāsse.

Orémus. Flectāmus gēnua.
Levāte.

Oratio

Preces pópuli tui, quāsumus, Dōmine, clemēter exāudi: ut, qui iuste pro peccātis nostris affligimur, pietātis tuæ visitatiōne consolēmur: Qui vivis.

Lectio Daniélis Prophætæ

Dan. 3, 47-51

In diēbus illis: Angelus Dōmini descendit cum Azaríā, et sóciis eius, in fornācem: et excússit flammam ignis de fornāce, et fecit médium fornācis quasi ventum roris flantem. Flamma autem effundebātur super fornācem cúbitis quadraginta novem: et erúpit, et incēndit quos réperit iuxta fornācem de Chaldæis ministros regis, qui eam incendēbant. Et non tétigit eos omnino ignis, neque contristāvit, nec quidquam moléstiae intulit. Tunc hi tres quasi ex uno ore laudābant, et glorificābant, et benedicēbant Deum in fornāce, dicētes:

Hic non respondetur Deo grátias.

Hymnus

Dan. ibid., 52-56

Benedíctus es, Dōmine Deus patrum nostrórum. Et laudábilis, et gloriósus in sǎcula.

Et benedíctum nomen glóriæ tuæ, quod est sanctum. Et laudábile, et gloriósum in sǎcula.

Benedíctus es in templo sancto glóriæ tuæ. Et laudábilis, et gloriósus in sǎcula.

Benedíctus es super thronum sanctum regni tui. Et laudábilis, et gloriósus in sǎcula.

Benedíctus es super sceptrum divinitátis tuæ. Et laudábilis, et gloriósus in sǎcula.

Benedíctus es qui sedes super Chérubim, intuens abyssos. Et laudábilis, et gloriósus in sǎcula.

Benedíctus es qui ámbulas super pennas ventórum, et super undas maris. Et laudábilis, et gloriósus in sǎcula.

Benedícant te omnes Angeli, et Sancti tui. Et laudent te, et glorífícent in sæcula.

Benedícant te cæli, terra, mare, et ómnia quæ in eis sunt. Et laudent te, et glorífícent in sæcula.

Glória Patri, et Fílio, et Spirítui Sancto. Et laudábili, et glorióso in sæcula.

Sicut erat in princípíio, et nunc, et semper: et in sæcula sæculórum. Amen. Et laudábili, et glorióso in sæcula.

Benedíctus es, Dómine Deus patrum nostrórum. Et laudábilis et gloriósus in sæcula.

Hic dicitur V. Dóminus vobíscum, sine Flectámus gènuā.

Orémus

Oratio

Deus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses

2 Thess. 2, 1-8

Fratres: Rogámus vos per advéntum Dómini nostri Iesu Christi, et nostræ congregatiónis in ipsum: ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primum, et revelátus fúerit homo peccáti, fílius perditiónis, qui adversátur, et extóllitur supra omne quod dicitur Deus, aut quod cólitur, ita ut in templo Dei

sédeat osténdens se tamquam sit Deus. Non retinétis, quod cum adhuc essem apud vos, hæc dicébam vobis? Et nunc quid detíneat scitis, ut revelétur in suo témpore. Nam mystérium iam operátur iniquitátis: tantum ut qui tenet nunc, teneat, donec de médio fiat. Et tunc revelábitur ille iníquus, quem Dóminus Iesus interfíciét spíritu oris sui, et déstruet illustratióne advéntus sui.

Tractus Ps. 79, 2-3 Qui regis Israël, inténde: qui dedúcis, velut ovem, Ioseph. *V.* Qui sedes super Chérubim, appáre coram Ephraïm, Béniamin, et Manásse. *V.* Excita, Dómine, poténtiam tuam, et veni: ut salvos fácias nos.

✠ Sequéntia sancti Evangélii secúndum Lucam

Luc. 3, 1-6

Anno quintodécimo impérii Tiberii Cæsaris, procuránte Póntio Piláto Iudæam, tetrárcha autem Galilææ Heróde, Philíppo autem fratre eius tetrárcha Iturææ, et Trachonítidis regiónis, et Lysánia Abilínæ tetrárcha, sub princípibus sacerdotum Anna et Cáipha: factum est verbum Dómini super Ioánnem, Zachariæ filium, in deserto. Et venit in omnem regióne Iordánis, prædicans baptísmum pæniténtiæ in remissióne peccatórum, sicut scriptum est in libro sermónum Isaíæ prophætæ: Vox clamántis in deserto: Paráte viam Dómini: rectas fácite sémitas eius: omnis vallis implébitur: et omnis mons, et collis humiliábitur: et erunt prava in directa, et áspera in vias planas: et vidébit omnis caro salutare Dei.

Antiphona ad Offertorium

Zach. 9, 9

Exsulta satis, filia Sion, prædica, filia Iesúsalem: ecce rex tuus venit tibi sanctus, et salvátor.

Secreta

Sacrificiis præsentibus, quæsumus, Dómine, placátus inténde: ut et devotióni nostræ proficiant, et salúti. Per Dóminum.

Antiphona ad Communionem

Ps. 18, 6-7

Exsultávit ut gigas ad curréndam viam: a summo cælo egressio eius, et occúrsus eius usque ad summum eius.

Postcommunio

Quæsumus, Dómine, Deus noster: ut sacrosáncta mystéria, quæ pro reparatiónis nostræ munimine contulisti: et præsens nobis remédium esse fácias et futúrum. Per Dóminum.

FORMA MISSÆ BREVIOR

¶ *Hæc forma adhiberi potest extra Missam conventualem et Missam in qua Ordines conferuntur.*

Antiphona ad Introitum

Ps. 79, 4 et 2

Veni, et osténde nobis faciém tuam, Dómine, qui sedes super Chérubim: et salvi érimus. **Ps. ibid., 2** Qui regis Israël, inténde: qui dedúcis, velut ovem, Ioseph. **V.** Glória Patri. **Veni.**

Post Kýrie, eléison, **dicitur:** Orémus. Flectámus génua.

Leváte.

Oratio

Deus, qui cónspicis, quia ex nostra pravitate affligimur: concéde propítius; ut ex tua visitatióne consolémur: Qui vivis.

¶ *Præcedens oratio sine* Flectámus génua sumitur ad commemorandum sabbatum Quatuor Temporum.

Léctio Isaíæ Prophétæ

Isai. 19, 20-22

In diébus illis: Clamábunt ad Dóminum a fácie tribulántis, et mittet eis salvatórem, et propugnatórem, qui liberet eos. Et cognoscétur Dóminus ab Ægýpto, et cognóscant Ægýptii Dóminum in die illa: et colent eum in hóstiis, et in muneribus: et vota vovébunt Dómino, et solvent. Et percútiet Dóminus Ægýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 18, 7 et 2 A summo cælo egressio eius: et occúrsus eius usque ad summum eius. **V.** Cæli enarrant glóriam Dei: et ópera mánuum eius annúntiat firmaméntum.

Hic dicitur Dóminus vobíscum **sine** Flectámus génua.

Orémus

Oratio

Concéde, quæsumus, omnípotens Deus: ut, qui sub peccáti iugo ex vetústa servitúte deprímimur: expectáta unigéniti Fílii tui nova nativitate liberémur: Qui tecum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses

2 Thess. 2, 1-8

Fratres: Rogámus vos per adventum Dómini nostri Iesu

Christi, et nostræ congregatiōnis in ipsum: ut non cito moveāmini a vestro sensu, neque terreāmini, neque per spīritum, neque per sermōnem, neque per epīstolam tamquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primum, et revelátus fúerit homo peccáti, filius perditiónis, qui adversátur, et extóllitur supra omne quod dicitur Deus, aut quod cólitur, ita ut in templo Dei sédeat osténdens se tamquam sit Deus. Non retinétis, quod cum adhuc essem apud vos, hæc dicébam vobis? Et nunc quid detíneat scitis, ut revelétur in suo témpore. Nam mystérium iam operátur iniquitátis: tantum ut qui tenet nunc, téneat, donec de médio fiat. Et tunc revelábitur ille iníquus, quem Dóminus Iesus interficiet spīritu oris sui, et déstruet illustratióne adventus sui.

Tractus Ps. 79, 2-3 Qui regis Israël, inténde: qui dedúcis, velut ovem, Ioseph. **V.** Qui sedes super Chérubim, appáre coram Ephraïm, Béniamin, et Manásse. **V.** Excita, Dómine, poténtiam tuam, et veni: ut salvos fácias nos.

✠ Sequéntia sancti Evangélii secúndum Lucam

Luc. 3, 1-6

Anno quintodécimo impérii Tiberii Cæsaris, procuránte Póntio Piláto Iudæam, tetrárcha autem Galilææ Heróde, Philíppo autem fratre eius tetrárcha Iturææ, et Trachonítidis regiōnis, et Lysánia Abilínæ tetrárcha, sub princípibus

sacerdótum Anna et Cáipha: factum est verbum Dómini super Ioánnem, Zachariæ filium, in deserto. Et venit in omnem regiōnem Iordánis, prædicans baptísmum pæniténtiæ in remissiōnem peccatórum, sicut scriptum est in libro sermónum Isaíæ prophétæ: Vox clamántis in deserto: Paráte viam Dómini: rectas fácite sémitas eius: omnis vallis implébitur: et omnis mons, et collis humiliábitur: et erunt prava in dirécta, et áspera in vias planas: et vidébit omnis caro salutáre Dei.

Antiphona ad Offertorium

Zach. 9, 9

Exsúlta satis, filia Sion, prædica, filia Ierúsalem: ecce rex tuus venit tibi sanctus, et salvátor.

Secreta

Sacrificiis præsentibus, quæsumus, Dómine, placátus inténde: ut et devotiōni nostræ proficiant, et salúti. Per Dóminum.

Antiphona ad Communionem

Ps. 18, 6-7

Exsultávit ut gigas ad curréndam viam: a summo cælo egréssio eius, et occúrsus eius usque ad summum eius.

Postcommunio

Quæsumus, Dómine, Deus noster: ut sacrosáncta mystéria, quæ pro reparatiōnis nostræ munimine contulisti: et præsens nobis remédiū esse fácias et futúrum. Per Dóminum.

DOMINICA QUARTA ADVENTUS

I classis

Statio ad Ss. duodecim Apostolos

Antiphona ad Introitum

Isai. 45, 8

Roráte, cæli, désuper, et nubes pluant iustum: aperiatúr terra, et gérminet Salvatórem. **Ps. 18, 2** Cæli enárrant glóriam Dei: et ópera mánuum eius annúntiat firmaméntum. **V.** Glória Patri. **Roráte.**

Oratio

Excita, quæsumus, Dómine, póntentiam tuam, et veni: et magna nobis virtúte succúrre; ut per auxílium grátiae tuæ, quod nostra peccáta præpédiunt, indulgéntia tuæ propitiatiónis accéleret: Qui vivis.

Léctio Epístolæ beáti Pauli Apóstoli ad Corínthios

1 Cor. 4, 1-5

Fratres: Sic nos exístimet homo ut minístros Christi, et dispensatóres mysteriórum Dei. Hic iam quæritur inter dispensatóres, ut fidélis quis inveniátur. Mihi autem pro mínimo est, ut a vobis iúdicer, aut ab humáno die: sed neque me ípsum iúdico. Nihil enim mihi cónscius sum: sed non in hoc iustificátus sum: qui autem iúdicat me, Dóminus est. Itaque nolíte ante tempus iudicáre, quoadúsque véniat Dóminus: qui et illuminábit abscondita tenebrárum, et manifestábit consília córdium: et tunc laus erit unicuíque a Deo.

Graduale Ps. 144, 18 et 21 Prope est Dóminus ómnibus invocántibus

eum: ómnibus qui invocant eum in veritáte. **V.** Laudem Dómini loquétur os meum: et benedícat omnis caro nomen sanctum eius.

¶ In feriis Adventus, quando per hebdomadam adhibetur Missa de dominica, non dicitur Allelúia nec versus sequens, sed tantum graduale.

Allelúia, allelúia. **V.** Veni, Dómine, et noli tardáre: reláxa facínora plebis tuæ Israël. Allelúia.

✠ Sequéntia sancti Evangélii secúndum Lucam

Luc. 3, 1-6

Anno quintodécimo impérii Tiberii Cæsaris, procuránte Póntio Piláto Iudæam, tetrárcha autem Galilææ Heróde, Philíppo autem fratre eius tetrárcha Iturææ, et Trachonítidis regiónis, et Lysánia Abilínæ tetrárcha, sub princípibus sacerdotum Anna et Cáipha: factum est verbum Dómini super Ioánnem, Zachariæ filium, in deserto. Et venit in omnem regiónem Iordánis, prædicans baptísmum pæniténtiæ in remissióne peccatórum, sicut scriptum est in libro sermónum Isaíæ prophétæ: Vox clamántis in deserto: Paráte viam Dómini: rectas fácite sémitas eius: omnis vallis implébitur: et omnis mons, et collis humiliábitur: et erunt prava in dirécta, et áspera in vias planas: et vidébit omnis caro salutáre Dei. **Credo.**

Antiphona ad Offertorium

Luc. 1, 28

Ave María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

Sacrificiis præsentibus, quæsumus, Dómine, placátus inténde:

ut et devotiōni nostrae proficiant,
et salutē. Per Dōminum.

Præfatio de Ssma Trinitate.

Antiphona ad Communionem

Isai. 7, 14

Ecce Virgo concipiet, et pariet
filiū: et vocābitur nomen eius
Emmānuel.

Postcommunio

Sumptis munēribus, quæsumus,
Dōmine: ut cum frequenta-
tiōne mystērii, crescat nostrae sa-
lutis effēctus. Per Dōminum.

¶ Si vigilia Nativitatis Domini venerit in
dominica, totum Officium Missæ fit de vigilia,
sine commemoratione dominicæ.

DIE 24 DECEMBRIS

IN VIGILIA
NATIVITATIS DOMINI

I classis

Statio ad S. Mariam maiorem

Antiphona ad Introitum

Exodi 16, 6 et 7

Hódie sciētis, quia véniet
Dōminus, et salvābit nos:
et mane vidēbitis glóriam
eius. **Ps. 23, 1** Dōmini est
terra, et plenitúdo eius: orbis ter-
rarum, et univērsi, qui hábitant in
eo. **V.** Glória Patri. **H**ódie.

Oratio

Deus, qui nos redemptiōnis no-
stræ ánnua expectatiōne læ-
tíficas: præsta; ut Unigénitum
tuum, quem Redemptórem læti
suscípimus, veniētem quoque iú-
dicem secūri videámus, Dōminum
nostrum Iesum Christum Fílium
tuum: Quitecum.

Léctio Epístolæ beāti Pauli Apó-
stoli ad Romános

Rom. 1, 1-6

Paulus, servus Iesu Christi, vo-
cátus Apóstolus, segregátus
in Evangélium Dei, quod ante pro-
miserat per prophétas suos in
Scriptúris sanctis de Fílio suo, qui
factus est ei ex sémine David se-
cúndum carnem: qui prædestinátus
est Fílius Dei in virtúte secún-
dum spíritum sanctificatiōnis ex
resurrectiōne mortuórum Iesu
Christi Dómini nostri: per quem
accépimus grátiam, et apostolá-
tum ad obediéndum fidei in ómni-
bus géntibus pro nómine eius, in
quibus estis et vos vocáti Iesu
Christi Dómini nostri.

Graduale Exodi 16, 6 et 7 Hódie
sciētis, quia véniet Dōminus, et sal-
vābit nos: et mane vidēbitis gló-
riam eius. **V. Ps. 79, 2-3** Qui regis
Israël, inténde: qui dedúcis, velut
ovem, Ioseph: qui sedes super Ché-
rubim, appáre coram Ephraïm,
Béniamin, et Manásse.

Allelúia, allelúia. **V.** Crástina die
delébitur iníquitas terræ: et regná-
bit super nos Salvátor mundi. Alle-
lúia.

Non dicitur Allelúia cum sequenti versu,
nisi hæc vigilia venerit in dominica.

✠ Sequéntia sancti Evangélii se-
cúndum Matthæum

Matth. 1, 18-21

Cum esset desponsáta mater
Iesu María Ioseph, ántequam
convenírent, invénta est in útero
habens de Spíritu Sancto. Ioseph
autem vir eius, cum esset iustus,
et nollet eam tradúcere, vóluit oc-
cúlte dimíttre eam. Hæc autem eo
cogitánte, ecce Angelus Dómini

appáruit in somnis ei, dicens: Ioseph, fili David, noli timére accíperere Mariám cóniugem tuam: quod enim in ea natum est, de Spíritu Sancto est. Páriet autem fílium, et vocábis nomen eius Iesum: ipse enim salvum fáciat pópulum suum a peccátis eórum.

¶ Si venerit in dominica, dicitur Credo.

Antiphona ad Offertorium

Ps. 23, 7

Tóllite portas, príncipes, vestras: et elevámini, portæ æternáles, et introíbit Rex glóriæ.

Secreta

Da nobis, quæsumus, omnípotens Deus: ut, sicut adoránda

Fílii tui natalítia prævenímus, sic eius múnera capiámus sempitérna gaudéntes: Qui tecum.

¶ Præfatio communis: sed si venerit in dominica, dicitur de Sma Trinitate.

Antiphona ad Communionem

Isai. 40, 5

Revelábitur glória Dómini: et vidébit omnis caro salutáre Dei nostri.

Postcommunio

Da nobis, quæsumus, Dómine: unigéniti Fílii tui recensíta nativítate respiráre; cuius cælésti mystério páscimur et potámur. Per eúndem Dóminum.



TEMPUS NATIVITATIS

DIE 25 DECEMBRIS

IN NATIVITATE DOMINI

I classis cum octava II classis

¶ In festo Nativitatis Domini quivis sacerdos tres Missas celebrare potest. De agendis, si sacerdos eodem die duas vel tres Missas celebret, vide "Ritum servandum in celebratione Missæ, Tit. XIV."

AD PRIMAM MISSAM
IN NOCTE

Statio ad S. Mariam maiorem ad Præsepe

Antiphona ad Introitum

Ps. 2, 7

Dóminus dixit ad me: Fílius meus es tu, ego hódie génui te. *Ps. ibid., 1* Quare fremuérunt gentes: et pópuli meditáti sunt inánia? *V.* Gló-
ria Patri. **D**óminus.

Oratio

Deus, qui hanc sacratíssimam noctem veri lúminis fecísti illustratióne claréscere: da, quæsumus; ut, cuius lucis mystéria in

terra cognóvimus, eius quoque gáudiis in cælo perfruámur: Qui tecum.

Léctio Epístolæ beáti Pauli Apóstoli ad Titum

Tit. 2, 11-15

Caríssime: Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et sæculária desidéria, sóbrie, et iuste, et pie vivá-
mus in hoc sæculo, expectántes beátam spem, et advéntum glóriæ

magni Dei et Salvatoris nostri Iesu Christi: qui dedit semetipsum pro nobis: ut nos redimeret ab omni iniquitate, et mundaret sibi populum acceptabilem, sectatorem bonorum operum. Hæc loquere, et exhortare: in Christo Iesu Domino nostro.

Graduale Ps. 109, 3, et 1 Tecum principium in die virtutis tuæ: in splendoribus sanctorum, ex útero ante luciferum genui te. **V.** Dixit Dominus Domino meo: Sede a dextris meis: donec ponam inimicos tuos, scabellum pedum tuorum.

Allelúia, allelúia. **V. Ps. 2, 7** Dominus dixit ad me: Filius meus es tu, ego hodie genui te. Allelúia.

✠ Sequéntia sancti Evangélíi
secúndum Lucam

Luc. 2, 1-14

In illo témpore: Exiit edíctum a Cæsare Augústo, ut describeretur univérsus orbis. Hæc descriptio prima facta est a præside Syriæ Cyríno: et ibant omnes ut profiterentur singuli in suam civitatem. Ascéndit autem et Ioseph a Galilæa de civitate Názareth, in Iudæam in civitatem David, quæ vocátur Bétlehem: eo quod esset de domo et familia David, ut profiteretur cum María desponsata sibi uxóre prægnante. Factum est autem, cum essent ibi, impléti sunt dies ut páreret. Et péperit filium suum primogénitum, et pannis eum involvit, et reclinávit eum in præsépio: quia non erat eis locus in diversório. Et pastóres erant in regione eádem vigilantes, et custodiéntes vigílias noctis super gregem suum. Et ecce Angelus Domini stetit iuxta illos, et cláritas Dei circumfúlsit illos, et timuérunt ti-

móre magno. Et dixit illis Angelus: Nolíte timére: ecce enim evangelizo vobis gáudium magnum, quod erit omni populo: quia natus est vobis hodie Salvátor, qui est Christus Dóminus, in civitate David. Et hoc vobis signum: Inveniétis infántem pannis involútum, et póstum in præsépio. Et súbito facta est cum Angelo multitúdo militiæ cælestis, laudántium Deum, et dicéntium: Glória in altíssimis Deo, et in terra pax homínibus bonæ voluntátis.

Credo, **per totam octavam.**

Antiphona ad Offertorium

Ps. 95, 11 et 13

Læténtur cæli, et exsúltet terra ante faciém Dómini: quóniam venit.

Secreta

Accépta tibi sit, Dómine, quæsumus, hodiernæ festivitátis oblátio: ut, tua grátia largiénte, per hæc sacrosáncta commércia, in illius inveniámur forma, in quo tecum est nostra substántia: Qui tecum.

¶ **Præfatio de Nativitate Domini, quæ dicitur**

1º tamquam propria in Missis de Nativitate Domini et de eiusdem octava; et

2º tamquam de Tempore, infra octavam Nativitatis Domini, etiam in Missis, quæ secus præfationem propriam haberent, exceptis iis Missis, quæ præfationem propriam de divinis mysteriis vel Personis habent; et insuper a die 2 ad 5 ianuarii in Missis, quæ non habent præfationem propriam.

¶ **Infra actionem:** Communicántes et noctem sacratíssimam celebrántes. Et dicitur cotidie usque ad octavam Nativitatis inclusive: sed in hac Missa tantum dicitur noctem, deinceps vero diem.

Antiphona ad Communionem

Ps. 109, 3

In splendoribus sanctorum, ex útero ante luciferum genui te.

Postcommunio

Da nobis, quæsumus, Dómine Deus noster: ut, qui Nativitatem Dómini nostri Iesu Christi

mystériis nos frequentare gaudemus; dignis conversatióibus ad eius mereámur pervenire consórtium: Qui tecum vivit et regnat.

AD SECUNDAM MISSAM

IN AURORA

Statio ad S. Anastasiam

Antiphona ad Introitum

Isai. 9, 2 et 6

Lux fulgēbit hódie super nos: quia natus est nobis Dóminus: et vocábitur Admirábilis, Deus, Princeps pacis, Pater futúri sæculi: cuius regni non erit finis. **Ps. 92, 1** Dóminus regnávit, decórem indútus est: indútus est Dóminus fortitúdinem, et præcínxit se. **V.** Glória Patri. **Lux.**

Oratio

Da nobis, quæsumus, omnípotens Deus: ut qui nova incarnáti Verbi tui luce perfúndimur; hoc in nostro respléndeat ópere, quod per fidem fulget in mente. Per eúndem Dóminum.

Et fit Commemoratio S. Anastasiæ Martyris, etiam in Missis in cantu.

Oratio

Da, quæsumus, omnípotens Deus: ut, qui beátæ Anastasiæ Mártyris tuæ solémnia cólimus; eius apud te patrocínia sentiámus. Per Dóminum.

Léctio Epístolæ beáti Pauli Apostoli ad Titum

Tit. 3, 4-7

Caríssime: Appáruit benígnitas et humánitas Salvatóris nostri Dei: non ex opéribus iustítiæ, quæ fécimur nos, sed secúndum

suam misericórdiam salvos nos fecit per lavácrum regeneratióis et renovatióis Spíritus Sancti, quem effúdit in nos abúnde per Iesum Christum Salvatórem nostrum: ut iustificáti grátia ipsíus, herédes simus secúndum spem vitæ æternæ: in Christo Iesu Dómino nostro.

Graduale Ps. 117, 26, 27 et 23

Benedíctus qui venit in nómine Dómini: Deus Dóminus, et illúxit nobis. **V.** A Dómino factum est istud: et est mirábile in óculis nostris.

Allelúia, allelúia. **V.** **Ps. 92, 1** Dóminus regnávit, decórem induit: induit Dóminus fortitúdinem, et præcínxit se virtúte. Allelúia.

✠ Sequéntia sancti Evangélii secúndum Lucam

Luc. 2, 15-20

In illo témpore: Pastóres loquebántur ad invicem: Transeámus usque Béthlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariam, et Ioseph, et infántem pósitum in præsépio. Vidéntes autem cognóvérunt de verbo, quod dictum erat illis de púero hoc. Et omnes, qui audiérunt, miráti sunt: et de his quæ dicta erant a pastóribus ad ipsos. María autem conservábat

omnia verba hæc, cónferens in corde suo. Et revérsi sunt pastóres glorificántes, et laudántes Deum in ómnibus quæ audierant, et vídeant, sicut dictum est ad illos. **Credo.**

Antiphona ad Offertorium

Ps. 92, 1-2

Deus firmávit orbem terræ, qui non commovébitur: paráta sedes tua, Deus, ex tunc, a sæculo tu es.

Secreta

Múnera nostra, quæsumus, Dómine, Nativitátis hodiernæ mystériis apta provéniant, et pacem nobis semper infúndant: ut, sicut homo génitus idem refúlsit et Deus, sic nobis hæc terréna substántia cónferat, quod divínus est. Per eúndem Dóminum.

Pro S. Anastasia

Secreta

Accipe, quæsumus, Dómine, múnera dignánte obláta: et beátæ Anastásiæ Mártiris

tuæ súffragántibus méritis, ad nostræ salútis auxílium proveníre concéde. Per Dóminum.

Præfatio et Communicánte, ut supra in prima Missa.

Antiphona ad Communionem

Zach. 9, 9

Exsúlta, filia Sion, lauda, filia Ierúsalem: ecce rex tuus venit sanctus, et salvátor mundi.

Postcommunio

Huius nos, Dómine, sacraménti semper nóvitas natális instáuret: cuius Natívitatis singuláris humánam répulit vetustátem. Per eúndem Dóminum.

Pro S. Anastasia Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

AD TERTIAM MISSAM

IN DIE NATIVITATIS DOMINI

Statio ad S. Mariam maiorem

Antiphona ad Introitum

Isai. 9, 6

Puer natus est nobis, et filius datus est nobis: cuius impérium super húmerum eius: et vocábitur nomen eius, magni consílii Angelus. **Ps. 97, 1** Cantáte Dómino cánticum novum, quia mirabília fecit. **V.** Glória Patri. **Puer.**

Oratio

Concéde, quæsumus, omnípotens Deus: ut nos Unigéniti tui nova per carnem Natívitatis liberet: quos

sub peccáti iugo vetústa sérvitus tenet. Per eúndem Dóminum.

Léctio Epístolæ beáti Pauli Apóstoli ad Hebræos

Heb. 1, 1-12

Multifáriam, multisque modis olim Deus loquens pátribus in prophétis: novíssime diébus istis locútus est nobis in Fílio, quem constituit heredem universórum, per quem fecit et sæcula: qui cum sit splendor glóriæ, et figúra substántiæ eius, portánsque ómnia verbo

virtútis suæ, purgationem peccatorum faciens, sedet ad dexteram maiestatis in excelsis: tanto melior Angelis effectus, quanto differentius præ illis nomen hereditavit. Cui enim dixit aliquando Angelorum: Filius meus es tu, ego hodie genui te? Et rursum: Ego ero illi in patrem, et ipse erit mihi in filium? Et cum iterum introducit primogenitum in orbem terræ, dicit: Et adorent eum omnes Angeli Dei. Et ad Angelos quidem dicit: Qui facit Angelos suos spiritus, et ministros suos flammam ignis. Ad Filium autem: Thronus tuus, Deus, in sæculum sæculi: virga æquitatis, virga regni tui. Dilexisti iustitiam, et odisti iniquitatem: propterea unxit te Deus, Deus tuus, oleo exultationis præ participibus tuis. Et: Tu in principio, Domine, terram fundasti: et opera manuum tuarum sunt cæli. Ipsi peribunt, tu autem permanebis, et omnes ut vestimentum veterascent: et velut amictum mutabis eos, et mutabuntur; tu autem idem ipse es, et anni tui non deficient.

Graduale Ps. 97, 3 et 2 Vidérunt omnes fines terræ salutare Dei nostri: iubiláte Deo, omnis terra. **V.** Notum fecit Dominus salutare suum: ante conspectum gentium revelavit iustitiam suam.

Allelúia, allelúia. **V.** Dies sanctificátus illúxit nobis: veníte, gentes, et adoráte Dominum: quia hódie descendit lux magna super terram. Allelúia.

✠ **Inítium sancti Evangelíi secundum Ioánnem**

Ioann. 1, 1-14

In principio erat Verbum, et Verbum erat apud Deum, et Deus

erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hominum: et lux in tenebris lucet, et tenebræ eam non comprehendérunt. Fuit homo missus a Deo, cui nomen erat Ioánnes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illúminat omnem hominem venientem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestatem filios Dei fieri, his, qui credunt in nómine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt. **(Hic genuflectitur)** Et Verbum caro factum est, et habitavit in nobis: et vídimus glóriam eius, glóriam quasi Unigéniti a Patre, plenum gratiæ et veritátis. **Credo.**

Antiphona ad Offertorium

Ps. 88, 12 et 15

Tui sunt cæli, et tua est terra: orbem terrarum, et plenitudinem eius tu fundasti: iustitia et iudicium præparatio sedis tuæ.

Secreta

Obláta, Domine, múnera, nova Unigéniti tui Nativitáte sanctifica: nosque a peccatorum nostrorum máculis emúnda. Per eúndem Dominum.

Præfatio et Communicantes, ut supra in prima Missa.

Antiphona ad Communionem

Ps. 97, 3

Vidérunt omnes fines terræ salutare Dei nostri.

Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor: Qui tecum.

¶ In fine huius Missæ non dicitur ultimum evangelium.

¶ Si qua, infra octavam Nativitatis Domini, dicenda sit Missa votiva de Christo Domino, sumitur Missa Puer natus est nobis, quæ habetur infra, post diem 28 decembris 29.

**DOMINICA
INFRA OCTAVAM NATIVITATIS
DOMINI**

II classis

Antiphona ad Introitum

Sap. 18, 14-15

Dum médium siléntium tenérunt ómnia, et nox in suo cursu médium iter habéret, omnipotens sermo tuus, Dómine, de cælis a regálibus sédibus venit. **Ps. 92, 1** Dóminus regnávít, decórem indútus est: indútus est Dóminus fortitúdinem, et præcínxit se. **V. Glória Patri. Dum.**

Oratio

Omnipotens sempitérne Deus, dirige actus nostros in beneplácito tuo: ut in nómine dilécti Fílii tui mereámur bonis opéribus abundáre: Qui tecum.

Et fit commemoratio occurrentis festi II classis, iuxta rubricas, non vero octavæ.

Léctio Epístolæ beáti Pauli Apóstoli ad Gálatas

Gal. 4, 1-7

Fratres: Quanto témpore heres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre: ita et nos cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiónem filiórum recipe-rémus. Quóniam autem estis fílii, misit Deus Spíritum Fílii sui in corda vestra, clamántem: Abba, Pater. Itaque iam non est servus, sed fílius: quod si fílius, et heres per Deum.

Graduale Ps. 44, 3 et 2 Speciósus forma præ filiis hóminum: diffúsa est grátia in lábiis tuis. **V.** Eructávit cor meum verbum bonum, dico ego ópera mea regi: lingua mea cá-lamus scribæ, velóciter scribéntis.

Allelúia, allelúia. **V. Ps. 92, 1** Dóminus regnávít, decórem induit: induit Dóminus fortitúdinem, et præcínxit se virtúte. Allelúia.

✠ Sequéntia sancti Evangélíi secúndum Lucam

Luc. 2, 33-40

In illo témpore: Erat Ioseph et María mater Iesu, mirántes super his quæ dicebántur de illo. Et benedíxit illis Símeon, et dixit ad Mariám matrem eius: Ecce pósitus est hic in ruínam, et in resurrecciónem multórum in Israél: et in signum cui contradicétur: et tuam ipsíus ánimam pertransíbit glá-dius, ut reveléntur ex multis córdibus cogitatiónes. Et erat Anna pro-

phetissa, filia Phánuel, de tribu Aser: hæc procésserat in diébus multis, et víxerat cum viro suo annis septem a virginitate sua. Et hæc vídua usque ad annos octogínta quátuor: quæ non discedébat de templo, ieiúniis et obsecrationibus sérvians nocte ac die. Et hæc, ipsa hora superveniens, confitebátur Dómino, et loquebátur de illo ómnibus, qui exspectábant redemptionem Israël. Et ut perfecérunt ómnia secúndum legem Dómini, reversi sunt in Galilæam in civitatem suam Názareth. Puer autem crescebat, et confortabátur, plenus sapientia: et grátia Dei erat in illo.

Credo.

Antiphona ad Offertorium

Ps. 92, 1-2

Deus firmávit orbem terræ, qui non commovébitur: paráta sedes tua, Deus, ex tunc, a sæculo tu es.

Secreta

Concède, quæsumus, omnípotens Deus: ut óculis tuæ maiestátis munus oblátum, et grátiam nobis piæ devotiónis obtíneat, et efféctum beátæ perennitátis acquírat. Per Dóminum.

Præfatio et Communicantes de Nativitate Domini.

Antiphona ad Communionem

Matth. 2, 20

Tolle púerum, et matrem eius, et vade in terram Israël: defúnti sunt enim, qui quærébant ánimam púeri.

Postcommunio

Per huius, Dómine, operatióne mystérii, et vítia nostra purgéntur, et iusta desidéria compleántur. Per Dóminum.

DIE 26 DECEMBRIS

II dies infra octavam
Nativitatis Domini

SANCTI STEPHANI PROTOMARTYRIS

II classis

Statio ad S. Stephanum in Cælio monte

Antiphona ad Introitum

Ps. 118, 23, 86 et 23

Sedérunt príncipes, et advérsus me loquebántur: et iníqui persecúti sunt me: ádiuva me, Dómine Deus meus, quia servus tuus exercebátur in tuis iustificatió nibus. **Ps. ibid., 1** Beáti immaculáti in via, qui ámbulant in lege Dómini. **V.** Glória Patri. **Sedérunt.**

Oratio

Da nobis, quæsumus, Dómine, imitári quod cólimus; ut discámus et inimícos dilígere; quia eius natalítia celebrámus, qui novit étiam pro persecutóribus exoráre Dóminum nostrum Iesum Christum Fílium tuum: Qui tecum.

Et fit commemoratio octavæ Nativitatis Domini:

Oratio

Concède, quæsumus, omnípotens Deus: ut nos Unigéniti tui nova per carnem Nativitas liberet: quos sub peccáti iugo vetústa sérvitus tenet. Per eúndem Dóminum.

Léctio Actuum Apostolórum

Act. 6, 8-10, 7, 54-59

In diébus illis: Stéphanus, plenus grátia et fortitúdine, faciébat prodígia et signa magna in pópulo.

Surrexérunt autem quidam de synagoga, quæ appellatur Libertinorum, et Cyrenensium, et Alexandrinorum, et eorum, qui erant a Cilicia, et Asia, disputantes cum Stéphano: et non póterant resistere sapiéntiæ et Spíritui, qui loquebatur. Audiéntes autem hæc, dissecebántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in cælum, vidit glóriam Dei, et Iesum stantem a dextris Dei. Et ait: Ecce vídeo cælos apértos, et Fílium hóminis stantem a dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et eiiciéntes eum extra civitátem, lapidábant: et testes deposuérunt vestiménta sua secus pedes adolescentis, qui vocabátur Saulus. Et lapidábant Stéphánum invocántem, et dicéntem: Dómine Iesu, súscipe spíritum meum. Pósitis autem génibus clamávit voce magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale Ps. 118, 23 et 86; 6, 5 Sedérunt príncipes, et advérsus me loquebántur: et iníqui persecúti sunt me. **V.** Adiuva me, Dómine Deus meus: salvum me fac propter misericórdiam tuam.

Allelúia, allelúia. **V. Act. 7, 56.** Vídeo cælos apértos, et Iesum stantem a dextris virtútis Dei. Allelúia.

¶ **In Missis votivis post Septuagesimam, omissis Allelúia, et versu sequenti dicitur:**

Tractus Ps. 20, 3-4 Desidérium ánimæ eius tribuísti ei: et voluntáte labiów eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti

in cápite eius corónam de lápide pretióso.

¶ **Tempore autem paschali omittitur graduale, et eius loco dicitur:**

Allelúia, allelúia. **V. Act. 7, 56** Vídeo cælos apértos, et Iesum stantem a dextris virtútis Dei. Allelúia. **V. Ps. 20, 4** Posuísti, Dómine, super caput eius corónam de lápide pretióso. Allelúia.

✠ **Sequéntia sancti Evangélii secúndum Matthæum**

Matth. 23, 34-39

In illo témpore: Dicébat Iesus scribis et pharisæis: Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persecuémini de civitáte in civitátem: ut véniat super vos omnis sanguis iustus, qui effúsus est super terram, a ságuine Abel iusti usque ad ságuinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Ierúsalem, Ierúsalem, quæ occidis prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedíctus qui venit in nómine Dómini.

Credo, ratione octavæ Nativitatis Domini.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium

Act. 6, 5 et 7, 59

Elegérunt Apóstoli Stéphánum

Levítam, plenum fide et Spíritu Sancto: quem lapidavérunt Iudæi orántem, et dicéntem: Dómine Iesu, áccipe spíritum meum, allelúia.

Secreta

Súscipe, Dómine, múnera pro tuórum commemoratióne Sanctórum: ut, sicut illos pássio gloriósos effécit; ita nos devótio reddat innócuos. Per Dóminum.

Pro octava Nativitatis Domini Secreta

Obláta, Dómine, múnera, nova Unigéniti tui Nativitate sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Antiphona ad Communionem

Act. 7, 55, 58 et 59

Vídeo cælos apértos, et Iesum stantem a dextris virtútis Dei: Dómine Iesu, áccipe spíritum meum, et ne státuas illis hoc peccátum.

Postcommunio

Auxiliéntur nobis, Dómine, sumpta mystéria: et, intercedénte beáto Stéphanó Mártire tuo, sempitérna protectióne confirment. Per Dóminum.

Pro octava Nativitatis Domini Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum.

DIE 27 DECEMBRIS

III dies infra octavam
Nativitatis Domini

SANCTI IOANNIS APOSTOLI ET EVANGELISTÆ

II classis

Statio ad S. Mariam maiorem

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ, et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Ecclésiám tuam, Dómine, benígnus illústra: ut beáti Ioánnis Apóstoli tui et Evangelístæ illumináta doctrínis, ad dona pervéniant sempitérna. Per Dóminum.

Et fit commemoratio octavæ Nativitatis Domini:

Oratio

Concéde, quæsumus, omnipotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Léctio libri Sapiéntiæ

Eccli. 15, 1-6

Qui timet Deum, fáciet bona: et qui cóntinens est iustítiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aqua sapiéntiæ salutáris potábit illum: et firmábitur in illo, et non

flectétur: et continébit illum, et non confundétur: et exaltábit illum apud próximos suos, et in médio ecclésiæ apériet os eius, et adimplébit illum spíritu sapiéntiæ et intellectus, et stola glóriæ véstiet illum. Iucunditátem et exsultatiónem thesaurizábit super illum, et nómine ætérno hereditábit illum, Dóminus Deus noster.

Graduale Ioann. 21, 23 et 19 Exiit sermo inter fratres, quod discipulus ille non móritur: et non dixit Iesus: Non móritur. **℣.** Sed: Sic eum volo manére, donec véniam: tu me séquere.

Allelúia, allelúia. **℣. Ibid., 24** Hic est discipulus ille, qui testimónium pérhibet de his: et scimus, quia verum est testimónium eius. Allelúia.

¶ **In Missis votivis post Septuagesimam, omíssis Allelúia et versu sequenti, dicitur:**

Tractus Ps. 111, 1-3 Beátus vir, qui timet Dóminum: in mandátis eius cupit nimis. **℣.** Potens in terra erit semen eius: generátio rectórum benedicétur. **℣.** Glória et divítiæ in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **℣. Ioann. 21, 24** Hic est discipulus ille, qui testimónium pérhibet de his: et scimus, quia verum est testimónium eius. Allelúia. **℣. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélii secúndum Ioánnem

Ioann. 21, 19-24

In illo témpore: Dixit Iesus Petro: Séquere me. Convérsus Petrus

vidit illum discipulum, quem diligébat Iesus, sequéntem, qui et recúbuit in cena super pectus eius, et dixit: Dómine, quis est qui tradet te? Hunc ergo cum vidísset Petrus, dixit Iesu: Dómine, hic autem quid? Dicit ei Iesus: Sic eum volo manére, donec véniam, quid ad te? tu me séquere. Exiit ergo sermo iste inter fratres, quia discipulus ille non móritur. Et non dixit ei Iesus: Non móritur; sed: Sic eum volo manére, donec véniam: quid ad te? Hic est discipulus ille, qui testimónium pérhibet de his, et scripsit hæc: et scimus, quia verum est testimónium eius. **Credo.**

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Súscipe, Dómine, múnera, quæ in eius tibi solemnitáte deférimus, cuius nos confidimus patrocínio liberári. Per Dóminum.

Pro octava Nativitatis Domini Secreta

Obláta, Dómine, múnera, nova Unigéniti tui Nativitáte sanctíficat: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

In Missis votivis, præfatio de Apostolis.

Antiphona ad Communionem

Ioann. 21, 23

Exiit sermo inter fratres, quod discipulus ille non móritur: et non dixit Iesus: Non móritur; sed: Sic eum volo manére, donec véniam.

Postcommunio

Refécti cibo potúque cælésti, Deus noster, te súpplīces deprecámur: ut, in cuius hæc commemoratióne percépimus, eius muniámur et précibus. Per Dóminum.

Pro octava Nativitatis Domini
Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor: ita et immortalitátis sit ipse largitor: Qui tecum.

DIE 28 DECEMBRIS

IV dies infra octavam
Nativitatis Domini

SS. INNOCENTII MM.

II classis

Statio ad S. Paulum

Antiphona ad Introitum

Ps. 8, 3

Ex ore infántium, Deus, et lacténtium perfecísti laudem propter inimícos tuos.

Ps. ibid., 2 Dómine Dóminus noster: quam admirábile est nomen tuum in univérſa terra! **Ÿ.** Glória Patri. **Ex ore.**

Oratio

Deus, cuius hodiérna die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam mórībus vita fateátur. Per Dóminum.

Et fit commemoratio octavæ Nativitatis Domini:

Oratio

Concède, quæsumus, omnipotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Léctio libri Apocalypsis beáti
Ioánnis Apóstoli

Apoc. 14, 1-5

In diébus illis: Vidi supra montem Sion Agnum stantem, et cum eo centum quadraginta quattuor millia, habentes nomen eius, et nomen Patris eius scriptum in fróntibus suis. Et audívi vocem de cælo, tamquam vocem aquárum multárum, et tamquam vocem tonítrui magni: et vocem, quam audívi, sicut citharcedórum citharizántium in cítharis suis. Et cantábant quasi cánticum novum ante sedem, et ante quattuor animália, et senióres: et nemo póterat dícere cánticum, nisi illa centum quadraginta quattuor millia, qui empti sunt de terra. Hi sunt, qui cum muliéribus non sunt coínquináti: vírgines enim sunt. Hi sequúntur Agnum, quocúmque íerit. Hi empti sunt ex homínibus primítiae Deo, et Agno: et in ore eórum non est invéntum mendácium: sine mácula enim sunt ante thronum Dei.

Graduale Ps. 123, 7-8 Anima nostra, sicut passer, erépta est de láqueo venántium. **Ÿ.** Láqueus contrítus est, et nos liberáti sumus. Adiutórium nostrum in nómine Dómini, qui fecit cælum et terram.

Allelúia, allelúia. **Ÿ. Ps. 112, 1** Laudáte, púeri, Dóminum, laudáte nomen Dómini. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 78, 3 et 10 Effuderunt sánguinem sanctórum, velut aquam, in circúitu Ierúsalem. **℣.** Et non erat qui sepe-
liret. **℣.** Vindica, Dómine, sánguinem sanctórum tuórum, qui effúsus est super terram.

Tempore autem paschali omittitur gradale, et eius loco dicitur:

Allelúia, allelúia. **℣. Ps. 112, 1** Laudáte, púeri, Dóminum, laudáte nomen Dómini. Allelúia. **℣. Eccli. 39, 19** Sancti tui, Dómine, florébunt sicut lílium, et sicut odor bálsami erunt ante te. Allelúia.

✠ Sequéntia sancti Evangélii secúndum Matthæum

Matth. 2, 13-18

In illo témpore: Angelus Dómini appáruit in somnis Ioseph, dicens: Surge, et áccipe púerum, et matrem eius, et fuge in Ægýptum, et esto ibi usque dum dicam tibi. Futúrum est enim, ut Heródes quærat púerum ad perdéndum eum. Qui consúrgens accépit púerum, et matrem eius nocte, et secéssit in Ægýptum: et erat ibi usque ad óbitum Heródis: ut adimplerétur quod dictum est a Dómino per Prophétam dicéntem: Ex Ægýpto vocávi Fílium meum. Tunc Heródes videns quóniam illúsus esset a Magis, irátus est valde, et mittens occídit omnes púeros, qui erant in Béthlehem, et in ómnibus finibus eius, a bimátu et infra, secúndum tempus quod exquisíerat a Magis. Tunc adimplétum est quod dictum est per Ieremíam prophétam dicéntem:

Vox in Rama audíta est, plorátus, et ululátus multus: Rachel plorans filios suos, et nóluit consolári, quia non sunt.

Credo, ratione octavæ Nativitatis Domini.

Antiphona ad Offertorium

Ps. 123, 7

Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Sanctórum tuórum, Dómine, nobis pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Pro octava Nativitatis Domini Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate Domini, ratione octavæ.

Antiphona ad Communionem

Matth. 2, 18

Vox in Rama audíta est, plorátus, et ululátus: Rachel plorans filios suos, et nóluit consolári, quia non sunt.

Postcommunio

Votíva, Dómine, dona percépi-mus: quæ Sanctórum nobis précibus, et præsentis, quæsumus, vitæ páriter et æternæ tríbue conférre subsidium. Per Dóminum.

Pro octava Nativitatis Domini
Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum.

DIEBUS INFRA OCTAVAM
NATIVITATIS DOMINI

II classis

Antiphona ad Introitum

Isai. 9, 6

Puer natus est nobis, et filius datus est nobis: cuius impérium super húmerum eius: et vocábitur nomen eius, magni consílii Angelus. **Ps. 97, 1** Cantáte Dómino cánticum novum: quia mirabília fecit. **V.** Glória Patri. **Puer.**

Oratio

Concède, quæsumus, omnípotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Lectio Epístolæ beáti Pauli Apóstoli ad Titum

Tit. 3, 4-7

Caríssime: Appáruit benígnitas et humánitas Salvatóris nostri Dei: non ex opéribus iustítiæ, quæ fécimus nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit in nos abúnde per Iesum Christum Salvatórem nostrum: ut iustificáti grátia ipsíus, herédes simus secúndum spem vitæ æternæ: in Christo Iesu Dómino nostro.

Graduale Ps. 97, 3-4 et 2 Vidérunt

omnes fines terræ salutáre Dei nostri: iubiláte Deo, omnis terra. **V.** Notum fecit Dóminus salutáre suum: ante conspéctum géntium revelávit iustítiam suam.

Allelúia, allelúia. **V.** Dies sanctificátus illúxit nobis: veníte, gentes, et adoráte Dóminum: quia hódie descéndit lux magna super terram. Allelúia.

✠ Sequéntia sancti Evangélii secúndum Lucam

Luc. 2, 15-20

In illo témpore: Pastóres loquebántur ad invicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariám, et Ioseph, et infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes, et laudántes Deum in ómnibus, quæ audierant, et viderant, sicut dictum est ad illos. **Credo.**

Antiphona ad Offertorium

Ps. 88, 12 et 15

Tui sunt cæli, et tua est terra: orbem terrárum, et plenitúdinem eius tu fundásti: iustítia et iudícum præparátio sedis tuæ.

Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate Domini.

Antiphona ad Communionem

Ps. 97, 3

Vidérunt omnes fines terræ salutare Dei nostri.

Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor: Qui tecum.

DIE 29 DECEMBRIS

DE V DIE INFRA OCTAVAM
NATIVITATIS DOMINI

II classis

Missa Puer natus est nobis, ut supra 29. Et fit commemoratio S. Thomæ Ep. et Mart. e Missa sequenti.

EODEM DIE 29 DECEMBRIS

Pro commemoratione

S. THOMÆ EP. ET MART.

Ubi festum S. Thomæ Ep. et Mart. celebratur gradu I classis, dicitur sequens Missa.

Antiphona ad Introitum

Gaudeamus omnes in Dómino, diem festum celebrantes sub honóre beáti Thomæ Mátyris: de cuius passióne gaudent Angeli, et collaudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **℣.** Glória Patri. Gaudeamus.

Oratio

Deus, pro cuius Ecclésia gloriósus Póntifex Thomas gládiis impiórum occúbuit: præsta, quæsumus; ut omnes, qui eius impló-

rant auxílium, petitiónis suæ salutárem consequántur efféctum. Per Dóminum.

Et fit commemoratio octavæ Nativitatis Domini:

Oratio

Concède, quæsumus, omnipotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Léctio Epístolæ beáti Pauli Apóstoli
ad Hebræos

Hebr. 5, 1-6

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum: ut ófferat dona, et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et propterea debet quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie genui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech.

Graduale Eccli. 44, 16 Ecce sacérdos magnus, qui in diébus suis plácuít Deo. **℣. Ibid., 20,** Non est invéntus símilis illi, qui conserváret legem Excélsi.

Allelúia, allelúia. **℣. Ioann. 10, 14** Ego sum pastor bonus: et cognóscó oves meas, et cognóscunt me meæ. Allelúia.

✠ Sequéntia sancti Evangélíi secúndum Ioánnem

Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cuius non sunt oves propriæ, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor. **Credo.**

In Missis votivis post Septuagesimam in fine sequentis antiphonæ Allelúia omititur.

Antiphona ad Offertorium

Ps. 20, 4-5

Posuísti, Dómine, in cápíte eius corónam de lápide pretióso: vitam pétiit a te, et tribuísti ei, allelúia.

Secreta

Múnera tibi, Dómine, dicáta sanctífica: et intercedénte beáto Thoma Mártire tuo atque Pontífice, per éadem nos placátus inténde. Per Dóminum.

Pro octava Nativitatis Domini
Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Antiphona ad Communionem

Ioann. 10, 14

Ego sum pastor bonus: et cognósco oves meas, et cognóscunt me meæ.

Postcommunio

Hæc nos commúnio, Dómine, purget a crimine: et, intercedénte beáto Thoma Mártire tuo atque Pontífice, cæléstis remédii fáciat esse consórtes. Per Dóminum.

Pro octava Nativitatis Domini
Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum.

¶ Pro votiva dicitur Missa ut supra, sed antiphona ad Introitum, et post Septuagesimam etiam tractus, sumuntur ex Missa Státuit, de Comuni unius Martyris 1º loco (4); tempore autem paschali antiphona ad Introitum item sumitur ex Missa Protexisti, de Comuni Martyrum 1º loco (16), et post Epistolam, omisso graduáli, dicitur:

Allelúia, allelúia. **V. Ioann. 10, 14** Ego sum pastor bonus: et cognósco oves meas, et cognóscunt me meæ. Allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia.

DIE 30 DECEMBRIS

DE VI DIE
INFRA OCTAVAM
NATIVITATIS DOMINI

II classis

Missa Puer natus est nobis, **ut supra** 29.

DIE 31 DECEMBRIS

DE VII DIE INFRA OCTAVAM
NATIVITATIS DOMINI

II classis

Missa Puer natus est nobis *ut supra* 29.
Et fit commemoratio S. Silvestri I, Papæ
et Conf. e Missa sequenti.

EODEM DIE 31 DECEMBRIS

Pro commemoratione

S. SILVESTRI I
PAPÆ ET CONFESSORIS

Ubi festum S. Silvestri I Papæ et Conf. celebratur gradu I classis, dicitur Missa Si diligis me, de Comuni unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Silvétrum Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Et fit commemoratio octavæ Nativitatis Domini:

Oratio

Concède, quæsumus, omnipotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Et dicitur Credo.

Secreta

C1

Oblátis munéribus, quæsumus Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro octava Nativitatis Domini
Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

Pro octava Nativitatis Domini
Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum.

IN OCTAVA NATIVITATIS DOMINI

I classis

Statio ad S. Mariam trans Tiberim

Antiphona ad Introitum

Isai. 9, 6

Puer natus est nobis, et filius
datus est nobis: cuius impé-
rium super húmerum eius:
et vocábitur nomen eius,
magni consílii Angelus. **Ps. 97, 1**
Cantáte Dómino cánticum novum:
quia mirabília fecit. **V.** Glória Patri.
Puer.

Oratio

Deus, qui salútis aetérnae, beátæ
Mariæ virginitáte fecúnda,
humáno géneri præmia præstitísti:
tribue, quæsumus; ut ipsam pro no-
bis intercédere sentiámus, per
quam merúimus auctórem vitæ
suscípere, Dóminum nostrum Iesum
Christum Fílium tuum: Qui tecum.

Lectio Epístolæ beáti Pauli Apóstoli
ad Titum

Tit. 2, 11-15

Caríssime: Appáruit grátia Dei
Salvatóris nostri ómnibus ho-
mínibus, erúdiens nos, ut abnegán-
tes impietátem, et sæculária desidé-
ria, sóbrie, et iuste, et pie vivámus
in hoc sæculo, exspectántes beátam
spem, et advéntum glóriæ magni
Dei et Salvatóris nostri Iesu Christi:
qui dedit semetípsum pro nobis: ut
nos redímeret ab omni iniquitáte, et
mundáret sibi pópulum acceptábi-

lem, sectatórem bonórum óperum.
Hæc lóquere, et exhortáre: in
Christo Iesu Dómino nostro.

Graduale Ps. 97, 3-4 et 2 Vidérunt
omnes fines terræ salutáre Dei no-
stri; iubiláte Deo omnis terra.
V. Notum fecit Dóminus salutáre
suum: ante conspéctum géntium
revelávit iustítiam suam.

Allelúia, allelúia. **V. Hebr. 1, 1-2**
Multifárie olim Deus loquens pátri-
bus in prophétis, novíssime diébus
istis locútus est nobis in Fílio. Alle-
lúia.

✠ Sequéntia sancti Evangélíi se-
cúndum Lucam

Luc. 2, 21

In illo témpore: Postquam con-
summáti sunt dies octo, ut cir-
cumciderétur puer: vocátum est
nomen eius Iesus, quod vocátum
est ab Angelo priúsquam in útero
conciperétur. **Credo.**

Antiphona ad Offertorium

Ps. 88, 12 et 15

Tui sunt cæli, et tua est terra:
orbem terrárum, et plenitúdinem
eius tu fundásti: iustítia et iudícium
præparátio sedis tuæ.

Secreta

Munéribus nostris, quæsumus, Dómine, precibúsque suscep-tis: et cæléstibus nos munda mystériis, et cleménter exáudi. Per Dóminum.

Præfatio et Communicantes de Nativitate.

Antiphona ad Communionem

Ps. 97, 3

Vidérunt omnes fines terræ salu-táre Dei nostri.

Postcommunio

Hæc nos commúnio, Dómine, purget a crimine: et, intercedénte beáta Vírgine Dei Gene-tríce María cæléstis remédii fáciat esse consórtes. Per eúndem Dó-minum.

¶ De dominica, si occurrat a die 2 ad diem 5 ianuarii, nihil fit; eius locum tenet festum Ssmi Nominis Iesu, cum omnibus iuribus et privilegiis dominicæ.

Diebus ferialibus a 2 ad 5 ianuarii Missa dicitur ut die 1 ianuarii, cum Glória et præ-fatione de Nativitate, sine Credo et Com-municantes proprio.

DOMINICA A DIE 2 AD DIEM 5 IANUARI

OCCURRENTI VEL, SI HÆC DEFECERIT, DIE 2 IANUARI

SANCTISSIMI NOMINIS IESU

II classis

Antiphona ad Introitum

Phil. 2, 10-11

In nómine Iesu omne genu fle-ctátur, cæléstium, terréstrium, et infernórum: et omnis lin-gua confiteátur: quia Dóminus Iesu Christus in glória est Dei Patris. **Ps. 8, 2** Dómine Dóminus noster, quam admirábile est nomen tuum in univérsta terra! **V.** Glória Patri. **In nómine.**

Oratio

Deus, qui unigénitum Fílium tu-um constituísti humáni gé-neris Salvatórem, et Iesum vocári iussísti: concéde propítius; ut, cuius sanctum nomen venerámur in terris, eius quoque aspéctu per-fruámur in cælis. Per eúndem Dó-minum.

Léctio Actuum Apostolorum

Act. 4, 8-12

In diébus illis: Petrus replétus Spíritu Sancto, dixit: Príncipes pópuli, et senióres audíte: Si nos hódie diiudicámur in benefácto hó-minis infirmi, in quo iste salvus factus est, notum sit ómnibus vo-bis, et omni plebi Israél: quia in nómine Dómini nostri Iesu Christi Nazaréni, quem vos crucifixístis, quem Deus suscitávit a mórtuis, in hoc iste astat coram vobis sanus. Hic est lapis, qui reprobátus est a vobis ædificántibus: qui factus est in caput ánguli: et non est in álio áliquo salus. Nec enim áliud nomen est sub cælo datum homínibus, in quo opórteat nos salvos fieri.

Graduale Ps. 105, 47 Salvos fac

nos, Dómine Deus noster, et cóngrega nos de natió nibus: ut confiteámur nómini sancto tuo, et gloriémur in glória tua. **V. Isai. 63, 16** Tu, Dómine, pater noster, et redemptor noster: a sáeculo nomen tuum.

Allelúia, allelúia. **V. Ps. 144, 21** Laudem Dómini loquétur os meum, et benedícat omnis caro nomen sanctum eius. Allelúia.

¶ **In Missis votivis post Septuagesimam omissis Allelúia, et versu sequenti, dicitur:**

Tractus Ps. 79, 20 et Cant. 2, 14 Dómine Deus virtútum, converte nos: et osténde fáciem tuam, et salvi érimus: sonet vox tua in áuribus meis. Vox enim tua dulcis, et fácies tua decóra nimis. **V. Cant. 1, 2** Oleum effúsum nomen tuum, Iesu: ideo adolescéntulæ dilexérunt te.

Tempore autem paschali, omittitur graduale et eius loco dicitur:

Allelúia, allelúia. **V. Ps. 144, 21** Laudem Dómini loquétur os meum, et benedícat omnis caro nomen sanctum eius. Allelúia. **V. Ibid., 1** Exaltábo te, Deus meus Rex: et benedícam nómini sancto tuo, Iesu, in sáeculum, et in sáeculum sáeculi. Allelúia.

✠ Sequéntia sancti Evangélii secúndum Lucam

Luc. 2, 21

In illo témpore: Postquam consummáti sunt dies octo, ut circumciderétur puer: vocátum est nomen eius Iesus, quod vocátum est ab Angelo priúsqvam in útero conciperétur. **Credo.**

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium

Ps. 85, 12 et 15

Confitébor tibi, Dómine Deus meus, in toto corde meo, et glorificábo nomen tuum in ætérnum: quóniam tu, Dómine, suávis et mitis es: et multæ misericórdiæ ómnibus invocántibus te, allelúia.

Secreta

Benedíctio tua, clementíssime Deus, qua omnis viget creatúra, sanctíficet, quæsumus, hoc sacrificium nostrum, quod ad glóriam nóminis Fílii tui, Dómini nostri Iesu Christi, offérimus tibi: ut maiestáti tuæ placére possit ad laudem, et nobis proficere ad salutem. Per eúndem Dóminum.

Præfatio de Nativitate, ratione temporis.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Communionem

Ps. 85, 9-10

Omnes gentes quascúmque fecísti, vénient, et adorábunt coram te, Dómine, et glorificábunt nomen tuum: quóniam magnus es tu, et fáciens mirabília: tu es Deus solus. Allelúia.

Postcommunio

Omnípotens ætérne Deus, qui creásti et redemísti nos, respice propítius vota nostra: et sacrificium salutáris hóstiæ, quod in honórem nóminis Fílii tui, Dómini nostri Iesu Christi, maiestáti tuæ obtúlimus, plácido et benígno vultu suscípere dignéris; ut grátia tua nobis infúsa, sub glorióso nómine Iesu, ætérnæ prædestinatiónis título gaudeámus nómina nostra scripta esse in cælis. Per eúndem Dóminum.

DIE 5 IANUARI

S. TELESPHORI
PAPÆ ET MARTYRIS

Commemoratio

Missa Si diligis me, de **Communi unius aut plurium Summorum Pontificum** (2).

Oratio

C1

Gregem tuum, Pastor ætérne, placátus inténde: et per beátum Telésphorum Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

venerit tibi. Inundatio camelorum operiet te, dromedarii Mádian et Ephra: omnes de Saba venient, aurum et thus deferentes, et laudem Dómino annuntiántes.

Graduale Ibid., 6 et 1 Omnes de Saba venient, aurum et thus deferentes, et laudem Dómino annuntiántes. **V.** Surge, et illumináre Ierúsalem: quia glória Dómini super te orta est.

Allelúia, allelúia. **V. Matth. 2, 2** Vidimus stellam eius in Oriénte, et vénimus cum munéribus adoráre Dóminum. Allelúia.

✠ Sequéntia sancti Evangélii secúndum Mattháeum.

Matth. 2, 1-12

Cum natus esset Iesus in Béthlehem Iuda in diébus Heródis regis, ecce Magi ab Oriénte venerunt Ierosólymam, dicéntes: Ubi est qui natus est rex Iudæórum? Vídimus enim stellam eius in Oriénte, et vénimus adoráre eum. Audiens autem Heródes rex, turbátus est, et omnis Ierosólyma cum illo. Et cóngregans omnes príncipes sacerdotum, et scribas pópuli, sciscitabátur ab eis, ubi Christus nascerétur. At illi dixerunt ei: In Béthlehem Iudæ: sic enim scriptum est per Prophétam: Et tu, Béthlehem terra Iuda, nequáquam mínima es in princípibus Iuda: ex te enim éxiet dux, qui regat pópulum meum Israél. Tunc Heródes, clam vocátis Magis, diligénter dídicit ab eis tempus stellæ, quæ apparuit eis: et mittens illos in Béthlehem, dixit: Ite, et interrogáte diligénter de púero: et cum invenéritis, renuntiáte mihi, ut et ego véniens adórem eum. Qui cum audissent regem, abiérunt. Et ecce stella, quam víde-

rant in Oriénte, antecedébat eos, usque dum véniens, staret supra, ubi erat puer. Vidéntes autem stellam, gavísi sunt gáudio magno valde. Et intrántes domum, invenérunt púerum cum María matre eius, **(hic genuflectitur)** et procidéntes adoravérunt eum. Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis ne redírent ad Heródem, per áliam viam revérsi sunt in regiónem suam.

Credo.

Antiphona ad Offertorium

Ps. 71, 10-11

Reges Tharsis, et ínsulæ múnera offerent: reges Arabum et Saba dona addúcent: et adorábunt eum omnes reges terræ, omnes gentes sérvient ei.

Secreta

Ecclésiæ tuæ, quæsumus, Dómine, dona propítius intuére: quibus non iam aurum, thus, et myrrha profértur; sed quod eisdem munéribus declarátur, immolátur et súmitur, Iesus Christus Fílius tuus Dóminus noster: Qui tecum.

¶ **Præfatio de Epiphania Domini**, quæ dicitur tamquam propria in Missis de festo Epiphaniæ de Commemoratione Baptismatis D. N. Iesu Christi, et tamquam de Tempore diebus a 7 ad 13 ianuarii, in Missis, quæ præfatione propria carent.

Communicántes vero proprium de Epiphania Domini dicitur tantum in ipso die festo Epiphaniæ.

Antiphona ad Communionem

Matth. 2, 2

Vídimus stellam eius in Oriénte, et vénimus cum munéribus adoráre Dóminum.

Postcommunio

Præsta, quæsumus, omnipotens Deus: ut quæ solémni celebrá-mus officio, purificátæ mentis intel-legéntia consequámur. Per Dó-minum.

¶ De dominica I post Epiphaniam suo die nihil fit, sed eius locum tenet festum Sanctæ Familiæ Iesu, Mariæ, Ioseph, cum omni bus iuribus et privilegiis dominicæ.

Diebus ferialibus a 7 ad 12 ianuarii ante dominicam I post Epiphaniam occurrentibus, dicitur Missa de festo Epiphaniæ; post ean-dem dominicam vero Missa de eadem do-minica In excélsio throno, ut infra, 40, cum Glória et præfatione de Epiphania, sine Credo et Communicantes proprio.

DOMINICA I

POST EPIPHANIAM

SANCTÆ FAMILIÆ
IESU, MARIÆ, IOSEPH

II classis

Antiphona ad Introitum

Prov. 23, 24 et 25

Exsultat gáudio pater Iusti, gáudeat Pater tuus et Ma-ter tua, et exsultet quæ genuit te. Ps. 83, 2-3 Quam dilécta tabernacula tua, Dómine virtutum! concupiscit, et déficit ánima mea in átria Dómini. V. Glória Patri. Exsultat.

Oratio

Dómine Iesu Christe, qui Mariæ et Ioseph súbditus, domésticam vitam ineffabílibus virtútibus consecrásti: fac nos, utriúsque auxílio, Familiæ sanctæ tuæ exem-plis instrui; et consórtium cónsequi sempitérnum: Qui vivis.

Et non fit commemoratio dominicæ.

Léctio Epístolæ beáti Pauli Apóstoli
ad Colossénses

Col. 3, 12-17

Fratres: Indúite vos sicut elécti Dei, sancti, et dilécti, víscera misericórdiæ, benignitátem, humi-litátem, modéstiam, patiéntiam: supportántes invicem, et donántes vobismetípsis si quis advérsus áli-quem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculo perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docéntes, et commonén-tes vosmetípsos, psalmis, hymnis et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Iesu Christi, grátias agén-tes Deo et Patri per ipsum.

Graduale Ps. 26, 4 Unam pétii a Dómino, hanc requíram, ut inhábi-tem in domo Dómini ómnibus dié-bus vitæ meæ. V. Ps. 83, 5 Beáti, qui hábitant in domo tua, Dómine: in sæcula sæculórum laudábunt te.

Allelúia, allelúia. V. Isai., 45, 15 Vere tu es Rex absconditus, Deus Israël Salvátor. Allelúia.

In Missis votivis post Septuagesi-mam, omissis Allelúia, et versu sequenti, dicitur:

Tractus Hebr. 10, 5 Hóstiam et oblatiónem noluísti, corpus autem aptásti mihi. V. Ps. 39, 7-8 Holocáustum et pro peccáto non postulásti: tunc dixi: Ecce vénio. V. Hebr. 10, 7 In cápite libri scriptum est de me: Ut fáciam, Deus, voluntátem tuam.

Tempore autem paschali, omittitur graduale, et eius loco dicitur:

Allelúia, allelúia. *℣. Prov. 8, 34* Beátus homo qui audit me, et qui vígilat ad fores meas cotidie, et obsérvat ad postes óstii mei. Allelúia. *℣. Col. 3, 3* Vita nostra est abscondita cum Christo in Deo. Allelúia.

✠ Sequéntia sancti Evangélíi secúndum Lucam

Luc. 2, 42-52

Cum factus esset Iesus annórum duódecim, ascendéntibus illis Ierosólymam secúndum consuetúdinem diéi festi, consummatísque diébus, cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Ierúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos et interrogántem eos. Stupébant autem omnes, qui eum audiébant, super prudentia et respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? Ecce pater tuus et ego doléntes quærebatúmus te. Et ait ad illos: Quid est quod me quærebatís? Nesciebátis quia in his quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descendit cum eis, et venit Náza-reth: et erat súbditus illis. Et mater eius conservábat ómnia verba hæc in corde suo. Et Iesus proficiébat sapientia, et ætáte, et grátia apud Deum, et hómines. **Credo.**

Antiphona ad Offertorium

Luc. 2, 22

Tulérunt Iesum paréntes eius in Ierúsalem, ut sísterent eum Dómino.

Secreta

Placatiónis hóstiam offérimus tibi, Dómine, suppliciter deprecántes: ut, per intercessió-nem Deíparæ Vírginis cum beáto Ioseph, famílias nostras in pace et grátia tua fírmiter constítuas. Per eúndem Dóminum.

Et non fit commemoratio dominicæ.

Præfatio de Epiphania Domini, ratione temporis.

Antiphona ad Communionem

Luc. 2, 51

Descéndit Iesus cum eis, et venit Náza-reth, et erat súbditus illis.

Postcommunio

Quos cæléstibus réficis sacraméntis, fac, Dómine Iesu, sanctæ Famíliæ tuæ exémpla iúgi-ter imitári: ut, in hora mortis nostræ, occurrénte gloriósa Vírgine Matre tua cum beáto Ioseph; per te in æténa tabernácula récipi mereámur: Qui vivis.

Et non fit commemoratio dominicæ.

¶ *Si festum S. Famíliæ occurrerit die 13 ianuarii, Missa dicitur de festo S. Famíliæ, sine commemoratione Baptismatis D.N.I.C., et sine commemoratione dominicæ.*

**MISSA DOMINICÆ PRIMÆ
POST EPIPHANIAM**

¶ *Hæc Missa dicenda est diebus ferialibus huius hebdomadæ.*

Antiphona ad Introitum

In excélso throno vidi sedére virum, quem adórat multitúdo Angelórum, psalléntes in unum:

ecce cuius impérii nomen est in ætérnum. **Ps. 99, 1** Iubiláte Deo, omnis terra: servíte Dómino in lætítia. **V.** Glória Patri. **In excélso.**

¶ **Dicitur** Glória in excélsis, si Missa dominicæ celebratur in feriis temporis Epiphanie, non vero, si post diem 13 ianuarii adhibetur.

Oratio

Vota, quæsumus, Dómine, supplicántis pópuli cælésti pietáte proséquere: ut et quæ agénda sunt, vídeant, et ad implénda quæ viderint, convaléscant. Per Dóminum.

Léctio Epístolæ beáti Pauli Apóstoli ad Romános

Rom. 12, 1-5

Fratres: Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáeculo, sed reformámini in novitáte sensus vestri: ut probétis, quæ sit volúntas Dei bona, et benéplacens, et perfécta. Dico enim per grátiam, quæ data est mihi, ómnibus qui sunt inter vos: Non plus sápere, quam opórtet sápere, sed sápere ad sobrietátem: et unicuíque sicut Deus divisit mensúram fidei. Sicut enim in uno córpore multa membra habémus, ómnia autem membra non eúndem actum habent: ita multi unum corpus sumus in Christo, singuli autem alter altérius membra: in Christo Iesu Dómino nostro.

Graduale Ps. 71, 18 et 3 Benedíctus Dóminus Deus Israél, qui facit mirabília magna solus a sáeculo. **V.** Suscípiant montes pacem pópulo tuo, et colles iustítiam.

Allelúia, allelúia. **V. Ps. 99, 1**

Iubiláte Deo, omnis terra: servíte Dómino in lætítia. Allelúia.

✠ Sequéntia sancti Evangélíi secúndum Lucam

Luc. 2, 42-52

Cum factus esset Iesus annórum duódecim, ascendéntibus illis Ierosólymam secúndum consuetúdinem diéi festi, consummatisque diébus, cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Ierúsalem, requiréntes eum. Et factum est, post trídium invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia et respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? ecce pater tuus, et ego doléntes quærebámus te. Et ait ad illos: Quid est quod me quærebátis? nesciebátis quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, et venit Názareth: et erat súbditus illis. Et mater eius conservábat ómnia verba hæc in corde suo. Et Iesus proficiébat sapiéntia, et ætáte, et grátia apud Deum, et hómines.

¶ **Non dicitur** Credo.

Antiphona ad Offertorium

Ps. 99, 1 et 2

Iubiláte Deo, omnis terra, servíte Dómino in lætítia: intráte in conspéctu eius in exsultatióne: quia Dóminus ipse est Deus.

Secreta

Oblátum tibi, Dómine, sacrificium vivíficet nos semper, et múniat. Per Dóminum.

¶ *Præfatio de Epiphania, si Missa dominicæ adhibetur tempore Epiphaniæ; si post 13 ianuarii, præfatio communis.*

Antiphona ad Communionem

Luc. 2, 48 et 49

Fili, quid fecísti nobis sic? ego, et pater tuus doléntes quærebatamus te. Et quid est, quod me quærebatís? nesciebátis quia in his, quæ Patris mei sunt, opórtet me esse?

Postcommunio

Súpplices te rogámus, omnípotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dóminum.

DIE 11 IANUARI

S. HYGINI

PAPÆ ET MARTYRIS

Commemoratio

Missa Si diligis me, de Comuni unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Hygínium Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati

fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 13 IANUARI

IN COMMEMORATIONE
BAPTISMATIS D.N.I.C.

II classis

¶ *Si occurrat eodem die dominica I post Epiphaniám, fit de S. Familia Iesu, Mariæ et Ioseph, sine commemoratione nec Baptismatis Domini, nec dominicæ.*

Antiphona ad Introitum

Malach. 3, 1; I Par. 29, 12

Ecce advénit dominátor Dóminus: et regnum in manu eius, et potéstas, et impérium. **Ps. 71, 1** Deus, iudícium tuum Regi da: et iustítiam tuam Fílio Regis. **V.** Glória Patri. **Ecce.**

Oratio

Deus, cuius Unigénitus in substantia nostræ carnis apparuit: præsta, quæsumus; ut per eum, quem símilem nobis foris agnóvimus, intus reformári mereámur: Qui tecum.

Léctio Isaíæ Prophétæ

Isai. 60, 1-6

Surge, illumináre Ierúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória eius in te vidébi-

tur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos et vide: omnes isti congregáti sunt, venérunt tibi: filii tui de longe vénient, et filiae tuæ de látere surgent. Tunc vidébis, et áfflues, mirábitur et dilatábitur cor tuum, quando convérsa fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Máidian et Epha: omnes de Saba vénient, aurum et thus deferéntes, et laudem Dómino annuntiántes.

Graduale Ibid., 6 et 1 Omnes de Saba vénient, aurum et thus deferéntes, et laudem Dómino annuntiántes. **V.** Surge, et illumináre Ierúsalem: quia glória Dómini super te orta est.

Allelúia, allelúia. **V. Matth. 2, 2** Vídimus stellam eius in Oriénte, et vénimus cum munéribus adoráre Dóminum. Allelúia.

✠ Sequéntia sancti Evangélii secúndum Ioánnem

Ioann. 1, 29-34

In illo témpore: Vidit Ioánnes Iesum veniéntem ad se, et ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israél, proptérea veni ego in aqua baptizans. Et testimónium perhíbuit Ioánnes, dicens: Quia vidi Spíritum descendéntem quasi colúmbam de cælo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem víderis Spíritum descendéntem, et manéntem super eum, hic est, qui baptizat in

Spíritu Sancto. Et ego vidi: et testimónium perhíbui quia hic est Fílius Dei. **Credo.**

Antiphona ad Offertorium

Ps. 71, 10-11

Reges Tharsis, et insulæ múnera ófferent: reges Arabum et Saba dona addúcent: et adorábunt eum omnes reges terræ, omnes gentes sérvient ei.

Secreta

Hóstias tibi, Dómine, pro nati Fílii tui apparitióne deférimus, suppliciter exorántes: ut, sicut ipse nostrórum auctor est múnorum, ita sit ipse miséricors et suscéptor, Iesus Christus Dóminus noster: Qui tecum.

Antiphona ad Communionem

Matth. 2, 2

Vídimus stellam eius in Oriénte et vénimus cum munéribus adoráre Dóminum.

Postcommunio

Caelésti lúmine, quæsumus, Dómine, semper et ubique nos præveni: ut mystérium, cuius nos partícipes esse voluísti, et puro cernámus intúitu, et digno percipiámus afféctu. Per Dóminum.

TEMPUS PER ANNUM ANTE SEPTUAGESIMAM DOMINICA SECUNDA POST EPIPHANIAM

II classis

¶ Si hæc dominica II, vel alia post Epiphaniam, superveniente dominica in Septuagesima, impediatur, nec sit ei locus post Pentecosten, iuxta rubricas, omittitur.

Antiphona ad Introitum

Ps. 65, 4

Omnis terra adóret te, Deus, et psallat tibi: psalmum dicat nómini tuo, Altíssime. **Ps. ibid., 1-2** Iubiláte Deo, omnis terra, psalmum dícite nómini eius: date glóriam laudi eius. **℣.** Glória Patri. **Omnis.**

¶ **Dicitur** Glória in excélsis in omnibus dominicis ante Septuagesimam; non dicitur autem in diebus ferialibus per annum, quando adhibetur Missa dominicæ præcedentis.

Oratio

Omnípotens sempitérne Deus, qui cæléstia simul et terréna moderáris: supplicatiónes pópuli tui cleménter exáudi; et pacem tuam nostris concéde tempóribus. Per Dóminum.

Lectio Epístolæ beáti Pauli Apóstoli ad Romános

Rom. 12, 6-16

Fratres: Habéntes donatiónes secúndum grátiam, quæ data est nobis, differentes: sive prophetíam secúndum ratióne fidei, sive ministérium in ministrádo, sive qui docet in doctrína, qui exhortátur in exhortádo, qui tríbuit in simplicitáte, qui præest in sollicitúdi-ne, qui miserétur in hilaritáte. Diléctio sine simulatióne. Odiéntes malum, adhæréntes bono: Caritáte fraternitátis invicem diligéntes: Honóre invicem præveniéntes: Sollicitúdi-ne non pigri: Spíritu fervéntes: Dómino serviéntes: Spe gaudéntes: In tribulatióne patientes: Oratióni instántes: Necessitatibus sanctórum comunicántes: Hospitalitátem sectántes. Benedícite persequéntibus vos: benedícite, et nolíte maledícere. Gaudére cum gaudéntibus,

flere cum fléntibus: Idípsum invicem sentiéntes: Non alta sapiéntes, sed humílibus consentiéntes.

Graduale Ps. 106, 20, 21 Misit Dóminus verbum suum, et sanávit eos: et erípuit eos de intéritu eórum. **℣.** Confiteántur Dómino misericórdiæ eius: et mirabília eius fíliis hóminum.

Allelúia, allelúia. **℣. Ps. 148, 2** Laudáte Dóminum, omnes Angeli eius: laudáte eum, omnes virtútes eius. Allelúia.

¶ **Sic dicitur** Allelúia cum suo versu post graduale, in omnibus dominicis post Epiphaniam, etiam si Missa dominicæ infra hebdomadam adhibetur.

✠ Sequéntia sancti Evangélii secúndum Ioánnem

Ioann. 2, 1-11

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múl-lier? nondum venit hora mea. Dicit mater eius minístris: Quodcúmque díxerit vobis, fácite. Erant autem ibi lapídeæ hýdriæ sex pósitæ secúndum purificatióne Iudæórum, capiéntes síngulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis

homo primum bonum vinum ponit: et, cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in Cana Galilææ: et manifestávit glóriam suam, et credidérunt in eum discípuli eius. **C**redo.

Antiphona ad Offertorium

Ps. 56, 1-2 et 16

Iubiláte Deo, univérsa terra: psalmum dícite nómini eius: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúia.

Secreta

Obláta, Dómine, múnera sanctífica: nosque a peccatórum nostrórum máculis emúnda. Per Dóminum.

Præfatio de Ssma Trinitate.

Antiphona ad Communionem

Ioann. 2, 7, 8, 9 et 10-11

Dicit Dóminus: Impléte hýdrias aqua, et ferte architriclino. Cum gustásset architriclinus aquam vinum factam, dicit sponso: Servásti bonum vinum usque adhuc. Hoc signum fecit Iesus primum coram discípulis suis.

Postcommunio

Augeátur in nobis, quæsumus, Dómine, tuæ virtútis operatio: ut divínis vegetáti sacraméntis, ad eórum promíssa capiéndam, tuo múnere præparémur. Per Dóminum.

DOMINICA TERTIA POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **V.** Glória Patri. **A**doráte.

Oratio

Omnípotens sempitérne Deus, infirmitátem nostram propítius réspice: atque ad protegéndum nos, dexteram tuæ maiestátis exténde. Per Dóminum.

Léctio Epístolæ beáti Pauli Apóstoli ad Romános

Rom. 12, 16-21

Fratres: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum iræ. Scriptum est enim: Mihi vindícta: ego retríbuam, dicit Dóminus. Sed si esuríerit inimicus tuus, ciba illum: si sitit, potum da illi: hoc enim fáciens, carbónes ignis cóngeres super caput eius. Noli vinci a malo, sed vince in bono malum.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **V.** Quóniam ædificávit Dóminus Sion, et vidébitur in maiestáte sua. Allelúia, allelúia. **V. Ps. 96, 1**

Dóminus regnávít, exsúltet terra:
læténtur ínsulæ multæ. Allelúia.

✠ Sequéntia sancti Evangélii se-
cúndum Matthæum

Matth. 8, 1-13

In illo témpore: Cum descendís-
set Iesus de monte, secútæ sunt
eum turbæ multæ: et ecce leprósus
véniens adorábat eum, dicens: Dó-
mine, si vis, potes me mundáre. Et
exténdens Iesus manum, tétigit
eum, dicens: Volo. Mundáre. Et
conféstim mundáta est lepra eius.
Et ait illi Iesus: Vide, némini díxe-
ris: sed vade, osténde te sacerdoti,
et offer munus, quod præcépit
Móyses, in testimónium illis. Cum
autem introísset Caphárnaum, ac-
cæssit ad eum centúrio, rogans eum,
et dicens: Dómine, puer meus iacet
in domo paralýticus, et male tor-
quétur. Et ait illi Iesus: Ego véni-
am, et curábo eum. Et respóndens
centúrio, ait: Dómine, non sum di-
gnus ut intres sub tectum meum:
sed tantum dic verbo, et sanábitur
puer meus. Nam et ego homo sum
sub potestáte constitútus, habens
sub me mílites, et dico huic: Vade,
et vadit: et álii: Veni, et venit; et
servo meo: Fac hoc, et facit. Au-
diens autem Iesus, mirátus est, et
sequéntibus se dixit: Amen dico vo-
bis, non invéni tantam fidem in Is-
raël. Dico autem vobis, quod multi
ab Oriénte et Occidénte vénient, et
recumbent cum Abraham, et Isaac,
et Iacob in regno cælórum: filii au-
tem regni eiiciéntur in ténebras ex-
terióres: ibi erit fletus, et stridor
déntium. Et dixit Iesus centurióni:
Vade, et sicut credidísti, fiat tibi. Et
sanátus est puer in illa hora.

Credo.

Antiphona ad Offertorium

Ps. 117, 16 et 17

Déxtera Dómini fecit virtútem,
déxtera Dómini exaltávit me: non
móriar, sed vivam, et narrábo
ópera Dómini.

Secreta

Hæc hóstia, Dómine, quæsumus,
emúndet nostra delícta: et ad
sacrificium celebrándum, subditó-
rum tibi cörpera mentésque sanctí-
ficet. Per Dóminum.

Præfatio de Ssma Trinitate.

Antiphona ad Communionem

Luc. 4, 22

Mirabántur omnes de his, quæ
procedébant de ore Dei.

Postcommunio

Quos tantis, Dómine, largíris uti
mystériis: quæsumus; ut effé-
ctibus nos eórum veráciter aptáre
dignéris. Per Dóminum.

DOMINICA QUARTA POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli
eius: audívit, et lætáta est
Sion: et exsultavérunt filiae
Iudæ. **Ps. ibid., 1** Dóminus regná-
vit, exsúltet terra: læténtur ínsulæ
multæ. **℣.** Glória Patri. **A**doráte.

Oratio

Deus, qui nos in tantis perículis
constitútos, pro humana scis
fragilitáte non posse subsistere: da
nobis salútem mentis et cörperis;
ut ea, quæ pro peccátis nostris pá-

timur, te adiuvante vincamus. Per Dóminum.

Léctio Epístolæ beāti Pauli Apóstoli ad Romános

Rom. 13, 8-10

Fratres: Némini quidquam debeátis, nisi ut invicem diligátis: qui enim diligit próximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupísces: et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **℣.** Quóniam ædificávit Dóminus Sion, et vidébitur in maiestáte sua. Allelúia, allelúia. **℣. Ps. 96, 1** Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélíi secúndum Matthæum

Matth. 8, 23-27

In illo témpore: Ascendénte Iesu in navículam, secúti sunt eum discípuli eius: et ecce motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discípuli eius, et suscitavérunt eum, dicéntes: Dómine, salva nos, perímus. Et dicit eis Iesus: Quid tímidi estis, módicæ fidei? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes: Qualis est hic, quia venti et mare obédiunt ei?

Credo.

Antiphona ad Offertorium

Ps. 117, 16-17

Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

Concéde, quæsumus, omnípotens Deus: ut huius sacrificii munus oblátum, fragilitátem nostram ab omni malo purget semper, et múniat. Per Dóminum.

Præfatio de Ssma Trinitate.

Antiphona ad Communionem

Luc. 4, 22

Mirabántur omnes de his, quæ procedébant de ore Dei.

Postcommunio

Múnera tua nos, Deus, a delectatióibus terrénis expédiant: et cæléstibus semper instáurent aliméntis. Per Dóminum.

DOMINICA QUINTA
POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **℣.** Glória Patri. **A**doráte.

Oratio

Famíliam tuam, quæsumus, Dómine, contínua pietáte custódi: ut quæ in sola spe grátiae cæléstis innítitur, tua semper protectióne muniátur. Per Dóminum.

Lectio Epistolæ beāti Pauli Apóstoli ad Colossenses

Col. 3, 12-17

Fratres: Indúite vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, patiéntiam: supportántes invicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculum perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Iesu Christi, grátias ágéntes Deo et Patri per Iesum Christum Dóminum nostrum.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **℣.** Quóniam ædificávit Dóminus Sion, et vidébitur in maiestáte sua. Allelúia, allelúia. **℣. Ps. 96, 1** Dóminus regnávit, exsúltet terra: læténtur insulæ multæ. Allelúia.

✠ Sequéntia sancti Evangélíi secúndum Matthæum

Matth. 13, 24-30

In illo témpore: Dixit Iesus turbis parábolam hanc: Símile factum est regnum cælórum hómini, qui seminávit bonum semen in agro suo. Cum autem dormírent hómi-

nes, venit inimícus eius, et superseminávit zizánia in médio trítici, et ábiit. Cum autem crevísset herba, et fructum fecísset, tunc apparuerunt et zizánia. Accedéntes autem servi patrisfamílias, dixerunt ei: Dómine, nonne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et collígimus ea? Et ait: Non: ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum. **Credo.**

Antiphona ad Offertorium

Ps. 117, 16 et 17

Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

Hóstias tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Præfatio de Ssma Trinitate.

Antiphona ad Communionem

Luc. 4, 22

Mirabántur omnes de his, quæ procedébant de ore Dei.

Postcommunio

Quæsumus, omnípotens Deus: ut illíus salutáris capiámus efféctum, cuius per hæc mystéria pi-gnus accépimus. Per Dóminum.

DOMINICA SEXTA
POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ **℣.** Glória Patri. **A**doráte.

Oratio

Præsta, quæsumus, omnípotens Deus: ut semper rationabilia meditántes, quæ tibi sunt plácita, et dictis exsequámur, et factis. Per Dóminum.

Lectio Epístolæ beáti Pauli Apóstoli ad Thessalonicénses

1 Thess. 1, 2-10

Fratres: Grátias ágimus Deo semper pro ómnibus vobis, memóriam vestri faciéntes in orationibus nostris sine intermissione, mémores óperis fidei vestræ, et labóris, et caritátis, et sustinéntiæ spei Dómini nostri Iesu Christi, ante Deum et Patrem nostrum: sciéntes fratres, dilécti a Deo, electiónem vestram: quia Evangélium nostrum non fuit ad vos in sermóne tantum, sed et in virtúte, et in Spíritu Sancto, et in plenitúdine multa, sicut scitis quales fuérimus in vobis propter vos. Et vos imitátóres nostri facti estis, et Dómini, excipiéntes verbum in tribulatióne multa, cum gáudio Spíritus Sancti: ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, pro-

fécata est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo, et vero, et expectáre Fílium eius de cælis (quem suscitávit ex mórtuis) Iesum, qui erípuit nos ab ira ventúra.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **℣.** Quóniam ædificávit Dóminus Sion, et vidébitur in maiestáte sua.

Allelúia, allelúia. **℣. Ps. 96, 1** Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélii secúndum Matthæum

Matth. 13, 31-35

In illo témpore: Dixit Iesus turbis parábolam hanc: Símile est regnum cælórum grano sinápis quod accípiens homo seminávit in agro suo: quod mínimum quidem est ómnibus semínibus: cum autem créverit, maius est ómnibus oléribus, et fit arbor, ita ut vólucres cæli véniant, et hábitent in ramis eius. Aliam parábolam locútus est eis: Símile est regnum cælórum fermento, quod accéptum múlíer abscondit in farínæ satis tribus, donec fermentátum est totum. Hæc ómnia locútus est Iesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscóndita a constitutióne mundi.

Credo.

Antiphona ad Offertorium

Ps. 117, 16-17

Déxtera Dómini fecit virtútem,
déterra Dómini exaltávit me: non
móriar, sed vivam, et narrábo
ópera Dómini.

Secreta

Hæc nos oblátio, Deus, mundet,
quæsumus, et rénovet, gu-
bénet, et próteget. Per Dóminum.

Præfatio de Ssma Trinitate.**Antiphona ad Communionem**

Luc. 4, 22

Mirabántur omnes de his, quæ
procedébant de ore Dei.

Postcommunio

Cæléstibus, Dómine, pasti delí-
ciis: quæsumus; ut semper
éadem, per quæ veráciter vívimus,
appetámus. Per Dóminum.

TEMPUS SEPTUAGESIMÆ

DOMINICA IN SEPTUAGESIMA

II classis

Statio ad S. Laurentium extra muros

Antiphona ad Introitum

Ps. 17, 5, 6 et 7

Circumdedérunt me gémitus
mortis, dolóres inférni cir-
cumdedérunt me: et in tri-
bulatióne mea invocávi Dóminum,
et exaudívit de templo sancto suo
vocem meam. **Ps. ibid., 2-3** Díligam
te, Dómine, fortitúdo mea: Dómi-
nus firmaméntum meum, et refúgi-
um meum, et liberátor meus. **V.**
Glória Patri. **Circumdedérunt.**

¶ Non dicitur Glória in excélsis in Missis de
Tempore ab hac dominica usque ad feriam IV
Hebdomadæ sanctæ inclusive, neque in do-
minicis, neque in feriis.

Oratio

Preces pópuli tui, quæsumus, Dó-
mine, cleménter exáudi: ut,
qui iuste pro peccátis nostris afflí-
gimur, pro tui nóminis glória mise-
ricórditer liberémur. Per Dómi-
num.

Léctio Epístolæ beáti Pauli Apó-
stoli ad Corínthios

1 Cor. 9, 24-27; 10, 1-5

Fratres: Nescítis quod ii qui in
stádio currunt, omnes quidem
currunt, sed unus áccipit bravíum?
Sic cúrrite, ut comprehendátis.
Omnis autem qui in agóne contén-
dit, ab ómnibus se ábstinet: et illi
quidem ut corruptibilem corónam
accípiant; nos autem incorrúptam.
Ego igitur sic curro, non quasi in
incértum: sic pugno, non quasi
áërem vérberans: sed castígo cor-
pus meum, et in servitútem rédigo:
ne forte cum áliis prædicáverim,
ipse réprobus effíciar. Nolo enim
vos ignoráre, fratres, quóniam pa-
tres nostri omnes sub nube fué-
runt, et omnes mare transiérunt,
et omnes in Móyse baptizáti sunt
in nube, et in mari: et omnes eán-
dem escam spiritálem manducavé-
runt, et omnes eúndem potum spi-
ritálem bibérunt: (bibébant autem
de spiritáli, consequénte eos, pe-
tra: petra autem erat Christus:) sed
non in plúribus eórum benepláci-
tum est Deo.

Graduale Ps. 9, 10-11 et 19-20 Ad-
iútor in opportunitátibus, in tribu-
latiÓne: sperent in te, qui novérunt
te: quóniam non derelínquis quæ-
réntes te, Dómine. **V.** Quóniam non

in finem obliuio erit páuperis: patientiá páuperum non peribit in ætérnum: exsúrge, Dómine, non præuáleat homo.

¶ A Septuagesima usque ad feriam III post dominicam Quinquagesimæ inclusive, quando in feriis adhibetur Missa dominicæ, non dicitur tractus, sed tantum graduale.

Tractus Ps. 129, 1-4 De profúndis clamáui ad te, Dómine: Dómine, exáudi vocem meam. **℣.** Fiant aures tuæ intendéntes in oratióem servi tui. **℣.** Si iniquitátes observáueris, Dómine: Dómine, quis sustinébit? **℣.** Quia apud te propitiátio est, et propter legem tuam sustínui te, Dómine.

✠ Sequéntia sancti Evangélii secúndum Matthæum

Matth. 20, 1-16

In illo témpore: Dixit Iesus discipulis suis parábolam hanc: Símile est regnum cælórum hómini patrifamílias, qui éxiit primo mane condúcere operários in víneam suam. Conuentione autem facta cum operáriis ex denário diúrno, misit eos in víneam suam. Et egréssus circa horam tértiam, vidit álios stantes in foro otiósos, et dixit illis: Ite et vos in víneam meam, et quod iustum fúerit, dabo vobis. Illi autem abiérunt. Iterum autem éxiit circa sextam et nonam horam: et fecit simíliter. Circa undécimam vero éxiit, et invénit álios stantes, et dicit illis: Quid hic statis tota die otiósi? Dicunt ei: Quia nemo nos condúxit. Dicit illis: Ite et vos in víneam meam. Cum sero autem factum esset, dicit dóminus víneæ procuratóri suo: Voca operários, et redde illis mercédem, incípiens a novíssimis usque ad primos. Cum venissent ergo qui circa undéci-

mam horam vénerant, accepérunt singulos denários. Veniéntes autem et primi, arbitrátí sunt quod plus essent acceptúri: accepérunt autem et ipsi singulos denários. Et accipiéntes murmurábant advérsus patremfamílias, dicéntes: Hi novíssimi una hora fecérunt, et pares illos nobis fecísti, qui portávimus pondus diéi, et æstus. At ille respóndens uni eórum, dixit: Amíce, non fácio tibi iniúriam: nonne ex denário convenísti mecum? Tolle quod tuum est, et vade: volo autem et huic novíssimo dare sicut et tibi. Aut non licet mihi, quod volo, fácere? an óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocátí, pauci vero elécti. **Credo.**

Antiphona ad Offertorium

Ps. 91, 2

Bonum est confitéri Dómino, et psállere nómini tuo, Altíssime.

Secreta

Munéribus nostris, quæsumus, Dómine, precibúque susceptis: et cælestibus nos munda mystériis, et cleménter exáudi. Per Dóminum.

Præfatio de Ssma Trinitate.

Antiphona ad Communionem

Ps. 30, 17-18

Illúmina faciém tuam super servum tuum, et salvum me fac in tua misericórdia: Dómine, non confúndar, quóniam invocávi te.

Postcommunio

Fidèles tui, Deus, per tua dona firméntur: ut éadem et percipiéndó requírant, et quæréndó sine fine percípiant. Per Dóminum.

DOMINICA IN SEXAGESIMA

II classis

Statio ad S. Paulum

Antiphona ad Introitum

Ps. 43, 23-26

Exsurge, quare obdormis, Domine? exsurge, et ne repellas in finem: quare faciem tuam avertis, oblivisceris tribulationem nostram? adhæsit in terra venter noster: exsurge, Domine, adiuva nos, et libera nos. **Ps. ibid., 2** Deus, auribus nostris audivimus: patres nostri annuntiaverunt nobis. **V.** Glória Patri. **E**xsurge.

Oratio

Deus, qui cónspicis, quia ex nulla nostra actióne confidimus: concède propítius; ut contra adversa ómnia, Doctóris géntium protectióne muniámur. Per Dñm.

Lectio Epístolæ beáti Pauli Apóstoli ad Corínthios

2 Cor. 11, 19-33; 12, 1-9

Fratres: Libénter suffértis insipientes: cum sitis ipsi sapientes. Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in faciém vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipientia dico) áudeo et ego: Hebræi sunt, et ego: Israëlítæ sunt, et ego: Semen Abrahæ sunt, et ego: Minístri Christi sunt (ut minus sápiens dico) plus ego: in labóribus plúrimis, in carcéribus abundántius, in plagis supra modum, in mórtibus fréquenter. A Iudæis quínquies quadragénas, una minus, accépi. Ter virgis cæsus sum, semel lapidátus

sum, ter naufrágium feci, nocte et die in profúndo maris fui: in itinéribus sæpe, perículis flúminum, perículis latrónum, perículis ex génere, perículis ex géntibus, perículis in civitáte, perículis in solitúdine, perículis in mari, perículis in falsis frátribus: in labóre et ærúmna, in vigíliis multis, in fame et siti, in ieiúniis multis, in frígore et nuditáte: præter illa quæ extrínsecus sunt, instántia mea cotidiána, sollicitúdo ómnium Ecclesiárum. Quis infirmátur, et ego non infirmor? quis scandalizátur, et ego non uror? Si gloriári opórtet: quæ infirmitátis meæ sunt, gloriábor. Deus et Pater Dómini nostri Iesu Christi, qui est benedíctus in sæcula, scit quod non méntior. Damásci præpósitus gentis Arétæ regis, custodiébat civitátem Damascenórum, ut me comprehénderet: et per fenéstam in sporta dimíssus sum per murum, et sic effúgi manus eius. Si gloriári opórtet (non éxpedit quidem), véniam autem ad visiões, et revelatiões Dómini. Scio hóminem in Christo ante annos quatuórdecim, sive in corpore néscio, sive extra corpus néscio, Deus scit, raptum huiúsmodi usque ad tértium cælum. Et scio huiúsmodi hóminem, sive in corpore, sive extra corpus néscio, Deus scit: quóniam raptus est in paradísum: et audívit arcána verba, quæ non licet hómini loqui. Pro huiúsmodi gloriábor: pro me autem nihil gloriábor, nisi in infirmitátibus meis. Nam, et si volúero gloriári, non ero insípiens: veritátem enim dicam: parco autem, ne quis me exístimet supra id quod videt in me, aut áliquíd audit ex me. Et ne magnitúdo revelatiónum extóllat me, datus est mihi stímulus

carnis meæ, ángelus sátanæ, qui me colaphízet. Propter quod ter Dóminum rogávi, ut discéderet a me: et dixit mihi: Súfficit tibi grátia mea: nam virtus in infirmitáte perficitur. Libénter ígitur gloriábor in infirmitátibus meis, ut inhábitet in me virtus Christi.

Graduale Ps. 82, 19 et 14 Sciant gentes, quóniam nomen tibi Deus: tu solus Altíssimus super omnem terram. **V.** Deus meus, pone illos ut rotam, et sicut stípulam ante faciém venti.

¶ Quando in feriis adhibetur Missa domini-
cæ, non dicitur tractus, sed tantum graduale.

Tractus Ps. 59, 4 et 6 Commovísti, Dómine, terram, et conturbásti eam. **V.** Sana contritíones eius, quia mota est. **V.** Ut fúgiant a faciē arcus: ut liberéntur elécti tui.

✠ Sequéntia sancti Evangélíi secúndum Lucam

Luc. 8, 4-15

In illo témpore: Cum turba plúrima convenírent, et de civitátibus properárent ad Iesum, dixit per similitúdinem: Exiit, qui séminat, semináre semen suum: et dum séminat, áliud cécidit secus viam, et conculcátum est, et vólucres cæli comedérunt illud. Et áliud cécidit supra petram: et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud cécidit in terram bonam: et ortum fecit fructum céntuplum. Hæc dicens, clamábat: Qui habet aures audiéndi, áudiat. Interrogábant autem eum discípuli eius, quæ esset hæc parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, et au-

diéntes non intéllegant. Est autem hæc parábola: Semen est verbum Dei. Qui autem secus viam, hi sunt qui áudiunt: deínde venit diábolus, et tollit verbum de corde eórum, ne credéntes salvi fiant. Nam qui supra petram: qui cum audierint, cum gáudio suscípíunt verbum: et hi radíces non habent: qui ad tempus credunt, et in témpore tentatiónis recédunt. Quod autem in spinas cécidit: hi sunt, qui audierunt, et a sollicitudínibus, et divítiis, et voluptátibus vitæ eúntes, suffocántur, et non réferunt fructum. Quod autem in bonam terram: hi sunt, qui in corde bono et óptimo audiéntes verbum réti-
nent, et fructum áfferunt in pati-
éntia. **Credo.**

Antiphona ad Offertorium

Ps. 16, 5, 6-7

Pérfice gréssus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

Oblátum tibi, Dómine, sacrificíum, vivíficet nos semper, et múníat. Per Dóminum.

Præfatio de Ssma Trinitate.

Antiphona ad Communionem

Ps. 42, 4

Introíbo ad altáre Dei, ad Deum qui lætíficat iuventútem meam.

Postcommunio

Súpplices te rogámus, omnípotens Deus: ut, quos tuis réficis sacraméntis, tibi étiam plácitis móríbus dignánter deservíre concédas. Per Dóminum.

DOMINICA IN QUINQUAGESIMA

II classis

Statio ad S. Petrum

Antiphona ad Introitum

Ps. 30, 3-4

Esto mihi in Deum protectorem, et in locum refugii, ut salvum me facias: quoniam firmamentum meum, et refugium meum es tu: et propter nomen tuum dux mihi eris, et enutries me. **Ps. ibid., 2** In te, Domine, speravi, non confundar in aeternum: in iustitia tua libera me, et eripe me. **V.** Glória Patri. **E**sto mihi.

Oratio

Preces nostras, quæsumus, Domine, clementer exaudi: atque a peccatorum vinculis absolutos, ab omni nos adversitate custodi. Per Dominum.

Lectio Epistolæ beati Pauli Apostoli ad Corinthios

1 Cor. 13, 1-13

Fratres: Si linguis hominum loquar, et Angelorum, caritatem autem non habeam, factus sum velut æs sonans, aut cymbalum tinniens. Et si habuero prophetiam, et noverim mysteria omnia, et omnem scientiam: et si habuero omnem fidem, ita ut montes transferam, caritatem autem non habuero, nihil sum. Et si distribuero in cibos pauperum omnes facultates meas, et si tradidero corpus meum, ita ut ardeam, caritatem autem non habuero, nihil mihi prodest. Caritas patiens est, benigna est: Caritas non æmulatur, non agit perperam, non inflatur, non est ambitiosa, non querit quæ sua sunt, non irri-

tatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Caritas numquam excidit: sive prophetiæ evacuabuntur, sive linguæ cessabunt, sive scientia destruatur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam sicut et cognitus sum. Nunc autem manent, fides, spes, caritas, tria hæc: maior autem horum est caritas.

Graduale Ps. 76, 15 et 16 Tu es Deus qui facis mirabilia solus: notam fecisti in gentibus virtutem tuam. **V.** Liberasti in brachio tuo populum tuum, filios Israël, et Ioseph.

¶ Quando in feriis adhibetur Missa dominicæ, non dicitur tractus, sed tantum graduale.

Tractus Ps. 99, 2-3 Iubiláte Deo, omnis terra: servíte Dómino in lætitia. **V.** Intráte in conspectu eius in exultatione: scitote, quod Dóminus ipse est Deus. **V.** Ipse fecit nos, et non ipsi nos: nos autem populus eius et oves pascuæ eius.

✠ Sequéntia sancti Evangélíi secúndum Lucam

Luc. 18, 31-43

In illo témpore: Assúmpsit Iesus duódecim, et ait illis: Ecce ascéndimus Ierosólymam, et consummabúntur omnia, quæ scripta sunt per prophétas de Fílio hómi-

nis. Tradétur enim géntibus, et illudétur, et flagellábitur, et conspuétur: et postquam flagelláverint, occídent eum, et tértia die resúrget. Et ipsi nihil horum intellexérunt, et erat verbum istud abscónditum ab eis, et non intellegébant quæ dicebántur. Factum est autem, cum appropinquáret Iéricho, cæcus quidam sedébat secus viam, mendicans. Et cum audíret turbam prætereúntem, interrogábat quid hoc esset. Dixérunt autem ei, quod Iesus Nazarénus transíret. Et clamávit, dicens: Iesu, fili David, miserére mei. Et qui præíbant, increpábant eum ut tacéret. Ipse vero multo magis clamábat: Fili David, miserére mei. Stans autem Iesus, iussit illum addúci ad se. Et cum appropinquásset, interrogávit illum, dicens: Quid tibi vis fáciam? At ille dixit: Dómine, ut vídeam. Et Iesus dixit illi: Réspice, fides tua te salvum fecit. Et conféstim vidit, et sequebátur illum, magníficans Deum. Et omnis plebs ut vidit, dedit laudem Deo. **C**redo.

Antiphona ad Offertorium

Ps. 118, 12-13

Benedíctus es, Dómine, doce me iustificatiónes tuas: in lábiis meis pronuntiávi ómnia iudícia oris tui.

Secreta

Hæc hóstia, Dómine, quæsumus: emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de Ssma Trinitate.

Antiphona ad Communionem

Ps. 77, 29-30

Manducavérunt, et saturáti sunt nimis, et desidérium eórum áttulit eis Dóminus: non sunt fraudáti a desidério suo.

Postcommunio

Quæsumus, omnípotens Deus: ut, qui cæléstia aliménta percépimus, per hæc contra ómnia adversa muniámur. Per Dóminum.

TEMPUS QUADRAGESIMÆ

FERIA QUARTA CINERUM

I classis

DE BENEDICTIONE CINERUM

¶ **Ante Missam benedicuntur cineres facti de ramis olivarum, sive aliarum arborum, præcedenti anno benedictis, hoc modo:**

Sacerdos indutus pluviali violaceo vel sine casula, cum ministris similiter indutis, procedit ad benedicendum cineres in vase aliquo super altari positos. Et primo cantatur a choro sequens antiphona:

Psalm. 68, 17

Exáudi nos, Dómine, quóniam benígna est misericórdia tua: secúndum multitudinem miseratiónum tu-

árum réspice nos, Dómine. **Ps. ibid., 2** Salvum me fac, Deus: quóniam intravérunt aquæ usque ad ánimam meam. **V.** Glória Patri.

Repetitur Exáudi nos.

¶ Deinde sacerdos ad latus epistolæ, non vertens se ad populum, manibus iunctis (quod servatur etiam in orationibus omnium benedictionum quoad manus iunctas) dicit:

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, parce pæniténtibus, propitiáre supplicántibus: et mittere dignéris sanctum Angelum tuum de cælis, qui bene ✠ dicat, et sancti ✠ ficet hos cíneres, ut sint remédium salúbre ómnibus nomen sanctum tuum humíliter implorántibus, ac semetípsos pro consciéntia delictórum suórum accusántibus, ante conspéctum divínæ cleméntiæ tuæ facínora sua deplorántibus, vel sereníssimam pietátem tuam supplíciter obnixéque flagitántibus: et præsta per invocatiónem sanctíssimi nóminis tui; ut, quicúmque per eos aspérsi fúerint, pro redemptióne peccatórum suórum, córporis sanitátem, et ánimæ tutelam percípiant. Per Christum Dóminum nostrum. *R.* Amen.

Orémus.

Oratio

Deus, qui non mortem, sed pæniténtiam desíderas peccatórum: fragilitátem conditiónis humanæ benigníssime réspice; et hos cíneres, quos causa proferéndæ humilitátis, atque promeréndæ véniæ, capítibus nostris impóni decérnimus, bene ✠ dicere pro tua pietáte dignáre: ut, qui nos cinerem esse, et ob pravitátis nostræ deméritum in púlverem reversúros cognóscimus; peccatórum ómnium véniam, et præmia pæniténtibus repromíssa, misericórditer cónsequi mereámur. Per Christum Dóminum nostrum. *R.* Amen.

Orémus.

Oratio

Deus, qui humiliatióne flécteris, et satisfactióne placáris: aurem tuæ pietátis inclína précibus nostris; et capítibus servórum tuórum, horum cínerum aspersione

contáctis, effúnde propítius grátiam tuæ benedictiónis: ut eos et spíritu compunctiónis répleas, et quæ iuste postuláverint, efficaciter tríbuas; et concessa perpétuo stabilita, et intácta manére decérnas. Per Christum Dóminum nostrum. *R.* Amen.

Orémus.

Oratio

Omnípotens sempitérne Deus, qui Ninivítis in cinere et cilicio pæniténtibus, indulgéntiæ tuæ remédia præstitísti: concéde propítius; ut sic eos imitémur hábitu, quátenus véniæ prosequámur obténtu. Per Christum Dóminum nostrum.

R. Amen.

¶ *Postea celebrans, imposito incenso in thuribulo, ter aspergit cineres aqua benedicta, dicendo antiphonam Aspérgetes, sine cantu et sine psalmo, et ter adolet incenso.*

DE IMPOSITIONE CINERUM

Deinde dignior sacerdos ex clero accedens ad altare, imponit cineres celebranti non genuflexo. Si vero non adsit alius sacerdos, ipse met celebrans, ad altare conversus, sibi ipsi cineres imponit in capite, nihil dicens, et cantatur statim a choro:

Antiphona.

Ioël. 2, 13

Immutémur hábitu, in cinere et cilicio: ieiunémus, et plorémus ante Dóminum: quia multum miséricors est dimittere peccáta nostra Deus noster.

Alia antiph. Ibid., 17 et Esth. 13, 17 Inter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne claudas ora canéntium te, Dómine.

Sequitur responsorium:

Esther 13; Ioël 2 Emendémus in mélius, quæ ignoránte peccávi-

mus: ne súbito præoccupáti die mortis, quæramus spátium pæniténtiæ, et inveníre non possimus.

* Atténde, Dómine, et miserére: quia peccávimus tibi. *V. Ps. 78, 9* Adiuva nos, Deus salutáris noster: et propter honórem nóminis tui, Dómine, líbera nos. Atténde, Dómine. *V. Glória Patri, et Fílio, et Spirítui Sancto. Atténde, Dómine.*

¶ Sacerdos vero, dum cantantur antiphonæ et responsorium, detecto capite, primo imponit cineres digniori sacerdoti, a quo ipse accepit, deinde ministris paratis, genibus flexis coram altari, dicens:

Genes. 3, 19 Meménto, homo, quia pulvis es, et in púlverem revertérís.

¶ Postea veniunt alii, primo clerus per ordinem, deinde populus: et genibus flexis ante altare, singulatim recipiunt cineres a sacerdote, ut dictum est de ministris. Completa cinerum impositione, sacerdos dicit:

V. Dóminus vobíscum.

R. Et cum spíritu tuo.

Orémus

Concède nobis, Dómine, præsídia milítiae cristiánæ sanctis inchoáre ieiúniis: ut contra spiritáles nequítias pugnatúri, continéntiæ muniámur auxiliis. Per Christum Dóminum nostrum. *R. Amen.*

Si solemnis benedictio cinerum tardioribus horis fiat, licet primo mane, ante Missam, cineres benedicere forma simplici, absque cantu, ordine supradescrito. Item eadem forma adhiberi potest ubi ministri sacri vel cantores haberi nequeant.

¶ Benedictio cinerum, quæ semel, mane, ante Missam principalem peracta est, ante Missam vespertinam iterari potest, de Ordinarii loci facultate, in ecclesiis, ubi Missa vespertina cum magno fidelium concursu celebrari solet.

DE MISSA

Statio ad S. Sabinam

In Missa quæ benedictionem cinerum sequitur, omittuntur psalmus Iúdica me, Deus cum sua antiphona, necnon confessio cum

absolutione, versis sequentibus atque orationibus Aufer a nobis et Orámus te, Dómine. Sacerdos igitur cum ad altare accesserit, statim illud ascendit et osculatur in medio.

Antiphona ad Introitum

Sap. 11, 24, 25 et 27

Miseréris ómnium, Dómine, et nihil odísti eórum quæ fecísti, dissímulans peccáta hóminum propter pæniténtiam et parcens illis: quia tu es Dóminus Deus noster. *Ps. 56, 2* Miserére mei, Deus, miserére mei: quóniam in te confídít ánima mea. *V. Glória Patri. Miseréris.*

Oratio

Præsta, Dómine, fidélibus tuis: ut ieiuniórum veneránda solémnia, et cóngrua pietáte suscipiant, et secúra devotióne percúrant. Per Dóminum.

Léctio Ioëlis Prophétæ

Ioël. 2, 12-19

Hæc dicit Dóminus: Convertimini ad me in toto corde vestro, in ieiúniis, et in fletu et in planctu. Et scíndite corda vestra, et non vestiménta vestra, et convertimini ad Dóminum Deum vestrum: quia benígnus, et miséricors est, pátiens, et multæ misericórdiæ, et præstábilis super malítia. Quis scit, si convertátur, et ignóscat, et relínquat post se benedictiónem, sacrificium, et libámen Dómino Deo vestro? Cánite tuba in Sion, sanctificáte ieiúniis, vocáte coetum, congregáte pópulum, sanctificáte ecclésiám, coadunáte senes, congregáte párvulos, et sugéntes úbera: egrediátur sponsus de cubíli suo, et sponsa de thálamo suo. Inter

vestíbulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo: Ecce ego mittam vobis fruméntum, et vinum, et óleum, et replebímmini eis: et non dabo vos ultra oppróbrium in géntibus: dicit Dóminus omnípotens.

Graduale Ps. 56, 2 et 4 Miserére mei, Deus, miserére mei: quóniam in te confídít ánima mea. *V.* Misit de cælo, et liberávit me, dedit in oppróbrium conculcántes me.

¶ *Sequens tractus dicitur in Missis de feria II, IV et VI usque ad feriam II Hebdomadæ sanctæ inclusive, præterquam feria IV Quatuor Temporum.*

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. *V.* **Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** *V.* Adiuva nos, Deus salutáris noster, et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ **Sequéntia sancti Evangélíi secúndum Matthæum**

Matth. 6, 16-21

In illo témpore: Dixit Iesus discí-pulis suis: Cum ieiunátis, nolíte fieri sicut hypócritæ, tristes. Extérminant enim fácies suas, ut appá-reant homínibus ieiunántes. Amen

dico vobis, quia recepérunt mercé-dem suam. Tu autem, cum ieiúnas, unge caput tuum, et fáciam tuam lava, ne videáris homínibus ieiúnans, sed Patri tuo, qui est in abscóndito: et Pater tuus, qui videt in abscóndito, reddet tibi. Nolíte thesaurizáre vobis thesáuros in terra: ubi ærúgo, et tinea demolítur: et ubi fures effódiunt, et furántur. Thesaurizáte autem vobis thesáuros in cælo: ubi neque ærúgo, neque tinea demolítur; et ubi fures non effódiunt, nec furántur. Ubi enim est thesáurus tuus, ibi est et cor tuum.

Antiphona ad Offertorium

Ps. 29, 2-3

Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, et sanásti me.

Secreta

Fac nos, quæsumus, Dómine, his munéribus offeréndis conveniénter aptári: quibus ipsíus venerábilis sacraménti celebrámus exórdium. Per Dóminum.

¶ *Præfatio de Quadragesima, quæ dicitur tamquam propria in Missis de Tempore a feria IV cinerum usque ad sabbatum ante dominicam I Passionis; et tamquam de Tempore in ceteris Missis, quæ celebrantur eodem tempore, et præfatione propria carent.*

Antiphona ad Communionem

Ps. 1, 2 et 3

Qui meditábitur in lege Dómini die ac nocte, dabit fructum suum in témpore suo.

Postcommunio

Percépta nobis, Dómine, præbeant sacraménta subsídium: ut tibi grata sint nostra ieiúnia, et no-

bis proficiant ad medélam. Per Dóminum.

¶ Deinde sacerdos absolute dicit:

Orémus.

¶ Et diaconus (si in officio diaconatus serviat) versus ad populum, iunctis manibus, dicit:

Humiliáte cápita vestra Deo.

Alioquin ipse sacerdos, stans in eodem loco ante librum, et non vertens se ad populum.

Oratio

Inclinántes se, Dómine, maiestáti tuæ, propitiátus inténde: ut, qui divíno múnere sunt refécti, cæléstibus semper nutriántur auxiliis. Per Dóminum.

¶ Et hic modus dicendi orationem super populum servatur tantummodo in Missis de feria, usque ad feriam IV Hebdomadæ sanctæ inclusive.

¶ De feriis Quadragesimæ et Passionis fit commemoratio in omnibus Missis, tam in cantu quam lectis.

FERIA QUINTA

III classis

Statio ad S. Georgium

Antiphona ad Introitum

Ps. 54, 17, 19, 20 et 23

Dum clamárem ad Dóminum, exaudivit vocem meam ab his, qui appropínquant mihi, et humiliávit eos, qui est ante sæcula, et manet in ætérnum: iacta cogitátum tuum in Dómino, et ipse te enútriet. **Ps. ibid., 2-3** Exáudi, Deus, oratióem meam, et ne despéxeris deprecationem meam: inténde mihi, et exáudi me. **V.** Glória Patri. **Dum clamárem.**

Oratio

Deus, qui culpa offénderis, pæniténtia placáris: preces populi tui supplicántis propítius respice; et flagélla tuæ iracúndiæ,

quæ pro peccátis nostris merémur, avérte. Per Dóminum.

Léctio Isaíæ Prophétæ

Isai. 38, 1-6

In diébus illis: Ægrotávit Ezechías usque ad mortem: et introívit ad eum Isaías filius Amos prophéta, et dixit ei: Hæc dicit Dóminus: Dispóne dómui tuæ, quia moriérís tu, et non vives. Et convertit Ezechías fáciem suam ad parietem, et orávit ad Dóminum, et dixit: Obsecro, Dómine, meménto, quæso, quómodo ambuláverim coram te in veritáte, et in corde perfécto, et quod bonum est in óculis tuis fécerim. Et flevit Ezechías fletu magno. Et factum est verbum Dómini ad Isaíam, dicens: Vade, et dic Ezechíæ: Hæc dicit Dóminus Deus David patris tui: Audívi oratióem tuam, et vidi lácrimas tuas: ecce ego adiíciam super dies tuos quíndecim annos: et de manu regis Assyriórum éruam te, et civitátem istam, et prótegam eam, ait Dóminus omnípotens.

Graduale Ps. 54, 23, 17, 18 et 19

Iacta cogitátum tuum in Dómino, et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

✠ Sequéntia sancti Evangélii secúndum Matthæum

Matth. 8, 5-13

In illo témpore: Cum introísset Iesus Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torqué-tur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus,

ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álii: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israël. Dico autem vobis, quod multi ab Oriénte et Occidénté vénient, et recumbent cum Abraham, et Isaac, et Iacob in regno cælórum: filii autem regni eiiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanátus est puer in illa hora.

Antiphona ad Offertorium

Ps. 24, 1-3

Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundén-
tur.

Secreta

Sacrificiis præséntibus, Dómine, quæsumus, inténde placátus: ut et devotióni nostræ proficiant, et salúti. Per Dóminum.

Præfatio de Quadragesima.

Antiphona ad Communionem

Ps. 50, 21

Acceptábis sacrificium iustítiae, oblatiões, et holocáusta, super altáre tuum, Dómine.

Postcommunio

Cæléstis doni benedictióne percépta: súpplíces te, Deus omnípotens, deprecámur; ut hoc idem

nobis et sacraménti causa sit, et salútis. Per Dóminum.

Super populum: Orémus. Humiliáte cápita vestra Deo.

Oratio

Parce, Dómine, parce pópulo tuo: ut dignis flagellatió nibus castigátus, in tua miseratióne respíret. Per Dóminum.

FERIA SEXTA

III classis

Statio ad Ss. Ioannem et Paulum

Antiphona ad Introitum

Ps. 29, 11

Audívit Dóminus, et misértus est mihi: Dóminus factus est adiútor meus. **Ps. ibid., 2** Exaltábo te, Dómine, quóniam suscepísti me: nec delectásti inimícos meos super me. **Y.** Glória Patri. Audívit.

Oratio

Inchoáta ieiúnia, quæsumus, Dómine, benigno favóre proséquere: ut observántiam, quam corporáliter exhibémus, méntibus étiam sincéris exercére valeámus. Per Dóminum.

Léctio Isaíæ Prophétæ

Isai. 58, 1-9

Hæc dicit Dóminus Deus: Clama, ne cesses: quasi tuba exálta vocem tuam: et annúntia pópulo meo scélera eórum, et dómui Iacob peccáta eórum. Me étenim de die in diem quærunt, et scire vias meas volunt: quasi gens, quæ iustítiam fécerit, et iudícium Dei sui non derelíquerit: rogant me iudícia iustítiae: appropinquáre Deo volunt. Quare ieiunávimus, et non aspexisti: humiliávimus ánimas nostras,

et nescísti? Ecce in die ieiúnii vestri invenítur volúntas vestra, et omnes debitóres vestros repétitis. Ecce ad lites, et contentiónes ieiunátis, et percútitis pugno ímpie. Nolíte ieiunáre sicut usque ad hanc diem, ut audiátur in excélsó clamor vester. Numquid tale est ieiúnium, quod elégi, per diem affligere hóminem ánimam suam? numquid contorquére quasi círculum caput suum, et saccum et cínerem stérnere? numquid istud vocábis ieiúnium, et diem acceptábilem Dómino? Nonne hoc est magis ieiúnium quod elégi? dissólve colligatiónes impietátis, solve fascículos depri-méntes: dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque induc in domum tuam: cum videris nudum, óperi eum et carnem tuam ne despéxeris. Tunc erúmpet quasi mane lumen tuum, et sánitas tua cítiús oriétur, et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum. Quia miséricors sum, Dóminus Deus tuus.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **℣.** Ut vídeam voluptátem Dómini, et prótegar a templo sancto eius.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **℣.** **Ps. 78, 8-9** Dómine, ne memínérís iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuvá nos, Deus salutáris noster: et

propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Matthæum

Matth. 5, 43-48; 6, 1-4

In illo témpore: Dixit Iesus discí-pulis suis: Audístis quia dictum est: Díliges próximum tuum: et ódio habébis inimícum tuum. Ego autem dico vobis: Dilígite inimícos vestros, benefácite his qui odérunt vos, et oráte pro persecuéntibus, et calumniántibus vos: ut sitis filii Patris vestri, qui in cælis est: qui solem suum oríri facit super bonos et malos, et pluit super iustos et in-iustos. Si enim dilígitis eos qui vos dilígunt, quam mercédem habébitis? nonne et publicáni hoc faciunt? Et si salutavéritis fratres vestros tantum, quid ámplius fácitis? nonne et éthnici hoc faciunt? Estóte ergo vos perfécti, sicut et Pater vester cæléstis perféctus est. At-téndite ne iustítiam vestram faciátis coram homínibus, ut videámini ab eis: alióquin mercédem non habébitis apud Patrem vestrum, qui in cælis est. Cum ergo facis eleemósynam, noli tuba cánere ante te, sicut hypócritæ faciunt in synagógis, et in vícis, ut honorificéntur ab homínibus. Amen dico vobis, recepérunt mercédem suam. Te autem faciénte eleemósynam, nésciat sínistra tua, quid fáciat dextera tua, ut sit eleemósyna tua in abscóndito, et Pater tuus, qui videt in abscóndito, reddet tibi.

Antiphona ad Offertorium

Ps. 118, 154 et 125

Dómine, vivífica me secúndum elóquium tuum: ut sciam testimónia tua.

Secreta

Sacrificium, Dómine, observántiæ quadragesimális, quod offérimus, præsta, quæsumus: ut tibi et mentes nostras reddat accéptas, et continéntiæ promptiórís nobis tríbuat facultátem. Per Dóminum.

Præfatio de Quadragesima.

Antiphona ad Communionem

Ps. 2, 11-12

Servíte Dómino in timóre, et exultáte ei cum tremóre: apprehéndite disciplínam, ne pereátis de via iusta.

Postcommunio

Spíritum nobis, Dómine, tuæ caritátis infúnde: ut, quos uno pane cælésti satiásti, tua fácias pietáte concórdes. Per Dóminum . . . in unitáte eiúsdem Spíritus Sancti.

Super populum: Orémus. Humiliáte cápita vestra Deo.

Oratio

Tuére, Dómine, pópulum tuum, et ab ómnibus peccátis cleménter emúnda: quia nulla ei nocébit advérsitas, si nulla ei dominé-tur iníquitas. Per Dóminum.

SABBATO

III classis

Statio ad S. Tryphonem

Antiphona ad Introitum

Ps. 29, 11

Audívit Dóminus, et misértus est mihi: Dóminus factus est adiútor meus. **Ps. ibid., 2** Exaltábo te, Dómine, quóniam susce-

písti me: nec delectásti inimícos meos super me. **V.** Glória Patri. Audívit.

Oratio

Adésto, Dómine, supplicatió-nibus nostris: et concéde; ut hoc solémne ieiúnium, quod animábus corporibúsq; curándis salúbriter institútum est, devóto servítio celebrémus. Per Dóminum.

Léctio Isaíæ Prophétæ

Isai. 58, 9-14

Hæc dicit Dóminus Deus: Si abstúleris de médio tui caténam, et desíeris exténdere dígitum, et loqui quod non prodest. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiés. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irríguus, et sicut fons aquárum, cuius non deficient aquæ. Et ædificabúntur in te desérta sæculórum: fundaménta generatiónis et generatiónis suscitábis: et vocáberis ædificátor sépium, avértens sémitas in quiétem. Si avérteris a sábbato pedem tuum, fácere voluntátem tuam in die sancto meo, et vocáveris sábbatum delicátum, et sanctum Dómini gloriósum, et glorificáveris eum, dum non facis vias tuas, et non invenítur volúntas tua, ut loquáris sermónem: tunc delectáberis super Dómino: et sustóllam te super altitúdines terræ, et cibábo te hereditáte Iacob patris tui. Os enim Dómini locútum est.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **V.** Ut vídeam voluptátem Dómini, et prótegar a templo sancto eius.

✠ Sequéntia sancti Evangélii secúndum Marcum

Marc. 6, 47-56

In illo témpore: Cum sero esset, erat navis in médio mari, et Iesus solus in terra. Et videns discipulos suos laborántes in remigándo (erat enim ventus contrárius eis), et circa quartam vigíliam noctis venit ad eos ámbulans supra mare: et volébat præteríre eos. At illi, ut vidérunt eum ambulántem supra mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis: Confidite, ego sum, nolíte timére. Et ascéndit ad illos in navim, et cessávit ventus. Et plus magis intra se stupébant: non enim intellexérunt de pánibus: erat enim cor eórum obcæcátum. Et cum transfretássent, venérunt in terram Genésareth, et applicuérunt. Cumque egressi essent de navi, continuo cognovérunt eum: et percurréntes univérsam regiónem illam, coepérunt in grabátis eos, qui se male habébant, circumférre ubi audiébant eum esse. Et quocúmque introíbat, in vicos, vel in villas, aut civitátes, in platéis ponébant infirmos, et deprecabántur eum, ut vel fimbriam vestiménti eius tangerent: et quotquot tangébant eum, salvi fiébant.

Antiphona ad Offertorium

Ps. 118, 154 et 125

Dómine, vivífica me secúndum elóquium tuum: ut sciam testimónia tua.

Secreta

Súscipe, Dómine, sacrificium, cuius te voluísti dignánte immolatione placári: præsta, quæsumus;

ut, huius operatione mundáti, beneplácitum tibi nostræ mentis offerámus afféctum. Per Dóminum.

Præfatio de Quadragesima.

Antiphona ad Communionem

Ps. 2, 11-12

Servíte Dómino in timóre, et exsultáte ei cum tremóre: apprehéndite disciplínam, ne pereátis de via iusta.

Postcommunio

Cæléstis vitæ múnere vegetáti, quæsumus, Dómine: ut, quod est nobis in præsénti vita mystérium, fiat æternitátis auxílium. Per Dóminum.

Super populum: Orémus. Humiliáte cápita vestra Deo.

Oratio

Fidèles tui, Deus, per tua dona firméntur: ut éadem et percipiéndodo requírant, et quæréndo sine fine percípiant. Per Dóminum.

DOMINICA PRIMA IN QUADRAGESIMA

I classis

Statio ad S. Ioannem in Laterano

Antiphona ad Introitum

Ps. 90, 15 et 16

Invocábit me, et ego exáudiam eum: erípíam eum, et glorificábo eum, longitudine diérum adimplébo eum. **Ps. ibid., 1** Qui hábitat in adiutório Altíssimi, in protectione Dei cæli commorábitur. **V.** Glória Patri. **I**nvocábit.

Oratio

Deus, qui Ecclesiā tuā annua quadragesimāli observatiōe purificas: pręsta familię tuę: ut, quod a te obtinere abstinendo nřitur, hoc bonis opęribus exsequatur. Per Dñm.

Lectio Epistolę beati Pauli Apóstoli ad Corínthios

2 Cor. 6, 1-10

Fratres: Exhortámur vos, ne in vácuum grátiam Dei recipiátis. Ait enim: Tẽpore accępto exaudĩvi te, et in die salutis adiũvi te. Ecce nunc tempus acceptabile, ecce nunc dies salutis. Nęmini dantes ullam offensiōnem, ut non vituperetur ministrium nostrum: sed in ómnibus exhibeamus nosmetipsos sicut Dei ministros, in multa paciẽtia, in tribulationibus, in necessitatibus, in angustis, in plagis, in carcęribus, in seditiōnibus, in labóribus, in vigiliis, in ieiuniis, in castitate, in sciẽtia, in longanimitate, in suavitate, in Spĩritu Sancto, in caritate non ficta, in verbo veritatis, in virtute Dei, per arma iustitię a dextris, et a sinistris: per glóriam, et ignobilitatem: per infamiam, et bonam famam: ut seductóres, et veraces: sicut qui ignóti, et cógnoti: quasi moriẽtes, et ecce vivimus: ut castigati, et non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, et ómnia possidentes.

Graduale Ps. 90, 11-12 Angelis suis Deus mandávit de te, ut custódiānt te in ómnibus viis tuis. *V.* In mánibus portábunt te, ne umquam offēdas ad lápidem pedem tuum.

Tractus Ibid., 1-7 et 11-16 Qui habitat in adiutório Altissimi, in prote-

ctiōne Dei cęli commorabitur. *V.* Dicet Dñmo: Suscéptor meus es tu et refúgium meum: Deus meus, sperábo in eum. *V.* Quóniam ipse liberávit me de láqueo venántium, et a verbo áspero. *V.* Scápulis suis obumbrábit tibi, et sub pennis eius sperábis. *V.* Scuto circúmdabit te veritas eius: non timébis a timóre noctúrno. *V.* A sagitta volante per diem, a negótio perambulante in tenebris, a ruína et dæmónio meridiáno. *V.* Cadent a látere tuo mille, et decem míllia a dextris tuis: tibi autem non appropinquábit. *V.* Quóniam Angelis suis mandávit de te, ut custódiānt te in ómnibus viis tuis. *V.* In mánibus portábunt te, ne umquam offēdas ad lápidem pedem tuum. *V.* Super áspidem et basiliscum ambulábis, et conculcábis leónem et draconem. *V.* Quóniam in me sperávit, liberábo eum: prótegam eum, quóniam cognóvit nomen meum. *V.* Invocabit me, et ego exaudiam eum: cum ipso sum in tribulatione. *V.* Erípiam eum, et glorificábo eum: longitúdine dięrum adimplébo eum, et osténdam illi salutáre meum.

✠ Sequéntia sancti Evangélii secúndum Matthæum

Matth. 4, 1-11

In illo tẽpore: Ductus est Iesus in désertum a Spĩritu, ut tentarétur a diabolo. Et cum ieiunásset quadraginta diębus, et quadraginta nóctibus, póstea esúriit. Et accédens tentátor, dixit ei: Si Fílius Dei es, dic ut lápidēs isti panes fiant. Qui respóndens, dixit: Scriptum est: Non in solo pane vivit homo: sed in omni verbo, quod procédit de ore Dei. Tunc assúmpsit eum diábolus in sanctam civitatem, et státuit eum

super pinnáculum templi, et dixit ei: Si Fílius Dei es, mitte te deórsum. Scriptum est enim: Quia Angelis suis mandávit de te, et in mánibus tollent te, ne forte offéndas ad lápidem pedem tuum. Ait illi Iesus: Rursum scriptum est: Non tentábis Dóminum Deum tuum. Iterum assúmpsit eum diábolus in montem excélsu valde: et osténdit ei ómnia regna mundi, et glóriam eórum, et dixit ei: Hæc ómnia tibi dabo, si cadens adoráveris me. Tunc dicit ei Iesus: Vade, Sátana: scriptum est enim: Dóminum Deum tuum adorábis, et illi soli sérvies. Tunc relíquit eum diábolus et ecce Angeli accessérunt, et ministrábant ei. **Credo.**

Antiphona ad Offertorium

Ps. 90, 4-5

Scápolis suis obumbrábit tibi Dóminus, et sub pennis eius sperábis: scuto circúmdabit te véritas eius.

Secreta

Sacrificium quadragesimális infíti solémniter immolámus, te, Dómine, deprecántes: ut, cum epulárum restrictióne carnálium, a nóxiis quoque voluptátibus temperémus. Per Dóminum.

Præfatio de Quadragesima.

Antiphona ad Communionem

Ps. 90, 4-5

Scápolis suis obumbrábit tibi Dóminus, et sub pennis eius sperábis: scuto circúmdabit te véritas eius.

Postcommunio

Tuis nos, Dómine, sacraménti libátio sancta restáuret: et a vetustáte purgátos, in mystérii salutaris fáciat transíre consórtium. Per Dóminum.

FERIA SECUNDA

III classis

Statio ad S. Petrum ad Vincula

Antiphona ad Introitum

Ps. 122, 2

Sicut óculi servórum in mánibus dominórum suórum: ita óculi nostri ad Dóminum Deum nostrum, donec misereátur nobis: miserére nobis, Dómine, miserére nobis. **Ps. ibid., 1** Ad te levávi óculos meos: qui hábitas in cælis. **℣.** Glória Patri. **Sicut.**

Oratio

Convérte nos, Deus salutáris noster: et, ut nobis ieiúnium quadragesimále profíciat, mentes nostras cæléstibus ínstrue disciplínis. Per Dóminum.

Léctio Ezechiélis Prophétæ

Ezech. 34, 11-16

Hæc dicit Dóminus Deus: Ecce ego ipse requíram oves meas, et visitábo eas. Sicut visitat pastor gregem suum in die, quando fúerit in médio óvium suárum dissipátarum: sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis. Et edúcam eas de pópulis, et congregábo eas de terris, et indúcam eas in terram suam: et pascam eas in móntibus Israël, in rivis, et in cunctis sédibus terræ. In páscuis ubérrimis pascam eas, et in móntibus excélsis Israël erunt páscua eárum: ibi requiéscent in herbis viréntibus, et in páscuis pínguibus pascéntur super montes Israël. Ego pascam oves meas, et ego eas accubáre fáciam, dicit Dóminus Deus. Quod perierat, requíram; et

quod abiectum erat, reducam; et quod confractum fuerat, alligabo; et quod infirmum fuerat, consolidabo; et quod pingue et forte, custodiam: et pascam illas in iudicio, dicit Dominus omnipotens.

Graduale Ps. 83, 10 et 9 Protector noster aspice, Deus, et respice super servos tuos. **V.** Domine Deus virtutum, exaudi preces servorum tuorum.

Tractus Ps. 102, 10 Domine, non secundum peccata nostra, quae fecimus nos: neque secundum iniquitates nostras retribuas nobis. **V. Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. **(Hic genuflectitur)** **V.** Adiuva nos, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

✠ Sequentia sancti Evangelii secundum Matthaeum

Matth. 25, 31-46

In illo tempore: Dixit Iesus discipulis suis: Cum venerit Filius hominis in maiestate sua, et omnes Angeli cum eo, tunc sedebit super sedem maiestatis suae: et congregabuntur ante eum omnes gentes, et separabit eos ab invicem sicut pastor segregat oves ab haedis: et statuet oves quidem a dextris suis, haedos autem a sinistris. Tunc dicet Rex his, qui a dextris eius erunt: Venite, benedicti Patris mei, possidete paratum vobis regnum a constitutione mundi. Esurivi enim, et dedistis mihi manducare: sitivi, et dedistis mihi bibere: hospes eram, et collegistis me: nudus, et cooperuistis me: infirmus, et visitastis me:

in carcere eram, et venistis ad me. Tunc respondebunt ei iusti, dicentes: Domine, quando te vidimus esurientem, et pavimus te: sitientem et dedimus tibi potum? quando autem te vidimus hospitem, et collegimus te: aut nudum, et cooperuimus te? aut quando te vidimus infirmum, aut in carcere, et venimus ad te? Et respondens Rex, dicet illis: Amen dico vobis: quamdiu fecistis uni ex his fratribus meis minimis, mihi fecistis. Tunc dicet et his, qui a sinistris erunt: Discedite a me maledicti, in ignem aeternum, qui paratus est diabolo, et angelis eius. Esurivi enim, et non dedistis mihi manducare: sitivi, et non dedistis mihi potum: hospes eram, et non collegistis me: nudus, et non cooperuistis me: infirmus, et in carcere, et non visitastis me. Tunc respondebunt ei et ipsi, dicentes: Domine, quando te vidimus esurientem, aut sitientem, aut hospitem, aut nudum, aut infirmum, aut in carcere, et non ministravimus tibi? Tunc respondebit illis, dicens: Amen dico vobis: Quamdiu non fecistis uni de minoribus his, nec mihi fecistis. Et ibunt hi in supplicium aeternum: iusti autem in vitam aeternam.

Antiphona ad Offertorium

Ps. 118, 18, 26 et 73

Levabo oculos meos, et considerabo mirabilia tua, Domine, ut doceas me iustitias tuas: da mihi intellectum, et discam mandata tua.

Secreta

Munera tibi, Domine, oblata sanctifica: nosque a peccatorum nostrorum maculis emunda. Per Dominum.

Præfatio de Quadragesima.

Antiphona ad Communionem

Matth. 25, 40 et 34

Amen dico vobis: quod uni ex minimis meis fecistis, mihi fecistis: veníte, benedícti Patris mei, possidéte parátum vobis regnum ab iníitio sǎculi.

Postcommunio

Salutáris tui, Dómine, múnere satiáti, súpplíces exorámus: ut, cuius lætámur gustu, renovémur efféctu. Per Dóminum.

Super populum: Orémus. Humiliáte cápita vestra Deo.

Oratio

Absólve, quǎesumus, Dómine, nostrórum víncula peccatórum: et, quidquid pro eis merémur, propitiátus avérte. Per Dóminum.

FERIA TERTIA**III classis**

Statio ad S. Anastasiam

Antiphona ad Introitum

Ps. 89, 1 et 2

Dómine, refúgium factus es nobis a generatióne et progénie: a sǎculo, et in sǎculum tu es. **Ps. ibid., 2** Priúsqvam montes fierent, aut formarétur terra, et orbis: a sǎculo et usque in sǎculum tu es Deus. **V.** Glória Patri. **D**ómine.

Oratio

Réspice, Dómine, famíliam tuam: et præsta; ut apud te mens nostra tuo desidério fúlgeat, quæ se carnis maceratióne castígat. Per Dóminum.

Léctio Isaíæ Prophétæ

Isai. 55, 6-11

In diébus illis: Locútus est Isaías prophéta, dicens: Quǎerite Dóminum, dum inveníri potest: invocáte eum, dum prope est. Derelinquat impius viam suam, et vir iníquus cogitatiónes suas, et revertátur ad Dóminum: et miserébitur eius, et ad Deum nostrum: quóniam multus est ad ignoscéndum. Non enim cogitatiónes meæ, cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatió nibus vestris. Et quómodo descéndit imber, et nix de cælo, et illuc ultra non revértitur, sed inébriat terram, et infúndit eam, et germináre eam facit, et dat semen serénti, et panem comedénti: sic erit verbum meum, quod egrediétur de ore meo: non revertétur ad me vácuum, sed fáciat quæcúmque vólui, et prosperábitur in his, ad quæ misi illud: ait Dóminus omnípotens.

Graduale Ps. 140, 2 Dirigátur orátio mea sicut incénsum in conspéctu tuo, Dómine. **V.** Elevátio mánuum meárum sacrificium vespertínium.

✠ **Séquentia sancti Evangélii secúndum Matthæum.**

Matth. 21, 10-17

In illo témpore: Cum intrásset Iesus Ierosólymam, commóta est univérsa civitas, dicens: Quis est hic? Pópuli autem dicébant: Hic est Iesus Prophéta a Názareth Galilææ. Et intrávit Iesus in templum Dei, et eiiciébat omnes vendéntes, et eméntes in templo; et mensas nummulariórum, et cáthedras vendéntium

colúmbas evértit: et dicit eis: Scriptum est: Domus mea domus orationis vocabitur: vos autem fecistis illam spelúncam latrónum. Et accessérunt ad eum cæci et claudi in templo: et sanávit eos. Vidéntes autem príncipes sacerdotum, et scribæ mirabilia, quæ fecit, et púeros clamántes in templo, et dicéntes: Hosánna filio David: indignáti sunt, et dixerunt ei: Audis quid isti dicunt? Iesus autem dixit eis: Utique. Numquam legístis: Quia ex ore infántium et lacténtium perfecísti laudem? Et relíctis illis, ábiit foras extra civitátem in Bethániam: ibíque mansit.

Antiphona ad Offertorium

Ps. 30, 15-16

In te sperávi, Dómine; dixi: Tu es Deus meus, in mánibus tuis témpora mea.

Secreta

Oblátis, quæsumus, Dómine, placáre munéribus: et a cunctis nos defénde perículis. Per Dóminum.

Præfatio de Quadragesima.

Antiphona ad Communionem

Ps. 4, 2

Cum invocárem te, exaudísti me, Deus iustítiæ meæ: in tribulatióne dilatásti me: miserére mihi, Dómine, et exáudi oratióne meam.

Postcommunio

Quæsumus, omnípotens Deus: ut illíus salutáris capiámus efféctum, cuius per hæc mystéria pignus accépmus. Per Dóminum.

Super populum: Orémus. Humiliáte cápita vestra Deo.

Oratio

Ascéndant ad te, Dómine, preces nostræ: et ab Ecclésia tua cunctam repélle nequítiam. Per Dóminum.

FERIA QUARTA QUATUOR TEMPORUM QUADRAGESIMÆ

II classis

Statio ad S. Mariam maiorem

Antiphona ad Introitum

Ps. 24, 6, 3 et 22

Reminíscere miseratiónum tuárum, Dómine, et misericórdiæ tuæ, quæ a sæculo sunt: ne umquam dominéntur nobis inimíci nostri: libera nos, Deus Israël, ex ómnibus angústis nostris. **Ps. ibid., 1-2** Ad te, Dómine, levávi ánimam meam: Deus meus, in te confido, non erubéscam. **V.** Glória Patri. **Reminíscere.**

Post Kýrie, eléison, dicitur:
Orémus. Flectámus génua.
Leváte.

Oratio

Preces nostras, quæsumus, Dómine, cleménter exáudi: et contra cuncta nobis adversántia, dexteram tuæ maiestátis exténde. Per Dóminum.

Præcedens oratio sine Flectámus génua sumitur ad commemorandam feriam IV Quatuor Temporum.

Léctio libri Exodi

Exod. 24, 12-18

In diébus illis: Dixit Dóminus ad Móysen: Ascénde ad me in montem, et esto ibi: dabóque tibi tábulas lapídeas, et legem ac mandáta quæ scripsi: ut dóceas filios Israël. Surrexérunt Móyses et Iósue mínister

eius: ascendensque Móyses in montem Dei, seníoribus ait: Expectáte hic donec revertámur ad vos. Habétis Aaron et Hur vobíscum: si quid natum fúerit quæstiónis, referétis ad eos. Cumque ascendísset Móyses, opéruit nubes montem, et habitávit glória Dómini super Sínai, tegens illum nube sex diébus: séptimo autem die vocávit eum de médio caliginis. Erat autem species glóriæ Dómini, quasi ignis ardens super vérticem montis, in conspéctu filíorum Israël. Ingressúsque Móyses médium nébulæ, ascéndit in montem: et fuit ibi quadragínta diébus, et quadragínta nóctibus.

Graduale Ps. 24, 17-18 Tribulatiónes cordis mei dilatátæ sunt: de necessitatibus meis éripe me, Dómine. **℣.** Vide humilitátem meam, et labórem meum: et dimítte ómnia peccáta mea.

Hic dicitur ℣. Dóminus vobíscum, **sine** Flectámus génua.

Orémus

Oratio

Devotiónem pópuli tui, quæsumus, Dómine, benígnus inténde: ut, qui per abstinéntiam macerántur in corpore, per fructum boni óperis reficiántur in mente. Per Dóminum.

Et dicuntur aliæ orationes forte occurrentes.

Léctio libri Regum

3 Reg. 19, 3-8

In diébus illis: Venit Elías in Bersabée Iuda, et dimísit ibi puerum suum, et perréxit in désertum, viam uníus diéi. Cumque venísset, et sedéret subter unam iuníperum, petívit animæ suæ ut morerétur, et ait: Súfficit mihi, Dómine, tolle animam meam: neque enim mélior

sum, quam patres mei. Proiecítque se, et obdormívit in umbra iuníperi: et ecce Angelus Dómini tétigit eum, et dixit illi: Surge et cómede. Respéxit, et ecce ad caput suum subcinerícus panis, et vas aquæ: comédit ergo et bibit, et rursum obdormívit. Reversúsque est Angelus Dómini secúndo, et tétigit eum, dixítque illi: Surge, cómede: grandis enim tibi restat via. Qui cum surrexísset, comédit, et bibit, et ambulávit in fortitúdine cibi illíus quadragínta diébus, et quadragínta nóctibus, usque ad montem Dei Horeb.

Tractus Ps. 24, 17, 18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **℣.** Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei. **℣.** Etenim univérsti qui te expéctant, non confundéntur: confundántur omnes faciéntes vana.

✠ Sequéntia sancti Evangélíi secúndum Matthæum

Matth. 12, 38-50

In illo témpore: Respondérunt Iesu quidam de scribis et pharisæis, dicéntes: Magíster, vólumus a te signum vidére. Qui respóndens, ait illis: Generátio mala et adúltera signum quærit: et signum non dábitur ei, nisi signum Ionæ prophætæ. Sicut enim fuit Ionas in ventre ceti tribus diébus, et tribus nóctibus: sic erit Fílius hóminis in corde terræ tribus diébus, et tribus nóctibus. Viri Ninivítæ surgent in iudicio cum generatióne ista, et condemnábunt eam: quia pæniténtiam egérunt in prædicatióne Ionæ.

Et ecce plus quam Ionas hic. Regina Austri surget in iudicio cum generatione ista, et condemnabit eam: quia venit a finibus terrae audire sapientiam Salomonis. Et ecce plus quam Salomon hic. Cum autem immundus spiritus exierit ab homine, ambulat per loca arida, quaerens requiem, et non invenit. Tunc dicit: Revértar in domum meam, unde exívi. Et véniens invenit eam vacantem, scopis mundatam, et ornátam. Tunc vadit, et assúmit septem álios spíritus secum nequiores se, et intrántes hábitant ibi: et fiunt novíssima hóminis illíus peióra prióribus. Sic erit et generatióni huic péssimæ. Adhuc eo loquente ad turbas, ecce mater eius, et fratres stabant foris, quaeréntes loqui ei. Dixit autem ei quidam: Ecce mater tua, et fratres tui foris stant quaeréntes te. At ipse respondens dicénti sibi, ait: Quæ est mater mea, et qui sunt fratres mei? Et exténdens manum in discípulos suos, dixit: Ecce mater mea, et fratres mei. Quicúmque enim fécerit voluntátem Patris mei, qui in cælis est: ipse meus frater, et soror, et mater est.

Antiphona ad Offertorium

Ps. 118, 47 et 48

Meditábor in mandátis tuis, quæ diléxi valde: et levábo manus meas ad mandáta tua, quæ diléxi.

Secreta

Hóstias tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Præfatio de Quadragesima.

Antiphona ad Communionem

Ps. 5, 2-4

Intéllege clamórem meum: inténde voci oratiónis meæ, Rex meus, et Deus meus: quóniam ad te orábo, Dómine.

Postcommunio

Tui, Dómine, perceptiône sacraménti, et a nostris mundémur occúltis, et ab hóstium liberémur insídiis. Per Dóminum.

Super populum: Orémus. Humiliáte cápita vestra Deo.

Oratio

Mentes nostras, quæsumus, Dómine, lúmine tuæ claritátis illústra: ut vidére possimus, quæ agénda sunt; et, quæ recta sunt, ágere valeámus. Per Dóminum.

FERIA QUINTA

III classis

Statio ad S. Laurentium in Paneperna

Antiphona ad Introitum

Ps. 95, 6

Confessio et pulchritúdo in conspéctu eius: sáncritas et magnificéntia in sanctificatióne eius. **Ps. ibid., 1** Cantáte Dómino cánticum novum: cantáte Dómino, omnis terra. **V.** Glória Patri. Confessio.

Oratio

Devotióne pópuli tui, quæsumus, Dómine, benígnus inténde: ut, qui per abstinéntiam macerántur in corpore, per fructum boni óperis reficiántur in mente. Per Dóminum.

Lectio Ezechiélis Prophétæ

Ezech. 18, 1-9

In diébus illis: Factus est sermo Dómini ad me, dicens: Quid est, quod inter vos parábolam vértitis in provérbium istud in terra Israél, dicéntes: Patres comedérunt uvam acérbam, et dentes filiórum obstupéscunt? Vivo ego, dicit Dóminus Deus, si erit ultra vobis parábola hæc in provérbium in Israél. Ecce omnes ánimæ, meæ sunt: ut ánima patris, ita et ánima filii, mea est: ánima, quæ peccáverit, ipsa moriétur. Et vir si fúerit iustus, et fécerit iudícium et iustítiam, in món-tibus non coméderit, et óculos suos non leváverit ad idóla domus Israél: et uxórem próximi sui non violáverit, et ad mulierem menstruátam non accésserit: et hóminem non contristáverit: pignus debítóri reddíderit, per vim nihil rapúerit: panem suum esuriénti déderit, et nudum operúerit vestiménto: ad usúram non commodáverit, et ámplius non accéperit: ab iniquitáte avérterit manum suam, et iudícium verum fécerit inter virum et virum: in præcéptis meis ambuláverit, et iudícia mea custodíerit, ut fáciat veritátem: hic iustus est, vita vivet, ait Dóminus omnípotens.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. **V.** De vultu tuo iudícium meum pródeat: óculi tui vídeant æquitátem.

✠ Sequéntia sancti Evangélíi secúndum Matthæum

Matth. 15, 21-28

In illo témpore: Egréssus Iesus secéssit in partes Tyri et Sidó-

nis. Et ecce múlíer Chananæa a finibus illis egréssa clamávit, dicens ei: Miserére mei, Dómine, fili David: filia mea male a dæmónio vexátur. Qui non respóndit ei verbum. Et accedéntes discípuli eius rogábant eum, dicéntes: Dimítte eam; quia clamat post nos. Ipse autem respóndens, ait: Non sum missus nisi ad oves, quæ periérunt domus Israél. At illa venit, et adorávit eum, dicens: Dómine, ádiuva me. Qui respóndens, ait: Non est bonum súmere panem filiórum, et mittere cánibus. At illa dixit: Etiam, Dómine: nam et catélli edunt de micis, quæ cadunt de mensa dominórum suórum. Tunc respóndens Iesus, ait illi: O múlíer, magna est fides tua: fiat tibi sicut vis. Et sanáta est filia eius ex illa hora.

Antiphona ad Offertorium

Ps. 33, 8-9

Immíttet Angelus Dómini in circuitu timéntium eum, et erípiet eos: gustáte, et vidéte, quóniam suávis est Dóminus.

Secreta

Sacrificia, Dómine, quæsumus, propénsius ista nos salvent, quæ medicinálibus sunt institúta ieiúniis. Per Dóminum.

Præfatio de Quadragesima.

Antiphona ad Communionem

Ioann. 6, 52

Panis, quem ego dédero, caro mea est pro sæculi vita.

Postcommunio

Tuórum nos, Dómine, largitáte donórum, et temporálibus attólle præsídiis, et rénova sempitérnis. Per Dóminum.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulis christiánis: et, quæ profiténtur, agnóscere, et cæléste munus diligere, quod frequéntant. Per Dñ.

FERIA SEXTA
QUATUOR TEMPORUM
QUADRAGESIMÆ

II classis

Statio ad Ss. duodecim Apostolos

Antiphona ad Introitum

Ps. 24, 17 et 18

De necessitatibus meis éripe me, Dómine: vide humilitátem meam et labórem meum, et dimítte ómnia peccáta mea. **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. **V.** Glória Patri. **De necessitatibus.**

Oratio

Esto, Dómine, propítius plebi tuæ: et, quam tibi facis esse devótam, benígno réfove miserátus auxílio. Per Dóminum.

Léctio Ezechiélis Prophétæ

Ezech. 18, 20-28

Hæc dicit Dóminus Deus: Anima, quæ peccáverit, ipsa moriétur: fílius non portábit iniquitátem patris, et pater non portábit iniquitátem filii: iustítia iusti super eum erit, et impietas ípii erit super eum. Si autem ípius égerit pæniténtiam ab ómnibus peccátis suis, quæ operátus est, et custodíerit ómnia præcépta mea, et fécerit iudícium et iustítiam: vita vivet, et non moriétur. Omnium iniquitátum eius, quas operátus est, non recordábor: in iustítia

sua, quam operátus est, vivet. Numquid voluntátis meæ est mors ípii, dicit Dóminus Deus, et non ut convertátur a viis suis, et vivat? Si autem avérterit se iustus a iustítia sua, et fécerit iniquitátem secúndum omnes abominatiónes, quas operári solet ípius, numquid vivet? omnes iustítiae eius, quas fécerat, non recordabúntur: in prævaricatióne, qua prævaricátus est, et in peccáto suo, quod peccávit, in ipsis moriétur. Et dixístis: Non est æqua via Dómini. Audíte ergo, domus Israél: Numquid via mea non est æqua, et non magis viæ vestræ pravæ sunt? Cum enim avérterit se iustus a iustítia sua, et fécerit iniquitátem, moriétur in eis: in iniustítia, quam operátus est, moriétur. Et cum avérterit se ípius ab impietáte sua, quam operátus est, et fécerit iudícium et iustítiam: ipse ánimam suam vivificábit. Considerans enim, et avértens se ab ómnibus iniquitatibus suis, quas operátus est, vita vivet, et non moriétur, ait Dóminus omnípotens.

Graduale Ps. 85, 2 et 6 Salvum fac servum tuum, Deus meus, sperántem in te. **V.** Auribus pércipe, Dómine, oratiónem meam.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitates nostras retríbuas nobis. **V. Ps. 78, 8-9** Dómine, ne memínris iniquitátum nostrárum antiquárum: cito anticipent nos misericórdiae tuæ, quia páuperes facti sumus nimis. **(Hic genuflectitur)** **V.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Ioánnem

Ioann. 5, 1-15

In illo témpore: Erat dies festus Iudæórum, et ascéndit Iesus Ierosólymam. Est autem Ierosólymis Probática piscína, quæ cognominátur hebráice Bethsáida, quinque pórticus habens. In his iacébat multitúdo magna languéntium, cæcórú, claudórum, aridórum exspectántium aquæ motum. Angelus autem Dómini descendébat secúndum tempus in piscínam, et movebátur aqua. Et qui prior descendísset in piscínam post motiónem aquæ, sanus fiébat a quacúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidísset Iesus iacéntem, et cognovísset quia iam multum tempus habéret, dicit ei: Vis sanus fieri? Respóndit ei lánguidus: Dómine, hóminem non hábeo, ut cum turbáta fúerit aqua, mittat me in piscínam: dum vénio enim ego, álius ante me descendit. Dicit ei Iesus: Surge, tolle grabátum tuum, et ámbula. Et statim sanus factus est homo ille: et sústulit grabátum suum, et ambulábat. Erat autem sábbatum in die illo. Dicébant ergo Iudæi illi qui sanátus fúerat: Sábbatum est, non licet tibi tóllere grabátum tuum. Respóndit eis: Qui me sanum fecit, ille mihi dixit: Tolle grabátum tuum, et ámbula. Interrogavérunt ergo eum: Quis est ille homo, qui dixit tibi: Tolle grabátum tuum et ámbula? Is autem, qui sanus fúerat efféctus, nesciébat quis esset. Iesus enim declinávit a turba constitúta in loco. Póstea invénit eum Iesus in templo, et dixit illi: Ecce sanus factus es: iam noli peccáre, ne detérius

tibi áliquíd contíngat. Abiit ille homo, et nuntiávit Iudæis, quia Iesus esset, qui fecit eum sanum.

Antiphona ad Offertorium

Ps. 102, 2 et 5

Bénedic ánima mea Dómino, et noli oblivísci omnes retributiónes eius: et renovábitur, sicut áquilæ, iuvéntus tua.

Secreta

Súscipe, quæsumus, Dómine, múnera nostris obláta servítiis: et tua propítius dona sanctífica. Per Dóminum.

Præfatio de Quadragesima.

Antiphona ad Communionem

Ps. 6, 11

Erubéscant et conturbéntur omnes inimíci mei: avertántur retrórsus, et erubéscant valde velóciter.

Postcommunio

Per huius, Dómine, operatiónem mystérii, et vítia nostra purgéntur, et iusta desidéria compleántur. Per Dóminum.

Super populum: Orémus. Humiliáte cápita vestra Deo.

Oratio

Exáudi nos, miséricors Deus: et méntibus nostris grátiae tuæ lumen osténde. Per Dóminum.

SABBATO QUATUOR TEMPORUM QUADRAGESIMÆ

II classis

Statio ad S. Petrum

FORMA MISSÆ LONGIOR

¶ Hæc forma adhibenda est in Missis conventualibus et in Missa, in qua Ordines conferuntur; in ceteris Missis adhiberi potest forma brevior, ut infra 77.

In sabbato Quatuor Temporum Missa, in qua Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis "In collatione Ordinum" sub unica conclusione cum oratione quæ sequitur Dóminus vobiscum, et omituntur omnes commemorationes, nisi sint privilegiatæ.

Antiphona ad Introitum

Ps. 87, 3

Intret oratio mea in conspéctu tuo: inclína aurem tuam ad precem meam, Dómine. **Ps. ibid., 2** Dómine Deus salutis meæ: in die clamávi, et nocte coram te. **V.** Glória Patri. **I**ntret.

Post Kýrie, eléison, **dicitur:**
Orémus. Flectámus génua.
Leváte.

Oratio

Pópulum tuum, quæsumus, Dómine, propítius réspice: atque ab eo flagélla tuæ iracúndiæ cleménter avérte. Per Dóminum.

¶ **Præcedens oratio sine** Flectámus génua sumitur ad commemorandum sabbatum Quatuor Temporum.

Léctio libri Deuteronomii

Deut. 26, 12-19

In diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli quod sanctificátum est de domo mea, et dedi illud levítæ, et ádvenæ, et pupíllo, ac víduæ, sicut iussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélso cælórum habitáculo, et benedic pópulo tuo Israël, et terræ, quam dedísti nobis, sicut iurásti pá-

tribus nostris, terræ lacte et melle manánti. Hódie Dóminus Deus tuus præcépit tibi, ut fácias mandáta hæc atque iudícia: et custódias, et impleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis eius, et custódias cæremónias illius, et mandáta atque iudícia, et obédias eius império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius, et fáciat te excelsiorem cunctis géntibus, quas creávit in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutáris noster: et propter honórem nóminis tui, Dómine, libera nos.

Orémus. Flectámus génua.
Leváte.

Oratio

Protéctor noster, áspice, Deus: ut, qui malórum nostrórum póndere prémimur, percépta misericórdia, libera tibi mente famulémur. Per Dóminum.

Léctio libri Deuteronomii

Deut. 11, 22-25

In diébus illis: Dixit Móyses filiis Israël: Si custodiéritis mandáta, quæ ego præcípío vobis, et fecéritis ea, ut diligátis Dóminum Deum vestrum, et ambulétis in ómnibus viis eius, adhæréntes ei, dispérdet Dóminus omnes gentes istas ante faciém vestram, et possidébitis eas, quæ maióres et fortióres vobis

sunt. Omnis locus quem calcáverit pes vester, vester erit. A deserto, et a Líbano, a flúmine magno Euphráte usque ad mare Occidentále, erunt términi vestri. Nullus stabit contra vos: terrórem vestrum et formídinem dabit Dóminus Deus vester super omnem terram, quam calcatúri estis, sicut locútus est vobis Dóminus Deus vester.

Graduale Ps. 83, 10 et 9 Protéctor noster, áspice, Deus, et réspice super servos tuos. *Ÿ.* Dómine Deus virtútum, exáudi preces servórum tuórum.

Orémus. Flectámus génua.
Leváte.

Oratio

Adésto, quæsumus, Dómine, supplicatióibus nostris: ut esse, te largiénte, mereámur et inter próspera húmiles, et inter advérsa secúri. Per Dóminum.

Léctio libri Machabæórum

2 Mach. 1, 23-26 et 27

In diébus illis: Oratiónem faciébant omnes sacerdótes, dum consummarétur sacrificium, Iónatha inchoánte, céteris autem respondéntibus. Et Nehemíæ erat orátio hunc habens modum: Dómine, Deus ómnium creátor, terríbilis et fortis, iustus et miséricors, qui solus es bonus rex, solus præstans, solus iustus, et omnípotens et ætérnus, qui liberas Israél de omni malo, qui fecísti patres eléctos, et sanctificásti eos: áccipe sacrificium pro univérso pópulo tuo Israél, et custódi partem tuam, et sanctifica: ut sciant gentes, quia tu es Deus noster.

Graduale Ps. 89, 13 et 1 Convértere, Dómine, aliquántulum, et de-

precáre super servos tuos. *Ÿ.* Dómine, refúgium factus es nobis, a generatióne et progénie.

Orémus. Flectámus génua.
Leváte.

Oratio

Preces pópuli tui, quæsumus, Dómine, cleménter exáudi: ut, qui iuste pro peccátis nostris affligimur, pro tui nóminis glória misericórditer liberémur. Per Dóminum.

Léctio libri Sapiéntiæ

Eccli. 36, 1-10

Miserére nostri, Deus ómnium, et réspice nos, et osténde nobis lucem miseratiónum tuárum: et immítte timórem tuum super gentes, quæ non exquisiérunt te, ut cognóscant, quia non est Deus nisi tu, et enárrent magnália tua. Alle-va manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabília. Glorífica manum, et brácchium dextrum. Excita furórem, et effúnde iram. Tolle adversárium, et afflige inimicum. Festína tempus, et memento finis, ut enárrent mirabília tua, Dómine, Deus noster.

Graduale Ps. 140, 2 Dirigátur orátio mea sicut incénsum in conspéctu tuo, Dómine. *Ÿ.* Elevátio mánuum meárum sacrificium vespertinum.

Orémus. Flectámus génua.
Leváte.

Oratio

Actiões nostras, quæsumus, Dómine, aspirádo præveni, et adiuvádo proséquere: ut cuncta nostra orátio et operátio a te semper incípiat, et per te coepta finiátur. Per Dóminum.

Léctio Daniélis Prophétæ

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit iuxta fornácem de Chaldæis minístros regis, qui eam incendébant. Et non tétigit eos omnino ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus

Dan. ibid., 52-56

Benedíctus es, Dómine Deus patrum nostrórum. Et laudábilis, et gloriósus in sæcula.

Et benedíctum nomen glóriæ tuæ, quod est sanctum. Et laudábile, et gloriósum in sæcula.

Benedíctus es in templo sancto glóriæ tuæ. Et laudábilis, et gloriósus in sæcula.

Benedíctus es super thronum sanctum regni tui. Et laudábilis, et gloriósus in sæcula.

Benedíctus es super sceptrum divinitátis tuæ. Et laudábilis, et gloriósus in sæcula.

Benedíctus es qui sedes super Chérubim, íntuens abyssos. Et laudábilis, et gloriósus in sæcula.

Benedíctus es qui ámbulas super pennas ventórum, et super undas maris. Et laudábilis, et gloriósus in sæcula.

Benedícant te omnes Angeli, et Sancti tui. Et laudent te, et glorificent in sæcula.

Benedícant te cæli, terra, mare, et ómnia quæ in eis sunt. Et laudent te, et glorificent in sæcula.

Glória Patri, et Fílio, et Spirítui Sancto. Et laudábili, et glorióso in sæcula.

Sicut erat in princípio, et nunc, et semper: et in sæcula sæculórum. Amen. Et laudábili, et glorióso in sæcula.

Benedíctus es, Dómine Deus patrum nostrórum. Et laudábilis, et gloriósus in sæcula.

Hic dicitur V. Dóminus vobíscum, sine Flectámus gènu.

Orémus.

Oratio

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses

1 Thess. 5, 14-23

Fratres: Rogámus vos, corripite inquietos, consolámini pusillánimes, suscípите infirmos, patientes estóte ad omnes. Vidéte ne quis malum pro malo alicui reddat: sed semper quod bonum est sectámini in ínvicem, et in omnes. Semper gaudéte. Sine intermissione oráte. In ómnibus grátias ágite: hæc est enim volúntas Dei in Christo Iesu in ómnibus vobis. Spíritum nolíte exstinguere. Prophe-tías nolíte spérnere. Omnia autem

probáte: quod bonum est tenéte. Ab omni specie mala abstinéte vos. Ipse autem Deus pacis sanctificet vos per ómnia: ut ínteger spíritus vester, et ánima, et corpus sine queréla, in advéntu Dómini nostri Iesu Christi servétur.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **℣.** Quóniam confirmáta est super nos misericórdia eius: et véritas Dómini manet in ætérnum.

✠ **Sequéntia sancti Evangélíi secúndum Matthæum**

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernácula, tibi unum. Móysi unum, et Elíæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácuí: ipsum audíte. Et audiéntes discípuli, cecidérunt in fáciem suam, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Iesum. Et descendéntibus illis de monte, præcépit eis Iesus, dicens: Némini dixeritis visiónem, donec Fílius hóminis a mórtuis resúrgat.

Antiphona ad Offertorium

Ps. 87, 2-3

Dómine, Deus salútis meæ, in die clamávi, et nocte coram te: intret orátio mea in conspéctu tuo, Dómine.

Secreta

Præséntibus sacrificiis, quæsumus, Dómine, ieiúnia nostra sanctífica: ut, quod observántia nostra profitétur extrínsecus, intérius operétur. Per Dóminum.

Præfatio de Quadragesima.

Antiphona ad Communionem

Ps. 7, 2

Dómine Deus meus, in te sperávi: libera me ab ómnibus persequéntibus me, et éripe me.

Postcommunio

Sanctificatió nibus tuis, omnípotens Deus, et vítia nostra curéntur, et remédia nobis ætérna provéniant. Per Dóminum.

Super populum: Orémus. Humiliáte cápita vestra Deo.

Oratio

Fidéles tuos, Deus, benedíctio desideráta confírmes: quæ eos, et a tua voluntáte numquam fáciat discrepáre, et tuis semper indulgeat beneficiis gratulári. Per Dñm.

FORMA MISSÆ BREVIOR

† **Hæc forma adhiberi potest extra Missam conventualem et Missam in qua Ordines conferuntur.**

Antiphona ad Introitum

Ps. 87, 3

Intret orátio mea in conspéctu tuo: inclína aurem tuam ad precem meam, Dómine. **Ps. ibid., 2** Dómine Deus salútis meæ: in die clamávi, et nocte coram te. **℣.** Glória Patri. **I**ntret.

Post Kýrie, eléison, dicitur:
Orémus. Flectámus génua.
Leváte.

Oratio

Pópulum tuum, quæsumus, Dómine, propítius réspice: atque ab eo flagélla tuæ iracúndiæ cleménter avérte. Per Dóminum.

¶ **Præcedens oratio sine** Flectámus génua sumitur ad commemorandum sabbatum Quatuor Temporum.

Léctio libri Deuteronomii

Deut. 26, 12-19

In diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli quod sanctificátum est de domo mea, et dedi illud levítæ, et ádvenæ, et pupíllo, ac víduæ, sicut iussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélso cælórum habitáculo, et benedic pópulo tuo Israël, et terræ, quam dedísti nobis, sicut iurásti patribus nostris, terræ lacte et melle manánti. Hódie Dóminus Deus tuus præcépit tibi, ut fácias mandáta hæc atque iudícia: et custódias, et impleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis eius, et custódias cæremónias illius, et mandáta atque iudícia, et obédias eius império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius, et fáciat te excelsiorem cunctis géntibus, quas creávit in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutáris noster: et propter honórem nóminis tui, Dómine, libera nos.

Orémus. Flectámus génua.
Leváte.

Hic dicitur V. Dominus vobiscum, **sine** Flectamus genua.

Oratio

Protéctor noster, áspice, Deus: ut, qui malórum nostrórum póndere préminur, percépta misericórdia, libera tibi mente famulémur. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses

1 Thess. 5, 14-23

Fratres: Rogámus vos, corrípíte inquiétos, consolámini pusillánimes, suscípíte infirmos, patientes estóte ad omnes. Vidéte ne quis malum pro malo alicui reddat: sed semper quod bonum est sectámini in invicem, et in omnes. Semper gaudéte. Sine intermissione oráte. In ómnibus grátias ágite: hæc est enim volúntas Dei in Christo Iesu in ómnibus vobis. Spíritum nolíte exstinguere. Prophe-tías nolíte spérnere. Omnia autem probáte: quod bonum est tenéte. Ab omni espécie mala abstinéte vos. Ipse autem Deus pacis sanctíficet vos per ómnia: ut ínteger spíritus vester, et ánima, et corpus sine queréla, in advéntu Dómini nostri Iesu Christi servétur.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V.** Quóniam

confirmata est super nos misericordia eius: et veritas Domini manet in æternum.

✠ Sequentia sancti Evangelii secundum Matthæum

Matth. 17, 1-9

In illo tempore: Assumpsit Iesus Petrum, et Iacobum, et Ioannem fratrem eius, et duxit illos in montem excelsum seorsum: et transfiguratus est ante eos. Et resplenduit facies eius sicut sol: vestimenta autem eius facta sunt alba sicut nix. Et ecce apparuerunt illis Moyses et Elías cum eo loquentes. Respondens autem Petrus, dixit ad Iesum: Domine, bonum est nos hic esse: si vis, faciamus hic tria tabernacula, tibi unum. Moysi unum, et Eliæ unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes discipuli, ceciderunt in faciem suam, et timuerunt valde. Et accessit Iesus, et tetigit eos, dixitque eis: Surgite, et nolite timere. Levantes autem oculos suos, neminem viderunt, nisi solum Iesum. Et descendentibus illis de monte, præcepit eis Iesus, dicens: Neminis dixeritis visionem, donec Filius hominis a mortuis resurgat.

Antiphona ad Offertorium

Ps. 87, 2-3

Domine, Deus salutis meæ, in die clamavi, et nocte coram te: intret oratio mea in conspectu tuo, Domine.

Secreta

Præsentibus sacrificiis, quaesumus, Domine, ieiunia nostra

sanctifica: ut, quod observantia nostra profitetur extrinsecus, interiorius operetur. Per Dominum.

Præfatio de Quadragesima.

Antiphona ad Communionem

Ps. 7, 2

Domine Deus meus, in te speravi: libera me ab omnibus persecutionibus me, et eripe me.

Postcommunio

Sanctificationibus tuis, omnipotens Deus, et vitia nostra curentur, et remedia nobis æterna provéniant. Per Dominum.

Super populum: Orémus. Humiliate capita vestra Deo.

Oratio

Fidèles tuos, Deus, benedictio desiderata confirmet: quæ eos, et a tua voluntate numquam faciat discrepare, et tuis semper indulgeat beneficiis gratulari. Per Dñm.

DOMINICA SECUNDA IN QUADRAGESIMA

I classis

Statio ad S. Mariam in Domnica

Antiphona ad Introitum

Ps. 24, 6, 3 et 22

Reminiscere miserationum tuarum, Domine, et misericordiae tuæ, quæ a sæculo sunt: ne umquam dominentur nobis inimici nostri: libera nos, Deus Israël, ex omnibus angustiis nostris. **Ps. ibid., 1-2** Ad te, Domine, levavi animam meam: Deus meus, in te confido, non erubescam. **V.** Glória Patri. **R**eminiscere.

Oratio

Deus, qui cónspicis omni nos virtúte destítui: intérius ex-teriúsque custódi; ut ab ómnibus adversitatibus muniámur in corpore, et a pravis cogitatióibus mundémur in mente. Per Dóminum.

Léctio Epístolæ beáti Pauli Apóstoli ad Thessalonicénses

1 Thess. 4, 1-7

Fratres: Rogámus vos, et obsecrámus in Dómino Iesu: ut, quemádmódum accepístis a nobis, quómodo opórteat vos ambuláre et placére Deo, sic et ambulétis, ut abundétis magis. Scitis enim quæ præcépta déderim vobis per Dóminum Iesum. Hæc est enim volúntas Dei, sanctificátio vestra: ut abstineátis vos a fornicatióne, ut sciat unusquisque vestrum vas suum possidére in sanctificatióne, et honóre; non in passióne desidérii, sicut et gentes, quæ ignórant Deum: et ne quis supergrediátur, neque circumvéniat in negótio fratrem suum: quóniam vindex est Dóminus de his ómnibus, sicut prædiximus vobis, et testificáti sumus. Non enim vocávit nos Deus in immundítiam, sed in sanctificatióne: in Christo Iesu Dómino nostro.

Graduale Ps. 24, 17-18 Tribulatiónes cordis mei dilatátæ sunt: de necessitatibus meis éripe me, Dómine. **V.** Vide humilitátem meam, et labórem meum: et dimítte ómnia peccáta mea.

Tractus Ps. 105, 1-4 Confitémini Dómino quóniam bonus: quóniam in sáeculum misericórdia eius. **V.** Quis loquétur poténtias Dómini: audítas fáciet omnes laudes eius?

V. Beáti qui custódiunt iudícium, et faciunt iustítiam in omni tēmpore. **V.** Meménto nostri, Dómine, in beneplácito pópuli tui: vísita nos in salutári tuo.

✠ Sequéntia sancti Evangélíi secúndum Matthæum

Matth. 17, 1-9

In illo tēmpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácu: ipsum audíte. Et audiéntes discípuli, cecidérunt in fáciem suam, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Iesum. Et descendéntibus illis de monte, præcépit eis Iesus, dicens: Némini dixéritis visióne, donec Fílius hóminis a mórtuis resúrgat. **Credo.**

Antiphona ad Offertorium

Ps. 118, 47 et 48

Meditábor in mandátis tuis, quæ diléxi valde: et levábo manus meas ad mandáta tua, quæ diléxi.

Secreta

Sacrificiis præsentibus, Dómine, quæsumus, inténde placátus: ut

et devotiōni nostræ proficiant, et salutī. Per Dóminum.

Præfatio de Quadragesima.

Antiphona ad Communionem

Ps. 5, 2-4

Intéllege clamórem meum: inténde voci oratiōnis meæ, Rex meus, et Deus meus: quóniam ad te orábo, Dómine.

Postcommunio

Súpplices te rogámus, omnípotens Deus: ut, quos tuis réficis sacraméntis, tibi étiam plácitis móribus dignánte deservíre concédas. Per Dóminum.

FERIA SECUNDA

III classis

Statio ad S. Clementem

Antiphona ad Introitum

Ps. 25, 11-12

Rédime me, Dómine, et misere-re mei: pes enim meus stetit in via recta: in ecclésiis benedícam Dóminum. **Ps. ibid., 1** Iúdica me, Dómine, quóniam ego in innocéntia mea ingressus sum: et in Dómino sperans, non infirmábor. **V.** Glória Patri. **Rédime.**

Oratio

Præsta, quæsumus, omnípotens Deus: ut familia tua, quæ se, affligéndo carnem, ab aliméntis ábstinet; sectándo iustítiam, a culpa ieiúnet. Per Dóminum.

Léctio Daniélis Prophétæ

Dan. 9, 15-19

In diébus illis: Orávit Dániel Dóminum, dicens: Dómine, Deus

noster, qui eduxísti pópulum tuum de terra Ægýpti in manu forti, et fecísti tibi nomen secúndum diem hanc: peccávimus, iniquitátem fé-cimus, Dómine, in omnem iustítiam tuam: avertátur, óbsecro, ira tua, et furor tuus a civitáte tua Ierúsalem et monte sancto tuo. Propter peccáta enim nostra, et iniquitátes patrum nostrórum, Ierúsalem et pópulus tuus in oppróbrium sunt ómnibus per circúitum nostrum. Nunc ergo exáudi, Deus noster, oratiōnem servi tui, et preces eius: et osténde fáciem tuam super sanctuárium tuum, quod desértum est, propter temetípsum. Inclína, Deus meus, aurem tuam, et audi: áperi óculos tuos, et vide desolatiōnem nostram, et civitátem, super quam invocátum est nomen tuum: neque enim in iustificatiōnibus nostris prostérnimus preces ante fáciem tuam, sed in miseratiōnibus tuis multis. Exáudi, Dómine, placáre, Dómine; atténde et fac: ne moréris propter temetípsum, Deus meus: quia nomen tuum invocátum est super civitátem, et super pópulum tuum, Dómine, Deus noster.

Graduale Ps. 69, 6 et 3 Adiutor meus, et liberátor meus esto: Dómine, ne tardáveris. **V.** Confundántur, et revereántur inimíci mei, qui quæerunt ánimam meam.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **V.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **V.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto

peccátis nostris, propter nomen tuum.

✠ Sequéntia sancti Evangélii secúndum Ioánnem

Ioann. 8, 21-29

In illo témpore: Dixit Iesus turbis Iudæórum: Ego vado, et quærétis me, et in peccáto vestro moriémmini. Quo ego vado, vos non potéstis veníre. Dicébant ergo Iudæi: Numquid interficiet semetípsum, quia dixit: Quo ego vado, vos non potéstis veníre? Et dicébat eis: Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémmini in peccátis vestris: si enim non credidérítis quia ego sum, moriémmini in peccáto vestro. Dicébant ergo ei: Tu quis es? Dixit eis Iesus: Príncípium, qui et loquor vobis. Multa hábeo de vobis loqui, et iudicáre. Sed qui me misit, verax est: et ego quæ audívi ab eo, hæc loquor in mundo. Et non cognovérunt, quia Patrem eius dicébat Deum. Dixit ergo eis Iesus: Cum exaltavérítis Fílium hóminis, tunc cognoscétis quia ego sum, et a meípso fácio nihil: sed sicut dócuit me Pater, hæc loquor: et qui me misit, mecum est, et non relíquit me solum: quia ego, quæ plácita sunt ei, fácio semper.

Antiphona ad Offertorium

Ps. 15, 7 et 8

Benedícam Dóminum, qui tríbuit mihi intelléctum: providébam Dóminum in conspéctu meo semper: quóniam a dextris est mihi, ne commóvear.

Secreta

Hæc hóstia, Dómine, placatiónis et laudis, tua nos protectione dignos efficiat. Per Dñm.

Præfatio de Quadragesima.

Antiphona ad Communionem

Ps. 8, 2

Dómine, Dóminus noster, quam admirábile est nomen tuum in universa terra!

Postcommunio

Hæc nos commúnio, Dómine, purget a crimine: et cæléstis remédii fáciat esse consórtes. Per Dóminum.

Super populum: Orémus. Humiliáte cápita vestra Deo.

Oratio

Adésto supplicatió nibus nostris, omnípotens Deus: et, quibus fidúciám sperándæ pietátis indúlges; consuétæ misericórdiæ tríbue benígnus efféctum. Per Dóminum.

FERIA TERTIA

III classis

Statio ad S. Balbinam

Antiphona ad Introitum

Ps. 26, 8 et 9

Tibi dixit cor meum, quæsivi vultum tuum, vultum tuum, Dómine, requíram: ne avértas faciém tuam a me. **Ps. ibid., 1** Dóminus illuminátio mea, et salus mea: quem timébo? **V.** Glória Patri. **T**ibi dixit.

Oratio

Pérfice, quæsumus, Dómine, benígnus in nobis observántiæ sanctæ subsidiúm: ut, quæ te auctóre faciéndá cognóvimus, te operánte impleámus. Per Dóminum.

Lectio libri Regum

3 Reg. 17, 8-16

In diébus illis: Factus est sermo Dómini ad Elíam Thesbíten, dicens: Surge, et vade in Saréphta Sidoniórum, et manébis ibi: præcépi enim ibi mulieri víduæ, ut pascat te. Surréxit, et ábiit in Saréphta. Cumque venísset ad portam civitátis, appáruit ei múluer vídua cólligens ligna, et vocávit eam, dixítque ei: Da mihi páululum aquæ in vase, ut bibam. Cumque illa pérgeret, ut afférret, clamávit post tergum eius, dicens: Affer mihi, óbsecro, et buccéllam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugillus cápere potest farínæ in hýdria, et páululum ólei in lécytho: en cólligo duo ligna, ut ingrédiam, et fáciam illum mihi, et filio meo, ut comedámus, et moriámur. Ad quam Elías ait: Noli timére, sed vade, et fac sicut dixísti: verúmamen mihi primum fac de ipsa farínula subcinerícium panem párvulum, et affer ad me: tibi autem et filio tuo fácies póstea. Hæc autem dicit Dóminus Deus Israél: Hýdria farínæ non defíciet, nec lécythus ólei minuétur, usque ad diem, in qua Dóminus datúrus est plúviam super fáciem terræ. Quæ ábiit, et fecit iuxta verbum Eliæ: et comédit ipse, et illa, et domus eius: et ex illa die hýdria farínæ non defécit, et lécythus ólei non est imminútus, iuxta verbum Dómini, quod locútus fúerat in manu Eliæ.

Graduale Ps. 54, 23, 17, 18 et 19
Iacta cogitátum tuum in Dómino, et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

✠ Sequéntia sancti Evangélii secúndum Matthæum

Matth. 23, 1-12

In illo témpore: Locútus est Iesus ad turbas, et ad discípulos suos, dicens: Super cáthedram Móysi sederunt scribæ et pharisæi. Omnia ergo quaecúmque díxerint vobis, serváte, et fácite: secúndum ópera vero eórum nolíte fácere: dicunt enim, et non faciunt. Alligant enim ónera grávia et importabília, et impónunt in húmeros hóminum: dígitto autem suo nolunt ea movére. Omnia vero ópera sua faciunt, ut videántur ab homínibus: dilátant enim phylactéria sua, et magníficant fimbrias. Amant autem primos recúbitus in cenis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolíte vocári Rabbi: unus est enim Magíster vester, omnes autem vos fratres estis. Et patrem nolíte vocáre vobis super terram, unus est enim Pater vester, qui in cælis est. Nec vocémini magístri: quia Magíster vester unus est, Christus. Qui maior est vestrum, erit mínister vester. Qui autem se exaltáverit, humiliábitur: et qui se humiliáverit, exaltábitur.

Antiphona ad Offertorium

Ps. 50, 3

Miserére mei, Dómine, secúndum magnam misericórdiam tuam: dele, Dómine, iniquitátem meam.

Secreta

Sanctificatióne tuam nobis, Dómine, his mystériis operáre placátus: quæ nos et a terrénis purget vítiis, et ad cæléstia dona perdúcat. Per Dóminum.

Præfatio de Quadragesima.

Antiphona ad Communionem

Ps. 9, 2-3

Narrábo ómnia mirabília tua: lætábor, et exsultábo in te: psallam nómini tuo, Altíssime.

Postcommunio

Ut sacris, Dómine, reddámur digni munéribus: fac nos tuis, quæsumus, semper obedire mandátis. Per Dóminum.

Super populum: Orémus. Humiliáte cápita vestra Deo.

Oratio

Propitiáre, Dómine, supplicatióibus nostris, et animárum nostrárum medére languóribus: ut, remissióne percépta, in tua semper benedictióne lætémur. Per Dóminum.

FERIA QUARTA

III classis

Statio ad S. Cæciliam

Antiphona ad Introitum

Ps. 37, 22-23

Ne derelínquas me, Dómine, Deus meus, ne discédas a me: inténde in adiutórium meum, Dómine, virtus salútis meæ.

Ps. ibid., 2 Dómine, ne in furóre tuo árguas me: neque in ira tua corripias me. **Ps.** Glória Patri. **N**e derelínquas.

Oratio

Pópulum tuum, quæsumus, Dómine, propítius réspice: et quos ab escis carnálibus præcipis abstinére, a nóxiis quoque vítiis cessáre concéde. Per Dóminum.

Léctio libri Esther

Esth. 13, 8-11 et 15-17

In diébus illis: Orávit Mardocháeus ad Dóminum, dicens: Dómine, Dómine Rex omnípotens, in di-ti-óne enim tua cuncta sunt pósita, et non est qui possit tuæ resistere voluntáti, si decreveris salváre Is-raël. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ. Et nunc, Dómine Rex, Deus Abraham, misere-re pópuli tui, quia volunt nos inimíci nostri pérdere, et hereditátem tuam delére. Nec despicias partem tuam, quam redemísti tibi de Ægýpto. Exáudi deprecationem meam, et propítius esto sorti et fúnículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale Ps. 27, 9 et 1 Salvum fac pópulum tuum, Dómine, et benedic hereditáti tuæ. **Ps.** Ad te, Dómine, clamávi: Deus meus, ne síleas a me, et ero símilis descendéntibus in lacum.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis. **Ps.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **Ps.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Matthæum

Matth. 20, 17-28

In illo témpore: Ascéndens Iesus Ierosólymam, assúmpsit duódecim discípulos secréto, et ait illis: Ecce ascéndimus Ierosólymam, et Fílius hóminis tradétur princípibus sacerdotum, et scribis, et condemnábunt eum morte, et tradent eum géntibus ad illudéndum, et flagelándum, et crucifigéndum, et tértia die resúrget. Tunc accéssit ad eum mater filiórum Zebedæi cum filiis suis, adórans et petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Iesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinístram, non est meum dare vobis, sed quibus parátum est a Patre meo. Et audiéntes decem, indignáti sunt de duóbus frátribus. Iesus autem vocávit eos ad se, et ait: Scitis quia príncipes géntium dominántur eórum: et qui máiores sunt, potestátem exercent in eos. Non ita erit inter vos: sed quicumque volúerit inter vos maior fieri, sit vester miníster: et qui volúerit inter vos primus esse, erit vester servus. Sicut Fílius hóminis non venit ministrári, sed ministráre, et dare ánimam suam, redemptiónem pro multis.

Antiphona ad Offertorium

Ps. 24, 1-3

Ad te, Dómine, levávi ánimam meam: Deus meus, in te confído, non erubéscam: neque irrídeant me ini-

míci mei: étenim univérsti, qui te exspéctant, non confundéntur.

Secreta

Hóstias, Dómine, quas tibi offéri-mus, propítius réspice: et per hæc sancta commércia, víncula peccatórum nostrórum absólve. Per Dóminum.

Præfatio de Quadragesima.

Antiphona ad Communionem

Ps. 10, 8

Iustus Dóminus, et iustítiam diléxit: æquitátem vidit vultus eius.

Postcommunio

Sumptis, Dómine, sacraméntis: ad redemptiónis æternæ, quæsumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

Deus, innocentiae restitutor et amátor, dirige ad te tuórum corda servórum: ut, spíritus tui fervóre concépto, et in fide inveniántur stábiles, et in ópere efficáces. Per Dóminum.

FERIA QUINTA

III classis

Statio ad S. Mariam trans Tiberim

Antiphona ad Introitum

Ps. 69, 2 et 3

Deus, in adiutórium meum inténde: Dómine, ad adiuvándum me festína: confundántur et revereántur inimíci mei, qui quærunť ánimam meam. **Ps. ibid., 4** Avertántur retrórsus, et erubéscant: qui cógitant mihi mala. **V.** Glória Patri. **D**eus.

Oratio

Præsta nobis, quæsumus, Dómine, auxílium grátiae tuæ: ut ieiúniis et oratióibus conveniénter inténti, liberémur ab hóstibus mentis et córporis. Per Dóminum nostrum Iesum Christum Fílium tuum: Qui tecum.

Léctio Ieremíæ Prophétæ

Ier. 17, 5-10

Hæc dicit Dóminus Deus: Maledíctus homo, qui confídit in hómine, et ponit carnem bráccium suum, et a Dómino recédit cor eius. Erit enim quasi myrícæ in desérto, et non vidébit cum vénerit bonum: sed habitábit in siccitáte in desérto, in terra salsúginis, et inhabitábili. Benedíctus vir, qui confídit in Dómino, et erit Dóminus fidúcia eius. Et erit quasi lignum quod transplantátur super aquas, quod ad húmorem mittit radíces suas: et non timébit cum vénerit æstus. Et erit fólium eius víride, et in témpore siccitátis non erit sollicitum, nec aliquándo désinet fácere fructum. Prævum est cor ómnium, et inscrutábile: quis cognóscet illud? Ego Dóminus scrutans cor, et probans renes: qui do unicuíque iuxta viam suam, et iuxta fructum adinventiόνum suárum: dicit Dóminus omnipotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **Y.** Adiuva nos, Deus salutaris noster: et propter honórem nóminis tui, Dómine, libera nos.

✠ Sequéntia sancti Evangélíi secúndum Lucam

Luc. 16, 19-31

In illo témpore: Dixit Iesus pharisæis: Homo quidam erat dives, qui induebátur púrpura et bysso: et epulabátur cotidie splendide. Et erat quidam mendícus, nómine Lázarus, qui iacébat ad iánuam eius, ulcéribus plenus, cúpiens saturári de micis, quæ cadébant de mensa dívitis, et nemo illi dabat: sed et canes veniébant, et lingébant úlcerá eius. Factum est autem ut morerétur mendícus, et portarétur ab Angelis in sinum Abrahæ. Mórtuus est autem et dives, et sepúltus est in inférno. Elevans autem óculos suos, cum esset in torméntis, vidit Abraham a longe, et Lázarum in sinu eius: et ipse clamans, dixit: Pater Abraham, miserére mei, et mitte Lázarum, ut intíngat extrémum dígití sui in aquam, ut refrígeret linguam meam, quia crúciór in hac flamma. Et dixit illi Abraham: Fili, recordáre quia recepísti bona in vita tua, et Lázarus simíliter mala: nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est: ut hi, qui volunt hinc transíre ad vos, non possint, neque inde huc transmeáre. Et ait: Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum tormentórum. Et ait illi Abraham: Habent Móysen et prophétas: áudiant illos. At ille dixit: Non, pater Abraham: sed si quis ex mórtuis íerit ad eos, pæniténtiam agent. Ait autem illi: Si Móysen et prophétas non áudiunt, neque si quis ex mórtuis resurréxerit, credent.

Antiphona ad Offertorium

Exodi 32, 11, 12, 13 et 14

Precátus est Móyses in conspéctu Dómini Dei sui, et dixit: Quare, Dómine, irásceris in pópulo tuo? parce iræ ánimæ tuæ: meménto Abraham, Isaac, et Iacob, quibus iurásti dare terram fluéntem lac et mel. Et placátus est Dóminus de malignitáte, quam dixit fácere pópulo suo.

Secreta

Praesénti sacrificio, nómini tuo nos, Dómine, ieiúnia dicáta sanctificent: ut, quod observántia nostra profitétur extérius, intérius operétur efféctu. Per Dóminum.

Præfatio de Quadragesima.**Antiphona ad Communionem**

Ioann. 6, 57

Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio

Gratia tua nos, quæsumus, Dómine, non derelínquat: quæ et sacræ nos déditos fáciat servitúti, et tuam nobis opem semper acquírat. Per Dóminum.

Super populum: Orémus. Humiliáte cápita vestra Deo.

Oratio

Adésto, Dómine, fámulis tuis, et perpétuam benignitátem largíre poscéntibus: ut iis, qui te auctóre et gubernatóre gloriántur, et congregáta restáures, et restauráta consérves. Per Dóminum.

FERIA SEXTA

III classis

Statio ad S. Vitalem

Antiphona ad Introitum

Ps. 69, 2 et 3

Ego autem cum iustítia apparebo in conspéctu tuo: satiabor dum manifestábitur glória tua. **Ps. ibid., 1** Exáudi, Dómine, iustítiam meam: inténde deprecationi meæ. **V.** Glória Patri. **E**go autem.

Oratio

Da, quæsumus, omnípotens Deus: ut, sacro nos purificánte ieiúnio, sincéris méntibus ad sancta ventúra fácias perveníre. Per Dóminum nostrum.

Léctio libri Génesis

Gen. 37, 6-22

In diébus illis: Dixit Ioseph fratribus suis: Audíte sómnum meum, quod vidi: Putábam nos ligáre manípulos in agro: et quasi consúrgere manípulum meum, et stare, vestrósque manípulos circumstántes adoráre manípulum meum. Respondérunt fratres eius: Numquid rex noster eris? aut subiiciémur ditióni tuæ? Hæc ergo causa somniórum atque sermónum, invídiæ et ódii fómitem ministrávit. Aliud quoque vidit sómnum, quod narrans fratribus, ait: Vidi per sómnum, quasi solem, et lunam, et stellas úndecim adoráre me. Quod cum patri suo et fratribus retulisset, increpávit eum pater suus, et dixit: Quid sibi vult hoc sómnum, quod vidísti? Num ego et mater tua et fratres tui adorábimus te super terram? Invidébant ei ígitur fratres sui: pater vero rem táctus considerábat. Cumque fratres illíus in pascéndis grégibus patris moraréntur in Sichem, dixit ad

eum Israël: Fratres tui pascunt oves in Síchimis: veni, mittam te ad eos. Quo respondente: Præsto sum, ait ei: Vade, et vide si cuncta próspera sint erga fratres tuos, et pécora: et renúntia mihi quid agátur. Missus de valle Hebron, venit in Sichem: invenítque eum vir errántem in agro, et interrogávit quid quæreret. At ille respóndit: Fratres meos quæro: indica mihi ubi pascant greges. Dixítque ei vir: Recessérunt de loco isto: audívi autem eos dicéntes: Eá-mus in Dóthain. Perréxit ergo Ioseph post fratres suos, et invénit eos in Dóthain. Qui cum vidíssent eum procul, ántequam accéderet ad eos, cogitavérunt illum occídere, et mútuo loquebántur: Ecce somniátor venit: veníte, occidámus eum, et mittámus in cistérnam vétèrem, dicemúsque: Fera péssima devorávit eum: et tunc apparébit quid illi prosint sómnia sua. Audiens autem hoc Ruben, nitebátur liberáre eum de mánibus eórum, et dicébat: Non interficiátis ánimam eius, nec effundátis sánguinem: sed proiícite eum in cistérnam hanc, quæ est in solitúdine, manúsque vestras serváte in-nóxias: hoc autem dicébat, volens erípere eum de mánibus eórum, et réddere patri suo.

Graduale Ps. 119, 1-2 Ad Dóminum cum tribulárer clamávi, et exaudívit me. **℣.** Dómine, libera ánimam meam a lábiis iníquis, et a lingua dolósa.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniqui-tátes nostras retribuas nobis. **℣. Ps. 78, 8-9** Dómine, ne memíneris ini-quitátum nostrárum antiquárum: cito anticipent nos misericórdiæ tuæ, quia páuperes facti sumus ni-

mis. **(Hic genuflectitur) ℣.** Adiuva nos, Deus salutáris noster: et prop-ter glóriam nóminis tui, Dómine, libera nos: et propítius esto peccá-tis nostris, propter nomen tuum.

✠ Sequéntia sancti Evangélíi se-cúndum Matthæum

Matth. 21, 33-46

In illo témpore: Dixit Iesus turbis Iudæórum, et princípibus sacer-dótum parábolam hanc: Homo erat paterfamílias, qui plantávit víneam, et sepem circúmdedit ei, et fodit in ea tórcular, et ædificávit turrim, et locávit eam agricolis, et péregre proféctus est. Cum autem tempus frúctuum appropinquásset, misit servos suos ad agricolas, ut accí-perent fructus eius. Et agricolæ, apprehénsis servis eius, álium ceci-dérunt, álium occidérunt, álium vero lapidavérunt. Iterum misit álios servos plures prióribus, et fecérunt illis simíliter. Novíssime autem misit ad eos filium suum, di-cens: Verebúntur filium meum. Agricolæ autem vidéntes filium, dixerunt intra se: Hic est heres, ve-níte, occidámus eum, et habébimus hereditátem eius. Et apprehénsum eum eiecérunt extra víneam, et occidérunt. Cum ergo vénerit dómi-nus víneæ, quid fáciat agricolis illis? Aiunt illi: Malos male perdet: et víneam suam locábit áliis agricolis, qui reddant ei fructum tempóribus suis. Dicit illis Iesus: Numquam legístis in Scriptúris: Lápídem, quem reprobavérunt ædificántes, hic factus est in caput ánguli? A Dó-mino factum est istud, et est mirá-bile in óculis nostris. Ideo dico vo-bis, quia auferétur a vobis regnum Dei, et dábitur genti faciénti fructus eius. Et qui ceciderit super lápidem

istum, confringétur: super quem vero cecíderit, cónteret eum. Et cum audíssent príncipes sacerdótum et pharisæi paráblas eius, cognovérunt quod de ipsis díceret. Et quæréntes eum tenére, timuérunt turbas: quóniam sicut prophétam eum habébant.

Antiphona ad Offertorium

Ps. 39, 14 et 15

Dómine, in auxílium meum réspice: confundántur et revereántur, qui quærunt ánimam meam, ut áuferant eam: Dómine, in auxílium meum réspice.

Secreta

Hæc in nobis sacrificia, Deus, et actióne permáneant, et operatióne firméntur. Per Dóminum.

Præfatio de Quadragesima.

Antiphona ad Communionem

Ps. 11, 8

Tu, Dómine, servábis nos, et custódies nos a generatióne hac in ætérnum.

Postcommunio

Fac nos, quæsumus, Dómine: ac cépto pignore salutis æternæ, sic téndere congruénter; ut ad eam perveníre possímus. Per Dóminum.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulo tuo salútem mentis et córporis: ut, bonis opéribus inhæréndo, tuæ semper virtútis mereátur protectióne deféndi. Per Dóminum.

SABBATO

III classis

Statio ad Ss. Marcellinum et Petrum

Antiphona ad Introitum

Ps. 18, 8

Lex Dómini irreprehensibilis, convértens ánimas: testimónium Dómini fidéle, sapiéntiam præstans párvulis. **Ps. ibid., 2** Cæli enarrant glóriam Dei: et ópera mánuum eius annúntiat firmaméntum. **V.** Glória Patri. **L**ex.

Oratio

Da, quæsumus, Dómine, nostris efféctum ieiúniis salutárem: ut castigatio carnis assúpta, ad nostrárum vegetatiónem tránseat animárum. Per Dóminum.

Léctio libri Génesis

Gen. 27, 6-40

In diébus illis: Dixit Rebécca filio suo Iacob: Audívi patrem tuum loquéntem cum Esau fratre tuo, et dicéntem ei: Affer mihi de venatióne tua, et fac cibos ut cómedam, et benedícam tibi coram Dómino ántequam móriar. Nunc ergo, fili mi, acquiesce consíliis meis: et pergens ad gregem, affer mihi duos hædos óptimos, ut fáciam ex eis escas patri tuo, quibus libénter véscitur: quas cum intúleris, et coméderit, benedícat tibi priúsquam moriátur. Cui ille respóndit: Nosti quod Esau frater meus homo pilósus sit, et ego lenis: si attrectáverit me pater meus, et sénserit, timeo ne putet me sibi voluísse illúdere, et indúcam super me maledictiónem pro benedictióne. Ad quem mater: In me sit, ait, ista maledíctio, fili mi: tantum audi vocem meam, et pergens affer quæ dixi. Abiit, et áttulit, dedítque matri. Parávit illa cibos, sicut velle

nóverat patrem illius. Et véslibus Esau valde bonis, quas apud se habébat domi, induit eum: pelliculáque hædórum circúmdedit má-nibus, et colli nuda protéxit. De-dítque pulméntum, et panes, quos cóxerat, trádedit. Quibus illátis, dixit: Pater mi! At ille respóndit: Audio. Quis es tu, fili mi? Dixítque Iacob: Ego sum primogénitus tuus Esau: feci sicut præcepísti mihi: surge, sede, et cómede de venatióne mea, ut benedícat mihi ánima tua. Rursúmque Isaac ad filium suum: Quómodo, inquit, tam cito inveníre potuísti, fili mi? Qui respóndit: Vo-lúntas Dei fuit, ut cito occurreret mihi quod volébam. Dixítque Isaac: Accéde huc, ut tangam te, fili mi, et probem utrum tu sis fílius meus Esau, an non. Accéssit ille ad pa-trem, et palpáto eo, dixit Isaac: Vox quidem, vox Iacob est, sed manus, manus sunt Esau. Et non cognóvit eum, quia pilósæ manus similitúdi-nem maióris exprésserant. Benedí-cens ergo illi, ait: Tu es fílius meus Esau? Respóndit: Ego sum. At ille: Affer mihi, inquit, cibos de venati-óne tua, fili mi, ut benedícat tibi áni-ma mea. Quos cum oblátos come-dísset, óbtulit ei étiam vinum. Quo hausto, dixit ad eum: Accéde ad me, et da mihi ósculum, fili mi. Accéssit, et osculátus est eum. Statímque ut sensit vestimentórum illius fragrán-tiam, benedícing illi, ait: Ecce odor filii mei sicut odor agri pleni, cui benedíxit Dóminus. Det tibi Deus de rore cæli, et de pinguédine terræ abundántiam fruménti et vini. Et sérviant tibi pópuli, et adórent te tribus: esto dóminus fratrum tuó-rum, et incurvéntur ante te filii ma-tris tuæ. Qui maledíxerit tibi, sit ille maledíctus: et qui benedíxerit tibi,

benedictiónibus repleátur. Vix Isaac sermónem impléverat, et egresso Iac-ob foras, venit Esau, coctósque de venatióne cibos íntulit patri, dicens: Surge, pater mi, et cómede de vena-tióne filii tui, ut benedícat mihi áni-ma tua. Dixítque illi Isaac: Quis enim es tu? Qui respóndit: Ego sum fílius tuus primogénitus Esau. Ex-pávit Isaac stupóre veheménti, et ultra quam credi potest, admírans, ait: Quis ígitur ille est, qui dudum captam venatióne áttulit mihi, et comédi ex ómnibus priúsquam tu veníres? Benedíxíque ei, et erit benedíctus. Audítis Esau sermóni-bus patris, irrúgiit clamóre magno, et consternátus, ait: Bénedic étiam et mihi, pater mi. Qui ait: Venit ger-mánus tuus fraudulénter, et accépit benedictiónem tuam. At ille sub-iúnxit: Iuste vocátum est nomen eius Iacob: supplantávit enim me en áltera vice: primogénita mea ante tulit, et nunc secúndo surrípuit benedictiónem meam. Rursúmque ad patrem: Numquid non reservásti, ait, et mihi benedictiónem? Respón-dit Isaac: Dóminum tuum illum con-stítui, et omnes fratres eius servi-túti illius subiugávi: fruménto et vino stabilívi eum, et tibi post hæc, fili mi, ultra quid fáciam? Cui Esau: Num unam, inquit, tantum bene-dictiónem habes, pater? mihi quo-que óbsecro ut benedícas. Cumque eiulátu magno fleret, motus Isaac, dixit ad eum: In pinguédine terræ, et in rore cæli désuper erit bene-díctio tua.

Graduale Ps. 91, 2-3 Bonum est confitéri Dómino: et psállere nómi-ni tuo, Altíssime. **V.** Ad annunti-ándum mane misericórdiam tuam, et veritátem tuam per noctem.

✠ Sequéntia sancti Evangélíi secúndum Lucam

Luc. 15, 11-32

In illo témpore: Dixit Iesus pharisæis et scribis parábolam istam: Homo quidam hábuit duos filios, et dixit adolescéntior ex illis patri: Pater, da mihi portiónem substántiæ, quæ me contíngit. Et divisit illis substántiam. Et non post multos dies, congregátis ómnibus, adolescéntior filius péregre proféctus est in regiónem longínquam, et ibi dissipávit substántiam suam vivéndo luxurióse. Et postquam ómnia consummáset, facta est fames válida in regione illa, et ipse coepit egére. Et ábiit, et adhæsit uni civi-um regiónis illíus. Et misit illum in villam suam, ut pásceret porcos. Et cupiébat implére ventrem suum de síliquis, quas porci manducábant: et nemo illi dabat. In se autem revérsus, dixit: Quanti mercenárii in domo patris mei abúndant pánibus, ego autem hic fame péreo? Surgam, et ibo ad patrem meum, et dicam ei: Pater, peccávi in cælum, et coram te: iam non sum dignus vocári filius tuus: fac me sicut unum de mercenáriis tuis. Et surgens venit ad patrem suum. Cum autem adhuc longe esset, vidit illum pater ipsíus, et misericórdia motus est, et accúrrens cécidit super collum eius, et osculátus est eum. Dixítque ei filius: Pater, peccávi in cælum, et coram te, iam non sum dignus vocári filius tuus. Dixit autem pater ad servos suos: Cito proférte stolam primam, et indúite illum, et date ánnulum in manum eius, et calceaménta in pedes eius: et addúcite vítulum saginátum, et occídite, et manducémus, et epulémur, quia hic filius meus mórtuus erat, et revíxit: períerat, et invéntus est. Et coepérunt

epulári. Erat autem fílius eius sénior in agro: et cum veníret, et appropinquáret dómui, audívit symphóniam, et chorum: et vocávit unum de servis, et interrogávit, quid hæc essent. Isque dixit illi: Frater tuus venit, et occídit pater tuus vítulum saginátum, quia salvum illum recépit. Indignátus est autem, et nolébat introíre. Pater ergo illíus egréssus, coepit rogáre illum. At ille respóndens, dixit patri suo: Ecce tot annis sérvio tibi, et numquam mandátum tuum præterívi, et numquam dedísti mihi hædum, ut cum amícis meis epulárer: sed postquam fílius tuus hic, qui devorávit substántiam suam cum meretrícibus, venit, occidísti illi vítulum saginátum. At ipse dixit illi: Fili, tu semper mecum es, et ómnia mea tua sunt: epulári autem, et gaudére oportébat, quia frater tuus hic mórtuus erat, et revíxit: períerat, et invéntus est.

Antiphona ad Offertorium

Ps. 12, 4-5

Illúmina óculos meos, ne umquam obdórmiam in morte: ne quando dicat inimícus meus: Præválui advérsus eum.

Secreta

His sacrificiis, Dómine, concéde placátus: ut, qui propriis orá-mus absólvi delíctis, non gravémur extérnis. Per Dóminum.

Præfatio de Quadragesima.

Antiphona ad Communionem

Luc. 15, 32

Opórtet te, fili, gaudére, quia frater tuus mórtuus fúerat, et revíxit: períerat, et invéntus est.

Postcommunio

Sacraménti tui, Dómine, divína libátio, penetrália nostri cordis infúndat: et sui nos partícipes poténter efficiat. Per Dóminum.

Super populum: Orémus. Humiliáte cápita vestra Deo.

Oratio

Famíliam tuam, quæsumus, Dómine, contína pietáte custódi: ut, quæ in sola spe grátiae cæléstis innítitur, cælésti étiam protectióne muniátur. Per Dóminum.

DOMINICA TERTIA
IN QUADRAGESIMA

I classis

Statio ad S. Laurentium extra muros

Antiphona ad Introitum

Ps. 24, 15-16

Oculi mei semper ad Dóminum, quia ipse evéllat de láqueo pedes meos: respice in me, et miserere mei, quóniam únicus et pauper sum ego. **Ps. ibid., 1-2** Ad te, Dómine, levávi ánimam meam: Deus meus, in te confído, non erubescam. **V.** Glória Patri. **O**culi.

Oratio

Quæsumus, omnípotens Deus, vota humílium respice: atque ad defensiónem nostram, dexteram tuæ maiestátis exténde. Per Dóminum.

Léctio Epístolæ beáti Pauli Apóstoli ad Ephésios

Ephes. 5, 1-9

Fratres: Estóte imitatóres Dei, sicut filii caríssimi: et ambuláte in dilectióne, sicut et Christus

diléxit nos, et trádedit semetípsum pro nobis oblatiónem, et hóstiam Deo in odórem suavitátis. Fornicatio autem, et omnis immundítia, aut avarítia, nec nominétur in vobis, sicut decet sanctos: aut turpitúdo, aut stultilóquium, aut scurrílitas, quæ ad rem non pértinet: sed magis gratiárum áctio. Hoc enim scitóte intellegéntes, quod omnis fornicátor, aut immúndus, aut avárus, quod est idolórum sérvitus, non habet hereditátem in regno Christi, et Dei. Nemo vos sedúcat inánibus verbis: propter hæc enim venit ira Dei in filios diffidéntiæ. Nolíte ergo effici partícipes eórum. Erátis enim aliquándo ténebræ: nunc autem lux in Dómino. Ut filii lucis ambuláte: fructus enim lucis est in omni bonitáte, et iustítia, et veritáte.

Graduale Ps. 9, 20 et 4 Exsúrge, Dómine, non præváleat homo: iudicéntur gentes in conspéctu tuo. **V.** In converténdo inimícum meum retrórsus, infirmabúntur, et períbunt a fácie tua.

Tractus Ps. 122, 1-3 Ad te levávi óculos meos, qui hábitas in cælis. **V.** Ecce sicut óculi servórum in má nibus dominórum suórum. **V.** Et sicut óculi ancíllæ in má nibus dómínæ suæ, ita óculi nostri ad Dóminum Deum nostrum, donec misereátur nostri. **V.** Miserere nobis, Dómine, miserere nobis.

✠ Sequéntia sancti Evangélii secúndum Lucam

Luc. 11, 4-28

In illo témpore: Erat Iesus eíficiens dæmónium, et illud erat mutum. Et cum eiecísset dæmónium, locútus est mutus, et admirátæ sunt turbæ. Quidam autem ex eis dixerunt: In Beélzebub príncipe dæmoniórum

eiicit dæmónia. Et alii tentantes, signum de cælo quærébant ab eo. Ipse autem ut vidit cogitationes eorum, dixit eis: Omne regnum in seipsum divisum desolabitur, et domus supra domum cadet. Si autem et sátanás in seipsum divisus est, quómodo stabit regnum eius? quia dicitis, in Beélzebub me eiicere dæmónia. Si autem ego in Beélzebub eiicio dæmónia: filii vestri in quo eiiciunt? Ideo ipsi iúdicés vestri erunt. Porro si in dígito Dei eiicio dæmónia: profecto pervénit in vos regnum Dei. Cum fortis armátus custódit átrium suum, in pace sunt ea, quæ póssidet. Si autem fórtior eo supervéniens vícerit eum, univérsa arma eius áuferet, in quibus confidébat, et spólia eius distríbuet. Qui non est mecum, contra me est: et qui non cólligit mecum, dispérgit. Cum immúndus spíritus exíerit de hómine, ámbulat per loca inaquósa, quærens réquiem: et non invéniens, dicit: Revértar in domum meam, unde exívi. Et cum vénerit, invenit eam scopis mundátam, et ornátam. Tunc vadit, et assúmit septem alios spíritus secum nequióres se, et ingrési hábitant ibi. Et fiunt novíssima hóminis illíus peióra prióribus. Factum est autem, cum hæc diceret: extóllens vocem quædam múlter de turba, dixit illi: Beátus venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud. **C**redo.

Antiphona ad Offertorium

Ps. 18, 9, 10, 11 et 12

Iustitiæ Dómini rectæ, lætificántes corda, et iudícia eius dulcióra super mel et favum: nam et servus tuus custódit ea.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi cörpera, mentésque sanctíficet. Per Dóminum.

Præfatio de Quadragesima.

Antiphona ad Communionem

Ps. 83, 4-5

Passer invénit sibi domum, et turtur nidum, ubi repónat pullos suos: altária tua, Dómine virtútum, Rex meus, et Deus meus: beáti qui hábitant in domo tua, in sáeculum sáeculi laudábunt te.

Postcommunio

Acunctis nos, quæsumus, Dómine, reátibus et perículis propitiátus absólve: quos tanti mystérii tríbuis esse partícipes. Per Dóminum.

FERIA SECUNDA

III classis

Statio ad S. Marcum

Antiphona ad Introitum

Ps. 55, 5

In Deo laudábo verbum, in Dómino laudábo sermónem: in Deo sperábo, non timébo quid fáciat mihi homo. **Ps. ibid., 2** Misérere mei, Deus, quóniam conculcávit me homo: tota die bellans tribulávit me. **V.** Glória Patri. **I**n Deo.

Oratio

Córdibus nostris, quæsumus, Dómine, grátiam tuam benígnus infúnde: ut, sicut ab escis carnálibus abstinémus; ita sensus quoque nostros a nóxiis retrahámus excésibus. Per Dóminum.

Lectio libri Regum

4 Reg. 5, 1-15

In diébus illis: Náaman princeps milítiae regis Sýriæ, erat vir magnus apud dómimum suum, et honorátus: per illum enim dedit Dóminus salútem Sýriæ: erat autem vir fortis et dives, sed leprósus. Porro de Sýria egréssi fúerant latrúnculi, et captívam dúxerant de terra Israël puéllam párvulam, quæ erat in obséquo uxóris Náaman, quæ ait ad dómīnam suam: Utinam fuisset dóminus meus ad prophétam, qui est in Samaría: profécto curásset eum a lepra, quam habet. Ingréssus est itaque Náaman ad dómīnum suum, et nuntiávit ei, dicens: Sic et sic locúta est puélla de terra Israël. Dixítque ei rex Sýriæ: Vade, et mittam líttēras ad regem Israël. Qui cum proféctus esset, et tulisset secum decem talénta argénti, et sex míllia áureos, et decem mutatória vestimentórum, détulit líttēras ad regem Israël in hæc verba: Cum accéperis epístolam hanc, scito quod míserim ad te Náaman servum meum, ut cures eum a lepra sua. Cumque legísset rex Israël líttēras, scidit vestiménta sua, et ait: Numquid Deus ego sum, ut occídere possim, et vivificáre, quia iste misit ad me, ut curem hóminem a lepra sua? animadvértite, et vidéte quod occasiões quærat advérsus me. Quod cum audísset Eliséus vir Dei, scidisse vidélicet regem Israël vestiménta sua, misit ad eum, dicens: Quare scidísti vestiménta tua? véniat ad me, et sciat esse prophétam in Israël. Venit ergo Náaman cum equis, et cúrribus, et stetit ad óstium domus Eliséi: misítque ad eum Eliséus núntium, dicens: Vade, et

laváre sépties in Iordáne, et recípiet sanitátem caro tua, atque mundáberis. Irátus Náaman recedébat, dicens: Putábam quod egredérétur ad me, et stans invocáret nomen Dómini Dei sui, et tangeret manu sua locum lepræ, et curáret me. Numquid non melióres sunt Abana et Pharphar, flúvii Damásci, ómnibus aquis Israël, ut laver in eis, et munder? Cum ergo vertísset se, et abíret indignans, accessérunt ad eum servi sui, et locúti sunt ei: Pater, et si rem grandem dixísset tibi prophéta, certe fácere debúeras: quanto magis quia nunc dixit tibi: Laváre, et mundáberis? Descéndit, et lavit in Iordáne sépties, iuxta sermónem viri Dei, et restitúta est caro eius, sicut caro púeri párvuli, et mundátus est. Reversúsque ad virum Dei cum univérso comitátu suo, venit, et stetit coram eo, et ait: Vero scio, quod non sit álius Deus in univérsa terra, nisi tantum in Israël.

Graduale Ps. 55, 9 et 2 Deus, vitam meam annuntiávi tibi: posuísti lácrimas meas in conspéctu tuo. **℣.** Miserére mei, Dómine, quóniam conculcávit me homo: tota die bellans tribulávit me.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **℣.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Lucam

Luc. 4, 23-30

In illo témpore: Dixit Iesus pharisæis: Utique dicétis mihi hanc similitúdinem: Médice, cura teípsum: quanta audívimus facta in Caphárnaum, fac et hic in pátria tua. Ait autem: Amen dico vobis, quia nemo prophéta accéptus est in pátria sua. In veritáte dico vobis, multæ víduæ erant in diébus Elíæ in Israël, quando clausum est cælum annis tribus, et ménsibus sex, cum facta esset fames magna in omni terra: et ad nullam illárum missus est Elías, nisi in Saréphta Sidóniæ, ad mulierem víduam. Et multi leprósi erant in Israël sub Eliséo prophéta: et nemo eórum mundátus est nisi Náaman Syrus. Et repléti sunt omnes in synagóga ira, hæc audiéntes. Et surrexérunt, et eiecérunt illum extra civitátem: et duxérunt illum usque ad supercílum montis, super quem civitas illórum erat ædificáta, ut præcipitarent eum. Ipse autem tránsiens per médium illórum, ibat.

Antiphona ad Offertorium

Ps. 54, 2-3

Exáudi, Deus, oratióem meam, et ne despéxeris deprecationem meam: inténde in me, et exáudi me.

Secreta

Munus, quod tibi, Dómine, nostræ servitútis offérimus, tu salutáre nobis pérfice sacraméntum. Per Dóminum.

Præfatio de Quadragesima.

Antiphona ad Communionem

Ps. 13, 7

Quis dabit ex Sion salutáre Israël? cum avérterit Dóminus captivitátem plebis suæ, exsultábit Iacob, et lætábitur Israël.

Postcommunio

Præsta, quæsumus, omnípotens et miséricors Deus: ut, quod ore contingimus, pura mente capiamus. Per Dóminum.

Super populum: Orémus. Humiliáte cápita vestra Deo.

Oratio

Subvéniat nobis, Dómine, misericórdia tua: ut ab imminéntibus peccatórum nostrórum periculis, te mereámur protegente éripi, te liberánte salvári. Per Dóminum.

FERIA TERTIA

III classis

Statio ad S. Pudentianam

Antiphona ad Introitum

Ps. 16, 6 et 8

Ego clamávi, quóniam exaudísti me, Deus: inclína aurem tuam, et exáudi verba mea: custódi me, Dómine, ut pupíllam óculi: sub umbra alárum tuárum prótege me. **Ps. ibid., 1** Exáudi, Dómine, iustítiam meam: inténde deprecationem meam. **℣.** Glória Patri. **Ego.**

Oratio

Exáudi nos, omnípotens et miséricors Deus: et continéntiæ salutáris propítius nobis dona concede. Per Dóminum.

Lectio libri Regum

4 Reg. 4, 1-7

In diébus illis: Múlier quædam clamábat ad Eliséum prophétam, dicens: Servus tuus vir meus mórtuus est, et tu nosti, quia servus tuus fuit timens Dóminum: et ecce créditor venit, ut tollat duos fílios meos ad serviéndum sibi. Cui dixit Eliséus: Quid vis ut fáciam tibi? Dic mihi, quid habes in domo tua? At illa respóndit: Non hábeo ancílla tua quidquam in domo mea, nisi parum ólei, quo ungar. Cui ait: Vade, pete mútuo ab ómnibus vicínis tuis vasa vácuá non pauca. Et ingrédere, et claude óstium tuum, cum intrínsecus fúeris tu, et fílii tui: et mitte inde in ómnia vasa hæc: et cum plena fúerint, tolles. Ivit itaque múlier, et clausit óstium super se, et super fílios suos: illi offerébant vasa, et illa infundébat. Cumque plena fuissent vasa, dixit ad fílium suum: Affer mihi adhuc vas. Et ille respóndit: Non hábeo. Stetítque óleum. Venit autem illa, et indicávit hómini Dei. Et ille: Vade, inquit, vende óleum, et redde creditóri tuo: tu autem, et fílii tui vívite de réliquo.

Graduale Ps. 18, 13-14 Ab occúltis meis munda me, Dómine: et ab aliénis parce servo tuo. **V.** Si mei non fúerint domináti, tunc immaculátus ero: et emundábor a delicto máximo.

✠ Sequéntia sancti Evangélíi secúndum Matthæum

Matth. 18, 15-22

In illo témpore: Dixit Iesus discí-pulis suis: Si peccáverit in te frater tuus, vade, et córripe eum inter te, et ipsum solum. Si te audíerit, lucrátus eris fratrem tuum. Si autem te non audíerit, ádhibe

tecum adhuc unum, vel duos, ut in ore duórum, vel trium téstium stet omne verbum. Quod si non audíerit eos: dic ecclésiæ. Si autem ecclésiá non audíerit: sit tibi sicut éthnicus et publicánu. Amen dico vobis, quæcúmque alligavéritis super terram, erunt ligáta et in cælo: et quæcúmque solvéritis super terram, erunt solúta et in cælo. Iterum dico vobis, quia si duo ex vobis consénserint super terram, de omni re quamcúmque petierint, fiet illis a Patre meo, qui in cælis est. Ubi enim sunt duo vel tres congregáti in nómine meo, ibi sum in médio eórum. Tunc accédens Petrus ad eum, dixit: Dómine, quóties peccábit in me frater meus, et dimíttam ei? usque sépties? Dicit illi Iesus: Non dico tibi usque sépties, sed usque septuágies sépties.

Antiphona ad Offertorium

Ps. 117, 16 et 17

Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini.

Secreta

Per hæc véniat, quæsumus, Dómine, sacraménta nostræ redemptionis efféctus: qui nos et ab humánis rétrahat semper excéssibus, et ad salutária dona perdúcat. Per Dóminum.

Præfatio de Quadragesima.

Antiphona ad Communionem

Ps. 14, 1-2

Dómine, quis habitábit in tabernáculo tuo? aut quis requiéscet in monte sancto tuo? Qui ingréditur sine mácula, et operátur iustítiam.

Postcommunio

Sacris, Dómine, mystériis expi-
áti: et véniam, quæsumus, con-
sequámur, et grátiam. Per Dómi-
num nostrum Iesum Christum Fí-
lium tuum: Qui tecum.

Super populum: Orémus. Humi-
liáte cápita vestra Deo.

Oratio

Tua nos, Dómine, protectione
defénde: et ab omni semper
iniquitáte custódi. Per Dóminum.

FERIA QUARTA**III classis**

Statio ad S. Xystum

Antiphona ad Introitum

Ps. 30, 7-8

Ego autem in Dómino sperábo:
exultábo, et lætabor in tua
misericórdia: quia respexisti
humilitátem meam. **Ps. ibid., 2** In
te, Dómine, sperávi, non confúndar
in ætérnum: in iustítia tua libera
me, et éripe me. **℣.** Glória Patri.
Ego.

Oratio

Præsta nobis, quæsumus, Dómi-
ne: ut salutáribus ieiúniis eru-
díti, a nóxiis quoque vítiis absti-
néntes, propitiatiónem tuam faci-
lius impetrémus. Per Dóminum.

Léctio libri Exodi

Exodi 20, 12-24

Hæc dicit Dóminus Deus: Honó-
ra patrem tuum et matrem
tuam, ut sis longævus super ter-
ram, quam Dóminus Deus tuus da-
bit tibi. Non occídes. Non mœchá-
beris. Non furtum fácies. Non lo-
quéris contra próximum tuum fal-
sum testimónium. Non concupíscas

domum próximi tui: nec desiderá-
bis uxórem eius, non servum, non
ancíllam, non bovem, non ásinum,
nec ómnia, quæ illíus sunt. Cunctus
autem pópulus vidébat voces, et
lámpades, et sónitum búccinæ,
montémque fumántem: et pertér-
riti, ac pavóre concússi, stetérunt
procul, dicéntes Móysi: Lóquere tu
nobis, et audiémus: non loquátur
nobis Dóminus, ne forte moriámur.
Et ait Móyses ad pópulum: Nolíte
timére: ut enim probáret vos, venit
Deus, et ut terror illíus esset in vo-
bis, et non peccarétis. Stetítque
pópulus de longe. Móyses autem
accéssit ad caliginem, in qua erat
Deus. Dixit prætérea Dóminus ad
Móysen: Hæc dices fíliis Israël:
Vos vidístis, quod de cælo locútus
sim vobis. Non faciétis deos argén-
teos, nec deos áureos faciétis vobis.
Altáre de terra faciétis mihi, et of-
ferétis super eo holocáusta et paci-
fica vestra, oves vestras, et boves
in omni loco, in quo memória fúerit
nóminis mei.

Graduale Ps. 6, 3-4 Miserére mei,
Dómine, quóniam infirmus sum:
sana me, Dómine. **℣.** Conturbáta
sunt ómnia ossa mea: et ánima mea
turbáta est valde.

Tractus Ps. 102, 10 Dómine, non
secúndum peccáta nostra, quæ féci-
mus nos: neque secúndum iniqui-
tátes nostras retríbuas nobis. **℣.**
Ps. 78, 8-9 Dómine, ne memíneris
iniquitátum nostrárum antiquá-
rum: cito anticipent nos misericór-
diæ tuæ, quia páuperes facti su-
mus nimis. **(Hic genuflectitur) ℣.**
Adiuva nos, Deus salutáris noster:
et propter glóriam nóminis tui,
Dómine, libera nos: et propítius
esto peccátis nostris, propter no-
men tuum.

✠ Sequéntia sancti Evangélíi secúndum Matthæum

Matth. 15, 1-20

In illo témpore: Accessérunt ad Iesum ab Ierosólymis scribæ et pharisæi, dicéntes: Quare discípuli tui transgrediúntur traditióem seniórum? Non enim lavant manus suas, cum panem mandúcant. Ipse autem respóndens, ait illis: Quare et vos transgredímini mandátum Dei propter traditióem vestram? Nam Deus dixit: Honóra patrem, et matrem. Et: Qui maledíxerit patri, vel matri, morte moriátur. Vos autem dicitis: Quicúmque díxerit patri, vel matri: munus quodcúmque est ex me, tibi próderit: et non honorificábit patrem suum, aut matrem suam: et irritum fecísti mandátum Dei propter traditióem vestram. Hypócritæ, bene propheetávit de vobis Isaías, dicens: Pópulus hic lábiis me honórat: cor autem eórum longe est a me. Sine causa autem colunt me, docéntes doctrínas et mandáta hóminum. Et convocátis ad se turbis, dixit eis: Audíte, et intellégite. Non quod intrat in os, coínquinat hóminem: sed quod procédit ex ore, hoc coínquinat hóminem. Tunc accedéntes discípuli eius, dixerunt ei: Scis quia pharisæi, audíto verbo hoc, scandalizáti sunt? At ille respóndens, ait: Omnis plantátio, quam non plantávit Pater meus cæléstis, eradicábitur. Sínite illos: cæci sunt, et duces cæcórum. Cæcus autem si cæco ducátum præstet, ambo in fóveam cadunt. Respóndens autem Petrus, dixit ei: Edíssere nobis parábolam istam. At ille dixit: Adhuc et vos sine intelléctu estis? Non intellégitis, quia omne quod in os intrat, in ventrem vadit, et in seccéssum emíttitur? Quæ autem pro-

cédunt de ore, de corde éxeunt, et ea coínquinant hóminem: de corde enim éxeunt cogitatióes malæ, homicídia, adultéria, fornicatiónes, furta, falsa testimónia, blasphemíæ. Hæc sunt, quæ coínquinant hóminem. Non lotis autem mánibus manducáre, non coínquinat hóminem.

Antiphona ad Offertorium

Ps. 108, 21

Dómine, fac mecum misericórdiam tuam, propter nomen tuum: quia suávis est misericórdia tua.

Secreta

Súscipe, quæsumus, Dómine, preces pópuli tui cum oblatiõibus hostiárum: et tua mystéria celebrántes, ab ómnibus nos defénde perículis. Per Dóminum.

Præfatio de Quadragesima.

Antiphona ad Communionem

Ps. 15, 10

Notas mihi fecísti vias vitæ: adimplébis me lætítia cum vultu tuo, Dómine.

Postcommunio

Sanctíficet nos, Dómine, qua pastisumus, mensa cæléstis: et a cunctis erróribus expiátos, superñis promissiõibus reddat accéptos. Per Dóminum.

Super populum: Orémus. Humiliáte cápita vestra Deo.

Oratio

Concède, quæsumus, omnípotens Deus: ut, qui protectiõnis tuæ grátiam quærimus, liberáti a malis ómnibus, secúra tibi mente serviámus. Per Dóminum.

FERIA QUINTA

III classis

Statio ad Ss. Cosmam et Damianum

Antiphona ad Introitum

Salus pópuli ego sum, dicit Dóminus: de quacúmque tribulatione clamáverint ad me, exáudiam eos: et ero illórum Dóminus in perpétuum. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **S.** Salus.

Oratio

Magníficet te, Dómine, sanctórum tuórum. Cosmæ et Damiáni beáta solémnitas: qua et illis glóriam sempitérnam, et opem nobis ineffábili providéntia contulisti. Per Dóminum.

Léctio Ieremíæ Prophétæ

Ier. 7, 1-7

In diébus illis: Factum est verbum Dómini ad me, dicens: Sta in porta domus Dómini: et prædica ibi verbum istud, et dic: Audíte verbum Dómini, omnis Iuda, qui ingredimini per portas has, ut adorétis Dóminum. Hæc dicit Dóminus exercítuum, Deus Israél: Bonas fácite vias vestras, et stúdia vestra: et habitábo vobíscum in loco isto. Nolíte confidere in verbis mendáccii, dicéntes: Templum Dómini, templum Dómini, templum Dómini est. Quóniam si bene direxéritis vias vestras, et stúdia vestra: si fecéritis iudícium inter virum et próximum eius, ádvenæ, et pupílo, et víduæ non fecéritis calúmniam, nec sánguinem innocentem efudéritis in loco hoc, et post deos aliénos non ambulavéritis in malum vobismetípsis: habitábo vobís-

cum in loco isto, in terra, quam dedi pátribus vestris a sáeculo et usque in sáeculum: ait Dóminus omnipotens.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimam benedictióne.

✠ Sequéntia sancti Evangélii secúndum Lucam

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et continuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille singulis manus impónens, curábat eos. Exíbant autem dæmónia a multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitatibus opórtet me evangelizáre regnum Dei: quia ideo missus sum. Et erat prædicans in synagógis Galilææ.

Antiphona ad Offertorium

Ps. 137, 7

Si ambulávero in médio tribulationis, vivificábis me, Dómine: et super iram inimicórum meórum exténdes manum tuam, et salvum me fáciet dextera tua.

Secreta

In tuórum, Dómine, pretiósá morte iustórum sacrificium illud offérimus, de quo martýrium sumpsit omne princípium. Per Dóminum.

Præfatio de Quadragesima.

Antiphona ad Communionem

Ps. 118, 4-5

Tu mandásti mandáta tua custodíri nimis: útinam dirigántur viæ meæ ad custodiéndas iustificatiónes tuas.

Postcommunio

Sit nobis, Dómine, sacraménti tui certa salvátio: quæ cum beatórum Mártyrum tuórum Cosmæ et Damiáni méritis implorátur. Per Dóminum.

Super populum: Orémus. Humiliáte cápita vestra Deo.

Oratio

Subiéctum tibi pópulum, quæsumus, Dómine, propitiátio cælestis amplíficet: et tuis semper fáciat servíre mandátis. Per Dóminum.

FERIA SEXTA

III classis

Statio ad S. Laurentium in Lucina

Antiphona ad Introitum

Ps. 85, 17

Fac mecum, Dómine, signum in bonum: ut vídeant, qui me odérunt, et confundántur: quóniam tu, Dómine, adiuvísti me, et consolátus es me. **Ps. ibid., 1** Inclína, Dómine, aurem tuam, et exáudi me: quóniam inops et pauper sum ego. **V.** Glória Patri. **F**ac mecum.

Oratio

Ieiúnia nostra, quæsumus, Dómine, benígno favóre proséquere: ut, sicut ab aliméntis abstinémus in corpore; ita a vítiis ieiunémus in mente. Per Dóminum.

Léctio libri Númeri

Num. 20, 1, 3 et 6-13

In diébus illis: Convenérunt filii Israél advérsus Móysen et Aaron: et versi in seditiόνem, dixerunt: Date nobis aquam, ut bibámus. Ingressúsque Móyses et Aaron, dimíssa multitúdine, tabernáculum fœderis, corruérunt proni in terram, clamaverúntque ad Dóminum, atque dixerunt: Dómine Deus, audi clamórem huius pópuli, et áperi eis thesáurum tuum, fontem aquæ vivæ, ut satiáti, cesset murmurátio eórum. Et appáruit glória Dómini super eos. Locutúsque est Dóminus ad Móysen, dicens: Tolle virgam, et cógrega pópulum, tu et Aaron frater tuus, et loquímmini ad petram coram eis, et illa dabit aquas. Cumque edúxeris aquam de petra, bibet omnis multitúdo, et iuménta eius. Tulit ígitur Móyses virgam, quæ erat in conspéctu Dómini, sicut præcéperat ei, congregáta multitúdine ante petram, dixítque eis: Audíte, rebélles et incréduli: Num de petra hac vobis aquam potérimus eiícere? Cumque elevásset Móyses manum, percútiens virga bis sílicem, egréssæ sunt aquæ largíssimæ, ita ut pópulus bíberet, et iuménta. Dixítque Dóminus ad Móysen et Aaron: Quia non credidístis mihi, ut sanctificaréti me coram filiis Israél, non introducétis hos pópulos in terram, quam dabo eis. Hæc est aqua con-

tradictionis, ubi iurgati sunt filii Israël contra Dóminum, et sanctificátus est in eis.

Graduale Ps. 27, 7 et 1 In Deo sperávit cor meum, et adiútus sum: et reflóruit caro mea, et ex voluntáte mea confitébor illi. **℣.** Ad te, Dómine, clamávi: Deus meus, ne síleas, ne discédas a me.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccá-tis nostris, propter nomen tuum.

✠ Sequéntia sancti Evangélii se-cúndum Ioánnem

Ioann. 4, 5-42

In illo témpore: Venit Iesus in civitátem Samaríæ, quæ dicitur Sichar: iuxta prædium, quod dedit Iacob Ioseph filio suo. Erat autem ibi fons Iacob. Iesus ergo fatigátus ex itínere, sedébat sic supra fontem. Hora erat quasi sexta. Venit múlter de Samaría hauríre aquam. Dicit ei Iesus: Da mihi bíbere. (Discípuli enim eius abíerant in civitátem, ut cibos émerent). Dicit ergo ei múlter illa Samaritána: Quómodo tu, Iudæus cum sis, bíbere a me poscis, quæ sum múlter Samaritána? non enim coutúntur Iudæi Samaritánis. Respóndit Iesus, et dixit ei: Si scires donum Dei, et

quis est, qui dicit tibi: Da mihi bíbere: tu fórsitan petísses ab eo, et dedísset tibi aquam vivam. Dicit ei múlter: Dómine, neque in quo háurias habes, et púteus altus est: unde ergo habes aquam vivam? Numquid tu maior es patre nostro Iacob, qui dedit nobis púteum, et ipse ex eo bibit, et filii eius, et pécora eius? Respóndit Iesus, et dixit ei: Omnis, qui bibit ex aqua hac, sítiet íterum: qui autem bíberit ex aqua, quam ego dabo ei, non sítiet in ætérnum: sed aqua, quam ego dabo ei, fiet in eo fons aquæ saliéntis in vitam ætérnam. Dicit ad eum múlter: Dómine, da mihi hanc aquam, ut non sítiam, neque véniam huc hauríre. Dicit ei Iesus: Vade, voca virum tuum, et veni huc. Respóndit múlter, et dixit: Non hábeo virum. Dicit ei Iesus: Bene dixísti, quia non hábeo virum: quinque enim viros habuísti, et nunc, quem habes, non est tuus vir: hoc vere dixísti. Dicit ei múlter: Dómine, vídeo, quia prophéta es tu. Patres nostri in monte hoc adoravérunt, et vos dicitis, quia Ierosólymis est locus, ubi adoráre opórtet. Dicit ei Iesus: Múlter, crede mihi, quia venit hora, quando neque in monte hoc, neque in Ierosólymis adorábitis Patrem. Vos adorátis quod nescítis: nos adorámus quod scimus, quia salus ex Iudæis est. Sed venit hora, et nunc est, quando veri adoratóres adorábunt Patrem in spíritu et veritáte. Nam et Pater tales quærit, qui adórent eum. Spíritus est Deus: et eos, qui adórant eum, in spíritu et veritáte opórtet adoráre. Dicit ei múlter: Scio, quia Messías venit (qui dicitur Christus). Cum ergo vénerit ille, nobis annuntiábit ómnia. Dicit ei Iesus: Ego sum, qui lo-

quor tecum. Et continuo venérunt discipuli eius: et mirabántur, quia cum muliere loquebátur. Nemo tamen dixit: Quid quæris, aut quid loqueris cum ea? Relíquit ergo hýdriam suam múlíer, et ábiit in civitátem, et dicit illis homínibus: Veníte, et vidéte hóminem, qui dixit mihi ómnia quæcúmque feci: numquid ipse est Christus? Exiérunt ergo de civitáte, et veniébant ad eum. Intérea rogábant eum discipuli, dicéntes: Rabbi, mandúca. Ille autem dicit eis: Ego cibum hábeo manducáre, quem vos nescítis. Dicébant ergo discipuli ad invicem: Numquid áliquis áttulit ei manducáre? Dicit eis Iesus: Meus cibus est, ut fáciam voluntátem eius, qui misit me, ut perficiam opus eius. Nonne vos dicitis, quod adhuc quátuor menses sunt, et messis venit? Ecce dico vobis: Leváte óculos vestros, et vidéte regiónés, quia albæ sunt iam ad messem. Et qui metit, mercédem áccipit, et cóngregat fructum in vitam ætérnam: ut, et qui séminat, simul gáudeat, et qui metit. In hoc enim est verbum verum: quia álius est qui séminat, et álius est qui metit. Ego misi vos métere quod vos non laborástis: álii laboravérunt, et vos in labóres eórum introístis. Ex civitáte autem illa multi credidérunt in eum Samaritanórum, propter verbum mulieris testimónium perhibéntis: Quia dixit mihi ómnia quæcúmque feci. Cum venissent ergo ad illum Samaritáni, rogavérunt eum, ut ibi manéret. Et mansit ibi duos dies. Et multo plures credidérunt in eum propter sermónem eius. Et mulieri dicébant: Quia iam non propter tuam loquélam crédimus: ipsi enim audívimus, et scimus, quia hic est vere Salvátor mundi.

Antiphona ad Offertorium

Ps. 5, 3-4

Inténde voci oratiónis meæ, Rex meus, et Deus meus: quóniam ad te orábo, Dómine.

Secreta

Réspice, quæsumus, Dómine, propítius ad múnera, quæ sacrámus: ut tibi grata sint, et nobis salutária semper exsistant. Per Dóminum.

Præfatio de Quadragesima.

Antiphona ad Communionem

Ioann. 4, 13 et 14

Qui bíberit aquam, quam ego dabo ei, dicit Dóminus, fiet in eo fons aquæ salientis in vitam ætérnam.

Postcommunio

Huius nos, Dómine, percéptio sacraménti mundet a crimine: et ad cæléstia regna perdúcat. Per Dóminum.

Super populum: Orémus. Humiliáte cápita vestra Deo.

Oratio

Præsta, quæsumus, omnípotens Deus: ut, qui in tua protectiône confídimus, cuncta nobis adversántia, te adiuvánte, vincámus. Per Dóminum.

SABBATO

III classis

Statio ad S. Susannam

Antiphona ad Introitum

Ps. 5, 2-3

Verba mea áuribus pécipe, Dómine, intéllege clamórem meum: inténde voci oratiónis meæ, Rex meus, et Deus meus. **Ps. ibid., 4** Quóniam ad te

orábo, Dómine: mane exáudies vocem meam. **V.** Glória Patri. **V.** Verba.

Oratio

Præsta, quæsumus, omnípotens Deus: ut, qui se, affligéndo carnem, ab aliméntis ábstinent; sectándo iustítiam, a culpa ieiúnent. Per Dóminum.

Léctio Daniélis Prophétæ

Dan. 13, 1-9, 15-17, 19-30 et 33-62

In diébus illis: Erat vir hábitans in Babylóne, et nomen eius Ióakim: et accépit uxórem nómine Susánnam, filiam Helcíæ, pulchram nimis, et timéntem Deum: paréntes enim illíus, cum essent iusti, erudiérunt filiam suam secúndum legem Móysi. Erat autem Ióakim dives valde, et erat ei pomárium vicínium dómui suæ: et ad ipsum confluébant Iudæi, eo quod esset honorabílior ómnium. Et constitúti sunt de pópulo duo senes iúdices in illo anno: de quibus locútus est Dóminus: Quia egréssa est iníquitas de Babylóne a senióribus iudícibus, qui videbántur régere pópulum. Isti frequentábant domum Ióakim, et veniébant ad eos omnes, qui habébant iudícia. Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes cotídie ingrediéntem, et deambulántem: et exarsérunt in concupiscéntiam eius: et evertérunt sensum suum, et declinavérunt óculos suos, ut non vidérent cælum, neque recordaréntur iudiciórum iustórum. Factum est autem, cum observárent diem aptum, ingrèssa est aliquándo sicut heri et nudius-tértius, cum duábus solis puéllis, voluítque lavári in pomário: æstus quippe erat, et non erat ibi quis-

quam, præter duos senes abscónditos, et contemplántes eam. Dixit ergo puéllis: Afférte mihi óleum et smígmata, et óstia pomárii cláudite, ut laver. Cum autem egréssæ essent puéllæ, surrexérunt duo senes, et accurrérunt ad eam, et dixerunt: Ecce óstia pomárii clausa sunt, et nemo nos videt, et nos in concupiscéntia tui sumus: quam ob rem assentíre nobis, et commiscére nobíscum. Quod si nolúeris, dicemus contra te testimónium, quod fúerit tecum iúvenis, et ob hanc causam emíseris puéllas a te. Ingémuit Susánna, et ait: Angústiae sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras, quam peccáre in conspéctu Dómini. Et exclamávit voce magna Susánna: exclamavérunt autem et senes advérsus eam. Et cucúrrit unus ad óstia pomárii, et apéruit. Cum ergo audíssent clamórem fámulí domus in pomário, irruérunt per postícum, ut vidérent quidnam esset. Postquam autem senes locúti sunt, erubuérunt servi veheménter: quia numquam dictus fúerat sermo huiuscémodi de Susánna. Et facta est dies crástina. Cumque venísset pópulus ad Ióakim virum eius, vénérent et duo senióres pleni iníqua cogitatióne advérsus Susánnam, ut interficerent eam. Et dixerunt coram pópulo: Míttite ad Susánnam filiam Helcíæ, uxórem Ióakim. Et statim misérunt. Et venit cum paréntibus, et filiis, et univérsis cognátis suis. Flebant igitur sui, et omnes qui nóverant eam. Consurgéntes autem duo senióres in médio pópuli, posuérunt manus suas super caput eius. Quæ flens su-

spéxit ad cælum: erat enim cor eius fidúciā habens in Dómino. Et dixerunt senióres: Cum deambularémus in pomário soli, ingrēssa est hæc cum duábus puéllis: et clausit óstia pomárii, et dimísit a se puéllas. Venítque ad eam adolēscens, qui erat abscónditus, et concúbuit cum ea. Porro nos, cum essémus in ángulo pomárii, vidéntes iniquitátem, cucúrrimus ad eos, et vídimus eos páriter commiscéri. Et illum quidem non quívimus comprehendere, quia fórtior nobis erat, et apértis óstiis exsilívit: hanc autem cum apprehendissémus, interrogávimus, quisnam esset adolēscens, et nóluit indicáre nobis: huius rei testes sumus. Crédidit eis multitúdo quasi sénibus, et iudíci-bus pópuli, et condemnáverunt eam ad mortem. Exclamávit autem voce magna Susánna, et dixit: Deus ætérne, qui absconditórum es cógnitor, qui nosti ómnia ántequam fiant, tu scis quóniam falsum testimónium tulérunt contra me: et ecce mórior, cum nihil horum fécerim, quæ isti malitióse composuérunt advérsus me. Ex-audívit autem Dóminus vocem eius. Cumque ducerétur ad mortem, suscitávit Dóminus spíritum sanctum púeri iunióris, cuius nomen Dániel. Et exclamávit voce magna: Mundus ego sum a sáanguine huius. Et convérsus omnis pópulus ad eum, dixit: Quis est iste sermo, quem tu locútus es? Qui cum staret in médio eórum, ait: Sic fátui, filii Israël, non iudicántes, neque quod verum est cognoscéntes, condemnástis filiam Israël? Revertímini ad iudícium, quia falsum testimónium locúti sunt advérsus eam. Revérsus est ergo pópulus cum festinátione. Et dixit ad

eos Dániel: Separáte illos ab invicem procul, et diiudicábo eos. Cum ergo divísi essent alter ab áltero, vocávit unum de eis, et dixit ad eum: Inveteráte diérum malórum, nunc venérunt peccáta tua, quæ operabáris prius: iúdicans iudícia iniústa, innocéntes ópprimens, et dimíttens nóxios, dicénte Dómino: Innocéntem et iustum non interfícies. Nunc ergo si vidísti eam, dic sub qua árbore víderis eos colloquéntes sibi. Qui ait: Sub schino. Dixit autem Dániel: Recte mentítus es in caput tuum. Ecce enim Angelus Dei, accépta senténtia ab eo, scindet te médium. Et, amóto eo, iussit veníre álium, et dixit ei: Semen Chánaan, et non Iuda, species decépit te, et concupiscéntia subvértit cor tuum: sic faciebátis filiábus Israël, et illæ timéntes loquebántur vobis: sed filia Iuda non sustínuit iniquitátem vestram. Nunc ergo dic mihi, sub qua árbore comprehénderis eos loquéntes sibi. Qui ait: Sub prino. Dixit autem ei Dániel: Recte mentítus es et tu in caput tuum: manet enim Angelus Dómini, gládium habens, ut scet te médium, et interfíciat vos. Exclamávit itaque omnis coetus voce magna, et benedixerunt Deum, qui salvat sperántes in se. Et consurrexérunt advérsus duos senióres (convícerat enim eos Dániel ex ore suo falsum dixísse testimónium), fecerúntque eis sicut male égerant advérsus primum: et interfecérunt eos, et salvátus est sanguis innóxius in die illa.

Graduale Ps. 22, 4 Si ámbulem in médio umbræ mortis, non timébo mala: quóniam tu mecum es, Dómine. **V.** Virga tua, et báculus tuus, ipsa me consoláta sunt.

✠ Sequéntia sancti Evangélíi secúndum Ioánnem

Ioann. 8, 1-11

In illo témpore: Perréxit Iesus in montem Olivéti: et dilúculo íterum venit in templum, et omnis pópulus venit ad eum, et sedens docébat eos. Addúcunt autem scribæ et pharisæi mulierem in adultério deprehénsam: et statuérunt eam in médio, et dixerunt ei: Magíster, hæc múlíer modo deprehénsa est in adultério. In lege autem Móyses mandávit nobis huiúsmodi lapidáre. Tu ergo quid dicis? Hoc autem dicébant tentántes eum, ut possent accusáre eum. Iesus autem inclínans se deórsum, dígitó scribébat in terra. Cum ergo perseverárent interrogántes eum, eréxit se, et dixit eis: Qui sine peccáto est vestrum, primus in illam lápidem mittat. Et íterum se inclínans, scribébat in terra. Audiéntes autem unus post unum exíbant, incipiéntes a senióríbus: et remánsit solus Iesus, et múlíer in médio stans. Erigens autem se Iesus, dixit ei: Múlíer, ubi sunt, qui te accusábant? nemo te condemnávit? Quæ dixit: Nemo, Dómine. Dixit autem Iesus: Nec ego te condemnábo: Vade, et iam ámplius noli peccáre.

Antiphona ad Offertorium

Ps. 118, 133

Gressus meos dírige secúndum elóquium tuum: ut non dominétur mei omnis iniustítia, Dómine.

Secreta

Concéde, quæsumus, omnípotens Deus: ut huius sacrificii munus oblátum, fragilitátem nostram ab omni malo purget semper, et múníat. Per Dóminum.

Præfatio de Quadragesima.

Antiphona ad Communionem

Ioann. 8, 10 et 11

Nemo te condemnávit, múlíer? Nemo, Dómine. Nec ego te condemnábo: iam ámplius noli peccáre.

Postcommunio

Quæsumus, omnípotens Deus: ut inter eius membra numerémur, cuius córpori comunicámus, et sánguini: Qui tecum.

Super populum: Orémus. Humiliáte cápita vestra Deo.

Oratio

Præténde, Dómine, fidélibus tuis dexteram cæléstis auxilií: ut te toto corde perquírant: et quæ digne póstulant, cónsequi mereántur. Per Dóminum.

DOMINICA QUARTA IN QUADRAGESIMA

I classis

Statio ad S. Crucem in Ierusalem

Antiphona ad Introitum

Isai. 66, 10 et 11

Lætáre, Ierúsalem: et convéntum fácite, omnes qui diligitis eam: gaudéte cum lætítia, qui in tristítia fuístis: ut exsultétis, et satiémíni ab ubéribus consolatiónis vestræ. **Ps. 121, 1** Lætátus sum in his, quæ dicta sunt mihi: in domum Dómini íbimus. **V.** Glória Patri. **Lætáre.**

Oratio

Concéde, quæsumus, omnípotens Deus: ut, qui ex mérito nostræ actiúnis affligimur, tuæ grátiae consolatióne respirémus. Per Dóminum.

Léctio Epístolæ beāti Pauli Apóstoli ad Gálatas

Gal. 4, 22-31

Fratres: Scriptum est: Quóniam Abraham duos filios hábuit: unum de ancílla, et unum de líbera. Sed qui de ancílla, secúndum carnem natus est: qui autem de líbera, per repromissionem: quæ sunt per allegoríam dicta. Hæc enim sunt duo testaménta. Unum quidem in monte Sina, in servitútem génerans: quæ est Agar: Sina enim mons est in Arábia, qui coniúctus est ei, quæ nunc est Ierúsalem, et servit cum filiis suis. Illa autem, quæ sursum est Ierúsalem, líbera est, quæ est mater nostra. Scriptum est enim: Lætáre, stérilis, quæ non paris: erúmpe, et clama, quæ non párturis: quia multi filii désertæ, magis quam eius, quæ habet virum. Nos autem, fratres, secúndum Isaac promissionis filii sumus. Sed quómodo tunc is, qui secúndum carnem natus fúerat, persequébatur eum, qui secúndum spíritum: ita et nunc. Sed quid dicit Scriptúra? Eiice ancíllam et filium eius: non enim heres erit filius ancíllæ cum filio líberæ. Itaque, fratres, non sumus ancíllæ filii, sed líberæ: qua libertáte Christus nos liberávit.

Graduale Ps. 121, 1 et 7 Lætátus sum in his, quæ dicta sunt mihi: in domum Dómini íbimus. **V.** Fiat pax in virtúte tua: et abundántia in túribus tuis.

Tractus, Ps. 124, 1-2 Qui confidunt in Dómino, sicut mons Sion: non commovébitur in ætérnum, qui hábitat in Ierúsalem. **V.** Montes in circúitu eius: et Dóminus in circúitu pópuli sui, ex hoc nunc et usque in sæculum.

✠ Sequéntia sancti Evangélíi secúndum Ioánnem

Ioann. 6, 1-15

In illo témpore: Abiit Iesus trans mare Galilææ, quod est Tiberiádis: et sequebátur eum multitúdo magna, quia vidébant signa, quæ faciébat super his, qui infirmabántur. Súbiit ergo in montem Iesus: et ibi sedébat cum discípulis suis. Erat autem próximum Pascha, dies festus Iudæórum. Cum sublevásset ergo óculos Iesus, et vidísset quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philíppus: Ducentórum denariórum panes non suffíciunt eis, ut unusquisque módicum quid accípiat. Dicit ei unus ex discípulis eius, Andréas frater Simónis Petri: Est puer unus hic, qui habet quinque panes hordeáceos, et duos pisces: sed hæc quid sunt inter tantos? Dixit ergo Iesus: Fácite hómines discúmbere. Erat autem fænum multum in loco. Discubuerunt ergo viri, número quasi quinque millia. Accépit ergo Iesus panes, et cum grátias egísset, distribuit discumbéntibus: simíliter et ex píscibus quantum volébant. Ut autem impléti sunt, dixit discípulis suis: Collígite quæ superavérunt fragménta, ne péreant. Collegérunt ergo, et implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducáverant. Illi ergo hómines cum vidísset quod Iesus fécerat signum, dicébant: Quia hic est vere Prophéta, qui ventúrus est in mundum. Iesus ergo cum cognovísset, quia ventúri essent ut ráperent eum, et

fácerent eum regem, fugit iterum in montem ipse solus. **Credo.**

Antiphona ad Offertorium

Ps. 134, 3 et 6

Laudáte Dóminum, quia benígnus est: psállite nómini eius, quóniam suávis est: ómnia quaecúmque vóluit, fecit in cælo, et in terra.

Secreta

Sacrificiis præsentibus, Dómine, quæsumus, inténde placátus: ut et devotióni nostræ proficiant, et salúti. Per Dóminum.

Præfatio de Quadragesima.

Antiphona ad Communionem

Ps. 121, 3-4

Ierúsalem, quæ ædificátur ut civitas, cuius participátio eius in idípsum: illuc enim ascendérunt tribus, tribus Dómini, ad confiténdum nómini tuo, Dómine.

Postcommunio

Da nobis, quæsumus, miséricors Deus: ut sancta tua, quibus incessánte explémur, sincéris tractémus obséquiiis, et fidéli semper mente sumámus. Per Dóminum.

FERIA SECUNDA

III classis

Statio ad Ss. Quatuor Coronatos

Antiphona ad Introitum

Ps. 53, 3-4

Deus, in nómine tuo salvum me fac, et in virtúte tua libera me: Deus, exáudi oratióne meam: áuribus pércipe verba oris mei. **Ps. ibid., 5** Quóniam aliéni insurrexérunt in me: et fortes quæsiérunt ánimam meam. **V.** Glória Patri. **Deus.**

Oratio

Præsta, quæsumus, omnípotens Deus: ut observatiónes sacras ánnua devotióne recoléntes, et corpore tibi placeámus, et mente. Per Dóminum.

Léctio libri Regum

3 Reg. 3, 16-28

In diébus illis: Venérunt duæ mulieres meretrices ad regem Salomónem, steterúntque coram eo, quarum una ait: Obsecro, mi dómíne: ego et múlíer hæc habitabámus in domo una, et péperi apud eam in cubículo. Tértia autem die postquam ego péperi, péperit et hæc: et erámus simul, nullúsque álius nobíscum in domo, excéptis nobis duábus. Mórtuus est autem filius mulieris huius nocte: dórmíens quippe oppréssit eum. Et consúr-gens intempéstæ noctis siléntio, tulit fílium meum de látere meo ancíllæ tuæ dormiéntis, et collocávit in sinu suo: suum autem fílium, qui erat mórtuus, pósuit in sinu meo. Cumque surrexíssem mane, ut darem lac fílio meo, appáruit mórtuus: quem diligéntius íntuens clara luce, deprehénderi non esse meum, quem genúeram. Respondítque áltera múlíer: Non est ita ut dicis, sed fílius tuus mórtuus est, meus autem vivit. E contrário illa dicébat: Mentíris: fílius quippe meus vivit, et fílius tuus mórtuus est. Atque in hunc modum contendébant coram rege. Tunc rex ait: Hæc dicit: Fílius meus vivit, et fílius tuus mórtuus est. Et ista respóndit: Non, sed fílius tuus mórtuus est, meus autem vivit. Dixit ergo rex: Afférte mihi gládium. Cumque attulísset gládium coram rege: Divídite, inquit, infántem vivum in

duas partes, et date dimídiam partem uni, et dimídiam partem álteri. Dixit autem múlter, cuius filius erat vivus, ad regem (commóta sunt quippe víscera eius super filio suo): Obsecro, dómíne, date illi infántem vivum, et nolíte interfícere eum. E contrário illa dicébat: Nec mihi, nec tibi sit, sed dividátur. Respóndit rex, et ait: Date huic infántem vivum, et non occidátur: hæc est enim mater eius. Audívit itaque omnis Israél iudícium, quod iudicásset rex, et timuérunt regem, vidéntes sapiéntiam Dei esse in eo ad faciéndum iudícium.

Graduale Ps. 30, 3 Esto mihi in Deum protectórem, et in locum refúgii, ut salvum me fácias. **℣. Ps. 70, 1** Deus, in te sperávi: Dómine, non confúndar in ætérnum.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retribúas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur).** **℣.** Adiuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem

Ioann. 2, 13-25

In illo témpore: Prope erat Pascha Iudæórum, et ascéndit Iesus Ierosólymam: et invénit in templo vendéntes boves, et oves, et colúmbas, et nummulários sedéntes. Et cum fecísset quasi flagéllum de fu-

nículis, omnes eiécit de templo, oves quoque, et boves, et nummuláriórum effúdit æs, et mensas subvértit. Et his, qui colúmbas vendébant, dixit: Auférte ista hinc, et nolíte fácere domum Patris mei, domum negotiatiónis. Recordáti sunt vero discípuli eius, quia scriptum est: Zelus domus tuæ comédit me. Respondérunt ergo Iudæi, et dixerunt ei: Quod signum osténdis nobis, quia hæc facis? Respóndit Iesus, et dixit eis: Sólвите templum hoc, et in tribus diébus excitábo illud. Dixerunt ergo Iudæi: Quadragínta et sex annis ædificátum est templum hoc, et tu in tribus diébus excitábis illud? Ille autem dicébat de templo córporis sui. Cum ergo resurrexísset a mórtuis, recordáti sunt discípuli eius, quia hoc dicébat, et credidérunt Scriptúræ, et sermóni, quem dixit Iesus. Cum autem esset Ierosólymis in Pascha in die festo, multi credidérunt in nómine eius, vidéntes signa eius, quæ faciébat. Ipse autem Iesus non credebát semetípsum eis, eo quod ipse nosset omnes, et quia opus ei non erat, ut quis testimónium perhiberet de hómine: ipse enim sciébat, quid esset in hómine.

Antiphona ad Offertorium

Ps. 99, 1-2

Iubiláte Deo, omnis terra, servíte Dómino in lætítia: intráte in conspéctu eius in exsultatióne: quia Dóminus ipse est Deus.

Secreta

Oblátum tibi, Dómine, sacrificium vivíficet nos semper, et múníat. Per Dóminum.

Præfatio de Quadragesima.

Antiphona ad Communionem

Ps. 18, 13 et 14

Ab occúltis meis munda me, Dómine: et ab aliénis parce servo tuo.

Postcommunio

Sumptis, Dómine, salutáribus sacraméntis: ad redemptionis æternæ, quæsumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

Deprecatióem nostram, quæsumus, Dómine, benígnus exáudi: et quibus supplicándi præstas afféctum, tríbe defensionis auxílium. Per Dóminum.

FERIA TERTIA

III classis

Statio ad S. Laurentium in Damaso

Antiphona ad Introitum

Ps. 54, 2-3

Exáudi, Deus, oratióem meam, et ne despéxeris deprecationem meam: inténde in me, et exáudi me. **Ps. ibid., 3-4** Contristátus sum in exercitatióne mea: et conturbátus sum a voce inimíci, et a tribulatióne peccatóris. **V.** Glória Patri. **E**xáudi.

Oratio

Sacræ nobis, quæsumus, Dómine, observatiónis ieiúnia: et piæ conversatiónis augméntum, et tuæ propitiatiónis contínuum præstent auxílium. Per Dóminum.

Léctio libri Exodi

Exodi 32, 7-14

In diébus illis: Locútus est Dóminus ad Móysen, dicens: Descénde de monte: peccávit pópulus tuus, quem eduxísti de terra Ægýpti. Recessérunt cito de via, quam ostendísti eis: fecerúntque sibi vítulum conflátilem, et adoravérunt, atque immolántes ei hóstias, dixerunt: Isti sunt dii tui, Israël, qui te eduxérunt de terra Ægýpti. Rursúmque ait Dóminus ad Móysen: Cerno quod pópulus iste duræ cervícis sit: dimítte me, ut irascátur furor meus contra eos, et deleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de terra Ægýpti, in fortitúdine magna, et in manu robústa? Ne quæso dicant Ægýptii: Cállide edúxit eos, ut interficeret in móntibus, et dele-ret e terra: quiéscat ira tua, et esto placábilis super nequítia pópuli tui. Recordáre Abraham, Isaac, et Israël servórum tuórum, quibus iurásti per temetípsum, dicens: Multiplicábo semen vestrum sicut stellas cæli: et univérsam terram hanc, de qua locútus sum, dabo sémini vestro, et possidébitis eam semper. Placátusque est Dóminus, ne fáceret malum, quod locútus fúerat advérsus pópulum suum.

Graduale Ps. 43, 26 et 2 Exsúrge, Dómine, fer opem nobis: et libera nos propter nomen tuum. **V.** Deus, áuribus nostris audívimus: et patres nostri annuntiavérunt nobis opus, quod operátus es in diébus eórum, et in diébus antíquis.

✠ Sequéntia sancti Evangélíi secúndum Ioánnem

Ioann. 7, 14-31

In illo témpore: Iam die festo mediánte, ascéndit Iesus in templum, et docébat. Et mirabántur Iudæi, dicéntes: Quómodo hic líttéras scit, cum non didícerit? Respóndit eis Iesus, et dixit: Mea doctrína non est mea, sed eius, qui misit me. Si quis volúerit voluntátem eius fácere, cognóscet de doctrína, utrum ex Deo sit, an ego a meípso loquar. Qui a semetípso lóquitur, glóriam própriam quærit. Qui autem quærit glóriam eius, qui misit eum, hic verax est, et iniustítia in illo non est. Nonne Móyses dedit vobis legem: et nemo ex vobis facit legem? quid me quæritis interfícere? Respóndit turba, et dixit: Dæmónium habes: quis te quærit interfícere? Respóndit Iesus, et dixit eis: Unum opus feci, et omnes mirámini. Proptérea Móyses dedit vobis circumcisiónem (non quia ex Móyse est, sed ex pátribus): et in sábbato circumcíditis hóminem. Si circumcisiónem áccipit homo in sábbato, ut non solvátur lex Móysi: mihi indignámini, quia totum hóminem sanum feci in sábbato? Nolíte iudicáre secúndum fáciem, sed iustum iudícium iudicáte. Dicébant ergo quidam ex Ierosólymis: Nonne hic est, quem quærunť interfícere? Et ecce palam lóquitur, et nihil ei dicunt. Numquid vere cognóverunt príncipes, quia hic est Christus? Sed hunc scimus, unde sit: Christus autem, cum vénerit, nemo scit unde sit. Clamábat ergo Iesus in templo docens, et dicens: Et me scitis, et unde sim, scitis, et a meípso non veni, sed est verus, qui misit me, quem vos nescítis. Ego scio eum, quia ab ipso sum, et ipse

me misit. Quærébant ergo eum apprehéndere: et nemo misit in illum manus, quia nondum vénerat hora eius. De turba autem multi crediderunt in eum.

Antiphona ad Offertorium

Ps. 39, 2, 3 et 4

Exspéctans expectávi Dóminum, et respéxit me: et exaudivit deprecationem meam: et immisit in os meum cánticum novum, hymnum Deo nostro.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de Quadragesima.

Antiphona ad Communionem

Ps. 19, 6

Lætábimur in salutári tuo: et in nómine Dómini Dei nostri magnificábimur.

Postcommunio

Huius nos, Dómine, percéptio sacraménti mundet a crímine: et ad cæléstia regna perdúcat. Per Dóminum.

Super populum: Orémus. Humiliáte cápita vestra Deo.

Oratio

Miserére, Dómine, pópulo tuo: et contínuis tribulatió nibus laborántem, propítius respiráre concéde. Per Dóminum.

FERIA QUARTA

III classis

Statio ad S. Paulum

Antiphona ad Introitum

Ezech. 36, 23-26

Cum sanctificátus fúero in vobis, congregábo vos de universis terris: et effúndam super vos aquam mundam, et mundabímini ab ómnibus inquinaméntis vestris: et dabo vobis spíritum novum. **Ps. 33, 2** Benedícam Dóminum in omni témpore: semper laus eius in ore meo. **V.** Glória Patri. **Cum.**

Post Kýrie, eléison, dicitur:
Orémus. Flectámus génua.
Leváte.

Oratio

Deus, qui et iustis præmia meritórum, et peccatóribus per ieiúnium véniam præbes: miserére supplicibus tuis; ut reátus nostri conféssio, indulgéntiam váleat percípere delictórum. Per Dóminum.

¶ **Præcedens oratio sine** Flectámus génua sumitur ad commemorandam hanc feriam IV.

Léctio Ezechiélis Prophétæ

Ezech. 36, 23-28

Hæc dicit Dóminus Deus: Sanctificábo nomen meum magnum, quod pollútum est inter gentes, quod polluístis in médio eárum: ut sciant gentes, quia ego Dóminus, cum sanctificátus fúero in vobis coram eis. Tollam quippe vos de gentibus, et congregábo vos de universis terris, et addúcam vos in terram vestram. Et effúndam super vos aquam mundam, et mundabímini ab ómnibus inquinaméntis vestris, et ab universis idólis

vestris mundábo vos. Et dabo vobis cor novum, et spíritum novum ponam in médio vestri: et áuferam cor lapídeum de carne vestra, et dabo vobis cor cárneum. Et spíritum meum ponam in médio vestri: et fáciam ut in præcéptis meis ambulétis, et iudícia mea custodiátis et operémini. Et habitábitis in terra, quam dedi pátribus vestris: et éritis mihi in pópulum, et ego ero vobis in Deum: dicit Dóminus omnípotens.

Graduale Ps. 33, 12 et 6 Veníte, filii, audíte me: timórem Dómini docebo vos. **V.** Accédite ad eum, et illuminámini: et fácies vestræ non confundéntur.

Hic dicitur V. Dóminus vobíscum, **sine** Flectámus génua.

Orémus.

Oratio

Præsta, quæsumus, omnípotens Deus: ut, quos ieiúnia votíva castígant, ipsa quoque devótio sancta lætifícet; ut, terrénis afféctibus mitigátis, facílius cæléstia capíamus. Per Dóminum.

Et dicuntur aliæ orationes forte occurrentes.

Léctio Isaíæ Prophétæ

Isai. 1, 16-19

Hæc dicit Dóminus Deus: Lavámini, mundi estóte, auférte malum cogitatónum vestrarum ab óculis meis: quiéscite ágere perverse, díscite benefácere: quærite iudícium, subveníte opprésso, iudicáte pupíllo, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt. Si volúeritis, et audiéritis me, bona terræ comedétis: dicit Dóminus omnípotens.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. **℣.** Verbo Dómini cæli firmáti sunt: et spíritu oris eius omnis virtus eórum.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **℣.** **Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuvá nos, Deus salutáris noster: et propter glóriam nóminis tui, Dómine, libera nos: et propítius esto peccátiis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 9, 1-38

In illo témpore: Prætériens Iesus vidit hóminem cæcum a nativitate: et interrogavérunt eum discípuli eius: Rabbi, quis peccávit, hic, aut paréntes eius, ut cæcus nascerétur? Respóndit Iesus: Neque hic peccávit, neque paréntes eius: sed ut manifesténtur ópera Dei in illo. Me opórtet operári ópera eius, qui misit me, donec dies est: venit nox, quando nemo potest operári. Quámdu sum in mundo, lux sum mundi. Hæc cum dixisset, expuit in terram, et fecit lutum exspuito, et linívit lutum super óculos eius, et dixit ei: Vade, lava in natatória Sílōē (quod interpretátur Missus). Abiit ergo, et lavit, et venit videns. Itaque vicíni, et qui víderant eum prius, quia mendícus erat, dicébant: Nonne hic est, qui sedébat, et mendicábat? Alii dicébant: Quia hic est. Alii autem: Ne-

quáquam, sed símilis est ei. Ille vero dicébat: Quia ego sum. Dicébant ergo ei: Quómodo apérti sunt tibi óculi? Respóndit: Ille homo, qui dicitur Iesus, lutum fecit, et unxit óculos meos, et dixit mihi: Vade ad natatória Sílōē, et lava. Et ábii, lavi, et vídeo. Et dixerunt ei: Ubi est ille? Ait: Néscio. Addúcunt eum ad pharisæos, qui cæcus fúerat. Erat autem sábbatum, quando lutum fecit Iesus, et apéruiť óculos eius. Iterum ergo interrogábant eum pharisæi, quómodo vidísset. Ille autem dixit eis: Lutum mihi pósuit super óculos, et lavi, et vídeo. Dicébant ergo ex pharisæis quidam: Non est hic homo a Deo, qui sábbatum non custódit. Alii autem dicébant: Quómodo potest homo peccátor hæc signa fácere? Et schisma erat inter eos. Dicunt ergo cæco íterum: Tu quid dicis de illo, qui apéruiť óculos tuos? Ille autem dixit: Quia prophéta est. Non credidérunt ergo Iudæi de illo, quia cæcus fuisset, et vidísset, donec vocavérunt paréntes eius, qui víderat: et interrogavérunt eos, dicéntes: Hic est filius vester, quem vos dicitis, quia cæcus natus est? Quómodo ergo nunc videt? Respondérunt eis paréntes eius, et dixerunt: Scimus, quia hic est filius noster, et quia cæcus natus est: quómodo autem nunc vídeat, nescimus: aut quis eius apéruiť óculos, nos nescimus: ipsum interrogáte, ætátem habet, ipse de se loquátur. Hæc dixerunt paréntes eius, quóniam timébant Iudæos: iam enim conspiráverant Iudæi, ut si quis eum confiterétur esse Christum, extra synagógam fieret. Proptérea paréntes eius dixerunt: Quia ætátem habet, ipsum interrogáte. Vocavérunt ergo rursum hóminem, qui fú-

erat cæcus, et dixerunt ei: Da glóriam Deo. Nos scimus quia hic homo peccátor est. Dixit ergo eis ille: Si peccátor est, nescio: unum scio, quia cæcus cum essem, modo vídeo. Dixerunt ergo illi: Quid fecit tibi? quómodo aperuit tibi óculos? Respondit eis: Dixi vobis iam, et audístis: quid iterum vultis audire? Numquid et vos vultis discipuli eius fieri? Maledixerunt ergo ei, et dixerunt: Tu discipulus illíus sis: nos autem Móysi discipuli sumus. Nos scimus quia Móysi locútus est Deus: hunc autem nescimus unde sit. Respondit ille homo, et dixit eis: In hoc enim mirábile est, quia vos nescítis unde sit, et aperuit meos óculos: scimus autem quia peccátóres Deus non audit: sed, si quis Dei cultor est, et voluntátem eius facit, hunc exáudit. A sæculo non est audítum, quia quis aperuit óculos cæci nati. Nisi esset hic a Deo, non póterat fácere quidquam. Respondérunt, et dixerunt ei: In peccátis natus es totus, et tu doces nos? Et eiecérunt eum foras. Audívit Iesus quia eiecérunt eum foras, et cum invenísset eum, dixit ei: Tu credis in Fílium Dei? Respondit ille, et dixit: Quis est, Dómine, ut credam in eum? Et dixit ei Iesus: Et vidísti eum, et qui lóquitur tecum, ipse est. At ille ait: Credo, Dómine. **(Hic genuflectitur)** Et prócidens adorávit eum.

Antiphona ad Offertorium

Ps. 65, 8-9 et 20

Benedícite, gentes, Dóminum Deum nostrum, et obaudíte vocem laudis eius: qui pósuit ánimam meam ad vitam, et non dedit commóveri pedes meos: benedíctus Dóminus, qui non amóvit deprecatió-nem meam, et misericórdiam suam a me.

Secreta

Súpplices te rogámus, omnípotens Deus: ut his sacrificiis peccáta nostra mundéntur; quia tunc veram nobis tríbuis et mentis et córporis sanitátem. Per Dóminum.

Præfatio de Quadragesima.

Antiphona ad Communionem

Ioann. 9, 11

Lutum fecit ex sputo Dóminus, et linívit óculos meos: et ábii, et lavi, et vidi, et crédidi Deo.

Postcommunio

Sacraménta, quæ sumpsimus, Dómine Deus noster: et spiri-tuálibus nos répleant aliméntis, et corporálibus tueántur auxiliis. Per Dóminum.

Super populum: Orémus. Humiliáte cápita vestra Deo.

Oratio

Páteant aures misericórdiæ tuæ, Dómine, précibus supplicántium: et, ut peténtibus desideráta concédas; fac eos, quæ tibi sunt plácita, postuláre. Per Dóminum.

FERIA QUINTA

III classis

Statio ad Ss. Silvestrum et Martinum

Antiphona ad Introitum

Ps. 104, 3-4

Lætétur cor quæréntium Dóminum: quærite Dóminum, et confirmámini: quærite faci-em eius semper. **Ps. ibid., 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri. **L**ætétur.

Oratio

Præsta, quæsumus, omnipotens Deus: ut, quos ieiúnia votíva castígant, ipsa quoque devótio sancta lætíficet; ut, terrénis afféctibus mitigátis, facílius cæléstia capiámus. Per Dóminum.

Léctio libri Regum

4 Reg. 4, 25-38

In diébus illis: Venit múlter Sunamítis ad Eliséum in montem Carméli: cumque vidísset eam vir Dei e contra, ait ad Giézi púerum suum: Ecce Sunamítis illa. Vade ergo in occúrsum eius, et dic ei: Recte ne ágitur circa te, et circa virum tuum, et circa fílium tuum? Quæ respóndit: Recte. Cumque venísset ad virum Dei in montem, apprehéndit pedes eius: et accéssit Giézi ut amovéret eam. Et ait homo Dei: Dimítte illam: ánima enim eius in amaritúdine est, et Dóminus celávit a me, et non indicávit mihi. Quæ dixit illi: Numquid petívi fílium a dómíno meo? Numquid non dixi tibi: Ne illúdas me? Et ille ait ad Giézi: Accínge lumbos tuos, et tolle báculum meum in manu tua, et vade. Si occúrrerit tibi homo, non salútes eum: et si salutáverit te quíspiam, non respóndear illi: et pones báculum meum super fáciem púeri. Porro mater púeri ait: Vivit Dóminus, et vivit ánima tua, non dimíttam te. Surréxit ergo, et secútus est eam. Giézi autem præcésserat ante eos, et posúerat báculum super fáciem púeri, et non erat vox, neque sensus: reversúsque est in occúrsum eius, et nuntiávit ei, dicens: Non surréxit puer. Ingréssus est ergo Eliséus domum, et ecce puer mórtuus iacébat in léctulo eius: ingressúsque

clausit óstium super se, et super púerum: et orávit ad Dóminum. Et ascéndit, et incúbuit super púerum: posuítque os suum super os eius, et óculos suos super óculos eius, et manus suas super manus eius: et incurvávit se super eum: et calefácta est caro púeri. At ille revérsus, deambulávit in domo, semel huc atque illuc: et ascéndit et incúbuit super eum: et oscitávit puer sépties, aperuítque óculos. At ille vocávit Giézi, et dixit ei: Voca Sunamítidem hanc. Quæ vocáta ingréssa est ad eum. Qui ait: Tolle fílium tuum. Venit illa, et córruit ad pedes eius, et adorávit super terram: tulítque fílium suum, et egréssa est, et Eliséus revérsus est in Gálgala.

Graduale Ps. 73, 20, 19 et 22 Réspice, Dómine, in testaméntum tuum: et ánimas páuperum tuórum ne obliviscáris in finem. **V.** Exsúrge, Dómine, iúdica causam tuam: memor esto oppróbrii servórum tuórum.

✠ Sequéntia sancti Evangélíi secúndum Lucam

Luc. 7, 11-16

In illo témpore: Ibat Iesus in civitátem, quæ vocátur Naim: et ibant cum eo discípuli eius, et turba copiósa. Cum autem appropinquáret portæ civitátis, ecce defúctus efferebátur fílius únicus matris suæ: et hæc vídua erat, et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt.) Et ait: Adoléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Ac-

cépit autem omnes timor: et magnificábant Deum, dicéntes: Quia prophéta magnus surrexit in nobis: et quia Deus visitávit plebem suam.

Antiphona ad Offertorium

Ps. 69, 2, 3 et 4

Dómine, ad adiuvándum me festína: confundántur omnes, qui cógitant servis tuis mala.

Secreta

Purífica nos, miséricors Deus: ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres. Per Dóminum.

Præfatio de Quadragesima.

Antiphona ad Communionem

Ps. 70, 16-17 et 18

Dómine, memorábor iustítiæ tuæ solíus: Deus, docuísti me a iuventúte mea: et usque in senéctam et sénium, Deus, ne derelínquas me.

Postcommunio

Cæléstia dona capiéntibus, quæsumus, Dómine: non ad iudícium proveníre patiáris, quæ fidélibus tuis ad remédium providísti. Per Dóminum.

Super populum: Orémus. Humiliáte cápita vestra Deo.

Oratio

Pópuli tui, Deus, institútor et rector, peccáta, quibus impugná-tur, expélle: ut semper tibi plácitus, et tuo munímine sit secúrus. Per Dóminum.

FERIA SEXTA

III classis

Statio ad S. Eusebium

Antiphona ad Introitum

Ps. 18, 15

Meditátio cordis mei in conspéctu tuo semper: Dómine, adiútor meus, et redémptor meus. **Ps. ibid., 2** Cæli enarrant glóriam Dei: et ópera mánuum eius annúntiat firmaméntum. **V.** Glória Patri. **Meditatio.**

Oratio

Deus, qui ineffabílibus mundum rénovas sacraméntis: præsta, quæsumus; ut Ecclesiá tua et ætérnis proficiat institútis, et temporálibus non destituátur auxiliis. Per Dóminum.

Léctio libri Regum

3 Reg. 17, 17-24

In diébus illis: Ægrotávit filius mulieris matrisfamílias, et erat languor fortíssimus, ita ut non remanéret in eo hálitus. Dixit ergo ad Eliám: Quid mihi et tibi, vir Dei? Ingréssus es ad me, ut rememoraréntur iniquitátes meæ, et interfíceres fílium meum? Et ait ad eam Eliás: Da mihi fílium tuum. Tulítque eum de sinu eius, et portávit in cenáculum ubi ipse manébat, et pósuit super léctulum suum, et clamávit ad Dóminum, et dixit: Dómine, Deus meus, étiam ne víduam, apud quam ego utcúmque susténtor, afflixísti, ut interfíceres fílium eius? Et expándit se, atque mensus est super púerum tribus vicibus, et clamávit ad Dóminum, et ait: Dómine, Deus meus, revertá-tur, óbsecro, ánima púeri huius in víscera eius. Et exaudívit Dóminus

vocem Eliæ: et revêrsa est ánima púeri intra eum, et revíxit. Tulítque Eliás púerum, et depósuit eum de cenáculo in inferiorem domum, et trádedit matri suæ, et ait illi: En vivit filius tuus. Dixítque múlter ad Eliam: Nunc in isto cognóvi, quóniam vir Dei es tu, et verbum Dómini in ore tuo verum est.

Graduale Ps. 117, 8-9 Bonum est confídere in Dómino, quam confídere in hómine. **℣.** Bonum est speráre in Dómino, quam speráre in princípibus.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **℣.** **Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nímis. **(Hic genuflectitur)** **℣.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Ioánnem

Ioann. 11, 1-45

In illo témpore: Erat quidam languens Lázarus a Bethánia, de castélló Mariæ, et Marthæ soróris eius. (María autem erat, quæ unxit Dóminum unguénto, et extérsit pedes eius capíllis suis: cuius frater Lázarus infirmabáthur.) Misérunt ergo soróres eius ad eum, dicéntes: Dómine, ecce quem amas infirmáthur. Audiens autem Iesus, dixit eis: Infirmitas hæc non est ad mortem, sed pro glória Dei, ut glorificétur Fílius Dei per eam. Diligébat autem Iesus Martham, et sorórem

eius Mariam, et Lázarum. Ut ergo audívit, quia infirmabáthur, tunc quidem mansit in eódem loco duóbus diébus. Deínde post hæc dixit discíplis suis: Eámus in Iudæam iterum. Dicunt ei discípli: Rabbi, nunc quærébant te Iudæi lapidáre, et iterum vadis illuc? Respóndit Iesus: Nonne duódecim sunt horæ diéi? Si quis ambuláverit in die, non offéndit, quia lucem huius mundi videt: si autem ambuláverit in nocte, offéndit, quia lux non est in eo. Hæc ait, et post hæc dixit eis: Lázarus amícus noster dormit: sed vado, ut a somno éxcitem eum. Dixerunt ergo discípli eius: Dómine, si dormit, salvus erit. Dixerat autem Iesus de morte eius: illi autem putavérunt, quia de dormitióne somni díceret. Tunc ergo Iesus dixit eis maniféste: Lázarus mórtuus est: et gáudeo propter vos, ut credátis, quóniam non eram ibi: sed eámus ad eum. Dixit ergo Thomas, qui dícitur Dídymus, ad condiscípulos: Eámus et nos, ut moriámur cum eo. Venit ítaque Iesus, et invénit eum quátuor dies iam in monumento habéntem. (Erat autem Bethánia iuxta Ierosólymam quasi stádiis quíndecim.) Multi autem ex Iudæis vénerant ad Martham, et Mariam, ut consolaréntur eas de fratre suo. Martha ergo, ut audívit quia Iesus venit, occúrrit illi: María autem domi sedébat. Dixit ergo Martha ad Iesum: Dómine, si fuís- ses hic, frater meus non fuísset mórtuus: sed et nunc scio, quia quæcúmque popósceris a Deo, dabit tibi Deus. Dicit illi Iesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Iesus: Ego sum resurréctio, et vita: qui credit in me, étiam si mórtuus fúe-

rit, vivet: et omnis, qui vivit, et credit in me, non moriétur in ætérnum. Credis hoc? Ait illi: Utique, Dómine, ego crédidi, quia tu es Christus Fílius Dei vivi, qui in hunc mundum venísti. Et cum hæc dixisset, ábiit, et vocávit Mariám sorórem suam siléntio, dicens: Magíster adest, et vocat te. Illa ut audívit, surgit cito, et venit ad eum: nondum enim vénerat Iesus in castéllum: sed erat adhuc in illo loco, ubi occúrrerat ei Martha. Iudæi ergo, qui erant cum ea in domo et consolabántur eam, cum vidissent Mariám, quia cito surréxit, et éxiit, secúti sunt eam, dicéntes: Quia vadit ad monuméntum, ut ploret ibi. María ergo, cum venisset ubi erat Iesus, videns eum, cécidit ad pedes eius, et dicit ei: Dómine, si fuísses hic, non esset mórtuus frater meus. Iesus ergo, ut vidit eam plorántem, et Iudæos, qui vénerant cum ea, plorántes, infrémuit spíritu, et turbávit seípsum, et dixit: Ubi posuístis eum? Dicunt ei: Dómine, veni, et vide. Et lacrimátus est Iesus. Dixérunt ergo Iudæi: Ecce quómodo amábat eum. Quidam autem ex ipsis dixérunt: Non póterat hic, qui apéruiťt óculos cæci nati, fácere ut hic non morerétur? Iesus ergo rursum fremens in semetípso, venit ad monuméntum. Erat autem spelúnca, et lapis superpósitus erat ei. Ait Iesus: Tóllite lápidem. Dicit ei Martha soror eius, qui mórtuus fúerat: Dómine, iam foetet, quatríduánus est enim. Dicit ei Iesus: Nonne dixi tibi, quóniam si credíderis, vidébis glóriam Dei? Tulérunt ergo lápidem: Iesus autem, elevátis sursum óculis, dixit: Pater, grátias ago tibi, quóniam audísti me. Ego autem sciébam, quia semper me audis, sed propter

pópulum, qui circúmstat, dixi: ut credant, quia tu me misísti. Hæc cum dixisset, voce magna clamávit: Lázare, veni foras. Et statim pródiit, qui fúerat mórtuus, ligátus pedes et manus ínstitis, et fácies illius sudário erat ligáta. Dixit eis Iesus: Sólвите eum, et sínite abíre. Multi ergo ex Iudæis, qui vénerant ad Mariám, et Martham, et vídebant quæ fecit Iesus, credidérunt in eum.

Antiphona ad Offertorium

Ps. 17, 28 et 32

Pópulum húmílem salvum fácies, Dómine, et óculos superbórum humiliábis: quóniam quis Deus præter te, Dómine?

Secreta

Múnera nos, Dómine, quæsumus, obláta puríficent: et te nobis iúgiter fácient esse placátum. Per Dóminum.

Præfatio de Quadragesima.

Antiphona ad Communionem

Ioann. 11, 33, 35, 43, 44 et 39

Videns Dóminus flentes soróres Lázari ad monuméntum, lacrimátus est coram Iudæis, et exclamávit: Lázare, veni foras: et pródiit ligátis mánibus et pédibus, qui fúerat quatríduánus mórtuus.

Postcommunio

Hæc nos, quæsumus, Dómine, participátio sacraménti: et a propriis reátibus indesinénter expédiat, et ab ómnibus tueátur advérsis. Per Dóminum.

Super populum: Orémus. Humiliáte cápita vestra Deo.

Oratio

Da nobis, quæsumus, omnípotens Deus: ut, qui infirmitátis nostræ cónscii, de tua virtúte confidimus, sub tua semper pietáte gaudeámus. Per Dóminum.

SABBATO

III classis

Statio ad S. Nicolaum in Carcere

Missa, in qua hoc sabbato Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis "In Collatione Ordinum" sub unica conclusione cum oratione Missæ, et omittantur omnes commemorationes, nisi sint privilegiatæ.

Antiphona ad Introitum

Isai. 55, 1

Sitiéntes, veníte ad aquas, dicit Dóminus: et qui non habétis prætium, veníte, et bíbite cum lætítia. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **Sitiéntes.**

Oratio

Fiat, Dómine, quæsumus, per grátiam tuam fructuósus nostræ devotiónis afféctus: quia tunc nobis próderunt suscepta ieiúnia, si tuæ sint plácita pietáti. Per Dóminum.

Léctio Isaiaë Prophetæ

Isai. 49, 8-15

Hæc dicit Dóminus: In témpore plácito exaudívi te, et in die salútis auxiliátus sum tui: et servávi te, et dedi te in fœdus pópuli, ut suscitáres terram, et possidéres hereditátes dissipátas: ut díceres

his, qui vincti sunt: Exíte: et his, qui in ténebris: Revelámini. Super vias pascéntur, et in ómnibus planis páscua eórum. Non esúrient, neque sítient, et non percútiet eos æstus et sol: quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltábuntur. Ecce isti de longe vénient, et ecce illi ab aquilóne et mari, et isti de terra austráli. Laudáte, cæli, et exsúlta, terra, iubiláte, montes, laudem: quia consolátus est Dóminus pópulum suum, et páuperum suórum miserébitur. Et dixit Sion: Derelíquit me Dóminus, et Dóminus oblítus est mei. Numquid oblívisci potest múlter infántem suum, ut non misereátur filio úteri sui? et si illa oblíta fúerit, ego tamen non oblivíscar tui, dicit Dóminus omnípotens.

Graduale Ps. 9, 14 et 1-2 Tibi, Dómine, derelíctus est pauper: pupillo tu eris adiutor. **V.** Ut quid, Dómine, recessísti longe, déspicis in opportunitátibus, in tribulatióne? dum supérbit impius, incénditur pauper.

✠ Sequéntia sancti Evangélii secúndum Ioánnem

Ioann. 8, 12-20

In illo témpore: Locútus est Iesus turbis Iudæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei pharisæi: Tu de te ipso testimoniúm pérhibes: testimoniúm tuum non est verum. Respóndit Iesus, et dixit eis: Et si ego testimoniúm perhíbeo de meípso, verum est testimoniúm meum: quia scio unde veni, et quo vado: vos autem

nescitis unde vénio, aut quo vado. Vos secúndum carnem iudicátis: ego non iúdo quemquam: et si iúdo ego, iudícium meum verum est, quia solus non sum: sed ego, et qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium perhíbeo de meípso: et testimónium pérhibet de me, qui misit me, Pater. Dicébant ergo ei: Ubi est Pater tuus? Respóndit Iesus: Neque me scitis, neque Patrem meum: si me scirétis, fórsitan et Patrem meum scirétis. Hæc verba locútus est Iesus in gazophylácio, docens in templo: et nemo apprehéndit eum, quia necdum vénerat hora eius.

Antiphona ad Offertorium

Ps. 17, 3

Factus est Dóminus firmaméntum meum, et refúgium meum, et liberátor meus: et sperábo in eum.

Secreta

Oblatió nibus nostris, quæsumus, Dómine, placáre susceptis: et ad te nostras étiam rebélles compélle propítius voluntátes. Per Dóminum.

Præfatio de Quadragesima.

Antiphona ad Communionem

Ps. 22, 1-2

Dóminus regit me, et nihil mihi déerit: in loco páscuæ ibi me collocávit: super aquam refectiόνis educávit me.

Postcommunio

Tua nos, quæsumus, Dómine, sancta puríficent: et operatióne sua tibi plácitos esse perficiant. Per Dóminum.

Super populum: Orémus. Humiliáte cápita vestra Deo.

Oratio

Deus, qui sperántibus in te miseréri pótius éligis, quam irásci: da nobis digne flere mala, quæ fécimus; ut tuæ consolatiónis grátiam inveníre mereámur. Per Dóminum.

¶ **Expleta Missa, cooperiuntur Cruces et imágenes per ecclesiam; quæ coopertæ manent, Cruces quidem usque ad Crucis adorationem in Feria VI in Passione et Morte Domini, imágenes vero usque ad intonatum hymnum angelicum in Missa Vigilæ paschalis.**



TEMPUS PASSIONIS

DOMINICA PRIMA

PASSIONIS

I classis

Statio ad S. Petrum

¶ Ab hac dominica usque ad feriam V in Cena Domini inclusive, in Missis de Tempore non dicitur psalmus Iúdica ante confessionem, neque Glória Patri in antiphona ad Introitum et post psalmum Lavábo.

Antiphona ad Introitum

Ps. 42, 1-2

Iúdica me, Deus, et discérne causam meam de gente non sancta: ab hómine iníquo, et dolóso éripe me: quia tu es Deus meus et fortitúdo mea. **Ps. ibid., 3** Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua. **Iúdica.**

Oratio

Quáesumus, omnípotens Deus, familiam tuam propítius ré-

spice: ut, te largiēte, regátur in corpore; et, te servánte, custodiátur in mente. Per Dóminum.

Léctio Epístolæ beáti Pauli Apostoli ad Hebræos

Hebr. 9, 11-15

Fratres: Christus assístens pón-tifex futurórum bonórum, per ámplius et perféctius tabernáculum non manufáctum, id est, non huius creatiónis: neque per sánguinem hircórum aut vitulórum, sed per próprium sánguinem introívit semel in Sancta, æténa redempti-óne invénta. Si enim sanguis hircórum et taurórum, et cinis vítulæ aspérsus, inquinátos sanctificat ad

emundationem carnis: quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi? Et ideo novi testamenti mediator est: ut morte intercedente, in redemptionem earum praevaricationum, quae erant sub priori testamento, repromissionem accipiant, qui vocati sunt aeternae hereditatis, in Christo Iesu Domino nostro.

Graduale Ps. 142, 9 et 10 Eripe me, Domine, de inimicis meis: doce me facere voluntatem tuam. **V. Ps. 17, 48-49** Liberator meus, Domine, de gentibus iracundis: ab insurgentibus in me exaltabis me: a viro iniquo eripies me.

Tractus Ps. 128, 1-4 Saepe expugnaverunt me a iuventute mea. **V.** Dicat nunc Israel: saepe expugnaverunt me a iuventute mea. **V.** Etenim non potuerunt mihi: supra dorsum meum fabricaverunt peccatores. **V.** Prolongaverunt iniquitates suas: Dominus iustus concidit cervices peccatorum.

✠ Sequentia sancti Evangelii secundum Ioannem

Ioann. 8, 46-59

In illo tempore: Dicebat Iesus turbis Iudaeorum: Quis ex vobis arguet me de peccato? Si veritatem dico vobis, quare non creditis mihi? Qui ex Deo est, verba Dei audit. Propterea vos non auditis, quia ex Deo non estis. Responderunt ergo Iudaei, et dixerunt ei: Nonne bene dicimus nos, quia Samaritanus es tu, et daemonium habes? Respondit Iesus: Ego daemonium non habeo, sed honorifico Patrem meum, et vos inhonorastis me. Ego autem non

quaero gloriam meam: est qui quaeratur, et iudicet. Amen, amen dico vobis: si quis sermonem meum servaverit, mortem non videbit in aeternum. Dixerunt ergo Iudaei: Nunc cognovimus quia daemonium habes. Abraham mortuus est, et prophetae: et tu dicis: Si quis sermonem meum servaverit, non gustabit mortem in aeternum. Numquid tu maior es patre nostro Abraham, qui mortuus est? et prophetae mortui sunt. Quem teipsum facis? Respondit Iesus: Si ego glorifico meipsum, gloria mea nihil est: est Pater meus, qui glorificat me, quem vos dicitis quia Deus vester est, et non cognovistis eum: ego autem novi eum: et si dixero, quia non scio eum, ero similis vobis, mendax. Sed scio eum, et sermonem eius servo. Abraham pater vester exultavit, ut videret diem meum: vidit, et gavisus est. Dixerunt ergo Iudaei ad eum: Quinquaginta annos nondum habes, et Abraham vidisti? Dixit eis Iesus: Amen, amen dico vobis, antequam Abraham fieret, ego sum. Tulerunt ergo lapides, ut iacerent in eum: Iesus autem abscondit se, et exivit de templo.

Credo.

Antiphona ad Offertorium

Ps. 118, 17 et 107

Confitebor tibi, Domine, in toto corde meo: retribue servo tuo: vivam, et custodiam sermones tuos: vivifica me secundum verbum tuum, Domine.

Secreta

Haec munera, quaesumus, Domine, et vincula nostrae pravitatis absolvant, et tuae nobis misericordiae dona concilient. Per Dominum.

¶ Præfatio de sancta Cruce, quæ dicitur tamquam propria in Missis de Tempore a dominica I Passionis usque ad feriam V in Cena Domini; et tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

Antiphona ad Communionem

1 Cor. 11, 24 et 25

Hoc corpus, quod pro vobis traditur: hic calix novi testamenti est in meo sanguine, dicit Dominus: hoc facite, quotiescúmque súmitis, in meam commemorationem.

Postcommunio

Adésto nobis, Dómine Deus noster: et quos tuis mystériis recreásti, perpétuis defénde subsidiis. Per Dóminum.

FERIA SECUNDA

III classis

Statio ad S. Chrysogonum

Antiphona ad Introitum

Ps. 55, 2

Miserére mihi, Dómine, quóniam conculcávit me homo: tota die bellans tribulávit me. **Ps. ibid., 3** Conculcavérunt me inimíci mei tota die: quóniam multi bellántes advérsus me. **Miserére.**

Oratio

Sanctífica, quæsumus, Dómine, nostra ieiúnia: et cunctárum nobis indulgéntiam propítius largíre culpárum. Per Dóminum.

Léctio Ionæ Prophétæ

Ionæ 3, 1-10

In diébus illis: Factum est verbum Dómini ad Ionam prophétam secúndo, dicens: Surge, et vade in Níniven civitátem magnam: et prædica in ea prædicationem, quam ego loquor ad te. Et surrexit Ionas, et abiit in Níniven iuxta verbum Dó-

mini. Et Nínive erat civitas magna itinere trium diérum. Et coepit Ionas introire in civitátem itinere diéi unius: et clamávit, et dixit: Adhuc quadraginta dies, et Nínive subvertétur. Et credidérunt viri Ninivítæ in Deum: et prædicavérunt ieiúnium, et vestíti sunt saccis a maióre usque ad minórem. Et pervénit verbum ad regem Nínive: et surrexit de sólio suo, et abiécit vestiméntum suum a se, et indútus est sacco, et sedit in cínere. Et clamávit, et dixit in Nínive ex ore regis, et princípum eius, dicens: Hómines, et iuménta, et boves, et pécora non gustent quidquam: nec pascántur, et aquam non bibant. Et operiántur saccis hómines, et iuménta, et clament ad Dóminum in fortitúdine, et convertátur vir a via sua mala, et ab iniquitáte, quæ est in mánibus eórum. Quis scit, si convertátur, et ignóscat Deus: et revertátur a furóre iræ suæ, et non peribimus? Et vidit Deus ópera eórum, quia convérsi sunt de via sua mala: et misértus est pópulo suo Dóminus Deus noster.

Graduale Ps. 53, 4 et 3 Deus, exáudi orationem meam: áuribus percípe verba oris mei. **℣.** Deus, in nómine tuo salvum me fac, et in virtúte tua libera me.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur) ℣.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Ioánnem.

Ioann. 7, 32-39

In illo témpore: Misérunt príncipes et pharisæi ministros, ut apprehénderent Iesum. Dixit ergo eis Iesus: Adhuc módicum tempus vobíscum sum: et vado ad eum qui me misit. Quærétis me, et non inveniétis: et ubi ego sum, vos non potéstis veníre. Dixérunt ergo Iudæi ad semetipsos: Quo hic itúrus est, quia non inveniémus eum? numquid in dispersiónem géntium itúrus est, et doctúrus gentes? Quis est hic sermo, quem dixit: Quærétis me, et non inveniétis: et ubi sum ego, vos non potéstis veníre? In novíssimo autem die magno festivitátis stabat Iesus, et clamábat, dicens: Si quis sitit, véniat ad me, et bibat. Qui credit in me, sicut dicit Scriptúra, flúmina de ventre eius fluent aquæ vivæ. Hoc autem dixit de Spíritu, quem acceptúri erant credéntes in eum.

Antiphona ad Offertorium

Ps. 6, 5

Dómine, convértere, et éripe ánimam meam: salvum me fac propter misericórdiam tuam.

Secreta

Concède nobis, Dómine Deus noster: ut hæc hóstia salutáris, et nostrórum fiat purgátio delictórum, et tuæ propitiátio maiestátis. Per Dóminum.

Præfatio de sancta Cruce.

Antiphona ad Communionem

Ps. 23, 10

Dóminus virtútum ipse est Rex glóriæ.

Postcommunio

Sacraménti tui, quæsumus, Dómine, participátio salutáris, et purificatióne nobis tríbuat, et medélam. Per Dóminum nostrum Iesum Christum Fílium tuum: Qui tecum vivit et regnat in unitáte Spíritus Sancti, Deus.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulo tuo salútem mentis et corpóris: ut bonis opéribus inhæréndo, tua semper mereátur protectiône deféndi. Per Dóminum.

FERIA TERTIA

III classis

Statio ad S. Cyriacum

Antiphona ad Introitum

Ps. 26, 14

Exspécta Dóminum, viríliter age: et confortétur cor tuum, et sústine Dóminum. *Ps. ibid., 1* Dóminus illuminátio mea, et salus mea: quem timébo? **E**xspécta.

Oratio

Nostra tibi, Dómine, quæsumus, sint accépta ieiúnia: quæ nos et expiándo grátia tua dignos efficiant; et ad remédia perdúcant æténa. Per Dóminum.

Léctio Daniélis Prophétæ

Dan. 14, 27 et 28-42

In diébus illis: Congregáti sunt Babylónii ad regem, et dixérunt ei: Trade nobis Daniélem, qui Bel destrúxit, et dracónem interfécit, alióquin interficiémus te, et domum tuam. Vidit ergo rex, quod irrúerent in eum veheménter: et necessitáte compúlsus trádidit eis Daniélem. Qui misérunt eum in lacum leónum, et erat ibi diébus sex.

Secreta

Hóstias tibi, Dómine, deférimus immolándas: quæ temporálem consolatiónem significent; ut promissa non desperémus ætérna. Per Dóminum.

Præfatio de sancta Cruce.

Antiphona ad Communionem

Ps. 24, 22

Rédime me, Deus Israël, ex ómnibus angústis meis.

Postcommunio

Da quæsumus, omnípotens Deus: ut quæ divína sunt, iúgi-ter exsequéntes, donis mereámur cæléstibus propinquáre. Per Dóminum.

Super populum: Orémus. Humiliáte cápita vestra Deo.

Oratio

Da nobis, quæsumus, Dómine: perseverántem in tua voluntáte famulátum; ut in diébus nostris, et mérito et número, pópulus tibi sérvians augeátur. Per Dóminum.

FERIA QUARTA

III classis

Statio ad S. Marcellum

Antiphona ad Introitum

Ps. 17, 48-49

Liberátor meus de géntibus iracúndis: ab insurgéntibus in me exaltábis me: a viro iniquo erípies me, Dómine. **Ps. ibid., 2-3** Díligam te, Dómine, virtus mea: Dóminus firmaméntum meum, et refúgium meum, et liberátor meus. **Liberátor.**

Oratio

Sanctificáto hoc ieiúnio, Deus, tuórum corda fidélium miserátor illústra: et quibus devotiónis præstas afféctum, præbe supplicántibus pium benígnus audítum. Per Dóminum.

Léctio libri Levítici

Levit. 19, 1-2, 11-19 et 25

In diébus illis: Locútus est Dóminus ad Móysen, dicens: Lóquere ad omnem coetum filiórum Israël, et dices ad eos: Ego Dóminus Deus vester. Non faciétis furtum. Non mentiémini, nec decípiet unusquisque próximum suum. Non periurábis in nómine meo, nec póllues nomen Dei tui. Ego Dóminus. Non fácies calúmniam próximo tuo: nec vi ópprimes eum. Non morábitur opus mercenárii tui apud te usque mane. Non maledíces surdo, nec coram cæco pones offendículum: sed timébis Dóminum Deum tuum, quia ego sum Dóminus. Non fácies quod iníquum est, nec iniúste iudicábis. Non consíderes persónam páuperis, nec honóres vultum poténtis. Iuste iúdica próximo tuo. Non eris criminátor, nec susúrro in pópulo. Non stabis contra ságuinem próximo tui. Ego Dóminus. Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem, nec memor eris iniúriæ civium tuórum. Díliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale Ps. 29, 2-4 Exaltábo te, Dómine, quóniam suscepísti me: nec delectásti inimícos meos super me. **V.** Dómine Deus meus, clamávi

Oratio

Córdibus nostris, quæsumus, Dómine, grátiam tuam benígnus infúnde: ut peccáta nostra castigatióne voluntária cohibéntes, temporaliter pótius macerémur, quam supplíciis deputémur ætérnis. Per Dóminum.

Lectio Ieremiæ Prophætæ

Ier. 17, 13-18

In diébus illis: Dixit Ieremías: Dómine, omnes qui te derelinquunt, confundéntur: recedéntes a te, in terra scribéntur: quóniam dereliquerunt venam aquárum vivéntium Dóminum. Sana me, Dómine, et sanabor: saluum me fac, et salvus ero: quóniam laus mea tu es. Ecce ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur, qui me persecúntur, et non confúndar ego: páveant illi, et non páveam ego. Induc super eos diem afflictiónis, et dúplici contritióne cóntere eos, Dómine Deus noster.

Graduale Ps. 34, 20 et 22 Pacífice loquebántur mihi inimíci mei: et in ira molésti erant mihi. **℣.** Vidísti, Dómine, ne síleas: ne discédas a me.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniquitátes nostras retríbuas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuva nos, Deus salutáris noster: et propter

glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Ioánnem

Ioann. 11, 47-54

In illo témpore: Collegérunt pontífices et pharisæi concílium advérsus Iesum, et dicébant: Quid fácimus, quia hic homo multa signa facit? Si dimíttimus eum sic, omnes credent in eum: et vénient Románi, et tollent nostrum locum, et gentem. Unus autem ex ipsis, Cáiphas nómine, cum esset póntifex anni illíus, dixit eis: Vos nescítis quidquam, nec cogitátis quia éxpedit vobis, ut unus moriátur homo pro pópulo, et non tota gens péreat. Hoc autem a semetípso non dixit: sed cum esset póntifex anni illíus, prophetávit, quod Iesus moritúrus erat pro gente, et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt, ut interficerent eum. Iesus ergo iam non in palam ambulábat apud Iudæos: sed ábiit in regiónem iuxta desértum, in civitátem, quæ dicitur Ephrem, et ibi morabátur cum discípulis suis.

Antiphona ad Offertorium

Ps. 118, 12, 121 et 42

Benedíctus es, Dómine, doce me iustificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta

Præsta nobis, miséricors Deus: ut digne tuis servíre semper altáribus mereámur; et eórum perpétua participatióne salvári. Per Dóminum.

Præfatio de sancta Cruce.

Oratio

Adésto supplicatió nibus nostris, omnípotens Deus: et, quibus fidúciā sperándæ pietátis indúlges: consuétæ misericórdiæ tribue benígnus efféctum. Per Dóminum.

FERIA QUINTA**III classis**

Statio ad S. Apollinarem

Antiphona ad Introitum

Dan. 3, 31

Omnia, quæ fecisti nobis, Dómine, in vero iudício fecisti: quia peccávimus tibi, et mandátis tuis non obedívimus: sed da glóriā nómini tuo, et fac nobíscum secúndum multitudínem misericórdiæ tuæ. **Ps. 118, 1** Beáti immaculáti in via: qui ámbulant in lege Dómini. **Omnia.**

Oratio

Præsta, quæsumus, omnípotens Deus: ut dígnitas conditiónis humanæ per immoderántiam sauciáta, medicínalis parsimóniæ stúdio reformétur. Per Dóminum.

Léctio Daniélis Prophétæ

Dan. 3, 25 et 34-45

In diébus illis: Orávit Azariás Dóminum, dicens: Dómine Deus noster: ne, quæsumus, tradas nos in perpétuum propter nomen tuum, et ne díssipes testaméntum tuum: neque áuferas misericórdiam tuam a nobis propter Abraham diléctum tuum, et Isaac servum tuum, et Israél sanctum tuum: quibus locútus es, póllicens quod multiplicáres semen eórum sicut stellas cæli, et sicut arénam, quæ est in líttore maris: quia, Dómine, imminúti sumus plus quam omnes gentes, sumúsque húmiles in univérſa terra

hódie propter peccáta nostra. Et non est in témpore hoc prínceps, et dux et prophéta, neque holocáustum, neque sacrificium, neque oblátio, neque incénsum, neque locus primitiárum coram te, ut possímus inveníre misericórdiam tuam: sed in ánimo contríto, et spírítu humilitátis suscipiámur. Sicut in holocáusto aríetum, et taurórum, et sicut in míllibus agnórum pínguium: sic fiat sacrificium nostrum in conspéctu tuo hódie, ut pláceat tibi: quóniam non est confúſio confidéntibus in te. Et nunc séquimur te in toto corde, et timémus te, et quærimus fáciem tuam. Ne confúndas nos: sed fac nobíscum iuxta mansuetúdinem tuam, et secúndum multitudínem misericórdiæ tuæ. Et érue nos in mirabílibus tuis, et da glóriā nómini tuo, Dómine: et confundántur omnes, qui osténdunt servis tuis mala, confundántur in omni poténtia tua: et robur eórum conterátur: et sciant, quia tu es Dóminus Deus solus, et gloriósus super orbem terrárum, Dómine Deus noster.

Graduale Ps. 95, 8-9 Tóllite hóſti-as, et introíte in átria eius: adoráte Dóminum in aula sancta eius. **V. Ps. 28, 9** Revelávit Dóminus condénsa: et in templo eius omnes dicent glóriam.

✠ **Sequéntia sancti Evangélii secúndum Lucam**

Luc. 7, 36-50

In illo témpore: Rogábat Iesum quidam de pharisæis, ut manducáret cum illo. Et ingrédessus domum pharisæi, discúbuit. Et ecce múlier, quæ erat in civitáte peccátrix, ut cognóvit, quod accubuisset in domo

Antiphona ad Communionem

Ps. 26, 12

Ne tradideris me, Dómine, in áni-
mas persequéntium me: quóniam
insurrexérunt in me testes iníqui,
et mentita est iniquitas sibi.

Postcommunio

Sumpti sacrificii, Dómine, perpé-
tua nos tuítio non derelinquat:
et nóxia semper a nobis cuncta de-
péllat. Per Dóminum.

Super populum: Orémus. Humili-
áte cápita vestra Deo.

Oratio

Concéde, quæsumus, omnípotens
Deus: ut, qui protectionis tuæ
grátiam quærimus, liberáti a malis
ómnibus, secúra tibi mente serviá-
mus. Per Dóminum.

SABBATO

III classis

Statio ad S. Ioannem ante Portam Latinam

Antiphona ad Introitum

Ps. 30, 10, 16 et 18

Miserére mihi, Dómine, quón-
iam tríbulo: libera me, et
éripe me de mánibus inimi-
córum meórum, et a persequéntibus
me: Dómine, non confúndar, quón-
iam invocávi te. **Ps. ibid., 2** In te, Dó-
mine, sperávi, non confúndar in
ætérum: in iustítia tua libera me.
Miserére.

Oratio

Proficiat, quæsumus, Dómine,
plebs tibi dicáta piæ devotiónis
afféctu: ut sacris actiónibus erudíta,
quanto maiestáti tuæ fit grátior, tan-
to donis potióribus augeátur. Per
Dóminum.

Léctio Ieremíæ Prophétæ

Ier. 18, 18-23

In diébus illis: Dixérunt impii Iu-
dáei ad invicem: Veníte, et cogi-
témus contra iustum cogitationes:
non enim peribit lex a sacerdote, ne-
que consilium a sapiente, nec sermo
a prophéta: veníte, et percutiámus
eum lingua, et non attendámus ad
univérsos sermónes eius. Attén-
de, Dómine, ad me, et audi vocem ad-
versariórum meórum. Numquid
rédditur pro bono malum, quia fo-
dérunt fóveam ánimæ meæ? Re-
cordáre, quod stéterim in conspéctu
tuo, ut lóquerer pro eis bonum, et
avérterem indignatióem tuam ab
eis. Proptérea da filios eórum in fa-
mem, et deduc eos in manus gládi:
fiant uxóres eórum absque liberis, et
víduæ: et viri eárum interficiántur
morte: iúvenes eórum confodiántur
gládio in próelio. Audiátur clamor de
dómibus eórum: addúces enim su-
per eos latrónem repén- te: quia fo-
dérunt fóveam, ut cáperent me, et
láqueos abscondérunt pédibus meis.
Tu autem, Dómine, scis omne con-
sili- um eórum advérsus me in mor-
tem: ne propitiéris iniquitáti eórum,
et peccátum eórum a fácie tua non
deleátur. Fiant corruéntes in con-
spéctu tuo, in témpore furóris tui
abútere eis, Dómine Deus noster.

Graduale Ps. 34, 20 et 22. Pacífice
loquebántur mihi inimíci mei: et in
ira molésti erant mihi. **V.** Vidísti,
Dómine, ne síleas: ne discédas a me.

✠ Sequéntia sancti Evangélii se-
cúndum Ioánnem

Ioann. 12, 10-36

In illo témpore: Cogitavérunt prín-
cipes sacerdotum ut et Lázarum
interficerent: quia multi propter il-

lum abibant ex Iudæis, et credébant in Iesum. In crástinum autem turba multa, quæ vénerat ad diem festum, cum audissent quia venit Iesus Ierosólymam, accepérunt ramos palmárum, et processérunt óbviám ei, et clamábant: Hosánna, benedíctus qui venit in nómine Dómini, Rex Israël. Et invénit Iesus aséllum, et sedit super eum, sicut scriptum est: Noli timére, filia Sion: ecce Rex tuus venit sedens super pullum ásinæ. Hæc non cognovérunt discípuli eius primum: sed quando glorificátus est Iesus, tunc recordáti sunt quia hæc erant scripta de eo: et hæc fecérunt ei. Testimónium ergo perhibébat turba, quæ erat cum eo, quando Lázarum vocávit de monuménto, et suscitávit eum a mórtuis. Proptérea et óbviám venit ei turba: quia audiérunt eum fecísse hoc signum. Pharisæi ergo dixerunt ad semetipsos: Vidétis quia nihil profícimus? Ecce mundus totus post eum ábiit. Erant autem quidam gentíles ex his, qui ascénderant ut adorárent in die festo. Hi ergo accessérunt ad Philíppum, qui erat a Bethsáida Galilææ: et rogábant eum, dicéntes: Dómine, vólumus Iesum vidére. Venit Philíppus, et dicit Andréæ: Andréas rursum et Philíppus dixerunt Iesu. Iesus autem respóndit eis, dicens: Venit hora, ut clarificétur Fílius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: et ubi sum ego, illic et mínister meus erit. Si quis mihi ministráverit, honorificábit eum Pater meus. Nunc ánima

mea turbáta est. Et quid dicam? Pater, salvífica me ex hac hora. Sed proptérea veni in horam hanc. Pater, clarífica nomen tuum. Venit ergo vox de cælo: Et clarificávi, et iterum clarificábo. Turba ergo, quæ stabat, et audíerat, dicébat tonítruum esse factum. Alii dicébant: Angelus ei locútus est. Respóndit Iesus, et dixit: Non propter me hæc vox venit, sed propter vos. Nunc iudícium est mundi, nunc princeps huius mundi eiiciétur foras. Et ego si exaltátus fúero a terra, ómnia traham ad meípsum. (Hoc autem dicébat, significans qua morte esset moritúrus.) Respóndit ei turba: Nos audívimus ex lege, quia Christus manet in ætérnum, et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Iesus: Adhuc módicum lumen in vobis est. Ambuláte dum lucem habétis, ut non vos ténebræ comprehédant: et qui ámbulat in ténebris, nescit quo vadat. Dum lucem habétis, créдите in lucem: ut filii lucis sitis. Hæc locútus est Iesus: et ábiit, et abscondit se ab eis.

Antiphona ad Offertorium

Ps. 118, 12, 121 et 42

Benedíctus es, Dómine, doce me iustificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta

Acunctis nos, quæsumus, Dómine, reátibus et perículis propitiátus absólve: quos tanti mystérii tríbuis esse consórtes. Per Dóminum.

Præfatio de sancta Cruce.

Antiphona ad Communionem**Ps. 26, 12**

Ne tradíderis me, Dómine, in áni-
mas persequéntium me: quóniam
insurrexérunt in me testes iníqui,
et mentíta est iníquitas sibi.

Postcommunio

Divíni múnneris largitáte satiáti,
quæsumus, Dómine Deus no-
ster: ut huius semper participatióne
vivámus. Per Dóminum.

Super populum: Orémus. Humili-
áte cápita vestra Deo.

Oratio

Tueátur, quæsumus, Dómine,
dextera tua pópulum depre-
cántem: et purificátum dignánter
erúdiat; ut consolatióne præsénti,
ad futúra bona proficiat. Per Dó-
minum.



HEBDOMADA SANCTA

DOMINICA II PASSIONIS

SEU IN PALMIS

I classis

DE SOLEMNI PALMARUM PROCESSIONE
IN HONOREM CHRISTI REGIS

Omnia quæ in sequentibus rubricis litteris inclinatis edita sunt, referuntur ad celebrationem simplicem, quando scilicet sacræ cæremoniæ peraguntur a sacerdote, absque ministris sacris.

DE BENEDICTIONE RAMORUM

1. Hora competenti, in choro post Tertiam, omissa aspersione aquæ, proceditur ad benedicendum ramos palmarum seu olivarum, sive aliarum arborum.

2. Color paramentorum est rubeus.

3. Celebrans induitur amictu, alba, cingulo, stola et pluviali; ministri sacri amictu, alba, cingulo, subdiaconus insuper tunicella, diaconus stola et dalmatica.

3a. Celebrans induitur amictu, alba, cingulo, stola et pluviali, vel manet sine casula.

4. Rami, nisi ab ipsis fidelibus iam in manibus teneantur, parentur super abacum, tobalea alba coopertum, et positum in opportuniore loco presbyterii, ita tamen, ut maneat in conspectu populi.

5. Omnibus rite dispositis, celebrans, cum ministris sacris, seu ministrantibus, facta altari debita reverentia, sistit retro abacum, versus populum.

Interim vero cantatur sequens

Antiphona

Matth. 21, 9

Hosánna filio David: benedictus qui venit in nómine Dómini. Rex Israël: Hosánna in excélsis.

6. Deinde celebrans, manibus iunctis, benedicit ramos, dicens, in tono orationis ferialis:

℣. Dóminus vobíscum.

Cui omnes respondent:

℞. Et cum spíritu tuo.

7. In sequenti oratione celebrans dicat, prout qualitati ramorum congruit, hos palmárum ramos, vel hos olivárum ramos, vel hos árborum ramos, vel hos palmárum et olivárum ramos, aut hos palmárum (olivárum) et aliarum arborum ramos.

Orémus.

Oratio

Béne ✠ dic, quæsumus, Dómine, hos palmárum (*seu* olivárum *aut* *aliarum arborum*) ramos: et præsta; ut, quod pópulus tuus in tui veneratióne hodiérno die corporáliter agit, hoc spirituáliter summa devotióne perfíciat, de hoste victóriam reportádo et opus misericórdiæ summópere diligéndo. Per Christum Dóminum nostrum.

Omnes: Amen.

8. Tunc celebrans primum ter aspergit ramos, super abacum positos, postea, ad cancellos, ramos fidelium, ubi ipsi, ut dictum est, ramos iam in manibus portant, nisi placuerit horum aspersionem facere transeundo per aulam ecclesiæ.

9. Deinde celebrans ponit incensum in thuribulum, more solito, et primum ter adolet ramos benedictos, super abacum positos, postea, ad cancellos, vel transeundo per aulam ecclesiæ, incensat ramos fidelium.

Ministri sacri, *vel ministrantes*, celebrantem comitantur, tam in aspersione, quam in incensatione ramorum, fimbriam pluvialis tenentes.

DE DISTRIBUTIONE RAMORUM

10. Completa benedictione, fit ramorum distributio, secundum locorum consuetudinem.

11. Itaque, celebrans, stans in suppedaneo altaris, versus populum, adiuvantibus ministris sacris, *vel ministrantibus*, dat ramos benedictos primum omnibus clericis per ordinem, deinde ministrantibus, denique, ad cancellos, fidelibus.

12. Et cum inceperit distribuere, cantantur sequentes antiphonæ et psalmi, hoc modo:

Antiphona 1 Púeri Hebræórum, portántes ramos olivárum, obviavérunt Dómino, clamántes et dicétes: "Hosánna in excélsis."

Psalmus 23, 1-2 et 7-10

Dómini est terra et quæ replent eam, * orbis terrárum et qui hábitant in eo.

Nam ipse super mária fundávit eum, * et super flúmina firmávit eum.

Et repetitur

Antiphona Púeri Hebræórum, portántes ramos olivárum, obviavérunt Dómino, clamántes et dicétes: "Hosánna in excélsis."

Attóllite, portæ, capita vestra, et attóllite vos, fores antíquæ, * ut ingrediátur rex glóriæ!

"Quis est iste rex glóriæ?" * "Dóminus fortis et potens, Dóminus potens in proelio."

Et repetitur

Antiphona Púeri Hebræórum, portántes ramos olivárum, obviavérunt Dómino, clamántes et dicétes. "Hosánna in excélsis."

Attóllite, portæ, cápita vestra, et attóllite vos, fores antíquæ, * ut ingrediátur rex glóriæ!

"Quis est iste rex glóriæ?" * "Dóminus exercítuum : ipse est rex glóriæ."

Et repetitur

Antiphona Púeri Hebræórum, portántes ramos olivárum, obviavérunt Dómino, clamántes et dicétes: "Hosánna in excélsis."

Glória Patri, et Fílio, * et Spirítui Sancto,

Sicut erat in princípio, et nunc, et semper, * et in sæcula sæculórum. Amen.

Et repetitur

Antiphona Púeri Hebræórum, portántes ramos olivárum, obviavérunt Dómino, clamántes et dicétes : "Hosánna in excélsis."

Antiphona 2 Púeri Hebræórum vestiménta prosternébant in via, et clamábant dicétes: "Hosánna filio David; benedíctus qui venit in nómine Dómini."

Psalmus 46

Omnes pópuli, pláudite mánibus, * exsultáte Deo voce lætítiæ, Quóniam Dóminus excélsus, terrí-

bilis, * rex magnus super omnem terram.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio David; benedíctus qui venit in nómine Dómini."

Súbiicit pópulos nobis * et natiónes pédibus nostris.

Eligit nobis hereditátem nostram, * glóriam Iacob, quem diligit.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio David; benedíctus qui venit in nómine Dómini."

Ascéndit Deus cum exsultatióne, * Dóminus cum voce tubæ.

Psállite Deo, psállite; * psállite regi nostro, psállite.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio David; benedíctus qui venit in nómine Dómini."

Quóniam rex omnis terræ est Deus, * psállite hymnum.

Deus regnat super natiónes, * Deus sedet super sólum sanctum suum.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio David; benedíctus qui venit in nómine Dómini."

Príncipes populórum congregáti sunt * cum pópulo Dei Abraham.

Nam Dei sunt próceres terræ: * excélsus est valde.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio

David; benedíctus qui venit in nómine Dómini."

Glória Patri, et Fílio, * et Spirítui Sancto, Sicut erat in princípío, et nunc, et semper, * et in sæcula sæculórum. Amen.

Et repetitur

Antiphona Púeri Hebræórum vestiménta prosternébant in via, et clamábant dicéntes: "Hosánna filio David; benedíctus qui venit in nómine Dómini."

Quæ si non sufficiant, repetantur quousque distributio finiatur; si autem finiatur prius, clauditur cum Glória Patri et repetitur antiphona.

DE LECTIONE EVANGELICA

13. *Ramorum distributione peracta, et abaco remoto, celebrans lavat manus, nihil dicens; deinde, ascendens altare, osculatur illud in medio, et ponit incensum in thuribulum, more solito. Diaconus defert librum evangeliorum ad altare eumque deponit super illud et fiunt omnia ut in Missa quando evangelium decantandum est.*

13a. Celebrans omnia peragat, ut alias de more, quando sacerdos solus Missam celebrat in cantu.

14. ✠ Sequéntia sancti Evangélii secúndum Matthæum

Matth. 21, 1-9

In illo témpore: Cum appropinquáset Iesus Ierosólymis, et venísset Béthphage ad montem Olivéti: tunc misit duos discípulos suos, dicens eis: "Ite in castéllum, quod contra vos est, et statim inveniétis ásinam alligátam, et pullum cum ea: sólvite, et addúcite mihi: et si quis vobis áliquíd díxerit, dícite, quia Dóminus his opus habet, et confésim dimíttet eos." Hoc autem totum factum est, ut adimplerétur quod dictum est per prophétam, dicéntem: Dícite filíæ Sion: Ecce Rex tuus venit tibi mansuétus, sedens super ásinam et pullum, filium subiugális. Eúntes

autem discipuli, fecerunt sicut præcepit illis Iesus. Et adduxerunt ásinnam et pullum: et imposuerunt super eos vestimenta sua, et eum desuper sedere fecerunt. Plúrima autem turba straverunt vestimenta sua in via: álíi autem cædebant ramos de arbóribus, et sternébant in via: turbæ autem, quæ præcedébant, et quæ sequebántur, clamábant, dicéntes: "Hosánna filio David: benedíctus qui venit in nómine Dómini."

15. *Evangelio finito, subdiaconus defert librum osculandum celebranti, qui non incensatur a diacono.*

DE PROCESSIONE CUM RAMIS BENEDICTIS

16. *His peractis, celebrans ponit incensum in thuribulum, more solito. Deinde diaconus, vertens se ad populum, dicit:*

V. Procedámus in pace.

Respondent omnes:

R. In nómine Christi. Amen.

Et incipit processio. Præcedit thuriferarius cum thuribulo fumigante, deinde alter subdiaconus paratus, vel acolythus, aut unus ex ministrantibus, deferens crucem non velatam, medius inter duos acolythos, vel ministrantes, cum candelabris accensis; sequitur clerus per ordinem, ultimo celebrans cum diacono et subdiacono, post eos fideles, ramos benedictos manibus gestantes.

17. *Processio dirigatur, si fieri potest, extra ecclesiam, per aliquam viam longiorem. Sic ubi vero habeatur altera ecclesia, in qua ramorum benedictio commode peragi possit, nihil impedit, quominus benedictio eorum ibi fiat, et deinde processio pergat ad ecclesiam principalem.*

18. *Incipiente processione, cantari possunt antiphonæ sequentes, omnes, vel aliquæ, pro opportunitate.*

Antiphona 1 *Occurrunt turbæ cum flóribus et palmis Redemptóri óbviám : et victóri triumphánti digna dant obséquia : Fílium Dei ore gentes prædicant : et in laudem Christi voces tonant per núbila: "Hosánna."*

Antiphona 2 *Cum ángelis et púeris fidéles inveniámur, triumphatóri*

mortis clamántes : "Hosánna in excélsis."

Antiphona 3 *Turba multa, quæ convénérat ad diem festum, clamábat Dómino: "Benedíctus qui venit in nómine Dómini : Hosánna in excélsis."*

Antiphona 4 Lucas 19, 37 et 38 *Coepérunt omnes turbæ descendéntium gaudéntes laudáre Deum voce magna, super ómnibus quas vídebant virtútibus, dicéntes : "Benedíctus qui venit Rex in nómine Dómini; pax in terra, et glória in excélsis."*

19. *Progrediente processione, cantatur sequens hymnus, populo, si fieri potest, duos primos versus continuo repetente, ut infra notatur.*

Hymnus ad Christum Regem

Chorus *Glória, laus et honor tibi sit,
Rex Christe Redemptor,
Cui pueríle decus prompsit Hosánna pium.*

Omnes *Glória, laus et honor tibi sit,
Rex Christe Redemptor,
Cui pueríle decus prompsit Hosánna pium.*

Chorus *Israël es tu Rex, Davídís et ínclita proles,
Nómine qui in Dómini, Rex benedícte, venis.*

Omnes *Glória, laus et honor tibi sit,
Rex Christe Redemptor,
Cui pueríle decus prompsit Hosánna pium.*

Chorus *Coetus in excélsis te laudat
cælicus omnis,
Et mortális homo, et cuncta creáta simul.*

Omnes *Glória, laus et honor tibi sit,
Rex Christe Redemptor,
Cui pueríle decus prompsit Hosánna pium.*

Chorus *Plebs Hebræa tibi cum palmis óbvia venit;
Cum prece, voto, hymnis, ádsumus ecce tibi.*

Omnes *Glória, laus et honor tibi sit,
Rex Christe Redemptor,*

Cui puerile decus prompsit Hosanna pium.

Chorus Hi tibi passúro solvébant múnia laudis;
Nos tibi regnánti pángimus ecce melos.

Omnes Glória, laus et honor tibi sit,
Rex Christe Redemptor,
Cui puerile decus prompsit Hosanna pium.

Chorus Hi placuére tibi, pláceat devótio nostra:
Rex bone, Rex clemens, cui bona cuncta placent.

Omnes Glória, laus et honor tibi sit,
Rex Christe Redemptor,
Cui puerile decus prompsit Hosanna pium.

Antiphona 5 Omnes colláudant nomen tuum, et dicunt: "Benedíctus qui venit in nómine Dómini: Hosanna in excélsis."

Psalmus 147

Lauda, Ierúsalem, Dóminum, *
lauda Deum tuum, Sion,
Quod firmávit seras portárum tuárum, * benedíxit fíliis tuis in te.

Compósuit fines tuos in pace, *
medúlla trítici sátiat te.

Emíttit elóquium suum in terram, *
velóciter currit verbum eius.

Dat nivem sicut lanam, * pruínam sicut cínerem spargit.

Próicit gláciem suam ut frústula panis; *
coram frígore eius aquæ rigescunt.

Emíttit verbum suum et liquefácit eas; *
flare iubet ventum suum et fluunt aquæ.

Annuntiávit verbum suum Iacob, *
statúta et præcépta sua Israël.

Non fecit ita ulli natióni: *
præcépta sua non manifestávit eis.

Glória Patri, et Fílio, * et Spirítui Sancto,
Sicut erat in princípío, et

nunc, et semper, * et in sæcula sæculórum. Amen.

Et repetitur

Antiphona Omnes colláudant nomen tuum, et dicunt: "Benedíctus qui venit in nómine Dómini: Hosanna in excélsis."

Antiphona 6 Fulgéntibus palmis prostérnimur adveniénti Dómino: huic omnes occurrámus cum hymnis et cánticis, glorificántes et laudántes: "Benedíctus qui venit in nómine Dómini."

Antiphona 7 Ave, Rex noster, Fili David, Redemptor mundi, quem prophétæ prædixerunt Salvatórem dómui Israël esse ventúrum. Te enim ad salutárem víctimam Pater misit in mundum, quem expectábant omnes sancti ab origine mundi, et nunc: "Hosanna Fílio David. Benedíctus qui venit in nómine Dómini. Hosanna in excélsis."

20. *Nihil impedit, quominus cantetur a fidelibus hymnus Christus vincit, vel alius cantus in honorem Christi Regis.*

21. *Intrante processione in ecclesiam, dum celebrans per valvas ecclesiæ transit, incipitur ultima antiphona.*

Antiphona 8 Ingrediénte Dómino in sanctam civitátem, Hebræórum púeri resurrectionem Vitæ pronuntiántes,

Cum ramis palmárum: "Hosanna, clamábant, in excélsis."

Cum audísset pópulus, quod Iesus veníret Ierosólymam, exierunt óbviám ei

Cum ramis palmárum: "Hosanna, clamábant, in excélsis."

22. *Celebrans, cum ad altare advenerit, facta debita reverentia, illud ascendit cum ministris sacris, et, stans medium inter illos, versus populum, clerico librum tenente, dicit, in tono orationis ferialis, orationem ad complendam processionem, manibus iunctis.*

22a. *Ministrantes serviunt ad librum, et omnia fiunt, ut supra dictum est.*

V. Dóminus vobíscum.

Omnes R. Et cum spíritu tuo.

Orémus.

Oratio

Dómine Iesu Christe, Rex ac Redemptor noster, in cuius honorem, hos ramos gestantes, solémnes laudes decantávimus : concéde propítius; ut, quocúmque hi rami deportáti fúerint, ibi tuæ benedictionis grátia descéndat, et, quavis dæmonum iniquitáte vel illusióne profli-

gáta, dextera tua próteget, quos redémit. Qui vivis et regnas.

Omnes: Amen

23. *Oratione finita, celebrans et ministri, facta debita altari reverentia, deponunt paramenta rubea, assumentes, pro Missa, violacea.*

24. *Rami non tenentur manibus, dum in Missa historia passionis Domini cantatur vel legitur.*

DE MISSA

Statio ad S. Ioannem in Laterano

1. *Color paramentorum est violaceus.*

2. *Ubi ante Missam facta fuerit benedictio et processio ramorum, celebrans cum ministris sacris, seu ministrantibus, accedit ad altare, et, omissis psalmo Iúdica me, Deus, ac confessione, statim ascendens, osculatur illud in medio, et incensat more solito.*

3. *Antiphona ad Introitum**Ps. 21, 20 et 22*

Dómine, ne longe fácias auxili-
um tuum a me, ad defen-
sionem meam áspice: libera
me de ore leónis, et a cónibus uni-
córnium humilitátem meam. *Ps.*
ibid. 2 Deus, Deus meus, réspice in
me: quare me dereliquísti? longe a
salúte mea verba delictórum meó-
rum. **D**ómine, ne longe.

4. Orémus.

Oratio

Omnípotens sempitérne Deus, qui
humáno géneri ad imitándum
humilitátis exémplum, Salvatórem
nostrum carnem súmere, et crucem
subíre fecísti: concéde propítius; ut
et patiéntiæ ipsíus habére docu-
ménta, et resurrectionis consórtia
mereámur. Per eúndem Dóminum.

5. *Léctio Epístolæ beáti Pauli
Apóstoli ad Philippénes 2, 5-11*

Fratres: Hoc enim sentíte in vo-
bis, quod et in Christo Iesu: qui
cum in forma Dei esset, non rapínam
arbitrátus est esse se æquálem Deo:
sed semetípsum exinanívit, formam
servi accípiens, in similitúdinem hó-
minum factus, et hábitu invéntus ut
homo. Humiliávit semetípsum, fa-
ctus obédiens usque ad mortem,
mortem autem crucis. Propter quod
et Deus exaltávit illum: et donávit
illi nomen, quod est super omne no-
men: **hic genuflectitur** ut in nómine
Iesu omne genu flectátur cæléstium,
terréstrium, et infernórum: et om-
nis lingua confiteátur quia Dóminus
Iesus Christus in glória est Dei
Patris.

6. *Graduale**Ps. 72, 24 et 1-3*

Tenuísti manum dexteram me-
am: et in voluntáte tua dedu-
xísti me: et cum glória assumpsísti
me. **V.** Quam bonus Israël Deus
rectis corde! mei autem pene moti
sunt pedes: pene effúsi sunt gressus
mei: quia zelávi in peccatóribus,
pacem peccatórum videns.

7. Tractus

Ps. 21, 2-9, 18, 19, 22, 24 et 32

Deus, Deus meus, réspice in me: quare me dereliquisti? *℣.* Longe a salute mea verba delictorum meorum. *℣.* Deus meus, clamabo per diem, nec exaudies: in nocte, et non ad insipientiam mihi. *℣.* Tu autem in sancto habitas, laus Israël. *℣.* In te speraverunt patres nostri: speraverunt, et liberasti eos. *℣.* Ad te clamaverunt, et salvi facti sunt: in te speraverunt, et non sunt confusi. *℣.* Ego autem sum vermis, et non homo: opprobrium hominum, et abiectio plebis. *℣.* Omnes, qui videbant me, aspernabantur me: locuti sunt labiis et moverunt caput. *℣.* Speravit in Domino, eripiat eum: salvum faciat eum, quoniam vult eum. *℣.* Ipsi vero consideraverunt, et inspexerunt me: diviserunt sibi vestimenta mea, et super vestem meam miserunt sortem. *℣.* Libera me de ore leonis: et a cornibus unicornium humilitatem meam. *℣.* Qui timetis Dominum, laudate eum: universum semen Iacob, magnificate eum. *℣.* Annuntiabitur Domino generatio ventura: et annuntiabunt caeli iustitiam eius. *℣.* Populo, qui nascetur, quem fecit Dominus.

8. Absoluta lectione epistolae, ponuntur in latere evangelii, in plano presbyterii, legilia nuda, et proceditur ad cantum vel lectionem historiae passionis Domini, hoc modo:

Cantatur vel legitur a ministris saltem in ordine diaconatus constitutis, qui, comitantibus duobus acolythis, vel ministrantibus, absque luminaribus et absque incenso, veniunt ante altare, ibique, super infimum gradum genuflexi, profunde inclinati, submissa voce recitant, uti moris est, Munda cor meum, ac petunt a celebrante benedictionem, dicentes Iube, domne, benedicere. Celebrans, ad eos versus, media voce respondet:

Dominus sit in cordibus vestris, et in labiis vestris, ut digne et competenter annuntiatis evangelium suum: in nomine Patris, et Filii, et Spiritus Sancti. Et illi dicunt: Amen.

et Spiritus Sancti. Et illi dicunt: Amen.

Postea, una cum acolythis, seu ministrantibus, faciunt reverentiam, et accedunt ad legilia; non dicunt Dominus vobiscum et non signant librum, nec seipsos, dum cantare vel legere incipiunt.

8a Sacerdos, lecto graduali et tractu, dicit more solito, in medio altaris, Munda cor meum, Iube, Domine, et Dominus sit in corde meo.

Tunc, in latere evangelii, ad altare, legit vel cantat clara voce historiam passionis Domini, sed non dicit Dominus vobiscum et non signat librum, nec seipsum, dum legere vel cantare incipit.

9. Hic modus cantandi vel legendi servatur etiam feria III et IV, quando historia passionis Domini cantatur vel legitur.

10. Evangelium passionis et mortis Domini secundum Matthaeum. 26, 36-75; 27, 1-60.

Passio Domini nostri Iesu Christi secundum Matthaeum

In illo tempore: Venit Iesus cum discipulis suis in villam, quae dicitur Gethsémani, et dixit discipulis suis: ✠ Sedete hic, donec vadam illuc, et orem. **C.** Et assumpto Petro, et duobus filiis Zebedaei, coepit contristari, et maestus esse. Tunc ait illis: ✠ Tristis est anima mea usque ad mortem: sustinete hic, et vigilate mecum. **C.** Et progressus pusillum, praececidit in faciem suam, orans, et dicens: ✠ Pater mi, si possibile est, transeat a me calix iste. Verumtamen non sicut ego volo, sed sicut tu. **C.** Et venit ad discipulos suos, et invenit eos dormientes: et dicit Petro: ✠ Sic non potuistis una hora vigilare mecum? Vigilate, et orate, ut non intratis in tentationem. Spiritus quidem promptus est, caro autem infirma. **C.** Iterum secundo abiit, et oravit, dicens: ✠ Pater mi, si non potest hic calix transire, nisi bibam illum, fiat voluntas tua. **C.** Et venit iterum, et invenit eos dormientes: erant enim oculi eorum gravati. Et relictis illis, iterum abiit, et oravit tertio, eundem sermonem dicens. Tunc venit

ad discipulos suos, et dicit illis: ✠ Dormite iam, et requiescite: ecce appropinquavit hora, et Filius hominis tradetur in manus peccatorum. Surgite, eamus: ecce appropinquavit qui me tradet.

C. Adhuc eo loquente, ecce Iudas unus de duodecim venit, et cum eo turba multa cum gladiis, et fustibus, missi a principibus sacerdotum, et senioribus populi. Qui autem tradidit eum, dedit illis signum dicens: **S.** Quemcumque osculatus fuero, ipse est, tenete eum. **C.** Et confestim accedens ad Iesum, dixit: **S.** Ave, Rabbi. **C.** Et osculatus est eum. Dixitque illi Iesus: ✠ Amice, ad quid venisti? **C.** Tunc accesserunt, et manus iniecerunt in Iesum, et tenuerunt eum. Et ecce unus ex his, qui erant cum Iesu, extendens manum, exemit gladium suum, et percutiens servum principis sacerdotum, amputavit auriculam eius. Tunc ait illi Iesus: ✠ Converterte gladium tuum in locum suum. Omnes enim, qui acceperint gladium, gladio peribunt. An putas, quia non possum rogare Patrem meum, et exhibebit mihi modo plus quam duodecim legiones Angelorum? Quomodo ergo implebuntur Scripturae, quia sic oportet fieri?

C. In illa hora dixit Iesus turbis: ✠ Tamquam ad latronem existis cum gladiis, et fustibus comprehendere me: cotidie apud vos sedebam docens in templo, et non me tenuistis. **C.** Hoc autem totum factum est, ut adimplerentur Scripturae prophetarum. Tunc discipuli omnes, relicto eo, fugerunt.

At illi tenentes Iesum, duxerunt ad Caiapham principem sacerdotum, ubi scribae et seniores convene-

rant. Petrus autem sequebatur eum a longe, usque in atrium principis sacerdotum. Et ingressus intro, sedebat cum ministris, ut videret finem. Principes autem sacerdotum, et omne concilium, quaerebant falsum testimonium contra Iesum, ut eum morti traderent: et non invenerunt, cum multi falsi testes accessissent. Novissime autem venerunt duo falsi testes, et dixerunt: **S.** Hic dixit: Possum destruere templum Dei, et post triduum reaedificare illud. **C.** Et surgens princeps sacerdotum, ait illi: **S.** Nihil respondes ad ea, quae isti adversum te testificantur? **C.** Iesus autem tacebat. Et princeps sacerdotum ait illi: **S.** Adiuro te per Deum vivum, ut dicas nobis, si tu es Christus Filius Dei. **C.** Dicit illi Iesus: ✠ Tu dixisti. Verumtamen dico vobis, amodo videbitis Filium hominis sedentem a dextris virtutis Dei, et venientem in nubibus caeli. **C.** Tunc princeps sacerdotum scidit vestimenta sua, dicens: **S.** Blasphemavit: quid adhuc egemus testibus? Ecce nunc audistis blasphemiam: quid vobis videtur? **C.** At illi respondentes dixerunt: **S.** Reus est mortis.

C. Tunc expuerunt in faciem eius, et colaphis eum ceciderunt, alii autem palmas in faciem eius dederunt, dicentes: **S.** Prophetiza nobis, Christe, quis est qui te percussit? **C.** Petrus vero sedebat foris in atrio: et accessit ad eum una ancilla, dicens: **S.** Et tu cum Iesu Galilaeo eras. **C.** At ille negavit coram omnibus, dicens: **S.** Nescio quid dicis. **C.** Exeunte autem illo ianuam, vidit eum alia ancilla, et ait his, qui erant ibi: **S.** Et hic erat cum Iesu Nazareno. **C.** Et iterum

negávit cum iuraménto: Quia non novi hóminem. Et post pusillum accessérunt qui stabant, et dixerunt Petro: **S.** Vere et tu ex illis es: nam et loquela tua manifestum te facit. **C.** Tunc coepit detestári, et iurare quia non novisset hóminem. Et continuo gallus cantávit. Et recordátus est Petrus verbi Iesu, quod díxerat: Priúsqvam gallus cantet, ter me negábis. Et egréssus foras, flevit amáre.

Mane autem facto, consílium iniérunt omnes príncipes sacerdotum, et senióres pópuli advérsus Iesum, ut eum morti tráderent. Et vinctum adduxérunt eum, et tradidérunt Póntio Piláto præsidi. Tunc videns Iudas, qui eum tradidit, quod damnátus esset: pæniténtia ductus, rétulit trigínta argénteos príncípibus sacerdotum, et senióribus, dicens: **S.** Peccávi, tradens sánguinem iustum. **C.** At illi dixerunt: **S.** Quid ad nos? Tu videris. **C.** Et proiécit argénteis in templo, recéssit: et ábiens, láqueo se suspéndit. Príncipes autem sacerdotum, accéptis argénteis, dixerunt: **S.** Non licet eos mittere in córbonam: quia prétium ságuinis est. **C.** Consílio autem ínto, emérunt ex illis agrum figuli, in sepultúram peregrinórum. Propter hoc vocátus est ager ille, Hacéldama, hoc est, ager ságuinis, usque in hodiérnum diem. Tunc implétum est, quod dictum est per Ieremíam prophétam, dicéntem: Et accepérunt trigínta argénteos prétium appetiáti, quem appetiavérunt a fíliis Israél: et dedérunt eos in agrum figuli, sicut constituit mihi Dóminus.

Iesus autem stetit ante præsi-

dem, et interrogávit eum præses, dicens: **S.** Tu es Rex Iudæórum? **C.** Dicit illi Iesus: ✠ Tu dicis. **C.** Et cum accusarétur a príncípibus sacerdotum, et senióribus, nihil respóndit. Tunc dicit illi Pilátus: **S.** Non audis quanta advérsus te dicunt testimónia? **C.** Et non respóndit ei ad ullum verbum, ita ut mirarétur præses veheménter. Per diem autem solémnem consuéverat præses pópulo dimittere unum vinctum, quem voluissent. Habébat autem tunc vinctum insígnem, qui dicebátur Barábbas. Congregátis ergo illis, dixit Pilátus: **S.** Quem vultis dimíttam vobis: Barábbam, an Iesum, qui dicitur Christus? **C.** Sciebat enim quod per invídiam tradidissent eum. Sedénte autem illo pro tribunáli, misit ad eum uxor eius, dicens: **S.** Nihil tibi et iusto illi: multa enim passa sum hódie per visum propter eum. **C.** Príncipes autem sacerdotum, et senióres persuasérunt pópulis, ut péterent Barábbam, Iesum vero pérderent. Respóndens autem præses ait illis: **S.** Quem vultis vobis de duóbus dimítti? **C.** At illi dixerunt: **S.** Barábbam. **C.** Dicit illis Pilátus: **S.** Quid igitur fáciem de Iesu, qui dicitur Christus? **C.** Dicunt omnes: **S.** Crucifigátur. **C.** Ait illis præses: **S.** Quid enim mali fecit? **C.** At illi magis clamábant, dicéntes: **S.** Crucifigátur. **C.** Videns autem Pilátus quia nihil profíceret, sed magis tumultus fieret: accépta aqua, lavit manus coram pópulo, dicens: **S.** Innocens ego sum a ságuine iusti huius: vos vidéritis. **C.** Et respóndens univérsus pópulus dixit: **S.** Sanguis eius super nos, et super filios nostros. **C.** Tunc dimísit illis Barábbam: Iesum autem flagellátum tradidit eis, ut crucifigerétur.

Tunc milites præsidis suscipiētes Iesum in prætōrium, congregaverunt ad eum universam cohōrtē: et exuētes eum, chlāmydem coccīneam circumdederunt ei: et plectētes corōnam de spinis, posuerunt super caput eius, et arūdinem in dextera eius. Et genu flexo ante eum, illudēbant ei, dicētes: **S.** Ave, Rex Iudæōrum. **C.** Et expuētes in eum, accepērunt arūdinem, et percutiēbant caput eius. Et postquam illusērunt ei, exuērunt eum chlāmyde, et induērunt eum vestimētis eius, et duxērunt eum ut crucifigerent.

Exeūtes autem, invenērunt hominem Cyrenæum, nōmine Simōnem: hunc angariaverunt, ut tōllet crucem eius. Et venērunt in locum qui dicitur Gólgotha, quod est Calvāriæ locus. Et dederunt ei vinum bibere cum felle mixtum. Et cum gustasset, noluit bibere. Postquam autem crucifixerunt eum, divisērunt vestimēta eius, sortem mittētes: ut implerētur, quod dictum est per Prophētam, dicētem: Divisērunt sibi vestimēta mea, et super vestem meam miserunt sortem. Et sedētes, servābant eum. Et imposuerunt super caput eius causam ipsius scriptam: Hic est Iesus Rex Iudæōrum.

Tunc crucifixi sunt cum eo duo latrōnes: unus a dextris, et unus a sinistris. Prætereūtes autem blasphemābant eum, movētes cápita sua, et dicētes: **S.** Vah, qui destruis templum Dei, et in trīduo illud reædificas: salva temetīpsū. Si Fīlius Dei es, descēde de cruce. **C.** Simīliter et principes sacerdotum illudētes cum scribis et seniōribus, dicēbant: **S.** Alios salvos fecit, seīpsū non potest salvum facere:

si Rex Israēl est, descēdat nunc de cruce, et credimus ei: confidit in Deo: liberet nunc, si vult eum; dixit enim: Quia Fīlius Dei sum. **C.** Idīpsū autem et latrōnes, qui crucifixi erant cum eo, impropērābant ei.

A sexta autem hora tēnebræ factæ sunt super universam terram usque ad horam nonam. Et circa horam nonam clamāvit Iesus voce magna, dicens: ✠ Eli, Eli, lamma sabacthāni? **C.** Hoc est: ✠ Deus meus, Deus meus, ut quid dereliquisti me? **C.** Quidam autem illic stantes, et audiētes, dicēbant: **S.** Eliām vocat iste. **C.** Et continuo currens unus ex eis, accēptam spōngiam implēvit acēto, et impōsuit arūdinī, et dabat ei bibere. Cēteri vero dicēbant: **S.** Sine, videāmus an veniat Eliās liberans eum. **C.** Iesus autem iterum clamans voce magna, emisit spīritum. **Hic genuflectitur, et pausatur aliquantulum.**

Et ecce velum templi scissum est in duas partes a summo usque deorsum: et terra mota est, et petrae scissæ sunt, et monumēta apēta sunt: et multa cōrpora sanctōrum, qui dormierant, surrexērunt. Et exeūtes de monumētis post resurrectionem eius, venērunt in sanctam civitatem, et apparuerunt multis. Centūrio autem, et qui cum eo erant, custodiētes Iesum, viso terræmōtu, et his, quæ fiēbant, timuerunt valde, dicētes: **S.** Vere Fīlius Dei erat iste. **C.** Erant autem ibi mulieres multæ a longe, quæ secūtæ erant Iesum a Galilæa, ministrātes ei: inter quas erat Mariā Magdalēne, et Mariā Iacobi, et Ioseph mater, et mater filiōrum Zebedæi.

Cum autem sero factum esset, venit quidam homo dives ab Arimathæa, nómine Ioseph, qui et ipse discipulus erat Iesu. Hic accéssit ad Pilátum, et pétiit corpus Iesu. Tunc Pilátus iussit reddi corpus. Et accépto corpore, Ioseph invólvit illud in síndone munda. Et pósuit illud in monuménto suo novo, quod excíderat in petra. Et advólvit saxum magnum ad óstium monuménti, et ábiit.

Post cantum vel lectionem historię passionis Domini, non respondetur Laus tibi Christe et celebrans non osculatur librum, nec incensatur: quod servatur etiam feria III, IV et VI, quando historia passionis Domini cantatur vel legitur.

11. **Qui hodie aliam, vel tertiam Missam lectam celebrat, non tenetur iterare lectionem passionis Domini, sed eius loco legit sequens evangelium, more consueto.**

✠ **Sequéntia sancti Evangélii secúndum Matthæum**

Matth. 27, 45-52

Postquam crucifixérunt Iesum, a sexta hora ténebræ factæ sunt super univérsum terram usque ad horam nonam. Et circa horam nonam clamávit Iesus voce magna, dicens: "Eli, Eli, lamma sabachtháni?" Hoc est: "Deus meus, Deus meus, ut quid dereliquísti me?" Quidam autem illic stantes, et audiéntes, dicébant: "Elíam vocat iste." Et contínuo currens unus ex eis, accéptam spóngiam implévit acéto, et impósuit arúndini, et dabat ei bíbere. Céteri vero dicébant: "Sine, videámus an véniat Elías líberans eum." Iesus autem íterum clamans voce magna, emísit spíritum. **Hic genuflectitur, et pausatur aliquantulum.** Et ecce velum templi scissum est in duas partes a summo usque deórsum: et terra mota est et petræ scissæ sunt, et monumén-

ta apérta sunt: et multa córpora sanctórum, qui dormíerant, surrexérunt.

12. **Dicitur** Credo.

13. **Antiphona ad Offertorium**

Ps. 68, 21-22

Impropérium exspectávit cor meum, et misériam: et sustínui qui simul mecum contristarétur, et non fuit: consolántem me quæsívi, et non invéni: et dedérunt in escam meam fel, et in siti mea potavérunt me acéto.

14. **Secreta**

Concéde, quæsumus, Dómine: ut óculis tuæ maiestátis munus oblátum, et grátiam nobis devoti-ónis obtíneat, et efféctum beátæ perennitátis acquírat. Per Dóminum.

15. **Præfatio de sancta Cruce.**

16. **Antiphona ad Communionem**

Matth. 26, 42

Pater, si non potest hic calix transíre, nisi bibam illum: fiat volúntas tua.

17. **Orémus.** **Postcommunio**

Per huius, Dómine, operatióem mystérii: et vítia nostra purgéntur, et iusta desidéria compleántur. Per Dóminum.

18. **Celebrans, in fine Missæ, data benedictione more solito, omittit ultimum evangelium, et omnes revertuntur in sacristiam.**

In ceteris Missis, sine benedictione ramorum, legitur in fine sequens evangelium:

✠ **Sequéntia sancti Evangélii secúndum Matthæum**

Matth. 21, 1-9

In illo témpore: Cum appropinquáset Iesus Ierosólymis, et venísset Béthphage ad montem Olivéti: tunc misit duos discípulos su-

os, dicens eis: "Ite in castellum, quod contra vos est, et statim inveniétis ásinam alligátam, et pullum cum ea: sólvite, et addúcite mihi: et si quis vobis áliquid díxerit, dícite, quia Dóminus his opus habet, et conféstim dimíttet eos." Hoc autem totum factum est, ut adimplerétur quod dictum est per prophétam, dicéntem: Dícite filiæ Sion: Ecce rex tuus venit tibi mansuétus, sedens super ásinam et pullum, filium subiugális. Eúntes au-

tem discípuli, fecérunt sicut præcépit illis Iesus. Et adduxérunt ásinam et pullum: et imposuérunt super eos vestiménta sua, et eum désuper sedére fecérunt. Plúrima autem turba stravérunt vestiménta sua in via: álii autem cædebant ramos de arbóribus, et sternébant in via: turbæ autem, quæ præcedébant, et quæ sequebántur, clamábant, dicéntes: "Hosánna fílio David: benedíctus qui venit in nómine Dómini."

FERIA SECUNDA

HEBDOMADÆ SANCTÆ

I classis

Statio ad S. Praxedem

1. Antiphona ad Introitum.

Ps. 34, 1-2

Iúdica, Dómine, nocéntes me, expúgna impugnántes me: apprehénde arma et scutum, et exsúrge in adiutórium meum, Dómine, virtus salútis meæ. **Ps. ibid., 3** Effúnde frámeam, et conclúde advérsus eos, qui persequúntur me: dic ánimæ meæ: Salus tua ego sum. **Iúdica, Dómine.**

2. Orémus.

Oratio

Da, quæsumus, omnípotens Deus: ut, qui in tot advérsis ex nostra infirmitáte defícimus; intercedénte unigéniti Fílio tui passióne respirémus: Qui tecum vivit.

3. Léctio Isaíæ prophétæ

Isai. 50, 5-10

In diébus illis: Dixit Isaías: Dóminus Deus apéruit mihi aurem, ego autem non contradíco: retrór-

sum non ábii. Corpus meum dedi percutiéntibus, et genas meas veléntibus: fáciem meam non avérti ab increpántibus, et conspuéntibus in me. Dóminus Deus auxiliátor meus, ídeo non sum confúsus: ídeo pósui fáciem meam, ut petram duríssimam, et scio, quóniam non confúndar. Iuxta est, qui iustificat me, quis contradícet mihi? Stemus simul, quis est adversárius meus? Accédát ad me. Ecce Dóminus Deus auxiliátor meus: quis est qui condémnet me? Ecce omnes quasi vestiméntum conteréntur, tinea cómedet eos. Quis ex vobis timens Dóminum, áudiens vocem servi sui? Qui ambulávit in ténebris, et non est lumen ei, speret in nómine Dómini, et innitátur super Deum suum.

4. Graduale

Ps. 34, 23 et 3

Exsúrge, Dómine, et inténde iudício meo, Deus meus et Dóminus me-

us, in causam meam. **V.** Effúnde frámeam, et conclúde advérsus eos, qui me persequúntur.

5. **Tractus** **Ps. 102, 10**

Dómine, non secúndum peccáta nostra, quæ fécimus nos : neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. Hic genuflectitur. **V.** Adiuva nos, Deus salutáris noster : et propter glóriam nóminis tui, Dómine, libera nos : et propítius esto peccátis nostris, propter nomen tuum.

6. ✠ Sequéntia sancti Evangélíi secúndum Ioánnem

Ioan. 12, 1-9

Ante sex dies Paschæ venit Iesus Bethániam, ubi Lázarus fúerat mórtuus, quem suscitávit Iesus. Fecérunt autem ei cenam ibi: et Martha ministrábat, Lázarus vero unus erat ex discumbéntibus cum eo. María ergo accépit libram unguénti nardi pístici pretiósi, et unxit pedes Iesu, et extérsit pedes eius capíllis suis: et domus impléta est ex odóre unguénti. Dixit ergo unus ex discípulis eius, Iudas Iscariótes, qui erat eum traditúrus: "Quare hoc unguéntum non véniit trecéntis denáriis, et datum est egénis?" Dixit autem hoc, non quia de egénis pertinébat ad eum, sed quia fur erat, et lóculos habens, ea, quæ mittebántur, portábat. Dixit ergo Iesus: "Sínite illam, ut in diem sepulchræ meæ servet illud. Páuperes enim semper habétis vobíscum: me

autem non semper habétis." Cognóvit ergo turba multa ex Iudæis, quia illic est: et venérunt, non propter Iesum tantum, sed ut Lázarus vidérent, quem suscitávit a mórtuis.

7. **Antiphona ad Offertorium**

Ps. 142, 9-10

Eripe me de inimícis meis, Dómine : ad te confúgi, doce me fácere voluntátem tuam : quia Deus meus es tu.

8. **Secreta**

Hæc sacrificia nos, omnípotens Deus, poténti virtúte mundátos, ad suum fáciant purióres veníre princípium. Per Dóminum.

9. **Præfatio de sancta Cruce.**

10. **Antiphona ad Communionem**

Ps. 34, 26

Erubéscant et revereántur simul, qui gratulántur malis meis : induántur pudóre et reveréntia, qui maligna loquúntur advérsus me.

11. Orémus. **Postcommunio**

Præbeant nobis, Dómine, divinum tua sancta fervórem : quo eórum páriter et actu delectémur, et fructu. Per Dóminum.

12. **Super populum:** Orémus. Humiliáte cápita vestra Deo.

Oratio

Adiuva nos, Deus salutáris noster, et ad beneficia reколénda, quibus nos instauráre dignátus es, tríbue veníre gaudéntes. Per Dóminum.

HEBDOMADÆ SANCTÆ

I classis

Statio ad S. Priscam

1. Antiphona ad Introitum

Gal. 6, 14

Nos autem gloriári oportet in cruce Dómini nostri Iesu Christi: in quo est salus, vita et resurrectio nostra: per quem salváti et liberáti sumus. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **Nos autem.**

2. Orémus.

Oratio

Omnípotens sempitérne Deus: da nobis ita domínicae passiónis sacraménta perágere; ut indulgéntiam percípere mereámur. Per eúndem Dóminum.

3. Lécio Ieremíæ prophétæ

Ierem. 11, 18-20

In diébus illis: Dixit Ieremías: Dómine, demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam: et non cognóvi, quia cogitavérunt super me consília, dicéntes: Mittámus lignum in panem eius, et eradámus eum de terra vivéntium, et nomen eius non memorétur ámplius. Tu autem, Dómine Sábaoth, qui iúdicas iuste, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

4. Graduale

Ps. 34, 13 et 1-2

Ego autem, dum mihi molésti essent, induébam me cilício, et humiliábam in ieiúnio ánimam meam:

et orátio mea in sinu meo converterétur. **V.** Iúdica, Dómine, nocéntes me, expúgna impugnántes me: apprehénde arma et scutum, et exsúrge in adiutórium mihi.

5. Evangelium passionis et mortis Domini secundum Marcum. 14, 32-72; 15, 1-46.

Dicitur Munda cor meum, Iube, domne (Dómine), benedícere, et Dóminus sit in córdibus vestris (in corde meo), et fiunt reliqua, ut supra in dominica II Passionis notatum est n. 8 et 8a, p. 139.

Pássio Dómini nostri Iesu Christi
secúndum Marcum

In illo témpore: Iesus et discípuli eius véniunt in prædium, cui nomen Gethsémani. Et ait discípulis suis: ✠ Sedéte hic donec orem. **C.** Et assúmit Petrum, et Iacóbum, et Ioánnem secum: et coepit pavére, et tædére. Et ait illis: ✠ Tristis est ánima mea usque ad mortem: sustinéte hic, et vigiláte. **C.** Et cum processisset páululum, prócidit super terram: et orábat, ut si fieri posset, transíret ab eo hora: et dixit: ✠ Abba, Pater, ómnia tibi possibília sunt, transfer cálicem hunc a me: sed non quod ego volo, sed quod tu. **C.** Et venit, et invénit eos dormiéntes. Et ait Petro: ✠ Simon, dormis? non potuísti una hora vigiláre? Vigiláte, et oráte, ut non intrétis in tentatióne. Spíritus quidem promptus est, caro vero infirma. **C.** Et íterum ábiens orávit, eúndem sermónem dicens. Et revérsus, dénuo invénit eos dormiéntes (erant enim óculi eórum graváti) et ignorábant quid respondérent ei. Et venit

tértio, et ait illis: ✠ Dormite iam, et requiescite. Súfficit: venit hora: ecce Fílius hóminis tradétur in manus peccatórum. Súrgite, eámus: ecce qui me tradet, prope est. **C.** Et, adhuc eo loquente, venit Iudas Iscariótes, unus de duódecim, et cum eo turba multa cum gládiis, et lignis, a summis sacerdótibus, et scribis, et senióribus. Déderat autem tráditor eius signum eis, dicens: **S.** Quemcúmque osculátus fúero, ipse est, tenéte eum, et dúcite caute. **C.** Et cum venísset, statim accédens ad eum, ait: **S.** Ave, Rabbi. **C.** Et osculátus est eum. At illi manus iniecérunt in eum, et tenuérunt eum. Unus autem quidam de circumstántibus, edúcens gládium, percússit servum summi sacerdótis: et amputávit illi aurículam. Et respóndens Iesus, ait illis: ✠ Tamquam ad latrónem exístis cum gládiis, et lignis comprehendere me? cotidie eram apud vos in templo docens, et non me tenuístis. Sed ut impleántur Scriptúrae. **C.** Tunc discípuli eius relinquentes eum, omnes fugérunt. Adoléscens autem quidam sequebátur eum amíctus síndone super nudo: et tenuérunt eum. At ille, reiécta síndone, nudus profúgit ab eis.

Et adduxérunt Iesum ad summum sacerdótem: et convenérunt omnes sacerdótes, et scribæ, et senióres. Petrus autem a longe secútus est eum usque intro in átrium summi sacerdótis: et sedébat cum minístris ad ignem, et calefaciébat se. Summi vero sacerdótes, et omne concílium, quærébant advérsus Iesum testimónium, ut eum morti tráderent, nec inveniébant. Multi enim testimónium falsum dicébant advérsus eum: et conveniéntia testimónia non erant. Et quidam sur-

géntes, falsum testimónium ferébant advérsus eum, dicéntes: **S.** Quóniam nos audívimus eum dicéntem: Ego dissólvam templum hoc manufáctum, et per tríduum áliud non manufáctum ædificábo. **C.** Et non erat convéniens testimónium illórum. Et exsúrgens summus sacerdós in médium, interrogávit Iesum, dicens: **S.** Non respóndes quidquam ad ea, quæ tibi obiiciúntur ab his? **C.** Ille autem tacébat, et nihil respóndit. Rursum summus sacerdós interrogábat eum, et dixit ei: **S.** Tu es Christus Fílius Dei benedícti? **C.** Iesus autem dixit illi: ✠ Ego sum: et vidébitis Fílium hóminis sedéntem a dextris virtútis Dei, et veniéntem cum núbibus cæli. **C.** Summus autem sacerdós scindens vestiménta sua, ait: **S.** Quid adhuc desiderámus testes? Audístis blasphemiam: quid vobis vidétur? **C.** Qui omnes condemnávérunt eum esse reum mortis.

Et cœpérunt quidam conspúere eum, et veláre faciém eius, et cólaphis eum cædere, et dícere ei: **S.** Prophetíza. **C.** Et minístri álapis eum cædebant.

Et cum esset Petrus in átrio deórum, venit una ex ancíllis summi sacerdótis: et cum vidísset Petrum calefaciéntem se, aspiciens illum, ait: **S.** Et tu cum Iesu Nazaréno eras. **C.** At ille negávit, dicens: **S.** Neque scio, neque novi quid dicas. **C.** Et éxiit foras ante átrium, et gallus cantávit. Rursus autem cum vidísset illum ancílla, cœpit dícere circumstántibus: Quia hic ex illis est. At ille íterum negávit. Et post pusillum rursus qui astábant, dicébant Petro: **S.** Vere ex illis es: nam et Galilæus es. **C.** Ille autem cœpit anathemati-

zare, et iurare: Quia nescio hominem istum, quem dicitis. Et statim gallus iterum cantavit. Et recordatus est Petrus verbi, quod dixerat ei Iesus: Priusquam gallus cantet bis, ter me negabis. Et coepit flere.

Et confestim mane consilium facientes summi sacerdotes, cum senioribus, et scribis, et universo concilio, vincientes Iesum, duxerunt, et tradiderunt Pilato. Et interrogavit eum Pilatus: **S.** Tu es Rex Iudæorum? **C.** At ille respondens, ait illi: ✠ Tu dicis. **C.** Et accusabant eum summi sacerdotes in multis. Pilatus autem rursum interrogavit eum, dicens: **S.** Non respondes quidquam? vide in quantis te accusant. **C.** Iesus autem amplius nihil respondit, ita ut miraretur Pilatus.

Per diem autem festum solébat dimittere illis unum ex vinctis, quemcúmque petiissent. Erat autem qui dicebatur Barábbas, qui cum seditiosis erat vinctus, qui in seditione fécerat homicidium. Et cum ascendisset turba, coepit rogare, sicut semper faciebat illis. Pilatus autem respondit eis, et dixit: **S.** Vultis dimittam vobis Regem Iudæorum? **C.** Sciébat enim quod per invidiam tradidissent eum summi sacerdotes. Pontífices autem concitaverunt turbam, ut magis Barábbam dimitteret eis. Pilatus autem iterum respondens, ait illis: **S.** Quid ergo vultis faciam Regi Iudæorum? **C.** At illi iterum clamaverunt: **S.** Crucifige eum. **C.** Pilatus vero dicebat illis: **S.** Quid enim mali fecit? **C.** At illi magis clamabant: **S.** Crucifige eum. **C.** Pilatus autem volens populo satisfacere, dimisit illis Barábbam, et tradidit Iesum flagellis cæsum, ut crucifigeretur.

Míletes autem duxerunt eum in átrium prætorii, et convocant totam cohórtem, et induunt eum púrpura, et impónunt ei plecténtes spineam corónam. Et coeperunt salutare eum: Ave, Rex Iudæorum. Et percutiébant caput eius arúndine: et conspuébant eum, et ponéntes genua, adorábant eum. Et postquam illusérunt ei, exuérunt illum púrpura, et induérunt eum vestiméntis suis: et edúcant illum, ut crucifigerent eum. Et angariavérunt prætereúntem quémpiam, Simónem Cyrenæum, veniéntem de villa, patrem Alexándri et Rufi, ut tólleret crucem eius.

Et perdúcant illum in Gólgotha locum, quod est interpretátum Calváriæ locus. Et dabant ei bíbere myrrhátum vinum: et non accépit. Et crucifigéntes eum, divisérunt vestiménta eius, mitténtes sortem super eis, quis quid tólleret. Erat autem hora tértia: et crucifixérunt eum. Et erat titulus causæ eius inscriptus: Rex Iudæorum. Et cum eo crucifigunt duos latrónes: unum a dextris, et álium a sinístris eius. Et impléta est Scriptúra, quæ dicit: Et cum iníquis reputátus est. Et prætereúntes blasphemábant eum, móvéntes cápita sua, et dicéntes: **S.** Vah, qui déstruis templum Dei, et in tribus diébus reædíficas: salvum fac temetípsum, descéndens de cruce. **C.** Simíliter et summi sacerdotes illudéntes, ad altérutrum cum scribis dicebant: **S.** Alios salvos fecit, seípsum non potest salvum facere. Christus Rex Israél descéndat nunc de cruce, ut videámus, et credámus. **C.** Et qui cum eo crucifixi erant, convitiabántur ei. Et facta hora sexta, ténebræ factæ sunt per totam terram, usque in horam nonam.

FERIA QUARTA

HEBDOMADÆ SANCTÆ

I classis

Statio ad S. Mariam Maiorem

1. Antiphona ad Introitum

Phil. 2, 10, 8 et 11

In nómine Iesu omne genu flectatur, cæléstium, terréstrium et infernórum: quia Dóminus factus est obédiens usque ad mortem, mortem autem crucis: ideo Dóminus Iesus Christus in glória est Dei Patris. **Ps. 101, 2** Dómine, exáudi oratiómem meam: et clamor meus ad te véniat. **In nómine Iesu.**

2. **Post** Kyrie, eléison **dicitur:**

Orémus. Flectámus génuá. Leváte.

3. Orémus.

Oratio

Præsta, quæsumus, omnípotens Deus: ut, qui nostris excéssibus incessánte affligimur, per unigéniti Fílii tui passiómem liberémur: Qui tecum.

4. Lécitio Isaíæ prophétæ

Isai. 62, 11; 63, 1-7

Hæc dicit Dóminus Deus: Dícite filiæ Sion: Ecce Salvátor tuus venit: ecce merces eius cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multitúdine fortitúdinis suæ. Ego, qui loquor iustítiam, et propugnátor sum ad salvándum. Quare ergo rubrum est indumentum tuum, et vestiménta tua, sicut calcántium in torculári? Tórcular calcávi solus, et de géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia indumenta mea inquinávi.

Dies enim ultiónis in corde meo, annus redemptionis meæ venit. Circumspéxi, et non erat auxiliátor: quæsívi, et non fuit qui adiuváret: et salvávit mihi brácchium meum, et indignátio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miseratiónum Dómini recordábor, laudem Dómini super ómnibus, quæ réddidit nobis, Dóminus Deus noster.

5. Graduale

Ps. 68, 18 et 2-3

Ne avértas faciém tuam a púero tuo, quóniam tribulor: velóciter exáudi me. **Ps.** Salvum me fac, Deus, quóniam intravérunt aquæ usque ad ánimam meam: infixus sum in limo profúndi, et non est substántia.

6. **Hic dicitur Ps.** Dóminus vobíscum, **sine** Flectámus génuá.

Orémus.

Oratio

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis; ut resurrectionis grátiam consequámur. Per eúndem Dóminum.

Et huic orationi additur altera oratio sub unica conclusione forte dicenda.

7. Lécitio Isaíæ prophétæ

Isai. 53, 1-12

In diébus illis: Dixit Isaías: Dómine, quis crédidit auditui nostro? et brácchium Dómini cui revelátum est? Et ascéndet sicut virgúltum coram eo, et sicut radix de

terra sitiénti: non est spécies ei, neque decor: et vídimus eum, et non erat aspéctus, et desiderávimus eum: despéctum, et novíssimum vírórú, vírú, dolórum, et sciéntem infirmitátem: et quasi abscónditus vultus eius, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostræ super eum, et livóre eius sanáti sumus. Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem óminum nostrum. Oblátus est, quia ipse vóluit, et non apérui os suum: sicut ovis ad occisióem ducétur, et quasi agnus coram ton-dénte se obmutéscet, et non apériet os suum. De angústia, et de iudício sublátus est: generatióem eius quis enarrábit? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore eius. Et Dóminus vóluit contérere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu eius dirigétur. Pro eo quod laborávit ánimá eius, vidébit, et saturábitur: in sciéntia sua iustificábit ipse iustus servus meus multos, et iniquitátes eórum ipse portábit. Ideo dispértiam ei plúrimos: et fórtium dívidet spólia, pro eo quod trádedit in mortem ánimam suam, et cum scelerátis reputátus est: ipse peccáta multórum tulit, et pro transgressóribus rogávit.

8. Tractus

Ps. 101, 2-5 et 14

Dómine, exáudi oratióem meam, et clamor meus ad te véniat. **℣**. Ne avértas fáciem tuam a me : in quacúmque die tríbulor, inclína ad me aurem tuam. **℣**. In quacúmque die invocávero te, velóciter exáudi me. **℣**. Quia defecérunt sicut fumus dies mei : et ossa mea sicut in frixório confríxa sunt. **℣**. Percússus sum sicut fenum, et áruit cor meum : quia oblítus sum manducáre panem meum. **℣**. Tu exsúrgens, Dómine, miseréberis Sion : quia venit tempus miseréndi eius.

9. **Evangelium passionis et mortis Dómini secundum Lucam. 22, 39-71; 23, 1-53.**

Dicitur Munda cor meum, Iube, domne (Dómine), benedícere, **et** Dóminus sit in córdibus vestris (in corde meo), **et fiunt reliqua, ut supra in dominica II Passionis notatum est n. 8 et 8a, p. 139.**

Pássio Dómini nostri Iesu Christi
secúndum Lucam

In illo témpore: Egréssus Iesus ibat secúndum consuetúdinem in montem Olivárum. Secúti sunt autem illum et discípuli. Et cum pervénisset ad locum, dixit illis: **✠** Oráte, ne intrétis in tentatióem. **C**. Et ipse avúlsus est ab eis quantum iactus est lápidis, et pósitis génibus orábat, dicens: **✠** Pater, si vis, transfer cálicem istum a me: verúmtamen non mea volúntas, sed tua fiat. **C**. Appáruit autem illi Angelus de cælo, confórtans eum. Et factus in agonía, prolíxius orábat. Et factus est sudor eius, sicut guttæ sanguinis decurréntis in terram. Et cum surrexisset ab oratióne, et venisset ad discípulos suos, invénit eos dormiéntes præ tristítia. Et ait illis: **✠** Quid dormítis? súrgite, oráte, ne intrétis in tentatióem.

C. Adhuc eo loquente, ecce turba: et qui vocabatur Iudas, unus de duodecim, antecederat eos: et appropinquavit Iesu, ut oscularetur eum. Iesus autem dixit illi: ✠ Iuda, osculo Filium hominis tradis? **C.** Videntes autem hi, qui circa ipsum erant, quod futurum erat, dixerunt ei: **S.** Domine, si percutimus in gladio? **C.** Et percussit unus ex illis servum principis sacerdotum, et amputavit auriculam eius dexteram. Respondens autem Iesus, ait: ✠ Sinite usque huc. **C.** Et cum tetigisset auriculam eius, sanavit eum. Dixit autem Iesus ad eos, qui venerant ad se, principes sacerdotum, et magistratus templi, et seniores: ✠ Quasi ad latronem existis cum gladiis, et fustibus? Cum cotidie vobiscum fuerim in templo, non extendistis manus in me: sed hæc est hora vestra, et potestas tenebrarum.

C. Comprehendentes autem eum, duxerunt ad domum principis sacerdotum: Petrus vero sequebatur a longe. Accenso autem igne in medio atrii, et circumsedentibus illis, erat Petrus in medio eorum. Quem cum vidisset ancilla quædam sedentem ad lumen, et eum fuisset intuita, dixit: **S.** Et hic cum illo erat. **C.** At ille negavit eum, dicens: **S.** Mulier, non novi illum. **C.** Et post pusillum alius videns eum, dixit: **S.** Et tu de illis es. **C.** Petrus vero ait: **S.** O homo, non sum. **C.** Et intervállo facto quasi horæ unius, alius quidam affirmabat, dicens: **S.** Vere et hic cum illo erat: nam et Galilæus est. **C.** Et ait Petrus: **S.** Homo, nescio quid dicis. **C.** Et continuo adhuc illo loquente cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat: Quia priusquam

gallus cantet, ter me negabis. Et egressus foras Petrus flevit amare.

Et viri, qui tenebant illum, illudabant ei, cædentes. Et velaverunt eum, et percutiebant faciem eius: et interrogabant eum, dicentes: **S.** Prophetiza, quis est, qui te percussit? **C.** Et alia multa blasphemantes dicebant in eum.

Et ut factus est dies, convenérunt seniores plebis, et principes sacerdotum, et scribæ, et duxerunt illum in concilium suum, dicentes: **S.** Si tu es Christus, dic nobis. **C.** Et ait illis: ✠ Si vobis dixerò, non credetis mihi: si autem et interrogávero, non respondébitis mihi, neque dimittétis. Ex hoc autem erit Filius hominis sedens a dextris virtutis Dei. **C.** Dixerunt autem omnes: **S.** Tu ergo es Filius Dei? **C.** Qui ait: ✠ Vos dicitis, quia ego sum. **C.** At illi dixerunt: **S.** Quid adhuc desiderámus testimónium? Ipsi enim audivimus de ore eius.

C. Et surgens omnis multitúdo eorum, duxerunt illum ad Pilátum. Coeperunt autem illum accusare, dicentes: **S.** Hunc invénimus subvertentem gentem nostram, et prohibentem tributa dare Cæsari, et dicentem se Christum regem esse. **C.** Pilátus autem interrogavit eum, dicens: **S.** Tu es Rex Iudæorum? **C.** At ille respondens, ait: ✠ Tu dicis. **C.** Ait autem Pilátus ad principes sacerdotum, et turbas: **S.** Nihil invénio causæ in hoc homine. **C.** At illi invalescebant, dicentes: **S.** Commovet pópulum, docens per universam Iudæam, incipiens a Galilæa usque huc.

C. Pilátus autem áudiens Galilæam, interrogávit si homo Galilæus esset. Et ut cognóvit quod de Heródis potestáte esset, remísit eum ad Heródem, qui et ipse Ierosólymis erat illis diébus. Heródes autem viso Iesu gávisus est valde. Erat enim cúpiens ex multo témpore vidére eum, eo quod audíerat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, et scribæ constánter accusántes eum. Sprevit autem illum Heródes cum exércitu suo: et illúsit indútum veste alba, et remísit ad Pilátum. Et facti sunt amíci Heródes et Pilátus in ipsa die: nam ántea inimíci erant ad invicem. Pilátus autem convocáti príncípibus sacerdotum, et magistrátibus, et plebe, dixit ad illos: **S.** Obtulistis mihi hunc hóminem, quasi averténtem pópulum, et ecce ego coram vobis intérogans, nullam causam invéni in hómine isto ex his, in quibus eum accusátis. Sed neque Heródes: nam remísi vos ad illum, et ecce nihil dignum morte actum est ei. Emendátum ergo illum dimíttam.

C. Necesse autem habébat dimíttere eis per diem festum, unum. Exclamávit autem simul univérsta turba, dicens: **S.** Tolle hunc, et dimítte nobis Barábbam. **C.** Qui erat propter seditiónem quamdam factam in civitáte, et homicídium, missus in cárcerem. Iterum autem Pilátus locútus est ad eos, volens dimíttere Iesum. At illi succlamábant, dicéntes: **S.** Crucifige, crucifige eum. **C.** Ille autem tértio dixit ad illos: **S.** Quid enim mali fecit iste? Nullam causam mortis invénio

in eo: corrípiam ergo illum, et dimíttam. **C.** At illi instábant vóciibus magnis, postulántes ut crucifigeretur. Et invalescébant voces eórum. Et Pilátus adiudicávit fieri petitiónem eórum. Dimísit autem illis eum, qui propter homicídium et seditiónem missus fúerat in cárcerem, quem petébant: Iesum vero trádidit voluntáti eórum.

Et cum dúcerent eum, apprehenderunt Simónem quemdam Cyrenénsem, veniéntem de villa: et imposuérunt illi crucem portáre post Iesum. Sequebátur autem illum multa turba pópuli, et mulierum, quæ plangébant, et lamentabántur eum. Convérsus autem ad illas Iesus dixit: ✠ Fíliæ Ierúsalem, nolíte flere super me, sed super vos ipsas flete, et super filios vestros. Quóniam ecce vénient dies, in quibus dicent: Beátæ stériles, et ventres, qui non genuérunt, et úbera, quæ non lactavérunt. Tunc incipient dicere móntibus: Cádite super nos; et cóllibus: Operíte nos. Quia si in víridi ligno hæc faciunt, in árido quid fiet?

C. Ducebántur autem et álíi duo nequam cum eo, ut interficeréntur. Et postquam venérunt in locum, qui vocátur Calváriæ, ibi crucifixérunt eum: et latrónes, unum a dextris, et álterum a sinístris. Iesus autem dicébat: ✠ Pater, dimítte illis: non enim sciunt quid faciunt. **C.** Dividentes vero vestiménta eius, misérunt sortes. Et stabat pópulus spectans, et deridébant eum príncipes cum eis, dicéntes: **S.** Alios salvos fecit: se salvum fáciat, si hic est Christus Dei eléctus. **C.** Illudébant autem ei et mílites accedéntes, et acétum offeréntes ei, et dicéntes:

S. Si tu es Rex Iudaeorum, salvum te fac. **C.** Erat autem et superscriptio scripta super eum litteris graecis, et latinis, et hebraicis: Hic est Rex Iudaeorum. Unus autem de his, qui pendebant, latronibus, blasphemabat eum, dicens: **S.** Si tu es Christus, salvum fac te ipsum, et nos. **C.** Respondens autem alter increpabat eum, dicens: **S.** Neque tu times Deum, quod in eadem damnatione es. Et nos quidem iuste, nam digna factis recipimus: hic vero nihil mali gessit. **C.** Et dicebat ad Iesum: **S.** Domine, memento mei, cum veneris in regnum tuum. **C.** Et dixit illi Iesus: ✠ Amen dico tibi: Hodie mecum eris in paradiso.

C. Erat autem fere hora sexta, et tenebrae factae sunt in universam terram usque in horam nonam. Et obscuratus est sol: et velum templi scissum est medium. Et clamans voce magna Iesus, ait: ✠ Pater, in manus tuas commendo spiritum meum. **C.** Et haec dicens, expiravit. **Hic genuflectitur, et pausatur aliquantulum.**

Videns autem centurio quod factum fuerat, glorificavit Deum, dicens: **S.** Vere hic homo iustus erat. **C.** Et omnis turba eorum, qui simul aderant ad spectaculum istud, et videbant quae fiebant, percutientes pectora sua revertebantur. Stabant autem omnes noti eius a longe, et mulieres, quae secutae eum erant a Galilaea, haec videntes.

Et ecce vir nomine Ioseph, qui erat decurio, vir bonus et iustus: hic non consenserat consilio et actibus eorum, ab Arimathaea civitate Iudaeae, qui expectabat et ipse regnum Dei. Hic accessit ad Pilatum, et petiit corpus Iesu: et depositum involvit sindone, et posuit eum in

monumento exciso, in quo nondum quisquam positus fuerat.

10. **Antiphona ad Offertorium**

Ps. 101, 2-3

Domine, exaudi orationem meam, et clamor meus ad te perveniat: ne avertas faciem tuam a me.

11. **Secreta**

Suscipe, quaesumus, Domine, munus oblatum, et dignanter operare: ut, quod passionis Filii tui Domini nostri mysterio gerimus, piis affectibus consequamur. Per eundem Dominum.

12. **Præfatio de sancta Cruce.**

13. **Antiphona ad Communionem**

Ps. 101, 10, 13 et 14

Potum meum cum fletu temperabam: quia elevans allisisti me: et ego sicut fenum arui: tu autem, Domine, in aeternum permanes: tu exurgens miseraberis Sion, quia venit tempus miserendi eius.

14. **Orémus.**

Postcommunio

Largire sensibus nostris, omnipotens Deus: ut, per temporalem Filii tui mortem, quam mysteria veneranda testantur, vitam te nobis dedisse perpetuam confidamus. Per eundem Dominum.

15. **Super populum:** Orémus. Humiliate capita vestra Deo.

Oratio

Respice, quaesumus, Domine, super hanc familiam tuam, pro qua Dominus noster Iesus Christus non dubitavit manibus tradi nocentium, et crucis subire tormentum: Qui tecum.



FERIA QUINTA IN CENA DOMINI

I classis

DE MISSA CHRISMATIS

IN QUA BENEDICITUR OLEUM CATECHUMENORUM ET INFIRMORUM, ET CONFICITUR SACRUM CHRISMA

1. **Benedictio olei catechumenorum et infirmorum, et confectio sacri chrismatis peraguntur secundum ordinem in Pontificali romano descriptum, iis exceptis, quæ inferius notantur.**

2. **Hæ autem benedictio et confectio fiunt intra Missam chrismatis, quæ celebranda est post Tertiam.**

3. **Antiphona ad Introitum**

Ex. 30, 25, 31

Facies unctionis oleum, et filiis Israël dices : Hoc oleum unctionis sanctum erit mihi in generationes vestras. **Ps. 88, 2** Grátias Dómini in ætérnum cantábo; per omnes ge-

neratiónes annuntiábo fidelitátem tuam. **F**acies unctionis.

4. **Decantatis antiphona ad introitum ac Kýrie, eléison, ut moris est, pontifex lecta antiphona ad Introitum et Kýrie, eléison recitato, incipit in tono solemni Glória in excélsis.**

5. **Orémus.**

Oratio

Dómine Deus, qui in regenerándis plébibus tuis ministério úteris sacerdótum; tríbue nobis perseverántem in tua voluntáte famulátum; ut dono grátiae tuæ, in diébus nostris, et méritis et número sacrátus tibi pópulus augeátur. Per Dóminum.

6. Lécio Epístolæ beāti Iacóbi apóstoli

Iac. 5, 13-16

Fratres : Tristátur áliquis vestrum? Oret. Æquo ánimo est? Psallat. Infirmátur quis in vobis? Indúcat presbýteros ecclésiæ, et orent super eum, ungéntes eum óleo in nómine Dómini; et orátio fidei salvábit infirmum, et alleviábit eum Dóminus; et si in peccátis sit, remitténtur ei. Confitémini ergo altérutrum peccáta vestra, et oráte pro invicem ut salvémini; multum enim valet deprecátio iusti assídua.

7. Graduale Ps. 27, 7-8

In Deo confísum est cor meum, et adiútus sum; ideo exsúltat cor meum, et cántico meo laudo eum.
V. Dóminus robur est pópulo suo, et præsidium salútis uncto suo.

8. ✠ Sequéntia sancti Evangélii secúndum Marcum

Marc. 6, 7-13

In illo témpore : Vocávit Iesus duódecim, et cœpit eos mittere binos, et dabat illis potestátem spirituum immundórum. Et præcépit eis, ne quid tóllerent in via, nisi virgam tantum; non peram, non panem, neque in zona æs, sed calceátos sandáliis, et ne indueréntur duábus túnícis. Et dicébat eis : "Quocúmque introiéritis in domum, illic manéte, donec exeátis inde; et quicúmque non recéperint vos, nec audierint vos, exeúntes inde, excútite púlverem de pédibus

vestris, in testimónium illis." Et exeúntes prædicábant ut pæniténtiam ágerent; et dæmónia multa eiiciébant, et ungébant óleo multos ægros, et sanábant.

Et non dicitur Credo.

9. Antiphona ad Offertorium

Ps. 44, 7

Díligis iustítiam et odísti iniquitátem; proptérea unxit te Deus, Deus tuus, óleo lætítiæ.

10. Secreta

Huius sacrificii poténtia, Dómine, quæsumus, et vetustátem nostram cleménter abstérget, et novitátem nobis áugeat et salútem. Per Dóminum nostrum.

11. Præfatio de Missa chrismatis.

12. Communicántes, et quæ sequuntur usque ad Consecrationem, dicuntur ut in Canone Missæ, nihil addendo vel immutando.

13. In benedictione chrismatis, quæ in Pontificalis romani veteribus editionibus invenitur, versus finem præfationis quæ super chrismo benedicendum cantatur, omittantur verba: ut spirituális lavácri baptismo usque ad vestiménto incorrupti múnieris induántur, quæ olim præfationem propriam Missæ chrismatis constituerant, et quæ in hoc instaurato ritu iterum locum suum obtinuerunt.

14. Ad triplex Agnus Dei, respondetur ter miserére nobis. Omittitur oratio Dómine Iesu Christe, qui dixisti; et non datur osculum pacis. In hac Missa sacram Communionem distribuere non licet.

15. Antiphona ad Communionem

Marc. 6, 12-13

Prædicábant Apóstoli ut pæniténtiam ágerent, et ungébant óleo multos ægros, et sanábant.

16. Orémus.

Postcommunio

Præsta, quæsumus, Dómine : ut, sicut de præteritis ad nova transímus; ita, vetustáte depósita, sanctificátis méntibus innovémur. Per Dóminum.

17. In fine Missæ, dicto Pláceat tibi, sancta Trínitas, datur benedictio more solito, et, omisso ultimo Evangelio sancti Ioannis, dicuntur in choro Sexta et Nona.

18. Locorum Ordinarii, qui Missam chris-matis mane celebraverint, possunt vespere Missam quoque solemnem in Cena Domini litare.

DE MISSA SOLEMNI VESPERTINA IN CENA DOMINI

Statio ad S. Ioannem in Laterano

¶ Missa solemnis in Cena Domini celebranda est vespere, hora magis opportuna, non autem ante horam quartam post meridiem, nec post horam nonam.

Aliarum Missarum in Cena Domini celebratio interdicatur. Ubi vero ratio pastoralis id postulet, loci Ordinarius unam alteramve Missam lectam in singulis ecclesiis vel oratoriis publicis permittere poterit; in oratoriis autem semipublicis unam tantum Missam lectam; ea quidem de causa, ut omnes fideles hoc sacro die Missæ sacrificio interesse et Corpus Christi sumere possint. Hæ autem Missæ inter easdem diei horas permittuntur, quæ pro Missa solemni assignatæ sunt, ut supra notatur.

Hoc die sacra Communio fidelibus distribui potest tantummodo inter Missas vespertinas, vel continuo ac statim ab iis expletis; infirmis vero hoc die sacra Communio deferri licet, horis ante et post meridiem.

1. Tabernaculum, si quod exstat in altari maiore, omnino vacuum sit; pro communicando vero clero et populo hodie et crastino die, ponatur super altare pyxis (vel pyxides) cum particulis in hac ipsa Missa consecrandis.

2. Ubi deest copia clericorum et sacerdotum, Missa celebratur secundum consuetum ritum Missæ cantatæ.

3. Ubi vero clerici adsint, maxime convenit, ut, in forma assistentiæ choralis, Missæ solemni vespertinæ intersint.

4. Itaque, unusquisque suis choralibus vestimentis induitur : sacerdotes insuper accipiunt stolam; celebrans et ministri induunt vestes sacras albi coloris, ut in Missa moris est.

5. Omnibus sic paratis, incipit processio per ecclesiam ad altare, et interim cantatur a schola antiphona ad Introitum.

Antiphona ad Introitum

Gal. 6, 14

Nos autem gloriári opórtet in cruce Dómini nostri Iesu Christi: in quo est salus, vita et resurrectio nostra: per quem salváti et liberáti sumus. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **Nos autem.**

6. Celebrans, postquam cum ministris, seu ministrantibus, ad altare pervenerit, facta confessione, ascendens, osculatur illud in medio, et incensat more solito, lecta antiphona ad Introitum.

7. Altaris incensatione peracta, celebrans Kýrie, eléison recitato, incipit solemniter Glória in excélsis, et pulsantur campanæ et organum, quæ, expleto hymno, silent usque ad Vigiliam paschalem.

8. Orémus.

Oratio

Deus, a quo et Iudas reátus sui pœnam, et confessiónis suæ latro præmium sumpsit, concéde nobis tuæ propitiatiónis efféctum: ut, sicut in passióne sua Iesus Christus, Dóminus noster, diversa utrisque intulit stipéndia meritórum; ita nobis, abláto vetustátis errore, resurrectiόνis suæ grátiam largiátur: Qui tecum.

9. Lécitio Epístolæ beāti Pauli apostoli ad Corínthios

1 Cor. 11, 20-32

Fratres: Conveniéntibus vobis in unum, iam non est Domínicam cenam manducáre. Unusquisque enim suam cenam præsumit ad manducándum. Et álius quidem ésurit: álius autem ébrius est. Numquid domos non habétis ad manducándum et bibéndum? aut ecclési- am Dei contémnitis, et confúnditis eos, qui non habent? Quid dicam vobis? Laudo vos? In hoc non laudo. Ego enim accépi a Dómino, quod et trádidi vobis, quóniam Dóminus Iesus, in qua nocte tradebátur, accépit panem, et grátias agens fregit, et dixit: "Accípite, et manducáte: hoc est corpus meum, quod pro vobis tradétur: hoc fácite in meam commemoratiónem." Simíliter et cálicem, postquam cenávit, dicens: "Hic calix novum testaméntum est in meo ságuine: hoc fácite, quotiescúmque bibétis, in meam commemoratiónem." Quotiescúmque enim manducábitis panem hunc, et cálicem bibétis: mortem Dómini annuntiábitis donec véniat. Itaque quicúmque manducáverit panem hunc vel bíberit cálicem Dómini indígne, reus erit córporis et ságuinis Dómini. Probet autem seípsum homo: et sic de pane illo edat et de cálice bibat. Qui enim mandúcat et bibit indígne, iudícium sibi mandúcat et bibit: non diiúdicans corpus Dómini. Ideo inter vos multi infirmi et imbecílles, et dórmiant multi. Quod si nosmetípsos diiudicarémus, non útique iudicarémur. Dum iudicámur autem, a Dómino corrípimur, ut non cum hoc mundo damnémur.

10. Graduale

Phil. 2, 8-9

Christus factus est pro nobis obédiens usque ad mortem, mortem autem crucis. **V.** Propter quod et Deus exaltávit illum: et dedit illi nomen, quod est super omne nomen.

11. Munda cor meum, Iube, domne (Dómine), et Dóminus sit in corde tuo (meo), **dicuntur more solito.**

12. ✠ Sequéntia sancti Evangélii secúndum Ioánnem

Ioann. 13, 1-15

Ante diem festum Paschæ, sciens Iesus quia venit hora eius, ut tránseat ex hoc mundo ad Patrem: cum dilexisset suos, qui erant in mundo, in finem diléxit eos. Et cena facta, cum diábolus iam misisset in cor, ut tráderet eum Iudas Simónis Iscariótæ: sciens quia ómnia dedit ei Pater in manus, et quia a Deo exívit, et ad Deum vadit, surgit a cena, et ponit vestiménta sua, et cum accepisset línteum, præcínxit se. Deínde mittit aquam in pelvim, et coepit laváre pedes discipulórum, et extérgere línteo, quo erat præcínctus. Venit ergo ad Simónem Petrum. Et dicit ei Petrus: "Dómine, tu mihi lavas pedes?" Respóndit Iesus et dixit ei: "Quod ego fácio, tu nescis modo, scies autem póstea." Dicit ei Petrus: "Non lavábis mihi pedes in ætérnum." Respóndit ei Iesus: "Si non lávero te, non habébis partem mecum." Dicit ei Simon Petrus: "Dómine, non tantum pedes meos, sed et manus, et caput." Dicit ei Iesus: "Qui lotus est, non indiget nisi ut pedes lavet, sed est mundus totus. Et vos mundi estis, sed non omnes." Sciébat enim quisnam esset qui tráderet eum, proptérea dixit: Non estis

mundi omnes. Postquam ergo lavit pedes eorum, et accepit vestimenta sua: cum recubuisset iterum dixit eis: "Scitis quid fecerim vobis? Vos vocatis me Magister et Domine, et bene dicitis: sum etenim. Si ergo ego lavi pedes vestros, Dominus et Magister: et vos debetis alter alterius lavare pedes. Exemplum enim dedi vobis, ut quemadmodum ego feci vobis, ita et vos faciatis."

13. Valde convenit ut post Evangelium habeatur brevis HOMILIA ad illustranda mysteria potissima, quæ hac Missa recoluntur, institutio scilicet sacræ Eucharistiæ et ordinis sacerdotalis, necnon et mandatum Domini de caritate fraterna.

14. Credo hodie non dicitur.

DE LOTIONE PEDUM

15. Post homiliam proceditur, ubi ratio pastoralis id sudeat, ad lotionem pedum.

16. In medio presbyterii, vel in ipsa aula ecclesiæ, parata sint sedilia hinc inde pro duodecim viris, quorum lavabuntur pedes; cetera quæ occurrunt, tempore opportuno, in mensula parentur.

17. Interim diaconus et subdiaconus, seu duo maiores ex ministrantibus, inducunt duodecim viros selectos, binos et binos, ad locum paratum, dum schola vel ipse clerus assistens incipit, cantando vel recitando, antiphonas, psalmos et versus infrascriptos.

Duodecim autem viri selecti, facta reverentia altari ac celebranti, in presbyterio sedenti, disponuntur per sedilia; tunc ministri sacri, seu ministrantes, adibunt celebrantem. Omnes deponunt manipulum, celebrans vero etiam planetam.

Lotione pedum ad finem vergente, incipitur antiphona 8^a cum suis versibus, ceteris, si opus sit, omissis.

18. Antiphonæ vero, psalmi et versus cantandi vel recitandi sunt:

1

Antiphona Ioann. 13, 34 "Mandatum novum do vobis: ut diligatis invicem, sicut dilexi vos," dicit Dó-

minus. **Ps. 118, 1** Beati immaculati in via: qui ambulant in lege Domini.

Et repetitur immediate antiphona "Mandatum novum." Et sic aliæ antiphonæ, quæ habent psalmos vel versus, repetuntur. Et de quolibet psalmo dicitur tantum primus versus.

2

Antiphona Ioann. 13, 4, 5 et 15 Postquam surrexit Dominus a cena, misit aquam in pelvim, et coepit lavare pedes discipulorum: hoc exemplum reliquit eis. **Ps. 47, 2** Magnus Dominus, et laudabilis nimis: in civitate Dei nostri, in monte sancto eius. — Postquam surrexit Dominus.

3

Antiphona Ioann. 13, 12, 13 et 15 Dominus Iesus, postquam cenavit cum discipulis suis, lavit pedes eorum, et ait illis: "Scitis quid fecerim vobis ego, Dominus et Magister? Exemplum dedi vobis, ut et vos ita faciatis." **Ps. 84, 2** Benedixisti, Domine, terram tuam: avertisti captivitatem Iacob. — Dominus Iesus.

4

Antiphona Ioann. 13, 6-7 et 8 "Domine, tu mihi lavas pedes?" Respondit Iesus, et dixit ei: "Si non lávero tibi pedes, non habébis partem mecum." **V.** Venit ergo ad Simónem Petrum, et dixit ei Petrus. **Et repetitur antiphona** "Domine, tu mihi lavas pedes?" Respondit Iesus, et dixit ei: "Si non lávero tibi pedes, non habébis partem mecum." **V.** "Quod ego fácio, tu nescis modo: scies autem póstea." **Tertio repetitur antiphona** "Domine, tu mihi lavas pedes?" Respondit Iesus, et dixit ei: "Si non lávero tibi pedes, non habébis partem mecum."

5

Antiphona "Si ego, Dóminus et Magíster vester, lavi vobis pedes : quanto magis debétis alter altérius laváre pedes?" **Ps. 48, 2** Audíte hæc, omnes gentes : áuribus percípíte, qui habitátis orbem. — "Si ego, Dóminus."

6

Antiphona Ioann. 13, 35 "In hoc cognóscent omnes, quia discípuli mei estis, si dilectiónem habuéritis ad invicem." **V.** Dixit Iesus discípulis suis. — "In hoc cognóscent."

7

Antiphona 1 Cor. 13, 13 Máneant in vobis fides, spes, cáritas, tria hæc : maior autem horum est cáritas. **V.** Nunc autem manent fides, spes, cáritas, tria hæc : maior horum est cáritas. — **M**áneant in vobis.

8

Sequens antiphona cum suis versibus nunquam omittitur; incipitur autem, omissis, si opus sit, præcedentibus, lotionem pedum ad finem vergente.

Antiphona Ubi cáritas et amor, Deus ibi est. **V.** Congregávit nos in unum Christi amor. **V.** Exsultémus et in ipso iucundémur. **V.** Timeámus et amémus Deum vivum. **V.** Et ex corde diligámus nos sincéro.

Et repetitur antiphona Ubi cáritas et amor, Deus ibi est. **V.** Simul ergo cum in unum congregámur : **V.** Ne nos mente dividámur, caveámus. **V.** Cessent iúrgia maligna, cessent lites. **V.** Et in médio nostri sit Christus Deus.

Et repetitur antiphona Ubi cáritas et amor, Deus ibi est. **V.** Simul quoque cum beátis videámus. **V.** Gloriánte vultu tuo, Christe

Deus : **V.** Gáudium, quod est imménsum atque probum. **V.** Sáecula per infinita sæculórum. Amen.

19. Interim celebrans procedit ad lotionem pedum, hoc modo : præcingit se linteo, et per ordinem dispositis iis, qui lavandi sunt, acolythis pelvim et aquam ministrantibus, subdiacono singulorum pedem dextrum tenente, genuflectens singulis, illorum pedem lavat et extergit, diacono præbente linteam ad abstergendum.

19a. *Officia quæ in ritu solemnî a diacono et subdiacono adimplentur, a ministrantibus peraguntur.*

20. Post lotionem celebrans lavat et abstergit manus, nihil dicens. Deinde omnes resument manipulum, celebrans vero etiam planetam, et redeunt ante medium altaris, ubi celebrans, versus populum, dicit :

Pater noster, **secreto.**

V. Et ne nos indúcas in tentatió-nem. **R.** Sed libera nos a malo.

V. Tu mandásti mandáta tua, Dómine. **R.** Custodíri nimis.

V. Tu lavásti pedes discipulórum tuórum. **R.** Opera mánuum tuárum ne despicias.

V. Dómine, exáudi oratió-nem meam. **R.** Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Adésto, Dómine, quæsumus, of-fício servitútis nostræ: et quia tu discípulis tuis pedes laváre dignátus es, ne despicias ópera mánuum tuárum, quæ nobis retinénda mandásti: ut, sicut hic nobis et a nobis exterióra abluúntur inquinaménta; sic a te ómnium nostrum interióra lavéntur pec-cáta. Quod ipse præstáre dignéris, qui vivis et regnas in sáecula sæculórum. **R.** Amen.

Oratione completa, duodecim viri, facta reverentia altari et celebranti, reducuntur ad loca sua, si sint clerici in presbyterium, si sint laici in peculiarem locum ad hoc designatum.

21. Ubi vero contingat lotionem pedum *extra Missarum solennia* peragi, observetur ordo supra descriptus, præmisso, cum solitis caeremoniis, cantu evangelii Missæ Ante diem festum Paschæ, ut supra n. 12, p. 158.

22. Post pedum lotionem, seu, ubi hæc locum non habuerit, post homiliam, proceditur in celebratione Missæ, more solito.

23. Antiphona ad Offertorium

Ps. 117, 16 et 17

Déxtera Dómini fecit virtutem, déxtera Dómini exaltávit me: non móriar, sed vivam, et narrábo ópera Dómini.

24. Secreta

Ipse tibi, quæsumus, Dómine, sancte Pater, omnípotens ætérne Deus, sacrificium nostrum reddat accéptum, qui discíplis suis in sui commemoratióne monstrávit, Iesus Christus, Fílius tuus, Dóminus noster: Qui tecum.

25. *Præfatio*, Sanctus et Benedíctus dicuntur more consueto. Dicitur autem Præfatio de sancta Cruce.

26. Infra Actionem

Communicántes, et diem sacratíssimum celebrántes, quo Dóminus noster Iesus Christus pro nobis est tráditus: sed et memóriam venerántes, in primis gloriósæ semper Vírginis Mariæ, Genetrícis eiúsdem Dei et Dómini nostri Iesu Christi: sed et beatórum Apostolórum ac Mártyrum tuórum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis precibúsque concédas, ut in ómnibus protectiόνis tuæ muniámur auxílio. **Iungit manus.** Per eúndem Christum Dóminum nostrum. Amen.

27. Tenens manus expansas super oblata, dicit:

Hanc igitur oblatiόνem servitútis nostræ, sed et cunctæ famíliæ tuæ, quam tibi offérimus ob diem, in qua Dóminus noster Iesus Christus trádidit discíplis suis Córporis et Sánguinis sui mystéria celebránda: quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripe, et in electórum tuórum iúbeas grege numerári. **Iungit manus.** Per eúndem Christum Dóminum nostrum. Amen.

Quam oblatiόνem tu, Deus, in ómnibus, quæsumus, **signat ter super oblata**, bene ✠ díctam, adscríp ✠ tam, ra ✠ tam, rationábilem, acceptabilémque fácere dignéris: **signat semel super hostiam**, ut nobis Cor ✠ pus, **et semel super calicem**, et San ✠ guis fiat dilectíssimi Fílii tui **iungit manus** Dómini nostri Iesu Christi.

Qui pridie, quam pro nostra omniúmque salúte paterétur, hoc est, hódie, **accipit hostiam**, accépit panem in sanctas, ac venerábiles manus suas, **elevat oculos ad cælum**, et elevátis óculis in cælum ad te Deum Patrem suum omnipoténtem, **caput inclinat**, tibi grátias agens, **signat super hostiam**, bene ✠ díxit, fregit, dedítque, discíplis suis, dicens: Accípите, et manducáte ex hoc omnes.

Tenens ambabus manibus hostiam inter indices et pollices, profert verba consecrationis distincte et attente super hostiam, et simul super omnes, si plures sint consecrandæ.

Hoc est enim Corpus meum

Quibus verbis prolatis, statim hostiam consecratam genuflexus adoratur: surgit, ostendit populo, reponit super corporale, et genuflexus iterum adoratur: nec amplius pollices et indices disiungit, nisi quando hostia tractanda est, usque ad ablutionem digitorum. Tunc, detecto calice, dicit:

Simili modo postquam coenatum est, **Ambabus** manibus accipit calicem, accipiens et hunc præclarum Cálicem in sanctas, ac venerabiles manus suas: item **Caput inclinatur**, tibi grátias agens, **Sinistra** tenens calicem, **dextera** signat super eum, bene ✠ dixit, deditque discipulis suis, dicens: Accipite, et bibite ex eo omnes.

Profert verba consecrationis super calicem, attente et continue, tenens illum parum elevatum.

Hic est enim Calix Sanguinis mei, novi et æterni testamenti: mysterium fidei: qui pro vobis et pro multis effundetur in remissionem peccatorum.

Quibus verbis prolatis, deponit calicem super corporale, et dicens:

Hæc quotiescúmque feceritis, in mei memoriam faciétis.

Genuflexus adoratur: surgit, ostendit populo, deponit, cooperit, et genuflexus iterum adoratur.

Reliqua ut in Canone Missæ, ut infra p. 308 præter sequentia.

28. Ad triplex Agnus Dei, ter respondetur miserere nobis, ut infra:

Agnus Dei, qui tollis peccata mundi: miserere nobis.

Agnus Dei, qui tollis peccata mundi: miserere nobis.

Agnus Dei, qui tollis peccata mundi: miserere nobis.

Osculum pacis hodie non datur, et omittitur oratio Dómine Iesu Christe, qui dixisti.

29. Sumpto sacratissimo Sanguine, celebrans, procedit ad distributionem Communionis, more solito.

Præcedunt ministri sacri; post eos ceteri clerici per ordinem, deinde ministrantes.

Hi omnes accedunt ante altare, bini et bini, aut quaterni et quaterni, et facta genuflexione, gradus ascendunt, genibusque flexis reverenter accipiunt Corpus Domini; postea eodem ordine recedunt. Fideles vero accipiunt Sacramentum ad cancellos.

Si vero multitudo fidelium ad sacram mensam accedentium magna sit, alii quoque sacerdotes, vel una cum celebrante ad cancellos, vel alio loco apto, Communionem distribuere possunt, cauto tamen ut bono ordini ac devotioni fidelium sedulo provideatur.

Si Episcopus sacram Communionem distribuerit, fideles anulum eiusdem ante communionem non osculantur.

30. Antiphona ad Communionem cantari potest a schola, dum celebrans sacras particulas distribuit.

31. Antiphona ad Communionem

Ioann. 13, 12, 13 et 15

Dóminus Iesus, postquam cenávit cum discipulis suis, lavit pedes eorum, et ait illis: "Scitis quid fecerim vobis ego, Dóminus et Magister? Exémplum dedi vobis, ut et vos ita faciátis."

Iuxta numerum communicantium addi possunt sequentes psalmi: Psalmus 22 Dóminus pascit me: nihil mihi deest.

Et repetitur antiphona Dóminus Iesus. Psalmus 71 Deus, iudicium tuum regi da. Et repetitur antiphona Dóminus Iesus. Psalmus 103 Bénedic, ánima mea, Dómino. Et repetitur antiphona Dóminus Iesus. Psalmus 150 Laudáte Dóminum in sanctuário eius. Et clauditur cum eadem antiphona Dóminus Iesus.

32. Communionem fidelium peracta, pyxis vel pyxides deponuntur super corporale. Celebrans procedit ad ablutionem calicis et digitorum, recitans solitas orationes.

33. Omnibus sic absolutis, Missa prosequitur more solito; sed celebrans genuflectit, quodcumque transit ante Sacramentum: et cum dicit Dóminus vobiscum, non vertit se ad populum in medio altaris, ne terga vertat Sacramento, sed a latere evangelii.

34. Orémus.

Postcommunio

Refecti vitálibus aliméntis, quæsumus, Dómine Deus noster:

ut, quod tēmpore nostræ mortalitātis exséquimur, immortalitātis tuæ múnere consequámur. Per Dóminum nostrum.

35. **Loco** *Ite, missa est, hodie cantatur* Benedicámus Dómino, *et dicitur* Pláceat tibi, sancta Trínitas, *more solito.*

36. *Benedictio et ultimum Evangelium sancti Ioannis hodie omittuntur; celebrans autem et ministri sacri deponunt manipulum, celebrans vero etiam planetam, et accipit pluviale albi coloris.*

37. *In Missis lectis, quæ ab Ordinario loci celebrari permittuntur, Missa terminatur more solito.*

DE SOLEMNI TRANSLATIONE AC REPOSITIONE SACRAMENTI ET DE ALTARIUM DENUDATIONE

1. *Missa expleta, statim proceditur ad solemnem translationem et repositionem Sacramenti, quod ad communionem sequenti die faciendam in pyxide asservatur.*

2. *Pro solemni Sacramenti repositione paretur locus aptus in aliquo sacello vel altari ecclesiæ, ac decenter, quoad fieri potest, ornatur velis et luminaribus; atque, servatis Sacræ Rituum Congregationis decretis de vitandis vel tollendis abusibus in hoc loco parando, plane commendatur severitas, quæ liturgiæ horum dierum convenit.*

3. *In translatione et repositione vero Sacramenti proceditur hoc modo :*

Accenduntur intorticia, et fit processio more solito.

Si haberi potest, alius subdiaconus paratus ferat crucem; secus unus ex clericis vel ministrantibus.

Celebrans, stans ante altare, imponit incensum in duobus thuribulis, absque benedictione. Deinde, in medio genuflexus, ter incensat Sacramentum.

Tunc assumit velum humerale albi coloris, et ascendens altare in medio, facta genuflexione, stans, accipit pyxidem, quam diaconus ei porrigit, et extremitatibus veli cooperit.

Deinde, de altari descendens, procedit sub baldachino, duobus acolythis, vel ministrantibus, Sacramentum continue incensantibus, usque ad locum paratum.

Ministri sacri, vel ministrantes, comitantur celebrantem, a dextris et a sinistris procedentes.

Dum fit processio, cantatur hymnus Pange, lingua, gloriósi Córporis mystérium, usque ad verba Tantum ergo; si vero opus sit, idem hymnus repetitur.

4. *Cum autem ventum fuerit ad locum paratum, celebrans, adiuvante, si opus sit, diacono, deponit pyxidem super altare, genuflectit, et incensat, thure iterum imposito; interim canitur Tantum ergo.*

Deinde diaconus, vel ipse celebrans, reponit pyxidem in tabernaculo seu capsula.

5. *Postea, omnes, genibus flexis, per aliquod temporis spatium in silentio Sacramentum*

adorant. Signo dato, celebrans et ministri sacri, et ministrantes, surgunt, iterum, genibus flexis, adorant, et revertuntur in sacristiam, ubi celebrans et ministri sacri deponunt paramenta albi coloris; deinde celebrans et diaconus assumunt stolam violaceam.

6. *Si autem plures pyxides transferendæ sint, idem celebrans (vel, si habeantur, alius sacerdos, aut diaconus, indutus superpelliceo, stola alba et velo humerali eiusdem coloris), eas transferat ad locum destinatum, antequam incipiat altarium denudationem, forma quidem simplici, scilicet comitantibus duobus acolythis, vel ministrantibus, cum cereis accensis, alioque umbellam portante.*

7. *Deinde celebrans cum ministris, seu ministrantibus, exeunt ante altare maius; facta eidem reverentia, stantes, incipiunt denudationem altarium, hoc modo :*

Celebrans dicit clara voce sequentem antiphonam:

Psalmus 21, 19 *Dívidunt sibi vestiménta mea, et de veste mea mittunt sortem, addens initium eiusdem psalmi : Deus meus, Deus meus, quare me dereliquísti?*

Clerici, si adsunt, proseguuntur recitationem huius psalmi, usque dum altarium denudatio peracta sit; alioquin celebrans dicat antiphonam et primum tantum versum psalmi ante denudationem altaris maioris.

Celebrans vero cum ministris sacris, vel ministrantibus, denudat omnia altaria ecclesiæ, excepto illo in quo Sacramentum solemniter adoratur.

Altaribus denudatis, redeunt ad altare maius, et repetita a celebrante antiphona Dívidunt, revertuntur in sacristiam.

8. *Mox in choro dicitur Completorium, candelis extinctis et absque cantu.*

9. *Ad locum autem repositionis sanctissimæ Eucharistiæ fit publica adoratio, inde ab expleta Missa in Cena Domini instituenda, et protrahenda saltem usque ad mediam noctem.*



FERIA SEXTA IN PASSIONE ET MORTE DOMINI

I classis

DE SOLEMNI ACTIONE LITURGICA POSTMERIDIANA IN PASSIONE ET MORTE DOMINI

Statio ad S. Crucem in Ierusalem

¶ Solemnis Actio liturgica celebranda est horis postmeridianis, et quidem circa horam tertiam; si vero ratio pastoralis id suadeat, inchoari potest inde a meridie, vel tardiori hora, non autem ultra horam nonam serotinam.

Hoc die sacra Communio fidelibus distribui potest unice inter solemnem Actionem liturgicam postmeridianam, exceptis iis, qui in periculo mortis sunt constituti.

1. Altare omnino nudum sit : sine cruce, sine candelabris, sine tobaleis.

2. Solemnis Actio liturgica postmeridiana huius feriæ, ubi deest copia clericorum et sacerdotum, peragitur a celebrante cum assistentia ministrantium, ut suis locis notabitur; ubi vero clerici adsint, maxime convenit, ut in choro Actioni liturgicæ assistant.

3. Itaque, unusquisque suis choralibus vestimentis induitur; celebrans et diaconus, amictu, alba et cingulo induti, sumunt stolam nigram; subdiaconus accipit amictum, albam et cingulum.

DE PRIMA PARTE ACTIONIS LITURGICÆ SEU DE LECTIONIBUS

4. Omnibus sic paratis, incipit processio per ecclesiam ad altare, sub silentio.

5. Clerici, ministri, seu ministrantes, et celebrans, cum ad altare pervenerint, eidem altari reverentiam faciunt: deinde, celebrans et ministri sacri, non vero ministrantes, in faciem procumbunt, reliqui vero adeunt scamna in choro, ibique manent, genibus

flexis et profunde inclinati : omnesque in silentio aliquamdiu orant.

6. Signo dato, omnes se erigunt, sed genuflexi manent; solus celebrans, stans ante gradus altaris, dicit, manibus iunctis et in tono feriali, sequentem orationem :

Oratio

Deus, qui peccati veteris hereditariam mortem, in qua posteritatis genus omne successerat, Christi tui, Domini nostri, passione solvisti : da, ut, conformes eidem facti; sicut imaginem terreni, naturae necessitate portavimus, ita imaginem caelestis, gratiae sanctificatione portemus. Per eundem Christum Dominum nostrum.

Omnes respondent : Amen.

7. Oratione completa, celebrans et ministri, seu ministrantes, ad sedilia pergunt. Interim ponitur legile nudum in medio presbyterii, et lector incipit primam lectionem, omnibus sedentibus et auscultantibus. Incipitur vero sine titulo, ac clauditur absque Deo gratias.

7a. Deficiente lectore, ipse celebrans, stans in loco suo, legit lectionem.

Lectio prima

Os. 6, 1-6

Haec dicit Dominus: In tribulatione sua mane consurgens ad me: Venite, et revertamur ad Dominum: quia ipse cepit, et sanabit nos: percutiet, et curabit nos. Vivificabit nos post duos dies: in die tertia suscitabit nos, et vivemus in conspectu eius: Sciemus, sequemurque, ut cognoscamus Dominum: quasi diluculum prae paratus est egressus eius, et veniet quasi imber nobis temporaneus, et serotinus terrae. Quid faciam tibi, Ephraim? Quid faciam tibi, Iuda? misericordia vestra quasi nubes matutina: et quasi ros mane pertransiens. Propter hoc dolavi in prophetis, occidi eos in verbis oris mei: et iudicia tua quasi

lux egredientur. Quia misericordiam volui, et non sacrificium, et scientiam Dei, plus quam holocausta.

Sequitur responsorium, a schola cantandum, vel a clero assistente recitandum.

Responsorium

Habacuc 3, 2-3

Domine, audivi auditum tuum, et timui: consideravi opera tua, et expavi. **V.** In medio duorum animalium innotesceris: dum appropinquaverint anni, cognosceris: dum advenerit tempus, ostenderis. **V.** In eo, dum conturbata fuerit anima mea: in ira, misericordiae memoreris. **V.** Deus a Libano veniet, et Sanctus de monte umbroso, et condenso. **V.** Operuit caelos maiestas eius: et laudis eius plena est terra.

8. Responsorio absoluto, omnes surgunt; celebrans, stans ad sedile, dicit Orémus, diaconus Flectamus genua, et omnes, flexis genibus, per aliquod temporis spatium in silentio orant; dicto a diacono Leváte, omnes surgunt, et celebrans, manibus iunctis ac in tono feriali, dicit orationem.

8a. Celebrans, manens in loco suo, dicit Orémus, Flectamus genua, et brevi interposita precatione, flexis genibus et in silentio, dicit Leváte; deinde surgit, et, manibus iunctis ac in tono feriali, dicit orationem.

Orémus. Flectamus genua.
Leváte.

Oratio

Deus, a quo et Iudas reatus sui poenam, et confessionis suae latro praemium sumpsit, concede nobis tuae propitiationis effectum: ut, sicut in passione sua Iesus Christus, Dominus noster, diversa utrisque intulit stipendia meritorum; ita nobis, ablato vetustatis errore, resurrectionis suae gratiam largiatur: Qui tecum vivit.

9. Oratione expleta, sequitur altera lectio, a subdiacono dicenda ad legile, item sine titulo, et sine Deo grátias in fine. Celebrans ceterique omnes, sedentes, auscultant.

9a. *Lectionem legat lector ad legile; secus vero ipse celebrans, stans in loco suo.*

Lectio altera

Ex 12, 1-11

In diébus illis: Dixit Dóminus ad Móysen et Aaron in terra Ægýpti: "Mensis iste, vobis princípium ménsium: primus erit in ménsibus anni. Loquimini ad univérsum coetum filiórum Israél, et dicite eis: Décima die mensis huius tollat unusquisque agnum per familias et domos suas. Sin autem minor est númerus, ut sufficere possit ad vescéndum agnum, assúmet vicínus suum, qui iunctus est dómui suæ, iuxta númerum animárum, quæ sufficere possunt ad esum agni. Erit autem agnus absque mácula, másculus, annículus: iuxta quem ritum tollétis et hædum. Et servábitis eum usque ad quartam décimam diem mensis huius: immolabítque eum univérsa multitúdo filiórum Israél ad vésperam. Et sument de ságuine eius, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázymos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni: caput cum pédibus eius, et intestínis vorábitis. Nec remanébit quidquam ex eo usque mane. Si quid resíduum fúerit, igne comburétis. Sic autem comedétis illum: Renes vestros accingétis, et calceaménta habébitis in pédibus, tenéntes báculos in mánibus, et comedétis festinánter: est enim Phase, id est tránsitus Dómini."

Sequitur responsorium, a schola cantandum, vel a clero assistente recitandum.

Responsorium Ps. 139, 2-10 et 14

Eripe me, Dómine, ab hómine malo: a viro iníquo libera me. *V.* Qui cogitavérunt malítias in corde: tota die constituébant próelia. *V.* Acuérunt linguas suas sicut serpéntes: venénus áspidum sub lábiis eórum. *V.* Custódi me, Dómine, de manu peccatóris: et ab homínibus iníquis libera me. *V.* Qui cogitavérunt supplantáre gressus meos: abscondérunt supérbi láqueum mihi. *V.* Et funes extendérunt in láqueum pédibus meis: iuxta iter scándalum posuérunt mihi. *V.* Dixi Dómino: Deus meus es tu: exáudi, Dómine, vocem oratiónis meæ. *V.* Dómine, Dómine, virtus salútis meæ: obúmbra caput meum in die belli. *V.* Ne tradas me a desidério meo peccatóri: cogitavérunt advérsus me: ne derelínquas me, ne umquam exalténtur. *V.* Caput circúitus eórum: labor labiórum ipsórum opériet eos. *V.* Verúmtamen iusti confitebúntur nómini tuo: et habitábunt recti cum vultu tuo.

10. *Absoluta altera lectione cum suo responsorio, ponuntur in latere evangelii, in plano presbyterii, legilia nuda, et proceditur ad cantum vel lectionem historiæ passionis Domini secundum Ioannem, hoc modo: cantatur vel legitur a ministris, saltem in ordine diaconatus constitutis, qui, comitantibus duobus acolythis, vel ministrantibus, absque luminaribus, et absque incenso, facta altari reverentia, ante celebrantem sistunt; super eos, profunde inclinatos, celebrans media voce dicit:*

Dóminus sit in córdibus vestris, et in lábiis vestris. **Ipsi vero, erigentes se, respondent: Amen.**

Tunc, iterum facta altari reverentia, procedunt ad latus evangelii, ibique, super nudum legile, incipiunt cantare vel legere historiam passionis Domini, omnibus auscultantibus.

10a. *Historiam passionis Domini legit vel cantat celebrans, clara et distincta voce. Antequam inci-*

piat, dicit, in medio presbyterii, profunde inclinatus, secreto:

Dóminus sit in corde meo, et in lábiis meis. Amen.

Tunc, facta altari reverentia, vadit ad latus evangelii, ibique, super nudum legile, incipit legere vel cantare historiam passionis Domini.

11. Evangelium Passionis et Mortis Domini secundum Ioannem. 18, 1-40; 19, 1-42.

Pássio Dómini nostri Iesu Christi
secúndum Ioánnem

In illo témpore: Egréssus est Iesus cum discipulis suis trans torrén-tem Cedron, ubi erat hortus, in quem introívit ipse, et discipuli eius. Sciébat autem et Iudas, qui tradébat eum, locum: quia frequénter Iesus convénérat illuc cum discipulis suis. Iudas ergo cum accepisset cohórtem, et a pontíficibus et phari-sæis minístros, venit illuc cum latér-nis, et fácibus, et armis. Iesus itaque sciens ómnia, quæ ventúra erant super eum, procéssit, et dixit eis: ✠ Quem quæritis? **C.** Respondérunt ei: **S.** Iesum Nazarénium. **C.** Dicit eis Iesus: ✠ Ego sum. **C.** Stabat autem et Iudas, qui tradébat eum, cum ipsis. Ut ergo dixit eis: Ego sum: abiérunt retrórsum, et cecidérunt in terram. Iterum ergo interrogávit eos: ✠ Quem quæritis? **C.** Illi autem dixerunt: **S.** Iesum Nazarénium. **C.** Respóndit Iesus: ✠ Dixi vobis, quia ego sum: si ergo me quæritis, sínite hos abíre. **C.** Ut implerétur sermo, quem dixit: Quia quos dedísti mihi, non pérdidi ex eis quemquam.

Simon ergo Petrus habens gládium edúxit eum: et percússit pon-tíficis servum: et abscídit aurículam eius dexteram. Erat autem nomen servo Malchus. Dixit ergo Iesus Petro: ✠ Mitte gládium tuum in vagínam. Cálicem, quem dedit mihi Pater, non bibam illum? **C.** Cohors

ergo, et tribúnus, et minístri Iudæó-rum comprehendérunt Iesum, et ligavérunt eum.

Et adduxérunt eum ad Annam primum, erat enim socer Cáiphæ, qui erat póntifex anni illíus. Erat autem Cáiphás, qui consílium déde-rat Iudæis: Quia éxpedit, unum hó-minem mori pro pópulo. Sequebá-tur autem Iesum Simon Petrus, et álius discípulus. Discípulus autem ille erat notus pontífici, et introívit cum Iesu in átrium pontíficis.

Petrus autem stabat ad óstium fo-ris. Exívit ergo discípulus álius, qui erat notus pontífici, et dixit ostiáriæ: et introdúxit Petrum. Di-cit ergo Petro ancílla ostiária: **S.** Numquid et tu ex discipulis es hó-minis istíus? **C.** Dicit ille: **S.** Non sum. **C.** Stabant autem servi et miní-stri ad prunas, quia frigus erat, et calefaciébant se: erat autem cum eis et Petrus stans, et calefáciens se.

Póntifex ergo interrogávit Iesum de discipulis suis, et de doctrína eius. Respóndit ei Iesus: ✠ Ego pa-lam locútus sum mundo: ego sem-per dócui in synagóga, et in templo, quo omnes Iudæi convéniunt: et in occúlto locútus sum nihil. Quid me intérogas? intéroga eos, qui au-diérunt quid locútus sim ipsis: ecce hi sciunt quæ díxerim ego. **C.** Hæc autem cum dixisset, unus assístens ministrórum dedit álapam Iesu, di-cens: **S.** Sic respóndes pontífici? **C.** Respóndit ei Iesus: ✠ Si male locú-tus sum, testimónium pérhibe de malo: si autem bene, quid me cædis?

C. Et misit eum Annas ligátum ad Cáipham pontíficem. Erat autem Si-mon Petrus stans et calefáciens se. Dixerunt ergo ei: **S.** Numquid et tu ex discipulis eius es? **C.** Negávit ille, et dixit: **S.** Non sum. **C.** Dicit ei unus ex servis pontíficis, cognátus eius,

cuius abscídit Petrus aurículam: **S.** Nonne ego te vidi in horto cum illo? **C.** Iterum ergo negávit Petrus: et statim gallus cantávit.

Addúcunt ergo Iesum a Cáipha in prætórium. Erat autem mane: et ipsi non introiérunt in prætórium, ut non contaminaréntur, sed ut manducárent pascha. Exívit ergo Pilátus ad eos foras, et dixit: **S.** Quam accusationem affértis advérsus hóminem hunc? **C.** Respondérunt et dixerunt ei: **S.** Si non esset hic malefáctor, non tibi tradidissémus eum. **C.** Dixit ergo eis Pilátus: **S.** Accípите eum vos, et secúndum legem vestram iudicáte eum. **C.** Dixerunt ergo ei Iudæi: **S.** Nobis non licet interficere quemquam. **C.** Ut sermo Iesu implerétur, quem dixit, significans qua morte esset moritúrus.

Introívit ergo iterum in prætórium Pilátus, et vocávit Iesum, et dixit ei: **S.** Tu es Rex Iudæórum? **C.** Respóndit Iesus: ✠ A temetípso hoc dicis, an álíi dixerunt tibi de me? **C.** Respóndit Pilátus: **S.** Numquid ego Iudæus sum? Gens tua et pontífices tradidérunt te mihi: quid fecísti? **C.** Respóndit Iesus: ✠ Regnum meum non est de hoc mundo. Si ex hoc mundo esset regnum meum, minístri mei útique decertárent ut non tráderer Iudæis: nunc autem regnum meum non est hinc. **C.** Dixit itaque ei Pilátus: **S.** Ergo Rex es tu? Respóndit Iesus: ✠ Tu dicis quia Rex sum ego. Ego in hoc natus sum, et ad hoc veni in mundum, ut testimónium perhíbeam veritáti: omnis qui est ex veritáte, audit vocem meam. **C.** Dicit ei Pilátus: **S.** Quid est veritas? **C.** Et cum hoc dixisset, iterum exívit ad Iudæos, et dicit eis: **S.** Ego nullam invénio in eo causam. Est autem con-

suetúdo vobis ut unum dimíttam vobis in Pascha: vultis ergo dimíttam vobis Regem Iudæórum? **C.** Clamavérunt ergo rursus omnes, dicéntes: **S.** Non hunc, sed Barábbam. **C.** Erat autem Barábbas latro.

Tunc ergo apprehéndit Pilátus Iesum, et flagellávit. Et mílites plecténtes corónam de spinis, imposuérunt cápiti eius: et veste purpúrea circumdedérunt eum. Et veniébant ad eum, et dicébant: **S.** Ave, Rex Iudæórum. **C.** Et dabant ei álapas.

Exívit ergo iterum Pilátus foras, et dicit eis: **S.** Ecce addúco vobis eum foras, ut cognoscátis, quia nullam invénio in eo causam. **C.** (Exívit ergo Iesus portans corónam spineam et purpúreum vestiméntum). Et dicit eis: **S.** Ecce homo. **C.** Cum ergo vidissent eum pontífices et minístri, clamábant, dicéntes: **S.** Crucifíge, crucifíge eum. **C.** Dicit eis Pilátus: **S.** Accípите eum vos, et crucifigite: ego enim non invénio in eo causam. **C.** Respondérunt ei Iudæi: **S.** Nos legem habémus, et secúndum legem debet mori, quia Fílium Dei se fecit. **C.** Cum ergo audísset Pilátus hunc sermónem, magis tímuit.

Et ingressus est prætórium iterum: et dicit ad Iesum: **S.** Unde es tu? **C.** Iesus autem respónsum non dedit ei. Dicit ergo ei Pilátus: **S.** Mihi non lóqueris? nescis quia potestátem hábeo crucifigere te, et potestátem hábeo dimíttre te? **C.** Respóndit Iesus: ✠ Non habéres potestátem advérsus me ullam, nisi tibi datum esset désuper. Proptérea, qui me trádidit tibi, maius peccátum habet. **C.** Et exínde quærébat Pilátus dimíttre eum. Iudæi autem clamábant dicéntes: **S.** Si hunc dimíttis, non es amícus Cæsarís. Omnis enim, qui se regem

facit, contradícit Cæsari. **C.** Pilátus autem cum audísset hos sermónes, addúxit foras Iesum, et sedit pro tribunáli, in loco, qui dicitur Lithóstrotos, hebráice autem Gábbatha. Erat autem Parascéve Paschæ, hora quasi sexta, et dicit Iudæis: **S.** Ecce Rex vester. **C.** Illi autem clamábant: **S.** Tolle, tolle, crucifige eum. **C.** Dicit eis Pilátus: **S.** Regem vestrum crucifigam? **C.** Respondérunt pontífices: **S.** Non habémus regem, nisi Cæsarem. **C.** Tunc ergo trádidit eis illum ut crucifigerétur.

Suscepérunt autem Iesum, et eduxérunt. Et báiulans sibi crucem, exívit in eum, qui dicitur Calváriæ, locum, hebráice autem Gólgotha: ubi crucifixérunt eum, et cum eo álios duos, hinc et hinc, médium autem Iesum.

Scrípsit autem et título Pilátus: et pósuit super crucem. Erat autem scriptum: Iesus Nazarénus, Rex Iudæórum. Hunc ergo título multi Iudæórum legérunt, quia prope civitátem erat locus, ubi crucifíxus est Iesus. Et erat scriptum hebráice, græce et latíne. Dicébant ergo Piláto pontífices Iudæórum: **S.** Noli scríbere, Rex Iudæórum, sed quia ipse dixit: Rex sum Iudæórum. **C.** Respóndit Pilátus: **S.** Quod scripsi, scripsi.

C. Míletes ergo cum crucifixíssent eum, accepérunt vestiménta eius et fecérunt quátuor partes: unicuíque míliti partem, et túnica. Erat autem túnica inconsútilis, désuper contéxta per totum. Dixérunt ergo ad invicem: **S.** Non scindámus eam, sed sortiámur de illa cuius sit. **C.** Ut Scriptúra implerétur, dicens: Partíti sunt vestiménta mea sibi: et in vestem meam misérunt sortem. Et míletes quidem hæc fecérunt.

Stabant autem iuxta crucem Iesu, mater eius, et soror matris eius María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: **✠** Múlier, ecce fílius tuus. **C.** Deínde dicit discípulo: **✠** Ecce mater tua. **C.** Et ex illa hora accépit eam discípulus in sua.

Póstea sciens Iesus quia ómnia consummáta sunt, ut consummarétur Scriptúra, dixit: **✠** Sítio. **C.** Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulé-runt ori eius. Cum ergo accepísset Iesus acétum, dixit: **✠** Consummátum est. **C.** Et inclináto cápite trádidit spíritum. **Hic genuflectitur, et pausatur aliquantulum.**

Iudæi ergo, quóniam Parascéve erat, ut non remanérent in cruce córpora sábbato, erat enim magnus dies ille sábbati, rogavérunt Pilátum, ut frangeréntur eórum crura, et tolleréntur. Venérunt ergo míletes: et primí quidem fregérunt crura, et altérius, qui crucifíxus est cum eo. Ad Iesum autem cum venís-sent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et continuo exívit sanguis et aqua. Et qui vidit, testimónium perhíbuit: et verum est testimónium eius. Et ille scit, quia vera dicit: ut et vos credátis. Facta sunt enim hæc, ut Scriptúra implerétur: Os non minuétis ex eo. Et iterum ália Scriptúra dicit: Vidébunt in quem transfixérunt.

Post hæc autem rogávit Pilátum Ioseph ab Arimathæa, eo quod esset discípulus Iesu, occúltus autem

propter metum Iudæórum, ut tóleret corpus Iesu. Et permísit Pilátus. Venit ergo, et tulit corpus Iesu. Venit autem et Nicodémus, qui vénerat ad Iesum nocte primum, ferens mixtúram myrrhæ et áloës, quasi libras centum. Accepérunt ergo corpus Iesu, et ligavérunt illud

líntheis cum aromátibus, sicut mos est Iudæis sepelíre. Erat autem in loco, ubi crucifíxus est, hortus: et in horto monuméntum novum, in quo nondum quisquam pósitus erat. Ibi ergo propter Parascéven Iudæórum, quia iuxta erat monuméntum, posuérunt Iesum.

DE SECUNDA PARTE ACTIONIS LITURGICÆ, SEU DE ORATIONIBUS SOLEMNIBUS, QUÆ ETIAM "ORATIO FIDELIUM" DICUNTUR

12. Cantu vel lectione historiæ passionis Domini absoluto, celebrans assumit pluviale nigri coloris; diaconus et subdiaconus induunt dalmaticam vel tunicellam eiusdem coloris.

Interim vero duo acolythi, vel ministrantes, unam tantum tobaleam super altare extendunt, locantes librum in medio.


Tunc celebrans, comitantibus ministris, vel ministrantibus, accedit ad altare, quod, ascendens, osculatur in medio, et stans ibidem, ante se habens librum, incipit orationes solemnes, ministris sacris hinc inde adstantibus.

13. Dicuntur autem hoc ordine :


Præcedit celebrantis præfatio, qua intentio specialis indicatur, et cantatur tono peculiari infra notato, manibus iunctis: deinde celebrans dicit Orémus, diaconus Flectámus génua, et omnes, flexis genibus, per aliquod temporis spatium in silentio orant; dicto a diacono Leváte, omnes surgunt, et celebrans, extensis manibus ac in tono feriali, dicit orationem.

13a. Celebrans dicit Orémus, Flectámus génua, et brevi interposita precatone, flexis genibus et in silentio, dicit Leváte, deinde surgit, et, extensis manibus ac in tono feriali, dicit orationem.

1. PRO SANCTA ECCLESIA



O-rémus, di-le-ctís-si-mi no-bis, pro Ecclé-si-a sancta De-i:




ut e-am De-us et Dó-mi-nus noster pa-ci-fi-cá-re, ad-u-ná-re



et custo-dí-re digné-tur to-to orbe ter-rá-rum: subií-ci-ens



e-i prin-ci-pá-tus, et po-te-stá-tes: detque no-bis qui-é-tam et




tranquíl-lam vi-tam de-gén-ti-bus, glo-ri-fi-cá-re De-um Pa-trem
 omni-po-téntem. O-rémus. **F**le-ctámus gé-nu-a. Le-vá-te.

Omnípotens sempitérne Deus,
 qui glóriam tuam ómnibus in
 Christo géntibus revelásti: custódi
 ópera misericórdiæ tuæ; ut Ecclé-

sia tua, toto orbe diffúsa, stábili
 fide in confessióne tui nóminis per-
 sevéret. Per eúndem Dóminum.
Omnes R. Amen.

2. PRO SUMMO PONTIFICE




O-rémus et pro be-a-tís-simo Pa-pa nostro **N...** ut De-us et
 Dó-mi-nus noster, qui e-lé-git e-um in ór-di-ne e-pis-co-pá-tus,
 salvum atque incó-lumem custó-di-at Ecclé-si-æ su-æ sanctæ,
 ad re-géndum pó-pu-lum sanctum De-i. O-rémus. **F**le-ctámus
 gé-nu-a. Le-vá-te.

Omnípotens sempitérne Deus,
 cuius iudício univérsa fundán-
 tur: réspice propítius ad preces no-
 stras, et eléctum nobis Antístitem
 tua pietáte consérva; ut christiána


plebs, quæ te gubernáture auctóre,
 sub tanto pontífice, credulitátis suæ
 méritis augeátur. Per Dóminum
 nostrum.

Omnes R. Amen.

3. PRO OMNIBUS ORDINIBUS GRADIBUSQUE FIDELIUM



O-rémus et pro ómni-bus E-písco-pis, Presbý-te-ris, Di-a-có-ni-bus,



Subdi-a-có-ni-bus, A-có-lythis, Ex-or-cí-stis, Le-ctó-ri-bus, Osti-á-



ri-is, Confessó-ri-bus, Vir-gí-ni-bus, Ví-du-is: et pro omni




pó-pu-lo sancto De-i. O-rémus. **F**le-ctámus gé-nu-a. Le-vá-te.

Omnípotens sempitérne Deus, cuius spíritu totum corpus Ecclésiæ sanctificátur et régitur: exáudi nos pro univérsis ordínibus

supplicántes: ut grátiae tuæ múnere ab ómnibus tibi grádibus fidé-liter serviátur. Per Dóminum . . in unitáte eiúsdem. **Omnes R.** Amen.


4. PRO RES PUBLICAS MODERANTIBUS



O-rémus et pro ómni-bus res pú-bli-cas mo-de-rán-ti-bus, e-o-



rúmque mi-ni-sté-ri-is et pot-e-stá-ti-bus : ut De-us et Dómi-nus



no-ster mentes et corda e-ó-rum se-cúndum vo-luntá-tem su-am



dí-ri-gat ad nostram perpé-tu-am pa-cem. O-rémus. **Fle-ctámus**




gé-nu- a. Le-vá-te.

Omnípotens sempitérne Deus, in cuius manu sunt ómnium potestátes et ómnium iura populó-rum : réspice benígnus ad eos, qui nos in potestáte regunt; ut ubique

terrárum, délixtera tua protegénte, et religiónis intégritas, et pátriæ secúritas indesinénter consístat. Per Dóminum.

Omnes R. Amen.


5. PRO CATECHUMENIS




O-rémus et pro ca-techúme-nis nostris: ut De-us et Dómi-nus



noster ad-a-pé-ri-at aures præ-cordi-ó-rum ipsó-rum, ja-nu-




ámque mi-se-ri-córdi-æ; ut per la-vácrum re-ge-ne-ra-ti-ó-nis



accé-pta re-mis-si-ó-ne ómni-um pecca-tó-rum, et ip-si inve-



ni-ántur in Chri-sto Ie-su Dómi-no nostro. O-rémus. **F**le-ctámus




gé-nu- a. Le-vá-te.

Omnípotens sempitérne Deus,
qui Ecclésiám tuam nova sem-
per prole fecúndas: auge fidem et
intelléctum catechúmenis nostris:

ut, renáti fonte baptísmatis, adop-
tiónis tuæ filiis aggregéntur. Per
Dóminum.

Omnes R. Amen.

6. PRO FIDELIUM NECESSITATIBUS




O-rémus, di-le-ctis-si-mi no-bis, De- um Pa-trem omni-po-téntem,



ut cunctis mundum purget er-ró-ri-bus: morbos áu-fe-rat:




famem de-pél-lat: a-pé-ri-at cárce-res: vincu-la dissól-vat:



pe-re-gri-nán-ti-bus réd-i-tum: in-firmán-ti-bus sa-ni-tá-tem:



na-vi-gán-ti-bus por-tum sa-lú-tis indúlge-at. O-rémus. **F**le-ctámus



gé-nu- a. Le-vá-te.


Omnípotens sempitérne Deus, mæstórum consolátio, laborántium fortitúdo: pervéniant ad te preces de quacúmque tribulati-

óne clamántium; ut omnes sibi in necessitatibus suis misericórdiam tuam gáudeant affuísse. Per Dóminum. **Omnes R̃.** Amen.

7. PRO UNITATE ECCLESIAE



O-rémus et pro hæ-ré-ti-cis, et schismá-ti-cis: ut De-us et Dómi-



nus noster é-ru-at e-os ab er-ró-ri-bus u-ni-vér-sis; et ad



sanctam ma-trem Ecclé-si-am Cathó-li-cam, atque A-po-stó-li-cam



re-vo-cá-re digné-tur. O-rémus. **F**le-ctá-mus gé-nu-a. Le-vá-te.

Omnípotens sempitérne Deus, qui salvas omnes, et néminem vis períre: réspice ad ánimas diabólica fraude decéptas; ut omni hæ-

rética pravitate depósita, errántium corda resipíscant, et ad veritátis tuæ rédeant unitátem. Per Dóminum. **Omnes R̃.** Amen.


8. PRO CONVERSIONE IUDÆORUM



O-rémus et pro Iudæ-is: ut De-us et Dó-mi-nus noster



áu-fe-rat ve-lámen de córdi-bus e-ó-rum; ut et i-psi agnóscant



Ie-sum Chri-stum Dó-mi-num nostrum.



O-rémus. **F**le-ctámus gé-nu- a. Le-vá-te.

Omnípotens sempitérne Deus, qui Iudæos étiam a tua miseri-córdia non repéllis: exáudi preces nostras, quas pro illíus pópuli ob-

cæcaciónē deférimus; ut, ágnita veritátis tuæ luce, quæ Christus est, a suis ténebris eruántur. Per eúndem Dóminum. **Omnes R.** Amen.

9. PRO CONVERSIONE INFIDELIUM



O-rémus et pro pa-gá-nis: ut De-us omní-po-tens áufe-rat




i-niqui-tá-tem a córdi-bus e- ó-rum; ut re-li-ctis i-dó- lis su- is,



conver-tántur ad De-um vi-vum et ve-rum, et ú-ni-cum Fí-li- um



e-ius Ie-sum Chri-stum De-um et Dó-mi-num nostrum. O-rémus.



Fle-ctámus gé-nu- a. Le-vá-te.

Omnípotens sempitérne Deus, qui non mortem peccatórum, sed vitam semper inquíris: súscipe propítius oratió-nem nostram, et

líbera eos ab idolórum cultúra; et ággrega Ecclésiæ tuæ sanctæ, ad laudem, et glóriam nóminis tui. Per Dóminum. **Omnes R.** Amen.

DE TERTIA PARTE ACTIONIS LITURGICÆ SEU DE SOLEMNI SANCTÆ CRUCIS ADORATIONE

14. Orationibus solemnibus completis, celebrans et ministri redeunt ad sedilia, ubi celebrans deponit pluviale, ministri dalmaticam vel tunicellam; et datur initium solemnī adorationi sanctæ Crucis.

Adhibeatur Crux satis magna, cum Crucifixo, velo violaceo oblecto, quod facile removeri possit.

15. Primum portatur sancta Crux e sacristia in medium presbyterii, omnibus stantibus. Portatur autem hoc modo:

Celebrans et subdiaconus manent ad sedilia stantes: diaconus cum acolythis *seu ministrantibus*, adit sacristiam, ex qua processionaliter affert Crucem ad ecclesiam: præcedunt acolythi, *seu ministrantes*, sequitur diaconus cum Cruce, medius inter alios duos acolythos, *seu ministrantes*, candelabra accensa gestantes.

Cum presbyterium ingressi fuerint, celebrans et subdiaconus ipsis obviam veniunt, et in medio, ante altare, celebrans Crucem e manibus diaconi accipit.

15a. Celebrans cum ministrantibus sacristiam adit, indeque, ut supra, portat Crucem ante altare.

16. Tum proceditur ad detectionem sanctæ Crucis, hoc modo:

Celebrans, accedens ad latus epistolæ, ibique, stans in plano, versa facie ad populum, Crucem a summitate parum detegit. Deinde solus incipit antiphonam **Ecce lignum Crucis**, ac deinceps iuvatur in cantu a ministris sacris, usque ad **Venite, adorémus**, quod cantatur a schola, comitantibus omnibus adstantibus.

Cantu finito, omnes in genua se prosternunt, celebrante excepto, et parvò momento in silentio adorant.

Deinde celebrans ascendit altare in latere epistolæ, et detegit brachium dextrum Crucifixi; tunc elevans Crucem paulisper, adiuvantibus, si opus sit, ministris sacris, altius quam primo, cantat iterum **Ecce lignum Crucis**, aliis prosequentibus, et, post cantum, procumbentibus, ut supra.

Denique celebrans procedit ad medium altaris, et detegit Crucem totaliter, ac elevans eam, tertio altius incipit **Ecce lignum Crucis**, aliis, ut supra, prosequentibus, et post cantum adorantibus. Duo autem acolythi, *seu ministrantes*, cum candelabris accensis comitantur Crucem, a dextris et a sinistris celebrantis.

16a. Celebrans, in detegenda sancta Cruce, adiuvatur a ministrantibus; antiphonam vero **Ecce lignum Crucis**, usque ad **Venite, adorémus**, cantat solus.

ANTIPHONA AD DETEGENDAM S. CRUCEM

Ecce li- gnum Cru- cis, in quo sa- lus mun- di

pe- pén- dit.

Omnes Veni- te, ad- o-ré- mus.

17. Post detectionem Crucis sequitur eiusdem sollemnis adoratio; hoc modo: Crux, postquam detecta fuerit, traditur a celebrante duobus acolythis, *vel ministrantibus*, qui stantes in suppedaneo, ante medium altaris, et facie ad populum versa, eam hinc inde ita per brachia sustentant, ut pes Crucis super suppedaneum consistat. Alii vero duo acolythi, *vel ministrantes*, qui candelabra accensa gestabant, eisdem candelabris a dextris et a sinistris Crucis super suppedaneum collocatis, genuflexi manent in lateribus suppedanei, in superiore gradu, facie versus Crucem.

Tunc incipit adoratio sanctæ Crucis, ordine sequenti: primus accedit solus celebrans; deinde ministri, postea clerus, demum ministrantes. Hi omnes, si commode fieri possit, prius calceamenta deponunt, et, unus post alium, accedentes ad Crucem, simplici genuflexione ter repetita, pedes Crucifixi osculantur.

18. Sancta Crux, adoratione ex parte celebrantis, ministrorum, cleri ac ministrantium peracta, a duobus acolythis, *seu ministrantibus*, comitantibus aliis duobus acolythis, *seu ministrantibus*, cum candelabris accensis, defertur ad cancellos et ibidem sustentatur eodem modo, ut supra, ita ut fideles, ante Cru-

cem quasi processionaliter transeuntes, primum viri, deinde mulieres, pedes Crucifixi devote deosculari possint, præmissa simplici genuflexione.

Si parochus aut rector ecclesiæ prævideat, adorationem sanctæ Crucis, prout supra præscribitur, ob ingentem populi concursus, vix aut non sine boni ordinis et devotionis detrimento peragi posse, tunc cæremonia hoc modo peragitur: celebrans, postquam clerus, si adsit, et ministrantes adorationem expleverint, sanctam Crucem e manibus ministrantium sumat et, in summitate gradum altaris consistens, paucis verbis populum ad sanctæ Crucis adorationem invitet eamque altius elevatam teneat, per breve tempus a fidelibus in silentio adorandam.

19. Dum autem sanctæ Crucis adoratio peragitur, cantantur a schola, in duos choros divisa, sic dicta Improperia, et alia quæ sequuntur; celebrans, ministri sacri, et ministrantes, ceterique omnes, qui adorationem sanctæ Crucis peregerunt, sedentes auscultant.

Cantus vero eousque producit, prout adorantium numerus requirit. Concluditur tamen semper cum doxologia: Sempiterna sit beætæ Trinitati glória, ut infra p. 180.

IMPROPERIA

Partes quæ ad singulos choros spectant, indicantur numeris 1 (chorus primus), et 2 (chorus secundus); quæ autem ab utroque choro simul cantanda sunt, indicantur hoc modo: 1 et 2.

I

1 et 2 Pópule meus, quid feci tibi? Aut in quo contristávi te? Respónde mihi! *Y.* Quia edúxi te de terra Ægypti: parásti Crucem Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2 Sanctus Immortális, miserére nobis.

1 et 2 Quia edúxi te per desértum quadragínta annis, et manna cibávi te, et introdúxi te in terram satis bonam: parásti Crucem Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2 Sanctus Immortális, miserére nobis.

1 et 2 Quid ultra débui fácere tibi, et non feci? Ego quidem plantávi te vineam eléctam meam speciosíssimam : et tu facta es mihi nimis amára : acéto namque sitim meam potásti, et láncea perforásti latus Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2 Sanctus Immortális, miserére nobis.

II

1 Ego propter te flagellávi Ægýptum cum primogénitis suis : et tu me flagellátum tradidísti.

2 Pópule meus, quid feci tibi? Aut in quo contristávi te? Respónde mihi!

1 Ego edúxi te de Ægýpto, demérso Pharaóne in Mare rubrum : et tu me tradidísti princípibus sacerdótum.

2 Pópule meus, quid feci tibi? Aut in quo contristávi te? Respónde mihi!

1 Ego ante te apérui mare: et tu aperuísti láncea latus meum.

2 Pópule meus, quid feci tibi? Aut in quo contristávi te? Respónde mihi!

1 Ego ante te præívi in colúmna nubis : et tu me duxísti ad prætórium Piláti.

2 Pópule meus, quid feci tibi? Aut in quo contristávi te? Respónde mihi!

1 Ego te pavi manna per desértum : et tu me cecidísti álapis et flagéllis.

2 Pópule meus, quid feci tibi? Aut in quo contristávi te? Respónde mihi!

1 Ego te potávi aqua salútis de

petra : et tu me potásti felle et acéto.

2 Pópule meus, quid feci tibi? Aut in quo contristávi te? Respónde mihi!

1 Ego propter te Chananæórum reges percússi : et tu percussísti arúndine caput meum.

2 Pópule meus, quid feci tibi? Aut in quo contristávi te? Respónde mihi!

1 Ego dedi tibi sceptrum regále : et tu dedísti cápiti meo spíneam corónam.

2 Pópuli meus, quid feci tibi? Aut in quo contristávi te? Respónde mihi!

1 Ego te exaltávi magna virtúte : et tu me suspendísti in patíbulo Crucis.

2 Pópule meus, quid feci tibi? Aut in quo contristávi te? Respónde mihi!

III

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus : ecce enim propter lignum venit gáudium in univérso mundo.

1 Psalmus 66, 2 Deus misereátur nostri, et benedícat nobis.

2 Illúminet vultum suum super nos, et misereátur nostri.

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus : ecce enim propter lignum venit gáudium in univérso mundo.

IV

1 et 2 Antiphona Crux fidélis, inter omnes arbor una nóbilis;

Nulla silva talem profert, fronde, flore, gérmine.

Dulce lignum, dulces clavos, dulce pondus sústinet.

1 Hymnus Pange, lingua, gloriósi
láuream certáminis,
Et super Crucis trophæo dic triúm-
phum nóbilem :
Quáliter Redemptor orbis immolá-
tus vicerit.

2 Crux fidélis, inter omnes arbor
una nóbilis;
Nulla silva talem profert, fronde,
flore, gérmine.

1 De paréntis protoplásti fraude
Factor cóndolens,
Quando pomi noxiális in necem
morsu ruit :
Ipse lignum tunc notávit, damna
ligni ut sólveret.

2 Dulce lignum, dulces clavos,
dulce pondus sústinet.

1 Hoc opus nostræ salútis ordo de-
popóscerat:
Multifórmis proditóris ars ut ar-
tem fálleret,
Et medélam ferret inde, hostis unde
læserat.

2 Crux fidélis, inter omnes arbor
una nóbilis;
Nulla silva talem profert, fronde,
flore, gérmine.

1 Quando venit ergo sacri plenitú-
do témporis,
Missus est ab arce Patris, natus
orbis Cónditor,
Atque ventre virgináli carne amí-
ctus pródiit.

2 Dulce lignum, dulces clavos,
dulce pondus sústinet.

1 Vagit infans inter arcta cónditus
præsépia,
Membra pannis involúta Virgo Ma-
ter álligat,
Et Dei manus pedésque stricta cin-
git fáscia.

2 Crux fidélis, inter omnes arbor
una nóbilis;
Nulla silva talem profert, fronde,
flore, gérmine.

1 Lustra sex qui iam perégit, tem-
pus implens córporis,
Sponte líbera Redemptor passióni
déditus,
Agnus in Crucis levátur immolán-
dus stípitem.

2 Dulce lignum, dulces clavos,
dulce pondus sústinet.

1 Felle potus ecce languet; spina,
clavi, lancea,
Mite corpus perforárunt, unda ma-
nat et cruor;
Terra, pontus, astra, mundus quo
lavántur flúmine!

2 Crux fidélis, inter omnes arbor
una nóbilis;
Nulla silva talem profert, fronde,
flore, gérmine.

1 Flecte ramos, arbor alta, tensa
laxa víscera,
Et rigor lentéscat ille, quem dedit
natívitas,
Et supérni membra Regis tende
miti stípitem.

2 Dulce lignum, dulces clavos,
dulce pondus sústinet.

1 Sola digna tu fuísti ferre mundi
víctimam,
Atque portum præparáre arca mun-
do náufrago,
Quam sacer cruor perúnxit, fusus
Agni corpore.

2 Crux fidélis, inter omnes arbor
una nóbilis;
Nulla silva talem profert, fronde,
flore, gérmine.

Conclusio numquam omittenda:

1 Sempitérna sit beátæ Trinitáti
glória;
Æqua Patri Filióque, par decus
Paráclito;
Uníus Triníque nomen laudet uni-
vérsitas. Amen.

2 Dulce lignum, dulces clavos,
dulce pondus sústinet.

DE QUARTA PARTE ACTIONIS LITURGICÆ SEU DE COMMUNIONE

20. Adoratione Crucis expleta, ipsa Crux ab acolythis, *vel ministrantibus*, qui eam sustentaverant, comitantibus aliis duobus acolythis, *vel ministrantibus*, cum candelabris accensis, reportatur ad altare, ibique collocatur in medio, et quidem, si altaris dispositio id permittat, adeo in altum ut commode a fidelibus conspici possit, quin celebranti in cæremoniis sequentibus, super altare peragendis, incommodum præbeat. Candelabra vero accensa deponuntur super altare.

21. Postea celebrans et diaconus, dimissa stola nigri coloris, assumunt paramenta violacea, scilicet celebrans stolam et planetam, diaconus stolam et dalmaticam, subdiaconus vero tunicellam.

22. Deinde diaconus, delata bursa super altare, extendit corporale, more solito; acolythus autem, *vel ministrans*, deponit super altare vas aquæ cum purificatorio, ad abluendos et abstergendos digitos post communionem, et librum disponit in latere evangelii.

22a. *Antequam processio inchoetur, sacerdos defert et explicat corporale super altare, more solito.*

23. Rebus ita dispositis, reportatur Sacramentum e loco repositionis ad altare maius pro communionem peragenda. Portatur autem hoc modo:

Celebrans et subdiaconus, clerus et populus manent in suis locis, sub silentio.

Diaconus cum duobus acolythis, et alio clerico ad umbellam portandam, accedunt ad altare repositionis, in quo præsto sint duo candelabra cum cereis accensis, postmodum ab acolythis sumenda.

Ad altare repositionis genua flectunt; tunc diaconus extrahit sacram pyxidem e tabernaculo seu capsâ, et assumpto velo humerali albi coloris, pyxidem extremitatibus eiusdem veli cooperit et ad altare maius defert.

23a. *Omnia fiunt per ipsum celebrantem cum suis ministrantibus.*

24. Procedunt ordine quo venerunt: super Sacramentum defertur umbella; acolythi hinc inde procedentes candelabra accensa gestant, omnes in genua procumbunt. Interim schola cantat sequentes antiphonas:

1 Adorâmus te, Christe, et benedicimus tibi, quia per Crucem tuam redemisti mundum.

2 Per lignum servi facti sumus, et per sanctam Crucem liberâti su-

mus: fructus ârboris seduxit nos, Fîlius Dei redemit nos.

3 Salvâtor mundi, salva nos: qui per Crucem et Sânguinem tuum redemisti nos, auxiliâre nobis, te deprecâmur, Deus noster.

25. Cum ad altare maius pervenerint, illud ascendunt, diaconus sacram pyxidem super corporale, acolythi autem candelabra super altare deponunt. Genuflexione peracta, diaconus dimittit velum humerale et se retrahit ad latus epistolæ; acolythi vero descendunt hinc inde, et genuflectunt in infimo gradu altaris.

26. Tunc celebrans et subdiaconus accedunt ad altare, utroque genu adorant, illud ascendunt, et facta, una cum diacono, genuflexione, celebrans clara voce recitat, non cantat, præfationem orationis dominicæ **Orémus.** Præceptis salutâribus móniti.

Totum vero Pater noster, cum sit precatio ad communionem, omnes præsentés, clerici et fideles, una cum celebrante, solemniter, graviter et distincte recitant, lingua latina, addito quoque ab omnibus. **Amen.**

Celebrans, iunctis manibus, dicit solus:

Orémus. Præceptis salutâribus móniti, et divína institutione formâti, audémus dicere:

Celebrans, item iunctis manibus, et omnes præsentés prosequuntur:

Pater noster, qui es in cælis: *

Santificétur nomen tuum. *

Advéniat regnum tuum. *

Fiat volúntas tua, sicut in cælo, et in terra. *

Panem nostrum cotidiânum da nobis hódie: *

Et dimítte nobis débíta nostra, *

Sicut et nos dimíttimus debitóribus nostris. *

Et ne nos indúcas in tentatiónem, *
sed líbera nos a malo. *

Amen.

27. *Celebrans solus, clara et distincta voce atque manibus extensis, prosequitur:*

Libera nos, quæsumus, Dómine, ad ómnibus malis, præteritis, præsentibus et futúris: et intercedente beáta et gloriósa semper Vírgine Dei Genetríce María, cum beátis Apóstolis tuis Petro et Paulo, atque Andréa, et ómnibus Sanctis, **non signat se** da propítius pacem in diébus nostris: ut, ope misericórdiæ tuæ adiúti, et a peccáto simus semper líberi et ab omni perturbatióne secúri. Per eúndem Dóminum nostrum Iesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum. **Et ab omnibus respondetur: Amen.**

28. *Et continuo celebrans recitat, submissa voce, sequentem orationem, de more inclinatus, manibusque iunctis super altare positis:*

Percéptio Córporis tui, Dómine Iesu Christe, quod ego indignus súmerere præsumo, non mihi provéniat in iudícium et condemnatiónem: sed pro tua pietáte prosit mihi ad tutaméntum mentis et córporis, et ad medélam percipiéndam: Qui vivis et regnas cum Deo Patre in unitáte Spíritus Sancti Deus: per ómnia sæcula sæculórum. Amen.

29. *Tum discooperit pyxidem, et, facta genuflexione, accipit sacram particulam et, tenens illam supra pyxidem, inclinatus et pectus percutiens, ter dicit, more solito:*

Dómine, non sum dignus, ut intres sub tectum meum: sed tantum dic verbo, et sanábitur ánima mea.

30. *Postea, signans se Sacramento, adiungit submissa voce:*

Corpus Dómini nostri Iesu Christi custódiat ánimam meam in vitam ætérnam. Amen. **Et sumit Corpus reverenter, ac paululum in meditatione Sacramenti quiescit.**

31. *Et continuo diaconus facit confessionem. Tunc celebrans, facta genuflexione, conversus ad populum, manibus iunctis ante pectus, clara voce dicit:*

Misereátur vestri omnípotens Deus, et, dimíssis peccátis vestris, perdúcat vos ad vitam ætérnam. **Omnes respondent: Amen.**

Celebrans prosequitur:

Indulgéntiam, absolutiónem, ✠ et remissiónem peccatórum vestrórum tríbuat vobis omnípotens et miséricors Dóminus. **Omnes respondent: Amen.**

32. *Deinde ad altare se convertit, genuflectit, apprehendit pyxidem, et more solito conversus ad populum, in medio altaris, dicit clara voce:*

Ecce Agnus Dei, ecce qui tollit peccáta mundi. **Mox subdit:** Dómine, non sum dignus, ut intres sub tectum meum: sed tantum dic verbo, et sanábitur ánima mea; **quod iterum ac tertio repetit.**

Et procedit ad distributionem Communionis, ut supra feria V in Cena Domini, p. 162, n. 29, dictum est. Sacerdotes vero stolam violaceam deferunt.

33. *Dum sacra Communio distribuitur, canit potest psalmus 21 Deus meus, Deus meus; vel unum aliudve responsorium ex Matutino huius feriae VI.*

34. *Communione absoluta, celebrans digitos abluit in vase, ac purificatorio abstergit, nihil dicens; pyxidem vero in tabernaculo reponit.*

35. *His completis, celebrans stans in medio altaris, habens ante se librum, a dextris et a sinistris ministros sacros, dicit pro gratiarum actione, in tono feriali et manibus iunctis, tres sequentes orationes, omnibus stantibus et Amen respondentibus.*

Orémus.

Oratio prima

Super pópulum tuum, quáesumus, Dómine, qui passiónem et mortem Fílii tui devóta mente recóluit, benedíctio copiósa descéndat, indulgéntia véniat, consolátio tribuátur, fides sancta succrésca, redemptio sempitérna firmétur. Per eúndem Christum Dóminum nostrum. *R.* Amen.

Orémus.

Oratio secunda

Omnípotens et miséricors Deus, qui Christi tui beáta passióne et morte nos reparásti: consérva in nobis óperam misericórdiæ tuæ; ut, huius mystérii participatióne, perpétua devotióne vivámus. Per eúndem Christum Dóminum nostrum. *R.* Amen.

Orémus.

Oratio tertia

Reminíscere miseratiónum tuárum, Dómine, et fámulos tuos ætéRNA protectióne sanctífica, pro quibus Christus, Fílius tuus, per suum cruórem, instítuit paschále mystérium. Per eúndem Christum Dóminum nostrum. *R.* Amen.

36. *Celebrans et ministri sacri de altari descendunt et, facta genuflexione, una cum acolythis, seu ministrantibus, in sacristiam revertuntur.*

37. *In choro dicitur completorium, candelis extinctis, et absque cantu.*

38. *Tempore opportuno, sanctissima Eucharistia reportatur, forma privata, ad locum reservationis, et ibidem asservatur, lampade de more accensa. Et denudatur altare.*



SABBATO SANCTO

I classis

DE VIGILIA PASCHALI

Statio ad S. Ioannem in Laterano

DE BENEDICTIONE NOVI IGNIS

¶ Solemnis Vigilia paschalis celebranda est hora competenti, ea scilicet, quæ permittat Missam solemnem eiusdem vigiliæ incipere circa mediam noctem inter sabbatum sanctum et dominicam Resurrectionis. Ubi tamen, ponderatis fidelium et locorum condicionibus, de iudicio Ordinarii loci, horam celebrandæ Vigiliæ anticipari conveniat, hæc non inchoetur ante diei crepusculum, aut certe non ante solis occasum.

1. Hora competenti tobaleis cooperiuntur altaria, sed candelæ extinctæ manent usque ad principium Missæ. Interim excutitur ignis de lapide, et ex eo accenduntur carbones.

2. Celebrans induitur amictu, alba, cingulo, stola et pluviale violacei coloris; ministri sacri amictu, alba, cingulo, diaconus stola et dalmatica, subdiaconus tunicella, eiusdem coloris.

2a. Sacerdos induitur amictu, alba, cingulo, stola et pluviali violaceo, vel manet sine casula.

3. Adstantibus ministris, seu ministrantibus, cum cruce, aqua benedicta et incenso, sive ante portam, sive in aditu ecclesiæ, vel intus eam, ubi scilicet populus ritum sacrum melius sequi possit, celebrans benedicit novum ignem, dicens :

V. Dóminus vobíscum.

R. Et cum spírítu tuo.

Orémus.

Oratio

Deus, qui per Fílium tuum, angulárem scilicet lápidem, claritátis tuæ ignem fídelibus contulísti prodúctum e sílice, nostris profutúrum úsibus, novum hunc ignem sanctífica: et concéde nobis, ita per hæc

festas paschalias cælestibus desideriiis inflammari; ut ad perpétuæ claritatis, puris mentibus, valeamus festa pertingere. Per eundem Christum Dominum nostrum.

R. Amen.

Deinde ignem ter aspergit, nihil dicens.

4. Acolythus, seu unus ministrantium, assumens de carbonibus benedictis, ponit in thuribulum; celebrans vero ponit incensum in thuribulum, benedicens illud more solito, ignemque ter adolet incenso.

DE BENEDICTIONE CEREI PASCHALIS

5. Novo igne benedicto, acolythus, seu unus ministrantium, portat cereum paschalem in medium, ante celebrantem, qui cum stilo, inter extrema foramina ad insertionem granorum incensi destinata, incidit crucem. Deinde facit super eam litteram græcam Alpha, subtus vero litteram Omega, et inter brachia crucis quatuor numeros exprimentes annum currentem, interim dicens :

(1) Christus heri et hodie (incidit hastam erectam),

(2) Principium et Finis (incidit hastam transversam),

(3) Alpha (incidit supra hastam erectam litteram A)

(4) et Omega (incidit subtus hastam erectam litteram Ω);

(5) Ipsius sunt tempora (incidit primum numerum anni currentis in angulo sinistro superiore crucis)

(6) et sæcula (incidit secundum numerum anni currentis in angulo dextro superiore crucis);

(7) Ipsi glória et impérium (incidit tertium numerum anni currentis in angulo sinistro inferiore crucis)

(8) per universa æternitatis sæcula. Amen (incidit quartum numerum anni currentis in angulo dextro inferiore crucis).



6. Incisione crucis et aliorum signorum, quæ coloribus vel alio modo antea præparari possunt, peracta, diaconus, seu alius ministrantium, præbet celebranti grana incensi, quæ idem celebrans, si non sunt benedicta, ter aspergit et ter adolet incenso, nihil dicens. Deinde infigit quinque grana in foramina, interim dicens :

(1) Per sua sancta vúlnera
1 (2) gloriósa
4 2 5 (3) custódiat
3 (4) et consérvet nos
(5) Christus Dóminus.
Amen.

7. Tum diaconus, seu unus ministrantium, porrigit celebranti parvam candelam, de novo igne accensam, qua cereum accendit, dicens :

Lumen Christi glorióse resurgéntis
Díssipet ténebras cordis et mentis.

8. *Mox, celebrans benedicit cereum accensum, dicens :*

V. Dóminus vobíscum.

R. Et cum spírítu tuo.

Orémus.

Oratio

Véniat, quæsumus, omnípotens Deus, super hunc incensum céreum larga tuæ bene ✠ dictionis infúsió: et hunc noctúrnú splendorém, invisíbilis regenerátor, inténde; ut non solum sacrificíum,

quod hac nocte litátum est, arcána lúminis tui admixtióne refúlgeat; sed in quocúmque loco ex huius sanctificatiónis mystério áliquíd fúerit deportátum, expúlso diabólicæ fraudis nequítia, virtus tuæ maiestátis assístat. Per Christum Dóminum nostrum.

R. Amen.


9. *Interim luminaria ecclesiæ exstinguuntur.*

DE SOLEMNI PROCESSIONE ET DE PRÆCONIO PASCHALI

10. *Tum celebrans iterum ponit incensum in thuribulum; postea diaconus, depositis paramentis violaceis, et indutus stola et dalmatica albi coloris, accipit cereum paschalem accensum, et ordinatur processio : præcedit thuriferarius, sequitur subdiaconus cum cruce, diaconus cum cereo accenso, post eum statim celebrans, deinde clerus per ordinem, et populus.*


10a. *Tum sacerdos, depositis paramentis violaceis, et indutus stola et dalmatica albi coloris, iterum ponit incensum in thuribulum; postea accipit cereum paschalem accensum, et ordinatur processio : præcedit thuriferarius, sequitur crucifer, post eum statim sacerdos cum cereo accenso, deinde ceteri ministrantes, et populus.*

11. *Cum diaconus ingressus est ecclesiam, stans, cantat solus :*



Lumen Christi.

cui omnes alii, præter subdiaconum et thuriferarium, genuflectentes versus cereum benedictum, respondent :



R. De- o grá-ti-as.

Celebrans vero de cereo benedicto propriam candelam accendit.

Procedens ad medium ecclesiæ, ibi eodem modo diaconus altius cantat:

Lumen Christi, cui omnes, ut supra, genuflectentes, respondent : **Deo grátias**. Et de cereo benedicto accenduntur candelæ cleri.

Tertio procedens ante altare, in medio chori, rursum adhuc altius cantat : **Lumen Christi**, cui tertio omnes, ut supra, genuflectentes, respondent : **Deo grátias**. Et accenduntur candelæ populi de cereo benedicto, et luminaria ecclesiæ.

11a. *Cum sacerdos ingressus est ecclesiam, stans, cantat solus : Lumen Christi, cui omnes alii, præter cruciferum et thuriferarium, genuflectentes versus cereum benedictum, respondent : Deo grátias. Tunc unus ex ministrantibus de cereo benedicto candelam pro sacerdote accendit.*

Procedens ad medium ecclesiæ, ibi eodem modo sacerdos altius cantat : **Lumen Christi**, cui omnes, ut supra, genuflectentes, respondent : **Deo grátias**. Et de cereo benedicto accenduntur candelæ ministrantium.

Tertio procedens ante altare, in medio chori, rursum adhuc altius cantat : Lumen Christi, cui tertio omnes, ut supra, genuflectentes, respondent : Deo grátias. Et accenduntur candelæ populi de cereo benedicto, et luminaria ecclesiæ.

12. Tunc celebrans vadit ad locum suum in choro, in latere epistolæ; subdiaconus cum cruce stat in latere evangelii, contra legile; clerus locum suum occupat in scamnis.

Diaconus deponit cereum paschalem in medio chori, supra parvum sustentaculum, et, postquam celebrans posuerit incensum in thuribulo, accipiens librum, petit benedictionem, dicens :

Iube, domne, benedícere.

Et celebrans subiungit :

Dóminus sit in corde tuo, et in lábiis tuis : ut digne et competénter annúnties suum paschále præcónium : In nómine Patris, et Fílii, ✠ et Spíritus Sancti.

Et diaconus respondet : Amen.

12a. *Sacerdos deponit cereum paschalem in medio chori, supra parvum sustentaculum, seque recipit ad abacum; crucifer stat in latere evangelii, contra legile; ceteri ministrantes disponuntur hinc et inde.*

Sacerdos vero, postquam posuerit incensum in thuribulum, accepto libro, dicit:

Iube, Dómine, benedícere.—Dóminus sit in corde meo, et in lábiis meis : ut digne et competénter annúntiem suum paschále præcónium. Amen.

13. Postea diaconus vadit ad legile, strato albo coopertum, et ponit super eo librum, et incensat; deinde, circumiens cereum paschalem, etiam illum thurificat.

Tunc surgentibus omnibus, et stantibus, ut fit ad evangelium, diaconus cantat præconium paschale, habens ante se cereum paschalem, a dextris altare, a sinistris aulam ecclesiæ. Dum canitur præconium paschale, convenit, ut clerus et populus candelas accensas gestent.

13a. *Postea sacerdos vadit ad legile, strato albo coopertum, et ponit super eo librum, et incensat; deinde, circumiens cereum paschalem, etiam illum thurificat.*

Tunc surgentibus omnibus, et stantibus, ut fit ad evangelium, ipse sacerdos cantat vel legit præconium paschale, habens ante se cereum paschalem, a dextris altare, a sinistris aulam ecclesiæ.

Dum canitur præconium paschale, convenit, ut clerus et populus candelas accensas gestent.


PRÆCONIUM PASCHALE



EX-SULTET iam Angé-li-ca turba cæ-ló-rum: exsul-tent di-vi-na



my-sté-ri-a: et pro tan-ti Re-gis vi-ctó-ri-a, tu-ba inso-net




sa-lu-tá- ris. Gáude- at et tel-lus tan-tis ir-ra-di- á-ta fulgó-
 ri-bus: et æ-térni Re-gis splendó-re il-lustrá-ta, to-tí-us orbis
 se sén-ti- at a-mi-sísse ca-lí-gi- nem. Læ-té-tur et ma-ter
 Ecclé-si- a, tan-ti lú-mi-nis ad-orná-ta ful-gó-ri-bus: et magnis
 po-pu-ló-rum vó-ci-bus hæc au-la re-súl- tet. Quaprópter
 a-stántes vos, fra-tres ca-rís-si-mi, ad tam mi-ram hu-ius sancti
 lú-mi-nis cla-ri-tá-tem, u-na me-cum, quæ-so, De- i omni-po-téntis
 mi-se-ri-córdi- am invo-cá- te. Ut qui me non me-is mé-ri- tis
 intra Le-vi-tá-rum núme-rum digná-tus est aggre-gá-re: lú-mi-nis



su-i cla-ri-tá-tem infúndens, Cé-re- i hu-ius laudem implé-re



perfi- ci- at. Per Dó-mi-num nostrum Ie-sum Christum Fi-li-um




su-um: qui cum e-o vi-vit et regnat in u-ni-tá-te Spí-ri-tus



Sancti De-us.




Per ómni-a sæ-cu-la sæ-cu-ló-rum. *℞*. Amen. *℣*. Dómi-nus vo-biscum.




℞. Et cum spí-ri-tu tu-o. *℣*. Sursum corda. *℞*. Ha-bémus ad Dómi-num.




℣. Grá-ti-as a-gámus Dómi-no De-o nostro. *℞*. Dignum et iustum est.



Ve-re dignum et iustum est, in-vi-sí-bi-lem De-um Pa-trem omni-



po-téntem, Fi-li-úmque e-ius u-ni-gé-ni-tum, Dó-mi-num nostrum




Ie-sum Chri-stum, to-to cordis ac mentis af-fé-ctu, et vo-cis



mi-ni-sté-ri- o perso-ná-re. Qui pro no-bis æ-térno Pa-tri Adæ



dé-bi-tum sol-vit: et vé-te-ris pi-á-cu-li cau-ti- ó-nem pi- o




cru- o- re de-tér-sit. Hæc sunt e-nim fe-sta paschá-li- a, in




qui-bus ve-rus il-le Agnus oc-ci-di-tur, cu-ius sán-gui-ne postes




fi-dé-li- um consecrántur. Hæc nox est, in qua primum patres




nostros fí-li- os Isra-ël e-dúctos de Æ-gýpto, ma- re Rubrum




sicco ve-stí-gi- o transi- re fe-ci-sti. Hæc i-gi-tur nox est,




quæ pec-ca-tó-rum té-nebras, co-lúmnæ il-lu-mi-na-ti- ó ne pur-




gá- vit. Hæc nox est, quæ hó-di- e per u-ni-versum mundum,




in Christo cre- déntes, a vi- ti- is sæ-cu- li, et ca- li- gi- ne pecca-




tó-rum segre- gá- tos, red- dit grá- ti- æ, só- ci- at sancti- tá- ti.




Hæc nox est, in qua destrú-ctis vincu- lis mor- tis, Chri- stus ab




infe- ris vi- ctor ascéndit. Ni- hil e- nim no- bis nasci pró- fu- it,




ni- si réd-i- mi pro- fu- isset. O mi- ra cir- ca nos tu- æ pi- e-




tá- tis digná- ti- o! O in- æstimá- bi- lis di- lé- cti- o ca- ri- tá- tis:



ut servum red-i-me-res, Fí- li- um tra- di- dí- sti! O cer- te ne- ces-




sá- ri um Adæ pec- cá- tum, quod Chri- sti mor- te de lé- tum est!




O fe-lix culpa, quæ ta-lem ac tantum mé-ru-it ha-bé-re



Re-demptó-rem! O ve-re be-á- ta nox, quæ so-la mé-ru-it




sci-re tempus et ho-ram, in qua Chri-stus ab infe-ris re-sur-




ré-xit! Hæc nox est, de qua scrip-tum est: Et nox sic-ut di-es il-lu-



mi-ná-bi-tur: Et nox il-lu-mi-ná-ti-o me-a in de-lí-ci-is




me-is. Hu-ius i-gi-tur sancti-fi-cá-ti-o no-ctis fu-gat



scé-le-ra, culpas la-vat: et reddit inno-cén-ti-am lapsis,



et mæ-stis læ-tí-ti-am. Fu-gat ó-di-a, concórdi-am pa-rat,




et cur-vat impé-ri-a.



In hu-ius í-gi-tur noctis grá-ti-a, súsci-pe, sancte Pa-ter, incénsi



hu-ius sa-cri-fí-ci-um vesper-tí-num: quod ti-bi in hac Cé-re-i




o-bla-ti-ó-ne so-lémni, per mi-nistró-rum ma-nus de o-pé-ri-bus




apum, sacro-sáncta red-dit Ecclé-si-a. Sed iam co-lúmnæ hu-ius



præ-có-ni-a nó-vimus, quam in ho-nó-rem De-i rú-ti-lans i-gnis



accéndit. Qui li-cet sit di-ví-sus in par-tes, mu-tu-á-ti ta-men lú-




mi-nis de-tri-mén-ta non no-vit. A-li-tur e-nim liquán-ti-bus ce-ris,




quas in:substán-ti-am pre-ti-ó-sæ hu-ius lámpa-dis, a-pis ma-ter



e-dú-xit. O ve-re be-á-ta nox, quæ exspo-li-á-vit Æ-gýpti-os,



di- tá- vit Hebraé-os! Nox, in qua ter-ré-nis cæ- lé-sti- a, humá-nis



di- ví- na iungúntur.



O-rá-mus er-go te, Dó-mi-ne: ut Cé-re-us i-ste in ho-




nó-rem tu-i nó-mi-nis conse-crá-tus, ad no-ctis hu-ius ca-lí-gi-nem




destru-éndam, inde-fí-ci-ens perse-vé-ret. Et in o-dó-rem su-a-



vi-tá- tis ac-céptus, su-pérnis lumi-ná-ri-bus misce-á-tur. Flam-mas



e-ius lú-ci-fer ma-tu-tí-nus invé-ni-at. Il-le, inquam, lú-ci-fer,



qui ne-scit occá-sum. Il-le, qui regrés-sus ab ín-fe-ris, humá-no




gé-ne-ri se-ré-nus il-lú-xit. Pre-cámur ergo te, Dó-mi-ne: ut nos




fámu-los tu-os, omnémque cle-rum, et de-vo-tís-simum pó-pu-lum:




una cum be-a-tís-simo Pa-pa nostro **N.** et Antí-sti-te nostro **N.**




qui-é-te témpo-rum con-céssa, in his paschá-li-bus gáudi-is,




as-sí-du-a pro-te-cti-ó-ne ré-ge-re, gu-berná-re, et conservá-re



digné-ris. Réspi-ce ét-i-am ad e-os, qui nos in pot-e-stá-te



re-gunt, et, in-effá-bi-li pi-e-tá-tis et mi-se-ri-córdi-æ tu-æ



mú-ne-re, dí-ri-ge co-gi-ta-ti-ó-nes e-ó-rum ad iu-stí-ti-am



et pa-cem, ut de terré-na o-pe-ro-si-tá-te ad cæ-lé-stem pá-tri-am



pervé-ni-ant cum omni pó-pu-lo tu-o. Per e-úndem Dó-mi-num



nostrum Ie-sum Christum, Fí-li-um tu-um: Qui te-cum vi-vit et
regnat in u-ni-tá-te Spí-ri-tus Sancti De-us: per ómni-a sæ-
cu-la sæ-cu-ló-rum. *R.* Amen.

DE LECTIIONIBUS

14. Post præconium paschale, diaconus, depositis paramentis albis, assumit violacea, et vadit ad celebrantem.

14a. Post præconium paschale, sacerdos deponit dalmaticam et stolam albi coloris, et, indutus iterum stola et pluviali violaceis, redit ad legile.

15. Postea leguntur lectiones, sine titulo, nec in earum fine respondetur **Deo grátias**. Leguntur vero a lectore, in medio chori, ante cereum benedictum, ita quidem ut lector habeat a dextris altare, a sinistris aulam ecclesiæ. Celebrans et ministri, clerus et populus, sedentes auscultant.

15a. Postea leguntur lectiones, sine titulo, nec in earum fine respondetur **Deo grátias**. Leguntur vero a sacerdote, in medio chori, ante cereum benedictum, ita quidem ut sacerdos habeat a dextris altare, a sinistris aulam ecclesiæ. Ministrantes et populus sedentes auscultant.

Si vero adsit clericus lector, omnia peraguntur, ut supra n. 15.

16. In fine lectionis, vel post canticum, dicuntur orationes hoc modo: omnes surgunt; celebrans dicit **Orémus**, diaconus **Flectámus** génua, et omnes, una cum ipso celebrante, flexis genibus, per aliquod temporis spatium in silentio orant; dicto a diacono **Leváte**, omnes surgunt, et celebrans dicit orationem, in tono feriali, et iunctis manibus.

16a. In fine lectionis, vel post canticum, dicuntur orationes hoc modo: omnes surgunt; sacerdos, stans ante legile, dicit: **Orémus**. **Flectámus** génua, et omnes, una cum ipso sacerdote, flexis genibus,

per aliquod temporis spatium in silentio orant; dicto a sacerdote **Leváte**, omnes surgunt, et ipse dicit orationem, in tono feriali, et iunctis manibus.

17. Leguntur vero quatuor sequentes lectiones, cum suis canticis, et orationibus.

LECTIO PRIMA

Gen. 1, 1-31 et 2, 1-2

In princípio creávit Deus cælum et terram. Terra autem erat inánis et vácuá, et ténebræ erant super fáciem abyssi: et Spíritus Dei ferebátur super aquas. Dixítque Deus: "Fiat lux." Et facta est lux. Et vidit Deus lucem quod esset bona: et divisit lucem a ténebris. Appellavítque lucem Diem, et ténebras Noctem: factúmque est vespere, et mane, dies unus. Dixit quoque Deus: "Fiat firmaméntum in médio aquárum: et dívidat aquas ab aquis." Et fecit Deus firmaméntum, divisítque aquas, quæ erant sub firmaménto, ab his, quæ erant super firmaméntum. Et factum est ita. Vocavítque Deus firmaméntum Cælum: et factum est vespere, et mane, dies secúndus. Dixit vero Deus: "Congregéntur aquæ, quæ

sub cælo sunt, in locum unum : et appareat árida." Et factum est ita. Et vocávit Deus áridam, Terram : congregationésque aquárum appellávit Mária. Et vidit Deus quod esset bonum. Et ait : "Gérminet terra herbam viréntem, et faciéntem semen, et lignum pomíferum fáciens fructum iuxta genus suum, cuius semen in semetípso sit super terram." Et factum est ita. Et prótulit terra herbam viréntem, et faciéntem semen iuxta genus suum, lignúmque fáciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere, et mane, dies tértius. Dixit autem Deus : "Fiant luminária in firmaménto cæli, et dívidant diem ac noctem, et sint in signa, et témpora, et dies, et annos : ut lúceant in firmaménto cæli, et illúminent terram." Et factum est ita. Fecítque Deus duo luminária magna : lumináre maius, ut præéssset diéi : et lumináre minus, ut præéssset nocti : et stellas. Et pósuit eas in firmaménto cæli, ut lucérent super terram, et præéssent diéi ac nocti, et díviderent lucem ac ténebras. Et vidit Deus quod esset bonum. Et factum est vespere, et mane, dies quartus. Dixit étiam Deus : "Prodúcant aquæ réptile ánimæ vivéntis, et volátile super terram sub firmaménto cæli." Creavítque Deus cete grándia, et omnem ánimam vivéntem atque motábilem, quam prodúxerant aquæ in espécies suas, et omne volátile secúndum genus suum. Et vidit Deus quod esset bonum. Benedixítque eis, dicens : "Créscite, et multiplicámini, et repléte aquas maris : avésque multiplicéntur super terram." Et factum est vespere, et mane, dies quin-

tus. Dixit quoque Deus : "Prodúcat terra ánimam vivéntem in génere suo : iuménta et reptília, et béstias terræ secúndum espécies suas." Factúmque est ita. Et fecit Deus béstias terræ iuxta espécies suas, et iuménta, et omne réptile terræ in génere suo. Et vidit Deus quod esset bonum, et ait : "Faciámus hómīnem ad imáginem, et similitúdinem nostram : et præsīt pīscibus maris, et volatīlibus cæli, et bēstiis, universæque terræ, omnique réptili, quod movétur in terra." Et creávit Deus hómīnem ad imáginem suam : ad imáginem Dei creávit illum, másculum et féminam creávit eos. Benedixítque illis Deus, et ait : "Créscite, et multiplicámini, et repléte terram, et subiícite eam, et dominámini pīscibus maris, et volatīlibus cæli, et univérſis animántibus, quæ movéntur super terram." Dixítque Deus : "Ecce dedi vobis omnem herbam afferéntem semen super terram, et univérſa ligna, quæ habent in semetípsis seméntem géneris sui, ut sint vobis in escam : et cunctis animántibus terræ, omnique vólucris cæli, et univérſis, quæ movéntur in terra, et in quibus est ánima vivens, ut hábeant ad vescéndum." Et factum est ita. Vidítque Deus cuncta, quæ fécerat : et erant valde bona. Et factum est vespere, et mane, dies sextus. Igitur perfécti sunt cæli, et terra, et omnis ornátus eórum. Complevítque Deus die séptimo opus suum, quod fécerat : et requiévīt die séptimo ab univérſo ópere quod patrárat.

Orémus. Flectámus gēnua.
Leváte.

Oratio

Deus, qui mirabiliter creásti hóminem, et mirabilius redemísti : da nobis, quáesumus, contra oblectaménta peccáti, mentis ratióne persístere; ut mereámur ad ætérna gáudia perveníre. Per Dóminum.

LECTIO SECUNDA

Ex. 14, 24-31 et 15, 1

In diébus illis: Factum est in vigília matutína, et ecce respiciens Dóminus super castra Ægyptiórum per colúmnam ignis, et nubis, interfécit exercitum eórum : et subvértit rotas cúrruum, ferebantúrque in profúndum. Dixérunt ergo Ægýptii : "Fugiámus Israélem : Dóminus enim pugnat pro eis contra nos." Et ait Dóminus ad Móysen : "Exténde manum tuam super mare, ut revertántur aquæ ad Ægýptios super currus, et équites eórum." Cumque extendísset Móyses manum contra mare, revérsum est primo dilúculo ad priórem locum : fugientibúisque Ægyptiis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus, et équites cuncti exercitus Pharaónis, qui sequéntes ingrési fúerant mare : nec unus quidem supérfuit ex eis. Fílii autem Israél perrexérunt per médium sicci maris, et aquæ eis erant quasi pro muro a dextris et a sinístris : liberavítque Dóminus in die illa Israél de manu Ægyptiórum. Et vidérunt Ægýptios mórtuos super littus maris, et manum magnam, quam exercúerat Dóminus contra eos : timúitque pópulus Dóminum, et credidérunt Dómino, et Móysi servo eius. Tunc cécinit Móyses, et fílii Israél carmen hoc Dómino, et dixerunt.

Canticum

Ex. 15, 1 et 2

Cantémus Dómino : glorióse enim honorificátus est : equum et ascensórem proiécit in mare : adiútor et protéctor factus est mihi in salutem. *℣.* Hic Deus meus, et honorificábo eum : Deus patris mei, et exaltábo eum. *℣.* Dóminus cónterens bella : Dóminus nomen est illi.

Orémus. Flectámus génua. Leváte.

Oratio

Deus, cuius antíqua mirácula étiam nostris sæculis coruscáre sentímus : dum quod uni pópulo, a persecutióne Ægyptíaca liberándo, dexteræ tuæ poténtia contulísti, id in salutem géntium per aquam regeneratiónis operáris : præsta; ut in Abrahæ fílios, et in Israélíticam dignitátem, totius mundi tránseat plenitúdo. Per Dóminum.

LECTIO TERTIA

Is. 4, 2-6

In die illa erit germen Dómini in magnificéntia, et glória, et fructus terræ sublimis, et exsultatio his, qui salváti fúerint de Israél. Et erit : Omnis qui relíctus fúerit in Sion, et resíduus in Ierúsalem, sanctus vocábitur, omnis qui scriptus est in vita in Ierúsalem. Si ablúerit Dóminus sordes filiárum Sion, et sánguinem Ierúsalem láverit de médio eius, in spíritu iudícii, et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum, et splendórem ignis flammántis in nocte : super omnem enim glóriam protéctio. Et tabernáculum erit in umbráculum diéi ab æstu, et in securitátem, et absconsiónem a túrbine, et a plúvia.

Canticum

Is. 5, 1 et 2

Vínea facta est dilécto in cornu, in loco úberi. **℣.** Et macériam circúmdedit, et circumfódit : et plantávit víneam Sorec, et ædificávit turrim in médio eius. **℣.** Et tórcular fodit in ea : vínea enim Dómini Sábaoth, domus Israël est.

Orémus. Flectámus génua. Leváte.

Oratio

Deus, qui in ómnibus Ecclésiæ tuæ filiis sanctórum prophetarum voce manifestásti, in omni loco dominationis tuæ, satórem te bonórum séminum, et electórum pálmitum esse cultórem : tríbue pópulis tuis, qui et vineárum apud te nómine censéntur, et ségetum; ut, spinárum et tribulórum squallóre resecáto, digna efficiántur fruge fecúndi. Per Dóminum.

LECTIO QUARTA

Deut. 31, 22-30

In diébus illis: Scripsit Móyses cánticum, et dócuit filios Israël. Præcepítque Dóminus Iósue filio Nun, et ait: "Confortáre, et esto robústus : tu enim introdúces filios Israël in terram, quam pollicitus sum, et ego ero tecum." Postquam ergo scripsit Móyses verba legis huius in volúmine, atque complévit : præcepit Levítis, qui portábant arcam fœderis Dómini, dicens : "Tóllite librum istum, et pónite eum in látere arcæ fœderis Dómini Dei vestri : ut sit ibi contra te in testimónium. Ego enim scio contentiónem tuam, et cervícem tuam duríssimam. Adhuc vivente me, et ingrediénte vobíscum, semper contentióse egístis contra Dóminum : quanto magis cum mórtuus fúero?

Congregáte ad me omnes maióres nati per tribus vestras, atque doctóres, et loquar audiéntibus eis sermónes istos, et invocábo contra eos cælum et terram. Novi enim quod post mortem meam iníque agétis, et declinábitis cito de via, quam præcépi vobis : et occúrrent vobis mala in extrémó témpore, quando fecéritis malum in conspéctu Dómini, ut irritétis eum per ópera mánuum vestrarum." Locútus est ergo Móyses, audiénte universo coetu Israël, verba cárminis huius, et ad finem usque complévit.

Canticum

Deut. 32, 1-4

Atténde, cælum, et loquar : et áudiat terra verba ex ore meo. **℣.** Expectétur sicut plúvia elóquium meum : et descéndant sicut ros verba mea. **℣.** Sicut imber super gramen, et sicut nix super faenum : quia nomen Dómini invocábo. **℣.** Date magnitúdinem Deo nostro : Deus, vera ópera eius, et omnes viæ eius iudícia. **℣.** Deus fidélis, in quo non est iníquitas : iustus, et sanctus Dóminus.

Orémus. Flectámus génua. Leváte.

Oratio

Deus, celsitúdo humílium et fortitúdo rectórum, qui per sanctum Móysen púerum tuum ita erudire pópulum tuum sacri cárminis tui decantatióne voluísti, ut illa legis iterátio fieret étiam nostra directio : éxcita in omnem iustificatarum géntium plenitúdinem poténtiam tuam, et da lætítiam, mitigándó terrórem; ut, ómnium peccátis tua remissióne delétis, quod denuntiátum est in ultióne, tránseat in salútem. Per Dóminum.

DE PRIMA PARTE LITANIARUM

18. His expletis, a duobus cantoribus, in medio choro genuflexis, cantantur litanie sanctorum (quin tamen duplicentur) usque ad invocationem Propitius esto, omnibus genuflexis et respondentibus.

18a. His expletis, a duobus cantoribus, seu, his deficientibus, ab ipso sacerdote, genuflexo in infimo

gradu altaris, a latere epistolæ, cantantur litanie sanctorum (quin tamen duplicentur) usque ad invocationem Propitius esto, omnibus genuflexis et respondentibus.


19. Postea, si ecclesia habet fontem baptismalem, ritus proseguitur ut infra n. 20, p. 201; secus vero ut infra n. 24, p. 211.



Ký-ri-e, e-lé-i-son. Chri-ste, e-lé-i-son. Ký-ri-e, e-lé-i-son.



Chri-ste, audi nos. Chri-ste, ex-áu-di nos.



Pa-ter de cæ-lis De-us, mi-se-ré-re no-bis.




Fi-li Re-démptor mundi De-us, mi-se-ré-re no-bis.



Spí-ri-tus Sancte De-us, mi-se-ré-re no-bis.



Sancta Trí-ni-tas u-nus De-us, mi-se-ré-re no-bis.



Sancta Ma-ri-a, o-ra pro no-bis.

Sancta Dei Génatrix,	ora.	Omnes sancti Mártyres,	oráte.
Sancta Virgo vírginum,	ora.	Sancte Silvéster,	ora.
Sancte Míchaël,	ora.	Sancte Gregóri,	ora.
Sancte Gábriel,	ora.	Sancte Augustíne,	ora.
Sancte Ráphaël,	ora.	Omnes sancti Pontífices et	
Omnes sancti Angeli et Archángeli,		Confessóres,	oráte.
oráte pro nobis.		Omnes sancti Doctóres,	oráte.
Omnes sancti beatórum Spirítuum		Sancte Antóni,	ora.
órdines,	oráte.	Sancte Benedícte,	ora.
Sancte Ioánnes Baptísta,	ora.	Sancte Domínice,	ora.
Sancte Ioseph,	ora.	Sancte Francísce,	ora.
Omnes sancti Patriárchæ et Pro-		Omnes sancti Sacerdótes et Levítæ,	
phétæ,	oráte.		oráte.
Sancte Petre,	ora.	Omnes sancti Mónachi et Eremítæ,	
Sancte Paule,	ora.		oráte.
Sancte Andréa,	ora.	Sancta María Magdaléna,	ora.
Sancte Ioánnes,	ora.	Sancta Agnes,	ora.
Omnes sancti Apóstoli et Evange-		Sancta Cæcília,	ora.
lístæ,	oráte.	Sancta Agatha,	ora.
Omnes sancti Discípuli Dómini,		Sancta Anastásia,	ora.
	oráte.	Omnes sanctæ Vírgines et Víduæ,	
Sancte Stéphane,	ora.		oráte.
Sancte Lauréti,	ora.	Omnes Sancti et Sanctæ Dei,	
Sancte Vincéti,	ora.	intercedite pro nobis.	

DE BENEDICTIONE AQUÆ BAPTISMALIS

20. Dum cantantur litanie sanctorum, vas aquæ baptismalis benedicendæ, et cetera omnia quæ ad benedictionem requiruntur, præparantur in medio chori, versus latus epistolæ, in conspectu fidelium. Vas aquæ benedicendæ convenienter ornari decet.

21. In benedicenda aqua baptismali celebrans, stans coram populo, ante se habeat vas aquæ baptismalis benedicendæ, a dextris cereum benedictum, a sinistris alium subdiaconum, vel clericum, seu ministrantem, stantem cum cruce.

Celebrans, iunctis manibus, in tono feriali dicit :

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, adésto magnæ pietátis tuæ mystériis, adésto sacraméntis : et ad recreándos novos pópulos, quos tibi fons baptismatis párturit, spíritum adoptiónis emítte; ut, quod nostræ humilitátis geréndum est ministério, virtútis tuæ impleátur efectú. Per Dóminum nostrum Iesum Christum Fílium tuum : Qui tecum vivit et regnat in unitáte Spíritus Sancti Deus:

Elevans vocem in modum præfationis, prosequitur iunctis manibus:




Per ómni- a sæ-cu-la sæ-cu-ló-rum. *℞*. Amen. *℣*. Dómi-nus vo-bíscum.



℞. Et cum spí-ri-tu tu-o. *℣*. Sursum corda. *℞*. Ha-bémus ad Dómi-num.




℣. Grá-ti-as a-gámus Dó-mi-no De-o nostro. *℞*. Dignum et iustum est.




Ve-re dignum et iustum est, æquum et sa-lu-tá-re, nos ti-bi




semper, et u-bíque grá-ti-as á-ge-re: Dó-mi-ne, sancte Pater,



omní-po-tens æ-térne De-us. Qui in-vi-sí-bi-li po-tén-ti-a,




sacra-mentó-rum tu-ó-rum mi-ra-bí-li-ter o-pe-rá-ris ef-féctum:




Et li-cet nos tan-tis mysté-ri-is exsequéndis si-mus indí-gni:




tu tamen grá-ti-æ tu-æ do-na non dé-se-rens, é-ti-am ad nostras




pre-ces, aures tu-æ pi-e-tá-tis inclí-nas. De-us, cu-ius Spí-ri-tus




su-per aquas, in-ter ip-sa mundi primórdi-a fe-re-bá-tur: ut iam



tunc vir-tú-tem sancti-fi-ca-ti-ó-nis, aquá-rum na-tú-ra concí-



pe-ret. De-us, qui no-céntis mundi crí-mi-na per aquas áblu-ens,



re-ge-ne-ra-ti-ó-nis spé-ci-em in ipsa di-lú-vi-i effu-si-ó-ne



signá-sti: ut u-ní-us e-iusdémque e-lemén-ti mysté-ri- o,



et fi-nis esset ví-ti-is, et o-rí-go vir-tú-ti-bus. Réspi-ce,




Dómi-ne, in fá-ci-em Ecclé-si-æ tu-æ, et mul-tí-pli-ca in e-a



re-ge-ne-ra-ti-ó-nes tu-as, qui grá-ti-æ tu-æ afflu-én-tis im-



pe-tu læ-tí-fi-cas ci-vi-tá-tem tu-am: fontémque bap-tísma-tis



á-pe-ris to-to orbe terrá-rum gén-ti-bus inno-vándis: ut tu-æ




ma-ie-stá-tis impé-ri-o, sumat U-ni-gé-ni-ti tu-i grá-ti-am




de Spí-ri-tu Sancto.


Hic sacerdos in modum crucis aquam dividit manu extensa, quam statim linteo extergit, dicens:



Qui hanc aquam re-ge-ne-rándis ho-mí-ni-bus præ-pa-rá-tam, ar-cá-na




su-i nú-mi-nis admix-ti-ó-ne fe-cúndet: ut sancti-fi-ca-ti-ó-ne



concépta, ab imma-cu-lá-to di-ví-ni fontis ú-te-ro, in no-vam



re-ná-ta cre-a-tú-ram, pro-gé-ni-es cæ-lé-stis emér-gat: Et quos




aut se-xus in cór-po-re, aut æ-tas discér-nit in témpo-re, omnes




in u-nam pá-ri-at grá-ti-a ma-ter in-fán-ti-am. Pro-cul ergo



hinc, iu-bén-te te, Dómi-ne, omnis spí-ri-tus immúndus abs-




cé-dat: pro-cul to-ta nequí-ti-a di-a-bó-li-cæ fraudis ab-sí-stat.



Ni-hil hic lo-ci há-be at contrá-ri-æ vir-tú-tis admíx-ti-o:



non in-si-di-á-do circúmvo-let: non la-téndo subré-pat: non in-fi-



ci-éndo corrúmpat.


Aquam manu tangit.




Sit hæc sancta, et ínno-cens cre-a-tú-ra, lí-be-ra ab omni



impugna-tó-ris incúrsu, et to-tí-us nequí-ti-æ pur-gá-ta dis-



céssu. Sit fons vi-vus, aqua re-gé-ne-rans, unda pu-rí-fi-cans:



ut omnes hoc la-vácro sa-lu-tí-fe-ro di-lu-é-ndi, o-pe-ránte




in e-is Spí-ri-tu Sancto, perfé-ctæ purga-ti-ó-nis indulgén-



ti-am consequántur.


Facit tres cruces super aquam dicens:




Unde be-ne-dí-co te, cre-a-tú-ra aquæ, per De-um ✠ vivum,



per De-um ✠ ve-rum, per De-um ✠ sanctum: per De-um, qui te




in princí-pi-o, verbo se-pa-rá-vit ab á-ri-da: cu-ius Spí-ri-tus



su-per te fe-re-bá-tur.


Hic manu aquam dividit, et effundit eam versus quatuor mundi partes, dicens:



Qui te de pa-ra-dí-si fonte ma-ná-re fe-cit, et in quá-tu-or




flumí-ni-bus to-tam terram ri-gá-re præ-cé-pit. Qui te in de-sér-to



a-má-ram, su-a-vi-tá-te índi-ta fe-cit esse po-tá-bi-lem,




et si-ti-én-ti pó-pu-lo de pe-tra pro-dú-xit. Be ✠ ne-dí-co te et



per Ie-sum Chri-stum Fí-li-um e-ius ú-ni-cum, Dómi-num nostrum:



qui te in Ca-na Ga-li-læ-æ signo admi-rá-bi-li, su-a po-tén-



ti- a convér-tit in vi-num. Qui pé-di-bus su-per te ambu-lá-vit:




et a Io-á-nne in Iordá-ne in te bap-ti-zá-tus est. Qui te u-na



cum sán-gui-ne de lá-te-re su-o pro-dú-xit: et discí-pu-lis su-is



iussit, ut cre-déntes bap-ti-za-réntur in te, di-cens: I-te, do-cé-te



omnes gentes, bap-ti-zántes e-os in nó-mi-ne Pa-tris, et Fí-li-i,



et Spí-ri-tus Sancti.

Mutat vocem, et prosequitur recto tono:

Hæc nobis præcépta servánti-bus, tu Deus omnípotens cle-mens adésto : tu benígnus aspíra.

Halat ter in aquam in modum crucis, dicens:

Tu has símplices aquas tuo ore

benedícito: ut præter naturálem emundatió-nem, quam lavándis pos-sunt adhibére corpóribus, sint éti-am purificándis méntibus effícaces.

Hic sacerdos paululum demittit cereum in aquam: et resumens tonum præfationis, dicit:



Descéndat in hanc ple-ni-tú-di-nem fontis, vir-tus Spí-ri-tus Sancti.

Deinde extractum cereum de aqua, iterum profundius mergit, aliquanto altius repetens: Descéndat in hanc. Postea cereum rursus de aqua extractum, tertio immergens usque ad

fundum, altiori adhuc voce repetit: Descéndat, ut supra. Et deinde sufflans ter in aquam secundum hanc figuram Ψ prosequitur:



To-támque hu-ius aquæ substán-ti-am, re-ge-ne-rándi fe-cúndet



ef-fe-ctu.


Hic tollitur cereus de aqua, et prosequitur:




Hic ómni-um pecca-tó-rum má-cu-læ de-le-án-tur: hic na-tú-ra



ad i-má-gi-nem tu-am cóndi-ta, et ad ho-nó-rem su-i re-for-



má-ta princí-pi-i, cunctus ve-tustá-tis squa-ló-ri-bus emundé-tur:



ut omnis homo sacraméntum hoc re-ge-ne-ra-ti-ó-nis ingrédus,



in ve-ræ inno-cén-ti-æ no-vam in-fán-ti-am re-nascá-tur.

Sequentia dicit legendo:

Per Dóminum nostrum Iesum Christum Fílium tuum: Qui ventúrus est iudicáre vivos et mórtuos, et sáeculum per ignem. *R.* Amen.

Deinde aliquis clericus, vel ministrans, accipit in vase aliquo de eadem aqua, ad aspergen-

dum populum post renovationem promissionum baptismatis, ut infra n. 25, p. 211, dicetur, et ad aspergendum in domibus et aliis locis. His peractis, celebrans, qui benedicit aquam, infundit de oleo catechumenorum in eam in modum crucis, intellegibili voce dicens:

Sanctificétur, et fecundétur fons iste Oleo salútis renascéntibus ex eo, in vitam ætérnam. *R.* Amen.

Deinde infundit de chrismate, modo quo supra, dicens :

Infusio chrismatis Dómini nostri Iesu Christi, et Spíritus Sancti Parácliti, fiat in nómine sanctæ Trinitátis, *R.* Amen.

Postea accipit ambas ampullas dicti olei sancti, et chrismatis, et de utroque simul in modum crucis ter infundendo, dicit:

Commixtio chrismatis sanctificationis, et Olei unctionis, et aquæ baptismatis, páriter fiat in nómine Pa *✠* tris, et Fí *✠* lii, et Spíritus *✠* Sancti. *R.* Amen.

Tunc miscet ipsum oleum cum aqua. Si aderunt baptizandi, eos baptizet more consueto.

Sed, si plures sint, permittitur cæremonias Ritualis romani, quæ ipsam baptismi collationem præcedunt, id est, in baptismo infantium usque ad verba "Credis in Deum" (*Rituale romanum*, tit. II, cap. II, n. 17), et in baptismo adultorum usque ad verba "Quis vocaris?" (*Rituale romanum*, tit. II, cap. IV, n. 37), eodem mane, tempore opportuno, præmittere.

22. Benedictione peracta, aqua baptismalis deferitur processionaliter ad fontem, hoc modo : præceditthuriferarius, sequitur alius subdiaconus, vel clericus, cum cruce, et clerus; deinde diaconus cum vase aquæ baptismalis, nisi conveniat ipsum ab acolythis portari; et celebrans; cereus vero paschalis remanet in suo loco; et interim cantatur sequens

Canticum

Ps. 41, 2-4

Sicut cervus desiderat ad fontes aquarum : ita desiderat ánima mea ad te, Deus. *V.* Sitívit ánima mea ad Deum vivum : quando véniam, et apparébo ante fáciem Dei? *V.* Fuérunt mihi lácrimæ meæ panes die ac nocte, dum dicitur mihi per singulos dies : Ubi est Deus tuus?

Aqua baptismali in fontem immissa, celebrans, manibus iunctis et in tono feriali, dicit:

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, réspice propítius ad devotió-nem pópuli renascéntis, qui sicut cervus aquarum tuarum expetit fontem : et concéde propítius; ut fidei ipsíus sitis, baptismatis mystério, ánimam corpúsque sanctíficet. Per Christum Dóminum nostrum. *R.* Amen.

Et incensat fontem.

Tunc redeunt omnes in silentio in chorum, et datur initium renovationi promissionum Baptismatis.

22a. Benedictione peracta, aqua baptismalis deferitur processionaliter ad fontem, hoc modo : præceditthuriferarius, sequuntur crucifer et ministrantes; deinde unus vel plures ministrantium, qui vas aquæ baptismalis gestant, et sacerdos; cereus vero paschalis remanet in suo loco. Cetera fiunt ut supra.

23. Sicubi vero baptisterium exstat ab ecclesia separatum, et præferatur benedictionem aquæ baptismalis in ipso baptisterio fieri, post invocationem Sancta Trínitas, unus Deus, miserére nobis, descenditur ad fontem hoc modo : præcedit clericus cum cereo benedicto, sequitur alius subdiaconus cum cruce, vel crucifer, medius inter acolythos cum candelabris accensis, deinde clerus per ordinem, demum celebrans cum ministris sacris. Cantores vero et populus remanent in locis suis, et sequuntur cantum Litaniarum, repetitis, si opus est, invocationibus inde a Sancta María, ora pro nobis.

Benedictio aquæ baptismalis fit ut supra, his tantum mutatis : dum pergitur ad fontem, cantatur Canticum Sicut cervus, et celebrans, antequam intret ad benedictionem fontis, dicit orationem Omnípotens sempitérne Deus, réspice propítius, n. 22, ut supra; postea procedit ad benedictionem fontis, n. 21, p. 201.

Benedictione peracta, omnes redeunt in silentio in ecclesiam, et datur initium renovationi promissionum Baptismatis.

DE RENOVATIONE PROMISSIONUM BAPTISMATIS

24. Completa benedictione aquæ baptismalis, eiusque translatione ad fontem, vel, ubi benedictio locum non habuerit, post absolutam primam partem litaniarum, proceditur ad renovationem promissionum baptismatis, qua perdurante convenit, ut clerus et populus candelas accensas gestent.

25. Celebrans, depositis paramentis violaceis, assumit stolam et pluviale albi coloris; deinde, imposito thure, et facta incensatione cerei, stans iuxta illum, facie versus ad populum, vel ex ambone seu pulpito, incipit, ut sequitur:

Hac sacratissima nocte, fratres carissimi, sancta Mater Ecclesia, recolens Dómini nostri Iesu Christi mortem et sepulturam, eum redamando vigilat et, celebrans eiusdem gloriósam resurrectionem, lætabunda gaudet.

Quóniam vero, ut docet Apóstolus, consepúlti sumus cum Christo per baptismum in mortem, quómodo Christus resurrexit a mórtuis, ita et nos in novitate vitæ opórtet ambulare: sciéntes, veterem hóminem nostrum simul cum Christo crucifixum esse, ut ultra non serviámus peccáto. Existimémus ergo nos mórtuos quidem esse peccáto, vivéntes autem Deo in Christo Iesu Dómino nostro.

Quaprópter, fratres carissimi, quadragesimáli exercitatióne absolutá, sancti Baptismatis promissiones renovémus, quibus olim sátanæ et opéribus eius, sicut et mundo, qui inimicus est Dei, abrenuntiávimus, et Deo in sancta Ecclesia cathólica fidéliter servíre promísimus.

Itaque:

Celebrans : Abrenuntiátis sátanæ?

Omnes : Abrenuntiámus.

Celebrans : Et ómnibus opéribus eius?

Omnes : Abrenuntiámus.

Celebrans : Et ómnibus pompis eius?

Omnes : Abrenuntiámus.

Celebrans : Créditis in Deum, Patrem omnipoténtem, Creatórem cæli et terræ?

Omnes : Crédimus.

Celebrans : Créditis in Iesum Christum, Fílium eius únicum, Dóminum nostrum, natum, et passum?

Omnes : Crédimus.

Celebrans : Créditis et in Spíritum Sanctum, sanctam Ecclesiam catholicam, sanctórum communió-nem, remissió-nem peccatórum, carnis resurrectionem, et vitam ætérnam?

Omnes : Crédimus.

Celebrans : Nunc autem una simul Deum precémur, sicut Dóminus noster Iesus Christus oráre nos dócuit:

Omnes : Pater Noster . . .

Celebrans : Et Deus omnípotens, Pater Dómini nostri Iesu Christi, qui nos regenerávit ex aqua et Spíritu Sancto, quique nobis dedit remissió-nem peccatórum, ipse nos custódiat grátia sua in eódem Christo Iesu Dómino nostro, in vitam ætérnam.

Omnes : Amen.

Et aspergit populum aqua benedicta, extracta, et supra dictum est n. 21, p. 209, in benedictione aquæ baptismalis; vel, ubi benedictio aquæ baptismalis locum non habet, aqua benedicta "ordinaria."

26. Hæc allocutio et renovatio promissionum baptismatis fieri potest, ubique locorum, lingua vernacula; versione tamen ab Ordinario loci approbata.

DE ALTERA PARTE LITANIARUM

27. Renovatione promissionum baptismatis peracta, cantores, seu ipse sacerdos, incipiunt alteram partem litaniarum, inde ab invocatione **Propítius esto**, usque ad finem, omnibus genuflexis et respondentibus.


Si in hac sacra vigilia paschali Ordines conferantur, consueta ordinandorum prostratio et benedictio peragitur, dum hæc altera pars litaniarum decantatur.

28. Celebrans vero et ministri, accedentes ad sacristiam, induuntur paramentis albi coloris pro Missa solemni celebranda.

28a. Sacerdos vero et ministrantes accedunt ad sacristiam, ubi sacerdos induitur paramentis albi coloris, ministrantes vero sumunt vestes festivas, pro Missa cantata.

Vel si, cantoribus deficientibus, ipse sacerdos litanias sanctorum decantare debeat, his absolutis, ad sacristiam accedat, cum ministrantibus, ad paramenta sumenda pro Missa cantata, ut supra dictum est.

29. Interim cereus paschalis reponitur in candelabro suo, in latere evangelii, et altare paratur pro Missa solemni, luminaribus accensis et floribus.



Pro-pi- ti- us esto, parce no-bis, Dó-mi-ne.

Propítius esto, exáudi nos, Dómine.

Ab omni malo, líbera nos, Dómine.

Ab omni peccáto, líbera.

A morte perpétua, líbera.

**Per mystérium sanctæ incarnati-
ónis tuæ, líbera.**

Per advéntum tuum, líbera.

Per nativitátem tuam, líbera.

**Per baptísmum et sanctum ieiúni-
um tuum, líbera.**

Per crucem et passióem tuam, líbera.

Per mortem et sepultúram tuam, líbera.

Per sanctam resurrectionem tuam, líbera.

**Per admirábilem ascensiónem
tuam, líbera.**

**Per advéntum Spíritus Sancti Pa-
rácliti, líbera.**

In die iudícii, líbera.



Pecca-tó-res, te ro-gámus, audi nos.



Ut no-bis parcas, te ro-gámus, audi nos.

Ut Ecclesiam tuam sanctam régere
et conservare digneris,

te rogamus, audi nos.

Ut domnum apostolicum et omnes
ecclesiásticos ordines in sancta
religione conservare digneris,

te rogamus.

Ut inimicos sanctæ Ecclesiæ humi-
liare digneris,

te rogamus.

Ut régibus et principibus christiá-
nis pacem et veram concórdiam
donare digneris,

te rogamus.

Ut nosmetipsos in tuo sancto ser-
vicio confortare et conservare
digneris,

te rogamus.

Ut ómnibus benefactoribus nostris
sempiterna bona retribuas,

te rogamus.

Ut fructus terræ dare et conser-
vare digneris,


te rogamus.

Ut ómnibus fidelibus defunctis ré-
quiem æternam donare digneris,


te rogamus.

Ut nos exaudire digneris,

te rogamus.



Agnus De- i, qui tol-lis peccá- ta mundi, parce no-bis, Dó-mi-ne.



Agnus De- i, qui tol-lis peccá- ta mundi, ex-áudi nos, Dó-mi-ne.



Agnus De- i, qui tol-lis peccá- ta mundi, mi-se-ré-re no-bis.



Chri-ste, audi nos. Chri-ste, ex- áudi nos.

TEMPUS PASCHATIS

DE MISSA SOLEMNI

VIGILIAE PASCHALIS

¶ Celebratio solius Missae Vigilae paschalis sine caeremoniis praecedentibus interdicitur.

Sacra communio fidelibus dari potest tantummodo inter Missarum sollemnia, vel continuo ac statim ab iis expletis; exceptis iis, qui in periculo mortis sunt constituti.

1. In fine litaniarum, cantores solemniter incipiunt **Kýrie, eléison**, ut in Missa moris est. Interim celebrans cum ministris, in paramentis albis, seu cum ministrantibus, accedit ad altare, et, facta ei debita reverentia, omissis psalmo Iúdica me, Deus, et confessione, statim ascendens, osculatur illud in medio, et incensat more solito.

2. Finitis a choro **Kýrie, eléison**, celebrans incipit solemniter **Glória in excélsis**, et pulsantur campanae ac discooperiuntur imagines.

¶ Pulsatio companarum hoc modo fiat:

a) In locis, in quibus una tantum habetur ecclesia, campanae pulsantur hora, qua dicti hymni incipit cantus.

b) In locis, autem, ubi plures ecclesiae exstant, sive in omnibus eodem tempore sacrae caeremoniae peragantur, sive tempore diverso, campanae omnium ecclesiarum eiusdem loci pulsantur una cum campanis ecclesiae cathedralis, vel matricis aut principalis. In dubio quænam ecclesia in loco sit matrix aut principalis, adeatur Ordinarius loci.

Postea celebrans dicit:

V. Dóminus vobíscum.

R. Et cum spíritu tuo.

Orémus.

Oratio

Deus, qui hanc sacratíssimam noctem glória dómínicae Resurrectionis illústras: conserva in nova familiae tuae progénie adoptionis spíritum, quem dedísti; ut corpore et mente renováti, puram tibi exhibeant servitútem. Per eúndem Dóminum.

Et dicitur hæc tantum oratio.

3. Léctio Epístolæ beáti Pauli Apóstoli ad Colosséenses

Col. 3, 1-4

Fratres: Si consurrexístis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórtui enim estis, et vita vestra est abscóndita cum Christo in Deo. Cum Christus apparúerit, vita vestra: tunc et vos apparébitis cum ipso in glória.

4. Finita Epistola, celebrans incipit:



A-le-lú-ia.

Et totum decantat ter, elevando vocem gradatim: et omnes post quamlibet vicem, in eodem tono, repetunt illud idem.

Postea cantores proseguuntur:

V. Ps. 117, 1 Confitémini Dómino, quóniam bonus: quóniam in sæculum misericórdia eius.

Deinde dicitur V. Ps. 116 1-2 Laudáte Dóminum, omnes gentes: et collaudáte eum, omnes pópuli. **V.** Quóniam confirmáta est super nos misericórdia eius: et véritas Dómini manet in ætérnum.

5. **Ad Evangelium non portantur luminaria, sed tantum incensum : petitur benedictio, et alia fiunt de more.**

✠ Sequéntia sancti Evangélii secúndum Matthæum

Matth. 28, 1-7

Véspere autem sábbati, quæ lucéscit in prima sábbati, venit María Magdaléne, et áltera María vidére sepúlcrum. Et ecce terræmótus factus est magnus. Angelus enim Dómini descéndit de cælo: et accédens revólvit lápidem, et sedébat super eum: erat autem aspéctus eius sicut fulgur: et vestiméntum eius sicut nix. Præ timóre autem eius extérriti sunt custódes, et facti sunt velut mórtui. Respóndens autem Angelus, dixit muliéribus: "Nolíte timére vos; scio enim, quod Iesum, qui crucifíxus est, quæritis: non est hic: surréxit enim, sicut dixit. Veníte, et vidéte locum, ubi pósitus erat Dóminus. Et cito eúntes, dícite discípulis eius, quia surréxit: et ecce præcédit vos in Galilæam: ibi eum vidébitis. Ecce prædíxi vobis."

Non dicitur Credo, **sed finito evangelio celebrans dicit:** Dóminus vobíscum, **postea:** Orémus. **Non dicitur antiphona ad Offertorium.** **Ad Lavábo dicitur** Glória Patri.

6. **Secreta**

Súscipe, quæsumus, Dómine, preces pópuli tui, cum oblatiónibus hostiárum: ut paschálibus iniatiáta mystériis, ad æternitátis nobis medélam, te operánte, proficiant. Per Dóminum.

Præfatio paschalis, quæ dicitur tamquam propria in Missis de Tempore a Missa Vigiliæ paschalis usque ad vigiliam Ascensionis Dómini inclusive, et tamquam de Tempore in ceteris Missis, quæ eodem tempore celebrantur, et præfatione propria carent.

Hac nocte, in præfatione dicitur: Te quidem, Dómine, omni témpore, sed in hac potíssimum nocte, **ut infra.**

CANON MISSÆ

Sacerdos extendens, elevans aliquantulum et iungens manus, elevansque ad cælum oculos, et statim demittens, profunde inclinatus ante altare, manibus super eo positis, dicit secreto:

Te igitur, clementíssime Pater, per Iesum Christum, Fílium tuum, Dóminum nostrum, súpplíces rogámus, ac pétimus, **osculatur altare et iunctis manibus ante pectus, dicit:** uti accépta hábeas, et benedícas, **signat ter super hostiam et calicem simul, dicens:** hæc ✠ dona, hæc ✠ múnera, hæc ✠ sancta sacrificia illibáta, **extensis manibus prosequitur:** in primis, quæ tibi offérimus pro Ecclésia tua sancta cathólica: quam pacificáre, custodíre, adunáre et régere dignéris toto orbe terrárum: una cum fámulo tuo Papa nostro **N.** et Antístite nostro **N.** et ómnibus orthodoxis, atque cathólicæ et apostólicæ fidei cultóribus.

Commemoratio pro vivis

Meménto, Dómine, famulórum famularúmque tuárum **N.** et **N.** iungit manus, orat aliquantulum pro quibus orare intendit: **deinde manibus extensis prosequitur:** et ómnium circumstántium, quorum tibi fides cógnita est, et nota devótio, pro quibus tibi offérimus: vel qui tibi ófferunt hoc sacrificium laudis, pro se, suisque ómnibus: pro redemptione animárum suárum, pro spe salútis, et incolumitátis suæ: tibíque reddunt vota sua ætérno Deo, vivo et vero.

7. **Infra actionem**

Communicántes, et noctem sacratíssimam celebrántes Resurrectionis Dómini nostri Iesu Christi secúndum carnem: sed et memóriam venerántes, in primis gloriósæ

semper Vírginis Máríæ, Genetrícis eiúsdem Dei et Dómini nostri Iesu Christi: sed et beatórum Apostolórum ac Mártýrum tuórum, Petri et Pauli, Andrææ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis precibúsq; concédas, ut in ómnibus protectiόνis tuæ muniámur auxílio. **Iungit manus.** Per eúndem Christum Dóminum nostrum. Amen.

Tenens manus expansas super oblata, dicit:

Hanc igitur oblatiόνem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu Sancto, tribuens eis remissiόνem ómnium peccatórum, quæsumus, Dómine, ut placátus accípias: diésque nostros

in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Quam oblatiόνem tu, Deus, in ómnibus, quæsumus, **signat ter super oblata**, bene ✠ dictam, adscrip ✠ tam, ra ✠ tam, rationábilem acceptabilémque fácere dignéris: **signat semel super hostiam**, ut nobis Cor ✠ pus, **et semel super calicem**, et San ✠ guis fiat dilectíssimi Fílii tui **iungit manus**, Dómini nostri Iesu Christi.

Qui pridie, *ut in Canone Missæ p. 306.*

Dicit Pax Dómini sit semper vobíscum, *sed pacis osculum non datur.*

Agnus Dei *non dicitur*: et, *omissa oratione Dómine Iesu Christe, qui dixisti, dicuntur ceteræ orationes consuetæ Dómine Iesu Christe, Fili Dei vivi, et Percéptio Córporis tui.*


8. *Post sumptionem Sacramenti, distributio communionis, purificatio et ablutio fiunt more solito; deinde pro LAUDIBUS dominicæ Resurrectionis in choro cantatur antiphona:*

VI




A L-LE-LÚ-IA, * al-le-lú-ia, al-le-lú-ia.

Psalmus 150



L AUDÁ-TE Dó-mi-num in sanctu-á-ri-o e-ius, * laudá-te e-um



in augú-sto firmamén-to e-ius.

Laudáte eum propter grándia ópera eius, * laudáte eum propter summam maiestátem eius.

Laudáte eum clangóre tubæ, * laudáte eum psaltério et cíthara.

Laudáte eum tympano et choro, * laudáte eum chordis et órgano.

Laudáte eum cymbalis sonóris, laudáte eum cymbalis crepitántibus: * omne quod spirat, laudet Dóminum!

Glória Patri, et Fílio, * et Spirítui Sancto,

Sicut erat in princípío, et nunc, et semper, * et in sæcula sæculórum. Amen.

Repetitur antiphona Allelúia, allelúia, allelúia.

Capitulum, hymnus et versus non dicuntur, sed statim celebrans in cantu incipit antiphonam ad Benedíctus.

VIII
G

E

T VALDE ma-ne * *et proseguuntur cantores:*

u-na sabba-tó-rum, vé-ni-unt ad monuméntum, or- to iam

so- le, al-le- lú-ia.

Deinde cantatur Benedíctus, cum Glória Patri in fine, et fit incensatio, ut alias in Laudibus.

Canticum Zachariæ

Luc. 1, 68-79

B

E-NE- DICTUS Dó-mi-nus, De- us Is-ra-ël, * qui- a vi- si- tá- vit

et red-é-mit pó-pu-lum su- um,

Et erexit cornu salutis nobis * in domo David servi sui,
Sicut locutus est per os sanctorum, * qui olim fuerunt, prophetarum
suorum:

Ut liberaret nos ab inimicis nostris, * et e manu omnium qui odérunt nos,

Ut faceret misericordiam cum patribus nostris, * et recordaretur
foederis sui sancti:

Iurisiurandi, quod iuravit Abrahamæ, patri nostro, * datum se nobis,
Ut sine timore, e manu inimicorum nostrorum liberati, * serviámus
illi,

In sanctitate et iustitia coram ipso * omnibus diebus nostris.

Et tu, puer, propheta Altissimi vocaberis: * præbis enim ante
faciem Domini ad parandas vias eius,

Ad dandam populo eius scientiam salutis * in remissione peccato-
rum eorum,

Per viscera misericordiae Dei nostri, * qua visitabit nos Oriens ex
alto,

Ut illuminet eos, qui in tenebris et in umbra mortis sedent, * ut dí-
rigat pedes nostros in viam pacis.

Glória Patri, et Filio, * et Spiritui Sancto,

Sicut erat in principio, et nunc, et semper, * et in sæcula sæculorum.
Amen.

9. *Repetita antiphona, celebrans dicit more solito:*

V. Dominus vobiscum.

R. Et cum spiritu tuo.

Orémus. **Postcommunio seu Oratio**

Spíritum nobis, Dómine, tuæ ca-
ritátis infúnde: ut, quos sacra-
mentis paschálibus satiásti, tua fá-
cias pietáte concórdes. Per Dómi-
num nostrum Iesum Christum,
Fílium tuum: Qui tecum vivit et

regnat in unitáte eiúsdem Spíritus
Sancti Deus.

10. *Deinde celebrans dicit:*

V. Dominus vobiscum.

R. Et cum spiritu tuo.

*Et diaconus, vertens se ad populum, seu ipse
sacerdos, cantat:*



I-te, mis-sa est, al-le-lú-ia, al-le-lú-ia.

R. De-o grá-ti-as, al-le-lú-ia, al-le-lú-ia.

*Et celebrans, dicto Pláceat tibi, sancta
Trinitas, dat benedictionem, more solito, et,
omisso ultimo evangelio, omnes revertuntur
in sacristiam.*

11. *Si contingat in hac solemni vigilia Ordi-
nationes conferri, pontifex ultimam admoni-
tionem (cum impositione sic dicti "pensi"),
quæ iuxta Pontificale romanum post benedi-
ctionem pontificalem et ante ultimum Evange-*

*lium locum habet, hac nocte eidem benedicti-
oni pontificali præmittat.*

12. *Sacerdotes qui Missam Vigiliæ pascha-
lis celebrant post mediam noctem, possunt
ipso dominico die Resurrectionis Missam lí-
tare, atque etiam, si indultum habeatur, bis
aut ter. Locorum Ordinarii vero, si eandem
Vigiliam paschalem celebraverint, possunt,
sed non tenentur, Missam solemnem ipso die
Paschatis litare.*

ORDO MISSÆ

Sacerdos paratus cum ingreditur ad altare, facta illi debita reverentia, signat se signo crucis a fronte ad pectus, et clara voce dicit nisi peculiari rubrica aliter statuatur:

In nómine Patris, et Fílii, et Spíritus Sancti. Amen.

Deinde, iunctis manibus ante pectus, incipit antiphonam:

Introibo ad altáre Dei.

Ministri respondent:

Ad Deum qui lætíficat iuventútem meam.

Postea alternatim cum ministris dicit sequentem

Ps. 42, 1-5

Iúdica me, Deus, et discérne causam meam de gente non sancta: ab hómine iníquo, et dolóso érue me.

M. Quia tu es, Deus, fortitúdo mea: quare me repulísti, et quare tristis incédo, dum affligit me inimícus?

S. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

M. Et introibo ad altáre Dei: ad Deum qui lætíficat iuventútem meam.

S. Confitébor tibi in cíthara, Deus, Deus meus: quare tristis es, ánima mea, et quare contúrbas me?

M. Spera in Deo, quóniam adhuc confitébor illi: salutáre vultus mei, et Deus meus.

S. Glória Patri, et Fílio, et Spirítui Sancto.

M. Sicut erat in princípio, et nunc, et semper: et in sæcula sæculórum. Amen.

Sacerdos repetit antiphonam:

Introibo ad altáre Dei.

R. Ad Deum qui lætíficat iuventútem meam.

Signat se, dicens:

V. Adiutórium nostrum in nómine Dómini.

R. Qui fecit cælum et terram.

Deinde iunctis manibus profunde inclinatus facit confessionem.

¶ In Missis defunctorum, et in Missis de Tempore a dominica I Passionis usque ad feriam V in Cena Domini inclusive, omittitur psalmus Iúdica me, Deus, cum Glória Patri, et repetitione antiphonæ, sed dicto In nómine Patris, Introibo, et Adiutórium, fit confessio, ut sequitur:

Confíteor Deo omnipoténti, beátæ Maríæ semper Vírgini, beáto Michaéli Archángelo, beáto Ioánni Baptístæ, sanctis Apóstolis

Petro et Paulo, ómnibus Sanctis, et vobis, fratres: quia peccávi nimis cogitatione, verbo et ópere: **percutit sibi pectus ter, dicens:** mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Arch-ángelum, beátum Ioánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Ministri respondent:

Misereátur tui omnípotens Deus, et, dimíssis peccátis tuis, perdúcat te ad vitam ætérnam.

Sacerdos dicit: Amen et erigit se.

Deinde ministri repetunt confessionem: et ubi a sacerdote dicebatur vobis, fratres, et vos, fratres, a ministris dicitur tibi, pater, et te, pater.

Postea sacerdos, iunctis manibus, facit absolutionem, dicens:

Misereátur vestri omnípotens Deus, et, dimíssis peccátis vestris, perdúcat vos ad vitam ætérnam. **R.** Amen.

Signat se signo crucis, dicens:

Indulgéntiam, absolutiónem, et remissionem peccatórum nostrórum tríbuat nobis omnípotens et miséricors Dóminus. **R.** Amen.

Et inclinatus prosequitur:

V. Deus, tu convérsus vivificábis nos.

R. Et plebs tua lætábitur in te.

V. Osténde nobis, Dómine, misericórdiam tuam.

R. Et salutáre tuum da nobis.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Et extendens, ac iungens manus, clara voce dicit: Orémus, et ascendens ad altare, dicit secreto:

Aufer a nobis, quæsumus, Dómine, iniquitátes nostras: ut ad Sancta sanctorum puris mereámur méntibus introire. Per Christum Dóminum nostrum. Amen.

Deinde, manibus iunctis super altare, inclinatus dicit:

Orámus te, Dómine, per mérita Sanctorum tuorum, **osculatur altare in medio** quorum reliquiæ hic sunt, et ómnium Sanctorum: ut indulgére dignéris ómnia peccáta mea. Amen.

¶ In Missa solemni, quæ non sit defunctorum, celebrans antequam incipiat antiphonam ad Introitum, benedicit incensum, dicens:

Ab illo bene ✠ dicáris, in cuius honóre cremáberis. Amen.

Et, accepto thuribulo a diacono, incensat altare, nihil dicens. Postea diaconus, recepto thuribulo a celebrante, incensat illum tantum. Deinde celebrans signans se signo crucis incipit Introitum: qua finita, iunctis manibus, alternatim cum ministris dicit:

Kýrie, eléison. Kýrie, eléison.
Kýrie, eléison.

Christe, eléison. Christe, eléison.
Christe eléison.

Kýrie, eléison. Kýrie, eléison.
Kýrie, eléison.

Postea in medio altaris extendens et iungens manus, caputque aliquantulum inclinans, dicit, si dicendum est, Glória in excélsis Deo, et prosequitur iunctis manibus. Cum dicit Adorámus te, Grátias ágimus tibi, et Iesu Christe, et Súscipe deprecatióem, inclinatur caput: et in fine dicens: Cum Sancto Spíritu, signat se a fronte ad pectus.


Missa I

Tempore paschali

IV 
Gló-ri- a in excél-sis De- o.

Missa II

In festis I classis 1

I 
Gló-ri- a in excél-sis De- o.

Missa IV

In festis II classis 1

IV 
Gló- ri- a in excél-sis De- o.


Missa IX

In festis beatæ Mariæ Virginis 1

VII 
Gló- ri- a in excél-sis De- o.


Missa XI

In dominicis per annum

II 
Gló-ri- a in excél-sis De- o.

In festis III classis 1

Missa XII



Gló-ri- a in excél-sis De- o.

In commemorationibus et feriis temporis natalicii

Missa XV



Gló-ri- a in excél-sis De- o.

Et in terra pax homínibus bonæ voluntátis. Laudámus te. Benedícimus te. Adorámus te. Glorificámus te. Grátias ágimus tibi propter magnam glóriam tuam. Dómine Deus, Rex cæléstis, Deus Pater omnípotens. Dómine Fili unigénite, Iesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, súscipe deprecationem nostram. Qui sedes ad dexteram Patris, miserére nobis. Quóniam tu solus Sanctus. Tu solus Dóminus. Tu solus Altíssimus, Iesu Christe. Cum Sancto Spíritu, in glória Dei Patris. Amen.

Deinde osculatur altare in medio, et versus ad populum dicit:

V. Dóminus vobíscum.

R. Et cum spíritu tuo.

Postea dicit: Orémus, et orationes, unam aut plures, ut ordo officii postulat. Sequitur Epístola, graduale, tractus, vel Allelúia cum versu, aut sequentia, prout Tempus aut qualitas Missæ postulat.

His finitis, si est Missa solemnis, diaconus librum Evangeliorum deponit super medium altaris, et nisi sit Missa defunctorum, celebrans benedicit incensum, ut supra: deinde diaconus genuflexus ante altare, manibus iunctis, dicit:

Munda cor meum, ac lábia mea, omnípotens Deus, qui lábia Isaíæ prophétæ cálculo mundásti igníto: ita me tua grata miseratione dignáre mundáre, ut sanctum evangélium tuum digne váleam nuntiáre. Per Christum Dóminum nostrum. Amen.

Postea accipit librum de altari, et rursus genuflexus petit benedictionem a sacerdote, dicens:

Iube, domne, benedícere.

Sacerdos respondet:

Dóminus sit in corde tuo, et in lábiis tuis: ut digne et competénter annúnties evangélium suum: in nómine Patris, et Fílii, ✠ et Spíritus Sancti. Amen.

Et, accepta benedictione, osculatur manum celebrantis: et cum aliis ministris, incenso, et

luminaribus, accedens ad locum evangelii, stans iunctis manibus, dicit:

V. Dóminus vobíscum.

R. Et cum spíritu tuo.

Et pronuntians: Sequéntia sancti Evangélíi secúndum N., sive Inítium, pollice dexteræ manus signat librum in principio evangelii, quod est lecturus, deinde seipsum in fronte, ore, et pectore: et dum ministri respondent Glória tibi, Dómine, incensat ter librum, postea prosequitur Evangelium iunctis manibus. Quo finito, subdiaconus defert librum sacerdoti, qui osculatur Evangelium, dicens: Per evangélica dicta deleántur nostra delícta.

Deinde sacerdos incensatur a diacono.

Si vero sacerdos sine diacono et subdiacono celebrat, delato libro ad aliud latus altaris, inclinatus in medio, iunctis manibus dicit:

Munda cor meum, ut supra, et Iube, Dómine, benedícere.

Dóminus sit in corde meo, et in lábiis meis: ut digne et competénter annúntiem Evangélium suum. Amen.

Deinde, conversus ad librum, iunctis manibus, dicit:

V. Dóminus vobíscum.


R. Et cum spíritu tuo.

Et pronuntians: Inítium, sive Sequéntia sancti Evangélíi, signat librum, et se in fronte, ore, et pectore, et legit Evangelium, ut dictum est. Quo finito, respondet minister: Laus tibi, Christe, et sacerdos osculatur Evangelium, dicens: Per evangélica dicta, ut supra.

¶ In Missis defunctorum dicitur Munda cor meum, sed non petitur benedictio, non deferuntur luminaria, nec celebrans osculatur librum.

Deinde ad medium altaris extendens, elevans, et iungens manus, dicit, si dicendum est, Credo in unum Deum, et prosequitur iunctis manibus. Cum dicit Deum, caput Cruci inclinat: quod similiter facit, cum dicit Iesum Christum, et simul adorátur. Ad illa autem verba Et incarnátus est, genuflectit usque dum dicatur Et homo factus est. In fine ad Et vitam ventúri sáeculi, signat se signo crucis a fronte ad pectus.

Credo I, II, IV



Credo III



Patrem omnipoténtem, factórem cæli et terræ, visibílium ómnium et invisibílium. Et in unum Dóminum Iesum Christum, Fílium Dei unigénitum. Et ex Patre natum ante ómnia sáecula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri: per quem ómnia facta sunt. Qui propter nos hómines et propter nostram salútem descéndit de cælis. **Hic genuflectitur:** Et incarnátus est de Spíritu Sancto ex María Vírgine: Et homo factus est. Crucifíxus étiam pro nobis: sub Póntio Piláto passus, et sepúltus est. Et resurréxit tértia die, secúndum Scriptúras. Et ascéndit in cælum: sedet ad dexteram Patris. Et íterum ventúrus est cum glória iudicáre vivos et mórtuos: cuius regni non erit finis. Et in Spíritum Sanctum, Dóminum et vivificántem: qui ex Patre, Filióque procédit. Qui cum Patre, et Fílio simul adorátur, et conglorificátur: qui locútus est per Prophétas. Et unam sanctam catholicam et apostólicam Ecclésiám. Confíteor unum baptísma in remissionem peccatórum. Et exspécto resurrectionem mortuórum. Et vitam ventúri sáeculi. Amen.

Deinde osculatur altare, et versus ad populum, dicit:

Y. Dóminus vobíscum.

Ry. Et cum spíritu tuo.

Postea dicit: Orémus, et antiphonam ad Offertorium. Qua dicta, si est Missa solemnis, diaconus porrigit celebranti patenam cum hostia; secus sacerdos ipse accipit patenam cum hostia, quam offerens, dicit:

Súscipe, sancte Pater, omnípotens ætérne Deus, hanc immaculátam hóstiam, quam ego indignus fámulus tuus óffero tibi Deo meo, vivo et vero, pro innumerábilibus peccátis, et offensió nibus, et negligétiis meis, et pro ómnibus circumstántibus, sed et pro ómnibus fidélibus christiánis vivis atque defúntis: ut mihi et illis proficiat ad salutem in vitam ætérnam. Amen.

Deinde faciens crucem cum eadem patena, deponit hostiam super corporale. Diaconus ministrat vinum, subdiaconus aquam in calice: vel si Missa sine sacris ministris celebratur, utrumque infundit sacerdos, et aquam miscendam in calice benedicit signo crucis, dicens:

Deus, qui humánæ substántiæ dignitátem mirábiliter condidísti, et mirábiliter reformásti: da nobis, per huius aquæ et vini mystérium, eius divinitátis esse consórtes, qui humanitátis nostræ fieri dignátus est párticeps, Iesus Christus, Fílius tuus, Dóminus noster: Qui tecum vivit et regnat in unitáte Spíritus Sancti Deus: per ómnia sæcula sæculórum. Amen.

¶ In Missis defunctorum dicitur prædicta oratio: sed aqua non benedicitur.

Postea accipit calicem, et offert dicens:

Offerimus tibi, Dómine, cálicem salutáris, tuam deprecántes

cleméntiam: ut in conspéctu divínæ maiestátis tuæ, pro nostra et totíus mundi salúte, cum odóre suavitátis ascéndat. Amen.

Deinde facit signum crucis cum calice, et illum ponit super corporale, et palla cooperit: tum, iunctis manibus super altare, aliquantulum inclinatus, dicit:

In spíritu humilitátis et in ánimo contríto suscipiámur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas iungens, elevatis ad cælum oculis, et statim demissis, dicit:

Veni, sanctificátor, omnípotens ætérne Deus: **benedicit oblata, prosequendo:** et béne✠dic hoc sacrificium, tuo sancto nómini præparátum.

Postea, si solemniter celebrat, benedicit incensum, dicens:

Per intercessiόνem beáti Michaélis Archángeli, stantis a dextris altáris incénsi, et ómnium electórum suórum, incénsum istud dignétur Dóminus bene✠dicere, et in odórem suavitátis accípere. Per Christum Dóminum nostrum. Amen.

Et, accepto thuribulo a diacono, incensat oblata, modo in rubricis generalibus præscripto, dicens:

Incénsum istud, a te benedíctum, ascéndat ad te, Dómine: et descéndat super nos misericórdia tua.

Deinde incensat altare, dicens:

Ps. 140, 2-4

Dirigátur, Dómine, orátio mea, sicut incénsum, in conspéctu tuo: elevátio mánuum meárum sacrificium vespertínium. Pone, Dó-

mine, custódiam ori meo, et óstium circumstántiæ lábiis meis: ut non declínet cor meum in verba malítiæ, ad excusándas excusatiónes in peccátis.

Dum reddit thuribulum diacono, dicit:

Accéndat in nobis Dóminus ignem sui amóris, et flammam ætérnæ caritátis. Amen.

Postea incensatur sacerdos a diacono, deinde alii per ordinem. Interim sacerdos lavat manus, dicens:

Ps. 25, 6-12

Lavábo inter innocéntes manus meas: et circúmdabo altáre tuum, Dómine:

Ut áudiam vocem laudis, et enárem univérse mirabília tua.

Dómine, diléxi decórem domus tuæ, et locum habitatiónis glóriæ tuæ.

Ne perdas cum impiis, Deus, ánimam meam, et cum viris sánguinem vitam meam:

In quorum mánibus iniquitátes sunt: dextera eórum repléta est munéribus.

Ego autem in innocéntia mea ingressus sum: rédime me, et miserére mei.

Pes meus stetit in dirécto: in ecclésiis benedícam te, Dómine.

Glória Patri, et Fílio, et Spirítui Sancto.

Sicut erat in princípio, et nunc, et semper: et in sæcula sæculórum. Amen.

¶ In Missis defunctorum, et Tempore Passionis in Missis de Tempore omittitur Glória Patri.

Deinde, aliquantulum inclinatus in medio altaris, iunctis manibus super eo, dicit:

Súscipe, sancta Trínitas, hanc oblatiódinem, quam tibi offérimus ob memóriam passiónis, resurrectionis, et ascensionis Iesu Christi Dómini nostri, et in honórem beátæ Mariæ semper Vírginis, et beáti Ioánnis Baptístæ, et sanctórum Apostolórum Petri et Pauli, et istórum, et ómnium sanctórum: ut illis proficiat ad honórem, nobis autem ad salútem: et illi pro nobis intercédere dignéntur in cælis, quorum memóriam ágimus in terris. Per eúndem Christum Dóminum nostrum. Amen.

Postea osculatur altare; et versus ad populum extendens, et iungens manus, voce paululum elevata, dicit:

Oráte, fratres: ut meum ac vestrum sacrificium acceptábile fiat apud Deum Patrem omnipoténtem.

Minister, seu circumstantes respondent: alioquin ipsemet sacerdos:


Suscípiat Dóminus sacrificium de mánibus tuis (**vel** meis) ad laudem, et glóriam nóminis sui, ad utilitátem quoque nostram, totiúsque Ecclesiæ suæ sanctæ.

Sacerdos submissa voce dicit: Amen.

Deinde, manibus extensis, absolute sine Orémus subiungit orationes secretas. Quibus finitis, cum pervenerit ad conclusionem, clara voce dicit: Per ómnia sæcula sæculórum, cum præfatione, ut in sequentibus.

Præfationem incipit ambabus manibus positis hinc inde super altare: quas aliquantulum elevat, cum dicit: Sursum corda. Iungit eas ante pectus, et caput inclinat, cum dicit: Grátias agámus Dómino Deo nostro.

Deinde disiungit manus, et disiunctas tenet usque ad finem præfationis: qua finita, iterum iungit eas, et inclinatus dicit: Sanctus. Et cum dicit: Benedíctus qui venit, signum crucis sibi producit a fronte ad pectus.




incarná- ti Verbi my- sté- ri- um, no- va men- tis nostræ ó- cu- lis




lux tu- æ cla- ri- tá- tis infúl- sit: ut dum vi- si- bí- li- ter De- um




co- gnó- scimus, per hunc in in- vi- si- bí- li- um amó- rem ra- pi-




ámur. Et í- de- o cum Ange- lis et Archánge- lis, cum Thro- nis



et Do- mi- na- ti- ó- ni- bus, cumque omni mi- lí- ti- a cæ- lé- stis



ex- ér- ci- tus, hymnum gló- ri- æ tu- æ cá- ni- mus, si- ne fi- ne



di- céntes :

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedictus qui venit in nómine Dómini. Hosánna in excélsis.


Infra Actionem Communicántes **propr.**, ut **infra in Canone** 304.

In prima vero Missa Nativitatis Domini dicitur: Et noctem sacratíssimam celebrántes, qua etc.; **deinde semper dicitur** diem sacratíssimam celebrántes, quo etc., **usque ad octavam Nativitatis Domini inclusive.**

PRÆFATIO DE EPIPHANIA DOMINI



Per ómni- a sæ-cu- la sæ-cu-ló- rum. *℞*. Amen. *℣*. Dó-mi-nus vo-




bis-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus



ad Dó-mi-num. *℣*. Grá-ti- as a-gá-mus Dó-mi-no De- o nostro.




℞. Di-gnum et iustum est. *Ve-re* dignum et iustum est, æquum et







sa-lu- tá-re, nos ti-bi semper, et u-bí-que grá- ti- as á-ge-re:



Dó-mi-ne, sancte Pa-ter, omní-po- tens æ- térne De- us: Qui- a, cum



U-ni-gé- ni- tus tu-us in substán-ti- a nostræ mor-ta- li- tá- tis




Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra Actionem Communicántes **propr.**, ut infra in Canone 304. Et dicitur in festo tantum.

PRÆFATIO DE QUADRAGESIMĀ




Per ómni- a sæ-cu- la sæ-cu- ló- rum. *R.* Amen. *V.* Dó-mi-nus vo-



bís-cum. *R.* Et cum spí- ri- tu tu- o. *V.* Sur-sum corda. *R.* Ha-bé-mus



ad Dó-mi-num. *V.* Grá-ti- as a-gá-mus Dómi-no De- o nostro.




R. Di-gnum et iustum est. *V.* e-re dignum et iustum est, æquum et








sa-lu- tá-re, nos ti-bi semper, et u-bí-que grá-ti- as á-ge-re:



Dó-mi-ne, sancte Pa-ter, omní-po-tens æ-térne De- us: Qui corpo-



rá- li ie-iú-ni- o ví-ti- a cómpri-mis, men-tem é- le-vas,




Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedictus qui venit in nómine Dómini. Hosánna in excélsis.

PRÆFATIO DE SANCTA CRUCE




Per ómni- a sæ-cu- la sæ-cu- lo- rum. *℞*. Amen *℣*. Dó-mi-nus vo-




bis- cum. *℞*. Et cum spí- ri- tu tu- o. *℣*. Sur- sum corda. *℞*. Ha- bé- mus




ad Dómi- num. *℣*. Grá- ti- as a- gá- mus Dómi- no De- o nostro.




℞. Di- gnum et iu- stum est. *Ve- re* dignum et iu- stum est, æquum et




sa- lu- tá- re, nos ti- bi semper, et u- bíque grá- ti- as á- ge- re :




Dó-mi- ne, sancte Pa- ter, omní- po- tens æ- térne De- us : Qui sa-




lú- tem hu- má- ni gé- ne- ris in ligno Cru- cis consti- tu- í- sti :



ut unde mors o-ri-e-bá-tur, inde vi-ta re-súrge-ret: et qui



in ligno vin-cé-bat, in ligno quoque vince-ré-tur: per Chri-stum




Dó-mi-num nostrum. Per quem ma-ie-stá-tem tu-am laudant Ange-li,



ad-ó-rant Do-mi-na-ti-ó-nes, tremunt Po-te-stá-tes. Cæ-li, cæ-lo-



rúmque Vir-tú-tes, ac be-á-ta Sé-raphim, só-ci-a exsul-ta-ti-



ó-ne concé-lebrant. Cum qui-bus et nostras vo-ces, ut admít-ti



iú-be-as, depre-cámur, súp-pli-ci confes-si-ó-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE MISSA CHRISMATIS

Per ómni- a sæcu - la sæcu - ló- rum. *℞.* Amen. *℣.* Dó-mi - nus vo- bíscum. *℞.* Et cum spí- ri- tu tu- o. *℣.* Sursumcorda. *℞.* Habémus ad Dómi - num. *℣.* Grá- ti- as a- gámusDómino De- o nostro. *℞.* Dignum et iustum est.**V**


e- re dignum et iustum est, æquum et sa- lu - tá- re,

cleménti - am tu- am supplí - ci - ter obse - crá - re, ut spi - ri-

tu - á- lis lavácri baptísimo reno - vándis cre- a - tú - ram chrí-

sma- tis in sacraméntum perféctæ sa- lú- tis vi - táeque confír-




mes; ut sancti- fi- ca- ti- óne uncti- ó - nis in - fúsa, corrup-





ti- óne primæ na- ti- vi- tá- tis absórpta, sanctum uni- us-
 cu-iúsque templum acceptábi- lis vitæ innocénti- æ o- dó-
 re redo- léscat; ut secúndum consti- tu- ti- ó- nis tu- æ sa-
 craméntum, ré- gi- o et sacerdo- tá- li prophe- ti- cóque honó-
 re per- fú- si, vestiménto incorrúpti mún- e- ris indu- ántur:
 per Christum Dómi- num nostrum. Per quem ma- iestátem
 tu- am laudant Ange- li, adó- rant Domi- na- ti- ó- nes, tre-
 munt Po- testá- tes. Cæ- li, cælo- rúmque Virtú- tes, ac be- á-
 ta Sé- raphim, só- ci- a exsulta- ti- ó- ne concé- lebrant.
 Cum quibus et nostras voces ut admítti iúbe- as, de-
 pre- cámur, súppli- ci confessi- ó- ne di- céntes: **S**anctus

PRÆFATIO PASCHALIS


In Missa Vigiliæ paschalis dicitur: in hac potíssimum nocte; **a die Paschæ usque ad sabbatum in albis inclusive:** in hac potíssimum die; **alias:** in hoc potíssimum.






 Per ómni- a sæ-cu- la sæ-cu- ló- rum.  Amen.  Dó-mi-nus vo-

 bís-cum.  Et cum spí-ri- tu tu- o.  Sur-sum corda.  Ha-bé-mus

 ad Dó-mi-num.  Grá-ti- as a-gá-mus Dó-mi-no De- o


 nostro.  Di-gnum et iustum est.  Ve- re dignum et iustum est,

 æquum et sa-lu- tá-re: Te qui-dem, Dómi-ne, omni témpo-re,

 sed in   hac po- tís-simum nocte } glo- ri- ó-si- us præ-di- cá-re,
 hac po- tís-simum di- e
 hoc po- tís-simum




cum Pascha nostrum immo- lá- tus est Chri- stus. Ipse e- nim ve- rus




est Agnus, qui áb- stu- lit pec- cá- ta mundi. Qui mortem nostram



mo- ri- éndo de- strú- xit, et vi- tam re- surgéndo re- pa- rá- vit.



Et íd- e- o cum Ange- lis et Archánge- lis, cum Thro- nis et Domi-



na- ti- ó- ni- bus, cumque omni mi- lí- ti- a cæ- lé- stis ex- érci- tus,



hymnum gló- ri- æ tu- æ cá- nimus, si- ne fi- ne di- céntes :

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.


Infra Actionem Communicántes **et** Hanc ígitur **propr., ut infra in Canone 304 et 305.**

Sic dicitur a Missa Vigilæ paschalis usque ad sabbatum in albis inclu- sive. In Missa autem Vigilæ paschalis dicitur: et noctem sacratíssimam celebrántes.

PRÆFATIO DE ASCENSIONE DOMINI



Per ómni- a sæ-cu-la sæ-cu-ló- rum. *℟.* Amen. *℣.* Dó-mi-nus vo-



bís- cum. *℟.* Et cum spí- ri- tu tu- o. *℣.* Sur-sum corda. *℟.* Ha-bé- mus



ad Dó-mi-num. *℣.* Grá- ti- as a- gá- mus Dó-mi- no De- o nostro.




℟. Di- gnum et iustum est. *V*e- re dignum et iustum est, æquum et



sa- lu- tá- re, nos ti- bi semper, et u- bí- que grá- ti- as á- ge- re :



Dó-mi- ne, sancte Pa- ter, omní- po- tens æ- térne De- us: per Chri- stum



Dó- mi- num nostrum. Qui post re- surre- cti- ó- nem su- am ómni- bus




di-scí-pu- lis su- is ma-ni- fé- stus ap- pá- ru- it, et ipsis cernén-



ti- bus est e- le- vá- tus in cæ- lum, ut nos di- vi- ni- tá- tis su- æ




tri- bú- e- ret es- se par- tí- ci- pes. Et íd- e- o cum Ange- lis et



Archánge- lis, cum Thro- nis et Do- mi- na- ti- ó- ni- bus, cumque



omni mi- lí- ti- a cæ- lé- stis ex- ér- ci- tus, hymnum gló- ri- æ



tu- æ cá- ni- mus, si- ne fi- ne di- cén- tes :

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

Infra Actionem Communicántes **propr.**, ut infra in Canone 304. Et dicitur die festo tantum.

PRÆFATIO DE SSMO CORDE IESU




Per ómni- a sæ-cu- la sæ-cu- ló- rum. *R.* Amen. *✠* Dó-mi-nus vo-



bís-cum. *R.* Et cum spí-ri-tu tu- o. *✠* Sur-sum corda. *R.* Ha-bé-mus




ad Dó-mi-num. *✠* Grá-ti- as a-gá-mus Dómi-no De- o nostro.




R. Di-gnum et iustum est. *Ve-re* dignum et iustum est, æquum et




sa-lu- tá-re, nos ti-bi semper, et u-bíque grá-ti- as á-ge-re :




Dó-mi-ne, sancte Pa-ter, omní-po- tens æ-térne De- us: Qui U-ni-




gé-ni- tum tu-um in cru-ce pendéntem lánce- a mí- li- tis transfí-gi



vo-lu- î-sti, ut a-pértum Cor, di-ví-næ lar-gi-tá-tis sa-crá-



ri-um, torréntes no-bis fúnde-ret mi-se-ra-ti-ó-nis et grá-ti-æ,




et quod a-mó-re nostri flagrá-re numquam dé-sti-tit, pi-is esset



réqui-es, et pæ-ni-tén-ti-bus pa-té-ret sa-lú-tis re-fú-gi-um.



Et íd-e-o cum Ange-lis et Archánge-lis, cum Thro-nis et Domi-




na-ti-ó-ni-bus, cumque omni mi-lí-ti-a cæ-léstis ex-érci-tus,




hymnum gló-ri-æ tu-æ cá-ni-mus, si-ne fi-ne di-centes :

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.


PRÆFATIO DE D. N. IESU CHRISTO REGE




Per ómni- a sæ-cu- la sæ-cu- ló- rum. *℟.* Amen. *℣.* Dó-mi-nus vo-
 bís- cum. *℟.* Et cum spí-ri-tu tu- o. *℣.* Sur-sum corda. *℟.* Ha-bé-mus
 ad Dómi-num. *℣.* Grá- ti- as a-gá- mus Dómi-no De- o nostro.
℟. Di-gnum et iustum est. *V*e-re dignum et iustum est, æquum et
 sa-lu- tá-re, nos ti-bi semper, et u-bí-que grá-ti- as á-ge-re:
 Dó-mi-ne, sancte Pa-ter, omní-po-tens æ-térne De-us: Qui u-ni-
 gé-ni-tum Fí- li- um tu- um Dó-mi-num nostrum Ie-sum Chri-stum,
 Sa-cerdó-tem æ-térnum et u-ni-versó-rum Re-gem, ó-le- o ex-sul-
 ta- ti- ó- nis unxí-sti: ut, se- ípsum in a- ra cru- cis, hó-sti- am




imma-cu-lá-tam et pa-cí-fi-cam óf-fe-rens, red-empti-ó-nis




hu-má-næ sacra-mén-ta per-á-ge-ret: et su-o subié-ctis impé-




ri-o ómni-bus cre-a-tú-ris, æ-térnum et u-ni-versá-le regnum,




imménsæ tu-æ trá-de ret Ma-ie-stá-ti: regnum ve-ri-tá-tis et




vi-tæ; regnum sancti-tá-tis et grá-ti-æ; regnum iu-stí-ti-æ,




a-mó-ris et pa-cis. Et íd-e-o cum Ange-lis et Archánge-lis,



cum Thro-nis et Do-mi-na-ti-ó-ni-bus, cumque omni mi-lí-ti-a



cæ-lé-stis ex-ér-ci-tus, hymnum gló-ri-æ tu-æ cá-nimus, si-ne




fi-ne di-céntes :

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE SPIRITU SANCTO




Per ómni- a sǣ-cu- la sǣ-cu- ló- rum. *℞* Amen. *℟* Dó-mi-nus vo-



bís-cum. *℞* Et cum spí-ri- tu tu- o. *℟* Sur-sum corda. *℞* Ha-bé-mus



ad Dómi-num. *℟* Grá-ti- as a-gá- mus Dómi-no De- o nostro.




℞ Di-gnum et iustum est. *V*e-re dignum et iustum est, æquum et



sa-lu- tá-re, nos ti-bi semper, et u-bíque grá-ti- as á-ge-re:



Dó-mi-ne, sancte Pa-ter, omní-po-tens æ-térne De- us : per Chri-stum



Dó- mi-num nostrum. Qui ascéndens su-per omnes cæ-los, sedénsque




ad dexte-ram tu-am, pro-missum Spí-ri-tum Sanctum (ho-di-érna



di-e) in fí-li-os ad-opti-ó-nis effú-dit. Quaprópter pro-fú-sis



gáudi-is, to-tus in orbe terrá-rum mun-dus exsúl-tat. Sed et su-



pérnæ Virtú-tes, atque angé-li-cæ Po-te-stá-tes, hymnum gló-ri-æ



tu-æ cónci-nunt, si- ne fi- ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.


Infra Actionem Communicántes **et** Hanc ígitur **propr.**, ut infra in Canone 304 **et** 305.

Et dicitur tantum a vigilia Pentcostes usque ad sequens sabbatum inclusive, in omnibus Missis.

PRÆFATIO DE SANCTISSIMA TRINITATE



Per ómni- a sæ-cu-la sæ-cu-ló rum. *R.* Amen. *V.* Dó-mi-nus vo-




bís- cum. *R.* Et cum spí- ri- tu tu- o. *V.* Sur-sum corda. *R.* Ha-bé-mus




ad Dómi-num. *V.* Grá- ti- as a- gá-mus Dómi-no De- o nostro.



R. Di-gnum et iustum est. *V.* Ve-re dignum et iustum est, æquum et




sa-lu- tá-re, nos ti-bi semper, et u-bíque grá- ti- as á-ge-re:



Dó-mi-ne, sancte Pa-ter, omní-po-tens æ- térne De- us: Qui cum u-ni-



gé-ni- to Fí- li- o tu- o, et Spí- ri- tu Sancto, u-nus es De- us,



u- nus es Dóminus: non in u-ní- us singu-la-ri- tá-te per-só-næ,



sed in u-ní-us Tri-ni- tá- te substán-ti- æ. Quod e-nim de tu- a

gló- ri- a, re-ve- lán-te te, cré-di-mus, hoc de Fí-li- o tu- o,

hoc de Spí-ri- tu Sancto, si-ne dif-fe-rén-ti- a discre-ti- ó- nis

sentí-mus. Ut in confessi- ó-ne ve-ræ sempi-ternæ-que De- i- tá-tis,

et in persó- nis pro-prí- e- tas, et in essén-ti- a ú-ni- tas,

et in ma-iestá- te ad-o-ré- tur æquá- li- tas. Quam laudant Ange- li

atque Archánge- li, Ché-ru- bim quoque ac Sé-raphim: qui non

cessant cla-má-re co-tí-di- e, u-na vo- ce di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE BEATA MARIA VIRGINE

Dicitur vel Et te in Annuntiatióne, **vel** Visitatióne, **vel** Assumptiόne, **vel** Nativitáte, **vel** Præsentatiόne, **secundum denominationem festi.**

In Missis vero de Conceptione immaculata dicitur: Et te in Conceptione immaculáta.

In Missis de Septem Doloribus dicitur: Et te in Transfixiόne.

In Commemoratione de Monte Carmelo dicitur: Et te in Commemoratione.

In omnibus aliis festis dicitur: Et te in Festivitaté.

In Missa de S. Maria in sabbato, et in Missis votivis, in quibus speciale Mystrium non sit exprimendum, dicitur: Et te in Veneratiόne.

Per ómni- a sǽ-cu- la sǽ-cu- ló- rum. **R.** Amen. **V.** Dó-mi-nus vo-

bís-cum. **R.** Et cum spí-ri-tu tu- o. **V.** Sur-sum corda. **R.** Ha-bé-mus


ad Dómi-num. **V.** Grá-ti- as a-gá-mus Dómi-no De- o nostro.

R. Di-gnum et iustum est. **Ve-re** dignum et iustum est, æquum et


sa-lu- tá-re, nos ti-bi semper, et u-bíque grá-ti- as á-ge-re:

Dó-mi-ne, sancte Pa-ter, omní-po-tens æ-térne De- us : Et te in


* * * * * be- á-tæ Ma-rí- æ semper Vír-gi-nis col-lau-dá-re,




be-ne-dí-ce-re et præ-di-cá-re. Quæ et U-ni-gé-ni-tum tu-um Sancti




Spí-ri-tus ob-umbra-ti-ó-ne con-cé-pit: et virgi-ni-tá-tis gló-ri-a




perma-nénte, lumen æ-térnum mundo ef-fú-dit, Ie-sum Chri-stum




Dó-mi-num nostrum. Per quem ma-iestá-tem tu-am laudant Ange-li,




ad-ó-rant Do-mi-na-ti-ó-nes, tremunt Po-te-stá-tes. Cæ-li, cæ-lo-



rúmque Vir-tú-tes, ac be-á-ta Sé-raphim, só-ci-a exsul-ta-ti-



ó-ne concé-lebrant. Cum qui-bus et nostras vo-ces, ut admít-ti



iú-be-as, depre-cámur, súp-pli-ci confes-si-ó-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE S. IOSEPH, SPONSO B. M. V.

In Missis votivis dicitur: Et te in Veneratione.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.

Per ómni- a sæ-cu-la sæ-cu-ló- rum. *℟.* Amen. *℣.* Dó-mi-nus vo-

bís-cum. *℟.* Et cum spí-ri- tu tu- o. *℣.* Sur-sum corda. *℟.* Ha-bé-mus

ad Dómi-num. *℣.* Grá-ti- as a-gá-mus Dómi-no De-o nostro.


℟. Di-gnum et iu-stum est. *Ve-* re dignum et iu-stum est, æquum

et sa-lu- tá-re, nos ti-bi semper et u-bíque grá-ti- as


á-ge-re: Dómi-ne, sancte Pa-ter, omní-po-tens æ-térne De- us :

Et te in * * * * * be- á-ti Io-seph dé-bi- tis magni-fi-cá-re


præ- có-ni- is, be-ne-dí-ce-re et præ-di-cá-re. Qui et vir iustus,




a te De- í-pa-ræ Vír-gi-ni Sponsus est da-tus: et fi-dé-lis servus




ac pru-dens, su-per Fa-mí-li- am tu-am est consti- tú-tus: ut U-ni-




gé-ni-tum tu- um, Sancti Spí-ri- tus o-bumbra-ti- ó-ne concéptum,




pa-térna vi-ce custo- dí-ret, Ie-sum Christum Dó-mi-num nostrum.




Per quem ma-ie-stá-tem tu-am laudant Ange-li, ad-ó-rant Do-mi-




na-ti- ó-nes, tremunt Po-te-stá-tes. Cæ-li, cæ-lo-rúmque Vir-tú-tes,



ac be- á-ta Sé-raphim, só-ci- a exsul-ta-ti- ó-ne concé-lebrant.



Cum qui-bus et nostras vo-ces, ut admít-ti iú-be-as, depre- cámur,



súp-pli-ci confes-si- ó- ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE APOSTOLIS




Per ómni- a sæ-cu- la sæ-cu- ló- rum. *℞.* Amen. *℣.* Dó-mi-nus vo-



bís- cum. *℞.* Et cum spí- ri- tu tu- o. *℣.* Sur-sum corda. *℞.* Ha-bé-mus




ad Dómi-num. *℣.* Grá- ti- as a-gá-mus Dó-mi-no De- o nostro.



℞. Di-gnum et iustum est. *Ve-* re dignum et iustum est, æquum et



sa-lu- tá-re: Te, Dó-mi-ne, supplí-ci-ter ex-o- rá-re, ut gre-gem



tu- um, pa-stor æ-térne, non dé-se-ras: sed per be- á-tos A-pó-




sto- los' tu- os, con-tí-nu- a pro-te-cti- ó- ne cu-stó-di- as:




Ut i- isdem rectó-ri-bus gu-ber-né-tur, quos ó-pe-ris tu- i vi-cá-




ri- os e- i-dem contu- li-sti præ-és-se pastó-res. Et id-e- o



cum Ange-lis et Archánge-lis, cum Thro-nis et Do-mi-na-ti- ó




ni-bus, cumque omni mi- lí- ti- a cæ-lé-stis ex- érci- tus, hymnum




gló- ri- æ tu- æ cá-ni-mus, si- ne fi- ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.


PRÆFATIO COMMUNIS




Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bís-cum. *℞*. Et cum spí-ri-tu tu- o. *℣*. Sur- sum corda. *℞*. Ha-bé-mus




ad Dómi-num. *℣*. Grá-ti- as a-gá-mus Dómi-no De- o nostro.



℞. Di-gnum et iustum est. *Ve-re dignum et iustum est, æquum et*



sa-lu- tá-re, nos ti-bi semper, et u-bíque grá-ti- as á-ge-re:



Dó-mi-ne, sancte Pa-ter, omní-po-tens æ - térne De-us: per Chri-stum




Dó-mi-num nostrum. Per quem ma-iestá-tem tu-am laudant Ange-li,



ad-ó-rant Do-mi-na-ti- ó-nes, tremunt Po-te-stá-tes. Cæ-li, cæ-lo-



rúmque Vir-tú-tes, ac be- á-ta Sé-raphim, só- ci- a exsul-ta-ti-



ó- ne concé-lebrant. Cum qui-bus et nostras vo-ces, ut admit-ti



iú-be- as, depre- cámur, súp-pli- ci confes-si- ó- ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIONES IN TONO FERIALI

Tonus ferialis adhibetur:

a) in feriis;

b) in vigiliis II et III classis;

c) in Missis votivis IV classis;

d) in Missis defunctorum.

PRÆFATIO DE NATIVITATE DOMINI

Per ómni- a sæ-cu-la sæ-cu-ló- rum. **R.** Amen. **V.** Dó-mi-nus vo-

bíscum. **R.** Et cum spí-ri-tu tu-o. **V.** Sursum corda. **R.** Ha-bémus

ad Dó-mi-num. **V.** Grá-ti-as a-gá-mus Dó-mi-no De-o nostro.


R. Dignum et iustum est. **V.** Ve-re dignum et iustum est, æquum et

sa-lu-tá-re, nos ti-bi semper, et u-bíque grá-ti-as á-ge-re:

Dó-mi-ne, sancte Pa-ter, omni-po-tens æ-térne De-us: Qui-a per




incar-ná-ti Verbi mysté-ri- um, no-va men-tis nostræ ó-cu-lis lux



tu-æ cla-ri-tá-tis infúl-sit: ut dum vi-si-bí-li-ter De-um cognó-



sci-mus, per hunc in in-vi-si-bí-li-um amó-rem ra-pi-ámur.



Et íd-e-o cum Ange-lis et Archánge-lis, cum Thro-nis et



Do-mi-na-ti- ó-ni-bus, cumque omni mi-lí-ti-a cæ-lé-stis ex-ér-



ci-tus, hymnum gló-ri-æ tu-æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.

PRÆFATIO DE EPIPHANIA DOMINI



Per ómni- a sæ- cu- la sæ- cu- ló- rum. *℞*. Amen. *℣*. Dó- mi- nus vo-



bíscum. *℞*. Et cum spí- ri- tu tu- o. *℣*. Sursum corda. *℞*. Ha- bémus




ad Dó- mi- num. *℣*. Grá- ti- as a- gá- mus Dó- mi- no De- o nostro.




℞. Di- gnum et iu- stum est. *℣*. Ve- re di- gnum et iu- stum est, aequum



et sa- lu- tá- re, nos ti- bi semper, et u- bí- que grá- ti- as




á- ge- re : Dó- mi- ne, sancte Pa- ter, omní- po- tens æ- térne De- us:




Qui- a, cum U-ni-gé-ni-tus tu-us in substánti-a nostræ mor-ta-li-



tá-tis appá-ru-it, no-va nos immor-ta-li-tá-tis su-æ lu-ce




re-pa-rá-vit. Et íd-e-o cum Ange-lis et Archánge-lis, cum



Thro-nis et Do-mi-na-ti-ó-ni-bus, cumque omni mi-lí-ti-a cæ-



lé-stis ex-ér-ci-tus, hymnum gló-ri-æ tu-æ cá-nimus, si-ne fi-ne




di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.


PRÆFATIO DE QUADRAGESIMA




Per ómni- a sæ-cu-la sæ-cu-ló-rum. *R.* Amen. *V.* Dó-mi-nus vo-




bíscum. *R.* Et cum spí-ri-tu tu-o. *V.* Sursum corda. *R.* Ha-bémus



ad Dó-mi-num. *V.* Grá-ti-as a-gámus Dó-mi-no De-o nostro.




R. Dignum et iustum est. *Ve-re* dignum et iustum est, æquum et



sa-lu-tá-re, nos ti-bi semper, et u-bíque grá-ti-as á-ge-re:




Dó-mi-ne, sancte Pa-ter, omní-po-tens æ-térne De-us: Qui corpo-



rá-li ie-iú-ni-o ví-ti-a cómpri-mis, men-tem é-le-vas,



vir-tú-tem largí-ris, et præmi- a: per Chri-stum Dó-mi-num nostrum.




Per quem maie-stá-tem tu-am laudant Ange-li, ad-ó-rant Domi-na-



ti- ó-nes, tremunt Po-te-stá-tes. Cæ-li, cæ-lo-rúmque Vir-tú-tes,



ac be- á- ta Sé-raphim, só-ci- a exsul-ta-ti- ó-ne concé-lebrant.



Cum qui-bus et nostras vo-ces, ut admít-ti iú-be-as, depre-cámur,




súppli-ci confes-si- ó-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.

PRÆFATIO DE SANCTA CRUCE



Per ómni- a sæ-cu-la sæ-cu-ló- rum. *℞.* Amen. *℣.* Dó-mi-nus vo-




bíscum. *℞.* Et cum spí-ri-tu tu-o. *℣.* Sursum corda. *℞.* Ha-bémus




ad Dó-mi-num. *℣.* Grá-ti-as a-gámus Dó-mi-no De-o nostro.



Dignum et iu-stum est. *V*e-re dignum et iu-stum est, æquum et



sa-lu-tá-re, nos ti-bi semper, et u-bíque grá-ti-as á-ge-re,




Dó-mi-ne, sancte Pa-ter, omní-po-tens æ-térne De-us : Qui sa-



lú-tem humá-ni gé-ne-ris in ligno Cru-cis consti-tu-í-sti:



ut unde mors o-ri- e-bá-tur, inde vi-ta re-súrge-ret: et qui




in ligno vincé-bat, in ligno quoque vince-ré-tur: per Chri-stum




Dó-mi-num nostrum. Per quem ma-ie-stá-tem tu-am laudant Ange-li,



ad-ó-rant Do-mi-na-ti- ó-nes, tremunt Po-te-stá-tes. Cæ-li, cæ-lo-



rúmque Vir-tú-tes, ac be- á- ta Sé-raphim, só-ci- a exsul-ta-ti-




ó-ne concé-lebrant. Cum qui-bus et nostras vo-ces, ut admít-ti




iú-be- as, depre-cámur, súppli-ci confes-si- ó-ne di-centes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.


PRÆFATIO PASCHALIS




Per ómni- a sæ-cu-la sæ-cu-ló- rum. *R.* Amen. *V.* Dó-mi-nus vo-




bís-cum. *R.* Et cum spí- ri -tu tu- o. *V.* Sursum corda. *R.* Ha-bémus




ad Dó-mi-num. *V.* Grá- ti- as a-gámus Dó-mi-no De- o nostro.




R. Dignum et iustum est. *Ve-re* dignum et iustum est, æquum et.



sa-lu-tá- re: Te qui-dem, Dó-mi-ne, omni témpo-re, sed in hoc



po-tís-simum glo-ri- ó-si- us præ-di-cá-re, cum Pascha nostrum



immo lá-tus est Chri-stus. Ipse e- nim ve-rus est Agnus,



qui ábstu-lit peccá-ta mundi. Qui mor-tem nostram mo-ri-éndo



destrú-xit, et vi-tam re-surgéndo re-pa-rá-vit. Et íd-e-o



cum Ange-lis et Archánge-lis, cum Thro-nis et Domi-na-ti ó-



ni-bus, cumque omni mi-lí-ti-a cæ-lé-stis ex-ér-ci-tus,




hymnum gló-ri-æ tu-æ cá-ni-mus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.


PRÆFATIO DE ASCENSIONE DOMINI



Per ómni- a sæ-cu-la sæ-cu-ló- rum. *R.* Amen. *V.* Dó-mi-nus vo-




bíscum. *R.* Et cum spí-ri-tu tu- o. *V.* Sursum corda. *R.* Ha-bémus



ad Dó-mi-num. *V.* Grá-ti-as a-gámus Dó-mi-no De-o nostro.



R. Dignum et iustum. est. *V.* Ve-re dignum et iustum est, æquum et




sa-lu-tá-re, nos ti-bi semper, et u-bíque grá-ti-as á-ge-re:



Dó-mi-ne, sancte Pa-ter, omni-po-tens æ-térne De- us: per Chri-stum



Dó-mi-num nostrum. Qui post re-sur-re-cti- ó-nem su-am




ómnibus discipulis suis manifestus apparuit, et ipsis



cernentibus est elevatus in cælum, ut nos divinitatis



suæ tribueret esse participes. Et ideo cum Angelis



et Archangelis, cum Thronis et Dominatibus, cumque



omni militia cælestis exercitus, hymnum gloriæ tuæ




cantamus, sine fine dicentes:

Sanctus, Sanctus, Sanctus Dominus Deus Sabaoth. Pleni sunt cæli,
et terra glória tua. Hosanna in excelsis. Benedictus qui venit in nomine
Domini. Hosanna in excelsis.

PRÆFATIO DE SSMO CORDE IESU



Per ómni- a sæ-cu-la sæ-cu- ló- rum. *℞*. Amen. *℣*. Dó-mi-nus vo-



bíscum. *℞*. Et cum spí-ri- tu tu- o. *℣*. Sursum corda. *℞*. Ha-bémus ad




Dó-mi-num. *℣*. Grá- ti- as a-gámus Dó-mi-no De- o nostro. *℞*. Dignum



et iustum est. *Ve*-re dignum et iustum est, æquum et sa-lu-tá-re,



nos ti-bi semper, et u-bíque grá- ti- as á-ge-re: Dó-mi-ne, sancte



Pa-ter, omní-po-tens æ-térne De-us: Qui U-ni-gé-ni-tum tu-um



in cru-ce pendéntem lánce- a mí- li- tis transfí-gi vo-lu- í-sti,



ut a-pér-tum Cor, di-ví-næ lar-gi- tá- tis sacrá- ri- um, torrén-tes




no-bis fúnde-ret mi-se-ra-ti- ó-nis et grá- ti-æ, et quod amó-re




nostri flagrá-re numquam dé-sti-tit, pi-is esset réqui-es et pæ-




ni-tén-ti-bus pa-té-ret sa-lú- tis re- fú- gi- um. Et íd-e- o cum An-



ge- lis et Archánge- lis, cum Thro-nis et Do-mi-na- ti- ó-ni-bus,




cumque omni mi- lí- ti- a cæ-lé-stis ex-érci-tus, hymnum gló-ri- æ




tu- æ cá-ni-mus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.


PRÆFATIO DE D. N. IESU CHRISTO REGE




Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bíscum. *℞*. Et cum spí- ri- tu tu- o. *℣*. Sursum corda. *℞*. Ha-bémus




ad Dó-mi-num. *℣*. Grá- ti- as a-gámus Dó-mi-no De- o nostro.




℞. Dignum et iustum est. *Ve-re* dignum et iustum est, æquum et




sa- lu- tá- re, nos ti- bi semper, et u- bíque grá- ti- as á- ge- re:




Dó-mi-ne, sancte Pa-ter, omní-po- tens æ- térne De- us: Qui U- ni-




gé- ni- tum Fí- li- um tu- um Dó-mi-num nostrum Ie- sum Chri- stum,



Sa- cerdó- tem æ- té rnum et u- ni- ver- só- rum Re- gem, ó- le- o



exsul- ta- ti- ó- nis unxí- sti: ut se- ípsum in a- ra cru- cis,




hó-sti-am imma-cu-lá-tam et pa-cí-fi-cam óffe-rens, red-empti-ó-nis
 humá-næ sacraménta per-á-ge-ret: et su-o subié-ctis impé-ri-o
 ómni-bus cre-a-tú-ris, æ-térnum et u-ni-versá-le regnum, imménsæ
 tu-æ trá-de-ret Ma-ie-stá-ti: regnum ve-ri-tá-tis et vi-tæ; regnum
 sancti-tá-tis et grá-ti-æ; regnum iu-stí-ti-æ, amó-ris et pa-cis.
 Et íd-e-o cum Ange-lis et Archánge-lis, cum Thro-nis et
 Do-mi-na-ti-ó-ni-bus, cumque omni mi-lí-ti-a cæ-lé-stis ex-ér-
 ci-tus, hymnum gló-ri-æ tu-æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
 et terra glória tua. Hosánna in excélsis. Benedíctus qui venit in nómi-
 ne Dómini. Hosánna in excélsis.

PRÆFATIO DE SPIRITU SANCTO




Per ómni- a sǣ-cu- la sæ-cu- ló- rum. *℞*. Amen. *℣*. Dó-mi-nus vo-




bíscum. *℞*. Et cum spí- ri- tu tu- o. *℣*. Sursum corda. *℞*. Ha-bémus




ad Dó-mi-num. *℣*. Grá- ti- as a-gámus Dó-mi-no De- o nostro.



℞. Dignum et iu-stum est. *Ve-re* dignum et iu-stum est, æquum



et sa- lu- tá- re, nos ti- bi semper, et u- bíque grá- ti- as



á-ge-re: Dó-mi-ne, sancte Pa-ter, omní-po-tens æ-térne De- us:



per Christum Dó-mi-num nostrum. Qui ascéndens super omnes cæ-los,



se-dénsque ad déxte-ram tu- am, pro-míssum Spí-ri-tum Sanctum



in fí-li- os ad-opti- ó-nis ef-fú-dit. Quaprópter pro-fú-sis gáu-



di- is, to-tus in orbe terrá-rum mundus exsúl-tat. Sed et su-pérnæ




Vir-tú-tes, atque angé-li-cæ Po-testá-tes, hymnum gló-ri-æ tu-æ



cón-ci-nunt, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE SANCTISSIMA TRINITATE



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bíscum. *℞*. Et cum spí- ri- tu tu- o. *℣*. Sursum corda. *℞*. Ha-bémus




ad Dó-mi-num. *℣*. Grá- ti- as a-gámus Dó-mi-no De- o nostro.



℞. Dignum et iu-stum est. *V*e-re dignum et iu-stum est, æquum et




sa- lu- tá- re, nos ti- bi semper, et u-bíque grá- ti- as á-ge- re,



Dómi-ne, sancte Pa-ter, omní-po-tens æ-térne De-us: Qui cum u-ni-



gé-ni- to Fí- li- o tu- o, et Spí-ri- tu Sancto, u-nus es De- us,




u-nus es Dó-mi-nus: non in u-ní- us singu-la- ri- tá- te persó-næ,




sed in u-ní-us Tri-ni-tá-te substánti-æ. Quod e-nim de tu-a




gló-ri-a, re-ve-lánte te, cré-dimus, hoc de Fí-li-o tu-o, hoc



de Spí-ri-tu Sancto, si-ne dif-fe-rénti-a discre-ti-ó-nis sentímus.



Ut in confes-si-ó-ne ve-ræ sempi-ternæque De-i-tá-tis, et in



persó-nis proprí-e-tas, et in essénti-a ú-ni-tas, et in ma-ie-



stá-te ad-o-ré-tur æquá-li-tas. Quam laudant Ange-li atque



Archánge-li, Ché-ru-bim quoque ac Sé-raphim: qui non cessant



cla-má-re co-tí-di-e, u-na vo-ce di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE BEATA MARIA VIRGINE

In Missis de Conceptione immaculata dicitur: Et te in Conceptione immaculata

In Missis de Septem Doloribus dicitur: Et te in Transfixione.

In Missis de Monte Carmelo dicitur: Et te in Commemoratione.

In Missis votivis, in quibus speciale Mysterium non sit exprimendum, dicitur: Et te in Veneratione.

Per ómni- a sæ-cu-la sæ-cu-ló- rum. **R.** Amen. **V.** Dó-mi-nus vo-

bíscum. **R.** Et cum spí- ri- tu tu-o. **V.** Sursum corda. **R.** Ha-bémus.

ad Dó-mi-num. **V.** Grá- ti- as a-gámus Dó-mi-no De- o nostro.

R. Dignum et iustum est. **Ve-re** dignum et iustum est, æquum et

sa- lu- tá- re, nos ti- bi semper, et u- bíque grá- ti- as á- ge- re:

Dómi-ne, sancte Pa-ter, omní-po-tens æ-térne De-us: Et te

in * * * * * be- á- tæ Ma- rí- æ semper Vírgi- nis collaudá- re,



be-ne-dí-ce-re et præ-di-cá-re. Quæ et U-ni-gé-ni-tum tu-um




Sancti Spí-ri-tus ob-umbra-ti-ó-ne concé-pit: et vir-gi-ni-tá-tis



gló-ri-a perma-nén-te, lumen æ-térnum mundo ef-fú-dit, Ie-sum



Chri-stum Dó-mi-num nostrum. Per quem ma-ie-stá-tem tu-am laudant



Ange-li, ad-ó-rant Do-mi-na-ti-ó-nes, tremunt Po-te-stá-tes.



Cæ-li, cæ-lo-rúm-que Vir-tú-tes, ac be-á-ta Sé-raphim, só-ci-a



exsul-ta-ti-ó-ne concé-lebrant. Cum qui-bus et nostras vo-ces,




ut admít-ti iú-be-as, depre-cá-mur, súppli-ci confes-si-ó-ne




di-céntes :

Sanctus, Sanctus, Sanctus Dóminus
Deus Sábaoth. Pleni sunt cæli, et terra glória tua. Hosánna in excélsis.
Benedíctus qui venit in nómine Dómini. Hosánna in excélsis.


PRÆFATIO DE S. IOSEPH, SPONSO B. M. V.

In Missis votivis dicitur: Et te in Veneratióne.



Per ómni- a sæ-cu-la sæ-cu-ló- rum. *℞.* Amen. *℣.* Dó-mi-nus vo-




bíscum. *℞.* Et cum spí- ri- tu tu-o. *℣.* Sursum corda. *℞.* Ha-bémus




ad Dó-mi-num. *℣.* Grá- ti- as a-gámus Dó-mi-no De- o nostro.




℞. Dignum et iustum est. *Ve-re* dignum et iustum est, æquum et




sa- lu- tá- re, nos ti- bi semper, et u- bique grá- ti- as á- ge- re:




Dómi- ne, sancte Pa- ter, omní- po- tens æ- térne De- us: Et te




in Ve- ne- ra- ti- ó- ne be- á- ti Io- seph dé- bi- tis magni- fi- cá- re




præ- có- ni- is, be- ne- dí- ce- re et præ- di- cá- re. Qui et vir iustus,




a te De- í-pa-ræ Vír-gi-ni Sponsus est da-tus: et fi-dé- lis servus




ac pru-dens, su-per Fa-mí-li- am tu-am est consti-tú-tus: ut, U-ni-




gé-ni-tum tu-um, Sancti Spí- ri- tus ob-umbra-ti- ó-ne concéptum,




pa-térna vi-ce custo-dí-ret, Ie-sum Chri-stum Dó-mi-num nostrum.




Per quem ma-ie-stá-tem tu-am laudant Ange- li, ad-ó-rant Do-mi-




na- ti- ó-nes, tremunt Po-te-stá-tes. Cæ-li, cæ-lo-rúmque Vir-tú-tes,



ac be- á- ta Sé-raphim, só-ci- a exsul-ta- ti- ó-ne concé-lebrant.




Cum qui-bus et nostras vo-ces, ut admít-ti iú-be- as, depre-cámur,




súppli-ci confes-si- ó-ne di-céntes: Sanctus, Sanctus, Sanctus
Dóminus Deus Sábaoth. Pleni sunt cæli, et terra glória tua. Hosánna in
excélsis. Benedíctus qui venit in nómine Dómini. Hosánna in excélsis.

PRÆFATIO DE APOSTOLIS




Per ómni- a sǣ-cu-la sǣ-cu-ló-rum. *℞*. Amen. *℣*. Dó-mi-nus vo-




bíscum. *℞*. Et cum spí- ri- tu tu- o. *℣*. Sursum corda. *℞*. Ha-bémus



ad Dó-mi-num. *℣*. Grá- ti- as a-gámus Dó-mi-no De-o nostro.




℞. Dignum et iustum est. *V*e-re dignum et iustum est, æquum et



sa-lu-tá-re: Te, Dó-mi-ne, supplí-ci-ter ex-o-rá-re, ut gre-gem



tū-um, Pa-stor æ-térne, non dé-se-ras: sed per be- á-tos A-pó-




sto-los tu- os con-tí-nu- a pro-te-cti- ó-ne cu-stó-di- as:




Ut i- ísdem rectó-ri-bus gu-berné-tur, quos ó-pe-ris tu- i vi-cá-



ri- os e- í-dem contu- lí-sti præ-esse pa-stó-res. Et íd-e- o



cum Ange- lis et Archánge- lis, cum Thro-nis et Do-mi-na- ti- ó-



ni-bus, cumque omni mi- lí-ti-a cæ-lé-stis ex-ér-ci-tus, hymnum




gló- ri- æ tu- æ cá-ni-mus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.


PRÆFATIO COMMUNIS




Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bíscum. *℞*. Et cum spí- ri- tu tu- o. *℣*. Sursum corda. *℞*. Ha-bémus



ad Dó-mi-num. *℣*. Grá- ti- as a-gámus Dó-mi-no De- o nostro.



℞. Dignum et iu-stum est. *Ve-re* dignum et *iu-stum* est, æquum




et sa-lu-tá-re, nos ti-bi semper, et u-bíque grá-ti- as




á-ge-re: Dó-mi-ne, sancte Pa-ter, omní-po-tens æ-térne De-us:



per Chri-stum Dó-mi-num nostrum. Per quem ma-ie-stá-tem tu- am




laudent Ange-li, ad-ó-rant Do-mi-na-ti- ó-nes, tremunt Po-te-




stá-tes. Cæ-li, cæ-lo-rúmque Vir-tú-tes, ac be-á-ta Sé-raphim,



só-ci- a exsul-ta-ti- ó-ne concé-lebrant. Cum qui-bus et nostras




vo-ces, ut admít-ti iú-be- as, depre-cámur, súppli- ci confes-si-



ó-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.


PRÆFATIO DEFUNCTORUM



er ómni- a sǣ-cu-la sǣ-cu-ló- rum. *℞*. Amen. *℣*. Dó-mi-nus vo-




bíscum. *℞*. Et cum spí-ri- tu tu- o. *℣*. Sursum corda. *℞*. Ha-bémus



ad Dó-mi-num. *℣*. Grá- ti- as a-gámus Dó-mi-no De- o nostro.




℞. Dignum et iustum est. *Ve-re* dignum et iustum est, æquum et



sa-lu- tá-re, nos ti-bi semper, et u-bíque grá-ti- as á-ge-re:



Dó-mi-ne, sancte Pa-ter, omní-po-tens æ-térne De-us: per Christum



Dó-mi-num nostrum. In quo no-bis spes be- á-tæ re-surre-cti- ó-nis




ef-fúl-sit, ut quos contrí-stat cer-ta mo- ri- éndi condí- ti- o,



e- ósdem conso-lé-tur fu-tú-ræ immor-ta-li-tá-tis promís-si- o.




Tu- is e-nim fi-dé-li-bus, Dómi-ne, vi- ta mu-tá-tur, non tól-lit-ur,



et dis-so-lú-ta ter-réstris hu-ius inco-lá-tus domo, æ-térna in



cæ-lis ha-bi-tá-ti- o compa-rá-tur. Et íd-e- o cum Ange-lis et



Archánge-lis, cum Thro-nis et Do-mi-na-ti- ó-ni-bus, cumque



omni mi- lí- ti- a cæ-lé-stis ex-ér-ci- tus, hymnum gló-ri- æ tu- æ



cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIONES SINE CANTU

PRÆFATIO DE NATIVITATE DOMINI

Sequens præfatio dicitur:

a) tamquam propria in Missis de Nativitate Domini et de eiusdem octava, necnon in festo Purificationis B. Mariæ Virg.;

b) tamquam de Tempore, infra octavam Nativitatis Domini, etiam in Missis quæ secus præfationem propriam haberent, exceptis iis Missis quæ præfationem propriam de divinis misteriis vel Personis habent; et a die 2 ad 5 ianuarii.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

R. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine sancte Pater, omnípotens ætérne Deus: **Q**uia per incarnáti

Verbi mystérium, nova mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

Infra Actionem Communicátes **propr.**, ut in Canone 304.

In prima vero Missa Nativitatis Domini dicitur: Et noctem sacratíssimam celebrátes, qua etc.; **deinde semper dicitur:** diem sacratíssimum celebrátes, quo etc., **usque ad octavam Nativitatis Domini inclusive.**

PRÆFATIO DE EPIPHANIA DOMINI

Sequens præfatio dicitur:

a) tamquam propria in Missis de festo Epiphaniae et de Commemoratione Baptismatis D. N. Iesu Christi:

b) tamquam de Tempore diebus a 7 ad 13 ianuarii.

Per ómnia sáecula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine sancte Pater, omnípotens

ætérne Deus: **Q**uia, cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ídeo nus Deus Sábaoth. Pleni sunt cæli Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

Infra Actionem Communicántes **propr., ut in Canone 304. Et dicitur in festo tantum.**

PRÆFATIO DE QUADRAGESIMA

Sequens præfatio dicitur:

a) tamquam propria in Missis de Tempore a feria IV cinerum usque ad sabbatum ante dominicam I Passionis;

b) tamquam de Tempore in ceteris Missis quæ celebrantur eodem tempore, et præfatione propria carent.

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine sancte Pater, omnípotens ætérne Deus: **Q**ui corporáli ieiúno vítia cómprimis, mentem élevas,

virtútem largíris, et præmia: per Christum Dóminum nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admítti iúbeas, deprecámur, súpplíci confessióne dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedictus qui venit in nómine Dómini. Hosánna in excélsis.

PRÆFATIO DE SANCTA CRUCE

Sequens præfatio dicitur:

a) tamquam propria in Missis de Tempore a dominica I Passionis usque ad feriam V in Cena Domini; in Missis tam festivis quam votivis de sancta Cruce, de Passione Domini et instrumentis Passionis Domini, de pretiosissimo Sanguine D.N. Iesu Christi, de Ss̃mo Redemptore;

b) tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine sancte Pater, omnípotens ætérne Deus: **Q**ui salútem humáni géneris in ligno Crucis constituísti: ut, unde mors oriebátur, inde vita

resúrgeret; et qui in ligno vincébat, in ligno quoque vincerétur: per Christum Dóminum nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admítti iúbeas, deprecámur, súpplíci confessióne dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE MISSA CHRISMATIS

Sequens præfatio de Missa Chrismatis dicitur feria V in Cena Domini in sua Missa.

Per ómnia sæcula sæculórum.
R. Amen.

V. Dominus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, cleméntiam tuam suppliciter obsecráre, ut spirituális lavácri baptísimo renovándis creatúram chrísmatis in sacraméntum perféctæ salutis vitæque confírmes; ut sanctificatióne unctiónis infusa, corruptiόne primæ nativitátis absórpta, sanctum uniuscuiúsque, templum acceptábilis vitæ innocéntiæ odóre redolé-

scat; ut secúndum constitutiόnis tuæ sacraméntum, régio et sacerdotáli propheticóque honóre perfúsi, vestiménto incorrupti múnery induántur per Christum Dóminum nostrum. Per quem maiestátem tuam laudant Angeli, adórant Dominatiόnes, tremunt Potestátes. Cæli, cælorúmque Virtútes, ac beáta Séraphim, sócia exsultatiόne concélebrant. Cum quibus et nostras voces, ut admítti iúbeas, deprecámur, súpplíci confessiόne dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO PASCHALIS

Sequens præfatio dicitur:

a) tamquam propria in Missis de Tempore in Missa Vigilæ paschalis usque ad vigiliam Ascensionis Domini;

b) tamquam de Tempore in ceteris Missis quæ celebrantur eodem tempore, et præfatione propria carent.

Per ómnia sácula sáculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre: **T**e quídem, Dómine, omni témpore, sed in hac potíssimum die (**vel** in hoc potíssimum) gloriósius prædicáre,

cum Pascha nostrum immolátus est Christus. Ipse enim verus est Agnus, qui ábstulit peccáta mundi. Qui mortem nostram moriéndó destrúxit, et vitam resurgéndo reparávit. Et ídeo cum Angelis et Archángelis, cum Thronis et Dominatió-nibus, cumque omni milítia cæléstis exércitus, hymnum glóriæ tuæ cá-nimus, sine fine dicéntes:

Sanctus, Sanctus, Sanctus Dómi-nus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nó-mine Dómini. Hosánna in excélsis.

In Missa Vigilæ paschalis dicitur: in hac potíssimum nocte; a die Paschæ usque ad sabbatum in albis inclusive: in hac potíssimum die; alias: in hoc potíssimum.

Infra Actionem Communicántes **et** Hanc igitur **propr., ut infra in Canone 304 et 305.**

Sic dicitur a Missa Vigilæ paschalis usque ad sabbatum in albis inclusive. In Missa autem Vigilæ paschalis dicitur: et noctem sacratíssimam celebrántes.

PRÆFATIO DE ASCENSIONE DOMINI

Sequens præfatio dicitur:

a) tamquam propria in festo Ascensionis Domini;

b) tamquam de Tempore in omnibus Missis a feria VI post Ascensionem usque ad feriam VI ante vigiliam Pentecostes, quæ præfatione propria carent.

Per ómnia sáecula sæculórum.
R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine sancte Pater, omnípotens ætérne Deus: per Christum Dómi-

num nostrum. **Q**ui post resurrectionem suam ómnibus discípulis suis manifestus appáruit, et ipsis cernéntibus est elevátus in cælum, ut nos divinitátis suæ tribúeret esse partícipes. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

Infra Actionem Communicántes **propr.**, ut in Canone 304. Et dicitur die festo tantum.

PRÆFATIO DE SSIMO CORDE IESU

Sequens præfatio dicitur in Missis festivis et votivis de Ss̃mo Corde Iesu.

Per ómnia sæcula sæculórum.

R̃. Amen.

Ÿ. Dóminus vobiscum.

R̃. Et cum spíritu tuo.

Ÿ. Sursum corda.

R̃. Hábemus ad Dóminum.

Ÿ. Grátias agámus Dómino Deo nostro.

R̃. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine, sancte Pater, omnípotens ætérne Deus: **Q**ui Unigénitum tuum in cruce pendéntem láncea militis

transfígi voluísti, ut apértum Cor, divínæ largitátis sacrárium, torréntes nobis fúnderet miseratiónis et grátiae, et quod amóre nostri flagráre numquam déstitit, piis esset réquies et pæniténtibus patéret salutis refúgium. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE D. N. IESU CHRISTO REGE

Sequens præfatio dicitur in Missis festivis et votivis de D. N. Iesu Christo Rege.

Per ómnia sáecula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine, sancte Pater, omnípotens ætérne Deus: **Q**ui unigénitum Fílium tuum Dóminum nostrum Iesum Christum, Sacerdótem ætérnum et universórum Regem, óleo exsultatiónis unxísti: ut seípsum in ara cru-

cis, hóstiam immaculátam et pacíficam ófferens, redemptiónis humanæ sacraménta perágeret: et suo subiéctis império ómnibus creatúris, ætérnum et universále regnum imménsæ tuæ tráderet Maiestáti: regnum veritátis et vitæ, regnum sanctitátis et grátiae; regnum iustitiæ, amóris et pacis. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedictus qui venit in nómine Dómini. Hosánna in excélsis.

PRÆFATIO DE SPIRITU SANCTO

Sequens præfatio dicitur:

- a) tamquam propria in Missis de Tempore a vigilia Pentecostes usque ad subsequens sabbatum; et in Missis festivis et votivis de Spiritu Sancto;
- b) tamquam de Tempore in ceteris Missis quæ celebrantur eodem tempore, et præfatione propria carent.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine, sancte Pater, omnípotens ætérne Deus: per Christum Dómi-

num nostrum. **Q**ui ascéndens super omnes cælos, sedénsque ad dexteram tuam, promíssum Spíritum Sanctum (hodiérna die) in filios adoptiónis effúdit. Quaprópter profúsis gáudiis, totus in orbe terrárum mundus exsúltat. Sed et supérnæ Virtútes, atque angélicæ Potestátes, hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

Infra Actionem Communicántes **et** Hanc igitur **propr.**, ut infra in Canone 304 **et** 305.

Et dicitur tantum a vigilia Pentecostes usque ad sequens sabbatum inclusive, in omnibus Missis.

PRÆFATIO DE SSMA TRINITATE

Sequens præfatio dicitur:

- a) tamquam propria, in Missis de festo et votivis Ssmæ Trinitatis;
 b) tamquam de Tempore in dominicis Adventus, et in omnibus dominicis II classis, extra tempus natalicium et paschale.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper ut ubíque grátias ágere: Dómine, sancte Pater, omnípotens ætérne Deus: **Q**ui cum unigénito Fílio tuo, et Spíritu Sancto, unus es Deus, unus es Dóminus: non in uníus singularitáte persónæ, sed in

uníus Trinitáte substántiæ. Quod enim de tua glória, revelánte te, crédimus, hoc de Fílio tuo, hoc de Spíritu Sancto, sine differentia discretiónis sentímus. Ut in confessióne veræ sempiternæque Deitátis, et in persónis proprietas, et in esséntia únitás, et in maiestáte adorétur æquálitas. Quam laudant Angeli atque Archángeli, Chérubim quoque ac Séraphim: qui non cessant clamáre cotidie, una voce dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE B. MARIA VIRGINE

Sequens præfatio dicitur in Missis festivis et votivis Beatae Mariæ Virginis, præterquam in festo Purificationis B. Mariæ Virg.

Dicitur autem vel Et te in Annuntiatióne, **vel** Visitatióne, **vel** Assumptiόne, **vel** Nativitatē, **vel** Presentatiόne, **secundum denominationem festi.**

In Missis vero de Conceptione immaculata dicitur: Et te in Conceptione immaculata.

In Missis de Septem Doloribus dicitur: Et te in Transfixiόne.

In Commemoratione de Monte Carmelo dicitur: Et te in Commemoratione.

In omnibus aliis festis B. Mariæ Virginis dicitur: Et te in Festivitatē.

In Missa sanctæ Mariæ in sabbato et in Missis votivis in quibus speciale Mysterium non sit exprimendum, dicitur: Et te in Veneratiόne.

Per ómnia sæcula sæculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine, sancte Pater, omnípotens ætérne Deus: **Et te in ***** beátæ Mariæ semper Vírginis collaudáre, benedícere et prædicáre. Quæ et

Unigénitum tuum Sancti Spíritus obumbratiόne concépit: et virginitátis glória permanénte, lumen ætérnum mundo effúdit, Iesum Christum Dóminum nostrum. Per quem maiestátem tuam laudant Angeli, adórant Dominatiόnes, tremunt Potestátes. Cæli, cælórúmque Virtútes, ac beáta Séraphim, sócia exsultatiόne concélebrant. Cum quibus et nostras voces ut admítte iúbeas, deprecámur, súpplíci confessiόne dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE S. IOSEPH SPONSO B. M. V.

Sequens præfatio dicitur in Missis festivis et votivis S. Ioseph.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.

In Missis votivis dicitur: Et te in Veneratione.

Per omnia sæcula sæculorum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutäre, nos tibi semper et ubique grátias ágere: Dómine, sancte Pater, omnípotens ætérne Deus: **Et te in Festivitate (Veneratione)** beáti Ioseph débitis magnificáre præcóniis, benedícere et prædicáre. Qui et vir iustus, a te Deíparæ Vírgini Sponsus est datus: et fidélis servus ac prudens, super

Famíliam tuam est constitútus: ut Unigénitum tuum, Sancti Spíritus obumbratióne concéptum, patérna vice custodíret, Iesum Christum Dóminum nostrum. Per quem maiestátem tuam laudant Angeli, adorant Dominatiónes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admítte iúbeas, deprecámur, súpplíci confessióne dicétes:

Sanctus, Sanctus, Sanctus Dominus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE APOSTOLIS

Sequens præfatio dicitur in Missis festivis et votivis Apostolorum et Evangelistarum.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre: **T**e, Dómine, suppliciter exoráre, ut gregem tuum, Pastor ætérne, non déseras: sed per beátos Apóstolos

tuos, continúa protectióne custódias: Ut íisdem rectóribus gubernétur, quos óperis tui vicários eidem contulísti præesse pastóres. Et ídeo cum Angelis et Archángelis, cum Thronis et Dominationibus, cumque omni milítia cæléstis exercitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO COMMUNIS

Sequens præfatio dicitur in Missis in quæ præfatione propria carent, nec sumere debent præfationem de Tempore.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine, sancte Pater, omnípotens ætérne Deus: per Christum Dómi-

num nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admitti iúbeas, deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DEFUNCTORUM

Sequens præfatio dicitur in omnibus Missis defunctorum.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere: Dómine, sancte Pater, omnípotens ætérne Deus: per Christum Dóminum nostrum. **I**n quo nobis spes beátæ resurrectionis effúlsit, ut

quos contrístat certa moriéndi condítio, eósdem consolétur futúrae immortalitátis promíssio. Tuis enim fidélibus, Dómine, vita mutátur, non tóllitur, et, dissolúta teréstris huius incolátus domo, ætérna in cælis habitátio comparátur. Et ídeo cum Angelis et Arch-ángelis, cum Thronis et Dominatió-nibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.



CANON MISSÆ

Finita præfatione, sacerdos extendens, elevans aliquantulum et iungens manus, elevansque ad cælum oculos, et statim demittens, profunde inclinatus ante altare, manibus super eo positis, dicit secreto:

Te igitur, clementissime Pater, per Iesum Christum Fílium tuum Dóminum nostrum, súplices rogámus, ac pétimus, **Osculatur altare, et iunctis manibus ante pectus, dicit:** uti accépta hábeas, et benedícas, **Signat ter super hostiam et calicem simul, dicens:** hæc ✠ dona, hæc ✠ múnera, hæc ✠ sancta sacrificia illibáta, **Extensis manibus prosequitur:** in primis, quæ tibi offérimus pro Ecclésia tua sancta cathólica: quam pacificáre, custodíre, adunáre, et régere dignéris toto orbe terrárum: una cum fámulo tuo Papa nostro **N.** et Antístite nostro **N.** et ómnibus orthodoxis, atque

cathólica, et apostólica fídei cultóribus.

Commemoratio pro vivis

Memento, Dómine, famulórum, famularúmque tuárum **N.** et **N.** Iungit manus, orat aliquantulum pro quibus orare intendit: deinde manibus extensis prosequitur: et ómnium circumstántium, quorum tibi fides cógnita est, et nota devótio, pro quibus tibi offérimus: vel qui tibi ófferunt hoc sacrificium laudis, pro se, suisque ómnibus: pro redemptione animárum suárum, pro spe salútis et incolumitátis suæ: tibique reddunt vota sua ætérno Deo, vivo et vero.

¶ **Per annum ut infra 306 ✠**

INFRA ACTIONEM

In Nativitate Domini:

Communicantes, et diem sacratissimum (noctem sacratissimam) celebrantes, quo (qua) beatæ Mariæ intemerata virginitas huic mundo edidit Salvatorem: sed et memoriam venerantes, in primis eiusdem gloriosæ semper Virginis Mariæ, Genetrícis eiusdem Dei et Dómini nostri Iesu Christi: †305.

In Epiphania Domini:

Communicantes, et diem sacratissimum celebrantes, quo Unigénitus tuus in tua tecum glória coæternus, in veritate carnis nostræ visibíliter corporális apparuit: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †305.

A Missa Vigiliæ paschalis usque ad sabbatum in albis

Communicantes, et diem sacratissimum (noctem sacratissimam) celebrantes Resurrectiónis Dó-

mini nostri Iesu Christi secundum carnem: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †305.

In Ascensione Domini:

Communicantes, et diem sacratissimum celebrantes, quo Dóminus noster, unigénitus Fílius tuus, unitam sibi fragilitátis nostræ substantiam, in glóriæ tuæ dextera collocávit: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †305

A vigilia Pentecostes usque ad sequens sabbatum

Communicantes, et diem sacratissimum Pentecóstes celebrantes, quo Spíritus Sanctus Apóstolis innúmeris linguis apparuit: sed et memoriam venerantes, in primis gloriosæ semper Virginis Mariæ, Genetrícis Dei et Dómini nostri Iesu Christi: †305.

† sed et beatórum Apostolórum ac Mártýrum tuórum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis, precibúsque concédas, ut in ómnibus protectionis tuæ muniámur auxílio. **Iungit manus.** Per eúndem Christum Dóminum nostrum. Amen.

Extra Pascha et Pentecosten:

**Tenens manus expansas
super oblata, dicit:**

Hanc ígitur oblationem servitútis nostræ, sed et cunctæ famíliæ tuæ quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum

iúbeas grege numerári. **Iungit manus.** Per Christum Dóminum nostrum. Amen.

Quam oblationem 306.

**A Missa Vigiliæ paschalis
usque ad sabbatum in albis
et a vigilia Pentecostes
usque ad sequens sabbatum.**

**Tenens manus expansas
super oblata, dicit:**

Hanc ígitur oblationem servitútis nostræ, sed et cunctæ famíliæ tuæ, quam tibi offérimus pro his quoque, quos regeneráre dignátus es ex aqua, et Spíritu Sancto, tríbuens eis remissionem ómnium peccatórum quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Quam oblationem 306.

✠ **C**ommunicantes, et memóriam venerantes, in primis gloriósæ semper Vírginis Mariæ, Genetrícis Dei et Dómini nostri Iesu Christi: sed et beatórum Apostolórum ac Mártýrum tuórum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis, precibusque concédas, ut in ómnibus protectionis tuæ muniamur auxílio. **Iungit manus.** Per eúndem Christum Dóminum nostrum. Amen.

**Tenens manus expansas
super oblata, dicit:**

Hanc igitur oblationem servitútis nostræ, sed et cunctæ famíliæ tuæ, quæsumus, Dómine, ut placátus accípias: diésque nostros in tua pace dispónas, atque ab

ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Quam oblationem tu, Deus, in ómnibus, quæsumus, **Signat ter super oblata,** bene ✠ dictam, adscríp ✠ tam, ra ✠ tam, rationábilem, acceptabilémque fácere dignéris: **Signat semel super hostiam,** ut nobis Cor ✠ pus, **et semel super calicem,** et San ✠ guis fiat dilectíssimi Fílii tui **Iungit manus,** Dómini nostri Iesu Christi.

Qui prídie quam paterétur, **Accipit hostiam,** accépit panem in sanctas, ac venerábiles manus suas, **Elevat oculos ad cælum,** et elevátis óculis in cælum ad te Deum Patrem suum omnipoténtem, **Caput inclinat,** tibi grátias agens, **Signat super hostiam,** bene ✠ díxit, fregit, dedítque discípulis suis, dicens: Accípите, et manducáte ex hoc omnes.

Tenens ambabus manibus hostiam inter indices et pollices, profert verba consecrationis distincte et attente super hostiam, et simul super omnes, si plures sint consecrandæ.

Hoc est enim Corpus meum.

Quibus verbis prolatis, statim hostiam consecratam genuflexus adorat: surgit, ostendit populo, reponit super corporale, et genuflexus iterum adorat: nec amplius pollices et indices disiungit, nisi quando hostia tractanda est, usque ad ablutionem digitorum. Tunc, detecto calice, dicit:

Símili modo postquam cœnátum est, Ambabus manibus accipit calicem, accípiens et hunc præclárum Cálicem in sanctas, ac venerábiles manus suas: item

Caput inclinat, tibi grátias agens, Sinistra tenens calicem, dextera signat super eum, bene ✠ díxit, deditque discípulis suis, dicens: Accípite, et bíbite ex eo omnes.

Profert verba consecrationis super calicem, attente et continue, tenens illum parum elevatum.

Hic est enim Calix Sánguinis mei, novi et ætéрни testaménti: mystérium fídei: qui pro vobis et pro multis effundétur in remissionem peccatórum.

Quibus verbis prolatis, deponit calicem super corporale, et dicens:

Hæc quotiescúmque fecéritis, in mei memóriam faciétis.

Genuflexus adorat: surgit, ostendit populo, deponit, cooperit, et genuflexus iterum adorat. Deinde disiunctis manibus dicit:

Unde et mémores, Dómine, nos servi tui, sed et plebs tua sancta, eiúsdem Christi Fílii tui Dómini nostri tam beátæ passiónis, nec non et ab ínferis resurrectionis, sed et in cælos gloriósæ ascensionis: offérimus præcláræ maiestáti tuæ de tuis donis, ac datis, **Iungit manus, et signat ter super hostiam, et calicem simul, dicens:** hóstiam ✠ puram, hóstiam ✠ sanctam, hóstiam ✠ immaculátam, **Signat semel super hostiam, dicens:** Panem ✠ sanctum vitæ æternæ, **et semel super calicem, dicens:** et Cálicem ✠ salútis perpétuæ.

Extensis manibus prosequitur:

Supra quæ propítio ac seréno vultu respícere dignéris: et accépta habére, sicuti accépta habére dignátus es múnera púeri tui iusti Abel, et sacrificium Patriárchæ nostri Abrahæ: et quod tibi óbtulit summus sacérdos tuus Melchí-

sedech, sanctum sacrificium, immaculátam hóstiam.

Profunde inclinatus, iunctis manibus et super altare positus, dicit:

Súpplīces te rogāmus, omnípotens Deus: iube hæc perférri per manus sancti Angeli tui in sublīme altāre tuum, in conspéctu divínæ maiestátis tuæ: ut quotquot, **Osculatur altare,** ex hac altáris participatione sacrosáctum Fílii tui, **Iungit manus, et signat semel super hostiam, et semel super calicem, Corpus, et Sán-guinem sumpsérimus, Seipsum signat, dicens:** omni benedictione cælésti et grátia repleámur. **Iungit manus.** Per eúndem Christum Dóminum nostrum. Amen.

Commemoratio pro defunctis

Meménto étiam, Dómine, famulórum, famularúmque tuárum **N.** et **N.** qui nos præcessérunt cum signo fídei, et dórmunt in somno pacis.

Iungit manus, orat aliquantulum pro iis defunctis, pro quibus orare intendit, deinde extensis manibus prosequitur:

Ipsis, Dómine, et ómnibus in Christo quiescéntibus, locum refrigerii, lucis et pacis, ut indúlgeas, deprecámur. **Iungit manus, et caput inclinat, dicens:** Per eúndem Christum Dóminum nostrum. Amen.

Manu dextera percutit sibi pectus, elata aliquantulum voce dicens:

Nobis quoque peccatóribus **Extensis manibus ut prius, secrete prosequitur:** fámulis tuis, de multitúdine miserationum tuárum sperántibus, partem áliquam, et societátem donáre dignéris, cum tuis sanctis Apóstolis et Martýribus: cum Ioánnē, Stéphanō, Matthía, Bárnabā, Ignátio, Alexándro, Marcellíno, Petro, Felicitáte, Perpétua, Agatha, Lúcia,

Agnéte, Cæcília, Anastásia, et ómnibus Sanctis tuis: intra quorum nos consórtium, non æstimátor mériti, sed vénia, quæsumus, largítor admítte. **Iungit manus.** Per Christum Dóminum nostrum.

Per quem hæc ómnia, Dómine, semper bona creas, **Signat ter super hostiam, et calicem simul, dicens:** sanctí✠ficas, viví✠ficas, bene✠dícis, et præstas nobis.

Discooperit calicem, genuflectit, accipit hostiam inter pollicem et indicem manus dexteræ: et tenens sinistra calicem, cum hostia signat ter a labio ad labium calicis, dicens:

Per ip ✠ sum, et cum ip ✠ so, et in ip ✠ so, **Cum ipsa hostia signat bis inter se et calicem, dicens:** est tibi Deo Patri ✠ omnipoténti, in unitáte Spíritus ✠ Sancti, **Elevans parum calicem cum hostia, dicit:** omnis honor, et glória.

Reponit hostiam, calicem palla cooperit, genuflectit, surgit, et dicit intellegibili voce, vel cantat:

PER ómni- a sæ-cu-la sæ-cu-ló-rum. *ŕ.* Amen. *Jungit manus*

O-rémus: Præ-cé-ptis sa-lu-tá-ri-bus mó-ni ti, et di-ví-na insti-

tu-ti-ó-ne formá-ti, audé-mus dí-ce-re: *Extendit manus*

PA-TER noster, qui es in cæ-lis: Sancti-fi-cé-tur nomen tu-um:

Advé-ni-at regnum tu-um: Fi-at vo-lúntas tu-a, sic-ut in cæ-lo,

et in terra. Pa-nem nostrum co-ti-di-á-num da no-bis hó-di-e:

Et di-mít-te no-bis dé-bi-ta nostra, sic-ut et nos di-mít-ti-mus

de-bi-tó-ri-bus nostris. Et ne nos indú-cas in tenta-ti-ó-nem.

ŕ. Sed lí-be-ra nos a ma-lo.

Sacerdos secrete dicit: Amen.

Sequens tonus adhibetur in feriis, in vigiliis II et III classis, in Missis votivis IV classis, et in Missis defunctorum.

PER ómni- a sæ-cu-la sæ-cu-ló- rum. *℞.* Amen. *Iungit manus*

O-rémus: Præ-céptis sa-lu-tá-ri-bus mó-ni-ti, et di-ví-na insti-

tu-ti- ó-ne formá-ti, audémus dí-ce-re: *Extendit manus*

PA-TER noster, qui es in cæ-lis: Sancti-fi-cé-tur nomen tu-um:

Advé-ni-at regnum tu-um: Fi-at vo-lúntas tu-a, sic-ut in cæ-lo,

et in terra. Pa-nem nostrum co-ti-di-á-num da no-bis hó-di-e:

Et di-mít-te no-bis dé-bi-ta nostra, sic-ut et nos di-mít-ti-mus

de-bi- tó-ri-bus nostris. Et ne nos indú-cas in tenta-ti- ó-nem.

℞. Sed lí-be-ra nos a ma-lo.

Sacerdos secrete dicit: Amen.

Deinde manu dextera accipit inter indicem et medium digitos patenam, quam tenens super altare erectam, dicit secrete:

Libera nos, quæsumus, Dómine, ab ómnibus malis, præteritis, præsentibus, et futuris: et intercedente beáta, et gloriósa semper Vírgine Dei Genetríce María, cum beátis Apóstolis tuis Petro et Paulo, atque Andréa, et ómnibus Sanctis, **Signat se cum patena a fronte ad pectus**, da propítius pacem in diébus nostris: **patenam osculatur**, ut ope misericórdiæ tuæ adiúti, et a peccáto simus semper líberi, et ab omni perturbatióne secúri.

Submittit patenam hostiæ, discooperit calicem, genuflectit, surgit, accipit

hostiam, et eam super calicem tenens utraque manu, frangit per medium, dicens:

Per eúndem Dóminum nostrum Iesum Christum Fílium tuum.


Et mediam partem, quam in dextera manu tenet, ponit super patenam. Deinde ex parte, quæ in sinistra remanserat, frangit particulam, dicens:

Qui tecum vivit et regnat in unitate Spíritus Sancti Deus.


Aliam mediam partem quam in sinistra manu habet, adiungit mediæ super patenam positæ, et particulam parvam dextera retinens super calicem, quem sinistra per nodum infra cuppam tenet, dicit intellegibili voce, vel cantat:

Per ómni- a sæ-cu-la sæ-cu-ló- rum. **R.** Amen.

Cum ipsa particula signat ter super calicem, dicens:



Pax ✠ Dó-mi-ni sit ✠ semper vo-bís- ✠ cum.



Et cum spí-ri-tu tu-o.

Particulam ipsam immittit in calicem, dicens secreta:

Hæc commíxtio, et
consecrátio Cór-
poris et Sánguinis
Dómini nostri Iesu Christi,
fiat accipiéntibus nobis in
vitam ætérrnam. Amen.

Cooperit calicem, ge-
nuflectit, surgit, et incli-
natus Sacramento, iunctis
manibus, et ter pectus
percutiens, intelligibili
voce dicit:

AGNUS DEI, QUI TOLLIS PECCATA MUNDI:
miserére nobis.

AGNUS DEI, QUI TOLLIS PECCATA MUNDI:
miserére nobis.

AGNUS DEI, QUI TOLLIS PECCATA MUNDI:
dona nobis pacem.

In Missis defunctorum
non dicitur miserére nobis,
sed eius loco, dona eis ré-
quiem, et in tertio additur
sempitérrnam.

Deinde, iunctis mani-
bus super altare, inclinatus
dicit secreta sequentes
orationes:

Dómine Iesu Christe, qui dixísti Apóstolis tuis: Pacem relínquo vobis, pacem meam do vobis: ne respícias peccáta mea, sed fidem Ecclesiæ tuæ: eámque secúndum voluntátem tuam pacificáre et coadunáre dignéris: Qui vivis et regnas Deus per ómnia sæcula sæculórum. Amen.

Si danda est pax, osculatur altare, et dans pacem, dicit: Pax tecum. R̃. Et cum spíritu tuo.

In Missis defunctorum non datur pax, neque dicitur præcedens oratio.

Dómine Iesu Christe, Fili Dei vivi, qui ex voluntáte Patris, cooperánte Spíritu Sancto, per mortem tuam mundum vivificásti: líbera me per hoc sacrosáctum Corpus et Sánguinem tuum ab ómnibus iniquitatibus meis, et univérsis malis: et fac

me tuis semper inhærére mandátis, et a te numquam separári permittas: Qui cum eódem Deo Patre, et Spíritu Sancto vivis et regnas Deus in sæcula sæculórum. Amen.

Percéptio Córporis tui, Dómine Iesu Christe, quod ego indígnus súmere præsumo, non mihi provéniat in iudícium et condemnationem: sed pro tua pietáte prosit mihi ad tutaméntum mentis et córporis, et ad medélam percipiéndam: Qui vivis et regnas cum Deo Patre in unitáte Spíritus Sancti Deus, per ómnia sæcula sæculórum. Amen.

Genuflectit, surgit, et dicit:

Panem cæléstem accípiam, et nomen Dómini invocábo.

Deinde parum inclinatus, accipit ambas partes hostiæ inter pollicem et indicem sinistrae manus, et patenam

inter eundem indicem, et medium supponit, et dextera tribus vicibus percutiens pectus, elata aliquantulum voce, ter dicit devote, et humiliter:

Dómine, non sum dignus, **Et secrete prosequitur:** ut intres sub tectum meum: sed tantum dic verbo, et sanabitur ánima mea.

Postea dextera se signans cum hostia super patenam, dicit:

CORPUS DOMINI NOSTRI IESU CHRISTI
custódiat ánimam meam in vitam ætérnam. Amen.

Et se inclinans, reverenter sumit ambas partes hostiæ: quibus sumptis, deponit Patenam super corporale, et erigens se iungit manus, et quiescit aliquantulum in meditatione Ssmi Sacramenti. Deinde discooperit calicem, genuflectit, colligit fragmenta, si quæ sint, extergit patenam super calicem, interim dicens:

Quid retríbui Dómino pro ómnibus quæ retríbuit mihi? Cálicem salutáris accípíam, et nomen Dómini invocábo. Laudans invocábo Dóminum, et ab inimícis meis salvus ero.

Accipit calicem manu dextera, et eo se signans, dicit:

SANGUIS DOMINI NOSTRI IESU CHRISTI
custódiat ánimam meam in vitam ætérnam. Amen.

Et sinistra supponens patenam calici, reverenter sumit totum Sanguinem cum particula. Quo sump-

to, si qui sunt communicandi, eos communicet, antequam se purificet. Postea dicit:

Quod ore sumpsimus, Dómine, pure mente capiamus: et de múnere temporáli fiat nobis remédium sempitérnum.

Interim porrigit calicem ministro, qui infundit in eo parum vini, quo se purificat: deinde prosequitur:

Corpus tuum, Dómine, quod sumpsi, et Sanguis, quem potávi, adhæreat viscéribus meis: et præsta; ut in me non remáneat scélerum mácula, quem pura et sancta refecerunt sacraménta: Qui vivis

et regnas in sǽcula sǽculórum. Amen.

Abluit et extergit digitos, ac sumit ablutionem: extergit os et calicem, quem, plicato corporali, operit et collocat in altari ut prius: deinde prosequitur Missam.

Dicto, post ultimam orationem, *℣*. Dóminus vobiscum. *℞*. Et cum spíritu tuo, dicit *Ite, missa est vel, si aliqua liturgica processio sequatur, Benedicámus Dómino. ℞. Deo grátias.*

In Missis defunctorum dicit: *℣. Requiéscant in pace. ℞. Amen.*

Toni "Ite, missa est"

A Missa Vigiliæ paschalis usque ad sabbatum in albis inclusive

Missa I



I-te, missa est, al-le-lú-ia, al-le-lú-ia.

Ab octava Paschæ ad sabbatum Quatuor Temporum Pentecostes inclusive

VII

I- te. mis- sa est.

In festis I classis 1 et 2

Missæ II et III

V

I- te, mis- sa est.

In festis II classis 1

Missa IV

I

I- te, missa est.

In festis beatæ Mariæ Virginis 1 et 2

Missæ IX et X

I

I- te, missa est.

In dominicis per annum et tempore Septuagesimæ

Missa XI

I

I- te, mis- sa est.

In festis III classis 1

Missa XII



I - te, mis- sa est.

In dominicis tempore Adventus, Quadragesimæ et Passi-
onis, in Missis de commemoratione in Officio occurrente,
in omnibus feriis extra tempus paschale, in vigiliis II et III
classis et in Missa Rogationum.



I - te, mis- sa est.

Hic tonus adhiberi potest ad libitum in omnibus Missis in quibus cantatur **Ite, missa est**
sine Alleluia

Toni "Benedicamus Dómino"

Quando post Missam sequitur aliqua processio, loco **Ite, missa est**, *cantatur:*




Be-ne-di-cá-mus Dó-

mi- no.

vel, ad libitum:

Be-ne-di-cá-mus Dó-mi-no.

In Missis defunctorum



Requi- éscant in pa- ce.

Tunc celebrans inclinat se ante medium altaris, et manibus iunctis super illud, dicit secrete:

Pláceat tibi, sancta Trinitas, obséquium servitutis meæ: et præsta; ut sacrificium, quod óculis tuæ maiestátis indígnus obtuli, tibi sit acceptábile, mihiq̃ue, et ómnibus, pro quibus illud obtuli, sit, te miseránte, propitiábile. Per Christum Dóminum nostrum. Amen.

Deinde osculatur altare: et elevatis oculis, extendens, elevans, et iungens manus, caputque cruci inclinans, dicit: Benedícat vos omnipotens Deus, et versus ad populum, semel tantum benedicens, etiam in Missis solemnibus, prosequitur: Pater, et Fílius, ✠ et Spíritus Sanctus. *R̃.* Amen.

In Missa pontificali ter benedicitur, ut in Pontificali habetur.

In Missis in quibus dictum est Benedicámus Dómino

vel Requiéscant in pace, non datur benedictio, sed dicto Pláceat et osculato altari, celebrans legit, si dicendum sit, Evangelium S. Ioannis.

Deinde sacerdos in latere Evangelii, iunctis manibus dicit:

℣. Dóminus vobíscum.

℞. Et cum spíritu tuo.

Et signans signo crucis primum altare, vel librum, deinde se in fronte, ore, et pectore, dicit:

✠ Inítium sancti Evangélíi secúndum Ioánnem.

Vel si aliud Evangelium legendum sit:

Sequéntia sancti Evangélíi etc.

R̃. Glória tibi, Dómine.

Iunctis manibus prosequitur:

Ioann. 1, 1-14

In princípío erat Verbum, et Verbum erat apud Deum, et Deus

erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hominum: et lux in tenebris lucet, et tenebræ eam non comprehendérunt. Fuit homo missus a Deo, cui nomen erat Ioánnes. Hic venit in testimonium, ut testimonium perhiberet de lumine, ut omnes créderent per illum. Non erat ille lux, sed ut testimonium perhiberet de lumine. Erat lux vera, quæ illúminat omnem hominem veniéntem in hunc mundum. In mundo erat, et

mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem fílios Dei fíeri, his, qui credunt in nómine eius: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. **Genuflectit dicens:** Et Verbum caro factum est, **Et surgens prosequitur:** et habitávit in nobis: et vídimus glóriam eius, glóriam quasi Unigéniti a Patre, plenum grátiae et veritátis.

R. Deo grátias.



DOMINICA RESURRECTIONIS

I classis cum octava I classis

Statio ad S. Mariam maiorem

Antiphona ad Introitum

Ps. 138, 18 et 5-6

Resurrexi, et adhuc tecum sum, allelúia: posuisti super me manum tuam, allelúia: mirábilis facta est sciéntia tua, allelúia, allelúia. **Ps. ibid., 1-2** Dómine, probásti me, et cognovísti me: tu cognovísti sessi-ónem meam, et resurrectionem meam. **V.** Glória Patri. **R.** Resurrexi.

Oratio

Deus, qui hodiérna die per Unigénitum tuum, æternitátis nobis áditum, devícta morte, reserásti: vota nostra, quæ præveniéndò aspíras, étiam adiuvándò proséquere. Per eúndem Dóminum.

Léctio Epístolæ beáti Pauli Apóstoli ad Corínthios

1 Cor. 5, 7-8

Fratres: Expurgáte vetus fermentum, ut sitis nova conspersio, sicut estis ázyimi. Etenim Pascha nostrum immolátus est Christus. Itaque epulémur: non in fermento véteri, neque in fermento malítiæ, et nequítiæ: sed in ázymis sinceritátis, et veritátis.

Graduale Ps. 117, 24 et 1 Hæc dies, quam fecit Dóminus: exultémus, et lætémur in ea. **V.** Confitémini Dómino, quóniam bonus: quóniam in sæculum misericórdia eius.

Allelúia, allelúia. **V. 1 Cor. 5, 7** Pascha nostrum immolátus est Christus.

Sequentia

Victimæ paschali laudes immolent Christiáni.

Agnus redemit oves: Christus innocens Patri reconciliavit peccatores.

Mors et vita duello conflixere mirando: dux vitæ mortuus, regnat vivus.

Dic nobis, María, quid vidisti in via?

Sepulcrum Christi vivéntis: et glóriam vidi resurgéntis.

Angélicos testes, sudarium, et vestes.

Surrexit Christus spes mea: præcedet vos in Galilæam.

Scimus Christum surrexisse a mortuis vere: tu nobis, victor Rex, miserere. Amen. Allelúia.

¶ Sequentia dicitur usque ad sabbatum in Albis inclusive.

✠ Sequéntia sancti Evangélii secundum Marcum

Marc. 16, 1-7

In illo témpore: María Magdaléne, et María Iacóbi, et Salóme emérunt arómata, ut veniéntes úngerent Iesum. Et valde mane una sabbatorum, véniunt ad monuméntum, orto iam sole. Et dicébant ad invicem: Quis revólvét nobis lápidem ab óstio monuménti? Et respiciéntes vidérunt revolútum lápidem. Erat quippe magnus valde. Et introeúntes in monuméntum vidérunt iúvenem sedéntem in dextris, coopértum stola cándida, et obstupérunt. Qui dicit illis: Nolíte expavéscere: Iesum quæritis Nazarénum, crucifixum: surrexit, non est hic, ecce locus ubi posuérunt eum. Sed ite, dícite discípulis eius, et Pe-

tro, quia præcédit vos in Galilæam: ibi eum vidébitis, sicut dixit vobis.

Credo.

Antiphona ad Offertorium

Ps. 75, 9-10

Terra trémuit, et quiévit, dum resúrgeret in iudício Deus, allelúia.

Secreta

Súscipe, quæsumus, Dómine, preces pópuli tui cum oblatiónibus hostiárum: ut paschálibus initiáta mystériis, ad æternitátis nobis médélam, te operánte, proficiant. Per Dóminum.

¶ **Præfatio paschalis** Te quidem, Dómine . . . sed in hac potíssimum die.

Infra actionem Communicántes, et Hanc igitur oblatiónem **propria**.

Et sic dicitur usque ad sabbatum in albis inclusive.

Antiphona ad Communionem

1 Cor. 5, 7-8

Pascha nostrum immolátus est Christus, allelúia: itaque epulémur in ázymis sinceritátis, et veritátis, allelúia, allelúia, allelúia.

Postcommunio

Spíritum nobis, Dómine, tuæ caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum . . . in unitáte eiúsdem Spíritus Sancti, Deus.

¶ **Post** Dóminus vobíscum **dicitur**:

Ite, missa est, allelúia, allelúia.

R. Deo grátias, allelúia, allelúia.

Et sic dicitur usque ad sabbatum in albis inclusive, in Missis de Tempore.

FERIA SECUNDA INFRA OCTAVAM PASCHATIS

I classis

Statio ad S. Petrum

Antiphona ad Introitum

Exodi 13, 5 et 9

Introdúxit vos Dóminus in terram fluéntem lac, et mel, allelúia: et ut lex Dómini semper sit in ore vestro, allelúia, allelúia. **Ps. 104, 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri. **Introdúxit.**

Oratio

Deus, qui solemnitáte pascháli, mundo remédia contulísti: pópulum tuum, quæsumus, cælesti dono proséquere; ut et perféctam libertátem cónsequi mereátur, et ad vitam proficiat sempitérnam. Per Dóminum.

Lectio Actuum Apostolorum

Act. 10, 37-43

In diébus illis: Stans Petrus in médio plebis, dixit: Viri fratres, vos scitis quod factum est verbum per univérsam Iudæam: incípiens enim a Galilæa, post baptísmum, quod prædicávit Ioánnes, Iesum a Názareth: quómo do unxit eum Deus Spíritu Sancto, et virtúte, qui pertránsiit benefaciéndo, et sanándo omnes opprèssos a diábolo, quóniam Deus erat cum illo. Et nos testes sumus ómnium, quæ fecit in regione Iudæórum, et Ierúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri, non omni pópulo, sed téstibus præordinátis a Deo: nobis, qui manducávimus, et bíbimus cum illo, postquam resurrexit a mórtuis. Et præcepit nobis prædicáre pópulo, et

testificári, quia ipse est, qui constitútus est a Deo iudex vivórum, et mortuórum. Huic omnes prophætæ testimónium pérhibent, remissionem peccatórum accípere per nomen eius omnes, qui credunt in eum.

Graduale Ps. 117, 24 et 2 Hæc dies, quam fecit Dóminus: exultémus, et lætémur in ea. **V.** Dicat nunc Israél, quóniam bonus: quóniam in sæculum misericórdia eius.

Allelúia, allelúia. **V. Matth. 28, 2** Angelus Dómini descendit de cælo: et accédens revólvit lápidem, et sedébat super eum.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo conflixére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexisse a mórtuis vere: tu nobis, victor Rex, miserére. Amen. Allelúia.

✠ Sequentia sancti Evangelii secundum Lucam

Luc. 24, 13-35

In illo témpore: Duo ex discípulis Iesu ibant ipsa die in castéllum, quod erat in spátio stadiórum sexaginta ab Ierúsalem, nómine

Emmaus. Et ipsi loquebantur ad invicem de his ómnibus, quæ acciderant. Et factum est, dum fabularentur, et secum quærerent: et ipse Iesus appropinquans ibat cum illis: óculi autem illórum tenebantur, ne eum agnóscerent. Et ait ad illos: Qui sunt hi sermónes, quos confertis ad invicem ambulantes, et estis tristes? Et respóndens unus, cui nomen Cléophas, dixit ei: Tu solus peregrínus es in Ierúsalem, et non cognovisti, quæ facta sunt in illa his diébus? Quibus ille dixit: Quæ? Et dixerunt: De Iesu Nazaréno, qui fuit vir prophéta potens in ópere et sermóne, coram Deo, et omni pópulo: et quómodo eum tradidérunt summi sacerdótes, et príncipes nostri in damnatióem mortis, et crucifixerunt eum. Nos autem sperabámus, quia ipse esset redemptúrus Israél: et nunc super hæc ómnia, tértia dies est hódie, quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et, non invénto corpore eius, venérunt, dicéntes se étiam visióem Angelórum vidisse, qui dicunt eum vivere. Et abiérunt quidam ex nostris ad monuméntum: et ita invénérunt sicut mulieres dixerunt, ipsum vero non invenérunt. Et ipse dixit ad eos: O stulti, et tardi corde ad credéndum in ómnibus, quæ locúti sunt prophétæ! Nonne hæc oportuit pati Christum, et ita intráre in glóriam suam? Et incípiens a Móyse, et ómnibus prophétis, interpretabátur illis in ómnibus Scriptúris, quæ de ipso erant. Et appropinquavérunt castéllo, quo ibant: et ipse se finxit lóngius ire. Et coëgérunt illum, dicéntes: Mane nobiscum, quóniam advesperáscit, et inclináta est iam dies. Et intrávit

cum illis. Et factum est, dum recumberet cum eis, accépit panem, et benedíxit, ac fregit, et porrigébat illis. Et apérti sunt óculi eórum, et cognovérunt eum: et ipse evánuít ex óculis eórum. Et dixerunt ad invicem: Nonne cor nostrum ardens erat in nobis, dum loquerétur in via, et aperíret nobis Scriptúras? Et surgéntes eádem hora regréssi sunt in Ierúsalem: et invenérunt congregátos úndecim, et eos, qui cum illis erant, dicéntes: Quod surréxit Dóminus vere, et apparuit Simóni. Et ipsi narrábant, quæ gesta erant in via: et quómodo cognovérunt eum in fractiône panis.

Credo.

Antiphona ad Offertorium

Matth. 28, 2, 5 et 6

Angelus Dómini descéndit de cælo, et dixit muliéribus: Quem quæritis, surréxit, sicut dixit, allelúia.

Secreta

Súscipe, quæsumus, Dómine, preces pópuli tui cum oblatiόνibus hostiárum: ut paschálibus initiáta mystériis, ad æternitátis nobis medélam, te operánte, proficiant. Per Dóminum.

Præfatio, Communicántes **et** Hanc igitur, **ut in die Paschæ.**

Antiphona ad Communionem

Luc. 24, 34

Surréxit Dóminus, et apparuit Petro, allelúia.

Postcommunio

Spíritum nobis, Dómine, tuæ caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum... in unitáte eiúsdem Spíritus Sancti, Deus: per ómnia sæcula sæculórum.

FERIA TERTIA INFRA OCTAVAM PASCHATIS

I classis

Statio ad S. Petrum

Antiphona ad Introitum

Eccli. 15, 3 et 4

Aqua sapientiæ potávit eos, allelúia: firmábitur in illis, et non flectétur, allelúia: et exaltábit eos in ætérnum, allelúia, allelúia. **Ps. 104, 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri. **Aqua.**

Oratio

Deus, qui Ecclésiám tuam novo semper fetu multiplicas: concede fámulis tuis; ut sacraméntum vivéndo téneant, quod fide percepérunt. Per Dóminum.

Lectio Actuum Apostolorum

Act. 13, 16 et 26-33

In diébus illis: Surgens Paulus, et manu siléntium indícens, ait: Viri fratres, filii géneris Abraham, et qui in vobis timent Deum, vobis verbum salútis huius missum est. Qui enim habitábant Ierúsalem, et príncipes eius, ignorántes Iesum, et voces prophetárum, quæ per omne sábbatum legúntur, iudicántes implevérunt: et nullam causam mortis inveniéntes in eo, petiérunt a Piláto, ut interfícerent eum. Cumque consummássent ómnia, quæ de eo scripta erant, deponéntes eum de ligno, posuérunť eum in monuménto. Deus vero suscitávit eum a mórtuis tértia die: qui visus est per dies multos his, qui simul ascénderant cum eo de Galilæa in Ierúsalem, qui usque nunc sunt testes eius ad plebem. Et nos vobis annuntiámus

eam, quæ ad patres nostros repromissio facta est: quóniam hanc Deus adimplévit filiis nostris, resúscitans Iesum Christum Dóminum nostrum.

Graduale Ps. 117, 24 Hæc dies, quam fecit Dóminus: exsultémus, et lætémur in ea. **V. Ps. 106, 2** Dicant nunc, qui redépti sunt a Dómino: quos redémit de manu inimíci, et de regiónibus congregávit eos.

Allelúia, allelúia. **V.** Surréxit Dóminus de sepúlcro, qui pro nobis pepéndit in ligno.

Sequentia

Victimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo confluxére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequéntia sancti Evangélii secúndum Lucam

Luc. 24, 36-47

In illo témpore: Stetit Iesus in médio discipulórum suórum, et dicit eis: Pax vobis: ego sum, nolíte

timére. Conturbáti vero, et contér-
riti, existimábant se spíritum vidére.
Et dixit eis: Quid turbáti estis, et
cogitatiónes ascéndunt in corda
vestra? Vidéte manus meas, et pe-
des, quia ego ipse sum: palpáte, et
vidéte: quia spíritus carnem et ossa
non habet, sicut me vidétis habére.
Et cum hoc dixisset, osténdit eis
manus, et pedes. Adhuc autem illis
non credéntibus, et mirántibus præ
gáudio, dixit: Habétis hic áliquid,
quod manducétur? At illi obtulé-
runt ei partem piscis assi, et favum
mellis. Et cum manducásset coram
eis, sumens relíquias, dedit eis. Et
dixit ad eos: Hæc sunt verba, quæ
locútus sum ad vos, cum adhuc
essem vobíscum, quóniam necesse
est impléri ómnia, quæ scripta sunt
in lege Móysi, et Prophétis, et Psal-
mis de me. Tunc apérui illis sen-
sum, ut intellégerent Scriptúras. Et
dixit eis: Quóniam sic scriptum est,
et sic oportébat Christum pati, et
resúrgere a mórtuis tértia die: et
prædicári in nómine eius pænitén-
tiam, et remissionem peccatórum in
omnes gentes. **Credo.**

Antiphona ad Offertorium

Ps. 17, 14 et 16

Intónuit de cælo Dóminus, et Al-
tíssimus dedit vocem suam: et ap-
paruérunt fontes aquárum, allelúia.

Secreta

Súscipe, Dómine, fidélium preces,
cum oblatiόνibus hostiárum:
ut, per hæc piæ devotiόνis offícia,
ad cæléstem glóriam transeámus.
Per Dóminum.

Præfatio, Communicántes **et** Hanc igitur, **ut**
in die Paschæ.

Antiphona ad Communionem

Coloss. 3, 1-2

Si consurrexístis cum Christo,
quæ sursum sunt quærite, ubi Chri-
stus est in dextera Dei sedens, alle-
lúia: quæ sursum sunt sápite, alle-
lúia.

Postcommunio

Concède, quæsumus, omnípotens
Deus: ut paschális percéptio
sacraménti, continúa in nostris
méntibus persevéret. Per Dóminum.

FERIA QUARTA INFRA OCTAVAM PASCHATIS

I classis

Statio ad S. Laurentium extra muros

Antiphona ad Introitum

Matth. 25, 34

Veníte, benedícti Patris mei,
percípите regnum, alle-
lúia: quod vobis parátum
est ab origine mundi, al-
lelúia, allelúia, allelúia. **Ps. 95, 1**
Cantáte Dómino cánticum novum:
cantáte Dómino, omnis terra. **V.**
Glória Patri. **Veníte.**

Oratio

Deus, qui nos Resurrectiόνis
Dóminicæ ánnua solemnitáte

lætíficas: concède propítius; ut per
temporália festa quæ ágimus, per-
veníre ad gáudia ætérra mereámur.
Per eúndem Dóminum.

Lectio Actuum Apostolorum

Act. 3, 13-15 et 17-19

In diébus illis: Apériens Petrus os
suum, dixit: Viri Israëlitæ, et qui
timétis Deum, audíte. Deus Abra-
ham, et Deus Isaac, et Deus Iacob,

Deus patrum nostrorum, glorificavit Filium suum Iesum, quem vos quidem tradidistis, et negastis ante faciem Pilati, iudicante illo dimitti. Vos autem sanctum, et iustum negastis, et petistis virum homicidam donari vobis: auctorem vero vitae interfecistis, quem Deus suscitavit a mortuis, cuius nos testes sumus. Et nunc, fratres, scio quia per ignorantiam fecistis, sicut et principes vestri. Deus autem, quæ prænuntiavit per os omnium Prophetarum, pati Christum suum, sic implévit. Pœnitèmini igitur, et convertimini, ut deleantur peccata vestra.

Graduale Ps. 117, 24 et 16 Hæc dies, quam fecit Dominus: exultemus, et lætémur in ea. **V.** Dextera Domini fecit virtutem, dextera Domini exaltavit me.

Allelúia, alleluia. **V. Luc. 24, 34** Surrexit Dominus vere: et apparuit Petro.

Sequentia

Victimæ paschali laudes immolent Christiáni.

Agnus redemit oves: Christus innocens Patri reconciliavit peccatores.

Mors et vita duello confluxere mirando: dux vitæ mortuus, regnat vivus.

Dic nobis, María, quid vidisti in via?

Sepulcrum Christi vivèntis: et glóriam vidi resurgèntis.

Angélicos testes, sudarium, et vestes.

Surrexit Christus spes mea: præcedet vos in Galilæam.

Scimus Christum surrexisse a mortuis vere: tu nobis, victor Rex, miserere. Amen. Allelúia.

✠ Sequentia sancti Evangelii secundum Ioannem

Ioann. 21, 1-14

In illo tempore: Manifestavit se iterum Iesus discipulis ad mare Tiberiæ. Manifestavit autem sic. Erant simul Simon Petrus, et Thomas, qui dicitur Dídymus, et Nathánaël, qui erat a Cana Galilææ, et filii Zebedæi, et alii ex discipulis eius duo. Dicit eis Simon Petrus: Vado piscari. Dicunt ei: Venimus et nos tecum. Et exierunt, et ascenderunt in navim: et illa nocte nihil predidérunt. Mane autem facto, stetit Iesus in littore: non tamen cognoverunt discipuli, quia Iesus est. Dixit ergo eis Iesus: Pueri, numquid pulmentarium habetis? Responderunt ei: Non. Dicit eis: Mittere in dexteram navigii rete, et inveniétis. Misérunt ergo: et iam non valébant illud trahere præ multitudinem piscium. Dixit ergo discipulus ille, quem diligébat Iesus, Petro: Dominus est. Simon Petrus, cum audisset quia Dominus est, túnica succinxit se (erat enim nudus), et misit se in mare. Alii autem discipuli navigio venerunt (non enim longe erant a terra, sed quasi cúbitis ducéntis), trahéntes rete piscium. Ut ergo descendérunt in terram, vidérunt prunas pòsitas, et piscem superpòsitum, et panem. Dicit eis Iesus: Afférte de piscibus, quos predidistis nunc. Ascéndit Simon Petrus, et traxit rete in terram, plenum magnis piscibus centum quinquaginta tribus. Et cum tanti essent, non est scissum rete. Dicit eis Iesus: Veníte, prandéte. Et nemo audébat discumbéntium interrogáre eum: Tu quis es? sciéntes, quia Dominus est. Et venit Iesus, et áccipit panem, et dat eis, et piscem simíliter. Hoc iam tértio manifestátus est

Iesus discipulis suis, cum resurrexisset a mórtuis. **Credo.**

Antiphona ad Offertorium

Ps. 77, 23-25

Portas cæli apéruiť Dóminus: et pluit illis manna, ut éderent: panem cæli dedit eis: panem Angelórum manducávit homo, allelúia.

Secreta

Sacrificia, Dómine, paschálibus gáudiis immolámus: quibus Ecclésia tua mirábiliter et páscitur et nutritur. Per Dóminum.

Præfatio, Communicátes **et** Hanc igitur, **ut** in die Paschæ.

Antiphona ad Communionem

Rom. 6, 9

Christus resúrgens ex mórtuis, iam non móritur, allelúia: mors illi ultra non dominábitur, allelúia, allelúia.

Postcommunio

Ab omni nos, quæsumus, Dómine, vetustáte purgátos: sacraménti tui veneránda percéptio in novam tránsferat creatúram: Qui vivis.

FERIA QUINTA INFRA OCTAVAM PASCHATIS

I classis

Statio ad Ss. duodecim Apostolos

Antiphona ad Introitum

Sap. 10, 20-21

Victrícem manum tuam, Dómine, laudavérunt páriter, allelúia: quia sapiéntia apéruiť os mutum, et linguas infántium fecit disértas, allelúia, allelúia. **Ps. 97, 1** Cantáte Dómino cánticum novum: quia mirabilia fecit. **V.** Glória Patri. **V**ictrícem.

Oratio

Deus, qui diversitátem géntium in confessióne tui nóminis adunásti: da, ut renátis fonte baptismatis una sit fides méntium, et píetas actiónum. Per Dóminum.

Lectio Actuum Apostolórum

Act. 8, 26-40

In diébus illis: Angelus Dómini locútus est ad Philíppum, dicens: Surge, et vade contra meridiánum, ad viam, quæ descéndit ab Ierúsalem in Gazam: hæc est déserta. Et surgens ábiit. Et ecce vir Æthiops

eunúchus, potens Candácis regínæ Æthiópum, qui erat super omnes gazas eius, vénerat adoráre in Ierúsalem: et revertebátur sedens super currum suum, legénsque Isaíam prophétam. Dixit autem Spíritus Philíppo: Accéde, et adiúnge te ad currum istum. Accúrrens autem Philíppus, audívit eum legéntem Isaíam prophétam, et dixit: Putásne intéllegis, quæ legis? Qui ait: Et quómodo possum, si non áliquis osténderit mihi? Rogavítque Philíppum, ut ascénderet, et sedéret secum. Locus autem Scriptúræ, quam legébat, erat hic: Tamquam ovis ad occisiónem ductus est: et sicut agnus coram tondénte se, sine voce, sic non apéruiť os suum. In humilitáte iudícium eius sublátum est. Generatióne eius quis enarrábit, quóniam tollétur de terra vita eius? Respóndens autem eunúchus Philíppo, dixit: Obsecro te, de quo prophéta dicit hoc? de se, an de álio áliquo? Apériens autem Philíppus os suum, et incípiens a Scriptúra ista, evangelizávit illi Iesum.

Et dum irent per viam, venérunt ad quamdam aquam: et ait eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens ait: Credo, Fílium Dei esse Iesum Christum. Et iussit stare currum: et descendérunt utérque in aquam, Philíppus, et eunúchus, et baptizávit eum. Cum autem ascendissent de aqua, Spíritus Dómini rápuit Philíppum, et ámplius non vidit eum eunúchus. Ibat autem per viam suam gaudens. Philíppus autem invéntus est in Azóto, et pertránsiens evangelizábat civitatibus cunctis (donec veníret Cæsaréam) nomen Dómini Iesu Christi.

Graduale Ps. 117, 24 et 22-23 Hæc dies, quam fecit Dóminus: exultémus, et lætémur in ea. **V.** Lápidem, quem reprobavérunt ædificántes, hic factus est in caput ánguli: a Dómino factum est istud, et est mirábile in óculis nostris.

Allelúia, allelúia. **V.** Surréxit Christus, qui creávit ómnia: et misértus est humano géneri.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo confluxére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequentia sancti Evangélíi secúndum Ioánnem

Ioann. 20, 11-18

In illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes, unum ad caput, et unum ad pedes, ubi pósitum fúerat corpus Iesu. Dicunt ei illi: Múlier, quid ploras? Dicit eis: Quia tulérunt Dóminum meum: et nésco, ubi posué-runt eum. Hæc cum dixisset, convérta est retrórsus, et vidit Iesum stantem: et non sciébat quia Iesus est. Dicit ei Iesus: Múlier, quid ploras? quem quæris? Illa exístimans quia hortulánuus esset, dicit ei: Dómine, si tu sustulísti eum, dícto mihi ubi posuísti eum: et ego eum tollam. Dicit ei Iesus: María. Convérta illa, dicit ei: Rabbóni (quod dicitur Magíster). Dicit ei Iesus: Noli me tángere, nondum enim ascéndi ad Patrem meum: vade autem ad fratres meos, et dic eis: Ascéndo ad Patrem meum, et Patrem vestrum, Deum meum, et Deum vestrum. Venit María Magdaléne annúntians discípulis: Quia vidi Dóminum, et hæc dixit mihi.

Credo.

Antiphona ad Offertorium

Exodi 13, 5

In die solemnitátis vestræ, dicit Dóminus, indúcam vos in terram fluéntem lac et mel, allelúia.

Secreta

Súscipe, quæsumus, Dómine, múnera populórum tuórum propi-

tius: ut confessiōne tui nōminis et baptísmate renováti, sempitérnam beatitúdinem consequántur. Per Dóminum.

Præfatio, Communicántes **et** Hanc igitur, **ut** in die Paschæ.

Antiphona ad Communionem

1 Petr. 2, 9

Pópulus acquisitionis, annuntiáte virtútes eius, allelúia: qui vos de

ténebris vocávit in admirábile lumen suum, allelúia.

Postcommunio

Exáudi, Dómine, preces nostras: ut redemptionis nostræ sacrosáncta commércia, et vitæ nobis cónferant præsentis auxílium, et gáudia sempitérna concílient. Per Dóminum.

FERIA SEXTA INFRA OCTAVAM PASCHATIS

I classis

Statio ad S. Mariam ad Martyres

Antiphona ad Introitum

Ps. 77, 53

Edúxit eos Dóminus in spe, allelúia: et inimícos eórum opérui mare, allelúia, allelúia, allelúia. **Ps. ibid., 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **Edúxit.**

Oratio

Omnípotens sempitérne Deus, qui paschále sacraméntum in reconciliatiōnis humánæ fœdere contulisti: da méntibus nostris; ut, quod professiōne celebrámus, imitémur efféctu. Per Dóminum.

Léctio Epístolæ beáti Petri Apóstoli

1 Petr. 3, 18-22

Caríssimi: Christus semel pro peccátis nostris mórtuus est, iustus pro iniústis, ut nos offérret Deo, mortificátus quidem carne, vivificátus autem spíritu. In quo et his, qui in cárcere erant, spirítibus véniens prædicávit: qui incréduli fúerant aliquándo, quando expectábant Dei paciéntiam in diébus Noë, cum fabricarétur arca, in qua pauci, id est octo ánimæ salvæ

factæ sunt per aquam. Quod et vos nunc símilis formæ salvos facit baptísma: non carnis depositio sórdium, sed consciéntiæ bonæ interrogátiō in Deum per resurrectionem Iesu Christi Dómini nostri, qui est in dextera Dei.

Graduale Ps. 117, 24 et 26-27 Hæc dies, quam fecit Dóminus: exultémus, et lætémur in ea. **V.** Benedíctus, qui venit in nómine Dómini: Deus Dóminus, et illúxit nobis.

Allelúia, allelúia. **V.** **Ps. 95, 10** Dícite in géntibus: quia Dóminus regnávit a ligno.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo conflixére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexisse a mortuis vere: tu nobis, victor Rex, miserere. Amen. Allelúia.

✠ Sequéntia sancti Evangélíi secúndum Matthæum

Matth. 28, 16-20

In illo témpore: Undecim discípuli abiérunt in Galilæam, in montem, ubi constitúerat illis Iesus. Et vidéntes eum adoravérunt: quidam autem dubitavérunt. Et accédens Iesus locútus est eis, dicens: Data est mihi omnis potéstas in cælo, et in terra. Eúntes ergo, docéte omnes gentes, baptizántes eos in nómine Patris, et Fílii, et Spíritus Sancti: docéntes eos serváre ómnia quæcúmque mandávi vobis. Et ecce ego vobíscum sum ómnibus diébus, usque ad consummationem sæculi.

Credo.

Antiphona ad Offertorium

Exodi 12, 14

Erit vobis hæc dies memoriális, allelúia: et diem festum celebrábitis

solémnem Dómino in progénies vestras: legítimum sempitérnum diem, allelúia, allelúia, allelúia.

Secreta

Hóstias, quæsumus, Dómine, placátus assúme: quas et pro renatórum expiatióne peccáti deférimus, et pro acceleratióne cælestis auxilií. Per Dóminum.

Præfatio, Communicánte et Hanc igitur, ut in die Paschæ.

Antiphona ad Communionem

Matth. 28, 18-19

Data est mihi omnis potéstas in cælo, et in terra, allelúia: eúntes, docéte omnes gentes, baptizántes eos in nómine Patris, et Fílii, et Spíritus Sancti, allelúia, allelúia.

Postcommunio

Réspice, quæsumus, Dómine, pópulum tuum: et quem ætérnis dignátus es renováre mystériis, a temporálibus culpis dignánte absolvet. Per Dóminum.

SABBATO IN ALBIS

I classis

Statio ad S. Ioannem in Laterano

Antiphona ad Introitum

Ps. 104, 43

Edúxit Dóminus pópulum suum in exsultatióne, allelúia: et eléctos suos in lætítia, allelúia, allelúia. **Ps. ibid., 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri. **E**dúxit.

Oratio

Concède, quæsumus, omnípotens Deus: ut, qui festa paschália venerádo égimus, per hæc contíngere ad gáudia ætérna mereámur. Per Dóminum.

Léctio Epístolæ beáti Petri Apóstoli

1 Petr. 2, 1-10

Caríssimi: Deponénte igitur omnem malítiam, et omnem dolum, et simulatióne, et invidias, et omnes detractiões, sicut modo gé-

niti infantes, rationábile, sine dolo lac concupíscite: ut in eo crescátis in salútem: si tamen gustástis, quóniam dulcis est Dóminus. Ad quem accedéntes lápidem vivum, ab homínibus quidem reprobátum, a Deo autem eléctum, et honorificátum: et ipsi tamquam lápides vivi superædificámini, domus spirituális, sacerdotium sanctum, offerre spirituáles hóstias, acceptábiles Deo per Iesum Christum. Propter quod cóntinet Scriptúra: Ecce pono in Sion lápidem summum angulárem, eléctum, pretiósus: et qui crediderit in eum, non confundétur. Vobis igitur honor credéntibus: non credéntibus autem lapis, quem reprobavérunt ædificántes, hic factus est in caput ánguli, et lapis offensiónis, et petra scándali his, qui offéndunt verbo, nec credunt in quo et pósito sunt. Vos autem genus eléctum, regále sacerdotium, gens sancta, pópulus acquisitionis: ut virtútes annuntiétis eius, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei: qui non consecúti misericórdiam, nunc autem misericórdiam consecúti.

¶ *Ab hoc die usque ad sabbatum Quatuor Temporum Pentecostes inclusive, in omnibus Missis, non dicitur graduale, sed quatuor Allelúia cum duobus versibus, ordine infra scripto; in vigilia autem Pentecostes et post quamlibet lectionem in sabbato Quatuor Temporum eiusdem, unum Allelúia dicitur cum unico versu.*

Allelúia, allelúia. *Ps. 117, 24* Hæc dies, quam fecit Dóminus: exultémus, et lætémur in ea. Allelúia. *Ps. 112, 1* Laudáte, púeri, Dóminum, laudáte nomen Dómini.

Sequentia

Víctimæ pascháli laudes immolent Christiáni.

Agnus redémit oves: Christus

innocens Patri reconciliávit peccatóres.

Mors et vita duéllo confluxére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequentia sancti Evangélii secundum Ioánnem

Ioann. 20, 1-9

In illo témpore: Una sábbati, María Magdaléne venit mane, cum adhuc ténebræ essent, ad monuméntum: et vidit lápidem sublátum a monuménto. Cucúrrit ergo, et venit ad Simónem Petrum, et ad álium discípulum, quem amábat Iesus, et dicit illis: Tulérunt Dóminum de monuménto, et nescimus ubi posuérunt eum. Exiit ergo Petrus, et ille álius discípulus, et venérunt ad monuméntum. Currébant autem duo simul, et ille álius discípulus præcucúrrit cítius Petro, et venit primus ad monuméntum. Et cum se inclinásset, vidit pósito linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pósito, et sudárium, quod fúerat super caput eius, non cum linteaminibus pósito, sed separátim involútum in unum locum. Tunc ergo introívit et ille discípulus, qui vénerat primus ad monuméntum: et vidit, et credidit:

nondum enim sciébant Scriptúram, quia oportébat eum a mórtuis resúrgere.

Credo.

Antiphona ad Offertorium

Ps. 117, 26-27

Benedíctus qui venit in nómine Dómini: benedíximus vobis de domo Dómini: Deus Dóminus, et illúxit nobis, allelúia, allelúia.

Secreta

Concéde, quæsumus, Dómine, semper nos per hæc mystéria paschália gratulári: ut continúa no-

stræ reparatiónis operátio, perpétuæ nobis fiat causa lætitiæ. Per Dóminum nostrum.

Præfatio, Communicátes **et** Hanc igitur, **ut** in die Paschæ.

Antiphona ad Communionem

Gal. 3, 27

Omnes qui in Christo baptizáti estis, Christum induístis, allelúia.

Postcommunio

Redemptiόνis nostræ múnere vegetáti, quæsumus, Dómine: ut hoc perpétuæ salútis auxílio, fides semper vera proficiat. Per Dóminum nostrum.

DOMINICA IN ALBIS IN OCTAVA PASCHÆ

I classis

Statio ad S. Pancratium

Antiphona ad Introitum

1 Petr. 2, 2

Quasi modo géniti infántes, allelúia: rationábile, sine dolo lac concupíscite, allelúia, allelúia, allelúia.

Ps. 80, 2 Exsultáte Deo adiutóri nostro: iubiláte Deo Iacob. **V.** Glória Patri. **Q**uasi.

¶ **Dicitur** Glória in excélsis in hac et sequentibus dominicis post Pascha, etiam quando infra hebdomadam adhibetur Missa dominicæ præcedentis.

Oratio

Præsta, quæsumus, omnípotens Deus: ut, qui paschália festa perégimus, hæc, te largiénte, móribus et vita teneámus. Per Dñm.

Léctio Epístolæ beáti Ioánnis
Apóstoli

1 Ioann. 5, 4-10

Caríssimi: Omne, quod natum est ex Deo, vincit mundum: et hæc

est victória, quæ vincit mundum, fides nostra. Quis est, qui vincit mundum, nisi qui credit, quóniam Iesus est Fílius Dei? Hic est qui venit per aquam, et sánguinem, Iesus Christus: non in aqua solum, sed in aqua et ságuine. Et Spíritus est, qui testificátur, quóniam Christus est véritas. Quóniam tres sunt, qui testimónium dant in cælo: Pater, Verbum, et Spíritus Sanctus: et hi tres unum sunt. Et tres sunt, qui testimónium dant in terra: Spíritus, et aqua, et sanguis: et hi tres unum sunt. Si testimónium hóminum accípimus, testimónium Dei maius est: quóniam hoc est testimónium Dei, quod maius est: quóniam testificátus est de Fílio suo. Qui credit in Fílium Dei, habet testimónium Dei in se.

Allelúia, allelúia. **V. Matth. 28, 7**
In die resurrectionis meæ, dicit Dó-

minus, præcedam vos in Galilæam. Allelúia. **V. Ioann. 20, 26** Post dies octo, iánuis clausis, stetit Iesus in médio discipulórum suórum, et dixit: Pax vobis. Allelúia.

✠ Sequéntia sancti Evangélii secúndum Ioánnem

Ioann. 80, 19-31

In illo témpore: Cum sero esset die illo, una sabbatórum, et fores essent clausæ, ubi erant discipuli congregáti propter metum Iudæórum: venit Iesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discipuli, viso Dómino. Dixit ergo eis íterum: Pax vobis. Sicut misit me Pater, et ego mitto vos. Hæc cum dixisset, insufflavit: et dixit eis: Accípite Spíritum Sanctum: quorum remisérítis peccáta, remittúntur eis: et quorum retinuérítis, reténta sunt. Thomas autem unus ex duódecim, qui dicitur Dídymus, non erat cum eis, quando venit Iesus. Dixérunt ergo ei álíi discipuli: Vídimus Dóminum. Ille autem dixit eis: Nisi vídero in mánibus eius fixúram clavórum, et mittam dígitum meum in locum clavórum, et mittam manum meam in latus eius, non credam. Et post dies octo, íterum erant discipuli eius intus, et Thomas cum eis. Venit Iesus, iánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus me-

us, et Deus meus. Dixit ei Iesus: Quia vidísti me, Thoma, credidísti: beáti, qui non vidérunt, et credidérunt. Multa quidem et ália signa fecit Iesus in conspéctu discipulórum suórum, quæ non sunt scripta in libro hoc. Hæc autem scripta sunt, ut credátis, quia Iesus est Christus Fílius Dei: et ut credéntes, vitam habeátis in nómine eius.

Credo.

Antiphona ad Offertorium

Matth. 28, 2, 5 et 6

Angelus Dómini descéndit de cælo, et dixit muliéribus: Quem quæritis, surréxit sicut dixit, allelúia.

Secreta

Súscipe múnera, Dómine, quæsumus, exsultántis Ecclésiæ: et cui causam tanti gáudii præstitísti, perpétuæ fructum concéde lætítiæ. Per Dóminum nostrum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem

Ioann. 20, 27

Mitte manum tuam, et cognósce loca clavórum, allelúia: et noli esse incrédulus, sed fidélis, allelúia, allelúia.

Postcommunio

Quæsumus, Dómine Deus noster: ut sacrosáncta mystéria, quæ pro reparatiónis nostræ munímine contulísti; et præsens nobis remédium esse fácias, et futúrum. Per Dóminum.

DOMINICA SECUNDA POST PASCHA

II classis

Antiphona ad Introitum

Ps. 32, 5-6

Misericórdia Dómini plena est terra, allelúia: verbo Dómini cæli firmáti sunt, allelúia, allelúia. **Ps. ibid., 1** Exsultáte, iusti, in Dómino: rectos decet collaudátio. **V.** Glória Patri. **Misericórdia.**

Oratio

Deus, qui in Fílii tui humilitáte iacéntem mundum erexisti: fidélibus tuis perpétuam concéde lætítiam; ut, quos perpétuæ mortis eripuísti cásibus, gáudiis fácias pérfrui sempitérnis. Per eúndem Dóminum nostrum.

Léctio Epístolæ beáti Petri Apóstoli

1 Petr. 2, 21-25

Caríssimi: Christus passus est pro nobis, vobis relínquens exémplum, ut sequámini vestígia eius. Qui peccátum non fecit, nec invén-tus est dolus in ore eius: qui cum maledicerétur, non maledicébat: cum paterétur, non comminabátur: tradébat autem iudicánti se iniú-ste: qui peccáta nostra ipse pertulit in córpore suo super lignum: ut peccátis mórtui, iustítiæ vivámus: cuius livóre sanáti estis. Erátis enim sicut oves errántes, sed con-vérsti estis nunc ad pastórem et episcopum animárum vestrárum.

Allelúia, allelúia. **V. Luc. 24, 35** Cognovérunt discípuli Dóminum Iesum in fractióne panis. Allelúia. **V. Ioann. 10, 14** Ego sum pastor bonus: et cognósco oves meas, et cognóscunt me meæ. Allelúia.

✠ Sequéntia sancti Evangélii se-cúndum Ioánnem

Ioann. 10, 11-16

In illo témpore: Dixit Iesus phari-sæis: Ego sum pastor bonus. Bonus pastor ánimam suam dat pro óvibus suis. Mercenárius au-tem, et qui non est pastor, cuius non sunt oves propriæ, videt lu-pum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pérti-net ad eum de óvibus. Ego sum pa-stor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudi-ent, et fiet unum ovíle, et unus pastor. **Credo.**

Antiphona ad Offertorium

Ps. 62, 2 et 5

Deus, Deus meus, ad te de luce vígilo: et in nómine tuo levábo ma-nus meas, allelúia.

Secreta

Benedictiónem nobis, Dómine, cónferat salutárem sacra sem-per oblátio: ut, quod agit mystério, virtúte perfíciat. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem

Ioann. 10, 14

Ego sum pastor bonus, allelúia: et cognósco oves meas, et cognó-scunt me meæ, allelúia, allelúia.

Postcommunio

Præsta nobis, quæsumus, omnipotens Deus: ut vivificatiōnis tuæ grātiā consequentes, in tuo semper múnere gloriémur. Per Dóminum.

DOMINICA TERTIA
POST PASCHA

II classis

Antiphona ad Introitum

Ps. 65, 1-2

Iubiláte Deo, omnis terra, allelúia: psalmum dícite nómini eius, allelúia: date glóriam laudi eius, allelúia, allelúia, allelúia. **Ps. ibid., 3** Dícite Deo, quam terribília sunt ópera tua, Dómine! in multitúdine virtútis tuæ mentiéntur tibi inimíci tui. **V.** Glória Patri. **I**ubiláte.

Oratio

Deus, qui errántibus, ut in viam possint redíre iustítiæ, veritátis tuæ lumen osténdis: da cunctis qui christiána professióne censéntur, et illa respúere, quæ huic inimíca sunt nómini; et ea quæ sunt apta, sectári. Per Dóminum.

Léctio Epístolæ beáti Petri Apóstoli

1 Petr. 2, 11-19

Caríssimi: Obsecro vos tamquam ádvenas, et peregrínos abstinére vos a carnálibus desidériis, quæ militánt advérsus ánimam, conversatióne vestram inter gentes habéntes bonam: ut in eo, quod detréctant de vobis tamquam de malefactoribus, ex bonis opéribus vos considerántes, gloríficent Deum in die visitatiónis. Subiécti ígitur estóte omni humánæ creatúræ

propter Deum: sive regi, quasi præcellénti: sive dúcibus, tamquam ab eo missis ad vindíctam malefactorum, laudem vero bonorum: quia sic est volúntas Dei, ut benefaciéntes obmutéscere faciátis imprudentium hóminum ignorántiam: quasi líberi, et non quasi velámen habéntes malítiæ libertátem, sed sicut servi Dei. Omnes honoráte: fraternitátem dilígite: Deum timéte: regem honorificáte. Servi, súbditi estóte in omni timóre dóminis, non tantum bonis, et modéstis, sed étiam dýscolis. Hæc est enim grátia: in Christo Iesu Dómino nostro.

Allelúia, allelúia. **V. Ps. 110, 9** Redemptionem misit Dóminus pópulo suo. Allelúia. **V. Luc. 24, 46** Oportébat pati Christum, et resúrgeré a mórtuis: et ita intráre in glóriam suam. Allelúia.

✠ Sequéntia sancti Evangélíi secúndum Ioánnem

Ioann. 16, 16-22

In illo témpore: Dixit Iesus discí-pulis suis: Módicum, et iam non vidébitis me: et iterum módicum, et vidébitis me: quia vado ad Patrem. Dixérunt ergo ex discí-pulis eius ad invicem: Quid est hoc, quod dicit nobis: Módicum, et non vidébitis me: et iterum módicum, et vidébitis me, et quia vado ad Patrem? Dicébant ergo: Quid est hoc, quod dicit: Módicum? nescímus, quid lóquitur. Cognóvit autem Iesus, quia volébant eum interrogáre, et dixit eis: De hoc quæritis inter vos, quia dixi: Módicum, et non vidébitis me: et iterum módicum, et vidébitis me. Amen, amen dico vobis: quia plorábitis, et flébitis vos, mundus autem gaudébit: vos autem contrista-

bímini, sed tristítia vestra vertétur in gáudium. Múlier cum parit, tristítiam habet, quia venit hora eius: cum autem pepérerit púerum, iam non méminit pressúræ propter gáudium, quia natus est homo in mundum. Et vos ígitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet a vobis. **Credo.**

Antiphona ad Offertorium

Ps. 145, 2

Lauda, ánima mea, Dóminum: laudábo Dóminum in vita mea: psallam Deo meo, quámduo ero, allelúia.

Secreta

His nobis, Dómine, mystériis conferátur, quo terréna desideria mitigántes, discámus amáre cæléstia. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem

Ioann. 16, 16

Módicum, et non vidébitis me, allelúia: íterum módicum, et vidébitis me, quia vado ad Patrem, allelúia, allelúia.

Postcommunio

Sacraménta quæ sumpsimus, quæsumus, Dómine: et spirituálibus nos instáurent aliméntis, et corporálibus tueántur auxiliis. Per Dóminum.

DOMINICA QUARTA POST PASCHA

II classis

Antiphona ad Introitum

Ps. 97, 1 et 2

Cantáte Dómino cánticum novum, allelúia: quia mirabília fecit Dóminus, allelúia: ante conspéctum géntium revelávit iustítiam suam, allelúia, allelúia, allelúia. **Ps. ibid., 1** Salvávit sibi dextera eius: et bráccium sanctum eius. **V.** Glória Patri. **Cantáte.**

Oratio

Deus, qui fidélium mentes unius éfficis voluntátis: da pópulis tuis id amáre quod præcipis, id desideráre quod promíttis; ut inter mundánas varietátes ibi nostra fixa sint corda, ubi vera sunt gáudia. Per Dóminum.

Léctio Epístolæ beáti Iacóbi Apóstoli

Iac. 1, 17-21

Caríssimi: Omne datum óptimum, et omne donum perféctum desúrsum est, descéndens a Patre lúminum, apud quem non est transmutátio, nec vicissitúdinis obumbrátio. Voluntárie enim genuit nos verbo veritátis, ut simus inítium áliquod creatúræ eius. Scitis, fratres mei dilectíssimi. Sit autem omnis homo velox ad audiéndum: tardus autem ad loquéndum, et tardus ad iram. Ira enim viri, iustítiam Dei non operátur. Propter quod abiiciéntes omnem imundítiam, et abundántiam máltiæ, in mansuetúidine suscípите insítum verbum, quod potest salváre ánimas vestras.

Allelúia, allelúia. *Ps. 117, 16*
 Déxtera Dómini fecit virtútem:
 déxtera Dómini exaltávit me. Alle-
 lúia. *Ps. Rom. 6, 9* Christus resúr-
 gens ex mórtuis, iam non móritur:
 mors illi ultra non dominábitur. Al-
 lelúia.

✠ Sequéntia sancti Evangélíi se-
 cúndum Ioánnem

Ioann. 16, 5-14

In illo témpore: Dixit Iesus discí-
 pulis suis: Vado ad eum, qui
 misit me: et nemo ex vobis intérró-
 gat me: Quo vadis? Sed quia hæc
 locútus sum vobis, tristítia implévit
 cor vestrum. Sed ego veritátem dico
 vobis: éxpedit vobis ut ego vadam:
 si enim non abíero, Paráclitus non
 véniet ad vos: si autem abíero, mit-
 tam eum ad vos. Et cum vénerit ille,
 árguet mundum de peccáto, et de
 iustítia et de iudício. De peccáto
 quidem, quia non credidérunt in
 me: de iustítia vero, quia ad Patrem
 vado, et iam non vidébitis me: de
 iudício autem, quia princeps huius
 mundi iam iudicátus est. Adhuc
 multa hábeo vobis dícere: sed non
 potéstis portáre modo. Cum autem
 vénerit ille Spíritus veritátis, docé-
 bit vos omnem veritátem. Non enim
 loquétur a semetípso: sed quæcúm-
 que áudiet, loquétur, et quæ ven-
 túra sunt, annuntiábit vobis. Ille me
 clarificábit: quia de meo accípiet,
 et annuntiábit vobis. **Credo.**

Antiphona ad Offertorium

Ps. 65, 1-2 et 16

Iubiláte Deo, univérsa terra, psal-
 mum dícite nómini eius: veníte, et
 audíte, et narrábo vobis, omnes qui
 timétis Deum, quanta fecit Dómi-
 nus ánimæ meæ, allelúia.

Secreta

Deus, qui nos per huius sacri-
 ficii veneránda commércia,
 unius summæ divinitátis partícipes
 effecísti: præsta, quæsumus; ut,
 sicut tuam cognóscimus veritátem,
 sic eam dignis móribus assequá-
 mur. Per Dóminum.

Præfatio paschalis, in qua dicitur: in hoc
 potíssimum gloriósius prædicáre.

Antiphona ad Communionem

Ioann. 16, 8

Cum vénerit Paráclitus Spíritus
 veritátis, ille árguet mundum de
 peccáto, et de iustítia, et de iudício,
 allelúia, allelúia.

Postcommunio

Adésto nobis, Dómine Deus no-
 ster: ut per hæc, quæ fidéliter
 sumpsimus, et purgémur a vítiis, et
 a perículis ómnibus eruámur. Per
 Dóminum.

DOMINICA QUINTA POST PASCHA

II classis

Antiphona ad Introitum

Isai. 48, 20

Vocem iucunditátis annunti-
 áte, et audiátur, allelúia: an-
 nuntiáte usque ad extré-
 mum terræ: liberávit Dóminus pó-
 pulum suum, allelúia, allelúia. *Ps.*
65, 1-2 Iubiláte Deo, omnis terra,
 psalmum dícite nómini eius: date
 glóriam laudi eius. *Ps. Glória Patri.*
Vocem.

Oratio

Deus, a quo bona cuncta procé-
 dunt, largíre supplicibus tuis:
 ut cogitémus, te inspiránte, quæ
 recta sunt; et, te gubernánte,
 éadem faciámus. Per Dóminum.

Léctio Epístolæ beāti Iacóbi
Apóstoli

Iac. 1, 22-27

Caríssimi: Estóte factóres verbi, et non auditóres tantum: fal-léntes vosmetípsos. Quia si quis au-dítor est verbi, et non factor: hic comparábitur viro consideránti vultum nativitátis suæ in spéculo: considerávit enim se, et ábiit, et statim oblítus est, qualis fúerit. Qui autem perspéxerit in legem perféctam libertátis, et permánserit in ea, non audítor obliuósus factus, sed factor óperis: hic beátus in facto suo erit. Si quis autem putat se religiósus esse, non refrénans linguam suam, sed sedúcens cor suum, huius vana est relígio. Relígio munda, et immaculáta apud Deum et Patrem, hæc est: Visitáre pupílos et víduas in tribulatióne eórum, et immaculátum se custo-díre ab hoc sæculo.

Allelúia, allelúia. **℣.** Surréxit Christus, et illúxit nobis, quos red-émit ságuine suo. Allelúia. **℣.** **Ioann. 16, 28** Exívi a Patre, et veni in mundum: íterum relínquo mun-dum, et vado ad Patrem. Allelúia.

✠ Sequéntia sancti Evangélíi se-cúndum Ioánnem

Ioann. 16, 23-30

In illo témpore: Dixit Iesus discí-pulis suis: Amen, amen dico vobis: si quid petiéritis Patrem in nómine meo, dabit vobis. Usque modo non petístis quidquam in nómine meo: Pétite, et accipiétis, ut gáudium vestrum sit plenum. Hæc in provérbiis locútus sum vobis. Venit hora, cum iam non in provér-biis loquar vobis, sed palam de Patre annuntiábo vobis. In illo die in nómine meo petétis: et non dico

vobis, quia ego rogábo Patrem de vobis: ipse enim Pater amat vos, quia vos me amástis, et credidístis, quia ego a Deo exívi. Exívi a Patre, et veni in mundum: íterum relínquo mundum, et vado ad Patrem. Dicunt ei discípuli eius: Ecce nunc palam lóqueris, et provérbum nul-lum dicis. Nunc scimus, quia scis ómnia, et non opus est tibi, ut quis te intéroget: in hoc crédimus, quia a Deo exísti. **Credo.**

Antiphona ad Offertorium

Ps. 65, 8-9 et 20

Benedícite, gentes, Dóminum De-um nostrum, et obaudíte vocem laudis eius: qui pósuit ánimam me-am ad vitam, et non dedit commo-véri pedes meos: benedíctus Dómi-nus, qui non amóvit deprecationem meam, et misericórdiam suam a me, allelúia.

Secreta

Súscipe, Dómine, fidélium preces cum oblatiónibus hostiárum: ut per hæc piæ devotiónis officia, ad cæléstem glóriam transeámus. Per Dóminum.

Præfatio paschalis, in qua dicitur: in hoc potíssimum gloriósus prædicáre.

Antiphona ad Communionem

Ps. 95, 2

Cantáte Dómino, allelúia: cantá-te Dómino, et benedícite nomen eius: bene nuntiáte de die in diem salutáre eius, allelúia, allelúia.

Postcommunio

Tríbue nobis, Dómine, cæléstis mensæ virtúte satiátis: et de-sideráre quæ recta sunt, et deside-ráta percípere. Per Dóminum.

IN LITANIIS MAIORIBUS ET MINORIBUS

Litaniæ maiores assignatæ sunt diei 25 aprilis; si vero eo die occurrit dominica Paschatis vel feriæ II post Pascha, transferuntur in sequentem feriam III.

Litaniæ minores seu Rogationes, per se, assignantur feriis II, III, et IV ante festum Ascensionis Domini. Ordinariis autem locorum facultas tribuitur eas transferendi ad alios tres dies continuos magis opportunos, iuxta regionum diversitatem aut consuetudinem aut necessitatem.

In Litaniis maioribus statio ad S. Petrum. Et in minoribus ante Ascensionem: feria II Rogationum, statio ad S. Mariam Maiorem; feria III, statio ad S. Ioannem in Laterano; feria IV, statio ad S. Petrum.

Iuxta ecclesiarum et locorum consuetudines et condiciones, cuius rei iudex est Ordinarius loci, his diebus fit processio, in qua dicuntur Litaniæ Sanctorum (quæ tamen non duplicantur) cum suis precibus.

Si autem processio fieri nequeat, locorum Ordinarii peculiare supplicationes instituant, in quibus dicantur Litaniæ Sanctorum et aliæ preces in processione fieri solitæ.

In Litaniis tam maioribus quam in minoribus, in ecclesiis in quibus fit processio vel, de mandato Ordinarii loci, peculiare celebrantur supplicationes, dicitur, tamquam votiva II classis, Missa de Rogationibus.

Missa Rogationum, vel Missa diei quæ locum tenet Missæ votivæ impeditæ, habetur tamquam pars totius actionis liturgicæ, et dicitur regulariter expleta processione. Convenit autem ut Missa de Rogationibus dicatur etiam post peculiare supplicationes, quæ locum tenent processionis, etsi horis vespertinis peragantur.

In Missa, quæ Processionem vel alias supplicationes sequitur, omittuntur psalmus Iudica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Orámus te, Dómine. Sacerdos igitur cum ad altare accesserit, statim illud ascendit et osculatur in medio.

Aliæ Missæ de Rogationibus prohibentur.

Antiphona ad Introitum

Ps. 17, 7

Exaudivit de templo sancto suo vocem meam: et clamor meus in conspéctu eius, introivit in aures eius (T.P. Allelúia, allelúia). Ps. ibid., 2-3 Díligam te, Dómine, virtus mea: Dóminus firmamentum meum, et refúgium meum,

et liberátor meus. **V.** Glória Patri. **E**xaudivit.

¶ In hac Missa non dicitur Glória in excélsis.

Oratio

Præsta, quæsumus, omnipotens Deus: ut, qui in afflictiónē nostra de tua pietatē confidimus; contra advērsa ómnia, tua semper protectionē muniámur. Per Dóminum.

Léctio Epístolæ beāti Iacóbi Apóstoli

Iac. 5, 16-20

Caríssimi: Confitémini altérum peccáta vestra, et oráte pro invicem, ut salvémini: multum enim valet deprecátio iusti assídua. Elías homo erat símilis nobis passibilis: et oratióne orávit ut non plúeret super terram, et non pluit annos tres, et menses sex. Et rursum orávit: et cælum dedit plúviam, et terra dedit fructum suum. Fratres mei, si quis ex vobis erráverit a veritatē, et convérterit quis eum: scire debet, quóniam qui convérte fécerit peccatórem ab erróre viæ suæ, salvábit ánimam eius a morte, et opériet multitudinem peccatórum.

Tempore paschali:

Allelúia, allelúia. **V. Ps. 78, 9-10** Propítius esto, Dómine, peccátis nostris: ne quando dicant gentes: Ubi est Deus eórum? Allelúia. **V. Ps. 30, 8** Exsultábo et lætabor in misericórdia tua, quóniam respéxisti humilitátem meam: salvásti de necessitatibus ánimam meam. Allelúia.

Extra tempus paschale:

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die: et in nómine tuo confitébimur in sæcula.

Allelúia, allelúia. **V. Ps. 78, 9-10**
 Propítius esto, Dómine, peccátis
 nostris: ne quando dicant gentes:
 Ubi est Deus eórum? Allelúia.

**Post Septuagesimam, omissis Allelúia et
 versu sequenti, dicitur:**

Tractus Ps. 24, 17-18 et 1-4 De
 necessitatibus meis éripe me, Dó-
 mine: vide humilitátem meam, et
 labórem meum: et dimítte ómnia
 peccáta mea. **V.** Ad te, Dómine,
 levávi ánimam meam: Deus meus,
 in te confído, non erubéscam: neque
 irrídeant me inimíci mei. **V.** Etenim
 univérsti, qui te expéctant, non
 confundéntur: confundántur omnes
 faciéntes vana.

✠ **Sequéntia sancti Evangélii se-
 cúndum Lucam**

Luc. 11, 5-13

In illo témpore: Dixit Iesus discí-
 pulis suis: Quis vestrum habébit
 amicum, et ibit ad illum média
 nocte, et dicet illi: Amíce, cómmoda
 mihi tres panes, quóniam amícus
 meus venit de via ad me, et non há-
 beo quod ponam ante illum: et ille
 deíntus respóndens, dicat: Noli mihi
 moléstus esse, iam óstium clausum
 est, et púeri mei mecum sunt in cu-
 bíli, non possum súrgere, et dare
 tibi. Et si ille perseveráverit pul-
 sans: dico vobis, etsi non dabit illi
 surgens, eo quod amícus eius sit,
 propter improbitátem tamen eius
 surget, et dabit illi quotquot habet
 necessariós. Et ego dico vobis: Pé-
 tite, et dábitur vobis: quáerite, et in-
 veniétis: pulsáte, et aperiétur vobis.
 Omnis enim qui petit, áccipit: et qui
 quærit, invenit: et pulsánti aperié-

tur. Quis autem ex vobis patrem
 petit panem, numquid lápidem da-
 bit illi? Aut piscem: numquid pro
 pisce serpéntem dabit illi? Aut si
 petíerit ovum: numquid pórriget
 illi scorpíónem? Si ergo vos cum
 sitis mali, nostis bona data dare
 filiis vestris: quanto magis Pater
 vester de cælo dabit spíritum bonum
 peténtibus se?

Antiphona ad Offertorium

Ps. 108, 30-31

Confitébor Dómino nimis in ore
 meo: et in médio multórum laudábo
 eum, qui ástitit a dextris páuperis:
 ut salvam fáceret a persecuéntibus
 ánimam meam. **(T. P. Allelúia.)**

Secreta

Hæc múnera, quæsumus, Dómi-
 ne, et víncula nostræ pravitá-
 tis absólvant, et tuæ nobis miseri-
 córdiæ dona concílient. Per Dómi-
 num.

Antiphona ad Communionem

Luc. 11, 9-10

Pétite, et accipiétis: quáerite, et in-
 veniétis: pulsáte, et aperiétur vobis:
 omnis enim qui petit, áccipit: et qui
 quærit, invenit: et pulsánti aperié-
 tur. **(T. P. Allelúia.)**

Postcommunio

Vota nostra, quæsumus, Dómine,
 pio favóre proséquere: ut, dum
 dona tua in tribulatióne percípimus,
 de consolatióne nostra in tuo amóre
 crescámus. Per Dóminum.

IN VIGILIA ASCENSIONIS

II classis

Antiphona ad Introitum

Isai. 48, 20

Vocem iucunditatis annuntiáte, et audiátur, allelúia: annuntiáte usque ad extrémum terræ: liberávit Dóminus pópulum suum, allelúia, allelúia. **Ps. 65, 1-2** Iubiláte Deo, omnis terra, psalmum dícite nómini eius: date glóriam laudi eius. **V.** Glória Patri. **Vocem.**

Et dicitur Glória in excélsis.

Oratio

Deus, a quo bona cuncta procedunt, largíre supplicibus tuis: ut cogitémus, te inspiránte, quæ recta sunt; et, te gubernánte, éadem faciámus. Per Dóminum.

Lectio Epístolæ beáti Pauli Apóstoli ad Ephésios

Ephes. 4, 7-13

Fratres: Unicuíque nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastôres, et doctôres, ad consummationem sanctórum in opus ministérii, in ædificationem córporis Christi: donec occurrámus omnes in unitátem fidei, et agnitiónis Fílii Dei, in virum perféctum,

in mensúram ætátis plenitúdinis Christi.

Allelúia, allelúia. **V.** Surréxit Christus, et illúxit nobis, quos redémit ságuine suo. Allelúia. **V.** **Ioann. 16, 28** Exívi a Patre, et veni in mundum: íterum relínquo mundum, et vado ad Patrem. Allelúia.

✠ Sequéntia sancti Evangélii secúndum Ioánnem

Ioann. 17, 1-11

In illo témpore: Sublevátis Iesus óculis in cælum, dixit: Pater, venit hora, clarífica Fílium tuum, ut Fílius tuus claríficet te: sicut dedísti ei potestátem omnis carnis, ut omne, quod dedísti ei, det eis vitam ætérnam. Hæc est autem vita ætérna: Ut cognóscant te, solum Deum verum, et quem misísti Iesum Christum. Ego te clarificávi super terram: opus consummávi, quod dedísti mihi ut fáciam: et nunc clarífica me tu, Pater, apud temetípsum, claritáte, quam hábui priúsquam mundus esset, apud te. Manifestávi nomen tuum homínibus, quos dedísti mihi de mundo. Tui erant, et mihi eos dedísti: et sermónem tuum servavérunt. Nunc cognovérunt quia ómnia, quæ dedísti mihi, abs te sunt: quia verba, quæ dedísti mihi, dedi eis: et ipsi accepérunt, et cognovérunt vere quia a te exívi, et credidérunt quia tu me misísti. Ego pro eis rogo, non pro mundo rogo, sed pro his, quos dedísti mihi: quia tui sunt: et mea ómnia tua sunt, et tua mea sunt: et clarificátus sum in eis. Et iam non sum in mundo, et hi in mundo sunt, et ego ad te vénio.

Antiphona ad Offertorium

Ps. 65, 8-9 et 20

Benedícite, gentes, Dóminum
Deum nostrum, et obaudíte vocem
laudis eius: qui pósuit ánimam
meam ad vitam, et non dedit com-
movéri pedes meos: benedíctus
Dóminus, qui non amóvit depreca-
tiónem meam, et misericórdiam
suam a me, allelúia.

Secreta

Súscipe, Dómine, fidélium preces
cum oblatiónibus hostiárum:
ut per hæc piæ devotiónis offícia, ad

cæléstem glóriam transeámus. Per
Dóminum.

Præfatio paschalis.**Antiphona ad Communionem**

Ps. 95, 2

Cantáte Dómino, allelúia: cantáte
Dómino, et benedícite nomen eius:
bene nuntiáte de die in diem salu-
táre eius, allelúia, allelúia.

Postcommunio

Tríbue nobis, Dómine, cæléstis
mensæ virtúte satiátis: et de-
sideráre quæ recta sunt, et deside-
ráta percípere. Per Dóminum.



TEMPUS ASCENSIONIS IN ASCENSIONE DOMINI

I classis
Statio ad S. Petrum

Antiphona ad Introitum

Act. 1, 11

Viri Galilæi, quid admirámini aspiciéntes in cælum? allelúia: quemádmódum vidístis eum ascendéntem in cælum, ita véniet, allelúia, allelúia, allelúia. **Ps. 46, 2** Omnes gentes, pláudite mánibus: iubiláte Deo in voce exsultatiónis. **V.** Glória Patri. **Viri Galilæi.**

Oratio

Concède, quæsumus, omnípotens Deus: ut, qui hodiérna die Unigénitum tuum Redemptórem nostrum ad cælos ascendísse credimus; ipsi quoque mente in cælestibus habitémus. Per eúndem Dóminum.

Léctio Actuum Apostolorum

Act. 1, 1-11

Primum quidem sermónem feci de ómnibus, o Theóphile, quæ coepit Iesus fácere et docére, usque in diem, qua, præcípiens Apóstolis per Spíritum Sanctum, quos elégit, assúptus est: quibus et præbuit seípsum vivum post passióem suam in multis arguméntis, per dies quadragínta appárens eis, et loquens de regno Dei. Et convéscens, præcépit eis ab Ierosólymis ne discéderent, sed exspectárent promissionem Patris, quam audístis (inquit) per os meum: quia Ioánnes quidem baptizávit aqua, vos autem baptizabímini Spíritu Sancto non post multos hos dies. Igitur qui convénerant, interrogábant eum, dicéntes: Dómine, si in témpore hoc

restitues regnum Israël? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem superveniētis Spiritus Sancti in vos, et eritis mihi testes in Ierusalem, et in omni Iudæa, et Samaria, et usque ad ultimum terræ. Et cum hæc dixisset, videntibus illis, elevatus est, et nubes suscepit eum ad oculis eorum. Cumque intuerentur in cælum euntem illum, ecce duo viri astiterunt iuxta illos in vestibus albis, qui et dixerunt: Viri Galilæi, quid statis aspicientes in cælum? Hic Iesus, qui assumptus est a vobis in cælum, sic veniet, quemadmodum vidistis eum euntem in cælum.

Allelúia, allelúia. *Ps. 46, 6* Ascendit Deus in iubilatiōe, et Dóminus in voce tubæ. Allelúia. *Ps. 67, 18-19* Dóminus in Sina in sancto, ascendens in altum, captivam duxit captivitatem. Allelúia.

✠ Sequētia sancti Evangélii secundum Marcum

Marc. 16, 14-20

In illo tempore: Recumbentibus undecim discipulis, apparuit illis Iesus: et exprobravit incredulitatem eorum, et duritiam cordis: quia iis, qui viderant eum resurrexisse, non crediderunt. Et dixit eis: Euntes in mundum universum, predicāte Evangelium omni creaturæ. Qui crediderit, et baptizatus fuerit, salvus erit: qui vero non crediderit, condemnabitur. Signa autem eos, qui crediderint, hæc sequentur: In nōmine meo dæmōnia eiicient: linguis loquentur novis: serpentes tolent: et si mortiferum quid biberint, non eis nocēbit: super ægros manus impōnent, et bene habebunt. Et

Dóminus quidem Iesus, postquam locutus est eis, assumptus est in cælum, et sedet a dextris Dei. Illi autem profecti, predicaverunt ubique, Dómino cooperante, et sermonem confirmante, sequentibus signis.

¶ *Dieta Evangelio, exstinguitur cereus paschalis.*

Credo.

Antiphona ad Offertorium

Ps. 46, 6

Ascendit Deus in iubilatiōe, et Dóminus in voce tubæ, allelúia.

Secreta

Suscipe, Dómine, múnera, quæ pro Filii tui gloriósa Ascensione deférimus: et concède propitius; ut a præséntibus periculis liberémur, et ad vitam perveniámus ætérnam. Per eundem Dóminum.

Præfatio de Ascensione Domini, quæ dicitur tamquam propria in Missa de Ascensione Domini, et tamquam de Tempore a feria VI post Ascensionem usque ad feriam VI ante vigiliam Pentecostes, in Missis quæ præfatione propria carent.

Communicantes vero proprium de Ascensione Domini dicitur tantum in ipso die festo Ascensionis.

Antiphona ad Communionem

Ps. 67, 33-34

Psállite Dómino, qui ascendit super cælos cælórum ad Oriētem, allelúia.

Postcommunio

Præsta nobis, quæsumus, omnipotens et miséricors Deus: ut, quæ visibilibus mystériis sumēda percépimus, invisibili consequamur efféctu. Per Dóminum.

Diebus a feria VI post Ascensionem usque ad feriam VI ante vigiliam Pentecostes inclusive, dicitur Missa de festo Ascensionis, cum Gloria et præfatione de Ascensione, sine Credo et Communicantes proprio.

DOMINICA POST
ASCENSIONEM DOMINI

II classis

Antiphona ad Introitum

Ps. 26, 7, 8 et 9

Exáudi, Dómine, vocem meam, qua clamávi ad te, allelúia: tibi dixit cor meum, quæsívi vultum tuum; vultum tuum, Dómine, requíram: ne avértas fáciem tuam a me, allelúia, allelúia. **Ps. ibid., 1** Dóminus illuminátio mea, et salus mea: quem timébo? **℣.** Glória Patri. **E**xáudi.

Oratio

Omnípotens sempitérne Deus: fac nos tibi semper et devótam gérere voluntátem; et maiestáti tuæ sincéro corde servíre. Per Dóminum.

Léctio Epístolæ beáti Petri Apóstoli

1 Petr. 4, 7-11

Caríssimi: Estóte prudéntes, et vigiláte in oratió nibus. Ante ómnia autem, mútuam in vobismetípsis caritátem contínuam habéntes: quia cáritas óperit multitúdinem peccatórum. Hospitáles invicem sine murmuratióne: unusquisque, sicut accépit grátiam, in altérutrum illam administrátes, sicut boni dispensatóres multifórmis grátiae Dei. Si quis lóquitur, quasi sermónes Dei: si quis ministrat, tamquam ex virtúte, quam administrat Deus: ut in ómnibus honorificétur Deus per Iesum Christum Dóminum nostrum.

Allelúia, allelúia. **℣. Ps. 46, 9** Regnávit Dóminus super omnes gentes: Deus sedet super sedem sanctam suam. Allelúia. **℣. Ioann. 14, 18** Non vos relínquam órphanos:

vado, et vénio ad vos, et gaudébit cor vestrum. Allelúia.

✠ Sequéntia sancti Evangélíi secúndum Ioánnem

Ioann. 15, 26-27; 16, 1-4

In illo témpore: Dixit Iesus discípulis suis: Cum vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me: et vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis, qui intérficit vos, arbitrétur obséquium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis: ut, cum vénerit hora eórum, reminiscámini, quia ego dixi vobis. **Credo.**

Antiphona ad Offertorium

Ps. 46, 6

Ascéndit Deus in iubilatióne, et Dóminus in voce tubæ, allelúia.

Secreta

Sacrificia nos, Dómine, immaculáta puríficent: et méntibus nostris supérnæ grátiae dent vigórem. Per Dóminum.

Præfatio de Ascensione.

Antiphona ad Communionem

Ioann. 17, 12-13 et 15

Pater, cum essem cum eis, ego servábam eos, quos dedísti mihi, allelúia: nunc autem ad te vénio: non rogo, ut tollas eos de mundo, sed ut serves eos a malo, allelúia, allelúia.

Postcommunio

Repléti, Dómine, munéribus sacris: da, quæsumus; ut in gratiárum semper actióne maneámus. Per Dóminum.

SABBATO IN VIGILIA PENTECOSTES

I classis

Statio ad S. Ioannem in Laterano

Antiphona ad Introitum

Ezech. 36, 23, 24 et 25-26

Cum sanctificátus fúero in vobis, congregábo vos de univérsis terris: et effúndam super vos aquam mundam, et mundabímini ab ómnibus inquinaméntis vestris: et dabo vobis spíritum novum, allelúia, allelúia. **Ps. 33, 2** Benedícam Dóminum in omni témpore: semper laus eius in ore meo. **V.** Glória Patri. Cum sanctificátus.

Et dicitur Glória in excélsis.

Orémus.

Oratio

Praesta, quæsumus, omnípotens Deus: ut claritátis tuæ super nos splendor effúlgeat; et lux tuæ lucis corda eórum, qui per grátiam tuam renáti sunt, Sancti Spíritus illustratióne confirmet. Per Dóminum... in unitáte eiúsdem Spíritus Sancti.

Lectio Actuum Apostolorum

Act. 19, 1-8

In diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discípulos: dixítque ad eos: Si Spíritum Sanctum accepístis credétes? At illi dixérunt ad eum: Sed neque si Spíritus Sanctus est, audívimus. Ille vero ait: In quo ergo baptizáti estis? Qui dixérunt: In Ioánnis baptísmate. Dixit autem Paulus: Ioánnes baptizávit baptísmo pæniténtiæ pópulum, dicens: In eum, qui ventúrus esset post ipsum, ut créderent, hoc est, in Iesum.

His audítis, baptizáti sunt in nómine Dómini Iesu. Et cum imposuísset illis manus Paulus, venit Spíritus Sanctus super eos, et loquebántur linguis, et prophetábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, disputans, et suádens de regno Dei.

Allelúia. **V. Ps. 106, 1** Confitémini Dómino, quóniam bonus: quóniam in sáeculum misericórdia eius.

Non repetitur Allelúia, sed immediate sequitur:

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V.** Quóniam confirmáta est super nos misericórdia eius: et véritas Dómini manet in ætérnum.

✠ Sequéntia sancti Evangélii
secúndum Ioánnem

Ioann. 14, 15-21

In illo témpore: Dixit Iesus discí-pulis suis: Si dilígitis me, mandáta mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum: quia apud vos manébit, et in vobis erit. Non relínquam vos órphanos: véniam ad vos. Adhuc módicum: et mundus me iam non videt. Vos autem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta

mea, et servat ea: ille est, qui diligit me. Qui autem diligit me, diligetur a Patre meo: et ego diligam eum, et manifestabo ei meipsum.

Non dicitur Credo.

Antiphona ad Offertorium

Ps. 103, 30-31

Emitte Spiritum tuum, et creabuntur, et renovabis faciem terrae: sit gloria Domini in saecula, alleluia.

Secreta

Múnera, quaesumus, Domine, oblata sanctifica: et corda nostra Sancti Spiritus illustratione emunda. Per Dominum . . . in unitate eiusdem.

¶ *Præfatio de Spiritu Sancto, quæ dicitur tamquam propria in Missis de Tempore a vigilia Pentecostes usque ad subsequens sabbatum inclusive, necnon in Missis votivis de Spiritu Sancto; et tamquam de Tempore in*

ceteris Missis quæ celebrantur eodem Tempore et præfatione propria carent.

Infra Actionem Communicantes et Hanc igitur propria, quæ item dicuntur usque ad sequens sabbatum inclusive.

Antiphona ad Communionem

Ioann. 7, 37-39

Ultimo festivitatis die dicebat Iesus: Qui in me credit, flumina de ventre eius fluent aquæ vivæ: hoc autem dixit de Spiritu, quem accepturi erant credentes in eum, alleluia, alleluia.

Postcommunio

Sancti Spiritus, Domine, corda nostra mundet infusio: et sui roris intima aspersione fecundet. Per Dominum . . . in unitate eiusdem Spiritus Sancti Deus.



DOMINICA PENTECOSTES

I classis cum octava I classis

Statio ad S. Petrum

Antiphona ad Introitum

Sap. 1, 7

Spíritus Dómini replévit orbem terrárum, allelúia: et hoc quod cóninet ómnia, sciéntiam habet vocis, allelúia, allelúia, allelúia. **Ps. 67, 2** Exsúrgat Deus, et dissipéntur inimíci eius: et fúgiant, qui odérunt eum, a fácie eius. **V.** Glória Patri. **S**píritus.

Oratio

Deus, qui hodiérna die corda fidélium Sancti Spíritus illustratione docuísti: da nobis in eódem Spíritu recta sápere; et de eius semper consolatione gaudére. Per Dóminum... in unitáte eiúsdem.

Léctio Actuum Apostolórum

Act. 2, 1-11

Cum compleréntur dies Pentecóstes, erant omnes discípuli páriter in eódem loco: et factus est repénte de cælo sonus, tamquam adveniéntis spíritus veheméntis: et replévit totam domum ubi erant sedéntes. Et apparuérunt illis dispersítæ linguæ tamquam ignis, sedítque supra síngulos eórum: et repléti sunt omnes Spíritu Sancto, et coepérunt loquí váriis linguis, prout Spíritus Sanctus dabat éloqui illis. Erant autem in Ierúsalem habitántes Iudæi, viri religiósi ex omni natione, quæ sub cælo est. Facta autem hac voce, convénit multitúdo, et mente confúsa est, quóniam audiebat unusquisque lingua sua illos loquéntes. Stupébant autem omnes,

et mirabántur, dicéntes: Nonne ecce omnes isti, qui loquúntur, Galilæi sunt? Et quómodo nos audívimus unusquisque linguam nostram, in qua nati sumus? Parthi, et Medi, et Ælamítæ, et qui hábitant Mesopotámiam, Iudæam, et Cappadóci- am, Pontum, et Asiam, Phrýgiam, et Pamphýliam, Ægýptum, et partes Líbyæ, quæ est circa Cyré- nen, et ádvenæ Románi, Iudæi quoque, et Prosélyti, Cretes, et Arabes: audívimus eos loquéntes nostris lin- guis magnália Dei.

Allelúia, allelúia. *Ps. 103, 30*
Emítte Spíritum tuum, et creabún- tur: et renovábis fáciem terræ. Al- lelúia. *(Hic genuflectitur)* *Ps. Veni, Sancte Spíritus, reple tuórum corda fidélium: et tui amóris in eis ignem accénde.*

Sequentia

Veni, Sancte Spíritus, et emítte cælitus lucis tuæ rádi- um.

Veni, pater páuperum, veni, da- tor mún- erum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempé- ries, in fletu solátium.

O lux beatíssima, reple cordis ín- tima tuórum fidélium.

Sine tuo númine, nihil est in hó- mine, nihil est innóxium.

Lava quod est sórdidum, riga quod est áridum, sana quod est sau- cium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéti- bus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

¶ *Et dicitur cotidie usque ad sequens sabba- tum inclusive.*

✠ Sequéntia sancti Evangélii se- cúndum Ioánnem

Ioann. 14, 23-31

In illo témpore: Dixit Iesus disci- pulis suis: Si quis díligit me, ser- mónem meum servábit, et Pater meus díliget eum, et ad eum venié- mus, et mansiónem apud eum facié- mus: qui non díligit me, sermones meos non servat. Et sermónem quem audístis, non est meus: sed eius, qui misit me, Patris. Hæc lo- cútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et súggeret vobis ómnia, quaecúmque díxero vo- bis. Pacem relínquo vobis, pacem meam do vobis: non quómodo mun- dus dat, ego do vobis. Non turbétur cor vestrum, neque formídet. Audí- stis quia ego dixi vobis: Vado, et vénio ad vos. Si diligerétis me, gau- derétis útique, quia vado ad Patrem: quia Pater maior me est. Et nunc dixi vobis priúsquam fiat: ut cum factum fúerit, credátis. Iam non multa loquar vobíscum. Venit enim princeps mundi huius, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio. *Credo.*

Antiphona ad Offertorium

Ps. 67, 29-30

Confirma hoc, Deus, quod operá- tus es in nobis: a templo tuo, quod est in Ierúsalem, tibi ófferent reges mún- era, allelúia.

Secreta

Mún- era, quæsumus, Dómine, obláta sanctífica: et corda nostra Sancti Spíritus illustratióne emúnda. Per Dóminum . . . in uni- tate eiúsdem Spíritus Sancti, Deus.

Præfatio, Communicantes et Hanc igitur propria.

Antiphona ad Communionem*Act. 2, 2 et 4*

Factus est repénite de cælo sonus, tamquam adveniéntis spíritus veheméntis, ubi erant sedéntes, allelúia: et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum... in unitáte eiúsdem.

FERIA SECUNDA INFRA OCTAVAM PENTECOSTES*I classis*

Statio ad S. Petrum ad Vincula

Antiphona ad Introitum*Ps. 80, 17*

Cibávit eos ex ádipe fruménti, allelúia: et de petra, melle saturávit eos, allelúia, allelúia. **Ps. ibid., 2** Exsultáte Deo adiutóri nostro: iubiláte Deo Iacob. **℣.** Glória Patri. **Cibávit.**

Oratio

Deus, qui Apóstolis tuis Sanctum dedísti Spíritum: concéde plebi tuæ piæ petitiónis efféctum; ut, quibus dedísti fidem, largiáris et pacem. Per Dóminum... in unitáte eiúsdem.

Lectio Actuum Apostolorum*Act. 10, 34 et 42-48*

In diébus illis: Apériens Petrus os suum, dixit: Viri fratres, nobis præcépit Dóminus prædicáre pópulo: et testificári, quia ipse est, qui constitútus est a Deo iudex vivórum et mortuórum. Huic omnes prophætæ testimónium pérhibent, remissionem peccatórum accípere per nomen eius omnes, qui credunt in eum. Adhuc loquente Petro verba hæc, cécidit Spíritus Sanctus super omnes, qui audiébant verbum. Et obstupuérent ex circumcisióne fideles, qui vénerant cum Petro: quia et in nátiónes grátia Spíritus Sancti effúsa est. Audiébant enim illos lo-

quéntes linguis, et magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum Sanctum accepérunt sicut et nos? Et iussit eos baptizári in nómine Dómini Iesu Christi.

Allelúia, allelúia. **℣. Act. 2, 4** Loquebántur váriis linguis Apóstoli magnália Dei. Allelúia. **(Hic genuflectitur)** **℣.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígidum, fove quod est frígidum, rege quod est devium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

✠ Sequéntia sancti Evangélíi secúndum Ioánnem

Ioann. 3, 16-21

In illo témpore: Dixit Iesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut iúdicet mundum, sed ut salvétur mundus per ipsum. Qui credit in eum, non iudicátur; qui autem non credit, iam iudicátus est: quia non credit in nómine unigéniti Fílii Dei. Hoc est autem iudícium: quia lux venit in mundum, et dilexérunt hómines magis ténebras, quam lucem: erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera eius: qui autem facit veritátem, venit ad lucem, ut manifesténtur ópera eius, quia in Deo sunt facta. **C**redo.

Antiphona ad Offertorium

Ps. 17, 14 et 16

Intónuit de cælo Dóminus, et Altíssimus dedit vocem suam: et apparuérunt fontes aquárum, allelúia.

Secreta

Propítius, Dómine, quæsumus, hæc dona sanctífica: et hóstiæ spiritalis oblatióne suscep̃ta, nosmetípsos tibi pérfice munus ætérnum. Per Dóminum.

Præfatio, Communicátes **et** Hanc igitur, **ut** in die Pentecostes.

Antiphona ad Communionem

Ioann. 14, 26

Spíritus Sanctus docébit vos, allelúia: quaecúmque díxero vobis, allelúia, allelúia.

Postcommunio

Adésto, quæsumus, Dómine, pópulo tuo: et quem mystériis cæléstibus imbuísti, ab hóstium furóre defénde. Per Dóminum.

FERIA TERTIA INFRA OCTAVAM PENTECOSTES

I classis

Statio ad S. Anastasiam

Antiphona ad Introitum

4 Esdr. 2, 36 et 37

Accípite iucunditátem glóriæ vestræ, allelúia: grátias ágéntes Deo, allelúia: qui vos ad cæléstia regna vocávit, allelúia, allelúia, allelúia. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **A**ccípite.

Oratio

Adsit nobis, quæsumus, Dómine, virtus Spíritus Sancti: quæ et

corda nostra cleménter expúrget, et ab ómnibus tueátur advérsis. Per Dóminum... in unitáte eiúsdem.

Léctio Actuum Apostolórum

Act. 8, 14-17

In diébus illis: Cum audíssent Apóstoli, qui erant Ierosólymis, quod recepíisset Samaría verbum Dei, misérunt ad eos Petrum et Ioánnem. Qui cum veníssent, oravérunt pro ipsis ut accíperent Spíritum Sanctum: nondum enim in

quemquam illórum vénerat, sed baptizáti tantum erant in nómine Dómini Iesu. Tunc imponébant manus super illos, et accipiébant Spíritum Sanctum.

Allelúia, allelúia. **℣. Ioann. 14, 26** Spíritus Sanctus docébit vos quaecúmque díxero vobis. Allelúia. **(Hic genuflectitur)** **℣. Veni, Sancte Spíritus, reple tuórum corda fidélium: et tui amóris in eis ignem accénde.**

Sequentia

Veni, Sancte Spíritus, et emitte cælitus lucis tuæ rádiū.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

✠ Sequéntia sancti Evangélii secúndum Ioánnem

Ioann. 10, 1-10

In illo témpore: Dixit Iesus pharisæis: Amen, amen dico vobis: qui non intrat per óstium in ovíle óvium, sed ascéndit aliúnde, ille fur est, et latro. Qui autem intrat per óstium, pastor est óvium. Huic ostiárius áperit, et oves vocem eius

áudiunt, et próprias oves vocat nominátim, et edúcit eas. Et cum próprias oves emíserit, ante eas vadit: et oves illum sequúntur, quia sciunt vocem eius. Aliénium autem non sequúntur, sed fúgiunt ab eo; quia non novérunt vocem alienórum. Hoc provérbium dixit eis Iesus. Illi autem non cognovérunt quid loqueretur eis. Dixit ergo eis íterum Iesus: Amen, amen dico vobis, quia ego sum óstium óvium. Omnes quotquot venérunt, fures sunt, et latrones, et non audiérunt eos oves. Ego sum óstium. Per me si quis introíerit, salvábitur: et ingrediétur, et egrediétur, et páscua invéniet. Fur non venit nisi ut furétur, et mactet, et perdat. Ego veni ut vitam hábeant, et abundántius hábeant. **Credo.**

Antiphona ad Offertorium

Ps. 77, 23-25

Portas cæli apérui Dóminus: et pluit illis manna, ut éderent: panem cæli dedit eis, panem Angelórum manducávit homo, allelúia.

Secreta

Puríficet nos, quæsumus, Dómine, múnieris præsentis oblátio: et dignos sacra participatióne efficiat. Per Dóminum.

Præfatio, Communicantes et Hanc igitur, ut in die Pentecostes.

Antiphona ad Communionem

Ioann. 15, 26; 16, 14

Spíritus qui a Patre procédit, allelúia: ille me clarificábit, allelúia, allelúia.

Postcommunio

Mentes nostras, quæsumus, Dómine, Spíritus Sanctus divínis réparet sacraméntis: quia ipse est remíssio ómnium peccatórum. Per Dóminum . . . in unitáte eiúsdem.

FERIA QUARTA QUATUOR TEMPORUM PENTECOSTES

I classis

Statio ad S. Mariam maiorem

Antiphona ad Introitum

Ps. 67, 8 et 9

Deus, dum egredereris, coram pópulo tuo, iter faciens eis, hábitans in illis, allelúia: terra mota est, cæli distillavérunt, allelúia, allelúia. **Ps. ibid., 2** Exsúrgat Deus, et dissipentur inimíci eis: et fúgiant, qui odérunt eum, a fácie eius. **℣.** Glória Patri. **Deus.**

Post Kýrie, eléison **dicitur** Orémus, **sine** Flectámus génua.

Oratio

Mentes nostras, quæsumus, Dómine, Paráclitus, qui a te procedit, illúminet: et indúcat in omnem, sicut tuus promísit Fílius, veritátem: Qui tecum... in unitáte eiúsdem.

Præcedens oratio sumitur ad commemorandam feriam IV Quatuor Temporum.

Léctio Actuum Apostolorum

Act. 2, 14-21

In diébus illis: Stans Petrus cum úndecim, levávit vocem suam, et locútus est eis: Viri Iudæi, et qui habitátis Ierúsalem univérsti, hoc vobis notum sit, et áuribus percípите verba mea. Non enim, sicut vos æstimátis, hi ébrii sunt, cum sit hora diéi tértia: sed hoc est, quod dictum est per prophétam Ioël: Et erit in novíssimis diébus (dicit Dóminus) effúndam de Spíritu meo super omnem carnem, et prophetábunt filii vestri, et filiae vestrae, et iúvenes vestri visiones vidébunt, et senióres vestri sómnia somniábunt. Et quidem super servos meos, et super

ancillas meas in diébus illis effúndam de Spíritu meo, et prophetábunt: et dabo prodígia in cælo sursum, et signa in terra deórsum, sánguinem, et ignem, et vapórem fumi. Sol convertétur in ténebras, et luna in sánguinem, ántequam véniat dies Dómini magnus et manifestus. Et erit: omnis quicúmque invocáverit nomen Dómini, salvus erit.

Allelúia. **℣. Ps. 32, 6** Verbo Dómini cæli firmáti sunt, et Spíritu oris eius omnis virtus eórum.

Hic dicitur Glória in excélsis Deo, **et postea** Dóminus vobíscum.

Oratio

Præsta, quæsumus, omnípotens et miséricors Deus: ut Spíritus Sanctus advéniens, templum nos glóriæ suæ dignánte inhabitándo perfíciat. Per Dóminum... in unitáte eiúsdem.

Et huic orationi additur altera oratio sub unica conclusione forte dicenda.

Léctio Actuum Apostolorum

Act. 5, 12-16

In diébus illis: Per manus autem Apostolorum fiébant signa et prodígia multa in plebe. Et erant unanimiter omnes in pórticu Salomónis. Ceterórum autem nemo audébat se coniúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas eiícerent infirmos, et pónerent in léctulis ac grabátis, ut, veniente Petro, saltem umbra illius

obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Ierúsalem, afféréntes ægros, et vexátos a spirítibus immúndis: qui curabántur omnes.

Allelúia, allelúia. **(Hic genuflectitur)** *℣*. Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádiu.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigeríum.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígidum, fove quod est frígidum, rege quod est devium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

✠ Sequéntia sancti Evangélii secúndum Ioánnem

Ioann. 6, 44-52

In illo témpore: Dixit Iesus turbis Iudæórum: Nemo potest veníre ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in pro-

phétis: Et erunt omnes docíbiles Dei. Omnis, qui audívit a Patre, et dídicit, venit ad me. Non quia Patrem vidit quisquam, nisi is, qui est a Deo, hic vidit Patrem. Amen, amen dico vobis: qui credit in me, habet vitam ætérmam. Ego sum panis vitæ. Patres vestri manducavérunt manna in desérto, et mórtui sunt. Hic est panis de cælo descéndens: ut si quis ex ipso manducáverit, non moriátur. Ego sum panis vivus, qui de cælo descénde. Si quis manducáverit ex hoc pane, vivet in ætérmum: et panis, quem ego dabo, caro mea est pro mundi vita. **Credo.**

Antiphona ad Offertorium

Ps. 118, 47-48

Meditábor in mandátis tuis, quæ diléxi valde: et levábo manus meas ad mandáta tua, quæ diléxi, allelúia.

Secreta

Accipe, quæsumus, Dómine, munus oblátum: et dignánte opere; ut, quod mystérii ágimus, piis efféctibus celebrémus. Per Dóminum.

Præfatio, Communicantes et Hanc igitur, ut in die Pentecostes.

Antiphona ad Communionem

Ioann. 14, 27

Pacem relínquo vobis, allelúia: pacem meam do vobis, allelúia, allelúia.

Postcommunio

Suméntes, Dómine, cæléstia sacraménta, quæsumus cleméntiam tuam: ut, quod temporáliter gérimus, ætérmis gáudiis consequámur. Per Dóminum.

FERIA QUINTA INFRA OCTAVAM PENTECOSTES

I classis

Statio ad S. Laurentium extra muros

Antiphona ad Introitum

Sap. 1, 7

Spíritus Dómini replévit orbem terrárum, allelúia: et hoc quod cóninet ómnia, sciéntiam habet vocis, allelúia, allelúia, allelúia. **Ps. 67, 2** Exsúrgat Deus, et dissipéntur inimíci eius: et fúgiant, qui odérunt eum, a fácie eius. **℣.** Glória Patri. **S**píritus.

Oratio

Deus, qui hodiérna die corda fidélium Sancti Spíritus illustratione docuísti: da nobis in eódem Spíritu recta sápere; et de eius semper consolatione gaudére. Per Dóminum... in unitáte eiúsdem.

Lectio Actuum Apostolorum

Act. 8, 5-8

In diébus illis: Philíppus descéndens in civitátem Samaríæ, prædicábat illis Christum. Intendébant autem turbæ his quæ a Philíppo dicebántur, unánimenter audiéntes, et vidéntes signa quæ faciébat. Multi enim eórum, qui habébant spíritus immúndos, clamántes voce magna, exíbant. Multi autem paralytici, et claudi curáti sunt. Factum est ergo gáudium magnum in illa civitáte.

Allelúia, allelúia. **℣. Ps. 103, 30** Emítte Spíritum tuum, et creabúntur, et renovábis fáciem terræ. Allelúia. **(Hic genuflectitur)** **℣.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádiu.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes ánimæ, dulce refrigeríum.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

✠ Sequéntia sancti Evangélii secúndum Lucam

Luc. 9, 1-6

In illo témpore: Convocátis Iesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicae habeátis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos: exeúntes de civitáte illa, étiam púlverem pedum vestrórum

excúte in testimónium supra illos. Egréssi autem circuíbant per castélla, evangelizántes, et curántes ubique. **Credo.**

Antiphona ad Offertorium

Ps. 67, 29-30

Confirma hoc, Deus, quod operátus es in nobis: a templo tuo, quod est in Ierúsalem, tibi ófferent reges múnera, allelúia.

Secreta

Múnera, quáesumus, Dómine, obláta sanctífica: et corda nostra Sancti Spíritus illustratióne emúnda. Per Dóminum . . . in unitáte eiúsdem.

Præfatio, Communicántes et Hanc igitur, **ut in die Pentecostes.**

Antiphona ad Communionem

Act. 2, 2 et 4

Factus est repénite de cælo sonus tamquam adveniéntis spíritus vehementis, ubi erant sedéntes, allelúia: et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

Sancti Spíritus, Dómine, corda nostra mundet infúsió: et suorum íntima aspersione fecúndet. Per Dóminum . . . in unitáte eiúsdem.

FERIA SEXTA QUATUOR TEMPORUM PENTECOSTES

I classis

Statio ad Ss. duodecim Apostolos

Antiphona ad Introitum

Ps. 70, 8 et 23

Repleátur os meum laude tua, allelúia: ut possim cantáre, allelúia: gaudébunt lábia mea, dum cantávero tibi, allelúia, allelúia. **Ps. ibid., 1-2** In te, Dómine, sperávi, non confúndar in ætérnum: in iustítia tua libera me, et éripe me. **V.** Gloria Patri. **R**epleátur.

Oratio

Da, quáesumus, Ecclésiæ tuæ, miséricors Deus: ut Sancto Spíritu congregáta, hostili nullátenuis incursiône turbétur. Per Dóminum . . . in unitáte eiúsdem.

Léctio Ioélis Prophétæ

Ioél, 2, 23-24 et 26-27

Hæc dicit Dóminus Deus: Exultáte, filii Sion, et lætámini in

Dómino Deo vestro: quia dedit vobis doctórem iustítiæ, et descéndere fáciat ad vos imbrem matutínium et serótinum, sicut in princípio. Et implebúntur áreæ fruménto, et redundábunt torculária vino et óleo. Et comedétis vescéntes, et saturabímini, et laudábitis nomen Dómini Dei vestri, qui fecit mirabília vobíscum: et non confundétur pópulus meus in sempitérnum. Et sciétis quia in médio Israél ego sum: et ego Dóminus Deus vester, et non est ámplius: et non confundétur pópulus meus in ætérnum: ait Dóminus omnipotens.

Allelúia, allelúia. **V. Sap. 12, 1** O quam bonus et suávis est, Dómine, Spíritus tuus in nobis! Allelúia. **(Hic genuflectitur)** **V.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emitte
cælitus lucis tuæ rádiū.

Veni, pater páuperum, veni, da-
tor múnierum, veni, lumen córdium.

Consolátor óptime, dulcis hospes
ánimæ, dulce refrigerium.

In labóre réquies, in æstu tempé-
ries, in fletu solátium.

O lux beatíssima, reple cordis ín-
tima tuórum fidélium.

Sine tuo númine, nihil est in hó-
mine, nihil est innóxium.

Lava quod est sórdidum, riga
quod est áridum, sana quod est sáu-
cium.

Flecte quod est rígidum, fove
quod est frígidum, rege quod est
dévium.

Da tuis fidélibus, in te confidénti-
bus, sacrum septenárium.

Da virtútis méritum, da salútis
éxitum, da perénne gáudium. Amen.
Allelúia.

✠ Sequéntia sancti Evangélii se-
cúndum Lucam

Luc. 5, 17-26

In illo témpore: Factum est in una
diérum, et Iesus sedébat docens.
Et erant pharisæi sedéntes, et legis
doctóres, qui vénerant ex omni ca-
stéllo Galilææ, et Iudææ, et Ierúsa-
lem: et virtus Dómini erat ad sanán-
dum eos. Et ecce viri portántes in
lecto hóminem, qui erat paralýticus:
et quærébant eum inférre, et pónere
ante eum. Et non inveniéntes qua
parte illum inférrent præ turba,
ascendérunt supra tectum, et per té-
gulas summisérunt eum cum lecto
in médium ante Iesum. Quorum
fidem ut vidit, dixit: Homo, remit-
túntur tibi peccáta tua. Et coepérunt
cogitare scribæ et pharisæi, dicén-
tes: Quis est hic, qui lóquitur blas-
phémias? Quis potest dimittere pec-

cáta, nisi solus Deus? Ut cognóvit
autem Iesus cogitatiónes eórum,
respóndens dixit ad illos: Quid
cogitátis in córdibus vestris? Quid
est facílius dicere: Dimittúntur tibi
peccáta, an dicere: Surge, et ámbu-
la? Ut autem sciátis quia Fílius hó-
minis habet potestátem in terra di-
mitténdi peccáta (ait paralytico):
Tibi dico, surge, tolle lectum tuum,
et vade in domum tuam. Et con-
féstim consúrgens coram illis, tulit
lectum, in quo iacébat: et ábiit in
domum suam, magnificans Deum.
Et stupor apprehéndit omnes, et
magnificábant Deum. Et repléti
sunt timóre, dicéntes: Quia vídimus
mirabília hódie. **Credo.**

Antiphona ad Offertorium

Ps. 145, 2

Lauda, ánima mea, Dóminum:
laudábo Dóminum in vita mea:
psallam Deo meo quámdiu ero, al-
lelúia.

Secreta

Sacrificia, Dómine, tuis obláta
conspéctibus, ignis ille divínus
absúmat, qui discipulórum Christi
Fílii tui per Spíritum Sanctum cor-
da succéndit. Per eúndem Dómi-
num . . . in unitáte eiúsdem.

Præfatio, Communicántes **et** Hanc igitur, **ut**
in die Pentecostes.

Antiphona ad Communionem

Ioann. 14, 18

Non vos relínquam órphanos: vé-
niam ad vos íterum, allelúia: et gau-
débit cor vestrum, allelúia.

Postcommunio

Súmpsimus, Dómine, sacri dona
mystérii: humíliter deprecán-
tes; ut, quæ in tui commemoratió-
nem nos fácere præcepísti, in no-
stræ proficiant infirmitátis auxí-
lium: Qui vivis.

SABBATO QUATUOR TEMPORUM PENTECOSTES

I classis

Statio ad S. Petrum

FORMA MISSAE LONGIOR

Hæc forma adhibenda est in Missa conventuali et in Missa in qua Ordines conferuntur; in ceteris Missis adhiberi potest forma brevior, ut infra 363.

In sabbato Quatuor Temporum Missa in qua Ordines conferuntur dicenda est de sabbato, et in ea additur oratio ritualis "In collatione Ordinum" (74) sub unica conclusione cum oratione quæ sequitur Pax vobis, et omituntur omnes commemorationes.

Antiphona ad Introitum

Rom. 5, 5

Cáritas Dei diffúsa est in córdibus nostris, allelúia: per inhabitántem Spíritum eius in nobis, allelúia, allelúia.

Ps. 102, 1 Bénedic, ánima mea, Dómino: et ómnia quæ intra me sunt, nómini sancto eius. **V.** Glória Patri. **Cáritas.**

Post Kýrie, eléison dicitur Orémus tantum, sine Flectámus génu, et similiter ad orationes sequentes.

Oratio

Méntibus nostris, quæsumus, Dómine, Spíritum Sanctum benígnus infúnde: cuius et sapiéntia cónditi sumus, et providéntia gubernámur. Per Dóminum . . . in unitáte eiúsdem.

Præcedens oratio sumitur ad commemorandum sabbatum Quatuor Temporum.

Lectio Ioélis Prophætæ

Ioél. 2, 28-32

Hæc dicit Dóminus Deus: Effúndam Spíritum meum super omnem carnem: et prophetábunt filii vestri, et filiae vestræ: senes vestri sómnia somniábunt, et iúvenes vestri visiões vidébunt. Sed et super servos meos, et ancillas in

diébus illis effúndam Spíritum meum. Et dabo prodígia in cælo, et in terra, sánguinem, et ignem, et vapórem fumi. Sol convertétur in ténebras, et luna in sánguinem: ántequam véniat dies Dómini magnus, et horribilis. Et erit: omnis qui invocáverit nomen Dómini, salvus erit.

Allelúia. **V. Ioann. 6, 64** Spíritus est qui vivificat: caro autem non prodest quidquam.

Orémus.

Oratio

Illo nos igne, quæsumus, Dómine, Spíritus Sanctus inflámmet: quem Dóminus noster Iesus Christus misit in terram, et vóluit vehementer accénderi: Qui tecum . . . in unitáte eiúsdem.

Lectio libri Levítici

Levit. 23, 9-11, 15-17 et 21

In diébus illis: Locútus est Dóminus ad Móysen, dicens: Lóquere filiis Israél, et dices ad eos: Cum ingressi fuéritis terram, quam ego dabo vobis, et messuéritis ségetem, ferétis manípulos spicárum, primítias messis vestræ ad sacerdotem: qui elevábit fascículum coram Dómino, ut acceptábile sit pro vobis, áltero die sábbati, et sanctificábit illum. Numerábitis ergo ab áltero die sábbati, in quo obtulistis manípulum primitiárum, septem hebdomadas plenas, usque ad álteram diem expletiónis hebdomadæ séptimæ, id est, quinquaginta dies: et sic offerétis sacrificium novum Dómino ex ómnibus habitáculis vestris, panes primitiárum duos de

duábus décimis símilæ fermentátæ, quos coquétis in primítias Dómini. Et vocábitis hunc diem celebérri- mum atque sanctíssimum: omne opus servíle non faciétis in eo. Legítimum sempitérnum erit in cunctis habitáculis, et generatió nibus vestris: dicit Dóminus omnípotens.

Allelúia. *Y. Iob 26, 13* Spíritus eius ornávit cælos.

Orémus.

Oratio

Deus, qui ad animárum medé- lam, ieiúnii devotióne casti- gári córpora præcepísti: concéde nobis propítius; et mente, et corpore tibi semper esse devótos. Per Dó- minum.

Léctio libri Deuteronomii

Deut. 26, 1-11

In diébus illis: Dixit Móyses fíliis Israël: Audi, Israël, quæ ego præcípio tibi hódie. Cum intráveris terram, quam Dóminus Deus tuus tibi datúrus est possidéndam, et obtinúeris eam, atque habitáveris in ea: tolles de cunctis frúgibus tuis primítias, et pones in cartállo, pergésque ad locum, quem Dóminus Deus tuus elégerit, ut ibi invocétur nomen eius: accedésque ad sacerdotem, qui fúerit in diébus illis, et dices ad eum: Profíteor hódie coram Dómino Deo tuo, qui exaudivit nos, et respéxit humilitátem nostram, et labórem, atque angústiam: et edúxit nos de Ægýpto in manu forti, et brácchio exténto, in ingénti pavóre, in signis atque porténtis: et introduxit ad locum istum, et trádedit nobis terram lacte et melle manántem. Et idcírco nunc offero primítias frugum terræ, quam Dóminus dedit mihi. Et dimíttes eas in conspéctu Dómini Dei tui, et ado-

ráto Dómino Deo tuo. Et epuláberis in ómnibus bonis, quæ Dóminus Deus tuus déderit tibi.

Allelúia. *Y. Act. 2, 1* Cum comple- réntur dies Pentecóstes, erant omnes páriter sedéntes.

Orémus.

Oratio

Præsta, quæsumus, omnípotens Deus: ut salutáribus ieiúniis erudíti, ab ómnibus étiam vítiis abstinéntes, propitiatió nem tuam facílius impetrémus. Per Dóminum.

Léctio libri Levítici

Levit. 26, 3-12

In diébus illis: Dixit Dóminus ad Móysen: Lóquere fíliis Israël, et dices ad eos: Si in præcéptis meis ambulavéritis, et mandáta mea custodiéritis, et fecéritis ea, dabo vobis plúvias tempóribus suis, et terra gignet germen suum, et pomis árbores replebúntur. Apprehéndet méssium tritúra vindémiam, et vindémia occupábit seméntem: et comedétis panem vestrum in saturi- táte, et absque pavóre habitábitis in terra vestra. Dabo pacem in fíni- bus vestris: dormiétis, et non erit qui extérreat. Auferam malas bésti- as, et gládus non transíbit téminos vestros. Persequémini inimícos vestros, et córruent coram vobis. Persequéntur quinque de vestris cen- tum aliénos, et centum de vobis de- cem míllia: cadent inimíci vestri gládio in conspéctu vestro. Respíci- am vos, et créscere fáciam: multi- plicabímmini, et firmábo pactum me- um vobíscum. Comedétis vetustís- sima véterum, et vétera novis su- perveniéntibus proiiciétis. Ponam tabernáculum meum in médio ve- stri, et non abiíciet vos ánima mea.

Ambulábo inter vos, et ero Deus vester, vosque éritis pópulus meus: dicit Dóminus omnípotens.

Allelúia. (Hic genuflectitur) *℣.* Veni, Sancte Spíritus, reple tuórum corda fidélium: et tui amóris in eis ignem accénde.

Orémus.

Oratio

Præsta, quæsumus, omnípotens Deus: sic nos ab épulis carnálibus abstinére; ut a vítiis irruéntibus páriter ieiunémus. Per Dóminum.

Léctio Daniélis Prophétæ

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem: et erúpit, et incéndit quos réperit iuxta fornácem de Chaldæis ministros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Allelúia. *℣. Ibid., 52* Benedíctus es, Dómine Deus patrum nostrórum, et laudábilis in sæcula.

Finis versu dicitur Glória in excélsis. Deinde:

℣. Dóminus vobíscum.

℣. Et cum spíritu tuo.

Orémus.

Oratio

Deus, qui tribus púeris mitigásti flammam ignium: concéde propítius; ut nos fámulos tuos non

exúrat flamma vitiórum. Per Dóminum.

Et huic orationi additur altera oratio sub una conclusione forte dicenda.

Léctio Epístolæ beáti Pauli Apóstoli ad Romános

Rom. 5, 1-5

Fratres: Iustificáti ex fide, pacem habeamus ad Deum per Dóminum nostrum Iesum Christum: per quem et habemus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patientiam operátur, patientia autem probatióem, probatio vero spem, spes autem non confúndit: quia caritas Dei diffúsa est in córdibus nostris per Spíritum Sanctum, qui datus est nobis.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. *℣.* Quóniam confirmáta est super nos misericórdia eius: et véritas Dómini manet in ætérnum.

Sequentia

Veni, Sancte Spíritus, et emitte cælitus lucis tuæ rádium.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes animæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígídum, fove quod est frígídum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen.

In fine non dicitur Allelúia.

✠ Sequéntia sancti Evangélíi secúndum Lucam

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit feбри: et dimísit illam. Et contínuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia a multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia ídeo missus sum. Et erat prædicans in synagógis Galiléæ. **C**redo.

Antiphona ad Offertorium

Ps. 87, 2-3

Dómine, Deus salútis meæ, in die clamávi et nocte coram te: intret orátio mea in conspéctu tuo, Dómine, allelúia.

Secreta

Ut accépta tibi sint, Dómine, nostra ieiúnia: præsta nobis, quæsumus; huius múnere sacraménti purificátum tibi pectus offerre. Per Dóminum.

Præfatio, Communicántes et Hanc igitur, ut in die Pentecostes.

Antiphona ad Communionem

Ioann. 3, 8

Spíritus ubi vult spirat: et vocem eius audis, allelúia, allelúia: sed nescis unde véniat, aut quo vadat, allelúia, allelúia, allelúia.

Postcommunio

Præbeant nobis, Dómine, divinum tua sancta fervórem: quo eórum páriter et actu delectémur, et fructu. Per Dóminum.

FORMA MISSÆ BREVIOR

Hæc forma adhiberi potest in omnibus Missis, extra Missam conventualem et Missam in qua Ordines conferuntur.

Antiphona ad Introitum

Rom. 5, 5

Cáritas Dei diffúsa est in córdibus nostris, allelúia: per inhabitántem Spíritum eius in nobis, allelúia, allelúia. **Ps. 102, 1** Bénedic, ánima mea Dómino: et ómnia quæ intra me sunt, nómini sancto eius. **℣.** Glória Patri. **Cáritas.**

Post Kýrie, eléison dicitur Orémus tantum, sine Flectámus génua.

Oratio

Méntibus nostris, quæsumus, Dómine, Spíritum Sanctum benígnus infúnde: cuius et sapiéntia cónditi sumus, et providéntia gubernámur. Per Dóminum . . . in unitáte eiúsdem.

Præcedens oratio sumitur ad commemorandum sabbatum Quatuor Temporum.

Léctio Ioélis Prophétæ

Ioël, 2, 28-32

Hæc dicit Dóminus Deus: Effúndam Spíritum meum super omnem carnem: et prophetábunt filii vestri, et filiae vestrae: senes vestri sómnia somniábunt, et iúvenes vestri visiones vidébunt. Sed et super servos meos, et ancíllas in diébus illis effúndam Spíritum meum. Et dabo prodígia in cælo, et in terra, sánguinem, et ignem, et vapórem fumi. Sol convertétur in ténebras, et luna in sánguinem: ántequam véniat dies Dómini magnus, et horribilis. Et erit: omnis qui invocáverit nomen Dómini, salvus erit.

Allelúia. *℣. Ioann. 6, 64* Spíritus est qui vivífat: caro autem non prodest quidquam.

Hic dicitur Glória in excélsis. Deinde:

℣. Dominus vobíscum.

℣. Et cum spírítu tuo.

Orémus.

Oratio

Illo nos igne, quæsumus, Dómine, Spíritus Sanctus inflámmet: quem Dóminus noster Iesus Christus misit in terram, et vóluit vehementer accénderi: Qui tecum . . . in unitáte eiúsdem.

Et huic orationi additur altera oratio sub unica conclusione forte dicenda.

Léctio Epístolæ beáti Pauli
Apóstoli ad Romános

Rom. 5, 1-5

Fratres: Iustificáti ex fide, pacem habeamus ad Deum per Dóminum nostrum Iesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatió nibus: sciéntes quod tribulátio patiéntiam operátur, patiéntia autem probatió nem, probátio vero spem, spes autem non confúndit: quia cáritas Dei diffúsa est in córdibus nostris per Spíritum Sanctum, qui datus est nobis.

Allelúia, allelúia. *(Hic genuflectitur)* *℣. Veni, Sancte Spíritus, reple tuórum corda fidélium: et tui amoris in eis ignem accénde.*

Sequentia

Veni, Sancte Spíritus, et emítte cælitus lucis tuæ rádiu.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxiu.

Lava quod est sórdidum, riga quod est áridum, sana quod est sáuciu.

Flecte quod est rígídum, fove quod est frígídum, rege quod est dévium.

Da tuis fidélibus, in te confidéntibus, sacrum septenáriu.

Da virtútis méritu, da salútis éxitu, da perénne gáudiu. Amen. Allelúia.

✠ Sequéntia sancti Evangélii
secúndum Lucam

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit feбри: et dimísit illam. Et continuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia a multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia ideo missus sum. Et erat prædicans in synagógis Galilææ.

Credo.

Antiphona ad Offertorium

Ps. 87, 2-3

Dómine, Deus salútis meæ, in

die clamávi et nocte coram te: intret orátio mea in conspéctu tuo, Dómine, allelúia.

Secreta

Ut accépta tibi sint, Dómine, nostra ieiúnia: præsta nobis, quæsumus: huius múnere sacraménti purificátum tibi pectus offérre. Per Dóminum.

Præfatio, Communicátes et Hanc igitur, ut in die Pentecostes.

Antiphona ad Communionem

Ioann. 3, 8

Spíritus ubi vult spirat: et vocem eius audis, allelúia, allelúia: sed nescis unde véniat, aut quo vadat, allelúia, allelúia, allelúia.

Postcommunio

Præbeant nobis, Dómine, divinum tua sancta fervórem: quo eórum páriter et actu delectémur, et fructu. Per Dóminum nostrum Iesum Christum Fílium tuum: Qui tecum vivit et regnat.

Post Missam expirat tempus paschale.

IN FESTO SSMÆ TRINITATIS

I classis

Antiphona ad Introitum

Tob. 12, 6

Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. **Ps. 8, 2** Dómine Dóminus noster, quam admirabile est nomen tuum in univérſa terra! **V.** Glória Patri. **Benedicta.**

Oratio

Omnípotens sempitérne Deus, qui dedisti famulis tuis in confessione veræ fidei, æternæ Trinitatis glóriam agnoscere, et in potentia maiestatis adorare unitatem: quæsumus; ut eiúſdem fidei firmitate, ab ómnibus semper muniámur adversis. Per Dóminum.

Et non fit commemoratio dominicæ.

Lectio Epistolæ beáti Pauli Apóstoli
ad Romános

Rom. 11, 33-36

O altitúdo divitiarum sapiéntiæ et sciéntiæ Dei: quam incomprehensibília sunt iudícia eius, et investigábiles viæ eius! Quis enim cognóvit sensum Dómini? Aut quis consiliárius eius fuit? Aut quis prior dedit illi, et retribuétur ei? Quóniam ex ipso, et per ipsum, et in ipso sunt ómnia: ipsi glória in sæcula. Amen.

Graduale Dan. 3, 55-56 Benedíctus es, Dómine, qui intuéris abyſſos, et

sedes super Chérubim. **V.** Benedíctus es, Dómine, in firmaménto cæli, et laudábilis in sæcula.

Allelúia, allelúia. **V. Ibid., 52** Benedíctus es, Dómine, Deus patrum nostrórum, et laudábilis in sæcula. Allelúia.

✠ Sequéntia sancti Evangélii
cúndum Matthæum

Matth. 28, 18-20

In illo témpore: Dixit Iesus discipulis suis: Data est mihi omnis potestas in cælo, et in terra. Eúntes ergo docéte omnes gentes, baptizántes eos in nómine Patris, et Fílii, et Spíritus Sancti: docéntes eos serváre ómnia quaecúmque mandávi vobis. Et ecce ego vobíſcum sum ómnibus diébus, usque ad consummationem sæculi. **Credo.**

Antiphona ad Offertorium

Tob. 12, 6

Benedíctus sit Deus Pater, unigenítusque Dei Fílius, Sanctus quoque Spíritus: quia fecit nobíſcum misericórdiam suam.

Secreta

Sanctífica, quæsumus, Dómine Deus noster, per tui sancti nóminis invocationem, huius oblatiónis hóſtiam: et per eam nosmetipsos tibi pérſice munus ætérnum. Per Dóminum.

Et non fit commemoratio dominicæ.

Præfatio de Ssma Trinitate.

Antiphona ad Communionem**Tob. 12, 6**

Benedicimus Deum cæli, et coram omnibus vivéntibus confitébimur ei: quia fecit nobiscum misericórdiam suam.

Postcommunio

Proficiat nobis ad salutem corporis et animæ, Dómine Deus noster, huius sacraménti susceptio: et sempiternæ sanctæ Trinitátis, eiusdemque individuae unitátis conféssio. Per Dóminum.

*Et non fit commemoratio dominicæ.***MISSA DOMINICÆ PRIMÆ
POST PENTECOSTEN***Hæc Missa dicenda est diebus ferialibus huius hebdomadæ.***Antiphona ad Introitum****Ps. 12, 6**

Dómine, in tua misericórdia sperávi: exsultávit cor meum in salutári tuo: cantábo Dómino, qui bona tríbuit mihi. **Ps. ibid., 1** Usquequo, Dómine, obliviscéris me in finem? úsquequo avértis faciém tuam a me? **V.** Glória Patri. **D**ómine, in tua misericórdia sperávi: exsultávit cor meum in salutári tuo: cantábo Dómino, qui bona tríbuit mihi.

*Non dicitur Glória in excelsis.***Oratio**

Deus, in te sperántium fortitúdo, adésto propítius invocatióibus nostris: et quia sine te nihil potest mortális infirmitas, præsta auxílium grátiae tuæ; ut in exsequendis mandátis tuis, et voluntáte tibi et actióne placeámus. Per Dóminum.

**Léctio Epístolæ beáti Ioánnis
Apóstoli****1 Ioann. 4, 8-21**

Caríssimi: Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas: non quasi nos dilexérimus Deum, sed quóniam ipse prior diléxit nos, et misit Fílium suum propitiatió-nem pro peccátis nostris. Caríssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus invicem, Deus in nobis manet, et caritas eius in nobis perfécta est. In hoc cognóscimus, quóniam in eo manémus, et ipse in nobis: quóniam de Spíritu suo dedit nobis. Et nos vídimus, et testificámur, quóniam Pater misit Fílium suum Salvatórem mundi. Quisquis conféssus fúerit, quóniam Iesus est Fílius Dei, Deus in eo manet, et ipse in Deo. Et nos cognóvimus, et credídimus caritati, quam habet Deus in nobis. Deus caritas est: et qui manet in caritate, in Deo manet, et Deus in eo. In hoc perfécta est caritas Dei nobiscum, ut fidúciam habeámus in die iudicii: quia sicut ille est, et nos sumus in hoc mundo. Timor non est in caritate: sed perfécta caritas foras mittit timórem, quóniam timor poenam habet. Qui autem timet, non est perféctus in caritate. Nos ergo diligámus Deum, quóniam Deus prior diléxit nos. Si quis díxerit, quóniam diligo Deum, et fratrem suum óderit, mendax est. Qui enim non diligit fratrem suum quem videt, Deum, quem non videt, quómodo potest diligere? Et hoc mandátum habémus a Deo: ut qui diligit Deum, diligit et fratrem suum.

Graduale Ps. 40, 5 et 2 Ego dixi: Dómine, miserére mei: sana ánimam meam, quia peccávi tibi. **℣.** Beátus qui intéllegit super egénium et páuperem: in die mala liberábit eum Dóminus.

Allelúia, allelúia. **℣. Ps. 5, 2** Verba mea áuribus pércipe, Dómine: intéllege clamórem meum. Allelúia.

✠ Sequéntia sancti Evangélii secúndum Lucam

Luc. 6, 36-42

In illo témpore: Dixit Iesus discí-
pulis suis: Estóte misericórdes,
sicut et Pater vester miséricors est.
Nolíte iudicáre, et non iudicabímini:
nolíte condemnáre, et non condem-
nabímini. Dimíttite, et dimittémini.
Date, et dábitur vobis: mensúram
bonam, et confértam, et coagitátam,
et supereffluéntem dabunt in sinum
vestrum. Eádem quippe mensúra,
qua mensi fuéritis, remetiétur vobis.
Dicébat autem illis et similitúdinem:
Numquid potest cæcus cæcum dú-
cere? nonne ambo in fóveam ca-
dunt? Non est discípus super ma-
gístrum: perféctus autem omnis
erit, si sit sicut magíster eius. Quid
autem vides festúcam in óculo fra-
tris tui, trabem autem, quæ in óculo
tuo est, non consíderas? Aut quó-
modo potes dicere fratri tuo: Frater,

sine, eíciam festúcam de óculo tuo:
ipse in óculo tuo trabem non videns?
Hypócrita, éiice primum trabem de
óculo tuo: et tunc perspícies, ut
edúcas festúcam de óculo fratris tui.

Non dicitur Credo.

Antiphona ad Offertorium

Ps. 5, 3-4

Inténde voci oratiónis meæ, Rex
meus, et Deus meus: quóniam ad te
orábo, Dómine.

Secreta

Hóstias nostras, quæsumus, Dó-
mine, tibi dicátas placátus
assúme: et ad perpétuum nobis trí-
bue proveníre subsídium. Per Dó-
minum.

Præfatio communis.

Antiphona ad Communionem

Ps. 9, 2-3

Narrábo ómnia mirabília tua: læ-
tábor et exultábo in te: psallam
nómini tuo, Altíssime.

Postcommunio

Tantis, Dómine, repléti munéri-
bus: præsta, quæsumus; ut et
salutária dona capiámus, et a tua
numquam laude cessémus. Per Dó-
minum.



FERIA V POST FESTUM SSMÆ TRINITATIS

IN FESTO

SSMI CORPORIS CHRISTI

I classis

Antiphona ad Introitum

Ps. 80, 17

Cibávit eos ex ádipe fruménti, allelúia: et de petra, melle saturávit eos, allelúia, allelúia, allelúia. *Ps. ibid., 2*
Exsultáte Deo adiutóri nostro: iubiláte Deo Iacob. *V. Glória Patri. Cibávit.*

Oratio

Deus, qui nobis sub Sacraménto mirábili passiónis tuæ memóriam reliquisti: tríbue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis iúgiter sentiámus: Qui vivis et regnas cum Deo Patre in unitáte Spíritus Sancti Deus: per ómnia sæcula sæculórum.

Léctio Epístolæ beáti Pauli Apóstoli
ad Corínthios

1 Cor. 11, 23-29

Fratres: Ego enim accépi a Dómino quod et trádidi vobis, quóniam Dóminus Iesus in qua nocte tradebátur, accépit panem, et grátias agens fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratiómem. Simíliter et cálicem, postquam cenávit, dicens: Hic calix novum testaméntum est in meo ságuine. Hoc fácite, quotiescúmque bibétis, in meam commemoratiómem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit córporis et

sánguinis Dómini. Probet autem seípsum homo: et sic de pane illo edat, et de cálice bibat. Qui enim mandúcat, et bibit indígne, iudícium sibi mandúcat, et bibit: non diiúdicans corpus Dómini.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimam benedictióne.

Allelúia, allelúia. **V. Ioann. 6, 56-57** Caro mea vere est cibus, et sanguis meus vere est potus: qui mandúcat meam carnem, et bibit meum sanguínem, in me manet, et ego in eo.

Sequentia

Lauda, Sion, Salvatórem, lauda ducem et pastórem in hymnis et cánticis.

Quantum potes, tantum aude: quia maior omni laude, nec laudáre súfficis.

Laudis thema speciális, panis vivus et vitális hódie propónitur.

Quem in sacræ mensa cenæ, turbæ fratrum duodénæ datum non ambígitur.

Sit laus plena, sit sonóra, sit iucúnda, sit decóra mentis iubilátio.

Dies enim solémnis ágitur, in qua mensæ prima recólitur huius institútio.

In hac mensa novi Regis, novum Pascha novæ legis, Phase vetus términat.

Vetustátem nóvitas, umbram fugat véritas, noctem lux elíminat.

Quod in cena Christus gessit, faciéndum hoc expréssit in sui memóriam.

Docti sacris institútis, panem, vinum in salútis consecrámus hóstiam.

Dogma datur Christiánis, quod in carnem transit panis, et vinum in sanguínem.

Quod non capis, quod non vides, animósa firmat fides, præter rerum órđinem.

Sub diversis speciébus, signis tantum, et non rebus, latent res exímiae.

Caro cibus, sanguis potus: manet tamen Christus totus, sub utrâque specie.

A suménte non concísus, non confráctus, non divísus: ínteger accípi-tur.

Sumit unus, sumunt mille: quantum isti, tantum ille: nec sumptus consúmitur.

Sumunt boni, sumunt mali: sorte tamen inæquáli, vitæ, vel intéritus.

Mors est malis, vita bonis: vide paris sumptiónis quam sit dispar éxitus.

Fracto demum sacraménto, ne vacílles, sed meménto, tantum esse sub fragménto, quantum toto tégitur.

Nulla rei fit scissúra: signi tantum fit fractúra: qua nec status, nec statura signáti minúitur.

Ecce panis Angelórum, factus cibus viatórum: vere panis filiórum, non mitténdus cánibus.

In figúris præsignáitur, cum Isaac immoláitur: agnus paschæ deputá-tur: datur manna pátribus.

Bone pastor, panis vere, Iesu, nostri miserére: tu nos pasce, nos tu-ére: tu nos bona fac vidére in terra vivéntium.

Tu, qui cuncta scis et vales: qui nos pascis hic mortáles: tuos ibi commensáles, coherédes et sodáles fac sanctórum cívium. Amen. Allelúia.

✠ Sequéntia sancti Evangélii secundum Ioánnem

Ioann. 6, 56-59

In illo témpore: Dixit Iesus turbis Iudæórum: Caro mea vere est cibus, et sanguis meus vere est potus. Qui mandúcat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de cælo descéndit. Non sicut manducavérunt patres vestri manna, et mór-tui sunt. Qui mandúcat hunc panem, vivet in ætérnum. **Credo.**

Antiphona ad Offertorium

Levit. 21, 6

Sacerdótes Dómini incénsum et panes ófferunt Deo: et ídeo sancti erunt Deo suo, et non pólluent nomen eius, allelúia.

Secreta

Ecclésiæ tuæ, quæsumus, Dómine, unitátis et pacis propítius dona concéde: quæ sub oblátis munéribus mýstice designántur. Per Dóminum.

Antiphona ad Communionem

1 Cor. 11, 26-27

Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indigne, reus erit córporis et ságuinis Dómini, allelúia.

Postcommunio

Fac nos, quæsumus, Dómine, divinitátis tuæ sempitérna fruitióne

repléri: quam pretiósí Córporis et Sanguinis tui temporális percéptio præfigúrat: Qui vivis.

Septem sequentibus diebus, ubi fit processio, permittuntur duæ Missæ de SS. Eucharistia: (61), ad modum Missæ votivæ II classis.

DOMINICA SECUNDA POST PENTECOSTEN

II classis

Antiphona ad Introitum

Ps. 17, 19-20

Factus est Dóminus protéctor meus, et edúxit me in latitúdinem: salvum me fecit, quóniam vóluit me. **Ps. ibid., 2-3** Díligam te, Dómine, virtus mea: Dóminus firmaméntum meum, et refúgium meum, et liberátor meus. **V. Glória Patri. Factus.**

Dicitur Glória in excélsis in omnibus dominicis post Pentecosten; non dicitur autem in diebus ferialibus quando adhibetur Missa dominicæ præcedentis.

Oratio

Sancti nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuis, quos in soliditáte tuæ dilectiónis instítuis. Per Dóminum nostrum Iesum Christum Fílium tuum: Qui tecum.

Léctio Epístolæ beáti Ioánnis Apóstoli

1 Ioann. 3, 13-18

Caríssimi: Nolíte mirári, si odit vos mundus. Nos scimus, quóniam transláti sumus de morte ad vitam, quóniam dilígimus fratres. Qui non díligit, manet in morte: omnis qui odit fratrem suum, homicída est. Et scitis quóniam omnis homicída non habet vitam ætérnam in

semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro fratribus ánimas pónere. Qui habúerit substántiam huius mundi, et víderit fratrem suum necessitátem habére, et cláuserit víscera sua ab eo: quómodo caritas Dei manet in eo? Filíoli mei, non diligámus verbo, neque lingua, sed ópere, et veritáte.

Graduale Ps. 119, 1-2 Ad Dóminum cum tribulárer clamávi, et exaudívit me. **V.** Dómine, líbera ánimam meam a lábiis iníquis, et a lingua dolósa.

Allelúia, allelúia. **V. Ps. 7, 2** Dómine Deus meus, in te sperávi: saluum me fac ex ómnibus persecuéntibus me, et líbera me. Allelúia.

Sic dicitur Allelúia cum suo versu post graduale in omnibus dominicis post Pentecosten, etiam si Missa dominicæ in feriis adhibetur.

✠ Sequéntia sancti Evangélíi secúndum Lucam

Luc. 14, 16-24

In illo témpore: Dixit Iesus pharisæis parábolam hanc: Homo quidam fecit cenam magnam, et vocávit multos. Et misit servum suum hora cenæ dícere invitátis ut venírent, quia iam paráta sunt ómnia. Et cœpérunt simul omnes excusáre. Primus dixit ei: Villam emi, et necesse hábeo exíre, et vidére illam: rogo te, habe me excusátum. Et alter dixit: Iuga boum emi quinque, et eo probáre illa: rogo te, habe me excusátum. Et álius dixit: Uxórem duxi: et

ídeo non possum veníre. Et revérsus servus nuntiávit hæc dómíno suo. Tunc irátus paterfamílias, dixit servo suo: Exi cito in plateas et vicus civitátis: et páuperes, ac débiles, et cæcos, et claudos introduc huc. Et ait servus: Dómine, factum est ut imperásti, et adhuc locus est. Et ait dómínus servo: Exi in vias, et sepes: et compélle intráre, ut impleátur domus mea. Dico autem vobis, quod nemo virórum illórum, qui vocáti sunt, gustábit cenam meam.

Credo.

Antiphona ad Offertórium

Ps. 6, 5

Dómine, convértere, et éripe ánimam meam: saluum me fac propter misericórdiam tuam.

Secreta

Oblatio nos, Dómine, tuo nómini dicánda puríficet: et de die in diem ad cæléstis vitæ tránsferat actiónem. Per Dóminum.

Præfatio de Ssma Trinitate.

Antiphona ad Communionem

Ps. 12, 6

Cantábo Dómíno, qui bona tríbuit mihi: et psallam nómini Dómini altíssimi.

Postcommunio

Sumptis munéribus sacris, quæsumus, Dómine: ut cum frequentatióne mystérii, crescat nostræ salutis efféctus. Per Dóminum.



FERIA VI POST DOMINICAM II POST PENTECOSTEN

IN FESTO

SACRATISSIMI CORDIS IESU

I classis

Antiphona ad Introitum

Ps. 32, 11 et 19

Cogitationes Cordis eius in generatione et generationem: ut éruat a morte ánimas eórum et alat eos in fame. *Ps. ibid., 1* Exsultáte, iusti, in Dómino, rectos decet collaudátio. *V.* Glória Patri. *Cogitationes.*

Oratio

Deus, qui nobis, in Corde Fílii tui, nostris vulneráto peccátis, infinitos dilectionis thesauros misericórditer largíri dignáris: concéde, quáesumus; ut illi devótum pietátis nostræ præstántes obséquium, dignæ quoque satisfactiónis exhibeámus offícium. Per eúndem Dóminum.

Léctio Epístolæ beáti Pauli Apóstoli
ad Ephésios

Ephes. 3, 8-19

Fratres: Mihi ómnium sanctórum mínimo data est grátia hæc, in géntibus evangelizáre investigábiles divítias Christi: et illumináre omnes, quæ sit dispensátio sacraménti absconditi a sáeculis in Deo qui ómnia creávit: ut innotéscat principátibus et potestátibus in cæléstibus per Ecclesiám multifórmis sapiéntia Dei: secúndum præfinitiónem sæculórum quam fecit in Christo Iesu Dómino nostro, in quo habémus fidúciam et accéssum in confidéntia per fidem eius. Huius rei grátia flecto génuá mea ad Patrem Dómini nostri Iesu Christi, ex quo omnis patérnitas in cælis et in terra nominátur:

ut det vobis secundum divitias gloriæ suæ, virtute corroborari per Spiritum eius in interiorem hominem: Christum habitare per fidem in cordibus vestris: in caritate radicati et fundati: ut possitis comprehendere, cum omnibus sanctis, quæ sit latitudo, et longitudo, et sublimitas et profundum: scire etiam supereminentem scientiæ caritatem Christi, ut impleamini in omnem plenitudinem Dei.

Graduale Ps. 24, 8-9 Dulcis et rectus Dominus, propter hoc legem dabit delinquentibus in via. **V.** Diriget mansuetos in iudicio, docebit mites vias suas.

Allelúia, allelúia. **V. Matth. 11, 29** Tollite iugum meum super vos et discite a me, quia mitis sum et humilis Corde, et inveniétis requiem animabus vestris. Allelúia.

✠ Sequéntia sancti Evangelii secundum Ioánnem

Ioann. 19, 31-37

In illo témpore: Iudæi, quóniam Parascève erat, ut non remanérunt in cruce corpora sabbato (erat enim magnus dies ille sabbati), rogavérunt Pilátum ut frangeréntur eórum crura et tolleréntur. Venérunt ergo milites, et primi quidem fregérunt crura et altérius qui crucifixus est cum eo. Ad Iesum autem cum veníssent, ut vidérunt eum iam mórtuum, non fregérunt eius crura: sed unus militum lancea latus eius aperuit, et continuo exívit sanguis et aqua. Et qui vidit testimónium perhibuit: et verum est testimónium eius. Et ille scit quia vera dicit, ut et vos credátis. Facta sunt enim hæc ut Scriptúra implerétur: Os non comminuétis ex eo. Et iterum ália

Scriptúra dicit: Vidébunt in quem transfixérunt. **Credo.**

Antiphona ad Offertorium

Ps. 68, 21

Impropérium expectávit Cor meum et misériam, et sustínui qui simul mecum contristarétur et non fuit: consolántem me quæsívi et non invéni.

Secreta

Réspice, quæsumus, Dómine, ad ineffábilem Cordis dilécti Fílii tui caritatem: ut quod offérimus sit tibi munus accéptum et nostrórum expiatio delictórum. Per eúndem Dóminum.

Præfatio de Ssmo Corde Iesu.

Antiphona ad Communionem

Ioann. 19, 34

Unus militum lancea latus eius aperuit, et continuo exívit sanguis et aqua.

Postcommunio

Préebeant nobis, Dómine Iesu, divinum tua sancta fervórem: quo dulcíssimi Cordis tui suavitate percepta, discámus terréna despícere, et amáre cæléstia: Qui vivis.

DOMINICA TERTIA POST PENTECOSTEN

II classis

Antiphona ad Introitum

Ps. 24, 16 et 18

Réspice in me, et miserere mei, Dómine: quóniam únicus, et pauper sum ego: vide humilitatem meam, et labórem meum: et dimítte ómnia peccáta mea, Deus meus. **Ps. ibid., 1-2** Ad te, Dómine, levávi ánimam meam: Deus meus, in te confído, non erubescam. **V.** Glória Patri. **R**éspice.

Oratio

Protéctor in te sperantium, Deus, sine quo nihil est válidum, nihil sanctum: multiplica super nos misericórdiam tuam; ut, te rectóre, te duce, sic transeámus per bona temporália, ut non amittámus ætérna. Per Dóminum.

Lectio Epístolæ beáti Petri Apóstoli
1 Petr. 5, 6-11

Caríssimi: Humiliámini sub poténti manu Dei, ut vos exáltet in témpore visitationis: omnem sollicitúdinem vestram proiciéntes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tamquam leo rúgiens circuit, quærens quem dévoret: cui resístite fortes in fide: sciéntes eándem passióem ei, quæ in mundo est, vestræ fraternitati fieri. Deus autem omnis grátiae, qui vocávit nos in ætérnam suam glóriam in Christo Iesu, módicum passos ipse perficiet, confirmábit, solidabitque. Ipsi glória, et impérium in sæcula sæculórum. Amen.

Graduale Ps. 54, 23, 17 et 19 Iacta cogitátum tuum in Dómino: et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

Allelúia, allelúia. **V. Ps. 7, 12** Deus iudex iustus, fortis et pátiens, numquid iráscitur per síngulos dies? Allelúia.

✠ Sequéntia sancti Evangélii secúndum Lucam

Luc. 15, 1-10

In illo témpore: Erant appropínquantes ad Iesum publicáni et peccatóres, ut audírent illum. Et murmurábant pharisæi et scribæ,

dicéntes: Quia hic peccatóres récipit, et mandúcat cum illis. Et ait ad illos parábolam istam, dicens: Quis ex vobis homo, qui habet centum oves: et si perdíderit unam ex illis, nonne dimíttit nonagintanóvem in desérto, et vadit ad illam, quæ perierat, donec invéniat eam? Et cum invénerit eam, impónit in húmeros suos gaudens: et véniens domum, cónvocat amícos et vicínos, dicens illis: Congratulámini mihi, quia invéni ovem meam, quæ perierat? Dico vobis, quod ita gáudium erit in cælo super uno peccatóre pæniténtiam agente, quam super nonagintanóvem iustis, qui non indigent pæniténtia. Aut quæ múlter habens drachmas decem, si perdíderit drachmam unam, nonne accéndit lucernam et evérrit domum, et quærit diligénter, donec invéniat? Et cum invénerit, cónvocat amícas et vicínas, dicens: Congratulámini mihi, quia invéni drachmam, quam perdíderam? Ita dico vobis: gáudium erit coram Angelis Dei super uno peccatóre pæniténtiam agente.

Credo.

Antiphona ad Offertorium

Ps. 9, 11-12 et 13

Sperent in te omnes, qui novérunt nomen tuum, Dómine: quóniam non derelínquis quæréntes te: psállite Dómino, qui hábitat in Sion: quóniam non est oblítus oratióem páuperum.

Secreta

Réspice, Dómine, múnera supplicántis Ecclésiæ: et salúti credéntium perpétua sanctificatióne suménda concéde. Per Dóminum.

Præfatio de Ssma Trinitate.

Antiphona ad Communionem**Luc. 15, 10**

Dico vobis: gáudium est Angelis Dei super uno peccatóre pæniténtiam agente.

Postcommunio

Sancta tua nos, Dómine, sumpta vivíficent: et misericórdiæ sempitérnæ præparent expiátos. Per Dóminum.

DOMINICA QUARTA POST PENTECOSTEN

II classis**Antiphona ad Introitum****Ps. 26, 1 et 2**

Dóminus illuminátio mea, et salus mea, quem timébo? Dóminus defénsor vitæ meæ, a quo trepidábo? qui tríbulant me inimíci mei, ipsi infirmáti sunt, et cecidérunt. **Ps. ibid., 3** Si consistant advérsus me castra: non timébit cor meum. **V.** Glória Patri. **Dóminus.**

Oratio

Da nobis, quæsumus, Dómine: ut et mundi cursus pacífice nobis tuo órđine dirigátur: et Ecclésia tua tranquílla devotióne lætétur. Per Dóminum.

Léctio Epístolæ beáti Pauli Apóstoli
ad Romános

Rom. 8, 18-23

Fratres: Exístimo quod non sunt condígnæ passiónes huius témporis ad futúram glóriam, quæ revelábitur in nobis. Nam expectátio creatúre, revelatióem filiórū Dei exspectat. Vanitáti enim creatúra subiecta est non volens, sed propter

eum, qui subiécit eam in spe: quia et ipsa creatúra liberábitur a servitúte corruptiōnis, in libertátem glóriæ filiórū Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos gérimus, adoptiōem filiórū Dei expectántes, redemptiōem córporis nostri: in Christo Iesu Dómino nostro.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutaris noster: et propter honórem nóminis tui, Dómine, libera nos.

Allelúia, allelúia. **V. Ps. 9, 5 et 10** Deus, qui sedes super thronum, et iúdicas æquitátem: esto refúgium páuperum in tribulatióne. Allelúia.

✠ Sequéntia sancti Evangélíi secúndum Lucam

Luc. 5, 1-11

In illo témpore: Cum turbæ irrúerent in Iesum, ut audírent verbum Dei, et ipse stabat secus stagnum Genésareth. Et vidit duas naves stantes secus stagnum: piscatóres autem descénderant, et lavábant rétia. Ascéndens autem in unam navim, quæ erat Simónis, rogávit eum a terra redúcere pusillum. Et sedens docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor, per totam noctem laborántes, nihil cépimus: in verbo autem tuo laxábo rete. Et cum hoc fecíssent, conclusérunt píscium multitúdinem copió-

sam: rumpebátur autem rete eórum. Et annuérunt sóciis, qui erant in ália navi, ut venírent, et adiuvárent eos. Et venérunt, et implevérunt ambas navículas, ita ut pene mergeréntur. Quod cum vidéret Simon Petrus, prócidit ad génua Iesu, dicens: Exi a me, quia homo peccátor sum, Dómine. Stupor enim circumdéderat eum, et omnes, qui cum illo erant, in captúra píscium, quam céperant: simíliter autem Iacóbum et Ioánnem, filios Zebedæi, qui erant sócii Simónis. Et ait ad Simónem Iesus: Noli timére: ex hoc iam hómines eris cápiens. Et subductis ad terram návibus, relíctis ómnibus, secúti sunt eum. **Credo.**

Antiphona ad Offertorium

Ps. 12, 4-5

Illúmina óculos meos, ne umquam obdórmiam in morte: ne quando dicat inimícus meus: Præválui advérsum eum.

Secreta

Oblatió nibus nostris, quæsumus Dómine, placáre suscep tis: et ad te nostras étiam rebélles compélle propítius voluntátes. Per Dóminum.

Præfatio de Ssma Trinitate.

Antiphona ad Communionem

Ps. 17, 3

Dóminus firmaméntum meum, et refúgium meum, et liberátor meus: Deus meus, adiutor meus.

Postcommunio

Mystéria nos, Dómine, quæsumus, sumpta puríficent: et suo múnere tueántur. Per Dóminum.

DOMINICA QUINTA POST PENTECOSTEN

II classis

Antiphona ad Introitum

Ps. 26, 7 et 9

Exáudi, Dómine, vocem meam, qua clamávi ad te: adiutor meus esto, ne derelínquas me, neque despícias me, Deus salutaris meus. **Ps. ibid., 1** Dóminus illuminátio mea, et salus mea, quem timébo? **V.** Glória Patri. **E**xáudi.

Oratio

Deus, qui diligéntibus te bona invisibília præparásti: infúnde córdibus nostris tui amóris afféctum; ut te in ómnibus et super ómnia diligéntes, promissiões tuas, quæ omne desidérium súperant, consequámur. Per Dóminum.

Léctio Epístolæ beáti Petri Apóstoli

1 Petr. 3, 8-15

Caríssimi: Omnes unánimes in oratióne estóte, compatiéntes, fraternitátis amatóres, misericórdes, modéstí, húmiles: non reddéntes malum pro malo, nec maledíctum pro maledícto, sed e contrário benedicéntes: quia in hoc vocáti estis, ut benedictiónem hereditáte possideátis. Qui enim vult vitam dilígere, et dies vidére bonos, coérceat linguam suam a malo, et lábia eius ne loquántur dolum. Declínet a malo, et fáciat bonum: inquírat pacem, et sequátur eam. Quia óculi Dómini super iustos, et aures eius in preces eórum: vultus autem Dómini super faciéntes mala. Et quis

est qui vobis nóceat, si boni æmulatorés fuéritis? Sed et si quid patimini propter iustítiam, beáti. Timórem autem eórum ne timuéritis: et non conturbémini. Dóminum autem Christum sanctificáte in córdibus vestris.

Graduale Ps. 83, 10 et 9 Protéctor noster áspice, Deus, et réspice super servos tuos. **V.** Dómine Deus virtútum, exáudi preces servórum tuórum.

Allelúia, allelúia. **V. Ps. 20, 1** Dómine, in virtúte tua lætábitur rex: et super salutáre tuum exsultábit veheménter. Allelúia.

✠ Sequéntia sancti Evangélíi secúndum Matthæum

Matth. 5, 20-24

In illo témpore: Dixit Iesus discí-pulis suis: Nisi abundáverit iustítia vestra plus quam scribárum et pharisæórum, non intrábitis in regnum cælórum. Audístis, quia dictum est antíquis: Non occídes: qui autem occíderit, reus erit iudício. Ego autem dico vobis: quia omnis, qui iráscitur fratri suo, reus erit iudício: Qui autem díxerit fratri suo, raca: reus erit concílio. Qui autem díxerit, fátue: reus erit gehén-næ ignis. Si ergo offers munus tuum ad altáre, et ibi recordátus fúeris, quia frater tuus habet áliquid advérsus te: relínque ibi munus tuum ante altáre, et vade prius reconciliári fratri tuo: et tunc véniens ófferes munus tuum. **Credo.**

Antiphona ad Offertorium

Ps. 15, 7 et 8

Benedícam Dóminum, qui tríbuit mihi intelléctum: providébam Deum in conspéctu meo semper:

quóniam a dextris est mihi, ne commóvear.

Secreta

Propitiáre, Dómine, supplicatió-nibus nostris: et has oblatiões famulórum famularúmque tuárum benígnus assúme; ut, quod sínguli obtulérunt ad honórem nóminis tui, cunctis proficiat ad salútem. Per Dóminum.

Præfatio de Ssma Trinitate.

Antiphona ad Communionem

Ps. 26, 4

Unam pétii a Dómino, hanc requíram: ut inhábitem in domo Dómini ómnibus diébus vitæ meæ.

Postcommunio

Quos cælésti, Dómine, dono satiásti: præsta, quæsumus; ut a nostris mundémur occúltis, et ab hóstium liberémur insídiis. Per Dóminum.

DOMINICA SEXTA POST PENTECOSTEN

II classis

Antiphona ad Introitum

Ps. 27, 8-9

Dóminus fortitúdo plebis suæ, et protéctor salutárium Christi sui est: salvum fac pópulum tuum, Dómine, et benedic hereditáti tuæ, et rege eos, usque in sæculum. **Ps. ibid., 1** Ad te, Dómine, clamábo, Deus meus, ne síleas a me: ne quando táceas a me, et assimilábor descendéntibus in lacum. **V.** Glória Patri. **Dóminus.**

Oratio

Deus virtútum, cuius est totum quod est óptimum: insere pe-

ctóribus nostris amórem tui nóminis, et præsta in nobis religiónis augméntum; ut, quæ sunt bona, nútrias, ac pietátis stúdio, quæ sunt nutrita, custódias. Per Dóminum.

Léctio Epístolæ beáti Pauli Apóstoli ad Romános

Rom. 6, 3-11

Fratres: Quicúmque baptizáti sumus in Christo Iesu, in morte ipsíus baptizáti sumus. Consepúlti enim sumus cum illo per baptismum in mortem: ut quómodo Christus surréxit a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis eius: simul et resurrectionis érimus. Hoc sciéntes, quia vetus homo noster simul crucifíxus est: ut destruátur corpus peccáti, et ultra non serviámus peccáto. Qui enim mórtuus est, iustificátus est a peccáto. Si autem mórtui sumus cum Christo: crédimus quia simul étiam vivémus cum Christo: sciéntes quod Christus resúrgens ex mórtuis, iam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo, in Christo Iesu Dómino nostro.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. *℣.* Dómine, refúgium factus es nobis, a generatióne et progénie.

Allelúia, allelúia. *℣. Ps. 30, 2-3* In te, Dómine, sperávi, non confúndar in ætérnum: in iustítia tua libera me, et éripe me: inclína ad me aurem tuam, accélera, ut erípias me. Allelúia.

✠ Sequéntia sancti Evangélii secúndum Marcum

Marc. 8, 1-9

In illo témpore: Cum turba multa esset cum Iesu, nec habérent quod manducárent, convocátis discipulis, ait illis: Miséreor super turbam: quia ecce iam tríduo sústinent me, nec habent quod mandúcent: et si dimísero eos ieiúnos in domum suam, deficiet in via: quidam enim ex eis de longe venérunt. Et responderunt ei discipuli sui: Unde illos quis póterit hic saturáre pánibus in solitúdine? Et interrogávit eos: Quot panes habétis? Qui dixerunt: Septem. Et præcépit turbæ discumbere super terram. Et accípiens septem panes, grátias agens fregit, et dabat discipulis suis, ut appónerent, et apposuérunt turbæ. Et habébant piscículos paucos: et ipsos benedixit, et iussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducáverant, quasi quátuor milia: et dimísit eos. **Credo.**

Antiphona ad Offertorium

Ps. 16, 5 et 6-7

Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

Propitiáre, Dómine, supplicatió nibus nostris, et has pópuli tui oblatiões benígnus assúme: et ut nullíus sit írritum votum, nullíus vácuá postulátio, præsta; ut, quod fidéliter pétimus, efficáciter consequámur. Per Dóminum.

Præfatio de Sma Trinitate.

Antiphona ad Communionem

Ps. 26, 6

Circuibó, et immolábo in tabernáculo eius hóstiam iubilatiónis: cantábo, et psalmum dicam Dómino.

Postcommunio

Repléti sumus, Dómine, munéribus tuis: tríbue quæsumus; ut eórum et mundémur efféctu, et mu-niámur auxílio. Per Dóminum.

DOMINICA SEPTIMA
POST PENTECOSTEN

II classis

Antiphona ad Introitum

Ps. 46, 2

Omnes gentes, pláudite má-nibus: iubiláte Deo in voce ex-sultatiónis. **Ps. ibid., 3** Quón-iam Dóminus excélsus, terríbilis: Rex magnus super omnem terram. **V.** Glória Patri. **O**mnes.

Oratio

Deus, cuius providéntia in sui dispositiône non fállitur: te súplices exorámus; ut nóxia cuncta submóveas, et ómnia nobis profutúra concédas. Per Dóminum.

Léctio Epístolæ beáti Pauli Apóstoli
ad Romános

Rom. 6, 19-23

Fratres: Humánum dico, propter infirmitátem carnis vestræ: sicut enim exhibuístis membra ve-

stra servíre immundítiae, et iniquitáti ad iniquitátem, ita nunc exhibéte membra vestra servíre iustítiae in sanctificatióne. Cum enim servi essétis peccáti, líberi fuístis iustítiae. Quem ergo fructum habuístis tunc in illis, in quibus nunc erubéscitis? Nam finis illórum mors est. Nunc vero liberáti a peccáto, servi autem facti Deo, habétis fructum vestrum in sanctificatióne, finem vero vitam ætérnam. Stipéndia enim peccáti, mors. Grátia autem Dei, vita ætérna, in Christo Iesu Dómino nostro.

Graduale Ps. 33, 12 et 6 Veníte, filii, audíte me: timórem Dómini docebo vos. **V.** Accédite ad eum, et illuminámini: et fácies vestræ non confundéntur.

Allelúia, allelúia. **V. Ps. 46, 2** Omnes gentes, pláudite mánibus: iubiláte Deo in voce exsultatiónis. Allelúia.

✠ Sequéntia sancti Evangélii se-cúndum Matthæum

Matth. 7, 15-21

In illo témpore: Dixit Iesus discí-pulis suis: Atténdite a falsis prophétis, qui véniunt ad vos in vestiméntis óvium, intrínsecus autem sunt lupi rapáces: a frúctibus eórum cognoscétis eos. Numquid cólligunt de spinis uvas, aut de tríbulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructus fácere. Omnis arbor, quæ non facit fructum bonum, excidétur, et in ignem mittétur. Igitur ex frúctibus eórum cognoscétis eos. Non omnis, qui dicit mihi,

Dómine, Dómine, intrábit in regnum cælórum: sed qui facit volúntátem Patris mei, qui in cælis est, ipse intrábit in regnum cælórum. **Credo.**

Antiphona ad Offertorium

Dan. 3, 40

Sicut in holocáustis aríetum et taurórum, et sicut in millibus agnórum pínguium: sic fiat sacrificium nostrum in conspéctu tuo hódie, ut pláceat tibi: quia non est confúsis confidéntibus in te, Dómine.

Secreta

Deus, qui legálium différentiam hostiárum uníus sacrificii perfectióne sanxísti: áccipe sacrificium a devótis tibi fámulis, et pari benedictióne, sicut múnera Abel, sanctífica; ut, quod sínguli obtulérunt ad maiestátis tuæ honórem, cunctis proficiat ad salútem. Per Dóminum.

Præfatio de Sma Trinitate.

Antiphona ad Communionem

Ps. 30, 3

Inclína aurem tuam, accélera, ut erípias me.

Postcommunio

Tua nos, Dómine, medicinális operátio, et a nostris perversitátibus cleménter expédiat, et ad ea quæ sunt recta, perdúcat. Per Dóminum.

DOMINICA OCTAVA POST PENTECOSTEN

II classis

Antiphona ad Introitum

Ps. 47, 10-11

Suscépimus, Deus, misericórdiam tuam in médio templi tui: secúndum nomen tuum, Deus,

ita et laus tua in fines terræ: iustítia plena est délixtera tua. **Ps. ibid., 2** Magnus Dóminus, et laudábilis nimis: in civitáte Dei nostri, in monte sancto eius. **V. Glória Patri. Suscépimus.**

Oratio

Largíre nobis, quæsumus, Dómine, semper spíritum cogitándi quæ recta sunt, propítius et agéndi: ut, qui sine te esse non póssumus, secúndum te vívere valeámus. Per Dóminum.

Léctio Epístolæ beáti Pauli Apóstoli
ad Romános

Rom. 8, 12-17

Fratres: Debitóres sumus non carni, ut secúndum carnem vivámus. Si enim secúndum carnem vixeritis, moriémini: si autem spíritu facta carnis mortificaveritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis íterum in timóre, sed accepístis spíritum adoptiónis filiórum, in quo clamámus: Abba (Pater). Ipse enim Spíritus testimónium reddit spíritui nostro, quod sumus filii Dei. Si autem filii, et herédes: herédes quidem Dei, coherédes autem Christi.

Graduale Ps. 30, 3 Esto mihi in Deum protectórem, et in locum refúgii, ut salvum me fácias. **V. Ps. 70, 1** Deus, in te sperávi: Dómine, non confúndar in ætérnum.

Allelúia, allelúia. **V. Ps. 47, 2** Magnus Dóminus, et laudábilis valde, in civitáte Dei nostri, in monte sancto eius. Allelúia.

✠ Sequéntia sancti Evangélii secúndum Lucam

Luc. 16, 1-9

In illo témpore: Dixit Iesus discí-
pulis suis parábolam hanc: Ho-
mo quidam erat dives, qui habébat
villicum: et hic diffamátus est apud
illum, quasi dissipásset bona ipsíus.
Et vocávit illum, et ait illi: Quid hoc
áudio de te? redde ratióne villica-
tiónis tuæ: iam enim non póteris vil-
licáre. Ait autem villicus intra se:
Quid fáciam, quia dóminus meus
aufert a me villicatióne? fódere
non váleo, mendicáre erubésco.
Scio quid fáciam, ut, cum amótus
fúero a villicatióne, recípiant me in
domos suas. Convocátis itaque sín-
gulis debitóribus dómini sui, dicé-
bat primo: Quantum debes dómino
meo? At ille dixit: Centum cados
ólei. Dixitque illi: Accipe cautióne
tuam: et sede cito, scribe quinquá-
ginta. Deínde álii dixit: Tu vero
quantum debes? Qui ait: Centum
coros trítici. Ait illi: Accipe líttas
tuas, et scribe octogínta. Et laudávit
dóminus villicum iniquitátis, quia
prudénter fecísset: quia filii huius
sæculi prudentióres filiis lucis in ge-
neratióne sua sunt. Et ego vobis
dico: fácite vobis amícos de mammóna
iniquitátis: ut, cum defecéritis,
recípiant vos in æténa tabernácula.

Credo.

Antiphona ad Offertorium

Ps. 17, 28 et 32

Pópulum húmílem saluum fácies,
Dómine, et óculos superbórum hu-
miliábis: quóniam quis Deus præter
te, Dómine?

Secreta

Súscipe, quæsumus, Dómine, mú-
nera, quæ tibi de tua largitáte

deférimus: ut hæc sacrosáncta my-
stéria, grátiae tuæ operánte virtúte,
et præsentis vitæ nos conversatióne
sanctíficent, et ad gáudia sempitér-
na perdúcant. Per Dóminum.

Præfatio de Ssma Trinitate.

Antiphona ad Communionem

Ps. 33, 9

Gustáte et vidéte, quóniam suávis
est Dóminus: beátus vir, qui sperat
in eo.

Postcommunio

Sit nobis, Dómine, reparátio men-
tis et córporis cæléste mystéri-
um: ut, cuius exséquimur cultum,
sentiamus efféctum. Per Dóminum.

DOMINICA NONA POST PENTECOSTEN

II classis

Antiphona ad Introitum

Ps. 53, 6-7

Ecce Deus ádiuvat me, et Dómi-
nus suscéptor est animæ
meæ: avérte mala inimícis
meis, et in veritáte tua dispérde il-
los, protéctor meus, Dómine. **Ps.**
ibid., 3 Deus, in nómine tuo saluum
me fac: et in virtúte tua libera me.
V. Glória Patri. **E**cce Deus.

Oratio

Páteant aures misericórdiae tuæ,
Dómine, précibus supplicánti-
um: et, ut peténtibus desideráta con-
cédas; fac eos, quæ tibi sunt plácita,
postuláre. Per Dóminum.

Lectio Epistolæ beāti Pauli Apóstoli
ad Corínthios

1 Cor. 10, 6-13

Fratres: Non simus concupiscētes malórum, sicut et illi concupiérunt. Neque idolólatræ efficiámini, sicut quidam ex ipsis: quemádmódum scriptum est: Sedit pópulus manducáre et bíbere, et surrexérunt lúdere. Neque fornicémur, sicut quidam ex ipsis fornicáti sunt, et cecidérunt una die vigínti tria mília. Neque tentémus Christum, sicut quidam eórum tentavérunt, et a serpéntibus periérunt. Neque murmuravéritis, sicut quidam eórum murmuravérunt, et periérunt ab exterminatóre. Hæc autem ómnia in figúra contingébant illis: scripta sunt autem ad correptionem nostram, in quos fines sæculórum devenérunt. Itaque qui se exístimat stare, vídeat ne cadat. Tentátio vos non apprehéndat, nisi humana: fidélis autem Deus est, qui non patiétur vos tentári supra id quod potéstis, sed fáciat étiam cum tentatióne provéntum, ut possitis sustinére.

Graduale Ps. 8, 2 Dómine Dóminus noster, quam admirábile est nomen tuum in univérsa terra! **V.** Quóniam eleváta est magnificéntia tua super cælos.

Allelúia, allelúia. **V. Ps. 58, 2** Eripe me de inimícis meis, Deus meus: et ab insurgéntibus in me libera me. Allelúia.

✠ Sequéntia sancti Evangélíi secúndum Lucam

Luc. 19, 41-47

In illo témpore: Cum appropinquáret Iesus Ierúsalem, videns civitátem, flevit super illam, dicens:

Quia si cognovísses et tu, et quidem in hac die tua, quæ ad pacem tibi, nunc autem abscondita sunt ab óculis tuis. Quia vénient dies in te: et circúmdabunt te inimíci tui vallo, et circúmdabunt te: et coangustábunt te úndique: et ad terram prostérnent te, et filios tuos, qui in te sunt, et non relínquent in te lápidem super lápidem: eo quod non cognóveris témpus visitatiónis tuæ. Et ingrèssus in templum, coepit eiícere vendéntes in illo, et eméntes, dicens illis: Scriptum est: Quia domus mea domus oratiónis est. Vos autem fecístis illam spelúncam latrónum. Et erat docens cotídie in templo. **Credo.**

Antiphona ad Offertorium

Ps. 18, 9, 10, 11 et 12

Iustítiæ Dómini rectæ, lætificántes corda, et iudícia eius dulcióra super mel et favum: nam et servus tuus custódit ea.

Secreta

Concède nobis, quæsumus, Dómine, hæc digne frequentáre mystéria: quia, quóties huius hóstiæ commemorátio celebrátur, opus nostræ redemptiόνis exercétur. Per Dóminum.

Præfatio de Ssma Trinitate.

Antiphona ad Communionem

Ioann. 6, 57

Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio

Tui nobis, quæsumus, Dómine, commúnio sacraménti, et purificatiónem cónferat, et tríbuat unitátem. Per Dóminum.

DOMINICA DECIMA POST PENTECOSTEN

II classis

Antiphona ad Introitum

Ps. 54, 17, 18, 20 et 23

Cum clamárem ad Dóminum, exaudivit vocem meam, ab his, qui appropínquant mihi: et humiliávit eos qui est ante sæcula, et manet in ætérnum: iacta cogitátum tuum in Dómino, et ipse te enútriet. **Ps. ibid., 2-3** Exáudi, Deus, oratióem meam, et ne despéxeris deprecationem meam: inténde mihi, et exáudi me. **V.** Glória Patri. **Cum.**

Oratio

Deus, qui omnipoténtiam tuam parcéndo máxime et miserándo maniféstas: multiplica super nos misericórdiam tuam; ut ad tua promíssa curréntes, cæléstium bonórum fácias esse consórtes. Per Dóminum.

Léctio Epístolæ beáti Pauli Apóstoli
ad Corínthios

1 Cor. 12, 2-11

Fratres: Scitis quóniam cum gentes essétis, ad simulácra muta prout ducebámini eúntes. Ideo notum vobis fácio, quod nemo in Spíritu Dei loquens, dicit anáthema Iesu. Et nemo potest dícere, Dóminus Iesus, nisi in Spíritu Sancto. Divisiónes vero gratiárum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem vero Deus, qui operátur ómnia in ómnibus. Unicuique autem datur manifestátio Spíritus ad utilitátem. Alii quidem per Spíritum da-

tur sermo sapiéntiæ: álii autem sermo sciéntiæ secúndum eúndem Spíritum: áliteri fides in eódem Spíritu: álii grátia sanitátum in uno Spíritu: álii operátio virtútum, álii prophetía, álii discrétio spirítuum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívidens síngulis prout vult.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. **V.** De vultu tuo iudícium meum pródeat: óculi tui vídeant æquitátem.

Allelúia, allelúia. **V. Ps. 64, 2** Te decet hymnus, Deus, in Sion: et tibi reddétur votum in Ierúsalem. Allelúia.

✠ Sequéntia sancti Evangélíi secúndum Lucam

Luc. 18, 9-14

In illo témpore: Dixit Iesus ad quosdam, qui in se confidébant tamquam iusti, et aspernabántur céteros, parábolam istam: Duo hómines ascendérunt in templum ut orárent: unus pharisæus, et alter publicánus. Pharisæus stans, hæc apud se orábat: Deus, grátias ago tibi quia non sum sicut céteri hóminum: raptóres, iniústi, adúlteri: velut étiam hic publicánus. Ieiúno bis in sábbato: décimas do ómnium, quæ possídeo. Et publicánus a longe stans nolébat nec óculos ad cælum leváre: sed percutiébat pectus suum, dicens: Deus, propítius esto mihi peccatóri. Dico vobis: descéndit hic iustificátus in domum suam ab illo: quia omnis qui se exáltat, humiliábitur: et qui se humiliat, exaltábitur.

Credo.

Antiphona ad Offertorium**Ps. 24, 1-3**

Ad te, Dómine, levávi ánimam meam: Deus meus, in te confido, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

Tibi, Dómine, sacrificia dicáta reddántur: quæ sic ad honórem nóminis tui deferénda tribuísti, ut éadem remédia fieri nostra præstáres. Per Dóminum.

Præfatio de Ssma Trinitate.**Antiphona ad Communionem****Ps. 50, 21**

Acceptábis sacrificium iustítiæ, oblatiónes, et holocáusta, super altáre tuum, Dómine.

Postcommunio

Quæsumus, Dómine Deus noster: ut, quos divínis reparáre non désinis sacraméntis, tuis non destítuas benígnus auxiliis. Per Dóminum.

DOMINICA UNDECIMA
POST PENTECOSTEN

II classis**Antiphona ad Introitum****Ps. 67, 6-7 et 36**

Deus in loco sancto suo: Deus qui inhabitáre facit unánimes in domo: ipse dabit virtútem, et fortitúdinem plebi suæ. **Ps. ibid., 2** Exsúrgat Deus, et dissipéntur inimíci eius: et fúgiant, qui odérunt eum, a fácie eius. **V.** Glória Patri. **D**eus.

Oratio

Omnípotens sempitérne Deus, qui abundantia pietátis tuæ, et mérita súpplícum excédis et vota: ef-fúnde super nos misericórdiam tuam; ut dimíttas quæ consciéntia méruit, et adiicias quod orátio non præsumit. Per Dóminum.

Léctio Epístolæ beáti Pauli Apóstoli
ad Corínthios

1 Cor. 15, 1-10

Fratres: Notum vobis fácio Evangelium, quod prædicávi vobis, quod et accepístis, in quo et statis, per quod et salvámini: qua ratióne prædicáverim vobis, si tenétis, nisi frustra credidístis. Trádidí enim vobis in primis, quod et accepi: quóniam Christus mortuus est pro peccátis nostris secúndum Scriptúras: et quia sepúltus est, et quia resurrexit tértia die secúndum Scriptúras: et quia visus est Cephæ, et post hoc úndecim. Deínde visus est plus quam quingéntis frátribus simul, ex quibus multi manent usque adhuc, quidam autem dormiérunt. Deínde visus est Iacóbo, deínde Apóstolis ómnibus: novíssime autem ómnium tamquam abortívo, visus est et mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclesiám Dei. Grátia autem Dei sum id quod sum, et grátia eius in me vácuá non fuit.

Graduale Ps. 27, 7 et 1 In Deo sperávit cor meum, et adiútus sum: et reflóruit caro mea, et ex voluntáte mea confitébor illi. **V.** Ad te, Dómine, clamávi: Deus meus, ne síleas, ne discédas a me.

Allelúia, allelúia. **V. Ps. 80, 2-3** Exsultáte Deo adiutóri nostro, iubiláte Deo Iacob: súmíte psalmum iucúndum cum cíthara. Allelúia.

✠ Sequéntia sancti Evangélíi secúndum Marcum

Marc. 7, 31-37

In illo témpore: Exiens Iesus de finibus Tyri, venit per Sidónem ad mare Galilææ, inter médios fines Decapóleos. Et addúcunt ei surdum et mutum, et deprecabántur eum, ut impónat illi manum. Et apprehéndens eum de turba seórsum, misit dígitos suos in aurículas eius: et éxspuens, tétigit linguam eius: et suspíciens in cælum, ingémuit, et ait illi: Ephphetha, quod est adaperíre. Et statim apértæ sunt aures eius, et solútum est vínculum linguæ eius, et loquebátur recte. Et præcépít illis, ne cui dícerent. Quanto autem eis præcipiébat, tanto magis plus prædicábant: et eo ámplius admirabántur, dicéntes: Bene ómnia fecit: et surdos fecit audíre, et mutos loqui.

Credo.

Antiphona ad Offertorium

Ps. 29, 2-3

Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, et sanásti me.

Secreta

Réspice, Dómine, quæsumus, nostram propítius servitútem: ut, quod offérimus, sit tibi munus accéptum, et sit nostræ fragilitátis subsidium. Per Dóminum.

Præfatio de Ssma Trinitate.

Antiphona ad Communionem

Prov. 3, 9-10

Honóra Dóminum de tua substantia, et de primítiis frugum tuárum: et implebúntur hórrea tua saturitáte, et vino torculária redundábunt.

Postcommunio

Sentiámus, quæsumus, Dómine, tui perceptióne sacraménti, subsidium mentis et córporis: ut in utróque salváti, cæléstis remédii plenitúdine gloriémur. Per Dóminum.

DOMINICA DUODECIMA POST PENTECOSTEN

II classis

Antiphona ad Introitum

Ps. 69, 2-3

Deus, in adiutórium meum inténde: Dómine, ad adiuvándum me festína: confundántur et revereántur inimíci mei, qui quæerunt ánimam meam. **Ps. ibid., 4** Avertántur retrórsum, et erubescant: qui cógitant mihi mala. **V.** Glória Patri. **Deus.**

Oratio

Omnípotens et miséricors Deus, de cuius múnere venit, ut tibi a fidélibus tuis digne et laudabíliter serviátur: tríbue, quæsumus, nobis; ut ad promissiões tuas sine offensiõe currámus. Per Dóminum.

Léctio Epístolæ beáti Pauli Apóstoli ad Corínthios

2 Cor. 3, 4-9

Fratres: Fidúciam talem habémus per Christum ad Deum: non quod sufficiéntes simus cogitare áliquid a nobis, quasi ex nobis: sed sufficiéntia nostra ex Deo est: qui et idóneos nos fecit minístros novi testaménti: non líttera, sed spíritu:

littera enim occidit, spírítus autem vivíficat. Quod si ministrátio mortis, litteris deformáta in lapídibus, fuit in glória; ita ut non possent inténdere filii Israél in fáciem Móysi, propter glóriam vultus eius, quæ evacuátur: quómodo non magis ministrátio Spírítus erit in glória? Nam si ministrátio damnatiónis glória est: multo magis abúndat ministérium iustítiæ in glória.

Graduale Ps. 33, 2-3 Benedícam Dóminum in omni témpore: semper laus eius in ore meo. **℣.** In Dómino laudábitur ánima mea: áudiant mansuétí, et læténtur.

Allelúia, allelúia. **℣. Ps. 87, 2** Dómine Deus salútis meæ, in die clamávi et nocte coram te. Allelúia.

✠ Sequéntia sancti Evangélíi secúndum Lucam

Luc. 10, 23-37

In illo témpore: Dixit Iesus discí-pulis suis: Beáti óculi, qui vident quæ vos vidétis. Dico enim vobis, quod multi prophétæ et reges voluerunt vidére quæ vos vidétis, et non vidérunt: et audíre quæ audítis, et non audiérunt. Et ecce quidam legisperítus surréxit, tentans illum, et dicens: Magíster, quid faciéndó vitam ætérnam possidébo? At ille dixit ad eum: In lege quid scriptum est? quómodo legis? Ille respóndens, dixit: Díliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua: et próximum tuum sicut teípsum. Dixítque illi: Recte respondísti: hoc fac, et vives. Ille autem volens iustificáre seípsum, dixit ad Iesum: Et quis est meus

próxímus? Suscípíens autem Iesus, dixit: Homo quidam descendébat ab Ierúsalem in Iéricho, et incidit in latrónes, qui étiam despoliavérunt eum: et plagis impóstitis abiérunt, semivívo relícto. Accidit autem ut sacérdos quidam descénderet eádem via: et viso illo præterívit. Simíliter et levíta, cum esset secus locum, et vidéret eum, pertránsiit. Samaritánus autem quidam iter fáciens, venit secus eum: et videns eum, misericórdia motus est. Et apprópians alligávit vúlnera eius, infúndens óleum et vinum: et impónens illum in iuméntum suum duxit in stábulum, et curam eius egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum redíero, reddam tibi. Quis horum trium vidétur tibi próxímus fuisse illi, qui incidit in latrónes? At ille dixit: Qui fecit misericórdiam in illum. Et ait illi Iesus: Vade, et tu fac simíliter. **Credo.**

Antiphona ad Offertorium

Exodí 32, 11, 13 et 14

Precátus est Móyses in conspéctu Dómini Dei sui, et dixit: Quare, Dómine, irásceris in pópulo tuo? Parce iræ animæ tuæ: meménto Abraham, Isaac, et Iacob, quibus iurásti dare terram fluéntem lac et mel. Et placátus factus est Dóminus de malignitáte, quam dixit fácere pópulo suo.

Secreta

Hóstias, quæsumus, Dómine, propítius inténde, quas sacris altáribus exhibémus: ut nobis indulgéntiam largiéndó, tuo nómini dent honórem. Per Dóminum.

Præfatio de Ssma Trinitate.

Antiphona ad Communionem**Ps. 103, 13 et 14-15**

De fructu óperum tuórum, Dómine, satiábitur terra: ut edúcas panem de terra, et vinum lætíficet cor hóminis: ut exhílares fáciem in óleo, et panis cor hóminis confirmet.

Postcommunio

Vivíficet nos, quæsumus, Dómine, huius participatio sancta mysterii: et páriter nobis expiationem tríbuat, et munímen. Per Dóminum.

**DOMINICA DECIMA TERTIA
POST PENTECOSTEN**

II classis**Antiphona ad Introitum****Ps. 73, 20, 19 et 23**

Réspice, Dómine, in testaméntum tuum, et ánimas páuperum tuórum ne derelínquas in finem: exsúrge, Dómine, et iúdica causam tuam, et ne obliviscáris voces quæréntium te. **Ps. ibid., 1** Ut quid, Deus, repulísti in finem: irátus est furor tuus super oves páscuæ tuæ? **Ps.** Glória Patri. **R**éspice.

Oratio

Omnípotens sempitérne Deus, da nobis fidei, spei, et caritátis augméntum: et, ut mereámur ássequi quod promíttis, fac nos amáre quod præcipis. Per Dóminum.

Léctio Epístolæ beáti Pauli Apóstoli
ad Gálatas

Gal. 3, 16-22

Fratres: Abrahæ dictæ sunt promissiones, et sémini eius. Non dicit: Et semínibus, quasi in multis; sed quasi in uno: Et sémini tuo, qui est Christus. Hoc autem dico: testa-

méntum confirmátum a Deo, quæ post quadringéntos et trigínta annos facta est lex, non irritum facit ad evacuándam promissionem. Nam si ex lege heréditas, iam non ex promissione. Abrahæ autem per repro-missionem donávit Deus. Quid igitur lex? Propter transgressiónes pósita est donec veníret semen, cui promiserat, ordináta per Angelos in manu mediátoris. Mediátor autem unius non est: Deus autem unus est. Lex ergo advérsus promissa Dei? Absit. Si enim data esset lex, quæ posset vivificáre, vere ex lege esset iustítia. Sed conclúsit Scriptúra ómnia sub peccáto, ut promissio ex fide Iesu Christi darétur credéntibus.

Graduale Ps. 73, 20, 19 et 22 Réspice, Dómine, in testaméntum tuum: et ánimas páuperum tuórum ne obliviscáris in finem. **Ps.** Exsúrge, Dómine, et iúdica causam tuam: memor esto oppróbrii servórum tuórum.

Allelúia, allelúia. **Ps. 89, 1** Dómine, refúgium factus es nobis a generatione, et progénie. Allelúia.

✠ Sequéntia sancti Evangélíi secúndum Lucam

Luc. 17, 11-19

In illo témpore: Dum iret Iesus in Ierúsalem, transíbat per médiám Samaríam et Galilæam. Et cum ingrederétur quoddam castéllum, occurrérunt ei decem viri leprósi, qui stetérunt a longe; et levavérunt vocem dicéntes: Iesu præcéptor, misérere nostri. Quos ut vidit, dixit: Ite, osténdite vos sacerdotibus. Et factum est, dum irent, mundáti sunt. Unus autem ex illis, ut vidit quia mundátus est, regréssus est, cum magna voce magníficans Deum, et

cécidit in fáciem ante pedes eius, grátias agens: et hic erat Samaritá-nus. Respóndens autem Iesus, dixit: Nonne decem mundáti sunt? et no-vem ubi sunt? Non est invéntus qui redíret, et daret glóriam Deo, nisi hic alienígena. Et ait illi: Surge, vade; quia fides tua te salvum fecit.

Credo.

Antiphona ad Offertorium

Ps. 30, 15-16

In te sperávi, Dómine; dixi: Tu es Deus meus, in mánibus tuis témpora mea.

Secreta

Propitiáre, Dómine, pópulo tuo, propitiáre munéribus: ut hac oblatióne placátus, et indulgéntiam nobis tribuas, et postuláta concédas. Per Dóminum nostrum Iesum Chri-stum Fílium tuum: Qui tecum vivit et regnat.

Præfatio de Ssma Trinitate.

Antiphona ad Communionem

Sap. 16, 20

Panem de cælo dedísti nobis, Dómine, habéntem omne delectamén-tum, et omnem sapórem suavitátis.

Postcommunio

Sumptis, Dómine, cæléstibus sa-craméntis: ad redemptiónis ætérnæ, quæsumus, proficiámus augméntum. Per Dóminum.

DOMINICA DECIMA QUARTA POST PENTECOSTEN

II classis

Antiphona ad Introitum

Ps. 83, 10-11

Protéctor noster, áspice, Deus, et réspice in fáciem Christi tui: quia mélior est dies una in

átriis tuis super míllia. **Ps. ibid., 2-3** Quam dilécta tabernácula tua, Dómine virtútum! concupíscit, et déficit ánima mea in átria Dómini. **V.** Gló-ria Patri. **P.** Protéctor.

Oratio

Custódi, Dómine, quæsumus, Ec-clésiam tuam propitiatióne per-pétua: et quia sine te lábitur humana mortálitás; tuis semper auxiliis et abstrahátur a nóxiis, et ad salutária dirigátur. Per Dóminum.

Léctio Epístolæ beáti Pauli Apóstoli
ad Gálatas

Gal. 5, 16-24

Fratres: Spíritu ambuláte, et desi-déria carnis non perficiétis. Caro enim concupíscit advérsus spí-ritum, spíritus autem advérsus car-nem: hæc enim sibi ínvicem adver-sántur, ut non quæcúmque vultis, illa faciátis. Quod si spíritu ducí-mini, non estis sub lege. Manifésta sunt autem ópera carnis, quæ sunt fornicátio, immundítia, impudicítia, luxúria, idolórum sérvitus, venefí-cia, inimicítia, contentiónes, æmu-latiónes, iræ, rixæ, dissensiónes, se-ctæ, invídiæ, homicídia, ebrietátes, comessatiónes, et his simília: quæ prædico vobis, sicut prædíxi: quo-niam, qui tália agunt, regnum Dei non consequéntur. Fructus autem Spíritus est: cáritas, gáudium, pax, paciéntia, benígnitas, bónitas, longa-nímitas, mansuetúdo, fides, modé-stia, continéntia, cástitas. Advérsus huiúsmodi non est lex. Qui autem sunt Christi, carnem suam crucifixé-runt cum vítiis et concupiscéntiis.

Graduale Ps. 117, 8-9 Bonum est confidere in Dómino, quam confi-dere in hómine. **V.** Bonum est spe-

rare in Dómino, quam sperare in principibus.

Allelúia, allelúia. *V. Ps. 94, 1* Veníte, exsultemus Dómino, iubilémus Deo salutári nostro. Allelúia.

✠ Sequéntia sancti Evangélii secundum Matthæum

Matth. 6, 24-33

In illo témpore: Dixit Iesus discipulis suis: Nemo potest duóbus dóminis servíre: aut enim unum ódio habébit, et álterum díliget: aut unum sustinébit, et álterum contémet. Non potéstis Deo servíre, et mammónæ. Ideo dico vobis, ne solliciti sitis ánimæ vestræ quid manducétis, neque córpori vestro quid induámini. Nonne ánima plus est quam esca: et corpus plus quam vestiméntum? Respícite volatília cæli, quóniam non serunt, neque metunt, neque cóngregant in hórrea: et Pater vester cæléstis pascit illa. Nonne vos magis pluris estis illis? Quis autem vestrum cógitans potest adiícere ad statúram suam cúbitum unum? Et de vestiménto quid solliciti estis? Consideráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fænum agri, quod hódie est, et cras in clíbanum míttitur, Deus sic vestit: quanto magis vos módicæ fidei? Nolíte ergo solliciti esse, dicéntes: Quid manducábimus, aut quid bibémus, aut quo operiémur? Hæc enim ómnia gentes inquírunť. Scit enim Pater vester, quia his ómnibus indigétis. Quærite ergo primum regnum Dei, et iustítiam eius: et hæc ómnia adiiciéntur vobis. **C**redo.

Antiphona ad Offertorium

Ps. 33, 8-9

Immíttet Angelus Dómini in circúitu timéntium eum, et erípiet eos: gustáte, et vidéte, quóniam suávis est Dóminus.

Secreta

Concéde nobis, Dómine, quæsumus, ut hæc hóstia salutáris, et nostrórum fiat purgátio delictórum, et tuæ propitiátio potestátis. Per Dóminum nostrum.

Præfatio de Ssma Trinitate.

Antiphona ad Communionem

Matth. 6, 33

Primum quærite regnum Dei, et ómnia adiiciéntur vobis, dicit Dóminus.

Postcommunio

Puríficent semper et múniant tua sacraménta nos, Deus: et ad perpétuæ ducant salvatiónis efféctum. Per Dóminum.

DOMINICA DECIMA QUINTA POST PENTECOSTEN

II classis

Antiphona ad Introitum

Ps. 85, 1 et 2-3

Inclína, Dómine, aurem tuam ad me, et exáudi me: salvum fac servum tuum, Deus meus, sperántem in te: miserére mihi, Dómine, quóniam ad te clamávi tota die. *Ps. ibid., 4* Lætífica ánimam servi tui: quia ad te, Dómine, ánimam meam levávi. *V.* Glória Patri. **I**nclína.

Oratio

Ecclésiā tuā, Dōmine, miserā-
tio continuāta mundet et mū-
niat: et quia sine te non potest salva
consistere; tuo semper mūnere gu-
bernētur. Per Dōminum.

Lectio Epistolae beati Pauli Apostoli
ad Galatas

Galat. 5, 25-26; 6, 1-10

Fratres: Si spīritu vivimus, spī-
ritu et ambulēmus. Non efficiā-
mur inānis glōriāe cūpidi, invicem
provocāntes, invicem invidētes.
Fratres, et si praeoccupātus fūerit
homo in aliquo delicto, vos, qui spi-
rituāles estis, huiusmodi instruite in
spīritu lenitātis, considerans tēp-
sum, ne et tu tentēris. Alter altērius
ōnera portāte, et sic adimplēbitis le-
gem Christi. Nam si quis existimat
se aliquid esse, cum nihil sit, ipse se
sedūcit. Opus autem suum probet
unusquisque, et sic in semetipso tan-
tum glōriam habēbit, et non in al-
tero. Unusquisque enim onus suum
portābit. Commūnicet autem is, qui
catechizātur verbo, ei, qui se cate-
chizat, in omnibus bonis. Nolite
errāre: Deus non irridētur. Quae
enim semināverit homo, haec et me-
tet. Quoniam qui sēminat in carne
sua, de carne et metet corruptiōnem:
qui autem sēminat in spīritu, de spī-
ritu metet vitam aeternam. Bonum
autem faciētes, non deficiāmus:
tēpore enim suo metēmus, non de-
ficiētes. Ergo dum tempus habē-
mus, operēmur bonum ad omnes,
māxime autem ad domesticos fidei.

Graduale Ps. 91, 2-3 Bonum est
confitēri Dōmino: et psāllere nōmini
tuo, Altissime. *Ps.* Ad annuntiāndum
mane misericōrdiam tuam, et veritā-
tem tuam per noctem.

Allelūia, allelūia. *Ps. 94, 3*
Quoniam Deus magnus Dōminus,
et Rex magnus super omnem ter-
ram. Allelūia.

✠ Sequētia sancti Evangēlii se-
cūndum Lucam

Luc. 7, 11-16

In illo tēpore: Ibat Iesus in civi-
tatem, quae vocātur Naim: et
ibant cum eo discipuli eius, et turba
copiōsa. Cum autem appropinquā-
ret portae civitātis, ecce defūctus
efferebātur filius unicū matris suae:
et haec vīdua erat: et turba civitātis
multa cum illa. Quam cum vidisset
Dōminus, misericōrdia motus super
eam, dixit illi: Noli flere. Et accēs-
sit, et tētiguit lōculum. (Hi autem, qui
portābant, stetērunt.) Et ait: Adolē-
scens, tibi dico, surge. Et resēdit qui
erat mōrtuus, et cōepit loqui. Et dedit
illum matri suae. Accēpit autem om-
nes timor: et magnificābant Deum,
dicētes: Quia prophēta magnus
surrēxit in nobis: et quia Deus visi-
tāvit plebem suam. **Credo.**

Antiphona ad Offertorium

Ps. 39, 2, 3 et 4

Exspēctans expectāvi Dōminum,
et respēxit me: et exaudīvit depreca-
tiōnem meam: et immisit in os meum
cānticum novum, hymnum Deo no-
stro.

Secreta

Tua nos, Dōmine, sacramēta cu-
stōdiant: et contra diabólicos
semper tueāntur incūrsus. Per Dō-
minum.

Præfatio de Sma Trinitate.

Antiphona ad Communionem

Ioann. 6, 52

Panis, quem ego dédero, caro mea
est pro sēcūli vita.

Postcommunio

Mentes nostras, et cōrpora possideat, quāsumus, Dōmine, doni cālestis operatio: ut non noster sensus in nobis, sed iūgiter eius prāveniāt effectus. Per Dōminum.

DOMINICA DECIMA SEXTA
POST PENTECOSTEN

II classis

Antiphona ad Introitum

Ps. 85, 3 et 5

Miserere mihi, Dōmine, quoniam ad te clamavi tota die: quia tu, Dōmine, suavis ac mitis es, et copiosus in misericordia omnibus invocantibus te. **Ps. ibid., 1** Inclina, Dōmine, aurem tuam mihi, et exaudi me: quoniam inops, et pauper sum ego. **V.** Glória Patri. **M**iserere.

Oratio

Tua nos, quāsumus, Dōmine, grātia semper et prāveniāt et sequatur: ac bonis opēribus iūgiter prāestet esse intētos. Per Dōminum.

Lectio Epistolae beāti Pauli Apóstoli
ad Ephésios

Ephes. 3, 13-21

Fratres: Obsecro vos, ne deficiātis in tribulationibus meis pro vobis: quae est glória vestra. Huius rei grātia flecto gēnua mea ad Patrem Dōmini nostri Iesu Christi, ex quo omnis paternitas in cālis et in terra nominatur, ut det vobis secūndum divitias glóriæ suæ, virtūte corroborari per Spīritum eius in interiorem hōminem, Christum habitare per fidem in cōrdibus vestris: in caritate

radicati, et fundati, ut possitis comprehendere cum omnibus sanctis, quae sit latitudo, et longitudo, et sublimitas, et profundum: scire etiam supereminentem scientiae caritatem Christi, ut impleamini in omnem plenitudinem Dei. Ei autem, qui potens est omnia facere superabundanter quam petimus, aut intelligimus, secūndum virtutem, quae operatur in nobis: ipsi glória in Ecclesia, et in Christo Iesu, in omnes generationes saeculi saeculorum. Amen.

Graduale Ps. 101, 16-17 Timébunt gentes nomen tuum, Dōmine, et omnes reges terrae glóriam tuam. **V.** Quoniam aedificavit Dōminus Sion, et videbitur in maiestate sua.

Allelúia, allelúia. **V. Ps. 97, 1** Cantate Dōmino cānticum novum: quia mirabilia fecit Dōminus. Allelúia.

✠ Sequēntia sancti Evangēlii secūndum Lucam

Luc. 14, 1-11

In illo tēpore: Cum intrāret Iesus in domum cuiusdam principis pharisaeorum sabbato manducare panem, et ipsi observabant eum. Et ecce homo quidam hydrópicus erat ante illum. Et respōdens Iesus dixit ad legisperitos et pharisaeos, dicens: Si licet sabbato curare? At illi tacuerunt. Ipse vero apprehensum sanavit eum, ac dimisit. Et respōdens ad illos, dixit: Cuius vestrum āsinus, aut bos in pūteum cadet, et non continuo extrahet illum die sabbati? Et non póterant ad hāc respondere illi. Dicebat autem et ad invitatos parabolam, intēdens quomodo primos accūbitus eligerent, dicens ad illos: Cum invitatus fueris ad nūptias, non discumbas in primo loco, ne forte honoratior te sit invi-

tátus ab illo, et véniens is, qui te, et illum vocávit, dicat tibi: Da huic locum: et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco: ut, cum vénerit qui te invitávit, dicat tibi: Amíce, ascénde supérius. Tunc erit tibi glória coram simul discumbéntibus: quia omnis, qui se exáltat, humiliábitur, et qui se humiliat, exaltábitur. **Credo.**

Antiphona ad Offertorium

Ps. 39, 14 et 15

Dómine, in auxílium meum respice: confundántur et revereántur, qui quæerunt ánimam meam, ut áuferant eam: Dómine, in auxílium meum respice.

Secreta

Munda nos, quæsumus, Dómine, sacrificii præsentis efféctu: et pérfice miserátus in nobis; ut eius mereámur esse partícipes. Per Dóminum nostrum.

Præfatio de Sma Trinitate.

Antiphona ad Communionem

Ps. 70, 16-17 et 18

Dómine, memorábor iustítiæ tuæ solíus: Deus, docuísti me a iuventúte mea: et usque in senéctam et senium, Deus, ne derelínquas me.

Postcommunio

Purífica, quæsumus, Dómine, mentes nostras benígnus, et rénova cæléstibus sacraméntis: ut consequénter et córporum præsens páriter, et futúrum capiámus auxílium. Per Dóminum.

DOMINICA DECIMA SEPTIMA POST PENTECOSTEN

II classis

Antiphona ad Introitum

Ps. 118, 137 et 124

Iustus es, Dómine, et rectum iudícium tuum: fac cum servo tuo secúndum misericórdiam tuam. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **Iustus.**

Oratio

Da, quæsumus, Dómine, pópulo tuo diabólica vitáre contágia: et te solum Deus pura mente sectária. Per Dóminum.

Léctio Epístolæ beáti Pauli Apóstoli ad Ephésios

Ephes. 4, 1-6

Fratres: Obsecro vos ego vinctus in Dómino, ut digne ambulétis vocatióne, qua vocáti estis, cum omni humilitáte, et mansuetúdine, cum paciéntia, supportántes invicem in caritáte, solliciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Qui est benedíctus in sæcula sæculórum. Amen.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. **V.** Verbo Dómini cæli firmáti sunt: et spíritu oris eius omnis virtus eórum.

Allelúia, allelúia. **V. Ps. 101, 2** Dómine, exáudi oratiónem meam, et clamor meus ad te pervéniat. Allelúia.

✠ Sequéntia sancti Evangélii secúndum Matthæum

Matth. 22, 34-46

In illo témpore: Accessérunt ad Iesum pharisæi: et interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Iesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem símile est huic: Díliges próximum tuum sicut teípsum. In his duóbus mandátis univérſa lex pendet, et prophétæ. Congregá-tis autem pharisæis, interrogávit eos Iesus, dicens: Quid vobis vidétur de Christo? cuius filius est? Dicunt ei: David. Ait illis: Quómodo ergo David in spíritu vocat eum Dóminum, dicens: Dixit Dóminus Dómino meo: Sede a dextris meis, donec ponam inimícos tuos scabéllum pedum tuórum? Si ergo David vocat eum Dóminum, quómodo filius eius est? Et nemo póterat ei respondére verbum: neque ausus fuit quisquam ex illa die eum ámplius interrogáre.

Credo.

Antiphona ad Offertorium

Dan. 9, 17, 18 et 19

Orávi Deum meum ego Dániel, dicens: Exáudi, Dómine, preces servi tui: illúmina fáciem tuam super sanctuárium tuum: et propítius inténde pópulum istum, super quem invocátum est nomen tuum, Deus.

Secreta

Maiestátem tuam, Dómine, suppliciter deprecámur: ut hæc sancta, quæ gérimus, et a præteritis nos delíctis éxuant, et futúris. Per Dóminum.

Præfatio de Ssma Trinitate.

Antiphona ad Communionem

Ps. 75, 12-13

Vovéte, et réddite Dómino Deo vestro omnes, qui in circúitu eius affértis múnera: terríbili, et ei qui aufert spíritum princípum: terríbili apud omnes reges terræ.

Postcommunio

Sanctificatióibus tuis, omnípotens Deus, et vítia nostra curen-tur, et remédia nobis æténa provéniant. Per Dóminum.

FERIA QUARTA QUATUOR TEMPORUM SEPTEMBRIS

II classis

Statio ad S. Mariam maiorem

Antiphona ad Introitum

Ps. 80, 2, 3, 4 et 5

Exultáte Deo adiutóri nostro: iubiláte Deo Iacob: súmíte psalmum iucúndum cum cíthara: cánite in inítio mensis tuba, quia præcéptum in Israél est, et iudícium Deo Iacob. **Ps. ibid., 6** Testimónium in Ioseph pósuit illud, cum exíret de terra Ægýpti: linguam, quam non nóverat, audívit. **V.** Gló-ria Patri. **Exsultáte.**

Post Kýrie, eléison, dicitur:
Orémus. Flectámus génua.
Leváte.

Oratio

Misericórdiæ tuæ remédiis, quæsumus, Dómine, fragílitas nostra subsístat: ut, quæ sua condi-tióne attéritur, tua cleméntia repa-rétur. Per Dóminum.

Præcedens oratio sine Flectámus génua sumitur ad commemorandam feriam IV Quatuor Temporum.

Lectio Amos Prophetae

Amos 9, 13-15

Haec dicit Dominus Deus: Ecce dies veniunt: et comprehendet arator messorem, et calcator uvae mittentem semen: et stillabunt montes dulcedinem, et omnes colles culti erunt. Et convertam captivitatem populi mei Israel: et aedificabunt civitates desertas, et inhabitabunt: et plantabunt vineas, et bibent vinum earum: et facient hortos, et comedent fructus eorum. Et plantabo eos super humum suam: et non evellam eos ultra de terra sua, quam dedi eis: dicit Dominus Deus tuus.

Graduale Ps. 112, 5-7 Quis sicut Dominus Deus noster, qui in altis habitat, et humilia respicit in caelo, et in terra? **V.** Suscitans a terra inopem, et de stercore erigens pauperem.

Hic dicitur V. Dominus vobiscum, **sine** Flectamus genua.

Orémus.

Oratio

Praesta, quaesumus, Domine, familiae tuae supplicanti: ut, dum a cibis corporalibus se abstinet, a vitiis quoque mente ieiunet. Per Dominum nostrum.

Et dicuntur aliae orationes forte occurrentes.

Lectio libri Esdrae

Neh. vel 2 Esdr. 8, 1-10

In diebus illis: Congregatus est omnis populus quasi vir unus ad plateam, quae est ante portam aquarum: et dixerunt Esdrae scribae, ut afferret librum legis Moysi, quam praeceperat Dominus Israel. Attulit ergo Esdras sacerdos legem coram multitudine virorum et mulierum, cunctisque qui poterant intelligere, in die prima mensis septimi. Et legit in eo aperte in platea,

quae erat ante portam aquarum, de mane usque ad mediam diem, in conspectu virorum, et mulierum, et sapientium: et aures omnis populi erant erectae ad librum. Stetit autem Esdras scriba super gradum ligneum, quem fecerat ad loquendum. Et aperuit librum coram omni populo: super universum quippe populum eminabat: et cum aperuisset eum, stetit omnis populus. Et benedixit Esdras Domino Deo magno: et respondit omnis populus: Amen, Amen: elevans manus suas: et incurvati sunt, et adoraverunt Deum proni in terram. Porro levitae silentium faciebant in populo ad audiendam legem: populus autem stabat in gradu suo. Et legérunt in libro legis Dei distincte, et aperte ad intellegendum: et intellexerunt cum legeretur. Dixit autem Nehemias, et Esdras sacerdos et scriba, et levitae interpretantes universo populo: Dies sanctificatus est Domino Deo nostro, nolite lugere, et nolite flere. Et dixit eis: Ite, comedite pingua, et bibite mulsum, et mittite partes his, qui non preparaverunt sibi: quia sanctus dies Domini est, et nolite contristari: gaudium etenim Domini est fortitudo nostra.

Graduale Ps. 32, 12 et 6 Beata gens, cuius est Dominus Deus eorum: populus, quem elegit Dominus in hereditatem sibi. **V.** Verbo Domini caeli firmati sunt: et spiritu oris eius omnis virtus eorum.

✠ Sequentia sancti Evangelii secundum Marcum

Marc. 9, 16-28

In illo tempore: Respondens unus de turba, dixit ad Iesum: Magister, attuli filium meum ad te,

habentem spiritum mutum: qui ubi-
cunque eum apprehenderit, allidit
illum, et spumat, et stridet dentibus,
et aréscit: et dixi discipulis tuis, ut
eiicerent illum, et non potuerunt.
Qui respondens eis, dixit: O generá-
tio incrédula, quámdiu apud vos
ero? quámdiu vos pátiar? Afférte
illum ad me. Et attulérunt eum. Et
cum vidisset eum, statim spiritus
conturbávit illum: et elísus in ter-
ram, volutabátur spumans. Et in-
terrogávit patrem eius: Quantum
témporis est, ex quo ei hoc áccidit?
At ille ait: Ab infántia: et frequén-
ter eum in ignem, et in aquas misit,
ut eum pérderet. Sed si quid potes,
ádiuva nos, misértus nostri. Iesus
autem ait illi: Si potes credere, óm-
nia possibília sunt credénti. Et
contínuo exclámans pater púeri,
cum lácrimis aiébat: Credo, Dómi-
ne: ádiuva incredulitátem meam. Et
cum vidéret Iesus concurréntem
turbam, comminátus est spirítui
immúndo, dicens illi: Surde et mute
spíritus, ego præcípío tibi, exi ab eo:
et ámplius ne intróeas in eum. Et
exclámans, et multum discérpens
eum, éxiit ab eo, et factus est sicut
mórtuus, ita ut multi dicerent: Quia
mórtuus est. Iesus autem tenens
manum eius, elevávit eum, et sur-
réxit. Et cum introísset in domum,
discípuli eius secréto interrogábant
eum: Quare nos non potúimus eií-
cere eum? Et dixit illis: Hoc genus in
nullo potest exíre, nisi in oratióne et
ieiúnio.

Antiphona ad Offertorium

Ps. 118, 47 et 48

Meditábor in mandátis tuis, quæ
diléxi valde: et levábo manus meas
ad mandáta tua, quæ diléxi.

Secreta

Hæc hóstia, Dómine, quæsumus,
emúndet nostra delícta: et ad
sacrificium celebrándum, subditó-
rum tibi cörpera, mentésque sanctí-
ficet. Per Dóminum.

Antiphona ad Communionem

2 Esdr. 8, 10

Comédite pínguia, et bíbite mul-
sum, et míttite partes his, qui non
præparavérunt sibi: sanctus enim
dies Dómini est, nolíte contristári:
gáudium étenim Dómini est forti-
túdo nostra.

Postcommunio

Suméntes, Dómine, dona cæléstia,
suppliciter deprecámur: ut, quæ
sédula servitúte donánte te gérimus,
dignis sénsibus tuo múnere capiá-
mus. Per Dóminum.

FERIA SEXTA QUATUOR TEMPORUM SEPTEMBRIS

II classis

Statio ad Ss. duodecim Apostolos

Antiphona ad Introitum

Ps. 104, 3-4

Lætétur cor quæréntium Dómi-
num: quærite Dóminum, et
confirmámini: quærite fáciem
eius semper. **Ps. ibid., 1** Confitémini
Dómino, et invocáte nomen eius: an-
nuntiáte inter gentes ópera eius.
V. Glória Patri. **Lætétur.**

Oratio

Præsta, quæsumus, omnípotens
Deus: ut observatiónes sacras
ánnea devotióne recoléntes, et cór-
pore tibi placeámus, et mente. Per
Dóminum.

Lectio Osée Prophétæ

Osee 14, 2-10

Hæc dicit Dóminus Deus: Convertere Israël ad Dóminum Deum tuum: quóniam corruísti in iniquitate tua. Tóllite vobíscum verba, et convertimini ad Dóminum, et dícite ei: Omnem aufer iniquitatem, áccipe bonum: et reddémus vítulos labiórurum nostrórum. Assur non salvábit nos, super equum non ascendémus, nec dicémus ultra: Dii nostri ópera mánuum nostrárum: quia eius, qui in te est, miseréberis pupilli. Sanábo contritiónes eórum, díligam eos spontáneae: quia avérsus est furor meus ab eis. Ero quasi ros, Israël germinábit sicut lílium, et erúmpet radix eius ut Líbani. Ibunt rami eius, et erit quasi olíva glória eius: et odor eius ut Líbani. Converténtur sedéntes in umbra eius: vivent trítico, et germinábunt quasi vínea: memoriále eius sicut vinum Líbani. Ephraïm quid mihi ultra idóla? ego exáudiam, et dírigam eum ego ut abíetem viréntem: ex me fructus tuus invéntus est. Quis sápiens, et intélleget ista? intéllegens, et sciet hæc? Quia rectæ viæ Dómini, et iusti ambulábunt in eis: prævaricatóres vero córruent in eis.

Graduale Ps. 89, 13 et 1 Convertere, Dómine, aliquántulum, et deprecáre super servos tuos. **V.** Dómine, refúgium factus es nobis, a generatióne et progénie.

✠ Sequéntia sancti Evangélíi secúndum Lucam

Luc. 7, 36-50

In illo témpore: Rogábat Iesum quidam de pharisæis, ut mandu-

cáret cum illo. Et ingrèssus domum pharisæi, discúbuit. Et ecce múlíer, quæ erat in civitaté peccátrix, ut cognóvit, quod accubuisset in domo pharisæi, áttulit alabástrum unguénti: et stans retro secus pedes eius, lácrimis coepit rigáre pedes eius, et capillis cápitis sui tergébat, et osculabátur pedes eius, et unguénto ungébat. Videns autem pharisæus, qui vocáverat eum, ait intra se, dicens: Hic si esset prophéta, sciret útique, quæ et qualis est múlíer, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquíd dícere. At ille ait: Magíster, dic. Duo debitóres erant cuídám fæneratóri: unus débébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Recte iudicásti. Et convérsus ad mulíerem, dixit Simóni: Vides hanc mulíerem? Intrávi in domum tuam, aquam pédibus meis non dedísti: hæc autem lácrimis rigávit pedes meos, et capillis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et coepérunt, qui simul accumbébant, dícere intra se: Quis est hic, qui étiam peccáta dimíttit? Dixit autem ad mulíerem: Fides tua te salvam fecit: vade in pace.

Antiphona ad Offertorium

Ps. 102, 2 et 5

Benedic, ánima mea, Dómino, et noli oblivísci omnes retributiónes eius: et renovábitur, sicut áquilæ, iuvéntus tua.

Secreta

Accépta tibi sint, Dómine, quæsumus, nostri dona ieiúnii: quæ et expiándo nos tua grátia dignos efficiant, et ad sempitérna promissa perdúcant. Per Dóminum.

Antiphona ad Communionem

Ps. 118, 22 et 24

Aufer a me oppróbrium et contéptum, quia mandáta tua exquisívi, Dómine: nam et testimónia tua meditatio mea est.

Postcommunio

Quæsumus, omnipotens Deus: ut de percéptis munéribus grátias exhibéntes, beneficia potióra sumámus. Per Dóminum.

Antiphona ad Introitum

Ps. 94, 6-7

Veníte, adorémus Deum, et procidámus ante Dóminum, plorémus ante eum, qui fecit nos: quia ipse est Dóminus Deus noster. **Ps. ibid., 1** Veníte, exsultémus Dómino: iubilémus Deo salutári nostro. **V.** Glória Patri. **V**eníte.

Post Kýrie, eléison, **dicitur:**
Orémus. Flectámus génua.
Leváte.

Oratio

Omnípotens sempitérne Deus, qui per continéntiam salutárem corpóribus medéris et méntibus: maiestátem tuam súplices exorámus; ut pia ieiunántium deprecacióné placátus, et præsentia nobis subsidia tríbuas, et futúra. Per Dóminum.

Præcedens oratio sumitur ad commemorandum sabbatum Quatuor Temporum.

Lectio libri Levítici

Levit. 23, 26-32

In diébus illis: Locútus est Dóminus ad Móysen, dicens: Décimo die mensis huius séptimi, dies expiatiónum erit celebérrimus, et vocábitur sanctus: affligetisque ánimas vestras in eo, et offerétis holocáustum Dómino. Omne opus servíle non faciétis in témpore diéi huius: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: et quæ óperis quídpian fécit, delébo eam de pópulo suo. Nihil ergo óperis faciétis in eo: legítimum sempitérnus erit vobis in cunctis generatióibus, et habitatióibus vestris. Sabbatum requiatiónis est, et affligetis ánimas ve-

SABBATO QUATUOR TEMPORUM SEPTEMBRIS**II classis**

Statio ad S. Petrum

FORMA MISSÆ LONGIOR

Hæc forma adhibenda est in Missa conventuali et in Missa in qua Ordines conferuntur; in ceteris Missis adhiberi potest forma brevior, ut infra 402.

In sabbato Quatuor Temporum Missa in qua Ordines conferuntur dicenda est de sabbato, etiam festo I vel II classis occurrente, et in ea additur oratio ritualis "In collatione Ordinum" (76) sub unica conclusione cum oratione quæ sequitur Dominus vobiscum, et omittuntur omnes commemorationes, nisi sint privilegiatæ.

stras die nono mensis: a véspera usque ad vésperam celebrábitis sábbata vestra: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutaris noster: et propter honórem nóminis tui, Dómine, libera nos.

Orémus. Flectámus génua.
Leváte.

Oratio

Da nobis, quæsumus, omnípotens Deus: ut ieiunádo, tua grátia satiémur; et abstinédo, cunctis efficiámur hóstibus fortióres. Per Dóminum.

Léctio libri Levítici

Levit. 23, 39-43

In diébus illis: Locútus est Dóminus ad Móysen, dicens: A quinto-décimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus: die primo et die octávo erit sábbatum, id est réquies. Sumetisque vobis die primo fructus árboris pulchérrimæ, spatulásque palmárum, et ramos ligni densárum fróndium, et sálices de torrén-te, et lætabímini coram Dómino Deo vestro. Celebrabitisque solemnitátem eius septem diébus per annum: legítimum sempitérnum erit in generatiónibus vestris. Mense séptimo festa celebrábitis, et habitábitis in umbráculis septem diébus. Omnis, qui de génere est Israël, manébit in tabernáculis: ut discant pósteri vestri, quod in tabernáculis habitáre fécerim filios Irsaël, cum edúcerem eos de terra Ægýpti. Ego Dóminus Deus vester.

Graduale Ps. 83, 10 et 9 Protéctor noster, áspice, Deus, et réspice super servos tuos. **V.** Dómine Deus virtútum, exáudi preces servórum tuórum.

Orémus. Flectámus génua.
Leváte.

Oratio

Tuére, quæsumus, Dómine, familiam tuam: ut salútis ætérnæ remédia, quæ te inspiránte requírimus, te largiénte consequámur. Per Dóminum nostrum.

Léctio Michææ Prophétæ

Mich. 7, 14, 16 et 18-20

Dómine Deus noster, pasce pópulum tuum in virga tua, gregem hereditátis tuæ, habitántes solos in saltu, iuxta dies antiquos. Vidébunt gentes, et confundéntur super omni fortitúdine sua. Quis Deus símilis tui, qui aufers iniquitátem, et transis peccátum reliquiárum hereditátis tuæ? Non immíttet ultra furórem suum, quóniam volens misericórdiam est. Revertétur, et miserébitur nostri: depónet iniquitátes nostras, et proíciét in profúndum maris ómnia peccáta nostra. Dabis veritátem Iacob, misericórdiam Abraham: quæ iurásti pátribus nostris a diébus antiquis: Dómine Deus noster.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V.** Dómine, refúgium factus es nobis, a generatióne et progénie.

Orémus. Flectámus génua.
Leváte.

Oratio

Præsta, quæsumus, Dómine, sic nos ab épulis abstinére carnálibus: ut a vítiis irruéntibus páriter ieiunémus. Per Dóminum.

Léctio Zachariæ Prophætæ

Zach. 8, 14-19

In diébus illis: Factum est verbum Dómini ad me, dicens: Hæc dicit Dóminus exercítium: Sicut cogitávi, ut afflígerem vos, cum ad iracúndiam provocássent patres vestri me, dicit Dóminus, et non sum misértus: sic convérsus cogitávi in diébus istis, ut benefáciam dómui Iuda et Ierúsalem: nolíte timére. Hæc sunt ergo verba, quæ faciétis: Loquimini veritátem, unusquisque cum próximo suo: veritátem, et iudícium pacis iudicáte in portis vestris. Et unusquisque malum contra amicum suum ne cogitétis in córdibus vestris: et iuraméntum mendax ne diligátis: ómnia enim hæc sunt, quæ odi, dicit Dóminus. Et factum est verbum Dómini exercítium ad me, dicens: Hæc dicit Dóminus exercítium: Ieiúnium quarti, et ieiúnium quinti, et ieiúnium séptimi, et ieiúnium décimi erit dómui Iuda in gáudium, et lætítiam, et in solemnitátes præcláras: veritátem tantum, et pacem dilígite: dicit Dóminus exercítium.

Graduale Ps. 140, 2 Dirigátur orátio mea sicut incénsum in conspéctu tuo, Dómine. **V.** Elevátio mánuum meárum sacrificium vespertínium.

Orémus. Flectámus génua.
Leváte.

Oratio

Ut nobis, Dómine, tríbuis solémne tibi deférre ieiúnium: sic

nobis, quæsumus, indulgéntiæ præsta subsidium. Per Dóminum.

Léctio Daniélis Prophætæ

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem: et erúpit, et incéndit quos réperit iuxta fornácem de Chaldæis ministros regis, qui eam incendebant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus

Dan. ibid., 52-56

Benedíctus es, Dómine Deus patrum nostrórum. Et laudábilis, et gloriósus in sæcula.

Et benedíctum nomen glóriæ tuæ, quod est sanctum. Et laudábile, et gloriósum in sæcula.

Benedíctus es in templo sancto glóriæ tuæ. Et laudábilis, et gloriósus in sæcula.

Benedíctus es super thronum sanctum regni tui. Et laudábilis, et gloriósus in sæcula.

Benedíctus es super sceptrum divinitátis tuæ. Et laudábilis, et gloriósus in sæcula.

Benedíctus es qui sedes super Chérubim, íntuens abyssos. Et laudábilis, et gloriósus in sæcula.

Benedíctus es qui ámbulas super pennas ventórum, et super undas maris. Et laudábilis, et gloriósus in sæcula.

Benedícant te omnes Angeli, et Sancti tui. Et laudent te, et glorífícent in sæcula.

Benedícant te cæli, terra, mare, et ómnia quæ in eis sunt. Et laudent te, et glorífícent in sæcula.

Glória Patri, et Fílio, et Spirítui Sancto. Et laudábili, et glorióso in sæcula.

Sicut erat in princípíio, et nunc, et semper: et in sæcula sæculórum. Amen. Et laudábili, et glorióso in sæcula.

Benedíctus es, Dómine Deus patrum nostrórum. Et laudábilis, et gloriósus in sæcula.

Hic dicitur V. Dóminus vobíscum, sine Flectámus gēnua.

Orémus.

Oratio

Deus, qui tribus púeris mitigásti flammās ígnium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Hebræos

Hebr. 9, 2-12

Fratres: Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctórum: áureum habens thuríbulum, et arcam testaménti circumtéctam ex omni parte auro, in qua urna áurea habens manna, et virga Aaron, quæ frondúerat, et tábulæ testaménti, supérque eam erant Chérubim glóriæ obumbrántia propitiatórium: de quibus non est modo dicéndum per síngula. His vero ita compósitis: in prióri quidem tabernáculo sem-

per introíbant sacerdótes, sacrifici-
órum offícia consummántes: in se-
cúndo autem semel in anno solus
póntifex, non sine ságuine, quem
offert pro sua et pópuli ignorántia:
hoc significánte Spíritu Sancto, non-
dum propalátam esse sanctórum
viam, adhuc prióre tabernáculo ha-
bénte statum. Quæ parábola est
témporis instántis: iuxta quam mú-
nera, et hóstiæ offerúntur, quæ non
possunt iuxta consciéntiam perfé-
ctum fácere serviéntem, solúmmodo
in cibis, et in pótibus, et váriis
baptismátibus, et iustítiis carnis us-
que ad tempus correctiónis impósi-
tis. Christus autem assístens pónti-
fex futurórum bonórum, per ámpli-
us et perféctius tabernáculum non
manufáctum, id est, non huius crea-
tiónis; neque per ságuinem hircó-
rum aut vitulórum, sed per própri-
um ságuinem introívit semel in
Sancta, ætéRNA redemptióne in-
vénta.

Tractus Ps. 116, 1-2 Laudáte Dómi-
num, omnes gentes: et collaudáte
eum, omnes pópuli. *V.* Quóniam con-
firmáta est super nos misericórdia
eius: et véritas Dómini manet in
ætérum.

✠ Sequéntia sancti Evangélii se-
cúndum Lucam

Luc. 13, 6-17

In illo témpore: Dicébat Iesus tur-
bis hanc similitúdinem: Arbo-
rem fici habébat quidam plantátam
in vínea sua, et venit quærens fru-
ctum in illa, et non invénit. Dixit au-
tem ad cultórem víneæ: Ecce anni
tres sunt ex quo vénio quærens fru-
ctum in ficúlnea hac, et non invénio:
succíde ergo illam: ut quid étiam
terram óccupat? At ille respóndens,
dicit illi: Dómine, dímítte illam et

hoc anno, usque dum fódiam circa illam, et mittam stércora: et si quidem fécerit fructum: sin autem, in futúrum succídes eam. Erat autem docens in synagóga eórum sábbatis. Et ecce múlter, quæ habébat spíritum infirmitátis annis decem et octo: et erat inclináta, nec omnino póterat sursum respícere. Quam cum vidéret Iesus, vocávit eam ad se, et ait illi: Múlter, dimíssa es ab infirmitáte tua. Et impósuit illi manus, et conféstim erécta est, et glori ficábat Deum. Respóndens autem archisynagógus, indignans quia sábbato curásset Iesus, dicébat turbæ: Sex dies sunt, in quibus opórtet operári: in his ergo veníte, et curámini, et non in die sábbati. Respóndens autem ad illum Dóminus, dixit: Hypócritæ, unusquisque vestrum sábbato non solvit bovem suum, aut ásinum a præséprio, et ducit adaquáre? Hanc autem filiam Abrahæ, quam alligávit sátanás, ecce decem et octo annis, non opórtuit solvi a vínculo isto die sábbati? Et cum hæc diceret, erubescébant omnes adversárii eius: et omnis pópulus gaudébat in univér sis, quæ glorióse fiébant ab eo.

Antiphona ad Offertorium

Ps. 87, 2-3

Dómine Deus salútis meæ, in die clamávi, et nocte coram te: intret orátio mea in conspéctu tuo, Dómine.

Secreta

Concède, quæsumus, omnipotens Deus: ut óculis tuæ maiestátis munus oblátum, et grátiam nobis devotiónis obtíneat, et efféctum beátæ perennitátis acquírat. Per Dóminum nostrum.

Antiphona ad Communionem

Levit. 23, 41 et 43

Mense séptimo festa celebrábitis, cum in tabernáculis habitáre fécerim filios Israél, cum edúcerem eos de terra Ægýpti, ego Dóminus Deus vester.

Postcommunio

Perficiant in nobis, Dómine, quæsumus, tua sacraménta quod cónitent: ut, quæ nunc spécie gérimus, rerum veritáte capiámus. Per Dóminum.

FORMA MISSÆ BREVIOR

Hæc forma adhiberi potest, extra Missam conventualem et Missam in qua Ordines conferuntur.

Antiphona ad Introitum

Ps. 94, 6-7

Veníte, adorémus Deum, et procidámus ante Dóminum, plorémus ante eum, qui fecit nos: quia ipse est Dóminus Deus noster. **Ps. ibid., 1** Veníte, exsultémus Dómino: iubilémus Deo salutári nostro. **V.** Glória Patri. **V**eníte.

Post Kýrie, eléison, **dicitur:**
Orémus. Flectámus génua.
Leváte.

Oratio

Omnipotens sempitérne Deus, qui per continéntiam salutárem corpóribus medéris et méntibus: maiestátem tuam súpplíces exorámus; ut pia ieiunántium deprecatione placátus, et præséntia nobis subsidia tríbuas, et futúra. Per Dóminum.

Præcedens oratio sine Flectámus génua sumitur ad commemorandum sabbatum Quatuor Temporum.

Lectio libri Levítici

Levit. 23, 26-32

In diébus illis: Locútus est Dóminus ad Móysen, dicens: Décimo die mensis huius séptimi, dies expiatiónum erit celebérrimus, et vocábitur sanctus: affligetisque ánimas vestras in eo, et offerétis holocáustum Dómino. Omne opus servíle non faciétis in témpore diéi huius: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: et quæ óperis quídpian fécit, delébo eam de pópulo suo. Nihil ergo óperis faciétis in eo: legítimum sempitérnum erit vobis in cunctis generatióibus, et habitatióibus vestris. Sábbatum requietiúnis est, et affligétis ánimas vestras die nono mensis: a véspera usque ad vésperam celebrábitis sábbata vestra: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **℣.** Adiuva nos, Deus salutaris noster: et propter honórem nóminis tui, Dómine, líbera nos.

Hic dicitur Dóminus vobíscum **sine** Flectámus génuá.

Oratio

Da nobis, quæsumus, omnípotens Deus: ut ieiunádo, tua grátia satiémur; et abstinédo, cunctis efficiámur hóstibus fortióres. Per Dóminum.

Et dicuntur aliæ orationes forte occurrentes.

Lectio Epístolæ beáti Pauli
Apóstoli ad Hebræos

Hebr. 9, 2-12

Fratres: Tabernáculum factum est primum, in quo erant can-

delábra, et mensa, et propósito panum, quæ dicitur Sancta. Post velaméntum autem secúndum, tabernáculum, quod dicitur Sancta sanctorum: áureum habens thuríbulum, et arcam testaménti circumtécram ex omni parte auro, in qua urna áurea habens manna, et virga Aaron, quæ frondúerat, et tábulæ testaménti, supérque eam erant Chérubim glóriæ obumbrántia propitiatórium: de quibus non est modo dicéndum per síngula. His vero ita compósitis; in prióri quídem tabernáculo semper introíbant sacerdótes, sacrificiórum officia consummántes: in secúndo autem semel in anno solus pón tifex, non sine ságuine, quem offert pro sua et pópuli ignorántia: hoc significánte Spíritu Sancto, nondum propalátam esse sanctorum viam, adhuc prióre tabernáculo habénte statum. Quæ parábola est témporis instántis: iuxta quam múnera, et hóstiæ offerúntur, quæ non possunt iuxta consciéntiam perféctum fá cere serviéntem, solúmmodo in cibis, et in pótibus, et váriis baptísmátibus, et iustítiis carnis usque ad tempus correctiúnis impósitis. Christus autem assístens pón tifex futurórum bonórum, per ámplius et perféctius tabernáculum non manu fáctum, id est, non huius creatiúnis; neque per ságuinem hircórum aut vitulórum, sed per próprium ságuinem introívit semel in Sancta, ætérra redemptiúnem invénta.

Tractus Ps. 116, 1-2 Laudáte Dóminum omnes gentes: et collaudáte eum, omnes pópuli. **℣.** Quóniam confirmáta est super nos misericórdia eius: et véritas Dómini manet in ætérrum.

✠ Sequéntia sancti Evangélíi
secúndum Lucam

Luc. 13, 6-17

In illo témpore: Dicébat Iesus tur-
bis hanc similitúdinem: Arbo-
rem fici habébat quidam plantátam
in vínea sua, et venit quærens fru-
ctum in illa, et non invénit. Dixit
autem ad cultórem víneæ: Ecce
anni tres sunt ex quo vénio quæ-
rens fructum in ficúlnea hac, et non
invénio: succíde ergo illam: ut quid
étiam terram óccupat? At ille re-
spóndens, dicit illi: Dómine, dímitte
illam et hoc anno, usque dum
fódiam circa illam, et mittam stér-
cora: et si quidem fécerit fructum:
sin autem, in futúrum succídes
eam. Erat autem docens in syna-
góga eórum sábbatis. Et ecce mú-
lier, quæ habébat spíritum infirmi-
tátis annis decem et octo: et erat
inclináta, nec omníno póterat sur-
sum respícere. Quam cum vidéret
Iesus, vocávit eam ad se, et ait illi:
Múlier, dimíssa es ab infirmitáte
tua. Et impósuit illi manus, et con-
féstim erécta est, et glorificábat
Deum. Respóndens autem archi-
synagógus, indignans quia sáb-
bato curásset Iesus, dicébat tur-
bæ: Sex dies sunt, in quibus opór-
tet operari: in his ergo veníte et
curámini, et non in die sábbati.
Respóndens autem ad illum Dómi-
nus, dixit: Hypócritæ, unusquis-
que vestrum sábbato non solvit
bovem suum, aut ásinum a præsé-
pio, et ducit adaquáre? Hanc au-
tem filiam Abrahæ, quam alligávit
sátanas, ecce decem et octo annis,
non opórtuit solvi a vínculo isto
die sábbati? Et cum hæc diceret,
erubescébant omnes adversárii
eius: et omnis pópulus gaudébat in
univérsis, quæ glorióse fiébant ab
eo.

Antiphona ad Offertorium

Ps. 87, 2-3

Dómine Deus salútis meæ, in die
clamávi, et nocte coram te: intret
orátio mea in conspéctu tuo, Dó-
mine.

Secreta

Concéde, quæsumus, omnípotens
Deus: ut óculis tuæ maiestá-
tis munus oblátum, et grátiam no-
bis devotiónis obtíneat, et efféctum
beátæ perennitátis acquirat. Per
Dóminum nostrum.

Antiphona ad Communionem

Levit. 23, 41 et 43

Mense séptimo festa celebrábitis,
cum in tabernáculis habitáre féce-
rim filios Israël, cum edúcerem eos
de terra Ægýpti, ego Dóminus
Deus vester.

Postcommunio

Perfícient in nobis, Dómine, quæ-
sumus, tua sacraménta quod
cóntinent: ut, quæ nunc spécie gé-
rimus, rerum veritáte capiámus.
Per Dóminum.

DOMINICA
DECIMA OCTAVA
POST PENTECOSTEN

II classis

Antiphona ad Introitum

Eccli. 36, 18

Da pacem, Dómine, sustinénti-
bus te, ut prophétæ tui fidé-
les inveniántur: exáudi pre-
ces servi tui, et plebis tuæ Israël.
Ps. 121, 1 Lætátus sum in his, quæ
dicta sunt mihi: in dómum Dómi-
ni íbimus. **V.** Glória Patri. **D**a pa-
cem.

Oratio

Dirigat corda nostra, quæsumus, Dómine, tuæ miserationis operatio: quia tibi sine te placere non possumus. Per Dóminum.

Lectio Epistolæ beati Pauli Apóstoli ad Corínthios

1 Cor. 1, 4-8

Fratres: Grátias ago Deo meo semper pro vobis in grátia Dei, quæ data est vobis in Christo Iesu: quod in ómnibus dívites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatióem Dómini nostri Iesu Christi, qui et confirmábit vos usque in finem sine crimine, in die advéntus Dómini nostri Iesu Christi.

Graduale Ps. 121, 1 et 7 Lætátus sum in his, quæ dicta sunt mihi: in domum Dómini íbimus. **V.** Fiat pax in virtúte tua: et abundántia in túribus tuis.

Allelúia, allelúia. **V. Ps. 101, 16** Timébunt gentes nomen tuum, Dómine: et omnes reges terræ glóriam tuam. Allelúia.

✠ Sequéntia sancti Evangélíi secúndum Matthæum

Matth. 9, 1-8

In illo témpore: Ascéndens Iesus in navículam, transfretávit, et venit in civitátem suam. Et ecce offerébant ei paralytícum iacéntem in lecto. Et videns Iesus fidem illórum, dixit paralytíco: Confíde, fili, remittúntur tibi peccáta tua. Et ecce quidam de scribis dixerunt intra se: Hic blasphemát. Et cum vidisset Iesus cogitatiónes eórum,

dixit: Ut quid cogitátis mala in córdibus vestris? Quid est facílius dicere: Dimittúntur tibi peccáta tua; an dicere: Surge, et ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytico: Surge, tolle lectum tuum, et vade in domum tuam. Et surrexit, et ábiit in domum suam. Vidéntes autem turbæ timuérunt, et glorificavérunt Deum, qui dedit potestátem talem homínibus.

Credo.

Antiphona ad Offertorium

Exodi. 24, 4 et 5

Sanctificávit Móyses altáre Dómino, ófferens super illud holocáusta, et immolans víctimas: fecit sacrificium vespertínium in odórem suavitátis Dómino Deo, in conspéctu filiórum Israél.

Secreta

Deus, qui nos per huius sacrificii veneránda commércia, uníus summæ divinitátis partícipes éfficis: præsta, quæsumus; ut, sicut tuam cognóscimus veritátem, sic eam dignis móribus assequámur. Per Dóminum.

Præfatio de Ssma Trinitate.

Antiphona ad Communionem

Ps. 95, 8-9

Tóllite hóstias, et introíte in átria eius: adoráte Dóminum in aula sancta eius.

Postcommunio

Grátias tibi reférimus, Dómine, sacro múnere vegetáti: tuam misericórdiam deprecántes; ut dignos nos eius participatióne perficias. Per Dóminum.

DOMINICA DECIMA NONA
POST PENTECOSTEN

II classis

Antiphona ad Introitum

Salus pópuli ego sum, dicit Dóminus: de quacúmque tribulatione clamáverint ad me, exaudiam eos: et ero illórum Dóminus in perpétuum. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **S.** Salus.

Oratio

Omnípotens et miséricors Deus, univérſa nobis adversántia propitiátus exclúde: ut mente et corpore páriter expediti, quæ tua sunt, liberis méntibus exsequámur. Per Dóminum.

Léctio Epístolæ beáti Pauli Apóstoli
ad Ephésios

Ephes. 4, 23-28

Fratres: Renovámini spíritu mentis vestræ, et indúite novum hóminem, qui secúndum Deum creátus est in iustítia, et sanctitáte veritátis. Propter quod deponéntes mendácium, loquimini veritátem unusquisque cum próximo suo: quóniam sumus invicem membra. Irascimini, et nolíte peccáre: sol non óccidat super iracúndiam vestram. Nolíte locum dare diábolo: qui furabátur, iam non furétur: magis autem labóret, operádo mánibus suis, quod bonum est, ut hábeat unde tríbuat necessitátem patiénti.

Graduale Ps. 140, 2 Dirigátur orátio mea, sicut incénsum in conspéctu tuo, Dómine. **V.** Elevátio mánuum meárum sacrificium vespertinum.

Allelúia, allelúia. **V. Ps. 104, 1** Confitémini Dómino, et invocáte nomen eius: annuntiáte inter gentes ópera eius. Allelúia.

✠ Sequéntia sancti Evangélii secúndum Matthæum

Matth. 22, 1-14

In illo témpore: Loquebátur Iesus princípibus sacerdotum et pharisæis parábolis, dicens: Símile factum est regnum cælórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dícite invitátis: Ecce prándium meum parávi, tauri mei et altília occisa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius vero ad negotiatiónem suam: réliqui vero tenuérunt servos eius, et contuméliis afféctos occidérunt. Rex autem cum audísset, irátus est: et missis exercítibus suis, pérdidit homicidas illos, et civitátem illórum succéndit. Tunc ait servis suis: Núptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi eius in vias, congregavérunt omnes, quos invenérunt, malos et bonos: et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi: Amíce, quómodo huc intrásti non habens vestem nuptiálem? At ille obmútuít. Tunc dixit rex ministris: Ligátis mánibus et pédibus eius, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti. **Credo.**

Antiphona ad Offertorium**Ps. 137, 7**

Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me faciet dextera tua.

Secreta

Hæc múnera, quæsumus, Dómine, quæ óculis tuæ maiestátis offérimus, salutária nobis esse concéde. Per Dóminum.

Præfatio de Ssma Trinitate.**Antiphona ad Communionem****Ps. 118, 4-5**

Tu mandásti mandáta tua custodiri nimis: útinam dirigántur viæ meæ, ad custodiéndas iustificatiónes tuas.

Postcommunio

Tua, nos, Dómine, medicinális operátio, et a nostris perversitatibus cleménter expédiat, et tuis semper faciat inhærere mandátis. Per Dóminum.

**DOMINICA VIGESIMA
POST PENTECOSTEN****II classis****Antiphona ad Introitum****Dan. 3, 31, 29 et 35**

Omnia, quæ fecísti nobis, Dómine, in vero iudício fecísti, quia peccávimus tibi, et mandátis tuis non obedívimus: sed da glóriam nómini tuo, et fac nobiscum secúndum multitudinem misericórdiæ tuæ. **Ps. 118, 1** Beáti immaculáti in via: qui ámbulant in lege Dómini. **V.** Glória Patri. **O**mnia.

Oratio

Largíre, quæsumus, Dómine, fide libus tuis indulgéntiam placátus et pacem: ut páriter ab ómnibus mundéntur offénsis, et secúra tibi mente deserviant. Per Dóminum.

Léctio Epístolæ beáti Pauli Apóstoli ad Ephésios

Ephes. 5, 15-21

Fratres: Vidéte quómodo caute ambulétis: non quasi insipientes, sed ut sapientes, rediméntes tempus, quóniam dies mali sunt. Proptérea nolíte fieri imprudéntes, sed intellegéntes, quæ sit volúntas Dei. Et nolíte inebriári vino, in quo est luxúria: sed implémini Spíritu Sancto, loquéntes vobismetipsis in psalmis, et hymnis, et cánticis spirituálibus, cantántes, et psalléntes in córdibus vestris Dómino: grátias agéntes semper pro ómnibus, in nómine Dómini nostri Iesu Christi, Deo et Patri. Subiécti invicem in timóre Christi.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimam benedictióne.

Allelúia, allelúia. **V. Ps. 107, 2** Parátum cor meum, Deus, parátum cor meum: cantábo, et psallam tibi, glória mea. Allelúia.

✠ Sequéntia sancti Evangélii secúndum Ioánnem

Ioann. 4, 46-53

In illo témpore: Erat quidam régulus, cuius filius infirmabátur Caphárnaum. Hic cum audísset, quia Iesus adveníret a Iudæa in Galiléam, ábiit ad eum, et rogábat eum

ut descenderet, et sanaret filium eius: incipiebat enim mori. Dixit ergo Iesus ad eum: Nisi signa et prodigia videritis, non creditis. Dicit ad eum regulus: Domine, descende priusquam moriatur filius meus. Dicit ei Iesus: Vade, filius tuus vivit. Credidit homo sermóni, quem dixit ei Iesus, et ibat. Iam autem eo descendente, servi occurrerunt ei, et nuntiaverunt dicentes, quia filius eius viveret. Interrogabat ergo horam ab eis, in qua melius habuerit. Et dixerunt ei: Quia heri hora septima reliquit eum febris. Cognovit ergo pater, quia illa hora erat, in qua dixit ei Iesus: Filius tuus vivit: et credidit ipse, et domus eius tota.

Credo.

Antiphona ad Offertorium

Ps. 136, 1

Super flumina Babylónis illic sedimus, et flevimus: dum recordamur tui, Sion.

Secreta

Caeléstem nobis, praebeant haec mystéria, quaesumus, Domine, medicinam: et vitia nostri cordis expurgent. Per Dóminum.

Præfatio de Sma Trinitate.

Antiphona ad Communionem

Ps. 118, 49-50

Meménto verbi tui servo tuo, Domine, in quo mihi spem dedisti: haec me consolata est in humilitate mea.

Postcommunio

Ut sacris, Domine, reddámur digni munéribus: fac nos, quaesumus, tuis semper obedire mandátis. Per Dóminum.

DOMINICA VIGESIMA PRIMA POST PENTECOSTEN

II classis

Antiphona ad Introitum

Esth. 13, 9, 10-11

In voluntate tua, Domine, universa sunt posita, et non est qui possit resistere voluntati tuae: tu enim fecisti omnia, caelum et terram, et universa quae caeli ambitu continentur: Dóminus universorum tu es. **Ps. 118, 1** Beati immaculati in via: qui ambulant in lege Dómini. **V.** Glória Patri. **In** voluntate.

Oratio

Famíliam tuam, quaesumus, Domine, continua pietate custodi: ut a cunctis adversitatibus, te protegente, sit libera; et in bonis actibus tuo nómini sit devota. Per Dóminum.

Lectio Epístolæ beati Pauli Apóstoli ad Ephésios

Ephes. 6, 10-17

Fratres: Confortámini in Dómino, et in potentia virtutis eius. Indúite vos armatúram Dei, ut possitis stare adversus insídias diaboli. Quóniam non est nobis colluctatio adversus carnem et sanguinem: sed adversus principes, et potestates, adversus mundi rectores tenebrarum harum, contra spirituália nequitiæ, in caeléstibus. Propterea accípите armatúram Dei, ut possitis resistere in die malo, et in ómnibus perfécti stare. State ergo succincti lumbos vestros in veritate, et indúti lorícam iustitiæ, et calceáti pedes in præparatióne Evangélii pacis: in ómnibus suméntes scutum fidei, in quo possitis

ómnis tela nequíssimi ígnea exstinguere: et gáleam salútis assúmite: et gládium spíritus, quod est verbum Dei.

Graduale Ps. 89, 1-2 Dómine, refúgium factus es nobis, a generatióne et progénie. **℣.** Priúsqvam montes fierent, aut formarétur terra et orbis: a sáeculo et usque in sáeculum tu es Deus.

Allelúia, allelúia. **℣. Ps. 113, 1** In éxitu Israél de Ægýpto, domus Iacob de pópulo bárbaro. Allelúia.

✠ Sequéntia sancti Evangélíi secúndum Matthæum

Matth. 18, 23-35

In illo témpore: Dixit Iesus discí-pulis suis parábolam hanc: Assimilátum est regnum cælórum hómini regi, qui vóluit ratióne pónere cum servis suis. Et cum coépisset ratióne pónere, oblátus est ei unus, qui debébat ei decem míllia talénta. Cum autem non habéret unde rédderet, iussit eum dóminus eius venúmdari, et uxórem eius, et filios, et ómnia, quæ habébat, et reddi. Prócidens autem servus ille, orábat eum, dicens: Patiéntiam habe in me, et ómnia reddam tibi. Misértus autem dóminus servi illius, dimísit eum, et débitum dimísit ei. Egréssus autem servus ille, invénit unum de consérvis suis, qui debébat ei centum denários: et tenens suffocábat eum, dicens: Redde quod debes. Et prócidens consérvus eius, rogábat eum, dicens: Patiéntiam habe in me, et ómnia reddam tibi. Ille autem nóluit: sed ábiit, et misit eum in cárcerem donec rédderet débitum. Vidéntes autem consérvi eiusquæ fiébant, contristáti

sunt valde: et venérunt, et narravérunt dómīno suo ómnia, quæ facta fúerant. Tunc vocávit illum dóminus suus: et ait illi: Serve nequam, omne débitum dimísi tibi, quóniam rogásti me: nonne ergo opórtuit et te miseréri consérvi tui, sicut et ego tui misértus sum? Et irátus dóminus eius, trádidit eum tortóribus, quoadúsque rédderet univérsum débitum. Sic et Pater meus cæléstis fáciat vobis, si non remiséritis unusquísque fratri suo de córdibus vestris. **Credo.**

Antiphona ad Offertorium

Iob 1

Vir erat in terra Hus, nómine Iob: simplex et rectus, ac timens Deum: quem Satan pétiit, ut tentáret: et data est ei potéstas a Dómīno in facultátes, et in carnem eius: perdidítque omnem substántiam ipsíus, et filios: carnem quoque eius gravi úlcere vulnerávit.

Secreta

Súspice, Dómine, propítius hostias: quibus et te placári voluísti, et nobis salútem poténti pietáte restitui. Per Dóminum.

Præfatio de Ssma Trinitate.

Antiphona ad Communionem

Ps. 118, 81, 84 et 86

In salutári tuo ánima mea, et in verbum tuum sperávi: quando fácies de persecúntibus me iudícium? iníqui persecúti sunt me, ádiuva me, Dómine Deus meus.

Postcommunio

Immortalitátis alimóniam consecúti, quæsumus, Dómine: ut, quod ore percépimus, pura mente sectémur. Per Dóminum.

DOMINICA VIGESIMA SECUNDA
POST PENTECOSTEN

II classis

Antiphona ad Introitum

Ps. 129, 3-4

Si iniquitates observáveris, Dómine, Dómine, quis sustinébbit? quia apud te propitiatio est, Deus Israël. **Ps. ibid., 1-2** De profúndis clamávi ad te, Dómine: Dómine, exáudi vocem meam. **V.** Glória Patri. **S**i iniquitates.

Oratio

Deus, refúgium nostrum, et virtus: adésto piis Ecclésiæ tuæ précibus, auctor ipse pietátis, et præsta; ut, quod fidéliter pétimus, effícaciter consequámur. Per Dóminum.

Lectio Epístolæ beáti Pauli Apóstoli
ad Philippénes

Philipp. 1, 8-11

Fratres: Confidimus in Dómino Iesu, quia qui cœpit in vobis opus bonum, perficiet usque in diem Christi Iesu. Sicut est mihi iustum hoc sentíre pro ómnibus vobis: eo quod hábeam vos in corde, et in vínculis meis, et in defensióne, et confirmatióne Evangélii, sócios gáudii mei omnes vos esse. Testis enim mihi est Deus, quómodo cúpiam omnes vos in viscéribus Iesu Christi. Et hoc oro ut caritas vestra magis ac magis abúndet in sciéntia, et in omni sensu: ut probétis potióra, ut sitis sincéri, et sine offénsa in diem Christi, repléti fructu iustitiæ per Iesum Christum, in glóriam et laudem Dei.

Graduale Ps. 132, 1-2 Ecce quam bonum, et quam iucúndum, habitáre fratres in unum! **V.** Sicut un-

guéntum in cápite, quod descéndit in barbam, barbam Aaron.

Allelúia, allelúia. **V. Ps. 113, 11** Qui timent Dóminum sperent in eo: adiutor et protector eórum est. Allelúia.

✠ Sequéntia sancti Evangélii secúndum Matthæum

Matth. 22, 15-21

In illo témpore: Abeúntes pharisæi consílium iniérunt ut cáperent Iesum in sermóne. Et mittunt ei discípulos suos cum Herodiánis, dicéntes: Magíster, scimus quia verax es, et viam Dei in veritáte doces, et non est tibi cura de áliquo: non enim réspicis persónam hóminum: dic ergo nobis quid tibi vidétur, licet census dare Cæsari, an non? Cógnota autem Iesus nequítia eórum, ait: Quid me tentátis, hypocritæ? Osténdite mihi numísma census. At illi obtulérunt ei denárium. Et ait illis Iesus: Cuius est imágo hæc, et superscriptio? Dicunt ei: Cæsaris. Tunc ait illis: Réddite ergo quæ sunt Cæsaris, Cæsari; et quæ sunt Dei, Deo. **Credo.**

Antiphona ad Offertorium

Esth. 14, 12 et 13

Recordáre mei, Dómine, omnipotentátui dóminans: et da sermónem rectum in os meum, ut pláceant verba mea in conspéctu princípis.

Secreta

Da, miséricors Deus: ut hæc salutáris oblátio et a propriis nos reátibus indesinénter expédíat, et ab ómnibus tueátur advérsis. Per Dóminum.

Præfatio de Ssma Trinitate.

Antiphona ad Communionem**Ps. 16, 6**

Ego clamávi, quóniam exaudísti me, Deus: inclína aurem tuam, et exáudi verba mea.

Postcommunio

Súmpsimus, Dómine, sacri dona mystérii, humíliter deprecánte: ut quæ in tui commemoratióne nos fácere præcepísti, in nostræ proficiant infirmitátis auxiliū: Qui vivis.

**DOMINICA VIGESIMA TERTIA
POST PENTECOSTEN****II classis**

Si hæc dominica a superveniente dominica ultima post Pentecosten impediatur, omittitur.

Antiphona ad Introitum**Ierem. 29, 11, 12 et 14**

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **℣.** Glória Patri. **Dicit.**

Oratio

Absólve, quæsumus, Dómine, tuórum delícta populórum: ut a peccatórum néxibus, quæ pro nostra fragilitáte contráximus, tu benignitáte liberémur. Per Dóminum.

Léctio Epístolæ beáti Pauli Apóstoli ad Philippénes

Philipp. 3, 17-21; 4, 1-3

Fratres: Imitatóres mei estóte, et observáte eos qui ita ámbulant, sicut habétis formam nostram.

Multi enim ámbulant, quos sæpe dicébam vobis (nunc autem et flens dico) inimícos crucis Christi: quorum finis intéritus: quorum Deus venter est: et glória in confusióne ipsórum, qui terréna sápiunt. Nostra autem conversátio in cælis est: unde étiam Salvatórem expectámus Dóminum nostrum Iesum Christum, qui reformábit corpus humilitátis nostræ, configurátum córpori claritátis suæ, secúndum operatióne, qua étiam possit subiícere sibi ómnia. Itaque, fratres mei caríssimi, et desideratíssimi, gáudium meum, et coróna mea: sic state in Dómino, caríssimi. Evódiam rogo, et Sýntychen déprecor idípsum sápere in Dómino. Etiam rogo et te, germáne compar, ádiuva illas, quæ mecum laboravérunt in Evangélio cum Clemente, et céteris adiutóribus meis, quorum nómina sunt in libro vitæ.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **℣.** In Deo laudábimur tota die, et in nómine tuo confitébimur in sæcula.

Allelúia, allelúia. **℣. Ps. 129, 1-2** De profúndis clamávi ad te, Dómine: Dómine, exáudi oratióne meam. Allelúia.

✠ Sequéntia sancti Evangélii secúndum Matthæum

Matth. 9, 18-26

In illo témpore: Loquente Iesu ad turbas, ecce princeps unus accéssit, et adorábat eum, dicens: Dómine, fília mea modo defúncta est: sed veni, impóne manum tuam super eam, et vivet. Et surgens Iesus sequebátur eum, et discípuli eius. Et ecce múluer, quæ sánguinis fluxum patiebátur duódecim annis, accéssit retro, et tétigit fimbriam

vestiménti eius. Dicébat enim intra se: Si tetigero tantum vestiméntum eius, salva ero. At Iesus convérsus, et videns eam, dixit: Confíde, filia, fides tua te salvam fecit. Et salva facta est múlter ex illa hora. Et cum venisset Iesus in domum príncipis, et vidisset tibícines, et turbam tumultuántem, dicébat: Recédite: non est enim mórtua puélla, sed dormit. Et deridébant eum. Et cum eiécta esset turba, intrávit, et tenuit manum eius. Et surrexit puélla. Et éxiit fama hæc in univérsam terram illam. **Credo.**

Antiphona ad Offertorium

Ps. 129, 1-2

De profúndis clamávi ad te, Dómine, Dómine exáudi oratióem meam: de profúndis clamávi ad te, Dómine.

Secreta

Pro nostræ servitútis augménto sacrificium tibi, Dómine, laudis offérimus: ut, quod imméritis contulísti, propítius exsequáris. Per Dóminum.

Præfatio de Ssma Trinitate.

Antiphona ad Communionem

Marc. 11, 24

Amen dico vobis, quidquid orántes pétitis, créдите quia accipiétis, et fiet vobis.

Postcommunio

Quæsumus, omnipotens Deus: ut, quos divína tríbuis participatióne gaudére, humánis non sinas subiacére perículis. Per Dóminum.

¶ Si dominicæ post Pentecosten fuerint plures quam XXIV, tunc post XXIII resumuntur Missæ dominicarum, quæ superfuerunt post Epiphaniam, ut infra habentur, iuxta ordinem qui in rubricis invenitur. Et ultimo loco semper ponitur Missa dominicæ XXIV, ut infra 417.

DOMINICA TERTIA quæ superfuit post Epiphaniam

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri. **Dicit.**

Oratio

Omnípotens sempitérne Deus, infirmitátem nostram propítius réspice: atque ad protegéndum nos, dexteram tuæ maiestátis exténde. Per Dóminum.

Léctio Epístolæ beáti Pauli Apóstoli ad Romános

Rom. 12, 16-21

Fratres: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum iræ. Scriptum est enim: Mihi vindícta: ego retríbuiam, dicit Dóminus. Sed si esuríerit inimícus tuus, ciba illum: si sitit, potum da illi: hoc enim fáciens, carbónes ignis cóngeres super caput eius. Noli vinci a malo, sed vince in bono malum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sæcula.

Allelúia, allelúia. *V. Ps. 129, 1-2*
De profúndis clamávi ad te, Dómine: Dómine, exáudi oratiómem meam. Allelúia.

✠ Sequéntia sancti Evangélii secúndum Matthæum

Matth. 8, 1-13

In illo témpore: Cum descendísset Iesus de monte, secútæ sunt eum turbæ multæ: et ecce leprósus véniens, adorábat eum, dicens: Dómine, si vis, potes me mundáre. Et exténdens Iesus manum, tétigit eum, dicens: Volo. Mundáre. Et conféstim mundáta est lepra eius. Et ait illi Iesus: Vide, némini díxeris: sed vade, osténde te sacerdoti, et offer munus, quod præcépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torqué-tur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestate constitútus, habens sub me mílites, et dico huic: Vade, et vadit: et álii: Veni, et venit: et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invénit tantam fidem in Israél. Dico autem vobis, quod multi ab Oriénte, et Occidénte vénient, et recúmbent cum Abraham, et Isaac, et Iacob in regno cælórum: filii autem regni eiicién-tur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanatus est puer in illa hora. **C**redo.

Antiphona ad Offertorium

Ps. 129, 1-2

De profúndis clamávi ad te, Dómine: Dómine, exáudi oratiómem meam: de profúndis clamávi ad te, Dómine.

Secreta

Hæc hóstia, Dómine, quæsumus, emúndet nostra delicta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de Ssma Trinitate.

Antiphona ad Communionem

Marc. 11, 24

Amen dico vobis, quidquid orántes pétitis, créдите quia accipiétis, et fiet vobis.

Postcommunio

Quos tantis, Dómine, largíris uti mystériis: quæsumus; ut efféctibus nos eórum veráciter aptáre dignéris. Per Dóminum.

DOMINICA QUARTA
quæ superfuit post Epiphaniam

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. *Ps. 84, 2* Benedixísti, Dómine, terram tuam: avertísti captivitátem Iacob. *V. Glória Patri. Dicit.*

Oratio

Deus, qui nos in tantis periculis constitutos, pro humana scis fragilitate non posse subsistere: da nobis salutem mentis et corporis; ut ea, quæ pro peccatis nostris patimur, te adiuvante vincamus. Per Dominum nostrum.

Lectio Epistolæ beati Pauli Apostoli
ad Romanos

Rom. 13, 8-10

Fratres: Nemiini quidquam debeatis, nisi ut invicem diligatis: qui enim diligit proximum, legem implēvit. Nam: Non adulterabis: Non occides: Non furaberis: Non falsum testimonium dices: Non concupisces: et si quod est aliud mandatum, in hoc verbo instauratur: Diliges proximum tuum sicut teipsum. Dilēctio proximi malum non operatur. Plenitudo ergo legis est dilēctio.

Graduale Ps. 43, 8-9 Liberasti nos, Domine, ex affligentibus nos: et eos, qui nos oderunt, confudisti. **℣.** In Deo laudabimur tota die, et in nomine tuo confitebimur in sæcula.

Allelúia, allelúia. **℣. Ps. 129, 1-2** De profundis clamavi ad te, Domine: Domine, exaudi orationem meam. Allelúia.

✠ Sequētia sancti Evangelii secundum Matthæum

Matth. 8, 23-27

In illo tempore: Ascendente Iesu in naviculam, secuti sunt eum discipuli eius: et ecce motus magnus factus est in mari, ita ut navicula operiretur fluctibus, ipse vero dormiebat. Et accesserunt ad eum discipuli eius, et suscitaverunt eum, dicentes: Domine, salva nos, peri-

mus. Et dicit eis Iesus: Quid timidi estis, modicæ fidei? Tunc surgens, imperavit ventis et mari, et facta est tranquillitas magna. Porro homines mirati sunt, dicentes: Qualis est hic, quia venti et mare obediunt ei? **Credo.**

Antiphona ad Offertorium

Ps. 129, 1-2

De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta

Concède, quæsumus, omnipotens Deus: ut huius sacrificii munus oblatum, fragilitatem nostram ab omni malo purget semper, et muniat. Per Dominum.

Præfatio de Ssma Trinitate.

Antiphona ad Communionem

Marc. 11, 24

Amen dico vobis, quidquid orantes petitis, credite quia accipietis, et fiet vobis.

Postcommunio

Múnera tua nos, Deus, a delectationibus terrēis expédiant: et cælestibus semper instaurant alimentis. Per Dominum nostrum.

DOMINICA QUINTA

quæ superfuit post Epiphaniam

II classis

Antiphona ad Introitum

Ierem. 29, 11, 12 et 14

Dicit Dominus: Ego cōgito cogitationes pacis, et non afflictionis: invocabitis me, et ego exaudiam vos: et reducam cap-

tivitatem vestram de cunctis locis.
Ps. 84, 2 Benedixisti, Domine, terram tuam: avertisti captivitatem Iacob. **V.** Glória Patri. **Dicit.**

Oratio

Familiam tuam, quæsumus, Domine, continua pietate custodi: ut quæ in sola spe gratiæ cælestis innititur, tua semper protectione muniatur. Per Dominum.

Lectio Epistolæ beati Pauli Apóstoli
 ad Colossenses

Col. 3, 12-17

Fratres: Induite vos sicut electi Dei, sancti, et dilecti, viscera misericordiæ, benignitatem, humilitatem, modestiam, patientiam: supportantes invicem, et donantes vobismetipsis si quis adversus aliquem habet querelam: sicut et Dominus donavit vobis, ita et vos. Super omnia autem hæc, caritatem habete, quod est vinculum perfectionis: et pax Christi exsultet in cordibus vestris, in qua et vocati estis in uno corpore: et grati estote. Verbum Christi habitat in vobis abundanter, in omni sapientia, docentes, et commonentes vosmetipsos psalmis, hymnis, et canticis spirituálibus, in gratia cantantes in cordibus vestris Deo. Omne quodcúmque facitis in verbo aut in opere, omnia in nomine Domini Iesu Christi, gratias agentes Deo et Patri per Iesum Christum Dominum nostrum.

Graduale Ps. 43, 8-9 Liberasti nos, Domine, ex affligentibus nos: et eos, qui nos odérunt, confudisti. **V.** In Deo laudábimur tota die, et in nomine tuo confitébimur in sæcula.

Allelúia, allelúia. **V. Ps. 129, 1-2**

De profundis clamavi ad te, Domine: Domine, exaudi orationem meam. Allelúia.

✠ Sequéntia sancti Evangélii secundum Matthæum

Matth. 13, 24-30

In illo tempore: Dixit Iesus turbis parabolam hanc: Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus eius, et superseminavit zizania in medio tritici, et abiit. Cum autem crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, et colligimus ea? Et ait: Non: ne forte colligentes zizania, eradicetis simul cum eis et triticum. Sinite útraque crescere usque ad messem, et in tempore messis dicam messoribus: Colligite primum zizania, et alligate ea in fasciculos ad comburendum, triticum autem congregate in horreum meum.

Credo.

Antiphona ad Offertorium

Ps. 129, 1-2

De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta

Hóstias tibi, Domine, placationis offerimus: ut et delicta nostra miseratus absolvas, et nutantia corda tu dirigas. Per Dominum.

Præfatio de Sma Trinitate.

Antiphona ad Communionem**Marc. 11, 24**

Amen dico vobis, quidquid orantes pétitis, créдите quia accipiétis, et fiet vobis.

Postcommunio

Quæsumus, omnipotens Deus: ut illius salutáris capiámus efféctum, cuius per hæc mystéria pi-gnus accépimus. Per Dóminum.

DOMINICA SEXTA

quæ superfuit post Epiphaniam

II classis**Antiphona ad Introitum****Ierem. 29, 11, 12 et 14**

Dicit Dóminus: Ego cógito cogitationes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri. **Dicit.**

Oratio

Præsta, quæsumus, omnipotens Deus: ut semper rationabília meditantes, quæ tibi sunt plácita, et dictis exsequámur, et factis. Per Dóminum.

Léctio Epístolæ beáti Pauli Apóstoli ad Thessalonicénses

1 Thess. 1, 2-10

Fratres: Grátias ágimus Deo semper pro ómnibus vobis, memóriam vestri faciéntes in oratió nibus nostris sine intermissióne, mémores óperis fidei vestræ, et labóris, et caritátis, et sustinéntiæ spei Dómini nostri Iesu Christi, ante Deum et Patrem nostrum: sciéntes fratres, dilécti a Deo, electiónem vestram: quia Evangélium nostrum non fuit

ad vos in sermóne tantum, sed et in virtúte, et in Spíritu Sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipientes verbum in tribulatióne multa, cum gáudio Spíritus Sancti: ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo, et vero, et expectáre Fílium eius de cælis (quem suscitávit ex mórtuis) Iesum, qui erípuit nos ab ira ventúra.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sæcula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratió nem meam. Allelúia.

✠ Sequéntia sancti Evangélii secúndum Matthæum

Matth. 13, 31-35

In illo témpore: Dixit Iesus turbis parábolam hanc: Símile est regnum cælórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, maius est ómnibus oléribus, et fit arbor, ita ut vólucres cæli véniant, et hábitent in ramis eius. Aliam parábolam locútus est eis: Símile

est regnum cælórum fermento, quod accéptum múlíer abscóndit in farínæ satis tribus, donec fermentátum est totum. Hæc ómnia locútus est Iesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscóndita a constitutióne mundi.

Credo.

Antiphona ad Offertorium

Ps. 129, 1-2

De profúndis clamávi ad te, Dómine: Dómine, exáudi oratióne meam: de profúndis clamávi ad te, Dómine.

Secreta

Hæc nos oblátio, Deus, mundet, quæsumus, et rénovet, gubérnet, et próteget. Per Dóminum.

Præfatio de Ssma Trinitate.

Antiphona ad Communionem

Marc. 11, 24

Amen dico vobis, quidquid orántes pétitis, créдите quia accipiétis, et fiet vobis.

Postcommunio

Cæléstibus, Dómine, pasti delíciis: quæsumus; ut semper éadem, per quæ veráciter vívimus, appetámus. Per Dóminum.

DOMINICA VIGESIMA QUARTA ET ULTIMA POST PENTECOSTEN

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et

ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri. **Dicit.**

Oratio

Excita, quæsumus, Dómine, tuórum fidélium voluntátes: ut divíni óperis fructum propénsius exsequéntes; pietátis tuæ remédia maióra percípiant. Per Dóminum.

Léctio Epístolæ beáti Pauli Apóstoli ad Colossénses

Col. 1, 9-14

Fratres: Non cessámus pro vobis orántes, et postulántes ut impleámini agnitióne voluntátis Dei, in omni sapiéntia et intelléctu spiritali: ut ambulétis digne Deo per ómnia placéntes: in omni ópere bono fructificántes, et crescéntes in sciéntia Dei: in omni virtúte confortáti secúndum poténtiam claritátis eius in omni paciéntia, et longanimitáte cum gáudio, grátias ágéntes Deo Patri, qui dignos nos fecit in partem sortis sanctórum in lúmine: qui erípuít nos de potestáte tenebrárum, et tránstulit in regnum Fílii dilecti-ónis suæ, in quo habémus redempti-ónem per sánguinem eius, remissi-ónem peccatórum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sácula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratióne meam. Allelúia.

✠ Sequéntia sancti Evangélíi secúndum Matthæum

Matth. 24, 15-35

In illo témpore: Dixit Iesus discipulis suis: Cum vidéritis abominatióem desolatiónis, quæ dicta est a Daniéle prophéta, stantem in loco sancto: qui legit, intéllegat: tunc qui in Iudæa sunt, fúgiant ad montes: et qui in tecto, non descéndat tóllere áliquid de domo sua: et qui in agro, non revertátur tóllere túnica suam. Væ autem prægnántibus, et nutriéntibus in illis diébus. Oráte autem, ut non fiat fuga vestra in híeme, vel sábbato. Erit enim tunc tribulatio magna, qualis non fuit ab inítio mundi usque modo, neque fiet. Et nisi breviáti fuissent dies illi, non fieret salva omnis caro: sed propter eléctos breviabúntur dies illi. Tunc si quis vobis díxerit: Ecce hic est Christus, aut illic: nolíte crédere. Surgent enim pseudochrísti, et pseudoprophétæ: et dabunt signa magna, et prodígia, ita ut in errórem inducántur (si fieri potest) étiam elécti. Ecce prædíxi vobis. Si ergo díxerint vobis: Ecce in desérto est, nolíte exíre: ecce in penetrálibus, nolíte crédere. Sicut enim fulgur exit ab Oriénte, et paret usque in Occidéntem: ita erit et advéntus Fílii hóminis. Ubi cúmque fúerit corpus, illic congregabúntur et áquilæ. Statim autem post tribulatióem diérum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur: et tunc parébit signum Fílii hóminis in cælo: et tunc plangent omnes tribus terræ: et vidébunt Fílium hóminis veniéntem in núbibus cæli cum virtúte multa, et maiestáte. Et mittet Angelos suos cum tuba,

et voce magna: et congregábunt eléctos eius a quátuor ventis, a summis cælórum usque ad términos eórum. Ab árbore autem fici díscite parábolam: cum iam ramus eius tener fúerit, et fólia nata, scitis quia prope est æstas: ita et vos cum vidéritis hæc ómnia, scitóte quia prope est in iánius. Amen dico vobis, quia non præteríbit generátio hæc, donec ómnia hæc fiant. Cælum et terra transíbunt, verba autem mea non præteríbunt.

Credo.

Antiphona ad Offertorium

Ps. 129, 1-2

De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta

Propítius esto, Dómine, supplicatióibus nostris: et pópuli tui oblatiúnibus, precibúsque suscéptis, ómnium nostrum ad te corda convérte: ut a terrénis cupiditatibus liberáti, ad cæléstia desidéria trans-eámus. Per Dóminum.

Præfatio de Ssma Trinitate.

Antiphona ad Communionem

Marc. 11, 24

Amen dico vobis, quidquid orántes pétitis, créдите quia accipiétis, et fiet vobis.

Postcommunio

Concède nobis, quæsumus, Dómine: ut per hæc sacraménta quæ sumpsimus, quidquid in nostra mente vitiósum est, ipsórum medicatiónis dono curétur. Per Dóminum.

TABULA ORATIONUM

HEBDOMADA I ADVENTUS

Oratio

Excita, quæsumus, Dómine, potentiam tuam, et veni: ut ab imminéntibus peccatórum nostrórum perículis, te mereámur protegente éripi, te liberánte salvári: Qui vivis.

Secreta

Hæc sacra nos, Dómine, poténti virtúte mundátos, ad suum faciánt purióres veníre princípium. Per Dóminum.

Postcommunio

Suscipiámus, Dómine, misericórdiam tuam in médio templi tui: ut reparatiónis nostræ ventúra solémnia cóngruis honóribus præcedámus. Per Dóminum.

HEBDOMADA II ADVENTUS

Oratio

Excita, Dómine, corda nostra ad præparándas Unigéniti tui vias: ut per eius advéntum, purificátis tibi méntibus servíre mereámur: Qui tecum.

Secreta

Placáre, quæsumus, Dómine, humilitátis nostræ précibus et hóstiis: et ubi nulla súppetunt suffrágia meritórum, tuis nobis succúrre præsídiis. Per Dóminum.

Postcommunio

Repléti cibo spirituális alimóniæ, súpplíces te, Dómine, deprecámur: ut huius participatióne mystérii, dóceas nos terréna despícere et amáre cæléstia. Per Dñm.

HEBDOMADA III ADVENTUS

Oratio

Aurem tuam, quæsumus, Dómine, précibus nostris accómmoda: et mentis nostræ ténebras, grátia tuæ visitatiónis illústra: Qui vivis.

Secreta

Devotiónis nostræ tibi, quæsumus, Dómine, hóstia iúgiter immolétur: quæ et sacri péragat institúta mystérii, et salutáre tuum in nobis mirabíliter operétur. Per Dóminum.

Postcommunio

Implorámus, Dómine, cleméntiam tuam: ut hæc divína subsídia, a vítiis expiátos, ad festa ventúra nos præparent. Per Dóminum.

HEBDOMADA IV ADVENTUS

Oratio

Excita, quæsumus, Dómine, potentiam tuam, et veni: et magna nobis virtúte succúrre; ut per auxílium grátia tuæ, quod nostra peccáta præpédiunt, indulgéntia tuæ propitiatiónis accéleret: Qui vivis.

Secreta

Sacrificiis præsentibus, quæsumus Dómine, placátus inténde: ut et devotióni nostræ proficiant, et salúti. Per Dóminum.

Postcommunio

Sumptis munéribus, quæsumus, Dómine: ut cum frequentatióne mystérii, crescat nostræ salútis efféctus. Per Dóminum.

DE SPIRITU SANCTO

Oratio

Deus, qui corda fidélium Sancti Spíritus illustratióne docuísti: da nobis in eódem Spíritu recta sá-pere; et de eius semper consola-tióne gaudére. Per Dóminum... in unitáte eiúsdem Spíritus Sancti.

Secreta

Múnera, quæsumus, Dómine, obláta sanctífica: et corda nostra Sancti Spíritus illustratióne emúnda. Per Dóminum... in unitáte eiúsdem.

Postcommunio

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum... in unitáte eiús-dem.

DE SSIMO SACRAMENTO

Oratio

Deus, qui nobis sub Sacraménto mirábili passiónis tuæ memó-riam reliquísti: tríbue, quæsumus, ita nos Córporis et Sánguinis tui sacra mystéria venerári; ut red-emptiόνis tuæ fructum in nobis iú-giter sentiámus: Qui vivis.

Secreta

Ecclésiæ tuæ, quæsumus, Dómi-ne unitátis et pacis propítius dona concéde: quæ sub oblátis mu-néribus mýstice designántur. Per Dóminum.

Postcommunio

Fac nos, quæsumus, Dómine, di-vinitátis tuæ sempitérna fruiti-óne repléri: quam pretiósí Córporis et Sánguinis tui temporális per-céptio præfigúrat: Qui vivis.

PRO FIDEI PROPAGATIONE

Oratio

Deus, qui omnes hómines vis salvos fieri, et ad agnitióne veritátis veníre: mitte, quæsumus, operários in messem tuam, et da eis cum omni fidúcia loqui verbum tuum: ut sermo tuus currat et clarificétur, et omnes gentes cognó-scant te solum Deus verum, et quem misísti Iesum Christum Fi-lium tuum, Dominum nostrum, qui tecum vivit.

Secreta

Protéctor noster áspice Deus, et réspice in fáciem Christi tui, qui dedit redemptiόνem semetíp-sum pro ómnibus: et fac; ut ab ortu solis usque ad occásus magnificé-tur nomen tuum in géntibus, ac in omni loco sacrificétur et offerátur nómini tuo oblátio munda. Per eúndem Dóminum.

Postcommunio

Redemptiόνis nostræ múnere vegetáti: quæsumus, Dómine; ut hoc perpétuæ salútis auxílio, fi-des semper vera proficiat. Per Dó-minum nostrum.

TEMPORE BELLI

Oratio

Deus, qui cónteris bella, et impu-gnatóres in te sperántium po-téntia tuæ defensiónis expúgnas: auxiliáre fámulis tuis, imploránti-bus misericórdiam tuam; ut inimi-córum suórum feritáte depréssa, incessábili te gratiárum actióne laudémus. Per Dóminum.

Secreta

Sacrificium, Dómine, quod immo-lámus, inténde placátus: ut ab omni nos éruat bellórum nequítia, et in tuæ protectiόνis securitáte constituat. Per Dóminum.

Postcommunio

Deus, regnórum ómnium, regúmque dominátor, qui nos et percutiéndó sanas, et ignoscéndó consérvas: præténde nobis misericórdiam tuam; ut tranquillitáte pacis, tua potestáte serváta, ad remédia correctionis utámur. Per Dóminum.

PRO PACE**Oratio**

Deus, a quo sancta desidéria, recta consília et iusta sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et, hóstium subláta formídine, témpora sint, tua protectione, tranquilla. Per Dóminum.

Secreta

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscípere; ut pax a tua pietáte concéssa, christianórum fines ab omni hoste fáciat esse secúros. Per Dóminum.

Postcommunio

Deus, auctor pacis et amátor, quem nosse, vívere, cui servíre regnáre est: prótege ab ómnibus impugnatió nibus súplices tuos; ut, qui in defensióne tua confídimus, nullíus hostilitátis arma timeámus. Per Dóminum.

**AD POSCENDA
SUFFRAGIA SANCTORUM**

Oratio

Acunctis nos, quæsumus, Dómine, mentis et córporis defénde perículis: et, intercedénte beáta et gloriósa semper Vírgine Dei Genetríce María, cum beáto Ioseph,

beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte. Per eundem Dóminum.

Secreta

Exáudi nos, Deus, salutáris noster: ut, per huius sacraménti virtútem, a cunctis nos mentis et córporis hóstibus tueáris; grátiam tríbuens in præsénti, et glóriam in futúro. Per Dóminum.

Postcommunio

Mundet et múniat nos, quæsumus, Dómine, divíni sacraménti munus oblátum: et, intercedénte beáta Vírgine Dei Genetríce María, cum beáto Ioseph, beátis Apóstolis tuis Petro et Paulo, atque beáto **N.** et ómnibus Sanctis; a cunctis nos reddat et perversitatibus expiátos, et adversitatibus expeditos. Per eundem Dóminum.

PRO LIBERTATE ECCLESIAE**Oratio**

Ecclésiæ tuæ, quæsumus, Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum.

Secreta

Prótege nos, Dómine, tuis mystériis, serviéntes: ut, divínis rebus inhæréntes, et córpore tibi famulémur et mente. Per Dóminum.

Postcommunio

Quæsumus, Dómine, Deus noster: ut, quos divína tríbuis participatióne gaudére, humanis non sinas subiacére perículis. Per Dóminum.

PRO PAPA

Oratio

Deus, ómnium fidélium pastor et rector, fámulum tuum **N.**, quem pastórem Ecclésiæ tuæ præesse voluísti, propítius réspice: da ei, quæsumus, verbo et exémplo, quibus præest, profícere; ut ad vitam, una cum grege sibi crédito pervéniat sempitérnam. Per Dóminum.

Secreta

Oblátis, quæsumus, Dómine, placare munéribus: et fámulum tuum **N.**, quem pastórem Ecclésiæ tuæ præesse voluísti, assídua protectione gubérna. Per Dóminum.

Postcommunio

Hæc nos, quæsumus, Dómine, divíni sacraménti percéptio próteget: et fámulum tuum **N.**, quem pastórem Ecclésiæ tuæ præesse voluísti; una cum commisso sibi grege, salvet semper, et múniat. Per Dóminum.

PRO EPISCOPO

Oratio

Deus, omnium fidélium pastor et rector, famulum tuum **N.**, quem pastórem ecclésiæ **N.** præesse voluísti, propítius réspice: da ei, quæsumus, verbo et exemplo, quibus, præest, profícere; ut ad vitam, una cum grege sibi crédito, pervéniat sempitérnam. Per Dóminum.

Secreta

Oblátis, quæsumus, Dómine, placare munéribus: et fámulum tuum **N.**, quem pastórem ecclésiæ **N.** præesse voluísti, assídua protectione gubérna. Per Dóminum.

Postcommunio

Hæc nos, quæsumus, Dómine, divíni sacraménti percéptio próteget: et fámulum tuum **N.**, quem pastorem ecclésiæ **N.** præesse voluísti; una cum commisso sibi grege, salvet semper, et múniat. Per Dóminum.

PRO SEIPSO SACERDOTE

Oratio

Omnípotens et miséricors Deus, humilitátis meæ preces benignus inténde: et me fámulum tuum, quem, nullis suffragántibus méritis, sed imménsa cleméntiæ tuæ largitate cæléstibus mystériis servíre tribuísti, dignum sacris altáribus fac minístrum; ut, quod mea voce deprómitur, tua sanctificatione firmétur. Per Dóminum.

Secreta

Huius, Dómine, virtúte sacraménti, peccatórum meórum máculas abstérge: et præsta; ut ad exsequéndum iniúnci officii minísterium, me tua grátia dignum efficiat. Per Dóminum.

Postcommunio

Omnípotens sempitérne Deus, qui me peccatórem sacris altáribus astáre voluísti, et sancti nóminis tui laudáre poténtiam: concéde propítius, per huius sacraménti mystérium, meórum mihi véniam peccatórum; ut tuæ maiestáti digne mérear famulári. Per Dóminum.

AD PETENDAM PLUVIAM

Oratio

Deus, in quo vivimus, movémur, et sumus: plúviam nobis trí-bue congruéntem; ut, præséntibus subsidíis sufficiénter adiúti, sempitérna fiduciálius appetámus. Per Dóminum.

Secreta

Oblátis, quæsumus, Dómine, placáre munéribus: et oportúnum nobis trí-bue plúviæ sufficiéntis auxílium. Per Dóminum.

Postcommunio

Da nobis, quæsumus, Dómine, plúviam salutárem: et áridam terræ fáciem fluéntis cæléstibus dignánte infúnde. Per Dóminum.

PRO QUACUMQUE
NECESSITATE

Oratio

Deus, refúgium nostrum, et virtus: adésto piis Ecclésiæ tuæ précibus, auctor ipse pietátis, et præsta; ut, quod fidéliter pétimus, effícaciter consequámur. Per Dóminum.

Secreta

Da, miséricors Deus: ut hæc salutáris oblátio et a própriis nos reátibus indesinénte expédíat, et ab ómnibus tueátur advérsis. Per Dóminum.

Postcommunio

Súmpsímus, Dómine, sacri dona mystérii, humíliter deprecánte: ut quæ in tui commemoratió-nem nos fácere præcepísti, in nostræ proficiant infirmitátis auxílium: Qui vivis.

AD POSTULANDAM
SERENITATEM

Oratio

Ad te nos, Dómine, clamánte exáudi: et áëris serenitátem nobis trí-bue supplicántibus; ut, qui iuste pro peccátis nostris affligimur, misericórdia tua præveniénte cleméntiam sentiámus. Per Dóminum.

Secreta

Prævéniat nos, quæsumus, Dómine, grátia tua semper, et subsequátur: et has oblatiões, quas pro peccátis nostris nómini tuo consecrándas deférimus, benígnus assúme; ut, per intercessiόνem Sanctórum tuórum, cunctis nobis proficiant ad salútem. Per Dóminum.

Postcommunio

Quæsumus, omnípotens Deus, cleméntiam tuam: ut inundántiam coérceas ímbrium, et hilaritátem vultus tui nobis impertíri dignéris. Per Dóminum.

AD REPELLENDAS
TEMPESTATES

Oratio

Ad domo tua, quæsumus, Dómine, spiritáles nequítiae repellántur: et aëreárum discédant malígnitas tempestátum. Per Dóminum.

Secreta

Offérimus tibi, Dómine, laudes et múnera, pro concéssis beneficiis grátias referénte, et pro concedéndis semper suppliciter deprecánte. Per Dóminum.

Postcommunio

Omnípotens sempitérne Deus, qui nos et castigándo sanas, et ignoscéndo consérvas: præsta supplicibus tuis; ut et tranquillitátibus huius optátæ consolatiónis lætémur, et dono tuæ pietátis semper utámur. Per Dóminum.

**IN QUACUMQUE
TRIBULATIONE****Oratio**

Ne despicias, omnípotens Deus, pópulum tuum in afflictiónē clamántem: sed propter glóriam nóminis tui, tribulátis succurre placátus. Per Dóminum.

Secreta

Súscipe, Dómine, propítius hostias, quibus et te placári voluísti, et nobis salútem poténti pietáte restitui. Per Dóminum.

Postcommunio

Tribulatióne nostram, quæsumus, Dómine, propítius respice: et iram tuæ indignatiónis, quam iuste merémur, avérte. Per Dóminum.

PRO VIVIS ET DEFUNCTIS**Oratio**

Omnípotens sempitérne Deus, qui vivórum domináris simul

et mortuórum, omniúmque miseris, quos tuos fide et ópere futuros esse prænóscis: te súpplīces exorámus; ut, pro quibus effúndere preces decrevimus, quosque vel præsens sæculum adhuc in carne rétinet, vel futúrum iam exútos corpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

Secreta

Deus, cui soli cógnitus est número electórum in supérna felicitáte locándus: tribue, quæsumus; ut, intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina beátæ prædestinatiónis liber adscripta retíneat. Per Dóminum.

Postcommunio

Puríficent nos, quæsumus, omnípotens et miséricors Deus, sacraménta quæ sumpsimus: et intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad poenam, sed intercéssio salutáris ad véniam: sit ablútió scélerum, sit fortitúdo fragílium, sit contra ómnia mundi pérícula firmaméntum: sit vivórum atque mortuórum fidélium remíssio ómnium delictórum. Per Dóminum.



PROPRIUM SANCTORUM

Missæ, quæ de singulis festis in hoc Proprio habentur, exceptis tamen Missis de peculiaribus Mysteriis Domini aut de festis beatæ Mariæ Virginis pro quibus specialis non habeatur indicatio, necnon Missis de S. Ioseph ac de Ss. Petro et Paulo App., dicuntur etiam ut votivæ; sed in eis, nisi aliter suis locis habeatur, post epistolam sumitur graduale cum versu sequenti aut cum suo tractu, vel, tempore paschali, Allelúia cum suis versibus, quæ desint, de respectivo Communi. Pro Martyribus autem, tempore paschali, dicitur Missa Protexisti vel Sancti tui, prout casus ferat, et in ea dicuntur partes propriæ, si habeantur. In singulis tamen orationibus omituntur verba hodierna die, annua similia, ubicumque habentur, et immutantur voces natalis, natalitium, festivitas in commemoratio, memoria. Itemque loco antiphonæ ad Introitum Gaudeamus, dicitur antiphona e respectivo Communi. Extra tempus paschale omittuntur Allelúia, quæ in antiphona ad Introitum forte inveniuntur. Allelúia autem quæ aliquando exstat in antiphonis ad Offertorium et ad Communionem, omittitur tantum a Septuagesima ad Pascha.

FESTA NOVEMBRIS

DIE 29 NOVEMBRIS

S. SATURNINI **MARTYRIS**

Commemoratio

Missæ Lætábitur, de Communi unius Martyris 4° loco (8), cum orationibus ut infra.

Oratio

Deus, qui nos beáti Saturníni Mátyris tui concédis natalitio pérfrui: eius nos tríbue méritis adiuvári. Per Dóminum.

Secreta

Múnera, Dómini, tibi dicáta sanctífica: et intercedénte beáto Saturníno Mátyre tuo, per hæc éadem nos placátus inténde. Per Dóminum.

Postcommunio

Sanctíficet nos, quæsumus, Dómine, tui percéptio sacraménti: et intercessióne Sanctórum tuórum tibi reddat accéptos. Per Dóminum.

DIE 30 NOVEMBRIS

S. ANDREÆ APOSTOLI

II classis

Antiphona ad Introitum

Ps. 138, 17

Mihi autem nimis honorati sunt amici tui, Deus: nimis confortatus est principatus eorum. **Ps. ibid., 1-2** Domine, probasti me, et cognovisti me: tu cognovisti sessionem meam, et resurrectionem meam. **V.** Glória Patri. **Mihi.**

Oratio

Maiestatem tuam, Domine, suppliciter exoramus: ut, sicut Ecclesiæ tuæ beatus Andréas Apostolus exstitit prædicator et rector; ita apud te sit pro nobis perpetuus intercessor. Per Dominum.

Et, in Adventu, fit commemoratio feriæ 419.

Lectio Epistolæ beati Pauli Apostoli ad Romanos

Rom. 10, 10-18

Fratres: Corde enim creditur ad iustitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Iudæi, et Græci: nam idem Dominus omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo vero prædicabunt, nisi mittantur? sicut scriptum est: Quam speciosi pedes evangelizantium pacem, evangeli-

zantium bona! Sed non omnes obediunt Evangelio. Isaías enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum.

Graduale Ps. 44, 17-18 Constitues eos principes super omnem terram: memores erunt nominis tui, Domine. **V.** Pro patribus tuis nati sunt tibi filii: propterea populi confitebuntur tibi.

Allelúia, allelúia. **V.** Diléxit Andréam Dominus in odorem suavitatis. Allelúia.

✠ Sequéntia sancti Evangelii secundum Matthæum.

Matth. 4, 18-22

In illo tempore: Ambulans Iesus iuxta mare Galilææ, vidit duos fratres, Simónem, qui vocatur Petrus, et Andréam fratrem eius, mittentes rete in mare (erant enim piscatores), et ait illis: Veníte post me, et faciam vos fieri piscatores hominum. At illi continuo, relictis rétib, secuti sunt eum. Et procedens inde, vidit alios duos fratres, Iacobum Zebedæi, et Ioánnem fratrem eius in navi cum Zebedæo patre eorum, reficientes rétia sua: et vocavit eos. Illi autem statim relictis rétib et patre, secuti sunt eum. **Credo.**

Antiphona ad Offertorium

Ps. 138, 17

Mihi autem nimis honorati sunt amici tui, Deus: nimis confortatus est principatus eorum.

Secreta

Sacrificium nostrum tibi, Dómine, quæsumus, beáti Andréæ Apóstoli precatio sancta concíliet: ut, in cuius honóre solémniter exhibétur, eius méritis efficiátur accéptum. Per Dóminum.

Et, in Adventu, fit commemoratio feriae 419.

Præfatio de Apostolis.

Antiphona ad Communionem

Matth. 4, 19-20

Veníte post me: fáciam vos fieri piscatóres hóminum: at illi continuo, relíctis rétibus, secúti sunt Dóminum.

Postcommunio

Súmpsimus, Dómine, divína mysteria, beáti Andréæ Apóstoli, festivitáte lætántes: quæ, sicut tuis Sanctis ad glóriam, ita nobis, quæsumus, ad véniam prodésse perficias. Per Dóminum.

Et, in Adventu, fit commemoratio feriae 419.

¶ In Missis votivis post Septuagesimam omnia dicuntur ut supra, sed post graduale, omissis Allelúia et versu sequenti, dicitur

Tractus Ps. 20, 3-4 Desiderium animæ eius tribuísti ei: et voluntáte labiórum eius non fraudásti eum. *V.* Quóniam prævenísti eum in benedictionibus dulcédinis. *V.* Posuísti in cápite eius corónam de lápide pretióso.

Tempore autem paschali, antiphonæ ad Introitum et ad Offertorium sumuntur ex Missa Protexísti, de Communi Martyrum 1° loco (16), reliqua dicuntur ut supra; sed post Epistolam omittitur graduale, et eius loco dicitur:

Allelúia, allelúia. *V.* Diléxit Andréam Dóminus in odórem suavitátis. Allelúia. *V. Ps. 20, 4* Posuísti, Dómine, super caput eius corónam de lápide pretióso. Allelúia.

FESTA DECEMBRIS

DIE 2 DECEMBRIS

S. BIBIANÆ

VIRGINIS ET MARTYRIS

III classis

Missa Me expectavérunt, de Communi Virginum 2° loco (31), præter orationem sequentem:

Oratio

P

Deus, ómnium largítor bonórum, qui in fámula tua Bibiána cum virginitátis flore martýrii palmam coniunxísti: mentes nostras eius intercessióne tibi caritáte coniúnge; ut, amótis perículis, præmia consequámur ætérna. Per Dóminum.

Et, in Adventu, fit commemoratio feriae 419.

Secreta

C

Hóstias tibi, Dómine, beátæ Bibiánæ Vírginis et Mártyris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Et, in Adventu, fit commemoratio feriae 419.

Postcommunio

C

Divíni múnneris largitáte satiáti, quæsumus, Dómine Deus noster: ut, intercedénte beáta Bibiána Vírgine et Mártyre tua, in eius semper participatióne vivámus. Per Dóminum.

Et, in Adventu, fit commemoratio feriae 419.

DIE 3 DECEMBRIS

S. FRANCISCI XAVERII
CONFESSORIS

III classis

Antiphona ad Introitum

Ps. 118, 46-47

Loquébar de testimoniis tuis in conspectu regum, et non confundébar: et meditábar in mandátis tuis, quæ diléxi nimis. **Ps. 116, 1-2** Laudáte Dóminum, omnes gentes, laudáte eum, omnes pópuli: quóniam confirmáta est super nos misericórdia eius, et véritas Dómini manet in ætérnum. **V.** Glória Patri. **L**oquébar.

Oratio

Deus, qui Indiárum gentes beáti Francísci prædicatione et miraculis Ecclésiæ tuæ aggregáre voluísti: concéde propítius; ut, cuius gloriósa mérita venerámur, virtutum quoque imitémur exémpa. Per Dóminum.

Et fit commemoratio feriae 419.

Lectio Epístolæ beáti Pauli Apóstoli
ad Romános

Rom. 10, 10-18

Fratres: Corde enim créditur ad iustítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est dístíctio Iudæi, et Græci: nam idem Dóminus ómnium, dives in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem

áudient sine prædicánte? Quómodo vero prædicábunt, nisi mittántur? sicut scriptum est: Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis crédidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid. 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélii
secúndum Marcum

Marc. 16, 15-18

In illo témpore: Dixit Iesus discí-pulis suis: Eúntes in mundum univérsum, prædicáte Evangélium omni creatúræ. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, hæc sequéntur: in nómine meo dæmónia eiicient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Praesta nobis, quæsumus, omnipotens Deus: ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Et fit commemoratio feriae 419.

Antiphona ad Communionem

Matth. 24, 46-47

Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio

Quæsumus, omnipotens Deus: ut, qui caelestia alimenta percipimus, intercedente beato Francisco Confessore tuo, per hæc contra omnia adversa muniamur. Per Dominum.

Et fit commemoratio feriae 419.

DIE 4 DECEMBRIS

**S. PETRI CHRYSOLOGI
EP., CONF. ET ECCL. DOCT.**

III classis

Antiphona ad Introitum

Eccli. 15, 5

In medio Ecclesiae aperuit os eius: et implavit eum Dominus spiritu sapientiae et intellectus: stolam gloriæ induit eum. **Ps. 91, 2** Bonum est confiteri Domino: et psallere nomini tuo, Altissime. **V.** Glória Patri. **In medio.**

Oratio

Deus, qui beatum Petrum Chrysologum Doctorem egregium, divinitus prae monstratum, ad regendam et instruendam Ecclesiam

tuam eligi voluisti: praesta, quæsumus; ut, quem Doctorem vitae habuimus in terris, intercessorem habere mereamur in caelis. Per Dominum.

Et fit commemoratio feriae 419.

Deinde commemoratio S. Barbaræ Virginis et Martyris:

Oratio

Deus, qui inter cetera potentiae tuæ miracula, etiam in sexu fragili victoriam martyrii contulisti: concede propitius; ut, qui beatæ Barbaræ Virginis et Martyris tuæ natalitia colimus, per eius ad te exempla gradiamur. Per Dominum.

Lectio Epistolæ beati Pauli Apostoli
ad Timotheum

2 Tim. 4, 1-8

Carissime: Testificor coram Deo, et Iesu Christo, qui iudicaturus est vivos et mortuos, per adventum ipsius, et regnum eius: prædica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, pruriētes auribus, et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim iam delibor, et tempus resolutionis meae instat. Bonum certamen certavi, cursum consummavi, fidem servavi. In reliquo repōsita est mihi corona iustitiæ, quam reddet mihi Dominus in illa die, iustus iudex: non solum autem mihi, sed et iis, qui diligunt adventum eius.

Graduale Eccli. 44, 16 Ecce sacerdos magnus, qui in diebus suis placuit Deo. **V. Ibid., 20** Non est inventus similis illi, qui conservaret legem Excelsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélíi secúndum Matthæum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salié-tur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub mó-dio, sed super candelábrum, ut lú-ceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et glo-ríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vo-cábitur in regno cælórum: qui au-tem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multipli-cábitur.

Secreta

Sancti Petri Chrysólogi Pontíficis tui atque Doctóris nobis, Dó-mine, pia non desit orátio: quæ et múnera nostra concíliet; et tuam nobis indulgéntiam semper obtí-neat. Per Dóminum.

Et fit commemoratio feriæ 419.

Pro S. Barbara

Secreta

Súscipe, Dómine, múnera, quæ in beátæ Bárbaræ Vírginis et Mártiris tuæ solem-nitáte deférimus: cuius nos confídimus patrocínio liberári. Per Dóminum.

Antiphona ad Communionem

Matth. 25, 20 et 21

Dómine, quinque talénta tradi-dísti mihi: ecce ália quinque super-lucrátus sum. Euge, serve bone, et fidélis, quia in pauca fuísti fidélis, supra multa te constítuam, intra in gáudium Dómini tui.

Postcommunio

Ut nobis, Dómine, tua sacrificia dent salútem: beátus Petrus Chrysólogus Póntifex tuus et Do-ctor egrégíus, quæsumus, precátor accédát. Per Dóminum.

Et fit commemoratio feriæ 419.

Pro S. Barbara Postcommunio

Auxiliéntur nobis, Dómine, sumpta mystéria: et, inter-cedénte beáta Bárbara Vírgine et Mártire tua, sempitérna faci-ant protectióne gaudére. Per Dóminum.

EODEM DIE 4 DECEMBRIS

S. BARBARÆ

VIRGINIS ET MARTYRIS

Commemoratio

Missa Loquébar, de Communi Virginum 1º loco (29)

DIE 5 DECEMBRIS

S. SABBÆ ABBATIS

Commemoratio

Missa Os iusti, de Communi Abbatum (28), cum orationibus ut infra:

Oratio

Intercéssio nos, quæsumus, Dómine, beáti Sabbæ Abbátis coméndet: ut, quod nostris méritis non valémus, eius patrocínio assequámur. Per Dóminum.

Secreta

Sacris altáribus, Dómine, hóstias superpósitas sanctus Sabbas, quæsumus, in salútem nobis provenire depóscat. Per Dóminum.

Postcommunio

Próteget nos, Dómine, cum tui perceptióne sacraménti beátus Sabbas, pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

DIE 6 DECEMBRIS

S. NICOLAI

EPISCOPI ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **Státuit.**

Oratio

Deus, qui beátum Nicoláum Pontíficem innúmeris decorásti miraculis: tríbe, quæsumus; ut eius méritis et précibus a gehénnæ incéndiis liberémur. Per Dóminum.

Et fit commemoratio feriae 419.

Léctio Epístolæ beáti Pauli Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Iesus Christus heri, et hódie: ipse et in sácula. Doctrínis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum cörpera cremántur extra castra. Propter quod et Iesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini eius. Beneficéntiæ autem, et communiónis nolíte oblivísci: talibus enim hóstiis promerétur Deus. Obedíte præpósitis vestris, et subiacéte eis. Ipsi enim pervígilant, quasi ratióne pro animábus vestris redditúri.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum. **V.** Nihil proficiet inimícus in eo, et fílius iniquitátis non nocébit ei.

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélíi secúndum Matthæum.

Matth. 25, 14-23

In illo témpore: Dixit Iesus discí-
pulis suis parábolam hanc:
Homo péregre proficíscens, vocávit
servos suos, et trádedit illis bona
sua. Et uni dedit quinque talénta,
álii autem duo, álii vero unum, uni-
cuíque secúndum própriam virtú-
tem, et proféctus est statim. Abiit
autem qui quinque talénta accépe-
rat, et operátus est in eis, et lucrá-
tus est ália quinque. Simíliter et qui
duo accéperat, lucrátus est ália duo.
Qui autem unum accéperat, ábiens
fodit in terram, et abscóndit pecú-
niam dómini sui. Post multum vero
témporis venit dóminus servórum
illórum, et pósuit ratiónem cum eis.
Et accédens qui quinque talénta
accéperat, obtulit ália quinque ta-
lénta, dicens: Dómine, quinque
talénta tradidísti mihi, ecce ália
quinque superlucrátus sum. Ait illi
dóminus eius: Euge, serve bone, et
fidélis, quia super pauca fuísti fidé-
lis, super multa te constítuam: intra
in gáudium dómini tui. Accéssit au-
tem et qui duo talénta accéperat, et
ait: Dómine, duo talénta tradidísti
mihi, ecce ália duo lucrátus sum. Ait
illi dóminus eius: Euge, serve bone,
et fidélis, quia super pauca fuísti
fidélis, super multa te constítuam:
intra in gáudium dómini tui.

Antiphona ad Offertorium

Ps. 88, 25

Véritas mea, et misericórdia mea
cum ipso: et in nómine meo exaltá-
bitur cornu eius.

Secreta

Sanctífica, quæsumus, Dómine
Deus, hæc múnera, quæ in so-
lemnitate sancti Antístitis tui Ni-

colái offérimus: ut per ea, vita no-
stra inter advérsa et próspera
ubíque dirigátur. Per Dóminum.

Et fit commemoratio feriae 419.

Antiphona ad Communionem

Ps. 88, 36-38

Semel iurávi in sancto meo: se-
men eius in ætérnum manébit, et
sedes eius sicut sol in conspéctu
meo, et sicut luna perfécta in ætér-
num, et testis in cælo fidélis.

Postcommunio

Sacrificia, quæ sumpsimus, Dómi-
ne, pro solemnitate sancti Pon-
tíficis tui Nicolái, sempiterna nos
protectióne consérvent. Per Dómi-
num.

Et fit commemoratio feriae 419.

DIE 7 DECEMBRIS

S. AMBROSII

EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius:
et implévit eum Dóminus spí-
ritu sapiéntiæ et intelléctus:
stolam glóriæ induit eum. **Ps. 91, 2**
Bonum est confitéri Dómino: et
psállere nómini tuo, Altíssime. **V.**
Glória Patri. **In médio.**

Oratio

Deus, qui pópulo tuo ætérne sa-
lútis beátum Ambrósium mi-
nístrum tribuísti: præsta, quæsu-

mus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et fit commemoratio feriae 419.

Lectio Epístolæ beāti Pauli Apóstoli ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritaté quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélii secúndum Matthæum

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Omnípotens sempitérne Deus, múnera tuæ maiestáti obláta, per intercessiónem beāti Ambrósii Confessóris tui atque Pontíficis, ad perpétuam nobis fac proveníre salútem. Per Dóminum.

Et fit commemoratio feriae 419.

Antiphona ad Communionem**Ps. 88, 36-38**

Semel iurávi in sancto meo: semen eius in ætérnum manébit, et sedes eius sicut sol in conspéctu meo, et sicut luna perfécta in ætérnum, et testis in cælo fidélis.

Postcommunio

Sacraménta salútis nostræ suscipiéntes, concéde, quæsumus, omnipotens Deus: ut beáti Ambrósii Confessóris tui atque Pontíficis, nos ubíque orátio ádiuvet; in cuius veneratióne hæc tuæ obtúlimus maiestáti. Per Dóminum.

Et fit commemoratio feriæ 419.



DIE 8 DECEMBRIS

IN CONCEPTIONE IMMACULATA BEATÆ MARIÆ VIRGINIS

I classis

Antiphona ad Introitum

Isai. 61, 10

Gaudens gaudébo in Dómino,
et exultábit ánima mea in
Deo meo: quia induit me
vestiméntis salutis: et in-
duménto iustítiæ circúmdedit me,
quasi sponsam ornátam monílibus
suis. **Ps. 29, 2** Exaltábo te, Dómine,
quóniam suscepísti me: nec dele-
ctásti inimícos meos super me. **V.**
Glória Patri. **Gaudens.**

Oratio

Deus, qui per immaculátam Vír-
ginis Conceptionem dignum
Fílio tuo habitáculum præparásti:
quæsumus; ut, qui ex morte eiús-
dem Fílii tui prævísa, eam ab omni
labe præservásti, nos quoque mun-
dos eius intercessióne ad te perve-

nire concédas. Per eúndem Dómi-
num.

Et fit commemoratio feriae 419.

Lectio libri Sapiéntiæ

Prov. 8, 22-35

Dóminus possédit me in inítio
viárum suárum, ántequam
quidquam fáceret a princípío. Ab
ætérno ordináta sum, et ex antíquis,
ántequam terra fieret. Nondum
erant abýssi, et ego iam concépta
eram: necdum fontes aquárum erú-
perant: necdum montes gravi mole
constíterant: ante colles ego partu-
riébar: adhuc terram non fécerat,
et flúmina, et cárdines orbis terræ.
Quando præparábat cælos, áderam:
quando certa lege et gyro vallábat
abýssos: quando æthera firmábat

sursum, et librabat fontes aquarum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram cuncta compónens: et delectábar per singulos dies, ludens coram eo omni témpore: ludens in orbe terrarum: et delíciæ meæ esse cum filiis hóminum. Nunc ergo, filii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abiícere eam. Beátus homo, qui audit me, et qui vígilat ad fores meas cotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale Judith 13, 23 Benedícta es tu, Virgo María, a Dómino Deo excélso, præ ómnibus muliéribus super terram. **V. Ibid., 15, 10** Tu glória Ierúsalem, tu lætítia Israël, tu honorificéntia pópuli nostri.

Allelúia, allelúia. **V. Cant. 4, 7** Tota pulchra es, María: et mácula originális non est in te. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 86, 1-2 Fundaménta eius in móntibus sanctis: díligit Dóminus portas Sion super ómnia tabernácula Iacob. **V. Ibid., 3** Gloriósa dicta sunt de te, civitas Dei. **V. Ibid., 5** Homo natus est in ea, et ipse fundávit eam Altíssimus.

Tempore autem paschali omittitur graduale, et eius loco dicitur:

Allelúia, allelúia. **V. Judith 15, 10** Tu glória Ierúsalem, tu lætítia Israël, tu honorificéntia pópuli nostri. Allelúia. **V. Cant. 4, 7** Tota pulchra es, María: et mácula originalis non est in te. Allelúia.

✠ Sequéntia sancti Evangélíi secúndum Lucam

Luc. 1, 26-28

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrèssus Angelus ad eam, dixit: Ave, grátia plena: Dóminus tecum: benedícta tu in muliéribus. **C**redo.

¶ In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium

Luc. 1, 28

Ave, María, grátia plena: Dóminus tecum: benedícta tu in muliéribus, allelúia.

Secreta

Salutárem hóstiam, quam in solemnitáte immaculátæ Conceptionis beátæ Vírginis Mariæ tibi, Dómine, offérimus, súscipe et præsta: ut, sicut illam tua grátia præveniéntem ab omni labe immúnem profitémur; ita eius intercessióne a culpis ómnibus liberémur. Per Dóminum.

Et fit commemoratio feriae 419.

Præfatio de B. María Virgine. Et te in Conceptione immaculáta.

Antiphona ad Communionem

Gloriósá dicta sunt de te, María: quia fecit tibi magna qui potens est.

Postcommunio

Sacraménta quæ sumpsimus, Dómine Deus noster: illíus in nobis culpæ vúlnera réparent; a qua immaculátam beátæ Mariæ Conceptionem singuláriter præservásti. Per Dóminum.

Et fit commemoratio feriae 419.

DIE 10 DECEMBRIS
S. MELCHIADIS
PAPÆ ET MARTYRIS

Commemoratio

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Melchiádem, Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam gubernána, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 11 DECEMBRIS
S. DAMASI I

PAPÆ ET CONFESSORIS

III classis

Antiphona ad Introitum

Ioann. 21, 15-17

Si diligis me, Simon Petre, pasce agnos meos, pasce oves meas. **Ps. 29, 1** Exaltábo te, Dómine, quóniam

suscepísti me, nec delectásti inimícos meos super me. **V.** Glória Patri. **S**i diligis.

Oratio

Gregem tuum, Pastor ætérne, placátus inténde: et per beátum Dámasum Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Et fit commemoratio feriae 419.

Léctio Epístolæ beáti Petri
Apóstoli

I Petr. 5, 1-4 et 10-11

Caríssimi: Senióres, qui in vobis sunt, óbescro consénior et testis Christi passiónum, qui et eius, quæ in futúro revelánda est, glóriæ communicátor: páscite qui in vobis est gregem Dei, providéntes non coácte, sed spontáneæ secúndum Deum, neque turpis lucri grátia, sed voluntárie; neque ut dominántes in cleris, sed forma facti gregis ex ánimo. Et, cum apparúerit princeps pastórum, percipiétis immarcescibilem glóriæ corónam. Deus autem omnis grátiae, qui vocávit nos in ætérnam suam glóriam in Christo Iesu, módicum passos ipse perficiet, confirmábit solidabítque. Ipsi glória et impérium in sæcula sæculórum. Amen.

Graduale Ps. 106, 32, 31 Exáltent eum in Ecclésia plebis: et in cáthedra seniórum laudent eum. **V.** Confiteántur Dómino misericórdiæ eius; et mirábilia eius fíliis hóminum.

Allelúia, allelúia. **Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélíi secúndum Matthæum

Matth. 16, 13-19

In illo témpore : Venit Iesus in partes Cæsaráe Philíppi, et interrogábat discípulos suos, dicens : Quem dicunt hómines esse Fílium hóminis? At illi dixerunt : Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus : Vos autem quem me esse dicitis? Respóndens Simon Petrus, dixit : Tu es Christus, Fílius Dei vivi. Respóndens autem Iesus, dixit ei: Beátus es, Simon Bar Iona : quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis.

Antiphona ad Offertorium

Ierem. 1, 9-10

Ecce dedi verba mea in ore tuo: ecce constitui te super gentes et super regna, ut evéllas et déstruas, et ædífices et plantes.

Secreta

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Et fit commemoratio feriae 419.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam.

Postcommunio

Refectióne sancta enutrítam gubernána, quæsumus, Dómine, tuam placátus Ecclésiám: ut poténti moderatióne dirécta, et increménta libertátis accípiat et in religiónis integritáte persístat. Per Dóminum.

Et fit commemoratio feriae 419.

DIE 13 DECEMBRIS

S. LUCIÆ

VIRG. ET MART.

III classis

Antiphona ad Introitum

Ps. 44, 8

Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **Dilexísti.**

Oratio

Exáudi nos, Deus, salutáris noster: ut, sicut de beátæ Lúciæ Vírginis et Mártiris tuæ festivitáte gaudémus; ita piæ devotiónis erudiámur afféctu. Per Dóminum.

Et fit commemoratio feriae 419.

Léctio Epístolæ beáti Pauli Apóstoli
ad Corínthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiæ meæ, sed et supportáte

me: æmulor enim vos Dei æmulatione. Despónði enim vos uni viro virginem castam exhibére Christo.

Graduale Ps. 44, 8 Dilexísti iustitiam, et odísti iniquitatem. **V.** Propterea unxit te Deus, Deus tuus, óleo lætitiæ.

Allelúia, allelúia. **V. Ibid., 3** Diffusa est grátia in lábiis tuis: propterea benedíxit te Deus in ætérnum. Allelúia.

¶ In Missis votivis, post Septuagesimam tractus, et tempore paschali Allelúia cum suis versibus, ex Missa Dilexísti, de Communi Virginum 3^o loco. (33)

✠ Sequéntia sancti Evangélíi secúndum Matthæum

Matth. 13, 44-52

In illo témpore: Dixit Iesus discí-pulis suis parábolam hanc: Símile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exíbut Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patri-famílias, qui profert de thesáuro suo nova et vétera.

Antiphona ad Offertorium

Ps. 44, 15 et 16

Afferéntur regi vírgines post eam: próximæ eius afferéntur tibi in lætítia et exsultatione: adducéntur in templum regi Dómino.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatione percepísse cognóscit auxílium. Per Dóminum.

Et fit commemoratio feriae 419.

Antiphona ad Communionem

Ps. 118, 161-162

Príncipes persecúti sunt me gratis, et a verbis tuis formidávit cor meum: lætábor ego super elóquia tua, quasi qui invénit spólia multa.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Et fit commemoratio feriae 419.

DIE 16 DECEMBRIS

S. EUSEBII EP. ET MART.

III classis

Missa Sacerdótes Dei, de Communi unius Martyris 2^o loco (5).

Oratio

C

Deus, qui nos beáti Eusépii Mátyris tui atque Pontíficis ánnua solemnitáte lætíficas: concéde propítius; ut, cuius natalítia cólimus, de eiúsdem étiam protectione gaudeámus. Per Dóminum.

Et fit commemoratio feriae 419.

Secreta

C

Múnera tibi, Dómine, dicáta sanctífica: et, intercedénte beáto Eusébio Mártire tuo atque Pontífice, per éadem nos placátus inténde. Per Dóminum.

Et fit commemoratio feriae 419.

Postcommunio

C

Hæc nos commúnio, Dómine, purget a crimine: et, intercedénte beáto Eusébio Mártire tuo atque Pontífice, cæléstis remédii fáciat esse consórtes. Per Dóminum.

Et fit commemoratio feriae 419.

DIE 21 DECEMBRIS

S. THOMÆ APOSTOLI

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. *Ps. ibid., 1-2* Dómine, probásti me, et cognovísti me: tu cognovísti sessiónem meam, et resurrectionem meam. *V. Glória Patri. Mihi.*

Oratio

Da nobis, quæsumus, Dómine, beáti Apóstoli tui Thomæ solemnitátibus gloriári: ut eius semper et patrocíniis sublevémur; et fidem cóngrua devotíone sectémur. Per Dóminum.

Et fit commemoratio feriae 419.

Léctio Epístolæ beáti Pauli Apóstoli ad Ephésios

Ephes. 2, 19-22

Fratres: Iam non estis hóspites, et ádvenæ: sed estis cives sanctórum, et doméstici Dei: superædificáti super fundaméntum Apostolórum, et Prophetárum, ipso summo angulári lápide Christo Iesu: in quo omnis ædificátio constrúcta crescit in templum sanctum in Dómino, in quo et vos coædificámini in habitáculum Dei in Spíritu.

Graduale Ps. 138, 17-18 Nimis honoráti sunt amíci tui, Deus: nimis confortátus est principátus eórum. *V. Dinumerábo eos, et super arénam multiplicabúntur.*

Allelúia, allelúia. *V. Ps. 32, 1* Gaudéte, iusti, in Dómino: rectos decet collaudátio. Allelúia.

✠ Sequéntia sancti Evangélii secúndum Ioánnem

Ioann. 20, 24-29

In illo témpore: Thomas, unus ex duódecim, qui dicitur Dídymus, non erat cum eis, quando venit Iesus. Dixérunt ergo ei álíi discípuli: Vídimus Dóminum. Ille autem dixit eis: Nisi vídero in mánibus eis fixúram clavórum, et mittam dígitum meum in locum clavórum, et mittam manum meam in latus eius, non credam. Et post dies octo, íterum erant discípuli eius intus, et Thomas cum eis. Venit Iesus iánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus.

Dixit ei Iesus: Quia vidisti me, Thoma, credidisti: beāti qui non viderunt, et crediderunt. **Credo.**

Antiphona ad Offertorium

Ps. 18, 5

In omnem terram exiit sonus eorum: et in fines orbis terrae verba eorum.

Secreta

Débitum tibi, Dómine, nostrae réddimus servitútis, suppliciter exorantes: ut, suffrágiis beāti Thomae Apóstoli, in nobis tua múnера tueáris, cuius honoránda confessióne laudis tibi hóstias immolámus. Per Dóminum.

Et fit commemoratio feriae 419.

Præfatio de Apostolis.

Antiphona ad Communionem

Ioann. 20, 27

Mitte manum tuam, et cognósce loca clavórum: et noli esse incredulus, sed fidélis.

Postcommunio

Adésto nobis, miséricors Deus: et, intercedente pro nobis beáto Thoma Apóstolo, tua circa nos propitiátus dona custódi. Per Dóminum.

Et fit commemoratio feriae 419.

¶ In Missis votivis post Septuagesimam omnia dicuntur ut supra, sed post graduale, omissis Allelúia, et versu sequenti, dicitur:

Tractus Ps. 20, 3-4 Desidérium animæ eius tribuisti ei; et voluntáte labiórur eius non fraudásti eum. **℣.** Quóniam prævenísti eum in benedicti-

ónibus dulcédinis. **℣.** Posuísti in cápite eius corónam de lapide pretiósó.

Tempore autem paschali, antiphonæ ad Introitum et ad Offertorium sumuntur ex Missa Protexisti, de Comuni Martyrum 1º loco (16), reliqua dicuntur ut supra, sed post Epistolam omittitur graduale, et eius loco dicitur:

Allelúia, allelúia. **℣. Ps. 32, 1** Gaudéte, iusti, in Dómino: rectos decet collaudátio. Allelúia. **℣. Ps. 88, 6** Confitebúntur cæli mirabilia tua, Dómine: étenim veritátem tuam in ecclésia sanctórum. Allelúia.

FESTA IANUARI

Post tempus Epiphaniæ occurrentia.

DIE 14 IANUARI

S. HILARI

EP., CONF., ET ECCL. DOCT.

III classis

Missa In médio, de Comuni Doctorum (23).

Oratio

Deus, qui pópulo tuo æternæ salutis beátum Hilárium ministrum tribuísti; præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et fit commemoratio S. Felicis Presbyteri et Martyris:

Oratio

Concéde, quæsumus, omnipotens Deus: ut ad meliorem vitam Sanctórum tuórum exémpla nos próvocent; quátenus, quorum solémnia ágimus, étiam actus imitémur. Per Dóminum.

Secreta

C1

Sancti Hilárii Pontíficis tui atque Doctóris, nobis, Dómine, pia non desit orátio: quæ, et múnera nostra concíliet; et tuam nobis indulgéntiam semper obtíneat. Per Dóminum nostrum.

Pro S. Felice

Secreta

Hóstias tibi, Dómine, beáti Felícis Mártiris tui dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

C1

Ut nobis, Dómine, tua sacrificia dent salútem: beátus Hilárius Póntifex tuus et Doctor egrégus, quæsumus, precátor accédát. Per Dóminum.

Pro S. Felice Postcommunio

Quæsumus, Dómine, salutaribus repléti mystériis: ut, beáti Felícis Mártiris tui, cuius solémnia celebrámus, orationibus adiuvémur. Per Dóminum.

EODEM DIE 14 IANUARI

S. FELICIS

PRESBYTERI ET MARTYRIS

Commemoratio

Missa Laetábitur, de *Communi unius Martyris* 4º loco (8), cum orationibus propriis in præcedenti *Missa* notatis.

DIE 15 IANUARI

S. PAULI

PRIMI EREMITÆ, CONF.

III classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in

átriis domus Dei nostri. *Ps. ibid., 2* Bonum est confitéri Dómino: et psállere nómini tuo, Altíssime. *V.* Glória Patri. *Iustus.*

Oratio

Deus, qui nos beáti Pauli Confessoris tui ánnua solemnitáte lætíficas: concéde propítius; ut, cuius natalítia cólimus, étiam actiões imitémur. Per Dóminum.

Et fit commemoratio S. Mauri Abbatis:

Oratio

Intercéssio nos, quæsumus, Dómine, beáti Mauri Abbátis comméndet: ut, quod nostris méritis non valémus, eius patrocínio assequámur. Per Dóminum.

Léctio Epístolæ beáti Pauli Apóstoli ad Philippenses

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúm tamen exístimo ómnia detriméntum esse propter eminentem sciéntiam Iesu Christi Dómini mei: propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu: quæ ex Deo est iustitia in fide, ad cognoscéndum illum, et virtútem resurrectionis eius, et societátem passiónum illíus: configurátus morti eius: si quo modo occurrám ad resurrectionem, quæ est ex mórtuis: non quod iam accéperim, aut iam perféctus sim: sequor au-

tem, si quo modo comprehéndam, in quo et comprehénsus sum a Christo Iesu.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ **Sequéntia sancti Evangélíi secúndum Matthæum**

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis et oneráti estis, et ego reficiam vos. Tóllite iugum meum super vos, et discite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum exsultábit veheménter: desidérium animæ eius tribuísti ei.

Secreta

Laudis tibi, Dómine, hóstias immolámus in tuórum commemoratione Sanctórum: quibus nos et præsentibus éxui malis confídimus, et futúris. Per Dóminum.

Pro S. Mauro

Secreta

Sacris altáribus, Dómine, hóstias superpósitas sanctus Maurus Abbas, quæsumus, in salutem nobis proveníre depóscat. Per Dóminum.

Antiphona ad Communionem

Ps. 63, 11

Lætábitur iustus in Dómino, et sperábit in eo: et laudabúntur omnes recti corde.

Postcommunio

Refécti cibo potúque cælésti, Deus noster, te súplices exorámus: ut, in cuius hæc commemoratione percépimus, eius muniámur et précibus. Per Dóminum.

Pro S. Mauro Postcommunio

Próteget nos, Dómine, cum tui perceptione sacraménti beátus Maurus Abbas, pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

EODEM DIE 15 IANUARI

S. MAURI

ABBATIS

Commemoratio

Missa Os iusti, de Comuni Abbatum. (28)

DIE 16 IANUARI

S. MARCELLI I

PAPÆ ET MARTYRIS

III classis

Missa Si diligis me, de Communi unius aut plurium Summorum Pontificum (2), præter Orationem sequentem:

Oratio

P

Preces pópuli tui, quæsumus, Dómine, cleménter exáudi: ut beáti Marcelli Mátyris tui atque Pontíficis méritis adiuvémur, cuius passióne lætámur. Per Dóminum.

Secreta

C 1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C 1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 17 IANUARI

S. ANTONII

ABBATIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri. **O**s iusti.

Oratio

Intercéssio nos, quæsumus, Dómine, beáti Antónii Abbátis coméndet: ut, quod nostris méritis non valémus, eius patrocínio assequámur. Per Dóminum.

Lectio libri Sapiéntiæ

Eccli. 45, 1-6

Diléctus Deo et homínibus, cuius memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale Ps. 20, 4-5 Dómine, prævenísti eum in benedictiónibus dulcedinis: posuísti in cápite eius corónam de lápide pretióso. **V.** Vitam pétiit a te, et tribuísti ei longitúdinem diérum in sæculum sæculi.

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélii secúndum Lucam

Luc. 12, 35-40

In illo témpore: Dixit Iesus discíulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus expectántibus dóminum suum, quando revertátur a núptiis: ut,

cum vénerit, et pulsáverit, confestim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium

Ps. 20, 3 et 4

Desidérium ánimæ eius tribuísti ei, Dómine, et voluntáte labiórum eius non fraudásti eum: posuísti in cápite eius corónam de lápide pretiósó.

Secreta

Sacris altáribus, Dómine, hóstias superpósitas sanctus Antónius Abbas, quæsumus, in salútem nobis proveníre depóscat. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Próteget nos, Dómine, cum tui perceptiône sacraménti beátus Antónius Abbas, pro nobis intercedénto: ut, et conversatiónis eius experiámur insígnia, et intercessiósni percipiámus suffrágia. Per Dóminum.

DIE 18 IANUARI

S. PRISCÆ

VIRGINIS ET MARTYRIS

Commemoratio

Missa Me expectavérunt, de Communi Virginum 2º loco (31), cum Orationibus propriis ut infra:

Oratio

Da, quæsumus, omnipotens Deus: ut, qui beátæ Priscæ Virginis et Mátyris tuæ natalítia cólimus; et ánnua solemnitáte lætémur, et tantæ fidei proficiámus exémplo. Per Dóminum.

Secreta

Hæc hóstia, quæsumus, Dómine, quam Sanctórum tuórum natalítia recenséntes offérimus, et vinctula nostræ pravitatís absólvat, et tuæ nobis misericórdiæ dona concíliet. Per Dóminum.

Postcommunio

Quæsumus, Dómine, salutáribus repléti mystériis: ut, cuius solemnia celebrámus, eius oratióibus adiuvémur. Per Dóminum.

DIE 19 IANUARI

SS. MARI, MARTHÆ,
AUDIFACIS ET ABACHUM

MARTYRUM

Commemoratio

Antiphona ad Introitum

Ps. 67, 4

Iusti epuléntur, et exsúltent in conspéctu Dei, et delecténtur in lætítia. **Ps. ibid., 2** Exsúrgat Deus, et dissipéntur inimíci eius: et fúgiant qui odérunt eum, a fácie eius. **V.** Glória Patri. **I.**usti.

Oratio

Exáudi, Dómine, pópulum tuum cum Sanctórum tuórum patro-
cínio supplicántem: ut et temporá-
lis vitæ nos tríbuas pace gaudére;
et ætérnæ reperíre subsídium. Per
Dóminum.

Deinde commemoratio S. Canuti Re-
gis, Martyris:

Oratio

Deus, qui ad illustrándam
Ecclésiám tuam beátum
Canútum regem martýrii palma
et gloriósis miráculis decoráre
dignátus es: concéde propíti-
us; ut, sicut ipse Domínicæ
passiónis imitátor fuit, ita nos
per eius vestígia gradiéntes, ad
gáudia sempitérna perveníre
mereámur. Per eúndem Dómi-
num.

Léctio Epístolæ beáti Pauli Apóstoli
ad Hebræos

Hebr. 10, 32-38

Fratres: Rememorámini prístinos
dies, in quibus illumináti, ma-
gnam certámen sustinuístis passió-
num: et in áltero quidem oppró-
briis, et tribulatió nibus spectácu-
lum facti: in áltero autem sócii tá-
liter conversántium effécti. Nam et
vinctis compássi estis, et rapínam
bonórum vestrórum cum gáudio
suscepístis, cognoscéntes vos ha-
bére meliorem, et manéntem sub-
stántiam. Nolíte itaque amittere
confidéntiam vestram, quæ ma-
gnam habet remuneratió nem. Pa-
tiéntia enim vobis necessária est:
ut voluntátem Dei faciéntes, repor-
tétis promissió nem. Adhuc enim
módicum aliquántulum, qui ven-
túrus est, véniet, et non tardábit.
Iustus autem meus ex fide vivit.

Graduale Sap. 3, 1, 2 et 3 Iustórum
ánimæ in manu Dei sunt: et non
tanget illos torméntum malítiæ. **V.**
Visi sunt óculis insipiéntium mori:
illi autem sunt in pace.

Allelúia, allelúia. **V. Ps. 67, 36**
Mirábilis Deus noster in Sanctis
suis. Allelúia.

Post Septuagesimam, omissis Allelúia, et
versu sequenti, dicitur:

Tractus Ps. 125, 5-6 Qui séminant
in lácrimis, in gáudio metent. **V.**
Eúntes ibant et flebant, mitténtes
sémina sua. **V.** Veniéntes autem
vénient cum exsultatió ne, portántes
manípulos suos.

✠ Sequéntia sancti Evangélii se-
cúndum Matthæum

Matth. 24, 3-13

In illo témpore: Sedénte Iesu su-
per montem Olivéti, accessérunt
ad eum discípuli secréto, dicéntes:
Dic nobis, quando hæc erunt? et
quod signum advéntus tui, et con-
summatió nis sáeculi? Et respóndens
Iesus, dixit eis: Vidéte, ne quis vos
sedúcat. Multi enim vénient in nó-
mine meo, dicéntes: Ego sum Chri-
stus: et multos sedúcent. Auditóri
enim estis prælia, et opinió nes præ-
liórum. Vidéte, ne turbémini. Opór-
tet enim hæc fieri, sed nondum est
finis. Consúrget enim gens in gen-
tem, et regnum in regnum, et erunt
pestiléntiæ, et fames, et terræmó tus
per loca. Hæc autem ómnia, iní tia
sunt dolórum. Tunc tradent vos in
tribulatió nem, et occídent vos: et
éritis ódio ómnibus géntibus prop-
ter nomen meum. Et tunc scandali-
zabúntur multi, et invicem tradent,
et ódio habébunt invicem. Et multi
pseudoprophétæ surgent, et sedú-
cent multos. Et quóniam abundávit

iniquitas, refrigerescet caritas multorum. Qui autem perseveraverit usque in finem, hic salvus erit.

Antiphona ad Offertorium

Ps. 123, 7

Anima nostra, sicut passer, erepta est de laqueo venantium: laqueus contritus est, et nos liberati sumus.

Secreta

Preces, Domine, tuorum respice, oblationesque fidelium: ut et tibi gratæ sint pro tuorum festivitàte Sanctorum, et nobis conferant tuæ propitiacionis auxilium. Per Dominum.

Pro S. Canuto

Secreta

Accépta sit in conspectu tuo, Domine, nostra devotio: et eius nobis fiat supplicacione salutáris, pro cuius solemnitáte defertur. Per Dominum.

Antiphona ad Communionem

Luc. 12, 4

Dico autem vobis amicis meis: Ne terreámini ab his, qui vos persequuntur.

Postcommunio

Sanctorum tuorum, Domine, intercessione placatus: præsta, quæsumus; ut, quæ temporáli celebrámus actione, perpétua salvatíone capiamus. Per Dominum.

Pro S. Canuto Postcommunio

Refécti participatíone muneris sacri, quæsumus, Domine Deus noster: ut, cuius exsequimur cultum, intercedente beáto Canúto Mártire tuo, sentiamus effectum. Per Dominum.

EODEM DIE 19 IANUARI

S. CANUTI

REGIS, MARTYRIS

Commemoratio

Missa In virtúte, de Communi unius Martyris 3° loco (7), cum orationibus propriis in præcedenti Missa notatis.

DIE 20 IANUARI

S. FABIANI PAPÆ

ET SEBASTIANI MARTYRUM

III classis

Antiphona ad Introitum

Ps. 78, 11, 12, et 10

Intret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est. **Ps. ibid., 1** Deus, venerunt gentes in hereditatem tuam: polluérunt templum sanctum tuum: posuérunt Ierúsalem in pomorum custodiam. **V.** Glória Patri. **Intret.**

Oratio

Infirmitatem nostram respice, omnipotens Deus: et, quia pondus propriæ actionis gravat, beatorum Mártirum tuorum Fabiani et Sebastiani intercessio gloriósa nos protegat. Per Dominum.

Lectio Epistolæ beati Pauli Apóstoli ad Hebræos

Hebr. 11, 33-39

Fratres: Sancti per fidem vicérunt regna, operati sunt iustitiam, adépti sunt repromissiones, obturavérunt ora leonum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterorum: acceperunt mulieres de resurrectione

mórtuos suos: álii autem disténti sunt, non suscipiéntes redemptiόνem, ut meliorem invenírent resurrecciónem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustíati, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti, invénti sunt in Christo Iesu Dómino nostro.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **℣. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúia, allelúia. **℣. Ps. 144, 10-11** Sancti tui, Dómine, benedícunt te: glóriam regni tui dicent. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui séminant in lácrimis, in gáudio metent. **℣.** Eúntes ibant et flebant, mitténtes sémina sua. **℣.** Veniéntes autem vénient cum exsultatióne, portántes manípulos suos.

✠ **Sequéntia sancti Evangélíi secúndum Lucam**

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur.

Et omnis turba quærébat eum tán-gere: quia virtus de illo exíbat, et sanábát omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim merces vestra multa est in cælo.

Antiphona ad Offertorium

Ps. 31, 11

Lætámini in Dómino, et exsultáte, iusti: et gloriámini, omnes recti corde.

Secreta

Hóstias tibi, Dómine, beatórum Mártyrum tuórum Fabiáni et Sebastíáni dicátas méritis, benígnus assúme: et ad perpétuum nobis tríbue proveníre subsídium. Per Dominum.

Antiphona ad Communionem

Luc. 6, 18 et 19

Multitúdo languéntium, et qui vexabántur a spirítibus immúndis, veniébant ad eum: quia virtus de illo exíbat, et sanábát omnes.

Postcommunio

Refécti participatióne múnerys sacri, quæsumus, Dómine Deus noster: ut, cuius exséquimur cultum, intercedéntibus sanctis Martýribus tuis Fabiáno et Sebastíano, sentiámus efféctum. Per Dóminum.

DIE 21 IANUARI

S. AGNETIS

VIRGINIS ET MARTYRIS

III classis

Antiphona ad Introitum

Ps. 118, 95-96

Me expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **Ps. ibid., 1** Beáti immaculáti in via: qui ámbulant in lege Dómini. **V. Glória Patri.** Me expectavérunt.

Oratio

Omnípotens sempitérne Deus, qui infirma mundi éligis, ut fórtia quæque confúndas: concéde propítius; ut, qui beátæ Agnétis Vírginis et Mátyris tuæ solémnia cólimus, eius apud te patrocínia sentiámus. Per Dóminum.

Léctio libri Sapiéntiæ

Eccli. 51, 1-8 et 12

Confitébor tibi, Dómine rex, et collaudábo te Deum salvatórem meum. Confitébor nómini tuo: quóniam adiútor, et protéctor factus es mihi, et liberásti corpus meum a perditione, a láqueo linguæ iníquæ, et a lábiis operántium mendácium, et in conspéctu astántium factus es mihi adiútor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulationum, quæ circumdedérunt me: a pressúra flammæ, quæ circúmdedit me, et in médio ignis non sum æstuáta: de altitúdine ventris inferi, et a lingua coinquináta, et a

verbo mendáci, a rege iníquo, et a lingua iniústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 44, 3 Diffúsa est grátia in lábiis tuis: proptérea benedíxit te Deus in ætérnum. **V. Ibid., 5** Propter veritátem, et mansuetúdinem, et iustítiam: et dedúcet te mirabíliter dextera tua.

Allelúia, allelúia. **V. Matth. 25, 4 et 6** Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino. Allelúia.

Post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amore sánguinem tuum fudísti. **V. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V. Ibid., 5** Spécie tua, et pulchritúdine tua inténde, prospere procéde, et regna.

✠ Sequéntia sancti Evangélii secúndum Matthæum

Matth. 25, 1-13

In illo témpore: Dixit Iesus discíulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt

óleum in vasis suis cum lampádibus. Moram autem faciēte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Antiphona ad Offertorium

Ps. 44, 15 et 16

Afferéntur regi vírgines post eam: próximæ eius afferéntur tibi in lætítia, et exsultatíone: adducéntur in templum regi Dómino.

Secreta

Hóstias, Dómine, quas tibi offérimus, propítius súscipe: et intercedénte beáta Agnéte Vírgine et Mártire tua, víncula peccatórum nostrórum absólve. Per Dóminum.

Antiphona ad Communionem

Matth. 25, 4 et 6

Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviā Christo Dómino.

Postcommunio

Refécti cibo potúque cælésti, Deus noster, te súpplices exorámus: ut, in cuius hæc commemoratíone percépimus, eius muniámur et précibus. Per Dóminum.

DIE 22 IANUARI

SS. VINCENTII ET ANASTASII

MARTYRUM

III classis

Missa Intret, de Communi plurimorum Martyrum 1° loco (10) cum orationibus ut infra:

Oratio

P

Adésto, Dómine, supplicatiónibus nostris: ut, qui ex iniquitatē nostra reos nos esse cognóscimus, beatórum Mátyrum tuórum Vincéntii et Anastásii intercessióne liberémur. Per Dóminum.

Secreta

P

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

P

Quæsumus, omnípotens Deus: ut, qui cæléstia aliménta percépimus, intercedéntibus beátis Mátyribus tuis Vincéntio et Anastásio, per hæc contra ómnia advérsa muniámur. Per Dóminum.

DIE 23 IANUARI

S. RAYMUNDI DE PEÑAFORT

CONFESSORIS

III classis

Missa Os iusti, de Communi Confessoris non Pontificis 1° loco (25), præter orationem sequentem:

Oratio

Deus, qui beátum Raymúndum pæniténtiæ sacraménti insignem místrum elegísti, et per maris undas mirabíliter traduxísti: concéde; ut eius intercessióne dignos pæniténtiæ fructus fácere, et ad ætérnæ salútis portum pervenire valeámus. Per Dóminum.

Et fit commemoratio S. Emerentianæ Virginis et Martyris:

Oratio

Indulgéntiam nobis, quæsumus, Dómine, beáta Emerentiána Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confídimus, et futúris. Per Dóminum.

Pro S. Emerentiana Secreta

Hóstias tibi, Dómine, beátæ Emerentiánæ Vírginis et Mátyris tuæ dicátas méritis, benígnus assúme: et ad perpétuum nobis tríbue provenire subsidium. Per Dóminum.

Postcommunio

Refécti cibo potúque cælésti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

Pro S. Emerentiana Postcommunio

Divíni múnēris largitáte satiáti, quæsumus, Dómine Deus noster: ut, intercedente

beáta Emerentiána Vírgine et Mátyre tua, in eius semper participatióne vivámus. Per Dóminum.

EODEM DIE 23 IANUARI

S. EMERENTIANÆ

VIRGINIS ET MARTYRIS

Commemoratio

Missa Me expectavérunt, de Communi Virginum 2º loco (31).

DIE 24 IANUARI

S. TIMOTHEI

EPISCOPI ET MARTYRIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérrnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **S**tátuit.

Oratio

Infirmitátem nostram réspice, omnípotens Deus: et, quia pondus propriæ actiōnis gravat, beáti Timóthei Mátyris tui atque Pontíficis intercésio gloriósa nos próteget. Per Dóminum.

Léctio Epístolæ beáti Pauli Apóstoli ad Timótheum

1 Tim. 6, 11-16

Caríssime: Sectáre iustítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérrnam, in qua vocátus es, et conféssus bonam confessiōnem coram multis téstibus. Præcípio tibi coram

Deo, qui vivíficat ómnia, et Christo Iesu, qui testimónium réddidit sub Póntio Piláto, bonam confessiónem: ut serves mandátum sine mácula, irreprehensibile usque in advéntum Dómini nostri Iesu Christi, quem suis tempóribus osténdet beátus, et solus potens, Rex regum, et Dóminus dominántium: qui solus habet immortalitátem, et lucem inhábitat inaccessibilem: quem nullus hóminum vidit, sed nec vidére potest: cui honor, et impérium sempitérnum. Amen.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum. **V.** Nihil proficiet inimícus in eo, et fílius iniquitátis non nocébit ei.

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 20, 3-4 Desidérium ánimæ eius tribuísti ei: et voluntáte labiórū eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

✠ Sequéntia sancti Evangélii secúndum Lucam

Luc. 14, 26-33

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et fílios, et fratres, et soróres, adhuc autem et ánimam suam, non

potest meus esse discípulus. Et qui non báiulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perfícere, omnes, qui vident, incípiant illúdere ei, dicétes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? Alióquin, adhuc illo longe agente, legatiónem mittens, rogat ea, quæ pacis sunt. Sic ergo omnis ex vobis, qui non renúnciat ómnibus quæ pòssidet, non potest meus esse discípulus.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Hóstias tibi, Dómine, beáti Timóthei Mártiris tui atque Pontíficis dicátas méritis, benígnus asúme: et ad perpétuum nobis tríbue proveníre subsídium. Per Dóminum nostrum.

Antiphona ad Communionem

Ps. 88, 36, 37 et 38

Semel iurávi in sancto meo: semen eius in ætérnum manébit: et sedes eius sicut sol in conspéctu meo, et sicut luna perfécta in ætérnum, et testis in cælo fidélis.

Postcommunio

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedente beáto Timótheo Mártire tuo atque Pontífice, sentiámus efféctum. Per Dóminum.

DIE 25 IANUARI

IN CONVERSIONE S. PAULI
APOSTOLI

III classis

Antiphona ad Introitum

2 Tim. 1, 12

Scio cui crédidi, et certus sum, quia potens est depósitum meum serváre in illum diem, iustus iudex. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri. **S**cio.

Oratio

Deus, qui univérsum mundum beáti Pauli Apóstoli prædicatione docuísti: da nobis, quæsumus; ut, qui eius hódie Conversionem cólimus, per eius ad te exémpa gradiámur.

Et fit commemoratio S. Petri Apostoli sub unica conclusione:

Oratio

Deus, qui beáto Petro Apóstolo tuo, collátis clávibus regni cælestis, ligándi atque solvéndi pontificium tradidísti: concéde; ut, intercessiónis eius auxílio, a peccatórum nostrórum néxibus liberémur: Qui vivis et regnas.

Léctio Actuum Apostolorum

Act. 9, 1-22

In diébus illis: Saulus adhuc spirans minárum, et cædis in disci-

pulos Dómini, accéssit ad príncipem sacerdotum, et pétiit ab eo epístolas in Damáscum ad synagógas: ut si quos invenísset huius viæ viros, ac mulieres, vinctos perdúceret in Ierúsalem. Et cum iter fáceret, cón-tigit, ut appropinquáret Damáscus: et súbito circumfúlsit eum lux de cælo. Et cadens in terram, audívit vocem dicéntem sibi: Saule, Saule, quid me perséqueris? Qui dixit: Quis es, Dómine? Et ille: Ego sum Iesus, quem tu perséqueris: durum est tibi contra stímulum calcitráre. Et tremens, ac stupens, dixit: Dómine, quid me vis fácere? Et Dóminus ad eum: Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefacti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibit. Erat autem quidam discipulus Damásci, nómine Ananías: et dixit ad illum in visu Dóminus: Ananía. At ille ait: Ecce ego, Dómine. Et Dóminus ad eum: Surge, et vade in vicum, qui vocátur Rectus: et quære in domo Iudæ Saulum nómine Tarsénsem: ecce enim orat. (Et vidit virum, Ananíam nómine, introeúntem, et imponéntem sibi manus, ut visum recípiat.) Respóndit autem Ananías: Dómine, audívi a multis de viro hoc, quanta mala fécerit sanctis tuis in Ierúsalem: et hic habet potestátem a príncípibus sacerdotum alligándi omnes, qui invocant nomen tuum. Dixit autem ad eum Dóminus: Vade, quóniam vas electiónis est mihi iste, ut portet nomen meum coram

géntibus, et régibus, et filiis Israël. Ego enim ostendam illi, quanta oporteat eum pro nómine meo pati. Et abiit Ananías, et introiit in domum: et impónens ei manus, dixit: Saule frater, Dóminus misit me Iesus, qui apparuit tibi in via, qua veniébas, ut vídeas, et impleáris Spíritu Sancto. Et confestim ceciderunt ab óculis eius tamquam squamæ, et visum recépit: et surgens baptizátus est. Et cum accepisset cibum, confortátus est. Fuit autem cum discípulis, qui erant Damásci, per dies áliquot. Et continuo in synagógis prædicábat Iesum, quóniam hic est Fílius Dei. Stupébant autem omnes, qui audiébant, et dicébant: Nonne hic est, qui expugnábat in Ierúsalem eos, qui invocábant nomen istud: et huc ad hoc venit, ut vinctos illos dúceret ad príncipes sacerdotum? Saulus autem multo magis conualescébat, et confundébat Iudæos, qui habitábant Damásci, affírmans quóniam hic est Christus.

Graduale Gal. 2, 8 et 9 Qui operátus est Petro in apostolátum, operátus est et mihi inter gentes: et cognovérunt grátiam Dei, quæ data est mihi. *℣.* Grátia Dei in me vácuá non fuit: sed grátia eius semper in me manet.

Allelúia, allelúia. *℣.* Magnus sanctus Paulus, vas electiónis, vere digne est glorificándus, qui et méruit thronum duodécimum possidére. Allelúia.

Post Septuagesimam, omissis Allelúia, et versu sequenti, dicitur:

Tractus Tu es vas electiónis, sancte Paule Apóstole: vere digne es glorificándus. *℣.* Prædicátor veritátis, et doctor géntium in fide et veritáte. *℣.* Per te omnes gentes

cognovérunt grátiam Dei. *℣.* Intercede pro nobis ad Deum, qui te elégit.

✠ **Sequéntia sancti Evangélii secúndum Matthæum**

Matth. 19, 27-29

In illo témpore: Dixit Petrus ad Iesum: Ecce nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tríbus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut fílios, aut agros, propter nomen meum, céntuplum accípiet, et vitam ætérnam possidébit.

Antiphona ad Offertorium

Ps. 138, 18

Mihi autem nimis honoráti sunt amíci tui, Deus: nimis confortátus est principátus eórum.

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis.

Et fit commemoratio S. Petri Apostoli sub única conclusione:

Secreta

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illius glória celebrámus, nobis prosit ad véniam. Per Dóminum.

Præfatio de Apostolis.

Antiphona ad Communionem**Matth. 19, 28 et 29**

Amen dico vobis: quod vos, qui reliquistis omnia, et secuti estis me, centuplum accipietis, et vitam æternam possidebitis.

Postcommunio

Sanctificati, Domine, salutari mysterio: quæsumus; ut nobis eius non desit oratio, cuius nos donasti patrocínio gubernári.

Et fit commemoratio S. Petri Apostoli sub unica conclusione:

Postcommunio

Lætificet nos, Domine, munus oblatum: ut sicut in Apostolo tuo Petro te mirabilem prædicamus; sic per illum tuæ sumamus indulgentiæ largitatem. Per Dominum.

DIE 26 IANUARI

S. POLYCARPI

EPISCOPI ET MARTYRIS

III classis

Antiphona ad Introitum**Dan. 3, 84 et 87**

Sacerdotes Dei, benedicite Dominum: sancti, et humiles corde, laudate Deum. **Ibid., 57** Benedicite, omnia opera Domini, Domino: laudate et superexaltate eum in sæcula. **V.** Glória Patri. **Sacerdotes.**

Oratio

Deus, qui nos beati Polycarpi Martyris tui atque Pontificis annua solemnitáte lætificas: concede propitius; ut, cuius natalitia

cólimus, de eiúsdem étiam protectione gaudeámus. Per Dóminum.

Lectio Epistolæ beati Ioannis Apostoli**1 Ioann. 3, 10-16**

Carissimi: Omnis qui non est iustus, non est ex Deo, et qui non diligit fratrem suum: quóniam hæc est annuntiatio, quam audistis ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quóniam ópera eius maligna erant: fratris autem eius iusta. Nolite mirari, fratres, si odit vos mundus. Nos scimus quóniam transláti sumus de morte ad vitam, quóniam dilígimus fratres. Qui non diligit, manet in morte: omnis qui odit fratrem suum, homicida est. Et scitis, quóniam omnis homicida non habet vitam æternam in semetípso manentem. In hoc cognóvimus caritatem Dei, quóniam ille ánimam suam pro nobis pósuit: et nos debémus pro fratribus ánimas pónere.

Graduale Ps. 8, 6-7 Glória et honóre coronásti eum. **V.** Et constituísti eum super ópera mánuum tuárum, Domine.

Allelúia, allelúia. **V.** Hic est sacerdos, quem coronávit Dóminus. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir qui timet Dóminum: in mandátis eius cupit nimis. **V.** Potens in terra erit semen eius: generatio rectórum benedicétur. **V.** Glória et divitiæ in domo eius: et iustitia eius manet in sæculum sæculi.

✠ Sequéntia sancti Evangélíi secúndum Matthæum

Matth. 10, 26-32

In illo témpore: Dixit Iesus discí-
pulis suis: Nihil est opértum,
quod non revelábitur; et occúltum,
quod non sciétur. Quod dico vobis
in ténebris, dícite in lúmine: et
quod in aure audítis, prædicáte su-
per tecta. Et nolíte timére eos, qui
occíduut corpus, ánimam autem
non possunt occídere; sed pótius
timéte eum, qui potest et ánimam et
corpus pérdere in gehénnam. Nonne
duo pásseres asse véneunt: et unus
ex illis non cadet super terram
sine Patre vestro? Vestri autem ca-
pílli cápitis omnes numeráti sunt.
Nolíte ergo timére: multis passéri-
bus meliôres estis vos. Omnis ergo,
qui confitébitur me coram homíni-
bus, confitébor et ego eum coram
Patre meo, qui in cælis est.

Antiphona ad Offertorium

Ps. 88, 21-22

Invéni David servum meum, óleo
sancto meo unxi eum: manus enim
mea auxiliábitur ei, et brácchium
meum confortábit eum.

Secreta

Múnera tibi, Dómine, dicáta
sanctífica: et, intercedénte
beáto Polycárpo Mártire tuo atque
Pontífice, per éadem nos placátus
inténde. Per Dóminum.

Antiphona ad Communionem

Ps. 20, 4

Posuísti, Dómine, in cápíte eius
corónam de lápide pretiôso.

Postcommunio

Refécti participatióne múnieris
sacri, quæsumus, Dómine

Deus noster: ut, cuius exséquimur
cultum, intercedénte beáto Poly-
cárpo Mártire tuo atque Pontífice,
sentiamus effectum. Per Dóminum.

DIE 27 IANUARI

S. IOANNIS CHRYSOSTOMI
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os
eius: et implévit eum Dóminus
spíritu sapiéntiæ et intelléctus:
stolam glóriæ induit eum. **Ps. 91, 2**
Bonum est confitéri Dómino: et
psállere nómini tuo, Altíssime. **V.**
Glória Patri. **In médio.**

Oratio

Ecclésiám tuam, quæsumus, Dó-
mine, grátia cæléstis amplífi-
cet: quam beáti Ioánnis Chrysó-
stomi Confessóris tui atque Pontí-
ficis illustráre voluísti gloriósis
méritis, et doctrínis. Per Dóminum.

Léctio Epístolæ beáti Pauli Apóstoli
ad Timótheum

2 Tim. 4, 1-8

Caríssime: Testíficor coram Deo,
et Iesu Christo, qui iudicatú-
rus est vivos et mórtuos, per ad-
véntum ipsíus, et regnum eius:
prædica verbum, insta opportúne,
importúne: árgue, óbsecra, increpa
in omni paciéntia, et doctrína. Erit
enim tempus, cum sanam doctrí-
nam non sustinébunt, sed ad sua
desidéria coacervábunt sibi magí-
stros, pruriéntes áuribus, et a ve-
ritáte quidem audítum avértent, ad
fábulas autem converténtur. Tu
vero vígila, in ómnibus labóra,

opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Iac. 1, 12** Beátus vir, qui suffert tentatiónem: quóniam cum probátus fúerit, accípiet corónam vitæ. Allelúia.

Post Septuagesimam, omissis Allelúia, et **versu sequenti, dicitur:**

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sæculum sæculi.

¶ **In Missis votivis tempore paschali omittitur graduale, et eius loco dicuntur Allelúia cum suis versibus, ex Missa Os iusti, de Comuni Confessoris non Pontificis 1º loco. (25)**

✠ **Sequéntia sancti Evangélii secúndum Matthæum**

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut

lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quoniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Sancti Ioánnis Chrysóstomi Pontíficis tui atque Doctóris nobis, Dómine, pia non desit orátio: quæ, et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem

Luc. 12, 42

Fidélis servus, et prudens, quem constituit dóminus super famíliam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Ioánnes Chrysóstomus Póntifex tuus et Doctor egrégus, quæsumus, precátor accédât. Per Dóminum.

DIE 28 IANUARI
S. PETRI NOLASCI
CONFESSORIS

III classis

Missa Iustus, de Communi Confessoris non Pontificis 2° loco (26), cum orationibus ut infra:

Oratio

Deus, qui in tuæ caritatis exemplum, ad fidélium redemptiōnem sanctum Petrum Ecclésiā tuā nova prole fecundāre divinitus docuisti: ipsius nobis intercessiōne concēde; a peccāti servitūte solūtis, in cælesti patria perpétua libertāte gaudere: Qui vivis.

Et fit commemoratio S. Agnetis Virginis et Martyris, secundo:

Oratio

Deus, qui nos ānnua beātæ Agnētis Virgīnis et Mārtyris tuæ solemnitāte lætīficas: da, quæsumus; ut, quam venerāmur officio, etiā piæ conversatiōnis sequāmur exēplo. Per Dōminum.

Secreta

Laudis tibi, Dōmine, hōstias immolāmus in tuōrum commemoratiōne Sanctōrum: quibus nos et præsēntibus exui malis confidimus, et futūris. Per Dōminum.

Pro. S. Agnete

Secreta

Super has, quæsumus, Dōmine, hōstias benedictio copiosa descēdat: quæ et sanctificatiōnem nobis clemēter operētur, et de Mārtyrum nos solemnitāte lætīfiet. Per Dōminum.

Postcommunio

Refēcti cibo potūque cælesti, Deus noster, te sūpplices

exorāmus: ut, in cuius hęc commemoratiōne percēpimus, eius muniamur et precibus. Per Dōminum.

Pro S. Agnete Postcommunio

Sūmpsīmus, Dōmine, celebratīs ānnuæ votīva sacramēta: præsta, quæsumus; ut et temporālis vitæ nobis remēdia præbeant, et æternæ. Per Dōminum.

EODEM DIE 28 IANUARI

S. AGNETIS
VIRGINIS ET MARTYRIS

Secundo

Commemoratio

Antiphona ad Introitum

Ps. 44, 13, 15 et 16

Vultum tuum deprecābuntur omnes dīvites plebis: adducētur Regi virgines post eam: proximæ eius adducētur tibi in lætītia et exsultatiōne. **Ps. ibid., 2** Eructāvit cor meum verbum bonum: dico ego ōpera mea Regi. **V.** Glōria Patri. **V**ultum.

Oratio

Deus, qui nos ānnua beātæ Agnētis Virgīnis et Mārtyris tuæ solemnitāte lætīficas: da, quæsumus; ut, quam venerāmur officio, etiā piæ conversatiōnis sequāmur exēplo. Per Dōminum.

Lectio Epistolæ beāti Pauli Apóstoli ad Corīnthios

2 Cor. 10, 17-18; 11, 1-2

Fratres: Qui gloriātur, in Dōmino gloriētur. Non enim qui seīpsum commēdat, ille probātus est; sed quem Deus commēdat. Utinam sustinerētis mōdicum quid in-

siipiéntiæ meæ, sed et supportáte me: æmulor enim vos Dei æmulatione. Despónði enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **V.** Propter veritátem, et mansuetúdinem, et iustítiam, et dedúcet te mirabíliter dextera tua.

Allelúia, allelúia. **V. Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 44, 11 et 12 Audi, fília, et vide, et inclína aurem tuam: quia concupívit rex spéciem tuam. **V. Ibid., 13 et 10** Vultum tuum deprecabúntur omnes dívites plebis: fíliæ regum in honóre tuo. **V. Ibid., 15-16** Adducéntur Regi vírgines post eam: próximæ eius afferéntur tibi. **V.** Afferéntur in lætítia, et exsultatione: adducéntur in templum Regis.

✠ Sequéntia sancti Evangélíi secúndum Matthæum

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum

símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínium ignis: ibi erit fletus et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifamílias, qui profert de the-sáuro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus in æ-térnum, et in sæculum sæculi.

Secreta

Super has, quæsumus, Dómine, hóstias benedíctio copiósa descéndat: quæ et sanctificationem nobis cleménter operétur, et de Mártyrum nos solemnitáte lætíficet. Per Dóminum.

Antiphona ad Communionem

Matth. 13, 45-46

Símile est regnum cælórum hómini negotiátóri, quærénti bonas margarítas: invénta autem una pretiósa margaríta, dedit ómnia sua, et comparávit eam.

Postcommunio

Súmpsimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et ætérnæ. Per Dóminum.

DIE 29 IANUARI

S. FRANCISCI SALESII

EP., CONF. ET ECCL. DOCT.

III classis

Missa In médio, de Communi Doctorum (23), *præter orationem sequentem*:**Oratio**

P

Deus, qui ad animárum salútem beátum Francíscum Confessórem tuum atque Pontíficem ómnibus ómnia factum esse voluísti: concéde propítius; ut caritátis tuæ dulcédine perfúsi, eius dirigéntibus mónitis ac suffragántibus méritis, ætéRNA gáudia consequámur. Per Dóminum.

Secreta

C1

Sancti Francísci Pontíficis tui atque Doctóris nobis, Dómine, pia non desit orátio: quæ et múnера nostra concíliet; et tuam nobis indulgéntiam semper obtíneat. Per Dóminum.

Postcommunio

C1

Ut nobis, Dómine, tua sacrificia dent salútem: beátus Francíscus Póntifex tuus et Doctor egrégus, quæsumus, precátor accédát. Per Dóminum.

DIE 30 IANUARI

S. MARTINÆ

VIRGINIS ET MARTYRIS

III classis

Missa Loquébar, de Communi Virginum 1^o loco. (29)**Oratio**

C

Deus, qui inter cétera poténtiæ tuæ miracula, étiam in sexu frágili victóriam martýrii contu-

lísti: concéde propítius; ut, qui beátæ Martínæ Vírginis et Mártýris tuæ natalítia cólimus, per eius ad te exémpa gradiámur. Per Dóminum.

Secreta

C

Súscipe, Dómine, múnера, quæ in beátæ Martínæ Vírginis et Mártýris tuæ solemnitáte deférimus: cuius nos confidimus patrocínio liberári. Per Dóminum.

Postcommunio

C

Auxiliéntur nobis, Dómine, sumpta mystéria: et, intercedénte beáta Martína Vírgine et Mártýre tua, sempitérna fáciant protectióne gaudére. Per Dóminum.

DIE 31 IANUARI

S. IOANNIS BOSCO

CONFESSORIS

III classis

Antiphona ad Introitum

3 Reg. 4, 28

Dedit illi Deus sapiéntiam, et prudéntiam multam nimis, et latitúdinem cordis, quasi arénam quæ est in lítore maris. **Ps. 112, 1** Laudáte, púeri, Dóminum: laudáte nomen Dómini. **V.** Glória Patri. **D**edit.

Oratio

Deus, qui sanctum Ioánnem Confessórem tuum adolescéntium patrem et magístrum excitásti, ac per eum, auxiliátríce Vírgine María, novas in Ecclésia tua famílias floréscere voluísti: concéde, quæsumus; ut eódem caritátis igne succénsi, ánimas quærere, tibíque soli servíre valeámus. Per Dóminum.

Léctio Epístolæ beāti Pauli Apóstoli
ad Philippenses

Philipp. 4, 4-9

Fratres: Gaudéte in Dómino semper: iterum dico, gaudéte. Modéstia vestra nota sit ómnibus homínibus: Dóminus prope est. Nihil solliciti sitis; sed in omni oratione et obsecratione, cum gratiarum actione, petitiones vestrae innotescant apud Deum. Et pax Dei quæ exsuperat omnem sensum, custodiat corda vestra et intelligentias vestras, in Christo Iesu. De cetero, fratres, quaecúmque sunt vera, quaecúmque pudica, quaecúmque iusta, quaecúmque sancta, quaecúmque amabilia, quaecúmque bonæ famæ, si qua virtus, si qua laus disciplinæ, hæc cogitáte. Quæ et didicistis, et accepistis, et audistis, et vidistis in me, hæc ágite: et Deus pacis erit vobiscum.

Graduale Ps. 36, 3-5 Spera in Dómino, et fac bonitatem, et inhábita terram, et pascéris in divítiis eius. **V.** Delectáre in Dómino, et dabit tibi petitiones cordis tui; revéla Dómino viam tuam et spera in eum, et ipse fáciet.

Allelúia, allelúia. **V. Ps. 73, 21** Pauper et inops laudábunt nomen tuum. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 60, 4-6 Factus es spes mea, Dómine: turris fortitúdinis a fácie inimíci. **V.** Inhabitábo in tabernáculo tuo in sæcula: prótegar in velaménto alárum tuárum. **V.** Quóniam tu, Deus, exaudísti orationem meam: dedísti hereditátem timéntibus nomen tuum.

In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 73, 21** Pauper et inops laudábunt nomen tuum. Allelúia. **V. Ps. 35, 9** Inebriabúntur ab ubertáte domus tuæ: et torrénate voluptátis tuæ potábis eos. Allelúia.

✠ Sequéntia sancti Evangélíi secúndum Matthæum

Matth. 18, 1-5

In illo témpore: Accessérunt discípuli ad Iesum dicéntes: Quis putas, maior est in regno cælórum? Et ádvocans Iesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit.

Antiphona ad Offertorium

Ps. 33, 12

Veníte, filii, audíte me: timórem Dómini docébo vos.

Secreta

Súscipe, Dómine, oblationem mundam salutáris hóstiæ et præsta: ut, te in ómnibus et super ómnia diligéntes, in glóriæ tuæ laudem vívere mereámur. Per Dóminum.

Antiphona ad Communionem

Rom. 4, 18

Contra spem in spem crédidit, ut fieret pater multárum géntium, secúndum quod dictum est ei.

Postcommunio

Córpore et Sanguinis tui, Dómine, mystério satiáti, concéde, quæsumus; ut, intercedente sancto Ioánnē Confessóre tuo, in gratiárum semper actióne maneámus: Qui vivis.

FESTA FEBRUARII

DIE 1 FEBRUARII
SANCTI IGNATII

EPISCOPI ET MARTYRIS

III classis

Antiphona ad Introitum

Gal. 6, 14

Mihi autem absit gloriári nisi in cruce Dómini nostri Iesu Christi, per quem mihi mundus crucifíxus est, et ego mundo. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **M**ihi autem.

Oratio

Infirmitátem nostram réspice, omnípotens Deus: et, quia pondus própriæ actiónis gravat, beáti Ignátii Mátyris tui atque Pontíficis intercessio gloriósa nos próteget. Per Dóminum.

Léctio Epístolæ beáti Pauli Apóstoli
ad Romános

Rom. 8, 35-39

Fratres: Quis nos separábit a caritate Christi: tribulatio, an angústia, an fames, an núditas, an perículum, an persecútió, an gládius? (sicut scriptum est: Quia

propter te mortificámur tota die: æstimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim, quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritate Dei, quæ est in Christo Iesu Dómino nostro.

Graduale Eccli. 44, 16 Ecce sacerdos magnus, qui in diébus suis plácuít Deo. **V.** **Ibid., 20** Non est invéntus similis illi, qui conserváret legem Excélsi.

Allelúia, allelúia. **V.** **Gal. 2, 19-20** Christo confíxus sum cruci: vivo ego, iam non ego, vivit vero in me Christus. Allelúia.

Post Septuagesimam, omissis Allelúia, **et versu sequenti, dicitur:**

Tractus Ps. 20, 3-4 Desidérium animæ eius tribuísti ei: et voluntáte labiórur eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

In Missis votivis tempore paschali omittitur graduale, et eius loco dicitur:

Allelúia, allelúia. **V.** **Gal. 2, 19-20** Christo confíxus sum cruci: vivo ego, iam non ego, vivit vero in me Christus. Allelúia. **V.** **Ps. 20, 4** Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélíi secúndum Ioánnem

Ioann. 12, 24-26

In illo témpore: Dixit Iesus discípulis suis: Amen, amen dico

vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Hóstias tibi, Dómine, beáti Igná-tii Mártiris tui atque Pontífi-

cis dicátas méritis, benígnus assú-me: et ad perpétuum nobis tríbue proveníre subsidium. Per Dómi-num.

Antiphona ad Communionem

Fruméntum Christi sum: dénti-bus bestiárum molar, ut panis mun-dus invéniar.

Postcommunio

Refécti participatióne mún-eris sacri, quæsumus, Dómine Deus noster: ut, cuius exséquimur cul-tum, intercedénte beáto Ignátio Mártire tuo atque Pontífice, sentiá-mus efféctum. Per Dóminum.

IN PURIFICATIONE B. MARIÆ VIRG.

II classis

¶ Festum Purificationis B. Mariæ Virg. habetur tamquam festum Domini.

DE BENEDICTIONE
CANDELARUM

¶ Si candelarum benedictio et processio, ob defectum ministrorum sacrorum, forma solenni fieri nequeat, licet formam simplicem adhibere, etiam absque cantu, dummodo tres saltem ministrantes celebranti inserviant.

¶ Celebrans indutus pluviali albo, vel sine casula, cum ministris similiter indutis, procedit ad benedicendas candelas, in medio ante altare vel ad latus Epistolæ positas, et ipse ibidem stans versus ad altare, dicit manibus iunctis in tono feriali:

V. Dóminus vobíscum.

R. Et cum spíritu tuo.

Orémus.

Oratio

Dómine sancte, Pater omnipotens, ætérne Deus, qui ómnia ex níhilo creásti, et iussu tuo per ópera apum, hunc liquórem ad perfectiónem cerei veníre fecísti: et qui hodiérna die petitióem iusti Simeónis implésti: te humíliter deprecámur; ut has candélas ad usus hóminum, et sanitátem córporum et animárum, sive in terra, sive in aquis, per invocatióem tui sanctíssimi nóminis, et per intercessiόem beátæ Mariæ semper Vírginis, cuius hódie festa devóte celebrántur, et per preces ómnium Sanctórum tuórum, bene ✠ dicere, et sancti ✠ ficáre dignéris: et huius plebis tuæ, quæ illas honorífice in mánibus desíderat portáre, teque cantádo laudáre, exáudias voces de cælo sancto tuo, et de sede maiestátis tuæ: et propítius sis

ómnibus clamántibus ad te, quos redemísti pretiόso ságuine Fílii tui: Qui tecum vivit et regnat in sácula sáculórum.

R. Amen.

Orémus.

Oratio

Omnípotens sempitérne Deus, qui hodiérna die Unigénitum tuum ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam; ut has candélas, quas nos fámuli tui, in tui nóminis magnificéntiam suscipiéntes, gestáre cūpimus luce accénsas, bene ✠ dicere, et sancti ✠ ficáre, atque lúmine supérnæ benedictiόnis accéndere dignéris: quátenus eas tibi Dómino Deo nostro offeréndo digni, et sancto igne dulcíssimæ caritátis tuæ succénsi, in templo sancto glóriæ tuæ repræsentári mereámur. Per eúndem Christum Dóminum nostrum.

R. Amen.

Orémus.

Oratio

Dómine Iesu Christe, lux vera, quæ illúminas omnem hóminem veniéntem in hunc mundum: effúnde bene ✠ dictiόem tuam super hos céreos, et sancti ✠ fica eos lúmine grátiae tuæ, et concéde propítius; ut, sicut hæc luminária igne visíbili accénsa noctúrnas depéllunt ténebras; ita corda nostra invisíbili igne, id est, Sancti Spíritus splendóre illustráta, ómnium vitiórum cæ-

citáte cáreant: ut, purgáto mentis óculo, ea cernere possimus, quæ tibi sunt plácita, et nostræ salúti utilia; quátenus post huius sæculi caliginósa discrímína, ad lucem indeficientem pervenire mereámur. Per te, Christe Iesu, Salvátor mundi, qui in Trinitáte perfécta vivis et regnas Deus, in sæcula sæculórum.

R. Amen.

Orémus.

Oratio

Omnípotens sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum iúgiter concinnánda præparári iussisti: bene ✠ dictionis tuæ grátiam super hos céreos benígnus infúnde; quátenus sic adminístrent lumen extérius, ut, te donánte, lumen Spíritus tui nostris non desit méntibus intérius. Per Christum Dóminum nostrum. *R.* Amen.

Orémus.

Oratio

Dómine Iesu Christe, qui hodiérna die in nostræ carnis substantia inter hómines appárens, a paréntibus in templo es præsentátus: quem Símeon venerábilis senex, lúmine Spíritus tui irradiátus, agnóvit, suscepit, et benedixit: præsta propítius; ut eiúsdem Spíritus Sancti grátia illumináti, atque edócti, te veráciter agnoscámus, et fideliter diligámus: Qui vivis et regnas sæcula sæculórum. *R.* Amen.

¶ Finitis orationibus, celebrans ponit incensum in thuribulum: deinde ter aspergit candelas aqua benedicta, dicendo antiphonam *Aspérget me, sine cantu, et sine psalmo: et ter adolet incenso.*

DE DISTRIBUTIONE CANDELARUM

¶ Tum dignior ex clero accedit ad altare, et ab eo celebrans accipit candelam, non genuflectens. Postea celebrans stans in medio ante altare, versus ad populum, distribuit candelas,

primum digniori, a quo ipse acceperat; deinde diacono et subdiacono paratis, et aliis clericis singulatim per ordinem, ultimo laicis: omnibus genuflectentibus, exceptis Prælati, si adsint. Et cum inceperit distribuere candelas, a choro cantatur:

Antiphona Luc. 2, 32 Lumen ad revelatiónem géntium: et glóriam plebis tuæ Israël.

Cantic. ibid., 29-31 Nunc dimíttis servum tuum, Dómine, secúndum verbum tuum in pace.

Et repetitur antiphona: Lumen ad revelatiónem géntium: et glóriam plebis tuæ Israël.

Quia vidérunt óculi mei * salutare tuum.

Et repetitur antiphona: Lumen ad revelatiónem géntium: et glóriam plebis tuæ Israël.

Quod parásti * ante fáciem ómnium populórum.

Et repetitur antiphona: Lumen ad revelatiónem géntium: et glóriam plebis tuæ Israël.

Quæ si non sufficiant, repetantur quousque distributio finiatur; et clauditur cum

Glória Patri, et Fílio, * et Spirítui Sancto.

Et repetitur antiphona: Lumen ad revelatiónem géntium: et glóriam plebis tuæ Israël.

Sicut erat in princípío, et nunc, et semper, * et in sæcula sæculórum. Amen.

Et repetitur antiphona: Lumen ad revelatiónem géntium: et glóriam plebis tuæ Israël.

His expletis, sacerdos dicit:

V. Dóminus vobíscum.

R. Et cum spíritu tuo.

Orémus.

Oratio

Exáudi, quæsumus, Dómine, plebem tuam: et, quæ extrínsecus ánnua tríbuis devotióne venerári, intérius ássequi grátiae tuæ luce concéde. Per Christum Dóminum nostrum. *R.* Amen.

DE PROCESSIONE

Primo celebrans ponit incensum in thuribulum: postea diaconus vertens se ad populum, dicit: Procedamus in pace. Et chorus respondet: In nómine Christi. Amen.

Præcedit thuriferarius cum thuribulo fumigante: deinde subdiaconus paratus, deferens crucem, medius inter duos acolythos cum candelabris accensis: sequitur clerus per ordinem, ultimo celebrans cum diacono a sinistris, omnes cum candelis accensis in manibus: et cantantur antiphonæ sequentes:

Antiphona Adórna thálamum tuum, Sion, et súscipe Regem Christum: ampléctere Mariám, quæ est cæléstis porta: ipsa enim portat Regem glóriæ novi lúminis: subsistit Virgo, addúcens mánibus Fílium ante lucíferum génitum: quem accípiens Símeon in ulnas suas, prædicávit pópulis, Dóminum eum esse vitæ et mortis, et Salvatórem mundi.

Alia ant. Luc. 2, 26, 27 et 28-29 Respónsum accépit Símeon a Spíritu Sancto, non visúrum se mortem, nisi vidéret Christum Dómini; et cum indúcerent púerum in templum, accépit eum in ulnas suas, et benedíxit Deum, et dixit: Nunc dimíttis servum tuum, Dómine, in pace. **V.** Cum indúcerent púerum Iesum paréntes eius, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo ecclesiam, cantatur:

R. Obtulérunt pro eo Dómino par túrturum, aut duos pullos columbárum: * Sicut scriptum est in lege Dómini. **V.** Postquam impléti sunt dies purgatiónis Mariæ, secúndum legem Móysi, tulérunt Iesum in Ierúsalem, ut sístèrent eum Dómino. **Sicut scriptum est in lege**

Dómini. **V.** Glória Patri, et Fílio, et Spirítui Sancto. **Sicut scriptum est in lege Dómini.**

DE MISSA

Finita processione, celebrans et ministri accipiunt paramenta pro Missa. In Missa quæ benedictionem candelarum sequitur, omittuntur psalmus Iúdica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Orámus te, Dómine. Sacerdos igitur cum ad altare accesserit, statim illud ascendit et osculatur in medio.

Candelæ in manibus tenentur ad Evangelium et toto Canone.

Antiphona ad Introitum

Ps. 47, 10-11

Suscépinus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ: iustítia plena est délixtera tua. **Ps. ibid., 2** Magnus Dóminus, et laudábilis nimis: in civitáte Dei nostri, in monte sancto eius. **V.** Glória Patri. **Suscépinus.**

Oratio

Omnípotens sempitérne Deus, maiestátem tuam súplices exorámus: ut, sicut unigénitus Fílius tuus hodiérna die cum nostræ carnis substántia in templo est præsentátus; ita nos fácias purificátis tibi méntibus præsentári. Per eúndem Dóminum.

Léctio Malachíæ Prophétæ

Malach. 3, 1-4

Hæc dicit Dóminus Deus: Ecce ego mitto Angelum meum, et præparábit viam ante fáciem meam. Et statim véniet ad templum suum Dominátor, quem vos quæritis, et Angelus testaménti, quem vos

vultis. Ecce venit, dicit Dóminus exercítuum: et quis póterit cogitare diem advéntus eius, et quis stabit ad vidéndum eum? Ipse enim quasi ignis conflans, et quasi herba fullónum: et sedébit conflans, et emúndans argéntum, et purgábit filios Levi et colábit eos quasi aurum, et quasi argéntum: et erunt Dómino offeréntes sacrificia in iustítia. Et placébit Dómino sacrificium Iuda, et Ierúsalem, sicut dies sáeculi, et sicut anni antíqui: dicit Dóminus omnípotens.

Graduale Ps. 47, 10-11 et 9 Suscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ. **℣.** Sicut audívimus, ita et vídimus in civitáte Dei nostri, in monte sancto eius.

Allelúia, allelúia. **℣.** Senex púerum portábat: puer autem senem regébat. Allelúia.

Post Septuagesimam, omissis Allelúia, et versu sequenti, dicitur:

Tractus Luc. 2, 29-32 Nunc dimíttis servum tuum, Dómine, secúndum verbum tuum in pace. **℣.** Quia víderunt óculi mei salutáre tuum. **℣.** Quod parásti ante fáciem ómnium populórum. **℣.** Lumen ad revelatióem géntium, et glóriam plebis tuæ Israël.

✠ Sequéntia sancti Evangélíi secúndum Lucam

Luc. 2, 22-32

In illo témpore: Postquam impléti sunt dies purgatiónis Maríæ, secúndum legem Móysi, tulérunt Iesum in Ierúsalem, ut sístèrent eum Dómino, sicut scriptum est in lege Dómini: Quia omne masculínium adapériens vulvam sanctum Dómi-

no vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Ierúsalem, cui nomen Símeon, et homo iste iustus et timorátus, exspéctans consolatióem Israël, et Spíritus Sanctus erat in eo. Et respónsum accéperat a Spíritu Sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Iesum paréntes eius, ut fácerent secúndum consuetúdinem legis pro eo: et ipse accépit eum in ulnas suas, et benedíxit Deum, et dixit: Nunc dimíttis servum tuum, Dómine, secúndum verbum tuum in pace: Quia víderunt óculi mei salutáre tuum: Quod parásti ante fáciem ómnium populórum: Lumen ad revelatióem géntium, et glóriam plebis tuæ Israël. **Credo.**

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus in ætérnum, et in sáeculum sáeculi.

Secreta

Exáudi, Dómine, preces nostras: et, ut digna sint múnera, quæ óculis tuæ maiestátis offérimus, subsidium nobis tuæ pietátis impénde. Per Dóminum.

Præfatio de Nativitate.

Antiphona ad Communionem

Luc. 2, 26

Respónsum accépit Símeon a Spíritu Sancto, non visúrum se mortem, nisi vidéret Christum Dómini.

Postcommunio

Quæsumus, Dómine Deus noster: ut sacrosáncta mystéria, quæ pro reparatiónis nostræ munimine contulisti, intercedente beáta María semper Vírgine, et præsens nobis remédiū esse fácias, et futúrum. Per Dóminum.

DIE 3 FEBRUARII

S. BLASII

EPISCOPI ET MARTYRIS

Commemoratio

Missa Sacerdotes Dei, de Communi unius Martyris 2° loco. (5)

Oratio

Deus, qui nos beáti Blásii Mártyris tui atque Pontíficis ánnua solemnitáte lætíficas: concéde propítius; ut, cuius natalítia cólimus, de eiúsdem étiam protectióne gaudeámus. Per Dóminum.

Secreta

Múnera tibi, Dómine, dicáta sanctífica: et intercedente beáto Blásio Mártyre tuo atque Pontífice, per éadem nos placátus inténde. Per Dóminum.

Postcommunio

Hæc nos commúnio, Dómine, purget a crimine: et, intercedente beáto Blásio Mártyre tuo atque Pontífice, cæléstis remédii faci-at esse consórtes. Per Dóminum.

DIE 4 FEBRUARII

S. ANDREÆ CORSINI

EPISCOPI ET CONFESSORIS

III classis

Missa Státuit, de Communi Confessoris Pontíficis 1° loco (20), præter orationem sequentem:

Oratio

P

Deus, qui in Ecclésia tua nova semper instáuras exémpla virtútum: da pópulo tuo beáti Andréæ Confessoris tui atque Pontíficis ita sequi vestígia; ut assequátur et præmia. Per Dóminum.

Secreta

C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedente beáto Andréa Confessore tuo atque Pontífice, benefícia potióra sumá-mus. Per Dóminum.

DIE 5 FEBRUARII

S. AGATHÆ

VIRGINIS ET MARTYRIS

III classis

Antiphona ad Introitum

Gaudeámus omnes in Dómino, diem festum celebrántes sub honóre beátæ Agathæ Vírginis et Mártyris: de cuius passióne gaudent Angeli, et colláudant Fílium Dei. *Ps. 44, 2* Eructávit cor meum verbum bonum: dico ego ópera mea Regi. *V.* Glória Patri. **G**audeámus.

Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut, qui beátæ Agathæ Vírginis et Mártyris tuæ natalítia cólimus, per eius ad te exémpla gradiámur. Per Dóminum.

Léctio Epístolæ beāti Pauli Apóstoli
ad Corínthios

1 Cor. 1, 26-31

Fratres: Vidéte vocatióem vestram, quia non multi sapientes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapientes: et infirma mundi elégit Deus, ut confúndat fórtia: et ignobília mundi, et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius. Ex ipso autem vos estis in Christo Iesu, qui factus est nobis sapiéntia a Deo, et iustítia, et sanctificátio, et redemptio: ut quemádmódum scriptum est: Qui gloriátur, in Dómino gloriétur.

Graduale Ps. 45, 6 Adiuvábit eam Deus vultu suo: Deus in médio eius, non commovébitur. **V. Ibid., 5** Flúminis ímpetus lætíficat civitátem Dei: sanctificávit tabernáculum suum Altíssimus.

Allelúia, allelúia. **V. Ps. 118, 46** Loquébar de testimoniis tuis in conspéctu regum, et non confundébar. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

✠ Sequéntia sancti Evangélíi secúndum Mattháeum **19, 3-12**

In illo témpore: Accessérunt ad Iesum pharisæi tentántes eum, et dicéntes: Si licet hómini dimíttere uxórem suam quacúmque ex

causa? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, moechátur: et qui dimíssam dúxerit, moechátur. Dicunt ei discípuli eius: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cælórum. Qui potest cápere, cápiat.

Antiphona ad Offertorium

Ps. 44, 15

Afferéntur Regi vírgines post eam: próximæ eius afferéntur tibi.

Secreta

Súscipe, Dómine, múnera, quæ in beátæ Agathæ Vírginis et Mártiris tuæ solemnitáte deférimus: cuius nos confídimus patrocínio liberári. Per Dóminum.

Antiphona ad Communionem

Qui me dignátus est ab omni plaga curáre, et mamíllam meam meo péctori restitúere, ipsum invo-co Deum vivum.

Postcommunio

Auxiliéntur nobis, Dómine, sumpta mystéria: et, intercedénte beáta Agatha Vírgine et Mártyre tua, sempitérna protectióne confirmet. Per Dóminum.

DIE 6 FEBRUARII

S. TITI

EPISCOPI ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **℣.** Glória Patri. **Státuit.**

Oratio

Deus, qui beátum Titum Confessórem tuum atque Pontíficem apostólicis virtútibus decorásti: eius méritis et intercessióne concede: ut iuste et pie vivéntes in hoc sæculo, ad cæléstem pátriam pervenire mereámur. Per Dóminum.

Et fit commemoratio S. Dorotheæ Virgini-
nis et Martyris:

Oratio

Indulgéntiam nobis, quæsumus, Dómine, beáta Doróthea Virgo et Martyr implóret: quæ tibi grata semper éxstitit, et mérito castitátis, et tuæ professione virtútis. Per Dóminum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuit Deo, et invén-

tus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsíus: et offérre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuit Deo. **℣. Ibid., 20** Non est invéntus símilis illi, qui conserváret legem Excélsi.

Allelúia, allelúia. **℣. Ps. 109, 4** Tu es sacerdos in ætérnum, secúndum órduem Melchisedech. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **℣.** Potens in terra erit semen eius: generátio rectórum benedicétur. **℣.** Glória et divítiae in domo eius: et iustítia eius manet in sæculum sæculi.

✠ Sequéntia sancti Evangélii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et

misit illos binos ante faciē suam in omnem civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam: Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Antiphona ad Offertorium

Ps. 88, 21-22

Invēni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta

Sancti tui, quæsumus, Domine, nos ubique lætificent: ut, dum eorum merita recolimus, patrocina sentiāmus. Per Dominum.

Pro S. Dorothea Secreta

Hóstias tibi, Domine, beatae Doróthæ Virginis et Mátyris tuæ dicātas méritis, benígnus assúme: et ad perpétuum nobis tríbe proveníre subsidium. Per Dominum.

Antiphona ad Communionem

Luc. 12, 42

Fidélis servus, et prudens, quem constituit dominus super familiam suam: ut det illis in tempore tritici mensuram.

Postcommunio

Præsta, quæsumus, omnipotens Deus; ut, de percéptis munéribus grátias exhibéntes, intercedente beáto Tito Confessóre tuo atque Pontífice, benefícia potióra sumāmus. Per Dominum.

Pro S. Dorothea Postcommunio

Divini múnemis largitate satiāti, quæsumus, Domine Deus noster: ut, intercedente beáta Doróthea Virgine et Mátyre tua, in eius semper participatióne vivāmus. Per Dominum.

EODEM DIE 6 FEBRUarii

S. DOROTHEÆ

VIRGINIS ET MARTYRIS

Commemoratio

Missa Me expectaverunt, de Communi Virginum 2º loco (31).

DIE 7 FEBRUarii

S. ROMUALDI ABBATIS

III classis

Missa Os iusti, de Communi Abbatum (28).

Oratio

C

Intercéssio nos, quæsumus, Domine, beáti Romuáldi Abbátis comméndet: ut, quod nostris méritis non valémus, eius patrocínio assequámur. Per Dominum.

Secreta**C**

Sacris altáribus, Dómine, hóstias superpósitas sanctus Romuáldus Abbas, quáesumus, in salútem nobis proveníre depóscat. Per Dóminum.

Postcommunio**C**

Prótegat nos, Dómine, cum tui perceptióne sacraménti beátus Romuáldus Abbas, pro nobis intercedéndo: ut, et conversatiónis eius experiámur insígnia, et intercessiósni percipiámus suffrágia. Per Dóminum.

DIE 8 FEBRUARII

S. IOANNIS DE MATHA

CONFESSORIS

III classis

Missa Os iusti, de Communi Confessoris non Pontificis 1^o loco (25), præter orationem sequentem:

Oratio**P**

Deus, qui per sanctum Ioánnem órđinem sanctíssimæ Trinitátis ad rediméndum de potestáte Saracenórum captívos cælitus instítuere dignátus es: præsta, quáesumus; ut, eius suffragántibus méritis, a captivitate córporis et ánimæ, te adiuvánte, liberémur. Per Dóminum.

Secreta**C**

Laudis tibi, Dómine, hóstias imolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio**C**

Refécti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 9 FEBRUARII

S. CYRILLI

**EPISCOPI ALEXANDRINI,
CONF. ET ECCL. DOCT.**

III classis

Missa In médio, de Communi Doctorum (23), cum orationibus ut infra.

Oratio**P**

Deus, qui beátum Cyrillum Confessórem tuum atque Pontíficem divínæ maternitátis beatíssimæ Vírginis Mariæ assertórem invíctum effecísti: concéde, ipso intercedénte; ut, qui vere eam Genétricem Dei crédimus, materna eiúsdem protectióne salvémur. Per eúndem Dóminum.

Et fit commemoratio S. Appolloniæ Virginis et Martyris:

Oratio

Deus, qui inter cétera poténtiæ tuæ mirácula étiam in sexu frágili victóriam mártýrii contulísti: concéde propítius; ut, qui beátæ Appollóniæ Vírginis et Mártýris tuæ natalítia cólimus, per eius ad te exémpla gradiámur. Per Dóminum.

Secreta**P**

Múnера nostra, omnípotens Deus, benígnus réspice: et, intercedénte beáto Cyrillo, præsta; ut unigénitum tuum Iesum Christum Dóminum nostrum in tua tecum glória coætérnum, in córdibus nostris digne suscípere mereámur: Qui tecum.

Pro S. Apollonia**Secreta**

Súscipe, Dómine, múnера, quæ in beátæ Appollóniæ Vírginis et Mártýris tuæ solem-

nitáte deférimus: cuius nos confidimus patrocínio liberári. Per Dóminum.

Postcommunio

P

Divínis, Dómine, refécti mystériis, te súpplīces deprecámur: ut exémpīs et méritīs beáti Cyrílli Pontíficis adiúti, sanctíssimæ Genetríci Unigéniti tui digne famulári valeámus: Qui tecum.

Pro S. Appollonia Postcommunio

Auxiliéntur nobis, Dómine, sumpta mystéria: et, intercedénte beáta Appollónia Vírgine et Mártire tua, sempitérna fáciant protectióne gaudére. Per Dóminum.

EODEM DIE 9 FEBRUarii

S. APPOLLONIAE

VIRGINIS ET MARTYRIS

Commemoratio

Missa Loquébar, de Communi Virginum 1^o loco (29).

DIE 10 FEBRUarii

S. SCHOLASTICAE **VIRGINIS**

III classis

Missa Dilexisti, de Communi Virginum 3^o loco (33), *præter orationem sequentem:*

Oratio

P

Deus, qui ánimam beátæ Vírginis tuæ Scholásticæ ad ostendéndam innocéntiæ viam in colúmbæ spécie cælum penetráre fecisti: da nobis eius méritīs et précibus ita innocénter vívere; ut ad ætéRNA mereámur gáudia perveníre. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritīs de tribulatióne percepísse cognóscit auxiliū. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 11 FEBRUarii

IN APPARITIONE

B. M. V. IMMACULATÆ

III classis

Antiphona ad Introitum

Apoc. 21, 2

Vidi civitátem sanctam, Ierúsalem novam, descendéntem de cælo a Deo, parátam sicut sponsam ornátam viro suo. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Vidi.**

Oratio

Deus, qui per immaculátam Vírginis Conceptionem dignum Fílio tuo habitáculum præparásti: súpplīces a te quæsumus; ut eiúsdem Vírginis Apparitióne celebránte, salútem mentis et córporis consequámur. Per eúndem Dóminum.

Léctio libri Apocalýpsis beáti Ioánnis Apóstoli

Apoc. 11, 19; 12, 1 et 10

Apértum est templum Dei in cælo: et visa est arca testaménti eius in templo eius, et facta sunt fúlgura, et voces, et terræmótus, et grando magna. Et signum

magnum apparuit in caelo: Mulier amicta sole, et luna sub pedibus eius, et in capite eius corona stellarum duodecim. Et audivi vocem magnam in caelo dicentem: Nunc facta est salus, et virtus, et regnum Dei nostri, et potestas Christi eius.

Graduale Cant. 2, 12 Flores apparuerunt in terra nostra, tempus putationis advenit, vox turturis audita est in terra nostra. **Ps. Ibid., 10 et 14** Surge, amica mea, speciosa mea, et veni: columba mea in foraminibus petrae, in caverna maceriae.

Allelúia, allelúia. **Ps.** Ostende mihi faciem tuam, sonet vox tua in auribus meis: vox enim tua dulcis, et facies tua decora. Allelúia.

Post Septuagesimam, omissis Allelúia, et versu sequenti, dicitur:

Tractus Iudith 15, 10 Tu gloria Ierúsalem, tu laetitia Israël, tu honorificentia populi nostri. **Ps. Cant. 4, 7** Tota pulchra es, María: et macula originalis non est in te. **Ps.** Felix es, sacra Virgo María, et omni laude dignissima, quae serpentis caput virgineo pede contrivisti.

In Missis votivis tempore paschali omittitur graduale, et eius loco dicitur:

Allelúia, allelúia. **Ps. Iudith 15, 10** Tu gloria Ierúsalem, tu laetitia Israël, tu honorificentia populi nostri. Allelúia. **Ps. Cant. 4, 7** Tota pulchra es, María: et macula originalis non est in te. Allelúia.

✠ Sequéntia sancti Evangélii secundum Lucam

Luc. 1, 26-31

In illo tempore: Missus est Angelus Gábríel a Deo in civitatem Galilaeae, cui nomen Názareth, ad Virginem desponsatam viro, cui

nomen erat Ioseph, de domo David, et nomen Virginis María. Et ingressus Angelus ad eam dixit: Ave, gratia plena: Dominus tecum: benedicta tu in mulieribus. Quae cum audisset, turbata est in sermone eius, et cogitabat qualis esset ista salutatio. Et ait Angelus ei: Ne timeas, María, invenisti enim gratiam apud Deum: ecce concipies in útero, et paries filium, et vocabis nomen eius Iesum.

Antiphona ad Offertorium

Luc. 1, 28

Ave, gratia plena: Dominus tecum: benedicta tu in mulieribus.

Secreta

Hóstia laudis, quam tibi, Domine, per mérita gloriósae et immaculatae Virginis offerimus, sit tibi in odorem suavitatis, et nobis optatam conferat corporis et animae sanitatem. Per Dominum.

Præfatio de B. Maria Virg. Et te in Conceptione immaculata.

Antiphona ad Communionem

Ps. 64, 10

Visitasti terram et inebriasti eam, multiplicasti locupletare eam.

Postcommunio

Quos caelesti, Domine, alimento satiasti, sublevet dextera Genetrícis tuae immaculatae: ut ad aeternam patriam, ipsa adiuvante, pervenire mereámur: Qui vivis.

DIE 12 FEBRUARII

SS. SEPTEM FUNDATORUM
ORD. SERVORUM B. M. V.
CONFESSORUM

III classis

Antiphona ad Introitum

Sap. 10, 20-21

Iusti decantavérunt, Dómine, nomen sanctum tuum, et victrícem manum tuam laudavérunt páriter: quóniam sapiéntia apéruit os mutum, et linguas infántium fecit disertas. **Ps. 8, 2** Dómine, Dóminus noster, quam admirábile est nomen tuum in univérsta terra! **V.** Glória Patri. **Iusti.**

Oratio

Dómine Iesu Christe, qui ad recoléndam memóriam dolórum sanctíssimæ Genetrícis tuæ, per septem beátos Patres nova Servórum eius família Ecclésiám tuam fecundásti: concéde propítius; ita nos eórum consociári flétibus, ut perfruámur et gáudiis: Qui vivis.

Lectio libri Sapiéntiæ

Eccli. 44, 1-15

Laudémus viros gloriósos, et párentes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines

dívites in virtúte, pulchritúdinis stúdiu habéntes: pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrándi laudes eórum. Et sunt quorum non est memória: periérunt quasi qui non fúerint: et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et laudem eórum nuntiet Ecclésia.

Graduale Isai. 65, 23 Elécti mei non laborábunt frustra, neque germinábunt in conturbatióne: quia semen benedictórum Dómini est, et nepótes eórum cum eis. **V. Eccli. 44, 14** Córpora ipsórum in pace sepúlta sunt, et nomen eórum vivit in generatió nem et generatió nem.

Allelúia, allelúia. **V. Ibid. 15** Sapiéntiam ipsórum narrent pópuli, et laudem eórum nuntiet Ecclésia. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui séminant in lácrimis, in exsultatióne metent. **V.** Eúntes ibant et flebant, mitténtes sémína sua. **V.** Veniéntes autem vénient cum exsultatióne, portántes manípulos suos.

¶ **In Missis votivis tempore paschali omittitur graduale, et eius loco dicitur:**

Allelúia, allelúia. *V. Eccli. 44, 15* Sapiéntiam ipsórum narrent pópuli, et laudem eórum nún-tiet Ecclésia. Allelúia. *V. Ps. 36, 28* Non derelínquet Dóminus sanctos suos: in ætérnum conserva-búntur. Allelúia.

✠ Sequéntia sancti Evangélii se-cúndum Matthæum

Matth. 19, 27-29

In illo témpore: Dixit Petrus ad Iesum: Ecce nos relíquimus óm-nia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui se-cúti estis me, in regeneratióne, cum séderit Fílius hóminis in sede ma-iestátis suæ, sedébitis et vos super sedes duódecim, iudicántes duóde-cim tribus Israël. Et omnis, qui re-líquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidé-bit.

Antiphona ad Offertorium

Isai. 56, 7

Addúcam eos in montem san-ctum meum, et lætificábo eos in domo oratiónis meæ: holocáusta eórum, et víctimæ eórum placébunt mihi super altáre meum.

Secreta

Accipe, quæsumus, Dómine, hó-stias quas tibi offérimus: et præsta; ut, intercedéntibus Sanctis tuis, libera tibi mente serviámus, et perdoléntis Vírginis Genetrícis Fí-lii tui amóre inflammémur. Per eúndem Dóminum.

Antiphona ad Communionem

Ioann. 15, 16

Ego vos elégi de mundo, ut eátis, et fructum afferátis: et fructus ve-ster máneat.

Postcommunio

Cæléstibus refécti mystériis te, Dómine, deprecámur: ut quo-rum festa percólimus imitántes exémpla; iuxta Crucem Iesu cum María Matre eius fidéliter adsté-mus, et eiúsdem redemptiósni fru-ctum percípere mereámur. Per eúndem Dóminum.

DIE 14 FEBRUARII

S. VALENTINI

PRESBYTERI ET MARTYRIS

Commemoratio

Missa In virtúte tua, de Comuni unius Martyris 3º loco (7) cum orationibus ut infra:

Oratio

P

Præsta, quæsumus, omnípotens Deus: ut, qui beáti Valentíni Mártyris tui natalítia cólimus, a cunctis malis imminéntibus, eius intercessióne, liberémur. Per Dó-minum.

Secreta

P

Súscipe, quæsumus, Dómine, mú-nera dignánte obláta: et beáti Valentíni Mártyris tui suffragánti-bus méritis, ad nostræ salútis auxí-lium proveníre concéde. Per Dó-minum.

Postcommunio

P

Sit nobis, Dómine, reparátio men-tis et córporis cæléste mysté-rium: ut, cuius exséquimur actiós-nem, intercedénte beáto Valentíno Mártyre tuo, sentiámus efféctum. Per Dóminum.

DIE 15 FEBRUARII

SS. FAUSTINI ET IOVITÆ
MARTYRUM

Commemoratio

Missa Salus autem, de Communi plurimorum Martyrum 3° loco (13), cum orationibus ut infra:

Oratio

C

Deus, qui nos ánnua sanctórum Mártýrum tuórum Faustíni et Iovítæ solemnitáte lætíficas: concéde propítius; ut, quorum gaudémus méritis, accendámur exémp-
lis. Per Dóminum.

Secreta

P

Adésto, Dómine, supplicatió nibus nostris, quas in Sanctórum tuórum commemoratióne deféri-
mus: ut, qui nostræ iustítiæ fidú-
ciam non habémus, eórum qui tibi placuérunt, méritis adiuvémur. Per Dóminum.

Postcommunio

P

Quæsumus, Dómine, salutáribus repléti mystériis: ut, quorum solémnia celebrámus, eórum ora-
tió nibus adiuvémur. Per Dóminum.

DIE 18 FEBRUARII

S. SIMEONIS
EPISCOPI ET MARTYRIS

Commemoratio

Missa Státuit, de Communi unius Martyris 1° loco (4).

Oratio

C

Infirmitátem nostram réspice, om-
nípotens Deus: et, quia pondus
própriæ actiúnis gravat, beáti Si-
meónis Mártýris tui atque Pontífi-
cis intercessio gloriósa nos próte-
gat. Per Dóminum.

Secreta

C

Hóstias tibi, Dómine, beáti Si-
meónis Mártýris tui atque

Pontíficis dicátas méritis, benígnus
assúme: et ad perpétuum nobis trí-
bue proveníre subsidium. Per Dó-
minum.

Postcommunio

C

Refécti participatióne mún-
eris sacri, quæsumus, Dómine De-
us noster: ut, cuius exséquimur cul-
tum, intercedénte beáto Simeóne
Mártýre tuo atque Pontífice, senti-
ámus efféctum. Per Dóminum.

DIE 22 FEBRUARII

CATHEDRÆ
S. PETRI APOSTOLI

II classis

Antiphona ad Introitum

Eccli. 45, 30

Státuit ei Dóminus testamén-
tum pacis, et príncipem fecit
eum: ut sit illi sacerdótii dí-
gnitas in ætérnum. **Ps. 131, 1** Me-
ménto, Dómine, David: et omnis
mansuetúdinis eius. **V.** Glória Patri.
Státuit.

Oratio

Deus, qui beáto Petro Apóstolo
tuo, collátis clávibus regni cæ-
léstis, ligándi atque solvéndi pon-
tifícium tradidísti: concéde; ut, in-
tercessiúnis eius auxílio, a peccató-
rum nostrórum néxibus liberémur.

*Et fit commemoratio S. Pauli Ap. sub unica
conclusionē:*

Oratio

Deus, qui multitúdinem géntium
beáti Pauli Apóstoli prædica-
tióne docuísti: da nobis, quæsumus;
ut, cuius commemoratió nem cólí-
mus, eius apud te patrocínia senti-
tiámus. Per Dóminum.

*¶ Deinde, tempore quadragesimali, fit com-
memoratio feriæ.*

Lectio Epistolæ beāti Petri Apóstoli

1 Petr. 1, 1-7

Petrus Apóstolus Iesu Christi, eléctis ádvenis dispersiónis Ponti, Galátiae, Cappadóciae, Asiae et Bithýniae secúndum præsciéntiam Dei Patris, in sanctificatióem Spíritus, in obediéntiam, et aspersiónem sánguinis Iesu Christi: grátia vobis, et pax multiplicétur. Benedíctus Deus, et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectionem Iesu Christi ex mór-tuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novíssimo. In quo exsultábitis, módicum nunc si opórtet contristári in váriis tentatióibus: ut probátio vestrae fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniórum laudent eum. **V.** Confiteántur Dómino misericórdiae eius, et mirabília eius filiis hóminum.

Tractus Matth. 16, 18-19 Tu es Petrus, et super hanc petram ædificábo Ecclésiám meam. **V.** Et portæ inferi non prævalébunt advérsus eam: et tibi dabo claves regni cælórum. **V.** Quodcúmque ligáveris super terram, erit ligátum et in cælis. **V.** Et quodcúmque sólveris super terram, erit solútum et in cælis.

In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

Tempore autem paschali, omissis graduale et tractu, dicitur:

Allelúia, allelúia. **V. Ps. 106, 15** Confiteántur Dómino misericórdiae eius, et mirabília eius filiis hóminum. Allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélii secúndum Matthæum

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque

sólveris super terram, erit solútum et in cælis.

Credo.

Antiphona ad Offertorium

Matth. 16, 18-19

Tu es Petrus, et super hanc petram ædificábo Ecclésiám meam: et portæ inferi non prævalébunt advérsus eam: et tibi dabo claves regni cælórum.

Secreta

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illius glória celebrámus, nobis prosit ad véniam.

Et fit commemoratio S. Pauli Ap. sub unica conclusione:

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis. Per Dóminum.

Deinde, tempore quadragesimali, fit commemoratio feriæ.

Præfatio de Apostolis.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam.

Postcommunio

Lætíficet nos, Dómine, munus oblátum: ut, sicut in Apóstolo tuo Petro te mirábilem prædicámus; sic per illum tuæ sumámus indulgéntiæ largitátem.

Et fit commemoratio S. Pauli Ap. sub unica conclusione:

Postcommunio

Sanctificáti, Dómine, salutári mystério: quæsumus; ut nobis eius non desit orátio, cuius nos donásti patrocínio gubernári. Per Dóminum.

Deinde, tempore quadragesimali, fit commemoratio feriæ.

DIE 23 FEBRUARII

S. PETRI DAMIANI

EP., CONF. ET ECCL. DOCT.

III classis

Missa In médio, de Communi Doctorum (23), præter orationem sequentem.

Oratio

P

Concède nos, quæsumus, omnipotens Deus: beáti Petri Confessoris tui atque Pontíficis mónita et exéempla sectári; ut per terréstrium rerum contéptum ætéRNA gáudia consequámur. Per Dóminum.

Secreta

C1

Sancti Petri Pontíficis tui atque Doctóris nobis, Dómine, pia non desit oratio: quæ et múnera nostra concíliet; et tuam nobis indulgéntiam semper obtíneat. Per Dóminum.

Postcommunio

C1

Ut nobis, Dómine, tua sacrificia dent salútem: beátus Petrus Póntifex tuus et Doctor egrégus, quæsumus, precátor accédát. Per Dóminum.

DIE 24 **VEL** 25 FEBRUARII
S. MATTHIÆ APOSTOLI

II classis

Antiphona ad Introitum

Ps. 138, 17

Mihi autem nimis honorati sunt amici tui, Deus: nimis confortatus est principatus eorum. **Ps. ibid., 1-2** Domine, probasti me, et cognovisti me: tu cognovisti sessionem meam, et resurrectionem meam. **V.** Glória Patri. **M**ihi autem.

Oratio

Deus, qui beatum Matthiam Apostolorum tuorum collégio sociasti: tribue, quæsumus; ut eius interventióne, tuæ circa nos pietatis semper viscera sentiámus. Per Dóminum.

Et, tempore quadragesimali, fit commemoratio feriae.

Lectio Actuum Apostolorum

Act. 1, 15-26

In diébus illis exsurgens Petrus in médio fratrum, dixit (erat autem turba hóminum simul, fere centum viginti): Viri fratres, oportet impléri Scriptúram, quam prædixit Spíritus Sanctus per os David de Iuda, qui fuit dux eorum, qui comprehendérunt Iesum: qui connumerátus erat in nobis, et sortítus est sortem ministérii huius. Et hic quidem possédit agrum de mercede iniquitátis, et suspénsus crepuit médius: et diffúsa sunt ómnia viscera eius. Et notum factum est ómnibus habitántibus Ierúsalem, ita ut appellarétur ager ille, lingua eorum, Hacéldama, hoc est, ager sanguinis. Scriptum est enim in libro Psalmórum: Fiat commoratio

eorum desérta, et non sit qui inhábitet in ea: et episcopátum eius accípiat alter. Oportet ergo ex his viris, qui nobíscum sunt congregáti in omni témpore, quo intrávit et exívit inter nos Dóminus Iesus, incípiens a baptísmate Ioánnis usque in diem, qua assúptus est a nobis, testem resurrectionis eius nobíscum fieri unum ex istis. Et statuérunt duos, Ioseph qui vocabátur Bársabas, qui cognominátus est Iustus, et Matthiam. Et orántes dixerunt: Tu, Domine, qui corda nosti ómnium, osténde, quem elégeris ex his duóbus unum, accípere locum ministérii huius, et apostolátus, de quo prævaricátus est Iudas, ut abíret in locum suum. Et dedérunt sortes eis, et cécidit sors super Matthiam, et annumerátus est cum úndecim Apóstolis.

Graduale Ps. 138, 17-18 Nimis honorati sunt amici tui, Deus: nimis confortatus est principatus eorum. **V.** Dinumerábo eos, et super arénam multiplicabúntur.

Tractus Ps. 20, 3-4 Desidérium animæ eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictionibus dulcedinis. **V.** Posuísti in cápite eius corónam de lapide pretióso.

✠ **Sequéntia sancti Evangélii secundum Matthæum**

Matth. 11, 25-30

In illo témpore: Respóndens Iesus, dixit: Confíteor tibi, Pater, Domine cæli et terræ, quia abscondísti hæc a sapiéntibus et prudentibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre

meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite iugum meum super vos, et díscite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Credo.

Antiphona ad Offertorium

Ps. 44, 17-18

Constítues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Hóstias tibi, Dómine, quas nómini tuo sacrándas offérimus, sancti Matthíæ Apóstoli tui prosecuátur orátio: per quam nos expiári fácias, et deféndi. Per Dóminum.

Et, tempore quadragesimali, fit commemoratio feriæ.

Præfatio de Apostolis.

Antiphona ad Communionem

Matth. 19, 28

Vos, qui secúti estis me, sedébitis super sedes, iudicántes duódecim tribus Israël.

Postcommunio

Præsta, quæsumus, omnípotens Deus: ut per hæc sancta, quæ sumpsimus, interveniénte beáto Matthía Apóstolo tuo, véniam consequámur, et pacem. Per Dóminum.

Et, tempore quadragesimali, fit commemoratio feriæ.

¶ In Missis votivis ante Septuagesimam vel post Pentecosten, omisso tractu, post graduale, dicitur:

Allelúia, allelúia. **Ps. 32, 1**
Gaudéte, iusti, in Dómino: rectos decet collaudátio. Allelúia.

Tempore autem paschali, antiphona ad Introitum, Allelúia cum suis versibus post Epistolam, necnon antiphonæ ad Offertorium et ad Communionem sumuntur ex Missa Protexisti, de Comuni Martyrum 1º loco (16), reliqua dicuntur ut supra.

DIE 27 VEL 28 FEBRUARII

S. GABRIELIS
A VIRGINE PERDOLENTE

CONFESSORIS

III classis

Antiphona ad Introitum

Eccli. 11, 13

Oculus Dei respéxit illum in bono, et eréxit eum ab humilitáte ipsíus, et exaltávit caput eius; et miráti sunt in illo multi, et honoravérunt Deum. **Ps. 72, 1** Quam bonus Israël Deus his, qui recto sunt corde! **Ps.** Glória Patri. **Oculus.**

Oratio

Deus, qui beátum Gabriélem dulcíssimæ Matris tuæ dolóres assíduè recólere docuísti, ac per illam sanctitátis et miraculórum glória sublimásti: da nobis, eius intercessióne et exémplo; ita Genertrícis tuæ consociári flétibus, ut matérna eiúsdem protectióne salvémur: Qui vivis.

Léctio Epístolæ beáti Ioánnis
Apóstoli

1 Ioann. 2, 14-17

Caríssimi: Scribo vobis, iúvenes, quóniam fortes estis, et verbum Dei manet in vobis, et vicístis malignum. Nolíte dilígere mundum

neque ea, quæ in mundo sunt. Si quis diligit mundum, non est caritas Patris in eo: quoniam omne, quod est in mundo, concupiscentia carnis est, et concupiscentia oculorum, et superbia vitæ: quæ non est ex Patre, sed ex mundo est. Et mundus transit et concupiscentia eius. Qui autem facit voluntatem Dei, manet in ætérnum.

Graduale Ps. 30, 20 Quam magna multitúdo dulcédinis tuæ, Dómine, quam abscondísti timéntibus te! **V.** Perfecísti eis, qui sperant in te, in conspéctu filiórum hóminum.

Tractus Ps. 83, 6-7, 11 et 13 Beátus vir, cuius est auxílium abs te: ascensiónes in corde suo dispósuit, in valle lacrimárum, in loco, quem pósuit. **V.** Elégi abiéctus esse in domo Dei mei: magis quam habitáre in tabernáculis peccatórum. **V.** Non privábit bonis eos, qui ámbulant in innocéntia: Dómine virtútum, beátus homo, qui sperat in te.

In Missis votivis ante Septuagesimam vel post Pentecosten, graduale, ut supra, sed, omisso tractu dicitur:

Allelúia, allelúia. **V. Ps. 8, 6-7** Minuísti eum, Dómine, paulo minus ab Angelis: glória et honóre coronásti eum: et constituísti eum super ópera mánuum tuárum. Allelúia.

Tempore autem paschali omittitur graduale, et eius loco dicitur:

Allelúia, allelúia. **V. Ps. 8, 6-7** Minuísti eum, Dómine, paulo minus ab Angelis: glória et honóre coronásti eum: et constituísti eum super ópera mánuum tuárum. Allelúia. **V. Eccli. 11, 24** Benedíctio Dei in

mercédem iusti festínat, et in hora velóci procéssus illíus fructíficat. Allelúia.

✠ Sequéntia sancti Evangélíi secúndum Marcum

Marc. 10, 13-21

In illo témpore: Offerébant Iesu párvulos, ut tángeret illos. Discípuli autem comminabántur offeréntibus. Quos cum vidéret Iesus, indígne tulit, et ait illis: Sínite párvulos veníre ad me, et ne prohibuéritis eos: tálium enim est regnum Dei. Amen, dico vobis: Quisquis non recéperit regnum Dei velut párvulus, non intrábit in illud. Et compléxans eos et impónens manus super illos, benedicébat eos. Et cum egréssus esset in viam, procúrrens quidam genu flexo ante eum, rogábat eum: Magíster bone, quid fáciam, ut vitam ætérnam percípiam? Iesus autem dixit ei: Quid me dicis bonum? Nemo bonus, nisi unus Deus. Præcépta nosti: Ne adúlteres, Ne occídas, Ne furéris, Ne falsum testimónium díxeris, Ne fraudem féceris. Honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum et dixit ei: Unum tibi deest: vade, quaecúmque habes, vende, et da paupéribus, et habébis thesáurum in cælo: et veni, séquere me.

Antiphona ad Offertorium

Ps. 115, 16-17

O Dómine, quia ego servus tuus, et fílius ancillæ tuæ: dirupísti víncula mea, tibi sacrificábo hóstiam laudis.

Secreta

Salutárem hóstiam in memóriam sancti Gabriélis tibi, Dómine, offeréntes, fac nos sacrificium mortis tuæ rite recólere, ac, méritis perdoléntis Vírginis, eiúsdem sacrificii fructum copióse percípere: Qui vivis.

Antiphona ad Communionem**Apoc. 3, 20**

Ecce, sto ad óstium et pulso: si quis audierit vocem meam, et aperúerit mihi iánuam, intrábo ad illum, et cenábo cum illo, et ipse mecum.

Postcommunio

Quas tibi, Dómine, in festivitáte sancti Gabriélis Confessoris tui, pro collátis donis grátias ágimus: súscipe propítius per manus gloriósæ semper Vírginis Mariæ, ex qua carnem illam assumpsísti, cuius in hoc salutári convívio merúimus gustáre dulcédinem: Qui vivis.

FESTA MARTII**DIE 4 MARTII****S. CASIMIRI CONFESSORIS****III classis**

Missa Os iusti, **de Communi Confessoris non Pontificis 1º loco** (25), **præter orationem sequentem:**

Oratio**P**

Deus, qui inter regáles delicias et mundi illécebras, sanctum Casimírum virtúte constántiæ roborásti: quæsumus; ut eius intercessióne fidéles tui terréna despícient, et ad cæléstia semper aspírent. Per Dóminum.

Et fit commemoratio S. Lucii I Papæ et Martyris:

Oratio

Gregem tuum, Pastor ætérne, placátus inténde: et per beátum Lúcium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta**C**

Laudis tibi, Dómine, hóstias imolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Pro S. Lucio**Secreta**

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio**C**

Refécti cibo potúque cælésti, Deus noster, te súpplíces exorámus: ut, in cuius hæc commemoratióne percépimus, eius muniámur et précibus. Per Dóminum.

Pro S. Lucio**Postcommunio**

Refectióne sancta enutrítam gubérna, quæsumus, Dómine, tuam placátus Ecclésiám; ut poténti moderatióne directa, et incrementa libertátis accípiat et in religiónis integritáte persístat. Per Dóminum.

EODEM DIE 4 MARTII**S. LUCII I****PAPÆ ET MARTYRIS****Commemoratio**

Missa Si diligis me, **de Communi unius aut plurium Summorum Pontificum** (2).

DIE 6 MARTII

SS. PERPETUÆ ET
FELICITATIS MARTYRUM

III classis

Missa Me expectavérunt, de Communi non Virginum 1° loco (37), cum orationibus ut infra:

Oratio

C2

Da nobis, quæsumus, Dómine Deus noster, sanctárum Mártyrum tuárum Perpétuæ et Felicitátis palmas incessábili devotiône venerári: ut, quas digna mente non pòssumus celebráre, humílibus saltem frequentémus obséquiiis. Per Dóminum.

Secreta

C2

Inténde, quæsumus, Dómine, múnera altáribus tuis pro sanctárum Mártyrum tuárum Perpétuæ et Felicitátis festivitáte propósita: ut, sicut per hæc beáta mystéria illis glóriam contulisti; ita nobis indulgéntiam largiáris. Per Dóminum.

Postcommunio

P

Mysticis, Dómine, repléti sumus votis et gáudiis: præsta, quæsumus; ut intercessiόνibus sanctárum Mártyrum tuárum Perpétuæ et Felicitátis, quæ temporáliter ágimus, spirituáliter consequámur. Per Dóminum.

DIE 7 MARTII

S. THOMÆ DE AQUINO
CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus:

stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altissime. **V.** Glória Patri. **In médio.**

Oratio

Deus, qui Ecclésiám tuam oeáti Thomæ Confessóris tui mira eruditióné clarificas, et sancta operatióne fecúndas: da nobis, quæsumus; et quæ dócuit, intelléctu conspícere, et quæ egit, imitatióne complére. Per Dóminum.

Léctio libri Sapiéntiæ

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illius: nec comparávi illi lápidem pretiósum: quóniam omne aurum in comparatióne illius, aréna est exígua, et tamquam lutum æstimábitur argéntum in conspéctu illius. Super salútem et spéciem diléxi illam, et propósui pro luce habére illam: quóniam inexstinguíbile est lumen illius. Venérunt autem mihi ómnia bona páriter cum illa, et innumerábilis honéstas per manus illius, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiône dídici, et sine invídia commúnico, et honestátem illius non abscóndo. Infínitus enim thesáurus est homínibus: quo qui usi sunt, partícipes facti sunt amicítiæ Dei, propter disciplínæ dona commendáti.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei

eius in corde ipsius: et non supplantabuntur gressus eius.

Tractus Ps. 111, 1-3 Beátus vir, qui timet Dóminum: in mandátis eius cupit nimis. *℣.* Potens in terra erit semen eius: generatio rectórum benedicétur. *℣.* Glória et divítiae in domo eius: et iustítia eius manet in sáeculum sáeculi.

✠ Sequéntia sancti Evangélii secúndum Mattháeum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Sancti Thomæ Confessóris tui atque Doctóris, nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Thomas Conféssor tuus et Doctor egrégius, quæsumus, precátor accédât. Per Dóminum.

DIE 8 MARTII

S. IOANNIS A DEO

CONFESSORIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsius. **Ps. ibid., 1** Noli æmulári in malignántibus: neque zeláveris faciéntes iniquitátem. *℣.* Glória Patri. Os iusti.

Oratio

Deus, qui beátum Ioánnem, tuo amore succénsum, inter flammam innóxium incédere fecísti, et per eum Ecclésiám tuam nova prole fecundásti: præsta, ipsius suffragántibus méritis; ut igne caritátis tuæ vítia nostra curéntur, et remédia nobis ætéRNA provéniant. Per Dóminum.

Lectio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est tránsgréssus: fácere mala, et non fecit: ideo stabilíta sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Tractus Ps. 111, 1-3 Beátus vir, qui timet Dóminum: in mandátis eius cupit nimis. **℣.** Potens in terra erit semen eius: generátio rectórum benedicétur. **℣.** Glória et divítiæ in domo eius: et iustítia eius manet in sáeculum sáeculi.

✠ Sequéntia sancti Evangélii secúndum Matthæum

Matth. 22, 34-46

In illo témpore: Accessérunt ad Iesum pharisæi: et interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Iesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem símile est

huic: Díliges próximum tuum, sicut teípsum. In his duóbus mandátis univérsta lex pendet, et prophétæ. Congregátis autem pharisæis, interrogávit eos Iesus, dicens: Quid vobis vidétur de Christo? cuius filius est? Dicunt ei: David. Ait illis: Quómodo ergo David in spíritu vocat eum Dóminum, dicens: Dixit Dóminus Dómino meo: sede a dextris meis, donec ponam inimicos tuos scabéllum pedum tuórum? Si ergo David vocat eum Dóminum, quómodo filius eius est? Et nemo póterat ei respondére verbum: neque ausus fuit quisquam ex illa die eum ámplius interrogáre.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Refécti cibo potúque cælésti, Deus noster, te súpplīces exorámus: ut, in cuius hæc commemoratióne percépimus, eius muniamur et précibus. Per Dóminum.

DIE 9 MARTII

S. FRANCISCÆ ROMANÆ

VIDUÆ

III classis

Missa Cognóvi, de Comuni non Virginum
2º loco (39), præter orationem sequentem:

Oratio

P

Deus, qui beátam Franciscam famulam tuam, inter cétera grátiae tuæ dona, familiári Angeli consuetúdine decorásti: concéde, quæsumus; ut intercessiónis eius auxílio, Angelórum consórtium cónsequi mereámur. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 10 MARTII

SS. QUADRAGINTA
MARTYRUM

III classis

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri. **C**lamavérunt.

Oratio

Præsta, quæsumus, omnípotens Deus: ut, qui glorió sos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Léctio Epístolæ beáti Pauli Apóstoli
ad Hebræos

Hebr. 11, 33-39

Fratres: Sancti per fidem vicérunt regna, operáti sunt iustitiam, adépti sunt repromissiónes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptiõnem, ut meliõrem invenírent resurrectionem: álii vero ludíbria, et vérbera expérti, insuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustiáti, afflícti: quibus dignus non erat mundus; in solitudínibus errántes, in móntibus, et spelúncis, et incavérnis terræ. Et hi omnes testimónio fidei probáti, invénti sunt in Christo Iesu Dómino nostro.

Graduale Ps. 132, 1-2 Ecce quam bonum, et quam iucúndum, habitáre fratres in unum. **V.** Sicut unguéntum in cápite, quod descendit in barbam, barbam Aaron.

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes

sémina sua. **V.** Veniéntes autem vénient cum exsultatióne, portántes manípulos suos.

✠ Sequéntia sancti Evangélii secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in cælo.

Antiphona ad Offertorium

Ps. 31, 11

Lætámini in Dómino, et exsultáte, iusti: et gloriámini, omnes recti corde.

Secreta

Preces, Dómine, tuórum réspice, oblationésque fidélium: ut et tibi gratæ sint pro tuórum festivitáte Sanctórum, et nobis cónferant tuæ propitiatiónis auxiliú. Per Dóminum.

Antiphona ad Communionem

Matth. 12, 50

Quicúmque fécerit voluntátem Patris mei, qui in cælis est: ipse meus frater, et soror, et mater est, dicit Dóminus.

Postcommunio

Sanctórum tuórum, Dómine, intercessióne placátus: præsta, quæsumus; ut, quæ temporáli celebrámus actióne, perpétua salvatióne capiámus. Per Dóminum.

DIE 12 MARTII

S. GREGORII I

PAPÆ, CONF. ET ECCL. DOCT.

III classis

Missa Si dñligis me, **de Comuni unius aut plurium Summorum Pontificum** (2) **præter orationes sequentes:**

Oratio

P

Deus, qui ánimæ fámuli tui Gregórii æternæ beatitúdinis præmia contulísti: concéde propítius; ut, qui peccatórum nostrórum pón-dere prémimur, eius apud te préci-bus sublevémur. Per Dóminum.

Secreta

P

Annue nobis, quæsumus, Dómine: ut intercessióne beáti Gregórii hæc nobis prosit oblátio, quam im-molándo totíus mundi tribuísti relaxári delícta. Per Dóminum.

Postcommunio

P

Deus, qui beátum Gregórium Pontíficem Sanctórum tuórum méritis coæquásti: concéde propítius; ut, qui commemoratiónis eius festa percólimus, vitæ quoque imitémur exémpa. Per Dóminum.

DIE 17 MARTII

S. PATRICII
EPISCOPI ET CONFESSORIS

III classis

Missa Státuit, de Communi Confessoris Pontificis 1° loco (20), præter orationem sequentem:

Oratio

Deus, qui ad prædicándam gentibus glóriam tuam beátum Patrícium Confessórem atque Pontíficem mittere dignátus es: eius méritis et intercessióne concéde; ut, quæ nobis agénda præcipis, te miseránte adimplére possimus. Per Dóminum.

Secreta

Sancti tui, quæsumus, Dómine, nos ubique lætifícent: ut, dum eórum mérita recólimus, patrocínia sentiámus. Per Dóminum.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Patrício Confessóre tuo atque Pontífice, benefícia potióra sumámus. Per Dóminum.

DIE 18 MARTII

S. CYRILLI
EPISCOPI HIEROSOLYMITANI
CONF. ET ECCL. DOCTORIS

III classis

Antiphona ad Introitum

Eccli. 15, 5

In médio Ecclésiæ aperuit os eius: et implévit eum Dóminus spírítu sapiéntiæ et intelléctus: stolam glóriæ induit eum. (T. P. Allelúia, allelúia.) Ps. 91, 2 Bonum est confitéri Dómino: et psállere nómini tuo, Altíssime. V. Glória Patri. In médio.

Oratio

Da nobis, quæsumus, omnípotens Deus, beáto Cyríлло Pontífice intercedénte: te solum verum Deum, et quem misísti Iesum Christum ita cognóscere; ut inter oves, quæ vocem eius áudiunt, perpétuo connumerári mereámur. Per eúndem Dóminum.

Lectio libri Sapiéntiæ

Eccli. 39, 6-14

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplínam, et in absconditis suis consiliábitur. Ipse palam fáciét disciplínam doctrínæ suæ, et in lege testaménti Dómini gloriábitur. Colaudábunt multi sapiéntiam eius, et usque in sæculum non delébitur. Non recédet memória eius, et nomen eius requirétur a generatióne in generatióne. Sapiéntiam eius enarrábunt gentes, et laudem eius enuntiábit ecclésia.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. V. Lex Dei eius in corde ipsíus: et non supplantábuntur gressus eius.

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra

erit semen eius: generatio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

Tempore paschali, omissis graduali et tractu, dicitur:

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii secúndum Matthæum

Matth. 10, 23-28

In illo témpore: Dixit Iesus discí-pulis suis: Cum persequéntur vos in civitáte ista, fúgite in áliam. Amen dico vobis, non consummábitis civitátes Israël, donec véniat Fílius hóminis. Non est discípulus super magístrum, nec servus super dóminum suum. Súfficit discípulo, ut sit sicut magíster eius: et servo, sicut dóminus eius. Si patremfámilias Beélzebub vocavérunt; quanto magis domésticos eius? Ne ergo timuéritis eos. Nihil enim est opér-tum, quod non revelábitur: et oc-cúltum, quod non sciétur. Quod dico vobis in ténebris, dícite in lú-mine: et quod in aure audítis, præ-

dicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam et corpus pérdere in gehénnam.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplí-cábitur. **(T. P. Allelúia.)**

Secreta

Réspice, Dómine, immaculátam hóstiam, quam tibi offérimus: et præsta; ut méritis beáti Pontíficis et Confessóris tui Cyrílli, eam mundo corde suscípere studeámus. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram. **(T. P. Allelúia.)**

Postcommunio

Sacraménto Córporis et SÁNGUINIS tui, quæ sumpsimus, Dómine Iesu Christe, beáti Cyrílli Pontíficis précibus, mentes et corda nostra sanctíficent: ut divínæ consórtes natúræ éffici mereámur: Qui vivis et regnas.



DIE 19 MARTII

S. IOSEPH SPONSI B.M.V.

CONFESSORIS ET ECCLESIAE UNIVERSAE PATRONI

I classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri (*T. P. Allelúia, allelúia*). *Ps. ibid., 2* Bonum est confitéri Dómino: et psállere nómini tuo, Altíssime. *V. Glória Patri. Iustus.*

Oratio

Sanctíssimæ Genetrícis tuæ Sponsi, quæsumus, Dómine, méritis adiuvémur: ut, quod possibilitas nostra non óbtinet, eius nobis intercessióne donétur: Qui vivis.

Et, tempore quadragesimali, fit commemoratio feriae.

Léctio libri Sapiéntiæ

Eccli. 45, 1-6

Diléctus Deo et homínibus, cuius memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius

corónam de lápide pretiósó. **V.** Vitam pétiit a te, et tribuísti ei longitúdinem diérum in sáeculum sáeculi.

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

Tempore paschali, omissis graduali et tractu, dicitur:

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia. **V. Osee 14, 6** Iustus germínabit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii secúndum Matthæum

Matth. 1, 18-21

Cum esset desponsáta mater Iesu María Ioseph, ántequam convenírent, invénta est in útero habens de Spíritu Sancto. Ioseph autem vir eius, cum esset iustus, et nollet eam tradúcere, vóluit occúlte dimíttre eam. Hæc autem eo cogitánte, ecce Angelus Dómini apárui in somnis ei, dicens: Ioseph, fili David, noli timére accípere Mariám cóniugem tuam: quod enim in ea natum est, de Spíritu Sancto est. Páriet autem fílium: et vocábis nomen eius Iesum: ipse enim salvum fáciat pópulum suum a peccátis eórum. **Credo.**

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius **(T. P. Allelúia).**

Secreta

Débitum tibi, Dómine, nostræ réddimus servitútis, suppliciter exoránte: ut, suffrágiis beáti Ioseph, Sponsi Genetrícis Fílii tui Iesu Christi Dómini nostri, in nobis tua múnera tueáris, ob cuius venerándam festivitátem laudis tibi hóstias immolámus. Per eúndem Dóminum.

Et, tempore quadragesimali, fit commemoratio feriæ.

Præfatio de S. Ioseph. Et te in festivitáte.

Antiphona ad Communionem

Matth. 1, 20

Ioseph, fili David, noli timére accípere Mariám cóniugem tuam: quod enim in ea natum est, de Spíritu Sancto est **(T. P. Allelúia).**

Postcommunio

Adésto nobis, quæsumus, misericors Deus: et, intercedénte pro nobis beáto Ioseph Confessóre, tua circa nos propitiátus dona custódi. Per Dóminum.

Et, tempore quadragesimali, fit commemoratio feriæ.

¶ **Pro votiva de S. Ioseph dicitur Missa Adiutor, quæ habetur inter Missas votivas circa finem Missalis (55).**

DIE 21 MARTII

S. BENEDICTI ABBATIS

III classis

Missa Os iusti, de Communi Abbatum. (28)

Oratio

C

Intercéssio nos, quæsumus, Dómine, beáti Benedícti Abbátis comméndet: ut, quod nostris méritis non valémus, eius patrocínio assequámur. Per Dóminum.

Secreta

C

Sacris altáribus, Dómine, hóstias superpósitas sanctus Benedíctus Abbas, quæsumus, in salútem nobis proveníre depóscat. Per Dóminum.

Postcommunio

C

Prótegat nos, Dómine, cum tui perceptióne sacraménti beátus Benedíctus Abbas, pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

DIE 24 MARTII

S. GABRIELIS ARCHANGELI

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. (T. P. Allelúia, allelúia.) Ps. *ibid.*, 1 Benedic, ánima mea, Dómino: et ómnia, quæ intra me sunt, nómini sancto eius. *V.* Glória Patri. Benedícite.

Oratio

Deus, qui inter céteros Angelos, ad annuntiándum incarnatiónis tuæ mystérium, Gabriélem Archángelum elegísti: concéde propítius; ut, qui festum (commemoratióne) eius celebrámus in terris, ipsíus patrocínium sentiámus in cælis: Qui vivis.

Léctio Daniélis Prophétæ

Dan. 9, 21-26

In diébus illis: Ecce vir Gábriel, quem víderam in visióne a principio, cito volans tétigit me in témpore sacrificii vespertíni. Et dócuit me, et locútus est mihi, dixítque: Dániel, nunc egréssus sum ut docérem te, et intellégeres. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intéllige visióne. Septuaginta hebdómades abbreviátæ sunt super pópulum tuum, et super urbem sanctam tuam ut consumméetur prævaricatio, et finem accípiat peccátum, et deleátur iníquitas, et adducátur iustítia sempitérna, et impleátur visio, et prophetía, et ungátur Sanctus sanctórum. Scito ergo, et animadvérte: Ab éxitu sermónis, ut iterum ædificétur Ierúsalem, usque ad Christum ducem, hebdómades septem, et hebdómades sexaginta duæ erunt: et rursum ædificábitur platea, et muri in angústia témporum. Et post hebdómades sexaginta duas occidétur Christus: et non erit eius pópulus, qui eum negatúrus est. Et civitátem, et sanctuárium dissipábit pópulus cum duce ventúro: et finis eius vástitas, et post finem belli statúta desolátio.

Graduale Ps. 102, 20 et 1 Benedícite Dóminum, omnes Angeli eius: poténtes virtúte, qui fácitis verbum eius. *V.* Benedic, ánima mea, Dóminum, et ómnia interióra mea nomen sanctum eius.

Tractus Luc. 1, 28, 42, 31 et 35 Ave, María, grátia plena: Dóminus tecum. *V.* Benedícta tu in muliéribus:

et benedíctus fructus ventris tui. *℣.* Ecce concípies, et páries Fílium, et vocábis nomen eius Emmánuel. *℣.* Spíritus Sanctus supervéniet in te, et virtus Altíssimi obumbrábit tibi. *℣.* Ideóque et quod nascétur ex te Sanctum, vocábitur Fílius Dei.

Tempore paschali, omissis graduali et tractu, dicitur:

Allelúia, allelúia. *℣. Ps. 103, 4* Qui facit Angelos suos spíritus: et miní-stros suos flammam ignis. Allelúia. *℣. Luc. 1, 28* Ave, María, grátia plena: Dóminus tecum: benedícta tu in muliéribus. Allelúia.

¶ In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. *℣. Ps. 102, 21* Benedícite Dómino, omnes virtútes eius: minístri eius, qui fácitis voluntátem eius. Allelúia.

✠ Sequéntia sancti Evangélíi secúndum Lucam

Luc. 1, 26-38

In illo témpore: Missus est Angelus Gábriel a Deo in civitátem Galiláeae, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogitábat qualis esset ista salutátio. Et ait Angelus ei: Ne tí-meas, María, invenísti enim gráti-am apud Deum: ecce concípies in útero, et páries fílium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non

erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Antiphona ad Offertorium

Apoc. 8, 3 et 4

Stetit Angelus iuxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei. *(T. P. Allelúia.)*

Secreta

Accéptum fiat in conspéctu tuo, Dómine, nostræ servitútis munus, et beáti Archángeli Gabriélis orátio: ut, qui a nobis venerátur in terris, sit apud te pro nobis advocátus in cælis. Per Dóminum.

Antiphona ad Communionem

Dan. 3, 58

Benedícite, omnes Angeli Dómini, Dóminum: hymnum dícite, et superexaltáte eum in sæcula. *(T. P. Allelúia.)*

Postcommunio

Córporeis tui et Sánguini sumptis mystériis, tuam, Dómine Deus noster, deprecámur cleméntiam: ut, sicut Gabriéle nuntiánte, incarnationem tuam cognóvisimus: ita, ipso adiuvánte, incarnationis eiúsdem beneficia consequámur: Qui vivis.



DIE 25 MARTII

IN ANNUNTIATIONE B.M.V.

I classis

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia et exsultatíone (T. P. Allelúia, allelúia). Ps. *ibid.*, 2 Eructávit cor meum verbum bonum: dico ego ópera mea Regi. *V.* Glória Patri. *V*ultum.

Oratio

Deus, qui de beatæ Mariæ Vírginis útero Verbum tuum, Angelo nuntiánte, carnem suscipere voluísti: præsta supplicibus tuis; ut, qui vere eam Genetrícem Dei crédimus, eius apud te intercessió-nibus adiuvémur. Per eúndem Dóminum.

Et, tempore quadragesimali, fit commemoratio feriæ.

Léctio Isaíæ Prophétæ

Isai. 7, 10-15

In diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concipiet, et páriet filium, et vocábitur nomen eius Emmánuel. Butýrum et mel cómedet, ut sciat reprobáre malum, et elígere bonum.

Graduale Ps. 44, 3 et 5. Diffúsa est grátia in lábiis tuis: proptérea benedíxit te Deus in ætérnum. *V.* Propter veritátem, et mansuetúdinem, et iustítiam: et dedúcet te mirabíliter délixtera tua.

Tractus Ibid., 11 et 12 Audi, filia, et vide, et inclina aurem tuam: quia concupivit rex speciem tuam.

℣. Ibid., 13 et 10 Vultum tuum deprecabuntur omnes divites plebis: filiae regum in honore tuo. **℣. Ibid., 15-16** Adducuntur Regi virgines post eam: proximae eius afferuntur tibi. **℣.** Adducuntur in laetitia, et exultatione: adducuntur in templum Regis.

Tempore paschali, omissis graduali et tractu, dicitur:

Allelúia, allelúia. **℣. Luc. 1, 28** Ave, María, grátia plena: Dóminus tecum: benedicta tu in mulieribus. Allelúia. **℣. Num. 17, 8** Virga Iesse flóruit: Virgo Deum et hóminem genuit: pacem Deus reddidit, in se reconcilians ima summis. Allelúia.

✠ Sequéntia sancti Evangélíi secúndum Lucam

Luc. 1, 26-38

In illo témpore: Missus est Angelus Gábriel a Deo in civitátem Galiláeae, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrésus Angelus ad eam, dixit: Ave, grátia plena: Dóminus tecum: benedicta tu in mulieribus. Quæ cum audísset, turbáta est in sermóne eius: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam

virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Antiphona ad Offertorium

Luc. 1, 28 et 42

Ave, María, grátia plena: Dóminus tecum: benedicta tu in mulieribus, et benedictus fructus ventris tui (**T. P. Allelúia**).

Secreta

In méntibus nostris, quæsumus, Dómine, veræ fidei sacraménta confirma: ut, qui concéptum de Vírgine Deum verum et hóminem confitémur; per eius salutíferæ resurrectionis poténtiam, ad ætérnam mereámur perveníre laetítiam. Per eúndem Dóminum.

Et, tempore quadragesimali, fit commemoratio feriæ.

Præfatio de B. Maria Virg. Et te in Annuntiatióne.

Antiphona ad Communionem

Isai. 7, 14

Ecce virgo concípíet, et páriet filium: et vocábitur nomen eius Emmánuel (**T. P. Allelúia**).

Postcommunio

Grátiam tuam, quæsumus, Dómine, méntibus nostris infúnde: ut qui, Angelo nuntiánte, Christi

Filii tui incarnationem cognovimus; per passionem eius et crucem, ad resurrectionis gloriam perducamur. Per eundem Dominum.

Et, tempore quadragesimali, fit commemoratio feriae.

DIE 27 MARTII

S. IOANNIS DAMASCENI

CONF. ET ECCL. DOCT.

III classis

Antiphona ad Introitum

Ps. 72, 24

Tenuisti manum dexteram meam: et in voluntate tua deduxisti me, et cum gloria suscepisti me. (T. P. Allelúia, allelúia.) *Ps. ibid., 1* Quam bonus Israël Deus his, qui recto sunt corde! *℣.* Glória Patri. **T**enuisti.

Oratio

Omnípotens sempitérne Deus, qui ad cultum sacrarum imaginum asserendum, beátum Ioánnem cælesti doctrina et admirabili spíritus fortitudine imbuisti: concède nobis eius intercessiōe et exémplo; ut, quorum cólimus imágenes, virtútes imitémur et patrocínia sentiámus. Per Dóminum.

Lectio libri Sapiéntiæ

Sap. 10, 10-17

Iustum deduxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapién-

tia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérnam. Hæc pópulum iustum, et semen sine queréla liberávit a natió nibus, quæ illum deprimébant. Intrávit in ánimam servi Dei, et stetit contra reges horréndos in porténtis et signis. Et réddidit iustis mercédem labórum suórum.

Graduale Ps. 17, 33 et 35 Deus, qui præcínxit me virtúte: et pósuit immaculátam viam meam. *℣.* Qui docet manus meas ad próelium: et posuisti, ut arcum æreum, bráccia mea.

Tractus Ibid., 38, 39 et 50 Pérsequar inimícos meos, et comprehéndam illos. *℣.* Confríngam illos, nec póterunt stare: cadent subtus pedes meos. *℣.* Proptérea confitébor in natió nibus, Dómine, et nómini tuo psalmum dicam.

Tempore paschali, omissis graduali et tractu, dicitur:

Allelúia, allelúia. *℣.* **1 Reg. 25, 26 et 28** Dóminus salvávit manum tuam tibi: quia próelia Dómini tu proeliáris. Allelúia. *℣.* **Ps. 143, 1** Benedíctus Dóminus Deus meus, qui docet manus meas ad próelium, et dígitos meos ad bellum. Allelúia.

¶ In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. *℣.* Dedísti mihi protectionem salútis tuæ: et dextera tua suscepit me. Allelúia.

Sequéntia sancti Evangélii secúndum Lucam

Luc. 6, 6-11

In illo témpore: Factum est et in álio sábbato, ut intráret Iesus in synagógam, et docéret. Et erat ibi homo, et manus eius délixtera erat árida. Observábant autem scribæ et pharisæi, si in sábbato curáret: ut invenírent unde accusárent eum. Ipse vero sciébat cogitatiónes eórum. Et ait hómini, qui habébat manum áridam: Surge, et sta in médium. Et surgens stetit. Ait autem ad illos Iesus: Intérrogo vos si licet sábbatis benefácere, an male: ánimam salvam fácere, an pérdere? Et circumspéctis ómnibus dixit hómini: Exténde manum tuam. Et exténdit: et restitúta est manus eius. Ipsi autem repléti sunt insipiéntia, et colloquebántur ad ínvicem, quidnam fácerent Iesu.

Antiphona ad Offertorium

Iob 14, 7

Lignum habet spem, si præcísus fúerit, rursum viréscit, et rami eius púllulant. **(T. P. Allelúia.)**

Secreta

Ut, quæ tibi, Dómine, offérimus, dona tuo sint digna conspéctu: beáti Ioánnis et Sanctórum, quos eius ópera expósitos in templis cólimus, pia suffragátio conspíret. Per Dóminum.

Antiphona ad Communionem

Ps. 36, 17

Brácchia peccatórum conteréntur, confírmatur autem iustos Dóminus. **(T. P. Allelúia.)**

Postcommunio

Sumpta nos, quæsumus, Dómine, dona cæléstibus armis tueántur: et beáti Ioánnis patrocínia circúmdent Sanctórum unánimi suffrágio cumuláta; quorum imágines evícit in Ecclésia esse venerándas. Per Dóminum.

DIE 28 MARTII

S. IOANNIS DE CAPISTRANO CONFESSORIS

III classis

Antiphona ad Introitum

Habac. 3, 18-19

Ego autem in Dómino gaudébo: et exultábo in Deo Iesu meo: Deus Dóminus fortitúdo mea. **(T. P. Allelúia, allelúia.) Ps. 80, 2** Exultáte Deo adiutóri nostro, iubiláte Deo Iacob. **V. Glória Patri. Ego autem.**

Oratio

Deus, qui per beátum Ioánnem fidéles tuos in virtúte sanctíssimi nóminis Iesu de crucis inimícis triumpháre fecísti: præsta, quæsumus; ut, spirituálium hóstium, eius intercessióne, superátis insídiis, corónam iustítiæ a te accípere mereámur. Per eúndem Dóminum.

Léctio libri Sapiéntiæ

Sap. 10, 10-14

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret,

quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum.

Graduale Ps. 21, 24-25 Qui timétis Dóminum, laudáte eum: univérsum semen Iacob, glorificáte eum. **℣.** Timeat eum omne semen Israël: quóniam non sprexit, neque despéxit deprecationem páuperis.

Tractus Exodi 15, 2 et 3 Fortitúdo mea, et laus mea Dóminus, et factus est mihi in salútem: iste Deus meus, et glorificábo eum. **℣.** Dóminus quasi vir pugnátor, omnípotens nomen eius. **℣. Iudith 16, 3** Dóminus cónterens bella: Dóminus nomen est illi.

Tempore paschali, omissis graduali et tractu, dicitur:

Allelúia, allelúia. **℣. Ps. 58, 17** Ego autem cantábo fortitúdinem tuam: et exultábo mane misericórdiam tuam. Allelúia. **℣.** Quia factus es suscéptor meus, et refúgium meum in die tribulatiónis meæ. Allelúia.

¶ In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. **℣. Ps. 58, 17** Ego autem cantábo fortitúdinem tuam: et exultábo mane misericórdiam tuam. Allelúia.

✠ Sequéntia sancti Evangélíi secúndum Lucam

Luc. 9, 1-6

In illo témpore: Convocátis Iesus duódecim Apóstolis, dedit illis virtútem et potestátem super ómnia dæmónia, et ut languóres curárent.

Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniam, neque duas túnicas habeátis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos: exeúntes de civitáte illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes, et curántes ubíque.

Antiphona ad Offertorium

Eccli. 46, 6

Invocávit Altíssimum poténtem in oppugnándo inimícos úndique, et audívit illum magnus et sanctus Deus. **(T. P. Allelúia.)**

Secreta

Sacrificium, Dómine, quod immolámus, placátus inténde: ut, intercedénte beáto Ioánnē Confessóre tuo, ad conteréndas inimicórum insídias nos in tuæ protectiόνis securitáte constítuat. Per Dóminum.

Antiphona ad Communionem

Sap. 10, 20

Decantavérunt, Dómine, nomen sanctum tuum, et victrícem manum tuam laudavérunt. **(T. P. Allelúia.)**

Postcommunio

Repléti alimónia cælésti et spirituáli póculo recreáti, quæsumus, omnípotens Deus: ut, intercedénte beáto Ioánnē Confessóre tuo, nos ab hoste maligno deféndas, et Ecclésiám tuam perpétua pace custódias. Per Dóminum.

FERIA VI POST DOMINICAM I
PASSIONIS

SEPTEM DOLORUM B. M. V.

Commemoratio

Hodie, ubi peculiaria pietatis exercitia in honorem B. Mariæ Virg. Matris dolorosæ peraguntur, permittuntur duæ Missæ festivæ de septem doloribus B. Mariæ Virg.

Antiphona ad Introitum

Ioann. 19, 25

Stabant iuxta Crucem Iesu mater eius, et soror matris eius Mariâ Cléophæ, et Salóme, et Mariâ Magdaléne. **Ibid., 26-27** Múlier, ecce filius tuus: dixit Iesus; ad discipulum autem: Ecce mater tua. **℣.** Glória Patri. **S**tabant.

Oratio

Deus, in cuius passiône, secúndum Simeónis prophetíam, dulcíssimam ánimam gloriósæ Vírginis et Matris Mariæ dolóris gládius pertransívit: concéde propítius; ut, qui transfixiónem eius et passióem venerádo recólimus, gloriósis méritis et précibus ómnium Sanctórum Cruci fidéliter astántium intercedéntibus, passiónis tuæ efféctum felícem consequámur: Qui vivis.

Lectio libri Iudith

Iudith 13, 22 et 23-25

Benedíxit te Dóminus in virtúte sua, quia per te ad níhilum redégit inimícos nostros. Benedícta es tu filia a Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédât laus tua de ore hó-

minum, qui mémores fúerint virtútis Dómini in ætérnum, pro quibus non pepercísti ánimæ tuæ propter angústias et tribulatióem géneris tui, sed subvenísti ruínæ ante conspéctum Dei nostri.

Graduale Dolorósa et lacrimábilis es, Virgo Mariá, stans iuxta Crucem Dómini Iesu Fílii tui Redemptóris. **℣.** Virgo Dei Génetríx, quem totus non capit orbis, hoc crucis fert supplicium, auctor vitæ factus homo.

Tractus Stabat sancta Mariá, cæli Regína, et mundi Dómina, iuxta Crucem Dómini nostri Iesu Christi dolorósa. **℣. Thren. 1, 12** O vos omnes, qui transítis per viam, aténdite, et vidéte, si est dolor sicut dolor meus.

Sequentia

Stabat Mater dolorósa
Iuxta crucem lacrimósa,
Dum pendébat Fílius.

Cuius ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mærébat, et dolébat,
Pia Mater, dum vidébat
Nati pœnas inclyti.

Quis est homo, qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári
Doléntem cum Fílio?

Pro peccátiis suæ gentis
Vidit Iesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eia Mater, fons amóris,
Me sentíre vim dolóris
Fac, ut tecum lúgeam.

Fac, ut árdeat cor meum
In amándo Christum Deum,
Ut sibi compláceam.

Sancta Mater, istud agas,
Crucifíxi fige plagas
Cordi meo válide.

Tui nati vulneráti,
Tam dignáti pro me pati,
Pœnas mecum dívide.

Fac me tecum pie flere,
Crucifíxo condolére,
Donec ego víxero.

Iuxta crucem tecum stare,
Et me tibi sociáre
In planctu desídero.

Virgo vírginum præclára,
Mihi iam non sis amára:
Fac me tecum plángere.

Fac, ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me cruce inebriári,
Et cruóre Fílii.

Flammis ne urar succénsus,
Per te, Virgo, sim defénsus
In die iudícii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac, ut ánimæ donétur
Paradísi glória. Amen.

✠ Sequéntia sancti Evangélii se- cúndum Ioánnem

Ioann. 19, 25-27

In illo témpore: Stabant iuxta Crucem Iesu mater eius, et soror matris eius María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium

Ierem. 18, 20

Recordáre, Virgo Mater Dei, dum stéteris in conspéctu Dómini, ut loquáris pro nobis bona, et ut avértat indignatióem suam a nobis.

Secreta

Offerimus tibi preces et hóstias, Dómine Iesu Christe, humíliter supplicántes: ut, qui Transfixiónem dulcíssimi spíritus beátæ Mariæ Matris tuæ précibus recensémus; suo, suorúmque sub Cruce Sanctórum consórtium multiplicáto piíssimo intervéntu, méritis mortis tuæ, méritum cum beátis habeámus: Qui vivis.

Præfatio de B. Maria Virg. Et te in Transfixióne.

Antiphona ad Communionem

Felices sensus beátæ Mariæ Vírginis, qui sine morte meruérunt martýrii palmam sub Cruce Dómini.

Postcommunio

Sacrificia, quæ sumpsimus, Dómine Iesu Christe, Transfixiónem Matris tuæ et Vírginis devóte celebrántes: nobis ímpetrent apud cleméntiam tuam omnis boni salutaris efféctum: Qui vivis.

FESTA APRILIS

DIE 2 APRILIS

**S. FRANCISCI DE PAULA
CONFESSORIS**

III classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri (T. P. Allelúia, allelúia). Ps. *ibid.*, 2 Bonum est confitéri Dómino: et psállere nómini tuo, Altíssime. V. Glória Patri. Iustus.

Oratio

Deus, humílium celsitúdo, qui beátum Francíscum Confessórem Sanctórum tuórum glória sublimásti: tríbue, quæsumus; ut, eius méritis et imitatione, promíssa humílibus præmia feliciter consequámur. Per Dóminum.

**Léctio Epístolæ beáti Pauli Apóstoli
ad Philippéenses**

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Iesu Christi Dómini mei: propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu: quæ ex Deo est iustítia in fide, ad cognoscéndum illum, et virtútem resurrectionis eius, et societátem passiónum illíus: configurátus morti eius: si quo modo occúrram ad resurrectionem, quæ est ex mórtuis: non quod iam acceperim, aut iam perféctus sim: sequor autem, si quo modo comprehéndam, in quo et comprehénsus sum a Christo Iesu.

Tempore paschali:

Allelúia, allelúia. V. Ps. 111, 1 Beátus vir, qui timet Dóminum: in mandátis eius cupit nimis. Allelúia. V. Osee 4, 6 Iustus germinábit sicut lílium: et florébit in ætérnum ante Dóminum. Allelúia.

Extra tempus paschale:

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. V. Lex Dei eius in corde ipsíus: et non supplantábuntur gressus eius.

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectó-

rum benedicétur. **V.** Glória et divítiae in domo eius: et iustítia eius manet in sáeculum sáeculi.

✠ Sequéntia sancti Evangélíi secúndum Lucam

Luc. 12, 32-34

In illo témpore: Dixit Iesus discí-pulis suis: Nolíte timére, pusí-lus grex, quia complácuít Patri vestro dare vobis regnum. Véndite quæ possidétis, et date eleemósy-nam. Fácite vobis sácculos, qui non veteráscunt, thesáurum non defi-ciéntem in cælis: quo fur non ap-própiat, neque tinea corrúmpit. Ubi enim thesáurus vester est, ibi et cor vestrum erit.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum ex-sultábit veheménter: desidérium ánimæ eius tribuísti ei (**T. P. Al-lélúia**).

Secreta

Hæc dona devótæ plebis, Dó-mine, quibus tua cumulámus altária, beáti Francísci méritis tibi grata, nobisque salutária, te mise-ránte, reddántur. Per Dóminum.

Antiphona ad Communionem

Matth. 19, 28 et 29

Amen dico vobis: quod vos, qui reliquístis ómnia, et secúti estis me, céntuplum accipiétis, et vitam

ætérnam possidébitis (**T. P. Al-lélúia**).

Postcommunio

Sumpta, Dómine, sacraménta cæléstia: beáto Francíscó Con-fessóre tuo intercedénte, precámur; ut et temporális vitæ subsídia no-bis cónferant, et ætérnæ. Per Dómi-num nostrum.

DIE 4 APRILIS

S. ISIDORI

EP., CONF. ET ECCL. DOCT.

III classis

Missa In médio, **de Communi Doctorum** (23).

Oratio

C

Deus, qui pópulo tuo ætérnæ sa-lútis beátum Isidórum miní-strum tribuísti: præsta, quæsumus; ut, quem Doctórem vitæ habúimus in terris, intercessórem habére me-reámur in cælis. Per Dóminum.

Secreta

C1

Sancti Isidóri Pontíficis tui atque Doctóris nobis, Dómine, pia non desit orátio: quæ, et múnera nostra concíliet; et tuam nobis in-dulgéntiam semper obtíneat. Per Dóminum.

Postcommunio

C1

Ut nobis, Dómine, tua sacrificia dent salútem: beátus Isidórus Póntifex tuus et Doctor egrégíus, quæsumus, precátor accédát. Per Dóminum.

DIE 5 APRILIS

S. VINCENTII FERRERII
CONFESSORIS

III classis

Missa Os iusti, *de Communi Confessoris non Pontificis* 1^o loco (25), *præter orationem sequentem*:

Oratio

P

Deus, qui Ecclesiam tuam beati Vincéntii Confessóris tui méritis et prædicatióne illustráre dignátus es: concéde nobis fámulis tuis; ut et ipsíus instruámur exémpis, et ab ómnibus eius patrocinio liberémur advérsis. Per Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio

C

Refécti cibo potúque cælésti Deus noster, te súpplīces exorámus: ut, in cuius hæc commemoratióne percépimus, eius muniamur et précibus. Per Dóminum.

DIE 11 APRILIS

S. LEONIS I

PAPÆ, CONF. ET ECCL. DOCT.

III classis

Missa Si diligis me, *de Communi unius aut plurium Summorum Pontificum* (2).

Oratio

C1

Gregem tuum, Pastor ætérne, placátus inténde: et per beátum Leónem Summum Pontíficem, perpétua protectione custódi; quem totíus Ecclesiæ præstitísti esse pastórem. Per Dóminum.

Secreta

C1

Oblátis munéribus, quæsumus Dómine, Ecclesiam tuam benignus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectiône sancta enutrítam guberná, quæsumus, Dómine, tuam placátus Ecclesiam: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 13 APRILIS

S. HERMENEGILDI
MARTYRIS

III classis

TEMPORE PASCHALI

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multitúdine operántium iniquitátem, allelúia, allelúia. *Ps. ibid., 2* Exáudi, Deus, oratióne meam cum deprecor: a timóre inimíci éripe ánimam meam. *V.* Glória Patri. *P.* Protexisti.

Oratio

Deus, qui beátum Hermenegíldum Mártýrem tuum cælésti regno terrénium postpónere docuísti: da, quæsumus, nobis; eius exémplo cadúca despícere, atque ætérna sectári. Per Dóminum.

Lectio libri Sapiéntiæ

Sap. 5, 1-5

Stabunt iusti in magna constántia advérsus eos, qui se angustia-
vérunť, et qui abstulérunť labóres
eórum. Vidéntes turbabúntur ti-
móre horribili, et mirabúntur in
subitatióne insperátæ salútis, di-
céntes intra se, pæniténtiam agén-
tes, et præ angústia spíritus ge-
méntes: Hi sunt, quos habúimus
aliquándo in derísum, et in simili-
túdinem improperii. Nos insensáti
vitam illórum æstimabámus insá-
niam, et finem illórum sine honóre:
ecce quómodo computáti sunt inter
filios Dei, et inter sanctos sors il-
lórum est.

Allelúia, allelúia. **Ps. 88, 6** Con-
fitebúntur cæli mirabília tua, Dó-
mine: étenim veritátem tuam in
ecclésia sanctórum. Allelúia. **Ps. 20, 4**
Posuísti, Dómine, super caput
eius corónam de lápide pretióso.
Allelúia.

✠ Sequéntia sancti Evangélii se-
cúndum Lucam

Luc. 14, 26-33

In illo témpore: Dixit Iesus tur-
bis: Si quis venit ad me, et non
odit patrem suum, et matrem, et
uxórem, et filios, et fratres, et
soróres, adhuc autem et ánimam
suam, non potest meus esse discí-
pulus. Et qui non báiulat crucem
suam, et venit post me, non potest
meus esse discípus. Quis enim
ex vobis volens turrim ædificáre,
non prius sedens cóputat sump-
tus, qui necessarij sunt, si hábeat
ad perficiéndum; ne, posteáquam
posúerit fundaméntum, et non po-
túerit perficere, omnes, qui vident,
incípianť illúdere ei, dicéntes: Quia

hic homo coepit ædificáre, et non
pótuit consummáre? Aut quis rex
itúrus committere bellum advérsus
álium regem, non sedens prius có-
gitat, si possit cum decem míllibus
occurrere ei, qui cum viginti mílli-
bus venit ad se? Alióquin, adhuc
illo longe agente, legatiónem mit-
tens, rogat ea, quæ pacis sunt. Sic
ergo omnis ex vobis, qui non re-
núnciat ómnibus, quæ póssidet, non
potest meus esse discípus.

Antiphona ad Offertorium

Ps. 88, 6

Confitebúntur cæli mirabília tua,
Dómine: et veritátem tuam in ec-
clésia sanctórum, allelúia, allelúia.

Secreta

Munéribus nostris, quæsumus,
Dómine, precibúsq; suscep-
tis: et cælestibus nos munda my-
stériis, et cleménter exáudi. Per
Dóminum.

Antiphona ad Communionem

Ps. 63, 11

Lætábitur iustus in Dómino, et
sperábit in eo: et laudabúntur om-
nes recti corde, allelúia, allelúia.

Postcommunio

Da, quæsumus, Dómine Deus no-
ster: ut, sicut tuórum comme-
moratióne Sanctórum temporáli
gratulámur officio; ita perpétuo
lætémur aspéctu. Per Dóminum.

EXTRA TEMPUS PASCHALE

Missa In virtúte, de Communi unius Marty-
ris 3° loco (7), cum oratione et Evangelio ut
in Missa præcedenti.

DIE 14 APRILIS

S. IUSTINI MARTYRIS

III classis

Antiphona ad Introitum

Ps. 118, 85 et 46

Narravérunt mihi iníqui fabulatiónes, sed non ut lex tua: ego autem loquébar de testimoniis tuis in conspéctu regum et non confundébar (T. P. Allelúia, allelúia). **Ps. ibid., 1** Beáti immaculáti in via, qui ámbulant in lege Dómini. **V.** Glória Patri. **N**arravérunt mihi.

Oratio

Deus, qui per stultítiam Crucis eminentem Iesu Christi sciéntiam beátum Iustinum Mártyrem mirábiliter docuísti: eius nobis intercessióne concéde; ut, errórum circumventióne depúlso, fidei firmitátem consequámur. Per eúndem Dóminum.

Et fit commemoratio Ss. Tiburtii, Valeriani et Maximi Martyrum:

Oratio

Præsta, quæsumus, omnipotens Deus: ut, qui sanctorum Mártyrum tuorum Tiburtii, Valeriani, et Máximi solémnia cólimus; eórum étiam virtútes imitémur. Per Dóminum.

Léctio Epístolæ beáti Pauli Apóstoli ad Corínthios

1 Cor. 1, 18-25 et 30

Fratres: Verbum crucis pereúntibus quidem stultítia est: iis autem, qui salvi fiunt, id est nobis,

Dei virtus est. Scriptum est enim: Perdam sapiéntiam sapiéntium, et prudéntiam prudéntium reprobábo. Ubi sápiens? ubi scriba? ubi conquisítor huius sæculi? Nonne stultam fecit Deus sapiéntiam huius mundi? Nam quia in Dei sapiéntia non cognóvit mundus per sapiéntiam Deum: plácuit Deo per stultítiam prædicatiónis salvos fácere credéntes. Quóniam et Iudæi signa petunt, et Græci sapiéntiam quærunt: nos autem prædicámus Christum crucifíxum: Iudæis quidem scándalum, géntibus autem stultítiam, ipsis autem vocátis Iudæis, atque Græcis, Christum Dei virtútem, et Dei sapiéntiam: quia quod stultum est Dei, sapiéntius est homínibus: et quod infirmum est Dei, fórtius est homínibus. Ex ipso autem vos estis in Christo Iesu, qui factus est nobis sapiéntia a Deo, et iustítia, et sanctificátio, et redemptio.

Tempore paschali:

Allelúia, allelúia. **V. 1 Cor. 3, 19 et 20** Sapiéntia huius mundi stultítia est apud Deum, scriptum est enim: Dóminus novit cogitatiónes sapiéntium, quóniam vanæ sunt. Allelúia. **V. Philipp. 3, 8** Verúmtamen exístimo ómnia detriméntum esse propter eminentem sciéntiam Iesu Christi Dómini mei. Allelúia.

Extra tempus paschale:

Graduale 1 Cor. 3, 19 et 20 Sapiéntia huius mundi stultítia est apud Deum, scriptum est enim: Dóminus novit cogitatiónes sapiéntium, quóniam vanæ sunt. **V. Ibid., 1, 19** Perdam sapiéntiam sapiéntium, et prudéntiam prudéntium reprobábo.

Tractus 1 Cor. 2, 2 et 7-8 Non iudicavi me scire aliquid inter vos nisi Iesum Christum, et hunc crucifixum. **℣.** Lóquimur Dei sapiéntiam in mystério, quæ abscóndita est, quam prædestinávit Deus ante sæcula in glóriam nostram. **℣.** Quam nemo princípum huius sæculi cognóvit. Si enim cognovissent, numquam Dóminum glóriæ crucifixissent.

¶ In Missis votivis ante Septuagesimam vel post Pentecosten, graduale dicitur ut supra, sed, omissio tractu, additur:

Allelúia, allelúia. **℣. Philipp. 3, 8** Verúmtamen existimo ómnia detriméntum esse propter eminentem sciéntiam Iesu Christi Dómini mei. Allelúia.

✠ Sequéntia sancti Evangélii secundum Lucam

Luc. 12, 2-8

In illo témpore: Dixit Iesus discipulis suis: Nihil opértum est, quod non revelétur: neque abscónditum, quod non sciátur. Quóniam quæ in ténebris dixistis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his qui occidunt corpus, et post hæc non habent ámplius quid fácient. Osténdam autem vobis quem timeátis: timéte eum, qui, postquam occiderit, habet potestátem mittere in gehénnam; ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis

passéribus pluris estis vos. Dico autem vobis: Omnis, quicumque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium

1 Cor. 2, 2

Non enim iudicavi me scire aliquid inter vos, nisi Iesum Christum et hunc crucifixum (**T. P. Allelúia**).

Secreta

Múnera nostra, Dómine Deus, benígnus súscipe: quorum mirábile mystérium sanctus Martyr Iustínus advérsus impiórum calúmnias strénue deféndit. Per Dóminum.

Pro Ss. Tiburtio, Valeriano et Maximo

Secreta

Hæc hóstia, quæsumus, Dómine, quam sanctórum Mártyrum tuórum natalítia recenséntes offérimus: et víncula nostræ pravitatís absólvat, et tuæ nobis misericórdiæ dona concíliet. Per Dóminum.

Antiphona ad Communionem

2 Tím. 4, 8

Repósita est mihi coróna iustitiæ, quam reddet mihi Dóminus in illa die iustus iudex (**T. P. Allelúia**).

Postcommunio

Cælésti alimónia refécti supplices te, Dómine, deprecámur: ut, beáti Iustíni Mártyris tui mónitis, de accéptis donis semper in gratiárum actióne maneámus. Per Dóminum.

**Pro Ss. Tiburtio,
Valeriano et Maximo**

Postcommunio

Sacro múnere satiáti, súp-
plices te, Dómine, depre-
cámur: ut, quod débitæ servi-
tútis, celebrámus officio, salva-
tiónis tuæ sentiámus augmén-
tum. Per Dóminum.

EODEM DIE 14 APRILIS

**SS. TIBURTII,
VALERIANI ET MAXIMI
MARTYRUM**

Commemoratio

Extra tempus paschale, Missa Sapiéntiam, de Communi plurimorum Martyrum 2º loco (12), cum orationibus propriis in præcedenti Missa notatis.

Tempore autem paschali, Missa Sancti tui, de Communi Martyrum 2º loco (18), cum Epi-
stola et Evangelio ex Missa Protexísti, de Communi Martyrum 1º loco (16), et cum ora-
tionibus pariter propriis in præcedenti Missa notatis.

DIE 17 APRILIS

**S. ANICETI
PAPÆ ET MARTYRIS**

Commemoratio

Missa Si dñligis me, de Communi unius aut plurium Summorum Pontificum (2).

Oratio C1

Gregem tuum, Pastor ætérne, placátus inténde: et per beá-
tum Anicétum Mártýrem tuum
atque Summum Pontíficem, perpé-
tua protectióne custódi; quem to-
tíus Ecclésiæ præstitísti esse pastó-
rem. Per Dóminum.

Secreta C1

Oblátis munéribus, quæsumus,
Dómine, Ecclésiám tuam bení-
gnus illúmina: ut, et gregis tui pro-

ficiat ubíque succéssus, et grati-
fiant nómini tuo, te gubernánte,
pastóres. Per Dóminum.

Postcommunio C1

Refectióne sancta enutrítam gu-
bérna, quæsumus, Dómine,
tuam placátus Ecclésiám: ut po-
ténti moderatióne dirécta, et incre-
ménta libertátis accípiat et in re-
ligiónis integritáte persístat. Per
Dóminum.

DIE 21 APRILIS

**S. ANSELMI
EP., CONF. ET ECCL. DOCT.**

III classis

Missa In médio, de Communi Doctorum (23).

Oratio C

Deus, qui pópulo tuo ætérnæ
salútis beátum Ansélmum
minístrum tribuísti: præsta, quæ-
sumus; ut quem Doctórem vitæ
habúimus in terris, intercessórem
habére mereámur in cælis. Per Dó-
minum nostrum.

Secreta C1

Sancti Ansélmi Pontíficis tuí at-
que Doctóris nobis, Dómine,
pia non desit orátio; quæ, et mú-
nera nostra concíliet; et tuam nobis
indulgéntiam semper obtíneat. Per
Dóminum.

Postcommunio C1

Ut nobis, Dómine, tua sacrificia
dent salútem: beátus Ansél-
mus Póntifex tuus et Doctor egré-
gius, quæsumus, precátor accédât.
Per Dóminum.

DIE 22 APRILIS

SS. SOTERIS ET CAII
SUMMORUM PONTIFICUM ET
MARTYRUM

III classis

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátos Sotérem et Caium Mártyres tuos atque Summos Pontífices, perpétua protectione custódi; quos totíus Ecclésiæ præstitísti esse pastóres. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectione sancta enutrítam guberná quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religionis integritáte persistat. Per Dóminum.

DIE 23 APRILIS

S. GEORGII MARTYRIS

Commemoratio

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multítudine operántium iniquitátem, allelúia, allelúia. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri. **P**rotexisti.

Oratio

Deus, qui nos beáti Geórgii Mártyris tui méritis et intercessióne lætíficas: concéde propítius; ut qui tua per eum benefícia póscimus, dono tuæ grátiae consequámur. Per Dóminum.

Léctio Epístolæ beáti Pauli Apóstoli
ad Timótheum

2 Tim. 2, 8-10; 3, 10-12

Caríssime: Memor esto, Dóminum Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælésti. Tu autem assecútis es meam dóctrínam, institutionem, propósitum, fidem, longanimitátem, dilectionem, patientiam, persecutiónes, passiones: quália mihi facta sunt Antiochiæ, Icónii, et Lystri: quales persecutiónes sustínui, et ex ómnibus eripuit me Dóminus. Et omnes, qui pie volunt vívere in Christo Iesu, persecutiónem patiéntur.

Allelúia, allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **V. Ps. 20, 4** Posuísti, Dómine, super caput eius corónam de lápide pretiósó. Allelúia.

✠ Sequéntia sancti Evangélii secúndum Ioánnem

Ioann. 15, 1-7

In illo témpore: Dixit Iesus discipulis suis: Ego sum vitis vera:

et Pater meus agricola est. Omnem palmitem in me non ferentem fructum, tollet eum: et omnem, qui fert fructum, purgabit eum, ut fructum plus afferat. Iam vos mundi estis propter sermonem, quem locutus sum vobis. Manete in me: et ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis.

Antiphona ad Offertorium

Ps. 88, 6

Confitebuntur caeli mirabilia tua, Domine: et veritatem tuam in ecclesia sanctorum, alleluia, alleluia.

Secreta

Munera, Domine, oblata sanctifica, et, intercedente beato Georgio Martyre tuo, nos per haec a peccatorum nostrorum maculis emunda. Per Dominum.

Antiphona ad Communionem

Ps. 63, 11

Laetabitur iustus in Domino, et sperabit in eo: et laudabuntur omnes recti corde, alleluia, alleluia.

Postcommunio

Supplices te rogamus, omnipotens Deus: ut, quos tuis relictis sacramentis, intercedente beato Georgio Martyre tuo, tibi etiam

placitis moribus dignanter tribuas deservire. Per Dominum.

¶ Pro votiva extra tempus paschale, Missa In virtute, de Communi unius Martyris 3° loco (7) cum orationibus ut supra.

DIE 24 APRILIS

S. FIDELIS DE SIGMARINGA MARTYRIS

III classis

Missa Protexisti, de Communi Martyrum tempore paschali 1° loco (16), praeter orationem sequentem:

Oratio

P

Deus, qui beatum Fidelem, seraphico spiritus ardore succensum, in verae fidei propagatione martyrii palma et gloriosis miraculis decorare dignatus es: eius, quaesumus, meritis et intercessione, ita nos per gratiam tuam in fide et caritate confirma; ut in servitio tuo fideles usque ad mortem inveniri mereamur. Per Dominum.

Secreta

C3

Muneribus nostris, quaesumus, Domine, precibusque susceptis: et caelestibus nos munda mysteriis, et clementer exaudi. Per Dominum.

Postcommunio

C3

Da, quaesumus, Domine Deus noster: ut, sicut tuorum commemoratione sanctorum, temporali gratulamur officio; ita perpetuo laetemur aspectu. Per Dominum nostrum.

¶ Pro votiva extra tempus paschale, Missa In virtute, de Communi unius Martyris 3° loco (7), cum oratione ut supra.

DIE 25 APRILIS

S. MARCI EVANGELISTÆ

II classis

LITANLÆ MAIORES

Statio ad S. Petrum

¶ Ad Processionem dicitur Missa de Rogationibus, ut habetur suo loco in Proprio de Tempore 341, et, si contingat transferri festum S. Marci, non tamen transfertur processio, nisi quando prædictum festum dominica Paschatis vel feria II post Pascha occurrit; tunc enim in feriam III sequentem transfertur.

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multitúdine operántium iniquitátem, allelúia, allelúia. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri. **P**rotexisti.

Oratio

Deus, qui beátum Marcum Evangelístam tuum evangélicæ prædicatiónis grátia sublimásti: tríbue, quæsumus; eius nos semper et eruditíone profícere, et oratióne deféndi. Per Dóminum.

Et fit commemoratio Rogationum.

Oratio

Præsta, quæsumus, omnipotens Deus: ut qui in afflictíone nostra de tua pietáte confídimus; contra advérsa ómnia, tua semper protectióne muniámur. Per Dóminum.

Léctio Ezechiélis Prophétæ

Ezech. 1, 10-14

Similitúdo vultus quátuor animálium: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum iungebántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertebántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat vísis discúrrens in médio animálium, splendor ignis, et de igne fulgur egrédiens. Et animália ibant, et revertebántur in similitúdinem fúlgoris coruscántis.

Allelúia, allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **V. Ps. 20, 4** Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis ut mittat operários in mes-

sem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcunque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete edentes, et bibentes quæ apud illos sunt: dignus est enim operarius mercede sua. Nolite transire de domo in domum. Et in quamcunque civitatem intraveritis, et susceperint vos, manducate quæ apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Credo.

Antiphona ad Offertorium

Ps. 88, 6

Confitebuntur cæli mirabilia tua, Domine: et veritatem tuam in ecclesia sanctorum, allelúia, allelúia.

Secreta

Beati Marci Evangelistæ tui solemnitate, tibi munera deferentes, quæsumus, Domine: ut, sicut illum prædicatio evangelica fecit gloriósum; ita nos eius intercessio et verbo, et opere tibi reddat acceptos. Per Dóminum.

Pro Rogationibus Secreta

Hæc munera, quæsumus, Domine, et vincula nostræ pravitatis absolvant, et tuæ nobis misericordiæ dona concilient. Per Dóminum.

Præfatio de Apostolis.

Antiphona ad Communionem

Ps. 63, 11

Lætabitur iustus in Dómino, et sperabit in eo: et laudabuntur omnes recti corde, allelúia, allelúia.

Postcommunio

Tribuant nobis, quæsumus, Domine, continuum tua sancta præsidium: quo, beati Marci Evangelistæ tui precibus, nos ab ómnibus semper tueantur adversis. Per Dóminum.

Pro Rogationibus Postcommunio

Vota nostra, quæsumus, Domine, pio favore prosequere: ut, dum dona tua in tribulatione percipimus, de consolatione nostra in tuo amore crescámus. Per Dóminum.

¶ Pro votiva extra tempus paschale, Missa ut in festo S. Lucæ Ev., die 18 octobris, cum orationibus et Epistola ut supra.

DIE 26 APRILIS

SS. CLETI ET MARCELLINI SUMMORUM PONTIFICUM ET MARTYRUM

III classis

Missa Si diligis me, de Comuni unius aut plurium Summorum Pontificum (2).

Oratio

C1

Gregem tuum, Pastor æternæ, placatus inténde: et per beatos Cletum et Marcellinum, Mátyres tuos atque Summos Pontífices, perpétua protectione custódi; quos totius Ecclesiæ præstitisti esse pastóres. Per Dóminum.

Secreta

C1

Oblátis munéribus, quæsumus, Dómine, Ecclesiám tuam benignus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclesiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 27 APRILIS

S. PETRI CANISII
CONF., ET ECCLESIAE DOCT.

III classis

*Missa In médio, de Communi Doctorum (23),
præter orationem sequentem.*

Oratio

P

Deus, qui ad tuéndam cathólicam fídem beátum Petrum Confessórem tuum, virtúte et doctrína roborásti: concéde propítius; ut, eius exémples et mónitis, errántes ad salútem resipíscant, et fídeles in veritátis confessióne perseverént. Per Dóminum.

Secreta

C2

Sancti Petri Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Postcommunio

C2

Ut nobis, Dómine, tua sacrificia dent salútem: beátus Petrus Confessor tuus et Doctor egregius, quæsumus, precátor accédât. Per Dóminum.

DIE 28 APRILIS

S. PAULI A CRUCE
CONFESSORIS

III classis

Antiphona ad Introitum

Gal. 2, 19-20

Christo confíxus sum Cruci: vivo autem, iam non ego: vivit vero in me Christus: in fide vivo Fílii Dei, qui diléxit me, et trádedit semetípsum pro me (**T. P.** Allelúia, allelúia.) **Ps. 40, 2** Beátus qui intéllegit super egénium et páuperem: in die mala liberábit eum Dóminus. **V.** Glória Patri. **Christo.**

Oratio

Dómine Iesu Christi, qui ad mystérium crucis prædicándum, sanctum Paulum singulári caritáte donásti, et per eum novam in Ecclesiá familiam floréscere voluísti: ipsíus nobis intercessióne concéde; ut passióne tuam iúgiter recoléntes in terris, eiúsdem fructum cónsequi mereámur in cælis: Qui vivis et regnas.

Léctio Epístolæ beáti Pauli Apóstoli
ad Corínthios

1 Cor. 1, 17-25

Fratres: Non misit me Christus baptizáre, sed evangelizáre: non in sapiéntia verbi, ut non evacuétur crux Christi. Verbum enim

crucis pereúntibus quidem stultítia est: iis autem, qui salvi fiunt, id est nobis, Dei virtus est. Scriptum est enim: Perdam sapiéntiam sapiéntium, et prudéntiam prudéntium reprobábo. Ubi sápiens? ubi scriba? ubi conquisítor huius sáeculi? Nonne stultam fecit Deus sapiéntiam huius mundi? Nam quia in Dei sapiéntia non cognóvit mundus per sapiéntiam Deum: plácuít Deo per stultítiam prædicatiónis salvos fácere credéntes. Quóniam et Iudæi signa petunt, et Græci sapiéntiam quærunt: nos autem prædicámus Christum crucifixum: Iudæis quidem scándalum, géntibus autem stultítiam, ipsis autem vocátis Iudæis, atque Græcis, Christum Dei virtútem, et Dei sapiéntiam: quia quod stultum est Dei, sapiéntius est homínibus: et quod infirmum est Dei, fórtius est homínibus.

Tempore paschali:

Allelúia, allelúia. **℣. 2 Cor. 5, 15** Pro ómnibus mórtuus est Christus: ut, et qui vivunt, iam non sibi vivant, sed ei, qui pro ipsis mórtuus est, et resurréxit. Allelúia. **℣. Rom. 8, 17** Si filii, et herédes: herédes quidem Dei, coherédes autem Christi: si tamen compátimur, ut et conglorificémur. Allelúia.

¶ **In Missis votivis extra tempus paschale dicitur:**

Graduale Gal. 6, 14 Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **℣. 1 Cor. 2, 2** Non iudicávi me scire áliquid inter vos, nisi Iesum Christum, et hunc crucifixum.

Allelúia, allelúia. **℣. 1 Petr. 2, 21** Christus passus est pro nobis, vobis relínquens exémpulum ut sequámini vestígia eius. Allelúia.

Post Septuagesimam, omissis Allelúia, et versu sequenti, dicitur:

Tractus 1 Petr. 4, 1 Christo igitur passo in carne, et vos eádem cogitatióne armámini: quia qui passus est in carne, désiit a peccátis. **℣. 2 Cor. 4, 10** Semper mortificatiónem Iesu in córpore nostro circumferéntes, ut et vita Iesu manifestétur in corpóribus nostris. **℣. Hebr. 12, 2** Aspiciéntes in auctórem fidei et consummatórem Iesum, qui propósito sibi gáudio sustínuit Crucem, confusióne contémpta, atque in dextera sedis Dei sedet.

✠ **Sequéntia sancti Evangélíi secúndum Lucam**

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiéscet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim

operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium

Ephes. 5, 2

Ambuláte in dilectióne, sicut et Christus diléxit nos, et trádedit semetípsum pro nobis oblatiónem, et hóstiám Deo in odórem suavitátis. (T. P. Allelúia.)

Secreta

Cæléstem nobis, Dómine, præbeant mystéria hæc passiónis et mortis tuæ fervórem: quo sanctus Paulus, ea offeréndo, corpus suum hóstiám vivéntem, sanctam, tibíque placéntem exhibuit: Qui vivis.

Antiphona ad Communionem

1 Petr. 4, 13

Communicántes Christi passiónibus gaudéte, ut in revelatióne glóriæ eius gaudeátis exsultántes. (T. P. Allelúia.)

Postcommunio

Súmpsimus, Dómine, divínus sacraméntum, imménsæ caritátis tuæ memoriále perpétuum: tríbe, quæsumus; ut, sancti Pauli méritis et imitatióne, aquam de fóntibus tuis hauriámus in vitam ætérnam saliéntem, et tuam sacratíssimam passióne córdibus nostris impréssam móribus et vita teneámus: Qui vivis et regnas.

DIE 29 APRILIS

S. PETRI MARTYRIS

III classis

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multítudine operántium iniquitátem, allelúia, allelúia. **Ps. ibid., 2** Exáudi, Deus, oratióne meam cum deprecor: a timóre inimíci éripe ánimam meam. **V.** Glória Patri. **P**rotexisti.

Oratio

Præsta, quæsumus, omnípotens Deus: ut beáti Petri Mártyris tui fidem cóngrua devotióne sectémur; qui, pro eiúsdem fidei dilatatiónem, martýrii palmam mérui obtinére. Per Dóminum.

Léctio Epístolæ beáti Pauli Apóstoli ad Timótheum

2 Tim. 2, 8-10; 3, 10-12

Caríssime: Memor esto, Dóminus Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælésti. Tu autem assecútus es meam doctrínam, institutióne, propósitum, fidem, longanimitátem, dilectiόne, paciéntiam, persecutiόnes, passiόnes: quália mihi facta sunt Antiochiæ, Icónii, et Lystris: quales persecutiόnes sustínui, et ex ómnibus erípuít me Dóminus. Et omnes, qui pie volunt vívere in Christo Iesu, persecutiόne patiéntur.

Allelúia, allelúia. *℣. Ps. 88, 6*
Confitebúntur cæli mirabilia tua,
Dómine: étenim veritatem tuam
in ecclésia sanctórum. Allelúia. *℣.*
Ps. 20, 4 Posuisti, Dómine, super
caput eius corónam de lápide pre-
tioso. Allelúia.

✠ Sequéntia sancti Evangélii se-
cúndum Ioánnem

Ioann. 15, 1-7

In illo témpore: Dixit Iesus discí-
pulis suis: Ego sum vitis vera:
et Pater meus agrícola est. Omnem
pálmitem in me non feréntem fru-
ctum, tollet eum: et omnem, qui
fert fructum, purgábit eum, ut fru-
ctum plus áfferat. Iam vos mundi
estis propter sermónem, quem locú-
tus sum vobis. Manéte in me: et ego
in vobis. Sicut palmes non potest
ferre fructum a semetípso, nisi mán-
serit in vite: sic nec vos, nisi in me
manséritis. Ego sum vitis, vos pál-
mites: qui manet in me, et ego in eo,
hic fert fructum multum: quia sine
me nihil potéstis fácere. Si quis in
me non mánserit, mittétur foras si-
cut palmes, et aréscet, et cólligent
eum, et in ignem mittent, et ardet.
Si manséritis in me, et verba mea in
vobis mánserint: quodcúmque vo-
luéritis, petétis, et fiet vobis.

Antiphona ad Offertorium

Ps. 88, 6

Confitebúntur cæli mirabilia tua,
Dómine: et veritatem tuam in ec-
clésia sanctórum, allelúia, allelúia.

Secreta

Preces, quas tibi, Dómine, offéri-
mus, intercedente beáto Petro
Mártire tuo, cleménter inténde: et
propugnatóres fidei sub tua prote-
ctióne custódi. Per Dóminum.

Antiphona ad Communionem

Ps. 63, 11

Lætábitur iustus in Dómino, et
sperábit in eo: et laudabúntur om-
nes recti corde, allelúia, allelúia.

Postcommunio

Fidéles tuos, Dómine, custódiant
sacraménta, quæ sumpsimus:
et, intercedente beáto Petro Már-
tyre tuo, contra omnes advérsos
tueántur incúrsus. Per Dóminum.

¶ *Pro votiva extra tempus paschale,
Missa Lætábitur, de Comuni unius
Martyris 4° loco (8), cum orationibus ut
supra.*

DIE 30 APRILIS

**S. CATHARINÆ SENENSIS
VIRGINIS**

III classis

*Missa Dilexisti, de Comuni Virginum 3°
loco (33), cum orationibus ut infra:*

Oratio

P

Da, quæsumus, omnípotens De-
us: ut, qui beátæ Catharínæ
Vírginis tuæ natalítia cólimus; et
ánnea solemnitáte lætémur; et tan-
tæ virtútis proficiámus exémplo.
Per Dóminum.

Secreta

P

Ascéndant ad te, Dómine, quas in
beátæ Catharínæ solemnitáte
offérimus, preces, et hóstia salutá-
ris, virgíneo fragrans odóre. Per
Dóminum.

Postcommunio

P

Æternitátem nobis, Dómine,
cónferat, qua pasti sumus,
mensa cælestis: quæ beátæ Catha-
rínæ Vírginis vitam étiam áluit
temporálem. Per Dóminum.



FESTA MAII

DIE 1 MAII

SANCTI IOSEPH OPIFICIS

SPONSI BEATÆ MARLÆ VIRGINIS
CONFESSORIS

I classis

Antiphona ad Introitum

Sap. 10, 17

Sapiëntia réddidit iustis mercé-
dem labórum suórum, et de-
dúxit illos in via mirábili, et
fuit illis in velaménto diéi et in luce
stellárum per noctem. (**T. P.** Alle-
lúia, allelúia.) **Ps. 126, 1** Nisi Dómi-
nus ædificáverit domum, in vanum
labórant qui ædíficant eam. **℣.**
Glória Patri. **Sapiëntia.**

Oratio

Rerum cónditor Deus, qui legem
labóris humano géneri statu-
isti: concéde propítius: ut sancti
Ioseph exémplo et patrocínio, ópera
perficiámus quæ præcipis, et præ-

mia consequámur quæ promíttis.
Per Dóminum.

Léctio Epístolæ beáti Pauli Apóstoli
ad Colossénses

Col. 3, 14-15, 17, 23-24

Fratres: Caritátem habéte, quod
est vínculum perfectiónis, et
pax Christi exsúltet in córdibus
vestris, in qua et vocáti estis in uno
córpore, et grati estóte. Omne quod-
cúmque fácitis in verbo aut in ópere,
ómnia in nómine Dómini Iesu Chri-
sti, grátias ágéntes Deo et Patri per
ipsum. Quodcúmque fácitis, ex áni-
mo operámini sicut Dómino, et non
homínibus, sciéntes quod a Dómino

accipiétis retributióem hereditátis. Dómino Christo servíte.

Tempore paschali:

Allelúia, allelúia. **V.** De quacúmque tribulatióne clamáverint ad me, exáudiam eos, et ero protéctor eórum semper. Allelúia. **V.** Fac nos innócuam, Ioseph, decúrre vitam: sitque tuo semper tuta patrocínio. Allelúia.

In Missis votivis extra tempus paschale dicitur:

Graduale Ps. 127, 1-2 Beátus quicúmque times Dóminum, qui ámbulas in viis eius. **V.** Labórem mánuum tuárum manducábis et bene tibi erit.

Allelúia, allelúia. **V.** Fac nos innócuam, Ioseph, decúrre vitam: sitque tuo semper tuta patrocínio. Allelúia.

Post Septuagesimam, omissis Allelúia, et versu sequenti, dicitur:

Tractus. Ps. 111, 1-3 Beátus vir qui timet Dóminum, qui mandátis eius delectátur multum. **V.** Potens in terra erit semen eius; generatióni rectórum benedicétur. **V.** Opes et divítiæ erunt in domo eius, et munificéntia eius manébit semper.

✠ Sequéntia sancti Evangélii secúndum Matthæum

Matth. 13, 54-58

In illo témpore: Véniens Iesus in pátriam suam, docébat eos in synagógis eórum, ita ut miraréntur et dicerent: "Unde huic sapiéntia hæc et virtútes? Nonne hic est fabri

fílius? Nonne mater eius dicitur María, et fratres eius Iacóbus et Ioseph et Simon et Iudas? Et soróres eius nonne omnes apud nos sunt? Unde ergo huic ómnia ista?" Et scandalizabántur in eo. Iesus autem dixit eis: "Non est prophéta sine honóre nisi in pátria sua et in domo sua." Et non fecit ibi virtútes multas propter incredulitátem illórum.

Credo.

Antiphona ad Offertorium

Ps. 89, 17

Bónitas Dómini Dei nostri sit super nos, et opus mánuum nostrárum secúnda nobis, et opus mánuum nostrárum secúnda. **(T. P. Allelúia.)**

Secreta

Quas tibi, Dómine, de opéribus mánuum nostrárum offérimus hóstias, sancti Ioseph interpósito suffrágio, pignus fácias nobis unitátis et pacis. Per Dóminum.

Præfatio de sancto Ioseph: Et te in Solemnitate.

Antiphona ad Communionem

Matth. 13, 54, 55

Unde huic sapiéntia hæc et virtútes? Nonne hic est fabri fílius? Nonne mater eius dicitur María? **(T. P. Allelúia.)**

Postcommunio

Hæc sancta quæ sumpsimus, Dómine: per intercessiόnem beáti Ioseph; et operatiόnem nostram cómpleant, et præmia confirment. Per Dóminum.

DIE 2 MAII

S. ATHANASII
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. (T. P. Allelúia, allelúia.) Ps. 91, 2 Bonum est confitéri Dómino: et psállere nómini tuo, Altíssime. V. Glória Patri. In médio.

Oratio

Exáudi, quæsumus, Dómine, preces nostras, quas in beáti Athanásii Confessóris tui atque Pontíficis solemnitáte deférimus: et, qui tibi digne mérui famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli
ad Corínthios

2 Cor. 4, 5-14

Fratres: Non nosmetípsos prædicámus, sed Iesum Christum Dóminum nostrum: nos autem servos vestros per Iesum: quóniam Deus, qui dixit de ténebris lucem splendescere, ipse illúxit in córdibus nostris ad illuminatióem sciéntiæ claritátis Dei, in fácie Christi Iesu. Habémus autem thesáurum istum in vasis fictilibus: ut sublimitas sit virtútis Dei, et non ex nobis. In ómnibus tribulatióem pátimur, sed non angustiamur: aporiámur, sed non destitúimur: persecutióem pátimur, sed non derelinquimur:

deíficimur, sed non perímus: semper mortificatióem Iesu in corpore nostro circumferéntes, ut et vita Iesu manifestétur in corpóribus nostris. Semper enim nos, qui vívimus, in mortem trádimur propter Iesum: ut et vita Iesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúndem spíritum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes, quóniam qui suscitávit Iesum, et nos cum Iesu suscitábit, et constitúet vobíscum.

Tempore paschali:

Allelúia, allelúia. V. Ps. 109, 4 Tu es sacérdos in ætérnum, secúndum órduem Melchisedech. Allelúia. V. Iac. 1, 12 Beátus vir, qui suffert tentatióem: quóniam cum probátus fúerit, accípiet corónam vitæ, Allelúia.

¶ In Missis votivis extra tempus paschale dicitur:

Graduale Eccli. 44, 16 Ecce sacérdos magnus, qui in diébus suis plácuit Deo. V. **Ibid. 20** Non est invéntus símilis illi, qui conserváret legem Excélsi. Allelúia, allelúia. V. **Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélii secúndum Matthæum

Matth. 10, 23-28

In illo témpore: Dixit Iesus discipulis suis: Cum persequéntur vos in civitáte ista, fúgite in áliam. Amen dico vobis, non consummábitis civitátes Israél, donec véniat

Filius hominis. Non est discipulus super magistrum, nec servus super dominum suum. Sufficit discipulo, ut sit sicut magister eius: et servo, sicut dominus eius. Si patremfamilias Beelzebub vocaverunt: quanto magis domesticos eius? Ne ergo timueritis eos. Nihil enim est operum, quod non revelabitur: et occultum, quod non sciatur. Quod dico vobis in tenebris, dicite in lumine: et quod in aure auditis, predicite super tecta. Et nolite timere eos, qui occidunt corpus, animam autem non possunt occidere: sed potius timeate eum, qui potest et animam et corpus perdere in gehennam.

Antiphona ad Offertorium

Ps. 88, 21-22

Invēni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. **(T. P. Allelúia.)**

Secreta

Sancti Athanasii Confessoris tui atque Pontificis, quæsumus, Domine, annua sollemnitas pietati tuæ nos reddat acceptos: ut, per hæc piæ placationis officia, et illum beata retributio comitetur, et nobis gratiæ tuæ dona conciliet. Per Dominum.

Antiphona ad Communionem

Matth. 10, 27

Quod dico vobis in tenebris, dicite in lumine, dicit Dominus: et quod in aure auditis, predicite super tecta. **(T. P. Allelúia.)**

Postcommunio

Deus, fideliū remunerator animarum: præsta; ut beāti Atha-

nasii Confessoris tui atque Pontificis, cuius venerandam celebramus festivitatem, precibus indulgentiam consequamur. Per Dominum.

DIE 3 MAII

SS. ALEXANDRI

EVENTII ET THEODULI

MARTYRUM

AC IUVENALIS

EPISCOPI ET CONFESSORIS

Commemoratio

Missæ Sancti tui, de Communi Martyrum tempore paschali 2^o loco (18), cum orationibus propriis ut infra:

Oratio

P

Præsta, quæsumus, omnipotens Deus: ut, qui sanctorum tuorum Alexandri, Eventii, Theoduli, atque Iuvenalis natalitia colimus; a cunctis malis imminētibus, eorum intercessionibus, liberemur. Per Dominum.

Secreta

P

Super has hostias, quæsumus, Domine, benedictio copiosa descendat: quæ et sanctificationem nobis clementer operetur, et de Sanctorum nos sollemnitate lætificent. Per Dominum.

Postcommunio

P

Refecti participatione muneris sacri, quæsumus, Domine Deus noster: ut, cuius exsequimur cultum, intercedentibus sanctis tuis Alexandro, Eventio, Theodulo, et Iuvenale, sentiamus effectum. Per Dominum.

Pro votiva extra tempus paschale, Missæ Sapiētiā, de Communi plurimorum Martyrum 2^o loco (12), cum orationibus ut supra.

DIE 4 MAII

S. MONICÆ **VIDUÆ****III classis****Antiphona ad Introitum****Ps. 118, 75 et 120**

Cognóvi, Dómine, quia æquitas iudícia tua, et in veritate tua humiliásti me: confíge timóre tuo carnes meas, a mandátis tuis tí-mui. **(T. P. Allelúia, allelúia.) Ps. ibid., 1** Beáti immaculáti in via: qui ámbulant in lege Dómini. **℣.** Glória Patri. **C**ognóvi.

Oratio

Deus, mæréntium consolátor et in te sperántium salus, qui beátæ Mónica pias lácrimas in conversió-ne filii sui Augustíni misericórditer suscepísti: da nobis utriúsque intervéntu; peccáta nostra deploráre, et grátiae tuæ indulgéntiam inve-níre. Per Dóminum.

Léctio Epístolæ beáti Pauli Apóstoli
ad Timótheum

1 Tím. 5, 3-10

Caríssime: Víduas honóra, quæ vere víduæ sunt. Si qua autem vídua filios, aut nepótes habet, dis-cat primum domum suam régere, et mútuam vicem réddere parénti-bus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecrátió-nibus, et oratió-nibus nocte ac die. Nam quæ in delíciis est, vivens mórtua est. Et hoc præcipe ut irreprehensí-biles sint. Si quis autem suórum, et máxime domesti-córum curam non habet, fidem negávit, et est infidéli detérior. Vídua eligá-tur non minus sexagínta annórum, quæ fúerit uníus viri

uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatió-nem patiéntibus submini-strávit, si omne opus bonum sub-secúta est.

Tempore paschali:

Allelúia, allelúia. **℣. Ps. 44, 5** Spé-cie tua, et pulchritú-dine tua inténde, prospere procéde, et regna. Allelúia. **℣.** Propter veritátem, et mansuetú-dinem, et iustítiam: et dedúcet te mirabíliter dextera tua. Allelúia.

✠ Sequéntia sancti Evangélii se-cúndum Lucam

Luc. 7, 11-16

In illo témpore: Ibat Iesus in civi-tátem, quæ vocá-tur Naím: et ibant cum eo discípuli eius, et turba copiósa. Cum autem appropinquá-ret portæ civitátis, ecce defúctus efferebátur filius únicus matris suæ: et hæc vídua erat: et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accés-sit, et tétigit lóculum. (Hi autem, qui portábant, stetérunt.) Et ait: Adoléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia prophéta magnus surréxit in nobis; et quia Deus visitávit plebem suam.

Antiphona ad Offertorium**Ps. 44, 3**

Diffúsa est grátia in lábiis tuis: proptérea benedíxit te Deus in ætérnum, et in sáeculum sáeculi. **(T. P. Allelúia.)**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Antiphona ad Communionem

Ps. 44, 8

Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **(T. P. Allelúia.)**

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 5 MAII

SANCTI PII V

PAPÆ ET CONFESSORIS

III classis

Missa Si diligis me, de Communi unius aut plurium Summorum Pontificum (2), præter orationem sequentem:

Oratio

P

Deus, qui ad conteréndos Ecclésiæ tuæ hostes, et ad divínium cultum reparándum, beátum Pium Pontíficem máximum elígere dignátus es: fac nos ipsíus deféndi præsídiis, et ita tuis inhærere obséquiiis; ut, ómnium hóstium superátis insídiis, perpétua pace lætémur. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benignus illúmina: ut, et gregis tui

proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritátis persístat. Per Dóminum.

DIE 7 MAII

SANCTI STANISLAI

EPISCOPI ET MARTYRIS

III classis

Missa Protexisti, de Communi Martyrum tempore paschali 1º loco (16), cum orationibus ut infra:

Oratio

P

Deus, pro cuius honóre gloriósus Póntifex Stanisláus gládiis impiórum occúbuit: præsta, quæsumus; ut omnes, qui eius implórant auxílium, petitiónis suæ salutárem consequántur efféctum. Per Dóminum nostrum.

Secreta

C2

Múnera tibi, Dómine, dicáta sanctífica: et, intercedénte beáto Stanisláo Mártire tuo atque Pontífice, per éadem nos placátus inténde. Per Dóminum.

Postcommunio

C2

Hæc nos commúnio, Dómine, purget a crimine: et, intercedénte beáto Stanisláo Mártire tuo atque Pontífice, cæléstis remédii fáciat esse consórtes. Per Dóminum nostrum.

¶ **Pro votiva extra tempus paschale,** Missa Sacerdótes Dei, de Communi unius Martyris 2º loco (5), cum orationibus ut supra.

DIE 9 MAII

S. GREGORII NAZIANZENI
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. (T. P. Allelúia, allelúia.) Ps. 91, 2 Bonum est confitéri Dómino: et psállere nómini tui, Altíssime. V. Glória Patri. In médio.

Oratio

Deus, qui pópulo tuo æternæ salútis beátum Gregórium místrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Lectio libri Sapiéntiæ

Eccli. 39, 6-14

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplínam, et in absconditis suis consiliábitur. Ipse palam fáciat disciplínam doctrínæ suæ, et in lege

testaménti Dómini gloriábitur. Colaudábunt multi sapiéntiam eius, et usque in sáeculum non delébitur. Non recédet memória eius, et nomen eius requirétur a generatióne in generatióem. Sapiéntiam eius enarrábunt gentes, et laudem eius enuntiábit ecclésia.

Tempore paschali:

Allelúia, allelúia. V. Eccli. 45, 9 Amávit eum Dóminus, et ornávit eum: stolam glóriæ induit eum. Allelúia. V. Osee 14, 6 Iustus germínabit sicut lílium: et florébit in ætérnum ante Dóminum. Allelúia.

Extra tempus paschale:

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. V. Lex Dei eius in corde ipsíus: et non supplantabúntur gressus eius.

Allelúia, allelúia. V. Eccli. 45, 9 Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii secúndum Matthæum

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salié-tur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub mó-dio, sed super candelábrum, ut lú-ceat ómnibus qui in domo sunt. Sic lú-ceat lux vestra coram homínibus, ut vídeant ópera vestra bona, et glo-ríficent Patrem vestrum, qui in

cælis est. Nolite putare, quóniam veni sòlvere legem, aut prophétas: non veni sòlvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sòlverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur. (T. P. Allelúia.)

Secreta

Sancti Gregórii Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem

Luc. 12, 42

Fidélis servus, et prudens, quem constituit dóminus super famíliam suam: ut det illis in témpore trítici mensúram. (T. P. Allelúia.)

Postcommunio

Ut nobis, Dómine, tua sacrificia dent salútem: beátus Gregórius Póntifex tuus et Doctor egrégius, quæsumus, precátor accédât. Per Dóminum.

DIE 10 MAII

S. ANTONINI EPISCOPI ET CONFESSORIS

III classis

Missa Státuit, de Communi Confessoris Pontíficis 1º loco (20), præter orationem sequentem:

Oratio

Sancti Antoníni, Dómine, Confessoris tui atque Pontíficis méritis adiuvémur: ut, sicut te in illo mirábilem prædicámus, ita in nos misericórdem fuísse gloriémur. Per Dóminum.

Et fit commemoratio Ss. Gordiani et Epimachi Martyrum:

Oratio

Da, quæsumus, omnípotens Deus: ut, qui beatórum Mártyrum tuórum Gordiáni et Epímachi solémnia cólimus, eórum apud te intercessiónibus adiuvémur. Per Dóminum.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Pro Ss. Gordiano et Epimacho Secreta

Hóstias tibi, Dómine, beatórum Mártyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedente beáto Antoníno Confessóre tuo atque Pontífice, beneficia potióra sumámus. Per Dóminum.

**Pro Ss. Gordiano et Epimacho
Postcommunio**

Quæsumus, omnipotens Deus: ut, qui cælestia aliménta percépimus, intercedéntibus sanctis Martýribus tuis Gordiáno et Epímacho, per hæc contra ómnia advérsa muniámur. Per Dóminum.

EODEM DIE 10 MAII

**SS. GORDIANI ET
EPIMACHI MARTYRIUM**

Commemoratio

TEMPORE PASCHALI

Antiphona ad Introitum

Ps. 144, 10-11

Sancti tui, Dómine, benedícant te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sæculum, et in sæculum sæculi. **V.** Glória Patri. **S.** Sancti.

Oratio

Da, quæsumus, omnipotens Deus: ut, qui beatórum Mártyrum tuórum Gordiáni et Epímachi solémnia cólimus, eórum apud te intercessiónibus adiuvémur. Per Dóminum.

Léctio libri Apocalypsis beáti
Ioánnis Apóstoli

Apoc. 19, 1-9

In diébus illis: Post hæc ego Ioánes audívi quasi vocem turbárum multárum in cælo, dicéntium: Allelúia: salus, et glória, et virtus Deo nostro est: quia vera et iusta iudícia sunt eius, qui iudicávit de

meretríce magna, quæ corrúpit terram in prostitutíone sua, et vindicávit sánguinem servórum suórum de mánibus eius. Et iterum dixerunt: Allelúia. Et fumus eius ascéndit in sæcula sæculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúia. Et vox de throno exívit, dicens: Laudem dícite Deo nostro omnes servi eius; et qui timétis eum, pusilli et magni. Et audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, et exultémus, et demus glóriam ei: quia venérunt núptiæ Agni, et uxor eius præparávit se. Et datum est illi ut coopériat se býssino splendénti, et cándido. Býssinum enim iustificatiónes sunt Sanctórum. Et dixit mihi: Scribe, Beáti, qui ad cenam nuptiárum Agni vocáti sunt.

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 15** Pretiósá in conspéctu Dómini, mors sanctórum eius. Allelúia.

✠ Sequéntia sancti Evangélii
secúndum Ioánnem

Ioann. 15, 5-11

In illo témpore: Dixit Iesus discí-pulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet.

Si manséritis in me, et verba mea in vobis mánserint: quodcúmque voluéritis petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discípuli. Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in eius dilectióne. Hæc locútus sum vobis: ut gáudium meum in vobis sit, et gáudium vestrum impleátur.

Antiphona ad Offertorium

Ps. 31, 11

Lætámini in Dómino, et exultáte iusti: et gloriámini omnes recti corde, allelúia, allelúia.

Secreta

Hóstias tibi, Dómine, beatórum Mártyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsídium. Per Dóminum nostrum.

Antiphona ad Communionem

Ps. 32, 1

Gaudéte iusti in Dómino, allelúia: rectos decet collaudátio, allelúia.

Postcommunio

Quæsumus, omnípotens Deus: ut, qui cæléstia aliménta percépi-mus, intercedéntibus sanctis Mártyribus tuis Gordiáno et Epímacho, per hæc contra ómnia advérta muniamur. Per Dóminum.

¶ Extra tempus paschale, Missa Sapientiam, de Comuni plurimorum Martyrum 2º loco (12), cum orationibus ut supra.

DIE 11 MAII

SS. PHILIPPI ET IACOBI APOSTOLORUM

II classis

TEMPORE PASCHALI

Antiphona ad Introitum

Neh. vel 2, Esdr. 9, 27

Clamavérunt ad te, Dómine, in témpore afflictiónis suæ, et tu de cælo exaudísti eos, allelúia, allelúia. **Ps. 32, 1** Exsultáte iusti in Dómino: rectos decet collaudátio. **V.** Glória Patri. **C**lamavérunt ad te.

Oratio

Deus, qui nos ánnua Apostolorum tuórum Philíppi et Iacóbi solemnitáte lætíficas: præsta, quæsumus; ut, quorum gaudémus méritis, instruámur exémplic. Per Dóminum.

Léctio libri Sapientiae

Sap. 5, 1-5

Stabunt iusti in magna constántia advérsus eos, qui se angustiaavérunt, et qui abstulérunt labores eórum. Vidéntes turbabúntur timóre horribili, et mirabúntur in subitatioe insperatæ salutis, dicéntes intra se, pæniténtiam ágéntes, et præ angústia spíritus geméntes: Hi sunt, quos habúimus aliquándo in derisum, et in similitúdinem improperii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. **V.** **Ps. 88, 6** Confitebúntur cæli mirabília tua, Dómine: étenim veritátem tuam in

ecclésia sanctorum. Allelúia. *℣. Ioann. 14, 9* Tanto tempore vobiscum sum, et non cognovistis me? Philíppe, qui videt me, videt et Patrem meum. Allelúia.

✠ Sequéntia sancti Evangélii
secúndum Ioánnem

Ioann. 14, 1-13

In illo tempore: Dixit Iesus discipulis suis: Non turbetur cor vestrum. Creditis in Deum, et in me credite. In domo Patris mei mansiones multae sunt. Si quo minus dixissem vobis: Quia vado parare vobis locum. Et si abiero, et praeparavero vobis locum: iterum venio, et accipiam vos ad meipsum, ut ubi sum ego, et vos sitis. Et quo ego vado scitis, et viam scitis. Dicit ei Thomas: Domine, nescimus quo vadis: et quomodo possumus viam scire? Dicit ei Iesus: Ego sum via, et veritas, et vita. Nemo venit ad Patrem, nisi per me. Si cognovissetis me, et Patrem meum utique cognovissetis: et amodo cognoscetis eum, et vidistis eum. Dicit ei Philíppus: Domine, ostende nobis Patrem, et sufficit nobis. Dicit ei Iesus: Tanto tempore vobiscum sum, et non cognovistis me? Philíppe, qui videt me, videt et Patrem. Quomodo tu dicis: Ostende nobis Patrem? Non creditis quia ego in Patre, et Pater in me est? Verba, quae ego loquor vobis, a meipso non loquor. Pater autem in me manens, ipse facit opera. Non creditis quia ego in Patre, et Pater in me est? Alioquin propter opera ipsa credite. Amen, amen dico vobis, qui credit in me, opera quae ego facio, et ipse faciet, et maiora horum faciet: quia ego ad Patrem vado. Et

quodcumque petieritis Patrem in nomine meo, hoc faciam.

Credo.

Antiphona ad Offertorium

Ps. 88, 6

Confitebuntur caeli mirabilia tua, Domine: et veritatem tuam in ecclésia sanctorum, allelúia, allelúia.

Secreta

Múnera, Domine, quae pro Apostolorum tuorum Philíppi et Iacobi solemnitate deferimus, propitius suscipe: et mala omnia, quae meremur, averte. Per Dóminum.

Præfatio de Apostolis.

Antiphona ad Communionem

Ioann. 14, 9 et 10

Tanto tempore vobiscum sum, et non cognovistis me? Philíppe, qui videt me, videt et Patrem meum, allelúia: non credis, quia ego in Patre, et Pater in me est? Allelúia, allelúia.

Postcommunio

Quæsumus, Domine, salutáribus repléti mystériis: ut, quorum solémnia celebrámus, eórum orationibus adiuvémur. Per Dóminum nostrum.

EXTRA TEMPUS PASCHALE

Antiphona ad Introitum

Neh. vel 2 Esdr. 9, 27

Clamaverunt ad te, Domine, in tempore afflictionis suae, et tu de caelo exaudisti eos. *Ps. 32, 1*, Exultate iusti in Dómino: rectos decet collaudatio. *℣.* Glória Patri. **C**lamaverunt.

Oratio

Deus, qui nos Apostolorum tuorum Philippi et Iacobi solemnitate lætificas: præsta, quæsumus; ut, quorum gaudemus méritis, instruámur exémplicis. Per Dóminum.

Lectio Epistolæ beāti Pauli Apóstoli
ad Ephésios

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum captivam duxit captivitatem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelistas, álios autem pastôres, et doctôres, ad consummationem sanctorum in opus ministérii, in ædificationem cörperis Christi: donec occurrámus omnes in unitatem fidei, et agnitiónis Fílii Dei, in virum perféctum, in mensúram ætátis plenitúdinis Christi.

Graduale Ps. 44, 17-18 Constitues eos príncipes super omnem terram: mémores erunt nóminis tui, Dómine. *℣.* Pro pátribus tuis nati sunt tibi filii, proptérea pópuli confitebúntur tibi.

Allelúia, allelúia. *℣. Ioann. 14, 9* Tanto témpore vobíscum sum, et non cognovístis me? Philíppe, qui

videt me, videt et Patrem meum. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio mentent. *℣.* Eúntes ibant, et flebant, mitténtes sémina sua. *℣.* Veniéntes autem vénient cum exultatióne, portántes manípulos suos.

Evangelium Non turbétur, *ut supra* 527.

Antiphona ad Offertorium

Ps. 18, 15

In omnem terram exívit sonus eórum, et in fines orbis terræ verba eórum.

Secreta

Múnera, Dómine, quæ pro Apostolorum tuorum Philippi et Iacobi solemnitate deférimus, propítius súscipe: et mala ómnia, quæ merémur, avérte. Per Dóminum.

Præfatio de Apostolis.

Antiphona ad Communionem

Ioann. 14, 9 et 10

Tanto témpore vobíscum sum, et non cognovístis me? Philíppe, qui videt me, videt et Patrem meum: non credis, quia ego in Patre, et Pater in me est?

Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum orationibus adiuvémur. Per Dóminum.

DIE 12 MAII

SS. NEREI, ACHILLEI
ET DOMITILLÆ VIRGINIS
ATQUE PANCRAII
MARTYRUM

III classis

TEMPORE PASCHALI

Antiphona ad Introitum

Ps. 32, 18, 19 et 20

Ecce óculi Dómini super timéntes eum, sperántes in misericórdia eius, allelúia: ut erípiat a morte ánimas eórum: quóniam adiútor, et protéctor noster est, allelúia, allelúia. **Ps. ibid., 1** Exsultáte iusti in Dómino: rectos decet collaudátio. **V.** Glória Patri. **Ecce.**

Oratio

Semper nos, Dómine, Mártyrum tuórum Nérei, Achillei, Domitillæ atque Pancratii fóveat, quæsumus, beáta solémnitas: et tuo dignos reddat obséquio. Per Dóminum.

Léctio libri Sapiéntiæ

Sap. 5, 1-5

Stabunt iusti in magna constántia advérsus eos, qui se angustiavérent, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter

fílios Dei, et inter sanctos sors illórum est.

Allelúia, allelúia. **V.** Hæc est vera fratérnitas, quæ vicit mundi crimina: Christum secúta est, ínclita tenens regna cæléstia. Allelúia. **V.** Te Mártyrum candidátus laudat exércitus, Dómine. Allelúia.

✠ Sequéntia sancti Evangélíi secúndum Ioánnem

Ioann. 4, 46-53

In illo témpore: Erat quidam régulus, cuius filius infirmabátur Caphárnaum. Hic cum audísset, quia Iesus adveníret a Iudæa in Galilæam, ábiit ad eum, et rogábat eum ut descénderet, et sanáret fílium eius: incipiébat enim mori. Dixit ergo Iesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqvam moriátur fílius meus. Dicit ei Iesus: Vade, fílius tuus vivit. Crédidit homo sermóni, quem dixit ei Iesus, et ibat. Iam autem eo descendénte, servi occurrérunt ei, et nuntiavérunt dicéntes, quia fílius eius víveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Iesus: Fílius tuus vivit: et crédidit ipse, et domus eius tota.

Antiphona ad Offertorium

Ps. 88, 6

Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

Secreta

Sanctorum Martyrum tuorum, quæsumus, Domine, Nérei, Achillei, Domitillæ atque Pancratii sit tibi grata confessio: quæ et mûnera nostra commendet, et tuam nobis indulgentiam semper imploret. Per Dóminum.

Antiphona ad Communionem

Ps. 32, 1

Gaudete iusti in Dómino, allelúia: rectos decet collaudatio, allelúia.

Postcommunio

Quæsumus, Domine: ut beatorum Martyrum tuorum Nérei, Achillei, Domitillæ atque Pancratii deprecationibus, sacramenta sancta, quæ sumpsimus, ad tuæ nobis proficiant placationis augmentum. Per Dóminum.

EXTRA TEMPUS PASCHALE

Antiphona ad Introitum

Ps. 36, 39

Salus autem iustorum a Dómino: et protector eorum est in tēpore tribulationis. **Ps. ibid., 1** Noli æmulari in malignantibus: neque zelaveris facientes iniquitatem **V.** Glória Patri. **Salus.**

Oratio

Semper nos, Domine, Martyrum tuorum Nérei, Achillei, Domitillæ atque Pancratii foveat, quæsumus, beata sollemnitas: et tuo dignos reddat obséquio. Per Dóminum nostrum.

Lectio Epistolæ beati Petri Apóstoli

1 Petr. 4, 13-19

Carissimi: Communicantes Christi passionibus gaudete, ut et in revelatione glóriæ eius gaudeatis exsultantes. Si exprobrámini in nómine Christi, beati éritis: quóniam quod est honóris, glóriæ, et virtutis Dei, et qui est eius Spíritus, super vos requiescit. Nemo autem vestrum patiátur ut homicída, aut fur, aut malédicus, aut alienórum appetitor. Si autem ut christiánus, non erubescat: gloríficet autem Deum in isto nómine. Quóniam tempus est, ut incípiat iudícium a domo Dei. Si autem primum a nobis: quis finis eórum qui non credunt Dei Evangélio? Et si iustus vix salvábitur, impius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri commendent ánimas suas in benefáctis.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V.** **Ibid., 6** Déxtera tua, Domine, glorificáta est in virtúte: déxtera manus tua confrégit inimícos.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, inclita tenens regna cæléstia. Allelúia.

✠ Sequéntia sancti Evangélii secúndum Ioánnem

Ioann. 4, 46-53

In illo tēpore: Erat quidam régulus, cuius fílius infirmabátur Caphárnaum. Hic cum audísset, quia Iesus adveníret a Iudæa in Galilæam, ábiit ad eum, et rogábat eum ut descénderet, et sanáret fí-

lium eius: incipiēbat enim mori. Dixit ergo Iesus ad eum: Nisi signa et prodigia vidēritis, non crēditis. Dicit ad eum régulus: Dómine, descēde priúsq̃uam moriátur fílius meus. Dicit ei Iesus: Vade, fílius tuus vivit. Crēdidit homo sermóni, quem dixit ei Iesus, et ibat. Iam autem eo descendēte, servi occurrerunt ei, et nuntiavērunt dicētes, quia fílius eius viveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Iesus: Fílius tuus vivit: et crēdidit ipse, et domus eius tota.

Antiphona ad Offertorium

Ps. 123, 7

Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Sanctorum Mártyrum tuorum, quæsumus, Dómine, Nérei, Achillei, Domitíllæ atque Pancratii sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum.

Antiphona ad Communionem

Matth. 25, 40 et 34

Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab iníto sæculi.

Postcommunio

Quæsumus, Dómine: ut beatorum Mártyrum tuorum Nérei,

Achillei, Domitíllæ atque Pancratii deprecationibus, sacraménta sancta, quæ sumpsimus, ad tuæ nobis proficiant placatiónis augméntum. Per Dóminum.

DIE 13 MAII

S. ROBERTI BELLARMINO EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. (T. P. Allelúia, allelúia.) Ps. 91, 2 Bonum est confitéri Dómino: et psállere nómini tuo, Altíssime. *Ps.* Glória Patri. **In médio.**

Oratio

Deus, qui ad errorum insídias repellēdas et Apostólicæ Sedis iura propugnāda, beátum Robértum, Pontíficem tuum atque Doctórem, mira eruditíone et virtúte decorásti: eius méritis et intercessióne concéde; ut nos in veritátis amore crescāmus et errántium corda ad Ecclésiæ tuæ rédeant unitátem. Per Dóminum.

Léctio libri Sapiéntiæ

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illius: nec comparávi illi lápidem pretiósum: quóniam omne aurum in comparatióne illius, aréna est exígua, et tamquam lutum æstimábitur argéntum in conspéctu illius. Super

salútem et spéciem diléxi illam, et propósui pro luce habére illam: quóniam inexstinguibile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici, et sine invídia commúnico, et honestátem illíus non abscóndo. Infinitus enim thesáurus est homínibus: quo qui usi sunt, partícipes facti sunt amicítiae Dei, propter disciplínæ dona commendáti.

Tempore paschali:

Allelúia, allelúia. **℣. Dan. 12, 3** Qui docti fúerint, fulgébunt quasi splendor firmaménti. Allelúia. **℣. Ibid.** Qui ad iustítiam erúdiunt multos, quasi stellæ in perpétuas æternitátes. Allelúia.

Extra tempus paschale:

Graduale Eccli. 44, 16-17 Ecce sacerdos magnus, qui in diébus suis plácuit Deo et invéntus est iustus. **℣. Ibid., 20** Non est invéntus similis illi, qui conserváret legem Excélsi.

Allelúia, allelúia. **℣. Dan. 12, 3** Qui docti fúerint, fulgébunt quasi splendor firmaménti. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 91, 2, 3 et 5 Bonum est confitéri Dómino: et psállere nómini tuo, Altíssime. **℣.** Ad annuntiándum mane misericórdiam tuam, et veritátem tuam per noctem. **℣.** Quia delectásti me, Dómine, in factúra tua, et in opéribus mánuum tuárum exsultábo.

✠ **Sequéntia sancti Evangélíi secúndum Matthæum**

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 72, 28

Mihi autem adhærére Deo bonum est, pónere in Dómino Deo spem meam: ut annúntiem omnes prædicationés tuas in portis filiae Sion. **(T. P. Allelúia.)**

Secreta

Hóstias tibi, Dómine, in odórem suavitátis offérimus: et præsta; ut, beáti Robérti mónitis et exémplic edócti, per sémitam mandatórum tuórum dilatáto corde currámus. Per Dóminum.

Antiphona ad Communionem

Matth. 5, 14, 16

Vos estis lux mundi: sic luceat lux vestra coram hominibus, ut videant opera vestra bona, et glorificent Patrem vestrum qui in caelis est. **(T. P. Allelúia.)**

Postcommunio

Sacramenta, quæ sumpsimus, Domine Deus noster, in nobis foveant caritatis ardorem: quo beatus Robértus vehementer accensus, pro Ecclesia tua se iúgiter impendebat. Per Dóminum.

DIE 14 MAII

S. BONIFATII MARTYRIS

Commemoratio

Tempore paschali Missa Protexisti, de Comuni Martyrum 1° loco (16), cum orationibus ut infra.

¶ Extra tempus paschale Missa In virtute, de Comuni unius Martyris 3° loco (7), item cum orationibus ut infra:

Oratio

P

Da, quæsumus, omnipotens Deus: ut, qui beati Bonifatii Martyris tui solémnia cólimus, eius apud te intercessionibus adiuvémur. Per Dóminum.

Secreta

C3

Muneribus nostris, quæsumus, Domine, precibusque susceptis: et cælestibus nos munda mysteriis, et cleménter exáudi. Per Dóminum.

Postcommunio

C4

Refecti participatione muneris sacri, quæsumus, Domine Deus noster: ut, cuius exsequimur cultum, intercedente beato Bonifatio Martyre tuo, sentiámus effectum. Per Dóminum.

DIE 15 MAII

**S. IOANNIS BAPTISTÆ
DE LA SALLE****CONFESSORIS**

III classis

Antiphona ad Introitum

Ps. 36, 30-31

Os iusti meditabitur sapientiam, et lingua eius loquétur iudícium: lex Dei eius in corde ipsius. **(T. P. Allelúia, allelúia.) Ps. ibid., 1** Noli æmulári in malignántibus: neque zeláveris faciéntes iniquitátem. **℣.** Glória Patri. **O**s iusti.

Oratio

Deus, qui ad christiánam páuperum eruditiónem, et ad iuventam in via veritátis firmándam, sanctum Ioánnem Baptistam Confessórem excitásti, et novam per eum in Ecclesia familiam collegísti: concéde propítius; ut eius intercessióne et exémplo, stúdio glóriæ tuæ in animárum salúte fervéntes, eius in caelis coronæ partícipes fieri valeámus. Per Dóminum.

Lectio libri Sapientiae

Ecclesi. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætéRNA: qui pótuit transgredi, et non est transgréssus: fácere mala, et non fecit: ideo stabilíta sunt bona illius in Dómino, et eleemósynas illius enarrábit omnis ecclesia sanctórum.

Tempore paschali:

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

Extra tempus paschale:

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid. 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ **Sequéntia sancti Evangélíi secúndum Matthæum**

Matth. 18, 1-5

In illo témpore: Accessérunt discípuli ad Iesum, dicéntes: Quis, putas, maior est in regno cælórum? Et ádvocans Iesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius. **(T. P. Allelúia.)**

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum. **(T. P. Allelúia.)**

Postcommunio

Refécti cibo potúque cælésti, Deus noster, te súpplíces exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 16 MAII

S. UBALDI

EPISCOPI ET CONFESSORIS

III classis

Missa Státuit, de Communi Confessoris Pontíficis 1º loco (20), præter orationem sequentem:

Oratio

P

Auxílium tuum nobis, Dómine, quæsumus, placátus impénde: et, intercessióne beáti Ubáldi Confessoris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum.

Secreta

C

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, beneficia potióra sumámus. Per Dóminum.

DIE 17 MAII

**S. PASCHALIS BAYLON
CONFESSORIS**

III classis

Missa Os iusti, de Communi Confessoris non Pontificis 1° loco (25), præter orationem sequentem:

Oratio P

Deus, qui beátum Paschálem Confessórem tuum mirífica erga Córporis et Sánguini tui sacra mystéria dilectione decorásti: concéde propítius; ut, quam ille ex hoc divíno convívio spíritus percépit pinguédinem, eándem et nos percípere mereámur: Qui vivis.

Secreta C

Laudis, tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

Postcommunio C

Refécti cibo potúque cælésti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 18 MAII

**S. VENANTII
MARTYRIS**

III classis

Tempore paschali Missa Protexisti, de Communi Martyrum 1° loco (16), cum orationibus ut infra.

Extra tempus paschale Missa In virtúte, de Communi unius Martyris 3° loco (7), item cum orationibus ut infra:

Oratio P

Deus, qui hunc diem beáti Venántii Mártyris tui triúmpho consecrásti: exáudi preces pópuli tui, et præsta; ut, qui eius mérita venerámur, fidei constántiam imitémur. Per Dóminum.

Secreta P

Hanc oblatiónem, omnipotens Deus, beáti Venántii mérita tibi reddant accéptam: ut, ipsíus subsidiis adiúti, glóriæ eius consórtes efficiámur. Per Dóminum.

Postcommunio P

Súmpsimus, Dómine, æternæ vitæ sacraménta, te humíliter deprecántes: ut, beáto Venántio Mártyre tuo pro nobis deprecánte, véniam nobis concílient, et grátiam. Per Dóminum.

DIE 19 MAII

**S. PETRI CÆLESTINI
PAPÆ ET CONFESSORIS**

III classis

Missa Si dñligis me, de Communi unius aut plurium Summorum Pontificum (2), præter orationem sequentem:

Oratio P

Deus, qui beátum Petrum Cælestínū ad summi pontificátus ápicem sublimásti, quique illum humilitáti postpónere docuísti: concéde propítius; ut eius exémplo cuncta mundi despícere, et ad promíssa humílibus præmia pervenire felíciter mereámur. Per Dóminum.

Et fit commemoratio S. Pudentianæ Virginis:

Oratio

Exáudi nos, Deus salutáris noster: ut, sicut de beátæ Pudentiánæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Pro S. Pudentiana

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxili-
lium. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

Pro S. Pudentiana
Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

EODEM DIE 19 MAII

S. PUDENTIANÆ VIRGINIS

Commemoratio

Missa Dilexísti, de Communi Virginum 3º loco (33).

DIE 20 MAII

S. BERNARDINI SENENSIS
CONFESSORIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus (**T. P.** Allelúia, allelúia). **Ps. ibid., 1** Noli æmulári in malignántibus: neque zeláveris faciéntes iniquitátem. **℣.** Glória Patri. **O**s iusti.

Oratio

Dómine Iesu, qui beáto Bernardíno Confessóri tuo exímium sancti nóminis tui amórem tribuísti: eius, quæsumus, méritis et intercessióne, spíritum nobis tuæ dilectiónis benígnus infúnde: Qui vivis.

Léctio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perfectus est, erit illi glória ætérna: qui pótuít tránsgrédi, et non est transgréssus: fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Tempore paschali:

Allelúia, allelúia. **℣. Iac. 1, 12** Beátus vir, qui suffert tentatióne: quóniam cum probátus fúerit, accípiet corónam vitæ. Allelúia. **℣. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

Extra tempus paschale:

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi secúndum Matthæum

Matth. 19, 27-29

In illo témpore: Dixit Petrus ad Iesum: Ecce nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cén-tuplum accípiet, et vitam ætérnam possidébit.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius **(T. P. Allelúia).**

Secreta

Laudis tibi, Dómine, hóstias im-molámus in tuórum commemo-ratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum **(T. P. Allelúia).**

Postcommunio

Refécti cibo potúque cælesti, Deus noster, te súpplíces exorá-mus: ut, in cuius hæc commemora-tióne percépimus, eius muniámur et précibus. Per Dóminum.

DIE 25 MAII

**S. GREGORII VII
PAPÆ ET CONFESSORIS**

III classis

Missa Si dñligis me, de Comuni unius aut plurium Summorum Pontificum (2), præter orationem sequentem:

Oratio

P

Deus, in te sperántium fortitúdo, qui beátum Gregórium Con-fessórem tuum atque Pontíficem, pro tuénda Ecclésiæ libertáte, vir-túte constántiæ roborásti: da nobis, eius exémplo et intercessióne, óm-nia adversántia fórtiter superáre. Per Dóminum.

Et fit commemoratio S. Urbani I Papæ et Mart.:

Oratio

C2

Deus, qui Ecclésiám tuam in apostólicæ petræ solidi-táte fundátam, ab infernárum éruis terróre portárum: præ-sta, quæsumus, ut interce-dénte beáto Urbáno Mártire tuo atque Summo Pontífice, in tua veritáte persístens; con-tínua securitáte muniátur. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Urbano Secreta C2

Múnera, quæ tibi Dómine lætántes offérimus, súscipe benígnus, et præsta: ut intercedénte beáto Urbáno Ecclésia tua et fidei integritáte lætétur, et témporum tranquillitáte semper exsúltet. Per Dóminum.

Postcommunio

C1

Refectióne sancta enutrítam gubernána, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

Pro S. Urbano
Postcommunio

C2

Múltiplica, quæsumus, Dómine, in Ecclésia tua spíritum grátiae, quem dedísti: ut beáti Urbáni Mártyris tui atque Summi Pontíficis deprecatióne, nec pastóri obediéntia gregis nec gregi desit cura pastóris. Per Dóminum.

EODEM DIE 25 MAII

S. URBANI I
PAPÆ ET MARTYRIS

Commemoratio

Missa Si diligis me, de Comuni unius aut plurium Summorum Pontificum (2), cum orationibus 2º loco.

DIE 26 MAII

S. PHILIPPI NERII
CONFESSORIS

III classis

Antiphona ad Introitum

Rom. 5, 5

Cáritas Dei diffúsa est in córdibus nostris per inhabitántem Spíritum eius in nobis (T. P. Allelúia, allelúia). Ps. 102, 1 Benedic, ánima mea, Dómino: et ómnia quæ intra me sunt, nómini sancto eius. V. Glória Patri. C. Áritas.

Oratio

Deus, qui beátum Philíppum Confessórem tuum Sanctórum tuórum glória sublimásti: concede propítius; ut, cuius solemnitáte lætámur, eius virtútum proficiámus exémplo. Per Dóminum.

Et fit commemoratio S. Eleutherii Papæ et Martyris:

Oratio

Gregem tuum, Pastor ætérne, placátus inténde: et per beátum Eleuthérium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Léctio libri Sapiéntiæ

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum aestimábitur argéntum in conspéctu illíus.

Super salutem et speciem dilexi illam, et proposui pro luce habere illam: quoniam inexstinguibile est lumen illius. Venerunt autem mihi omnia bona pariter cum illa, et innumerabilis honestas per manus illius, et letatus sum in omnibus: quoniam antecederat me ista sapientia, et ignorabam quoniam horum omnium mater est. Quam sine fictione didici, et sine invidia communico, et honestatem illius non abscondo. Infinitus enim thesaurus est hominibus: quo qui usi sunt, participes facti sunt amicitiae Dei, propter disciplinae dona commendati.

Tempore paschali:

Allelúia, allelúia. **V. Thren. 1, 13** De excélsio misit ignem in óssibus meis, et erudívit me. Allelúia. **V. Ps. 38, 4** Concáluit cor meum intra me: et in meditatióne mea exardéscet ignis. Allelúia.

Extra tempus paschale:

Graduale Ps. 33, 12 et 6 Veníte, filii, audíte me: timórem Dómini docébo vos. **V.** Accédite ad eum, et illuminámini: et fácies vestrae non confundéntur.

Allelúia, allelúia. **V. Thren. 1, 13** De excélsio misit ignem in óssibus meis, et erudívit me. Allelúia.

✠ **Sequéntia sancti Evangélíi secúndum Lucam**

Luc. 12, 35-40

In illo témpore: Dixit Iesus discí-pulis suis: Sint lumbi vestri præcíncti, et lucérnae ardéntes in mánibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi,

quos, cum vénerit dóminus, invénerit vigilántes: amen dico vobis, quod præcínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quoniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium

Ps. 118, 32

Viam mandatórum tuórum cucúrri, cum dilatásti cor meum **(T. P. Allelúia).**

Secreta

Sacrificiis præsentibus, quæsumus, Dómine, inténde placátus: et præsta; ut illo nos igne Spíritus Sanctus inflámmet, quo beáti Philíppi cor mirabíliter penetrávit. Per Dóminum nostrum Iesum Christum Fílium tuum: Qui tecum vivit et regnat in unitáte eiúsdem Spíritus Sancti.

Pro S. Eleutherio Secreta

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Antiphona ad Communionem

Ps. 83, 3

Cor meum, et caro mea exsultavérunt in Deum vivum **(T. P. Allelúia).**

Postcommunio

Caeléstibus, Dómine, pasti delíciis: quæsumus; ut beáti Philippi Confessóris tui méritis et imitatioⁿe, semper éadem, per quæ veráciter vívimus, appetámus. Per Dóminum.

**Pro S. Eleutherio
Postcommunio**

Refectioⁿe sancta enutrítam gubérna, quæsumus, Dómine, tuam placátus Ecclési^am: ut poténti moderatioⁿe dirécta, et incrementa libertátis accípiat et in religi^onis integritáte persístat. Per Dóminum.

EODEM DIE 26 MAII

**S. ELEUTHERII
PAPÆ ET MARTYRIS****Commemoratio**

Missa Si diligis me, *de Communi unius aut plurium Summorum Pontificum.* (2)

DIE 27 MAII

**S. BEDÆ VENERABILIS
CONF. ET ECCL. DOCT.****III ciassis**

Missa In médio, *de Communi Doctorum* (23), *præter orationem sequentem.*

Oratio

P

Deus, qui Ecclési^am tuam beáti Bedæ Confessóris tui atque Doctóris eruditioⁿe claríficas: concéde propítius fámulis tuis; eius semper illustrári sapiéntia et méritis adiuvári. Per Dóminum.

Et fit commemoratio S. Ioannis I Papæ et Martyris:

Oratio

Gregem tuum, Pastor ætérne, placátus inténde: et per

beátum Ioánnem Mártyrem tuum atque Summum Pontíficem, perpétua protectioⁿe custódi; quem totíus Ecclésiæ præstitísti esse pastórem. Per Dóminum.

Secreta

C2

Sancti Bedæ Confessóris tui atque Doctóris nobis, Dómine, pia non desit orátio: quæ et múnera nostra concíliet: et tuam nobis indulgéntiam semper obtíneat. Per Dóminum.

Pro S. Ioanne**Secreta**

Oblátis munéribus, quæsumus, Dómine, Ecclési^am tuam benígnus illúmina: ut, et gregis tui proficiat ubíque succéssus, et grati fiant nómini tuo, et gubernánte, pastóres. Per Dóminum.

Postcommunio

C2

Ut nobis, Dómine, tua sacrificia dent salútem: beátus Beda Conféssor tuus et Doctor egrégius, quæsumus, precátor accédât. Per Dóminum.

Pro S. Ioanne Postcommunio

Refectioⁿe sancta enutrítam gubérna, quæsumus, Dómine, tuam placátus Ecclési^am: ut poténti moderatioⁿe dirécta, et incrementa libertátis accípiat et in religi^onis integritáte persístat. Per Dóminum.

EODEM DIE 27 MAII

**S. IOANNIS I
PAPÆ ET MARTYRIS****Commemoratio**

Missa Si diligis me, *de Communi unius aut plurium Summorum Pontificum.* (2)

DIE 28 MAII

S. AUGUSTINI EP. ET CONF.

III classis

Antiphona ad Introitum

Ps. 131, 9-10

Sacerdotes tui, Domine, induant iustitiam, et sancti tui exsultent: propter David servum tuum, non avertas faciem Christi tui (T. P. Allelúia, allelúia). Ps. *ibid.*, 1 Meménto, Domine, David: et omnis mansuetúdinis eius. V. Glória Patri. Sacerdotes.

Oratio

Deus, qui Anglórum gentes, prædicatione et miraculis beati Augustini Confessoris tui atque Pontificis, veræ fidei luce illustrare dignatus es: concède; ut, ipso interveniente, errantium corda ad veritatis tuæ redeant unitatem, et nos in tua simus voluntate concordes. Per Dóminum.

Lectio Epistolæ beati Pauli Apóstoli ad Thessalonicenses

1 Thess. 2, 2-9

Fratres: Fidúciam habúimus in Deo nostro loqui ad vos Evangelium Dei in multa sollicitúdine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium: ita loquimur, non quasi hominibus placentes, sed Deo, qui probat corda nostra. Neque enim aliquándo fúimus in sermone adulationis, sicut scitis: neque in occasione avaritiæ: Deus testis est: nec quærentes ab hominibus glóriam, neque a vobis, neque ab aliis: cum possémus vobis óneri esse ut Christi Apóstoli: sed facti

sumus párvuli in médio vestrum, tamquam si nutrix fóveat filios suos. Ita desiderantes vos, cúptide volebámus trádere vobis non solum Evangelium Dei, sed étiam ánimas nostras: quóniam caríssimi nobis facti estis. Mémoires enim estis, fratres, labóris nostri, et fatigatiónis: nocte ac die operántes, ne quem vestrum gravarémus, prædicávimus in vobis Evangelium Dei.

Tempore paschali:

Allelúia, allelúia. V. Ps. 109, 4 Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia V. Eccli. 45, 9 Amávit eum Dóminus, et ornávit eum: stolam glóriæ induit eum. Allelúia.

Extra tempus paschale:

Graduale Ps. 131, 16-17 Sacerdotes eius induam salutári: et sancti eius exsultatióne exsultábunt. V. Illuc producam cornu David: parávi lucérnam Christo meo.

Allelúia, allelúia. V. Ps. 109, 4 Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

✠ Sequéntia sancti Evangelii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque

calceaménta; et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiéscet super illum pax vestra: sin autem, ad vos revertétur. In eádém autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius (T. P. Allelúia).

Secreta

Sacrificium tibi offérimus, Dómine, in solemnitáte beáti Augustíni Pontíficis et Confessóris tui, humíliter deprecántes: ut oves, quæ periérunt, ad unum ovíle revérsæ, hoc salutári pábulo nutriántur. Per Dominum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum (T. P. Allelúia).

Postcommunio

Hóstia salutári refécti: te, Dómine, súpplíces exorámus; ut eádém, beáti Augustíni interveniénté suffrágio, in omni loco nómini tuo iúgiter immolétur. Per Dóminum.

DIE 29 MAII

S. MARIÆ MAGDALENÆ DE PAZZIS VIRGINIS

III classis

Missa Dilexisti, de Communi Virginum 3° loco (33), præter orationem sequentem:

Oratio

P

Deus, virginitátis amátor, qui beátam Mariám Magdalénam Vírginem, tuo amóre succénsam, cæléstibus donis decorásti: da; ut, quam festíva celebritáte venerámur, puritáte et caritáte imitémur. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 30 MAII

S. FELICIS I PAPÆ ET MARTYRIS

Commemoratio

Missa Si diligis me, de Communi unius aut plurium Summorum Pontificum. (2)

Oratio

C1

Gregem tuum, Pastor ætérne, placátus inténde: et per beátum Felícem Mártyrem tuum atque Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclesiám tuam benígnus illúmina: ut, et gregis tui proficiat ubique succéssus, et gratifiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclesiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 31 MAII

BEATÆ MARLÆ VIRGINIS
REGINÆ

II classis

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis Regínæ: de cuius solemnitáte gaudent Angeli, et coláudant Fílium Dei (**T. P.** Allelúia, allelúia). **Ps. 44, 2** Effúndit cor meum verbum bonum: dico ego carmen meum Regi. **V.** Glória Patri. **Gaudeámus.**

IN MISSIS VOTIVIS:

Antiphona ad Introitum

Sedulius

Salve, sancta parens, eníxa puérpera Regem: qui cælum, terrámque regit in sæcula sæculórum (**T. P.** Allelúia, allelúia). **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Salve.**

Oratio

Concède nobis, quæsumus, Dómine: ut, qui solemnitátem beátæ Mariæ Vírginis Regínæ nostræ celebrámus: eius muniti præsidio, pacem in præsénti et glóriam in futúro cónsequi mereámur. Per Dóminum.

Et fit commemoratio S. Petronillæ Virg.:

Oratio

Exáudi nos, Deus salutáris noster: ut, sicut de beátæ Petroníllæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio libri Sapiéntiæ

Eccli. 24, 5 et 7, 9-11, 30-31

Ego ex ore Altíssimi prodívi, primogénita ante omnem creatúram; ego in altíssimis habitávi, et thronus meus in colúmna nubis. In omni terra steti et in omni pópulo, et in omni gente primátum hábui, et ómnium excelléntium et humílium corda virtúte calcávi. Qui audit me, non confundétur, et qui operántur in me, non peccábunt; qui elúcidant me, vitam ætérnam habébunt.

Tempore paschali:

Allelúia, allelúia. **V.** Beáta es, Virgo María, quæ sub cruce Dómini sustinuísti, allelúia. **V.** Nunc cum eo regnas in ætérnum. Allelúia.

Extra tempus paschale:

Graduale Apoc. 19, 16. Ipse habet in vestiménto et in fémore suo scriptum: Rex regum, et Dóminus dominántium. **V. Ps. 44, 10** Regína adstat ad dexteram eius, ornáta auro ex Ophir.

Allelúia, allelúia. *℣.* Salve, Regina misericórdiæ, tu nos ab hoste prótege, et mortis hora súscipe. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Gaude, María Virgo, cunctas hæreses sola interemisti. *℣.* Quæ Gabriélis Archángeli dictis credidisti. *℣.* Dum Virgo Deum et hóminem genuisti: et post partum, Virgo, invioláta permansisti. *℣.* Dei Génatrix, intercède pro nobis.

✠ Sequéntia sancti Evangélii secúndum Lucam

Luc. 1, 26-33

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audisset, turbáta est in sermóne eius: et cogitábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen eius Iesum. Hic erit magnus, et Filius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis.

Credo.

Antiphona ad Offertorium

Regáli ex progénie María exórta refúlget; cuius précibus nos adiuvári, mente et spíritu devotíssime póscimus. *(T. P. Allelúia.)*

Secreta

Accipe, quæsumus, Dómine, múnera lætántis Ecclésiæ, et beátæ Vírginis Mariæ Regínæ suffragántibus méritis, ad nostræ salutis auxílium proveníre concède. Per Dóminum.

Pro S. Petronilla

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, María Virgo perpétua, intercède pro nostra pace et sálute, quæ genuísti Christum Dóminum, Salvatórem ómnium. *(T. P. Allelúia.)*

Postcommunio

Celebrátis solémniis, Dómine, quæ pro sanctæ Mariæ, Regínæ nostræ, festivitáte perégimus: eius, quæsumus, nobis intercessi-óne fiant salutária; in cuius honóre sunt exultánter impléta. Per Dóminum.

Pro S. Petronilla

Postcommunio

Satiásti, Dómine, familiam tuam munéribus sacris: eius, quæsumus, semper interventi-óne nos réfove, cuius solémnia celebrámus. Per Dóminum.

EODEM DIE 31 MAII

S. PETRONILLÆ VIRGINIS

Commemoratio

Missa Vultum tuum, de Communi Virginum 4º loco (35)

FESTA IUNII

DIE 1 IUNII

S. ANGELÆ MERICLÆ
VIRGINIS

III classis

Missa Dilexisti, de Communi Virginum 3^o loco (33), præter orationes sequentes:**Oratio**

P

Deus, qui novum per beátam Angelam sacrárum Vírginum colégium in Ecclésia tua floréscere voluísti: da nobis, eius intercessióne, angélicis móribus vívere; ut, terénis ómnibus abdicátis, gáudiis pérfrui mereámur ætérnis. Per Dóminum.

Secreta

P

Hóstia, Dómine, quam tibi beátæ Angelæ memóriam recoléntes offérimus, et nostræ pravitatís véniam implóret, et grátiae tuæ nobis dona concíliet. Per Dóminum.

Postcommunio

P

Caelésti alimónia refécti, súpplīces te, Dómine, deprecámur: ut beátæ Angelæ précibus et exémplo, ab omni labe mundáti, et córpore tibi placeámus, et mente. Per Dóminum nostrum.

DIE 2 IUNII

SS. MARCELLINI, PETRI
ATQUE ERASMI **EPISCOPI**
MARTYRUM

Commemoratio

EXTRA TEMPUS PASCHALE**Antiphona ad Introitum****Ps. 33, 18**

Clamavérunt iusti, et Dóminus exaudivit eos: et ex ómnibus tribulatió nibus eórum liberá-

vit eos. **Ps. ibid., 2** Benedícam Dóminum in omni témpore: semper laus eius in ore meo. **℣.** Glória Patri. **Clamavérunt.**

Oratio

Deus, qui nos ánnua beatórum Mártyrum tuórum Marcellíni, Petri atque Erásmi solemnitáte lætíficas: præsta, quæsumus; ut, quorum gaudémus méritis, accendámur exémp lis. Per Dóminum.

Léctio Epístolæ beáti Pauli Apóstoli
ad Romános

Rom. 8, 18-23

Fratres: Exístimo quod non sunt condígnæ passiões huius témporis ad futúram glóriam, quæ revelábitur in nobis. Nam exspectátio creatúræ revelatió nem filiórum Dei exspéctat. Vanitati enim creatúra subiécta est non volens, sed propter eum, qui subiécit eam in spe: quia et ipsa creatúra liberábitur a servitúte corruptiόνis, in libertátem glóriæ filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos géminus adoptiόνem filiórum Dei exspectántes, redemptiόνem córporis nostri: in Christo Iesu Dómino nostro.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **℣.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **℣. Ioann. 15, 16** Ego vos elégi de mundo, ut eátis, et fructum afferátis; et fructus vester máneat. Allelúia.

✠ Sequéntia sancti Evangélíi secúndum Lucam

Luc. 21, 9-19

In illo témpore: Dixit Iesus discí-
pulis suis: Cum audiéritis prœ-
lia et seditiões, nolíte terréri:
opórtet primum hæc fieri, sed non-
dum statim finis. Tunc dicébat
illis: Surget gens contra gentem, et
regnum advérsus regnum. Et ter-
ræmótus magni erunt per loca, et
pestiléntiæ, et fames, terrorésque
de cælo, et signa magna erunt. Sed
ante hæc ómnia iniíciant vobis ma-
nus suas, et persecuéntur tradén-
tes in synagógas et custódias,
trahéntes ad reges et præsides prop-
ter nomen meum: contínget autem
vobis in testimónium. Pónite ergo
in córdibus vestris non præmedi-
tári quemádmódum respondeátis.
Ego enim dabo vobis os et sapién-
tiam, cui non póterunt resistere, et
contradicere omnes adversárii ve-
stri. Tradémini autem a parénti-
bus, et frátribus, et cognátis, et
amícis, et morte afficient ex vobis:
et éritis ódio ómnibus propter no-
men meum: et capíllus de cápíte
vestro non períbit. In paciéntia
vestra possidébitis ánimas vestras.

Antiphona ad Offertorium

Ps. 31, 11

Lætámini in Dómino, et exsultáte
iusti: et gloriámini omnes recti
corde.

Secreta

Hæc hóstia, quæsumus, Dómine,
quam sanctórum Mártyrum
tuórum natalítia recenséntes offéri-
mus: et víncula nostræ pravitatís
absólvat, et tuæ nobis misericór-
diæ dona concíliet. Per Dóminum.

Antiphona ad Communionem

Sap. 3, 1, 2 et 3

Iustórum ánimæ in manu Dei
sunt, et non tanget illos torméntum
malítiæ: visi sunt óculis insipiénti-
um mori: illi autem sunt in pace.

Postcommunio

Sacro múnere satiáti, súpplīces
te, Dómine, deprecámur: ut,
quod débitæ servitútis celebrámus
offício, salvatiónis tuæ sentiámus
augméntum. Per Dóminum.

TEMPORE PASCHALI

Antiphona ad Introitum

Ps. 144, 10-11

Sancti tui, Dómine, benedícant
te: glóriam regni tui dicent,
allelúia, allelúia. **Ps. ibid., 1**
Exaltábo te, Deus meus Rex: et
benedícam nómini tuo in sáeculum,
et in sáeculum sáeculi. **V.** Glória
Patri. **S.** Sancti.

Oratio

Deus, qui nos ánnua beatórum
Mártyrum tuórum Marcellíni,
Petri atque Erásmi solemnitáte læ-
tíficas: præsta, quæsumus; ut, quo-
rum gaudémus méritis, accendámur
exémplis. Per Dóminum.

Léctio Epístolæ beáti Pauli Apóstoli
ad Romános

Rom. 8, 18-23

Fratres: Exístimo, quod non sunt
condígnæ passiões huius tém-
poris ad futúram glóriam, quæ
revelábitur in nobis. Nam exspe-
ctátio creatúræ revelatiónem filió-
rum Dei exspéctat. Vanitáti enim
creatúra subiécta est non volens,
sed propter eum, qui subiécit eam

in spe: quia et ipsa creatúra liberábitur a servitúte corruptiónis, in libertátem glóriæ filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos géminus adoptiónem filiórum Dei exspectántes, redemptiónem córporis nostri: in Christo Iesu Dómino nostro.

Allelúia, allelúia. *V. Ioann. 15, 16*
Ego vos elégi de mundo, ut eátis, et fructum afferátis; et fructus vester máneat. Allelúia. *V. Ps. 115, 15*
Pretiósá in conspéctu Dómini mors Sanctórum eius. Allelúia.

✠ Sequéntia sancti Evangélíi secúndum Ioánnem

Ioann. 15, 5-11

In illo témpore: Dixit Iesus discí-pulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mit-tétur foras sicut palmes, et aréscet, et cólligent eum, et in ignem mit-tent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discí-puli. Sicut diléxit me Pater, et ego diléxi vos. Manéte in dilectióne mea. Si præcépta mea servavé-ritis, manébitis in dilectióne mea, sicut et ego Patris mei præcépta servávi, et máneo in eius dilecti-óne. Hæc locútus sum vobis, ut gáudium meum in vobis sit, et gáudium vestrum impleátur.

Antiphona ad Offertorium

Ps. 31, 11

Lætámini in Dómino, et exsultáte iusti: et gloriámini omnes recti corde, allelúia, allelúia.

Secreta

Hæc hóstia, quæsumus, Dómine, quam sanctórum Mártyrum tuórum natalítia recenséntes offé-rimus: et víncula nostræ pravitatís absólvat, et tuæ nobis misericórdiæ dona concíliet. Per Dóminum.

Antiphona ad Communionem

Ps. 32, 1

Gaudéte iusti in Dómino: allelúia: rectos decet collaudátio, allelúia.

Postcommunio

Sacro múnere satiáti, súpplíces te, Dómine, deprecámur; ut, quod débitæ servitútis celebrámus offício, salvatiónis tuæ sentiámus augméntum. Per Dóminum.

DIE 4 IUNII

S. FRANCISCI CARACCIOLO
CONFESSORIS

III classis

Antiphona ad Introitum

Ps. 21, 15; 68, 10

Factum est cor meum tamquam cera liquéscens in médio ven-tris mei: quóniam zelus do-mus tuæ comédit me (*T. P. Allelúia, allelúia*). *Ps. 72, 1* Quam bonus Is-raël Deus: his, qui recto sunt corde! *V. Glória Patri. Factum est.*

Oratio

Deus, qui beátum Francíscum, novi órdis institutórem, orándi stúdio et pæniténtiæ amóre decorásti: da fámulis tuis in eius imitatióne ita profícere; ut, semper orántes et corpus in servitútem redigéntes, ad cæléstem glóriam pervenire mereántur. Per Dóminum.

Lectio libri Sapiéntiæ

Sap. 4, 7-14

Iustus, si morte præoccupátus fuerit, in refrigerio erit. Senectus enim venerábilis est non diutúrna, neque annórum número computáta: cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítia mutáret intelléctum eius, aut ne fictio deciperet ánimam illíus. Fascinatio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa, plácita enim erat Deo ánimá illíus: propter hoc properávit educere illum de médio iniquitátum.

Graduale Ps. 41, 2 Quemádmódum desiderat cervus ad fontes aquárum: ita desiderat ánimá mea ad te, Deus. **V. Ps. ibid., 3** Sitívit ánimá mea ad Deum fortem vivum.

Allelúia, allelúia. **V. Ps. 72, 26** Defécit caro mea, et cor meum: Deus cordis mei, et pars mea Deus in ætérnum. Allelúia.

Tempore paschali omittitur graduale, et eius loco dicitur:

Allelúia, allelúia. **V. Ps. 64, 5** Beá-

tus quem elegísti, et assumpsísti: inhabitábit in átriis tuis. Allelúia. **V. Ps. 111, 9** Dispérsit, dedit paupéribus: iustítia eius manet in sæculum sæculi. Allelúia.

✠ Sequéntia sancti Evangélíi secúndum Lucam

Luc. 12, 35-40

In illo témpore: Dixit Iesus discí-pulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apérianť ei. Beáti servi illi, quos, cum vénerit dóminus, invénerit vigílantes: amen dico vobis, quod præcínget se, et fáciť illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si scireť paterfamílias, qua hora fur veníret, vigílaret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium

Ps. 91, 13

Iustus ut palma florébit: sicut cedrus Líbaní multiplicábitur **(T. P. Allelúia.)**

Secreta

Da nobis, clementíssime Iesu: ut præclára beáti Francísci mérita recoléntes, eódem nos, ac ille, caritátis igne succénsi, digne in circúitu sacræ huius mensæ tuæ esse valeámus: Qui vivis.

Antiphona ad Communionem**Ps. 30, 20**

Quam magna multitúdo dulcédinis tuæ, Dómine, quam abscondisti timéntibus te! **(T. P. Allelúia).**

Postcommunio

Sacrosánci sacrificii, quæsumus, Dómine, quod hódie in solemnitáte beáti Francísci tuæ obtúlimus maiestáti, grata semper in méntibus nostris memória persevéret, et fructus. Per Dóminum.

DIE 5 IUNII

**S. BONIFATII
EPISCOPI ET MARTYRIS**

III classis**Antiphona ad Introitum****Isai. 65, 19 et 23**

Exultábo in Ierúsalem, et gaudebo in pópulo meo: et non audiétur in eo ultra vox fletus et vox clamóris. Elécti mei non laborábunt frustra, neque generábunt in conturbatióne: quia semen benedictórum Dómini est, et nepótes eórum cum eis **(T. P. Allelúia, allelúia).** **Ps. 43, 2** Deus, áuribus nostris audívimus: patres nostri narravérunt opus, quod operátus es in diébus eórum. **V. Glória Patri. Exultábo.**

Oratio

Deus, qui multitudinem populórum, beáti Bonifátii Mártyris tui atque Pontíficis zelo, ad agnitiónem tui nóminis vocáre dignátus es: concéde propítius; ut, cuius solémnia cólimus, étiam patrocínia sentiámus. Per Dóminum.

Léctio libri Sapiéntiæ**Eccl. 44, 1-15**

Laudémus viros gloriósos, et párentes nostros in generatióne sua. Multam glóriam fecit Dóminus magnificéntia sua a sæculo. Domínantes in potestátibus suis, hómines magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiu habéntes: pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrándi laudes eórum. Et sunt quorum non est memória: perriérunt quasi qui non fúerint: et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et laudem eórum nuntiet Ecclésia.

Graduale 1 Petri 4, 13-14 Communícantes Christi passió nibus gaudeáte, ut in revelatió ne glóriæ eius gaudeátis exsultántes. **V. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est eius Spíritus, super vos requiészet.**

Allelúia, allelúia. *℣. Isai. 66, 12*
Declinábo super eum quasi flúvium
pacis, et quasi torréntem inundán-
tem glóriam. Allelúia.

*Tempore paschali omittitur graduale, et
eius loco dicitur:*

Allelúia, allelúia. *℣. Isai. 66, 10
et 14* Lætámini cum Ierúsalem, et
exultáte in ea omnes, qui dilígitis
Dóminum. Allelúia. *℣. Vidébitis,*
et gaudébit cor vestrum: cognoscé-
tur manus Dómini servis eius. Al-
lelúia.

✠ Sequéntia sancti Evangélii se-
cúndum Matthæum

Matth. 5, 1-12

In illo témpore: Videns Iesus tur-
bas, ascéndit in montem, et cum
sedísset, accessérunt ad eum discí-
puli eius, et apériens os suum, do-
cébat eos, dicens: Beáti páuperes
spíritu: quóniam ipsórum est re-
gnum cælórum. Beáti mites: quón-
iam ipsi possidébunt terram. Beáti
qui lugent: quóniam ipsi consola-
búntur. Beáti qui esúriunt et sítiunt
iustítiam: quóniam ipsi saturabún-
tur. Beáti misericórdes: quóniam
ipsi misericórdiam consequéntur.
Beáti mundo corde: quóniam ipsi
Deum vidébunt. Beáti pacífici: quón-
iam filii Dei vocabúntur. Beáti
qui persecutiónem patiúntur prop-
ter iustítiam: quóniam ipsórum
est regnum cælórum. Beáti estis
cum maledíxerint vobis, et perse-
cúti vos fúerint, et díxerint omne
malum advérsus vos, mentiéntes,
propter me: gaudéte, et exultáte,
quóniam merces vestra copiósa est
in cælis.

Antiphona ad Offertorium

Ps. 15, 7 et 8

Benedícam Dóminum, qui tríbuit
mihi intelléctum: providébam
Deum in conspéctu meo semper,
quóniam a dextris est mihi ne com-
móvear (*T. P. Allelúia*).

Secreta

Super has hóstias, Dómine, quæ-
sumus, benedíctio copiósa de-
scéndat: quæ et sanctificatiónem
nostram misericórditer operétur;
et de sancti Bonifátii Mártyris tui
atque Pontíficis fáciat solemnitáte
gaudére. Per Dóminum.

Antiphona ad Communionem

Apoc. 3, 21

Qui vícerit, dabo ei sedére me-
cum in throno meo: sicut et ego
vici, et sedi cum Patre meo in
throno eius (*T. P. Allelúia*).

Postcommunio

Sanctificáti, Dómine, salutári my-
stério: quæsumus; ut nobis
sancti Bonifátii Mártyris tui atque
Pontíficis pia non desit orátio, cuius
nos donásti patrocínio gubernári.
Per Dóminum.

DIE 6 IUNII

S. NORBERTI EPISCOPI ET CONFESSORIS

III classis

*Missa Státuit, de Communi Confessoris
Pontíficis 1º loco (20), præter orationem
sequentem:*

Oratio

P

Deus, qui beátum Norbértum
Confessórem tuum atque Pon-
tíficem, verbi tui præcónem exí-
mum effecísti, et per eum Ecclé-

siam tuam nova prole fecundásti: præsta, quæsumus; ut, eiúsdem suffragántibus méritis, quod ore simul et ópere dócuit, te adiuvánte, exercére valeámus. Per Dóminum.

Secreta

C

Sancti tui, quæsumus, Dómine, nos ubique lætifícent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Norbérto Confessóre tuo atque Pontífice, benefícia potióra sumámus. Per Dóminum.

DIE 9 IUNII

SS. PRIMI ET FELICIANI MARTYRUM

Commemoratio

EXTRA TEMPUS PASCHALE

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nuntiet ecclésia: nómina autem eórum vivent in sæculum sæculi. **Ps. 32, 1** Exsultáte iusti in Dómino: rectos decet collaudátio. **V.** Glória Patri. **S**apiéntiam.

Oratio

Fac nos, quæsumus, Dómine, sanctórum Mártyrum tuórum Primi et Feliciáni semper festa sectári: quorum suffrágiis protectiónis tuæ dona sentiámus. Per Dóminum nostrum.

Léctio libri Sapiéntiæ

Sap. 5, 16-20

Iusti autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accípient regnum decóris, et diadéma speciéi de manu Dómini: quóniam dextera sua teget eos, et bráccchio sancto suo deféndet illos. Accípient armatúram zelus illíus, et armábit creatúram ad ulciónem inimicórum. Induet pro thoráce iustítiam, et accípient pro gáleá iudícium certum. Sumet scutum inexpugnábile, æquitátem.

Graduale Ps. 88, 6 et 2 Confitebúntur cæli mirabília tua, Dómine: étenim veritátem tuam in ecclésia sanctórum. **V.** Misericórdias tuas, Dómine, in ætérnum cantábo: in generatióne et progénie.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, inclita tenens regna cæléstia. Allelúia.

✠ Sequéntia sancti Evangélii secúndum Matthæum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego refíciam vos. Tóllite iugum meum super vos, et díscite a me, quia mitis

sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Ps. 67, 36

Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Fiat tibi, quæsumus, Dómine, hóstia sacránda placábilis, pretiósí celebritáte martýrii: quæ et peccáta nostra puríficet, et tuórum tibi vota concíliet famulórum. Per Dóminum.

Antiphona ad Communionem

Ioann. 15, 16

Ego vos elégi de mundo, ut eátis, et fructum afferátis; et fructus vester máneat.

Postcommunio

Quæsumus, omnípotens Deus: ut sanctórum Mártyrum tuórum Primi et Feliciáni cæléstibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

TEMPORE PASCHALI

Antiphona ad Introitum

Ps. 144, 10-11

Sancti tui, Dómine, benedícent te: glóriam regni tui dicent, allelúia, allelúia. **Ps. ibid., 1** Exaltábo te, Deus meus rex: et benedícam nómini tuo in sæculum, et in sæculum sæculi. **V.** Glória Patri. **S**ancti tui.

Oratio

Fac nos, quæsumus, Dómine, sanctórum Mártyrum tuórum Primi et Feliciáni semper festa sectári: quorum suffrágiis protectiόνis tuæ dona sentiámus. Per Dóminum.

Léctio Epístolæ beáti Petri Apóstoli

1 Petr. 1, 3-7

Benedíctus Deus et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectionem Iesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentatió nibus: ut probátio vestræ fidei multo pretiósior auro (quod per ignem probá tur) inveniátur in laudem, et glóriam, et honórem, in revelatióne Iesu Christi Dómini nostri.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia. **V.** Te Mártyrum candidátus laudat exércitus, Dómine. Allelúia.

✠ Sequéntia sancti Evangélíi secúndum Matthæum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondí-

sti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite iugum meum super vos, et díscite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Ps. 31, 11

Lætámini in Dómino, et exsultáte iusti: et gloriámini omnes recti corde, allelúia, allelúia.

Secreta

Fiat tibi, quæsumus, Dómine, hóstia sacránda placábilis, pretiósi celebritáte martýrii: quæ et peccáta nostra puríficet, et tuórum tibi vota concíliet famulórum. Per Dóminum nostrum.

Antiphona ad Communionem

Ps. 32, 1

Gaudéte iusti in Dómino, allelúia: rectos decet collaudátio, allelúia.

Postcommunio

Quæsumus, omnípotens Deus: ut sanctórum Mártyrum tuórum Primi et Feliciáni cæléstibus mystériis celebráta solémnitas, indulgéntiam nobis tuæ propitiatiónis acquirat. Per Dóminum.

DIE 10 IUNII

S. MARGARITÆ REGINÆ, VIDUÆ

III classis

Missa Cognóvi, de Communi non Virginum
2° loco (39), præter orationem sequentem:

Oratio

P

Deus, qui beátam Margarítam reginam exímia in páuperes caritáte mirábilem effecísti: da; ut eius intercessióne et exémplo, tua in córdibus nostris cáritas iúgiter augeátur. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 11 IUNII

S. BARNABÆ APOSTOLI

III classis

EXTRA TEMPUS PASCHALE

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **℣.** Glória Patri. **M**ihi autem.

Oratio

Deus, qui nos beāti Bárnabæ Apóstoli tui méritis et intercessióne lætíficas: concéde propítius; ut, qui tua per eum benefícia póscimus, dono tuæ grátiae consequámur. Per Dóminum.

Lectio Actuum Apostolorum**Act. 11, 21-26; 13, 1-3**

In diébus illis: Multus númerus credéntium Antiochíæ convérsum est ad Dóminum. Pervénit autem sermo ad aures ecclésiæ, quæ erat Ierosólymis, super istis: et miserunt Bárnabam usque ad Antiochíam. Qui cum pervenísset, et vidísset grátiam Dei, gavísus est: et hortabátur omnes in propósito cordis permanére in Dómino: quia erat vir bonus, et plenus Spíritu Sancto, et fide. Et appósita est multa turba Dómino. Proféctus est autem Bárnabas Tarsum, ut quæreretur Saulum: quem cum invenísset, perdúxit Antiochíam. Et annum totum conversáti sunt ibi in ecclésia: et docuérunt turbam multam, ita ut cognominaréntur primum Antiochíæ discípuli, Christiáni. Erant autem in ecclésia, quæ erat Antiochíæ, prophétæ et doctóres, in quibus Bárnabas, et Simon, qui vocabátur Niger, et Lúcius Cyrenénsis, et Mánahen, qui erat Heródis Tetrárchæ collactáneus, et Saulus. Ministrántibus autem illis Dómino, et ieiunántibus, dixit illis Spíritus Sanctus: Segregáte mihi Saulum, et Bárnabam in opus, ad quod assúpsi eos. Tunc ieiunántes, et orántes, imponentésque eis manus, dimiserunt illos.

Graduale Ps. 18, 5 et 2 In omnem terram exívit sonus eórum: et in

fines orbis terræ verba eórum. **V.** Cæli enarrant glóriam Dei: et ópera mánuum eius annúntiat firmaméntum.

Allelúia, allelúia. **V. Ioann. 15, 16** Ego vos elégi de mundo, ut eátis, et fructum afferátis: et fructus vester máneat. Allelúia.

✠ Sequéntia sancti Evangélíi secúndum Matthæum

Matth. 10, 16-22

In illo témpore: Dixit Iesus discí-pulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos: et ad præsides, et ad reges ducémini propter me in testimónium illis, et géntibus. Cum autem tradent vos, nolíte cogitare quómodo, aut quid loquámini: dabitur enim vobis in illa hora quid loquámini. Non enim vos estis qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit.

Credo.**Antiphona ad Offertorium****Ps. 44, 17-18**

Constitues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Múnera, Dómine, obláta sanctífica, et intercedénte beáto Bárnaba Apóstolo tuo, nos per hæc a peccatórum nostrórum máculis emúnda. Per Dóminum.

Præfatio de Apostolis.

Antiphona ad Communionem

Matth. 19, 28

Vos, qui secúti estis me, sedébitis super sedes, iudicántes duódecim tribus Israël.

Postcommunio

Súpplīces te rogāmus, omnīpotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi étiam plácitis mórībus dignánter tríbuas deservīre. Per Dóminum.

TEMPORE PASCHALI**Antiphona ad Introitum**

Ps. 63, 3

Protexísti me, Deus, a convéntu malignántium, allelúia: a multitúdine operántium iniquitátem, allelúia, allelúia. **Ps. ibid., 2** Exáudi, Deus, oratióne meam cum déprecor: a timóre inimíci éripe ánimam meam. **V.** Glória Patri. **P.** Protexísti.

Oratio

Deus, qui nos beáti Bárnabæ Apóstoli tui méritis et intercessióne lætíficas: concéde propítius; ut, qui tua per eum beneficia

póscimus, dono tuæ grátiae consequámur. Per Dóminum.

Léctio Actuum Apostolorum

Act. 11, 21-26; 13, 1-3

In diébus illis: Multus númerus credéntium Antiochíæ convér-sus est ad Dóminum. Pervénit autem sermo ad aures ecclésiæ, quæ erat Ierosólymis, super istis: et misérunt Bárnabam usque ad Antiochíam. Qui cum pervenísset, et vidísset grátiam Dei, gavisus est: et hortabátur omnes in propósito cordis permanére in Dómino: quia erat vir bonus, et plenus Spíritu Sancto, et fide. Et appósita est multa turba Dómino. Proféctus est autem Bárnabas Tarsum, ut quæreretur Saulum: quem cum invenísset, perdúxit Antiochíam. Et annum totum conversáti sunt ibi in ecclésiá: et docuérunt turbam multam, ita ut cognominaréntur primum Antiochíæ discípuli, Christiáni. Erant autem in ecclésiá, quæ erat Antiochíæ, prophétæ et doctóres, in quibus Bárnabas, et Simon, qui vocabátur Niger, et Lúcius Cyrenénsis, et Mánahen, qui erat Heródis Tetrárchæ collectáneus, et Saulus. Ministrántibus autem illis Dómino, et ieiunántibus, dixit illis Spíritus Sanctus: Segregáte mihi Saulum, et Bárnabam in opus, ad quod assúmpsi eos. Tunc ieiunántes, et orántes, imponentésque eis manus, dimisérunt illos.

Allelúia, allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésiá sanctórum. Allelúia. **V. Ps. 20, 4** Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélíi secúndum Matthæum

Matth. 10, 16-22

In illo témpore: Dixit Iesus discipulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos: et ad præsides, et ad reges ducémini propter me in testimónium illis, et géntibus. Cum autem tradent vos, nolíte cogitare quómodo, aut quid loquámini: dábitur enim vobis in illa hora quid loquámini. Non enim vos estis qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit.

Credo.

Antiphona ad Offertorium

Ps. 88, 6

Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

Secreta

Múnera, Dómine, obláta sanctífica, et intercedénte beáto Bárnaba Apóstolo tuo, nos per hæc a peccatórum nostrórum máculis emúnda. Per Dóminum.

Præfatio de Apostolis.

Antiphona ad Communionem

Ps. 63, 11

Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

Postcommunio

Súpplíces te rogámus, omnípotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi étiam plácitis móribus dignánte tríbuas deservíre. Per Dóminum.

DIE 12 IUNII

**S. IOANNIS A S. FACUNDO
CONFESSORIS**

III classis

Missa Os iusti, de Communi Confessoris non Pontificis 1º loco (25), præter orationem sequentem:

Oratio

P

Deus, auctor pacis et amátor caritátis, qui beátum Ioánnem Confessórem tuum mirífica dissidentes componéndi grátia decorásti: eius méritis et intercessióne concéde; ut, in tua caritáte firmáti, nullis a te tentatiónibus separémur. Per Dóminum.

Et fit commemoratio Ss. Basilidis, Cyrini, Naboris et Nazarii Martyrum:

Oratio

Sanctórum Mártyrum tuórum Basílidis, Cyríni, Náboris atque Nazárii, quæsumus, Dómine, natalítia nobis votíva respléndeant: et, quod illis cóntulit excelléntia sempitérna, frúctibus nostræ devotiónis accréscat. Per Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

**Pro Ss. Basilide, Cyrino,
Nabore et Nazario Secreta**

Pro sanctorum tuorum Basilidis, Cyrini, Náboris atque Nazarii sanguine venerando, hostias tibi, Domine, sollemniter immolamus, tua mirabilia pertractantes: per quem talis est perfecta victoria. Per Dominum.

Postcommunio

Refecti cibo potuque caelesti, Deus noster, te supplices exoramus: ut, in cuius haec commemoratio percipimus, eius muniamur et precibus. Per Dominum.

**Pro Ss. Basilide, Cyrino,
Nabore et Nazario
Postcommunio**

Semper, Domine, sanctorum Martyrum tuorum Basilidis, Cyrini, Náboris atque Nazarii sollemnia celebrantes: praesta, quaesumus; ut eorum patrocinia iugiter sentiamus. Per Dominum.

EODEM DIE 12 IUNII

**SS. BASILIDIS, CYRINI,
NABORIS ET NAZARII
MARTYRUM**

Commemoratio

Antiphona ad Introitum

Ps. 78, 11, 12 et 10

Intret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est. **Ps. ibid., 1** Deus, venerunt gentes in hereditatem tuam: polluérunt templum sanctum tuum: posuerunt Ierusalem in pomorum custodiam. **V. Glória Patri. Intret.**

Oratio

Sanctorum Martyrum tuorum Basilidis, Cyrini, Náboris atque Nazarii, quaesumus, Domine, natalitia nobis votiva resplédeant: et, quod illis contulit excellentia sempiterna, fructibus nostrae devotionis accréscat. Per Dominum.

Lectio Epistolae beati Pauli Apostoli
ad Hebraeos

Hebr. 10, 32-38

Fratres: Rememorámini pristinós dies, in quibus illumináti, magnum certámen sustinuístis passionum: et in áltero quidem opprobriis, et tribulationibus spectáculum facti: in áltero autem sócii taliter conversántium effécti. Nam et vinctis compássi estis, et rapinam bonórum vestrórum cum gáudio suscepístis, cognoscéntes vos habére meliorem, et manéntem substantiam. Nolíte itaque amittere confidéntiam vestram, quæ magnam habet remuneratióne. Patiéntia enim vobis necessária est: ut voluntátem Dei faciéntes, reportétis promissióne. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 78, 10 et 2 Vindica, Domine, sanguinem sanctorum tuorum, qui effusus est. **V.** Posuerunt mortalia servorum tuorum escas volatilibus caeli: carnes sanctorum tuorum bestiis terrae.

Allelúia, allelúia. **V. Eccli. 44, 14** Corpora sanctorum in pace sepulta sunt: et nómina eorum vivent in generatióne et generatióne. Allelúia.

✠ Sequéntia sancti Evangélii
secúndum Matthæum

Matth. 24, 3-13

In illo témpore: Sedénte Iesu super montem Olivéti, accessérunt ad eum discípuli secréto, dicétes: Dic nobis, quando hæc erunt? et quod signum advéntus tui, et consummationis sáeculi? Et respóndens Iesus, dixit eis: Vidéte ne quis vos sedúcat. Multi enim vénient in nómine meo, dicétes: Ego sum Christus: et multos sedúcent. Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum. Tunc tradent vos in tribulationem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophétæ surgent, et sedúcent multos. Et quóniam abundávit iníquitas, refrigeréscet caritas multórum. Qui autem perseveráverit usque in finem, hic salvus erit.

Antiphona ad Offertorium

Ps. 149, 5-6

Exsultábunt sancti in glória, lætabúntur in cubilibus suis: exaltatiónes Dei in fáucibus eórum.

Secreta

Pro sanctórum tuórum Basílidis, Cyríni, Náboris atque Nazárii sáanguine venerádo, hóstias tibi, Dómine, solémniter immolámus, tua mirabilia pertractátes: per quem talis est perfécta victória. Per Dóminum.

Antiphona ad Communionem

Ps. 78, 2 et 11

Posuérunt mortália servórum tuórum, Dómine, escas volatílibus cæli, carnes sanctórum tuórum béstiis terræ: secúndum magnitúdinem bráccii tui pósside filios morte punitórum.

Postcommunio

Semper, Dómine, sanctórum Mártyrum tuórum Basílidis, Cyríni, Náboris atque Nazárii solémnia celebrátes: præsta, quæsumus; ut eórum patrocínia iúgiter sentiámus. Per Dóminum.

DIE 13 IUNII

S. ANTONII DE PADUA
CONF., ET ECCL. DOCT.

III classis

Missa In médio, ut in Communi Doctorum (23), præter orationes sequentes:

Oratio

P

Ecclésiám tuam, Deus, beáti Antónii Confessóris tui atque Dóctóris solémnitas votíva lætíficet: ut spirituálibus semper muniátur auxiliis et gáudiis pérfrui mereátur ætérnis. Per Dóminum.

Secreta

P

Præsens oblátio fiat, Dómine, pópulo tuo salutáris: pro quo dignátus es Patri tuo te vivéntem hóstiam immoláre: Qui cum eódem Deo Patre, et Spíritu Sancto vivis et regnas, Deus, per ómnia sáecula sæculórum.

Postcommunio

P

Divinis, Dómine, munéribus satiáti: quæsumus; ut beáti Antónii Confessóris tui atque Doctóris méritis et intercessióne, salutáris sacrificii sentiámus efféctum. Per Dominum.

DIE 14 IUNII

S. BASILII MAGNI
EP., CONF. ET ECCL. DOCT.

III classis

Antiphona ad Introitum

Eccl. 15, 5

In médio Ecclésiæ apérui os eius: et implévit eum Dóminus spíritu sapiéntiæ, et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **Ps. Glória Patri.** In médio.

Oratio

Exáudi, quæsumus, Dómine, preces nostras, quas in beáti Basilii Confessóris tui atque Pontíficis solemnitáte deférimus: et, qui tibi digne méruit famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli
ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni paciéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magí-

stros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **Ps. Lex Dei eius in corde ipsíus, et non supplantábuntur gressus eius.**

Allelúia, allelúia. **Ps. 88, 21** Inveni David servum meum, óleo sancto meo unxi eum. Allelúia.

✠ Sequéntia sancti Evangélíi
cúndum Lucam

Luc. 14, 26-35

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non báiulat crucem suam, et venit post me, non potest meus esse discípulus. Quis enim vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perfícere, omnes, qui vident, incípiant illúdere ei, dicéntes: Quia hic homo coepit ædificáre, et non pótuit consummáre? Aut quis rex itúrus committere bel-

lum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? Alióquin, adhuc illo longe agente, legatiónem mittens, rogat ea, quæ pacis sunt. Sic ergo omnis ex vobis, qui non renúntiat ómnibus, quæ póssidet, non potest meus esse discípulis. Bonum est sal. Si autem sal evanúerit, in quo condiétur? Neque in terram, neque in sterquilínium útile est, sed foras mittétur. Qui habet aures audiéndi, áudiat.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Sancti Basilíi Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútio comitétur, et nobis grátiae tuæ dona concíliet. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Deus, fidélium remunerátor animárum: præsta; ut beáti Basilíi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

DIE 15 IUNII

SS. VITI, MODESTI ATQUE CRESCENTIÆ MARTYRUM

Commemoratio

Antiphona ad Introitum

Ps. 33, 20-21

Multæ tribulatiónes iustórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri. **M**ultæ.

Oratio

Da Ecclesiæ tuæ, quæsumus, Dómine, sanctis Martýribus tuis Vito, Modésto atque Crescéntia intercedéntibus, supérbe non sápere, sed tibi plácita humilitáte proficere: ut, prava despiciens, quaecúmque recta sunt, líbera exerceat caritáte. Per Dominum.

Léctio libri Sapiéntiæ

Sap. 3, 1-8

Iustórum animæ in manu Dei sunt, et non tanget illos torméntum mortis. Visi sunt óculis insipiéntium mori: et æstimáta est afflíctio éxitus illórum: et quod a nobis est iter, exterminium: illi autem sunt in pace. Et si coram homínibus tormenta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt iusti, et tamquam scintíllæ in arundinéto dis-

cúrrerent. Iudicábunt natiónes, et dominabúntur pópulis, et regnabit Dóminus illórum in perpétuum.

Graduale Ps. 149, 5 et 1 Exsultábunt sancti in glória: lætabúntur in cubílibus suis. **V.** Cantáte Dómino cánticum novum: laus eius in ecclésia sanctórum.

Allelúia, allelúia. **V. Ps. 144, 10-11** Sancti tui, Dómine, benedícen- te: glóriam regni tui dicent. Alle- lúia.

✠ Sequéntia sancti Evangélíi se- cúndum Lucam

Luc. 10, 16-20

In illo témpore: Dixit Iesus discí- pulis suis: Qui vos audit, me audit: et qui vos spernit, me spernit. Qui autem me spernit, spernit eum, qui misit me. Révéri sunt autem septuagínta duo cum gáudio, dicén- tes: Dómine, étiam dæmónia sub- iiciúntur nobis in nómine tuo. Et ait illis: Vidébam sátanam sicut fulgur de cælo cadéntem. Ecce dedi vobis potestátem calcáandi supra serpéntes et scorpíones, et super omnem virtútem inimíci: et nihil vobis nocébit. Verúmtamen in hoc nolíte gaudére, quia spíritus vobis subiiciúntur: gaudéte autem, quod nómina vestra scripta sunt in cælis.

Antiphona ad Offertorium

Ps. 67, 36

Mirábilis Deus in sanctis suis: Deus Israél ipse dabit virtútem, et fortitúdinem plebi suæ: benedíctus Deus.

Secreta

Sicut glóriam divínæ poténtiæ múnera pro Sanctis obláta testántur: sic nobis efféctum, Dó-

mine, tuæ salvatiónis impéndant. Per Dóminum.

Antiphona ad Communionem

Sap. 3, 1-2 et 3

Iustórum ánimæ in manu Dei sunt et non tanget illos torméntum malítiæ: visi sunt óculis insipién- tium mori: illi autem sunt in pace.

Postcommunio

Repléti, Dómine, benedictióne solémni: quæsumus; ut per intercessiόνem sanctórum Márty- rum tuórum Viti, Módésti et Cre- scéntiæ, medicína sacraménti et corpóribus nostris prosit, et ménti- bus. Per Dóminum.

DIE 17 IUNII

**S. GREGORII BARBADICI
EPISCOPI ET CONFESSORIS**

III classis

Missa Státuit, de **Communi Confessoris Pontificis 1º loco** (20), **præter orationem se- quentem:**

Oratio

P

Deus, qui beátum Gregórium Confessórem tuum atque Pontíficem pastoráli sollicitú-dine, et páuperum miseratione claré- scere voluísti: concéde propítius; ut, cuius mérita celebrámus, caritá- tis imitémur exémp-la. Per Dómi- num.

Secreta

C

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocí- nia sentiámus. Per Dóminum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Gregório, Confessóre tuo atque Pontífice, benefícia potióra sumámus. Per Dóminum.

DIE 18 IUNII

**S. EPHRÆM SYRI DIAC.,
CONF. ET ECCL. DOCT.**

III classis

Missa In médio, de Communi Doctorum (23), præter orationem sequentem:

Oratio

P

Deus, qui Ecclésiám tuam beáti Ephræm Confessoris tui et Doctóris mira eruditíone et præcláris vitæ méritis illustráre voluisti: te súpplīces exorámus; ut, ipso intercedénte, eam advérsus erróris et pravitátis insídias perénni tua virtúte deféndas. Per Dóminum.

Et fit commemoratio Ss. Marci et Marcelliani Martyrum:

Oratio

Præsta, quæsumus, omnipotens Deus: ut, qui sanctorum Mártyrum tuorum Marci et Marcelliani natalítia cólimus; a cunctis malis imminéntibus eórum intercessiónibus liberémur. Per Dóminum.

Secreta

C2

Sancti Ephræm Confessoris tui atque Doctóris nobis, Dómine, pia non desit orátio: quæ et múnere nostra concíliet; et tuam nobis

indulgéntiam semper obtíneat. Per Dóminum.

**Pro Ss. Marco et Marcelliano
Secreta**

Múnere tibi, Dómine, dicáta sanctífica: et, intercedéntibus sanctis Martýribus tuis Marco et Marcelliano, per eadem nos placátus inténde. Per Dóminum.

Postcommunio

C2

Ut nobis, Dómine, tua sacrificia dent salútem: beátus Ephræm Confessor tuus et Doctor egrégīus, quæsumus, precátor accédāt. Per Dóminum.

**Pro Ss. Marco et Marcelliano
Postcommunio**

Salutáris tui, Dómine, múnere satiáti, súpplīces exorámus: ut, cuius lætámur gustu, intercedéntibus sanctis Martýribus tuis Marco et Marcelliano, renovémur efféctu. Per Dóminum.

EODEM DIE 18 IUNII

**SS. MARCI ET MARCELLIANI
MARTYRUM**

Commemoratio

Antiphona ad Introitum

Ps. 36, 39

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri. **S.** Salus.

Oratio

Præsta, quæsumus, omnipotens Deus: ut, qui sanctórum Mártyrum tuórum Marci et Marcelliáni natalítia cólimus; a cunctis malis imminéntibus, eórum intercessió-nibus liberémur. Per Dóminum.

Léctio Epístolæ beáti Pauli Apóstoli
ad Romános

Rom. 5, 1-5

Fratres: Iustificáti ex fide, pacem habeámus ad Deum per Dóminum nostrum Iesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatió-nibus: sciéntes quod tribulátio patiéntiam operátur, patiéntia autem probatió-nem, probátio vero spem, spes autem non confúndit: quia caritas Dei diffúsa est in córdibus nostris per Spíritum Sanctum, qui datus est nobis.

Graduale Sap. 3, 1-2 et 3 Iustórum animæ in manu Dei sunt, et non tanget illos torméntum malítiæ. **℣.** Visi sunt óculis insipientium mori: illi autem sunt in pace.

Allelúia, allelúia. **℣.** Hæc est vera fraternitas, quæ numquam pótuit violári certámine: qui, effúso sá-n-guine, secúti sunt Dóminum. Allelúia.

✠ Sequéntia sancti Evangélii se-cúndum Lucam

Luc. 11, 47-51

In illo témpore: Dicébat Iesus scribis et pharisæis: Væ vobis, qui ædificátis monuménta prophetárum: patres autem vestri occidérunt

illos. Profécto testificámini quod consentítis opéribus patrum vestrórum: quóniam ipsi quidem eos occidérunt, vos autem ædificátis eórum sepúl-cra. Proptérea et sapiéntia Dei dixit: Mittam ad illos prophétas et apóstolos, et ex illis occídent, et persequéntur: ut inquirátur sanguis ómnium prophetárum, qui effúsus est a constitutióne mundi a genera-tióne ista, a sánguine Abel usque ad sánguinem Zachariæ, qui périit in-ter altáre et ædem. Ita dico vobis, requirétur ab hac generatióne.

Antiphona ad Offertorium

Ps. 123, 7

Anima nostra, sicut passer, erép-ta est de láqueo venántium: láque-us contrítus est, et nos liberáti sumus.

Secreta

Múnera tibi, Dómine, dicáta san-ctífica: et, intercedéntibus sanctis Martýribus tuis Marco et Marcelliáno, per éadem nos placá-tus inténde. Per Dóminum.

Antiphona ad Communionem

Matth. 25, 40 et 34

Amen dico vobis, quod uni ex mínimis meis fecístis, mihi fecístis: veníte, benedícti Patris mei, possi-déte parátum vobis regnum ab inítio sáeculi.

Postcommunio

Salutáris tui, Dómine, múnere satiáti, súpplíces exorá-mus: ut, cuius lætámur gustu, intercedéntibus sanctis Martýribus tuis Marco et Marcelliáno, renovémur efféctu. Per Dóminum.

DIE 19 IUNII

SANCTÆ IULIANÆ
DE FALCONERIIS
VIRGINIS

III classis

Missa Dilexisti de Communi Virginum 3° loco (33), præter orationem sequentem:

Oratio

P

Deus, qui beátam Iuliánam Virginem tuam extrémò morbo laborántem, pretiósò Fílii tui corpore mirábiliter recreáre dignátus es: concéde, quæsumus; ut, eius intercedéntibus méritis, nos quoque eódem in mortis agóne refécti ac roboráti, ad cæléstem pátriam perducámur. Per eúndem Dóminum nostrum.

Et fit commemoratio Ss. Gervasii et Protasii Martyrum:

Oratio

Deus, qui nos ánnua sanctórum Mártyrum tuórum Gervásii et Protásii solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

*Pro Ss. Gervasio et Protasio
Secreta*

Oblátis, quæsumus, Dómine, placáre munéribus: et, intercedéntibus sanctis Martýribus tuis, a cunctis nos defénde perículis. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

*Pro Ss. Gervasio et Protasio
Postcommunio*

Hæc nos commúnio, Dómine, purget a crimine: et, intercedéntibus sanctis Martýribus tuis Gervásio et Protásio, cæléstis remédii fáciat esse consórtes. Per Dóminum.

EODEM DIE 19 IUNII

SS. GERVASII ET PROTASII
MARTYRUM

Commemoratio

Antiphona ad Introitum

Ps. 84, 9

Loquétur Dóminus pacem in plebem suam: et super sanctos suos, et in eos, qui convertúntur ad ipsum. *Ps. ibid., 2* Benedixísti, Dómine, terram tuam, avertísti captivitátem Iacob. *V. Glória Patri. Loquétur.*

Oratio

Deus, qui nos ánnua sanctórum Mártyrum tuórum Gervásii et Protásii solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Léctio Epístolæ beáti Petri
Apóstoli

1 Petr. 4, 13-19

Caríssimi: Communicántes Christi passióibus gaudéte, ut et

in revelatióne glóriæ eius gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est eius Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum appetitor. Si autem ut christiánus, non erubéscat: gloríficet autem Deum in isto nómine. Quóniam tempus est, ut incípiat iudícium a domo Dei. Si autem primum a nobis: quis finis eórum, qui non credunt Dei Evangélio? Et si iustus vix salvábitur, impius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri coméndent ánimas suas in benefáctis.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Dextera tua, Dómine, glorificáta est in virtúte: dextera manus tua confrégit inimícos.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, inclita tenens regna cæléstia. Allelúia.

✠ Sequéntia sancti Evangélii secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabán-

tur. Et omnis turba quærébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim merces vestra multa est in cælo.

Antiphona ad Offertorium

Ps. 31, 11

Lætámini in Dómino, et exsultáte, iusti: et gloriámini, omnes recti corde.

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis, a cunctis nos defénde perículis. Per Dóminum.

Antiphona ad Communionem

Ps. 78, 2 et 11

Posuérunt mortália servórum tuórum, Dómine, escas volatílibus cæli, carnes sanctórum tuórum béstiis terræ: secúndum magnitúdinem brácchii tui pósside filios morte punitórum.

Postcommunio

Hæc nos commúnio, Dómine, purget a crimine: et, intercedéntibus sanctis Martýribus tuis Gervásio et Protásio, cæléstis remédii fáciat esse consórtes. Per Dóminum.

DIE 20 IUNII

S. SILVERII
PAPÆ ET MARTYRIS

Commemoratio

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Silvérium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benignus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 21 IUNII

S. ALOISII GONZAGÆ
CONFESSORIS

III classis

Antiphona ad Introitum

Ps. 8, 6

Minuísti eum paulo minus ab Angelis: glória et honóre coronásti eum. **Ps. 148, 2** Laudáte Dóminum, omnes Angeli eius: laudáte eum, omnes virtútes eius. **V. Glória Patri. Minuísti.**

Oratio

Cæléstium donórum distribútor, Deus, qui in angélico iúvene Aloísio miram vitæ innocéntiam pari cum pæniténtia sociásti: eius méritis et précibus concéde: ut, innocéntem non secúti, pæniténtem imitémur. Per Dóminum.

Léctio libri Sapiéntiæ

Eccli. 31, 8-11

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est transgréssus: fácere mala, et non fecit: ideo stabilíta sunt bona illíus in Dómino.

Graduale Ps. 70, 5-6 Dómine, spes mea a iuventúte mea: in te confirmátus sum ex útero: de ventre matris meæ tu es protéctor meus. **V. Ps. 40, 13** Me autem propter innocéntiam suscepísti: et confirmásti me in conspéctu tuo in ætérnum.

Allelúia, allelúia. **V. Ps. 64, 5** Beátus quem elegísti, et assumpsísti: inhabitábit in átriis tuis. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 64, 5** Beátus quem elegísti, et assumpsísti: inhabitábit in átriis tuis. Allelúia. **V. Ps. 70, 18** Deus, docuísti me a iuventúte mea: et usque nunc pronuntiábo mirabília tua. Allelúia.

✠ Sequéntia sancti Evangélii secúndum Matthæum

Matth. 22, 29-40

In illo témpore: Respóndens Iesus, ait sadducæis: Errátis, nesciéntes Scriptúras, neque virtútem Dei. In resurrectione enim neque nubent neque nubéntur: sed erunt sicut Angeli Dei in cælo. De resurrectione autem mortuórum non legístis quod dictum est a Deo dicénte vobis: Ego sum Deus Abraham, et Deus Isaac, et Deus Iacob? Non est Deus mortuórum, sed vivéntium. Et audiéntes turbæ, mirábantur in doctrína eius. Pharisæi autem audiéntes quod siléntium imposuísset sadducæis, convenérunt in unum: et interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Iesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérsa lex pendet, et prophétæ.

Antiphona ad Offertorium

Ps. 23, 3-4

Quis ascéndet in montem Dómini, aut quis stabit in loco sancto eius? Innocens mánibus, et mundo corde.

Secreta

Caelésti convívio fac nos, Dómine, nuptiáli veste indútos accúmberé: quam beáti Aloísii pia præparátio, et iuges lácrimæ inæstimábilibus ornábant margarítis. Per Dóminum.

Antiphona ad Communionem

Ps. 77, 24-25

Panem cæli dedit eis: panem Angelórum manducávit homo.

Postcommunio

Angelórum esca nutritos, angélicis étiam, Dómine, da móribus vivere: et eius, quem hódie cólimus, exémplo, in gratiárum semper actióne manére. Per Dóminum.

DIE 22 IUNII

S. PAULINI EPISCOPI
ET CONFESSORIS

III classis

Antiphona ad Introitum

Ps. 131, 9-10

Sacerdótes tui, Dómine, induant iustítiam, et sancti tui exsúltent: propter David servum tuum, non avértas fáciem Christi tui. **Ps. ibid., 1** Meménto, Dómine, David: et omnis mansuetúdinis eius. **V.** Glória Patri. **S.** Sacerdótes.

Oratio

Deus, qui ómnia pro te in hoc sæculo relinquéntibus, céntuplum in futúro et vitam ætérnam promisísti: concéde propítius; ut, sancti Pontíficis Paulíni vestígiis inhæréntes, valeámus terréna despícere, et sola cæléstia desideráre: Qui vivis.

Lectio Epistolæ beāti Pauli Apóstoli
ad Corínthios

2 Cor. 8, 9-15

Fratres: Scitis grátiam Dómini nostri Iesu Christi, quóniam propter vos egénus factus est, cum esset dives, ut illíus inópia vos dívites essétis. Et consílium in hoc do: hoc enim vobis útile est, qui non solum fácere, sed et velle cœpístis ab anno prióre: nunc vero et facto perfícite: ut quemádmódum promptus est ánimus voluntátis, ita sit et perficiéndi ex eo quod habétis. Si enim volúntas prompta est, secúndum id quod habet, accépta est, non secúndum id quod non habet. Non enim ut áliis sit remíssio, vobis autem tribulátio, sed ex æqualitáte. In præsénti témpore vestra abundantia illórum inópiam súppleat: ut et illórum abundantia vestræ inópiæ sit suppleméntum, ut fiat æquálitas, sicut scriptum est: Qui multum, non abundávit: et qui módicum, non minorávit.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélíi secúndum Lucam

Luc. 12, 32-34

In illo témpore: Dixit Iesus discí-pulis suis: Nolíte timére, pusíl-

lus grex, quia complácuit Patri vestro dare vobis regnum. Véndite quæ possidétis, et date eleemósy-nam. Fácite vobis sácculos, qui non veteráscunt, thesáurum non deficiéntem in cælis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brá-chium meum confortábit eum.

Secreta

Da nobis, Dómine, perféctæ caritátis sacrificium, exémplo sancti Pontíficis Paulíni, cum altáris oblatióne coniúngere: et beneficéntiæ stúdio sempitérnam misericórdiam promeréri. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Tríbue nobis per hæc sancta, Dómine, illum pietátis et humilitátis afféctum, quem ex hoc divíno fonte hausit sanctus Póntifex tuus Paulínus: et, ipsíus intercessióne, in omnes, qui te deprecántur, grátiae tuæ divítias benígnus effúnde. Per Dóminum.

DIE 23 IUNII
IN VIGILIA NATIVITATIS
S. IOANNIS BAPTISTÆ

II classis

Antiphona ad Introitum

Luc. 1, 13, 15 et 14

Ne timeas, Zacharía, exaudita est oratio tua: et Elísabeth uxor tua páriet tibi filium, et vocábis nomen eius Ioánnem: et erit magnus coram Dómino: et Spíritu Sancto replébitur adhuc ex útero matris suæ: et multi in nativitate eius gaudébunt. **Ps. 20, 2** Dómine, in virtúte tua lætábitur rex: et super salutáre tuum exultábit veheménter. **V.** Glória Patri. **Ne timeas.**

Non dicitur Glória in excélsis.

Oratio

Præsta, quæsumus, omnipotens Deus: ut familia tua per viam salutis incédât; et, beáti Ioánnis Præcursóris hortaménta sectándo, ad eum quem prædíxit, secúra perveniat, Dóminum nostrum Iesum Christum Fílium tuum: Qui tecum vivit.

Léctio Ieremíæ Prophétæ

Ierem. 1, 4-10

In diébus illis: Factum est verbum Dómini ad me, dicens: Priúsqvam te formárem in útero, novi te: et ántequam exíres de vulva, sanctificávi te, et prophétam in géntibus dedi te. Et dixi: A a a, Dómine Deus: ecce nescio loqui, quia puer ego sum. Et dixit Dóminus ad me: Noli dícere: Puer sum: quóniam ad ómnia, quæ mittam te, ibis: et univérsa, quæcúmque man-

dávero tibi, loquéris. Ne tímeas a fácie eórum: quia tecum ego sum, ut éruam te, dicit Dóminus. Et misit Dóminus manum suam, et tétigit os meum: et dixit Dóminus ad me: Ecce dedi verba mea in ore tuo: ecce constitui te hódie super gentes, et super regna, ut evéllas, et déstruas, et dispérdas, et díssipes, et ædífices, et plantes: dicit Dóminus omnipotens.

Graduale Ioann. 1, 6-7 Fuit homo missus a Deo, cui nomen erat Ioánnes. **V.** Hic venit ut testimónium perhibéret de lúmine, paráre Dómino plebem perféctam.

✠ Inítium sancti Evangélíi secúndum Lucam

Luc. 1, 5-17

Fuit in diébus Heródis, regis Iudææ, sacerdos quidam nómine Zacharías, de vice Abía, et uxor illíus de filiábus Aáron, et nomen eius Elísabeth. Erant autem iusti ambo ante Deum, incedéntes in ómnibus mandátis, et iustificatióibus Dómini sine queréla, et non erat illis fílius, eo quod esset Elísabeth stérilis, et ambo processíssent in diébus suis. Factum est autem, cum sacerdótio fungerétur in ór-dine vicis suæ ante Deum, secúndum consuetúdinem sacerdótii, sorte éxiit, ut incénsum póneret, ingressus in templum Dómini: et omnis multitúdo pópuli erat orans foris hora incénsi. Appáruit autem illi Angelus Dómini, stans a dextris altáris incénsi. Et Zacharías turbátus est videns, et timor írruit super eum. Ait autem ad illum Angelus: Ne tímeas, Zacharía, quóniam exaudita est deprecátio tua: et uxor tua Elísabeth páriet tibi

filium, et vocábis nomen eius Ioánnem: et erit gáudium tibi, et exultátio, et multi in nativitaté eius gaudébunt: erit enim magnus coram Dómino: et vinum, et síceram non bibet, et Spíritu Sancto replébitur adhuc ex útero matris suæ: et multos filiórum Israël convértet ad Dóminum Deum ipsórum: et ipse præcédet ante illum in spíritu, et virtúte Eliæ: ut convértat corda patrum in filios, et incrédulos ad prudéntiam iustórum, paráre Dómino plebem perféctam.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Múnera, Dómine, obláta sanctífica: et intercedénte beáto Ioáanne Baptísta, nos per hæc a peccatórum nostrórum máculis emúnda. Per Dóminum.

Antiphona ad Communionem

Ps. 20, 6

Magna est glória eius in salutári tuo: glóriam et magnum decórem impónes super eum, Dómine.

Postcommunio

Beáti Ioánnis Baptístæ nos, Dómine, præclára comitétur orátio: et quem ventúrum esse prædixit, poscat nobis fore placátum, Dóminum nostrum Iesum Christum Fílium tuum: Qui tecum vivit.



DIE 24 IUNII

IN NATIVITATE S. IOANNIS BAPTISTAE

I classis

Antiphona ad Introitum

Isai. 49, 1 et 2

De ventre matris meae vocavit me Dominus nomine meo: et posuit os meum ut gladium acutum: sub tegumento manus suae protexit me, et posuit me quasi sagittam electam. **Ps. 91, 2** Bonum est confiteri Domino: et psallere nomini tuo, Altissime. **V.** Gloria Patri. **De** ventre.

Oratio

Deus, qui praesentem diem honorabilem nobis in beati Ioannis nativitate fecisti: da populis tuis spiritualem gratiam gaudiorum; et omnium fidelium mentes dirige in viam salutis aeternae. Per Dominum.

Lectio Isaiae Prophetae

Isai. 49, 1-3, 6 et 7

Audite, insulae, et attendite, populi, de longe: Dominus ab utero vocavit me, de ventre matris meae recordatus est nominis mei. Et posuit os meum quasi gladium acutum: in umbra manus suae protexit me, et posuit me sicut sagittam electam: in pharetra sua abscondit me. Et dixit mihi: Servus meus es tu, Israel, quia in te glorior. Et nunc dicit Dominus, formans me ex utero servum sibi: Ecce dedi te in lucem gentium, ut sis salus mea usque ad extremum terrae. Reges videbunt, et consurgent principes, et adorabunt propter Dominum, et sanctum Israel, qui elegit te.

Graduale Ierem. 1, 5 et 9 Priusquam te formárem in útero, novi te: et ántequam exíres de ventre, sanctificávi te. **V.** Misit Dóminus manum suam, et tétigit os meum, et dixit mihi.

Allelúia, allelúia. **V. Luc. 1, 76** Tu, puer, prophéta Altíssimi vocáberis: præíbis ante Dóminum paráre vias eius. Allelúia.

✠ Sequéntia sancti Evangélíi secúndum Lucam

Luc. 1, 57-68

Elísabeth implétum est tempus pariéndi, et péperit fílium. Et audiérunt vicíni, et cognáti eius, quia magnificávit Dóminus misericórdiam suam cum illa, et congratulabántur ei. Et factum est in die octávo, venérunt circumcídere púerum, et vocábant eum nómine patris sui Zacharíam. Et respóndens mater eius, dixit: Nequáquam, sed vocábitur Ioánnes. Et dixerunt ad illam: Quia nemo est in cognatióne tua, qui vocétur hoc nómine. Innuébant autem patri eius quem vellet vocári eum. Et póstulans pugillárem, scripsit, dicens: Ioánnes est nomen eius. Et miráti sunt univérsti. Apértum est autem illico os eius, et lingua eius, et loquebátur benedícens Deum. Et factus est timor super omnes vicínos eórum: et super ómnia montána Iudææ divulgabántur ómnia verba hæc: et posuérunt omnes, qui audíerant in corde suo, dicéntes: Quis, putas, puer iste erit? Etenim manus Dómini erat cum illo. Et Zacharías pater eius replétus est Spíritu Sancto, et prophetávit, dicens: Benedíctus Dóminus Deus Israël, quia visitávit, et fecit redemptiónem plebis suæ. **Credo.**

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Tua, Dómine, munéribus altária cumulámus: illíus nativitátem honóre débito celebránte, qui Salvatórem mundi et cécinit adfutúrum, et adésse monstrávit, Dóminum nostrum Iesum Christum Fílium tuum: Qui tecum vivit.

Antiphona ad Communionem

Luc. 1, 76

Tu, puer, prophéta Altíssimi vocáberis: præíbis enim ante fáciem Dómini paráre vias eius.

Postcommunio

Sumat Ecclésia tua, Deus, beáti Ioánnis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Iesum Christum Fílium tuum: Qui tecum vivit.

¶ **In Missis votivis omnia dicuntur ut supra, cum orationibus tamen de vigilia; et post Septuagesimam, omissis Allelúia, et versu sequenti, dicitur:**

Tractus Ps. 20, 3-4 Desidérium animæ eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

Tempore autem paschali omittitur graduale, et eius loco dicitur:

Allelúia, allelúia. **V. Luc. 1, 76** Tu, puer, prophéta Altíssimi vocáberis: præíbis ante Dóminum paráre vias eius. Allelúia. **V. Osee 14, 6** Iustus ger-

minábit sicut lílium, et florébit
in ætérnum ante Dóminum.
Allelúia.

DIE 25 IUNII

S. GULIELMI ABBATIS

III classis

Missa Os iusti, de Communi Abbatum (28),
præter orationem sequentem:

Oratio

Deus, qui infirmitáti nostræ ad
teréndam salútis viam in
Sanctis tuis exémplum et præsí-
dium collocásti: da nobis, ita beáti
Guliélmi Abbátis mérita venerári;
ut eiúsdem excipiámus suffrágia,
et vestígia prosequámur. Per Dó-
minum.

Secreta

Sacris altáribus, Dómine, hóstias
superpósitas sanctus Guliél-
mus Abbas, quæsumus, in salútem
nobis proveníre depóscat. Per Dó-
minum.

Postcommunio

Próteget nos, Dómine, cum tui
perceptióne sacraménti beátus
Guliélmus Abbas, pro nobis inter-
cedéndo: ut et conversatiónis eius
experiámur insígnia, et interces-
siónis percipiámus suffrágia. Per
Dóminum.

DIE 26 IUNII

SS. IOANNIS ET PAULI
MARTYRUM

III classis

Antiphona ad Introitum

Ps. 33, 20-21

Multæ tribulatiónes iustó-
rum, et de his ómnibus
liberávit eos Dóminus:
Dóminus custódit ómnia ossa

eórum: unum ex his non conterétur.
Ps. ibid., 2 Benedícam Dóminum in
omni témpore: semper laus eius in
ore meo. **V.** Glória Patri. **Multæ.**

Oratio

Quæsumus, omnípotens Deus: ut
nos gemináta lætítia hodiér-
næ festivitátis excípiat, quæ de
beatórum Ioánnis et Pauli glorifi-
cacióne procédit; quos éadem fides
et pássio vere fecit esse germános.
Per Dóminum.

Léctio libri Sapiéntiæ

Eccli. 44, 10-15

Hi viri misericórdiæ sunt, quo-
rum pietátes non defuérunt:
cum sémine eórum pérmanent
bona, heréditas sancta nepótes
eórum, et in testaméntis stetit se-
men eórum: et filii eórum propter
illos usque in ætérnum manent:
semen eórum, et glória eórum non
derelinquétur. Córpora ipsórum in
pace sepúlta sunt, et nomen eórum
vivit in generatióne et generatió-
nem. Sapiéntiam ipsórum narrent
pópuli, et laudem eórum núntiet
Ecclésia.

Graduale Ps. 132, 1-2 Ecce quam
bonum, et quam iucúndum, habi-
táre fratres in unum. **V.** Sicut un-
guéntum in cápite, quod descéndit
in barbam, barbam Aaron.

Allelúia, allelúia. **V.** Hæc est
vera fraternitas, quæ vicit mundi
crímina: Christum secúta est, ín-
clíta tenens regna cæléstia. Alle-
lúia.

✠ Sequéntia sancti Evangélii se-
cúndum Lucam

Luc. 12, 1-8

In illo témpore: Dixit Iesus discí-
pulis suis: Atténdite a fermento

pharisæorum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénam. Ita dico vobis: hunc timéte. Nonne quinque pásseres véneunt dipóndio, et unus ex illis non est in obliuione coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium

Ps. 5, 12-13

Gloriabúntur in te omnes, qui díligunt nomen tuum, quóniam tu, Dómine, benedíces iusto: Dómine, ut scuto bonæ voluntátis tuæ coronásti nos.

Secreta

Hóstias tibi, Dómine, sanctórum Mártyrum tuórum Ioánnis et Pauli dicátas méritis, benígnus asúme: et ad perpétuum nobis tríbue proveníre subsídium. Per Dóminum.

Antiphona ad Communionem

Sap. 3, 4, 5 et 6

Et si coram homínibus torménta passi sunt, Deus tentávit eos: tam-

quam aurum in fornáce probávit eos, et quasi holocáusta accépit eos.

Postcommunio

Súmpsimus, Dómine, sanctórum Mártyrum tuórum Ioánnis et Pauli solémnia celebrátes, sacraménta cæléstia: præsta, quæsumus; ut, quod temporáliter gérimus, ætérnis gáudiis consequámur. Per Dóminum.

DIE 28 IUNII

IN VIGILIA

SS. PETRI ET PAULI
APOSTOLORUM

II classis

Antiphona ad Introitum

Ioann. 21, 18-19

Dicit Dóminus Petro: Cum esses iúnior, cingébas te, et ambulábas ubi volébas: cum autem senúeris, exténdes manus tuas, et álius te cinget, et ducet quo tu non vis: hoc autem dixit, significans qua morte clarificatúrus esset Deum. **Ps. 18, 1** Cæli enarrant glóriam Dei: et ópera mánuum eius annúntiat firmaméntum. **V.** Glória Patri. **Dicit Dóminus.**

Non dicítur Glória in excélsis.

Oratio

Præsta, quæsumus, omnípotens Deus, ut nullis nos permíttas perturbatióibus cóncuti; quos in apostólicæ confessiόνis petra solidásti. Per Dóminum.

Léctio Actuum Apostolórum

Act. 3, 1-10

In diébus illis: Petrus et Ioánnes ascendébant in templum ad ho-

ram orationis nonam. Et quidam vir, qui erat claudus ex útero matris suae, baiulabatur: quem ponébant cotidie ad portam templi, quæ dicitur Speciósá, ut péteret eleemósynam ab introeúntibus in templum. Is cum vidisset Petrum et Ioánnem incipientes introire in templum, rogábat ut eleemósynam accíperet. Intuens autem in eum Petrus cum Ioánnem, dixit: Réspice in nos. At ille intendébat in eos, sperans se áliquid acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Iesu Christi Nazaréni surge, et ámbula. Et apprehénsa manu eius dextera, allevávit eum, et prótinus consolidátæ sunt bases eius, et plantæ. Et exsíliens stetit, et ambulábat: et intrávit cum illis in templum, ámbulans, et exsíliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi: et impléti sunt stupóre et éxtasi in eo, quod contígerat illi.

Graduale Ps. 18, 5 et 2 In omnem terram exívit sonus eórum: et in fines orbis terræ verba eórum. **V.** Cæli enarrant glóriam Dei: et ópera mánuum eius annúntiat firmaméntum.

✠ **Sequéntia sancti Evangélíi**
secúndum Ioánnem

Ioann. 21, 15-19

In illo témpore: Dixit Iesus Simóni Petro: Simon Ioánnis, díligis me plus his? Dicit ei: Etiam, Dómine,

tu scis quia amo te. Dicit ei: Pasce agnos meos. Dicit ei íterum: Simon Ioánnis, díligis me? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tértio: Simon Ioánnis, amas me? Contrístátus est Petrus, quia dixit ei tértio, Amas me? et dixit ei: Dómine, tu ómnia nosti: tu scis quia amo te. Dixit ei: Pasce oves meas. Amen, amen dico tibi: cum esses iúnior, cingébas te, et ambulábas ubi volébas: cum autem senúeris, exténder manus tuas, et álius te cinget, et ducet quo tu non vis. Hoc autem dixit, significans qua morte clarificáturus esset Deum.

Antiphona ad Offertorium

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum.

Præfatio communis.

Secreta

Munus pópuli tui, quæsumus, Dómine, apostólica intercessióne sanctífica: nosque a peccatórum nostrórum máculis emúnda. Per Dóminum.

Antiphona ad Communionem

Ioann. 21, 15 et 17

Simon Ioánnis, díligis me plus his? Dómine, tu ómnia nosti: tu scis, Dómine, quia amo te.

Postcommunio

Quos cælésti, Dómine, aliménto satiásti: apostólicis intercessionibus ab omni adversitáte custódi. Per Dóminum.



DIE 29 IUNII

SS. PETRI ET PAULI APOSTOLORUM

I classis

Antiphona ad Introitum

Act. 12, 11

Nunc scio vere, quia misit
Dóminus Angelum suum:
et erípuit me de manu
Heródis, et de omni ex-
spectatióne plebis Iudæórum. *Ps.*
138, 1-2 Dómine, probásti me, et
cognovísti me: tu cognovísti sessi-
onem meam, et resurrectionem me-
am. *V.* Glória Patri. **N**unc scio.

Oratio

Deus, qui hodiérnam diem Apo-
stolorum tuorum Petri et
Pauli martýrio consecrásti: da Ec-
clésiæ tuæ, eórum in ómnibus sequi
præcéptum; per quos religiónis
sumpsit exórdium. Per Dóminum.

Léctio Actuum Apostolorum

Act. 12, 1-11

In diébus illis: Misit Heródes rex
manus, ut afflígeret quosdam de
ecclésiá. Occídít autem Iacóbum
fratrem Ioánnis gládio. Videns au-
tem quia placéret Iudæis, appósuit
ut apprehénderet et Petrum. Erant
autem dies azymórum. Quem cum
apprehendísset, misit in cárcerem,
tradens quátuor quaterniónibus mí-
litum custodiéndum, volens post
Pascha producere eum pópulo. Et
Petrus quidem servabátur in cár-
cere. Orátio autem fiébat sine inter-
missiône ab ecclésiá ad Deum pro
eo. Cum autem productúrus eum
esset Heródes, in ipsa nocte erat
Petrus dórmiens inter duos mílites,

vinctus caténis duábus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velóciter. Et ceciderunt caténæ de mánibus eius. Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmدا tibi vestiméntum tuum, et séquere me. Et éxiens sequebátur eum, et nesciébatur quia verum est, quod fiébat per Angelum: existimábat autem se visum vidére. Transeúntes autem primam et secúndam custódiam, venerunt ad portam férream, quæ ducit ad civitátem: quæ ultro apérta est eis. Et exeúntes processérunt vicum unum: et contínuo discéssit Angelus ab eo. Et Petrus ad se revérsus, dixit: Nunc scio vere, quia misit Dóminus Angelum suum, et erípuit me de manu Heródis, et de omni exspectatióne plebis Iudæórum.

Graduale Ps. 44, 17-18 Constitues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélii secúndum Matthæum

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem

Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Credo.

Antiphona ad Offertorium

Ps. 44, 17-18

Constitues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Hóstias, Dómine, quas nómini tuo sacrándas offérimus, apostólica prosequátur orátio: per quam nos expiári tríbuas, et deféndi. Per Dóminum.

Præfatio de Apostolis.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam.

Postcommunio

Quos cælésti, Dómine, aliménto satiásti: apostólicis intercessiónibus ab omni adversitaté custódi. Per Dóminum.

¶ Pro votiva Ss. Petri et Pauli sumitur Missa Mihi autem, quæ habetur inter votivas (56). Tempore autem paschali dicitur Missa Protexisti, ut ibidem notatur (57).

MISSA VOTIVA
DE S. PETRO APOSTOLO
seorsim dicenda a S. Paulo Ap.
EXTRA TEMPUS PASCHALE
Antiphona ad Introitum

Ps. 138, 17

Mihi autem nimis honorati sunt amici tui, Deus: nimis confortatus est principatus eorum. **Ps. ibid., 1-2** Domine, probasti me, et cognovisti me: tu cognovisti sessionem meam, et resurrectionem meam. **V.** Glória Patri. **Mihi.**

TEMPORE PASCHALI

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multitúdine operántium iniquitátem, allelúia, allelúia. **Ps. ibid., 2** Exáudi, Deus, orationem meam cum deprecor: a timóre inimíci éripe ánimam meam. **V.** Glória Patri. **P**rotexisti.

Oratio

Præsta, quæsumus, omnípotens Deus: ut nullis nos permittas perturbatióibus cóncuti; quos in apostólica confessionis petra solidasti.

Et fit commemoratio S. Pauli Ap., sub unica conclusione:

Oratio

Deus, qui multitúdinem gén-tium beáti Pauli Apóstoli prædicatione docuisti: da nobis, quæsumus; ut, cuius natalítia cólimus, eius apud te patrocínia sentiámus. Per Dóminum.

Lectio Actuum Apostolorum

Act. 12, 1-11

In diébus illis: Misit Heródes rex manus, ut afflígeret quosdam de ecclésia. Occídit autem Iacóbum fratrem Ioánnis gládio. Videns autem quia placéret Iudæis, appósuit ut apprehénderet et Petrum. Erant autem dies azymórum. Quem cum apprehendísset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiébat sine intermissione ab ecclésia ad Deum pro eo. Cum autem productúrus eum esset Heródes, in ipsa nocte erat Petrus dórmiens inter duos mílites, vinctus caténis duábus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velóciter. Et ceciderunt caténæ de mánibus eius. Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmدا tibi vestiméntum tuum, et séquere me. Et éxiens sequebátur eum, et nesciébát quia verum est, quod fiébat per Angelum: existimábat autem se visum vidére. Transeúntes autem primam et secúndam custódiam, venérunt ad portam férream, quæ ducit ad civitátem: quæ ultro apérta est eis. Et exéuntes processérunt vicum unum: et continuo discéssit Angelus ab eo. Et Petrus ad se revérsum, dixit: Nunc scio vere, quia misit Dóminus Angelum suum, et erípuit me de manu Heródis, et de omni expectatione plebis Iudæórum.

Graduale Ps. 44, 17-18 Constitues eos príncipes super omnem terram:

mémores erunt nóminis tui, Dómine. **℣.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **℣. Matth. 16, 18** Tu es Petrus, et super hanc petram ædificábo Ecclésiám meam. Allelúia.

Post Septuagesimam, omíssis Allelúia, et versu sequenti, dicitur:

Tractus Matth. 16, 18-19 Tu es Petrus, et super hanc petram ædificábo Ecclésiám meam. **℣.** Et portæ inferi non prævalébunt advérsus eam: et tibi dabo claves regni cælórum. **℣.** Quodcúmque ligáveris super terram, erit ligátum et in cælis. **℣.** Et quodcúmque sólveris super terram, erit solútum et in cælis.

Tempore autem paschali, omíttitur graduale, et eius loco dicitur:

Allelúia, allelúia. **℣. Ps. 106, 8** Confiteántur Dómino misericórdiæ eius, et mirabília eius fíliis hóminum. Allelúia. **℣. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélíi secúndum Matthæum

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Eliám, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es

Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium

Ps. 44, 17-18

Constitues eos príncipes super omnem terram: mémores erunt nóminis tui, Dómine, in omni progénie et generatióne **(T. P. Allelúia.)**

Secreta

Munus pópuli tui, quæsumus, Dómine, apostólica intercessióne sanctífica: nosque a peccatórum nostrórum máculis emúnda.

Et fit commemoratio S. Pauli Ap., sub única conclusione:

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis. Per Dóminum.

Præfatio de Apostolis.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam. **(T. P. Allelúia.)**

Postcommunio

Quos cælésti, Dómine, aliménto satiásti: apostólicis intercessionibus ab omni adversitáte custódi.

Et fit commemoratio S. Pauli Ap., sub única conclusione:

Postcommunio

Percéptis, Dómine, sacraméntis: beáto Paulo Apóstolo tuo interveniēte, deprecámur; ut, quæ pro illius celebráta sunt glória, nobis proficiant ad medélam. Per Dóminum nostrum.

¶ *Item pro votiva de S. Paulo sumitur Missa ut in sequenti die, cum commemoratione S. Petri.*

DIE 30 IUNII

IN COMMEMORATIONE
S. PAULI APOSTOLI

III classis

Antiphona ad Introitum

2 Tim. 1, 12

Scio cui credidi, et certus sum, quia potens est depósitum meum serváre in illum diem, iustus iudex. **Ps. 138, 1-2** Dómine, probásti me, et cognovísti me: tu cognovísti sessiónem meam et resurrectionem meam. **V.** Glória Patri. **Scio.**

Oratio

Deus, qui multitúdinem géntium beáti Pauli Apóstoli prædicatione docuísti: da nobis, quæsumus; ut, cuius natalítia cólimus, eius apud te patrocínia sentiámus.

Et fit commemoratio S. Petri Apostoli, sub unica conclusione:

Oratio

Deus, qui beáto Petro Apóstolo tuo, collátis clávibus regni cælestis, ligándi atque solvéndi pontificium tradidísti: concéde; ut, intercessiónis eius auxílio, a peccatórum nostrórum néxibus liberémur: Qui vivis.

Léctio Epístolæ beáti Pauli Apóstoli
ad Gálatas

Gal. 1, 11-20

Fratres: Notum vobis fácio Evangelium, quod evangelizátum est a me, quia non est secúndum hóminem: neque enim ego ab hómine accépi illud, neque dídici, sed per revelatióem Iesu Christi. Audístis enim conversatióem meam aliquándo in Iudaísmo: quóniam supra modum persequébar Ecclésiám Dei, et expugnábam illam, et proficiébam in Iudaísmo supra multos coetáneos meos in género meo, abundantius æmulátor exsistens paternárum meárum traditiónum. Cum autem plácuit ei, qui me segregávit ex útero matris meæ, et vocávit per grátiam suam, ut reveláret Fílium suum in me, ut evangelizárem illum in géntibus: continuo non acquiévi carni et sanguini, neque veni Ierosólymam ad antecessóres meos Apóstolos: sed ábii in Arábiam: et iterum revérsus sum Damáscum: deínde post annos tres veni Ierosólymam vidére Petrum, et mansi apud eum diébus quíndecim: álium autem Apostolórum vidi néminem, nisi Iacóbum fratrem Dómini. Quæ autem scribo vobis, ecce coram Deo, quia non méntior.

Graduale Gal. 2, 8-9 Qui operátus est Petro in apostolátum, operátus est et mihi inter gentes: et cognovérunt grátiam Dei, quæ data est mihi. **V. 1 Cor. 15, 10** Grátia Dei in me vácuá non fuit: sed grátia eius semper in me manet.

Allelúia, allelúia. **V.** Sancte Paule Apóstole, prædicátor veritátis, et doctor géntium, intercéde pro nobis. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Tu es vas electionis, sancte Paule Apóstole: vere digne es glorificándus. *Ps.* Prædicátor veritátis, et doctor géntium in fide et veritáte. *Ps.* Per te omnes gentes cognovérunt grátiam Dei. *Ps.* Intercede pro nobis ad Deum, qui te elégit.

Tempore autem paschali omittitur graduale, et eius loco dicitur:

Allelúia, allelúia. *Ps.* 106, 8 Confiteántur Dómino misericórdiæ eius, et mirabília eius filiis hóminum. Allelúia. *Ps.* Sancte Paule, prædicátor veritátis, et doctor géntium, intercede pro nobis. Allelúia.

✠ Sequéntia sancti Evangélii secúndum Matthæum

Matth. 10, 16-22

In illo témpore: Dixit Iesus discipulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos: et ad præsides, et ad reges ducémini propter me in testimónium illis, et géntibus. Cum autem tradent vos, nolite cogitare quómodo, aut quid loquámini: dábitur enim vobis in illa hora quid loquámini. Non enim vos estis qui loquímini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit.

Antiphona ad Offertorium

Ps. 138, 17

Mihi autem nimis honoráti sunt amici tui, Deus: nimis confortátus est principátus eórum.

Secreta

Apóstoli tui Pauli précibus, Dómine, plebis tuæ dona sanctifica: ut, quæ tibi tuo grata sunt institúto, gratióra fiant patrocínio supplicántis.

Et fit commemoratio S. Petri Apostoli, sub unica conclusione:

Secreta

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illius glória celebrámus, nobis prosit ad véniam. Per Dóminum.

Præfatio de Apostolis.

Antiphona ad Communionem

Matth. 19, 28 et 29

Amen dico vobis: quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

Percéptis, Dómine, sacraméntis: beáto Paulo Apóstolo tuo interveniénte, deprecámur; ut, quæ pro illius celebráta sunt glória, nobis proficiant ad medélam.

Et fit commemoratio S. Petri Apostoli, sub unica conclusione:

Postcommunio

Lætíficet nos, Dómine, munus oblátum: ut, sicut in Apóstolo tuo Petro te mirábilem prædicámus; sic per illum tuæ sumámus indulgéntiæ largitátem. Per Dóminum.

PRETIOSISSIMI SANGUINIS D. N. I. C.

I classis

Antiphona ad Introitum

Apoc. 5, 9-10

Redemísti nos, Dómine, in ságuine tuo, ex omni tribu, et lingua, et pópulo, et natióne: et fecísti nos Deo nostro regnum. **Ps. 88, 2** Misericórdias Dómini in ætérnum cantábo: in generatióne et generatióne annuntiábo veritátem tuam in ore meo. **V.** Glória Patri. **R.** Redemísti.

Oratio

Omnípotens sempitérne Deus, qui unigénitum Fílium tuum mundi Redemptórem constituísti, ac eius Ságuine placári voluísti: concéde, quæsumus, salútis nostræ prætium solémni cultu ita venerári, atque a præséntis vitæ malis eius virtúte deféndi in terris; ut fructu perpétuo lætémur in cælis. Per eúndem Dóminum.

¶ **In Missis votivis omittantur verba:** solémni cultu.

Léctio Epístolæ beáti Pauli Apóstoli
ad Hebræos

Hebr. 9, 11-15

Fratres: Christus assístens pón-ti-fex futurórum bonórum, per ámplius et perféctius tabernáculum non manufactum, id est, non

huius creatiόνis; neque per ságuinem hircórum, aut vitulórum, sed per próprium ságuinem introívit semel in Sancta, ætérna redemptiόne invénta. Si enim sanguis hircórum, et taurórum, et cinis vítulæ aspérsus, inquinátos sanctificat ad emundatióne[m] carnis: quanto magis sanguis Christi, qui per Spíritum Sanctum semetípsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ídeo novi testaménti mediátor est: ut morte intercedénte, in redemptiόne[m] eárum prævaricatiόnum, quæ erant sub prióri testaménto, repromissiόnem accípiant, qui vocáti sunt ætérnæ hereditátis: in Christo Iesu Dómino nostro.

Graduale 1 Ioann. 5, 6 et 7-8 Hic est qui venit per aquam et ságuinem, Iesus Christus: non in aqua solum, sed in aqua et ságuine. **V.** Tres sunt, qui testimónium dant in cælo: Pater, Verbum, et Spíritus Sanctus: et hi tres unum sunt. Et tres sunt, qui testimónium dant in terra: Spíritus, aqua, et sanguis: et hi tres unum sunt.

Allelúia, allelúia. **V. Ibid., 9** Si testimónium hóminum accípimus, testimónium Dei maius est. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ephes. 1, 6-8 Gratificávit nos Deus in dilécto Fílio suo, in quo habémus redemptionem per sánguinem eius. **℣.** Remissionem peccatorum, secúndum divítias grátiae eius, quæ superabundávit in nobis. **℣. Rom. 3, 24-25** Iustificáti gratis per grátiam ipsíus, per redemptionem quæ est in Christo Iesu. **℣.** Quem propósuit Deus propitiatió-nem per fidem in ságuine ipsíus.

Tempore autem paschali, omittitur graduale, et eius loco dicitur:

Allelúia, allelúia. **℣. Apoc. 5, 9** Dignus es, Dómine, accí-pere librum, et aperíre signá-cula eius: quóniam occísus es, et redemísti nos Deo in sán-guine tuo. Allelúia. **℣. Exodi 12, 13** Erit autem sanguis vobis in signum: et vidébo sán-guinem, et transíbo vos: nec erit in vobis plaga dispérdens. Allelúia.

✠ Sequéntia sancti Evangélii se-cúndum Ioánnem

Ioann. 19, 30-35

In illo témpore: Cum accepisset Iesus acétum, dixit: Consummátum est. Et inclináto cápíte tradidit spíritum. Iudæi ergo (quóniam Pa-rascéve erat) ut non remanérent in cruce córpora sábbato (erat enim magnus dies ille sábbati), rogavérunt Pilátum, ut frangeréntur eó-rum crura, et tolleréntur. Venérunt

ergo mílites: et primi quidem fregérunt crura, et altérius, qui crucifí-xus est cum eo. Ad Iesum autem cum venissent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et continuo exívit sanguis, et aqua. Et qui vidit, testimónium perhíbuit: et verum est testimónium eius. **Credo.**

Antiphona ad Offertorium

1 Cor. 10, 16

Calix benedictiónis, cui benedí-ci-mus, nonne comunicátió ságuinis Christi est? et panis, quem frán-gimus, nonne participátió córporis Dómini est?

Secreta

Per hæc divína mystéria, ad novi, quæsumus, testaménti media-tórem Iesum accedámus: et super altária tua, Dómine virtútum, as-persionem ságuinis mélius loquén-tem, quam Abel, innovémus. Per eúndem Dóminum.

Præfatio de sancta Cruce.

Antiphona ad Communionem

Hebr. 9, 28

Christus semel oblátus est ad multórum exhauriéndam peccáta: secúndo sine peccáto apparébit ex-spectántibus se in salútem.

Postcommunio

Ad sacram, Dómine, mensam ad-míssi, háusimus aquas in gáudio de fóntibus Salvatóris: san-guis eius fiat nobis, quæsumus, fons aquæ in vitam ætérnam saliéntis: Qui tecum.

IN VISITATIONE B. MARIÆ VIRG.

II classis

Antiphona ad Introitum

Sedulus

Salve, sancta parens, enixa
puérpera Regem: qui cælum
terrámque regit in sæcula
sæculórum. **Ps. 44, 2** Eructá-
vit cor meum verbum bonum:
dico ego ópera mea Regi. **V.** Glória
Patri. **S**alve.

Oratio

Fámulis tuis, quæsumus, Dó-
mine, cæléstis grátiae munus
impertíre: ut, quibus beátæ Vírginis
partus éxstitit salútis exórdium;
Visitatiónis eius votíva solémnitas
pacis tríbuat increméntum. Per Dó-
minum.

Et fit commemoratio Ss. Processi et
Martiniani Martyrum:

Oratio

Deus, qui nos sanctórum
Mártyrum tuórum Pro-
céssi et Martiniáni gloriósis
confessió nibus circúmdas et
prótegis: da nobis et eórum
imitatióne profícere, et inter-
cessióne gaudére. Per Dómi-
num.

Léctio libri Sapiéntiæ

Cant. 2, 8-14

Ecce iste venit sáliens in mónti-
bus, transíliens colles: símilis
est diléctus meus cápreae, hinnuló-
que cervórum. En ipse stat post
paríetem nostrum, respíciens per
fenéstas, prospíciens per cancel-
los. En diléctus meus lóquitur mihi:

Surge, própera, amíca mea, colúmba
mea, formósa mea, et veni. Iam
enim hiems tránsiit, imber ábiit, et
recéssit. Flores apparuérunt in
terra nostra, tempus putatiónis
advénit: vox túrturis audíta est in
terra nostra: ficus prótulit grossos
suos: vineæ floréntes dedérunt odó-
rem suum. Surge, amíca mea, spe-
ciósa mea, et veni: colúmba mea in
foramínibus petræ, in cavérna ma-
cériæ, osténde mihi fáciem tuam,
sonet vox tua in áuribus meis: vox
enim tua dulcis, et fácies tua decóra.

Graduale Benedícta et venerábi-
lis es, Virgo María: quæ sine tactu
pudóris invénta es mater Salvató-
ris. **V.** Virgo Dei Génetríx, quem
totus non capit orbis, in tua se
clausit víscera factus homo.

Allelúia, allelúia. **V.** Felix es, sa-
cra Virgo María, et omni laude
digníssima: quia ex te ortus est sol
iustítiæ Christus Deus noster. Alle-
lúia.

✠ Sequéntia sancti Evangélii se-
cúndum Lucam

Luc. 1, 39-47

In illo témpore: Exsúrgens María
ábiit in montána cum festina-
tióne in civitátem Iuda: et intrávit
in domum Zachariæ, et salutávit
Elísabeth. Et factum est, ut audívit
salutatió nem Mariæ Elísabeth, ex-
sultávit infans in útero eius: et
repléta est Spíritu Sancto Elísa-
beth: et exclamávit voce magna, et

dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi a Dómino. Et ait María: Magníficat ánima mea Dóminum: et exsultávit spíritus meus in Deo salutári meo. **Credo.**

Antiphona ad Offertorium

Beáta es, Virgo María, quæ ómnium portásti Creatórem: genuísti qui te fecit, et in ætérnum pérmanes virgo.

Secreta

Unigéniti tui, Dómine, nobis succúrrat humánitas: ut, qui natus de Vírgine, matris integritátem non mínuit, sed sacrávit; in Visitationis eius solémniis, nostris nos piáculis éxuens, oblatiόνem nostram tibi fáciat accéptam Iesus Christus Dóminus noster, Qui tecum vivit.

Pro Ss. Processo et Martiniano Secreta

Súscipe, Dómine, preces et múnera: quæ ut tuo sint digna conspéctu, Sanctórum tuórum précibus adiuvémur. Per Dóminum.

Præfatio de B. Maria Virg. Et te in Visitatione.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Súmpsimus, Dómine, celebritátis ánnuæ votíva sacraménta: præ-

sta, quæsumus; ut et temporális vitæ nobis remédia præbeant, et ætérnæ. Per Dóminum.

Pro Ss. Processo et Martiniano Postcommunio

Córpore sacri, et pretiósí Sánguinis repléti libámine, quæsumus, Dómine Deus noster: ut, quod pia devotióne gérimus, certa redemptióne capiámus. Per eúndem Dóminum.

EODEM DIE 2 IULII

SS. PROCESSI ET MARTINIANI MARTYRUM

Commemoratio

Antiphona ad Introitum

Eceli. 44, 15 et 14

Sapiéntiam sanctórum narrent pópuli, et laudes eórum nún-tiet ecclésia: nómina autem eórum vivent in sáeculum sáeculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **Sapiéntiam.**

Oratio

Deus, qui nos sanctórum Mártyrum tuórum Procéssi et Martiniani gloriósis confessiόνibus circúmdas et prótegis: da nobis et eórum imitatióne profícere, et intercessiόne gaudére. Per Dóminum.

Léctio Epístolæ beáti Pauli Apóstoli ad Hebræos

Hebr. 10, 32-38

Fratres: Rememorámini prístinos dies, in quibus illumináti, magnum certámen sustinuístis passiónum: et in áltero quidem opprobriis, et tribulatiόνibus spectácu-

lum facti: in áltero autem sócii tá-liter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substantíam. Nolíte itaque amittere confidéntiam vestram, quæ magnam habet remuneratióem. Patiéntia enim vobis necessária est: ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

✠ Sequéntia sancti Evangélíi secúndum Matthæum

Matth. 16, 24-27

In illo témpore: Dixit Iesus discí-pulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuique secúndum ópera eius.

Antiphona ad Offertorium

Ps. 149, 5-6

Exsultábunt sancti in glória, lætabúntur in cubílibus suis: exaltatiónes Dei in fáucibus eórum, allelúia.

Secreta

Súscipe, Dómine, preces et mún-era: quæ ut tuo sint digna conspéctu, Sanctórum tuórum préci-bus adiuvémur. Per Dóminum.

Antiphona ad Communionem

Luc. 12, 4

Dico autem vobis amícis meis: Ne terreámini ab his, qui vos persequúntur.

Postcommunio

Córpore sacri, et pretiósi Sánguini repléti libámine, quæsumus, Dómine Deus noster: ut, quod pia devotióne gérimus, certa redemptione capiámus. Per eúndem Dóminum.

DIE 3 IULII

**S. IRENÆI EPISCOPI
ET MARTYRIS**

III classis

Antiphona ad Introitum

Malach. 2, 6

Lex veritátis fuit in ore eius, et iniquitas non est invénta in lábiis eius: in pace, et in æquitáte ambulávit mecum, et multos avértit ab iniquitáte. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri. **L**ex veritátis.

Oratio

Deus, qui beáto Irenæo Mátyri tuo atque Pontífici tribuísti, ut et veritate doctrinæ expugnáret hæreses, et pacem Ecclésiæ feliciter confirmáret: da, quæsumus, plebi tuæ in sancta religióne constantiam; et pacem tuam nostris concéde temporibus. Per Dóminum nostrum.

Lectio Epístolæ beáti Pauli Apóstoli ad Timótheum

2 Tim. 3, 14-17; 4, 1-5

Caríssime: Pérmáne in iis, quæ didicísti, et crédita sunt tibi: sciens a quo didiceris: et quia ab infántia sacras litteras nosti, quæ te possunt instrúere ad salútem, per fidem, quæ est in Christo Iesu. Omnis Scriptúra divínitus inspiráta útilis est ad docéndum, ad arguéndum, ad corripiéndum, ad erudiéndum in iustítia: ut perfectus sit homo Dei, ad omne opus bonum instrúctus. Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple.

Graduale Ps. 121, 8 Propter fratres meos, et próximos meos loquébar pacem de te. **V. Ps. 36, 37** Custódi innocéntiam, et vide æquitátem: quóniam sunt reliquiæ hómini pacífico.

Allelúia, allelúia. **V. Eccli. 6, 35** In multitúdine presbyterórum prudentium sta, et sapiéntiæ illórum ex corde coniúngere, ut omnem narratiónem Dei possis audíre. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 36, 23 et 30-31

Apud Dóminum gressus hóminis dirigéntur: et viam eius volet. **V.** Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Tempore autem paschali omittitur graduale, et eius loco dicitur:

Allelúia, allelúia. **V. Ps. 36, 37** Custódi innocéntiam, et vide æquitátem: quóniam sunt reliquiæ hómini pacífico. Allelúia. **V. Eccli. 6, 35** In multitúdine presbyterórum prudentium sta, et sapiéntiæ illórum ex corde coniúngere, ut omnem narratiónem Dei possis audíre. Allelúia.

✠ Sequéntia sancti Evangélíi secúndum Matthæum

Matth. 10, 28-33

In illo témpore: Dixit Iesus discipulis suis: Nolíte timére eos, qui occídunt corpus, ánimam autem non possunt occídere; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis passéríbus melióres estis vos. Omnis ergo, qui confitébitur me coram homínibus, confitébor et ego eum

coram Patre meo, qui in cælis est. Qui autem negáverit me coram hominibus, negábo et ego eum coram Patre meo, qui in cælis est.

Antiphona ad Offertorium

Eccli. 24, 44

Doctrinam quasi antelucánum illúmino ómnibus, et enarrábo illam usque ad longínquum.

Secreta

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscípere; ut pax a tua pietáte concéssa, christianórum fines ab omni hoste fáciat esse secúros. Per Dóminum nostrum.

Antiphona ad Communionem

Eccli. 24, 47

Vidéte quóniam non soli mihi laborávi, sed ómnibus exquiréntibus veritátem.

Postcommunio

Deus, auctor pacis et amátor, quem nosse, vívere, cui servíre, regnáre est: prótege ab ómnibus impugnatió nibus súpplícés tuos; ut, qui in defénsi óne tua confidimus, beáti Irenæi Mártiris tui atque Pontíficis intercessió ne, nullus hostilitátis arma timeámus. Per Dóminum.

DIE 5 IULII

S. ANTONII MARLÆ ZACCARIA
CONFESSORIS

III classis

Antiphona ad Introitum

1 Cor. 2, 4

Sermo meus, et prædicatio mea non in persuasibilibus humanæ sapiéntiæ verbis, sed

in ostensió ne spíritus et virtútis. **Ps. 110, 1** Confitébor tibi, Dómine, in toto corde meo, in consílio iustórum et congregatió ne. **V.** Glória Patri. **Sermo meus.**

Oratio

Fac nos, Dómine Deus, supereminéntem Iesu Christi sciéntiam, spíritu Pauli Apóstoli ediscere: qua beátus Antónius María mirábiliter eruditus, novas in Ecclésia tua clericórum et vírginum famílias congregávit. Per eúndem Dóminum.

Léctio Epístolæ beáti Pauli Apóstoli
ad Timótheum

1 Tim. 4, 8-16

Caríssime: Píetas ad ómnia útilis est: promissi ónem habens vitæ, quæ nunc est, et futúre. Fidélis sermo, et omni acceptió ne dignus. In hoc enim laborámus, et maledícimur, quia sperámus in Deum vivum, qui est Salvátor ómnium hóminum, máxime fidélium. Præcipe hæc, et doce. Nemo adolescéntiam tuam contémnat: sed exémplum esto fidélium in verbo, in conversatió ne, in caritáte, in fide, in castitáte. Dum vénio, atténde lecti ó ni, exhortati ó ni, et doctrinæ. Noli negligere grátiam, quæ in te est, quæ data est tibi per prophetiam, cum impositi ó ne mánuum presbytérii. Hæc meditáre, in his esto: ut proféctus tuus maniféctus sit ómnibus. Atténde tibi, et doctrinæ: insta in illis. Hoc enim fáciens, et teípsum salvum fácies, et eos qui te áudiunt.

Graduale Philipp. 1, 8-9 Testis mihi est Deus, quo modo cúpiam omnes vos in viscéribus Iesu Christi. Et hoc oro, ut caritas vestra magis ac magis abúndet in sciéntia,

et in omni sensu. **℣. Ibid., 10** Ut probétis potióra, ut sitis sincéri, et sine offénsa in diem Christi.

Allelúia, allelúia. **℣. Ibid., 11** Repléti fructu iustítiæ per Iesum Christum, in glóriam et laudem Dei. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus 2 Cor. 10, 17-18 Qui gloriátur, in Dómino gloriétur: non enim qui seípsum comméndat, ille probátus est: sed quem Deus comméndat. **℣. Gal. 6, 14** Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **℣. Philipp. 1, 21** Mihi vívere Christus est, et mori lucrum.

Tempore autem paschali omittitur graduale, et eius loco dicitur:

Allelúia, allelúia. **℣. 2 Cor. 7, 4** Replétus sum consolatióne, superabúndo gáudio in omni tribulatióne nostra. Allelúia. **℣. Ibid. 6, 13** Tamquam filiis dico: dilatámini et vos. Allelúia.

✠ Sequéntia sancti Evangélii secúndum Marcum

Marc. 10, 15-21

In illo témpore: Dixit Iesus discí-pulis suis: Quisquis non recéperit regnum Dei velut párvulus, non intrábit in illud. Et compléxans párvulos, et impónens manus super illos, benedicébat eos. Et cum egréssus esset in viam, procúrrens quidam, genu flexo ante eum, rogábat eum: Magíster bone, quid fáciam ut vitam ætérrnam percípiam?

Iesus autem dixit ei: Quid me dicis bonum? Nemo bonus, nisi unus Deus. Præcépta nosti: Ne adúlteres, ne occídas, ne furéris, ne falsum testimónium díxeris, ne fraudem féceris, honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum, et dixit ei: Unum tibi deest: vade, quaecúmque habes vende, et da paupéribus, et habébis thesáurum in cælo: et veni, séquere me.

Antiphona ad Offertorium

Ps. 137, 1-2

In conspéctu Angelórum psallam tibi: adorábo ad templum sanctum tuum, et confitébor nómini tuo.

Secreta

Ad mensam cæléstis convívii fac nos, Dómine, eam mentis et córporis puritátem afférre, qua beátus Antónius María, hanc sacramtíssimam hóstiam ófferens, mirífice ornátus enítuit. Per Dóminum.

Antiphona ad Communionem

Philipp. 3, 17

Imitatóres mei estóte, fratres, et observáte eos, qui ita ámbulant, sicut habétis formam nostram.

Postcommunio

Cælésti dape qua pasti sumus, Dómine Iesu Christe, eo corda nostra caritátis igne flamméscant: quo beátus Antónius María salutáris hóstiæ vexillum, contra Ecclésiæ tuæ hostes, éxtulit ad victóriam: Qui vivis.

DIE 7 IULII

SS. CYRILLI ET METHODII
EPISCOPORUM ET
CONFESSORUM

III classis

Antiphona ad Introitum

Ps. 131, 9-10

Sacerdotes tui, Domine, induant iustitiam, et sancti tui exsultent: propter David servum tuum, non avertas faciem Christi tui. **Ps. ibid., 1** Meménto, Domine, David: et omnis mansuetudinis eius. **V.** Glória Patri. **Sacerdotes.**

Oratio

Omnípotens sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitióem tui nóminis veníre tribuísti: præsta; ut, quorum festivitáte gloriámur, eórum consórtio copulémur. Per Dóminum.

Léctio Epístolæ beáti Pauli Apóstoli
ad Hebræos

Hebr. 7, 23-27

Fratres: Plures facti sunt sacerdotes, idcirco quod morte prohiberéntur permanére: Iesus autem, eo quod máneat in ætérnum, sempitérnum habet sacerdótium. Unde et salváre in perpétuum potest accedentes per semetípsum ad Deum: semper vivens ad interpellándum pro nobis. Talis enim decébat, ut nobis esset pöntifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem cotídie, quemádmódum sacerdotes, prius pro suis delíctis hóstias offerre, deínde pro pópuli: hoc enim

fecit semel, seípsum offeréndo, Iesus Christus Dóminus noster.

Graduale Ps. 131, 16-17 Sacerdotes eius induam salutári: et sancti eius exsultatióne exsultábunt. **V.** Illuc producam cornu David: parávi lucérnam Christo meo.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos

sicut agnos inter lupos. Nolite portare sacculum, neque peram, neque calceamenta; et neminem per viam salutaveritis. In quamcunque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quae apud illos sunt: dignus est enim operarius mercede sua. Nolite transire de domo in domum. Et in quamcunque civitatem intraveritis, et suscepierint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Antiphona ad Offertorium

Ps. 67, 36

Mirabilis Deus in sanctis suis: Deus Israël, ipse dabit virtutem, et fortitudinem plebi suae: benedictus Deus.

Secreta

Preces nostras, quaesumus, Domine, et tuorum respice oblationes fidelium: ut tibi gratæ sint in tuorum festivitæ Sanctorum, et nobis conferant tuæ propitiationis auxilium. Per Dominum.

Antiphona ad Communionem

Matth. 10, 27

Quod dico vobis in tenebris, dicite in lumine, dicit Dominus: et quod in aure auditis, predicæ super tecta.

Postcommunio

Quaesumus, omnipotens Deus: ut, qui nobis munera dignaris præbere cælestia, intercedentibus sanctis tuis Cyrillo et Methodio, despiciere terræna concedas. Per Dominum.

DIE 8 IULII

S. ELISABETH REGINÆ, VID.

III classis

Missa Cognovi, de Communi non Virginum 2º loco (39), præter orationem sequentem:

Oratio

P

Clementissime Deus, qui beatam Elisabeth reginam, inter ceteras egregias dotes, bellici furoris sedandi prærogativa decorasti: da nobis, eius intercessione; post mortalis vitæ, quam suppliciter petimus, pacem, ad æterna gaudia pervenire. Per Dominum.

Secreta

C

Accèpta tibi sit, Domine, sacratæ plebis oblatio pro tuorum honore Sanctorum, quorum se meritis, de tribulatione percepisse cognoscit auxilium. Per Dominum.

Postcommunio

C

Satiasti, Domine, familiam tuam munèribus sacris: eius, quaesumus, semper interventione nos refove, cuius solèmnia celebramus. Per Dominum.

DIE 10 IULII

SS. SEPTEM FRATRUM MM.,
AC RUFINÆ ET SECUNDÆ
VIRGINUM ET MARTYRUM

III classis

Antiphona ad Introitum

Ps. 112, 1 et 9

Laudate, pueri, Dominum, laudate nomen Domini: qui habitare facit sterilem in domo, matrem filiorum lætāntem. **Ps. ibid., 2** Sit nomen Domini benedictum: ex hoc nunc, et usque in sæculum. **V. Glória Patri. Laudate.**

Oratio

Præsta, quæsumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Léctio libri Sapiéntiæ

Prov. 31, 10-31

Mulierem fortem quis invéniet? Procul, et de últimis finibus prétium eius. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit bráccium suum. Gustávit, et vidit, quia bona est negotiátio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici eius vestíti sunt duplícibus. Stragulátam vestem fecit sibi: byssus, et púrpura induméntum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cingulum trádidit Chanæo. Fortitúdo et decor induméntum eius, et ridébit in die novíssimo. Os suum apéruit sapiéntiæ, et lex cleméntiæ in lingua eius. Considerávit sémitas domus suæ, et panem

otiósá non comédit. Surrexérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: mulier timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 123, 7-8 Anima nostra, sicut passer, erépta est de láqueo venántium. **℣.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **℣.** Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia.

¶ In Missis votivis tempore paschali, omittitur graduale, et eius loco dicitur:

Allelúia, allelúia. **℣.** Hæc est vera fraternitas, quæ vicit mundi crimina: Christum secúta est, ínclita tenans regna cæléstia. Allelúia. **℣.** Te Mártyrum candidátus laudat exercitus, Dómine. Allelúia.

✠ Sequéntia sancti Evangélii secúndum Matthæum

Matth. 12, 46-50

In illo témpore: Loquente Iesu ad turbas, ecce mater eius, et fratres stabant foris, quæréntes loqui ei. Dixit autem ei quidam: Ecce mater tua, et fratres tui foris stant quæréntes te. At ipse respóndens dicénte sibi, ait: Quæ est mater mea, et qui sunt fratres mei? Et exténdens manum in discípulos suos, dixit: Ecce mater mea, et fratres mei. Quicúmque enim fécerit voluntátem Patris mei, qui in cælis est: ipse meus frater, et soror, et mater est.

Antiphona ad Offertorium

Ps. 123, 7

Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Sacrificiis præséntibus, quæsumus, Dómine, inténde placátus: et, intercedéntibus Sanctis tuis, devotióni nostræ proficiant, et salúti. Per Dóminum.

Antiphona ad Communionem

Matth. 12, 50

Quicúmque fécerit voluntátem Patris mei, qui in cælis est: ipse meus frater, et soror, et mater est, dicit Dóminus.

Postcommunio

Quæsumus, omnípotens Deus: ut intercedéntibus Sanctis tuis, illius salutáris capiámus efféctum: cuius per hæc mystéria pignus accépimus. Per Dóminum.

DIE 11 IULII

S. PII I PAPÆ ET MART.

Commemoratio

Missa Si dñligis me, de Communi unius aut plurium Summorum Pontificum. (2)

Oratio

C1

Gregem tuum, Pastor ætérne, placátus inténde: et per beátum Pium Mártýrem tuum atque Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam be-

nígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectiône sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 12 IULII

S. IOANNIS GUALBERTI
ABBATIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri. **O**s iusti.

Oratio

Intercéssio nos, quæsumus, Dómine, beáti Ioánnis Abbátis coméndet: ut, quod nostris méritis non valémus, eius patrocínio assequámur. Per Dóminum.

Et fit commemoratio Ss. Naboris et Felícis Martyrum:

Oratio

Præsta, quæsumus, Dómine: ut, sicut nos sanctórum Mártýrum tuórum Náboris et Felícis natalítia celebránda non déserunt; ita iúgiter suffrágiis comiténtur. Per Dóminum.

Lectio libri Sapiéntiæ

Eccli. 45, 1-6

Diléctus Deo et homínibus, cuius memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ, et disciplínæ.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius corónam de lápide pretióso. **℣.** Vitam pétiit a te, et tribuísti ei longitúdinem diérum in sæculum sæculi.

Allelúia, allelúia. **℣. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélii secúndum Matthæum

Matth. 5, 43-48

In illo témpore: Dixit Iesus discí-pulis suis: Audístis quia dictum est: Díliges próximum tuum, et ódio habébis inimicum tuum. Ego autem dico vobis: Dilígite inimícos vestros, benefácite his, qui odérunt vos: et oráte pro persecuéntibus, et calumniántibus vos: ut sitis filii Patris vestri, qui in cælis est: qui solem suum oríri facit super bonos et malos: et pluit super iustos et iniústos. Si enim dilígitis eos, qui vos dilígunt, quam mercédem habébitis? nonne et publicáni hoc faciunt? Et

si salutavéritis fratres vestros tantum, quid ámplius fácitis? nonne et éthnici hoc faciunt? Estóte ergo vos perfécti, sicut et Pater vester cæléstis perféctus est.

Antiphona ad Offertorium

Ps. 20, 3 et 4

Desidérium animæ eius tribuísti ei, Dómine, et voluntáte labiórum eius non fraudásti eum: posuísti in cápite eius corónam de lápide pretióso.

Secreta

Sacris altáribus, Dómine, hóstias superpósitas sanctus Ioánnes Abbas, quæsumus, in salútem nobis proveníre depóscat. Per Dóminum.

Pro Ss. Nabore et Felice
Secreta

Múnera plebis tuæ, quæsumus, Dómine, sanctórum Mártyrum tuórum Náboris et Felícis fiant grata suffrágiis: et quorum triúmphis tuo nómini offerúntur, ipsórum digna perficiántur et méritis. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Prótegat nos, Dómine, cum tui perceptióne sacraménti beátus Ioánnes Abbas, pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

**Pro Ss. Nabore et Felice
Postcommunio**

Natalítiis Sanctórum tuórum, quæsumus, Dómine: ut, sacraménti múnere vegetáti, bonis, quibus per tuam grátiam nunc fovémur, perfruámur ætérnis. Per Dóminum.

**EODEM DIE 12 IULII
SS. NABORIS ET FELICIS
MARTYRUM**

Commemoratio

Missa Salus autem, de Comuni plurimorum Martyrum 3º loco (13), cum orationibus ut in Missa præcedenti.

**DIE 14 IULII
S. BONAVENTURÆ
EP., CONF. ET ECCL. DOCT.**

III classis

Antiphona ad Introitum

Eccli. 15, 5

In médio Ecclésiæ aperuit os eius: et implévit eum Dóminus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Deus, qui pópulo tuo ætérnæ salútis beátum Bonaventúram minístrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

**Léctio Epístolæ beáti Pauli Apóstoli
ad Timótheum**

2 Tim. 4, 1-8

Caríssime: Testíficor coram Déo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustitiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in æternum, secúndum órđinem Melchisedech. Allelúia.

✠ **Sequéntia sancti Evangélii secúndum Matthæum**

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut

mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Sancti Bonaventúre Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis offícia, et illum beáta retribútio comitétur, et nobis grátiæ tuæ dona concíliet. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Deus, fidélium remunerátor animárum: præsta; ut, beáti Bonaventúre Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

DIE 15 IULII

S. HENRICI IMPERATORIS, CONFESSORIS

III classis

Missa Os iusti, de Communi Confessoris non Pontíficis 1º loco (25), præter orationem sequentem:

Oratio

P

Deus, qui hodiérna die beátum Henrícum Confessórem tuum e terréni cúlmine impérii ad regnum ætérnum transtulísti: te súplices exorámus; ut, sicut illum, grátiæ tuæ ubertáte prævéntum, illecebras sæculi superáre fecísti, ita nos fácias, eius imitatióne, mundi huius blandiménta vitáre, et ad te puris méntibus perveníre. Per Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

Postcommunio

C

Refécti cibo potúque cælésti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 16 IULII
BEATÆ MARIÆ VIRGINIS
DE MONTE CARMELO

Commemoratio

Si Commemoratio B. Mariæ Virg. de Monte Carmelo venerit in sabbato, Missa dici potest aut de sancta Maria in sabbato, aut propria de Commemoratione B. Mariæ Virg. de Monte Carmelo.

Antiphona ad Introitum

Gaudeamus omnes in Dómino, diem festum celebrantes sub honóre beátæ Mariæ Virgini: de cuius solemnitáte gaudent Angeli, et collaudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **G**audeamus.

IN MISSIS VOTIVIS:

Antiphona ad Introitum

Sedulius

Salve, sancta parens, eníxa puérpera Regem: qui cælum, terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **S**alve.

Oratio

Deus, qui beatíssimæ semper Virgini et Genetrícis tuæ Mariæ singulári título Carméli órđinem decorásti: concéde propítius; ut, cuius hódie Commemoriatióem solémni celebrámus officio, eius muníti præsídiis, ad gáudia sempitérna perveníre mereámur: Qui vivis.

Léctio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego ma-

ter pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Per te, Dei Génatrix, nobis est vita pérđita data: quæ de cælo suscepísti prolem, et mundo genuísti Salvatórem. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Gaude, María Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génatrix, intercède pro nobis.

Tempore autem paschali omittitur graduale, et eius loco dicitur:

Allelúia, allelúia. **V.** **Num. 17, 8** Virga Iesse flóruit: Virgo Deum et hóminem génuit: pacem Deus réddidit, in se reconcílians ima summis. Allelúia. **V.** **Luc. 1, 28** Ave, María,

grátia plena: Dóminus tecum:
benedícta tu in muliéribus.
Allelúia.

✠ Sequéntia sancti Evangélii se-
cúndum Lucam

Luc. 11, 27-28

In illo témpore: Loquente Iesu ad
turbas, extóllens vocem quæ-
dam múluer de turba, dixit illi: Beá-
tus venter, qui te portávit, et úbera
quæ suxísti. At ille dixit: Quiním-
mo beáti, qui áudiunt verbum Dei,
et custódiunt illud.

Antiphona ad Offertorium

Ierem. 18, 20

Recordáre, Virgo mater, in con-
spéctu Dei, ut loquáris pro nobis
bona, et ut avértat indignatióem
suam a nobis.

Secreta

Sanctífica, Dómine, quæsumus,
obláta libámina; et beátæ Dei
Genetrícis Mariæ salubérrima in-
tercessione, nobis salutária fore
concéde. Per eúndem Dóminum.

Præfatio de B. Maria Virg. Et te in Com-
memoratióne.

Antiphona ad Communionem

Regína mundi digníssima, María
Virgo perpétua, intercède pro no-
stra pace et salúte, quæ genuísti
Christum Dóminum Salvatórem
ómnium.

Postcommunio

Adiuvet nos, quæsumus, Dómine,
gloriósæ tuæ Genetrícis, sem-
pérque Vírginis Mariæ intercéssio
veneránda: ut, quos perpétuis cu-

mulávit beneficiis, a cunctis perícu-
lis absolútos, sua fáciat pietáte con-
córdes: Qui vivis.

DIE 17 IULII

S. ALEXII **CONF.**

Commemoratio

Antiphona ad Introitum

Ps. 36, 30-31

Os iusti meditábitur sapiénti-
am, et lingua eius loquétur
iudícium: lex Dei eius in
corde ipsíus. **Ps. ibid., 1** Noli æmu-
lári in malignántibus: neque zelá-
veris faciéntes iniquitátem. **V.** Gló-
ria Patri. **O**s iusti.

Oratio

Deus, qui nos beáti Aléxii Con-
fessóris tui ánnua solemnitáte
lætificas: concéde propítius; ut, cu-
ius natalítia cólimus, étiam actióes
imitémur. Per Dóminum.

Léctio Epístolæ beáti Pauli Apóstoli
ad Timótheum

1 Tim. 6, 8-12

Caríssime: Est quæstus magnus
piétas cum sufficiéntia. Nihil
enim intúlimus in hunc mundum:
haud dúbium quod nec auferre quid
póssumus. Habéntes autem ali-
ménta, et quibus tegámur, his con-
ténti simus. Nam qui volunt dívites
fieri, incidunt in tentatióem, et in
láqueum diabóli, et desidéria multa
inutília, et nocíva quæ mergunt
hómines in intéritum, et perditio-
nem. Radix enim ómnium malórum
est cupiditas: quam quidam appe-
téntes, erravérunt a fide, et inserué-
runt se dolóribus multis. Tu autem,
o homo Dei, hæc fuge: sectáre vero

iustítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi secúndum Matthæum

Matth. 19, 27-29

In illo témpore: Dixit Petrus ad Iesum: Ecce nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut fílios, aut agros, propter nomen meum, céntuplum accípiet, et vitam ætérnam possidébit.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos

et præsentibus éxui malis confidimus, et futúris. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Refécti cibo potúque cælésti, Deus noster, te súpplíces exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 18 IULII

S. CAMILLI DE LELLIS

CONFESSORIS

III classis

Antiphona ad Introitum

Ioann. 15, 13

Maiórem hac dilectiόνem nemo habet, ut ánimam suam ponat quis pro amícis suis. **Ps. 40, 2** Beátus qui intéllegit super egénium, et páuperem: in die mala liberábit eum Dóminus. **℣.** Glória Patri. **M**aiórem.

Oratio

Deus, qui sanctum Camillum, ad animárum in extrémó agóne luctántium subsidium, singulári caritátis prærogatíva decorásti: eius, quæsumus, méritis, spíritum nobis tuæ dilectiόνis infúnde; ut in hora éxitus nostri hostem vincere, et ad cæléstem mereámur corónam perveníre. Per Dóminum.

Et fit commemoratio Ss. Symphorosæ et septem filiorum eius Martyrum:

Oratio

Deus, qui nos concédís sanctórum Mártyrum tuórum Symphorósæ et filiórum eius natalítia cólere: da nobis in ætérna beatitúdine de eórum societáte gaudére. Per Dóminum.

Léctio Epístolæ beáti Ioánnis
Apóstoli

1 Ioann. 3, 13-18

Caríssimi: Nolíte mirári, si odit vos mundus. Nos scimus, quóniam transláti sumus de morte ad vitam, quóniam dilígimus fratres. Qui non díligit, manet in morte: omnis qui odit fratrem suum, homicída est. Et scitis, quóniam omnis homicída non habet vitam ætérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro fratribus ánimas pónere. Qui habúerit substántiam huius mundi, et víderit fratrem suum necessitátem habére, et cláuserit víscera sua ab eo: quómodo caritas Dei manet in eo? Filíoli mei, non diligámus verbo, neque lingua, sed ópere, et veritáte.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **Ps. 111, 1** Beátus vir, qui timet Dóminum: in mandátis eius cupit nimis. Allelúia.

Allelúia, allelúia. Ps. 111, 1 Beátus vir, qui timet Dóminum: in mandátis eius cupit nimis. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **Ps.** Potens in terra erit semen eius:

generátio rectórum benedicétur. **Ps.** Glória et divítiae in domo eius: et iustítia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. **Ps. 111, 1** Beátus vir, qui timet Dóminum: in mandátis eius cupit nimis. Allelúia. **Ps. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Ioánnem

Ioann. 15, 12-16

In illo témpore: Dixit Iesus discí-pulis suis: Hoc est præcéptum meum, ut diligátis invicem, sicut diléxi vos. Maiórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípio vobis. Iam non dicam vos servos: quia servus nescit quid fáciat dóminus eius. Vos autem dixi amícos: quia ómnia quaecúmque audívi a Patre meo, nota feci vobis. Non vos me elegístis: sed ego elégi vos, et pósui vos, ut eátis, et fructum afferátis: et fructus vester máneat: ut quodcúmque petiérítis Patrem in nómine meo, det vobis.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei.

Secreta

Hóstia immaculáta, qua illud Dómini nostri Iesu Christi imménsæ caritátis opus renovámus,

sit, Deus Pater omnípotens, sancto Camillo intercedente, contra omnes córporis et ánimæ infirmitates salutáre remédium, et in extrémó agóne solátium et tutéla. Per eúndem Dóminum.

Pro Ss. Symphorosa et septem filiis eius **Secreta**

Múnera, tibi, Dómine, nostræ devotiónis offéri-mus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem
Matth. 25, 36 et 40

Infirmus fui, et visitástis me. Amen, amen dico vobis: Quámdiu fecístis uni ex his frátribus meis mínimis, mihi fecístis.

Postcommunio

Per hæc cæléstia aliménta, quæ sancti Camilli Confessóris tui solémnia celebránte, pia devotióne suscepimus: da, quæsumus, Dómine; ut in hora mortis nostræ sacraméntis refécti, et culpis ómnibus expiáti, in sinum misericórdiæ tuæ læti súscipi mereámur: Qui vivis et regnas.

Pro Ss. Symphorosa et septem filiis eius **Postcommunio**

Præsta nobis, quæsumus, Dómine: intercedéntibus sanctis Martýribus tuis Symphorósa et filiis eius; ut, quod ore contíngimus, pura mente capiámus. Per Dóminum.

EODEM DIE 18 IULII
SS. SYMPHOROSÆ ET
SEPTEM FILIORUM EIUS
MARTYRUM

Commemoratio

Missa ut in festo Ss. duodecim Fratrum Mart., die 1 septembris, 659 cum orationibus ut in Missa præcedenti.

DIE 19 IULII
S. VINCENTII A PAULO
CONFESSORIS

III classis

Antiphona ad Introitum
Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri. **Iustus.**

Oratio

Deus, qui ad evangelizándum paupéribus et ecclesiástici órdis decórem promovéndum, beátum Vincéntium apostólica virtúte roborásti: præsta, quæsumus; ut, cuius pia mérita venerámur, virtútum quoque instruámur exémpis. Per Dóminum.

Léctio Epístolæ beáti Pauli Apóstoli ad Corínthios

1 Cor. 4, 9-14

Fratres: Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et

cólaphis cædimur, et instábiles sumus, et laborámus operántes máni-bus nostris: maledícimur, et bene-dícimus: persecutióne[m] pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Iesu Dómino nostro.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non sup-plantabúntur gressus eius.

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangélíi se-cúndum Lucam

Luc. 10, 1-9

In illo témpore: Designávit Dómi-nus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii au-tem pauci. Rogáte ergo Dóminum messis, ut mittat operários in mes-sem suam. Ite: ecce, ego mitto vos sicut agnos inter lupos. Nolíte por-táre sácculum, neque peram, neque calceaménta, et néminem per viam salutavéritis. In quamcúmque do-mum intravéritis, primum dícite: Pax huic dómui: et si ibi fúerit filius pacis, requiéscet super illum pax vestra: sin autem, ad vos re-vertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in

quamcúmque civitátem intravéritis, et suscepérint vos, manducáte quæ apponúntur vobis: et curáte infír-mos, qui in illa sunt, et dícite illis: Appropinquávit in vos regnum Dei.

Antiphona ad Offertorium

Ps. 20, 2-3

In virtúte tua, Dómine, lætábitur iustus: et super salutáre tuum ex-sultábit veheménter: desidérium ánimæ eius tribuísti ei.

Secreta

Præsta nobis, quæsumus, omní-potens Deus: ut nostræ humi-litátis oblátio et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Antiphona ad Communionem

Matth. 19, 28 et 29

Amen dico vobis: quod vos, qui reliquístis ómnia et secúti estis me, céntuplum accipiétis, et vitam ætérnam possidébitis.

Postcommunio

Quæsumus, omnípotens Deus: ut, qui cæléstia aliménta percé-pimus, intercedénte beáto Vincén-tio Confessóre tuo, per hæc contra ómnia advérsa muniámur. Per Dó-minum.

DIE 20 IULII

S. HIERONYMI ÆMILIANI
CONFESSORIS

III classis

Antiphona ad Introitum

Thren. 2, 11

Effúsum est in terra iecur meum super contritióne fi-liæ pópuli mei, cum deficeret

párvulus et lactens in platéis óp-
pidi. **Ps. 112, 1** Laudáte, púeri, Dómi-
num: laudáte nomen Dómini. **V.**
Glória Patri. **Effúsum.**

Oratio

Deus, misericordiárum pater,
per mérita et intercessiónem
beáti Hierónymi, quem órphanis
adiutórem et patrem esse voluísti:
concéde; ut spíritum adoptiónis,
quo fílii tui nominámur et sumus,
fidéliter custodiámus. Per Dómi-
num.

**Et fit commemoratio S. Margaritæ
Virginis et Martyris:**

Oratio

Indulgéntiam nobis quæsu-
mus, Dómine, beáta Marga-
rita Virgo et Martyr implóret:
quæ tibi grata semper éxstitit
et mérito castitátis, et tuæ pro-
fessiône virtútis. Per Dóminum.

Léctio Isaíæ Prophétæ

Isaí. 58, 7-11

Hæc dicit Dóminus: Frange esu-
riénti panem tuum, et egénos,
vagósque induc in domum tuam:
cum víderis nudum, óperi eum, et
carnem tuam ne despéxeris. Tunc
erúmpet quasi mane lumen tuum,
et sánitas tua cítius oriétur, et an-
teíbit fáciem tuam iustítia tua, et
glória Dómini cólliget te. Tunc in-
vocábis, et Dóminus exáudiet: cla-
mábis, et dicet: Ecce adsum; si
abstúleris de médio tui caténam et
desíeris exténdere dígitum, et loqui
quod non prodest. Cum effúderis
esuriénti ánimam tuam, et ánimam
afflíctam repléveris, oriétur in téne-
bris lux tua, et ténebræ tuæ erunt
sicut merídies. Et réquiem tibi da-
bit Dóminus semper, et implébit

splendóribus ánimam tuam, et ossa
tua liberábit, et eris quasi hortus
irríguus, et sicut fons aquárum,
cuius non deficient aquæ.

Graduale Prov. 5, 16 Derivéntur
fontes tui foras, et in platéis aquas
tuas dívide. **V. Ps. 111, 5-6** Iucúndus
homo, qui miserétur, et cómmodat:
dispónet sermónes suos in iudício,
quia in ætérnum non commovébi-
tur.

Allelúia, allelúia. **V. Ibid., 9** Dis-
pérsit, dedit paupéribus, iustítia
eius manet in sáeculum sáeculi. Al-
lelúia.

**¶ In Missis votivis tempore paschali
omíttitur graduale, et eius loco dicitur:**

Allelúia, allelúia. **V. Ps. 111,
1** Beátus vir qui timet Dómi-
num, in mandátis eius cupit
nimis. Allelúia. **V. Ibid., 9** Dis-
pérsit, dedit paupéribus: iustí-
tia eius manet in sáeculum sáe-
culi. Allelúia.

✠ Sequéntia sancti Evangélii se-
cúndum Matthæum

Matth. 19, 13-21

In illo témpore: Obláti sunt Iesu
párvuli, ut manus eis impóne-
ret, et oráret. Discípuli autem in-
crepábant eos. Iesus vero ait eis:
Sínite párvulos, et nolíte eos pro-
hibére ad me veníre: tálium est
enim regnum cælórum. Et cum
imposuísset eis manus, ábiit inde.
Et ecce unus accédens, ait illi: Ma-
gíster bone, quid boni fáciam ut
hábeam vitam ætérnam? Qui dixit
ei: Quid me intérogas de bono?
Unus est bonus, Deus. Si autem vis
ad vitam ingredi, serva mandáta.
Dicit illi: Quæ? Iesus autem dixit:
Non homicídium fácies: Non adul-
terábis: Non fácies furtum: Non

falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia hæc custodívi a iuventúte mea: quid adhuc mihi deest? Ait illi Iesus: Si vis perféctus esse, vade, vende quæ habes, et da paupéribus, et habébis thesáurum in cælo: et veni, séquere me.

Antiphona ad Offertorium

Tob. 12, 12

Quando orábas cum lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos: ego óbtuli oratiónem tuam Dómino.

Secreta

Clementíssime Deus, qui, véteri hómine consúmpto, novum secúndum te in beáto Hierónymo creáre dignátus es: da, per mérita ipsíus; ut nos páriter renováti, hanc placatiónis hóstiam in odórem tibi suavíssimum offerámus. Per Dóminum.

Pro S. Margarita

Secreta

Hóstias tibi, Dómine, beátæ Margaritæ Vírginis et Mátyris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Antiphona ad Communionem

Iac. 1, 27

Relígio munda et immaculáta apud Deum et Patrem, hæc est: Visitáre pupílos, et víduas in tribulatióne eórum, et immaculátum se custodíre ab hoc sæculo.

Postcommunio

Angelórum pane refécti te, Dómine, suppliciter deprecámur: ut, qui ánnuam beáti Hierónymi Confessóris tui memóriam celebráre gaudémus; eiúsdem étiam et exémplum imitémur, et amplíssimum in regno tuo præmíum obtinére valeámus. Per Dóminum.

Pro S. Margarita

Postcommunio

Divíni múnemis largitáte satiáti, quæsumus, Dómine Deus noster: ut, intercedénte beáta Margarita Vírgine et Mátyre tua, in eius semper participatióne vivámus. Per Dóminum.

EODEM DIE 20 IULII

S. MARGARITÆ

VIRGINIS ET MARTYRIS

Commemoratio

Missa Me expectavérunt, de Communi Virginum 2º loco. (31)

DIE 21 IULII

S. LAURENTII DE BRUNDUSIO

**CONFESSORIS ET ECCLESIAE
DOCTORIS**

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Deus, qui ad árdua quæque pro nóminis tui glória et animárum salúte beáto Lauréntio, Con-

fessóri tuo atque Doctóri, spírítum sapiéntiæ et fortitúdinis contulísti: da nobis in eódem spírítu et agénda cognóscere; et cógnita, eius intercessióne, perfícere. Per Dóminum.

Et fit commemoratio S. Praxedis Virginis:

Oratio

Exáudi nos, Deus, salutáris noster: ut, sicut de beátæ Praxédis Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epistolæ beáti Pauli
Apóstoli ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. *Ps.* Lex Dei

eius in corde ipsíus: et non supplantabúntur gressus eius.

Allelúia, allelúia. *Ps. Eccli. 45, 9* Amávit eum Dóminus, et ornávit eum: stolam glóriæ induit eum. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. *Ps.* Potens in terra erit semen eius: generátio rectórum benedicétur. *Ps.* Glória et divítiæ in domo eius: et iustítia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. *Ps. Eccli. 45, 9* Amávit eum Dóminus, et ornávit eum: stolam glóriæ induit eum. Allelúia. *Ps. Osee 14,* Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii secúndum Matthæum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam

veni solvere legem, aut prophetas: non veni solvere, sed adimplere. Amen quippe dico vobis, donec transeat caelum et terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno caelorum: qui autem fecerit, et docuerit, hic magnus vocabitur in regno caelorum.

Antiphona ad Offertorium

Ps. 91, 13

Iustus ut palma florabit: sicut cedrus, quae in Libano est, multiplicabitur.

Secreta

Sancti Lauréntii Confessoris tui atque Doctoris nobis, Domine, pia non desit oratio: quae et munera nostra conciliet; et tuam nobis indulgentiam semper obtineat. Per Dominum nostrum.

Pro S. Praxede

Secreta

Accépta tibi sit, Domine, sacratae plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Antiphona ad Communionem

Luc. 12, 42

Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio

Ut nobis, Domine, tua sacrificia dent salutem: beatus Laurentius Confessor tuus et Doctor egregius, quaesumus, precator accedat. Per Dominum.

Pro S. Praxede Postcommunio

Satiasti, Domine, familiam tuam muneribus sacris: eius, quaesumus, semper interventione nos refove, cuius sollemnia celebramus. Per Dominum.

EODEM DIE 21 IULII

S. PRAXEDIS VIRGINIS

Commemoratio

Antiphona ad Introitum

Ps. 118, 46-47

Loquebar de testimoniis tuis in conspectu regum, et non confundabar: et meditabar in mandatis tuis, quae dilexi nimis. **Ps. ibid., 1** Beati immaculati in via: qui ambulant in lege Domini. **V.** Gloria Patri. **L**oquebar.

Oratio

Exaudi nos, Deus, salutaris noster: ut, sicut de beatae Praxedis Virginis tuae festivitate gaudemus; ita pie devotionis erudiamur affectu. Per Dominum.

Lectio Epistolae beati Pauli
Apostoli ad Corinthios

1 Cor. 7, 25-34

Fratres: De virginibus praeceptum Domini non habeo: consilium autem do, tamquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli quaerere solutionem. Solutus es ab uxore? noli quaerere uxorem. Si autem acceperis uxorem, non peccasti. Et si nupserit virgo, non peccavit: tribulationem tamen carnis

habébunt huiúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes, et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitúde esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divísus est. Et múluer innúpta, et virgo cógitat quæ Dómini sunt, ut sit sancta córpore, et spíritu: in Christo Iesu Dómino nostro.

Graduale Ps. 44, 8 Dilexísti iustítiam, et odísti iniquitátem. **℣.** Proptérea unxit te Deus, Deus tuus, óleo lætítiæ.

Allelúia, allelúia. **℣. Ibid., 5** Spécie tua, et pulchritúde tua inténde, prospere procéde, et regna. Allelúia.

✠ Sequéntia sancti Evangélíi
secúndum Mattháeum

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam.

Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifamílias, qui profert de thesáuro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatione percepísse cognóscit auxílium. Per Dóminum.

Antiphona ad Communionem

Matth. 13, 45-46

Símile est regnum cælórum hómini negotiátóri, quærénti bonas margarítas: invénta autem una pretiósa margaríta, dedit ómnia sua, et comparávit eam.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 22 IULII

S. MARIAE MAGDALENÆ
PÆNITENTIS

III classis

Antiphona ad Introitum

Ps. 118, 95-96

Me expectavérunt peccatóres, ut pérderent me: testimónia tua, Dómine, intellexi: omnis consummationis vidi finem: latum mandátum tuum nimis. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **M**e expectavérunt.

Oratio

Beátæ Mariæ Magdalénæ, quæsumus, Dómine, suffrágiis adiuvémur: cuius précibus exorátus, quatríduánum fratrem Lázarum vivum ab ínferis resuscitásti: Qui vivis.

Léctio libri Sapiéntiæ

Cant. 3, 2-5, 8, 6-7

Surgam, et circuibo civitátem: per vicos et platéas quæram quem diligit ánima mea: quæsívi illum, et non invéni. Invenérunt me vígiles, qui custódiunt civitátem: Num quem diligit ánima mea, vidístis? Páululum cum pertransíssem eos, invéni quem diligit ánima mea: ténui eum, nec dimíttam donec introdúcam illum in domum matris meæ, et in cubículum genetrícis meæ. Adiúro vos, filiae Ierúsalem, per cápreas, cervósque campórum, ne suscitétis, neque evigiláre faciátis diléctam donec ipsa velit. Pone me ut signáculum super cor tuum, ut signáculum super brácchium tuum: quia fortis est ut mors diléctio, dura sicut inférnus æmulátio: lám-

pades eius, lámpades ignis atque flammárum. Aquæ multæ non potuérunt exstinguere caritátem, nec flúmina óbruent illam: si déderit homo omnem substántiam domus suæ pro dilectióne, quasi nihil despíciat eam.

Graduale Ps. 44, 8 Dilexísti iustítiam, et odísti iniquitátem. **V.** Prop-térea unxit te Deus, Deus tuus, óleo lætítiæ.

Allelúia, allelúia. **V. Ibid., 3** Dif-fúsa est grátia in lábiis tuis: prop-térea benedíxit te Deus in ætérnum. Allelúia.

✠ Sequéntia sancti Evangélii se-cúndum Lucam

Luc. 7, 36-50

In illo témpore: Rogábat Iesum quidam de pharisæis, ut manducáret cum illo. Et ingressus domum pharisæi, discúbuit. Et ecce múluer, quæ erat in civitáte peccátrix, ut cognóvit, quod accubuísset in domo pharisæi, áttulit alabástrum unguénti: et stans retro secus pedes eius, lácrimis cœpit rigáre pedes eius, et capíllis cápitis sui tergébat, et osculabátur pedes eius, et unguénto ungébat. Videns autem pharisæus, qui vocáverat eum, ait intra se, dicens: Hic si esset prophéta, sciret útique, quæ et qualis est múluer, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquid dicere. At ille ait: Magíster, dic. Duo debitóres erant cuídám fæneratóri: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus diligit? Respóndens Simon, dixit: Æstimo

quia is, cui plus donávit. At ille dixit ei: Recte iudicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedísti: hæc autem lácrimis rigávit pedes meos, et capíllis suis tersit. Osculum mihi non dedísti: hæc autem, ex quo intrávit, non cesávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et coépérunt, qui simul accumbébant, dícere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

Antiphona ad Offertorium

Ps. 44, 10

Fíliæ regum in honóre tuo: ástitit regína a dextris tuis in vestítu deauráto, circúmdata varietáte.

Secreta

Múnera nostra, quæsumus, Dómine, beátæ Mariæ Magdalénæ gloriósa mérita tibi reddant accépta: cuius oblatiónis obséquium unigénitus Fílius tuus cleménter suscepit impénsus: Qui tecum.

Antiphona ad Communionem

Ps. 118, 121, 122 et 128

Feci iudícium, et iustítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio

Sumpto, quæsumus, Dómine, único ac salutári remédio, Córpo et Sáanguine tuo pretióso: ab ómnibus malis, sanctæ Mariæ Magdalénæ patrocíniis, eruámur: Qui vivis et regnas.

DIE 23 IULII

S. APOLLINARIS EPISCOPI ET MARTYRIS

III classis

Antiphona ad Introitum

Dan. 3, 84 et 87

Sacerdótes Dei benedícite Dóminum: sancti, et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in sácula. **V.** Glória Patri. Sacerdótes.

Oratio

Deus, fidélium remunerátor animárum, qui hunc diem beáti Apollináris Sacerdótis tui martýrio consecrásti: tríbue nobis, quæsumus, fámulis tuis; ut, cuius venerándam celebrámus festivitátem, précibus eius indulgéntiam consequámur. Per Dóminum.

Et fit commemoratio S. Liborii Episcopi et Confessoris:

Oratio

Da, quæsumus, omnípotens Deus: ut beáti Libórii Confessóris tui atque Pontíficis veneránda solémnitas, et devotiónem nobis áugeat, et salutem. Per Dóminum.

Léctio Epístolæ beāti Petri Apóstoli

1 Petr. 5, 1-11

Caríssimi: Seniores, qui in vobis sunt, obsecro, consenior et testis Christi passionum: qui et eius, quæ in futuro revelanda est, gloriæ communicator: pascite qui in vobis est gregem Dei, providentes non coacte, sed spontanee secundum Deum: neque turpis lucri gratia, sed voluntarie: neque ut dominantes in cleris, sed forma facti gregis ex animo. Et cum apparuerit princeps pastorum, percipietis immarcescibilem gloriæ coronam. Similiter adolescentes, subditi estote senioribus. Omnes autem invicem humilitatem insinuate: quia Deus superbis resistit, humilibus autem dat gratiam. Humiliamini igitur sub potenti manu Dei, ut vos exaltet in tempore visitationis: omnem sollicitudinem vestram proicientes in eum, quoniam ipsi cura est de vobis. Sobrii estote, et vigilate: quia adversarius vester diabolus tamquam leo rugiens circuit, quaerens quem devoret: cui resistite fortes in fide: scientes eandem passionem ei, quæ in mundo est, vestræ fraternitati fieri. Deus autem omnis gratiæ, qui vocavit nos in æternam suam gloriam in Christo Iesu, modicum passus ipse perficiet, confirmabit, solidabitque. Ipsi gloria, et imperium in sæcula sæculorum. Amen.

Graduale Ps. 88, 21-23 Invēni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. **V.** Nihil proficiet inimicus in eo, et filius iniquitatis non nocēbit ei.

Allelúia, allelúia. **V. Ps. 109, 4** Iuravit Dóminus, et non pœnitēbit

eum: tu es sacerdos in ætérnum, secundum ordinem Melchisedech. Allelúia.

✠ Sequéntia sancti Evangélii secundum Lucam

Luc. 22, 24-30

In illo tempore: Facta est contentio inter discipulos, quis eorum videretur esse maior. Dixit autem eis Iesus: Reges gentium dominantur eorum; et qui potestatem habent super eos, benefici vocantur. Vos autem non sic: sed qui maior est in vobis, fiat sicut minor: et qui præcessor est, sicut ministrator. Nam quis maior est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat. Vos autem estis, qui permansistis mecum in tentationibus meis: et ego dispōno vobis, sicut dispōsuit mihi Pater meus regnum, ut edátis, et bibátis super mensam meam in regno meo: et sedeátis super thronos, iudicantes duodecim tribus Israël.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltabitur cornu eius.

Secreta

Respice, Dómine, propítius super hæc múnera: quæ pro beāti Sacerdotis et Mátyris tui Apollináris commemoratióne deférimus, et pro nostris offensió nibus immolámus. Per Dóminum.

Pro S. Liborio

Secreta

Sancti tui, quæsumus, Dómine, nos ubique lætificent: ut, dum eorum mérita recóli-

mus, patrocínia sentiámus. Per Dóminum.

Antiphona ad Communionem

Matth. 25, 20 et 21

Dómine, quinque talénta tradidísti mihi, ecce ália quinque superlucrátus sum. Euge, serve bone et fidélis, quia in pauca fuísti fidélis, supra multa te constítuam: intra in gáudium dómini tui.

Postcommunio

Tua sancta suméntes, quáesumus, Dómine, ut beáti Apollináris nos fóveant continuáta præsídia: quia non désinis propítius intuéri, quos tálibus auxiliis concésseris adiuvári. Per Dóminum.

Pro S. Liborio Postcommunio

Præsta, quáesumus, omnípotens Deus: ut, de percéptis munéribus grátias exhibéntes, intercedénte beáto Libório Confessóre tuo atque Pontífice, beneficia potióra sumámus. Per Dóminum.

EODEM DIE 23 IULII

S. LIBORII EP. ET CONF.

Commemoratio

Missa Státuit, de Communi Confessoris Pontificis 1^o loco. (20)

DIE 24 IULII

S. CHRISTINÆ

VIRGINIS ET MARTYRIS

Commemoratio

Missa Me expectavérunt, de Communi Virginum 2^o loco. (31)

Oratio

C

Indulgéntiam nobis, quáesumus, Dómine, beáta Christína Virgo et Martyr implóret: quæ tibi grata semper éxstitit, et mérito castitátis, et tuæ professione virtútis. Per Dóminum.

Secreta

C

Hóstias tibi, Dómine, beátæ Christínæ Vírginis et Mátyris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

C

Divíni múnneris largitáte satiáti, quáesumus, Dómine Deus noster: ut, intercedénte beáta Christína Vírgine et Mátyre tua, in eius semper participatióne vivámus. Per Dóminum.

DIE 25 IULII

S. IACOBI APOSTOLI

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri. **Mi**hi autem.

Oratio

Esto, Dómine, plebi tuæ sanctificátor et custos: ut, Apóstoli tui Iacóbi muníta præsídiis, et conversatióne tibi pláceat, et secúra mente desérviat. Per Dóminum.

Et fit commemoratio S. Christophori Martyris:

Oratio

Præsta, quáesumus, omnípotens Deus: ut, qui beáti Christóphori Mátyris tui natalítia cólimus, intercessióne eius in tui nóminis amóre roborémur. Per Dóminum.

Lectio Epistolæ beāti Pauli Apóstoli
ad Corínthios

1 Cor. 4, 9-15

Fratres: Puto, quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et homínibus. Nos stulti propter Christum, vos autem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes má-nibus nostris: maledícimur, et benedícimus: persecutió-nem pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo. Nam si decem míllia pædagogórum habéatis in Christo: sed non multos patres. Nam in Christo Iesu per Evangélium ego vos génui.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V. Ioann. 15, 16** Ego vos elégi de mundo, ut eátis, et fructum afferátis: et fructus vester máneat. Allelúia.

✠ Sequéntia sancti Evangélíi secúndum Matthæum

Matth. 20, 20-23

In illo témpore: Accéssit ad Iesum mater filiórum Zebedæi cum filiis suis, adórans, et petens áliquid ab eo. Qui dixit ei: Quid vis? Ait illi:

Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Iesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinístram, non est meum dare vobis, sed quibus parátum est a Patre meo.

Credo.

Antiphona ad Offertorium

Ps. 18, 5

In omnem terram exívit sonus eórum: et in fines orbis terræ verba eórum.

Secreta

Oblatiónes pópuli tui, quæsumus, Dómine, beāti Iacóbi Apóstoli pássio beáta concíliet: et quæ nostris non aptæ sunt méritis, fiant tibi plácitæ eius deprecatióne. Per Dóminum.

Pro S. Christophoro Secreta

Munéribus nostris, quæsumus, Dómine, precibúsque suscéptis: et cæléstibus nos munda mystériis, et cleménter exáudi. Per Dóminum.

Præfatio de Apostolis.

Antiphona ad Communionem

Matth. 19, 28

Vos, qui secúti estis me, sedébitis super sedes, iudicántes duódecim tribus Israël.

Postcommunio

Beāti Apóstoli tui Iacóbi, quæsumus, Dómine, intercessióne nos ádiuva: pro cuius festivitáte percépimus tua sancta lætántes. Per Dóminum.

**Pro S. Christophoro
Postcommunio**

Da, quæsumus, Dómine Deus noster: ut, sicut tuórum commemoratióne Sanctórum temporáli gratulámur offício; ita perpétuo lætémur aspéctu. Per Dóminum.

¶ *In Missis votivis omnia dicuntur ut supra, sed post Septuagesimam, omissis Allelúia, et versu sequenti, dicitur:*

Tractus Ps. 20, 3-4 Desidérium ánimæ eius tribuísti ei: et voluntáte labiórurn eius non fraudásti eum. *℣.* Quóniam prævenísti eum in benedicti-ónibus dulcédinis. *℣.* Posuísti in cápíte eius corónam de lá-pide pretiósó.

Tempore autem paschali ut supra, præter sequentia:

**Antiphona ad Introitum
Ps. 63, 3**

Protexísti me, Deus, a convéntu malignántium, allelúia: a multitúdine operántium iniquitátem, allelúia, allelúia. **Ps. ibid., 2** Exáudi, Deus, oratióne meam cum deprecor: a timóre inimíci éripe ánimam meam. *℣.* Glória Patri. **P**rotexísti.

Post Epistolam omittitur graduale, et eius loco dicitur:

Allelúia, allelúia. *℣.* **Ioann. 15, 16** Ego vos elégi de mundo, ut eátis, et fructum afferátis: et fructus vester máneat. Allelúia. *℣.* **Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia.

**Antiphona ad Offertorium
Ps. 88, 6**

Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

**Antiphona ad Communionem
Ps. 63, 11**

Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

EODEM DIE 25 IULII

S. CHRISTOPHORI MARTYRIS

Commemoratio

Missa In virtúte, de Communi unius Martyris 3º loco (7).

DIE 26 IULII

S. ANNÆ MATRIS B. M. V.

II classis

Antiphona ad Introitum

Gaudeámus omnes in Dómino, diem festum celebrántes sub honóre beátæ Annæ: de cuius solemnitáte gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. *℣.* Glória Patri. **G**audeámus.

Oratio

Deus, qui beátæ Annæ grátiam conférre dignátus es, ut Genetrícis unigéniti Fílii tui mater éffici mererétur: concéde propítius; ut, cuius solémnia celebrámus, eius apud te patrocíniis adiuvémur. Per eúndem Dóminum.

Lectio libri Sapiéntiæ

Prov. 31, 10-31

Mulierem fortem quis invéniet? Procul, et de últimis fínibus prétium eius. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrexit, deditque prædam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit brácchium suum. Gustávit, et vidit quia bona est negotiatio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apérui inopi, et palmas suas exténdit ad páuperem. Non timébit dómúi suæ a frigóribus nivis: omnes enim doméstici eius vestíti sunt dúplícibus. Stragulátam vestem fecit sibi: byssus, et púrpura induméntum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cingulum trádedit Chananæo. Fortitúdo et decor induméntum eius, et ridébit in die novíssimo. Os suum apérui sapiéntiæ, et lex cleméntiæ in lingua eius. Considerávit sémitas domus suæ, et panem otíosa non comédit. Surrexérunt filii eius, et beatíssimam prædicavérunt: vir eius, et laudávit eam. Multæ fíliæ congregavérunt divítias: tu supergréssa es univérsas. Fallax grátia, et vana est pulchritúdo: múlíer timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 44, 8 Dilexísti iustítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúia, allelúia. **V. Ibid., 3** Diffúsa est grátia in lábiis tuis: proptérea benedíxit te Deus in ætérnum. Allelúia.

✠ Sequéntia sancti Evangélii secúndum Matthæum

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretíosa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifamílias, qui profert de thesáuro suo nova et vétera.

Antiphona ad Offertorium

Ps. 44, 10

Fíliæ regum in honóre tuo, ástitit regína a dextris tuis in vestítu deauráto, circúmdata varietáte.

Secreta

Sacrificiis præséntibus, quæsumus, Dómine, placátus inténde: ut per intercessiόνem beátæ Annæ, quæ Genetrícis Fílii tui Dómini nostri Iesu Christi mater éxstitit, et devotióni nostræ proficiant, et salúti. Per eúndem Dóminum.

Antiphona ad Communionem**Ps. 44, 3**

Diffúsa est grátia in lábiis tuis: proptérea benedíxit te Deus in ætérnum, et in sáeculum sáeculi.

Postcommunio

Cæléstibus sacraméntis vegetáti, quæsumus, Dómine Deus noster: ut, intercessiόνem beátæ Annæ, quam Genetrícis Fílii tui matrem esse voluísti, ad ætérnam salútem perveníre mereámur. Per eúndem Dóminum.

¶ **In Missis votivis:****Antiphona ad Introitum****Ps. 118, 75 et 120**

Cognóvi, Dómine, quia æquitas iudícia tua, et in veritáte tua humiliásti me: confíge timóre tuo carnes meas, a mandátis tuis tímui. **Ps. ibid., 1** Beáti immaculáti in via: qui ámbulant in lege Dómini. **V. Glória Patri. C**ognóvi.

Post Septuagesimam dicitur:

Graduale Ps. 44, 3 Diffúsa est grátia in lábiis tuis: proptérea benedíxit te Deus in ætérnum. **V. Ibid., 5** Propter veritátem, et mansuetúdinem, et iustítiam: et dedúcet te mirábiliter dextera tua.

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, oleo lætítiæ præ consórtibus tuis. **V. Ibid., 5** Spécie tua, et pulchritúde tua inténde, prospere procéde, et regna.

Tempore paschali omittitur graduale, et eius loco dicitur:

Allelúia, allelúia. **V. Ps. 44, 3** Diffúsa est grátia in lábiis tuis: proptérea benedíxit te Deus in ætérnum. Allelúia. **V. Ibid., 5** Spécie tua, et pulchritúde tua inténde, prospere procéde, et regna. Allelúia.

DIE 27 IULII**S. PANTALEONIS MARTYRIS****Commemoratio****Missæ** Lætábitur, de **Communi unius Martyris 4º loco** (8).**Oratio****C**

Præsta, quæsumus, omnípotens Deus: ut, intercedénte beáto Pantaleóne Mártyre tuo, et a cunctis adversitátibus liberémur in corpore, et a pravis cogitatióibus mundémur in mente. Per Dóminum.

Secreta**C**

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitáte defértur. Per Dóminum.

Postcommunio

C

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedente beáto Pantaleóne Mártyre tuo, sentiámus efféctum. Per Dóminum.

DIE 28 IULII

SS. NAZARII ET CELSI

MARTYRUM

VICTORIS I

PAPÆ ET MARTYRIS

AC INNOCENTII I

PAPÆ ET CONFESSORIS

III classis

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam, polluérunt templum sanctum tuum: posuérunt Ierúsalem in pomórum custódiam. **V.** Glória Patri. **I**ntret.

Oratio

Sanctórum tuórum nos, Dómine, Nazárii, Celsi, Victóris et Innocéntii conféssio beáta commúniat: et fragilitáti nostræ subsídium dignánte exóret. Per Dóminum.

Léctio libri Sapiéntiæ

Sap. 10, 17-20

Réddidit Deus iustis mercédem labórum suórum, et dedúxit illos in via mirábili: et fuit illis in

velaménto diéi, et in luce stellárum per noctem: tránstulit illos per Mare Rubrum, et transvéxit illos per aquam nímiam. Inimícos autem illórum demérsit in mare, et ab altitúde inferórum edúxit illos. Ideo iusti tulérunt spólia impiórum, et decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúia, allelúia. **V. Eccli. 44, 14** Córpora sanctórum in pace sepúlta sunt, et nómina eórum vivent in generatióne et generatióne. Allelúia.

✠ Sequéntia sancti Evangélii secúndum Lucam

Luc. 21, 9-19

In illo témpore: Dixit Iesus discipulis suis: Cum audiéritis próelia et seditiões, nolíte terréri: opórtet primum hæc fieri, sed nondum statim finis. Tunc dicébat illis: surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia iniíciant vobis manus suas, et persequéntur tradéntes in synagógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmódum

respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem a paréntibus, et frátribus, et cogná-tis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra possidébitis ánimas vestras.

Antiphona ad Offertorium

Ps. 67, 36

Mirábilis Deus in sanctis suis: Deus Israél, ipse dabit virtútem, et fortitúdinem plebi suæ: benedíctus Deus, allelúia.

Secreta

Concède nobis, omnípotens Deus: ut his munéribus, quæ in sanctórum tuórum Nazárii, Celsi, Victóris et Innocéntii honóre deférimus, et te placémus exhibitis, et nos vivificémur accéptis. Per Dóminum.

Antiphona ad Communionem

Sap. 3, 4, 5 et 6

Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

Sanctórum Nazárii, Celsi, Victóris et Innocéntii, Dómine, intercessióne placátus: præsta, quæsumus; ut, quod temporáli celebrámus actióne, perpétua salvatióne capiámus. Per Dóminum.

DIE 29 IULII

S. MARTHÆ VIRGINIS

III classis

Antiphona ad Introitum

Ps. 44, 8

Dilexisti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **Dilexisti.**

Oratio

Exáudi nos, Deus, salutáris noster: ut, sicut de beátæ Marthæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Et fit commemoratio Ss. Felicis Simplicii, Faustini et Beatricis Martyrum:

Oratio

Præsta, quæsumus, Dómine: ut, sicut pópulus christiánus Mártyrum tuórum Felicis, Simplicii, Faustini et Beatricis temporáli solemnitáte congáudet, ita perfruátur æténa; et, quod votis célebrat, comprehendat efféctu. Per Dóminum.

Léctio Epístolæ beáti Pauli Apóstoli ad Corínthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **V.** Propter veritátem, et mansuetúdinem, et iustitiam, et dedúcet te mirabíliter dextera tua.

Allelúia, allelúia. **V. Ibid., 15-16** Adducéntur Regi vírgines post eam: próximæ eius afferéntur tibi in lætítia. Allelúia.

✠ Sequéntia sancti Evangélíi secúndum Lucam

Luc. 10, 38-42

In illo témpore: Intrávit Iesus in quoddam castéllum: et múlíer quædam Martha nómine, excépit illum in domum suam: et huic erat soror nómine María, quæ étiam sedens secus pedes Dómini, audiébat verbum illíus. Martha autem satagébat circa frequens ministérium: quæ stetit, et ait: Dómine, non est tibi curæ quod soror mea relíquit me solam ministráre? dic ergo illi, ut me ádiuvet. Et respóndens, dixit illi Dóminus: Martha, Martha, solícita es, et turbáris erga plúrima: porro unum est necessárium. María óptimam partem elégit, quæ non auferétur ab ea.

Antiphona ad Offertorium

Ps. 44, 10

Fíliæ regum in honóre tuo, ástitit regína a dextris tuis in vestítu deauráto, circúmdata varietáte.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Pro Ss. Felice, Simplicio, Faustino et Beatrice **Secreta**

Hóstias tibi, Dómine, pro sanctórum Mártyrum tuórum Felícis, Simplicii, Faustíni et Beatricis commemoratióne deférimus: suppliciter deprecántes; ut indulgéntiam nobis páriter cónferant, et salútem. Per Dóminum.

Antiphona ad Communionem

Matth. 25, 4 et 6

Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Pro Ss. Felice, Simplicio, Faustino et Beatrice
Postcommunio

Præsta, quæsumus, omnípotens Deus: ut sanctórum Mártyrum tuórum Felícis, Simplicii, Faustíni et Beatricis cæléstibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

EODEM DIE 29 IULII

**SS. FELICIS, SIMPLICII,
FAUSTINI ET BEATRICIS
MARTYRUM**

Commemoratio

Missa Sapiéntiam, de Communi plurimorum Martyrum 2° loco (12), cum orationibus ut in Missa præcedenti.

DIE 30 IULII

SS. ABDON ET SENNEN
MARTYRUM

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: vándica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam, polluérunt templum sanctum tuum: posuérunt Ierúsalem in pomórum custódiam. **V.** Glória Patri. **I**ntret.

Oratio

Deus, qui sanctis tuis Abdon et Sennen ad hanc glóriam veniéndi copiósum munus grátiae contulísti: da fámulis tuis suórum véniam peccatórum; ut, Sanctórum tuórum intercedéntibus méritis, ab ómnibus mereántur adversitatibus liberári. Per Dóminum.

Léctio Epístolæ beáti Pauli Apóstoli
ad Corínthios

2 Cor. 6, 4-10

Fratres: Exhibeámus nosmetipsos sicut Dei minístros in multa patiéntia, in tribulatió nibus, in necessitatibus, in angúst iis, in plagis, in carcéribus, in sediti ó nibus, in labóribus, in vigíliis, in ieiúniis, in castitate, in sciéntia, in longanimitate, in suavitate, in Spíritu Sancto, in caritate non ficta, in verbo veritátis, in virtúte Dei, per arma iustitiæ a dextris, et a sinístris: per glóriam, et ignobilitátem: per infámiam, et bonam famam: ut seductóres, et veráces: sicut qui ignóti, et cógniti: quasi moriéntes,

et ecce vívimus: ut castigáti, et non mortificáti: quasi tristes, semper autem gaudentes: sicut egéntes, multos autem locupletántes: tamquam nihil habéntes, et ómnia possidéntes.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúia, allelúia. **V. Sap. 3, 1** Iustórum ánimæ in manu Dei sunt, et non tanget illos torméntum malítiæ. Allelúia.

✠ Sequéntia sancti Evangélii secúndum Matthæum

Matth. 5, 1-12

In illo témpore: Videns Iesus turbas, ascéndit in montem, et cum sedísset, accessérunt ad eum discípuli eius, et apériens os suum, docébat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutió nem patiúntur propter iustítiam: quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in cælis.

Antiphona ad Offertorium**Ps. 67, 36**

Mirabilis Deus in sanctis suis: Deus Israël, ipse dabit virtutem, et fortitudinem plebi suae: benedictus Deus.

Secreta

Haec hostia, quaesumus, Domine, quam sanctorum Martyrum tuorum natalitia recensentes offerimus: et vincula nostrae pravitatis absolvat, et tuae nobis misericordiae dona conciliet. Per Dominum.

Antiphona ad Communionem**Ps. 78, 2 et 11**

Posuerunt mortalia servorum tuorum, Domine, escas volatilibus caeli, carnes sanctorum tuorum bestiis terrae: secundum magnitudinem brachii tui posside filios morte punitorum.

Postcommunio

Per huius, Domine, operationem mysteriorum, et vitia nostra purgantur: et, intercedentibus sanctis Martyribus tuis Abdon et Sennen, iusta desideria compleantur. Per Dominum.

DIE 31 IULII

S. IGNATII CONF.

III classis

Antiphona ad Introitum**Philipp. 2, 10-11**

In nomine Iesu omne genu flectatur, caelestium, terrestrium, et infernorum: et omnis lingua confiteatur, quia Dominus Iesus Christus in gloria est Dei Patris. **Ps. 5, 12-13** Gloriabuntur in te omnes, qui diligunt nomen tuum: quoniam tu benedices iusto. **V.** Gloria Patri. **In nomine.**

Oratio

Deus, qui ad maiorem tui nominis gloriam propagandam, novo per beatum Ignatium subsidio militantem Ecclesiam roborasti: concede; ut, eius auxilio et imitatione certantes in terris, coronari cum ipso mereamur in caelis. Per Dominum.

Lectio Epistolae beati Pauli Apostoli ad Timotheum

2 Tim. 2, 8-10; 3, 10-12

Carissime: Memor esto, Dominum Iesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut et ipsi salutem consequantur, quae est in Christo Iesu, cum gloria caelesti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: qualia mihi facta sunt Antiochiae, Iconii et Lystris: quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Iesu, persecutionem patientur.

Graduale Ps. 91, 13 et 14 Iustus ut palma florabit: sicut cedrus Libani multiplicabitur in domo Domini. **V. Ibid., 3** Ad annuntiandum mane misericordiam tuam, et veritatem tuam per noctem.

Alleluia, alleluia. **V. Iac. 1, 12** Beatus vir, qui suffert tentationem: quoniam, cum probatus fuerit, accipiet coronam vitae. Alleluia.

¶ In Missis votivis post Septuagesimam, omissis Alleluia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. *℣.* Potens in terra erit semen eius: generátio rectórum benedicétur. *℣.* Glória et divítiae in domo eius: et iustítia eius manet in sáeculum sáeculi.

Tempore paschali omittitur graduale, et eius loco dicitur:

Allelúia, allelúia. *℣. Iac. 1, 12* Beátus vir, qui suffert tentatiónem: quóniam cum probátus fúerit, accípiet coronam vitæ. Allelúia. *℣. Eccli. 45, 9* Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ

apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Adsint, Dómine Deus, oblatiónibus nostris sancti Ignátii benigna suffrágia: ut sacrosáncta mystéria, in quibus omnis sanctitátis fontem constituísti, nos quoque in veritáte sanctíficent. Per Dóminum.

Antiphona ad Communionem

Luc. 12, 49

Ignem veni mittere in terram: et quid volo, nisi ut accendátur?

Postcommunio

Laudis hóstia, Dómine, quam pro sancto Ignátio grátias ágéntes obtúlimus: ad perpétuam nos maiestátis tuæ laudatiónem, eius intercessióne, perdúcat. Per Dóminum.

FESTA AUGUSTI

DIE 1 AUGUSTI

SS. MACHABÆORUM
MARTYRUM

Commemoratio

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatiónibus eórum liberávit eos. *Ps. ibid., 2* Benedícam Dóminum in omni témpore: semper laus eius in ore meo. *℣.* Glória Patri. **C**lamavérunt.

Oratio

Fraterna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum; et múltiplici nos suffrágio consolétur. Per Dóminum.

Léctio Epístolæ beáti Pauli Apóstoli ad Hebræos

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiones, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria et vérbera expérti, insuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustíati, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti, invénti sunt in Christo Iesu Dómino nostro.

Graduale Ps. 132, 1-2 Ecce quam bonum, et quam iucúndum habitáre fratres in unum! **℣.** Sicut unguéntum in cápite, quod descéndit in barbam, barbam Aaron.

Allelúia, allelúia. **℣.** Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia.

✠ Sequéntia sancti Evangélii secúndum Lucam

Luc. 12, 1-8

In illo témpore: Dixit Iesus discipulis suis: Atténdite a fermento pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

¶ In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 149, 5-6

Exsultábunt sancti in glória, lætabúntur in cubílibus suis: exaltatiónes Dei in fáucibus eórum, allelúia.

Secreta

Mystéria tua, Dómine, pro sanctórum Mártyrum tuórum honóre, devóta mente tractémus: quibus et præsídiu nobis crescat, et gáudium. Per Dóminum.

Antiphona ad Communionem

Luc. 12, 4

Dico autem vobis amicis meis:
Ne terreámini ab his, qui vos perse-
quúntur.

Postcommunio

Praesta, quæsumus, omnípotens
Deus: ut, quorum memóriam
sacraménti participatióne recóli-
mus, fidem quoque proficiéndo se-
ctémur. Per Dóminum.

DIE 2 AUGUSTI

S. ALFONSI MARLÆ
DE LIGORIO**EP., CONF. ET ECCL. DOCT.**

III classis

Antiphona ad Introitum

Luc. 4, 18

Spíritus Dómini super me:
propter quod unxit me:
evangelizáre paupéribus misit
me, sanáre contrítos corde. **Ps. 77,**
1 Atténdite, pópule meus, legem
meam: inclináte aurem vestram in
verba oris mei. **V.** Glória Patri.
Spíritus.

Oratio

Deus, qui per beátum Alfónsum
Mariám Confessórem tuum
atque Pontíficem, animárum zelo
succénsum, Ecclesiám tuam nova
prole fecundásti: quæsumus; ut,
eius salutáribus mónitis edócti et
exémplis roboráti, ad te perveníre
feliciter valeámus. Per Dóminum.

Et fit commemoratio S. Stephani I
Papæ et Martyris:

Oratio

Gregem tuum, Pastor ætérne,
placátus inténde: et per
beátum Stéphanum Mártyrem
tuum atque Summum Pontífi-

cem, perpétua protectióne cu-
stódi; quem totíus Ecclesiæ
præstitisti esse pastórem. Per
Dóminum.

Léctio Epístolæ beáti Pauli Apóstoli
ad Timótheum

2 Tim. 2, 1-7

Caríssime: Confortáre in grátia,
quæ est in Christo Iesu: et quæ
audísti a me per multos testes,
hæc comménda fidélibus homíni-
bus, qui idónei erunt et álios docére.
Labóra sicut bonus miles Christi
Iesu. Nemo militans Deo ímplicat
se negótiis sæculáribus: ut ei plá-
ceat, cui se probávit. Nam et qui
certat in agóne, non coronátur, nisi
legítimè certáverit. Laborántem
agrícolam opórtet primum de frú-
ctibus percípere. Intéllege quæ
dico: dabit enim tibi Dóminus in
ómnibus intelléctum.

Graduale Ps. 118, 52-53 Memor
fui iudiciórum tuórum a sæculo,
Dómine, et consolátus sum: deféctio
ténuit me pro peccatóribus dere-
linquéntibus legem tuam. **V. Ps.**
39, 11 Iustítiam tuam non abscóndi
in corde meo: veritátem tuam, et
salutáre tuum dixi.

Allelúia, allelúia. **V. Eccli. 49, 3-4**
Ipse est directus divínus in pæni-
téntiam gentis, et tulit abominatió-
nes impietátis: et gubernávit ad
Dóminum cor ipsíus: et in diébus
peccatórum corroborávit pietátem.
Allelúia.

¶ In Missis votivis post Septuagesi-
mam, omissis Allelúia, et versu sequenti,
dicitur:

Tractus Ps. 34, 13 Ego au-
tem cum mihi molésti essent,
induébar cilício: humiliábam
in ieiúnio ánimam meam: et

oratio mea in sinu meo convertetur. **V. Ps. 22, 5** Parasti in conspectu meo mensam adversus eos, qui tribulant me: impinguasti in oleo caput meum, et calix meus inebrians quam praeclarus est! **V. 1 Cor. 9, 22** Factus sum infirmis infirmus, ut infirmos lucrificarem.

Tempore autem paschali omittitur graduale, et eius loco dicitur:

Allelúia, allelúia. **V. Ps. 132, 1-2** Ecce quam bonum, et quam iucundum habitare fratres in unum: sicut unguentum in capite, quod descendit in barbam, barbam Aaron. Allelúia. **V. Ioann. 15, 16** Posui vos, ut eatis, et fructum afferatis: et fructus vester maneat. Allelúia.

✠ Sequéntia sancti Evangélii secundum Lucam

Luc. 10, 1-9

In illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce, ego mitto vos sicut agnos inter lupos. Nolite portare sacculum, neque peram, neque calceamenta; et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quae apud illos sunt: dignus est enim operarius mercedem suam. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Antiphona ad Offertorium
Prov. 3, 9 et 27

Honora Dominum de tua substantia, et de primitiis omnium frugum tuarum da ei. Noli prohibere benefacere eum, qui potest: si vales, et ipse benefac.

Secreta

Cael esti, Domine Iesu Christe, sacrificii igne corda nostra in odorem suavitatis exure: qui beato Alfonso Mariae tribuisti et haec mysteria celebrare, et per eadem hostiam tibi sanctam seipsum exhibere: Qui vivis.

Pro S. Stephano

Secreta

Oblatis muneribus, quaesumus, Domine, Ecclesiam tuam benignus illumina: ut, et gregis tui proficiat ubique successus, et grati fiant nomini tuo, te gubernante, pastores. Per Dominum.

Antiphona ad Communionem

Eccli. 50, 1 et 9

Sacerdos magnus, qui in vita sua suffulsi domum, et in diebus suis corroboravit templum, quasi ignis effulgens, et thus ardens in igne.

Postcommunio

Deus, qui beatum Alfonso Mariae Confessorem tuum atque Pontificem fidelem divini my-

stérri dispensatórem et præcónem effecísti: eius méritis, precibúsque concéde; ut fidéles tui et frequénter percípiant, et percipiéndò sine fine colláudent. Per Dóminum.

**Pro S. Stephano
Postcommunio**

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

**EODEM DIE 2 AUGUSTI
S. STEPHANI PAPÆ
ET MARTYRIS**

Commemoratio

Missa Si diligis me, **de Communi unius aut plurium Summorum Pontificum** (2), **cum orationibus ut in Missa præcedenti.**

**DIE 4 AUGUSTI
S. DOMINICI CONFESSORIS**

III classis

Antiphona ad Introitum

Ps. 36, 30-61

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus; neque zeláveris faciéntes iniquitátem. **V.** Glória Patri. **O**s iusti.

Oratio

Deus, qui Ecclésiám tuam beáti Domínici Confessóris tui illumináre dignátus es méritis et do-

ctrínis: concéde; ut eius intercessióne temporálibus non destituátur auxiliis, et spirituálibus semper proficiat incrementis. Per Dóminum.

**Léctio Epístolæ beáti Pauli Apóstoli
ad Timótheum**

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui diligunt advéntum eius.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii secúndum Lucam

Luc. 12, 35-40

In illo témpore: Dixit Iesus discí-
pulis suis: Sint lumbi vestri præ-
cincti, et lucérnæ ardéntes in máni-
bus vestris, et vos símiles homíni-
bus expectántibus dóminum suum,
quando revertátur a núptiis: ut,
cum vénerit, et pulsáverit, confé-
stim apériant ei. Beáti servi illi,
quos, cum vénerit dóminus, invéne-
rit vigilántes: amen dico vobis,
quod præcínget se, et fáciet illos
discúmbere, et tránsiens ministrá-
bit illis. Et si vénerit in secúnda
vigília, et si in tértia vigília vénerit,
et ita invénerit, beáti sunt servi illi.
Hoc autem scitóte, quóniam si sciret
paterfamílias, qua hora fur veníret,
vigiláret útique, et non síneret pér-
fodi domum suam. Et vos estóte pa-
ráti: quia qua hora non putátis, Fí-
lius hóminis véniet.

Antiphona ad Offertorium

Ps. 88, 25

Véritas mea, et misericórdia mea
cum ipso: et in nómine meo exaltá-
bitur cornu eius.

Secreta

Múnera tibi, Dómine, dicáta san-
ctífica: ut méritis beáti Domí-
nici Confessóris tui nobis proficiant
ad medélam. Per Dóminum.

Antiphona ad Communionem

Luc. 12, 42

Fidélis servus et prudens, quem
constituit dóminus super famíliam
suam: ut det illis in témpore trítici
mensúram.

Postcommunio

Concède, quæsumus, omnipotens
Deus: ut, qui peccatórum no-
strórum póndere prémimur, beáti
Domínici Confessóris tui patrocínio
sublevémur. Per Dóminum.

DIE 5 AUGUSTI

IN DEDICATIONE S. MARIAE AD NIVES

III classis

Missa Salve, Sancta parens, de Communi
festorum Beatae Mariae Virginis (44), et non
dicitur Credo.

Præfatio B. Mariae Virginis Et te in Festivi-
tate.

Oratio

Concède nos fámulos tuos, quæ-
sumus, Dómine Deus, perpétua
mentis et córporis sanitáte gaudére:
et, gloriósa beátæ Mariæ semper
Víriginis intercessióne, a præsentí
liberári tristítia, et ætéRNA pérfrui
lætítia. Per Dóminum.

Secreta

Tua, Dómine, propitiatióne, et
beátæ Mariæ semper Víriginis
intercessióne, ad perpétuam atque
præsentem hæc oblátio nobis pro-
ficiat prosperitátem et pacem. Per
Dóminum.

Postcommunio

Sumptis, Dómine, salútis nostræ
subsídiis: da, quæsumus, beátæ
Mariæ semper Víriginis patrocíniis
nos ubique prótegi; in cuius vene-
ratione hæc tuæ obtúlimus maie-
státi. Per Dóminum.

IN TRANSFIGURATIONE D.N.I.C.

II classis

Antiphona ad Introitum

Ps. 76, 19

Illuxérunt coruscationes tuæ orbi terræ: commóta est, et contrémuit terra. **Ps. 83, 2-3** Quam dilécta tabernacula tua, Dómine virtútum! concupiscit, et déficit ánima mea in átria Dómini. **V.** Glória Patri. **Illuxérunt.**

Oratio

Deus, qui fidei sacraménta in Unigéniti tui gloriósa Transfiguratione, patrum testimonio roborásti, et adoptionem filiórum perfectam, voce delápsa in nube lúcida, mirabíliter præsignásti: concéde propítius; ut ipsíus Regis glóriæ nos coherédes efficias, et eiúsdem glóriæ tríbuas esse consórtes. Per eúndem Dóminum.

Et fit commemoratio Ss. Xysti II Papæ, Felicissimi et Agapiti Martyrum:

Oratio

Deus, qui nos concédis sanctórum Mártyrum tuórum Xysti, Felicissimi et Agapiti natalítia cólere: da nobis in ætéRNA beatitúdine de eórum societáte gaudére. Per Dóminum.

Léctio Epístolæ beáti Petri Apóstoli

2 Petr. 1, 16-19

Caríssimi: Non doctas fábulas secúti notam fécimus vobis Dómini nostri Iesu Christi virtútem et præsentiam: sed speculatóres facti illíus magnitúdinis. Accípiens enim

a Deo Patre honórem et glóriam, voce delápsa ad eum huiuscémodi a magnífica glória: Hic est Fílius meus diléctus, in quo mihi complá-cui, ipsum audíte. Et hanc vocem nos audívimus de cælo allátam, cum essémus cum ipso in monte sancto. Et habémus firmiorem prophéticum sermónem: cui bene fácitis attendéntes, quasi lucérnæ lucénti in caliginóso loco, donec dies elucéscat, et lúcifer oriátur in córdibus vestris.

Graduale Ps. 44, 3 et 2 Speciósus forma præ filiis hóminum: diffúsa est grátia in lábiis tuis. **V.** Eructávit cor meum verbum bonum: dico ego ópera mea Regi.

Allelúia, allelúia. **V. Sap. 7, 26** Candor est lucis ætéRNæ, spéculum sine mácula, et imágo bonitátis illíus. Allelúia.

✠ Sequéntia sancti Evangélii secúndum Matthæum

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfiguratús est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernacula, tibi unum, Móysi unum, et Elíæ unum. Adhuc eo loquente, ecce nubes

lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complá-cui: ipsum audíte. Et audiéntes discípuli, cecidérunt in fáciem su-am, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, néminem vidé-runt, nisi solum Iesum. Et descen-déntibus illis de monte, præcépít eis Iesus, dicens: Némini dixéritis visi-ónem, donec Fílius hóminis a mór-tuis resúrgat.

Credo.

Antiphona ad Offertorium

Ps. 111, 3

Glória, et divítiae in domo eius: et iustítia eius manet in sáeculum sáe-culi, allelúia.

Secreta

Obláta, quæsumus, Dómine, mú-nera gloriósa Unigéniti tui Transfiguratióne sanctífica: nosque a peccatórum máculis, splendóribus ipsíus illustratiónis emúnda. Per eúndem Dóminum.

Pro Ss. Martyribus Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, red-dántur. Per Dóminum.

Antiphona ad Communionem

Matth. 17, 9

Visiónem quam vidístis, némini dixéritis, donec a mórtuis resúrgat Fílius hóminis.

Postcommunio

Præsta, quæsumus, omnípotens Deus: ut sacrosáncta Fílii tui Transfiguratiónis mystéria, quæ so-

lémni celebrámus officio, purificátæ mentis intellegéntia consequámur. Per eúndem Dóminum.

Pro Ss. Martyribus Postcommunio

Præsta nobis, quæsumus, Dómine: intercedéntibus san-ctis Martýribus tuis Xysto, Feli-císsimo et Agapító; ut, quod ore contíngimus, pura mente capiá-mus. Per Dóminum.

EODEM DIE 6 AUGUSTI

SS. XYSTI II PAPÆ
FELICISSIMI ET AGAPITI MM.

Commemoratio

Missa Sapiéntiam, de Communi plurimorum Martyrum 2^o loco (12).

DIE 7 AUGUSTI

S. CAIETANI CONF.

III classis

Antiphona ad Introitum

Ps. 36, 30-31

Os iusti meditábitur sapiéti-am, et lingua eius loquétur iudícium: lex Dei eius in corde ipsíus. **Ps. ibid., 1** Noli æmu-lári in malignántibus: neque zelá-veris faciéntes iniquitátem. **V.** Gló-ria Patri. **O**s iusti.

Oratio

Deus, qui beáto Caietano Confes-sóri tuo apostólicam vivéndi formam imitári tribuísti: da nobis, eius intercessióne et exémplo, in te semper confidere, et sola cæléstia desideráre. Per Dóminum.

Et fit commemoratio S. Donati Epis-copi et Martyris:

Oratio

Deus, tuórum glória sacer-dótum: præsta, quæsu-

mus; ut sancti Mártyris tui et Epíscopi Donáti, cuius festa gérimus, sentiámus auxílium. Per Dóminum.

Léctio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábi-mus eum? fecit enim mirabília in vita sua. Qui probátus est in illo, et perféctus est, erit illi glória æténa: qui pótuit tránsgridi, et non est tránsgréssus: fácere mala, et non fecit: ídeo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Graduale Ps. 91, 13 et 14 Iustus ut palma florébit: sicut cedrus Lí-bani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veri-tátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatió-nem: quóniam cum probátus fúerit, ac-cípiet corónam vitæ. Allelúia.

✠ Sequéntia sancti Evangélíi se-cúndum Matthæum

Matth. 6, 24-33

In illo témpore: Dixit Iesus discí-pulis suis: Nemo potest duóbus dóminis servíre: aut enim unum ódio habébit, et álterum díliget: aut unum sustinébit, et álterum contém-net. Non potéstis Deo servíre, et mammónæ. Ideo dico vobis, ne sol-líciti sitis ánimæ vestræ quid man-ducétis, neque córpori vestro quid induámini. Nonne ánima plus est quam esca: et corpus plus quam vestiméntum? Respícite volatília

cæli, quóniam non serunt, neque metunt, neque cóngregant in hór-rea: et Pater vester cæléstis pascit illa. Nonne vos magis pluris estis illis? Quis autem vestrum cógitans potest adiícere ad statúram suam cúbitum unum? Et de vestiménto quid sollícati estis? Consideráte lília agri quómodo crescunt: non labó-rant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fænum agri, quod hódie est, et cras in clíbanum mítti-tur, Deus sic vestit: quanto magis vos módicæ fídei? Nolíte ergo sol-líciti esse, dicéntes: Quid manducá-bimus, aut quid bibémus, aut quo operiémur? Hæc enim ómnia gentes inquírun. Scit enim Pater vester, quia his ómnibus indigétis. Quærite ergo primum regnum Dei, et iustí-tiam eius: et hæc ómnia adiiciéntur vobis.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltá-bitur cornu eius.

Secreta

Præsta nobis, quæsumus, omní-potens Deus: ut nostræ humili-tátis oblátio, et pro tuórum tibi gra-ta sit honóre Sanctórum, et nos cór-pore páriter et mente puríficet. Per Dóminum.

Pro S. Donato

Secreta

Præsta, quæsumus, Dómine: ut sancti Mártyris tui et Epíscopi Donáti intercessió-ne, quem ad laudem nóminis tui di-cátis munéribus honorámus, piæ nobis fructus devotiónis accréscat. Per Dóminum.

Antiphona ad Communionem**Matth. 24, 46-47**

Beátus servus, quem, cum vénerit dóninus, invénerit vigilántem: amen dico vobis, super ómnia bona sua constituet eum.

Postcommunio

Quæsumus omnipotens Deus: ut, qui cæléstia aliménta percépi-mus, intercedénte beáto Caietano Confessóre tuo, per hæc contra ómnia advérsa muniámur. Per Dóminum.

Pro S. Donato Postcommunio

Omnipotens et miséricors Deus, qui nos sacramentórum tuórum et partícipes éfficis, et minístros: præsta, quæsumus; ut, intercedénte beáto Donáto Mártire tuo atque Pontífice, eiúsdem proficiámus et fidei consórtio, et digno servítio. Per Dóminum.

EODEM DIE 7 AUGUSTI

**S. DONATI
EPISCOPI ET MARTYRIS****Commemoratio****Antiphona ad Introitum****Dan. 3, 84 et 87**

Sacerdótes Dei, benedícite Dóminum: sancti, et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in sæcula. **V.** Glória Patri. **Sacerdótes.**

Oratio

Deus, tuórum glória sacerdotum: præsta, quæsumus; ut sancti Mártiris tui et Epíscopi Donáti, cuius festa gérimus, sentiámus auxili-um. Per Dóminum.

**Léctio Epístolæ beáti Iacóbi
Apóstoli****Iac. 1, 2-12**

Caríssimi: Omne gáudium existi-máte, cum in tentatiónes várias incidéritis: sciéntes quod probátio fidei vestræ patiéntiam operátur. Patiéntia autem opus perféctum habet: ut sitis perfécti et íntegri in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil hæsi-tans: qui enim hæsitat, símilis est flúctui maris, qui a vento movétur et circumfértur. Non ergo æstimet homo ille quod accípiat áliquid a Dómino. Vir duplex ánimo incón-stans est in ómnibus viis suis. Glo-riétur autem frater húmilis in exal-tatióne sua: dives autem in humili-táte sua, quóniam sicut flos fæni transíbit: exórtus est enim sol cum ardóre, et arefécit fænum, et flos eius décidit, et decor vultus eius depériit: ita et dives in itinéribus suis marcéscet. Beátus vir, qui suffert tentatióne: quóniam cum probá-tus fúerit, accípiet corónam vitæ, quam repromisit Deus diligéntibus se.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplan-tabúntur gressus eius.

Allelúia, allelúia. **V.** Iustus non conturbábitur, quia Dóminus firmat manum eius. Allelúia.

✠ Sequéntia sancti Evangélíi secúndum Marcum

Marc. 13, 33-37

In illo témpore: Dixit Iesus discí-
pulis suis: Vidéte, vigiláte et
oráte: nescítis enim quando tempus
sit. Sicut homo, qui péregre pro-
féctus relíquit domum suam, et de-
dit servis suis potestátem cuiúsque
óperis, et ianitóri præcépit ut vígi-
let. Vigiláte ergo, (nescítis enim
quando dóminus domus véniat: se-
ro, an média nocte, an galli cantu,
an mane) ne cum vénerit repénte,
invéniat vos dormiéntes. Quod au-
tem vobis dico, ómnibus dico: Vigi-
láte.

Antiphona ad Offertorium

Ps. 88, 21-22

Invéni David servum meum, óleo
sancto meo unxi eum: manus enim
mea auxiliábitur ei, et brácchium
meum confortábit eum.

Secreta

Præsta, quæsumus, Dómine: ut
sancti Mártyris tui et Epíscopi
Donáti intercessióne, quem ad lau-
dem nóminis tui dicátis munéribus
honorámus, piæ nobis fructus devo-
tiónis accréscat. Per Dóminum.

Antiphona ad Communionem

Luc. 12, 42

Fidélis servus et prudens, quem
constítuit dóminus super famíliam
suam: ut det illis in témpore trítici
mensúram.

Postcommunio

Omnípotens et miséricors Deus,
qui nos sacramentórum tuó-
rum et partícipes éfficis, et miní-
stros: præsta, quæsumus; ut, inter-
cedénte beáto Donáto Mártyre tuo
atque Pontífice, eiúsdem proficiá-
mus et fidei consórtio, et digno ser-
vítio. Per Dóminum.

DIE 8 AUGUSTI

S. IOANNIS MARLÆ VIANNEY CONFESSORIS

III classis

Missa Os iusti, de **Communi Confessoris**
non Pontificis 1º loco (25), præter orationem
sequentem:

Oratio

P

Omnípotens et miséricors Deus,
qui sanctum Ioánnem Mariám
pastoráli stúdio et iugi oratiónis ac
pæniténtiæ ardóre mirábilem effe-
císti: da, quæsumus, ut eius exémplo
et intercessióne, ánimas fratrum lu-
crári Christo, et cum eis ætérnam
glóriam cónsequi valeámus. Per
eúndem Dóminum.

**Et fit commemoratio Ss. Cyriaci, Largi,
et Smaragdi, Martyrum:**

Oratio

Deus, qui nos ánnua san-
ctórum Mártyrum tuórum
Cyriaci, Largi et Smarágdi so-
lemnitate lætíficas: concéde
propítius; ut, quorum natalítia
cólimus, virtútem quoque passi-
ónis imitémur. Per Dóminum.

Secreta

C

Laudis tibi, Dómine, hóstias immo-
lámus in tuórum commemora-
tióné Sanctórum: quibus nos et præ-
séntibus éxui malis confídimus, et
futúris. Per Dóminum.

Pro SS. Martyribus Secreta

Accépta sit in conspéctu tuo, Dómine, nostra devótio: et eórum nobis fiat supplicatióne salutáris, pro quorum solemnitáte defértur. Per Dóminum.

Postcommunio

Refécti cibo potúque cælésti, Deus noster, te súpplīces exorá-mus: ut, in cuius hæc commemora-tióne percépimus, eius muniámur et précibus. Per Dóminum.

**Pro SS. Martyribus
Postcommunio**

Refécti participatióne mune-ris sacri, quæsumus, Dó-mine Deus noster: ut, cuius ex-séquimur cultum, intercedénti-bus sanctis Martýribus tuis Cy-ríaco, Largo et Smarágdo, senti-ámus efféctum. Per Dóminum.

EODEM DIE 8 AUGUSTI
SS. CYRIACI, LARGI
ET SMARAGDI **MM.**

Commemoratio**Antiphona ad Introitum****Ps. 33, 10-11**

Timéte Dóminum, omnes sancti eius, quóniam nihil deest timéntibus eum: dívites egué-runt: et esuriérunt: inquirentes au-tem Dóminum non deficiunt omni bono. **Ps. ibid., 2** Benedícam Dómi-num in omni témpore: semper laus eius in ore meo. **V.** Glória Patri. **Timéte.**

Oratio

Deus, qui nos ánnua sanctórum Mártyrum tuórum Cyríaci, Largi et Smarágdi solemnitáte lætí-ficas: concéde propítius; ut, quorum

natalítia cólimus, virtútem quoque passiónis imitémur. Per Dóminum.

**Léctio Epístolæ beáti Pauli Apóstoli
ad Thessalonicénses****1 Thess. 2, 13-16**

Fratres: Grátias ágimus Deo sine intermissióne: quóniam cum accepissétis a nobis verbum audítus Dei, accepístis illud, non ut verbum hóminum, sed (sicut est vere) verbum Dei, qui operátur in vobis, qui credidístis. Vos enim imitatóres facti estis, fratres, ecclesiárum Dei, quæ sunt in Iudæa in Christo Iesu: quia éadem passi estis et vos a con-tribúlibus vestris, sicut et ipsi a Iudæis: qui et Dóminum occidérunt Iesum, et prophétas: et nos perse-cúti sunt, et Deo non placent, et ómnibus homínibus adversántur, prohibéntes nos géntibus loqui, ut salvæ fiant, ut ímpleant peccáta sua semper: pervénit enim ira Dei su-per illos usque in finem.

Graduale Ps. 33, 10 et 11 Timéte Dóminum, omnes sancti eius: quón-iam nihil deest timéntibus eum. **V.** Inquirentes autem Dóminum, non deficient omni bono.

Allelúia, allelúia. **V. Sap. 3, 7** Ful-gébunt iusti, et tamquam scintíllæ in arundinéto discúrrunt in ætér-num. Allelúia.

**In Missis votivis tempore paschali
omittitur graduale, et eius loco dicitur:**

Allelúia, allelúia. **V. Sap. 3, 7** Fulgébunt iusti, et tamquam scintíllæ in arundinéto discúr-rent in ætérnum. Allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia.

✠ Sequéntia sancti Evangélíi secúndum Marcum

Marc. 16, 15-18

In illo témpore: Dixit Iesus discí-
pulis suis: Eúntes in mundum
univérsum, prædicáte Evangélium
omni creatúræ. Qui credíderit, et
baptizátus fúerit, salvus erit: qui
vero non credíderit, condemnábitur.
Signa autem eos, qui credíderint,
hæc sequéntur: In nómine meo dæ-
mónia eiicient: linguis loquéntur
novis: serpéntes tollent: et si mortí-
ferum quid bíberint, non eis nocé-
bit: super ægros manus impónent,
et bene habébunt.

Antiphona ad Offertorium

Ps. 31, 11

Lætámini in Dómino, et exsultáte,
iusti: et gloriámini, omnes recti
corde.

Secreta

Accépta sit in conspéctu tuo, Dó-
mine, nostra devótio: et eórum
nobis fiat supplicatióne salutáris,
pro quorum solemnitáte defértur.
Per Dóminum.

Antiphona ad Communionem

Marc. 16, 17 et 18

Signa autem eos, qui in me cre-
dunt, hæc sequéntur: dæmónia
eiicient: super ægros manus impón-
ent, et bene habébunt.

Postcommunio

Refécti participatióne mún-
eris sacri, quæsumus, Dómine Deus
noster: ut, cuius exséquimur cul-
tum, intercedéntibus sanctis Mar-
týribus tuis Cyríaco, Largo et
Smarágdo, sentiámus efféctum.
Per Dóminum.

DIE 9 AUGUSTI

IN VIGILIA S. LAURENTII MARTYRIS

III classis

Antiphona ad Introitum

Ps. 111, 9

Dispérsit, dedit paupéribus:
iustítia eius manet in sæcu-
lum sæculi: cornu eius
exaltábitur in glória. **Ps. ibid., 1**
Beátus vir, qui timet Dóminum: in
mandátis eius cupit nimis. **℣.** Gló-
ria Patri. **D**ispérsit.

Non dicitur Glória in excélsis.

Oratio

Adésto, Dómine, supplicatió-
nibus nostris: et intercessióne beáti
Lauréntii Mártyris tui, cuius præ-
venímus festivitátem, perpétuam
nobis misericórdiam benígnus im-
pénde. Per Dóminum.

**Et fit commemoratio S. Romani Mar-
tyris:**

Oratio

Præsta, quæsumus, omnípo-
tens Deus: ut, intercedénte
beáto Románo Mártyre tuo, et
a cunctis adversitatibus liberé-
mur in corpore, et a pravis cogi-
tatió-
nibus mundémur in mente.
Per Dóminum.

Léctio libri Sapiéntiæ

Eccli. 51, 1-8 et 12

Confitébor tibi, Dómine rex, et
collaudábo te Deum salvató-
rem meum. Confitébor nómini tuo:
quóniam adiútor, et protéctor fa-
ctus es mihi, et liberásti corpus
meum a perditíone, a láqueo linguæ

iniquæ, et a lábiis operántium mendárium, et in conspéctu astántium factus es mihi adiutor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulatiónum, quæ circumdederunt me: a pressúra flammæ, quæ circúmdedit me, et in médio ignis non sum æstuátus: de altitúdine ventris inferi, et a lingua coinquináta, et a verbo mendáci, a rege iniquo, et a lingua iniústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 111, 9 et 2 Dispérsit, dedit paupéribus: iustítia eius manet in sæculum sæculi. **℣.** Potens in terra erit semen eius: generatio rectórum benedicétur.

✠ **Sequéntia sancti Evangélii secúndum Matthæum**

Matth. 16, 24-27

In illo témpore: Dixit Iesus discipulis suis, Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatiónem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera eius.

Antiphona ad Offertorium

Iob. 16, 20

Orátio mea munda est: et ideo peto, ut detur locus voci meæ in cælo: quia ibi est iudex meus, et cóncius meus in excélsis: ascéndat ad Dóminum deprecátio mea.

Secreta

Hóstias, Dómine, quas tibi offérimus, propítius súscipe: et, intercedénte beáto Lauréntio Mártire tuo, víncula peccatórum nostrórum absólve. Per Dóminum.

Pro S. Romano Martyre

Secreta

Munéribus nostris, quæsumus, Dómine, precibúsque suscéptis: et cæléstibus nos munda mystériis, et cleménter exáudi. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum et tollat crucem suam, et sequátur me.

Postcommunio

Da, quæsumus, Dómine Deus noster: ut, sicut beáti Lauréntii Mártiris tui commemoratióne, temporáli gratulámur officio; ita perpétuo lætémur aspéctu. Per Dóminum.

Pro S. Romano Martyre

Postcommunio

Quæsumus, omnípotens Deus: ut, qui cæléstia aliménta percépimus, intercedénte beáto Románo Mártire tuo, per hæc contra ómnia advérsa muniámur. Per Dóminum.

EODEM DIE 9 AUGUSTI
S. ROMANI MARTYRIS

Commemoratio

Missa Laetabitur, de Communi unius Martyris 4° loco (8), cum orationibus ut in Missa praecedenti.

DIE 10 AUGUSTI
S. LAURENTII MARTYRIS

II classis

Antiphona ad Introitum

Ps. 95, 6

Confessio et pulchritudo in conspectu eius: sanctitas, et magnificentia in sanctificatione eius. **Ps. ibid., 1** Cantate Domino canticum novum: cantate Domino, omnis terra. **V.** Glória Patri. **C**onfessio.

Oratio

Da nobis, quæsumus, omnipotens Deus: vitiórum nostrórum flammæ exstinguere; qui beáto Lauréntio tribuísti tormentórum suórum incéndia superáre. Per Dóminum.

Léctio Epístolæ beáti Pauli Apóstoli ad Corínthios

2 Cor. 9, 6-10

Fratres: Qui parce séminat, parce et metet: et qui séminat in benedictionibus, de benedictionibus et metet. Unusquisque prout destinávit in corde suo, non ex tristitia, aut ex necessitate: hilarem enim datórem diligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est:

Dispérsit, dedit paupéribus: iustitia eius manet in sáeculum sáeculi. Qui autem administrat semen seminánti: et panem ad manducándum præstábit, et multiplicábit semen vestrum, et augébit incrementa frugum iustitiæ vestræ.

Graduale Ps. 16, 3 Probásti, Dómine, cor meum, et visitásti nocte. **V.** Igne me examinásti, et non est invénta in me iniquitas.

Allelúia, allelúia. **V.** Levíta Lauréntius bonum opus operátus est: qui per signum crucis cæcos illuminávit. Allelúia.

✠ Sequéntia sancti Evangélii secúndum Ioánnem

Ioann. 12, 24-26

In illo témpore: Dixit Iesus discipulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium

Ps. 95, 6

Confessio et pulchritudo in conspectu eius: sanctitas, et magnificentia in sanctificatione eius.

Secreta

Accipe, quæsumus, Dómine, múnera dignánte obláta: et beáti Lauréntii suffragántibus méritis, ad nostræ salútis auxílium proveníre concéde. Per Dóminum.

Antiphona ad Communionem

Ioann. 12, 26

Qui mihi ministrat, me sequatur:
et ubi ego sum, illic et minister
meus erit.

Postcommunio

Sacro múnere satiáti, súpplīces
te, Dómine, deprecámur: ut,
quod débitæ servitútis celebrámus
officio, intercedénte beáto Laurén-
tio Mártire tuo, salvatiónis tuæ
sentíamus augméntum. Per Dómi-
num.

¶ In Missis votivis omnia dicuntur ut
supra, sed post Septuagesimam, omissis
Allelúia, et versu sequenti, dicitur:

Tractus Ps. 20, 3-4 Desidé-
rium ánimæ eius tribuísti ei:
et voluntáte labiórū eius non
fraudásti eum. **℣.** Quóniam
prævenísti eum in benedicti-
onibus dulcédinis. **℣.** Posuísti
in cápīte eius corónam de lá-
pide pretiósō.

Tempore autem paschali omittitur
graduale, et eius loco dicitur:

Allelúia, allelúia. **℣.** Levíta
Lauréntius bonum opus operá-
tus est: qui per signum crucis
cæcos illuminávit. Allelúia. **℣.**
Ps. 20, 4 Posuísti, Dómine, super
caput eius corónam de lápide
pretiósō. Allelúia.

DIE 11 AUGUSTI

**SANCTORUM TIBURTII
ET SUSANNÆ VIRGINIS
MARTYRUM**

Commemoratio

Antiphona ad Introitum

Ps. 36, 39

Salus autem iustórum a Dómino:
et protéctor eórum est in
tépore tribulatiónis. **Ps.**

ibid., 1 Noli æmulári in malignán-
tibus: neque zeláveris faciéntes ini-
quitátem. **℣.** Glória Patri. **Salus.**

Oratio

Sanctórum Mártýrum tuórum
Tibúrtii et Susánnæ nos, Dó-
mine, fóveant continuáta præsidia:
quia non désinis propítius intuéri;
quos tálibus auxiliis concésseris
adiuvári. Per Dóminum.

**Léctio Epístolæ beáti Pauli Apóstoli
ad Hebræos**

Hebr. 11, 33-39

Fratres: Sancti per fidem vicé-
runt regna, operáti sunt iustí-
tiam, adépti sunt repromissiónes,
obturavérunt ora leónum, exstinxé-
runt ímpetum ignis, effugérunt
áciem gládii, convaluérunt de in-
firmitáte, fortes facti sunt in bello,
castra vertérunt exterórum: acce-
pérunt mulieres de resurrectione
mórtuos suos: álii autem disténti
sunt, non suscipiéntes redempti-
onem, ut meliorem invenírent re-
surrectionem: álii vero ludíbria, et
vérbera expérti, ínsuper et víncula,
et cárceres: lapidáti sunt, secti sunt,
tentáti sunt, in occisióne gládii
mórtui sunt: circuiérunt in melótis,
in péllibus caprínis, egéntes, angu-
stiáti, afflícti: quibus dignus non
erat mundus: in solitudínibus er-
rántes, in móntibus, et spelúncis, et
in cavérnis terræ. Et hi omnes testi-
mónio fidei probáti, invénti sunt in
Christo Iesu Dómino nostro.

Graduale Ps. 33, 18-19 Clamavé-
runt iusti, et Dóminus exaudívit
eos: et ex ómnibus tribulatió nibus
eórum liberávit eos. **℣.** Iuxta est
Dóminus his, qui tribuláto sunt
corde: et húmiles spírītu salvábit.

Allelúia, allelúia. *℣.* Te Mártyrum candidátus laudat exércitus, Dómine. Allelúia.

✠ Sequéntia sancti Evangélíi secúndum Lucam

Luc. 12, 1-8

In illo témpore: Dixit Iesus discí-pulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in obli-vióne coram Deo? Sed et capílli cápitis vestri omnes numeráti sunt. Nolíte ergo timére: multis passéri-bus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum co-ram Angelis Dei.

Antiphona ad Offertorium

Sap. 3, 1, 2 et 3

Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

Secreta

Adésto, Dómine, précibus pópuli tui, adésto munéribus: ut, quæ

sacris sunt obláta mystériis, tuórum tibi pláceant intercessióne Sanctórum. Per Dóminum.

Antiphona ad Communionem

Matth. 10, 27

Quod dico vobis in ténebris, dí-cite in lúmine, dicit Dóminus: et quod in aure audítis, prædicáte su-per tecta.

Postcommunio

Súmpsimus, Dómine, pignus re-demptiónis æternæ: quod sit nobis, quæsumus, interveniéntibus sanctis Martýribus tuis, vitæ præ-séntis auxílium páriter et futúrae. Per Dóminum.

DIE 12 AUGUSTI

S. CLARÆ VIRGINIS

III classis

Missa Dilexísti, de Comuni Virginum 3º loco (33).

Oratio

C

Exáudi nos, Deus salutáris no-ster: ut, sicut de beátæ Claræ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum ho-nóre Sanctórum: quorum se méritis, de tribulatióne percepísse co-gnóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 13 AUGUSTI

SS. HIPPOLYTI ET CASSIANI
MARTYRUM

Commemoratio

Missa Salus autem, de Communi plurimorum Martyrum 3° loco (13), cum orationibus ut infra:

Oratio

P

Da, quæsumus, omnipotens Deus: ut beatorum Mártyrum tuorum Hippolyti et Cassiani veneranda sollemnitas, et devotiónem nobis áugeat, et salútem. Per Dóminum.

Secreta

P

Réspice, Dómine, múnera pópuli tui, Sanctórum festivitáte votíva: et tuæ testificatio veritátis nobis proficiat ad salútem. Per Dóminum.

Postcommunio

P

Sacramentórum tuórum, Dómine, commúnio sumpta nos salvet: et in tuæ veritátis luce confírmes. Per Dóminum.

DIE 14 AUGUSTI

IN VIGILIA
ASSUMPTIONIS B. M. V.

II classis

Antiphona ad Introitum

Ps. 44, 13 et 15-16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia, et exsultatióne. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **V**ultum.*Non dicitur* Glória in excelsis.

Oratio

Deus, qui virginálem aulam beátæ Maríæ, in qua habitáres, elígere dignátus es: da, quæsumus; ut, sua nos defensióne múnitos, iucúndos fácias suæ interésses festivitáti: Qui vivis.*Et fit commemoratio S. Eusebii Confessoris:*

Oratio

Deus, qui nos beáti Eusébii Confessoris tui ánnua sollemnitate lætíficas: concéde propítius; ut, cuius natalítia cólimus, per eius ad te exémpa gradiámur. Per Dóminum.

Lectio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ, et virtútis. Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.**Graduale** Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génetríx, quem totus non capit orbis, in tua se clausit víscera factus homo.

✠ Sequéntia sancti Evangélíi secúndum Lucam

Luc. 11, 27-28

In illo témpore: Loquente Iesu ad turbas, extóllens vocem quædam mûlier de turba, dixit illi: Beátus venter, qui te portávit, et úbera, quæ suxísti. At ille dixit: Quin-immo beáti, qui áudiunt verbum Dei, et custódiunt illud.

Antiphona ad Offertorium

Beáta es, Virgo María, quæ óm-nium portásti Creatórem: genuísti qui te fecit, et in ætérnum pérmanes virgo.

Secreta

Múnera nostra, Dómine, apud cleméntiam tuam Dei Gene-trícis comméndet orátio: quam idcirco de præsénti sæculo transtu-listi; ut pro peccátis nostris apud te fiduciáliter intercédât. Per eún-dem Dóminum.

Pro S. Eusebio

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dominum.

Præfatio communis.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Concède, miséricors Deus, fragilitáti nostræ præsidium: ut, qui sanctæ Dei Genétrícis festivitá-tem prævenimus; intercessiónis eius auxílio, a nostris iniquitatibus resurgámus. Per eúndem Dómi-num.

Pro S. Eusebio

Postcommunio

Refécti cibo potúque cælésti, Deus noster, te súpplīces exorámus: ut, in cuius hæc com-memoratióne percépimus, eius muniámur et précibus. Per Dó-minum.

EODEM DIE 14 AUGUSTI

S. EUSEBII **CONF.**

Commemoratio

Missa Iustus, ut in festo S. Pauli primi Ere-mitæ, die 15 ianuarii, præter orationem in præcedenti Missa notatam.



DIE 15 AUGUSTI

IN ASSUMPTIONE B. MARIÆ VIRG.

I classis

Antiphona ad Introitum

Ap. 12, 1

Signum magnum appáruit in cælo: mûlier amícta sole, et luna sub pédibus eius, et in cápite eius coróna stellárum duódecim. **Ps. 97, 1.** Cantáte Dómino cánticum novum: quia mirabilia fecit. **V.** Glória Patri. **S**ignum.

Oratio

Omnípotens sempitérne Deus, qui immaculátam Vírginem Mariám, Fílii tui Genetrícem, corpore et ánima ad cæléstem glóriam assumpsisti; concéde, quæsumus, ut, ad supérna semper inténti, ipsíus glóriæ mereámur esse consórtes. Per eúndem Dóminum.

Léctio libri Iudith

Iudith 13, 22-25; 15, 10

Benedíxit te Dóminus in virtúte sua, quia per te ad níhilum redégit inimícos nostros. Benedícta es tu, fília, a Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram, qui te diréxit in vúlnera cápitis princípis inimicórum nostrórum; quia hódie nomen tuum ita magnificávit, ut non recédât laus tua de ore hóminum, qui mémores fúerint virtútis Dómini in ætérnum, pro quibus non pepercísti ánimæ tuæ propter angústias et tribulatióem géneris tui, sed subvenísti ruínæ ante conspéctum Dei nostri. Tu glória Ierúsalem, tu lætítia Israël, tu honorificéntia pópuli nostri.

Graduale Ps. 44, 11-12 et 14 Audi, filia, et vide, et inclina aurem tuam, et concupiscet Rex pulchritudinem tuam. **℣.** Tota decora ingreditur filia Regis, texturæ aureæ sunt amictus eius.

Allelúia, allelúia. **℣.** Assumpta est María in cælum: gaudet exercitus Angelorum. Allelúia.

✠ Sequéntia sancti Evangélíi secúndum Lucam

Luc. 1, 41-50

In illo témpore: Repléta est Spíritu Sancto Elísabeth et exclamávit voce magna, et dixit: Benedícta tu inter mulieres, et benedíctus fructus ventris tui. Et unde hoc mihi ut véniat mater Dómini mei ad me? Ecce enim ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi a Dómino. Et ait María: Magníficat ánima mea Dóminum; et exsultávit spíritus meus in Deo salutári meo; quia respéxit humilitátem ancillæ suæ, ecce enim ex hoc beátam me dicent omnes generatiónes. Quia fecit mihi magna qui potens est, et sanctum nomen eius, et misericórdia eius a progénie in progénies timéntibus eum.

Credo.

Antiphona ad Offertorium

Gen. 3, 15

Inimicitias ponam inter te et Mulierem, et semen tuum et Semen illius.

Secreta

Ascéndat ad te, Dómine, nostræ devotiónis oblátio, et, beatíssima Vírgine María in cælum as-

súpta intercedénte, corda nostra, caritátis igne succénsa, ad te iúgi-ter adspírent. Per Dóminum.

Præfatio de B. Mariæ Virg. Et te in Assumptiône.

Antiphona ad Communionem

Luc. 1, 48-49

Beátam me dicent omnes generatiónes, quia fecit mihi magna qui potens est.

Postcommunio

Sumptis, Dómine, salutáribus sacraméntis: da, quæsumus; ut, méritis et intercessiône beátæ Vírginis Mariæ in cælum assúptæ, ad resurrectiόνis glóriam perducámur. Per Dóminum.

DIE 16 AUGUSTI

S. IOACHIM PATRIS BEATÆ MARLÆ VIRG. CONFESSORIS

II classis

Antiphona ad Introitum

Ps. 111, 9

Dispérsit, dedit paupéribus: iustítia eius manet in sæculum sæculi: cornu eius exaltábitur in glória. **Ps. ibid., 1** Beátus vir, qui timet Dóminum: in mandátis eius cupit nimis. **℣.** Glória Patri. **Dispérsit.**

Oratio

Deus, qui præ ómnibus Sanctis tuis beátum Ióachim Genetrícis Fílii tui patrem esse voluísti: concéde, quæsumus; ut, cuius festa venerámur, eius quoque perpétuo patrocínia sentiámus. Per eúndem Dóminum.

Lectio libri Sapientiae

Eccli. 31, 8-11

Beátus vir, qui inventus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábi-mus eum? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgrredi, et non est transgréssus: fácere mala, et non fecit: ideo stabilita sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 111, 9 et 2 Dispérsit, dedit paupéribus: iustítia eius manet in sáeculum sáeculi. **V.** Potens in terra erit semen eius: generatio rectórum benedicétur.

Allelúia, allelúia. **V.** O Ióachim, sanctæ coniux Annæ, pater almæ Vírginis, hic fámulis ferto salútis opem. Allelúia.

¶ **In Missis votivis post Septuagesimam, omissis Allelúia, et versu sequenti, dicitur:**

Tractus Ps. 20, 3-4 Desidérium ánimæ eius tribuísti ei: et voluntáte labiórur eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

Tempore autem paschali omittitur graduale et eius loco dicitur:

Allelúia, allelúia. **V. Ps. 111, 2** Potens in terra erit semen eius: generatio rectórum benedicétur. Allelúia. **V.** O Ióachim, sanctæ coniux Annæ, pater almæ Vírginis, hic fámulis ferto salútis opem. Allelúia.

✠ Inítium sancti Evangélii secúndum Matthæum

Matth. 1, 1-16

Liber generatiónis Iesu Christi filii David, filii Abraham. Abraham genuit Isaac. Isaac autem genuit Iacob. Iacob autem genuit Iudam, et fratres eius. Iudas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David regem. David autem rex genuit Salomónem ex ea, quæ fuit Uríæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Iósaphat. Iósaphat autem genuit Ioram. Ioram autem genuit Ozíam. Ozias autem genuit Ióatham. Ióatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Iosíam. Iosías autem genuit Iechoníam, et fratres eius in transmigratióne Babylónis. Et post transmigratióne Babylónis: Iechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Iacob. Iacob autem genuit Ioseph virum Maríæ, de qua natus est Iesus, qui vocátur Christus.

Antiphona ad Offertorium*Ps. 8, 6-7*

Glória et honóre coronásti eum:
et constituísti eum super ópera má-
nuum tuárum, Dómine.

Secreta

Súscipe, clementíssime Deus, sa-
crificium in honórem sancti
Patriárchæ Ióachim, patris Mariæ
Vírginis, maiestáti tuæ oblátum: ut,
ipso cum cóniuge sua, et beatíssima
prole intercedénte, perféctam cón-
sequi mereámur remissionem pec-
catorum, et glóriam sempitérnam.
Per Dóminum.

Antiphona ad Communionem*Luc. 12, 42*

Fidélis servus et prudens, quem
constituit dóminus super familiam
suam: ut det illis in témpore trítici
mensúram.

Postcommunio

Quæsumus, omnípotens Deus: ut
per hæc sacraménta, quæ
súmpsimus, intercedéntibus méritis
et précibus beáti Ióachim patris
Genetrícis dilécti Fílii tui Dómini
nostri Iesu Christi, tuæ grátiae in
præsénti, et æternæ glóriæ in futú-
ro partícipes esse mereámur. Per
eúndem Dóminum.

DIE 17 AUGUSTI

S. HYACINTHI **CONF.***III classis*

*Missa Os iusti, de Communi Confessoris non
Pontificis 1º loco (25).*

Oratio

Deus, qui nos beáti Hyacínthi
Confessóris tui ánnua solem-
nitáte lætíficas: concéde propítius;

ut, cuius natalítia cólimus, étiam
actiónes imitémur. Per Dóminum.

Secreta

Laudis tibi, Dómine, hóstias immo-
lámus in tuórum commemora-
tíone Sanctórum: quibus nos et præ-
séntibus éxui malis confídimus, et
futúris. Per Dóminum.

Postcommunio

Refécti cibo potúque cælésti, De-
us noster, te súplices exorá-
mus: ut, in cuius hæc commemora-
tíone percépimus, eius muniámur
et précibus. Per Dóminum.

DIE 18 AUGUSTI

S. AGAPITI **MARTYRIS***Commemoratio***Antiphona ad Introitum***Ps. 63, 11*

Lætábitur iustus in Dómino, et
sperábit in eo: et laudabún-
tur omnes recti corde. **Ps.**
ibid., 2 Exáudi, Deus, oratíonem
meam cum déprecor: a timóre ini-
míci éripe ánimam meam. **V.** Gló-
ria Patri. **L**ætábitur.

Oratio

Lætétur Ecclésia tua, Deus, beáti
Agapíti Mártiris tui confísa
suffrágiis: atque, eius précibus glo-
riósis, et devóta permáneat, et secú-
ra consístat. Per Dóminum.

Léctio Epístolæ beáti Pauli Apóstoli
ad Timótheum

2 Tim. 2, 8-10; 3, 10-12

Caríssime: Memor esto, Dómi-
num Iesum Christum resur-
rexísse a mórtuis ex sémine Da-
vid, secúndum Evangélium meum,

in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælésti. Tu autem assecútus es meam doctrínam, institutiónem, propósitum, fidem, longanimitátem, dilectiόνem, paciéntiam, persecutiónes, passiónes: quália mihi facta sunt Antiochiæ, Iconii et Lystri: quales persecutiónes sustínui, et ex ómnibus erípuit me Dóminus. Et omnes, qui pie volunt vívere in Christo Iesu, persecutiónem paciéntur.

Graduale Ps. 36, 24 Iustus cum ceciderit, non collidétur: quia Dóminus suppónit manum suam. **℣. Ibid., 26** Tota die miserétur, et cómmodat: et semen eius in benedictiône erit.

Allelúia, allelúia. **℣. Ioann. 8, 12** Qui séquitur me, non ámbulat in ténebris: sed habébit lumen vitæ ætérnæ. Allelúia.

✠ Sequéntia sancti Evangélíi secúndum Ioánnem

Ioann. 12, 24-26

In illo témpore: Dixit Iesus discipulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium

Ps. 20, 4-5

Posuísti, Dómine, in cápíte eius corónam de lápide pretióso: vitam pétiit a te, et tribuísti ei, allelúia.

Secreta

Súscipe, Dómine, múnera, quæ in eius tibi solemnitáte deférimus: cuius nos confídimus patrocínio liberári. Per Dóminum.

Antiphona ad Communionem

Ioann. 12, 26

Qui mihi minístrat, me sequátur: et ubi sum ego, illic et miníster meus erit.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 19 AUGUSTI

S. IOANNIS EUDES
CONFESSORIS

III classis

Missa Os iusti, de Communi Confessoris non Pontificis 1º loco (25), præter orationem sequentem:

Oratio

P

Deus, qui beátum Ioánnem, Confessórem tuum, ad cultum Sacrórum Córdium Iesu et Mariæ rite promovéndum, mirabíliter inflammásti, et per eum novas in Ecclésia tua famílias congregáre voluísti: præsta, quæsumus; ut, cuius pia mérita venerámur, virtutum quoque instruámur exémplic. Per eúndem Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confídimus, et futúris. Per Dóminum.

Postcommunio

C

Refécti cibo potúque caelésti, Deus noster, te súpplīces exorámus: ut, in cuius hāc commemoratióne percépimus, eius muniámur et précibus. Per Dóminum.

DIE 20 AUGUSTI

S. BERNARDI ABBATIS ET
ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spírītu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Deus, qui pópulo tuo æternæ salútis beátum Bernárdum mínistrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Lectio libri Sapiéntiæ

Eccli. 39, 6-14

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in

oratióne, et pro delíctis suis deprecábitur. Si enim Dóminus magnus volúerit, spírītu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplinam, et in absconditis suis consiliábitur. Ipse palam fáciat disciplinam doctrinæ suæ, et in lege testaménti Dómini gloriábitur. Colaudábunt multi sapiéntiam eius, et usque in sáeculum non delébitur. Non recédet memória eius, et nomen eius requirétur a generatióne in generatióne. Sapiéntiam eius enarrábunt gentes, et laudem eius enuntiábit ecclésia.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii secúndum Matthæum

Matth. 5, 13-19

In illo témpore: Dixit Iesus discípulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in

cælis est. Nolite putare, quóniam veni solvere legem, aut prophétas: non veni solvere, sed adimplere. Amen quippe dico vobis, donec transeat cælum et terra, iota unum, aut unus apex non præteribit a lege, donec ómnia fiant. Qui ergo solverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Sancti Bernárdi Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Bernárdus Conféssor tuus et Doctor egrégus, quæsumus, precátor accédát. Per Dóminum.

DIE 21 AUGUSTI

S. IOANNÆ FRANCISCÆ FREMIOT DE CHANTAL VIDUÆ

III classis

Missa Cognóvi, de Communi non Virginum
2º loco (39), cum orationibus ut infra:

Oratio

P

Omnípotens et miséricors Deus, qui beátam Ioánnam Franciscam tuo amore succénsam, admirábili spíritus fortitúdine per omnes vitæ sémitas in via perfectionis donásti, quique per illam illustráre Ecclésiám tuam nova prole voluísti: eius méritis et précibus concéde; ut, qui infirmitátis nostræ cónsocii de tua virtúte confídimus, cæléstis grátiae auxílio cuncta nobis adversántia vincámus. Per Dóminum.

Secreta

P

Illo nos amoris igne, quæsumus, Dómine, hæc hóstia salutáris inflámmet: quo beátæ Ioánnæ Franciscæ cor vehementer incéndit, et flammis adússit æternæ caritátis. Per Dóminum.

Postcommunio

P

Spíritum nobis, Dómine, tuæ caritátis infúnde: ut, quos cæléstis panis virtúte satiásti, beáta Ioánnæ Francisca intercedénte, fácias terrena despícere, et te solum Deum pura mente sectári. Per Dóminum nostrum Iesum Christum Fílium tuum: Qui tecum vivit et regnat in unitáte eiúsdem.

IMMACULATI CORDIS B. MARIÆ VIRG.

II classis

Antiphona ad Introitum

Hebr. 4, 16

Adeamus cum fiducia ad thronum gratiæ, ut misericordiam consequamur, et gratiam inveniamus in auxilio opportuno. **Ps. 44, 2** Eructavit cor meum verbum bonum: dico ego opera mea regi. **V.** Glória Patri. Adeamus.

Oratio

Omnipotens sempitérne Deus, qui in Corde beátæ Mariæ Virginis dignum Spíritus Sancti habitáculum præparásti: concéde propítius; ut eiúsdem immaculáti Cordis festivitátem devóta mente recoléntes, secúndum cor tuum vívere valeámus. Per Dóminum... in unitáte eiúsdem.

Et fit commemoratio Ss. Timothei, Hippolyti et Symphoriani Mm.:

Oratio

Auxílium tuum nobis, Dómine, quæsumus, placátus impénde: et, intercedéntibus beátis Martýribus tuis Timótheo, Hippólyto et Symphoriáno, dexteram super nos tuæ propitiatiónis exténde. Per Dóminum.

Lectio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego

mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Ps. 12, 6 Exsultábit cor meum in salutári tuo: cantábo Dómino, qui bona tríbuit mihi: et psallam nómini Dómini altíssimi. **V.** **Ps. 44, 18** Mémoires erunt nóminis tui in omni generatióne et generatióem: proptérea pópuli confitebúntur tibi in ætérnum.

Allelúia, allelúia. **V. Luc. 1, 46, 47** Magnificat ánima mea Dóminum: et exsultávit spíritus meus in Deo salutári meo. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Prov. 8, 32, 35 Nunc ergo, filii, audíte me: Beáti, qui custódiunt vias meas. **V.** Audíte disciplínam et estóte sapiéntes, et nolíte abiícere eam. **V.** Beátus homo qui audit me, et qui vígilat ad fores meas cotidie,

et observat ad postes ostii mei.
V. Qui me invenerit, inveniet
 vitam, et hauriet salutem a Dó-
 mino.

*Tempore autem paschali omittitur
 graduale, et eius loco dicitur:*

Allelúia, allelúia. **V. Luc. 1,
 46-48** Magnificat ánima mea Dó-
 minum: et exultávit spíritus
 meus in Deo salutári meo. Alle-
 lúia. **V.** Beátam me dicent om-
 nes generatiónes, quia ancíllam
 húmílem respéxit Deus. Alle-
 lúia.

✠ **Sequéntia sancti Evangelii
 secúndum Ioánnem**

Ioann. 19, 25-27

In illo témpore: Stabant iuxta cru-
 cem Iesu mater eius, et soror
 matris eius María Cléophæ, et Ma-
 ría Magdaléne. Cum vidísset ergo
 Iesus matrem, et discípulum stan-
 tem, quem diligébat, dicit matri
 suæ: Múlier, ecce fílius tuus.
 Deínde dicit discípulo: Ecce mater
 tua. Et ex illa hora accépit eam di-
 scípulus in sua.

Credo.

Antiphona ad Offertorium

Luc. 1, 47, 49

Exsultávit spíritus meus in Deo
 salutári meo; quia fecit mihi magna
 qui potens est, et sanctum nomen
 eius.

Secreta

Maíestáti tuæ, Dómine, Agnum
 immaculátum offeréntes,
 quæsumus: ut corda nostra ignis
 ille divínus accéndat, qui Cor beátæ
 Maríæ Vírginis ineffabíliter inflam-
 mávit. Per eúndem Dóminum.

**Pro Ss. Timotheo, Hippolyto et
 Symphoriano** **Secreta**

Accépta tibi sit, Dómine, sa-
 crátæ plebis oblátio pro
 tuórum honóre Sanctórum:
 quorum se méritis de tribula-
 tione percepísse cognóscit auxí-
 lium. Per Dóminum.

*Præfatio de B. María Virg. Et te in
 Festivitate.*

Antiphona ad Communionem

Ioann. 19, 26-27

Dixit Iesus matri suæ: Múlier,
 ecce fílius tuus: deínde dixit discí-
 pulo: Ecce mater tua. Et ex illa hora
 accépit eam discípulus in sua.

Postcommunio

Divínis refécti munéribus te, Dó-
 mine, suppliciter exorámus:
 ut beátæ Maríæ Vírginis interces-
 sióne, cuius immaculáti Cordis so-
 lémnia venerádo égimus, a præ-
 sentibus perículis liberáti, æternæ
 vitæ gáudia consequámur. Per Dó-
 minum.

**Pro Ss. Timotheo, Hippolyto et
 Symphoriano** **Postcommunio**

Divíni múnemis largitáte sa-
 tiáti, quæsumus, Dómine
 Deus noster: ut, intercedéntibus
 sanctis Martýribus tuis Timó-
 theo, Hippólyto et Symphoriá-
 no, in eius semper participa-
 tióne vivámus. Per Dóminum.

EODEM DIE 22 AUGUSTI

**SS. TIMOTHEI, HIPPOLYTI
 ET SYMPHORIANI
 MARTYRUM**

Commemoratio

*Missa Salus autem, de Comuni plurimo-
 rum Martyrum 3° loco (13), cum orationibus ut
 in Missa præcedenti.*

DIE 23 AUGUSTI

S. PHILIPPI BENITI CONF.

III classis

Missa Iustus ut palma, de Communi Confessoris non Pontificis 2° loco (26), præter orationem sequentem:

Oratio

P

Deus, qui per beátum Philíppum Confessórem tuum, exímium nobis humilitátis exémplum tribuísti: da fámulis tuis próspera mundi ex eius imitatione despícere, et cæléstia semper inquírere. Per Dóminum.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépi-mus, intercedente beáto Philíppo Confessóre tuo, per hæc contra ómnia advérsa muniámur. Per Dóminum.

DIE 24 AUGUSTI

S. BARTHOLOMÆI AP.

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri. **M**ihi autem.

Oratio

Omnípotens sempitérne Deus, qui huius diéi venerándam sanctámque lætítiam in beáti Apóstoli tui Bartholomæi festivitáte tribuísti: da Ecclésiæ tuæ, quæsumus; et amáre quod crédidit, et prædicáre quod dócuit. Per Dóminum.

Léctio Epístolæ beáti Pauli Apóstoli ad Corínthios

1 Cor. 12, 27-31

Fratres: Vos estis corpus Christi, et membra de membro. Et quosdam quidem pósuit Deus in Ecclésia primum apóstolos, secúndo prophétas, tértio doctóres, deínde virtútes, exínde grátias curatiónum, opitulatiónes, gubernatiónes, génera linguárum, interpretatiónes sermónum. Numquid omnes apóstoli? numquid omnes prophétæ? numquid omnes doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? **Æ**mulamini autem charísmata melióra.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V.** Te gloriósus Apostolórum chorus laudat, Dómine. Allelúia.

✠ Sequéntia sancti Evangélíi secúndum Lucam

Luc. 6, 12-19

In illo témpore: Exiit Iesus in montem oráre, et erat pernóctans in

oratióne Dei. Et cum dies factus esset, vocávit discipulos suos, et elégit duódecim ex ipsis (quos et Apóstolos nominávit): Simónem, quem cognominávit Petrum, et Andréam fratrem eius, Iacóbum et Ioánnem, Philíppum et Bartholomáeum, Mattháeum et Thomam, Iacóbum Alpháei et Simónem, qui vocátur Zelótes, et Iudam Iacóbi, et Iudam Iscariótem, qui fuit próditor. Et descéndens cum illis, stetit in loco campéstri, et turba discipulorum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tángere, quia virtus de illo exíbat, et sanábat omnes. **Credo.**

Antiphona ad Offertorium

Ps. 138, 17

Mihi autem nimis honoráti sunt amici tui, Deus: nimis confortátus est principátus eórum.

Secreta

Beáti Apóstoli tui Bartholomáei solémnia recenséntes, quæsumus, Dómine: ut eius auxílio tua benefícia capiámus, pro quo tibi laudis hóstias immolámus. Per Dóminum nostrum.

Præfatio de Apostolis.

Antiphona ad Communionem

Matth. 19-28

Vos qui secúti estis me, sedébitis super sedes, iudicántes duódecim tribus Israél, dicit Dóminus.

Postcommunio

Sumptum, Dómine, pignus redemptionis æternæ: sit nobis, quæsumus; interveniēte beáto Bartholomáeo Apóstolo tuo, vitæ præsentis auxílium páriter et futuræ. Per Dóminum.

¶ In Missis votivis post Septuagesimam omnia dicuntur ut supra, sed post graduale, omissis Allelúia, et versu sequenti, dicitur:

Tractus Ps. 20, 3-4 Desiderium animæ eius tribuísti ei: et voluntáte labiów eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lapide pretióso.

¶ Tempore autem paschali Missa Protextísti, de Communi Martyrum 1º loco (16), cum orationibus, Epistola et Evangelio ut supra.

DIE 25 AUGUSTI

S. LUDOVICI REGIS,
CONFESSORIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loqué-tur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zelá-veris faciéntes iniquitátem. **V.** Gló-ria Patri. **O**s iusti.

Oratio

Deus, qui beátum Ludovicum Confessórem tuum de terréno regno ad cæléstis regni glóriam transtulísti: eius, quæsumus, méritis et intercessióne; Regis regum Iesu Christi Fílii tui fácias nos esse consórtes: Qui tecum.

Lectio libri Sapiéntiæ

Sap. 10, 10-14

Iustum deduxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérrnam, Dóminus Deus noster.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi
secúndum Lucam

Luc. 19, 12-26

In illo témpore: Dixit Iesus discí-pulis suis parábolam hanc: Homo quidam nóbilis ábiit in regiónem longínquam accípere sibi regnum, et revérte. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem eius óderant eum: et misérunt legatióem

post illum, dicéntes: Nólumus hunc regnare super nos. Et factum est, ut redíret accépto regno: et iussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge bone serve, quia in módico fuísti fidélis, eris potestátem habens super decem civitátes. Et alter venit, dicens, Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te iú dico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedísti pecúniam meam ad mensam, ut ego véniens, cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Præsta, quæsumus, omnípotens Deus: ut, sicut beátus Ludovicus Conféssor tuus, spretis mundi oblectaméntis, soli Regi Christo placére stúduit; ita eius orátio nos tibi reddat accéptos. Per eúndem Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Deus, qui beátum Confessórem tuum Ludovicum mirificásti in terris, et gloriósum in cælis fecísti: eúndem, quæsumus, Ecclesiæ tuæ constitue defensórem. Per Dóminum.

DIE 26 AUGUSTI

S. ZEPHYRINI PAPÆ ET MARTYRIS

Commemoratio

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Zephyrínum Mártirem tuum atque Summum Pontíficem, perpétua protectione custódi; quem totíus Ecclesiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclesiam tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam gubernána, quæsumus, Dómine, tuam placátus Ecclesiam: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 27 AUGUSTI

S. IOSEPHI CALASANCTII CONFESSORIS

III classis

Antiphona ad Introitum

Ps. 33, 12

Veníte, filii, audíte me: timórem Dómini docébo vos. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri. Veníte.

Oratio

Deus, qui per sanctum Ioséphum Confessórem tuum, ad erudiéndam spíritu intellegéntiæ ac pietátis iuventútem, novum Ecclesiæ tuæ subsidium providére dignátus es: præsta, quæsumus; nos, eius exémplo et intercessióne, ita fácere et docére, ut præmia consequámur ætérna. Per Dóminum.

Lectio libri Sapiéntiæ

Sap. 10, 10-14

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant:

et mendaces osténdit, qui maculaverunt illum, et dedit illi claritatem æternam, Dóminus Deus noster.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **℣.** Lex Dei eius in corde ipsíus: et non supplantábuntur gressus eius.

Allelúia, allelúia. **℣. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi secúndum Matthæum

Matth. 18, 1-5

In illo témpore: Accessérunt discipuli ad Iesum, dicéntes: Quis putas maior est in regno cælórum? Et ádvocans Iesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit.

Antiphona ad Offertorium

Ps. 9, 17

Desidérium páuperum exaudivit Dóminus: præparatióem cordis eórum audivit auris tua.

Secreta

Altáre tuum, Dómine, munéribus cumulámus oblátis: ut eius nobis fiant supplicatióne propítia, cuius nos donásti patrocínio adiuvári. Per Dóminum.

Antiphona ad Communionem

Marc. 10, 14

Sínite párvulos veníre ad me, et ne prohibuéritis eos: tálium est enim regnum Dei.

Postcommunio

Sanctificáti, Dómine, salutári mystério: quæsumus; ut, intercedénte sancto Iosépho Confessóre tuo, ad maius semper proficiámus pietátis increméntum. Per Dóminum.

DIE 28 AUGUSTI

**S. AUGUSTINI EP. CONF.
ET ECCL. DOCT.**

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **℣.** Glória Patri. **I**n médio.

Oratio

Adésto supplicatió nibus nostris, omnipotens Deus: et, quibus fidúciám sperándæ pietátis indúlges, intercedénte beáto Augustíno Confessóre tuo atque Pontífice, consuétæ misericórdiæ tríbue benígnus efféctum. Per Dóminum.

Et fit commemoratio S. Hermetis Martyris:

Oratio

Deus, qui beátum Hermétem Mártýrem tuum virtúte constántiæ in passióne roborásti: ex eius nobis imitatióne tríbue; pro amóre tuo próspera mundi despícere, et nulla eius advérsa formidáre. Per Dóminum.

Léctio Epístolæ beāti Pauli
Apóstoli ad Timótheum

2 Tim. 4, 1-8

Carissime: Testificor coram Deo, et Iesu Christo, qui iudicaturus est vivos et mórtuos, per advéntum ipsius, et regnum eius: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsius: et non supplantábuntur gressus eius.

Allelúia, allelúia. **V. Ps. 88, 21** Inveni David servum meum, óleo sancto meo unxi eum. Allelúia.

✠ Sequéntia sancti Evangélii secundum Matthæum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab

homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus, quæ in Líbano est, multiplicábitur.

Secreta

Sancti Augustíni Pontíficis tui atque Doctóris nobis, Dómine, pia non desit orátio: quæ, et múnera nostra concíliet; et tuam nobis indulgéntiam semper obtíneat. Per Dóminum.

Pro S. Hermete

Secreta

Sacrificium tibi, Dómine, laudis offérimus in tuórum commemoratióne Sanctórum: da, quæsumus; ut, quod illis cóntulit glóriam, nobis prosit ad salútem. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dñus super familiam suam: ut det illis in tempore tritici mensuram.

Postcommunio

Ut nobis, Dñe, tua sacrificia dent salutem: beatus Augustinus Pñtifex tuus et Doctor egregius, quæsumus, precator accedat. Per Dñum.

**Pro S. Hermete
Postcommunio**

Replēti, Dñe, benedictione cælesti, quæsumus clementiam tuam: ut, intercedente beato Hermete Martyre tuo, quæ humiliter gerimus, salubriter sentiāmus. Per Dñum.

EODEM DIE 28 AUGUSTI

S. HERMETIS MARTYRIS

Commemoratio

Missa Laetabitur, de Comuni unius Martyris 4° loco (8), cum orationibus ut in Missa præcedenti.

DIE 29 AUGUSTI

**IN DECOLLATIONE
S. IOANNIS BAPTISTÆ**

III classis

Antiphona ad Introitum

Ps. 118, 46-47

Loquébar de testimoniis tuis in conspectu regum, et non confundébar: et meditábar in mandatis tuis, quæ diléxi nimis. **Ps. 91, 2** Bonum est confiteri Dñino: et psállere nómini tuo, Altissime. **V.** Glória Patri. **L**oquébar.

Oratio

Sancti Ioánnis Baptístæ Præcursoris et Mátyris tui, quæsumus, Dñe, veneranda festività: salutáris auxilií nobis præstet effectum: Qui vivis.

Et fit commemoratio S. Sabinæ Martyris:

Oratio

Deus, qui inter cetera potentiae tuæ miracula etiam in sexu fragili victóriam martyrii contulisti: concède propítius; ut, qui beatæ Sabinæ Mátyris tuæ natalítia cólimus, per eius ad te exéempla gradiámur. Per Dñum.

Lectio Ieremiæ Prophætæ

Ier. 1, 17-19

In diēbus illis: Factum est verbum Dñi ad me, dicens: Accinge lumbos tuos, et surge, et loquere ad Iuda omnia, quæ ego præcipio tibi. Ne formides a facie eorum: nec enim timere te faciam vultum eorum. Ego quippe dedi te hodie in civitatem munitam, et in columnam ferream, et in murum æereum, super omnem terram, régibus Iuda, principibus eius, et sacerdotibus, et populo terræ. Et bellábunt adversum te, et non prævalébunt: quia ego tecum sum, ait Dñus, ut liberem te.

Graduale Ps. 91, 13 et 14 Iustus ut palma florébit: sicut cedrus Libani multiplicábitur in domo Dñi. **V. Ibid., 3** Ad annuntiāndum mane misericórdiam tuam, et veritatem tuam per noctem.

Allelúia, allelúia. **V. Osee 14, 6** Iustus germinábit sicut lílium: et florébit in ætérnum ante Dñum. Allelúia.

✠ Sequéntia sancti Evangélii secúndum Marcum

Marc. 6, 17-29

In illo témpore: Misit Heródes, ac ténuit Ioánnem, et vínxit eum in cárcere propter Herodiádem uxórem Philíppi fratris sui, quia dúxerat eam. Dicébat enim Ioánnes Heródi: Non licet tibi habére uxórem fratris tui. Heródias autem insidiabátur illi, et volébat occídere eum, nec póterat. Heródes enim metuébat Ioánnem, sciens eum virum iustum et sanctum: et custodiébat eum, et audíto eo multa faciébat, et libénter eum audiébat. Et cum dies opportúnus accidísset, Heródes natális sui cenam fecit princípibus, et tribúnis, et primis Galilææ. Cumque introísset filia ipsíus Herodiádis, et saltásset, et placuísset Heródi simúlque recumbéntibus; rex ait puéllæ: Pete a me quod vis, et dabo tibi. Et iurávit illi: Quia quidquid petieris dabo tibi, licet dimídium regni mei. Quæ cum exiísset, dixit matri suæ: Quid petam? At illa dixit: Caput Ioánnis Baptístæ. Cumque introísset statim cum festinátione ad regem, petívit dicens: Volo ut prótinus des mihi in disco caput Ioánnis Baptístæ. Et contristátus est rex: propter iusiurándum, et propter simul discumbéntes nóluit eam contristáre: sed misso spiculatóre, præcépit afférri caput eius in disco. Et decollávit eum in cárcere. Et áttulit caput eius in disco: et dedit illud puéllæ, et puélla dedit matri suæ. Quo audíto, discípuli eius venérunt, et tulérunt corpus eius: et posuérunt illud in monuménto.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum ex-

sultábit veheménter: desidérium ánimæ eius tribuísti ei.

Secreta

Múnera, quæ tibi, Dómine, pro sancti Mártiris tui Ioánnis Baptístæ passióne deférimus: quæsumus; ut eius obténtu nobis proficiant ad salutem. Per Dóminum.

Pro S. Sabina

Secreta

Hóstias tibi, Dómine, beátæ Sabínæ Mártiris tuæ dicátas méritis, benígnus assúme: et ad perpétuum nobis tribue proveníre subsidium. Per Dóminum.

Antiphona ad Communionem

Ps. 20, 4

Posuísti, Dómine, in cápite eius corónam de lápide pretióso.

Postcommunio

Cónferat nobis, Dómine, sancti Ioánnis Baptístæ solémnitas: ut et magnífica sacraménta, quæ sumpsimus, significáta venerémur, et in nobis pótius édita gaudeámus. Per Dóminum.

Pro S. Sabina Postcommunio

Divíni múnneris largitáte satiáti, quæsumus, Dómine Deus noster: ut, intercedénte beáta Sabína Mártire tua, in eius semper participatióne vivámus. Per Dóminum.

EODEM DIE 29 AUGUSTI
S. SABINÆ MARTYRIS

Commemoratio

Missa Me expectavérunt, de Comuni non Virginum 1° loco (37), cum orationibus ut in Missa præcedenti.

DIE 30 AUGUSTI

S. ROSÆ LIMANÆ VIRGINIS

III classis

Missa Dilexisti, de Communi Virginum 3^o loco (33), præter orationem sequentem:

Oratio

P

Bonorum omnium largitor, omnipotens Deus, qui beatam Rosam, cælestis gratiæ rore præventam, virginitatis et patientiæ decore Indis florêscere voluisti: da nobis famulis tuis; ut in odorem suavitatis eius currêntes, Christi bonus odor effici mereâmur: Qui tecum.

Et fit commemoratio Ss. Felicis et Adaucti Martyrum:

Oratio

Maiestatem tuam, Dômine, supplices exorâmus: ut, sicut nos iûgiter Sanctorum tuorum commemoratione lætificas; ita semper supplicatione defêndas. Per Dôminum.

Secreta

C

Accêpta tibi sit, Dômine, sacratæ plebis oblâtio pro tuorum honore Sanctorum: quorum se mēritis de tribulatione percepisse cognôscit auxilium. Per Dôminum.

Pro Ss. Felice et Adaucto
Secreta

Hóstias, Dômine, tuæ plebis intēde: et, quas in honore Sanctorum tuorum devôta mente cêlebrat, proficere sibi sēntiat ad salûtem. Per Dôminum.

Postcommunio

C

Satiâsti, Dômine, familiam tuam munéribus sacris: eius, quæsumus, semper interventióne nos ré-

fove, cuius solémnia celebrâmus. Per Dôminum.

Pro Ss. Felice et Adaucto
Postcommunio

Replêti, Dômine, munéribus sacris: quæsumus; ut, intercedéntibus Sanctis tuis, in gratiârum semper actióne maneamus. Per Dôminum.

EODEM DIE 30 AUGUSTI

SS. FELICIS ET ADAUCTI
MARTYRUM

Commemoratio

Antiphona ad Introitum

Eccli. 44, 15 et 14

Sapiéntiam sanctorum narrent pópuli, et laudes eorum nuntiet ecclésia: nómina autem eorum vivent in sæculum sæculi. **Ps. 32, 1** Exsultáte, iusti, in Dômino: réctos decet collaudátio. **V.** Glória Patri. **S.** Sapiéntiam.

Oratio

Maiestatem tuam, Dômine, supplices exorâmus: ut, sicut nos iûgiter Sanctorum tuorum commemoratione lætificas; ita semper supplicatione defêndas. Per Dôminum.

Lêctio libri Sapiéntiæ

Sap. 10, 17-20

Réddidit Deus iustis mercédem labórum suórum, et dedúxit illos in via mirábili: et fuit illis in velaménto diéi, et in luce stellárum per noctem: tránstulit illos per Mare Rubrum, et transvéxit illos per aquam nímiam. Inimícos autem illórum demérsit in mare, et ab altitúdine inferórum edúxit illos. Ideo iusti tulérunt spólia impiórum, et

decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale Sap. 3, 1-2 et 3 Iustórum ánimæ in manu Dei sunt, et non tanget illos torméntum malítiæ. **℣.** Visi sunt óculis insipiéntium mori: illi autem sunt in pace.

Allelúia, allelúia. **℣.** Fulgébunt iusti, et tamquam scintillæ in arundinétó discúrrunt in ætérnum. Allelúia.

✠ **Sequéntia sancti Evangélíi**
secúndum Lucam

Luc. 10, 16-20

In illo témpore: Dixit Iesus discí-
pulis suis: Qui vos audit, me
audit, et qui vos spernit, me sper-
nit. Qui autem me spernit, spernit
eum, qui misit me. Revérsi sunt au-
tem septuaginta duo cum gáudio,
dicéntes: Dómine, étiam dæmónia
subiiciúntur nobis in nómine tuo. Et
ait illis: Vidébam sátanam sicut ful-
gur de cælo cadéntem. Ecce dedi
vobis potestátem calcándi supra
serpéntes, et scorpíones, et super
omnem virtútem inimíci: et nihil
vobis nocébit. Verúmtamen in hoc
nolíte gaudére quia spíritus vobis
subiiciúntur: gaudéte autem, quod
nómina vestra scripta sunt in cælis.

Antiphona ad Offertorium

Ps. 31, 11

Lætámini in Dómino, et exsultáte,
iusti: et gloriámini, omnes recti
corde.

Secreta

Hóstias, Dómine, tuæ plebis in-
ténde: et, quas in honóre San-
ctórum tuórum devóta mente cé-

lebrat, proficere sibi séntiat ad
salútem. Per Dóminum.

Antiphona ad Communionem

Matth. 10, 27

Quod dico vobis in ténebris, dí-
cite in lúmine, dicit Dóminus: et
quod in aure audítis, prædicáte
super tecta.

Postcommunio

Repléti, Dómine, munéribus sa-
cris: quæsumus; ut, interce-
déntibus Sanctis tuis, in gratiárum
semper actióne maneámus. Per Dó-
minum.

DIE 31 AUGUSTI

S. RAYMUNDI NONNATI
CONFESSORIS

III classis

Missa Os iusti, **de Communi Confessoris**
non Pontificis 1° loco (25), præter orationem
sequentem:

Oratio

P

Deus, qui in liberándis fidélibus
tuis ab impiórum captivité
beátum Raymúndum Confessórem
tuum mirábilem effecísti: eius nobis
intercessióne concéde; ut, a pecca-
tórum vínculis absolúti, quæ tibi
sunt plácita, liberis méntibus exse-
quámur. Per Dóminum.

Secreta

C

Laudis tibi, Dómine, hóstias immo-
lámus in tuórum commemora-
tíone Sanctórum: quibus nos et
præséntibus éxui malis confídimus,
et futúris. Per Dóminum.

Postcommunio

C

Refécti cibo potúque cælésti, De-
us noster, te súplices exorá-
mus: ut, in cuius hæc commemora-
tíone percépimus, eius muniámur
et précibus. Per Dóminum.

FESTA SEPTEMBRIS

DIE 1 SEPTEMBRIS

S. ÆGIDII ABBATIS

Commemoratio

Missa Os iusti, de Communi Abbatum (28).

Oratio

C

Intercéssio nos, quæsumus, Dómine, beáti Ægídi Abbátis coméndet: ut, quod nostris méritis non valémus, eius patrocínio assequámur. Per Dóminum.

Deinde commemoratio Ss. duodecim Fratrum Martyrum:

Oratio

Fratérna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum, et multiplici nos suffrágio consolétur. Per Dóminum.

Secreta

C

Sacris altáribus, Dómine, hóstias superpósitas sanctus Ægídius Abbas, quæsumus, in salútem nobis proveníre depóscat. Per Dóminum.

Pro Ss. Martyribus Secreta

Mystéria tua, Dómine, pro sanctórum Mártyrum tuórum commemoratióne devóta mente tractémus: quibus nobis et præsídiu crescat, et gáudium. Per Dóminum.

Postcommunio

C

Próteget nos, Dómine, cum tui perceptiône sacraménti beátus Ægídius Abbas pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

Pro Ss. Martyribus
Postcommunio

Præsta, quæsumus, omnípotens Deus: ut, quorum memóriam sacraménti participatióne recólimus, fidem quoque proficiéndo sectémur. Per Dóminum.

EODEM DIE 1 SEPTEMBRIS

SS. DUODECIM FRATRIUM
MARTYRUM

Commemoratio

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri. **C**lamavérunt.

Oratio

Fratérna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum, et multiplici nos suffrágio consolétur. Per Dóminum.

Léctio Epístolæ beáti Pauli Apóstoli ad Hebræos **Hebr. 11, 33-39**

Fratres: Sancti per fidem vicérunt regna, operáti sunt iustítiam, adépti sunt repromissiónes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem:

alii vero ludibria, et verbera experti, insuper et vincula, et carceres: lapidati sunt, secti sunt, tentati sunt, in occisione gladii mortui sunt: circueverunt in melotis, in pelibus caprinis, egentes, angustiat, afflicti: quibus dignus non erat mundus: in solitudinibus errantes, in montibus, et speluncis, et in cavernis terrae. Et hi omnes testimonio fidei probati, inventi sunt in Christo Iesu Domino nostro.

Graduale Ps. 132, 1-2 Ecce quam bonum, et quam iucundum habitare fratres in unum. **V.** Sicut unguentum in capite, quod descendit in barbam, barbam Aaron.

Allelúia, allelúia. **V.** Hæc est vera fraternitas, quæ vicit mundi crimina: Christum secuta est, inclita tenens regna cælestia. Allelúia.

✠ **Sequéntia sancti Evangélíi**
secúndum Lucam

Luc. 12, 1-8

In illo tempore: Dixit Iesus discipulis suis: Attendite a fermento pharisæorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam, quæ in tenebris dixistis, in lumine dicentur: et quod in aurem locuti estis in cubiculis, prædicabitur in tectis. Dico autem vobis amicis meis: Ne terreamini ab his, qui occidunt corpus, et post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis: hunc timeate. Nonne quinque passeret véneunt dipondio, et unus ex illis non est in oblivione coram Deo? Sed et capilli capitis vestri omnes numerati sunt.

Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus, et Filius hominis confitebitur illum coram Angelis Dei.

Antiphona ad Offertorium

Ps. 31, 11

Lætamini in Domino, et exultate, iusti: et gloriamini, omnes recti corde.

Secreta

Mysteria tua, Domine, pro sanctorum Martyrum tuorum commemoratione devota mente tractemus: quibus nobis et præsidium crescat, et gaudium. Per Dñ.

Antiphona ad Communionem

Matth. 12, 50

Quicumque fecerit voluntatem Patris mei, qui in cælis est, ipse meus frater, et soror, et mater est, dicit Dominus.

Postcommunio

Præsta, quæsumus, omnipotens Deus: ut, quorum memoriam sacramenti participatione recolimus, fidem quoque proficiendo sectemur. Per Dominum.

DIE 2 SEPTEMBRIS

**S. STEPHANI REGIS,
CONFESSORIS**

III classis

Antiphona ad Introitum

Ps. 36, 30-31

Os iusti meditabitur sapientiam, et lingua eius loquetur iudicium: lex Dei eius in corde ipsius. **Ps. ibid., 1** Noli æmulari in malignantibus: neque zelaveris facientes iniquitatem. **V.** Glória Patri. **O**s iusti.

Oratio

Concède, quæsumus, Ecclesiæ tuæ, omnipotens Deus: ut beatum Stéphanum Confessorem tuum, quem regnāntem in terris propagatorem hábuit, propugnátorem habére mereatur gloriósum in cælis. Per Dóminum.

Lectio libri Sapiéntiæ**Eccli. 31, 8-11**

Beatús vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætéRNA: qui pótuit tránsgrédi, et non est tránsgréssus: fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Iac. 1, 12** Beátus vir, qui suffert tentatiónem: quóniam cum probátus fúerit, accípiet corónam vitæ. Allelúia.

✠ **Sequéntia sancti Evangélíi**
secúndum Lucam

Luc. 19, 12-26

In illo témpore: Dixit Iesus discí-pulis suis parábolam hanc: Homo quidam nóbilis ábiit in regiónem longínquam accíperé sibi regnum, et revérte. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem eius óderant eum: et misérunt legatiónem

post illum, dicéntes: Nólumus hunc regnāre super nos. Et factum est, ut redíret accépto regno: et iussit vocári servos, quibus dedit pecúniā, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge bone serve, quia in módico fuísti fidélis, eris potestátem habens super decem civitátes. Et alter venit dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te iúdico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedísti pecúniā meam ad mensam, ut ego véniens, cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo.

Antiphona ad Offertorium**Ps. 88, 25**

Véritas mea, et misericórdia mea cum ipso: et in nómine meo exaltábitur cornu eius.

Secreta

Réspice, quas offérimus, hóstias, omnipotens Deus: et præsta; ut, qui passiónis Domínicæ mystéria celebrámus, imitémur quod ágimus. Per eúndem Dóminum.

Antiphona ad Communionem

Matth. 24, 46-47

Beátus servus, quem cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Præsta, quæsumus, omnípotens Deus: ut beáti Stéphani Confessóris tui fidem cóngrua devotíone sectémur; qui pro eiúsdem fidei dilatatióne, de terréno regno ad cæléstis regni glóriam méruit perveníre. Per Dóminum.

DIE 3 SEPTEMBRIS

S. PII X PAPÆ ET CONF.

III classis

Antiphona ad Introitum

Ps. 88, 20-22

Extuli eléctum de pópulo, óleo sancto meo unxi eum: ut manus mea sit semper cum eo, et brácchium meum confirmet eum. **Ps. ibid., 2** Grátias Dómini in ætérnum cantábo: per omnes generatiónes annuntiábo fidelitátem tuam ore meo. **V.** Glória Patri. **E**xtuli.

Oratio

Deus, qui ad tuéndam cathólicam fidem, et univérſa in Christo instauránda sanctum Pium, Summum Pontíficem, cælésti sapiéntia et apostólica fortitúde replevísti: concéde propítius; ut, eius institúta et exéempla sectántes, præmia consequámur ætérna. Per eúndem Dóminum.

Léctio Epístolæ beáti Pauli Apóstoli ad Thessalonicéſes

1 Thess. 2, 2-8

Fratres: Fidúciā habúimus in Deo nostro loqui ad vos evangélium Dei in multa sollicitúde. Exhortátio enim nostra non de erróre neque de immundítia neque in dolo; sed, sicut probáti sumus a Deo ut crederétur nobis evangélium, ita lóquimur; non quasi homínibus placéntes, sed Deo qui probat corda nostra. Neque enim aliquándo fúimus in sermóne adulationis, sicut scitis, neque in occasiόne avaritíæ, Deus testis est, nec quæréntes ab homínibus glóriam neque a vobis neque ab áliis. Cum possémus vobis óneri esse ut Christi apóstoli, sed facti sumus párvuli in médio vestrum, tamquam si nutrix fóveat filios suos. Ita desiderántes vos cúpide volebámus trádere vobis non solum evangélium Dei, sed étiam animas nostras, quóniam caríssimi nobis facti estis.

Graduale Ps. 39, 10-11 Annuntiávi iustítiam in coetu magno; ecce lábia mea non cohíbui: Dómine, tu nosti. **V.** Iustítiam tuam non abscondi in corde meo; fidelitátem tuam et auxiliū tuum narrávi.

Allelúia, allelúia. **V. Ps. 22, 5-6** Paras mihi mensam, inúngis óleo caput meum, calix meus ubérrimus est. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 131, 16-18 Sacerdótes eius induam salúte, et sancti eius exsultántes exsultábunt. **V.** Illic David suscitábo cornu, parábo lucernam uncto

meo. **℣.** Inimicos eius induam confusione, super ipsum autem fulgebit diadema meum.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 22, 5-6** Paras mihi mensam, inungis oleo caput meum, calix meus uberrimus est. Allelúia. **℣. Ps. 25, 8** Domine, diligo habitaculum domus tuæ et locum tabernaculi gloriæ tuæ. Allelúia.

✠ Sequéntia sancti Evangélíi secúndum Ioánnem

Ioann. 21, 15-17

In illo témpore: Dixit Iesus Simóni Petro: Simon Ioánnis, diligis me plus his? Dicit ei: Etiam, Domine, tu scis quia amo te. Dicit ei: Pasce agnos meos. Dicit ei íterum: Simon Ioánnis, diligis me? Ait illi: Etiam, Domine, tu scis quia amo te. Dicit ei: Pasce agnos meos. Dicit ei tértio: Simon Ioánnis, amas me? Contristátus est Petrus, quia dixit ei tértio: Amas me? et dixit ei: Domine, tu ómnia nosti; tu scis quia amo te. Dixit ei: Pasce oves meas.

Antiphona ad Offertorium

Ps. 33, 12

Veníte, filii, audíte me; timórem Dómini docébo vos.

Secreta

Oblatió nibus nostris, quæsumus, Domine, benigne susceptis, da nobis, ut hæc divína mystéria, sancto Pio Summo Pontífice intercedente, sincéris tractémus obséquiiis et fidéli mente sumámus. Per Dóminum.

Antiphona ad Communionem

Ioann. 6, 56-57

Caro mea vere est cibus, et sanguis meus vere est potus. Qui manducat meam carnem et bibit meum sanguinem, in me manet et ego in illo.

Postcommunio

Mensæ cælestis virtúte refécti, quæsumus, Domine Deus noster: ut, interveniente sancto Pio Summo Pontífice; fortes efficiámur in fide, et in tua simus caritate córdes. Per Dóminum.

DIE 5 SEPTEMBRIS

**S. LAURENTII IUSTINIANI
EPISCOPI ET CONFESSORIS**

III classis

Missa Státuit, de Communi Confessoris Pontificis 1º loco (20).

Oratio

C

Da, quæsumus, omnipotens Deus: ut beáti Lauréntii Confessoris tui atque Pontificis veneránda solémnitas, et devotió nem nobis áugeat, et salútem. Per Dóminum.

Secreta

C

Sancti tui, quæsumus, Domine, nos ubique lætificent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedente beáto Lauréntio Confessore tuo atque Pontífice, benefícia potióra sumámus. Per Dóminum.

IN NATIVITATE B. MARIÆ VIRG.

II classis

Antiphona ad Introitum

Sedulus

Salve, sancta parens, enixa
puérpera Regem: qui cælum,
terrámque regit in sæcula
sæculórum. **Ps. 44, 2** Eru-
ctávit cor meum verbum bonum:
dico ego ópera mea Regi. **℣.** Glória
Patri. **Salve.**

Oratio

Fámulis tuis, quæsumus, Dómine,
cæléstis grátiae munus imper-
tíre: ut, quibus beátæ Vírginis par-
tus éxstitit salútis exórdium; Na-
tivitátis eius votíva solémnitas
pacis tríbuat increméntum. Per Dó-
minum.

Et fit com. S. Hadriani Martyris:

Oratio

Præsta, quæsumus, omnípo-
tens Deus: ut, qui beáti Ha-
driáni Mártyris tui natalítia có-
limus, intercessióne eius, in tui
nóminis amóre roborémur. Per
Dóminum.

Léctio libri Sapiéntiæ

Prov. 8, 22-35

Dóminus possédit me in inítio
viárum suárum, ántequam
quidquam fáceret a princípíio. Ab
ætérno ordináta sum, et ex antí-
quis, ántequam terra fieret. Non-
dum erant abýssi, et ego iam con-
cépta eram: necdum fontes aquá-
rum erúperant: necdum montes
gravi mole constíterant: ante colles
ego parturiébar: adhuc terram non
fécerat, et flúmina, et cárdines orbis
terræ. Quando præparábat cælos,

áderam: quando certa lege et gyro
vallábat abýssos: quando æthera
firmábat sursum, et librábat fontes
aquárum: quando circúmdabat
mari términum suum, et legem
ponébat aquis, ne transírent fines
suos: quando appendébat funda-
ménta terræ. Cum eo eram cuncta
compónens: et delectábar per sín-
gulos dies, ludens coram eo omni
témpace: ludens in orbe terrárum:
et delíciæ meæ esse cum filiis hó-
minum. Nunc ergo, filii, audíte me:
Beáti, qui custódiunt vias meas.
Audíte disciplínam, et estóte sa-
piéntes, et nolíte abiícere eam. Beá-
tus homo, qui audit me, et qui vígilat
ad fores meas cotidie, et obsérvat
ad postes óstii mei. Qui me invéne-
rit, invéniet vitam, et háuriet salú-
tem a Dómino.

Graduale Benedícta et venerábi-
lis es, Virgo María: quæ sine tactu
pudóris invénta es mater Salvató-
ris. **℣.** Virgo Dei Génetríx, quem
totus non capit orbis, in tua se clau-
sit víscera factus homo.

Allelúia, allelúia. **℣.** Felix es, sa-
cra Virgo María, et omni laude
digníssima: quia ex te ortus est sol
iustítiæ Christus Deus noster. Al-
lelúia.

**In Missis votivis post Septuagesí-
mam, omissis Allelúia et versu se-
quenti, dicitur:**

Tractus Gaude María Virgo,
cunctas háereses sola interemí-
sti. **℣.** Quæ Gabriélis Arch-
ángeli dictis credidísti. **℣.** Dum
Virgo Deum et hóminem genuí-
sti: et post partum Virgo invio-

láta permansísti. *℣.* Dei Génetrix, intercède pro nobis.

Tempore autem paschali omittitur graduale, et eius loco dicitur:

Allelúia, allelúia. *℣. Num. 17, 8* Virga Iesse flóruit: Virgo Deum et hóminem genuit: pacem Deus réddidit, in se reconcilians ima summis. Allelúia. *℣. Luc. 1, 28* Ave María, grátia plena: Dóminus tecum: benedícta tu in muliéribus. Allelúia.

✠ Inítium sancti Evangélíi secúndum Matthæum

Matth. 1, 1-16

Liber generatiónis Iesu Christi filii David, filii Abraham. Abraham genuit Isaac. Isaac autem genuit Iacob. Iacob autem genuit Iudam, et fratres eius. Iudas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David regem. David autem rex genuit Salomónem ex ea, quæ fuit Uríæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Iósaphat. Iósaphat autem genuit Ioram. Ioram autem genuit Ozíam. Ozías autem genuit Ióatham. Ióatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Iosíam. Iosías autem genuit Iechoníam, et fratres eius in transmigratióne

Babylónis. Et post transmigratió-nem Babylónis: Iechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Iacob. Iacob autem genuit Ioseph virum Mariæ, de qua natus est Iesus, qui vocátur Christus.

Credo.

Antiphona ad Offertorium

Beáta es, Virgo María, quæ óm-nium portásti Creatórem: genuísti qui te fecit, et in ætérnum pérmanes Virgo.

Secreta

Unigéniti tui, Dómine, nobis succúrrat humánitas: ut, qui natus de Vírgine, matris integritátem non mínuit, sed sacrávit; in Nativitátis eius solémniis, nostris nos piáculis éxuens, oblatiόνem nostram tibi fáciat accéptam Iesus Christus Dóminus noster: Qui tecum vivit.

Pro S. Hadriano

Secreta

Munéribus nostris, quæsumus, Dómine, precibúsque susceptis: et cæléstibus nos munda mystériis, et cleménter exáudi. Per Dóminum.

Præfatio de B. Maria Virg. Et te in Nativitáte.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Súmpsimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et æternæ. Per Dóminum.

**Pro S. Hadriano
Postcommunio**

Da, quæsumus, Dómine Deus noster: ut, sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum.

EODEM DIE 8 SEPTEMBRIS

S. HADRIANI MARTYRIS**Commemoratio**

Missa In virtúte, de Communi unius Martyris 3° loco (7).

DIE 9 SEPTEMBRIS

S. GORGONII MART.**Commemoratio**

Missa Lætábitur, de Communi unius Martyris 4° loco (8), cum orationibus ut infra:

Oratio

P

Sanctus tuus, Dómine, Gorgónius sua nos intercessióne lætíficet: et pia fáciat solemnitáte gaudére. Per Dóminum.

Secreta

P

Grata tibi sit, Dómine, nostræ servitútis oblátio: pro qua sanctus Gorgónius Martyr intervéntor exsístat. Per Dóminum.

Postcommunio

P

Famíliam tuam, Deus, suávitás æterna contíngat et végetet: quæ in Mártyre tuo Gorgónio Christi Fílii tui bono iúgiter odóre pascátur: Qui tecum vivit.

DIE 10 SEPTEMBRIS

**S. NICOLAI A TOLENTINO
CONFESSORIS****III classis**

Missa Iustus ut palma, de Communi Confessoris non Pontificis 2° loco (26).

Oratio

C

Adésto, Dómine, supplicatió nibus nostris, quas in beáti Nicolái Confessoris tui solemnitáte deférimus: ut, qui nostræ iustítiæ fidúciám non habémus, eius, qui tibi plácuít, précibus adiuvémur. Per Dóminum.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépimus, intercedénte beáto Nicoláo Confessore tuo, per hæc contra ómnia advérsa muniámur. Per Dóminum.

DIE 11 SEPTEMBRIS

**SS. PROTI ET HYACINTHI
MARTYRUM****Commemoratio**

Missa Salus autem, de Communi plurimorum Martyrum 3° loco (13), cum orationibus ut infra:

Oratio

P

Beátorum Mártyrum tuórum Proti et Hyacínthi nos, Dómine, foveat pretiósá conféssio: et pia iúgiter intercéssio tueátur. Per Dóminum.

Secreta**P**

Pro sanctorum Martyrum tuorum Proti et Hyacinthi commemoratione, múnera tibi, Dómine, quæ debémus, exsolvimus: præsta, quæsumus; ut remédium nobis perpétuæ salutis operéntur. Per Dóminum.

Postcommunio**P**

Ut percépta nos, Dómine, tua sancta purificent: beatorum Martyrum tuorum Proti et Hyacinthi, quæsumus, implóret oratio. Per Dóminum.

DIE 12 SEPTEMBRIS

SSMI NOMINIS MARLÆ

III classis

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi virgines post eam: próximæ eius adducéntur tibi in lætítia et exsultatione. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **Vultum.**

Oratio

Concède, quæsumus, omnípotens Deus: ut fideles tui, qui sub sanctíssimæ Vírginis Mariæ Nómíne et protectione lætántur; eius pia intercessióne, a cunctis malis liberéntur in terris, et ad gáudia ætéRNA perveníre mereántur in cælis. Per Dóminum.

Léctio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei,

fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtutis. Transíte ad me omnes, qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætéRNA habébunt.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Post partum, Virgo, invioláta permansísti: Dei Génatrix, intercède pro nobis. Allelúia.

In Missis votivis tempore Adventus, loco versus præcedentis, dicitur:

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in mulieribus.

Post Septuagesimam, omissis Allelúia et versu sequenti, dicitur:

Tractus Gaude, María Virgo, cunctas hæreses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hómí-nem genuísti: et post partum, Virgo, invioláta permansísti. **V.** Dei Génatrix, intercède pro nobis.

Tempore autem paschali omittitur graduale, et eius loco dicitur:

Allelúia, allelúia. **℣. Num. 17, 8** Virga Iesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúia. **℣. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi secúndum Lucam

Luc. 1, 26-38

In illo témpore: Missus est Angelus Gábriel a Deo in civitátem Galiláæ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrédessus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit

impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Antiphona ad Offertorium

Luc. 1, 28 et 42

Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestati. Per Dóminum.

DIE 14 SEPTEMBRIS

IN EXALTATIONE S. CRUCIS

II classis

Antiphona ad Introitum

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita, et resurrectio nostra: per

quem salváti, et liberáti sumus. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri. **N**os autem.

Oratio

Deus, qui nos hodiérna die Exaltatiónis sanctæ Crucis ánnua solemnitate lætíficas: præsta, quæsumus; ut, cuius mystérium in terra cognóvimus, eius redemptiόνis præmia in cælo mereámur. Per eúndem Dóminum.

Lectio Epístolæ beáti Pauli
Apóstoli ad Philippenses

Philipp. 2, 5-11

Fratres: Hoc enim sentíte in vobis, quod et in Christo Iesu: qui cum in forma Dei esset, non rapínam arbitrátus est esse se æquálem Deo: sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: **(hic genuflectitur)** ut in nómine Iesu omne genu flectátur, cæléstium, terréstrium, et infernórum: et omnis lingua confiteátur, quia Dóminus Iesus Christus in glória est Dei Patris.

Graduale Ibid., 8-9 Christus factus est pro nobis obédiens usque ad mortem, mortem autem crucis. **V.** Propter quod et Deus exaltávit illum, et dedit illi nomen, quod est super omne nomen.

Allelúia, allelúia. **V.** Dulce lignum, dulces clavos, dúlcia ferens

póndera: quæ sola fuísti digna sustinére Regem cælórum et Dóminum. Allelúia.

✠ Sequéntia sancti Evangélii
secúndum Ioánnem

Ioann. 12, 31-36

In illo témpore: Dixit Iesus turbis Iudæórum: Nunc iudícium est mundi: nunc princeps huius mundi eiiciétur foras. Et ego si exaltátus fúero a terra, ómnia traham ad meípsum. (Hoc autem dicébat, significans qua morte esset moritúrus.) Respóndit ei turba: Nos audívimus ex lege, quia Christus manet in ætérnum: et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Iesus: Adhuc módicum lumen in vobis est. Ambuláte dum lucem habétis, ut non vos ténebræ comprehendant: et qui ámbulat in ténebris, nescit quo vadat. Dum lucem habétis, créдите in lucem, ut filii lucis sitis. **C**redo.

Antiphona ad Offertorium

Prótege, Dómine, plebem tuam per signum sanctæ Crucis, ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum, allelúia.

Secreta

Iesu Christi Dómini nostri corpore et ságuine saginándi, per quem Crucis est sanctificátum vexíllum: quæsumus, Dómine Deus noster; ut, sicut illud adoráre merúimus, ita perénniter eius glóriæ salutáris potiámur efféctu. Per eundem Dñm.

Præfatio de sancta Cruce.

Antiphona ad Communionem

Per signum Crucis de inimicis nostris libera nos, Deus noster.

Postcommunio

Adésto nobis, Dómine Deus noster: et quos sanctæ Crucis lætári facis honóre, eius quoque perpétuis defénde subsidiis. Per Dóminum.

¶ **Pro Missa votiva de S. Cruce sumitur Missa** Nos autem, quæ habetur inter votivas circa finem Missalis (64).

DIE 15 SEPTEMBRIS

SEPTEM DOLORUM B. M. V.

II classis

Antiphona ad Introitum

Ioann. 19, 25

Stabant iuxta Crucem Iesu mater eius, et soror matris eius María Cléophæ, et Salóme, et María Magdaléne. **Ibid., 26-27** Múlier, ecce filius tuus: dixit Iesus; ad discipulum autem: Ecce mater tua. **℣.** Glória Patri. **S**tabant.

Oratio

Deus, in cuius passióne, secúndum Simeónis prophetiam, dulcíssimam ánimam gloriósæ Virgini et Matris Mariæ doloris gladius pertransívit: concéde propítius; ut, qui dolóres eius venerádo recólimus, passiónis tuæ efféctum felícem consequámur: Qui vivis.

Et fit commemoratio S. Nicomedis Martyris:

Oratio

Adésto, Dómine, pópulo tuo: ut, beáti Nicomédís Mártyris tui mérita præclára suscípiens, ad impetrándam misericórdiam tuam semper eius patrocíniis adiuvétur. Per Dñm.

In Missis votivis dicitur sequens:

Oratio

Intervéniat pro nobis, quæsumus, Dómine Iesu Christe: nunc, et in hora mortis nostræ, apud tuam cleméntiam beáta Virgo María Mater tua; cuius sacratíssimam ánimam in hora tuæ passiónis doloris gladius pertransívit: Qui vivis.

Lectio libri Iudith

Iudith 13, 22 et 23-25

Benedíxit te Dóminus in virtúte sua, quia per te ad níhilum redégit inimicos nostros. Benedícta es tu, fília, a Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédât laus tua de ore hóminum, qui mémores fúerint virtútis Dómini in ætérnum, pro quibus non pepercísti ánimæ tuæ propter angústias et tribulatióem géneris tui, sed subvenísti ruínæ ante conspéctum Dei nostri.

Graduale Dolorósa et lacrimábilis es, Virgo María, stans iuxta Crucem Dómini Iesu Filii tui Redemptóris. **℣.** Virgo Dei Génatrix, quem totus non capit orbis, hoc Crucis fert supplicium, auctor vitæ factus homo.

Allelúia, allelúia. **℣.** Stabat sancta Maria, cæli Regína, et mundi Dómina, iuxta Crucem Dómini nostri Iesu Christi dolorósa.

In Missis votivis post Septuagesimam, omissis Allelúia et versu sequenti, dicitur:

Tractus Stabat sancta Maria, cæli Regína, et mundi Dó-

mina, iuxta crucem Dómini nostri Iesu Christi dolorósa.
℣. Thren. 1, 12 O vos omnes, qui transítis per viam, atténdite, et vidéte, si est dolor sicut dolor meus.

Tempore autem paschali omittitur graduale, et eius loco dicitur:

Allelúia, allelúia. **℣.** Stabat sancta María, cæli Regína, et mundi Dómina, iuxta Crucem Dómini nostri Iesu Christi dolorósa. Allelúia. **℣. Thren. 1, 12** O vos omnes, qui transítis per viam, atténdite, et vidéte, si est dolor sicut dolor meus. Allelúia.

Sequentia

In Missis votivis omittenda

Stabat Mater dolorósa
 Iuxta Crucem lacrimósa,
 Dum pendébat Fílius.

Cuius ánimam geméntem,
 Contristátam et doléntem,
 Pertransívit gládus.

O quam tristis et afflícta
 Fuit illa benedícta
 Mater Unigéniti!

Quæ mærébat, et dolébat,
 Pia Mater, dum vidébat
 Nati poenas íncliti.

Quis est homo, qui non fleret,
 Matrem Christi si vidéret
 In tanto supplício?

Quis non posset contristári,
 Christi Matrem contemplári
 Doléntem cum Fílio?

Pro peccátis suæ gentis
 Vidit Iesum in torméntis,
 Et flagéllis súbditum.

Vidit suum dulcem natum
 Moriéndo desolátum,
 Dum emísit spíritum.

Eia mater, fons amóris,
 Me sentíre vim dolóris
 Fac, ut tecum lúgeam.

Fac, ut árdeat cor meum
 In amándo Christum Deum,
 Ut sibi compláceam.

Sancta Mater, istud agas
 Crucifíxi fige plagas
 Cordi meo válide.

Tui nati vulneráti,
 Tam dignáti pro me pati,
 Poenas mecum dívide.

Fac me tecum pie flere,
 Crucifíxo condolére,
 Donec ego víxero.

Iuxta Crucem tecum stare,
 Et me tibi sociáre
 In planctu desídero.

Virgo vírginum præclára,
 Mihi iam non sis amára:
 Fac me tecum plángere.

Fac, ut portem Christi mortem,
 Passiónis fac consórtem,
 Et plagas recólere.

Fac me plagis vulnerári,
 Fac me Cruce inebriári,
 Et cruóre Fílii.

Flammis ne urar succénsus,
 Per te, Vírgo, sim defénsus
 In die iudícii.

Christe, cum sit hinc exíre,
 Da per Matrem me veníre
 Ad palmam victóriæ.

Quando corpus moriétur,
 Fac, ut ánimæ donétur
 Paradísi glória. Amen. Allelúia.

✠ Sequentia sancti Evangélíi
 secúndum Ioánnem

Ioann. 19, 25-27

In illo témpore: Stabant iuxta Crucem Iesu mater eius, et soror

matris eius María Cléophæ, et María Magdaléne. Cum vidisset ergo Iesus matrem, et discipulum stantem, quem diligébat, dicit matri suæ: Múlier, ecce filius tuus. Deínde dicit discipulo: Ecce mater tua. Et ex illa hora accépit eam discipulus in sua. **Credo.**

Antiphona ad Offertorium

Ierem. 18, 20

Recordáre, Virgo Mater Dei, dum stéteris in conspéctu Dómini, ut loquáris pro nobis bona, et ut avértat indignatióem suam a nobis.

Secreta

Offerimus tibi preces et hóstias, Dómine Iesu Christe, humíliter supplicántes: ut, qui Transfixiónem dulcíssimi spíritus beátæ Mariæ Matris tuæ précibus recensémus; suo, suorúmque sub Cruce Sanctórum consórtium multiplicáto piíssimo intervéntu, méritis mortis tuæ, méritum cum beátis habeámus: Qui vivis.

Pro S. Nicomede Secreta

Súscipe, Dómine, múnera propítius obláta: quæ maiestáti tuæ beáti Nicomédís Mátyris comméndet orátio. Per Dóminum.

Præfatio de B. Maria Virg. Et te in Transfixióne.

Antiphona ad Communionem

Felices sensus beátæ Mariæ Vírginis, qui sine morte meruérunt martýrii palmam sub Cruce Dómini.

Postcommunio

Sacrificia, quæ sumpsimus, Dómine Iesu Christe, Transfixió-

nem Matris tuæ et Vírginis devóte celebrántes: nobis impetrent apud cleméntiam tuam omnis boni salutaris efféctum: Qui vivis.

Pro S. Nicomede Postcommunio

Puríficent nos, Dómine, sacraménta quæ sumpsimus: et, intercedénte beáto Nicoméde Mátyre tuo, a cunctis effícient vítiis absolútos. Per Dóminum.

EODEM DIE 15 SEPTEMBRIS

S. NICOMEDIS **MARTYRIS**

Commemoratio

Missa In virtúte, de Communi unius Mart. 3° loco (7), cum orationibus propriis in præcedenti Missa notatis.

DIE 16 SEPTEMBRIS

SS. CORNELII PAPÆ
ET CYPRIANI **EPISCOPI
MARTYRUM**

III classis

Missa Intret, de Communi plurimorum Martyrum 1° loco (10).

Oratio

C

Beatórum Mátyrum paritérque Pontificum Cornélii et Cypriáni nos, quæsumus, Dómine, festa tueántur: et eórum comméndet orátio veneránda. Per Dóminum.

Et fit commemoratio Ss. Euphemie Virg., Lucie et Geminiani Martyrum:

Oratio

Præsta, Dómine, précibus nostris cum exsultatióne provéntum: ut sanctórum Mátyrum Euphémiæ, Lúciæ et Geminiani, quorum diem passiónis ánnua devotióne recólimus, étiam fidei constántiam subsequámur. Per Dóminum.

Secreta

C

Adésto, Dómine, supplicatió nibus nostris, quas in Sanctórum tuórum commemoratióne deféri-mus: ut, qui nostræ iustitiæ fidú-ciam non habémus, eórum qui tibi placuérunt méritis adiuvémur. Per Dóminum.

Pro Ss. Euphemia, Lucia et Geminiano Secreta

Vota pópuli tui, quæsumus, Dómine, propítius inténde: et, quorum nos tríbuis solém-nia celebráre, fac gaudére suf-frágiis. Per Dóminum.

Postcommunio

C

Quæsumus, Dómine, salutáribus repléti mystériis: ut, quorum solémnia celebrámus, eórum ora-tiόνibus adiuvémur. Per Dóminum.

Pro Ss. Euphemia, Lucia et Geminiano Postcommunio

Exáudi, Dómine, preces no-stras: et sanctórum Már-tyrum tuórum Euphémiæ, Lú-ciae et Geminiáni, quorum festa solémniter celebrámus, continuis foveámur auxiliis. Per Dóminum.

EODEM DIE 16 SEPTEMBRIS

**SS. EUPHEMIÆ VIRG.,
LUCIÆ ET GEMINIANI
MARTYRUM**

Commemoratio

Missa Intret, de Comuni plurimorum Martyrum 1° loco (10), cum orationibus propriis in præcedenti Missa notatis, et Evan-gelio Descéndens Iesus, de eodem Comuni 2° loco (12).

DIE 17 SEPTEMBRIS

**IMPRESSIONIS
SS. STIGMATUM S.
FRANCISCI CONFESSORIS**

Commemoratio

Antiphona ad Introitum

Gal. 6, 14

Mihi autem absit gloriári, nisi in Cruce Dómini nostri Iesu Christi: per quem mihi mundus crucifíxus est, et ego mundo. **Ps. 141, 2** Voce mea ad Dóminum clamávi: voce mea ad Dóminum deprecátus sum. **V.** Glória Patri. **Mi**hi autem.

Oratio

Dómine Iesu Christe, qui, frige-scénte mundo, ad inflammán-dum corda nostra tui amóris igne, in carne beatíssimi Francísci pas-siόνis tuæ sacra Stígmata reno-vásti: concéde propítius; ut eius méritis et précibus crucem iúgiter ferámus, et dignos fructus pæ-niténtiæ faciámus: Qui vivis.

**Léctio Epístolæ beáti Pauli
Apóstoli ad Gálatas**

Gal. 6, 14-18

Fratres: Mihi autem absit glo-riári nisi in cruce Dómini nostri Iesu Christi: per quem mihi mundus crucifíxus est, et ego mun-do. In Christo enim Iesu neque cir-cumcísio áliquid valet, neque præ-pútium, sed nova creatúra. Et quicúmque hanc régulam secúti fúerint, pax super illos, et miseri-córdia, et super Israél Dei. De cé-tero nemo mihi moléstus sit: ego

enim stigmata Dómini Iesu in corpore meo porto. Grátia Dómini nostri Iesu Christi cum spíritu vestro, fratres. Amen.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V.** Franciscus pauper et húmilis, cælum dives ingréditur, hymnis cæléstibus honoráitur. Allelúia.

✠ Sequéntia sancti Evangélíi
secúndum Matthæum

Matth. 16, 24-27

In illo témpore: Dixit Iesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera eius.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Múnera tibi, Dómine, dicáta sanctífica: et, intercedénte beáto Francíscó, ab omni nos culpárum labe purífica. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Deus, qui mira Crucis mystéria in beáto Francíscó Confessóre tuo multifórmiter demonstrásti: da nobis, quæsumus; devotiónis suæ semper exémpa sectári, et assídua eiúsdem Crucis meditatióne muníri. Per Dóminum.

DIE 18 SEPTEMBRIS

**S. IOSEPHI A CUPERTINO
CONFESSORIS**

III classis

Antiphona ad Introitum

Eccli. 1, 14-15

Diléctio Dei honorábilis sapiéntia: quibus autem apparúerit in visu, díligunt eam in visióne, et in agnitióne magnálium suórum. **Ps. 83, 2** Quam dílecta tabernácula tua, Dómine virtútum! concupíscit, et déficit ánima mea in átria Dómini. **V.** Glória Patri. **D**iléctio Dei.

Oratio

Deus, qui ad unigénitum Fílium tuum exaltátum a terra ómnia tráhere disposuísti: pérfice propítius; ut, méritis et exémplo séraphici Confessóris tui Ioséphi, supra terrénas omnes cupiditátes eleváti, ad eum perveníre mereámur: Qui tecum.

Léctio Epístolæ beāti Pauli
Apóstoli ad Corínthios

1 Cor. 13, 1-8

Fratres: Si linguis hóminum loquar, et Angelórum, caritátem autem non hábeam, factus sum velut æs sonans, aut cýmbalum tinniens. Et si habúero prophetíam, et nóverim mystéria ómnia, et omnem sciéntiam: et si habúero omnem fidem, ita ut montes transférám, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam, caritátem autem non habúero, nihil mihi prodest. Cáritas pátiens est, benígna est: cáritas non æmulátur, non agit pérperam, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit: sive prophetiæ evacuabúntur, sive linguæ cessábunt, sive sciéntia destruétur.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius corónam de lápide pretióso. **V.** Vitam pétiit a te, et tribuísti ei longitúdinem diérum in sæculum, et in sæculum sæculi.

Allelúia, allelúia. **V. Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit caput eius. Allelúia.

¶ In Missis votivis tempore paschali omittitur graduale, et eius loco dicítur:

Allelúia, allelúia. **V. Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit

caput eius. Allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii
secúndum Matthæum

Matth. 22, 1-14

In illo témpore: Loquebátur Iesus princípibus sacerdotum et pharisæis in parábolis, dicens: Símile factum est regnum cælórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dícite invitátis: Ecce prándium meum parávi, tauri mei, et altília occísa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius vero ad negotiatiónem suam: réliqui vero tenuérunt servos eius, et contuméliis afféctos occidérunt. Rex autem cum audísset, irátus est: et missis exercítibus suis, pérdidit homicidas illos, et civitátem illórum succéndit. Tunc ait servis suis: Núptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi eius in vias, congregavérunt omnes, quos invenérunt, malos et bonos: et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi: Amíce, quómodo huc intrásti non habens vestem nuptiálem? At ille obmútuít. Tunc dixit rex minístris: Ligátis mánibus et pédibus eius, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Antiphona ad Offertorium**Ps. 34, 13**

Ego autem, cum mihi molésti essent, induébar cilício. Humiliábam in ieiúnió ánimam meam: et orátio mea in sinu meo convertétur.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem**Ps. 68, 30-31**

Ego sum pauper, et dolens: salus tua, Deus, suscepit me. Laudábo nomen Dei cum cántico: et magnificábo eum in laude.

Postcommunio

Refécti cibo potúque cælésti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

DIE 19 SEPTEMBRIS
SS. IANUARI EP.
ET SOCIORUM
MARTYRUM

III classis**Antiphona ad Introitum****Ps. 36, 39**

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus; neque zeláveris faciéntes iniquitátem. **V.** Glória Patri. **S**alus.

Oratio

Deus, qui nos ánnua sanctórum Mártyrum tuórum Ianuárii et Sociórum eius solemnitáte lætíficas: concéde propítius; ut, quorum gaudémus méritis, accendámur exémplicis. Per Dóminum.

Léctio Epístolæ beáti Pauli Apóstoli ad Hebræos **10, 32-38**

Fratres: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbris, et tribulatió nibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substantiam. Nolíte itaque amittere confidéntiam vestram, quæ magnam habet remuneratió nem. Patiéntia enim vobis necessária est: ut voluntátem Dei faciéntes, reportétis promissió nem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **V.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **V.** Te Mártyrum candidátus laudat exércitus, Dómine. Allelúia.

✠ Sequéntia sancti Evangélii
secúndum Matthæum

Matth. 24, 3-13

In illo témpore: Sedénte Iesu super montem Olivéti, accessérunt ad

eum discipuli secréto, dicéntes: Dic nobis, quando hæc erunt? et quod signum advéntus tui, et consummationis sæculi? Et respóndens Iesus, dixit eis: Vidéte ne quis vos seducat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis próelia, et opiniónes proeliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, iníitia sunt dolórum. Tunc tradent vos in tribulatiónem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophétæ surgent, et sedúcent multos. Et quoniam abundávit iníquitas, refrigéscet cáritas multórum. Qui autem perseveráverit usque in finem, hic salvus erit.

Antiphona ad Offertorium

Sap. 3, 1-2 et 3

Iustórum ánimæ in manu Dei sunt, et non tanget illos torméntum malítiæ; visi sunt óculis insipiéntium mori: illi autem sunt in pace, allelúia.

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis Ianuário et Sóciis eius, a cunctis nos defénde perículis. Per Dñm.

Antiphona ad Communionem

Matth. 10, 27

Quod dico vobis in ténebris, dicite in lúmine, dicit Dóminus: et

quod in aure audítis, prædicáte super tecta.

Postcommunio

Hæc nos commúnio, Dómine, purget a crimine: et, intercedéntibus sanctis Martýribus tuis Ianuário et Sóciis eius, cæléstis remédii fáciat esse consórtes. Per Dóminum.

DIE 20 SEPTEMBRIS

SS. EUSTACHII ET SOCIORUM MARTYRUM

Commemoratio

Missa Sapiéntiam, de Communi plurimorum Martyrum 2º loco (12).

Oratio

C

Deus, qui nos concédis sanctórum Mártyrum tuórum Eustáchii et Sociórum eius natalítia cólere: da nobis in æténa beatitúdine de eórum societáte gaudére. Per Dóminum.

Secreta

C

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

C

Præsta nobis, quæsumus, Dómine: intercedéntibus sanctis Martýribus tuis Eustáchio et Sóciis eius, ut, quod ore contíngimus, pura mente capiámus. Per Dóminum.

DIE 21 SEPTEMBRIS
SANCTI MATTHÆI
APOSTOLI ET EVANGELISTÆ

II classis

Antiphona ad Introitum

Ps. 36, 30-31

Os iusti meditabitur sapiéntiam et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri. **Os iusti.**

Oratio

Beáti Apostoli et Evangelístæ Matthæi, Dómine, précibus adiuvémur: ut, quod possibilitas nostra non óbtinet, eius nobis intercessióne donétur. Per Dóminum.

Et, in Quatuor Temporibus, fit commemoratio feriæ.

Léctio Ezechiélis Prophétæ

Ezech. 1, 10-14

Similitúdo vultus quátuor animálium: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum iungebántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertebántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat vísis discúrrens in médio animálium, splendor ignis, et de igne fulgur egrédiens. Et animália ibant, et revertebán-

tur in similitúdinem fúlguris coruscántis.

Graduale Ps. 111, 1-2 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur.

Allelúia, allelúia. **V.** Te gloriósus Apostolórum chorus laudat, Dómine. Allelúia.

✠ Sequéntia sancti Evangélii
secúndum Matthæum

Matth. 9, 9-13

In illo témpore: Vidit Iesus hóminem sedéntem in telónio, Matthæum nómine. Et ait illi: Séquere me. Et surgens, secútus est eum. Et factum est, discumbénte eo in domo, ecce multi publicáni, et peccatóres veniéntes, discumbébant cum Iesu, et discípulis eius. Et vidéntes pharisæi, dicébant discípulis eius: Quare cum publicánis, et peccatóribus mandúcat Magíster vester? At Iesus áudiens, ait: Non est opus valéntibus médicus, sed male habéntibus. Eúntes autem discite quid est: Misericórdiam volo, et non sacrificium. Non enim veni vocáre iustos, sed peccatóres.

Credo.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 20, 4-5

Posuísti, Dómine, in cápite eius corónam de lápide pretióso: vitam pétiit a te, et tribuísti ei, allelúia.

Secreta

Supplicatió nibus beáti Matthæi Apóstoli et Evangelístæ, quæsumus, Dómine, Ecclésiæ tuæ commendétur oblátio: cuius magníficis

prædicationibus eruditur. Per Dóminum.

Et, in Quatuor Temporibus, fit commemoratio feriae.

Præfatio de Apostolis.

Antiphona ad Communionem

Ps. 20, 6

Magna est glória eius in salutári tuo: glóriam et magnum decórem impónes super eum, Dómine.

Postcommunio

Percéptis, Dómine, sacraméntis, beáto Matthæo Apóstolo tuo et Evangelísta interveniénte, deprecámur: ut, quæ pro eius celebráta sunt glória, nobis proficiant ad medélam. Per Dóminum.

Et, in Quatuor Temporibus, fit commemoratio feriae.

¶ *In Missis votivis post Septuagesimam omnia dicuntur ut supra, sed post graduale, omissis Allelúia, et versu sequenti, dicitur:*

Tractus Ps. 20, 3-4 Desidérium ánimæ eius tribuísti ei: et voluntáte labiów eius non fraudásti eum. *℣.* Quóniam præveniísti eum in benedictionibus dulcédinis. *℣.* Posuísti in cápite eius corónam de lápide pretióso.

Tempore autem paschali Missa Pro-textísti, de Communi Martyrum 1º loco (16), cum orationibus, Epistola et Evangelio ut supra.

DIE 22 SEPTEMBRIS

**S. THOMÆ DE VILLANOVA
EPISCOPI ET CONFESSORIS**

III classis

Missa Státuit, de Communi Confessoris Pontificis 1º loco (20), cum orationibus ut infra:

Oratio

Deus, qui beátum Thomam Pontíficem insígnis in páuperes

misericórdiæ virtúte decorásti: quæsumus; ut, eius intercessióne, in omnes, qui te deprecántur, divítias misericórdiæ tuæ benígnus ef-fúndas. Per Dóminum.

Et fit commemoratio Ss. Mauritii et Sociorum Martyrum:

Oratio

Annue, quæsumus, omnípotens Deus: ut sanctórum Mártyrum tuórum Maurítii et Sociórum eius nos lætíficet festíva solémnitas; ut, quorum suffrágiis nítimur, eórum natalítiis gloriémur. Per Dóminum.

Secreta

Sancti Thomæ Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis offícia, et illum beáta retribútio comitétur, et nobis grátiae tuæ dona concíliet. Per Dóminum.

Pro Ss. Mauritio et Sociis Secreta

Réspice, quæsumus, Dómine, múnera, quæ in sanctórum Mártyrum tuórum Maurítii et Sociórum eius commemoratióne deférimus: et præsta; ut, quorum honóre sunt grata, eórum nobis fiant intercessióne perpétua. Per Dóminum.

Postcommunio

Deus, fidélium remunerátor animárum: præsta; ut beáti Thomæ Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Pro Ss. Mauritio et Sociis
Postcommunio

Caeléstibus refécti sacraméntis et gáudiis: súplices te rogámus, Dómine; ut, quorum gloriámur triúmphis, protegámur auxiliis. Per Dóminum.

EODEM DIE 22 SEPTEMBRIS

SS. MAURITII ET SOCIORUM
MARTYRUM

Commemoratio

Missa Intret, de Communi plurimorum Martyrum 1° loco (10), cum orationibus et Epistola ut infra:

Oratio

P

Annue, quæsumus, omnípotens Deus: ut sanctórum Mártyrum tuórum Maurítii et Sociórum eius nos lætíficet festíva solémnitas; ut, quorum suffrágiis nítimur, eórum natalítiis gloriémur. Per Dóminum.

Léctio libri Apocalýpsis beáti
Ioánnis Apóstoli

Apoc. 7, 13-17

In diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo eius: et qui sedet in throno, habitábit super illos: non esúrient, neque sítient ámplius, nec cadet super illos sol, neque ullus æstus: quóniam Agnus, qui in médio throni est, reget illos, et dedúcet eos ad vitæ fontes aquárum: et abstérget Deus omnem lácrimam ab óculis eórum.

Secreta

P

Réspice, quæsumus, Dómine, múnera, quæ in sanctórum Mártyrum tuórum Maurítii et Sociórum eius commemoratióne deférimus: et præsta; ut, quorum honóre sunt grata, eórum nobis fiant intercessiόne perpétua. Per Dóminum nostrum.

Postcommunio

P

Caeléstibus refécti sacraméntis et gáudiis: súplices te rogámus, Dómine; ut, quorum gloriámur triúmphis, protegámur auxiliis. Per Dóminum.

DIE 23 SEPTEMBRIS

SANCTI LINI
PAPÆ ET MARTYRIS

III classis

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Línium Mártyrem tuum atque Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Et fit com. S. Theclæ Virg. et Mart.:

Oratio

Da, quæsumus, omnípotens Deus: ut, qui beátæ Theclæ Vírginis et Mártyris tuæ natalítia cólimus; et ánnua solemnitáte lætémur, et tantæ fidei proficiámus exémplo. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui pro-

ficiat ubique succéssus, et grati-
fiant nómini tuo, te gubernánte,
pastóres. Per Dóminum.

Pro S. Thecla Secreta

Súscipe, Dómine, múnera,
quæ in beátæ Theclæ Vír-
ginis et Mártyris tuæ solemni-
táte deférimus: cuius nos con-
fidimus patrocínio liberári. Per
Dóminum.

Postcommunio C1

Refectióne sancta enutrítam gu-
bérna, quæsumus, Dómine, tu-
am placátus Ecclésiám: ut poténti
moderatióne dirécta, et incrementa
libertátis accípiat et in religiónis
integritáte persístat. Per Dóminum.

Pro S. Thecla Postcommunio

Auxiliéntur nobis, Dómine,
sumpta mystéria: et, in-
tercedénte beáta Thecla Vír-
gine et Mártyre tua, sempitér-
na fáciant protectióne gau-
dére. Per Dóminum.

EODEM DIE 23 SEPTEMBRIS

**SANCTÆ THECLÆ
VIRGINIS ET MARTYRIS**

Commemoratio

*Missa Loquébar, de Communi Virg. 1º loco
(29), præter orationem ut supra.*

DIE 24 SEPTEMBRIS

**BEATÆ MARLÆ VIRGINIS
A MERCEDE**

Commemoratio

*Missa Salve, sancta parens de Communi
festorum beatæ Mariæ Virginis (44), præter
orationem sequentem; et non dicitur Credo.
Præfatio B. M. Virg. Et te in Festivitate.*

Oratio P

Deus, qui per gloriosíssimam
Filli tui Matrem, ad liberán-

dos Christi fidéles a potestáte pa-
ganórum, nova Ecclésiám tuam
prole amplificáre dignátus es: præ-
sta, quæsumus; ut, quam pie vene-
rámur tanti óperis institutrícem,
eius páriter méritis et intercessióne,
a peccátis ómnibus et captivitáte
dæmonis liberémur. Per eúndem
Dóminum.

Secreta C

Tua, Dómine, propitiatióne, et
beátæ Mariæ semper Vírginis
intercessióne, ad perpétuam atque
præséntem hæc oblátio nobis pro-
ficiat prosperitátem et pacem. Per
Dóminum.

Postcommunio C

Sumptis, Dómine, salútis nostræ
subsídiis: da, quæsumus, beátæ
Mariæ semper Vírginis patrocíniis
nos ubique prótegi; in cuius vene-
ratióne hæc tuæ obtúlimus maie-
státi. Per Dóminum.

DIE 26 SEPTEMBRIS

**SS. CYPRIANI ET IUSTINÆ
VIRG. MARTYRUM**

Commemoratio

*Missa Salus autem, de Communi plurímo-
rum Martyrum 3º loco (13), cum orationibus
ut infra:*

Oratio P

Beatórum Mártyrum Cypriáni et
Iustínæ nos, Dómine, fóveant
continuáta præsídia: quia non dési-
nis propítius intuéri, quos tálibus
auxíliis concésseris adiuvári. Per
Dóminum.

Secreta

P

Múnera tibi, Dómine, nostræ devotiõnis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

P

Præsta nobis, quæsumus, Dómine: intercedéntibus sanctis Martýribus tuis Cypriáno et Iustína; ut, quod ore contíngimus, pura mente capiámus. Per Dóminum.

DIE 27 SEPTEMBRIS

SS. COSMAE ET DAMIANI
MARTYRUM

III classis

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nunti-
et ecclésia: nómina autem eórum vivent in sæculum sæculi.
Ps. 32, 1 Exsultáte, iusti, in Dómino: rectos decet collaudátio. **V.**
Glória Patri. **Sapiéntiam.**

Oratio

Præsta, quæsumus, omnípotens Deus: ut, qui sanctórum Mártyrum tuórum Cosmæ et Damiáni natalítia cólimus, a cunctis malis imminéntibus, eórum intercessiõnibus, liberémur. Per Dóminum.

Lectio libri Sapiéntiæ

Sap. 5, 16-20

Iusti autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accipient regnum decóris, et diadéma speciéi de ma-

nu Dómini: quóniam dextera sua teget eos, et bráccchio sancto suo deféndet illos. Accípiet armatúram zelus illíus, et armábit creatúram ad ultiónem inimicórum. Induet pro thoráce iustítiam, et accípiet pro gálea iudícium certum. Sumet scutum inexpugnábile, æquitátem.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatiõnibus eórum liberávit eos. **V.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **V.** Hæc est vera fraternitas, quæ vicit mundi crímina: Christum secúta est, inclita tenens regna cæléstia. Allelúia.

✠ Sequéntia sancti Evangélii
secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esuritis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum, propter Fílium hóminis. Gaudéte in illa die, et ex-

sultáte: ecce enim merces vestra multa est in cælo.

Antiphona ad Offertorium

Ps. 5, 12-13

Gloriabúntur in te omnes, qui díligunt nomen tuum: quóniam tu, Dómine, benedíces iusto: Dómine, ut scuto bonæ voluntátis tuæ coronásti nos.

Secreta

Sanctórum tuórum nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Antiphona ad Communionem

Ps. 78, 2 et 11

Posuérunt mortália servórum tuórum, Dómine, escas volatílibus cæli, carnes sanctórum tuórum béstiis terræ: secúndum magnítudinem bráccii tui pósside filios morte punitórum.

Postcommunio

Prótegat, quæsumus, Dómine, pópulum tuum et participátio cæléstis indúlta convívii, et deprecátio colláta Sanctórum. Per Dóminum.

DIE 28 SEPTEMBRIS

S. WENCESLAI DUCIS, MARTYRIS

III classis

Missa In virtúte, de Communi unius Mart. 3° loco (7), præter orationem seq.:

Oratio

P

Deus, qui beátum Wencesláum per martýrii palmam a terréno principátu ad cæléstem glóriam transtulísti: eius précibus nos ab omni adversitáte custódi: et eiúsdem tríbue gaudére consórtio. Per Dóminum.

Secreta

C

Munéribus nostris, quæsumus, Dómine, precibúsq; suscep-tis: et cæléstibus nos munda mystériis, et cleménter exáudi. Per Dóminum.

Postcommunio

C

Da, quæsumus, Dómine Deus noster: ut, sicut tuórum commemoratióne Sanctórum, temporáli gratulámur officio; ita perpétuo lætémur aspéctu. Per Dóminum.

IN DEDICATIONE

S. MICHAELIS ARCHANGELI

I classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónem eius. **Ps. ibid., 1** Bénedic, ánima mea, Dómino: et ómnia, quæ intra me sunt, nómini sancto eius. **V.** Glória Patri. **Benedícite.**

Oratio

Deus, qui, miro órđine, Angelórum ministéria hominúmque dispénsas: concéde propítius; ut, a quibus tibi ministrántibus in cælo semper assístitur, ab his in terra vita nostra muniátur. Per Dóminum.

Léctio libri Apocalýpsis beáti Ioánnis Apóstoli

Apoc. 1, 1-5

In diébus illis: Significávit Deus quæ opórtet fieri cito, mittens per Angelum suum servo suo Ioánni, qui testimónium perhibuit verbo Dei, et testimónium Iesu Christi, quæcúmque vidit. Beátus qui legit, et audit verba prophetiæ huius: et servat ea, quæ in ea scripta sunt: tempus enim prope est. Ioánnes septem ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est: et a septem spirítibus, qui in conspéctu throni eius sunt: et a Iesu Christo, qui est testis fidélis, primogénitus mortuórum, et princeps regum ter-

ræ, qui diléxit nos, et lavit nos a peccátis nostris in ságuine suo.

Graduale Ps. 102, 20 et 1 Benedícite Dóminum, omnes Angeli eius: poténtes virtúte, qui fácitis verbum eius. **V.** Bénedic, ánima mea, Dóminum, et ómnia interióra mea nomen sanctum eius.

Allelúia, allelúia. **V.** Sancte Míchaël Archángele, defénde nos in próelio: ut non pereámus in treméndo iudício. Allelúia.

In Missis votivis post Septuagesimam:

Graduale Ps. 148, 1-2 Laudáte Dóminum de cælis: laudáte eum in excélsis. **V.** Laudáte eum, omnes Angeli eius: laudáte eum, omnes virtútes eius.

Tractus Ps. 102, 20 Benedícite Dóminum, omnes Angeli eius: poténtes virtúte, qui fácitis verbum eius. **V. Ibid., 21-22** Benedícite Dómino, omnes virtútes eius: ministri eius, qui fácitis voluntátem eius. **V.** Benedícite Dómino, ómnia ópera eius: in omni loco dominationis eius, bénedic, ánima mea, Dómino.

Tempore autem paschali omittitur graduale, et eius loco dicitur:

Allelúia, allelúia. **V.** Sancte Míchaël Archángele, defénde nos in próelio: ut non pereámus in treméndo iudício. Alle-

lúia. **V.** Concússum est mare, et contrémuit terra, ubi Arch-ángelus Michaël descéndit de cælo. Allelúia.

✠ Sequéntia sancti Evangélíi secúndum Matthæum

Matth. 18, 1-10

In illo témpore: Accessérunt discí-puli ad Iesum, dicéntes: Quis, putas, maior est in regno cælórum? Et ádvocans Iesus párvulum, stá-tuit eum in médio eórum, et dixit: Amen dico vobis, nisi convérsi fué-ritis, et efficiámini sicut párvuli, non intrábitis in regnum cælórum. Qui-cúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me cre-dunt, éxpedit ei, ut suspendátur mola asinária in collo eius, et de-mergátur in profúndum maris. Væ mundo a scándalis. Necesse est enim ut véniant scándala: verúm-tamen væ hómini illi, per quem scándalum venit. Si autem manus tua, vel pes tuus scandalízat te, abscíde eum, et próiice abs te: bo-num tibi est ad vitam íngredi débi-lem, vel claudum, quam duas ma-nus, vel duos pedes habéntem mitti in ignem ætérnum. Et si óculus tuus scandalízat te, érue eum, et próiice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis: dico enim vobis, quia Angeli eórum in cælis semper vi-dent fáciem Patris mei, qui in cælis est. **Credo.**

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium

Apoc. 8, 3 et 4

Stetit Angelus iuxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in con-spéctu Dei, allelúia.

Secreta

Hóstias tibi, Dómine, laudis offé-rimus, suppliciter deprecán-tes: ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Antiphona ad Communionem

Dan. 3, 58

Benedícite, omnes Angeli Dó-mini, Dóminum: hymnum dícite, et superexaltáte eum in sáecula.

Postcommunio

Beáti Archángeli tui Michaélis intercessióne suffúlti: súp-plices te, Dómine, deprecámur; ut, quod ore proséquimur, contingámus et mente. Per Dóminum.

DIE 30 SEPTEMBRIS

S. HIERONYMI

PRESB., CONF. ET ECCL. DOCT.

III classis

Missa In médio, de **Communi Doctorum** (23), cum orationibus ut infra.

Oratio

P

Deus, qui Ecclesiæ tuæ in expo-néndis sacris Scriptúris beá-tum Hierónymum Confessórem tu-um, Doctórem máximum providére dignátus es: præsta, quæsumus; ut, eius suffragántibus méritis, quod ore simul et ópere dócuit, te adiu-vánte, exercére valeámus. Per Dó-minum.

Secreta

P

Donis cælestibus da nobis, quæsumus, Dómine, libera tibi mente servíre: ut múnera quæ deférimus, interveniénte beáto Hierónymo Confessóre tuo, et medélam nobis operéntur, et glóriam. Per Dóminum.

Postcommunio

P

Repléti alimónia cælesti, quæsumus, Dómine: ut, interveniénte beáto Hierónymo Confessóre tuo, misericórdiæ tuæ grátiam cónsequi mereámur. Per Dóminum.

FESTA OCTOBRIS

DIE 1 OCTOBRIS

S. REMIGII

EPISCOPI ET CONFESSORIS

Commemoratio

Missa Státuit, de Comuni Confessoris Pontificis 1º loco (20).

Oratio

C

Da, quæsumus, omnípotens Deus: ut beáti Remígio Confessoris tui atque Pontificis veneránda solémnitas, et devotióne nobis áugeat, et salútem. Per Dóminum.

Secreta

C

Sancti tui, quæsumus, Dómine, nos ubique lætifícent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedén-te beáto Remígio Confessóre tuo atque Pontífice, beneficia potióra sumámus. Per Dóminum.

DIE 2 OCTOBRIS

SS. ANGELORUM CUSTODUM

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. *Ps. ibid., 1* Benedic, ánima mea, Dómino: et ómnia, quæ intra me sunt, nómini sancto eius. *V.* Glória Patri. **B**enedícite.

Oratio

Deus, qui ineffábili providéntia sanctos Angelos tuos ad nostram custódiám mittere dignáris: largíre supplicibus tuis; et eórum semper protectiône deféndi, et æténa societáte gaudére. Per Dóminum.

Léctio libri Exodi

Exodi 23, 20-23

Hæc dicit Dóminus Deus: Ecce ego mittam Angelum meum, qui præcédat te, et custódiat in via, et introdúcat in locum, quem parávi. Obsérva eum, et audi vocem eius, nec contemnéndum putes: quia non dimíttet cum peccáveris, et est nomen meum in illo. Quod si audieris vocem eius, et féceris ómnia, quæ loquor, inimícus ero inimícis tuis, et affligam affligéntes te: præcedétque te Angelus meus.

Graduale Ps. 90, 11-12 Angelis suis Deus mandávit de te, ut custó-diant te in ómnibus viis tuis. *V.* In mánibus portábunt te, ne umquam offéndas ad lápidem pedem tuum.

Allelúia, allelúia. *V. Ps. 102, 21*

Benedícite Dómino, omnes virtútes eius: minístri eius, qui fácitis voluntátem eius. Allelúia.

¶ *In Missis votivis post Septuagesimam, omissis Allelúia, et versu sequenti, dicitur:*

Tractus Ps. 102, 20 Benedícite Dóminum, omnes Angeli eius: poténtes virtúte, qui fácitis verbum eius. *℣. Ibid., 21-22* Benedícite Dómino, omnes virtútes eius: minístri eius, qui fácitis voluntátem eius. *℣.* Benedícite Dómino, ómnia ópera eius: in omni loco dominatiónis eius, benedic, ánima mea, Dómino.

Tempore autem paschali omittitur graduale, et eius loco dicitur:

Allelúia, allelúia. *℣. Ps. 137, 1-2* In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia. *℣. Matth. 28, 2* Angelus Dómini descéndit de cælo, et accédens revólvit lápidem, et sedébat super eum. Allelúia.

✠ Sequéntia sancti Evangélíi
secúndum Mattháeum

Matth. 18, 1-10

In illo témpore: Accessérunt discipuli ad Iesum dicéntes: Quis, putas, maior est in regno cælórum? Et ádvocans Iesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Qui-cúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me

credunt, expedit ei, ut suspendátur mola asinária in collo eius, et demergátur in profúndum maris. Væ mundo a scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalízat te, abscíde eum, et próiice abs te: bonum tibi est ad vitam íngredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalízat te, érue eum, et próiice abs te: bonum tibi est cum uno óculo in vitam intráre, quam duos óculos habéntem mitti in gehénam ignis. Vidéte ne contemnátis unum ex his pusíllis: dico enim vobis, quia Angeli eórum in cælis semper vident fáciem Patris mei, qui in cælis est.

Antiphona ad Offertorium

Ps. 102, 20 et 21

Benedícite Dóminum, omnes Angeli eius: minístri eius, qui fácitis verbum eius, ad audiéndam vocem sermónum eius.

Secreta

Súscipe, Dómine, múnera, quæ pro sanctórum Angelórum tuórum veneratióne deférimus: et concede propítius; ut, perpétuis eórum præsídiis, a præsentibus perículis liberémur, et ad vitam perveniámus ætérnam. Per Dóminum.

Antiphona ad Communionem

Dan. 3, 58

Benedícite, omnes Angeli Dómini, Dóminum: hymnum dícite, et superexaltáte eum in sæcula.

Postcommunio

Súmpsimus, Dómine, divína mystéria, sanctórum Angelórum tuórum festivitáte lætántes: quæsumus; ut eórum protectióne ab hóstium iúgiter liberémur insídiis, et contra ómnio advérsa muniámur. Per Dóminum.

DIE 3 OCTOBRIS

S. TERESIAE A IESU INFANTE
VIRGINIS

III classis

Antiphona ad Introitum

Cant. 4, 8-9

Veni de Líbano, sponsa mea, veni de Líbano, veni: vulnerásti cor meum, soror mea sponsa, vulnerásti cor meum. **Ps. 112, 1** Laudáte, púeri, Dóminum: laudáte nomen Dómini. **V.** Gloria Patri **Veni.**

Oratio

Dómine, qui dixísti: Nisi efficiámini sicut párvuli, non intrábitis in regnum cælórum: da nobis, quæsumus; ita sanctæ Teresiae Vírginis in humilitáte et simplicitáte cordis vestígia sectári, ut præmia consequámur ætérna: Qui vivis.

Lectio Isaíæ Prophétæ

Isai. 66, 12-14

Hæc dicit Dóminus: Ecce ego declinábo super eam quasi flúvium pacis, et quasi torrénstem inundántem glóriam géntium, quam sugétis: ad úbera portabímini, et super génua blandiéntur vobis. Quómodo si cui mater blandiátur, ita ego consolábor vos, et in Ierúsalem consolabímini. Vidébitis, et

gaudébit cor vestrum, et ossa vestra quasi herba germinábunt, et cognoscétur manus Dómini servis eius.

Graduale Matth. 11, 25 Confíteor tibi, Pater, Dómine cæli et terræ, quia abscondísti hæc a sapiéntibus et prudentibus, et revelásti ea párvulis. **V. Ps. 70, 5** Dómine, spes mea a iuventúte mea.

Allelúia, allelúia. **V. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte flores, quasi lílium, et date odórem, et frondéte in grátiam, et collaudáte cánticum, et benedicite Dóminum in opéribus suis. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Cant. 2, 11-12 Iam hiems tránsiit, imber ábiit, et recéssit. **V.** Flores apparuerunt in terra nostra, tempus putatiónis advénit: vox túrturis audíta est in terra nostra. **V. Ier. 31, 3** In caritáte perpétua diléxi te: ideo attráxi te, miserans tui.

Tempore autem paschali omittitur graduale, et eius loco dicitur:

Allelúia, allelúia. **V. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte flores, quasi lílium, et date odórem, et frondéte in grátiam, et collaudáte cánticum, et benedicite Dóminum in opéribus suis. Allelúia. **V. Ps. 33, 9; 99, 5** Gustáte, et vidéte quóniam suávis est Dóminus: in ætérnum misericórdia eius. Allelúia.

✠ Sequéntia sancti Evangélíi
secúndum Matthæum

Matth. 18, 1-4

In illo témpore: Accessérunt discí-
puli ad Iesum, dicéntes: Quis,
putas, maior est in regno cælórum?
Et ádvocans Iesus párvulum, stá-
tuit eum in médio eórum, et dixit:
Amen dico vobis, nisi convérsi fué-
ritis, et efficiámini sicut párvuli,
non intrábitis in regnum cælórum.
Quicúmque ergo humiliáverit se
sicut párvulus iste, hic est maior
in regno cælórum.

Antiphona ad Offertorium

Luc. 1, 46-48 et 49

Magnificat ánima mea Dómi-
num: et exsultávit spíritus meus in
Deo salutári meo: quia respéxit hu-
militátem ancíllæ suæ: fecit mihi
magna qui potens est.

Secreta

Sacrificium nostrum tibi, Dómi-
ne, quæsumus, sanctæ Terésiaë
Vírginis tuæ precátio sancta concí-
liet: ut in cuius honóre solémniter
exhibétur, eius méritis efficiátur
accéptum. Per Dóminum.

Antiphona ad Communionem

Deut. 32, 10-12

Circumdúxit eam, et dócuit: et
custodívit quasi pupíllam óculi sui.
Sicut áquila expándit alas suas, et
assúmpsit eam, atque portávit in
húmeris suis. Dóminus solus dux
eius fuit.

Postcommunio

Illo nos, Dómine, amóris igne cæ-
léste mystérium inflámmet: quo
sancta Terésia Virgo tua se tibi pro
homínibus caritátis víctimam de-
vóvit. Per Dóminum.

DIE 4 OCTOBRIS

S. FRANCISCI CONF.

III classis

Antiphona ad Introitum

Gal. 6, 14

Mihi autem absit gloriári,
nisi in Cruce Dómini no-
stri Iesu Christi: per quem
mihi mundus crucifíxus est, et ego
mundo. **Ps. 141, 2** Voce mea ad Dó-
minum clamávi: voce mea ad Dó-
minum deprecátus sum. **V.** Glória
Patri. **Mihi autem.**

Oratio

Deus, qui Ecclésiam tuam, beáti
Francísci méritis foetu novæ
prolis amplíficas: tríbue nobis; ex
eius imitatióne, terréna despícere,
et cæléstium donórum semper par-
ticipatióne gaudére. Per Dóminum.

Léctio Epístolæ beáti Pauli
Apóstoli ad Gálatas

Gal. 6, 14-18

Fratres: Mihi autem absit glori-
ári, nisi in cruce Dómini nostri
Iesu Christi: per quem mihi mun-
dus crucifíxus est, et ego mundo. In
Christo enim Iesu neque circum-
cisio áliquíd valet, neque præpú-
tium, sed nova creatúra. Et qui-
cúmque hanc régulam secúti fú-
erint, pax super illos, et miseri-
córdia, et super Israël Dei. De
cétero nemo mihi moléstus sit: ego
enim stigmata Dómini Iesu in cór-
pore meo porto. Grátia Dómini no-
stri Iesu Christi cum spíritu vestro,
fratres. Amen.

Graduale Ps. 36, 30-31 Os iusti
meditábitur sapiéntiam, et lingua
eius loquétur iudícium. **V.** Lex
Dei eius in corde ipsíus: et non sup-
plantabúntur gressus eius.

Allelúia, allelúia. *V.* Franciscus pauper et húmilis, cælum dives ingréditur, hymnis cæléstibus honorátur. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. *V.* Franciscus pauper et húmilis, cælum dives ingréditur, hymnis cæléstibus honorátur. Allelúia. *V. Ps. 111, 1* Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangélii secúndum Matthæum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite iugum meum super vos, et discite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu eius.

Secreta

Múnera tibi, Dómine, dicáta sanctífica: et, intercedénte

beáto Francíscó, ab omni nos culpárum labe purífica. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Ecclésiám tuam, quæsumus, Dómine, grátia cæléstis amplíficet: quam beáti Francísci Confessoris tui illumináre voluísti gloriósis méritis, et exémplicis. Per Dóminum.

DIE 5 OCTOBRIS

SS. PLACIDI ET SOCIORUM
MARTYRUM

Commemoratio

Missa Salus autem, de Communi plurimorum Martyrum 3º loco (13), cum orationibus ut infra:

Oratio

Deus, qui nos concédís sanctórum Mártyrum tuórum Plácidi et Sociórum eius natalítia cólere: da nobis in æténa beatitúdine de eórum societáte gaudére. Per Dóminum nostrum.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

Præsta nobis, quæsumus, Dómine: intercedéntibus sanctis Martýribus tuis Plácido et Sóciis eius; ut, quod ore contíngimus, pura mente capiámus. Per Dóminum.

DIE 6 OCTOBRIS
SANCTI BRUNONIS
CONFESSORIS

III classis

Missa Os iusti, de Communi Confessoris
non Pontificis 1° loco (25), cum orationibus
ut infra:

Oratio

P

Sancti Brunonis Confessoris tui,
quæsumus, Dómine, interces-
sionibus adiuvémur: ut, qui ma-
iestátem tuam gráviter delinqu-
éndo offéndimus, eius méritis et
précibus, nostrórum delictórum

véniam consequámur. Per Dómi-
num.

Secreta

C

Laudis tibi, Dómine, hóstias im-
molámus in tuórum commemo-
ratione Sanctórum: quibus nos et
præséntibus éxui malis confídimus,
et futúris. Per Dóminum.

Postcommunio

P

Quæsumus, omnípotens Deus:
ut, qui cæléstia aliménta per-
cépimus, intercédente beáto Bru-
nóne Confessore tuo per hæc con-
tra ómnia advérsa muniámur. Per
Dóminum.

BEATÆ MARIÆ VIRGINIS A ROSARIO

II classis

Antiphona ad Introitum

Gaudeamus omnes in Dómino, diem festum celebrantes sub honóre beatæ Mariæ Vírginis: de cuius solemnitáte gaudent Angeli, et coláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Gaudeamus.**

IN MISSIS VOTIVIS:

Antiphona ad Introitum

Sedulius

Salve, sancta parens, eníxa puérpera Regem: qui cælum, terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Salve.**

Oratio

Deus, cuius Unigénitus per vitam, mortem et resurrectionem suam nobis salutis æternæ præmia comparávit: concéde, quæsumus; ut, hæc mystéria sacratíssimo beatæ Mariæ Vírginis Rosário recoléntes, et imitémur quod continent, et quod promíttunt, assequámur. Per eúndem Dóminum.

Et fit commemoratio S. Marci Papæ et Confessoris:

Oratio

Gregem tuum, Pastor æternæ, placátus inténde: et

per beátum Marcum Summum Pontíficem, perpétua protecti-
óne custódi; quem totíus Ec-
clésiæ præstitísti esse pastó-
rem. Per Dóminum.

Léctio libri Sapiéntiæ

Prov. 8, 22-24 et 32-35

Dóminus possédit me in iní-
tío viárum suárum, ántequam
quidquam fáceret a princípío. Ab
ætérno ordináta sum, et ex antiquis,
ántequam terra fieret. Nondum
erant abyssi, et ego iam concépta
eram. Nunc ergo, filii, audíte me:
Beáti, qui custódiunt vias meas.
Audíte disciplínam, et estóte sapi-
éntes, et nolíte abiícere eam. Beá-
tus homo, qui audit me, et qui
vígilat ad fores meas cotídie, et
obsérvat ad postes óstii mei. Qui
me invénerit, invéniet vitam, et
háuriet salútem a Dómino.

Graduale Ps. 44, 5, 11 et 12 Prop-
ter veritátem, et mansuetúdinem, et
iustítiam: et dedúcet te mirabíliter
délixtera tua. **V.** Audi, filia, et vide,
et inclína aurem tuam: quia concu-
pívit Rex spéciem tuam.

Allelúia, allelúia. **V.** Solémnitas
gloriósæ Vírginis Mariæ ex sémine
Abrahæ, ortæ de tribu Iuda, clara
ex stirpe David. Allelúia.

**In Missis votivis post Septuagesimam,
omissis Allelúia et versu sequenti, dici-
tur:**

Tractus Gaude María Vir-

go, cunctas háereses sola interemísti. *℣.* Quæ Gabriélis Archángeli dictis credidísti. *℣.* Dum Virgo Deum et hóminem genuísti: et post partum Virgo invioláta permansísti. *℣.* Dei Génatrix, intercède pro nobis.

Tempore autem paschali omittitur graduale, et eius loco dicitur:

Allelúia, allelúia. *℣. Num. 17, 8* Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia. *℣. Luc. 1, 28* Ave María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi
secúndum Lucam

Luc. 1, 26-38

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrés-sus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognó-sco? Et respóndens Angelus, dixit

ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Antiphona ad Offertorium

Eccli. 24, 25; 39, 17

In me grátia omnis viæ et veritátis, in me omnis spes vitæ et virtútis: ego quasi rosa plantáta super rivos aquárum fructificávi.

Secreta

Fac nos, quæsumus, Dómine, his munéribus offeréndis conveni-énte aptári: et per sacratíssimi Rosárii mystéria sic vitam, passió-nem et glóriam Unigéniti tui recó-lere; ut eius digni promissionibus efficiámur: Qui tecum.

Pro S. Marco

Secreta

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Præfatio de B. Mariæ Virg. Et te in Festivitate.

Antiphona ad Communionem

Eccli. 39, 19

Floréte flores quasi lílium, et date odórem, et frondéte in grátiam, collaudáte cánticum, et benedicite Dóminum in opéribus suis.

Postcommunio

Sanctíssimæ Genetrícis tuæ, cuius Rosárium celebrámus, quæsumus, Dómine, précibus adiuvémur: ut et mysteriórum, quæ cólimus, virtus percipiátur; et sacramentórum, quæ sumpsimus, obtineátur efféctus: Qui vivis.

Pro S. Marco Postcommunio

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

EODEM DIE 7 OCTOBRIS

S. MARCI

PAPÆ ET CONFESSORIS*Commemoratio*

Missa Si diligis me, de Communi unius aut plurium Summorum Pontificum (2).

DIE 8 OCTOBRIS

S. BIRGITTÆ **VIDUÆ***III classis***Antiphona ad Introitum***Ps. 118, 75 et 120*

Cognóvi, Dómine, quia æquitas iudícia tua, et in veritáte tua humiliásti me: confíge timóre tuo carnes meas, a mandátis tuis tímui. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **Cognóvi.**

Oratio

Dómine, Deus noster, qui beátæ Birgittæ per Fílium tuum unigénitum secréta cæléstia revelásti:

ipsíus pia intercessióne da nobis fámulis tuis; in revelatióne sempitérnæ glóriæ tuæ gaudére lætántes. Per eúndem Dóminum.

Et fit commemoratio Ss. Sergii, Bacchi, Marcelli et Apuleii Martyrum:

Oratio

Sanctorum Mártyrum tuorum nos, Dómine, Sérgii, Bacchi, Marcélli et Apuléii beáta mérita proseguántur: et tuo semper fácient amóre fervéntes. Per Dóminum.

Léctio Epístolæ beáti Pauli
Apóstoli ad Timótheum

I Tim. 5, 3-10

Caríssime: Víduas honóra, quæ vere víduæ sunt. Si qua autem vídua filios, aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecratió nibus, et oratió nibus nocte ac die. Nam quæ in delíciis est, vivens mórtua est. Et hoc præcipe ut irreprehensí biles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur non minus sexagínta annórum, quæ fúerit unius viri uxor, in opéribus bonis testimoniúm habens, si filios educávit, si hospítio recépit, si sanctorum pedes lavit, si tribulatió nem paténtibus subministrávit, si omne opus bonum subsecúta est.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in ætérnum. **V.** **Ibid., 5** Propter veritátem, et man-

suetúdinem, et iustítiam: et dedúcet te mirabíliter délixtera tua.

Allelúia, allelúia. *Ps. Ibid., 5*
Spécie tua, et pulchritúdine tua inténde, prósperere procéde, et regna. Allelúia.

✠ Sequéntia sancti Evangélii
secúndum Matthæum

Matth. 13, 44-52

In illo témpore: Dixit Iesus discí-
pulis suis parábolam hanc: Sí-
mile est regnum cælórum thesáuro
abscóndito in agro: quem qui invé-
nit homo, abscóndit, et præ gáudio
illíus vadit, et vendit univérssa, quæ
habet, et emit agrum illum. Iterum
símile est regnum cælórum hómini
negotiatóri, quærénti bonas marga-
rítas. Invénta autem una pretiósa
margaríta, ábiit, et véndidit ómnia,
quæ hábuit, et emit eam. Iterum sí-
mile est regnum cælórum sagénæ
missæ in mare, et ex omni génere
píscium congregánti. Quam, cum
impléta esset, educéntes, et secus
litus sedéntes, elegérunt bonos in
vasa, malos autem foras misérunt.
Sic erit in consummatione sæculi:
exíbunt Angeli, et separábunt ma-
los de médio iustórum, et mittent
eos in camínium ignis: ibi erit fletus,
et stridor déntium. Intellexístis hæc
ómnia? Dicunt ei: Etiam. Ait illis:
Ideo omnis scriba doctus in regno
cælórum símilis est hómini patri-
famílias, qui profert de thesáuro
suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis:
proptérea benedíxit te Deus in
ætérnum, et in sæculum sæculi.

Secreta

Accépta tibi sit, Dómine, sacrátæ
plebis oblátio pro tuórum ho-
nóre Sanctórum: quorum se méritis
de tribulatione percepísse cognó-
scit auxílium. Per Dóminum.

*Pro Ss. Sergio, Baccho, Mar-
cello et Apuleio*

Secreta

Maiestátem tuam nobis, Dó-
mine, quæsumus, hæc
hóstia reddat immolánda pla-
cátam, tuórum digna postula-
tione Sanctórum. Per Dómi-
num.

Antiphona ad Communionem

Ps. 44, 8

Dilexísti iustítiam, et odísti ini-
quitátem: proptérea unxit te Deus,
Deus tuus, óleo lætitiæ præ con-
sörtibus tuis.

Postcommunio

Satiásti, Dómine, famíliam tuam
munéribus sacris: eius, quæsu-
mus, semper interventióne nos ré-
fove, cuius solémnia celebrámus.
Per Dóminum.

*Pro Ss. Sergio, Baccho,
Marcello et Apuleio*
Postcommunio

Sacraméntis, Dómine, muni-
ámur accéptis: et sanctó-
rum Mártyrum tuórum Sérgii,
Bacchi, Marcélli et Apuléii
intercessióne, contra omnes
nequítias irruéntes, armis cæ-
léstibus protegámur. Per Dó-
minum.

EODEM DIE 8 OCTOBRIS
SS. SERGII, BACCHI,
MARCELLI ET APULEII
MARTYRUM

Commemoratio

Missa Sapiéntiam, de Comuni plurimorum Martyrum 2° loco (12), cum orationibus propriis in præcedenti Missa notatis.

DIE 9 OCTOBRIS
S. IOANNIS LEONARDI
CONFESSORIS

III classis

Antiphona ad Introitum

Eccli. 42, 15-16

In sermónibus Dómini ópera eius: sol illúminans per ómnia respéxit, et glória Dómini plenum est opus eius. **Ps. 95, 1** Cantáte Dómino cánticum novum: cantáte Dómino, omnis terra. **V.** Glória Patri. **In sermónibus.**

Oratio

Deus, qui beátum Ioánnem Confessórem tuum, ad fidem in géntibus propagándam mirabíliter excitáre dignátus es, ac per eum in erudiéndis fidélibus novam in Ecclésia tua famíliam congregásti: da nobis fámulis tuis; ita eius institútis profícere, ut præmia consequámur ætéRNA. Per Dóminum.

Et fit commemoratio Ss. Dionysii, Ep., Rustici et Eleutherii Martyrum:

Oratio

Deus, qui hodiérna die beátum Dionýsium Mátyrem tuum atque Pontíficem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tríbue

nobis, quæsumus; eórum imitatio-ne, pro amóre tuo próspéra mundi despícere, et nulla eius advérsa formidáre. Per Dóminum.

Léctio Epístolæ beáti Pauli
Apóstoli ad Corínthios

2 Cor. 4, 1-6 et 15-18

Fratres: Habéntes administratió-nem iuxta quod misericórdiam consecúti sumus, non defícimus, sed abdicámus occúlta dedécoris, non ambulátes in astútia, neque adulterátes verbum Dei, sed in manifestatióne veritátis commendátes nosmetípsos ad omnem consciéntiam hóminum coram Deo. Quod si étiam opértum est Evangélium nostrum: in iis, qui péreunt, est opértum: in quibus Deus huius sæculi excæcávit mentes infidélium, ut non fúlgeat illis illuminátió Evangélii glóriæ Christi, qui est imágo Dei. Non enim nosmetípsos prædicámus, sed Iesum Christum Dóminum nostrum: nos autem servos vestros per Iesum: quóniam Deus, qui dixit de ténebris lucem splendéscere, ipse illúxit in córdibus nostris ad illuminatió-nem sciéntiæ claritátis Dei, in fácie Christi Iesu. Omnia enim propter vos: ut grátia abúndans, per multos in gratiárum actióne, abúndet in glóriam Dei. Propter quod non defícimus: sed licet is, qui foris est, noster homo corrumpátur: tamen is, qui intus est, renovátur de die in diem. Id enim, quod in præsénti est momentáneum et leve tribulatió-nis nostræ, supra modum in sublimitáte ætéRnum glóriæ pondus operátur in nobis, non contemplántibus nobis quæ vidéntur, sed quæ non

vidéntur. Quæ enim vidéntur, temporália sunt: quæ autem non vidéntur, ætérna sunt.

Graduale Ps. 72, 21; 68, 10 Inflammátum est cor meum, et renes mei commutáti sunt: zelus domus tuæ comédit me. **V. Isai. 49, 2** Pósuit os meum quasi gládium acútum: in umbra manus suæ protéxit me, et pósuit me sicut sagítam eléctam.

Allelúia, allelúia. **V. Ps. 70, 7** Tamquam prodígium factus sum multis: et tu adiútor fortis. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 54, 3-4 et 17 Contristátus sum in exercitátióne mea: et conturbátus sum a voce inimíci, et a tribulatióne peccatóris. **V. Quóniam** declinavérunt in me iniquitátes: et in ira molésti erant mihi. **V. Ego autem ad Deum clamávi: et Dóminus salvábit me.**

Tempore autem paschali omittitur graduale, et eius loco dicitur:

Allelúia, alleluia. **V. Ps. 51, 10** Sicut olíva fructífera in domo Dei, sperávi in misericórdia Dei in ætérnum: et in sæculum sæculi. Allelúia. **V. Ps. 61, 8** In Deo salutáre meum, et glória mea: Deus auxilií mei, et spes mea in Deo est. Allelúia.

✠ Sequéntia sancti Evangélíi
secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo

erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádém autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium

Coloss. 1, 25

Christi factus sum ego mínister secúndum dispensatiónem Dei, quæ data est mihi, ut ímpleam verbum Dómini.

Secreta

Súscipe, Dómine, oblatiónem mundam salutáris hóstiæ: et præsta; ut, intercedénte beáto Ioánnē Confessóre tuo, ubíque géntium iúgiter offerátur. Per Dóminum.

Pro Ss. Martyribus Secreta

Obláta tibi, Dómine, múnera pópuli tui, pro tuórum honóre Sanctórum, súscipe propítius, quæsumus: et eórum nos intercessióne sanctífica. Per Dóminum.

Antiphona ad Communionem*Philipp, 3, 7*

Quæ mihi fuérunt lucra, hæc arbitrátus sum propter Christum detriménta.

Postcommunio

Pretiósí Córporis, et Sándguinis tui sacris refécti mystériis, Dómine, adprécámur: ut, beáti Ioánnis Confessóris tui exémplo, studeámus confitéri quod crédidit, et ópere exercére quod dócuit: Qui vivis.

**Pro Ss. Martyribus
Postcommunio**

Sumptis, Dómine, sacraméntis, quæsumus: ut, intercedéntibus beátis Martýribus tuis Dionýsio, Rústico et Eleuthério, ad redemptionis æternæ proficiámus augméntum. Per Dóminum.

EODEM DIE 9 OCTOBRIS
SS. DIONYSII EP.
RUSTICI ET ELEUTHERII
MARTYRUM

*Commemoratio***Antiphona ad Introitum***Eccli, 45, 15 et 14*

Sapiéntiam sanctórum narrent pópuli, et laudes eórum nún-tiet ecclésia: nómina autem eórum vivent in sæculum sæculi. **Ps. 32, 1** Exsultáte iusti in Dómino: rectos decet collaudátio. **V.** Glória Patri. **S**apiéntiam.

Oratio

Deus, qui hodiérna die beátum Dionýsium Mártirem tuum atque Pontíficem, virtúte constán-

tiae in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tribue nobis, quæsumus; eórum imitatióne, pro amóre tuo próspéra mundi despícere, et nulla eius advérsa formidáre. Per Dóminum.

Léctio Actuum Apostolórum*Act 17, 22-34*

In diébus illis: Stans Paulus in médio Areopági, ait: Viri Atheníenses, per ómnia quasi supersticiosiores vos vídeo. Prætériens enim, et videns simulácra vestra, invéni et aram, in qua scriptum erat: Ignóto Deo. Quod ergo ignorántes cólitis, hoc ego annúntio vobis. Deus, qui fecit mundum, et ómnia, quæ in eo sunt, hic cæli et terræ cum sit Dóminus, non in manufáctis templis hábitat, nec máribus humánis cólitur índigens áliquo, cum ipse det ómnibus vitam, et inspiratiónem, et ómnia: fecítque ex uno omne genus hóminum inhabitáre super univérsam fáciem terræ, defíniens statúta témpora, et términos habitatiónis eórum, quærere Deum, si forte attréctent eum, aut invéniant, quamvis non longe sit ab unoquóque nostrum. In ipso enim vívimus, et movémur, et sumus: sicut et quidam vestrórum poëtárum dixerunt: Ipsíus enim et genus sumus. Genus ergo cum simus Dei, non debémus æstimáre auro, aut argénto, aut lápidi, sculptúræ artis, et cogitatiónis hóminis, Divínus esse símile. Et témpora quidem huius ignorántiæ despíciens Deus, nunc annúntiat homínibus ut omnes ubique pæniténtiam

agant, eo quod státuit diem, in quo iudicatúrus est orbem in æquitáte, in viro, in quo státuit, fidem præbens ómnibus, súscitans eum a mórtuis. Cum audissent autem resurrectionem mortuórum, quidam quidem irridébant, quidam vero dixerunt: Audiémus te de hoc íterum. Sic Paulus exívit de médio eórum. Quidam vero viri adhæréntes ei, credidérunt: in quibus et Dionýsius Areopagíta, et múluer nómine Dámaris, et álii cum eis.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

✠ Sequéntia sancti Evangélíi
secúndum Lucam

Luc. 12, 1-8

In illo témpore: Dixit Iesus discí-pulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in

gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in obliuione coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúm-que conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium

Ps. 149, 5-6

Exsultábunt sancti in glória, lætabúntur in cubílibus suis: exaltatiónes Dei in fáucibus eórum, allelúia.

Secreta

Obláta tibi, Dómine, múnera pó-puli tui, pro tuórum honóre Sanctórum, súscipe propítius, quæsumus: et eórum nos intercessióne sanctífica. Per Dóminum.

Antiphona ad Communionem

Luc. 12, 4

Dico autem vobis amícis meis: ne terreámini ab his, qui vos perse-quúntur.

Postcommunio

Sumptis, Dómine, sacraméntis, quæsumus: ut, intercedéntibus beátis Martýribus tuis Dionýsio, Rústico et Eleuthério, ad redemptionis æternæ proficiámus augméntum. Per Dóminum.

DIE 10 OCTOBRIS

S. FRANCISCI BORGLÆ
CONFESSORIS

III classis

*Missa Os iusti, de Communi Abbatum, (28),
cum orationibus ut infra:*

Oratio

P

Dómine Iesu Christe, veræ humilitatis et exemplar et præmium: quæsumus; ut, sicut beatum Franciscum in terræni honóris contemptu imitatorem tui gloriósum effecisti, ita nos eiusdem imitationis et glóriæ tríbuas esse consortes: Qui vivis.

Secreta

P

Sacris altáribus, Dómine, hóstias superpósitas sanctus Franciscus, quæsumus, in salutem nobis provenire depóscat. Per Dóminum.

Postcommunio

P

Próteget nos, Dómine, cum tui perceptione sacraménti beátus Franciscus, pro nobis intercedendo: ut et conversatiónis eius experiámur insígnia, et intercessiósionis percipiámus suffrágia. Per Dóminum.

DIE 11 OCTOBRIS

MATERNITATIS BEATÆ
MARLÆ VIRGINIS

II classis

Antiphona ad Introitum

Is. 7, 14

Ecce Virgo concípiet, et páriet filium, et vocábitur nomen eius Emmánuel. *Ps. 97, 1* Cantáte Dómino cánticum novum: quia mirabilia fecit. *℣.* Glória Patri. **E**cce Virgo.

Oratio

Deus, qui de beatæ Mariæ Virgínis útero Verbum tuum, Angelo nuntiánte, carnem suscípere voluísti: præsta supplicibus tuis; ut, qui vere eam Genetrícem Dei crédimus, eius apud te intercessiósionibus adiuvémur. Per eúndem Dóminum.

Léctio libri Sapiéntiæ

Eccli. 24, 23-31

Ego quasi vitis fructificávi suavitatem odóris: et flores mei, fructus honóris et honestátis. Ego mater pulchræ dilectiósionis, et timóris, et agnitiósionis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes qui concupiscitis me, et a generatiósionibus meis implémini. Spíritus enim meus super mel dulcis, et heréditas mea super mel et favum. Memória mea in generatiósiones sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Is. 11, 1-2 Egrediétur virga de radíce Iesse, et flos de radíce eius ascéndet. *℣.* Et requiescet super eum Spíritus Dómini.

Allelúia, allelúia. *℣.* Virgo Dei Génatrix, quem totus non capit orbis, in tua se clausit víscera factus homo. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Gaude María Virgo, cunctas hæreses sola interemísti. *℣.* Quæ Gabriélis Archángeli dictis credidísti.

V. Dum Virgo Deum et hóminem genuísti: et post partum Virgo invioláta permansísti.
V. Dei Génatrix, intercède pro nobis.

Tempore autem paschali omittitur graduale, et eius loco dicitur:

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia. **V. Luc. 1, 28** Ave María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi
 secúndum Lucam

Luc. 2, 43-51

In illo témpore: Cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Ierúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia et respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? ecce pater tuus, et ego doléntes quære bámus te. Et ait ad illos: Quid est quod me quære bátis? nesciebáti quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, et venit Názaeth: et erat súbditus illis. **Credo.**

Antiphona ad Offertorium

Matth. 1, 18

Cum esset desponsáta mater eius María Ioseph, invénta est in útero habens de Spíritu Sancto.

Secreta

Tua, Dómine, propitiatióne, et beátæ Mariæ semper Vírginis, Unigéniti tui Matris, intercessióne, ad perpétuam atque præsentem hæc oblátio nobis proficiat prosperitátem et pacem. Per eúndem Dóminum.

Præfatio de Maria Virg. Et te in Festivitate.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Hæc nos commúnio, Dómine, purget a crimine: et, intercedente beáta Vírgine Dei Genetríce María, cæléstis remédii fáciat esse consórtes. Per eúndem Dóminum.

DIE 13 OCTOBRIS

S. EDUARDI

REGIS, CONFESSORIS

III classis

Missa Os iusti, de Communi Confessoris non Pontificis 1º loco (25), præter orationem sequentem:

Oratio

P

Deus, qui beátum regem Eduárdum Confessórem tuum, æternitátis glória coronásti: fac nos, quæsumus; ita eum venerári in terris, ut cum eo regnáre possimus in cælis. Per Dóminum.

Secreta

C

Laudis tibi, Dómine, hóstias immolámus in tuórum commemoratione Sanctórum: quibus nos et præséntibus éxui malis confidimus, et futúris. Per Dóminum.

Postcommunio

C

Refécti cibo potúque cælésti, Deus noster, te súpplīces exorámus: ut, in cuius hæc commemoratione percépimus, eius muniámur et précibus. Per Dóminum.

DIE 14 OCTOBRIS

S. CALLISTI I

PAPÆ ET MARTYRIS

III classis

Missa Si diligis me, de Communi unius aut plurium Summorum Pontificum (2), præter orationes sequentes.

Oratio

P

Deus, qui nos cónspicis ex nostra infirmitate deficere: ad amórem tuum nos misericórditer per Sanctórum tuórum exémpła restáura. Per Dóminum.

Secreta

P

Mýstica nobis, Dómine, prosit oblátio: quæ nos et a reátibus nostris expédīat, et perpétua salvatióne confírmet. Per Dóminum.

Postcommunio

P

Quæsumus, omnípotens Deus: ut reátus nostros múnēra sacráta puríficent, et recte vivēdi nobis operéntur efféctum. Per Dóminum.

DIE 15 OCTOBRIS

S. TERESLÆ VIRGINIS

III classis

Missa Dilexisti, de Communi Virginum 3º loco (33), præter orationem sequentem:

Oratio

P

Exáudi nos, Deus salutáris noster: ut, sicut de beátæ Teresiæ Vírginis tuæ festivitáte gaudémus; ita cæléstis eius doctrínæ pábulo nutriámur, et piæ devotiónis erudiámur afféctu. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 16 OCTOBRIS

S. HEDWIGIS VIDUÆ

III classis

Missa Cognóvi, de Communi non Virginum 2º loco (39), præter orationem sequentem:

Oratio

P

Deus, qui beátam Hedwígem a sæculi pompa ad húmīlem tuæ Crucis sequélam toto corde transíre docuísti: concéde; ut eius méritis et exémplo discámus peritúras mundi calcáre delicias, et in amplexu tuæ Crucis ómnia nobis adversántia superáre: Qui vivis.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 17 OCTOBRIS

S. MARGARITÆ MARLÆ
ALACOQUE **VIRGINIS**

III classis

Antiphona ad Introitum

Cant. 2, 3

Sub umbra illíus, quem desideráveram, sedi: et fructus eius dulcis gútturi meo. **Ps. 83, 2-3** Quam dilécta tabernacula tua, Dómine virtútum! concupíscit et déficit ánima mea in átria Dómini. **V.** Glória Patri. **S**ub umbra.

Oratio

Dómine Iesu Christe, qui investigábiles divítias Cordis tui beátæ Margaritæ Maríæ Vírgini mirabiliter revelásti: da nobis eius méritis et imitatióne; ut te in ómnibus, et super ómnia diligéntes, iugem in eódem Corde tuo mansiónem habére mereámur: Qui vivis.

Léctio Epístolæ beáti Pauli
Apóstoli ad Ephésios

Ephes. 3, 8-9 et 14-19

Fratres: Mihi ómnium sanctórum mínimo data est grátia hæc, in géntibus evangelizáre investigábi-

les divítias Christi, et illumináre omnes, quæ sit dispensátio sacraménti absconditi a sæculis in Deo, qui ómnia creávit. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis, et in terra nomináture, ut det vobis secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritáte radicáti, et fundáti, ut possitis comprehéndere cum ómnibus sanctis, quæ sit latitúdo, et longitúdo, et sublímitas, et profúndum: scire étiam supereminéntem sciéntiæ caritátem Christi, ut impleámini in omnem plenitúdinem Dei.

Graduale Cant. 8, 7 Aquæ multæ non potuérunt exstinguere caritátem, nec flúmina óbruent illam. **V. Ps. 72, 26** Defécit caro mea, et cor meum: Deus cordis mei, et pars mea Deus in ætérnum.

Allelúia, allelúia. **V. Cant. 7, 10** Ego dilécto meo, et ad me convérsio eius. Allelúia.

¶ In Missis votivis post Septuagesimam, omissis Allelúia, et versu sequenti dicitur:

Tractus Ps. 83, 3-4 Cor meum, et caro mea exsultavérunt in Deum vivum. **V.** Etenim passer invénit sibi domum: et turtur nidum sibi, ubi ponat pullos suos. **V.** Altária tua, Dómine virtútum: Rex meus, et Deus meus.

Tempore autem paschali omittitur graduale, et eius loco dicitur:

Allelúia, allelúia. **V. Prov. 9, 5** Veníte, comédite panem meum, et bíbite vinum quod míscui vobis. Allelúia. **V. Ps. 30, 20** Quam magna multitúdo

dulcédinis tuæ, Dómine, quam abscondisti timéntibus te. Al-lelúia.

✠ Sequéntia sancti Evangélíi
secúndum Matthæum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis et oneráti estis, et ego reficiam vos. Tóllite iugum meum super vos, et díscite a me, quia mitis sum et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Zach. 9, 17

Quid bonum eius est, et quid pulchrum eius, nisi fruméntum electórum, et vinum gérmínans vírgines?

Secreta

Accépta tibi sint, Dómine, plebis tuæ múnera: et concéde; ut ignis ille divínus nos inflámmet, quo, de Corde Fílii tui emísso, beáta Margaríta María veheménter æstuávit. Per eúndem Dóminum.

Antiphona ad Communionem

Cant. 6, 2

Ego dilécto meo, et diléctus meus mihi, qui páscitur inter lília.

Postcommunio

Córpore et Sáanguinis tui, Dómine Iesu, sumptis mystériis: concéde nobis, quæsumus, beáta Margaríta María Vírgine intercedénte; ut, supérbis sæculi vanitátibus exútis, mansuetúdinem et humilitátem Cordis tui indúere mereámur: Qui vivis.

DIE 18 OCTOBRIS

SANCTI LUCÆ
EVANGELISTÆ

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri. **M**ihi autem.

Oratio

Intervéniat pro nobis, quæsumus, Dómine, sanctus tuus Lucas Evangelísta: qui crucis mortificatióne iúgiter in suo córpore, pro tui nóminis honóre, portávit. Per Dóminum.

Léctio Epístolæ beáti Pauli
Apóstoli ad Corínthios

2 Cor. 8, 16-24

Fratres: Grátias ago Deo, qui dedit eándem sollicitúdinem pro vobis in corde Titi, quóniam exhortatióne quidem suscepit: sed

cum sollicitior esset, sua voluntate profectus est ad vos. Misimus etiam cum illo fratrem, cuius laus est in Evangelio per omnes ecclesias: non solum autem, sed et ordinatus est ab ecclesiis comes peregrinationis nostrae in hanc gratiam, quae ministratur a nobis ad Domini gloriam, et destinatam voluntatem nostram: devitantes hoc, ne quis nos vituperet in hac plenitudine, quae ministratur a nobis. Providemus enim bona non solum coram Deo, sed etiam coram hominibus. Misimus autem cum illis et fratrem nostrum, quem probavimus in multis saepe sollicitum esse: nunc autem multo sollicitiorem, confidentia multa in vos, sive pro Tito, qui est socius meus, et in vos adiutor, sive fratres nostri, Apostoli ecclesiarum, gloria Christi. Ostensionem ergo, quae est caritatis vestrae, et nostrae gloriae pro vobis, in illos ostendite in faciem ecclesiarum.

Graduale Ps. 18, 5 et 2 In omnem terram exivit sonus eorum: et in fines orbis terrae verba eorum. **V.** Caeli enarrant gloriam Dei: et opera manuum eius annuntiat firmitermentum.

Allelúia, allelúia. **V. Ioann. 15, 16** Ego vos elegi de mundo, ut eatis, et fructum afferatis, et fructus vester maneat. Allelúia.

✠ Sequentia sancti Evangelii
secundum Lucam

Luc. 10, 1-9

In illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quo erat ipse venturus. Et dicebat illis:

Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce, ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Credo.

Antiphona ad Offertorium

Ps. 138, 17

Mihi autem nimis honorati sunt amici tui, Deus: nimis confortatus est principatus eorum.

Secreta

Donis caelestibus da nobis, quaesumus, Domine, libera tibi mente servire: ut munera quae deferimus, interveniente beato Evangelista tuo Luca, et medelam nobis operentur, et gloriam. Per Dominum nostrum.

Præfatio de Apostolis.

Antiphona ad Communionem

Matth. 19, 28

Vos qui secuti estis me, sedebitis super sedes, iudicantes duodecim tribus Israël.

Postcommunio

Præsta, quæsumus, omnipotens Deus: ut, quod de sancto altari tuo accépimus, précibus beati Evangelistæ tui Lucæ sanctificet ánimas nostras, per quod tuti esse possimus. Per Dóminum.

¶ In Missis votivis post Septuagesimam, omnia dicuntur ut supra, sed post graduale, omissis Allelúia, et versu sequenti, dicitur:

Tractus Ps. 20, 3-4 Desidérium ánimæ eius tribuísti ei: et voluntáte labiórur eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretiósó.

Tempore autem paschali Missa Pro-textísti, de Comuni Martyrum 1º loco (16), cum orationibus, Epístola et Evangelio ut supra.

DIE 19 OCTOBRIS

**S. PETRI DE ALCANTARA
CONFESSORIS**

III classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri. **Iustus.**

Oratio

Deus, qui beátum Petrum Confessórem tuum admirábilis pæniténtiæ et altíssimæ contemplatiónis múnere illustráre dignátus es: da nobis, quæsumus; ut, eius suffragántibus méritis, carne mortificáti, facílius cæléstia capiámus. Per Dóminum.

Léctio Epístolæ beati Pauli
Apóstoli ad Philippenses

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Iesu Christi Dómini mei: propter quem ómnia detriméntum feci, et árbitror ut stércora, ut Christum lucrifáci-am, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu: quæ ex Deo est iustítia in fide, ad cognoscéndum illum, et virtútem resurrectionis eius, et societátem passiónum illíus: configurátus morti eius: si quo modo occúrram ad resurrectionem, quæ est ex mórtuis: non quod iam accéperim, aut iam perféctus sim: sequor autem, si quo modo comprehéndam, in quo et comprehénsus sum a Christo Iesu.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangelii
secúndum Lucam

Luc. 12, 32-34

In illo témpore: Dixit Iesus discí-pulis suis: Nolíte timére, pusíllus grex, quia complácuit Patri vestro dare vobis regnum. Véndite quæ possidétis, et date eleemósynam. Fácite vobis sácculos, qui non veteráscunt, thesáurum non deficiéntem in cælis: quo fur non ap-

própiat neque tinea corrumpit. Ubi enim thesáurus vester est, ibi et cor vestrum erit.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei.

Secreta

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Antiphona ad Communionem

Matth. 19, 28 et 29

Amen dico vobis: quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

Quæsumus, omnipotens Deus: ut, qui cæléstia aliménta percépimus, intercedénte beáto Petro Confessóre tuo, per hæc contra ómnia advérsa muniámur. Per Dóminum.

DIE 20 OCTOBRIS
S. IOANNIS CANTII
CONFESSORIS

III classis

Antiphona ad Introitum

Eccli. 18, 12-13

Miserátio hóminis circa próximum: misericórdia autem Dei super omnem car-

nem. Qui misericórdiam habet, docet, et érudit quasi pastor gregem suum. **Ps. 1, 1** Beátus vir, qui non ábiit in consílio impiórum, et in via peccatórum non stetit, et in cáthedra pestiléntiæ non sedit. **V.** Glória Patri. **Miserátio.**

Oratio

Da, quæsumus, omnipotens Deus: ut, sancti Ioánnis Confessoris exémplo in sciéntia Sanctórum proficiéntes, atque áliis misericórdiam exhibéntes: eius méritis, indulgéntiam apud te consequámur. Per Dóminum.

Léctio Epístolæ beáti Iacóbi Apóstoli

Iac. 2, 12-17

Caríssimi: Sic loquimini, et sic fácite sicut per legem libertátis incipiéntes iudicári. Iudícium enim sine misericórdia illi, qui non fecit misericórdiam: superexáltat autem misericórdia iudícium. Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum? Si autem frater, et soror nudi sint, et indigeant victu cotidiáno, dicat autem aliquis ex vobis illis: Ite in pace, calefacimini, et saturámini: non dedéritis autem eis, quæ necessária sunt corpore, quid próderit? Sic et fides, si non hábeat ópera, mórtua est in semetipsa.

Graduale Ps. 106, 8-9 Confiteántur Dómino misericórdiæ eius: et mirabília eius filiis hóminum. **V.** Quia satiávit ánimam inánem: et ánimam esuriéntem satiávit bonis.

Allelúia, allelúia. **V. Prov. 31, 20**

Manum suam apéruiť inopi: et palmas suas exténdit ad páuperem. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. *Ps. Prov. 31, 20* Manum suam apéruiť inopi: et palmas suas exténdit ad páuperem. Allelúia. *Ps. 111, 1* Beátus vir qui timet Dóminum: in mandátis eius cupit nimis. Allelúia.

✠ Sequéntia sancti Evangélíi
secúndum Lucam

Luc. 12, 35-40

In illo témpore: Dixit Iesus discipulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium

Iob 29, 14-16

Iustítia indútus sum, et vestívi me, sicut vestiménto et diadémate, iudício meo. Oculus fui cæco, et pes claudó: pater eram páuperum.

Secreta

Has, quæsumus, Dómine, hóstias sancti Ioánnis Confessóris tui méritis benígnus assúme: et præsta; ut te super ómnia, et omnes propter te diligéntes, corde tibi et ópere placeámus. Per Dóminum.

Antiphona ad Communionem

Luc. 6, 38

Date, et dábitur vobis: mensúram bonam, et confértam, et coagítatam, et supereffluéntem dabunt in sinum vestrum.

Postcommunio

Pretiósi Córporis et Sánguini tui, Dómine, pasti delíciis, tuam súpplíces deprecámur cleméntiam: ut, sancti Ioánnis Confessóris tui méritis et exémpis, eiúsdem caritátis imitatóres effécti, consórtes simus et glóriæ: Qui vivis.

DIE 21 OCTOBRIS

S. HILARIONIS **ABBATIS**

Commemoratio

Missa Os iusti, de Communi Abbatum. (28).

Oratio

C

Intercéssio nos, quæsumus, Dómine, beáti Hilariónis Abbátis comméndet; ut, quod nostris méritis non valémus, eius patrocínio assequámur. Per Dóminum.

Deinde commemoratio Ss. Ursulæ et Sociarum Virginum et Martyrum:

Oratio

Da nobis, quæsumus, Dómine Deus noster, sanctárum Vírginum et Mátyrum tuárum Ursulæ et Sociárum

eius palmas incessábili devotíone venerári: ut, quas digna mente non póssumus celebráre, humílibus saltem frequentémus obséquiiis. Per Dóminum.

Secreta

C

Sacris altáribus, Dómine, hóstias superpósitas sanctus Hilárion Abbas, quæsumus, in salútem nobis proveníre depóscat. Per Dóminum.

Pro Ss. Ursula et Sociabus Secreta

Inténde, quæsumus, Dómine, múnera altáribus tuis pro sanctárum Vírginum et Mártýrum tuárum Ursulæ et Sociárum eius festivitáte propósita: ut, sicut per hæc beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio

C

Próteget nos, Dómine, cum tui perceptíone sacraménti beátus Hilárion Abbas, pro nobis intercedéndo: ut et conversatíonis eius experiámur insígnia, et intercessíonis percipiámus suffrágia. Per Dóminum.

Pro Ss. Ursula et Sociabus Postcommunio

Præsta, nobis, quæsumus, Dómine: intercedéntibus sanctis Virgínibus et Martýribus tuis Ursula et Sociábus eius; ut, quod ore contíngimus, pura mente capiámus. Per Dóminum.

EODEM DIE 21 OCTOBRIS SS. URSULÆ ET SOCIARUM VIRGINUM ET MARTYRUM

Commemoratio

Missa Loquébar, de Communi Virginum 1º loco (29), cum orationibus ut supra.

DIE 23 OCTOBRIS

S. ANTONII MARLÆ CLARET EPISCOPI ET CONFESSORIS

III classis

Missa Sacerdótes tui, de Communi Confessoris Pontificis 2º loco (21), præter orationem sequentem:

Oratio

P

Deus, qui beátum Antónium Mariám Confessórem tuum atque Pontíficem, apostólicis virtútibus sublimásti, et per eum novas in Ecclésia clericórum ac vírginum famílias collegísti: concéde, quæsumus; ut eius dirigéntibus mónitis ac suffragántibus méritis, animárum salútem quærere iúgiter studeámus. Per Dóminum.

Secreta

C

Sancti Antónii Mariæ Confessoris tui atque Pontificis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatíonis offícia, et illum beáta retribútio comitétur, et nobis grátiae tuæ dona concíliet. Per Dóminum.

Postcommunio

C

Deus, fidélium remunerátor animárum: præsta; ut beáti Antónii Mariæ Confessoris tui atque Pontificis, cuius venerándam celebrámus festivitátem, précibus indulgéntiam consequámur. Per Dóminum.

DIE 24 OCTOBRIS

S. RAPHAELIS ARCHANGELI

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. **Ps. ibid., 1** Bénedic, ánima mea, Dómino: et ómnia quæ intra me sunt, nómini sancto eius. **V.** Glória Patri. **Benedícite.**

Oratio

Deus, qui beátum Raphaélem Archángelum Tobíæ fámulo tuo cómitem dedísti in via: concéde nobis fámulis tuis; ut eiúsdem semper protegámur custódia, et muniámur auxílio. Per Dóminum.

Lectio libri Tobíæ

Tob. 12, 7-15

In diébus illis: Dixit Angelus Ráphaël ad Tobíam: Sacraméntum regis abscóndere bonum est: ópera autem Dei reveláre et confitéri honoríficum est. Bona est orátio cum ieiúnio, et eleemósyna magis quam thesáuros aurí recóndere: quóniam eleemósyna a morte liberat, et ipsa est, quæ purgat peccáta, et facit inveníre misericórdiam et vitam ætérnam. Qui autem faciunt peccátum, et iniquitátem, hostes sunt animæ suæ. Manifésto ergo vobis veritátem, et non abscondam a vobis occúltum sermónem. Quando orábas cum lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego

óbtuli oratiónem tuam Dómino. Et quia accéptus eras Deo, necesse fuit ut tentátio probáret te. Et nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaël Angelus, unus ex septem, qui astámus ante Dóminum.

Graduale Tob. 8, 3 Angelus Dómini Ráphaël apprehéndit, et ligávit dæmonem. **V. Ps. 146, 5** Magnus Dóminus noster, et magna virtus eius.

Allelúia, allelúia. **V. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo, Dómine. Allelúia.

¶ In Missis votivis post Septuagesimam, omissis Allelúia, et versu sequenti, dicitur:

Tractus Ps. 148, 2 Laudáte Dóminum, omnes Angeli eius: laudáte eum, omnes virtútes eius. **V. Ps. 102, 21** Benedícite Dóminum, omnes virtútes eius: minístri eius, qui fácitis voluntátem eius.

Tempore autem paschali omittitur graduale, et eius loco dicitur:

Allelúia, allelúia. **V. Ps. 102, 1** Bénedic, ánima mea, Dóminum: et ómnia interióra mea nomen sanctum eius. Allelúia. **V. Tob. 3, 25; 5, 11** Missus est Angelus Dómini sanctus Ráphaël a Deo ad Tobíam et salutávit eum, et dixit: Gáudium sit tibi semper. Allelúia.

✠ Sequéntia sancti Evangélii
secúndum Ioánnem

Ioann. 5, 1-4

In illo témpore: Erat dies festus Iudæórum, et ascéndit Iesus Ierosólymam. Est autem Ierosólymis

probática piscína, quæ cognominá-
tur hebráice Bethsáida, quinque
pórticus habens. In his iacébat
multitúdo magna languéntium, cæ-
córur, claudórum, aridórum ex-
spectántium aquæ motum. Angelus
autem Dómini descendébat secún-
dum tempus in piscínam, et move-
bátur aqua. Et qui prior descendís-
set in piscínam post motiónem
aquæ, sanus fiébat a quacúmque
detinebátur infirmitáte.

Antiphona ad Offertorium

Apoc. 8, 3 et 4

Stetit Angelus iuxta aram templi,
habens thuríbulum áureum in manu
sua, et data sunt ei incénsa multa:
et ascéndit fumus arómatum in con-
spéctu Dei.

Secreta

Hóstias tibi, Dómine, laudis of-
férimus, suppliciter deprecán-

tes: ut eásdem, angélico pro nobis
interveniente suffrágio, et placátus
accípias, et ad salútem nostram
proveníre concédas. Per Dóminum.

Antiphona ad Communionem

Dan. 3, 58

Benedícite, omnes Angeli Dó-
mini, Dóminum: hymnum dícite, et
superexaltáte eum in sæcula.

Postcommunio

Dirígere dignáre, Dómine Deus,
in adiutórium nostrum san-
ctum Raphaélem Archángelum: et,
quem tuæ maiestáti semper assí-
stere crédimus, tibi nostras exíguas
preces benedicéndas assígnat. Per
Dóminum.



DOMINICA ULTIMA OCTOBRIS

D. N. IESU CHRISTI REGIS

I classis

Antiphona ad Introitum

Apoc. 5, 12; 1, 6

Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem. Ipsi gloria, et imperium in saecula saeculorum. **Ps. 71, 1** Deus, iudicium tuum Regi da: et iustitiam tuam Filio Regis. **V.** Gloria Patri. **Dignus.**

Oratio

Omnipotens sempiternus Deus, qui in dilecto Filio tuo universorum Rege, omnia instaurare voluisti: concede propitius; ut cunctae familiae gentium, peccati vulnere disgregatae, eius suavissimo subdantur imperio: Qui tecum.

Et non fit commemoratio dominicae.

Lectio Epistolae beati Pauli Apostoli ad Colossenses

Coloss. 1, 12-20

Fratres: Gratias agimus Deo Patri, qui dignos nos fecit in partem sortis sanctorum in lumine, qui eripuit nos de potestate tenebrarum, et transtulit in regnum Filii dilectionis suae, in quo habemus redemptionem per sanguinem eius remissionem peccatorum: qui est imago Dei invisibilis, primogenitus omnis creaturae: quoniam in ipso condita sunt universa in caelis, et in terra, visibilia, et invisibilia, sive throni, sive dominationes, sive principatus, sive potestates: omnia per ipsum, et in ipso creata sunt: et ipse est ante omnes, et omnia in ipso constant. Et ipse est caput corporis Ecclesiae, qui est principium, primogenitus ex mortuis: ut sit in omnibus ipse primatum

tenens: quia in ipso complacuit omnem plenitudinem inhabitare: et per eum reconciliare omnia in ipsum, pacificans per sanguinem crucis eius, sive quæ in terris, sive quæ in cælis sunt, in Christo Iesu Dómino nostro.

Graduale Ps. 71, 8 et 11 Dominabitur a mari usque ad mare: et a flumine usque ad terminos orbis terrarum. **℣.** Et adorabunt eum omnes reges terræ: omnes gentes servient ei.

Allelúia, allelúia. **℣. Dan. 7, 14** Potestas eius, potestas æterna, quæ non auferetur: et regnum eius, quod non corrumpetur. Allelúia.

¶ **In Missis votivis post Septuagesimam, omissis Allelúia, et versu sequenti, dicitur:**

Tractus Ps. 88, 27-28 et 30 Ipse invocabit me: Pater meus es tu: Deus meus, et susceptor salutis meæ. **℣.** Et ego primogenitum ponam illum, excelsum præ régibus terræ. **℣.** Et ponam in sæculum sæculi semen eius: et thronum eius sicut dies cæli.

Tempore autem paschali omittitur graduale, et eius loco dicitur:

Allelúia, allelúia. **℣. Dan. 7, 14** Potestas eius, potestas æterna, quæ non auferetur: et regnum eius, quod non corrumpetur. Allelúia. **℣. Apoc. 19, 16** Habet in vestiménto et in fémore suo scriptum: Rex regum, et Dóminus dominantium. Allelúia.

✠ **Sequéntia sancti Evangélíi**
secúndum Ioánnem

Ioann. 18, 33-37

In illo témpore: Dixit Pilátus ad Iesum: Tu es Rex Iudæórum?

Respóndit Iesus: A temetípso hoc dicis, an álii dixerunt tibi de me? Respóndit Pilátus: Numquid ego Iudæus sum? Gens tua, et pontifices tradiderunt te mihi: quid fecisti? Respóndit Iesus: Regnum meum non est de hoc mundo. Si ex hoc mundo esset regnum meum, ministri mei útique decertarent ut non tráderer Iudæis: nunc autem regnum meum non est hinc. Dixit itaque ei Pilátus: Ergo Rex es tu? Respóndit Iesus: Tu dicis, quia Rex sum ego. Ego in hoc natus sum, et ad hoc veni in mundum, ut testimónium perhíbeam veritatí: omnis qui est ex veritate, audit vocem meam.

Credo.

Antiphona ad Offertorium

Ps. 2, 8

Póstula a me, et dabo tibi gentes hereditátem tuam, et possessiónem tuam terminos terræ.

Secreta

Hóstiam tibi, Dómine, humanæ reconciliatiónis offérimus: præsta, quæsumus, ut quem sacrificiis præsentibus immolámus, ipse cunctis géntibus unitátis et pacis dona concédatur, Iesus Christus Fílius tuus Dóminus noster: Qui tecum.

Et non fit commemoratio dominicæ.

Præfatio propria.

Antiphona ad Communionem

Ps. 28, 10 et 11

Sedébit Dóminus Rex in ætérnum: Dóminus benedícet pópulo suo in pace.

Postcommunio

Immortalitátis alimóniam consecúti, quæsumus, Dómine: ut, qui sub Christi Regis vexillis militáre gloriámur, cum ipso, in cælésti sede, iúgiter regnáre possimus: Qui tecum.

Et non fit commemoratio dominicæ.

DIE 25 OCTOBRIS

SS. CHRYSANTHI ET DARLÆ
MARTYRUM

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. *Ps. ibid., 1* Deus, venérunt gentes in hereditátem tuam: polluérunt templum sanctum tuum: posuérunt Ierúsalem in pomórum custódiam. *V. Glória Patri. Intret.*

Oratio

Beatórum Mártyrum tuórum, Dómine, Chrysánthi et Daríæ, quæsumus, adsit nobis orátio: ut, quos venerámur obséquio, eórum pium iúgiter experiámur auxílium. Per Dóminum.

Léctio Epístolæ beáti Pauli
Apóstoli ad Corínthios

2 Cor. 6, 4-10

Fratres: Exhibeámus nosmetipsos sicut Dei ministros in multa paciéntia, in tribulatió nibus,

in necessitatibus, in angústis, in plagis, in cárceribus, in seditiõ nibus, in labóribus, in vigiliis, in ieiuniis, in castitate, in sciéntia, in longanimitate, in suavitate, in Spíritu Sancto, in caritate non ficta, in verbo veritátis, in virtúte Dei, per arma iustitiæ a dextris, et a sinistris: per glóriam, et ignobilitátem: per infamiam, et bonam famam: ut seductóres, et veráces: sicut qui ignóti, et cógniti: quasi moriéntes, et ecce vivimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale Exodi 15, 11 Gloriosus Deus in sanctis suis: mirábilis in maiestáte, fáciens prodigia. *V. Ibid., 6* Déxtera tua, Dómine, glorificáta est in virtúte: déxtera manus tua confrégit inimicos.

Allelúia, allelúia. *V. Eccli. 44, 14* Córpora sanctórum in pace sepulta sunt, et nómina eórum vivent in generatió nem et generatió nem. Allelúia.

✠ Sequéntia sancti Evangélii
secúndum Lucam

Luc. 11, 47-51

In illo témpore: Dicébat Iesus scribis et pharisæis: Væ vobis, qui ædificátis monuménta prophétarum: patres autem vestri occidérunt illos. Profécto testificámini quod consentitis opéribus patrum vestrórum: quóniam ipsi quidem eos occidérunt, vos autem ædificátis eórum sepúlra. Proptérea et sapiéntia Dei dixit: Mittam ad illos

prophétas et apóstolos, et ex illis occídent, et persequéntur: ut inquirátur sanguis ómnium prophetárum, qui effúsus est a constitutióne mundi a generatióne ista, a sanguine Abel usque ad sanguíne Zachariæ, qui périit inter altáre et ædem. Ita dico vobis, requirétur ab hac generatióne.

Antiphona ad Offertorium

Ps. 67, 36

Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Pópuli tui, quæsumus, Dómine, tibi grata sit hóstia quæ in natalítiis sanctórum Mártyrum tuórum Chrysánthi et Daríæ solémniter immolátur. Per Dóminum.

Antiphona ad Communionem

Sap. 3, 4, 5 et 6

Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

Mýsticis, Dómine, repléti sumus votis et gáudiis: præsta, quæsumus: ut, intercessiónibus sanctórum Mártyrum tuórum Chrysánthi et Daríæ, quæ temporáliter ágimus, spirituáliter consequámur. Per Dóminum.

DIE 26 OCTOBRIS

S. EVARISTI PAPÆ ET MARTYRIS

Commemoratio

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Evarístum Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat et in religiónis integritáte persístat. Per Dóminum.

DIE 28 OCTOBRIS

SS. SIMONIS ET IUDÆ APOSTOLORUM

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri. **Mihi autem.**

Oratio

Deus, qui nos per beátos Apóstolos tuos Simónem et Iudam ad agnitióem tui nóminis veníre tribuísti: da nobis eórum glóriam sempitérnam et proficiéndo celebráre, et celebrándo profícere. Per Dóminum.

Léctio Epístolæ beáti Pauli
Apóstoli ad Ephésios

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelistas, álios autem pastôres, et doctôres, ad consummatióem sanctórum in opus ministérii, in ædificatióem córporis Christi: donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitúdinis Christi.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V. Ps. 138, 17** Nimis honoráti sunt amíci tui, Deus: nimis confortátus est principátus eórum. Allelúia.

✠ Sequéntia sancti Evangélii
secúndum Ioánnem

Ioann. 15, 17-25

In illo témpore: Dixit Iesus discipulis suis: Hæc mando vobis, ut diligátis invicem. Si mundus vos odit: scitóte quia me priórem vobis ódio hábuit. Si de mundo fuissétis: mundus quod suum erat diligeret: quia vero de mundo non estis, sed ego elégi vos de mundo, proptérea odit vos mundus. Mementóte sermónis mei, quem ego dixi vobis: Non est servus maior dómينو suo. Si me persecúti sunt, et vos persequéntur: si sermónem meum servavérunt, et vestrum servábunt. Sed hæc ómnia fácient vobis propter nomen meum: quia nésciunt eum, qui misit me. Si non veníssem, et locútus fuíssem eis, peccátum non habérent: nunc autem excusatióem non habent de peccáto suo. Qui me odit: et Patrem meum odit. Si ópera non fecíssem in eis, quæ nemo álius fecit, peccátum non habérent: nunc autem et vidérunt, et odérunt et me, et Patrem meum. Sed ut adimpleátur sermo, qui in lege eórum scriptus est: Quia ódio habuérunt me gratis. **Credo.**

Antiphona ad Offertorium

Ps. 18, 5

In omnem terram exívit sonus eórum: et in fines orbis terræ verba eórum.

Secreta

Glóriam, Dómine, sanctórum Apostolórum tuórum Simónis et Iudæ perpétuam venerántes: quæsumus; ut eam, sacris mystériis expiáti, dígnius celebrémus. Per Dóminum.

Præfatio de Apostolis.

Antiphona ad Communionem

Matth. 19, 28

Vos, qui secúti estis me, sedébitis super sedes, iudicántes duódecim tribus Israël.

Postcommunio

Percéptis, Dómine, sacraméntis, suppliciter exorámus: ut, intercedéntibus beátis Apóstolis tuis Simóne et Iuda, quæ pro illórum veneránda gérimus passióne, nobis proficiant ad medélam. Per Dóminum.

¶ In Missis votivis omnia dicuntur ut supra, sed post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manipulos suos.

Tempore autem paschali Missa Sancti tui, de Communi Martyrum 2º loco (18), cum orationibus, Epistola et Evangelio ut supra.



FESTA NOVEMBRIS

DIE 1 NOVEMBRIS

IN FESTO OMNIUM SANCTORUM

I classis

Antiphona ad Introitum

Gaudéamus omnes in Dómino, diem festum celebrantes sub honóre Sanctórum ómnium: de quorum solemnitáte gaudent Angeli, et colláudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **G**audéamus omnes.

Oratio

Omnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundántiam, multiplicátis intercessóribus, largiáris. Per Dóminum.

Léctio libri Apocalýpsis beáti Ioánnis Apóstoli

Apoc. 7, 2-12

In diébus illis: Ecce ego Ioánnes vidi álterum Angelum ascendéntem ab ortu solis, habéntem signum Dei vivi: et clamávit voce magna quátuor Angelis, quibus datum est nocére terræ, et mari, dicens: Nolite nocére terræ, et mari, neque arbóribus, quoadúsque signémus servos Dei nostri in fróntibus eórum. Et audivi númerum signatórum, centum quadragínta quátuor míllia signáti, ex omni tribu filiórum Israél. Ex tribu Iuda duódecim míllia signáti. Ex tribu Ruben duódecim míllia signáti. Ex tribu Gad duódecim míllia signáti. Ex tribu Aser duódecim míllia signáti. Ex tribu Néphthali duódecim míllia signáti. Ex tribu Manásse duódecim

míllia signáti. Ex tribu Símeon duodecim míllia signáti. Ex tribu Levi duodecim míllia signáti. Ex tribu Issachar duodecim míllia signáti. Ex tribu Zábulon duodecim míllia signáti. Ex tribu Ioseph duodecim míllia signáti. Ex tribu Béniamin duodecim míllia signáti. Post hæc vidi turbam magnam, quam dinumeráre nemo póterat, ex ómnibus géntibus, et tríbubus, et pópulis, et linguis: stantes ante thronum, et in conspéctu Agni, amícti stolis albis, et palmæ in mánibus eórum: et clamábant voce magna, dicéntes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórurum, et quátuor animálium: et cecidérunt in conspéctu throni in fácies suas, et adoravérunt Deum, dicéntes: Amen. Benedíctio, et cláritas, et sapiéntia, et gratiárum áctio, honor, et virtus, et fortitúdo Deo nostro in sæcula sæculórum. Amen.

Graduale Ps. 33, 10 et 11 Timéte Dóminum, omnes sancti eius: quóniam nihil deest timéntibus eum. **V.** Inquiréntes autem Dóminum, non deficient omni bono.

Allelúia, allelúia. **V. Matth. 11, 28** Veníte ad me, omnes qui laborátis, et oneráti estis: et ego reficiam vos. Allelúia.

✠ Sequéntia sancti Evangélíi secúndum Matthæum **5, 1-12**

In illo témpore: Videns Iesus turbas, ascéndit in montem, et cum sedísset, accessérunt ad eum discipuli eius, et apériens os suum, docébat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti

qui lugent: quóniam ipsi consolábúntur. Beáti qui esúriunt et sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter iustítiam: quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in cælis.

Credo.

Antiphona ad Offertorium

Sap. 3, 1-2 et 3

Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

Secreta

Múnera tibi, Dómine, nostræ devotiónis offérimus: quæ et pro cunctórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem

Matth. 5, 8-10

Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter iustítiam, quóniam ipsórum est regnum cælórum.

Postcommunio

Da, quæsumus, Dómine, fidélibus pópulis ómnium Sanctórum semper veneratióne lætári: et eórum perpétua supplicatióne muníri. Per Dóminum.

MISSA VOTIVA
DE OMNIBUS SANCTIS

EXTRA TEMPUS PASCHALE

Antiphona ad Introitum

Sap. 3, 8

Iudicant sancti gentes, et dominantur pópulis: et regnabit Dóminus Deus illórum in perpétuum. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **I**udicant.

TEMPORE PASCHALI

Antiphona ad Introitum

Ps. 144, 10-11

Sancti tui, Dómine, benedícant te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sáeculum, et in sáeculum sáeculi. **V.** Glória Patri. **S**ancti tui.

Oratio

Concéde, quæsumus, omnípotens Deus: ut intercessio sanctæ Dei Genetrícis Mariæ, sanctorúmque ómnium Apostolórum, Mártyrum, Confessórum, atque Vírginum et ómnium electórum tuórum, nos ubique lætíficet; ut, dum eórum mérita recólimus, patrocínia sentiámus. Per eúndem Dóminum.

Epistola ut in festo 718.

Graduale Ps. 33, 10 et 11 Timéte Dóminum, omnes sancti eius: quóniam nihil deest timéntibus eum. **V.** Inquiréntes autem Dóminum non deficiunt omni bono.

Allelúia, allelúia. **V. Matth. 11, 28** Veníte ad me, omnes qui laborátis, et oneráti estis: et ego reficiam vos. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

Tempore autem paschali omittitur graduale, et eius loco dicitur:

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 5** Pretiósá in conspéctu Dómini mors sanctórum eius. Allelúia.

Evangelium ut in festo 719.

Post Septuagesimam in fine sequentis antiphonæ Allelúia omittitur.

Antiphona ad Offertorium

Sap. 3, 1-2 et 3

Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

Tempore autem paschali dicitur seq.:

Antiphona ad Offertorium

Ps. 31, 11

Lætámini in Dómino, et exsultáte, iusti: et gloriámini, omnes recti corde, allelúia, allelúia.

Secreta

Oblátis, Dómine, placáre munéribus: et, intercedénte beáta María semper Vírgine, cum ómnibus Sanctis tuis, a cunctis nos défénde perículis. Per Dóminum.

Antiphona ad Communionem

Matth. 5, 8-10

Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter

iustitiam, quóniam ipsórum est regnum cælórum.

Tempore autem paschali dicitur seq.:

Antiphona ad Communionem

Ps. 32, 1

Gaudéte, iusti, in Dómino, allelúia: rectos decet collaudátio, allelúia.

Postcommunio

Súmpsimus, Dómine, beátæ Mariæ semper Vírginis et ómnium Sanctórum tuórum memóriam recoléntes, sacraménta cæléstia: præsta, quæsumus; ut, quod temporáliter gérimus, ætéris gáudiis consequámur. Per Dóminum.



DIE 2 NOVEMBRIS

vel, si in dominicam inciderit, die 3 sequenti

IN COMMEMORATIONE OMNIUM FIDELIUM DEFUNCTORUM

I classis

¶ Hoc die quivis sacerdos tres Missas celebrare potest. De agendis, si sacerdos eodem die duas vel tres Missas celebret, vide *Ritum servandum in celebratione Missae, tit. XIV.*

Qui unam dumtaxat Missam celebrat, primam legit; eandem adhibet qui Missam cum cantu celebrat, facta ei potestate anticipandae secundae ac tertiae.

Cum quis tres Missas sine intermissione celebrat, sequentiam dicere debet tantum in Missa principali, secus in prima Missa; in ceteris Missis, nisi sint in cantu, eam omittere potest.

AD PRIMAM MISSAM

Antiphona ad Introitum

4 Esdr. 2, 34 et 35

Réquiem aeternam dona eis, Domine: et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddetur votum in Ie-

rúsalem: exáudi orationem meam, ad te omnis caro véniet.

Deinde absolute repetitur Réquiem aeternam usque ad psalmum.

Oratio

Fidélium, Deus, ómnium cónditor et redemptor: animábus famulórum famularúmque tuárum remissionem cunctórum tríbue peccatórum; ut indulgéntiam, quam semper optavérunt, piis supplicatiónibus consequántur: Qui vivis.

Léctio Epístolæ beáti Pauli
Apóstoli ad Corínthios

1 Cor. 15, 51-57

Fratres: Ecce mystérium vobis dico: Omnes quidem resurgé-

mus, sed non omnes immutábitur. In moménto, in ictu óculi, in novíssima tuba: canet enim tuba, et mórtui resúrgent incorrúpti: et nos immutábitur. Opórtet enim corruptíbile hoc indúere incorruptiónem: et mortále hoc indúere immortalitátem. Cum autem mortále hoc indúerit immortalitátem, tunc fiet sermo, qui scriptus est: Absórpta est mors in victória. Ubi est, mors, victória tua? Ubi est, mors, stímulus tuus? Stímulus autem mortis peccátum est: virtus vero peccáti lex. Deo autem grátias, qui dedit nobis victóriam per Dóminum nostrum Iesum Christum.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **V. Ps. 111, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium fidélium defunctórum ab omni vínculo delictórum. **V.** Et grátia tua illis succurrénte, mereántur evádere iudícium ultiónis. **V.** Et lucis ætérnæ beatitúdine pérfrui.

Sequentia

Dies, iræ, dies illa,
Solvét sæclum in favilla:
Teste David cum Sibýlla.

Quantus tremor est futúrus,
Quando iudex est ventúrus.
Cuncta stricte discussúrus!

Tuba mirum spargens sonum
Per sepúlcrá regiónum,
Coget omnes ante thrónum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogatúrus,
Cum vix iustus sit secúrus?

Rex treméndæ maiestátis,
Qui salvándos salvás gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissionis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favilla
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélii secúndum Ioánnem

Ioann. 5, 25-29

In illo témpore: Dixit Iesus turbis Iudæórum: Amen, amen dico vobis, quia venit hora, et nunc est, quando mórtui áudient vocem Fílii Dei: et qui audierint, vivent. Sicut enim Pater habet vitam in semetípso, sic dedit et Fílio habére vitam in semetípso: et potestátem dedit ei iudícium fácere, quia Fílius hóminis est. Nolíte mirári hoc, quia venit hora, in qua omnes, qui in monuméntis sunt, áudient vocem Fílii Dei: et procédent, qui bona fecérunt, in resurrectionem vitæ: qui vero mala egérunt, in resurrectionem iudicii.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræséntet eas in lucem sanctam: * Quam olim Abrahæ promisísti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fá-cimus: fac eas, Dómine, de morte transíre ad vitam. **Q**uam olim Abrahæ promisísti, et sémini eius.

Secreta

Hóstias, quæsumus, Dómine, quas tibi pro animábus famulórum famularúmque tuárum offérimus, propitiátus inténde: ut, quibus fidei christiánæ méritum contulísti, dones et præmium. Per Dóminum.

Præfatio defunctorum.

Responsorium ad Communionem

4 Esdr. 2, 34 et 35

Lux ætérna lúceat eis, Dómine: * Cum Sanctis tuis in ætérnum: quia pius es. **V.** Réquiem ætérnam dona eis, Dómine: et lux perpétua lúceat eis. **C**um Sanctis tuis in ætérnum: quia pius es.

Postcommunio

Animábus, quæsumus, Dómine, famulórum famularúmque tuárum orátio proficiat supplicántium: ut eas et a peccátis ómnibus éxuas, et tuæ redemptionis fácias esse partícipes: Qui vivis.

¶ **Debet sacerdos ante sequentes Missas confessionem dicere. In fine autem cuiuslibet Missæ, dicto Dóminus vobíscum, dicitur:** Requiescant in pace. **R.** Amen.

¶ **Et non datur benedictio: sed, dicto secreto Pláceat tibi, sancta Trínitas, etc., et osculato altari, legitur Evang. S. Ioannis** In principio, etc., **ut moris est.**

AD SECUNDAM MISSAM

Antiphona ad Introitum

4 Esdr. 2, 34 et 35

Réquiem ætérnam dona eis, Dómine: et lux perpétua lúceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem, exáudi oratió-nem meam, ad te omnis caro véniet. **Réquiem ætérnam.**

Oratio

Deus, indulgentiárum Dómine: da animábus famulórum famularúmque tuárum refrigerií sedem, quiétis beatitúdinem, et lú-minis claritátem. Per Dóminum.

Lectio libri Machabæorum

2 Mach. 12, 43-46

In diébus illis: Vir fortíssimus Iudas, facta collatióne, duódecim míllia drachmas argénti misit Ierosólymam, offérri pro peccátis mortuórum sacrificium, bene et religiósse de resurrectione cógitans (nisi enim eos, qui cecíderant, resurrectúros speráret, supérfluum viderétur, et vanum oráre pro mórtuis): et quia considerábat quod hi, qui cum pietáte dormitióne accéperant, óptimam habérent repósitam grátiam. Sancta ergo, et salúbris est cogitatio pro defúntis exoráre, ut a peccátis solvántur.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **V. Ps. 111, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **V.** Et grátia tua illis succurrénte, mereántur evádere iudícium uliónis. **V.** Et lucis ætérnæ beatitúdine pérfrui.

Sequentia Dies iræ, ut supra 723.

✠ Sequéntia sancti Evangélii
secúndum Ioánnem

Ioann. 6, 37-40

In illo témpore: Dixit Iesus turbis Iudæórum: Omne, quod dat mihi Pater, ad me véniet: et eum, qui venit ad me, non eiíciam foras: quia descéndi de cælo, non ut fáciam voluntátem meam, sed voluntátem eius, qui misit me. Hæc est autem volúntas eius, qui misit me, Patris:

ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me: ut omnis, qui videt Fílium, et credit in eum, hábeat vitam ætérnam, et ego resuscitábo eum in novíssimo die.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræséntet eas in lucem sanctam: * Quam olim Abrahæ promisísti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahæ promisísti, et sémini eius.

Secreta

Propitiáre, Dómine, supplicatió nibus nostris, pro animábus famulórum famularúmque tuárum, pro quibus tibi offérimus sacrificium laudis: ut eas Sanctórum tuórum consórtio sociáre dignéris. Per Dóminum.

Præfatio defunctorum.

Responsorium ad Communionem

4 Esdr. 2, 34 et 35

Lux ætérna lúceat eis, Dómine: * Cum Sanctis tuis in ætérnum: quia pius es. **V.** Réquiem ætérnam dona eis, Dómine: et lux perpétua lúceat eis. **C**um Sanctis tuis in ætérnum: quia pius es.

Postcommunio

Præsta, quæsumus, Dómine: ut animæ famulorum famularumque tuarum, his purgatae sacrificiis, indulgentiam pariter et requiem capiant sempiternam. Per Dóminum.

AD TERTIAM MISSAM

Antiphona ad Introitum

4 Esdr. 2, 34 et 35

Requiem æternam dona eis, Dómine: et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddetur votum in Ierúsalem: exaudi orationem meam, ad te omnis caro veniet. **R**equiem æternam.

Oratio

Deus, vénia largitor, et humanæ salutis amator: quæsumus clementiam tuam; ut animas famulorum famularumque tuarum, quæ ex hoc sæculo transierunt, beata María semper Vírgine intercedente cum omnibus Sanctis tuis, ad perpétuæ beatitudinis consortium pervenire concedas. Per Dóminum.

Lectio libri Apocalýpsis beati Ioánnis Apóstoli

Apoc. 14, 13

In diébus illis: Audívi vocem de cælo, dicentem mihi: Scribe: Beati mórtui, qui in Dómino moriúntur. Amodo iam dicit Spíritus, ut requiescant a labóribus suis: ópera enim illórum sequúntur illos.

Graduale 4 Esdr. 2, 34 et 35 Requiem æternam dona eis, Dómine: et lux perpétua luceat eis. **V. Ps. 111, 7** In memória æterna erit iustus: ab auditióne mala non timébit.

Tractus Absólve, Dómine, animas ómnium fidélium defunctorum ab omni vínculo delictórum. **V.** Et grátia tua illis succurrénte, mereántur evádere iudícium uliónis. **V.** Et lucis æternæ beatitúdine pèrfui.

Sequentia Dies iræ, ut supra 723.

✠ Sequentia sancti Evangélíi
secúndum Ioánnem

Ioann. 6, 51-55

In illo témpore: Dixit Iesus turbis Iudæórum: Ego sum panis vivus, qui de cælo descéndi. Si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita. Litigábant ergo Iudæi ad ínvicem, dicétes: Quómodo potest hic nobis carnem suam dare ad manducándum? Dixit ergo eis Iesus: Amen, amen dico vobis: nisi manducavéritis carnem Fílii hóminis, et bibéritis eius ságuinem, non habébitis vitam in vobis. Qui mandúcat meam carnem, et bibit meum ságuinem, habet vitam ætérnam: et ego resuscitábo eum in novíssimo die.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer

sanctus Míchaël repræsentet eas in lucem sanctam: * Quam olim Abrahæ promisisti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahæ promisisti, et sémini eius.

Secreta

Deus, cuius misericórdiæ non est númerus, súscipe propítius preces humilitátis nostræ: et animábus ómnium fidélium defunctorum, quibus tui nóminis dedísti confесси́onem, per hæc sacraménta salútis nostræ, cunctórum remisси́onem tríbue peccatórum. Per Dóminum.

Præfatio defunctorum.

Responsorium ad Communionem

4 Esdr. 2, 34 et 35

Lux ætéRNA lúceat eis, Dómine: * Cum Sanctis tuis in ætérnum: quia pius es. **V.** Réquiem ætéRNam dona eis, Dómine: et lux perpétua lúceat eis. **C**um Sanctis tuis in ætérnum: quia pius es.

Postcommunio

Præsta, quæsumus, omnípotens et miséricors Deus: ut animæ famulórum famularúmque tuárum, pro quibus hoc sacrificium laudis tuæ obtúlimus maiestáti; per huius virtútem sacraménti a peccátis ómnibus expiátæ, lucis perpétuæ, te miseránte, recípiant beatitúdinem. Per Dóminum.

DIE 4 NOVEMBRIS

S. CAROLI EPISCOPI ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **S**tátuit.

Oratio

Ecclésiám tuam, Dómine, sancti Cároli Confessoris tui atque Pontíficis contínua protectióne custódi: ut, sicut illum pastorális sollicitúdo gloriósum réddidit; ita nos eius intercéssio in tuo semper fáciat amóre fervéntes Per Dóminum.

Et fit commemoratio Ss. Vitalis et Agricolæ Martyrum:

Oratio

Præsta, quæsumus, omnípotens Deus: ut, qui sanctórum Mártyrum tuórum Vitális et Agricolæ solémnia cólimus, eórum apud te intercessiónibus adiuvémur. Per Dóminum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuit Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurándo fecit illum Dóminus créscere in plebem suam. Benedicţióne ómnium géntium dedit illi, et testaméntum suum confirmávit

super caput eius. Agnóvit eum in benedictionibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsíus, et offerre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuit Deo. **℣. Ibid., 20** Non est invéntus símilis illi, qui conserváret legem Excélsi.

Allelúia, allelúia. **℣. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélíi
secúndum Matthæum

Matt. 25, 14-23

In illo témpore: Dixit Iesus discí-pulis suis parábolam hanc: Homo péregre proficíscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscóndit pecúniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália

quinque superlucrátus sum. Ait illi dóminus eius: Euge serve bone, et fidélis, quia super pauca fuísti fidélis, super multa te constituam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce ália duo lucrátus sum. Ait illi dóminus eius: Euge serve bone, et fidélis, quia super pauca fuísti fidélis, super multa te constituam: intra in gáudium dómini tui.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum.

Secreta

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Pro. Ss. Vitale et Agricola
Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, interce-

dente beáto Cárolo Confessóre tuo atque Pontífice, beneficia potióra sumámus. Per Dóminum.

Pro Ss. Vitale et Agricola
Postcommunio

Hæc nos commúnio, Dómine, purget a crimine: et, intercedéntibus sanctis Mártýribus tuis Vitále et Agrícola, cæléstis remédii fáciat esse consórtes. Per Dóminum.

EODEM DIE 4 NOVEMBRIS
SS. VITALIS ET AGRICOLÆ
MARTYRUM

Commemoratio

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nunti-et ecclésia: nómina autem eórum vivent in sæculum sæculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **Sapiéntiam.**

Oratio

Præsta, quæsumus, omnípotens Deus: ut, qui sanctórum Mártýrum tuórum Vitális et Agricolæ solémnia cólimus, eórum apud te intercessiónibus adiuvémur. Per Dóminum.

Léctio Epístolæ beáti Pauli
Apóstoli ad Hebræos

Hebr. 10, 32-38

Fratres: Rememorámini prístinos dies, in quibus illumináti, magnum certámen sustinuístis passionum: et in áltero quidem opprobriis, et tribulatióibus spectáculum facti: in áltero autem sócii

táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratióem. Patiéntia enim vobis necessária est: ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

✠ Sequéntia sancti Evangélii
secúndum Matthæum

Matth. 16, 24-27

In illo témpore: Dixit Iesus discí-pulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómīni, si mundum univérsum lucrétur, ánimæ vero suæ detrimentum patiátur? Aut quam dabit homo commutatióem pro ánima sua? Fílius enim hómīnis ventúrus est in glória Patris sui cum Angelis suis: et tunc reddet unicuique secúndum ópera eius.

In Missis votivis post Septuagesimam
in fine sequentis antiphonæ Allelúia
omittitur.

Antiphona ad Offertorium

Ps. 149, 5-6

Exsultábunt sancti in glória, lætabúntur in cubilibus suis: exaltatiónes Dei in fáucibus eórum, allelúia.

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Antiphona ad Communionem

Luc. 12, 4

Dico autem vobis amícis meis: Ne terreámini ab his, qui vos persequúntur.

Postcommunio

Hæc nos commúnio, Dómine, purget a crimine: et, intercedéntibus sanctis Martýribus tuis Vitále et Agrícola, cæléstis remédii fáciat esse consórtes. Per Dñm.

DIE 8 NOVEMBRIS

SS. QUATUOR CORONATORUM MARTYRUM

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunt templum sanctum tuum: posuérunt Ierúsalem in pomórum custódiam. **V. Glória Patri. Intret.**

Oratio

Præsta, quæsumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dñm.

Léctio Epístolæ beáti Pauli Apóstoli ad Hebræos

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiões, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos: álii autem disténti sunt, non suscipiéntes redemptionem, ut meliórem invenírent resurrectionem: alii vero ludíbria, et vérbera expérti, insuper et víncula, et cáreres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in pélibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti, invénti sunt in Christo Iesu Dómino nostro.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúia, allelúia. **V. Eccli. 44, 14** Córpora sanctórum in pace sepúlta sunt, et nómina eórum vivent in generatióne et generatióne. Allelúia.

✠ Sequéntia sancti Evangélíi
secúndum Matthæum

Matt. 5, 1-12

In illo témpore: Videns Iesus turbas, ascéndit in montem, et cum sedísset, accessérunt ad eum discipuli eius, et apériens os suum, docébat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter iustítiam: quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis.

In Missis votívis post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 67, 36

Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Benedíctio tua, Dómine, larga descéndat: quæ et múnera nostra, deprecántibus sanctis Martyribus tuis, tibi reddat accépta, et nobis sacraméntum redemptionis efficiat. Per Dóminum.

Antiphona ad Communionem

Sap. 3, 4, 5 et 6

Et si coram homínibus torménta

passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

Caeléstibus refécti sacraméntis et gáudiis: súpplíces te, Dómine, deprecámur; ut quorum gloriámur triúmphis, protegámur auxiliis. Per Dóminum.

DIE 9 NOVEMBRIS
IN DEDICATIONE
ARCHIBASILICÆ
SANCTISSIMI SALVATORIS

II classis

Missa Terríbilis, de Communi Dedicationis ecclesiæ (41). Et fit commemoratio S. Theodori Mart., ut in Missa seq.; ac dicitur Credo.

EODEM DIE 9 NOVEMBRIS
S. THEODORI MARTYRIS

Commemoratio

Missa Lætábitur, de Communi unius Martyris 4° loco (8), cum orationibus ut infra:

Oratio

P

Deus, qui nos beáti Theodóri Mártiris tui confessióne gloriósa circúmdas et prótegis: præsta nobis ex eius imitatioe profícere, et oratioe fulcírí. Per Dóminum.

Secreta

P

Súscipe, Dómine, fidélium preces cum oblatiönibus hostiárum: et, intercedente beáto Theodóro Mártire tuo, per hæc piæ devotiönis offícia ad cæléstem glóriam trans-eámus. Per Dóminum.

Postcommunio

P

Præsta nobis quæsumus, Dómine: intercedente beáto Theodóro Mártire tuo; ut, quod ore contíngimus, pura mente capiámus. Per Dóminum.

DIE 10 NOVEMBRIS

S. ANDREÆ AVELLINI
CONFESSORIS

III classis

Missa Os iusti, de Communi Confessoris non Pontificis 1° loco (25), præter orationem sequentem:

Oratio

P

Deus, qui in corde beāti Andréæ Confessoris tui, per arduum cotidie in virtutibus proficiendi votum, admirabiles ad te ascensionnes disposuisti: concède nobis, ipsius meritis et intercessiōne, ita eiúsdem gratiæ participes fieri; ut, perfectiōra semper exsequentes, ad glóriæ tuæ fastigium feliciter perducámur. Per Dóminum.

Et fit commemoratio Ss. Tryphonis, Respicii et Nymphæ Virg., Martyrum:

Oratio

Fac nos quæsumus, Dómine, sanctórum Mártyrum tuórum Tryphónis, Respicii et Nymphæ semper festa sectári: quorum suffrágiis, protectiōnis tuæ dona sentiámus. Per Dóminum.

Secreta

C

Laudis tibi, Dómine, hóstias immolámus in tuórum commemoratiōne Sanctórum: quibus nos et præsentibus éxui malis confidimus, et futúris. Per Dóminum.

Pro Ss. Tryphone, Respicio et
Nympha Secreta

Múnera tibi, Dómine, nostræ devotiōnis offéri-mus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

C

Refécti cibo potúque cælesti, Deus noster, te súpplīces exorámus: ut, in cuius hæc commemoratione percépimus, eius muniámur et précibus. Per Dóminum.

Pro Ss. Tryphone, Respicio et
Nympha Postcommunio

Præsta nobis, quæsumus, Dómine: intercedéntibus sanctis Martýribus tuis Tryphóne, Respicio et Nympha; ut, quod ore contíngimus, pura mente capiámus. Per Dóminum.

EODEM DIE 10 NOVEMBRIS

SS. TRYPHONIS
RESPICII ET NYMPHÆ
VIRGINIS, MARTYRUM

Commemoratio

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulationibus eórum liberávit eos. *Ps. ibid., 2* Benedícam Dóminum in omni témpore: semper laus eius in ore meo. *V.* Glória Patri. Clamavérunt.

Oratio

Fac nos, quæsumus, Dómine, sanctórum Mártyrum tuórum Tryphónis, Respicii et Nymphæ semper festa sectári: quorum suffrágiis, protectiōnis tuæ dona sentiámus. Per Dóminum.

Léctio Epístolæ beāti Pauli
Apóstoli ad Romános

Rom. 8, 18-23

Fratres: Exístimo quod non sunt condígnæ passiōnes huius tém-

poris ad futúram glóriam, quæ revelábitur in nobis. Nam expectátio creatúre revelatióem filiórum Dei exspéctat. Vanitati enim creatúra subiécta est non volens, sed propter eum, qui subiécit eam in spe: quia et ipsa creatúra liberábitur a servitúte corruptiόνis, in libertátem glóriæ filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos gémimus adoptiόνem filiórum Dei expectántes, redemptiόνem córporis nostri: in Christo Iesu Dómino nostro.

Graduale Ps. 78, 10 et 2 Víndica, Dómine, sánguinem sanctórum tuórum, qui effúsus est. **℣.** Posuerunt mortália servórum tuórum escas volatílibus cæli: carnes sanctórum tuórum béstiis terræ.

Allelúia, allelúia. **℣. Ps. 115, 15** Pretiósá in conspéctu Dómini mors sanctórum eius. Allelúia.

✠ Sequéntia sancti Evangélii secúndum Lucam

Luc. 12, 1-8

In illo témpore: Dixit Iesus discipulis suis: Atténdite a fermento pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte

eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in obli-viône coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium

Ps. 31, 11

Lætámini in Dómino, et exultáte, iusti: et gloriámini, omnes recti corde.

Secreta

Múnera tibi, Dómine, nostræ devotiόνis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem

Matth. 12, 50

Quicúmque fécerit voluntátem Patris mei, qui in cælis est: ipse meus frater, et soror, et mater est, dicit Dóminus.

Postcommunio

Præsta nobis, quæsumus, Dómine: intercedéntibus sanctis Martyribus tuis Tryphóne, Respício et Nympha; ut, quod ore contíngimus, pura mente capiámus. Per Dóminum.

DIE 11 NOVEMBRIS

S. MARTINI EPISCOPI
ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in aetérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **S**tátuit.

Oratio

Deus, qui cónspicis, quia ex nulla nostra virtúte subsístimus: concéde propítius; ut, intercessióne beáti Martíni Confessoris tui atque Pontíficis, contra ómnia advérsa muniámur. Per Dóminum.

Et fit commemoratio S. Mennæ Martyris:

Oratio

Præsta, quæsumus, omnípotens Deus: ut, qui beáti Mennæ Mártyris tui natalítia cólimus: intercessióne eius, in tui nóminis amóre roborémur. Per Dóminum.

Léctio libri Sapiéntiæ

Eccli. 44, 16-27; 45, 3-20

Ecce sacérdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit

illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum aetérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsíus, et offérre illi incénsum dígnum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationés et Virtútes. Allelúia.

¶ *In Missis votivis tempore paschali omíttitur graduale, et eius loco dicitur:*

Allelúia, allelúia. **V.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationés et Virtútes. Allelúia. **V.** Hic est sacérdos, quem coronávit Dóminus. Allelúia.

✠ Sequéntia sancti Evangélii
secúndum Lucam

Luc. 11, 33-36

In illo témpore: Dixit Iesus discípulis suis: Nemo lucérnam accéndit, et in abscóndito ponit, neque sub módio: sed supra candelábrum, ut qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lúci-

dum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Sanctífica, quæsumus, Dómine Deus, hæc múnera, quæ in solemnitate sancti Antístitis tui Martíni offérimus: ut per ea, vita nostra inter advérta et próspera ubique dirigátur. Per Dóminum.

Pro S. Menna

Secreta

Munéribus nostris, quæsumus, Dómine, precibúsque suscéptis: et cæléstibus nos munda mystériis, et cleménter exáudi. Per Dóminum.

Antiphona ad Communionem

Matth. 24, 46-67

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Præsta, quæsumus, Dómine Deus noster: ut, quorum festivitate votiva sunt sacraménta, eórum intercessióne salutária nobis reddántur. Per Dóminum.

Pro S. Menna Postcommunio

Da, quæsumus, Dómine Deus noster: ut, sicut tuórum

commemoratíone Sanctórum, temporáli gratulámur officio; ita perpétuo lætémur aspéctu. Per Dóminum.

EODEM DIE 11 NOVEMBRIS

S. MENNÆ **MARTYRIS**

Commemoratio

Missa Lætábitur, de Communi unius Martyris 4^o loco (8), cum orationibus propriis in præcedenti Missa notatis.

DIE 12 NOVEMBRIS

S. MARTINI I PAPÆ ET **MARTYRIS**

III classis

Missa Si diligis me, de Communi unius aut plurium Summorum Pontificum (2).

Oratio

C1

Gregem tuum, Pastor ætérne, placátus inténde: et per beátum Martínium Mártyrem tuum atque Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Secreta

C1

Oblátis munéribus, quæsumus, Dómine, Ecclésiám tuam benignus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

C1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatíone dirécta, et incrementa libertátis accípiat et in religiónis integritate persístat. Per Dóminum.

DIE 13 NOVEMBRIS

S. DIDACI CONFESSORIS

III classis

Missa Iustus, de Communi Confessoris non Pontificis 2° loco (26), præter orationem sequentem:

Oratio

P

Omnípotens sempitérne Deus qui dispositióne mirábili infirma mundi éligis, ut fórtia quæque confúndas: concéde propítius humilitáti nostræ: ut, piis beáti Dídaci Confessóris tui précibus, ad perénem in cælis glóriam sublimári mereámur. Per Dóminum.

Secreta

C

Præsta nobis, quæsumus, omnípotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio

C

Quæsumus, omnípotens Deus: ut, qui cæléstia aliménta percépi-mus, intercedénte beáto Dídaco Confessóre tuo, per hæc contra ómnia advérsa muniámur. Per Dóminum.

DIE 14 NOVEMBRIS

S. IOSAPHAT EPISCOPI
ET MARTYRIS

III classis

Antiphona ad Introitum

Gaudeámus omnes in Dómino, diem festum celebrántes sub honóre beáti Iósaphat Mártyris: de cuius passióne gaudent Angeli, et colláudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **G**audeámus.

Oratio

Excita, quæsumus, Dómine, in Ecclésia tua Spíritum, quo replétus beátus Iósaphat Martyr et Póntifex tuus ánimam suam pro óvibus pósuit: ut, eo intercedénte, nos quoque eódem Spíritu moti ac roboráti, ánimam nostram pro fratribus pónere non vereámur. Per Dóminum . . . in unitáte eiúsdem.

Léctio Epístolæ beáti Pauli
Apóstoli ad Hebræos

Hebr. 5, 1-6

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum. **V.** Nihil proficiet inimicus in eo, et fílius iniquitátis non nocébit ei.

Allelúia, allelúia. **V.** Hic est sacérdos, quem coronávit Dóminus. Allelúia.

✠ Sequéntia sancti Evangélii
secúndum Ioánnem

Ioann. 10, 11-16

In illo témpore: Dixit Iesus phari-
sæis: Ego sum pastor bonus.
Bonus pastor ánimam suam dat pro
óvibus suis. Mercenárius autem, et
qui non est pastor, cuius non sunt
oves própriae, videt lupum venién-
tem, et dimíttit oves, et fugit: et
lupus rapit, et dispérgit oves: mer-
cenárius autem fugit, quia merce-
nárius est, et non pértinet ad eum
de óvibus. Ego sum pastor bonus:
et cognósco meas, et cognóscunt
me meæ. Sicut novit me Pater, et
ego agnósco Patrem: et ánimam
meam pono pro óvibus meis. Et
álias oves hábeo, quæ non sunt
ex hoc ovíli: et illas opórtet me ad-
dúcere, et vocem meam áudient,
et fiet unum ovíle, et unus pastor.

Antiphona ad Offertorium

Ioann. 15, 13

Maiórem caritátem nemo habet,
ut ánimam suam ponat quis pro
amícis suis.

Secreta

Clementissime Deus, múnera
hæc tua benedictióne perfún-
de, et nos in fide confírma: quam
sanctus Iósaphat Martyr et Pónti-
fex tuus, effúso ságuine, assérui-
t. Per Dóminum.

Antiphona ad Communionem

Ioann. 10, 14

Ego sum pastor bonus, et cognó-
sco oves meas, et cognóscunt me
meæ.

Postcommunio

Spíritum, Dómine, fortitúdinis
hæc nobis tríbuat mensa cælé-
stis: quæ sancti Iósaphat Mártiris

tui atque Pontíficis vitam pro Ec-
clésiæ honóre iúgiter áluit ad vi-
ctóriam. Per Dóminum.

¶ In Missis votivis omnia dicuntur ut
supra, cum antiphona ad Introitum ta-
men, et post Septuagesimam tractu Desi-
dérium ex Missa Státuit, de Comuni
unius Martyris 1° loco (5); tempore au-
tem paschali omnia item ut supra, sed
cum antiphona ad Introitum et Allelúia
cum suis versibus post Epistolam ex
Missa Protexísti, de Comuni Martyrum
1° loco (16).

DIE 15 NOVEMBRIS

S. ALBERTI MAGNI EP.,
CONF. ET ECCL. DOCT.

III classis

Missa In médio, de Comuni Doctorum
(23), cum orationibus ut infra:

Oratio

P

Deus, qui beátum Albértum Pon-
tíficem tuum atque Doctórem
in humana sapiéntia divínæ fidei
subiiciéndam magnum effecísti: da
nobis, quæsumus; ita eius magi-
stérii inhærére vestígiis, ut luce
perfécta fruámur in cælis. Per Dñm.

Secreta

P

Sacrificiis præséntibus, Dómine,
quæsumus, inténde placátus: ut
quod Passiónis Fílii tui Dómini no-
stri mystério gérimus, beáti Albérti
intercessióne et exémplo, pio con-
sequámur afféctu. Per eúndem.

Postcommunio

P

Per hæc sancta quæ sumpsimus,
ab hóstium nos, Dómine, im-
pugnatióne defénde: et, interce-
dente beáto Albérto Confessóre
tuo atque Pontífice, perpétua pace
respiráre concéde. Per Dóminum.

DIE 16 NOVEMBRIS

S. GERTRUDIS VIRGINIS

III classis

Missa Dilexisti, de Communi Virginum 3° loco (33), præter orationem sequentem:

Oratio

P

Deus, qui in corde beátæ Gertrúdis Vírginis iucúndam tibi mansiónem præparásti: ipsíus méritis et intercessióne; cordis nostri máculas cleménte abstérge, et eiúsdem tríbue gaudére consórtio. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 17 NOVEMBRIS

S. GREGORII THAUMATURGI
EPISCOPI ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **Státuit.**

Oratio

Da, quæsumus, omnípotens Deus: ut beáti Gregórii Confessoris tui atque Pontíficis veneránda

solémnitas, et devotióne nobis áugeat, et salútem. Per Dóminum.

Lectio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiόnem ómnium géntium dedit illi, et testaméntum suum confirmávit super caput eius. Agnóvit eum in benedictiόnibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsíus, et offerre illi incénsus dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélii
secúndum Marcum

Marc. 11, 22-24

In illo témpore: Respóndens Iesus discíplis suis, ait illis: Habéte fidem Dei. Amen dico vobis, quia quicúmque díxerit huic monti: Tól-

lere, et mittere in mare, et non hæsitéverit in corde suo, sed crediderit, quia quodcúmque dixerit, fiat, fiet ei. Propterea dico vobis: Omnia quaecúmque orántes pétitis, créдите quia accipiétis, et evénient vobis.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedén-te beáto Gregório Confessóre tuo atque Pontífice, beneficia potióra sumámus. Per Dóminum.

DIE 18 NOVEMBRIS

IN DEDICATIONE
BASILICARUM

SS. PETRI ET PAULI APP.

III classis

Missa Terríbilis, de Communi Dedicationis ecclesiæ (41); et non dicitur Credo.

Oratio

Deus, qui nobis per síngulos annos huius sancti templi tui consecrationis réparas diem, et

sacris semper mystériis repræ-séntas incólumes: exáudi preces pópuli tui, et præsta; ut, quisquis hoc templum beneficia petitúrus ingréditur, cuncta se impetrásse lætétur. Per Dóminum.

Secreta

C

Annue, quæsumus, Dómine, præcibus nostris: ut, dum hæc vota præsentia réddimus, ad æténa præmia, te adiuvánte, pervenire mereámur. Per Dóminum.

Postcommunio

C

Deus, qui de vivis et eléctis lapí-dibus ætérnum maiestáti tuæ præparas habitáculum: auxiliáre pópulo tuo supplicánti; ut, quod Ec-clésiæ tuæ corporálibus próficit spátiis, spirituálibus amplificétur augméntis. Per Dóminum.

DIE 19 NOVEMBRIS

S. ELISABETH **VIDUÆ**

III classis

Missa Cognóvi, de Communi non Virginum 2º loco (39), præter orationem sequentem:

Oratio

P

Tuórum corda fidélium, Deus miserátor, illústra: et, beátæ Elísabeth précibus gloriósis; fac nos próspéra mundi despícere, et cælésti semper consolatióne gaudere. Per Dóminum.

Et fit com. S. Pontiani Papæ et Mart.:

Oratio

Gregem tuum, Pastor ætér-ne, placátus inténde: et per beátum Pontíanum Már-tyrem tuum atque Summum Pontíficem, perpétua protec-tióne custódi; quem totíus Ec-clésiæ præstitísti esse pastó-rem. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Pro S. Pontiano

Secreta

Oblátis munéribus, quæsumus, Dómine, Ecclesiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

Satiásti, Dómine, familiám tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Pro S. Pontiano

Postcommunio

Refectióne sancta enutrítam gubérna, quæsumus, Dómine, tuam placátus Ecclesiám: ut poténti moderatióne dirécta, et increménta libertátis accípiat et in religiónis integritáte persístat. Per Dóminum.

EODEM DIE 19 NOVEMBRIS

S. PONTIANI PAPÆ
ET MARTYRIS

Commemoratio

Missa Si diligis me, de Communi unius aut plurium Summorum Pontificum (2).

DIE 20 NOVEMBRIS

S. FELICIS DE VALOIS
CONFESSORIS

III classis

Missa Iustus, de Communi Confessoris non Pontificis 2º loco (26), præter orationem sequentem:

Oratio

P

Deus, qui beátum Felícem Confessórem tuum ex erémo ad munus rediméndi captívos cælitus vocáre dignátus es: præsta, quæsumus; ut per grátiam tuam ex peccatórum nostrórum captivitáte, eius intercessióne, liberáti, ad cæléstem pátriam perducámur. Per Dóminum.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépi-mus, intercedénte beáto Felíce Confessóre tuo, per hæc contra ómnia advérsa muniámur. Per Dóminum.

DIE 21 NOVEMBRIS

IN PRÆSENTATIONE
BEATÆ MARIÆ VIRGINIS

III classis

Missa Salve, sancta parens, de Communi festorum Beatæ Mariæ Virginis (44), præter orationem sequentem; et non dicitur Credo.

Oratio

P

Deus, qui beátam Mariám semper Vírginem, Spíritus Sancti habitáculum, hodiérna die in templo præsentári voluísti: præsta, quæsumus; ut, eius intercessióne, in templo glóriæ tuæ præsentári mereámur. Per Dóminum... in unitáte eiúsdem.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Præsentatióne.

Postcommunio

Sumptis, Dómine, salutis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

DIE 22 NOVEMBRIS

**S. CÆCILLÆ VIRGINIS
ET MARTYRIS**

III classis

Antiphona ad Introitum

Ps. 118, 46-47

Loquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **Loquébar.**

Oratio

Deus, qui nos ánnua beátæ Cæciliæ Vírginis et Mátyris tuæ solemnitáte lætíficas: da, ut quam venerámur officio, étiam piæ conversatiónis sequámur exémplo. Per Dóminum.

Léctio libri Sapiéntiæ

Eccli. 51, 13-17

Dómine Deus meus, exaltásti super terram habitatiónem meam, et pro morte defluente deprecáta sum. Invocávi Dóminum

patrem Dómini mei, ut non derelinquat me in die tribulatiónis meæ, et in témpore superbórum sine adiutório. Laudábo nomen tuum assidue, et collaudábo illud in confessióne, et exaudíta est oratio mea. Et liberásti me de perditióne, et eripuísti me de témpore iníquo. Propterea confitébor, et laudem dicam tibi, Dómine Deus noster.

Graduale Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam. **V. Ibid., 5** Spécie tua, et pulchritúdine tua inténde, prospere procéde, et regna.

Allelúia, allelúia. **V. Matth. 25, 4 et 6** Quinque prudentes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino. Allelúia.

✠ Sequéntia sancti Evangélii
secúndum Matthæum

Matth. 25, 1-13

In illo témpore: Dixit Iesus discipulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudentes: sed quinque fátuæ, accéptis lampádibus, non sumpsérunt óleum secum: prudentes vero accepérunt óleum in vasis suis cum lampádibus. Moram autem faciente sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiénti-

bus dixerunt: Date nobis de óleo vestro: quia lámpades nostræ extinguúntur. Respondérunt prudentes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescítis diem, neque horam.

Antiphona ad Offertorium

Ps. 44, 15 et 16

Afferéntur Regi vírgines post eam: próximæ eius afferéntur tibi in lætítia, et exsultatióne: adducéntur in templum Regi Dómino.

Secreta

Hæc hóstia, Dómine, placatiónis et laudis, quæsumus: ut, intercedénte beáta Cæcília Vírgine et Mártire tua, nos propitiatióne tua dignos semper efficiat. Per Dóminum.

Antiphona ad Communionem

Ps. 118, 78 et 80

Confundántur supérbi, quia iniúste iniquitátem fecérunt in me: ego autem in mandátis tuis exercébor, in tuis iustificatió nibus, ut non confundar.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 23 NOVEMBRIS

S. CLEMENTIS I PAPÆ ET MARTYRIS

III classis

Antiphona ad Introitum

Isai. 59, 21; 56, 7

Dicit Dóminus: Sermónes mei, quos dedi in os tuum, non deficient de ore tuo: et múnera tua accépta erunt super altáre meum. **Ps. 111, 1** Beátus vir qui timet Dóminum: in mandátis eius cupit nimis. **V.** Glória Patri. **Dicit.**

Oratio

Gregem tuum, Pastor ætérne, placátus inténde: et per beátum Cleméntem Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Et fit commemoratio S. Felicitatis Mart.:

Oratio

Præsta, quæsumus, omnípotens Deus: ut, beátæ Felicitátis Mártiris tuæ solémnia recenséntes, méritis ipsíus protegámur et précibus. Per Dóminum.

Léctio Epístolæ beáti Pauli
Apóstoli ad Philippénes

Philipp. 3, 17-21; 4, 1-3

Fratres: Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos crucis Christi: quorum finis intéritus: quorum Deus venter est: et glória in confusióne ipsórum, qui terréna sápiunt. No-

stra autem conversatio in cælis est: unde etiam Salvatorem expectamus Dominum nostrum Iesum Christum, qui reformabit corpus humilitatis nostræ, configuratum corpori claritatis suæ, secundum operationem, qua etiam possit subiicere sibi omnia. Itaque, fratres mei carissimi, et desideratissimi, gaudium meum et corona mea: sic state in Domino, carissimi. Evodiam rogo, et Syntychen deprecor idipsum sapere in Domino. Etiam rogo et te, germane compar, adiuva illas, quæ mecum laboraverunt in Evangelio cum Clemente, et ceteris adiutoribus meis, quorum nomina sunt in libro vitæ.

Graduale Ps. 106, 32, 31 Exal-
tent eum in ecclesia plebis: et in
cathedra seniorum laudent eum.
V. Confiteantur Domino misericor-
diæ eius: et mirabilia eius filiis ho-
minum.

Allelúia, allelúia. **Matth. 16, 18**
Tu es Petrus, et super hanc petram
ædificabo Ecclesiam meam. Alle-
lúia.

✠ Sequentia sancti Evangelii
secundum Matthæum

Matth. 16, 13-19

In illo tempore: Venit Iesus in par-
tes Cæsariæ Philippi, et interro-
gabat discipulos suos, dicens:
Quem dicunt homines esse Filium
hominis? At illi dixerunt: Alii Ioan-
nem Baptistam, alii autem Eliam,
alii vero Ieremiam, aut unum ex
prophetis. Dicit illis Iesus: Vos au-
tem quem me esse dicitis? Respon-
dens Simon Petrus, dixit: Tu es
Christus, Filius Dei vivi. Respon-
dens autem Iesus, dixit ei: Beatus
es, Simon Bar Iona: quia caro et

sanguis non revelavit tibi, sed Pa-
ter meus, qui in cælis est. Et ego
dico tibi, quia tu es Petrus, et super
hanc petram ædificabo Ecclesiam
meam, et portæ inferi non prævalé-
bunt adversus eam. Et tibi dabo
claves regni cælorum. Et quodcúm-
que ligaveris super terram, erit
ligatum et in cælis: et quodcúmque
solveris super terram, erit solutum
et in cælis.

Antiphona ad Offertorium

Ierem. 1, 9-10

Ecce dedi verba mea in ore tuo:
ecce constitui te super gentes et
super regna, ut evellas et destruas,
et ædifices et plantes.

Secreta

Oblatis munéribus, quæsumus,
Domine, Ecclesiam tuam bení-
gnus illumina: ut, et gregis tui pro-
ficiat ubique succéssus, et grati-
fiant nómini tuo, te gubernante, pa-
stóres. Per Dominum.

Pro S. Felicitate **Secreta**

Vota pópuli tui, Domine,
propitiátus inténde: et, cu-
ius nos tribuis solémnia cele-
bráre, fac gaudére suffrágiis.
Per Dominum.

Antiphona ad Communionem

Matth. 16, 18

Tu es Petrus, et super hanc
petram ædificabo Ecclesiam meam.

Postcommunio

Refectiône sancta enutrítam gu-
berna, quæsumus, Domine, tu-
am placátus Ecclesiam: ut poténti
moderatióne dirécta, et increménta
libertátis accípiat et in religiónis
integritáte persístat. Per Dominum.

Pro. S. Felicitate
Postcommunio

Súpplīces te rogāmus, omnī-
potens Deus: ut, inter-
cedéntibus Sanctis tuis, et tua
in nobis dona múltīplices, et
tēpora nostra dispōnas. Per
Dóminum.

EODEM DIE 23 NOVEMBRIS
S. FELICITATIS MART.

Commemoratio

*Missa Me expectavérunt, de Communi non
Virginum 1° loco (37), cum orationibus pro-
priis in præcedenti Missa notatis.*

DIE 24 NOVEMBRIS
S. IOANNIS A CRUCE
CONF. ET ECCL. DOCT.

III classis

*Missa In médio, de Communi Doctorum
(23), præter orationem sequentem.*

Oratio

P

Deus, qui sanctum Ioānnem Con-
fessórem tuum atque Doctó-
rem perféctæ sui abnegatiónis et
Crucis amatórem exímium effecísti:
concéde; ut, eius imitatióni iúgiter
inhæréntes, glóriam assequámur
ætérnam. Per Dóminum.

*Et fit commemoratio S. Chrysogoni
Martyris;*

Oratio

Adésto, Dómine, supplica-
tiónibus nostris: ut, qui
ex iniquitáte nostra reos nos
esse cognóscimus, beáti Chry-
sógoni Mártyris tui interces-
sióne liberémur. Per Dómi-
num.

Secreta

C2

Sancti Ioánnis Confessóris tui
atque Doctóris nobis, Dómine,
pia non desit orátio: quæ et múnera
nostra concíliet; et tuam nobis in-
dulgéntiam semper obtíneat. Per
Dóminum.

Pro S. Chrysogono Secreta

Oblátis, quæsumus, Dómine,
placáre munéribus: et,
intercedénte beáto Chrysó-
gono Mártyre tuo, a cunctis
nos defénde perículis. Per
Dóminum.

Postcommunio

C2

Ut nobis, Dómine, tua sacrificia
dent salútem: beátus Ioánnes
Confessor tuus et Doctor egrégus,
quæsumus, precátor accédát. Per
Dóminum.

Pro S. Chrysogono
Postcommunio

Tui, Dómine, perceptiône
sacraménti, et a nostris
mundémur occúltis, et ab hó-
stium liberémur insídiis. Per
Dóminum.

EODEM DIE 24 NOVEMBRIS
S. CHRYSOGONI MARTYRIS

Commemoratio

*Missa In virtúte, de Communi unius Mar-
tyris 3° loco (7), cum orationibus propriis in
præcedenti Missa notatis.*

DIE 25 NOVEMBRIS
S. CATHARINÆ VIRGINIS
ET MARTYRIS

III classis

*Missa Loquébar, de Communi Virginum 1°
loco (29), præter orationem sequentem:*

Oratio

P

Deus, qui dedisti legem Móysi in summitate montis Sínai, et in eodem loco per sanctos Angelos tuos corpus beatae Catharinae Virginis et Martyris tuae mirabiliter collocasti: praesta, quaesumus; ut, eius meritis et intercessione, ad montem, qui Christus est, pervenire valeamus: Qui tecum.

Secreta

C

Suscipe, Domine, munera, quae in beatae Catharinae Virginis et Martyris tuae solemnitatem deferimus: cuius nos confidimus patrocinio liberari. Per Dominum.

Postcommunio

C

Auxilientur nobis, Domine, sumpta mysteria: et, intercedente beata Catharina Virgine et Martyre tua, sempiterna faciant protectione gaudere. Per Dominum.

DIE 26 NOVEMBRIS

S. SILVESTRI ABBATIS

III classis

Missa Os iusti, de Communi Abbatum (28), cum orationibus ut infra:

Oratio

P

Clementissime Deus, qui sanctum Silvestrum Abbatem, saeculi huius vanitatem in aperto tumulo pie meditantem, ad eremum vocare, et praeclaris vitae meritis decorare dignatus es: te supplices exoramus; ut, eius exemplo terrena despicientes, tui consortio perfruamur aeterno. Per Dominum.

Et fit commemoratio S. Petri Alexandrini Ep. et Mart.:

Oratio

Infirmitatem nostram respice, omnipotens Deus: et, quia

pondus propriae actionis gravat, beati Petri Martyris tui atque Pontificis intercessio gloriosa nos protegat. Per Dominum.

Secreta

P

Quaesumus, Domine: ut, dum haec munera divinae maiestati tuae reverenter offerimus; pia mentis preparatione et cordis puritate, beati Silvestri Abbatis imitatores effecti, Corpus et Sanguinem Filii tui sancte percipere mereamur: Qui tecum.

Pro S. Petro

Secreta

Hostias tibi, Domine, beati Petri Martyris tui atque Pontificis dicatas meritis, benignus assume: et ad perpetuum nobis tribue provenire subsidium. Per Dominum.

Postcommunio

P

Divina dape refectis tribue, quaesumus, Domine: sancti Silvestri Abbatis vestigiis ita inherere; ut copiosam mercedem in regno gloriae tuae cum Sanctis habeamus. Per Dominum.

Pro S. Petro

Postcommunio

Refecti participatione munus sacri, quaesumus, Domine Deus noster: ut, cuius exsequimur cultum, intercedente beato Petro Martyre tuo atque Pontifice, sentiamus effectum. Per Dominum.

EODEM DIE 26 NOVEMBRIS

S. PETRI ALEXANDRINI
EPISCOPI ET MARTYRIS

Commemoratio

Missa Statuit, de Communi unius Martyris 1° loco (4).



COMMUNE SANCTORUM

¶ In singulis Communibus, Epistolæ et Evangelia quæ habentur, sive in ipsis Missis, sive ad calcem totius Communis, sumi possunt in qualibet Missa de eodem Communi, dummodo tamen certa Missa, dicenda in casu prouti iacet, vel certa Epistola aut certum Evangelium in Missali non fuerint assignata.

¶ Pro Communi unius aut plurium Summorum Pontificum, Confessorum Pontificum et non Pontificum, Doctorum, Abbatum, Virginum et non Virginum, Dedicationis ecclesiæ, et festorum beatæ Mariæ Virginis, necnon in omnibus Missis votivis, nisi aliter suo loco notetur, tempore paschali omnia dicuntur ut reliquo anni tempore, addito tamen duplici **Allelúia** antiphonæ ad Introitum et uno **Allelúia** antiphonis ad Offertorium et ad Communionem, ubi non habetur. Post Epistolam vero omittitur graduale, et eius loco dicuntur **Allelúia** cum suis versibus, ut singulis locis notatur.

COMMUNE UNIUS AUT PLURIUM SUMMORUM PONTIFICUM

Antiphona ad Introitum

Ioann. 21, 15-17

Si diligis me, Simon Petre, pasce agnos meos, pasce oves meas. (T. P. Allelúia, allelúia.) Ps. 29, 1 Exaltábo te, Dómine, quóniam suscepisti me, nec delectásti inimícos meos super me. V. Glória Patri. Si diligis.

Pro uno Summo Pontifice.

1 Oratio

Gregem tuum, Pastor ætérne, placátus inténde: et per beátum N. (Mártýrem tuum atque) Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Eadem oratio in plurali.

Oratio

Gregem tuum, Pastor ætérne, placátus inténde: et per beátos N. et N. (Mártýres tuos atque) Summos Pontífices, perpétua protectione custódi; quos totíus Ecclésiæ præstitísti esse pastóres. Per Dóminum.

2 Oratio

Si agenda sit commemoratio alterius Summi Pontificis.

Deus, qui Ecclésiám tuam in apostólicæ petræ soliditáte fundátam, ab infernárum éruis terrore portárum: præsta, quæsumus, ut, intercedente beáto N. (Mártýre tuo atque) Summo Pontífice, in tua

veritaté persístens, contínua securitaté muniátur. Per Dóminum.

Eadem oratio in plurali.

Oratio

Deus, qui Ecclésiám tuam in apostólicæ petræ soliditáte fundátam, ab infernárum éruis terrore portárum: præsta, quæsumus, ut intercedéntibus beátis N. et N. (Mártýribus tuis atque) Summis Pontíficibus, in tua veritaté persístens, contínua securitaté muniátur. Per Dóminum.

Léctio Epístolæ beáti Petri Apóstoli

1 Petr. 5, 1-4 et 10-11

Caríssimi: Senióres, qui in vobis sunt, óbsecro consénior et testis Christi passiónum, qui et eius, quæ in futúro revelánda est, glóriæ communicátor: páscite qui in vobis est gregem Dei, providéntes non coácte, sed spontáneæ secúndum Deum, neque turpis lucri grátia, sed voluntárie; neque ut dominántes in cleris, sed forma facti gregis ex ánimo. Et, cum apparúerit princeps pastórum, percipiétis immarcescibilem glóriæ corónam. Deus autem omnis grátia, qui vocávit nos in ætérnam suam glóriam in Christo Iesu, módicum passos ipse perficiet, confirmábit solidabítque. Ipsi glória et impérium in sæcula sæculórum. Amen.

Graduale Ps. 106, 32, 31 Exáltent eum in ecclésia plebis: et in cáthedra seniórum laudent eum. **V.** Confiteántur Dómino misericórdiae eius; et mirábilia eius fíliis hóminum.

Allelúia, allelúia. **Matth. 16, 18** Tu es Petrus, et super hanc petram ædificábo Ecclésiam meam. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 39, 10-11 Annuntiávi iustítiam tuam in ecclésia magna, ecce lábia mea non prohibébo: Dómine, tu scisti. **V.** Iustítiam tuam non abscondi in corde meo: veritátem tuam et salutáre tuum dixi. **V.** Non abscondi misericórdiam tuam, et veritátem tuam a concílio multo.

Tempore autem paschali omittitur graduale, et eius loco dicitur:

Allelúia, allelúia. **Matth. 16, 18** Tu es Petrus, et super hanc petram ædificábo Ecclésiam meam. Allelúia. **Ps. 44, 17, 18** Constitues eos príncipes super omnem terram: mémoires erunt nóminis tui, Dómine. Allelúia.

✠ Sequéntia sancti Evangélii
secúndum Matthæum

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es

Christus, Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiam meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium

Ierem. 1, 9-10

Ecce dedi verba mea in ore tuo: ecce constitui te super gentes et super regna, ut evéllas et déstruas, et ædífices et plantes. **(T. P. Allelúia.)**

Secreta

Oblátis munéribus, quæsumus, Dómine, Ecclésiam tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

2 Alia Secreta

Pro commemoratione alterius vel aliorum Summorum Pontificum.

Múnera, quæ tibi, Dómine, lætántes offérimus, súscipe benígnus, et præsta: ut, intercedénte beáto **N.**, (intercedéntibus beátis **N.** et **N.**) Ecclésia tua et fidei integritáte lætétur, et témporum tranquillitáte semper exsúltet. Per Dóminum.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiam meam. **(T. P. Allelúia.)**

1 **Postcommunio**

Refectiōne sancta enutritam gubernā, quāsumus, Dōmine, tuam placātus Ecclēsiam: ut potēti moderatiōne dirēcta, et incrementa libertātis accīpiat et in religiōnis integritate persīstat. Per Dōminum.

2 **Alia Postcommunio**

Pro commemoratione alterius Summi Pontificis

Multiplica, quāsumus, Dōmine, in Ecclēsia tua spīritum grātiæ, quem dedisti: ut beāti **N.** (Martyrum tuorum atque) Summorum Pontificum deprecatiōne, nec pastōri obediētia gregis nec gregi desit cura pastōris. Per Dōminum.

tyris tui atque) Summi Pontificis deprecatiōne, nec pastōri obediētia gregis nec gregi desit cura pastōris. Per Dōminum.

Eadem Postcommunio in plurali.

Postcommunio

Multiplica, quāsumus, Dōmine, in Ecclēsia tua spīritum grātiæ, quem dedisti: ut beatōrum **N.** et **N.** (Martyrum tuorum atque) Summorum Pontificum deprecatiōne, nec pastōri obediētia gregis nec gregi desit cura pastōris. Per Dōminum.

COMMUNE UNIUS MARTYRIS

EXTRA TEMPUS PASCHALE

I

PRO MARTYRE PONTIFICE

Antiphona ad Introitum

Eccli. 45, 30

Statuit ei Dōminus testamētum pacis, et principem fecit eum: ut sit illi sacerdotii dignitas in ætēnum. **Ps. 131,**

1 Memēto, Dōmine, David: et omnis mansuetūdinis eius. **V.** Glória Patri. **S**tatuit.

Oratio

Infirmitatem nostram respice, omnīpotens Deus: et, quia pondus propriæ actiōnis gravat, beāti **N.** Martyris tui atque Pontificis intercessiō gloriōsa nos protégat. Per Dōminum.

Lectio Epistolæ beāti Iacobi
Apóstoli

Iac. 1, 12-18

Carissimi: Beātus vir, qui suffert tentatiōnem: quoniam cum pro-

bātus fuerit, accipiet coronam vitæ, quam repromisit Deus diligentibus se. Nemo cum tentatur, dicat, quoniam a Deo tentatur. Deus enim intentator malorum est: ipse autem neminem tentat. Unusquisque vero tentatur a concupiscētia sua abstractus, et illēctus. Deinde concupiscētia cum concēperit, parit peccātum: peccātum vero cum consummātum fuerit, generat mortem. Nolite itaque errare, fratres mei dilectissimi. Omne datum optimum, et omne donum perfectum desursum est, descēdens a Patre lūminum, apud quem non est transmutatiō, nec vicissitudinis obumbratiō. Voluntarie enim genuit nos verbo veritatis, ut simus inītiū aliquod creaturæ eius.

Graduale Ps. 88, 21-23 Invēni David servum meum, oleo sancto meo unxi eum: manus enim mea auxiliābitur ei, et brāchium meum

confortábit eum. *℣.* Nihil proficiet inimicus in eo, et filius iniquitátis non nocébit ei.

Allelúia, allelúia. *℣. Ps. 109, 4* Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 20, 3-4 Desidérium ánimæ eius tribuísti ei: et voluntáte labiórũ eius non fraudásti eum. *℣.* Quóniam prævenísti eum in benedictiónibus dulcédinis. *℣.* Posuísti in cápite eius corónam de lápide pretióso.

✠ Sequéntia sancti Evangélíi
secúndum Lucam

Luc. 14, 26-33

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non báiulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perfícere, omnes, qui vident, incípiant illúdere ei, dicéntes: Quia hic homo coepit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? Alióquin adhuc illo longe agente, legatiónem mittens, rogat ea, quæ pacis sunt. Sic ergo omnis ex vobis,

qui non renúntiat ómnibus, quæ póssidet, non potest meus esse discípulus.

Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu eius.

Secreta

Hóstias tibi, Dómine, beáti **N.** Mártyris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Antiphona ad Communionem

Ps. 88, 36 et 37-38

Semel iurávi in sancto meo: semen eius in ætérnum manébit: et sedes eius sicut sol in conspéctu meo, et sicut luna perfécta in ætérnum, et testis in cælo fidélis.

Postcommunio

Refécti participatióne múnery sacri, quæsumus, Dómine Deus noster: ut, cuius exséquimur cultum, intercedénte beáto **N.** Mártyre tuo atque Pontífice, sentiámus efféctum. Per Dóminum.

II

PRO MARTYRE PONTIFICE

Altera Missa

Antiphona ad Introitum

Dan. 3, 84 et 87

Sacerdótes Dei benedícite Dóminum: sancti et húmiles corde, laudáte Deum. *Ibid., 57* Benedícite, ómnia ópera Dómini, Dómino: laudáte et superexaltáte eum in sácula. *℣.* Glória Patri. **Sacerdótes.**

Oratio

Deus, qui nos beáti **N.** Mártyris tui atque Pontíficis ánnua solemnitáte lætíficas: concéde propítius; ut, cuius natalítia cólimus, de eiúsdem étiam protectióne gaudeámus. Per Dóminum.

Léctio Epístolæ beáti Pauli
Apóstoli ad Corínthios

2 Cor. 1, 3-7

Fratres: Benedíctus Deus et Pater Dómini nostri Iesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possímus et ipsi consolári eos, qui in omni pressúra sunt, per exhortatióne, qua exhortámur et ipsi a Deo. Quóniam sicut abúndant passiões Christi in nobis: ita et per Christum abúndat consolátio nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúndem passiónum, quas et nos pátimur: ut spes nostra firma sit pro vobis: sciéntes quod sicut sócii passiónum estis, sic éritis et consolatiónis: in Christo Iesu Dómino nostro.

Graduale Ps. 8, 6-7 Glória et honóre coronásti eum. **V.** Et constituísti eum super ópera mánuum tuárum, Dómine.

Allelúia, allelúia. **V.** Hic est sacerdos, quem coronávit Dóminus. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir,

qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

✠ Sequéntia sancti Evangélii
secúndum Matthæum

Matth. 16, 24-27

In illo témpore: Dixit Iesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióne pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera eius.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum.

Secreta

Múnera tibi, Dómine, dicáta sanctífica: et, intercedénte beáto **N.** Mártyre tuo atque Pontífice, per éadem nos placátus inténde. Per Dóminum.

Antiphona ad Communionem

Ps. 20, 4

Posuísti, Dómine, in cápite eius corónam de lápide pretióso.

Postcommunio

Hæc nos commúnio, Dómine, purget a crimine: et, intercedente beáto **N.** Mártýre tuo atque Pontífice, cæléstis remédii fáciat esse consórtes. Per Dóminum.

III

PRO MARTYRE NON
PONTIFICE

Antiphona ad Introitum

Ps. 20, 2-3

In virtúte tua, Dómine, lætábitur iustus: et super salutáre tuum exsultábit veheménter: desidérium ánimæ eius tribuísti ei. **Ps. ibid., 4** Quóniam prævenísti eum in benedictiónibus dulcédinis: posuísti in cápite eius corónam de lápide pretióso. **V.** Glória Patri. **In** virtúte tua.

Oratio

Præsta, quæsumus, omnípotens Deus: ut, qui beáti **N.** Mártýris tui natalítia cólimus, intercessióne eius, in tui nóminis amóre roborémur. Per Dóminum.

Léctio libri Sapiéntiæ

Sap. 10, 10-14

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et cer-

támen forte dedit illi, ut vínceret, et sciret, quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérrnam, Dóminus Deus noster.

Graduale Ps. 111, 1-2 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur.

Allelúia, allelúia. **V. Ps. 20, 4** Posuísti, Dómine, super caput eius corónam de lápide pretióso. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 20, 3-4 Desidérium ánimæ eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

✠ Sequéntia sancti Evangélii
secúndum Matthæum

Matth. 10, 34-42

In illo témpore: Dixit Iesus discipulis suis: Nolíte arbitrári quia pacem vénerim mittere in terram: non veni pacem mittere, sed gládium. Veni enim separáre hómí-nem advérsus patrem suum, et fí-liam advérsus matrem suam, et nurrum advérsus socrum suam: et

inimici hóminis, doméstici eius. Qui amat patrem aut matrem plus quam me, non est me dignus: et qui amat filium aut filiam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam: et qui perdiderit ánimam suam propter me, invéniet eam. Qui récipit vos, me récipit: et qui me récipit, récipit eum, qui me misit. Qui récipit prophétam in nómine prophétæ, mercédem prophétæ accípiet: et qui récipit iustum in nómine iusti, mercédem iusti accípiet. Et quicumque potum déderit uni ex mínimis istis cálicem aquæ frigidæ tantum in nómine discípuli: amen dico vobis, non perdet mercédem suam.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Munéribus nostris, quæsumus, Dómine, precibúsq; suscep-tis: et cæléstibus nos munda mystériis, et cleménter exáudi. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

Postcommunio

Da, quæsumus, Dómine Deus noster: ut, sicut tuórum commemoratione Sanctórum, temporáli gratulámur officio; ita perpétuo lætémur aspéctu. Per Dóminum.

IV

PRO MARTYRE NON PONTIFICE

Altera Missa

Antiphona ad Introitum

Ps. 63, 11

Lætábitur iustus in Dómino, et sperábit in eo: et laudabúntur omnes recti corde. **Ps. ibid., 2** Exáudi, Deus, oratióem meam cum deprecor: a timóre inimici éripe ánimam meam. **V.** Glória Patri. **L**ætábitur.

Oratio

Præsta, quæsumus, omnipotens Deus: ut, intercedénte beáto Mártyre tuo, et a cunctis adversitátibus liberémur in córpore, et a pravis cogitatióibus mundémur in mente. Per Dóminum.

Léctio Epístolæ beáti Pauli Apóstoli ad Timótheum

2 Tim. 2, 8-10; 3, 10-12

Caríssime: Memor esto, Dóminum Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælésti. Tu autem assecútus es meam doctrínam, institutióem, propósitum, fidem, longanimitátem, dilectiόem, patientiam, persecutiόes, passiόes: quália mihi facta sunt Antiochiæ, Icónii et Lystris: quales persecutiόes sustínui, et ex ómnibus erí-puit me Dóminus. Et omnes, qui pie volunt vívere in Christo Iesu, persecutiόem patiéntur.

Graduale Ps. 36, 24 Iustus cum ceciderit, non collidétur: quia Dóminus supponit manum suam. **V. Ibid., 26** Tota die miserétur, et cónmodat: et semen eius in benedictióne erit.

Allelúia, allelúia. **V. Ioann. 8, 12** Qui séquitur me, non ámbulat in ténebris: sed habébit lumen vitæ æternæ. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáeculum sáeculi.

✠ Sequéntia sancti Evangélii
secúndum Matthæum

Matth. 10, 26-32

In illo témpore: Dixit Iesus discipulis suis: Nihil est opértum, quod non revelábitur: et occúltum, quod non sciétur. Quod dico vobis in ténebris, dicite in lúmine: et quod in aure audítis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolíte ergo timére: multis passéribus meliôres estis vos. Omnis ergo, qui confitébitur me coram hominibus confitébor et ego eum coram Patre meo, qui in cælis est.

Post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 20, 4-5

Posuísti, Dómine, in cápite eius corónam de lápide pretióso: vitam pétiiit a te, et tribuísti ei, allelúia.

Secreta

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitáte defértur. Per Dóminum.

Antiphona ad Communionem

Ioann. 12, 26

Qui mihi minístrat, me sequátur: et ubi sum ego, illic et miníster meus erit.

Postcommunio

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedénte beáto **N.** Mártire tuo, sentiámus efféctum. Per Dóminum.

¶ **Item aliæ Epistolæ et aliud Evangelium de Comuni unius Martyris extra tempus paschale:**

Léctio Epístolæ beáti Iacóbi
Apóstoli

Iac. 1, 2-12

Caríssimi: Omne gáudium existimate, cum in tentatiónes várias incidéritis: sciéntes, quod probátio fidei vestræ patientiam operátur. Patientia autem opus perféctum habet: ut sitis perfécti, et íntegri, in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impróperat: et dábitur ei.

Póstulet autem in fide nihil hæsítans: qui enim hæsítat, símilis est flúctui maris, qui a vento movétur et circumfértur. Non ergo æstímet homo ille quod accípiat áliquíd a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos fæni transíbit: exórtus est enim sol cum ardóre, et arefécit fænum, et

flos eius décidit, et decor vultus eius depériit: ita et dives in itinéribus suis marcéscet. Beátus vir, qui suffert tentatiónem: quóniam cum probátus fúerit, accípiet corónam vitæ, quam repromísit Deus diligéntibus se.

Epistola Communicántes Christi passióibus, **ut pro Ss. Gervasio et Protasio Mm. habeatur, die 19 iunii.** 564.

Evangelium Nisi granum fruménti, **ut in festo S. Laurentii Martyris, die 10 augusti.** 635.

COMMUNE PLURIMORUM MARTYRUM

EXTRA TEMPUS PASCHALE

I **PRO PLURIBUS MARTYRIBUS**

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunť templum sanctum tuum: posuérunť Ierúsalem in pomórum custódiam. **V. Glória Patri. Intret.**

1 Pro pluribus Martyribus Pontificibus **Oratio**

Beatórum Mártyrum paritérque Pontíficum **N. et N.** nos, quæsumus, Dómine, festa tueántur: et eórum comméndet orátio veneránda. Per Dóminum.

2 Si non fuerint Pontifices, dicitur **Oratio**

Deus, qui nos concédis sanctórum Mártyrum tuórum **N. et**

N. natalitia cólere: da nobis in ætéRNA beatitúdine de eórum societáte gaudére. Per Dóminum.

Léctio libri Sapiéntiæ

Sap. 3, 1-8

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori: et æstimáta est afflíctio éxitus illórum: et quod a nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt iusti, et tamquam scintillæ in arundinéto discúrrunt. Iudicábunt natiónes, et dominabúntur pópulis, et regnábit Dóminus illórum in perpétuum.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Déxtera tua, Dómine, gloriificáta est in virtúte: déxtera manus tua confrégit inimícos.

Allelúia, allelúia. **V. Eccli. 44, 14** Córpora sanctórum in pace sepúlta sunt, et nómina eórum vivent in generatiónem et generatiónem. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

✠ **Sequéntia sancti Evangélii**
secúndum Lucam

Luc. 21, 9-19

In illo témpore: Dixit Iesus discí-pulis suis: Cum audiéritis próelia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia iniíciant vobis manus suas, et persequéntur, tradéntes in synagógas et custódias, trahéntes ad reges, et præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmodum respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem a paréntibus, et frátribus, et cognátis, et amícis,

et morte affícient ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra possidébitis ánimas vestras.

Post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 67, 36

Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

1 Pro pluribus Martyribus Pontificibus **Secreta**

Adésto, Dómine, supplicatió nibus nostris, quas in Sanctórum tuórum commemoratióne deférimus: ut, qui nostræ iustítiæ fidúciã non habémus, eórum, qui tibi placué runt, méritis adiuvémur. Per Dóminum.

2 Pro pluribus Martyribus tantum **Secreta**

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem

Sap. 3, 4, 5 et 6

Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

1 Pro pluribus Martyribus Pontificibus **Postcommunio**

Quæsumus, Dómine, salutáribus repléti mystériis: ut, quorum solémnia celebrámus, eórum oratió nibus adiuvémur. Per Dóminum.

2 Pro pluribus Martyribus tantum
Postcommunio

Præsta nobis, quæsumus, Dómine: intercedéntibus sanctis Martýribus tuis **N.** et **N.**; ut, quod ore contíngimus, pura mente capiámus. Per Dóminum.

II
PRO PLURIBUS MARTYRIBUS

Altera Missa

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nún-tiet ecclésia: nómina autem eórum vivent in sæculum sæculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri. **Sapiéntiam.**

1 Pro pluribus Martyribus tantum
Oratio

Deus, qui nos concédis sanctórum Mártyrum tuórum **N.** et **N.** natalítia cólere: da nobis in ætéRNA beatitúdine de eórum societáte gaudére. Per Dóminum.

¶ Si fuerint Pontifices, dicatur oratio præcedentis Missæ, ut infra; quod et in sequentibus servetur.

2 Pro pluribus Martyribus Pontificibus
Oratio

Beatórum Mártyrum paritérque Pontíficum **N.** et **N.** nos, quæsumus, Dómine, festa tueántur: et eórum comméndet orátio veneránda. Per Dóminum.

Léctio libri Sapiéntiæ

Sap. 5, 16-20

Iusti autem in perpétuum vivent, et apud Dóminum est merces

eórum, et cogitátio illórum apud Altíssimum. Ideo accípiet regnum decóris, et diadéma speciéi de manu Dómini: quóniam dextera sua teget eos, et brácchio sancto suo deféndet illos. Accípiet armatúram zelus illíus, et armábit creatúram ad ultiónem inimicórum. Induet pro thoráce iustítiam, et accípiet pro gálea iudícium certum. Sumet scutum inexpugnábile, æquitátem.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

✠ **Sequéntia sancti Evangélii**
secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et

sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exultáte: ecce enim merces vestra multa est in cælo.

Post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 149, 5, 6

Exsultábunt sancti in glória, lætabúntur in cubílibus suis: exaltatiónes Dei in fáucibus eórum, allelúia.

1 Pro pluribus Martyribus tantum Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

2 Pro pluribus Martyribus Pontificibus Secreta

Adésto, Dómine, supplicatió nibus nostris, quas in Sanctórum tuórum commemoratióne deférimus: ut, qui nostræ iustítiæ fidúciā non habémus, eórum, qui tibi placué runt, méritis adiuvémur. Per Dñm.

Antiphona ad Communionem

Luc. 12, 4

Dico autem vobis amícis meis: Ne terreámini ab his, qui vos persequúntur.

1 Pro pluribus Martyribus tantum Postcommunio

Præsta nobis, quæsumus, Dómine: intercedéntibus sanctis Martýribus tuis **N.** et **N.**; ut, quod ore contíngimus, pura mente capiámus. Per Dóminum.

2 Pro pluribus Martyribus Pontificibus Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum oratió nibus adiuvémur. Per Dóminum.

III

PRO PLURIBUS MARTYRIBUS

Tertia Missa

Antiphona ad Introitum

Ps. 36, 39

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri. **Salus.**

1 Pro pluribus Martyribus tantum Oratio

Deus, qui nos ánnua sanctórum Mártyrum tuórum **N.** et **N.** sollemnitate lætíficas: concéde propítius; ut, quorum gaudémus méritis, accendámur exémp lis. Per Dóminum.

2 Pro pluribus Martyribus Pontificibus Oratio

Beatórum Mártyrum paritérque Pontíficum **N.** et **N.** nos, quæsumus, Dómine, festa tueántur: et eórum comméndet orátio veneránda. Per Dóminum.

Lectio Epistolæ beāti Pauli Apóstoli ad Hebræos **Hebr. 10, 32-38**

Fratres: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis, et tribulatió nibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratió nem. Patiéntia enim vobis necessária est: ut voluntátem Dei faciéntes, reportétis promissió nem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **℣.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **℣.** Te Mártyrum candidátus laudat exércitus, Dómine. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **℣.** Eúntes ibant et flebant, mitténtes sémina sua. **℣.** Veniéntes autem vénient cum exsultatió ne, portántes manípulos suos.

✠ Sequéntia sancti Evangélii
secúndum Lucam

Luc. 12, 1-8

In illo témpore: Dixit Iesus discí pulis suis: Atténdite a ferménto

pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivió ne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Post Septuagesimam in fine sequentis antiphonæ Allelúia omittitur.

Antiphona ad Offertorium

Sap. 3, 1, 2 et 3

Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

1 Pro pluribus Martyribus tantum

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis **N.** et **N.**, a cunctis nos defénde perículis. Per Dóminum.

2 Pro pluribus Martyribus Pontificibus
Secreta

Adésto, Dómine, supplicatióibus nostris, quas in Sanctórum tuórum commemoratióne deféri-mus: ut, qui nostræ iustítiæ fidúci-am non habémus, eórum, qui tibi placuérunt, méritis adiuvémur. Per Dóminum.

Antiphona ad Communionem

Matth. 10, 27

Quod dico vobis in ténebris, dí-cite in lúmine, dicit Dóminus: et quod in aure audítis, prædicáte super tecta.

1 Pro pluribus Martyribus tantum
Postcommunio

Hæc nos commúnio, Dómine, purget a crimine: et, interce-déntibus sanctis Martýribus tuis **N.** et **N.**; cæléstis remédii fáciat esse consórtes. Per Dóminum.

2 Pro pluribus Martyribus Pontificibus
Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum ora-tiónibus adiuvémur. Per Dóminum.

¶ **Item aliæ Epistolæ et alia Evangelia pro pluribus Martyribus:**

Epistola Réddidit Deus iustis mercédem labórum suórum, ut in festo Ss. Nazarii et Sociorum Mm., die 28 iulii. 616

Epistola Iustificáti ex fide, ut pro Ss. Marco et Marcelliano Mm., die 18 iunii. 563

Epistola Existimo quod non sunt condígnæ passiónes, ut pro Ss. Tryphone et Sociis Mm. habetur, die 10 novembris. 730

Epistola Exhibeámus, ut pro Ss. Abdon et Sennen Mm. die 30 iulii. 619

Epistola Sancti per fidem, ut in festo Ss. Fabiani Papæ et Sebastiani Mm., die 20 ianu-arii. 447.

Epistola Respóndit unus de senióribus, ut pro Ss. Mauritio et Sociis Mm. habetur, die 22 septembris. 680

✠ **Sequéntia sancti Evangélíi**
secúndum Matthæum

Matth. 24, 3-13

In illo témpore: Sedénte Iesu su-per montem Olivéti, accessérunt ad eum discípuli secréto, dicéntes: Dic nobis, quando hæc erunt? et quod signum advéntus tui, et con-summatiónis sæculi? Et respón-dens Iesus, dixit eis: Vidéte, ne quis vos sedúcat. Multi enim véni-ent in nómine meo, dicéntes: Ego sum Christus: et multos sedúcent. Auditúri enim estis próelia, et opini-ónes próeliórum. Vidéte ne turbé-mini. Opórtet enim hæc fieri, sed nondum est finis. Consúrget enim gens in gentem, et regnum in re-gnum, et erunt pestiléntiæ, et fames, et terræmótus per loca. Hæc autem ómnia inítia sunt do-lórum. Tunc tradent vos in tribu-latiónem, et occídent vos: et éritis ódio ómnibus géntibus propter no-men meum. Et tunc scandalizabún-tur multi, et ínvicem tradent, et ódio habébunt ínvicem. Et multi pseudoprophétæ surgent, et sedú-cent multos. Et quóniam abundávit iníquitas, refrigéscet cáritas mul-tórum. Qui autem perseveráverit usque in finem, hic salvus erit.

Evangelium Videns Iesus turbas, ascéndit, ut in festo Omnium Sanctorum, die 1 novem-bris. 718

Evangelium Confíteor tibi, Pater, ut in festo S. Francisci Conf., die 4 octobris. 690

Evangelium Væ vobis, qui ædificátis, ut pro Ss. Marco et Marcelliano Mm., die 18 iunii. 563

Evangelium Qui vos audit, me audit, ut pro Ss. Vito et Sociis Mm., die 15 iunii. 561

COMMUNE MARTYRUM

TEMPORE PASCHALI

I

PRO UNO MARTYRE

Antiphona ad Introitum

Ps. 63, 3

Protexísti me, Deus, a convéntu malignántium, allelúia: a multitúdine operántium iniquitátem, allelúia, allelúia. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri. **Protexísti.**

1 Pro Martyre Pontifice Oratio

Infirmitátem nostram réspice, omnípotens Deus: et, quia pondus propriæ actiõnis gravat, beáti **N.** Mártyris tui atque Pontíficis intercessiõ gloriósa nos prótegat. Per Dóminum.

2 Item alia Oratio

Deus, qui nos beáti **N.** Mártyris tui atque Pontíficis ánnua solemnitáte lætifícas: concéde propítius; ut, cuius natalítia cólimus, de eiúsdem étiam protectiõne gaudeámus. Per Dóminum.

3 Pro Martyre tantum Oratio

Præsta, quæsumus, omnípotens Deus: ut, qui beáti **N.** Mártyris tui natalítia cólimus, intercessiõne eius, in tui nóminis amóre roborémur. Per Dóminum.

4 Item alia Oratio

Præsta, quæsumus, omnípotens Deus: ut, intercédente beáto **N.** Mártyre tuo, et a cunctis adver-

sitatibus liberémur in corpore, et a pravis cogitatiõibus mundémur in mente. Per Dóminum.

Lectio libri Sapiéntiæ

Sap. 5, 1-5

Stabunt iusti in magna constántia advérsus eos, qui se angustia-vérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatiõne insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habúimus aliquándo in derísum et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Vel Epistola B. Pauli Apostoli ad Tímotheum Memor esto, ut in Missa Lætábitur, de **Communi unius Martyris 4º loco** (8).

Allelúia, allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **V. Ps. 20, 4** Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélii secúndum Ioánnem

Ioann. 15, 1-7

In illo témpore: Dixit Iesus discí-pulis suis: Ego sum vitis vera: et Pater meus agrícola est. Omnem

pálmitem in me non feréntem fructum, tollet eum: omnem, qui fert fructum, purgábit eum, ut fructum plus áfferat. Iam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Antiphona ad Offertorium

Ps. 88, 6

Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

1 Pro Martyre Pontifice Secreta

Hóstias tibi, Dómine, beáti **N.** Mártiris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

2 Item alia Secreta

Múnera tibi, Dómine, dicáta sanctífica: et, intercedénte beáto **N.** Mártire tuo atque Pontífice, per éadem nos placátus inténde. Per Dóminum.

3 Pro Martyre tantum Secreta

Munéribus nostris, quæsumus, Dómine, precibúsq; susceptis: et cæléstibus nos munda mystériis, et cleménter exáudi. Per Dóminum.

Item alia Secreta

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitáte defértur. Per Dóminum.

Antiphona ad Communionem

Ps. 63, 11

Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

1 Pro Martyre Pontifice Postcommunio

Refécti participatióne múnneris sacri, quæsumus, Dómine Deus noster: ut, cuius exséquimur cultum, intercedénte beáto **N.** Mártire tuo atque Pontífice, sentiámus efféctum. Per Dóminum.

2 Item alia Postcommunio

Hæc nos commúnio, Dómine, purget a crimine: et, intercedénte beáto **N.** Mártire tuo atque Pontífice, cæléstis remédii fáciat esse consórtes. Per Dóminum.

3 Pro Martyre tantum Postcommunio

Da, quæsumus, Dómine Deus noster: ut, sicut tuórum commemoratióne Sanctórum temporáli gratulámur offício; ita perpétuo lætémur aspéctu. Per Dóminum.

4 Item alia Postcommunio

Refécti participatióne múnneris sacri, quæsumus, Dómine Deus noster: ut, cuius exséquimur cultum, intercedénte beáto **N.** Mártire tuo, sentiámus efféctum. Per Dóminum.

¶ Epistola prima et Evangelium quæ pro uno Martyre tempore paschali habentur, dici possunt etiam pro pluribus Martyribus, et

vicissim; dummodo tamen certa Missa vel certa Epistola aut Evangelium in Missali non fuerint assignata.

II

PRO PLURIBUS MARTYRIBUS

Antiphona ad Introitum

Ps. 144, 10-11

Sancti tui, Dómine, benedícent te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sáeculum, et in sáeculum sáeculi. **V.** Glória Patri. **Sancti.**

1 Pro pluribus Martyribus Pontificibus Oratio

Beatórum Mártyrum paritérque Pontíficum **N.** et **N.** nos, quæsumus, Dómine, festa tueántur: et eórum comméndet orátio veneránda. Per Dóminum.

2 Pro pluribus Martyribus tantum Oratio

Deus, qui nos concédís sanctórum Mártyrum tuórum **N.** et **N.** natalítia cólere: da nobis in ætérna beatitúdine de eórum societáte gaudére. Per Dóminum.

3 Item alia Oratio

Deus, qui nos ánnua sanctórum Mártyrum tuórum **N.** et **N.** solemnitáte lætíficas: concéde propítius; ut, quorum gaudémus méritis, accendámur exémpilis. Per Dóminum.

Léctio Epístolæ beáti Petri
Apóstoli

1 Petr. 1, 3-7

Benedíctus Deus et Pater Dómini nostri Iesu Christi, qui secúndum misericórdiam suam magnam

regenerávit nos in spem vivam, per resurrectionem Iesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentatiónibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 15** Pretiósia in conspéctu Dómini, mors sanctórum eius. Allelúia.

✠ Sequéntia sancti Evangélíi secúndum Ioánnem

Ioann. 15, 5-11

In illo témpore: Dixit Iesus discipulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discipuli. Sicut diléxit me Pater, et ego diléxi vos. Manéte in dilectiône mea. Si præcépta mea servavéritis, manébitis in dilectiône

mea, sicut et ego Patris mei praecepta servavi, et maneo in eius dilectione. Hæc locutus sum vobis: ut gaudium meum in vobis sit, et gaudium vestrum impleatur.

Antiphona ad Offertorium

Ps. 31, 11

Lætāmini in Dōmino, et exultate, iusti: et gloriāmini, omnes recti corde, allelūia, allelūia.

1 Pro pluribus Martyribus Pontificibus Secreta

Adēsto, Dōmine, supplicatiōnibus nostris, quas in Sanctōrum tuōrum commemoratiōne defērimus: ut, qui nostræ iustitiæ fiduciam non habemus, eōrum, qui tibi placuerunt, mēritis adiuvēmur. Per Dōminum.

2 Pro pluribus Martyribus tantum Secreta

Mūnera tibi, Dōmine, nostræ devotiōnis offērimus: quæ et pro tuōrum tibi grata sint honore iustōrum, et nobis salutaria, te miserante, reddantur. Per Dōminum.

3 Item alia Secreta

Oblātis, quæsumus, Dōmine, placare munēribus: et, intercedentibus sanctis Martýribus tuis **N.** et **N.**; a cunctis nos defēnde periculis. Per Dōminum.

Antiphona ad Communionem

Ps. 32, 1

Gaudēte, iusti, in Dōmino, allelūia: rectos decet collaudatio, allelūia.

1 Pro pluribus Martyribus Pontificibus Postcommunio

Quæsumus, Dōmine, salutāribus replēti mystériis: ut, quorum solēmnia celebrāmus, eōrum oratiōnibus adiuvēmur. Per Dōminum.

2 Pro pluribus Martyribus tantum Postcommunio

Præsta nobis, quæsumus, Dōmine: intercedentibus sanctis Martýribus tuis **N.** et **N.**; ut, quod ore contingimus, pura mente capiamus. Per Dōminum.

3 Item alia Postcommunio

Hæc nos commūnio, Dōmine, purget a crimine: et, intercedentibus sanctis Martýribus tuis **N.** et **N.**; cælēstis remēdii faciāt esse consórtes. Per Dōminum.

¶ In Communi Martyrum tempore paschali, alia Epistola et aliud Evangelium:

Epistola Post hæc ego Ioānnes, ut pro Ss. Gordiano et Epimacho Martyribus, die 10 maii. 525

✠ Sequētia sancti Evangēlii secūndum Ioānnem

Ioann. 16, 20-22

In illo tēpore: Dixit Iesus discipulis suis: Amen, amen dico vobis: quia plorābitis, et flēbitis vos, mundus autem gaudēbit: vos vero constrictabimini, sed tristitia vestra vertētur in gaudium. Mūlier cum parit, tristitiam habet, quia venit hora eius: cum autem peperit pūerum, iam non mēminit pressuræ propter gaudium: quia natus est homo in mundum. Et vos igitur nunc quidem tristitiam habētis, iterum autem vidēbo vos, et gaudēbit cor vestrum: et gaudium vestrum nemo tollet a vobis.

COMMUNE

CONFESSORIS PONTIFICIS

I

PRO CONFESSORE PONTIFICE

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérnum. (T. P. Allelúia, allelúia.) **Ps. 131, 1** Meménto, Dómine, David: et omnis mansuetúdinis eius. **V.** Glória Patri. **S**tátuit.

Oratio

Da, quæsumus, omnípotens Deus: ut beáti **N.** Confessoris tui atque Pontificis veneránda solémnitas, et devotióne nobis áugeat, et salútem. Per Dóminum.

Lectio libri Sapiéntiæ

Eccli. 44, 16-27; 45, 3-20

Ecce sacérdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurándo fecit illum Dóminus créscere in plebem suam. Benedictiódinem ómnium géntium dedit illi, et testaméntum suum confirmávit super caput eius. Agnóvit eum in benedictiódinibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum:

et beatificávit illum in glória. Fungi sacerdótio, et habére laudem in nómine ipsíus, et offérre illi incénsum dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia. **V.** Hic est sacérdos, quem coronávit Dóminus. Allelúia.

✠ Sequéntia sancti Evangélii secúndum Matthæum

Matth. 25, 14-23

In illo témpore: Dixit Iesus discí-pulis suis parábolam hanc: Homo péregre proficíscens vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuique secúndum própriam virtú-

tem, et profectus est statim. Abiit autem qui quinque talenta accepérat, et operatus est in eis, et lucratus est alia quinque. Similiter et qui duo accepérat, lucratus est alia duo. Qui autem unum accepérat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta accepérat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi dominus eius: Euge serve bone, et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta accepérat, et ait: Domine, duo talenta tradidisti mihi, ecce alia duo lucratus sum. Ait illi dominus eius: Euge serve bone, et fidelis, quia super pauca fuisti fidelis, super multa te constituam: intra in gaudium domini tui.

Antiphona ad Offertorium

Ps. 88, 21-22

Invéni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. (T. P. Allelúia.)

Secreta

Sancti tui, quæsumus, Domine, nos ubique lætificent: ut, dum eorum mérita recólimus, patrocínia sentiámus. Per Dóminum.

Antiphona ad Communionem

Luc. 12, 42

Fidelis servus et prudens, quem constituit dominus super familiam

suam: ut det illis in tempore tritici mensuram. (T. P. Allelúia.)

Postcommunio

Præsta, quæsumus, omnipotens Deus: ut, de perceptis muneribus grátias exhibentes, intercedente beato **N.** Confessore tuo atque Pontífice, beneficia potióra sumámus. Per Dóminum.

II

PRO CONFESSORE PONTIFICE

Altera Missa

Antiphona ad Introitum

Ps. 131, 9-10

Sacerdotes tui, Domine, induant iustitiam, et sancti tui exsultent: propter David servum tuum, non avertas faciém Christi tui. (T. P. Allelúia, allelúia.) **Ps. ibid., 1** Meménto, Domine, David: et omnis mansuetúdinis eius. **V.** Glória Patri. **S.** Sacerdotes.

Oratio

Exáudi, quæsumus, Domine, preces nostras, quas in beáti **N.** Confessoris tui atque Pontificis solemnitate deférimus: et, qui tibi digne méruit famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli ad Hebræos **Hebr. 7, 23-27**

Fratres: Plures facti sunt sacerdotes, idcirco quod morte prohiberéntur permanére: Iesus autem eo quod máneat in ætérnum, sempitérnum habet sacerdótium. Unde et salváre in perpétuum potest accedentes per semetípsum ad Deum: semper vivens ad interpellándum pro nobis. Talis enim decébat, ut

nobis esset pón̄tifex, sanctus, inno-
cens, impollútus, segregátus a pec-
catóribus, et excélsior cælis factus:
qui non habet necessitátem coti-
die, quemádmódum sacerdótes,
prius pro suis delíctis hóstias
offérre, deinde pro pópuli: hoc enim
fecit semel, seípsum offeréndo,
Iesus Christus Dóminus noster.

Graduale Ps. 131, 16-17 Sacer-
dótes eius induam salutári: et
sancti eius exsultatíone exsultá-
bunt. **℣.** Illuc prodúcám cornu Da-
vid: parávi lucérnam Christo meo.

Allelúia, allelúia. **℣. Ps. 109, 4**
Iurávit Dóminus, et non pænitébit
eum: Tu es sacérdos in ætérnum,
secúndum órđinem Melchisedech.
Allelúia.

**Post Septuagesimam, omissis Allelúia, et
versu sequenti, dicitur:**

Tractus Ps. 111, 1-3 Beátus vir,
qui timet Dóminum: in mandátis
eius cupit nimis. **℣.** Potens in terra
erit semen eius: generátio rectórum
benedicétur. **℣.** Glória et divítiæ in
domo eius: et iustítia eius manet
in sáeculum sáeculi.

**Tempore autem paschali omittur graduale,
et eius loco dicitur:**

Allelúia, allelúia. **℣. Ps. 109, 4**
Iurávit Dóminus, et non pænitébit
eum: Tu es sacérdos in ætérnum,
secúndum órđinem Melchisedech.
Allelúia. **℣. Eccli. 45, 9** Amávit
eum Dóminus, et ornávit eum: sto-
lam glóriæ induit eum. Allelúia.

✠ Sequéntia sancti Evangélíi
secundum Matthæum

Matth. 24, 42-47

In illo témpore: Dixit Iesus discí-
pulis suis: Vigiláte, quia nescítis
qua hora Dóminus vester ventúrus

sit. Illud autem scitóte, quóniam si
sciret paterfamílias, qua hora fur
ventúrus esset, vigiláret útique, et
non síneret pérfodi domum suam.
Ideo et vos estóte paráti: quia qua
nescítis hora, Fílius hóminis ventú-
rus est. Quis, putas, est fidélis ser-
vus, et prudens, quem constituit dó-
minus suus super famíliam suam, ut
det illis cibum in témpore? Beátus
ille servus, quem, cum vénerit dó-
minus eius, invénerit sic faciéntem.
Amen dico vobis, quóniam super
ómnia bona sua constituet eum.

Antiphona ad Offertorium

Ps. 88, 25

Véritas mea et misericórdia mea
cum ipso: et in nómine meo exaltá-
bitur cornu eius. **(T. P. Allelúia.)**

Secreta

Sancti **N.** Confessoris tui atque
Pontificis, quæsumus, Dómine,
án̄nua solémnitas pietáti tuæ nos
reddat accéptos: ut, per hæc piæ
placatiónis offícia, et illum beáta re-
tribútio comitétur, et nobis grátia
tuæ dona concíliet. Per Dóminum.

Antiphona ad Communionem

Matth. 24, 46-47

Beátus servus, quem, cum véne-
rit dóminus, invénerit vigilántem:
amen dico vobis, super ómnia bona
sua constituet eum. **(T. P. Allelúia.)**

Postcommunio

Deus, fidélium remunerátor ani-
márum: præsta; ut beáti **N.**
Confessoris tui atque Pontificis,
cuius venerándam celebrámus fe-
stivitátem, précibus indulgéntiam
consequámur. Per Dóminum.

¶ Item aliæ Epistolæ et alia Evangelia pro Confessore Pontifice:

Lectio Epistolæ beāti Pauli
Apóstoli ad Hebræos

Hebr. 5, 1-4

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte:

et proptérea debet, quemádmódum pro pópulo, ita étiam et pro semet-ípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Epistola Mementóte præpositórum, **ut in festo S. Nicolai Ep. et Conf., die 6 dec.** 431.

Evangelium Nemo lucérnam accéndit, **ut in festo S. Martini Ep. et Conf., die 11 novembris.** 732.

Evangelium Vidéte, vigiláte, et oráte, **ut in Anniversario Episcopi.** (75)

COMMUNE DOCTORUM

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. **(T. P. Allelúia, allelúia.) Ps. 91, 2** Bonum est confitéri Dómino: et psállere nómini tuo, Altíssime. **℣. Glória Patri. In médio.**

Oratio

Deus, qui pópulo tuo æternæ salútis beátum **N.** minístrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Lectio Epistolæ beāti Pauli Apóstoli ad Timótheum **2 Tim. 4, 1-8**

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta oportúne, importúne: árgue, óbsecra, increpa in

omni patiéntia, et doctrina. Erit enim tempus, cum sanam doctrinam non sustinébunt, sed ad sua desidéria coacervábunt sibi magístrós, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **℣. Lex Dei eius in corde ipsíus: et non supplantabúntur gressus eius.**

Allelúia, allelúia. **℣. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia. **V. Osee 14, 6** Iustus germínabit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii
secúndum Matthæum

Matth. 5, 13-19

In illo témpore: Dixit Iesus discí-
pulis suis: Vos estis sal terræ.
Quod si sal evanúerit, in quo salié-
tur? Ad níhilum valet ultra, nisi
ut mittátur foras, et conculcétur ab
homínibus. Vos estis lux mundi.
Non potest cívitas abscóndi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut lú-
ceat ómnibus qui in domo sunt. Sic
lúceat lux vestra coram homínibus,
ut vídeant ópera vestra bona, et
gloríficent Patrem vestrum, qui in
cælis est. Nolíte putáre, quóniam
veni sólvere legem, aut prophétas:
non veni sólvere, sed adimplére.
Amen quippe dico vobis, donec
tránseat cælum et terra, iota unum,
aut unus apex non præteríbit a lege,
donec ómnia fiant. Qui ergo sólve-
rit unum de mandátis istis mínimis,
et docúerit sic hómines, mínimus
vocábitur in regno cælórum: qui
autem fécerit, et docúerit, hic ma-
gnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut
cedrus, quæ in Líbano est, multi-
plicábitur. (T. P. Allelúia.)

Pro Doctore Pontifice **Secreta**

Sancti **N.** Pontíficis tui atque Do-
ctóris nobis, Dómine, pia non
desit orátio: quæ et múnera nostra
concíliet; et tuam nobis indulgénti-
am semper obtíneat. Per Dóminum.

Pro Doctore non Pontifice
Secreta

Sancti **N.** Confessóris tui atque
Doctóris nobis, Dómine, pia non
desit orátio: quæ et múnera nostra
concíliet; et tuam nobis indulgén-
tiam semper obtíneat. Per Dñm.

Antiphona ad Communionem

Luc. 12, 42

Fidélis servus et prudens, quem
constítuit dóminus super familiam
suam: ut det illis in témpore trítici
mensúram. (T. P. Allelúia.)

Pro Doctore Pontifice
Postcommunio

Ut nobis, Dómine, tua sacrificia
dent salútem: beátus **N.** Pónti-
fex tuus et Doctor egrégus, quæ-
sumus, precátor accédât. Per Dó-
minum.

Pro Doctore non Pontifice
Postcommunio

Ut nobis, Dómine, tua sacrificia
dent salútem: beátus **N.** Con-
fessor tuus et Doctor egrégus,
quæsumus, precátor accédât. Per
Dóminum.

¶ Item alia Epistola pro Doctoribus:

Lectio libri Sapiéntiæ

Eccli. 39, 6-14

Iustus cor suum tradet ad vigilandum dilúculo ad Dóminum, qui fecit illum, et in conspéctu Altísimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intellegéntiæ replébit illum: et ipse tamquam imbres mittet elóquia sapiéntiæ

suæ, et in oratióne confitébitur Dómino: et ipse díriget consílium eius et disciplínam, et in absconditis suis consiliábitur. Ipse palam fáciat disciplínam doctrínæ suæ, et in lege testaménti Dómini gloriábitur. Collaudábunt multi sapiéntiam eius, et usque in sáeculum non delébitur. Non recédet memória eius, et nomen eius requirétur a generatióne in generatióem. Sapiéntiam eius enarrábunt gentes, et laudem eius enuntiábit ecclésia.

COMMUNE CONFESSORIS NON PONTIFICIS

I

PRO

CONFESORE NON PONTIFICE

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. (*T. P. Allelúia, allelúia.*) *Ps. ibid., 1* Noli æmulári in malignántibus: neque zeláveris faciéntes iniquitátem. *℣. Glória Patri. Os iusti.*

Oratio

Deus, qui nos beáti *N.* Confessoris tui ánnua solemnitáte lætíficas: concéde propítius; ut, cuius natalítia cólimus, étiam actiónes imitémur. Per Dóminum.

Lectio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non

ábiit, nec sperávit in pecúnia et thesáuris. Quis est hic, et laudábitur eum? fecit enim mirabília in vita sua. Qui probátus est in illo, et perféctus est, erit illi glória æténa: qui pótuit tránsgredi, et non est transgréssus: fácere mala, et non fecit: ideo stabilíta sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 91, 12 et 14 Iustus ut palma florébit: sicut cedrus Líbani multiplicábitur in domo Dómini. *℣. Ibid., 3* Ad annuntiándum mane misericórdiam tuam, et veritátem tuam per noctem.

Allelúia, allelúia. *℣. Iac. 1, 12* Beátus vir, qui suffert tentatióem: quóniam, cum probátus fúerit, accípiet corónam vitæ. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. *℣. Potens in terra*

erit semen eius: generatio rectorum benedicetur. *℣.* Glória et divitiæ in domo eius: et iustitia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. *℣. Iac. 1, 12* Beátus vir, qui suffert tentationem: quóniam, cum probátus fúerit, accipiet coronam vitæ. Allelúia. *℣. Eccli. 45, 9* Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii
secúndum Lucam

Luc. 12, 35-40

In illo témpore: Dixit Iesus discipulis suis: Sint lumbi vestri præcincti, et lucernæ ardéntes in manibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti: quia, qua hora non putátis, Fílius hóminis véniet.

Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu eius. *(T. P. Allelúia.)*

Secreta

Laudis tibi, Dómine, hóstias immolámus in tuórum commemoratione Sanctórum: quibus nos et præsentibus éxui malis confidimus, et futúris. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum. *(T. P. Allelúia.)*

Postcommunio

Refécti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

II

PRO CONFESSORE NON PONTIFICE

Altera Missa

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. *(T. P. Allelúia, allelúia.) Ps. ibid., 2* Bonum est confitéri Dómino: et psállere nómini tuo, Altíssime. *℣.* Glória Patri. **Iustus.**

Oratio

Adésto, Dómine, supplicatióibus nostris, quas in beáti **N.** Confessoris tui solemnitáte deférimus: ut, qui nostræ iustitiæ fidúciā non habémus, eius, qui tibi plácuīt, précibus adiuvémur. Per Dñm.

Léctio Epístolæ beāti Pauli
Apóstoli ad Corínthios

1 Cor. 4, 9-14

Fratres: Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infírmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus operántes mánibus nostris: maledícimur, et benedícimus: persecutió nem pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium perip-séma usque adhuc. Non ut confúndam vos, hæc scribo, sed ut filios meos caríssimos móneo: in Christo Iesu Dómino nostro.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non sup-plantabúntur gressus eius.

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii
secúndum Lucam

Luc. 12, 32-34

In illo témpore: Dixit Iesus discí-pulis suis: Nolíte timére, pusíllus grex, quia complácuit Patri vestro dare vobis regnum. Véndite quæ possidétis, et date eleemósynam. Fácite vobis sácculos, qui non veteráscunt, thesáurum non deficién-tem in cælis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Antiphona ad Offertorium

Ps. 20, 2-3

In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei. **(T. P. Allelúia.)**

Secreta

Praesta nobis, quæsumus, omní-potens Deus: ut nostræ humi-litátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Antiphona ad Communionem

Matth. 19, 28 et 29

Amen dico vobis, quod vos, qui reliquístis ómnia, et secúti estis me, céntuplum accipiétis, et vitam ætérnam possidébitis. **(T. P. Allelúia.)**

Postcommunio

Quæsumus, omnípotens Deus: ut, qui cæléstia aliménta per-cépimus, intercedénte beáto **N.** Confessóre tuo, per hæc contra ómnia advérsa muniámur. Per Dóminum.

¶ Item alia Epistola et aliud Evangelium
pro Confessore non Pontifice:

Epistola. Quæ mihi fuérunt lucra, ut in festo

S. Francisci de Paula Conf., die 2 aprilis. 502

Evangelium Homo quidam nóbilis, ut in
festo S. Ludovici Conf., die 25 augusti. 651

COMMUNE ABBATUM

Antiphona ad Introitum

Ps. 36, 30-31

Os iusti meditábitur sapién-
tiam, et lingua eius loqué-
tur iudícium: lex Dei eius
in corde ipsíus. (T. P. Al-
lelúia, allelúia.) Ps. *ibid.*, 1 Noli
æmulári in malignántibus: neque
zeláveris faciéntes iniquitátem. V.
Glória Patri. Os iusti.

Oratio

Intercéssio nos, quæsumus, Dó-
mine, beáti N. Abbátis commén-
det: ut, quod nostris méritis non
valémus, eius patrocínio assequá-
mur. Per Dóminum.

Léctio libri Sapiéntiæ

Eccli. 45, 1-6

Diléctus Deo et homínibus, cuius
memória in benedictióne est.
Símilem illum fecit in glória san-
ctórum, et magnificávit eum in ti-
móre inimicórum, et in verbis suis
monstra placávit. Glorificávit illum
in conspéctu regum, et iussit illi
coram pópulo suo, et osténdit illi
glóriam suam. In fide et lenitáte
ipsíus sanctum fecit illum, et elégit
eum ex omni carne. Audívit enim
eum, et vocem ipsíus, et indúxit il-
lum in nubem. Et dedit illi coram
præcépta, et legem vitæ et disci-
plínæ.

Graduale Ps. 20, 4-5 Dómine,
prævenísti eum in benedictiónibus
dulcédinis: posuísti in cápite eius

corónam de lápide pretióso. V. Vi-
tam pétiit a te, et tribuísti ei longi-
túdinem diérum in sáeculum sæ-
culi.

Allelúia, allelúia. V. Ps. 91, 13
Iustus ut palma florébit: sicut ce-
drus Líbani multiplicábitur. Alle-
lúia.

Post Septuagesimam, omissis Allelúia, et
versu sequenti, dicitur:

Tractus Ps. 111, 1-3 Beátus vir,
qui timet Dóminum: in mandátis
eius cupit nimis. V. Potens in terra
erit semen eius: generátio rectó-
rum benedicétur. V. Glória et di-
vítiae in domo eius: et iustítia eius
manet in sáeculum sæculi.

Tempore autem paschali omittitur graduale,
et eius loco dicitur:

Allelúia, allelúia. V. Ps. 91, 13 Iu-
stus ut palma florébit: sicut cedrus
Líbani multiplicábitur. Allelúia. V.
Osee 14, 6 Iustus germinábit sicut
lílium: et florébit in ætérnum ante
Dóminum. Allelúia.

✠ Sequéntia sancti Evangélii secúndum Matthæum

Matth. 19, 27-29

In illo témpore: Dixit Petrus ad
Iesum: Ecce nos relíquimus
ómnia, et secúti sumus te: quid
ergo erit nobis? Iesus autem dixit
illis: Amen dico vobis, quod vos, qui
secúti estis me, in regeneratióne,
cum séderit Fílius hóminis in sede
maiestátis suæ, sedébitis et vos su-
per sedes duódecim, iudicántes

duódecim tribus Israël. Et omnis, qui relíquerit domum, vel fratres aut soróres, aut patrem, aut matrem, aut uxórem, aut filios, aut agros, propter nomen meum, cén-tuplum accípiet, et vitam ætérnam possidébit.

Antiphona ad Offertorium

Ps. 20, 3 et 4

Desidérium ánimæ eius tribuísti ei, Dómine, et voluntáte labiórur eius non fraudásti eum: posuísti in cápite eius corónam de lápide pretióso. (T. P. Allelúia.)

Secreta

Sacris altáribus, Dómine, hóstias superpósitas sanctus N. Ab-

bas, quæsumus, in salútem nobis proveníre depóscat. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram. (T. P. Allelúia.)

Postcommunio

Prótegat nos, Dómine, cum tui perceptióne sacraménti beátus N. Abbas, pro nobis intercedéndo: ut et conversatiónis eius experiámur insígnia, et intercessiόnis percipiámus suffrágia. Per Dóminum.

COMMUNE VIRGINUM

I

PRO VIRGINE ET MARTYRE

Antiphona ad Introitum

Ps. 118, 46-47

Loquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. (T. P. Allelúia, allelúia.) Ps. *ibid.*, 1 Beáti immaculáti in via: qui ámbulant in lege Dómini. V. Glória Patri. Loquébar.

Oratio

Deus, qui inter cétera poténtiæ tuæ mirácula, étiam in sexu frágili victóriam martýrii contulísti: concéde propítius; ut, qui beátæ N. Vírginis et Mártiris tuæ natalítia cólimus, per eius ad te exéempla gradiámur. Per Dóminum.

Léctio libri Sapiéntiæ

Eccli. 51, 1-8 et 12

Confitébor tibi, Dómine Rex, et collaudábo te Deum salvatórem meum. Confitébor nómini tuo: quóniam adiútor, et protéctor factus es mihi, et liberásti corpus meum a perditióne, a láqueo linguæ iníquæ, et a lábiis operántium mendácium, et in conspéctu astántium factus es mihi adiútor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulatiónum, quæ circumdedérunt me: a pressúra flammæ, quæ circúmdedit me, et in médio ignis non sum æstuáta: de altitúdine ventris inferi, et a lingua coinquináta, et a verbo mendácii, a rege iníquo, et a lingua

iniústa: laudábit usque ad mortem
ánima mea Dóminum: quóniam
érui sustinéntes te, et líberas eos
de mánibus géntium, Dómine Deus
noster.

Graduale Ps. 44, 8 Dilexísti iustítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúia, allelúia. **V. Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

Post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **V. Ps. 44, 8 et 5** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem paschali omittitur graduale, et eius loco dicitur:

Allelúia, allelúia. **V. Ps. 44, 15 et 16** Adducéntur Regi vírgines post eam: próximæ eius afferéntur tibi in lætítia. Allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

✠ Sequéntia sancti Evangélíi
secúndum Matthæum

Matth. 25, 1-13

In illo témpore: Dixit Iesus discí-
pulis suis parábolam hanc: Sí-
mile erit regnum cælórum decem
virgínibus: quæ accipiéntes lámpa-
des suas, exiérunt óbviám sponso
et sponsæ. Quinque autem ex eis
erant fátuæ, et quinque prudéntes:
sed quinque fátuæ, accéptis lámpa-

dibus, non sumpsérunt óleum se-
cum: prudéntes vero accepérunt
óleum in vasis suis cum lampádi-
bus. Moram autem faciénte sponso,
dormitavérunt omnes, et dormi-
erunt. Média autem nocte clamor
factus est: Ecce sponsus venit,
exíte óbviám ei. Tunc surrexérunt
omnes vírgines illæ, et ornavérunt
lámpades suas. Fátuæ autem sapi-
éntibus dixerunt: Date nobis de
óleo vestro: quia lámpades nostræ
exstinguúntur. Respondérunt pru-
déntes, dicéntes: Ne forte non suf-
ficiat nobis, et vobis, ite pótius ad
vendéntes, et émite vobis. Dum
autem irent émere, venit sponsus:
et quæ parátæ erant, intravérunt
cum eo ad núptias, et clausa est
iánua. Novíssime vero véniunt et
réliquæ vírgines, dicéntes: Dó-
mine, Dómine, áperi nobis. At ille
respóndens, ait: Amen dico vobis,
nescio vos. Vigiláte itaque, quia
nescitis diem, neque horam.

Antiphona ad Offertorium

Ps. 44, 15 et 16

Afferéntur Regi vírgines post
eam: próximæ eius afferéntur tibi
in lætítia, et exsultatióne: addu-
céntur in templum Regi Dómino.
(**T. P.** Allelúia.)

Secreta

Súscipe, Dómine, múnera, quæ in
beátæ **N.** Vírginis et Mátyris
tuæ solemnitáte deférimus: cuius
nos confídimus patrocínio liberári.
Per Dóminum.

Antiphona ad Communionem

Ps. 118, 78 et 80

Confundántur supérbi, quia iniú-
ste iniquitátem fecérunt in me: ego
autem in mandátis tuis exercébor,
in tuis iustificatió nibus, ut non
confúndar. (**T. P.** Allelúia.)

Postcommunio

Auxiliéntur nobis, Dómine, sumpta mystéria: et, intercedente beata **N.** Vírgine et Mártyre tua, sempitérna fáciant protectióne gaudére. Per Dóminum.

II

PRO VIRGINE ET MARTYRE

Altera Missa

Antiphona ad Introitum

Ps. 118, 95-96

Me exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **(T. P. Allelúia, allelúia.) Ps. ibid., 1** Beáti immaculáti in via: qui ámbulant in lege Dómini. **V. Glória Patri. Me exspectavérunt.**

Oratio

Indulgéntiam nobis, quæsumus, Dómine, beáta **N.** Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Lectio libri Sapiéntiæ

Eccli. 51, 13-17

Dómine Deus meus, exaltásti super terram habitatióne meam, et pro morte defluente deprecáta sum. Invocávi Dóminum patrem Dómini mei, ut non derelínquat me in die tribulatiónis meæ, et in témpore superbórum sine adiutório. Laudábo nomen tuum assidue, et collaudábo illud in confessióne, et exaudíta est orátio mea. Et liberásti me de perditióne, et

eripuísti me de témpore iníquo. Proptérea confitébor, et laudem dicam tibi, Dómine Deus noster.

Graduale Ps. 45, 6 et 5 Adiuvábit eam Deus vultu suo: Deus in médio eius, non commovébitur. **V. Flúminis ímpetus lætíficat civitátem Dei: sanctificávit tabernáculum suum Altíssimus.**

Allelúia, allelúia. **V. Hæc est virgo sápiens, et una de número prudéntum. Allelúia.**

Post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **V. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V. Ibid., 5** Spécie tua, et pulchritúdine tua inténde, prospere procéde, et regna.

Tempore autem paschali omittitur graduale, et eius loco dicitur:

Allelúia, allelúia. **V. Hæc est virgo sápiens, et una de número prudéntum. Allelúia. V. Sap. 4, 1** O quam pulchra est casta generátio cum claritáte! Allelúia.

✠ Sequéntia sancti Evangélíi
secúndum Matthæum

Matth. 13, 44-52

In illo témpore: Dixit Iesus discipulis suis parábolam hanc: Símile est regnum cælórum thesauro abscondito in agro: quem qui invénit homo, abscondit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas

margaritas. Inventa autem una pretiosa margarita, abiit, et vendidit omnia, quæ habuit, et emit eam. Iterum simile est regnum cælorum sagænæ missæ in mare, et ex omni genere piscium congreganti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínium ignis: ibi erit fletus, et stridor dentium. Intellexístis hæc omnia? Dicunt ei: Etiam. Ait illis: Ideo omnis scriba doctus in regno cælorum similis est hómini patrifamílias, qui profert de thesauro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus, in ætérnum, et in sæculum sæculi. (T. P. Allelúia.)

Secreta

Hóstias tibi, Dómine, beátæ N. Virginis et Mátyris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Antiphona ad Communionem

Ps. 118, 121, 122 et 128

Feci iudícium et iustítiam, Dómine, non calumniéntur mihi supérbi: ad omnia mandáta tua dirigébar, omnem viam iniquitátis ódio hábui. (T. P. Allelúia.)

Postcommunio

Divíni múnemis largitáte satiáti, quæsumus, Dómine Deus no-

ster: ut, intercedénte beáta N. Virgine et Mátyre tua, in eius semper participatióne vivámus. Per Dóminum.

¶ Item aliud Evangelium:

✠ Sequéntia sancti Evangélii secúndum Matthæum

Matth. 19, 3-12

In illo témpore: Accessérunt ad Iesum pharisæi tentántes eum et dicéntes: Si licet hómini dimíttere uxórem suam quacúmque ex causa? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, mœchátur: et qui dimíssam dúxerit, mœchátur. Dicunt ei discípuli eius: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cælorum. Qui potest cápere, cápiat.

¶ PRO PLURIBUS VIRGINIBUS MARTYRIBUS Missa dicitur ut supra, cum orationibus et Epistola ut infra:

Oratio

Da nobis, quæsumus, Dómine Deus noster, sanctárum Vírginum et Mártýrum tuárum **N.** et **N.** palmas incessábili devotióne venerári: ut, quas digna mente non póssumus celebráre, humílibus saltem frequentémus obséquiiis. Per Dóminum.

Léctio Epístolæ beáti Pauli
Apóstoli ad Corínthios

1 Cor. 7, 25-34

Fratres: De virgínibus præceptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatióne tamen carnis habébunt huiúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitúdine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divísus est. Et múlier innúpta, et virgo cógitat quæ Dómini sunt, ut sit sancta corpore, et spíritu: in Christo Iesu Dómino nostro.

Secreta

Inténde, quæsumus, Dómine, múnera altáribus tuis pro sanctárum Vírginum et Mártýrum tuárum **N.** et **N.** festivitáte propósita: ut, sicut per hæc beáta mystéria illis glóriam contulisti; ita nobis indulgéntiam largiáris. Per Dóminum.

Postcommunio

Præsta nobis, quæsumus, Dómine, intercedéntibus sanctis Virgínibus et Martýribus tuis **N.** et **N.**: ut, quod ore contíngimus, pura mente capiámus. Per Dóminum.

III

PRO VIRGINE TANTUM

Antiphona ad Introitum

Ps. 44, 8

Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. (**T. P.** Allelúia, allelúia.) **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **D**ilexísti.

Oratio

Exáudi nos, Deus salutáris noster: ut, sicut de beátæ **N.** Virginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epístolæ beáti Pauli
Apóstoli ad Corínthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat.

Utinam sustinerétis módicum quid insipientiæ meæ, sed et supportáte me: æmulor enim vos Dei æmulatione. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **V.** Propter veritátem, et mansuetúdinem, et iustítiam: et dedúcet te mirabíliter dextera tua.

Allelúia, allelúia. **V. Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 44, 11 et 12 Audi filia, et vide, et inclína aurem tuam: quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filia regum in honóre tuo. **V. Ibid., 15-16** Adducéntur Regi vírgines post eam: próximæ eius afferéntur tibi. **V.** Afferéntur in lætítia, et exultatióne: adducéntur in templum Regis.

Tempore autem paschali omittitur graduale, et eius loco dicitur:

Allelúia, allelúia. **V. Ps. 44, 15 et 16** Adducéntur Regi vírgines post eam: próximæ eius afferéntur tibi in lætítia. Allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

✠ Sequéntia sancti Evangélíi
secúndum Matthæum

Matth. 25, 1-13

In illo témpore: Dixit Iesus discipulis suis parábolam hanc: Sí-

mile erit regnum cælórum decem vírginibus: quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapientibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Antiphona ad Offertorium

Ps. 44, 10

Fília regum in honóre tuo, ástitit regína a dextris tuis in vestítu deauráto, circúmdata varietáte. **(T. P. Allelúia.)**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Antiphona ad Communionem

Matth. 25, 4 et 6

Quinque prudentes virgines acceperunt oleum in vasis suis cum lampadibus: media autem nocte clamor factus est: Ecce sponsus venit: exite obviam Christo Domino. (T. P. Allelúia.)

Postcommunio

Satiasti, Domine, familiam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

IV**PRO VIRGINE TANTUM**

Altera Missa

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi virgines post eam: proximæ eius adducéntur tibi in lætítia et exultatióne. (T. P. Allelúia, allelúia.) **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri. **Vultum.**

Oratio

Exáudi nos, Deus salutáris noster: ut, sicut de beátæ **N.** Virginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epístolæ beáti Pauli
Apóstoli ad Corínthios

1 Cor. 7, 25-34

Fratres: De virgínibus præcéptum Dómini non hábeo: consílium autem do, tamquam miseri-

córdiam consecútus a Dómino, ut sim fidélis. Exístimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatióne tamen carnis habébunt huiúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitúdine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divísus est. Et múlier innúpta, et virgo cógitat quæ Dómini sunt, ut sit sancta corpore, et spíritu: in Christo Iesu Dómino nostro.

Graduale Ps. 44, 12 Concupívit Rex decórem tuum, quóniam ipse est Dóminus Deus tuus. **V. Ibid., 11** Audi, filia, et vide, et inclína aurem tuam.

Allelúia, allelúia. **V.** Hæc est virgo sápiens, et una de número prudentum. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 44, 12 Quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filiæ regum

in honóre tuo. *Ps. Ibid., 15-16* Adducéntur Regi vírgines post eam: próximæ eius afferéntur tibi. *Ps.* Afferéntur in lætítia, et exsultatióne: adducéntur in templum Regis.

Tempore autem paschali omittitur graduale, et eius loco dicitur:

Allelúia, allelúia. *Ps.* Hæc est virgo sápiens, et una de número prudéntum. Allelúia. *Ps. Sap. 4, 1* O quam pulchra est casta generátio cum claritáte! Allelúia.

✠ Sequéntia sancti Evangélíi
secúndum Matthæum

Matth. 13, 44-52

In illo témpore: Dixit Iesus discípulis suis parábolam hanc: Símile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patri-famílias, qui profert de thesáuro suo nova et vétera.

vel

✠ Sequéntia sancti Evangélíi
secúndum Matthæum

Matth. 25, 1-13

In illo témpore: Dixit Iesus discípulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádis, non sumpsérunt óleum secum: prudéntes vero accepérunt óleum in vasis suis cum lampádis. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis, At ille respóndens, ait: Amen dico vobis, nescio vos. Vigiláte itaque, quia nescítis diem, neque horam.

Antiphona ad Offertorium

Ps. 44, 15-16

Afferéntur Regi vírgines post eam: próximæ eius afferéntur tibi in lætítia, et exsultatióne: adducéntur in templum Regi Dómino. *(T. P. Allelúia)*

Secreta

Accépta tibi sit, Dómine, sacratæ plebis oblátio, pro tuórum honóre Sanctórum: quorum se méritis, de tribulatióne percepísse cognóscit auxílium. Per Dóminum.

Antiphona ad Communionem

Matth. 13, 45-46

Símile est regnum cælórum hómini negotiatóri, quærénti bonas

margarítas: invénta autem una pretiósá margaríta, dedit ómnia sua, et comparávit eam. (T. P. Allelúia.)

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

COMMUNE NON VIRGINUM

I**PRO MARTYRE NON VIRGINE****Antiphona ad Introitum**

Ps. 118, 95-96.

Me exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. (T. P. Allelúia, allelúia.) Ps. *ibid.*, 1 Beáti immaculáti in via, qui ámbulant in lege Dómini. V. Glória Patri. Me exspectavérunt.

**Pro una Martyre non Virgine
Oratio**

Deus, qui inter cétera poténtiæ tuæ mirácula étiam in sexu frágili victóriam martýrii contulísti: concéde propítius; ut, qui beátæ N. Mártýris tuæ natalítia cólimus, per eius ad te exémpa gradiámur. Per Dóminum.

**Pro pluribus Martyribus non Virgibus
Oratio**

Da nobis, quæsumus, Dómine Deus noster, sanctárum Mártýrum tuárum N. et N. palmas in-

cessábili devotióne venerári: ut, quas digna mente non póssumus celebráre, humílibus saltem frequentémus obséquiiis. Per Dñm.

Lectio libri Sapiéntiæ

Eccli. 51, 1-8 et 12

Confitébor tibi, Dómine Rex, et collaudábo te Deum salvatórem meum. Confitébor nómini tuo: quóniam adiútor, et protéctor factus es mihi, et liberásti corpus meum a perditione, a láqueo linguæ iníquæ, et a lábiis operántium mendácium, et in conspéctu astántium factus es mihi adiútor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulationum, quæ circumdedérunt me: a pressúra flammæ, quæ circúmdedit me, et in médio ignis non sum æstuáta: de altitúdine ventris inferi, et a lingua coinquináta, et a verbo mendácii, a rege iníquo, et a lingua iniústa: laudábit usque ad mortem ánima mea Dóminum: quóniam éruis sustinéntes te, et líberas eos

de mánibus géntium, Dómine Deus noster.

Graduale Ps. 44, 8 Dilexísti iustítiam, et odísti iniquitátem. **℣.** Proptérea unxit te Deus, Deus tuus, óleo lætítiæ.

Allelúia, allelúia. **℣. Ibid., 5** Spécie tua, et pulchritúdine tua inténde, prospere procéde, et regna. Allelúia.

Post Septuagesimam, omissis Allelúia, et versu sequenti, dicitur:

Tractus Veni, sponsa Christi, ácipe corónam, quam tibi Dóminus præparávit in ætérnum: pro cuius amóre sánguinem tuum fudísti. **℣. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **℣. Ibid., 5** Spécie tua, et pulchritúdine tua inténde, prospere procéde, et regna.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 44, 5** Spécie tua, et pulchritúdine tua inténde, prospere procéde, et regna. Allelúia. **℣.** Propter veritátem, et mansuetúdinem, et iustítiam: et dedúcet te mirabíliter dextera tua. Allelúia.

✠ Sequéntia sancti Evangélíi
secúndum Matthæum

Matth. 13, 44-52

In illo témpore: Dixit Iesus discí-
pulis suis parábolam hanc: Sí-
mile est regnum cælórum thesáuro
abscóndito in agro: quem qui invé-
nit homo, abscóndit, et præ gáudio
illíus vadit, et vendit univér-
sa, quæ habet, et emit agrum illum.
Iterum símile est regnum cælórum
hómini negotiátóri, quærénti bonas

margarítas. Invénta autem una
pretiósá margaríta, ábiit, et vén-
didit ómnia, quæ hábuit, et emit
eam. Iterum símile est regnum
cælórum sagénæ missæ in mare, et
ex omni génere píscium congre-
gánti. Quam, cum impléta esset,
educéntes, et secus litus sedéntes,
elegérunt bonos in vasa, malos au-
tem foras misérunt. Sic erit in
consummatione sæculi: exhibunt
Angeli, et separábunt malos de mé-
dio iustórum, et mittent eos in
camínus ignis: ibi erit fletus, et
stridor déntium. Intellexístis hæc
ómnia? Dicunt ei: Etiam. Ait illis:
Ideo omnis scriba doctus in regno
cælórum símilis est hómini patri-
famílias, qui profert de thesáuro
suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis:
proptérea benedíxit te Deus in
ætérnum, et in sæculum sæculi.
(T. P. Allelúia.)

**Pro una Martyre non Virgine
Secreta**

Súscipe, Dómine, mún-
era, quæ in
beátæ **N.** Mártiris tuæ solem-
nitáte deférimus: cuius nos con-
fidimus patrocínio liberári. Per Dó-
minum.

**Pro pluribus Martyribus non Virgi-
nibus
Secreta**

Inténde, quæsumus, Dómine, mú-
nera altáribus tuis pro sanctá-
rum Mártýrum tuárum **N.** et **N.**
festivitáte propósita: ut, sicut per
hæc beáta mystéria illis glóriam
contulísti; ita nobis indulgéntiam
largiáris. Per Dóminum.

Antiphona ad Communionem**Ps. 118, 161-162**

Príncipes persecúti sunt me gratis, et a verbis tuis formidávit cor meum: lætabor ego super elóquia tua, quasi qui invénit spólia multa. **(T. P. Allelúia.)**

**Pro una Martyre non Virgine
Postcommunio**

Auxiliéntur nobis, Dómine, sumpta mystéria: et, intercedénte beáta **N.** Mártire tua, sempitérna fácient protectióne gaudére. Per Dóminum.

**Pro pluribus Martyribus non Virgibus
Postcommunio**

Præsta nobis, quæsumus, Dómine, intercedéntibus sanctis Martýribus tuis **N.** et **N.:** ut, quod ore contíngimus, pura mente capiámus. Per Dóminum.

II**PRO NEC VIRGINE NEC
MARTYRE****Antiphona ad Introitum****Ps. 118, 75 et 120**

Cognóvi, Dómine, quia æquitas iudícia tua, et in veritate tua humiliásti me: confíge timóre tuo carnes meas, a mandátis tuis tímui. **(T. P. Allelúia, allelúia.) Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **C**ognóvi.

Oratio

Exáudi nos, Deus salutáris noster: ut, sicut de beátæ **N.** festivitáte gaudémus; ita piæ devotiónis erudiámur afféctu. Per Dóminum.

Léctio libri Sapiéntiæ**Prov. 31, 10-31**

Mulierem fortem quis invéniet? Procul, et de últimis fínibus prétium eius. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsi-vit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrexit, deditque prædam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit brá-chium suum. Gustávit, et vidit quia bona est negotiátio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apéruit ínopi, et pal-mas suas exténdit ad páuperem. Non timébit dómui suæ a frigóri-bus nivis: omnes enim doméstici eius vestíti sunt duplícibus. Stragu-látam vestem fecit sibi: byssus, et púrpura induméntum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cingulum trá-didit Chananæo. Fortitúdo et decor induméntum eius, et ridébit in die novíssimo. Os suum apéruit sapiéntiæ, et lex cleméntiæ in lin-gua eius. Considerávit sémitas do-mus suæ, et panem otíosa non comédit. Surrexérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu super-gréssa es univérsas. Fallax grátia, et vana est pulchritúdo: múlter ti-mens Dóminum, ipsa laudábitur.

Date ei de fructu mánuum suárum: et laudent eam in portis ópera eius.

Graduale Ps. 44, 3 Diffúsa est grátia in lábiis tuis: proptérea benedíxit te Deus in ætérnum.

V. Ibid., 5 Propter veritátem, et mansuetúdinem, et iustítiam: et dedúcet te mirabíliter délixtera tua.

Allelúia, allelúia. **V. Ibid., 5** Spécie tua, et pulchritúdine tua inténde, prósperere procéde, et regna. Allelúia.

Post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8 et 5** Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. **V.** Spécie tua, et pulchritúdine tua inténde, prósperere procéde, et regna.

Tempore autem paschali omittitur graduale, et eius loco dicitur:

Allelúia, allelúia. **V. Ps. 44, 5** Spécie tua, et pulchritúdine tua inténde, prósperere procéde, et regna. Allelúia. **V.** Propter veritátem, et mansuetúdinem, et iustítiam: et dedúcet te mirabíliter délixtera tua. Allelúia.

✠ Sequéntia sancti Evangélíi
secúndum Matthæum

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesáuro abscondito in agro: quem qui invénit homo, abscondit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum

hómini negotiátóri, quærénti bonas margarítas. Invénta autem una pretiósa margaríta, ábiit, et vén-didit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congre-gánti. Quam, cum impléta esset, educéntes, et secus litus sedéntes, elegérunt bonos in vasa, malos au-tem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patri-famílias, qui profert de thesáuro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus in ætérnum, et in sæculum sæculi. **(T. P. Allelúia.)**

Secreta

Accépta tibi sit, Dómine, sacrátæ plebis oblátio pro tuórum ho-nóre Sanctórum: quorum se méritis de tribulatione percepísse cognó-scit auxílium. Per Dóminum.

Antiphona ad Communionem

Ps. 44, 8

Dilexísti iustítiam, et odísti ini-quitátem: proptérea unxit te Deus, Deus tuus, óleo lætitiæ præ consór-tibus tuis. **(T. P. Allelúia.)**

Postcommunio

Satiásti, Dómine, famíliam tuam munéribus sacris: eius, quæsu-mus, semper interventióne nos ré-

fove, cuius solémnia celebrámus.
Per Dóminum.

¶ *Item alia Epístola pro Vidua:*

Léctio Epístolæ beāti Pauli
Apóstoli ad Timótheum

1 Tim. 5, 3-10

Carissime: Víduas honóra, quæ
vere víduæ sunt. Si qua au-
tem vídua filios aut nepótes habet:
díscat primum domum suam ré-
gere, et mútuam vicem réddere
paréntibus: hoc enim accéptum est
coram Deo. Quæ autem vere ví-
dua est, et desoláta, speret in De-

um, et instet obsecratióibus, et
oratióibus nocte, ac die. Nam
quæ in delíciis est, vivens mórtua
est. Et hoc præcipe ut irrepre-
hensíbiles sint. Si quis autem
suórum, et máxime domesticórum
curam non habet, fidem negávit,
et est infidéli detérior. Vídua eligá-
tur non minus sexagínta annórum,
quæ fúerit uníus viri uxor, in opé-
ribus bonis testimónium habens, si
filios educávit, si hospítio recépit,
si sanctórum pedes lavit, si tribu-
latiódinem patiéntibus subministrá-
vit, si omne opus bonum subsecúta
est.

COMMUNE DEDICATIONIS ECCLESIAE

*Festum Dedicationis ecclesiae est festum
Domini.*

Antiphona ad Introitum

Gen. 28, 17

Terríbilis est locus iste: hic
domus Dei est, et porta
cæli: et vocábitur aula
Dei. (T. P. Allelúia, alle-
lúia.) *Ps. 83, 2-3* Quam dilécta ta-
bernácula tua, Dómine virtútum!
concupíscit, et déficit ánima mea
in átria Dómini. *V. Glória Patri.*
Terríbilis.

1 In anniversario Dedicationis

Oratio

Deus, qui nobis per síngulos an-
nos huius sancti templi tui
consecratiónis réparas diem, et sa-
cris semper mystériis repræsentas
incólumes: exáudi preces pópuli
tui, et præsta; ut, quisquis hoc
templum beneficia petitúrus ingré-
ditur, cuncta se impetrásse lætétur.
Per Dóminum.

*2 In ipso die Dedicationis
Oratio*

Deus, qui invisibíliter ómnia
cóntines, et tamen pro salúte
géneris humáni signa tuæ poténtiæ
visibíliter osténdis: templum hoc
poténtia tuæ inhabitatiónis illú-
stra, et concéde; ut omnes, qui huc
deprecáturi convéniunt, ex qua-
cúmque tribulatiódine ad te clamá-
verint, consolatiónis tuæ beneficia
consequántur. Per Dóminum.

Léctio libri Apocalypsis beāti
Ioánnis Apóstoli

Apoc. 21, 2-5

In diébus illis: Vidi sanctam civi-
tátem Ierúsalem novam descen-
déntem de cælo a Deo, parátam
sicut sponsam ornátam viro suo.
Et audívi vocem magnam de thro-
no dicéntem: Ecce tabernáculum
Dei cum homínibus, et habitábit

cum eis. Et ipsi pópulus eius erunt, et ipse Deus cum eis erit eórum Deus: et abstérget Deus omnem lácrimam ab óculis eórum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno: Ecce nova fácio ómnia.

Graduale Locus iste a Deo factus est, inæstimábile sacraméntum, irreprehensíbilis est. **V.** Deus, cui astat Angelórum chorus, exáudi preces servórum tuórum.

Allelúia, allelúia. **V. Ps. 137, 2** Adorábo ad templum sanctum tuum: et confitébor nómini tuo. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 124, 1-2 Qui confidunt in Dómino, sicut mons Sion: non commovébitur in ætérnum, qui hábitat in Ierúsalem. **V.** Montes in circúitu eius, et Dóminus in circúitu pópuli sui, ex hoc nunc, et usque in sæculum.

Tempore autem paschali omittitur graduale, et eius loco dicitur:

Allelúia, allelúia. **V. Ps. 137, 2** Adorábo ad templum sanctum tuum: et confitébor nómini tuo. Allelúia. **V.** Bene fundáta est domus Dómini supra firmam petram. Allelúia.

✠ Sequéntia sancti Evangélíi
secúndum Lucam

Luc. 19, 1-10

In illo témpore: Ingréssus Iesus perambulábat Iéricho. Et ecce vir nómine Zachæus: et hic princeps erat publicanórum, et ipse dives: et quærébat vidére Iesum,

quis esset: et non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret eum; quia inde erat transitúrus. Et cum venísset ad locum, suspiciens Iesus vidit illum, et dixit ad eum: Zachæe, festínans descénde: quia hódie in domo tua opórtet me manére. Et festínans descéndit, et excépit illum gaudens. Et cum vidérent omnes, murmurábant dicétes, quod ad hóminem peccatórem divertísset. Stans autem Zachæus, dixit ad Dóminum: Ecce dimídium bonórum meórum, Dómine, do paupéribus: et si quid áliquem defraudávi, reddo quádruplum. Ait Iesus ad eum: Quia hódie salus dómui huic facta est: eo quod et ipse fílius sit Abrahæ. Venit enim fílius hóminis quærere, et salvum fácere, quod períerat.

Credo, quoties festum gradu I vel II classis celebretur.

Post Septuagesimam in fine sequentis antiphonæ Allelúia omittitur.

Antiphona ad Offertorium

1 Paral. 29, 17 et 18

Dómine Deus, in simplicitáte cordis mei lætus óbtuli univérsa; et pópulum tuum, qui repértus est, vidi cum ingénti gáudio: Deus Israël, custódi hanc voluntátem, allelúia.

1 In anniversario Dedicationis

In ecclesia ipsa dedicata:

Secreta

Annue, quæsumus, Dómine, precibus nostris: ut quicúmque intra templi huius, cuius anniversárium dedicatiónis diem celebrámus, ámbitum continémur, plena tibi atque perfécta córporis et animæ devotióne placeámus; ut, dum

hæc vota præséntia réddimus, ad ætérna præmia, te adiuvánte, perveníre mereámur. Per Dóminum.

Extra ecclesiam ipsam dedicatam:

Secreta

Annue, quæsumus, Dómine, precibus nostris: ut, dum hæc vota præséntia réddimus, ad ætérna præmia, te adiuvánte, perveníre mereámur. Per Dóminum.

2 In ipso die Dedicationis

Secreta

Deus, qui sacrandórum tibi auctor es múnere, effúnde super hanc oratiónis domum benedictiónem tuam: ut ab ómnibus, in ea invocántibus nomen tuum, defensiónis tuæ auxiliú sentiatúr. Per Dóminum.

Antiphona ad Communionem

Matth. 21, 13

Domus mea, domus oratiónis vocábitur, dicit Dóminus: in ea omnis, qui petit, áccipit: et qui quærit, invenit, et pulsánti aperietúr. (T. P. Allelúia.)

1 In anniversario Dedicationis

Postcommunio

Deus, qui de vivis et eléctis lapídibus ætérnum maiestáti tuæ præparas habitáculum: auxiliáre pópulo tuo supplicánti; ut, quod Ecclesiæ tuæ corporálibus próficit spátiis, spirituálibus amplificétur augméntis. Per Dóminum.

2 In ipso die Dedicationis

Postcommunio

Quæsumus, omnípotens Deus: ut in hoc loco, quem nómini tuo indígni dedicávimus, cunctis peténtibus aures tuæ pietátis ac-cómmodes. Per Dóminum.

¶ *Missa de Dedicatione in actu consecrationis ecclesiæ vel oratorii est pars totius ritus consecrationis; proinde celebrari debet quoties ecclesia vel oratorium consecratur, etiam diebus quibus reliquæ Missæ votivæ I classis prohibentur.*

¶ *In Missa de Dedicatione in actu consecrationis ecclesiæ additur, sub unica conclusione, oratio de Mysterio vel Sancto in cuius honorem ecclesia vel oratorium est consecratum, et nulla alia admittitur commemoratio, ne privilegiata quidem.*

¶ *Aliæ Missæ quæ in ecclesia vel oratorio, die consecrationis, expleto ritu, celebrantur, dici possunt de Dedicatione, tamquam votivæ I classis.*

¶ *In solemni benedictione ecclesiæ vel oratorii, et in consecratione altaris, expleto ritu, dicitur, tamquam votiva II classis, Missa de Mysterio vel Sancto in cuius honorem ecclesia vel oratorium est benedictum, vel altare est consecratum.*

COMMUNE FESTORUM BEATÆ MARIÆ VIRGINIS

Antiphona ad Introitum

Sedulius

Salve, sancta parens, enixa
puérpera Regem: qui cæ-
lum terrámque regit in sæ-
cula sæculórum. (T. P. Al-
lelúia, allelúia.) Ps. 44, 2 Eructávit
cor meum verbum bonum: dico ego
ópera mea Regi V. Glória Patri.
Salve.

Oratio

Concède nos fámulos tuos, quæ-
sumus, Dómine Deus, perpé-
tua mentis et córporis sanitáte
gaudére: et, gloriósa beátæ Mariæ
semper Vírginis intercessióne, a
præsénti liberári tristítia, et ætér-
na pérfrui lætítia. Per Dóminum.

Lectio libri Sapiéntiæ

Eccli. 24, 14-16

Ab iníto, et ante sæcula creáta
sum, et usque ad futúrum sæ-
culum non désinam, et in habita-
tíone sancta coram ipso ministrávi.
Et sic in Sion firmáta sum, et in ci-
vitáte sanctificáta simíliter requi-
évi, et in Ierúsalem potéstas mea.
Et radicávi in pópulo honorificáto,
et in parte Dei mei heréditas illí-
us, et in plenitúdine sanctórum
deténtio mea.

Graduale Benedícta et venerábi-
lis es, Virgo María: quæ sine tactu
pudóris invénta es mater Salvató-
ris. V. Virgo Dei Génatrix, quem
totus non capit orbis, in tua se
clausit víscera factus homo.

Allelúia, allelúia. V. Post par-
tum, Virgo, invioláta permansísti:
Dei Génatrix, intercède pro nobis.
Allelúia.

¶ In Adventu, loco versus præcedentis,
dicitur:

Allelúia, allelúia. V. Luc. 1, 28
Ave, María, grátia plena: Dóminus
tecum: benedícta tu in muliéribus.
Allelúia.

Post Septuagesimam, omissis Allelúia, et
versu sequenti, dicitur:

Tractus Gaude, María Virgo,
cunctas háereses sola interemísti.
V. Quæ Gabriélis Archángeli dictis
credidísti. V. Dum Virgo Deum et
hóminem genuísti: et post partum,
Virgo, invioláta permansísti. V.
Dei Génatrix, intercède pro nobis.

Tempore autem paschali omittitur graduale,
et eius loco dicitur:

Allelúia, allelúia. V. Num. 17, 8
Virga Iesse flóruit: Virgo Deum et
hóminem genuit: pacem Deus réd-
didit, in se reconcilians ima sum-
mis. Allelúia. V. Luc. 1, 28 Ave,
María, grátia plena: Dóminus te-
cum: benedícta tu in muliéribus.
Allelúia.

✠ Sequéntia sancti Evangélii secúndum Lucam

Luc. 11, 27-28

In illo témpore: Loquente Iesu ad
turbas, extóllens vocem quæ-
dam múlter de turba, dixit illi: Be-
átus venter, qui te portávit, et
úbera, quæ suxísti. At ille dixit:

Quinímmo beáti, qui áudiunt verbum Dei, et custódiunt illud.

Credo, quoties festum gradu I vel II classis celebretur.

Antiphona ad Offertorium

Luc. 1, 28 et 42

Ave, Maríá, grátia plena: Dóminus tecum: benedícta tu in muliéribus, et benedíctus fructus ventris tui. (T. P. Allelúia.)

Secreta

Tua, Dómine, propitiatióne, et beátæ Maríæ semper Vírginis intercessióne, ad perpétuam atque præsentem hæc oblátio nobis pro-

ficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Antiphona ad Communionem

Beáta víscera Maríæ Vírginis, quæ portavérunt ætérni Patris Fílium. (T. P. Allelúia.)

Postcommunio

Sumptis, Dómine, salútis nostræ subsidiis: da, quæsumus, beátæ Maríæ semper Vírginis patrocíniis nos ubique prótegi: in cuius veneratióne hæc tuæ obtúlimus maiestáti. Per Dóminum.

MISSÆ DE SANCTA MARIA IN SABBATO

QUÆ DICI ETIAM POSSUNT ALIIS DIEBUS UT VOTIVÆ DE
BEATA MARIA VIRGINE, IUXTA RUBRICAS VEL, EX INDULTO,
PRO TEMPORUM DIVERSITATE

I TEMPORE ADVENTUS

Antiphona ad Introitum

Is. 45, 8

Roráte, cæli, désuper, et nubes pluant iustum: aperiátur terra, et gérminet Salvatórem. Ps. 84, 2 Benedixísti, Dómine, terram tuam: avertísti captivitátem Iacob. V. Glória Patri. Roráte.

Et in sabbato dicitur Glória in excélsis.

Oratio

Deus, qui de beátæ Maríæ Vírginis útero Verbum tuum, Angelo nuntiánte, carnem suscipere voluísti: præsta supplicibus tuis;

ut, qui vere eam Genetrícem Dei crédimus, eius apud te intercessionibus adiuvémur. Per eúndem Dóminum.

Léctio Isaíæ Prophétæ

Isai. 7, 10-15

In diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsum supra. Et dixit Achaz: Non petam, et non tentábo Dóminum: Et dixit: Audíte ergo, domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce

virgo concípiet, et páriet filium, et vocábitur nomen eius Emmánuel. Butýrum et mel cómedet, ut sciat reprobáre malum, et eligere bonum.

Graduale Ps. 23, 7 Tóllite portas, príncipes, vestras: et elevámini, portæ æternáles: et introíbit Rex glóriæ. **V. Ibid., 3-4** Quis ascéndet in montem Dómini? aut quis stabit in loco sancto eius? Innocens má-nibus, et mundo corde.

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in muliér-ibus. Allelúia.

✠ Sequéntia sancti Evangélii
secúndum Lucam

Luc. 1, 26-38

In illo témpore: Missus est Ange-lus Gábriel a Deo in civitátem Galilææ, cui nomen Názareth, ad Vírginem desponsátam viro, cui no-men erat Ioseph, de domo David, et nomen Vírginis María. Et ingræssus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et co-gitábat qualis esset ista salutátio. Et ait Angelus ei: Ne tíneas, Ma-ría, invenísti enim grátiam apud Deum: ecce concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David pa-tris eius: et regnábit in domo Iacob in ætérnum, et regni eius non erit finis. Dixit autem María ad An-gelum: Quómodo fiet istud, quón-iam virum non cognósco? Et re-spóndens Angelus, dixit ei: Spíritus Sanctus supervéniet in te, et virtus

Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísa-beth, cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit au-tem María: Ecce ancílla Dómini, fiat mihi secúndum verbum tuum.

Antiphona ad Offertorium

Luc. 1, 28 et 42

Ave, María, grátia plena: Dómi-nus tecum: benedícta tu in muliéri-bus, et benedíctus fructus ventris tui.

Secreta

In méntibus nostris, quæsumus, Dómine, veræ fidei sacraménta confírma: ut, qui concéptum de Ví-r-gine Deum verum et hóminem con-fitémur; per eius salutíferæ resur-rectiónis poténtiam, ad ætérnam mereámur perveníre lætítiam. Per eúndem Dóminum.

Præfatio de B. Maria Virg. Et te in Venera-tióne.

Antiphona ad Communionem

Isai. 7, 14

Ecce virgo concípiet, et páriet fílium: et vocábitur nomen eius Emmánuel.

Postcommunio

Grátiam tuam, quæsumus, Dómi-ne, méntibus nostris infúnde: ut qui, Angelo nuntiánte, Christi Fílii tui incarnatiónem cognóvimus; per passiónem eius et crucem, ad resurrectiónis glóriam perducá-mur. Per eúndem Dóminum.

II

A NATIVITATE DOMINI USQUE
AD PURIFICATIONEM

Antiphona ad Introitum

Ps. 44, 13, 15 et 16

Vultum tuum deprecabúntur
omnes dívites plebis: addu-
céntur Regi vírgines post
eam: próximæ eius adducéntur tibi
in lætítia et exsultatióne. **Ps. ibid., 2**
Eructávit cor meum verbum bo-
num: dico ego ópera mea Regi.
℣. Glória Patri. **V**ultum.

Et in sabbato dicitur Glória in excélsis.

Oratio

Deus, qui salútis æternæ, beátæ
Mariæ virginitáte fecúnda,
humáno géneri præmia præstitísti:
tribue, quæsumus; ut ipsam pro
nobis intercédere sentiámus, per
quam merúimus auctórem vitæ su-
scípere, Dóminum nostrum Iesum
Christum Fílium tuum: Qui tecum.

Lectio Epístolæ beāti Pauli
Apóstoli ad Titum

Tit. 3, 4-7

Caríssime: Appáruit benígnitas
et humánitas Salvatóris nostri
Dei: non ex opéribus iustítiæ, quæ
fécimus nos, sed secúndum suam
misericórdiam salvos nos fecit, per
lavácrum regeneratiónis et renova-
tiónis Spíritus Sancti, quem effúdit
in nos abúnde per Iesum Christum
Salvatórem nostrum: ut, iustificáti
grátia ipsíus, herédes simus secún-
dum spem vitæ æternæ: in Christo
Iesu Dómino nostro.

Graduale Ps. 44, 3 Speciósus
forma præ filiis hóminum: diffúsa
est grátia in lábiis tuis. **℣. Ibid., 2**
Eructávit cor meum verbum bo-

num: dico ego ópera mea Regi:
lingua mea cálamus scribæ veló-
citer scribéntis.

Allelúia, allelúia. **℣.** Post partum,
Virgo, invioláta permansísti: Dei
Génatrix, intercède pro nobis. Al-
lelúia.

**Post Septuagesimam, omissis Allelúia, et
versu sequenti, dicitur:**

Tractus Gaude, María Virgo,
cunctas háereses sola interemísti.
℣. Quæ Gabriélis Archángeli dictis
credidísti. **℣.** Dum Virgo Deum et
hóminem genuísti: et post partum,
Virgo, invioláta permansísti. **℣.** Dei
Génatrix, intercède pro nobis.

✠ Sequéntia sancti Evangélii
secúndum Lucam

Luc. 2, 15-20

In illo témpore: Pastóres loque-
bántur ad invicem: Transeámus
usque Béthlehem, et videámus hoc
verbum, quod factum est, quod Dó-
minus osténdit nobis. Et venérunt
festinántes: et invenérunt Mariám,
et Ioseph, et infántem pósitum in
præsépíio. Vidéntes autem cogno-
vérunt de verbo, quod dictum erat
illis de púero hoc. Et omnes, qui
audiérunt, miráti sunt: et de his,
quæ dicta erant a pastóribus ad
ipsos. María autem conservábat
ómnia verba hæc, cónferens in
corde suo. Et revérsi sunt pastóres
glorificántes, et laudántes Deum in
ómnibus, quæ audierant, et víde-
rant, sicut dictum est ad illos.

Antiphona ad Offertorium

Felix namque es, sacra Virgo
María, et omni laude digníssima:
quia ex te ortus est sol iustítiæ,
Christus Deus noster.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Veneratióne.

Antiphona ad Communionem

Beáta viscera Mariæ Vírginis, quæ portavérunt ætérni Patris Fílium.

Postcommunio

Hæc nos commúnio, Dómine, purget a crimine: et, intercedente beáta Vírgine Dei Genetrice Mariá, cæléstis remédii fáciat esse consórtes. Per eúndem Dóminum.

III

A DIE 3 FEBRUARII USQUE AD
FERIAM IV HEBDOMADÆ
SANCTÆ

Antiphona ad Introitum

Sedulius

Salve, sancta parens, eníxa puerpera Regem: qui cælum terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Salve.**

Et in sabbato dicitur Glória in excélsis.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a

præsénti liberári tristítia, et ætérna pérfrui lætítia. Per Dóminum.

Léctio libri Sapiéntiæ

Eccli. 24, 14-16

Ab inítio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo Mariá: quæ sine tactu pudóris invénta es mater Salvatóris. **V.** Virgo Dei Génetrix, quem totus non capit orbis, in tua se clausit viscera factus homo.

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia.

Post Septuagesimam, omissis Allelúia, et versu sequenti, dicitur:

Tractus Gaude, Mariá Virgo, cunctas hæreses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génetrix, intercède pro nobis.

✠ Sequéntia sancti Evangélii
secúndum Lucam

Luc. 11, 27-28

In illo témpore: Loquente Iesu ad turbas, extóllens vocem quædam múlter de turba, dixit illi: Beátus

venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Antiphona ad Offertorium

Felix namque es, sacra Virgo María, et omni laude digníssima: quia ex te ortus est sol iustítiæ, Christus Deus noster.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Veneratióne.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

IV

TEMPORE PASCHALI

Antiphona ad Introitum

Sedulius

Salve, sancta parens, eníxa puérpera Regem: qui cælum terrámque regit in sæcula sæculórum, allelúia, allelúia. *Ps. 44, 2*

Eructávit cor meum verbum bonum: dico ego ópera mea Regi. *V. Glória Patri. Salve.*

Et in sabbato dicitur Glória in excélsis.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Dóminum.

Léctio libri Sapiéntiæ

Eccli. 24, 14-16

Ab inítio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Allelúia, allelúia. *V. Num. 17, 8* Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia. *V. Luc. 1, 28* Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélii
secúndum Ioánnem

Ioann. 19, 25-27

In illo témpore: Stabant iuxta Crucem Iesu mater eius, et soror matris eius María Cléophæ, et María Magdaléne. Cum vidísset ergo

Iesus matrem, et discipulum stantem, quem diligebat, dicit matri suæ: Mûlier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

Antiphona ad Offertorium

Beáta es, Virgo María, quæ omnium portásti Creatórem: genuísti qui te fecit, et in ætérnum pérmanes Virgo, allelúia.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Veneratióne.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium, allelúia.

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratione hæc tuæ obtúlimus maiestáti. Per Dóminum.

V

A FESTO SS. TRINITATIS
USQUE AD SABBATUM ANTE
DOMINICAM I ADVENTUS

Antiphona ad Introitum

Sedulius

Salve, sancta parens, eníxa puerpera Regem: qui cælum terrámque regit in sæcula sæ-

culórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **Salve.**

Et in sabbato dicitur Glória in excelsis.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Dóminum.

Léctio libri Sapiéntiæ

Eccli. 24, 14-16

Ab iníitio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Post partum, Virgo, invioláta permansísti: Dei Génatrix, intercède pro nobis. Allelúia.

✠ Sequéntia sancti Evangélii
secúndum Lucam

Luc. 11, 27-28

In illo témpore: Loquente Iesu ad turbas, extóllens vocem quædam mûlier de turba, dixit illi: Beátus

venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Antiphona ad Offertorium

Luc. 1, 28 et 42

Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis profi-

ciat prosperitátem et pacem. Per Dóminum.

Præfatio de B. Maria Virg. Et te in Veneratióne.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi: in cuius veneratione hæc tuæ obtúlimus maiestáti. Per Dóminum.

MISSÆ VOTIVÆ

I

MISSÆ VOTIVÆ

DE MYSTERIIS DOMINI AUT DE ANGELIS VEL SANCTIS
SINGULIS HEBDOMADÆ DIEBUS DISPOSITÆ

Sequentes Missæ votivæ, quamquam omnibus hebdomadæ diebus non impeditis dici possunt, convenienter tamen, saltem in choro, dicuntur die assignato.

FERIA II

MISSA DE SSMA TRINITATE

Antiphona ad Introitum

Tob. 12, 6

Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. **(T.P. Allelúia, allelúia.) Ps. 8, 2** Dómine Dóminus noster: quam admirabile est nomen tuum in universa terra! **℣. Glória Patri. Benedicta sit.**

Oratio

Omnípotens sempitérne Deus, qui dedisti fámulis tuis in confessione veræ fidei, æternæ Trinitátis glóriam agnoscere, et in poténtia maiestátis adoráre unitatem: quæsumus; ut eiúsdem fidei firmitáte, ab ómnibus semper muniamur advérsis. Per Dóminum.

Léctio Epístolæ beáti Pauli
Apóstoli ad Corínthios

2 Cor. 13, 11 et 13

Fratres: Gaudéte, perfécti estóte, exhortámini, idem sápite, pacem habéte, et Deus pacis et dilectionis erit vobíscum. Grátia Dómi-

ni nostri Iesu Christi, et cáritas Dei, et communicatio Sancti Spíritus sit cum ómnibus vobis. Amen.

Graduale Dan. 3, 55-56 Benedíctus es, Dómine, qui intuéris abyssos, et sedes super Chérubim. **℣. Benedíctus es, Dómine, in firmamento cæli, et laudábilis in sæcula.**

Allelúia, allelúia. **℣. Ibid., 52** Benedíctus es, Dómine Deus patrum nostrórum, et laudábilis in sæcula. Allelúia.

Post Septuagesimam, omissis Allelúia, et versu sequenti, dicitur:

Tractus Te Deum Patrem ingénitum, te Fílium unigénitum, te Spíritum Sanctum Paráclitum, sanctam et indivíduam Trinitátem, toto corde confitemur, laudámus, atque benedicimus. **℣. Quóniam magnus es tu, et fáciens mirabilia: tu es Deus solus. ℣. Tibi laus, tibi glória, tibi gratiárum áctio in sæcula sempitérna, o beáta Trinitas.**

Tempore autem paschali omittitur graduale, et eius loco dicitur:

Allelúia, allelúia. **℣. Dan. 3, 52** Benedíctus es, Dómine Deus patrum nostrórum, et laudábilis in sæcula. Allelúia. **℣. Benedicámus Patrem, et Fílium, cum Sancto Spíritu. Allelúia.**

✠ Sequéntia sancti Evangélii
secúndum Ioánnem

Ioann. 15, 26-27; 16, 1-4

In illo témpore: Dixit Iesus discípulis suis: Cum vénerit Paráclitus, quem ego mittam vobis a Patre, Spíritum veritátis, qui a Patre procédit, ille testimónium perhibébit de me: et vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis, qui intérficit vos, arbitrétur obséquium se præstare Deo. Et hæc fácient vobis, quia non novérunt Patrem neque me. Sed hæc locútus sum vobis, ut, cum vénerit hora eórum, reminiscámini, quia ego dixi vobis.

Antiphona ad Offertorium

Tob. 12, 6

Benedíctus sit Deus Pater, unigenítusque Dei Fílius, Sanctus quoque Spíritus: quia fecit nobíscum misericórdiam suam. (T. P. Allelúia.)

Secreta

Sanctífica, quæsumus, Dómine Deus noster, per tui sancti nóminis invocatiónem, huius oblatiόνis hóstiám: et per eam nosmetípsos tibi pérfice munus ætérnum. Per Dóminum.

Præfatio de Ssma Trinitate.

Antiphona ad Communionem

Tob. 12, 6

Benedícimus Deum cæli, et coram ómnibus vivéntibus confitébimur ei: quia fecit nobíscum misericórdiam suam. (T. P. Allelúia.)

Postcommunio

Proficiat nobis ad salútem córporis et ánimæ, Dómine Deus noster, huius sacraménti suscéptio: et sempitérnæ sanctæ Trinitátis, eiusdémque indivíduæ unitátis conféssio. Per Dóminum.

FERIA III

MISSA DE ANGELIS

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. (T. P. Allelúia, allelúia.) **Ps. ibid., 1** Bénedic, ánima mea, Dómino: et ómnia, quæ intra me sunt, nómini sancto eius. **V.** Glória Patri. **Benedícite Dóminum.**

Et semper dicitur Glória in excélsis.

Oratio

Deus, qui, miro órdine, Angelórum ministéria hominúmque dispénsas: concéde propítius; ut, a quibus tibi ministrántibus in cælo semper assístitur, ab his in terra vita nostra muniátur. Per Dóminum.

**Léctio libri Apocalýpsis beáti
Ioánnis Apóstoli**

Apoc. 5, 11-14

In diébus illis: Audívi vocem Angelórum multórum in circúitu throni, et animálium, et seniórum: et erat númerus eórum millia millium, dicéntium voce magna: Dignus est Agnus, qui occísus est, accípere virtútem, et divinitátem,

et sapiéntiam, et fortitúdinem, et honórem, et glóriam, et benedictiόνem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo: omnes audívi dicéntes: Sedénti in throno, et Agno: benedictio, et honor, et glória, et potéstas in sæcula sæculórum. Et quátuor animália dicébant: Amen. Et vigintiquátuor senióres cecidérunt in fácies suas: et adoravérunt vivéntem in sæcula sæculórum.

Graduale Ps. 148, 1-2 Laudáte Dóminum de cælis: laudáte eum in excélsis. **℣.** Laudáte eum, omnes Angeli eius: laudáte eum, omnes virtútes eius.

Allelúia, allelúia. **℣. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 102, 20 Benedícite Dóminum, omnes Angeli eius: poténtes virtúte, qui fácit verbum eius. **℣. Ibid., 21-22** Benedícite Dómino, omnes virtútes eius: minístri eius, qui fácit voluntátem eius. **℣.** Benedícite Dómino, ómnia ópera eius: in omni loco dominatiónis eius, bédedic, ánima mea, Dómino.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia. **℣. Matth. 28, 2** Angelus Dómini descéndit de cælo, et accédens revólvit lápidem, et sedébat super eum. Allelúia.

✠ Sequéntia sancti Evangélii
secúndum Ioánnem

Ioann. 1, 47-51

In illo témpore: Vidit Iesus Nathánaël veniéntem ad se, et dicit de eo: Ecce vere Israélita, in quo dolus non est. Dicit ei Nathánaël: Unde me nosti? Respóndit Iesus, et dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israël. Respóndit Iesus, et dixit ei: Quia dixi tibi: Vidi te sub ficu, credis: maius his vidébis. Et dicit ei: Amen, amen dico vobis, vidébitis cælum apértum, et Angelos Dei ascendéntes et descendéntes supra Fílium hóminis.

Antiphona ad Offertorium

Apoc. 8, 3 et 4

Stetit Angelus iuxta aram templi, habens thuríbulum áureum in manu sua: et data sunt ei incénsa multa: et ascéndit fumus arómatum in conspéctu Dei. **(T. P. Allelúia.)**

Secreta

Hóstias tibi, Dómine, laudis offerimus, suppliciter deprecántes: ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Antiphona ad Communionem

Angeli, Archángeli, Throni, et Dominationes, Principátus, et Potestátes, Virtútes cælórum, Chérubim, atque Séraphim, Dóminum benedícite in ætérnum. **(T. P. Allelúia.)**

Postcommunio

Repléti, Dómine, benedictióne cælésti, suppliciter implorá-

mus: ut, quod frágili celebrámus officio, sanctórum Angelórum atque Archangelórum nobis prodésse sentiámus auxilio. Per Dóminum.

FERIA IV

MISSA DE S. IOSEPH

Antiphona ad Introitum

Ps. 32, 20-21

Adiutor, et protector noster est Dóminus: in eo lætábitur cor nostrum, et in nómine sancto eius sperávimus. (T. P. Allelúia, allelúia.) Ps. 79, 2 Qui regis Israël, inténde: qui dedúcis, velut ovem, Ioseph. V. Glória Patri. Adiutor.

Oratio

Deus, qui ineffábili providéntia beátum Ioseph sanctissimæ Genetrícis tuæ sponsum elígere dignátus es: præsta, quæsumus; ut, quem protectórem venerámur in terris, intercessórem habére mereámur in cælis: Qui vivis.

Lectio libri Génesis

Gen. 49, 22-26

Filius accrésceus Ioseph, filius accrésceus, et decórus aspéctu: filiæ discurrérunt super murum. Sed exasperavérunt eum, et iurgáti sunt, inviderúntque illi habéntes iacula. Sedit in forti arcus eius, et dissolúta sunt víncula brachiórum, et mánuum illíus per manus poténtis Iacob: inde pastor egrésus est, lapis Israël. Deus patris tui erit adiutor tuus, et Omnípotens benedícet tibi benedictiónibus cæli désuper, benedictiónibus abyssi iacéntis deórsum, benedictiónibus úberum et vulvæ. Benedictiónes patris tui confortátæ sunt benedi-

ctiónibus patrum eius, donec veníret desidérium cóllium æternórum: fiant in cápite Ioseph, et in vértice Nazaræi inter fratres suos.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius corónam de lápide pretióso. V. Vitam pétiit a te, et tribuísti ei longitúdinem diérum in sáeculum sáeculi.

Allelúia, allelúia. V. Fac nos innócuam, Ioseph, decúrre vitam: sitque tuo semper tuta patrocínio. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectórum benedicétur. V. Glória et divítiae in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. V. De quacúmque tribulatióne clamáverint ad me, exáudiam eos, et ero protector eórum semper. Allelúia. V. Fac nos innócuam, Ioseph, decúrre vitam: sitque tuo semper tuta patrocínio. Allelúia.

✠ Sequéntia sancti Evangélii
secúndum Lucam

Luc. 3, 21-23

In illo témpore: Factum est autem cum baptizarétur omnis pópulus, et Iesu baptizáto, et oránte, apértum est cælum: et descéndit Spíritus Sanctus corporáli spécie sicut colúmba in ipsum: et vox de cælo facta est: Tu es Fílius meus diléctus, in te complácu mihi. Et ipse Iesus erat incípiens quasi annórum trigínta, ut putabátur, fílius Ioseph.

Antiphona ad Offertorium

Ps. 147, 12 et 13

Lauda, Ierúsalem, Dóminum: quóniam confortávit seras portárum tuárum, benedíxit filiis tuis in te. (T. P. Allelúia.)

Secreta

Sanctíssimæ Genetrícis tuæ sponsi patrocínio suffúlti, rogámus, Dómine, cleméntiam tuam: ut corda nostra fácias terréna cuncta despícere, ac te verum Deum perfécta caritáte dilígere: Qui vivis.

Præfatio de S. Ioseph Et te in Veneratióne.

Antiphona ad Communionem

Matth. 1, 16

Iacob autem genuit Ioseph virum Mariæ, de qua natus est Iesus, qui vocátur Christus. (T. P. Allelúia.)

Postcommunio

Divíni múnere fonte refécti, quæsumus, Dómine Deus noster: ut, sicut nos facis beáti Ioseph protectióne gaudére; ita, eius méritis et intercessióne, cæléstis glóriæ fácias esse partícipes. Per Dóminum.

ITEM FERIA IV**MISSA****DE SS. PETRO ET PAULO APOSTOLIS****EXTRA TEMPUS PASCHALE****Antiphona ad Introitum**

Ps. 138, 17

Mihi autem nimis honoráti sunt amíci tui, Deus, nimis confortátus est principátus eórum. Ps. *ibid.*, 1-2 Dómine, probásti me, et cognovísti me: tu cognovísti sessiónem meam, et resurrectiόνem meam. V. Glória Patri. Mihi autem.

TEMPORE PASCHALI**Antiphona ad Introitum**

Ps. 63, 3

Protexisti me, Deus, a convéntu malignántium, allelúia: a multitúdine operántium iniquitátem, allelúia, allelúia. Ps. *ibid.*, 2 Exáudi, Deus, oratióem meam cum déprecor: a timóre inimíci éripe ánimam meam. V. Glória Patri. Protexisti.

Oratio

Deus, cuius dextera beátum Petrum ambulántem in flúctibus, ne mergerétur, eréxit, et coapóstolum eius Paulum, tértio naufragántem, de profúndo pélagi liberávit: exáudi nos propítius, et concéde; ut, ambórum méritis, æternitátis glóriam consequámur: Qui vivis.

Lectio Actuum Apostolorum

Act. 5, 12-16

In diébus illis: Per manus Apostolorum fiébant signa, et prodígia multa in plebe. Et erant unanimiter omnes in pórticu Salomónis. Ceterórum autem nemo audébat se coniúngere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in plátéas eiícerent infirmos, et pónerent in léctulis ac grabátis, ut, veniénte Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Ierúsalem, afferéntes ægros, et vexátos a spirítibus immúndis: qui curabántur omnes.

Graduale Ps. 44, 17 et 18 Constitues eos príncipes super omnem

terram: mémoires erunt nóminis tui, Dómine. *℣.* Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. *℣. Ps. 138, 17* Nimis honoráti sunt amíci tui, Deus: nimis confortátus est principátus eórum. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémi-
nant in lácrimis, in gáudio metent.
℣. Eúntes ibant, et flebant, mittén-
tes sémina sua. *℣.* Veniéntes autem
vénient cum exsultatióne, portántes
manípulos suos.

Tempore autem paschali, omittitur gradu-
ale, et eius loco dicitur:

Allelúia, allelúia. *℣. Ps. 88, 6*
Confitebúntur cæli mirabília tua,
Dómine: étenim veritátem tuam in
ecclésia sanctórum. Allelúia. *℣. Ps.*
20, 4 Posuísti, Dómine, super caput
eius corónam de lápide pretióso.
Allelúia.

✠ Sequéntia sancti Evangélíi
secúndum Matthæum

Matth. 19, 27-29

In illo témpore: Dixit Petrus ad
Iesum: Ecce nos relíquimus óm-
nia, et secúti sumus te: quid ergo
erit nobis? Iesus autem dixit illis:
Amen dico vobis, quod vos, qui se-
cúti estis me, in regeneratióne, cum
séderit Fílius hóminis in sede maie-
státis suæ, sedébitis et vos super
sedes duódecim, iudicántes duóde-
cim tribus Israël. Et omnis, qui relí-
querit domum, vel fratres, aut
soróres, aut patrem, aut matrem,
aut uxórem, aut filios, aut agros,
propter nomen meum, céntuplum
accípiet, et vitam ætérnam possi-
débit.

Antiphona ad Offertorium

Ps. 18, 5

In omnem terram exívit sonus
eórum: et in fines orbis terræ verba
eórum.

Tempore autem paschali dicitur sequens:

Antiphona ad Offertorium

Ps. 88, 6

Confitebúntur cæli mirabília tua,
Dómine: et veritátem tuam in ec-
clésia sanctórum, allelúia, allelúia.

Secreta

Offerimus tibi, Dómine, preces et
múnera: quæ ut tuo sint digna
conspéctu, Apostolórum tuórum
Petri et Pauli précibus adiuvémur.
Per Dóminum.

Præfatio de Apostolis.

Antiphona ad Communionem

Matth. 19, 28

Vos, qui secúti estis me, sedébitis
super sedes, iudicántes duódecim
tribus Israël.

Tempore autem paschali dicitur sequens:

Antiphona ad Communionem

Ps. 63, 11

Lætábitur iustus in Dómino, et
sperábit in eo: et laudabúntur
omnes recti corde, allelúia, allelúia.

Postcommunio

Prótege, Dómine, pópulum tuum:
et Apostolórum tuórum Petri et
Pauli patrocínio confidéntem, per-
pétua defensióne consérva. Per
Dóminum.

SIMILITER FERIA IV

MISSA
DE OMNIBUS SS. APOSTOLIS

¶ Sequentes Missæ, tum intra, tum extra tempus paschale, sumi etiam possunt pro votiva alicuius sancti Apostoli, de quo in Missali non habeatur Missa propria: orationes autem, in casu, dicuntur ut infra pro uno S. Apostolo.

EXTRA TEMPUS PASCHALE

Antiphona ad Introitum

Ps. 138, 17

Mihi autem nimis honorati sunt amici tui, Deus: nimis confortatus est principatus eorum. **Ps. ibid., 1-2** Dómine, probasti me, et cognovisti me: tu cognovisti sessionem meam, et resurrectionem meam. **V.** Glória Patri. **Mi**hi autem.

TEMPORE PASCHALI

Antiphona ad Introitum

Ps. 63, 3

Protexisti me, Deus, a convéntu malignantium, allelúia: a multitúdine operantium iniquitatem, allelúia, allelúia. **Ps. ibid., 2** Exáudi, Deus, orationem meam cum deprecor: a timóre inimíci éripe ánimam meam. **V.** Glória Patri. **P**rotexisti.

Pro omnibus Ss. Apostolis Oratio

Deus, qui nos per beátos Apóstolos tuos ad agnitionem tui nóminis veníre tribuísti: da nobis, eórum glóriam sempitérnam et proficiéndo celebráre, et celebrándo proficere. Per Dóminum.

Pro uno S. Apostolo Oratio

Maiestátem tuam, Dómine, suppliciter exorámus: ut, sicut Ecclesiæ tuæ beátus **N.** Apóstolus

éxstitit prædicátor et rector; ita apud te sit pro nobis perpétuus intercessor. Per Dóminum.

Léctio Epístolæ beáti Pauli
Apóstoli ad Ephésios

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum captivam duxit captivitatem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastôres, et doctôres, ad consummationem sanctórum in opus ministérii, in ædificationem corpóris Christi: donec occurrámus omnes in unitátem fidei, et agnitiónis Fílii Dei, in virum perféctum, in mensúram ætátis plenitúdinis Christi.

Graduale Ps. 44, 17 et 18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V.** **Ps. 138, 17** Nimis honorati sunt amici tui, Deus: nimis confortatus est principatus eorum. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

Tempore autem paschali omittitur graduale, et eius loco dicitur:

Allelúia, allelúia. *V. Ps. 88, 6*
Confitebúntur cæli mirabilia tua,
Dómine: étenim veritátem tuam
in ecclésia sanctorum. Allelúia.
V. Ioann. 15, 16 Ego vos elégi de
mundo, ut eátis, et fructum afferá-
tis, et fructus vester máneat. Alle-
lúia.

✠ Sequéntia sancti Evangélíi
secúndum Matthæum

Matth. 19, 27-29

In illo témpore: Dixit Petrus ad
Iesum: Ecce nos relíquimus óm-
nia, et secúti sumus te: quid ergo
erit nobis? Iesus autem dixit illis:
Amen dico vobis, quod vos, qui
secúti estis me, in regeneratióne,
cum séderit Fílius hóminis in sede
maiestátis suæ, sedébitis et vos su-
per sedes duódecim, iudicántes
duódecim tribus Israël. Et omnis,
qui relíquerit domum, vel fratres,
aut soróres, aut patrem, aut ma-
trem, aut uxórem, aut filios, aut
agros, propter nomen meum, cén-
tuplum accípiet, et vitam ætérnam
possidébit.

Antiphona ad Offertorium

Ps. 18, 5

In omnem terram exívit sonus
eórum: et in fines orbis terræ verba
eórum.

¶ Tempore autem paschali dicitur sequens:

Antiphona ad Offertorium

Ps. 44, 17-18

Constítues eos príncipes super
omnem terram: mémores erunt
nóminis tui, Dómine, in omni
progénie et generatióne, allelúia,
allelúia.

**Pro omnibus Ss. Apostolis
Secreta**

Glóriam, Dómine, sanctorum
Apostolorum tuorum perpé-
tuam venerántes: quæsumus; ut
eam, sacris mystériis expiáti, dí-
gnius celebrémus. Per Dóminum.

Pro uno S. Apostolo Secreta

Sacrificium nostrum tibi, Dómine,
quæsumus, beáti *N.* Apóstoli
precátio sancta concíliet: ut, in cu-
ius honóre solémniter exhibétur,
eius méritis efficiátur accéptum.
Per Dóminum.

Præfatio de Apostolis.

Antiphona ad Communionem

Matth. 19, 28

Vos qui secúti estis me, sedébitis
super sedes, iudicántes duódecim
tribus Israël.

Tempore autem paschali dicitur sequens:

Antiphona ad Communionem

Ps. 18, 5

In omnem terram exívit sonus
eórum: et in fines orbis terræ verba
eórum, allelúia, allelúia.

**Pro omnibus Ss. Apostolis
Postcommunio**

Percéptis, Dómine, sacraméntis,
supplíciter exorámus: ut, inter-
cedéntibus beátis Apóstolis tuis;
quæ pro illórum veneránda gérimus
passióne, nobis proficiant ad medé-
lam. Per Dóminum.

**Pro uno S. Apostolo
Postcommunio**

Súmpsimus, Dómine, divína my-
stéria, beáti *N.* Apóstoli memó-
ria lætántes: quæ, sicut tuis Sanctis
ad glóriam, ita nobis, quæsumus,
ad véniam prodésse perficias. Per
Dóminum.

FERIA V

MISSA DE SPIRITU SANCTO

Antiphona ad Introitum

Sap. 1, 7

Spíritus Dómini replévit orbem terrárum: et hoc, quod cóninet ómnia, sciéntiam habet vocis. (T. P. Allelúia, allelúia.) Ps. 67, 2 Exsúrgat Deus, et dissipéntur inimíci eius: et fúgiant, qui odérunt eum, a fácie eius. V. Glória Patri. Spíritus.

Oratio

Deus, qui corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére. Per Dóminum . . . in unitáte eiúsdem.

Ad postulandam gratiam Spiritus Sancti

Oratio

Deus, cui omne cor patet, et omnis volúntas lóquitur, et quem nullum latet secrétum: purífica per infusiónem Sancti Spíritus cogitatiónes cordis nostri; ut te perfécte dilígere, et digne laudáre mereámur. Per Dóminum . . . in unitáte eiúsdem.

Lectio Actuum Apostolorum

Act. 8, 14-17

In diébus illis: Cum audíssent Apóstoli, qui erant Ierosólymis, quod recepíisset Samaría verbum Dei, misérunt ad eos Petrum et Ioánnem. Qui cum veníssent, oravérunt pro ipsis ut accíperent Spíritum Sanctum: nondum enim in quemquam illórum vénerat, sed baptizáti tantum erant in nómine Dómini Iesu. Tunc imponébant manus super illos et accipiébant Spíritum Sanctum.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. V. Verbo Dómini cæli firmáti sunt: et Spíritu oris eius omnis virtus eórum.

Allelúia, allelúia. (Hic genuflectitur) V. Veni, Sancte Spíritus, reple tuórum corda fidélium: et tui amóris in eis ignem accénde. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 103, 30 Emítte Spíritum tuum, et creabúntur: et renovábis fáciem terræ. V. O quam bonus et suávis est, Dómine, Spíritus tuus in nobis! (Hic genuflectitur) V. Veni, Sancte Spíritus, reple tuórum corda fidélium: et tui amóris in eis ignem accénde.

Tempore autem paschali, omittitur graduale, et eius loco dicitur:

Allelúia, allelúia. V. Ps. 103, 30 Emítte Spíritum tuum, et creabúntur: et renovábis fáciem terræ. Allelúia. (Hic genuflectitur) V. Veni, Sancte Spíritus, reple tuórum corda fidélium: et tui amóris in eis ignem accénde. Allelúia.

✠ Sequéntia sancti Evangélii
secúndum Ioánnem

Ioann. 14, 23-31

In illo témpore: Dixit Iesus discí-pulis suis: Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus; qui non diligit me, sermónes meos non servat. Et sermónem quem audístis, non est meus: sed eius, qui misit me, Patris. Hæc locútus sum vobis, apud vos manens. Paráclitus autem Spíritus Sanctus, quem mittet Pater in nómine meo,

ille vos docébit ómnia, et sùgget vobis ómnia, quæcúmque dixerò vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, et vénio ad vos. Si diligerétis me, gauderétis útique, quia vado ad Patrem: quia Pater maior me est. Et nunc dixi vobis priúsquam fiat: ut cum factum fúerit, credátis. Iam non multa loquar vobíscum. Venit enim princeps mundi huius, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

Post Septuagesimam in fine sequentis antiphonæ Allelúia omittitur.

Antiphona ad Offertorium

Ps. 67, 29-30

Confírma hoc, Deus, quod operátus es in nobis: a templo tuo, quod est in Ierúsalem, tibi ófferent reges múnera, allelúia.

Secreta

Múnera, quæsumus, Dómine, obláta sanctífica: et corda nostra Sancti Spíritus illustratióne emúnda. Per Dóminum . . . in unitáte eiúsdem.

Ad postulandam gratiam Spiritus Sancti

Secreta

Hæc oblátio, quæsumus, Dómine, cordis nostri máculas emúndet: ut Sancti Spíritus digna efficiátur habitátio. Per Dóminum . . . in unitáte eiúsdem.

Præfatio de Spiritu Sancto.

Post Septuagesimam in fine sequentis antiphonæ Allelúia omittitur.

Antiphona ad Communionem

Act. 2, 2 et 4

Factus est repénite de cælo sonus, tamquam adveniéntis spíritus veheméntis, ubi erant sedéntes: et repléti sunt omnes Spíritu Sancto, loquéntes magnália Dei, allelúia.

Postcommunio

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum . . . in unitáte eiúsdem.

Ad postulandam gratiam Spiritus Sancti

Postcommunio

Concéde, quæsumus, omnípotens Deus, Sanctum nos Spíritum votis promeréri sédulis: quátenus, eius grátia, et ab ómnibus liberémur tentatió nibus, et peccatórum nostrórum indulgéntiam percípere mereámur. Per Dóminum . . . in unitáte eiúsdem.

ITEM FERIA V

MISSA DE SANCTISSIMO EUCHARISTIÆ SACRAMENTO

Antiphona ad Introitum

Ps. 80, 17

Cibávit eos ex ádipe fruménti: et de petra, melle saturávit eos. (*T. P. Allelúia, allelúia.*) *Ps. ibid., 2* Exsultáte Deo adiutóri nostro: iubiláte Deo Iacob. *V. Glória Patri. Cibávit.*

Oratio

Deus, qui nobis sub Sacraménto mirábili passiónis tuæ memóriam reliquisti: tríbue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis iúgiter sentiámus: Qui vivis.

Lectio Epistolæ beāti Pauli
Apóstoli ad Corínthios

1 Cor. 11, 23-29

Fratres: Ego enim accépi a Dómino quod et tradidi vobis, quóniam Dóminus Iesus in qua nocte tradebátur, accépit panem, et grátias agens fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratiónem. Simíliter et cálicem, postquam cenávit, dicens: Hic calix novum testaméntum est in meo ságuine. Hoc fácite, quotiescúmque bibétis, in meam commemoratiónem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit cörperis et ságuinis Dómini. Probet autem seípsum homo: et sic de pane illo edat, et de cálice bibat. Qui enim mandúcat et bibit indígne, iudícium sibi mandúcat et bibit: non diiúdicans corpus Dómini.

Graduale Ps. 144, 15-16 Oculi ómnium in te sperant, Dómine: et tu das illis escam in témpore oportúno. **V.** Aperis tu manum tuam: et imples omne ánimam benedictióne.

Allelúia, allelúia. **V. Ioann. 6, 56-57** Caro mea vere est cibus, et sanguis meus vere est potus: qui mandúcat meam carnem, et bibit meum ságuinem, in me manet, et ego in eo. Allelúia.

Post Septuagesimam, omissis Allelúia, et versu sequenti, dicitur:

Tractus Malach. 1, 11 Ab ortu solis usque ad occásum, magnum est nomen meum in géntibus. **V.** Et

in omni loco sacrificátur, et offértur nómini meo oblátio munda: quia magnum est nomen meum in géntibus. **V. Prov. 9, 5** Veníte, comédite panem meum: et bíbite vinum quod míscui vobis.

Tempore autem paschali, omittitur graduale, et eius loco dicitur:

Allelúia, allelúia. **V. Luc. 24, 35** Cognovérunt discípuli Dóminum Iesum in fractióne panis. Allelúia. **V. Ioann. 6, 56-57** Caro mea vere est cibus, et sanguis meus vere est potus: qui mandúcat meam carnem, et bibit meum ságuinem, in me manet, et ego in eo. Allelúia.

✠ Sequéntia sancti Evangélíi
secúndum Ioánnem

Ioann. 6, 56-59

In illo témpore: Dixit Iesus turbis Iudæórum: Caro mea vere est cibus, et sanguis meus vere est potus. Qui mandúcat meam carnem et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de cælo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Antiphona ad Offertorium

Levit. 21, 6

Sacerdótes Dómini incénsus et panes ófferunt Deo: et ídeo sancti erunt Deo suo, et non pólluent nomen eius. **(T. P. Allelúia.)**

Secreta

Ecclésiæ tuæ, quæsumus, Dómine, unitátis et pacis propítius dona concéde: quæ sub oblátis

muneribus mystice designantur.
Per Dóminum.

Antiphona ad Communionem

1 Cor. 11, 26-27

Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indigne, reus erit córporis et ságuinis Dómini. (T. P. Allelúia.)

Postcommunio

Fac nos, quæsumus, Dómine, divinitátis tuæ sempitérna fructi-
óne repléri: quam pretiósí Córporis
et Ságuinis tui temporális percép-
tio præfigúrat: Qui vivis.

SIMILITER FERIA V

MISSA DE D. N. IESU
CHRISTO SUMMO ET
ÆTERNO SACERDOTE

Antiphona ad Introitum

Ps. 109, 4

Iurávit Dóminus, et non pænité-
bit eum: Tu es sacérdos in
ætérnum secúndum órđinem
Melchisedech. (T. P. Allelúia, alle-
lúia.) Ps. *ibid.*, 1 Dixit Dóminus
Dómino meo: Sede a dextris meis.
V. Glória Patri. Iurávit.

Oratio

Deus, qui ad maiestátis tuæ gló-
riam et géneris humáni salú-
tem, Unigénitum tuum summum
atque ætérnum constituísti Sacer-
dótem: præsta, ut quos minístros
et mysteriórum suórum dispensa-
tóres elégit, in accépto ministério
adimpléndo fidéles inveniántur.
Per eúndem Dóminum.

Léctio Epístolæ beáti Pauli Apóstoli
ad Hebræos

Hebr. 5, 1-11

Fratres: Omnis pón-tifex ex ho-
mínibus assúptus, pro homí-
nibus constitúitur in iis, quæ sunt
ad Deum, ut ófferat dona, et sacri-
ficia pro peccátis: qui condolére
possit iis, qui ignórant, et errant:
quóniam et ipse circúmdatus est
infirmítate: et proptérea debet,
quemádmódum pro populo, ita
étiam et pro semetípso offére pro
peccátis. Nec quisquam sumit sibi
honórem, sed qui vocátur a Deo,
tamquam Aaron. Sic et Christus
non semetípsum clarificávit ut pón-
tifex fieret, sed qui locútus est ad
eum: Fílius meus es tu; ego hódie
génui te. Quemádmódum et in álio
loco dicit: Tu es sacérdos in ætér-
num secúndum órđinem Melchí-
sedech. Qui in diébus carnis suæ
preces supplicationésque ad eum,
qui possit illum salvum fácere a
morte, cum clamóre válido et lácri-
mis ófferens, exaudítus est pro sua
reveréntia. Et quidem cum esset
Fílius Dei, dídicit ex iis, quæ passus
est, obediéntiam: et consummátus,
factus est ómnibus obtemperánti-
bus sibi, causa salútis æternæ, ap-
pellátus a Deo pón-tifex iuxta órđi-
nem Melchisedech. De quo nobis
grandis sermo, et ininterpretábilis
ad dicéndum.

Graduale Luc. 4, 18 Spíritus Dó-
mini super me, propter quod unxit
me. V. Evangelizáre paupéribus
misit me, sanáre contrítos corde.

Allelúia, allelúia. V. Hebr. 7, 24
Iesus autem eo quod máneat in
ætérnum, sempitérnum habet sa-
cerdótium. Allelúia.

Post Septuagesimam, omissis Allelúia, et
versu sequenti, dicitur:

Tractus Ps. 9, 34-36 Exsúrge, Dómine Deus, exaltétur manus tua: ne obliviscáris páuperum. **V.** Vide quóniam tu labórem et dolórem consíderas. **V.** Tibi derelíctus est pauper: órphano tu eris adiútor.

Tempore autem paschali, omittitur graduale, et eius loco dicitur:

Allelúia, allelúia. **V. Hebr. 7, 24** Iesus autem eo quod máneat in ætérnum, sempitérnum habet sacerdotíum. Allelúia. **V. Luc. 4, 18** Spíritus Dómini super me; propter quod unxit me, evangelizáre paupéribus misit me, sanáre contrítos corde. Allelúia.

✠ **Sequéntia sancti Evangélíi**
secúndum Lucam

Luc. 22, 14-20

In illo témpore: Discúbuit Iesus, et duódecim Apóstoli cum eo. Et ait illis: Desidério desiderávi hoc Pascha manducáre vobíscum, ántequam pátiar. Dico enim vobis, quia ex hoc non manducábo illud, donec impleátur in regno Dei. Et accépto cálice, grátias egit, et dixit: Accípíte, et dividíte inter vos. Dico enim vobis quod non bibam de generatióne vitis, donec regnum Dei véniat. Et accépto pane, grátias egit, et fregit, et dedit eis, dicens: Hoc est corpus meum, quod pro vobis datur: hoc fácite in meam commemoratiónem. Simíliter et cálicem, postquam cenávit, dicens: Hic est calix novum testaméntum in ságuine meo, qui pro vobis fundétur.

Antiphona ad Offertorium

Hebr. 10, 12-14

Christus unam pro peccátis ófferens hóstiam, in sempitérnum sedet in dextera Dei: una enim oblatiõe

consummávit in ætérnum sanctificátos. **(T. P. Allelúia.)**

Secreta

Hæc múnera, Dómine, mediátor noster Iesus Christus tibi reddat accépta; et nos, una secum, hóstias tibi gratas exhíbeat: Qui tecum.

Antiphona ad Communionem

1 Cor. 11, 24-25

Hoc corpus, quod pro vobis tradétur: hic calix novi testaménti est in meo ságuine, dicit Dóminus: hoc fácite, quotiescúmque súmitis, in meam commemoratiónem. **(T. P. Allelúia.)**

Postcommunio

Vivíficet nos, quæsumus, Dómine, divína quam obtúlimus et súmpsimus hóstia; ut perpétua tibi caritáte coniúcti, fructum, qui semper máneat, afferámus. Per Dóminum.

FERIA VI

MISSA DE SANCTA CRUCE

Antiphona ad Introitum

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita et resurréctio nostra: per quem salváti, et liberáti sumus. **(T. P. Allelúia, allelúia.) Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri. **Nos autem.**

EXTRA TEMPUS PASCHALE

Oratio

Deus, qui unigéniti Fílii tui pretiósó ságuine, vivíficæ Crucis

vexillum sanctificáre voluisti: concéde, quæsumus; eos, qui eiúsdem sanctæ Crucis gaudent honóre, tua quoque ubique protectione gaudére. Per eúndem Dóminum.

TEMPORE PASCHALI

Oratio

Deus, qui pro nobis Fílium tuum Crucis patíbulum subíre voluisti, ut inimíci a nobis expélleres potestátem: concéde nobis, fámulis tuis: ut resurrectionis grátiam consequámur. Per eúndem Dóminum.

Léctio Epístolæ beáti Pauli
Apóstoli ad Philippéenses

Philipp. 2, 8-11

Fratres: Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: **(hic genuflectitur)** ut in nómine Iesu omne genu flectátur cæléstium, terréstrium, et infernórum, et omnis lingua confiteátur, quia Dóminus Iesus Christus in glória est Dei Patris.

Graduale Ibid., 8-9 Christus factus est pro nobis obédiens usque ad mortem, mortem autem crucis. **℣.** Propter quod et Deus exaltávit illum, et dedit illi nomen, quod est super omne nomen.

Allelúia, allelúia. **℣.** Dulce lignum, dulces clavos, dúlcia ferens póndera: quæ sola fuísti digna sustinére Regem cælórum, et Dóminum. Allelúia.

Post Septuagesimam, omissis Allelúia, et versu sequenti, dicitur:

Tractus Adorámus te, Christe, et benedícimus tibi: quia per Crucem

tuam redemísti mundum. **℣.** Tuam Crucem adorámus, Dómine, tuam gloriósam recólimus passióem: miserére nostri, qui passus es pro nobis. **℣.** O Crux benedícta, quæ sola fuísti digna portáre Regem cælórum, et Dóminum.

Tempore autem paschali, omittitur graduale, et eius loco dicitur:

Allelúia, allelúia. **℣. Ps. 95, 10** Dícite in géntibus, quia Dóminus regnávit a ligno. Allelúia. **℣.** Dulce lignum, dulces clavos, dúlcia ferens póndera: quæ sola fuísti digna sustinére Regem cælórum, et Dóminum. Allelúia.

✠ Sequéntia sancti Evangélíi
secúndum Matthæum

Matth. 20, 17-19

In illo témpore: Assúmpsit Iesus duódecim discípulos secréto, et ait illis: Ecce ascéndimus Ierosólymam, et Fílius hóminis tradétur princípibus sacerdotum, et scribis, et condemnábunt eum morte, et tradent eum géntibus ad illudéndum, et flagellándum, et crucifigéndum, et tértia die resúrget.

Antiphona ad Offertorium

Prótege, Dómine, plebem tuam, per signum sanctæ Crucis, ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum. **(T. P. Allelúia.)**

Secreta

Hæc oblátio, Dómine, quæsumus, ab ómnibus nos purget offénsis: quæ in ara Crucis étiam totíus mundi tulit offénsam. Per eúndem Dóminum.

Præfatio de sancta Cruce.

Antiphona ad Communionem

Per signum Crucis de inimicis nostris libera nos, Deus noster. (T. P. Allelúia.)

Postcommunio

Adésto nobis, Dómine Deus noster: et quos sanctæ Crucis lætári facis honóre, eius quoque perpétuis defénde subsidiis. Per Dóminum.

ITEM FERIA VI**MISSA DE PASSIONE DOMINI****Antiphona ad Introitum**

Philipp. 2, 8-9

Humiliávit semetípsum Dóminus Iesus Christus usque ad mortem, mortem autem crucis: propter quod et Deus exaltávit illum, et donávit illi nomen, quod est super omne nomen. (T. P. Allelúia, allelúia.) **Ps. 88, 2** Misericórdias Dómini in ætérnum cantábo: in generatióem et generatióem. **V.** Glória Patri. **H**umiliávit.

Oratio

Dómine Iesu Christe, qui de cælis ad terram de sinu Patris descendísti, et ságuinem tuum pretiósus in remissionem peccatórum nostrórum fudísti: te humiliter deprecámur; ut in die iudicii, ad dexteram tuam audire mereámur: Veníte, benedícti: Qui cum eódem.

Léctio Zachariæ Prophætæ

Zach. 12, 10-11; 13, 6-7

Hæc dicit Dóminus: Effúndam super domum David, et super habitatóres Ierúsalem spíritum grátiæ et precum: et aspicient ad me,

quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Ierúsalem, et dicétur: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea suscitáre super pastórem meum, et super virum cohæréntem mihi, dicit Dóminus exercítuum: pércute pastórem, et dispergéntur oves: ait Dóminus omnípotens.

Graduale Ps. 68, 21-22 Improperium exspectávit cor meum, et misériam: et sustínui, qui simul mecum contristarétur, et non fuit: consolántem me quæsívi, et non invéni. **V.** Dedérunt in escam meam fel, et in siti mea potavérunt me acéto.

Allelúia, allelúia. **V.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúia.

Post Septuagesimam, omissis Allelúia, et versu sequenti, dicitur:

Tractus Isai. 53, 4-5 Vere languóres nostros ipse tulit, et dolóres nostros ipse portávit. **V.** Et nos putávimus eum quasi leprósum, et percússus a Deo, et humiliátus. **V.** Ipse autem vulnerátus est propter iniquitátes nostras, attrítus est propter scélera nostra. **V.** Disciplina pacis nostræ super eum: et livóre eius sanáti sumus.

Tempore autem paschali, omittitur graduale, et eius loco dicitur:

Allelúia, allelúia. **V.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúia.

V. Tibi glória, hosánna: tibi triúmpus et victória: tibi summæ laudis et honóris coróna. Allelúia.

**✠ Sequéntia sancti Evangélii
secúndum Ioánnem**

Ioann. 19, 28-35

In illo témpore: Sciens Iesus, quia ómnia consummáta sunt, ut consummarétur Scriptúra, dixit: Sítio. Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulérunt ori eius. Cum ergo accepisset Iesus acétum, dixit: Consummátum est. Et inclináto cápite trádidit spíritum. Iudæi ergo (quóniam Parascéve erat) ut non remanérent in cruce córpora sábbato (erat enim magnus dies ille sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius qui crucifíxus est cum eo. Ad Iesum autem cum veníssent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et continuo exívit sanguis et aqua. Et qui vidit, testimónium perhíbuit: et verum est testimónium eius.

Antiphona ad Offertorium

Insurrexérunt in me viri iníqui: absque misericórdia quæsiérunt me interfícere: et non pepercérunt in fáciem meam spúere: lánceis suis vulneravérunt me, et concússa sunt ómnia ossa mea. **(T. P. Allelúia.)**

Secreta

Oblátum tibi, Dómine, sacrificium, intercedénte unigéniti Fílii tui passióne, vivíficet nos semper, et múniat: Qui tecum.

Præfatio de sancta Cruce.

Antiphona ad Communionem

Ps. 21, 17-18

Fodérunt manus meas, et pedes meos: dinumeravérunt ómnia ossa mea. **(T. P. Allelúia.)**

Postcommunio

Dómine Iesu Christe, Fili Dei vivi, qui hora sexta pro redemptione mundi Crucis patíbulum ascendísti, et ságuinem tuum pretiósum in remissionem peccatórum nostrórum fudísti: te humíliter deprecámur ut post óbitum nostrum, paradísi iánuas nos gaudénter introíre concédas: Qui vivis.

ITEM FERIA VI

**MISSA DE SACRATISSIMO
CORDE IESU**

Antiphona ad Introitum

Ps. 32, 11 et 12

Cogitationes Cordis eius in generatione et generationem: ut éruat a morte ánimas eórum et alat eos in fame. **(T. P. Allelúia, allelúia.) Ps. ibid., 1** Exsultáte, iusti, in Dómino, rectos decet collaudátio. **V.** Glória Patri. Cogitationes.

Oratio

Deus, qui nobis, in Corde Fílii tui, nostris vulneráto peccátis, infinitos dilectionis thesáuros misericórditer largíri dignáris: concéde, quæsumus; ut illi devótum pietátis nostræ præstántes obséquium, dignæ quoque satisfactiónis exhibeamus officium. Per eúndem Dóminum.

Léctio Epístolæ beāti Pauli
Apóstoli ad Ephésios

Ephes. 3, 8-19

Fratres: Mihi ómnium sanctórum mínimo data est grátia hæc, in gentibus evangelizáre investigábilis divítias Christi: et illumináre omnes, quæ sit dispensátio sacraménti absconditi a sáeculis in Deo qui ómnia creávit: ut innotéscat principátibus et potestátibus in cæléstibus per Ecclesiám multifórmis sapiéntia Dei: secúndum præfinitionem sæculórum quam fecit in Christo Iesu Dómino nostro, in quo habémus fidúciám et accéssum in confidéntia per fidem eius. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis et in terra nomináitur: ut det vobis secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritáte radicáti et fundáti: ut possitis comprehendere, cum ómnibus sanctis, quæ sit latitúdo, et longitúdo, et sublímitas, et profúndum: scire étiam supereminéntem sciéntiæ caritátem Christi, ut impleámini in omnem plenitúdinem Dei.

Graduale Ps. 24, 8-9 Dulcis et rectus Dóminus, propter hoc legem dabit delinquéntibus in via. *Ps.* Diriget mansuétos in iudício, docébit mites vias suas.

Allelúia, allelúia. *Ps. Matth. 11, 29* Tóllite iugum meum super vos et discite a me, quia mitis sum et húmilis Corde, et inveniétis réquiem animábus vestris. Allelúia.

Post Septuagesimam, omissis Allelúia et versu sequenti, dicitur:

Tractus Ps. 102, 8-10 Miséricors et miserátor Dóminus, longánimis et multum miséricors. *Ps.* Non in perpétuum irascétur, neque in ætérnum comminábitur. *Ps.* Non secúndum peccáta nostra fecit nobis, neque secúndum iniquitátes nostras retríbuit nobis.

Tempore autem paschali, omissis graduali et tractu, dicitur:

Allelúia, allelúia. *Ps. Matth. 11, 29 et 28* Tóllite iugum meum super vos et discite a me, quia mitis sum et húmilis Corde, et inveniétis réquiem animábus vestris. Allelúia. *Ps.* Veníte ad me omnes qui laborátis et oneráti estis, et ego reficiam vos. Allelúia.

✠ Sequéntia sancti Evangélii
secúndum Ioánnem

Ioann. 19, 31-37

In illo témpore: Iudæi, quóniam Parascéve erat, ut non remanérant in cruce córpora sábbato, (erat enim magnus dies ille sábbati), rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et altérius qui crucifíxus est cum eo. Ad Iesum autem cum veníssent, ut vidérunt eum iam mórtuum, non fregérunt eius crura: sed unus mílitum lancea latus eius apérui, et contínuo exívit sanguis et aqua. Et qui vidit testimónium perhibuit: et verum est testimónium eius. Et ille scit quia vera dicit, ut et vos credátis. Facta sunt enim hæc ut Scriptúra implerétur: Os non comminuétis ex eo. Et iterum ália Scriptúra dicit: Vidébunt in quem transfixérunt.

Antiphona ad Offertorium

Ps. 68, 21

Impropérium expectávit Cor meum et misériam, et sustínui qui simul mecum contristarétur et non fuit: consolántem me quæsívi et non invéni.

Tempore autem paschali, sic mutatur antiphona ad Offertorium:

Antiphona ad Offertorium

Ps. 37, 7-9

Holocáustum et pro peccáto non postulásti, tunc dixi: Ecce vénio. In cápite libri scriptum est de me ut fácerem voluntátem tuam: Deus meus, vólui et legem tuam in médio Cordis mei. Allelúia.

Secreta

Réspice, quæsumus, Dómine, ad ineffábilem Cordis dilécti Fílii tui caritátem: ut quod offérimus sit tibi munus accéptum et nostrórum expiátio delictórum. Per eúndem Dóminum.

Præfatio de Ssmo Corde Iesu.

Antiphona ad Communionem

Ioann. 19, 34

Unus mílitum láncea latus eius apérui, et contínuo exívit sanguis et aqua.

Tempore autem paschali, sic mutatur antiphona ad Communionem.

Antiphona ad Communionem

Ioann. 7, 37

Si quis sitit, véniat ad me et bibat. Allelúia, allelúia.

Postcommunio

Præbeant nobis, Dómine Iesu, divinum tua sancta fervórem: quo dulcíssimi Cordis tui suavité percépta, discámus terréna despícere, et amáre cæléstia: Qui vivis.

¶ In sabbato dicitur Missa de sancta Maria, ut supra (45)-(51).

¶ Quolibet die a rubricis non impedito dici possunt, cum in choro tum extra chorum, etiam aliæ Missæ quæ, iuxta rubricas, tamquam votivæ permittuntur.

MISSÆ VOTIVÆ AD DIVERSA

1. PRO ELIGENDO SUMMO PONTIFICE

Dicitur Missa de Spiritu Sancto ut supra (60), vel ut sequitur:

Antiphona ad Introitum

1 Reg. 2, 35

Suscitábo mihi sacerdotem fidélem, qui iuxta cor meum et ánimam meam fáciet: et ædificábo ei domum fidélem, et ambulábit coram Christo meo cunctis diébus. *(T. P. Allelúia, allelúia.) Ps. 131, 1* Meménto, Dómine, David: et omnis mansuetúdinis eius. *V. Glória Patri. Suscitábo.*

Oratio

Súpplici, Dómine, humilitáte depóscimus: ut sacrosáctæ Románæ Ecclesiæ concédatur Pontíficem illum tua imménsa píetas; qui et pio in nos stúdio semper tibi plácitus, et tuo pópulo pro salúbri regímine sit assíduus ad glóriam tui nóminis reveréndus. Per Dóminum.

Léctio Epístolæ beáti Pauli Apóstoli ad Hebræos

Hebr. 4, 16; 5, 1-7

Fratres: Adeámus cum fidúcia ad thronum grátiae, ut misericórdiam consequámur, et grátiam inveniámus in auxílio opportúno. Omnis namque pónטיפex ex homínibus assúptus, pro homínibus constitúitur, in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmi-

táte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit, ut pónטיפex fieret, sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech. Qui in diébus carnis suæ preces, supplicatiónesque ad eum, qui possit illum salvum fácere a morte, cum clamóre válido et lácrimis ófferens, exaudítus est pro sua reveréntia.

Graduale Levit. 21, 10 Pónטיפex sacérdos magnus inter fratres suos, super cuius caput fusum est uncti-ónis óleum, et cuius manus in sacerdotío consecráte sunt, vestitúsque est sanctis véstibus: débuit per ómnia frátribus similári. *V. Hebr. 2, 17* Ut miséricors fieret, et fidélis pónטיפex ad Deum: ut repropitiáret delícta pópuli.

Allelúia, allelúia. *V. Levit. 21, 8* Sacérdos sit sanctus, sicut et ego sanctus sum, Dóminus qui sanctífico vos. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 131, 8-10 Surge, Dómine, in réquiem tuam: tu et arca sanctificatiónis tuæ. *V. Sacerdótes tui induántur iustítiam, et sancti tui exsúltent. V. Propter David servum tuum, non avértas fáciem Christi tui.*

Tempore autem paschali omittitur graduale, et eius loco dicitur:

Allelúia, allelúia. *℣. Levit. 21, 8* Sacerdos sit sanctus, sicut et ego sanctus sum, Dóminus qui sanctifico vos. Allelúia. *℣. Ioann. 10, 14* Ego sum pastor bonus: et cognóscō oves meas, et cognóscunt me meæ. Allelúia.

✠ Sequéntia sancti Evangélíi
secúndum Ioánnem

Ioann. 14, 15-21

In illo témpore: Dixit Iesus discipulis suis: Si diligitis me, mandata mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum: quia apud vos manébit, et in vobis erit. Non relínquam vos órphanos: véniam ad vos. Adhuc módicum; et mundus me iam non videt. Vos autem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandata mea, et servat ea: ille est, qui diligit me. Qui autem diligit me, diligétur a Patre meo; et ego diligam eum, et manifestábo ei me-ípsam.

Antiphona ad Offertorium

3 Esdræ 5, 40

Non participéntur sancta, donec exsúrgat pónטיפex in ostensiónem, et veritátem. (T. P. Allelúia.)

Secreta

Tuæ nobis, Dómine, abundántia pietátis indúlgeat: ut per sacramúnera, quæ tibi reverénter offérimus, gratum maiestáti tuæ Pon-

tíficem sanctæ matris Ecclésiæ regímini præesse gaudeámus. Per Dóminum.

Antiphona ad Communionem

Exodi 29, 29-30

Veste sancta utétur pónטיפex, qui fúerit constitútus, et ingrediétur tabernáculum testimónii, ut minístret in sanctuário. (T. P. Allelúia.)

Postcommunio

Pretiósi Córporis et Sánguinis tui nos, Dómine, sacraménto reféctos, mirífica tuæ maiestátis grátia de illíus Summi Pontíficis concessióne lætíficet: qui et plebem tuam virtútibus ínstruat, et fidélium mentes spirituálium arómatum odóre perfúndat: Qui vivis.

2. IN DIE CORONATIONIS PAPÆ ET IN EIUS ANNIVERSARIO

¶ In die coronationis Papæ et in eius anniversario, pro Missa conventuali, in ecclesiis cathedralibus et collegiatis dicitur, tamquam votiva II classis, sequens Missa.

Præterea una Missa permittitur, de consensu Ordinarii loci, tamquam votiva II classis, in singulis ecclesiis, die quo peculiares aguntur celebrationes in honorem Summi Pontificis.

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum. (T. P. Allelúia, allelúia.) *Ps. 131, 1* Meménto, Dómine, David: et omnis mansuetúdinis eius. *℣. Glória Patri. Státuit.*

Et dicitur Glória in excélsis.

Oratio

Deus, ómnium fidélium pastor et rector, fámulum tuum **N.** quem pastórem Ecclésiæ tuæ præesse voluísti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum.

Léctio Epístolæ beáti Petri
Apóstoli

1 Petr. 1, 1-7

Petrus Apóstolus Iesu Christi, eléctis ádvenis dispersiónis Ponti, Galátiae, Cappadóciae, Asiae, et Bithyniae, secúndum præsciéntiam Dei Patris, in sanctificatióem Spíritus, in obediéntiam, et aspersiónem sánguinis Iesu Christi: grátia vobis, et pax multiplicétur. Benedíctus Deus, et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectiόnem Iesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salutem, parátam revelári in témpore novíssimo. In quo exsultábitis, módicum nunc si opórtet contristári in váriis tentatió nibus: ut probátio vestrae fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniόrum laudent eum.

℣. Confiteántur Dómino misericórdiae eius, et mirabília eius filiis hóminum.

Allelúia, allelúia. **℣. Matth. 16, 18** Tu es Petrus, et super hanc petram ædificábo Ecclésiám meam. Allelúia.

Post Septuagesimam, omissis Allelúia, et versu sequenti, dicitur:

Tractus Matth. 16, 18-19 Tu es Petrus, et super hanc petram ædificábo Ecclésiám meam. **℣.** Et portæ ínferi non prævalébunt advérsus eam: et tibi dabo claves regni cælórum. **℣.** Quodcúmque ligáveris super terram, erit ligátum et in cælis. **℣.** Et quodcúmque sólveris super terram, erit solútum et in cælis.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 106, 8** Confiteántur Dómino misericórdiae eius, et mirabília eius filiis hóminum. Allelúia. **℣. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélii
secúndum Matthæum

Matth. 16, 13-19

In illo témpore: Venit Iesus in partes Cæsarée Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus

es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium

Matth. 16, 18-19

Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam: et tibi dabo claves regni cælórum. (T. P. Allelúia.)

Secreta

Oblátis, quæsumus, Dómine, placáre munéribus: et fámulum tuum **N.**, quem pastórem Ecclésiæ tuæ præesse voluísti, assídua protectione gubérna. Per Dóminum.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam. (T. P. Allelúia.)

Postcommunio

Hæc nos, quæsumus, Dómine, divíni sacraménti percéptio prótegat: et fámulum tuum **N.**, quem pastórem Ecclésiæ tuæ præesse voluísti; una cum commisso sibi grege, salvet semper, et muniat. Per Dóminum.

3. IN CONSECRATIONE EPISCOPI

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur; infra Actionem dicitur, Hanc igitur ut infra.

Oratio

Adésto supplicationibus nostris, omnipotens Deus: ut, quod humilitátis nostræ geréndum est ministério, tuæ virtútis impleátur efféctu. Per Dóminum.

Secreta

Consecrator dicit:

Súscipe, Dómine, múnera, quæ tibi offérimus pro hoc fámulo tuo: ut propítius in eo tua dona custódias. Per Dóminum.

Consecratus dicit:

Súscipe, Dómine, múnera, quæ tibi offérimus pro me fámulo tuo: ut propítius in me tua dona custódias. Per Dóminum.

Infra Actionem

Consecrator dicit:

Hanc igitur oblationem servitútis nostræ, sed et cunctæ familiæ tuæ, quam tibi offérimus étiam pro hoc fámulo tuo, quem ad Episcopátus órđinem promovére dignátus es, quæsumus, Dómine, ut placátus accípias, et propítius in eo tua dona custódias: ut, quod divíno múnere consecútus est, divínis efféctibus exsequátur: diésque nostros in tua pace dispónas, atque ab ætérna damnatione nos éripi, et in electórum tuórum iúbeas grege numerári. Per Christum Dóminum nostrum. Amen.

Consecratus vero dicit

(vel, si plures sint, singuli dicunt):

Hanc igitur oblationem servitutis nostræ, sed et cunctæ familiæ tuæ, quam tibi offerimus etiam pro me famulo tuo, quem ad Episcopatus ordinem promovere dignatus es, quæsumus, Dómine, ut placatus accípias, et propítius in me tua dona custódias: ut, quod divíno múnere consecutus sum, divínis efféctibus exsequar: diésque nostros in tua pace dispónas, atque ab ætérna damnatione nos éripi, et in electórum tuórum iúbeas grege numerári. Per Christum Dóminum nostrum. Amen.

In Solemnitate et per octavam Paschatis
vel Pentecostes:

Consecrator

manus expansas super oblata
tenens, dicit:

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spíritu Sancto, tribuens eis remissionem ómnium peccatórum, ac etiam pro hoc famulo tuo, quem ad Episcopatus ordinem promovere dignatus es, quæsumus, Dómine, ut placatus accípias, et propítius in eo tua dona custódias: ut, quod divíno múnere consecutus est, divínis efféctibus exsequatur: diésque nostros in tua pace dispónas, atque ab ætérna damnatione nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Si vero plures
Episcopi sint consecrandi, dicit:

Hanc igitur oblationem servitutis nostræ, sed et cunctæ familiæ

tuæ, quam tibi offerimus pro his quoque, quos regenerare dignatus es ex aqua et Spíritu Sancto, tribuens eis remissionem ómnium peccatórum, ac etiam pro his famulis tuis, quos ad Episcopatus ordinem promovere dignatus es, quæsumus, Dómine, ut placatus accípias, et propítius in eis tua dona custódias: ut, quod divíno múnere consecuti sunt, divínis efféctibus exsequantur: diésque nostros in tua pace dispónas, atque ab ætérna damnatione nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Consecratus vero dicit

(vel, si plures sint, singuli dicunt):

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spíritu Sancto, tribuens eis remissionem ómnium peccatórum, ac etiam pro me famulo tuo, quem ad Episcopatus ordinem promovere dignatus es, quæsumus, Dómine, ut placatus accípias, et propítius in me tua dona custódias: ut, quod divíno múnere consecutus sum, divínis efféctibus exsequar: diésque nostros in tua pace dispónas, atque ab ætérna damnatione nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Postcommunio

Plenum, quæsumus, Dómine, in nobis remédium tuæ miserationis operare: ac tales nos esse pérfice propítius, et sic fovéri; ut tibi in ómnibus placere valeámus. Per Dóminum.

4. IN ANNIVERSARIO EPISCOPI

¶ In anniversario aut electionis aut consecrationis aut translationis Episcopi diocesani (semel scilicet, die ab Episcopo eligendo), pro Missa conventuali, in ecclesiis cathedralibus et collegiatis dicitur, tamquam votiva II classis, sequens Missa.

Antiphona ad Introitum

Ps. 131, 9-10

Sacerdotes tui, Domine, induant iustitiam, et sancti tui exsultent: propter David servum tuum, non avertas faciem Christi tui. (T. P. Allelúia, allelúia.) Ps. *ibid.*, 1 Meménto, Domine, David: et omnis mansuetúdinis eius. V. Glória Patri. Sacerdotes.

Et dicitur Glória in excélsis.

Oratio

Deus, ómnium fidélium pastor et rector, fámulum tuum N., quem pastórem ecclésiæ N. præesse voluísti, propítius réspice: da ei, quæsumus, verbo et exémplo, quibus præest, profícere; ut ad vitam, una cum grege sibi crédito, pervéniat sempitérnam. Per Dóminum.

Léctio Epístolæ beáti Pauli Apóstoli ad Hebræos

Hebr. 5, 1-4

Fratres: Omnis pón tifex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Graduale Ps. 131, 16-17 Sacerdotes eius induam salutári: et sancti eius exsultatióne exsultábunt. V. Illuc prodúcam cornu David: parávi lucérnam Christo meo.

Allelúia, allelúia. V. Ps. 109, 4 Iuravit Dóminus, et non pænitébit eum: Tu es sacérdos in ætérnum, secúndum ór dinem Melchisedech. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectórum benedicétur. V. Glória et divitiæ in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. V. Ps. 109, 4 Iuravit Dóminus, et non pænitébit eum: Tu es sacérdos in ætérnum, secúndum ór dinem Melchisedech. Allelúia. V. Eccli. 45, 9 Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélii secúndum Marcum

Marc. 13, 33-37

In illo témpore: Dixit Iesus discipulis suis: Vidéte, vigiláte, et oráte: nescítis enim quando tempus sit. Sicut homo, qui péregre proféctus relíquit domum suam, et dedit servis suis potestátem cuiúsque óperis, et ianitóri præcépit ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repén te, invéniat vos dormiéntes. Quod autem vobis dico, ómnibus dico: Vigiláte.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius. (T. P. Allelúia.)

Secreta

Oblátis, quæsumus, Dómine, placáre munéribus: et fámulum tuum **N.**, quem pastórem ecclésiæ **N.** præesse volúisti, assídua protectione gubérna. Per Dóminum.

Antiphona ad Communionem

Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum. (T. P. Allelúia.)

Postcommunio

Hæc nos, quæsumus, Dómine, divíni sacraménti percéptio prótegat: et fámulum tuum **N.**, quem pastórem ecclésiæ **N.** præesse volúisti; una cum commisso sibi grege, salvet semper, et múniat. Per Dóminum.

5. IN COLLATIONE ORDINUM

¶ In sabbatis Quatuor Temporum et in sabbato infra hebdomadam IV Quadragesimæ, Missa dicitur de sabbato, in reliquis diebus de Officio diei; sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Exáudi, quæsumus, Dómine, supplicum preces, et devóto tibi pectore famulántes, perpétua defensione custódi: ut nullis perturbationibus impediti, liberam servitútem tuis semper exhibeámus officiis. Per Dóminum.

Secreta

Tuis, quæsumus, Dómine, operáre mystériis: ut hæc tibi múnera dignis méntibus offerámus. Per Dóminum.

Postcommunio

Quos tuis, Dómine, réficis sacraméntis, contínuis attólle benignus auxiliis: ut tuæ redemptionis efféctum, et mystériis capiámus, et móribus: Qui vivis.

6. IN BENEDICTIONE ABBATIS

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Pontifex dicit:

Concède, quæsumus, Dómine, huic fámulo tuo: ut prædicándo, et exercéndo quæ recta sunt, per exéplum bonórum óperum ánimos suórum instruat subiectórum; et ætérnæ remunerationis mercédem a te piíssimo Pastóre percípiat. Per Dóminum.

Electus dicit:

Concède, quæsumus, Dómine, mihi fámulo tuo: ut, prædicándo et exercéndo quæ recta sunt, per exéplum bonórum óperum ánimos meórum instruem subiectórum; et ætérnæ remunerationis mercédem a te piíssimo Pastóre percípiam. Per Dóminum.

Secreta

Pontifex dicit:

Múnera nostra, quæsumus, Dómine, súscipe placátus; et hunc fámulum tuum semper et ubique misericórditer prótege. Per Dóminum.

Abbas dicit:

Múnera, quæsumus, Dómine, súscipe placátus; et me fámulum tuum semper et ubique misericórditer prótege. Per Dóminum.

Postcommunio

Pontifex dicit:

Hæc nos commúnio, Dómine, purget a crímine; et hunc fámulum tuum benígna pietáte cónservet. Per Dóminum.

Abbas dicit:

Hæc nos commúnio, Dómine, purget a crímine; et me fámulum tuum benígna pietáte cónservet. Per Dóminum.

7. IN BENEDICTIONE ABBATISSÆ

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Da, quæsumus, Dómine, huic fámulæ tuæ, quam virginitátis honóre dignátus es decoráre, inchoáti óperis consummátum efféctum, et ut perféctam tibi ófferat plenitúdinem, inítia sua perdúcere mereátur ad finem. Per Dóminum.

Secreta

Oblátis hóstiis, quæsumus, Dómine, præsénti fámulæ tuæ perseverántiam perpétuæ virginitátis accómmoda: ut, apértis iánuis, summi Regis advéntu, regnum cæléste cum lætítia mereátur intráre. Per Dóminum.

Postcommunio

Réspice, Dómine, fámulæ tuæ tibi débitam servitútem, ut inter humánæ fragilitátis incérta, nullis adversitatibus opprimátur, quæ de tua protectióne confidit. Per Dóminum.

8. IN BENEDICTIONE ET CONSECRATIONE VIRGINUM

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Da, quæsumus, Dómine, his famulábus tuis, quas (huic fámulæ tuæ, quam) virginitátis honóre dignátus es decoráre, inchoáti óperis consummátum efféctum: et, ut perféctam tibi ófferant (ófferat) plenitúdinem, inítia sua perdúcere mereántur (mereátur) ad finem. Per Dóminum.

Secreta

Oblátis hóstiis, quæsumus, Dómine, præséntibus famulábus tuis (præsénti fámulæ tuæ) perseverántiam perpétuæ virginitátis accómmoda: ut, apértis iánuis, summi Regis advéntu, regnum cæléste cum lætítia mereántur (mereátur) intráre. Per Dóminum.

Postcommunio

Deus, qui habitáculum tuum in corde pudíco fundásti: réspice super has fámulas tuas (hanc fámulam tuam); et, quæ castigatióibus assídus póstulant (póstulat), tua cónsolatione percípiant (percípiat). Per Dóminum.

9. IN BENEDICTIONE CŒMETERII

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Deus, cuius miseratióne animæ fidélium requiészunt, huic cœmetério, quæsumus, Dómine, Angelum tuum sanctum députa custódem; et quorum quarúmque cõrpora hic sepeliúntur, ánimas eõrum

ab ómnibus absólve vínculis delictórum, ut in te semper cum Sanctis tuis sine fine læténtur. Per Dóminum.

Secreta

Múnera, Dómine, obláta sanctifica, et qui te ipsum in sepúlcro poni voluísti, et exémpulum resurgéndi fidélibus tuis largíri dignátus es, da, quæsumus, fidélium tuórum animábus hic in te quiescéntibus, véniam peccatórum; ut hæc salutáris hóstia sit remédium et réquies animárum eórum, et córporum: Qui vivis.

Postcommunio

Munéribus sacris satiáti, quæsumus, Dómine Deus noster, ut plebs tua, quæ in futúro a morte córporis resurrectúra créditur, te miseránte, a morte ánimæ resúrgere mereátur. Per Dóminum.

10. IN RECONCILIATIONE ECCLESIAE ET CŒMETERII

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Deus, qui dixísti: Domus mea domus oratiónis vocábitur, domum istam infidélium spurcítis contaminátam mundáre, et sanctificáre dignéris; et ómnium preces et vota hoc in loco ad te clamántium cleménte exáudias, et benígnus suscípias. Per Dóminum.

Secreta

Hæc hóstia, quæsumus, Dómine, et locum istum ab ómnibus immundítis expúrget, et supplicatiónes nostras semper et ubíque reddat tibi accéptas. Per Dóminum.

Postcommunio

Percipiéntes, Dómine, múnera salutis æternæ súpplices exorá-mus, ut templum hoc et cœmeterium ab infidélium inquinaméntis emundátum, benedictióne tua máneat sanctificátum, et péctora nostra ab omni sorde vitiórum alienáta, tibi que devóta semper exsistant. Per Dóminum.

11. PRO SPONSIS

¶ Si solemnis benedictio nuptiarum, intra Missam, facienda sit die dominico vel die I classis, dicitur Missa de Officio occurrenti, cum commemoratione sequentis Missæ pro sponsis, sub unica conclusione, etiam diebus in quibus commemoratio Missæ votivæ impeditæ prohibetur; et in ea datur benedictio nuptialis more solito.

Si autem solemnis benedictio nuptiarum, intra Missam, facienda sit aliis diebus, dicitur sequens Missa votiva pro sponsis.

In Commemoratione omnium Fidelium defunctorum et Triduo sacro prohibetur sive Missa votiva, sive eius commemoratio in Missa diei, sive benedictio nuptialis intra Missam.

Cum vero tam Missa pro sponsis quam benedictio nuptialis prohibetur, Missa una cum benedictione transferri potest in opportunior diem non impeditum, post celebratum matrimonium.

Antiphona ad Introitum

Tob. 7, 15; 8, 19

Deus Israël coniúngat vos: et ipse sit vobíscum, qui misértus est duóbus únícis: et nunc, Dómine, fac eos plénius benedicere te. (T. P. Allelúia, allelúia.) Ps. 127, 1 Beáti omnes qui timent Dóminum: qui ámbulant in viis eius. V. Glória Patri. Deus.

Et dicitur Glória in excélsis.

Oratio

Exáudi nos, omnípotens et miséricors Deus: ut, quod nostro ministráture officio, tua benedictióne pótius impleáture. Per Dñm.

Lectio Epistolæ beāti Pauli
Apóstoli ad Ephésios

Ephes. 5, 22-33

Fratres: Mulieres viris suis subditæ sint, sicut Dómino: quóniam vir caput est mulieris: sicut Christus caput est Ecclesiæ: Ipse, salvátor corpóris eius. Sed sicut Ecclesiá subiecta est Christo, ita et mulieres viris suis in ómnibus. Viri, diligite uxóres vestras, sicut et Christus diléxit Ecclesiám, et seípsum trádedit pro ea, ut illam sanctificáret, mundans lavácro aquæ in verbo vitæ, ut exhibéret ipse sibi gloriósam Ecclesiám, non habéntem máculam, aut rugam, aut áliquid huiúsmodi, sed ut sit sancta et immaculáta. Ita et viri debent diligere uxóres suas, ut corpóra sua. Qui suam uxórem diligit, seípsum diligit. Nemo enim umquam carnem suam ódio hábuit: sed nutrit, et fovet eam, sicut et Christus Ecclesiám: quia membra sumus corpóris eius, de carne eius, et de óssibus eius. Propter hoc relínquet homo patrem et matrem suam, et adhærébit uxóri suæ: et erunt duo in carne una. Sacraméntum hoc magnum est, ego autem dico in Christo, et in Ecclesiá. Verúmtamen et vos sínguli, unusquisque uxórem suam, sicut seípsum diligat: uxor autem timeat virum suum.

Graduale Ps. 127, 3 Uxor tua sicut vitis abúndans in latéribus domus tuæ. *V.* Fílii tui sicut novéllæ olivárum in circúitu mensæ tuæ.

Allelúia, allelúia. *V. Ps. 19, 3* Mittat vobis Dóminus auxílium de sancto: et de Sion tueátur vos. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 127, 4-6 Ecce sic benedicétur omnis homo, qui timet Dóminum. *V.* Benedícat tibi Dóminus ex Sion: et vídeas bona Ierúsalem ómnibus diébus vitæ tuæ. *V.* Et vídeas filios filiórum tuórum: pax super Israél.

Tempore autem paschali omittitur graduale, et eius loco dicitur:

Allelúia, allelúia. *V. Ps. 19, 3* Mittat vobis Dóminus auxílium de sancto: et de Sion tueátur vos. Allelúia. *V. Ps. 133, 3* Benedícat vobis Dóminus ex Sion: qui fecit cælum et terram. Allelúia.

✠ Sequéntia sancti Evangélíi
secúndum Matthæum

Matth. 19, 3-6

In illo témpore: Accessérunt ad Iesum pharisæi tentántes eum, et dicéntes: Si licet hómini dimittere uxórem suam quacúmque ex causa? Qui respóndens, ait eis: Non legístis, quia qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet.

Antiphona ad Offertorium

Ps. 30, 15-16

In te sperávi, Dómine: dixi: Tu es Deus meus: in mánibus tuis témpora mea. **(T. P. Allelúia.)**

Secreta

Súscipe, quæsumus, Dómine, pro sacra connúbii lege munus oblátum: et, cuius largítor es óperis, esto dispósitor. Per Dóminum.

¶ Dicto Pater noster, *sacerdos antequam dicat* Libera nos, quæsumus, Dómine, *stans in*

latere Epistolæ versus sponsum et sponsam ante altare genuflexos, dicit super eos sequentes orationes:

Orémus

Oratio

Propitiâre, Dómine, supplicatió-nibus nostris, et institútis tuis, quibus propagatióem húmáni gé-neris ordinásti, benígnus assiste: ut, quod te auctóre iúngitur, te auxiliánte servétur. Per Dóminum.

Orémus

Deus, qui potestáte virtútis tuæ de níhilo cuncta fecísti: qui dispóstitis universitátis exórdiis, hó-mini ad imáginem Dei facto, ideo inseparábile mulieris adiutórium condidísti, ut femíneo córpori de viríli dares carne princípium, do-cens quod ex uno placuísset instí-tui, numquam licére disiúngi: Deus, qui tam excellénti mystério coniu-gálem cópulam consecrásti, ut Christi et Ecclésiæ sacraméntum præsignáres in fœdere nuptiárum: Deus, per quem múlter iúngitur viro, et societas principáliter or-dináta, ea benedictióne donátur quæ sola nec per originális peccá-ti pœnam, nec per dilúvii est abláta senténtiam: réspice propítius super hanc fámulam tuam, quæ maritáli iungénda consórtio, tua se expetit protectione muníri: sit in ea iugum dilectionis, et pacis: fidélis et casta nubat in Christo, imitatríxque san-ctárum permáneat feminárum: sit amábilis viro suo, ut Rachel: sá-piens, ut Rebécca: longæva et fidé-lis, ut Sara: nihil in ea ex áctibus suis ille auctor prævaricatiónis usúrpet: nexa fidei, mandatísque permáneat: uni thoro iuncta, con-táctus illicítos fúgiat: múniat infir-mitátem suam róbores disciplínæ: sit verecúndia gravis, pudóre vene-rábilis, doctrínis cæléstibus erudí-

ta: sit fecúnda in sóbole, sit pro-báta et innocens: et ad beatórum réquiem atque ad cæléstia regna pervéniat: et vídeant ambo filios filiórum suórum, usque in tértiam et quartam generatióem, et ad optátam pervéniant senectútem. Per eúndem Dóminum.

¶ Tunc sacerdos reversus ad medium altaris dicat Libera nos, quæsumus, Dómine et reli-qua more solito; et, postquam sumpserit San-guinem, communicet sponso: et prosequatur Missam.

Antiphona ad Communionem

Ps. 127, 4 et 6

Ecce sic benedicétur omnis homo qui timet Dóminum: et vídeas filios filiórum tuórum: pax super Israël. (T. P. Allelúia.)

Postcommunio

Quæsumus, omnípotens Deus: institúta providéntiæ tuæ pio favóre comitáre; ut, quos legítima societáte connéctis, longæva pace custódias. Per Dóminum.

¶ Dicto *Ite, missa est*, sacerdos antequam populo benedicat, conversus ad sponsum et sponsam, dicat:

Deus Abraham, Deus Isaac, et Deus Iacob sit vobíscum: et ipse adimpleat benedictióem suam in vobis: ut videátis filios filiórum vestrórum usque ad tér-tiam et quartam generatióem, et póstea vitam ætérnam habeátis sine fine: adiuvánte Dómino nostro Iesus Christo, qui cum Patre et Spíritu Sancto vivit et regnat Deus, per ómnia sæcula sæculórum. *R. Amen.*

¶ Moneat eos sacerdos gravi sermone ut, in Dei timore manentes et alterutrum diligentes, mutuam fidem et coniugalem castitatem servant, atque prolem in catholica religione sedulo instituant. Postea eos aspergat aqua benedicta, et dicto Pláceat tibi, sancta Trínitas, det benedictionem; et legat, ut solitum est, initium Evangelii secundum Ioannem.

12. IN 25° ET 50° ANNIVERSARIO A CELEBRATIONE MATRIMONII

Pro gratiarum actione in 25° et 50° anniversario a celebratione matrimonii, dici potest, ut votiva II classis, Missa aut de Ssma Trinitate aut de B. Maria Virg., addita oratione pro gratiarum actione sub unica conclusione cum prima.

Diebus I classis et dominicis hæc Missa votiva prohibetur; tunc enim oratio pro gratiarum actione addi potest Missæ diei modo ne occurrant festa Nativitatis et Epiphaniæ Domini, Triduum sacrum, dominica Resurrectionis, festum Ascensionis Domini, dominica Pentecostes, festa SS. Trinitatis, Corporis Christi, Cordis Iesu et Christi Regis, necnon Commemoratio omnium Fidelium defunctorum.

Missa finita, super coniuges dicuntur preces quæ inveniuntur in Rituali romano.

13. IN DIE PROFESSIONIS RELIGIOSORUM

Sequens Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii; in ea adhibetur color albus.

Antiphona ad Introitum

Ps. 39, 8-9

In cápite libri scriptum est de me ut fácerem voluntátem tuam. Deus meus, vólui, et legem tuam in médio cordis mei (T. P. Allelúia, allelúia). Ps. *ibid.* 2 Exspéctans exspéctávi Dóminum, et inténdit mihi. V. Glória Patri. In cápite.

Et dicitur Glória in excélsis.

Oratio

Omnípotens sempitérne Deus, qui fámulos tuos a mundi pérículis eréptos, ad plénius sectánda Fílii tui vestígia vocáre dignátus es: præsta, quæsumus; ut propósitam sibi evangélicam perfectiónem consequántur. Per eúndem Dóminum.

Léctio Epístolæ beáti Pauli Apóstoli ad Philippénes **Phil. 3, 7-14**

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse, propter eminentem sciéntiam Iesu Christi Dómini mei; propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam quæ ex fide est Christi Iesu; quæ ex Deo est iustítia in fide; ad cognoscéndum illum, et virtútem resurrectionis eius, et societátem passiónum illius; configurátus morti eius; si quo modo ocúram ad resurrectionem quæ est ex mórtuis. Non quod iam accéperim, aut iam perféctus sim; sequor autem, si quo modo comprehéndam, in quo et comprehénsus sum a Christo Iesu. Fratres, ego me non árbitor comprehendísse. Unum autem, quæ quidem retro sunt oblivíscens, ad ea vero quæ sunt prióra exténdens meípsum, ad destinátum pérsequor, ad bravíum supérnæ vocatiónis Dei in Christo Iesu Dómino nostro.

Graduale Ps. 65, 13-14 Introibo in domum tuam in holocáustis, reddam tibi vota mea, quæ distinxérunt lábia mea. V. **Ibid. 16** Veníte, audíte, et narrábo, omnes qui tímétis Deum, quanta fecit ánimæ meæ.

Allelúia, allelúia. V. **Gal. 6, 14** Mihi absit gloriári, nisi in cruce Dómini mei Iesu Christi, per quem mihi mundus crucifixus est, et ego mundo. Allelúia.

Post Septuagesimam, omissis Allelúia et versu sequenti, dicitur:

Tractus Ps. 62, 2 Deus, Deus

meus ad te de luce vígilo. *℣.* Sitivit in te ánima mea, quam multipliciter caro mea. *℣. Ps. 50, 12* Cor mundum crea in me, Deus, et spíritum rectum innova in viscéribus meis.

Tempore autem paschali omittitur graduale, et eius loco dicitur:

Allelúia, allelúia. *℣. Gal. 6, 14* Mihi absit gloriári nisi in cruce Dómini nostri Iesu Christi, per quem mihi mundus crucifíxus est, et ego mundo.

Allelúia. *℣. Ps. 132, 4* Ecce quam bonum et quam iucúndum, habitáre fratres in unum. Allelúia.

✠ Sequéntia sancti Evangélíi secúndum Marcum.

Marc. 10, 17-21

In illo témpore: Cum egréssus esset Iesus in viam, procúrrens quidam, genu flexo ante eum, rogábat eum: Magíster bone, quid fáciam ut vitam ætérnam percípíam? Iesus autem dixit ei: Quid me dicis bonum? Nemo bonus, nisi unus Deus. Præcépta nosti: Ne adúlteres, ne occídas, ne furéris, ne falsum testimónium díxeris, ne fraudem féceris, honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum, et dixit ei: Unum tibi deest: vade, quaecúmque habes vende, et da paupéribus, et habébis thesáurum in cælo, et veni, séquere me.

Antiphona ad Offertorium

I Par. 29, 17-18

Dómine Deus, in simplicitáte cordis mei lætus óbtuli univérsa: Deus Israel custódi hanc voluntátem. *(T. P. Allelúia.)*

Secreta

Famulórum tuórum, Dómine, sacrificium benígnus accípias; et tibi paupertátem, castitátem et obediéntiam vovéntes, tua caritáte confírmes. Per Dóminum.

Antiphona ad Communionem

Ps. 33, 9

Gustáte et vidéte, quóniam suávis est Dóminus; beátus vir qui sperat in eo. *(T. P. Allelúia.)*

Postcommunio

Pretióso Córpoze et Sáanguine Fílii tui refécti, te, Dómine, deprecámur; ut qui sacra vota te inspiránte emisérunt, éadem te adiuvánte custódiant. Per eúndem Dñm.

14. IN DIE PROFESSIONIS RELIGIOSARUM

Sequens Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii; in ea adhibetur color albus.

Antiphona ad Introitum

Ps. 44, 11-12

Audi, fília, et vide, et inclína aurem tuam, et oblivíscere pópulum tuum et domum patris tui; et concupíscet Rex decórem tuum. *(T. P. Allelúia, allelúia.) Ps. ibid. 2* Eructávit cor meum verbum bonum: dico ego ópera mea Regi. *℣. Glória Patri. Audi.*

Et dicitur Glória in excélsis.

Oratio

Deus, qui has fámulas tuas, a sáeculi vanitáte convérsas, ad supérnæ vocatiónis bravíum accéndis: grátiam tuam eis infúnde; ut professiόνis suæ mémores, quæ te inspiránte promíttunt, te auxiliánte perfícient. Per Dóminum.

Lectio Epistolæ beāti Pauli
Apóstoli ad Corínthios

I Cor. 7, 6-8; 25, 29-32, 34

Fratres: Hoc dico secúndum indulgéntiam, non secúndum impérium. Volo enim omnes vos esse sicut meípsum; sed unusquísque próprium donum habet ex Deo, álius quidem sic, álius vero sic. Dico autem non nuptis, et víduis: Bonum est illis si sic permáneant, sicut et ego. De virgínibus autem præcéptum Dómini non hábeo; consílium autem do, tanquam misericórdiam consecútus a Dómino, ut sim fidélis. Hoc itaque dico, fratres: Tempus breve est; réliquum est, ut et qui habent uxóres, tanquam non habéntes sint; et qui flent, tanquam non flentes; et qui gaudent, tanquam non gaudéntes; et qui emunt, tanquam non possidéntes; et qui utúntur hoc mundo, tanquam non utántur: præterit enim figúra huius mundi. Volo autem vos sine sollicitú-dine esse. Et múl-ier innúpta, et virgo cógitat quæ Dómini sunt, ut sit sancta córpore, et spírítu: in Christo Iesu Dómino nostro.

Graduale Regnum mundi et omnem ornátum sæculi contémpsi, propter amórem Dómini mei Iesu Christi; quem vidi, quem amávi, in quem crédidi, quem diléxi. **Ps. 44, 2** Eructávit cor meum verbum bonum, dico ego ópera mea Regi. Allelúia, allelúia. **V. Cant. 2, 16** Diléctus meus mihi, et ego illi, qui páscitur inter lília. Allelúia.

Post Septuagesimam, omissis Allelúia et versu sequenti, dicitur:

Tractus Ps. 26, 7-8. Exáudi, Dómine, vocem meam, qua clamávi ad te; miserére mei et exáudi me. **V.** Tibi dixit cor meum, exquisívit te fácies mea, faciém tuam, Dó-

mine, requíram. **V.** Adiútor meus esto; ne derelínquas me neque despícias me, Deus salutáris meus.

Tempore autem paschali omittitur graduale, et eius loco dicitur:

Allelúia, allelúia. **V. Cant. 2, 16** Diléctus meus mihi, et ego illi, qui páscitur inter lília. Allelúia. **V. Ps. 83, 5** Beāti qui hábitant in domo tua, Dómine; in sæcula sæculórum laudábunt te. Allelúia.

✠ Sequéntia sancti Evángelii
secúndum Matthæum.

Matth. 25, 1-13

In illo témpore: Dixit Iesus discípulis suis parábolam hanc: Sí-mile erit regnum cælórum decem virgínibus: quæ accipiéntes lám-pades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero acceperunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lám-pades suas. Fátuæ autem sapiéntibus dixérunt: Date nobis de óleo vestro: quia lám-pades nostræ exstinguúntur. Respon-dérunt prudéntes, dicéntes: Ne forte non suffíciat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núp-tias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait:

Amen dico vobis, nescio vos. Vigilate itaque, quia nescitis diem, neque horam.

Antiphona ad Offertorium

Ps. 115, 16-17

Dirupisti, Domine, vincula mea; tibi sacrificabo hostiam laudis, et nomen Domini invocabo. (T. P. Allelúia.)

Secreta

Suscipe, quæsumus, Domine, oblationem nostram; et has famulas tuas, quæ se maiestati tuæ in paupertate, castitate, obedientia devotent, benignus aspice, et ad præmia futura dispone. Per Dñm.

Antiphona ad Communionem

Ps. 72 28

Mihi autem adhærere Deo bonum est, pñnere in Domino Deo spem meam. (T. P. Allelúia.)

Postcommunio

Deus, qui ómnia pro te in hoc sæculo relinquentibus ætérnum in cælis præparas habitaculum: confirma corda famulárum tuárum, et concede; ut ad cælestes Agni núptias pervenire mereántur. Per Dñm.

15. AD VOCATIONES ECCLESIASTICAS PETENDAS

In hac Missa adhibetur color albus.

Antiphona ad Introitum

Matth. 4, 18-19

Dominus secus mare Galilææ vidit duos fratres, Petrum et Andréam, et vocavit eos: Venite post me: faciam vos fieri piscatores hóminum. (T. P. Allelúia, allelúia.) Ps. 18, 2 Cæli enarrant glóriam Dei: et ópera mánuum eius annúntiat firmaméntum. V. Glória Patri. Dominus.

Oratio

Mitte, quæsumus, Domine, operários in messem tuam; ut Unigéniti Fílii tui et præcépta iúgi-ter servéntur et ubique sacrificium innovétur: Qui tecum.

Lectio libri Regum. 1 Reg. 3, 1-10

In diébus illis: Ministrábat puer Sámuel Domino coram Heli, et sermo Domini erat pretiósus in diébus illis: non erat visio manifestá. Factum est ergo in die quadam, Heli iacébat in loco suo, et óculi eius caligáverant, nec póterat vidére: lucérna Dei ántequam extinguérétur, Sámuel dormiébat in templo Domini, ubi erat arca Dei. Et vocávit Dominus Sámuel. Qui respóndens, ait: Ecce ego. Et cucúrrit ad Heli, et dixit: Ecce ego; vocásti enim me. Qui dixit: Non vocávi; revértere, et dormi. Et ábiit et dormívit. Et adiécit Dominus rursum vocáre Samuélem. Consurgénsque Sámuel, ábiit ad Heli, et dixit: Ecce ego, quia vocásti me. Qui respóndit: Non vocávi te, fili mi; revértere, et dormi. Porro Sámuel necdum sciébat Dñm, neque revelátus fúerat ei sermo Domini. Et adiécit Dominus, et vocávit adhuc Samuélem tértio. Qui consúrgens, ábiit ad Heli, et ait: Ecce ego, quia vocásti me. Intellexit ergo Heli quia Dominus vocáret púerum, et ait ad Samuélem: Vade, et dormi; et si deinceps vocáverit te, dices: Lóquere, Domine, quia audit servus tuus. Abiit ergo Sámuel, et dormívit in loco suo. Et venit Dominus, et stetit; et vocávit, sicut vocáverat secúndo: Sámuel, Sámuel! Et ait Sámuel: Lóquere, Domine, quia audit servus tuus.

Graduale Ps. 26, 4 Unam pétii a Dómino, hanc requíram, ut inhábitem in domo Dómini ómnibus diébus vitæ meæ. **V.** Ut vídeam voluptátem Dómini, et vísitem templum eius.

Allelúia, allelúia. **V. Ps. 83, 5** Beáti qui hábitant in domo tua, Dómine: in sæcula sæculórum laudábunt te. Allelúia.

Post Septuagesimam, omissis Allelúia et versu sequenti, dicitur:

Tractus Ps. 83, 2-4 Quam dilecta tabernacula tua, Dómine virtútum! Concupíscit et déficit ánima mea in átria Dómini. **V.** Cor meum et caro mea exsultavérunt in Deum vivum. **V.** Etenim passer invénit sibi domum, et turtur nidum sibi, ubi ponat pullos suos: altária tua, Dómine virtútum, rex meus et Deus meus.

Tempore autem paschali omittitur graduale, et eius loco dicitur:

Allelúia, allelúia. **V. Ps. 83, 5** Beáti qui hábitant in domo tua, Dómine: in sæcula sæculórum laudábunt te. Allelúia. **V. Eccli. 39, 19** Floréte flores quasi lílium, et date odórem et frondéte in grátiam, collaudáte cánticum, et benedicite Dóminum in opéribus suis. Allelúia.

✠ **Sequéntia sancti Evangélii**
secúndum Ioánnem.

Ioann. 1, 35-51

In illo témpore: Stabat Ioánnes, et ex discípulis eius duo. Et respiciens Iesum ambulátem, dicit: Ecce Agnus Dei. Et audiérunt eum duo discípli loquéntem, et secúti sunt Iesum. Convérsus autem Iesus, et videns eos sequéntes se, dicit eis: Quid quæritis? Qui dixérunt ei: Rabbi (quod dicitur interpretátum Magister), ubi hábitas?

Dicit eis: Veníte, et vidéte. Venérunt, et vidérunt ubi manéret, et apud eum mansérunt die illo; hora autem erat quasi décima. Erat autem Andréas frater Simónis Petri unus ex duóbus, qui audierant a Ioánnē, et secúti fúerant eum. Invénit hic primum fratrem suum Simónem, et dicit ei: Invénimus Messíam (quod est interpretátum Christus). Et addúxit eum ad Iesum. Intúitus autem eum Iesus, dixit: Tu es Simon, filius Iona; tu vocáberis Cephas, quod interpretátur Petrus. In crástinum vóluit exíre in Galilæam, et invénit Philíppum. Et dicit ei Iesus: Séquere me. Erat autem Philíppus a Bethsáida, civitáte Andréæ et Petri. Invénit Philíppus Nathánaël, et dicit ei: Quem scripsit Móyses in lege, et prophétæ, invénimus Iesum filium Ioseph a Nazareth. Et dixit ei Nathánaël: A Nazareth potest áliquid boni esse? Dicit ei Philíppus: Veni et vide. Vidit Iesus Nathánaël veniéntem ad se, et dicit de eo: Ecce vere Israélita, in quo dolus non est. Dicit ei Nathánaël: Unde me nosti? Respóndit Iesus, et dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israël. Respóndit Iesus, et dixit ei: Quia dixi tibi: Vidi te sub ficu, credis: maius his vidébis. Et dicit ei: Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hóminis.

Antiphona ad Offertorium

Ps. 15, 5

Dóminus pars hereditátis meæ et cálicis mei: tu es qui restitues hereditátem meam mihi. **(T. P. Allelúia.)**

Secreta

Munus quod offérimus, Dómine, vitále pópulo tuo pérfice sacraméntum; ut in circúitu mensæ tuæ preces et hóstias multiplicáti tibi minístri committant. Per Dñ.

Antiphona ad Communionem**Ps. 65, 16**

Veníte, audíte, et narrábo, omnes qui timétis Deum, quanta fecit ánimæ meæ. (T. P. Allelúia.)

Postcommunio

Caeléstibus repléti mystériis, quæsumus, omnípotens Deus: ut miníistros tuos et número áugeas et caritáte sanctífices. Per Dóminum.

16. AD VOCATIONES ECCLESIASTICAS SERVANDAS*In hac Missa adhibetur color albus.***Antiphona ad Introitum****Ps. 104, 3-4**

Lætétur cor quæréntium Dóminum: quærite Dóminum et confirmámini: quærite fáciem eius semper. (T. P. Allelúia, allelúia.) **Ps. ibid., 1** Confitémini Dómino et invocáte nomen eius: annuntiáte inter gentes ópera eius. **V.** Glória Patri. **L**ætétur.

Oratio

Excita, Dómine, in Ecclésia tua spíritum pietátis et fortitúdinis; qui dignos altáribus tuis miníistros, et verbi tui strénuos assertóres effíciat. Per Dóminum.

Léctio Epístolæ beáti Ioánnis Apóstoli.

I Ioann. 2, 14-17

Caríssimi: Scribo vobis, iúvenes, quóniam fortes estis, et ver-

bum Dei manet in vobis, et vicístis malignum. Nolíte diligere mundum, neque ea quæ in mundo sunt. Si quis diligit mundum, non est caritas Patris in eo: quóniam omne quod est in mundo, concupiscéntia carnis est, et concupiscéntia oculórum, et supérbia vitæ: quæ non est ex Patre, sed ex mundo est. Et mundus transit et concupiscéntia eius. Qui autem facit voluntátem Dei, manet in ætérnum.

Graduale Ps. 72, 24 et 1 Tenuísti manum dexteram meam, et in voluntáte tua deduxisti me, et cum glória suscepisti me. **V.** Quam bonus Israël Deus, his qui recto sunt corde!

Allelúia, allelúia. **V. Ps. 51, 10** Ego sicut olíva fructífera in domo Dei; sperávi in misericórdia Dei in ætérnum et in sæculum sæculi. Allelúia.

Post Septuagesimam, omissis Allelúia et versu sequenti, dicitur:

Tractus Ps. 23, 3-5 Quis ascendet in montem Dómini, aut quis stabit in loco sancto eius? **V.** Innocens manibus et mundo corde, qui non accépit in vano ánimam suam, nec iurávit in dolo próximo suo. **V.** Hic accípiet benedictiónem a Dómino, et misericórdiam a Deo salutári suo.

Tempore autem paschali omittitur graduale, et eius loco dicitur:

Allelúia, allelúia. **V. Ps. 51, 10** Ego sicut olíva fructífera in domo Dei; sperávi in misericórdia Dei in ætérnum et in sæculum sæculi. Allelúia. **V. Ps. 65, 16** Veníte, audíte, et narrábo, omnes qui timétis Deum, quanta fecit ánimæ meæ. Allelúia.

✠ Sequéntia sancti Evangélii
secúndum Ioánnem.

Ioann. 15, 1-9

In illo témpore: Dixit Iesus discí-
pulis suis: Ego sum vitis vera:
et Pater meus agrícola est. Omnem
pálmitem in me non feréntem fruc-
tum tollet eum: et omnem, qui fert
fructum, purgábit eum, ut fructum
plus áfferat. Iam vos mundi estis
propter sermónem, quem locútus
sum vobis. Manéte in me: et ego in
vobis. Sicut palmes non potest
ferre fructum a semetípso, nisi
mánserit in vite: sic nec vos, nisi
in me manséritis. Ego sum vitis,
vos pálmities: qui manet in me, et
ego in eo, hic fert fructum multum;
quia sine me nihil potéstis fácere.
Si quis in me non mánserit, mitté-
tur foras sicut palmes, et aréscet,
et cólligent eum, et in ignem mit-
tent, et ardet. Si manséritis in me,
et verba mea in vobis mánserint:
quodcúmque voluéritis petétis, et
fiet vobis. In hoc clarificátus est
Pater meus, ut fructum plúrimum
afferátis, et efficiámini mei discí-
puli. Sicut diléxit me Pater, et ego
diléxi vos. Manéte in dilectióne
mea.

Antiphona ad Offertorium

Ps. 91, 2

Bonum est confitéri Dómino, et
psállere nómini tuo, Altíssime.
(T. P. Allelúia.)

Secreta

Plebis tuæ, quæsumus, Dómine,
preces et múnera benígnus in-
ténde; ut dispensatóres mysterió-
rum tuórum multiplicéntur, et in
amóre tuo iúgiter perseverént. Per
Dóminum.

Antiphona ad Communionem

Ioann. 17, 11 et 17

Pater sancte, conserva eos in nó-
mine tuo, quos dedísti mihi, ut sint
unum, sicut et nos: sanctífica eos
in veritáte. (T. P. Allelúia.)

Postcommunio

Fac nos, quæsumus, Dómine, re-
censítis mystériis respiráre; et
quos minístros Redemptiónis elé-
geris, imménsæ tuæ caritáti pura
mente servíre. Per Dóminum.

17. AD VOCATIONES
RELIGIOSAS PETENDAS
ET FOVENDAS

In hac Missa adhibetur color albus.

Antiphona ad Introitum

Ps. 79, 15-16

Réspice de cælo et vide, et vísita
víneam istam: et pérfice eam;
quam plantávit dextera tua.
(T. P. Allelúia, allelúia.) Ps. *ibid.* 2
Qui regis Israël, inténde, qui de-
dúcis velut ovem Ioseph. V. Glória
Patri. **R**éspice.

Oratio

Famíliam tuam, quæsumus, Dó-
mine, propítius réspice et nova
prole semper amplífica: ut et filios
suos ad propósitam sanctitátem
perducere, et aliórum salútem ef-
ficáciter váleat procuráre. Per Dñ.

Léctio Epístolæ beáti Pauli Apó-
stoli ad Ephésios 4, 1-6; 23-24

Fratres: Obsecro vos ego víctus
in Dómino, ut digne ambulétis
vocatione, qua vocáti estis, cum
omni humilitáte, et mansuetúdine,
cum paciéntia, supportántes invi-
cem in caritáte, sollíciti serváre

unitatem spiritus in vinculo pacis. Unum corpus et unus spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis. Renovamini autem spiritu mentis vestrae, et induite novum hominem, qui secundum Deum creatus est in iustitia et sanctitate veritatis.

Graduale Ps. 99, 2-3 Servite Domino in laetitia, introite in conspectum eius in exultatione. *Ps.* Scitote quoniam Dominus ipse est Deus, ipse fecit nos et non ipsi nos.

Allelúia, allelúia. *Ps. 113, 15* Benedicti vos a Domino, qui fecit caelum et terram. Allelúia.

Post Septuagesimam, omissis Allelúia et versu sequenti, dicitur:

Tractus Ps. 121, 6, 8-9 Rogate quae ad pacem sunt Ierusalem, et abundantia diligentibus te. *Ps.* Propter fratres meos et proximos meos loquebar pacem de te. *Ps.* Propter domum Domini Dei nostri quaesivi bona tibi.

Tempore autem paschali omittitur graduale, et eius loco dicitur:

Allelúia, allelúia. Benedicti vos a Domino, qui fecit caelum et terram. Allelúia. *Ps. 32, 12* Beata gens, cuius est Dominus Deus, populus quem elegit in hereditatem sibi. Allelúia.

✠ Sequentia sancti Evangelii
secundum Lucam

Luc. 9, 57-62

In illo tempore: Ambulantibus discipulis in via, dixit quidam ad Iesum: Sequar te quocumque feris. Dixit illi Iesus: Vulpes foveas

habent, et volucres caeli nidos; Filius autem hominis non habet ubi caput reclinet. Ait autem ad alterum: Sequere me. Ille autem dixit: Domine, permitte mihi primum ire, et sepelire patrem meum. Dixitque ei Iesus: Sine ut mortui sepeliant mortuos suos; tu autem vade, et annuntia regnum Dei. Et ait alter: Sequar te, Domine, sed permitte mihi primum renuntiare his quae domi sunt. Ait ad illum Iesus: Nemo mittens manum suam ad aratrum, et respiciens retro, aptus est regno Dei.

Antiphona ad Offertorium

Ps. 42, 4

Introibo ad altare Dei: ad Deum qui laetificat iuventutem meam. *(T. P. Allelúia.)*

Secreta

Sacrificium nostrae devotionis, quod tibi, Domine, offerimus, benignus assume; ut familia tua fideliter tibi servire mereatur, et nova semper accipiat incrementa. Per Dominum.

Antiphona ad Communionem

Ps. 132, 1 et 3

Ecce quam bonum et quam iucundum habitare fratres in unum; quoniam illic mandavit Dominus benedictionem. *(T. P. Allelúia.)*

Postcommunio

Huius, Domine, virtute sacramenti, da nobis, quaesumus, perseverantem in tua voluntate famulatum; ut in diebus nostris, et merito et numero, familia tibi serviens augeatur. Per Dominum.

18. PRO FIDEI PROPAGATIONE

Antiphona ad Introitum

Ps. 66, 2-3

Deus misereatur nostri, et benedícat nobis: illúminet vultum suum super nos, et misereatur nostri: ut cognoscámus in terra viam tuam, in ómnibus géntibus salutáre tuum. (T. P. Allelúia, allelúia.) Ps. *ibid.*, 4 Confiteántur tibi pópuli, Deus: confiteántur tibi pópuli omnes. *℣.* Glória Patri. Deus.

Oratio

Deus, qui omnes hómines vis salvos fieri, et ad agnitióem veritátis veníre: mitte, quæsumus, operários in messem tuam, et da eis cum omni fidúcia loqui verbum tuum; ut sermo tuus currat et clarificétur, et omnes gentes cognóscant te solum Deum verum, et quem misísti Iesum Christum Fílium tuum, Dóminum nostrum: Qui tecum vivit.

Lectio libri Sapiéntiæ

Eccli. 36, 1-10 et 17-19

Miserere nostri, Deus ómnium, et respice nos, et osténde nobis lucem miseratiónum tuárum: et immitte timórem tuum super gentes, quæ non exquisiérunt te, ut cognóscant quia non est Deus nisi tu, et enárrent magnália tua. Alleva manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabilia. Glorífica manum, et bráchium dextrum. Excita furórem, et

effúnde iram. Tolle adversárium, et afflíge inimicum. Festína tempus, et meménto finis, ut enárrent mirabilia tua. Da testimónium his, qui ab inítio creatúræ tuæ sunt, et súscita prædicatiónes, quas locúti sunt in nómine tuo prophétæ prióres. Da mercédem sustinentibus te, ut prophétæ tui fidéles inveniántur: et exáudi oratiónes servórum tuórum, secúndum benedictiónem Aaron de pópulo tuo, et dirige nos in viam iustítiæ, et sciant omnes, qui hábitant terram, quia tu es Deus conspéctor sæculórum.

Graduale Ps. 66, 6-8 Confiteántur tibi pópuli, Deus: confiteántur tibi pópuli omnes: terra dedit fructum suum. *℣.* Benedícat nos Deus, Deus noster, benedícat nos Deus: et métuant eum omnes fines terræ.

Allelúia, allelúia. *℣.* Ps. 99, 1 Iubiláte Deo, omnis terra: servíte Dómino in lætítia: introíte in conspéctu eius, in exsultatióne. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 95, 3-5 Annuntiáte inter gentes glóriam Dómini, in ómnibus pópulis mirabilia eius. *℣.* Quóniam magnus Dóminus et laudábilis nimis: terríbilis est super omnes deos. *℣.* Quóniam omnes dii géntium dæmónia: Dóminus autem cælos fecit.

Tempore autem paschali omittitur graduale, et eius loco dicitur:

Allelúia, allelúia. *℣.* Ps. 99, 1-2 Iubiláte Deo, omnis terra: servíte Dómino in lætítia: introíte in conspéctu eius in exsultatióne. Allelúia. *℣.* Scitóte quóniam Dóminus ipse est Deus: ipse fecit nos, et non ipsi nos. Allelúia.

✠ Sequéntia sancti Evangélii
secúndum Matthæum

Matth. 9, 35-38

In illo témpore: Circuibat Iesus omnes civitates et castélla, docens in synagógis eórum, et prædicans Evangélium regni, et curans omnem languórem et omnem infirmitátem. Videns autem turbas, misértus est eis: quia erant vexáti, et iacéntes sicut oves non habéntes pastórem. Tunc dicit discíplis suis: Messis quidem multa, operárii autem pauci. Rogáte ergo Dóminum messis, ut mittat operários in messem suam.

Antiphona ad Offertorium

Ps. 95, 7-9

Afférte Dómino, pátriæ géntium, afférte Dómino glóriam et honórem, afférte Dómino glóriam nómini eius: tollite hóstias, et introíte in átria eius: adoráte Dóminum in átrio sancto eius. (T. P. Allelúia.)

Secreta

Protéctor noster, áspice, Deus, et réspice in fáciem Christi tui, qui dedit redemptionem semetípsum pro ómnibus: et fac; ut ab ortu solis usque ad occásum magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúndem Dóminum.

Antiphona ad Communionem

Ps. 116, 1-2

Laudáte Dóminum, omnes gentes: laudáte eum, omnes pópuli: quóniam confirmáta est super nos misericórdia eius, et véritas Dómini manet in ætérnum. (T. P. Allelúia.)

Postcommunio

Redemptionis nostræ múnere vegetáti: quæsumus, Dómine; ut hoc perpétuæ salútis auxílio, fides semper vera proficiat. Per Dóminum nostrum.

¶ **Item alia Epistola:**

Léctio Epístolæ beáti Pauli
Apóstoli ad Timótheum

1 Tim. 2, 1-7

Obsecro primum ómnium fieri obsecrationes, orationes, postulationes, gratiarum actiones, pro ómnibus homínibus: pro régibus et ómnibus qui in sublimitáte sunt, ut quiétam et tranquíllam vitam agámus, in omni pietáte, et castitáte: hoc enim bonum est, et accéptum coram Salvatóre nostro Deo, qui omnes hómines vult salvos fieri, et ad agnitióem veritátis venire. Unus enim Deus, unus et mediátor Dei et hóminum, homo Christus Iesus: qui dedit redemptionem semetípsum pro ómnibus, testimónium tempóribus suis: in quo póstus sum ego prædicátor et apóstolus (veritátem dico, non méntior), doctor géntium in fide et veritáte.

**19. PRO ECCLESIAE
DEFENSIONE**

Antiphona ad Introitum

Ps. 43, 23-24 et 25-26

Exsúrge, quare obdórmis, Dómine? exsúrge, et ne repéllas in finem: quare fáciem tuam avértis? oblivísceris tribulationem nostram? Adhæsit in terra venter noster: exsúrge, Dómine, ádiuva nos, et libera nos. (T. P. Allelúia, allelúia.) Ps. *ibid*, 2 Deus, áuribus nostris audívimus: patres nostri annuntiavérunt nobis. V. Glória Patri. Exsúrge.

Oratio

Omnípotens sempitérne Deus, in cuius manu sunt ómnium potestátes et ómnium iura regnórum: réspice in auxílium Christianórum; ut gentes paganórum, quæ in sua feritáte confidunt, dexteræ tuæ poténtia conterántur. Per Dóminum.

Lectio libri Esther

Esth. 13, 8-11 et 15-17

In diébus illis: Orávit Mardocheús ad Dóminum, dicens: Dómine, Dómine Rex omnípotens, in ditióne enim tua cuncta sunt pósita, et non est qui possit tuæ resistere voluntáti, si decreveris salváre Israël. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ. Et nunc, Dómine Rex, Deus Abraham, miserére pópuli tui, quia volunt nos inimíci nostri pérdere, et hereditátem tuam delére. Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale Ps. 82, 19 et 14 Sciant gentes, quóniam nomen tibi Deus: tu solus Altíssimus super omnem terram. *Ps.* Deus meus, pone illos ut rotam, et sicut stípulam ante faciém venti.

Allelúia, allelúia. *Ps. 79, 3* Excita, Dómine, poténtiam tuam, et veni: ut salvos fácias nos. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 78, 9-11 Adiuva nos, Deus salutáris noster: et propter

honórem nóminis tui, Dómine, líbera nos: et propítius esto peccátis nostris, propter nomen tuum. *Ps.* Ne quando dicant gentes: Ubi est Deus eórum? et innotéscat in natió nibus coram óculis nostris. *Ps.* Víndica sánguinem servórum tuórum, qui effúsus est: intret in conspéctu tuo gémitus compeditórum.

Tempore autem paschali omittitur graduale, et eius loco dicitur:

Allelúia, allelúia. *Ps. 79, 3* Excita, Dómine, poténtiam tuam, et veni: ut salvos fácias nos. Allelúia. *Ps. Ibid., 15-16* Deus virtútum convértere, réspice de cælo, et vide, et visita víneam istam: et pérfice eam, quam plantávit dextera tua. Allelúia.

✠ Sequéntia sancti Evangélii
secúndum Lucam

Luc. 11, 5-13

In illo témpore: Dixit Iesus discí-pulis suis: Quis vestrum habébit amicum, et ibit ad illum média nocte, et dicet illi: Amíce, cómoda mihi tres panes, quóniam amícus meus venit de via ad me, et non hábeo, quod ponam ante illum: et ille deíntus respóndens, dicat: Noli mihi moléstus esse, iam óstium clausum est, et púeri mei mecum sunt in cubíli, non possum súrgere, et dare tibi. Et si ille perseveráverit pulsans: dico vobis, et si non dabit illi surgens eo quod amícus eius sit, propter improbitátem tamen eius surget, et dabit illi quotquot habet necessários. Et ego dico vobis: Pé-tite, et dábitur vobis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, ínvenit: et pulsánti aperiétur. Quis autem ex vobis patrem petit panem: numquid lápidem dabit illi? Aut piscem: num-

quid pro pisce serpéntem dabit illi? Aut si petierit ovum: numquid pórriget illi scorpiónem? Si ergo vos cum sitis mali, nostis bona data dare fíliis vestris: quanto magis Pater vester de cælo dabit spíritum bonum peténtibus se?

Antiphona ad Offertorium

Ps. 17, 28 et 32

Pópulum húmilem salvum fácies: et óculos superbórum humiliábis: quóniam quis Deus præter te, Dómine? (T. P. Allelúia.)

Secreta

Sacrificium, Dómine, quod immolámus, inténde: ut propugnatóres tuos ab omni éruas paganórum nequítia, et in tuæ protectiónis securitáte constítuas. Per Dominum.

Antiphona ad Communionem

Ps. 118, 81, 84 et 86

In salutári tuo ánima mea, et in verbum tuum sperávi: quando fácies de persecuéntibus me iudícium? Iníqui persecúti sunt me, ádiuva me, Dómine Deus meus. (T. P. Allelúia.)

Postcommunio

Protéctor noster, áspice, Deus: et propugnatóres tuos a paganórum defénde perículis; ut, omni perturbatióne submóta liberis tibi méntibus desérviant. Per Dóminum.

20. PRO ECCLESIAE UNITATE

Antiphona ad Introitum

Ps. 105, 47

Salvos nos fac, Dómine Deus noster, et cógrega nos de natió nibus: ut confiteámur nómini sancto tuo, et gloriémur in

laude tua. (T. P. Allelúia, allelúia.)
Ps. ibid., 1 Confitémini Dómino, quóniam bonus: quóniam in sæculum misericórdia eius. **V.** Glória Patri. **Salvos.**

Oratio

Deus, qui erráta córrigis, et dispérsa cóngregas, et congregáta consérvas: quæsumus, super pópulum christiánum tuæ uniónis grátiam cleménter infúnde; ut, divisióne reiécta, vero pastóri Ecclésiæ tuæ se úniens, tibi digne váleat famulári. Per Dóminum.

Léctio Epístolæ beáti Pauli Apóstoli ad Ephésios

Ephes. 4, 1-7 et 13-21

Fratres: Obsecro vos, ut digne ambulétis vocatióne qua vocáti estis, cum omni humilitáte, et mansuetúdine, cum paciéntia, supportántes invicem in caritáte, solíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Unicuíque autem nostrum data est grátia secúndum mensúram donatiónis Christi: donec occurrámus omnes in unitátem fidei, et agnitiónis Fílii Dei, in virum perféctum, in mensúram ætátis plenitúdinis Christi: ut iam non simus párvuli fluctuántes, et circumferámur omni vento doctrinæ in nequítia hóminum, in astútia ad circumventiόνem erróris. Veritátem autem faciéntes in caritáte, crescámus in illo per ómnia, qui

est caput Christus: ex quo totum corpus compáctum et connéxum per omnem iunctúram subministratiónis, secúndum operatiónem in mensúram uniuscuiúsque membri, augméntum córporis facit in ædificatiónem sui in caritaté. Hoc igitur dico, et testíficor in Dómino, ut iam non ambulétis, sicut et gentes ámbulant in vanitaté sensus sui, ténebris obscurátum habéntes intelléctum, alienáti a vita Dei per ignorántiam quæ est in illis, propter cæcitatém cordis ipsórum, qui desperántes, semetípsos tradidérunt impudicítiæ, in operatiónem immundítiæ omnis, in avarítiam. Vos autem non ita didicístis Christum: si tamen illum audístis, et in ipso edócti estis, sicut est véritas in Christo Iesu, Dómino nostro.

Graduale Ps. 121, 6-7 Rogáte quæ ad pacem sunt Ierúsalem: et abundántia diligéntibus te. **V.** Fiat pax in virtúte tua: et abundántia in túrribus tuis.

Allelúia, allelúia. **V. Ps. 147, 12** Lauda, Ierúsalem, Dóminum: lauda Deum tuum, Sion. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 75, 2-4 Notus in Iudæa Deus, in Israël magnum nomen eius. **V.** Et factus est in pace locus eius, et habitatio eius in Sion. **V.** Ibi confrégit poténtias árcuum, scutum, gládium, et bellum.

Tempore autem paschali omittitur graduale, et eius loco dicitur:

Allelúia, allelúia. **V. Ps. 147, 12** Lauda, Ierúsalem, Dóminum: lauda Deum tuum, Sion. Allelúia. **V. Ibid., 14** Qui pósuit fines tuos pacem, et ádipe fruménti sátiat te. Allelúia.

✠ Sequéntia sancti Evangélii secúndum Ioánnem

Ioann. 17, 1 et 11-23

In illo témpore: Sublevátis Iesus óculis in cælum, dixit: Pater sancte, serva eos in nómine tuo, quos dedísti mihi: ut sint unum, sicut et nos. Cum essem cum eis, ego servábam eos in nómine tuo. Quos dedísti mihi, custodívi: et nemo ex eis périit, nisi fílius perditiónis, ut Scriptúra impleátur. Nunc autem ad te vénio: et hæc loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo, ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctifica eos in veritaté. Sermo tuus véritas est. Sicut tu me misísti in mundum, et ego misi eos in mundum. Et pro eis ego sanctifico meípsum, ut sint et ipsi sanctificáti in veritaté. Non pro eis autem rogo tantum, sed et pro eis, qui creditúri sunt per verbum eórum in me: ut omnes unum sint, sicut tu, Pater, in me, et ego in te, ut et ipsi in nobis unum sint: ut credat mundus, quia tu me misísti. Et ego claritatém, quam dedísti mihi, dedi eis, ut sint unum, sicut et nos unum sumus. Ego in eis, et tu in me, ut sint consummáti in unum.

Antiphona ad Offertorium

Rom. 15, 5-6

Det vobis Deus idípsum sápere in altérutrum: ut unánimes uno ore honorificétis Deum nostrum. **(T. P. Allelúia.)**

Secreta

Múnera hæc pro unióne pópuli christiáni tibi, Dómine, obláta sanctífica: per quæ unitátis et pacis in Ecclésia tua nobis dona concédas. Per Dóminum.

Antiphona ad Communionem

1 Cor. 10, 17

Unus panis, et unum corpus multi sumus, omnes qui de uno pane et de uno cálice participámus. (T. P. Allelúia.)

Postcommunio

Hæc tua, Dómine, sumpta sacra commúnio: sicut fidélium in te uniónem præsignat; sic in tua Ecclésia unitátis, quæsumus, operétur efféctum. Per Dóminum.

21. TEMPORE BELLII

Antiphona ad Introitum

Ps. 24, 6, 3 et 22

Reminíscere miseratiónum tuárum, Dómine, et misericórdiæ tuæ, quæ a sæculo sunt: ne umquam dominéntur nobis inimíci nostri: libera nos, Deus Israël, ex ómnibus angústiiis nostris. (T. P. Allelúia, allelúia.) Ps. *ibid.*, 1-2 Ad te, Dómine, levávi animam meam: Deus meus, in te confído, non erubéscam. *Ps.* Glória Patri. Reminíscere.

Oratio

Deus, qui cónteris bella, et impugnatóres in te sperántium poténtia tuæ defensiónis expúgnas: auxiliáre fámulis tuis, implorántibus misericórdiam tuam; ut, inimicórum suórum feritáte depréssa, incessábili te gratiárum actióne laudémus. Per Dóminum.

Léctio Ieremíæ Prophétæ

Ierem. 42, 1, 2 et 7-12

In diébus illis: Accessérunt omnes príncipes bellatórum: dixerúntque ad Ieremíam prophétam: Ora pro nobis ad Dóminum Deum tuum. Et factum est verbum Dómini ad Ieremíam. Vocavítque omnes príncipes bellatórum, et univérsum pópulum a mínimo usque ad magnum. Et dixit ad eos: Hæc dicit Dóminus Deus Israël, ad quem misístis me, ut prostérnerem preces vestras in conspéctu eius: Si quiescéntes manséritis in terra hac, ædificábo vos, et non déstruam; plantábo, et non evéllam: iam enim placátus sum super malo, quod feci vobis. Nolíte timére a fácie regis Babylónis, quem vos pávidi formidátis; nolíte metúere eum, dicit Dóminus: quia vobíscum sum ego, ut salvos vos fáciam, et éruam de manu eius. Et dabo vobis misericórdias, et miserébor vestri, et habitáre vos fáciam in terra vestra: dicit Dóminus omnípotens.

Graduale Ps. 76, 15-16 Tu es Deus, qui facis mirabília solus: notam fecísti in géntibus virtútem tuam. *Ps.* Liberásti in brácchio tuo pópulum tuum, filios Israël et Ioseph.

Allelúia, allelúia. *Ps.* Eripe me de inimícis meis, Deus meus: et ab insurgéntibus in me libera me. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. *Ps.* Dómine, ne memínris iniquitátum nostrárum antiquárum: cito antícipent nos misericór-

diæ tuæ, quia páuperes facti sumus nimis. **℣.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 58, 2** Eripe me de inimícis meis, Deus meus: et ab insurgéntibus in me libera me. Allelúia. **℣. Ibid., 17** Ego autem cantábo fortitúdinem tuam: et exultábo mane misericórdiam tuam. Allelúia.

✠ Sequéntia sancti Evangélíi
secúndum Matthæum

Matth. 24, 3-8

In illo témpore: Accessérunt ad Iesum discípuli secréto, dicéntes: Dic nobis, quando hæc erunt? et quod signum advéntus tui, et consummationis sǎculi? Et respóndens Iesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis próelia, et opiniónes proeliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum.

Antiphona ad Offertorium

Ps. 17, 28 et 32

Pópulum húmilem salvum fácies, Dómine, et óculos superbórum humiliábis: quóniam quis Deus præter te, Dómine? **(T. P. Allelúia.)**

Secreta

Sacrificium, Dómine, quod immolámus, inténde placátus: ut ab omni nos éruat bellórum nequítia, et in tuæ protectionis securitáte constituat. Per Dóminum.

Antiphona ad Communionem

Ps. 30, 3

Inclína aurem tuam: accélera, ut erípias nos. **(T. P. Allelúia.)**

Postcommunio

Deus, regnórum ómnium regúm-
que dominátor, qui nos et percutiéndó sanas, et ignoscéndó consérvas: præténde nobis misericórdiam tuam; ut tranquillitáte pacis, tua potestáte serváta, ad remédia correctiónis utámur. Per Dóminum.

22. PRO PACE

Antiphona ad Introitum

Eccli. 36, 18

Da pacem, Dómine, sustinéntibus te, ut prophétæ tui fidéles inveniántur: exáudi preces servi tui, et plebis tuæ Israél. **(T. P. Allelúia, allelúia.) Ps. 121, 1** Lætátus sum in his, quæ dicta sunt mihi: in domum Dómini íbimus. **℣.** Glória Patri. **Da pacem.**

Oratio

Deus, a quo sancta desidéria, recta consília et iusta sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et, hóstium subláta formídine, témpora sint, tua protectione, tranquilla. Per Dóminum.

Lectio libri Machabæorum

2 Mach. 1, 1-5

Fratribus, qui sunt per Ægyptum, Iudæis, salutem dicunt fratres, qui sunt in Ierosólymis, Iudæi, et qui in regione Iudææ, et pacem bonam. Benefáciat vobis Deus, et memínerit testaménti sui, quod locútus est ad Abraham, et Isaac, et Iacob, servórum suórum fidélium: et det vobis cor ómnibus ut colátis eum, et faciátis eius voluntátem, corde magno, et ánimo volénti. Adapériat cor vestrum in lege sua, et in præcéptis suis, et faciát pacem. Exáudiat oratiónes vestras, et reconciliétur vobis, nec vos déserat in témpore malo, Dóminus Deus noster.

Graduale Ps. 121, 6-7 Rogáte quæ ad pacem sunt Ierúsalem: et abundántia diligéntibus te. **℣.** Fiat pax in virtúte tua, et abundántia in túrribus tuis.

Allelúia, allelúia. **℣. Ps. 147, 12** Lauda, Ierúsalem, Dóminum: lauda Deum tuum, Sion. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 75, 2-4 Notus in Iudæa Deus, in Israél magnum nomen eius. **℣.** Et factus est in pace locus eius, et habitatio eius in Sion. **℣.** Ibi confrégit poténtias árcuum, scutum, gládium, et bellum.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 147, 12** Lauda, Ierúsalem, Dóminum: lauda Deum tuum, Sion. Allelúia. **℣. Ibid., 14** Qui pósuit fines tuos pacem, et ádipe fruménti sátiat te. Allelúia.

✠ Sequéntia sancti Evangélii
secúndum Ioánnem

Ioann. 20, 19-23

In illo témpore: Cum sero esset die illo, una sabbatórum, et fores essent clausæ, ubi erant discípuli congregáti propter metum Iudæórum: venit Iesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discípuli, viso Dómino. Dixit ergo eis iterum: Pax vobis. Sicut misit me Pater, et ego mitto vos. Hæc cum dixisset, insufflávít, et dixit eis: Accípíte Spíritum Sanctum: quórum remisérítis peccáta, remittúntur eis: et quorum retinuérítis, reténta sunt.

Antiphona ad Offertorium

Ps. 134, 3 et 6

Laudáte Dóminum, quia benígnus est: psállite nómini eius, quóniam suávis est: ómnia quæcúmque vóluit, fecit in cælo et in terra. **(T. P. Allelúia.)**

Secreta

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscípere; ut pax a tua pietáte concéssa, christianórum fines ab omni hoste faciát esse secúros. Per Dóminum.

Antiphona ad Communionem

Ioann. 14, 27

Pacem relínquo vobis: pacem meam do vobis, dicit Dóminus. **(T. P. Allelúia.)**

Postcommunio

Deus, auctor pacis et amátor, quem nosse vívere, cui servíre regnáre est: prótege ab ómnibus impugnatió nibus súplices

tuos; ut, qui in defensione tua confidimus, nullius hostilitatis arma timeamus. Per Dóminum.

23. TEMPORE MORTALITATIS

Antiphona ad Introitum

2 Reg. 24, 16

Recordáre, Dómine, testaménti tui, et dic Angelo percutiénti: Cesset iam manus tua, et non desolétur terra, et ne perdas omnem ánimam vivéntem. (T. P. Allelúia, allelúia.) **Ps. 79, 2** Qui regis Israël, inténde: qui dedúcis, velut ovem, Ioseph. **V.** Glória Patri. **R**ecordáre, Dómine.

Oratio

Deus, qui non mortem, sed pæniténtiam desíderas peccatórum: pópulum tuum ad te reverténtem propítius réspice; ut, dum tibi devótus exsístit, iracúndiæ tuæ flagélla ab eo cleménter amóveas. Per Dóminum.

Léctio libri Regum

2 Reg. 24, 15-19 et 25

In diébus illis: Immísit Dóminus pestiléntiam in Israël, de mane usque ad tempus constitútum, et mórtui sunt ex pópulo, a Dan usque ad Bersabée, septuaginta míllia virórum. Cumque extendísset manum suam Angelus Dómini super Ierúsalem, ut dispérderet eam, misértus est Dóminus super afflictiónem, et ait Angelo percutiénti pópulum: Súfficit: nunc cóntine manum tuam. Erat autem Angelus Dómini iuxta áream Aréuna Iebusæi. Dixítque David ad Dóminum, cum vidísset Angelum cædéntem pópulum: Ego sum qui peccávi, ego iníque egi: isti, qui oves sunt, quid

fecérunt? Vertátur, óbsecro, manus tua contra me, et contra domum patris mei. Venit autem Gad prophéta ad David in die illa, et dixit ei: Ascénde, et constítue altáre Dómino in área Aréuna Iebusæi. Et ascéndit David iuxta sermónem Gad, quem præcéperat ei Dóminus. Et ædificávit altáre Dómino, et óbtulit holocáusta et pacífica: et propitiátus est Dóminus terræ, et cohibita est plaga ab Israël.

Graduale Ps. 106, 20-21 Misit Dóminus verbum suum, et sanávit eos: et erípuit eos de morte eórum. **V.** Confiteántur Dómino misericórdiæ eius: et mirabília eius filiis hóminum.

Allelúia, allelúia. **V. Ps. 68, 2** Salvum me fac, Deus, quóniam intravérunt aquæ usque ad ánimam meam. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memínaris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **V.** Adiuva nos, Deus salutáris noster: et propter glóriam nóminis tui, Dómine, libera nos, et propítius esto peccátis nostris, propter nomen tuum.

Tempore autem paschali omittitur graduale, et eius loco dicitur:

Allelúia, allelúia. **V. Ps. 68, 2** Salvum me fac, Deus, quóniam intravérunt aquæ usque ad ánimam meam. Allelúia. **V. Zach. 8, 7 et 8** Salvábo pópulum meum Israël in die malo, et ero eis in Deum, in veritáte et iustítia. Allelúia.

✠ Sequéntia sancti Evangélíi
secúndum Lucam

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et contínuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia a multis, clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egrés-sus ibat in desértum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia ideo missus sum. Et erat prædicans in synagógis Galilææ.

Antiphona ad Offertorium

Num. 16, 48

Stetit póntifex inter mórtuos et vivos, habens thuríbulum áureum in manu sua: et ófferens incénsi sacrificium, placávit iram Dei, et cessávit quassátio a Dómino. (T. P. Allelúia.)

Secreta

Subvéniat nobis, quæsumus, Dómine, sacrificii præsentis oblátio: quæ nos et ab erróribus univérsis poténter absólvat, et a totíus erípiat perditionis incúrsu. Per Dóminum.

Antiphona ad Communionem

Luc. 6, 17, 18 et 19

Multitúdo languéntium, et qui vexabántur a spirítibus immúndis, veniébant ad eum: quia virtus de illo exíbat, et sanábat omnes. (T. P. Allelúia.)

Postcommunio

Exáudi nos, Deus salutáris noster: et pópulum tuum ab iracúndiæ tuæ terróribus líberum, et misericórdiæ tuæ fac largitáte secúrum. Per Dóminum.

24. PRO REMISSIONE
PECCATORUM

Antiphona ad Introitum

Sap. 11, 24, 25 et 27

Miseréris ómnium, Dómine, et nihil odísti eórum, quæ fecísti: dissímulans peccáta hóminum propter pæniténtiam, et parcens illis: quia tu es Dóminus Deus noster. (T. P. Allelúia, allelúia.) Ps. 56, 2 Miserére mei, Deus, miserére mei: quóniam in te confidit ánima mea. V. Glória Patri. Miseréris.

Oratio

Exáudi, quæsumus, Dómine, supplicum preces, et confiténtium tibi parce peccátis: ut páriter nobis indulgéntiam tríbuas benígnus, et pacem. Per Dóminum.

Léctio Epístolæ beáti Pauli
Apóstoli ad Romános

Rom. 7, 22-25

Fratres: Condeléctor legi Dei secúndum interiórem hóminem: vídeo autem áliam legem in membris meis, repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit

de corpore mortis huius? Grátia Dei per Iesum Christum Dóminum nostrum.

Graduale Ps. 78, 9-10 Propítius esto, Dómine, peccátis nostris, ne quando dicant gentes: Ubi est Deus eórum? **V. Ibid., 9** Adiuva nos, Deus salutáris noster: et propter honórem nóminis tui, Dómine, líbera nos.

Allelúia, allelúia. **V. Ps. 7, 12** Deus iudex iustus, fortis et pátiens: numquid irascétur per síngulos dies? Allelúia.

Post Septuagesimam, omissis Allelúia, et versu sequenti, dicitur:

Tractus Ps. 129, 1-4 De profúndis clamávi ad te, Dómine: Dómine, exáudi vocem meam. **V.** Fiant aures tuæ intendéntes in oratiónem servi tui. **V.** Si iniquitátes observáveris, Dómine: Dómine, quis sustinébit? **V.** Quia apud te propitiátio est: et propter legem tuam sustínui te, Dómine.

Tempore autem paschali omittitur graduale, et eius loco dicitur:

Allelúia, allelúia. **V. Ps. 7, 12** Deus iudex iustus, fortis et pátiens: numquid irascétur per síngulos dies? Allelúia. **V. Ps. 50, 10** Audítui meo dabis gáudium, et lætítiam: et exultábunt ossa humiliáta. Allelúia.

✠ Sequéntia sancti Evangélíi
secúndum Lucam

Luc. 11, 9-13

In illo témpore: Dixit Iesus discí-pulis suis: Pétite, et dábitur vobis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, invenit: et pulsánti aperiétur. Quis autem ex vobis patrem petit panem: numquid lápidem dabit illi? Aut piscem: numquid pro pisce serpéntem dabit

illi? Aut si petierit ovum: numquid pórriget illi scoriónem? Si ergo vos cum sitis mali, nostis bona data dare fíliis vestris: quanto magis Pater vester de cælo dabit spíritum bonum peténtibus se?

Antiphona ad Offertorium

Ps. 101, 2

Dómine, exáudi oratiónem meam: et clamor meus ad te pervéniat. **(T. P. Allelúia.)**

Secreta

Hóstias tibi, Dómine, placatiónis et laudis offérimus: ut et delicta nostra miserátus absólvas, et nutántia corda tu dírigas. Per Dóminum.

Antiphona ad Communionem

Luc. 11, 9-10

Pétite, et accipiétis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, invenit: et pulsánti aperiétur. **(T. P. Allelúia.)**

Postcommunio

Præsta nobis, ætérne Salvátor: ut, percipiéntes hoc múnere véniam peccatórum, deinceps peccáta vitémus. Per Dóminum.

**25. PRO PEREGRINANTIBUS,
ITER AGENTIBUS
ET PROFUGIS**

Antiphona ad Introitum

Ps. 25, 11-12

Rédime me, Dómine, et misere-re mei: pes enim meus stetit in via recta: in ecclésiis benedícam Dóminum. **(T. P. Allelúia, allelúia.) Ps. ibid., 1** Iúdica me, Dómine, quóniam ego in innocéntia mea ingressus sum: et in Dómino sperans non infirmábor. **V.** Glória Patri. **Rédime.**

Oratio

Adésto, Dómine, supplicatióibus nostris: et viam famulórum tuórum in salútis tuæ prosperitaté dispóne; ut, inter omnes viæ et vitæ huius varietates, tuo semper protegántur auxílio. Per Dóminum.

Léctio libri Génesis**Gen. 28, 10-12, 13-15, 18 et 20-22**

In diébus illis: Egréssus Iacob de Bersabée, pergébat Haran. Cumque venisset ad quemdam locum, et vellet in eo requiescere post solis occúbitum, tulit de lapídibus qui iacébant, et supponens cápiti suo, dormívit in eódem loco. Vidítque in somnis Dóminum dicéntem sibi: Ego sum Dóminus Deus Abraham patris tui, et Deus Isaac: terram, in qua dormis, tibi dabo et sémini tuo. Erítque semen tuum quasi pulvis terræ: dilatáberis ad Occidéntem, et Oriéntem, et Septentriónem, et Merídiem: et benedicéntur in te, et in sémine tuo cunctæ tribus terræ. Et ero custos tuus quocúmque perréxeris, et redúcam te in terram hanc: nec dimíttam nisi complévero univérsa quæ dixi. Surgens ergo Iacob mane, tulit lápidem, quem supposúerat cápiti suo, et eréxit in títulum, fundens óleum désuper. Vovit étiam votum, dicens: Si fúerit Deus mecum, et custodíerit me in via per quam ego ámbulo, et déderit mihi panem ad vescéndum, et vestiméntum ad induéndum, reversúsque fúero prospere ad domum patris mei: erit mihi Dóminus in Deum, et lapis iste, quem eréxi in títulum, vocábitur domus Dei: cunctorúmque, quæ déderis mihi, décimas ófferam tibi.

Graduale Ps. 22, 4 Si ámbulem in médio umbræ mortis, non timébo

mala, quóniam tu mecum es, Dómine. **℣.** Virga tua, et báculus tuus, ipsa me consoláta sunt.

Allelúia, allelúia. ℣. Ps. 118, 133 Gressus meos dirige secúndum elóquium tuum: ut non dominétur mei omnis iniustítia. **Allelúia.**

Post Septuagesimam, omissis Allelúia, et versu sequenti, dicitur:

Tractus Ps. 90, 11-13 Angelis suis Deus mandávit de te, ut custodiant te in ómnibus viis tuis. **℣.** In mánibus portábunt te, ne umquam offéndas ad lápidem pedem tuum. **℣.** Super áspidem et basilíscum ambulábis, et conculcábis leónem et draconem.

Tempore autem paschali omittitur graduale, et eius loco dicitur:

Allelúia, allelúia. ℣. Ps. 118, 133 Gressus meos dirige secúndum elóquium tuum: ut non dominétur mei omnis iniustítia. **Allelúia. ℣. Ps. 121, 1** Lætátus sum in his, quæ dicta sunt mihi: in domum Dómini íbimus. **Allelúia.**

**✠ Sequéntia sancti Evangélíi
secúndum Matthæum**

Matth. 10, 7-14

In illo témpore: Dixit Iesus discipulis suis: Eúntes, prædicáte, dicéntes: Quia appropinquávit regnum cælórum. Infirmos curáte, mórtuos suscitáte, leprósos mundáte, dáemones eiícite: gratis accepístis, gratis date. Nolíte possidere aurum, neque argéntum, neque pecúniam in zonis vestris: non peram in via, neque duas túnicas, neque calceaménta, neque virgam: dignus enim est operárius cibo suo. In quamcúmque autem civitátem, aut castéllum intravéritis, interrogáte quis in ea dignus sit: et ibi manéte donec exeátis. Intrántes

autem in domum, salutáte eam, dicétes: Pax huic dómui. Et si quidem fúerit domus illa digna, véniet pax vestra super eam: si autem non fúerit digna, pax vestra revertétur ad vos. Et quicúmque non recéperit vos, neque audierit sermónes vestros: exeúntes foras de domo, vel civitáte, excútite púlverem de pédibus vestris.

Antiphona ad Offertorium

Ps. 16, 5 et 6-7

Pérfice gressus meos in sémitis tuis, ut non moveántur vestígia mea: inclína aurem tuam mihi, et exáudi verba mea: mirífica misericórdias tuas, qui salvos facis sperántes in te, Dómine. (T. P. Allelúia.)

Secreta

Propitiáre, Dómine, supplicatió-nibus nostris, et has oblatiões, quas tibi offérimus pro fámulis tuis, benígnus assúme: ut viam illórum et præcedénte grátia tua dírigas, et subsequénte comitári dignéris; ut de actu atque incolumitáte eórum, secúndum misericórdiæ tuæ præ-sídia gaudeámus. Per Dóminum.

Antiphona ad Communionem

Ps. 118, 4-5

Tu mandásti mandáta tua custodíri nimis: útinam dirigántur viæ meæ, ad custodiéndas iustificati-ões tuas. (T. P. Allelúia.)

Postcommunio

Tua, Dómine, sacraménta quæ sumpsimus, fámulos tuos in te sperántes custódiant: et contra omnes advérsos tueántur incúrsus. Per Dóminum.

26. PRO INFIRMIS

Antiphona ad Introitum

Ps. 54, 2-3

Exáudi, Deus, oratió-nem meam, et ne despéxeris deprecatió-nem meam: inténde in me, et exáudi me. (T. P. Allelúia, allelúia.) Ps. ibid., 3-4 Contristátus sum in exercitatió-ne mea: et conturbátus sum a voce inimíci, et a tribulatió-ne peccatóris. V. Glória Patri. Exáudi.

1 Pro pluribus infirmis Oratio

Omnípotens sempitérne Deus, salus ætéRNA credéntium: exáudi nos pro fámulis tuis infirmis, pro quibus misericórdiæ tuæ implorá-mus auxílium; ut, réddita sibi sanitáte, gratiárum tibi in Ecclésia tua réferant actiões. Per Dómi-num.

2 Pro uno infirmo Oratio

Omnípotens sempitérne Deus, salus ætéRNA credéntium: exáudi nos pro fámulo tuo infirmo, pro quo (fámula tua infirma, pro qua) misericórdiæ tuæ implorá-mus auxílium; ut, réddita sibi sanitáte, gratiárum tibi in Ecclésia tua réfe-rat actiões. Per Dóminum.

3 Pro infirmo qui proximus est morti Oratio

Omnípotens et miséricors Deus, qui humano géneri et salutis remédia, et vitæ æternæ múnera contulísti: respice propítius fámulum tuum (fámulam tuam) infirmi-táte córporis laborántem, et ánimam réfove, quam creásti; ut, in hora éxitus illíus, absque peccáti mácula tibi, Creatóri suo, per manus sanctórum Angelórum repræ-sentári mereá-tur. Per Dóminum.

4 Pro infirmis qui proximi sunt morti Oratio

Omnípotens et miséricors Deus, qui humano géneri et salutis remédia, et vitæ æternæ múnera contulisti: respice propítius fámulos tuos infirmitate córporis laborántes, et ánimas réfove, quas creásti; ut, in hora éxitus eárum, absque peccáti mácula tibi Creatóri suo per manus sanctórum Angelórum repræsentári mereántur. Per Dóminum.

Léctio Epístolæ beáti Iacóbi

Apóstoli

Iac. 5, 13-16

Caríssimi: Tristátur aliquis vestrum? oret. Æquo ánimo est? psallat. Infirmátur quis in vobis? indúcat presbýteros Ecclésiæ, et orent super eum, ungéntes eum óleo in nómine Dómini: et orátio fidei salvábit infirmum, et alleviábit eum Dóminus: et si in peccátis sit, remitténtur ei. Confitémini ergo altérutrum peccáta vestra, et oráte pro invicem, ut salvémini.

Graduale Ps. 6, 3-4 Miserére mihi, Dómine, quóniam infirmus sum: sana me, Dómine. **V.** Conturbáta sunt ómnia ossa mea: et ánima mea turbáta est valde.

Allelúia, allelúia. **V. Ps. 101, 2** Dómine, exáudi oratiómem meam: et clamor meus ad te pervéniat. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 30, 10-11 Miserére mei, Dómine, quóniam tríbulo: conturbátus est in ira óculus meus, ánima mea, et venter meus. **V.** Quóniam defécit in dolore vita mea, et anni mei in gemítibus. **V.** Infirmáta est in paupertáte virtus mea: et ossa mea conturbáta sunt.

Tempore autem paschali omittitur graduale, et eius loco dicitur:

Allelúia, allelúia. **V. Ps. 101, 2** Dómine, exáudi oratiómem meam: et clamor meus ad te pervéniat. Allelúia. **V. Ps. 27, 7** In Deo sperávit cor meum, et adiútus sum: et reflóruit caro mea, et ex voluntáte mea confitébor ei. Allelúia.

✠ Sequéntia sancti Evangélii
secúndum Matthæum

Matth. 8, 5-13

In illo témpore: Cum introísset Iesus Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torqué-tur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álii: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriente et Occidente vénient, et recúmbent cum Abraham, et Isaac, et Iacob in regno cælórum: filii autem regni eiiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanátus est puer in illa hora.

Antiphona ad Offertorium

Ps. 54, 2-3

Exáudi, Deus, oratiómem meam, et ne despéxeris deprecationem meam: inténde in me, et exáudi me. **(T. P. Allelúia.)**

1 Pro pluribus infirmis Secreta

Deus, cuius nūtibus vitæ nostræ momēta decurrunt: sūscipe preces et hóstias famulórum tuórum, pro quibus ægrotántibus misericórdiam tuam implorámus; ut, de quorum perículo metúimus, de eórum salúte lætémur. Per Dóminum.

2 Pro uno infirmo Secreta

Deus, cuius nūtibus vitæ nostræ momēta decurrunt: sūscipe preces et hóstias fámuli tui, pro quo (fámulæ tuæ, pro qua) ægrotánte misericórdiam tuam implorámus; ut, de cuius perículo metúimus, de eius salúte lætémur. Per Dóminum.

3 Pro infirmo qui proximus est morti Secreta

Súscipe, quæsumus, Dómine, hóstiam, quam tibi offérimus pro fámulo tuo (fámula tua) in extremo vitæ constitúto (constitúta): et concéde, ut per eam univérſa illius purgéntur delícta; ut, qui (quæ) tuæ dispositiόνis flagéllis in hac vita attéritur, in futúra réquiem consequátur ætéŕnam. Per Dóminum.

4 Pro infirmis qui proximi sunt morti Secreta

Súscipe, quæsumus, Dómine, hóstiam, quam tibi offérimus pro fámulis tuis in extremo vitæ constitútis: et concéde, ut per eam univérſa eórum purgéntur delícta; ut, qui tuæ dispositiόνis flagéllis in hac vita attéruntur, in futúra réquiem consequántur ætéŕnam. Per Dóminum.

Antiphona ad Communionem*Ps. 30, 17-18*

Illúmina fáciem tuam super servum tuum, et salvum me fac in tua

misericórdia: Dómine, non confúndar, quóniam invocávi te. (T. P. Allelúia.)

1 Pro pluribus infirmis Postcommunio

Deus, infirmitátis humánæ singuláre præsídiū: auxílii tui super infirmos fámulos tuos osténde virtútem; ut, ope misericórdiæ tuæ adiúti, Ecclésiæ tuæ sanctæ incólumes repræsentári mereántur. Per Dóminum.

2 Pro uno infirmo Postcommunio

Deus, infirmitátis humánæ singuláre præsídiū: auxílii tui super infirmum fámulum tuum (infirſam fámulam tuam) osténde virtútem; ut, ope misericórdiæ tuæ adiútus (adiúta), Ecclésiæ tuæ sanctæ incólumis repræsentári mereáſur. Per Dóminum.

3 Pro infirmo qui proximus est morti Postcommunio

Quæsumus cleméntiam tuam, Omnípotens Deus, ut per huius virtútem sacraménti fámulum tuum (fámulam tuam) grátia tua confirmáre dignéris: ut in hora mortis eius non præváleat contra eum (eam) adversárius; sed cum Angelis tuis tráſitum habére mereáſur ad vitam. Per Dóminum.

4 Pro infirmis qui proximi sunt morti Postcommunio

Quæsumus cleméntiam tuam, Omnípotens Deus, ut per huius virtútem sacraménti fámulos tuos grátia tua confirmáre dignéris: ut in hora mortis eórum non præváleat contra eos adversárius; sed cum Angelis tuis tráſitum habére mereántur ad vitam. Per Dóminum.

27. AD POSTULANDAM GRATIAM BENE MORIENDI

Antiphona ad Introitum

Ps. 12, 4

Illúmina óculos meos, ne umquam obdórmiam in morte, ne quando dicat inimícus meus: Præválui advérsus eum. (T. P. Allelúia, allelúia.) Ps. *ibid.*, 1 Usquequo, Dómine, obliviscéris me in finem? úsquequo avértis fáciem tuam a me? V. Glória Patri. Illúmina.

Oratio

Omnípotens et miséricors Deus, qui humano géneri et salutis remédia, et vitæ æternæ múnera contulisti: respice propítius nos fámulos tuos, et ánimas réfove, quas creásti; ut in hora éxitus eárum, absque peccáti mácula tibi, Creatóri suo per manus sanctórum Angelórum repræsentári mereántur. Per Dóminum.

Lectio Epístolæ beáti Pauli Apóstoli ad Romános

Rom. 14, 7-12

Fratres: Nemo nostrum sibi vivit, et nemo sibi móritur. Sive enim vivimus, Dómino vivimus: sive mórimur, Dómino mórimur. Sive ergo vivimus, sive mórimur, Dómini sumus. In hoc enim Christus mórtuus est, et resurréxit: ut et mortuórum, et vivórum dominétur. Tu autem quid iúdicas fratrem tuum? aut tu quare spernis fratrem tuum? Omnes enim stábimus ante tribúnal Christi. Scriptum est enim: Vivo ego, dicit Dóminus, quóniam mihi flectétur omne genu: et omnis lingua confitébitur Deo. Itaque unusquisque nostrum pro se ratiónem reddet Deo.

Graduale Ps. 22, 4 Si ámbulem in médio umbræ mortis, non timébo

mala: quóniam tu mecum es, Dómine. V. Virga tua, et báculus tuus, ipsa me consoláta sunt.

Allelúia, allelúia. V. Ps. 30, 2-3 In te, Dómine, sperávi, non confúndar in ætérnum: in iustítia tua libera me, et éripe me: inclína ad me aurem tuam, accélera, ut erípias me. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 24, 17-18 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. V. *Ibid.*, 1-4 Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei. V. Etenim univérsi, qui te expéctant, non confundéntur: confundántur omnes faciéntes vana.

Tempore autem paschali omittitur graduale, et eius loco dicitur:

Allelúia, allelúia. V. Ps. 113, 1 In éxitu Israél de Ægýpto, domus Iacob de pópulo bárbaro. Allelúia. V. Ps. 107, 2 Parátum cor meum, Deus, parátum cor meum: cantábo, et psallam tibi, glória mea. Allelúia.

✠ Sequéntia sancti Evangélii secúndum Lucam

Luc. 21, 34-36

In illo témpore: Dixit Iesus discipulis suis: Atténdite vobis, ne forte gravéntur corda vestra in crápula, et ebrietáte, et curis huius vitæ: et supervéniat in vos repentina dies illa: tamquam láqueus enim supervéniet in omnes, qui sedent super fáciem omnis terræ. Vigiláte itaque, omni témpore orántes, ut digni habeámini fúgere ista ómnia, quæ futúra sunt, et stare ante Fílium hóminis.

Antiphona ad Offertorium**Ps. 30, 15-16**

In te sperávi, Dómine; dixi: Tu es Deus meus, in mánibus tuis témpora mea. **(T. P. Allelúia.)**

Secreta

Súscipe, quæsumus, Dómine, hóstiam, quam tibi offérimus pro extrémó vitæ nostræ, et concéde: ut per eam univérſa nostra purgéntur delícta: ut, qui tuæ dispositiόνis flagéllis in hac vita attérimur, in futúra réquiem consequámur ætérnam. Per Dóminum.

Antiphona ad Communionem**Ps. 70, 16-17 et 18**

Dómine, memorábor iustítiae tuæ solíus: Deus, docuísti me a iuventúte mea: et usque in senéctam et sénium, Deus, ne derelínquas me. **(T. P. Allelúia.)**

Postcommunio

Quæsumus cleméntiam tuam, omnípotens Deus, ut per huius virtútem sacraménti nos fámulos tuos grátia tua confirmáre dignéris: ut in hora mortis nostræ non præváleat contra nos adversárius; sed cum Angelis tuis tránsitum habére mereámur ad vitam. Per Dóminum.

28. PRO QUACUMQUE NECESSITATE**Antiphona ad Introitum**

Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum. **(T. P. Allelúia, allelúia.) Ps. 77, 1** Atténdite, pópule meus, legem meam: inclináte aurem vestram in verba oris mei. **V. Glória Patri. Salus.**

Oratio

Ineffábilem misericórdiam tuam, Dómine, nobis cleménter osténde: ut simul nos et a peccátis ómnibus éxuas; et a poenis, quas pro his merémur, erípias. Per Dóminum.

Léctio Ieremíae Prophétæ**Ierem. 14, 7-8 et 9**

Si iniquitátes nostræ respónderint nobis: Dómine, fac propter nomen tuum, quóniam multæ sunt aversiónes nostræ: tibi peccávimus. Expectátio Israél, salvátor eius in témpore tribulatiónis. Tu autem in nobis es, Dómine, et nomen tuum invocátum est super nos, ne derelínquas nos, Dómine Deus noster.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V. In Deo laudábimur tota die: et in nómine tuo confitébimur in sæcula.**

Allelúia, allelúia. **V. Ps. 78, 9-10** Propítius esto, Dómine, peccátis nostris: ne quando dicant gentes: Ubi est Deus eórum? Allelúia.

Post Septuagesimam, omissis Allelúia, et versu sequenti, dicitur:

Tractus Ps. 24, 17-18 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **V. Ibid., 1-4** Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei. **V. Etenim univérſi, qui te exspéctant, non confundéntur: confundántur omnes faciéntes vana.**

Tempore autem paschali omittitur graduale, et eius loco dicitur:

Allelúia, allelúia. **V. Ps. 78, 9-10** Propítius esto, Dómine, peccátis nostris: ne quando dicant gentes:

Ubi est Deus eórum? Allelúia. *℣.*
Ps. 30, 8 Exsultábo et lætábor in
 misericórdia tua, quóniam respexí-
 sti humilitátem meam: salvásti de
 necessitatibus ánimam meam. Al-
 lelúia.

✠ **Sequéntia sancti Evangélíi
 secúndum Marcum**

Marc. 11, 22-26

In illo témpore: Dixit Iesus discí-
 pulis suis: Habéte fidem Dei.
 Amen dico vobis, quia quicúmque
 díxerit huic monti: Tóllere, et mít-
 tere in mare, et non hæsitáverit in
 corde suo, sed credíderit quia
 quodcúmque díxerit, fiat, fiet ei.
 Proptérea dico vobis: Omnia quæ-
 cúmque orántes pétitis, créдите quia
 accipiétis, et evénient vobis. Et cum
 stábitis ad orándum, dimíttite, si
 quid habétis advérsus áliquem: ut
 et Pater vester, qui in cælis est,
 dimíttat vobis peccáta vestra. Quod
 si vos non dimisérítis: nec Pater
 vester, qui in cælis est, dimíttet vo-
 bis peccáta vestra.

Antiphona ad Offertorium

Ps. 137, 7

Si ambulávero in médio tribula-
 tiónis, vivificábis me, Dómine: et
 super iram inimicórum meórum
 exténdes manum tuam, et salvum
 me fáciet dextera tua. *(T. P. Alle-
 lúia.)*

Secreta

Puríficet nos, Dómine, quæsumus,
 múnere præséntis oblátio: et
 dignos sacra participatióne perfí-
 ciat. Per Dóminum.

Antiphona ad Communionem

Ps. 118, 49-50

Meménto verbi tui servo tuo, Dó-
 mine, in quo mihi spem dedísti: hæc

me consoláta est in humilitáte mea.
(T. P. Allelúia.)

Postcommunio

Præsta, quæsumus, Dómine: ut,
 terrénis afféctibus expiáti, ad
 supérni plenitúdinem sacraménti,
 cuius libávimus sancta, tendámus.
 Per Dóminum.

29. PRO GRATIARUM ACTIONE

¶ *Dicitur Missa de Ssma Trinitate, vel de
 Spíritu Sancto, vel de beata Maria Virgine,
 aut de aliquo sancto canonizato, in Martyro-
 logio romano descripto, additis, sub unica
 conclusione, sequentibus orationibus:*

Oratio

Deus, cuius misericórdiæ non est
 númerus, et bonitátis infínitus
 est thesáurus: piíssimæ maiestáti
 tuæ pro collátis donis grátias ági-
 mus, tuam semper cleméntiam ex-
 orántes; ut, qui peténtibus postu-
 láta concédís, eósdem non dese-
 rens, ad præmia futúra dispónas.
 Per Dóminum.

Secreta

Odórem, Dómine, sacrificii huius
 cum gratiárum actiúnibus su-
 scipe, et præsta: ut, quos exaudíre,
 et incólumes serváre dignátus es,
 ab omni in pósterum adversitaté
 custódias; et in tuo servítio, et
 amóre concreúcant. Per Dóminum.

Postcommunio

Deus, qui néminem in te sperán-
 tem, nímium afflígi permíttis,
 sed pium précibus præstas áudi-
 tum: pro postulatió nibus nostris
 votisque susceptis grátias ágimus,
 te piússime deprecántes, ut per hæc
 quæ sumpsimus, a cunctis éripi
 mereámur advérsis. Per Dóminum.

ORATIONES DIVERSAE

1 AD POSCENDA SUFFRAGIA SANCTORUM

Oratio

Concède, quæsumus, omnipotens Deus: ut intercessio sanctæ Dei Genetrícis Mariæ, sanctorúmque ómnium Apostolorum, Mártyrum, Confessorum, atque Vírginum, et ómnium electórum tuórum, nos ubique lætíficet; ut, dum eórum mérita recólimus, patrocínia sentiámus. Per eundem Dóminum.

Secreta

Oblátis, Dómine, placáre munéribus: et, intercedente beáta María semper Vírgine, cum ómnibus Sanctis tuis, a cunctis nos defénde perículis. Per Dóminum.

Postcommunio

Súmpsimus, Dómine, beátæ Mariæ semper Vírginis et ómnium Sanctorum tuórum memóriam recoléntes, sacraménta cæléstia: præsta, quæsumus; ut, quod temporaliter gérimus, ætérnis gáudiis consequámur. Per Dóminum.

2 ALIA ORATIO UT SUPRA

¶ In sequenti oratione et in eius postcommunionem, ad litteram N., sacerdos nominare potest, ad arbitrium suum: a) sive Titularem ecclesiæ in qua celebrat; b) sive Patronum principalem nationis, vel regionis seu provinciæ sive ecclesiasticæ sive civilis, vel diocesis, vel oppidi seu civitatis; c) sive, si est religiosus, Fundatorem canonizatum vel Titulum vel Patronum principalem Ordinis seu Congregationis aut Provinciæ.

Titulus autem, sive ecclesiæ sive Religionis, nominari nequit, si agatur de Persona divina vel Mystério Domini. Insuper sive Titulus sive Patronus nominari nequit, si sit B. Maria Virgo, aut de ipso Titulo vel Patrono dicatur

Missa aut facta sit commemoratio, aut illius nomen in eadem oratione a cunctis expressum sit.

Nomina Angelorum aut S. Ioannis Baptistæ, si fuerint Titulares aut Patroni, præponuntur nomini S. Ioseph.

Si vero Missa vel commemoratio fuerint de S. Ioseph aut de sanctis Apostolis Petro et Paulo, verba quæ eos respiciunt omittuntur.

Oratio

Acunctis nos, quæsumus, Dómine, mentis et corpóris defénde perículis: et, intercedente beáta et gloriósa semper Vírgine Dei Genetríce María, cum beáto Ioseph, beátis Apóstolis tuis Petro et Paulo, atque beáto N. et ómnibus Sanctis, salutem nobis tribue benignus et pacem; ut, destrúctis adversitatibus et erróribus univérsis, Ecclesiá tua secúra tibi sérviat libertáte. Per eúndem Dóminum.

Secreta

Exáudi nos, Deus salutáris noster: ut, per huius sacraménti virtútem, a cunctis nos mentis et corpóris hóstibus tueáris; grátiam tribuens in præsénti, et glóriam in futúro. Per Dóminum.

Postcommunio

Mundet et múniat nos, quæsumus, Dómine, divíni sacraménti munus oblátum: et, intercedente beáta Vírgine Dei Genetríce María, cum beáto Ioseph, beátis Apóstolis tuis Petro et Paulo, atque beáto N. et ómnibus Sanctis; a cunctis nos reddat et perversitatibus expiátos, et adversitatibus expeditos. Per eúndem Dóminum.

¶ Vel, si Missa aut commemoratio fuerint de sancta María:

Oratio

Acunctis nos, quæsumus, Dómine, mentis et cörperis defénde perículis: et, intercedénte beáto Ioseph, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitatibus et erróribus univérsis, Ecclesiá tua secúra tibi sérviat libertáte. Per Dóminum.

Secreta

Exáudi nos, Deus salutáris noster: ut, per huius sacraménti virtútem, a cunctis nos mentis et cörperis hóstibus tueáris; grátiam tríbuens in præsentí, et glóriam in futúro. Per Dóminum.

Postcommunio

Mundet et múníat nos, quæsumus, Dómine, divíni sacraménti munus oblátum: et, intercedénte beáto Ioseph, cum beátis Apóstolis tuis Petro et Paulo, atque beáto **N.** et omnibus Sanctis; a cunctis nos reddat et perversitatibus expiátos, et adversitatibus expeditos. Per Dóminum.

3 PRO LIBERTATE ECCLESIAE

¶ *Díci nequít in Missa domínicae XXIII post Pentecosten.*

Oratio

Ecclésiæ tuæ, quæsumus, Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum.

Secreta

Prótege nos, Dómine, tuis mystériis serviéntes: ut, divínis rebus inhæréntes, et cörpero tibi famulémur, et mente. Per Dóminum.

Postcommunio

Quæsumus, Dómine Deus noster: ut, quos divína tríbuis participatióne gaudére, humanis non sinas subiacére perículis. Per Dóminum.

4 PRO OMNI GRADU ECCLESIAE

Oratio

Omnípotens sempitérne Deus, cuius Spíritu totum corpus Ecclesiæ sanctificátur et régitur: exáudi nos pro univérsis ordínibus supplicántes; ut, grátiae tuæ múnere, ab ómnibus tibi grádibus fídeliter serviátur. Per Dóminum... in unitáte eiúsdem.

Secreta

Da fámulis tuis, Dómine, indulgéntiam peccatórum, consolatióne vitæ, gubernatióne perpétuam: ut, tibi serviéntes, ad tuam iúgiter misericórdiam perveníre mereántur. Per Dóminum.

Postcommunio

Libera, quæsumus, Dómine, a peccátis et hóstibus fámulos tuos, tibi supplicántes: ut, in sancta conversatióne vivéntes, nullis afficiántur advérsis. Per Dóminum.

5 PRO PAPA

Oratio

Deus, ómnium fidélium pastor et rector, fámulum tuum **N.**, quem pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnam. Per Dñm.

Secreta

Oblátis, quæsumus, Dómine, placáre munéribus: et fámulum

tuum **N.**, quem pastorem Ecclesiæ tuæ præesse voluisti, assidua protectione guberna. Per Dóminum.

Postcommunio

Hæc nos, quæsumus, Dómine, divini sacramenti percéptio protégat: et famulum tuum **N.**, quem pastorem Ecclesiæ tuæ præesse voluisti; una cum commisso sibi grege salvet semper, et múniat. Per Dóminum.

6 PRO PRÆLATIS ET CONGREGATIONIBUS EIS COMMISSIS

Oratio

Omnípotens sempitérne Deus, qui facis mirabilia magna solus: prætende super famulos tuos, et super congregatiónes illis commissas, spíritum gratiæ salutáris; et, ut in veritate tibi compláceant, perpétuum eis rorem tuæ benedictiónis infúnde. Per Dóminum.

Secreta

Hóstias, Dómine, famulorum tuorum placátus inténde: et, quas in honórem nóminis tui devótamente pro eis celebrámus, proficere sibi séntiant ad medélam. Per Dñm.

Postcommunio

Quos cælésti récreas múnere, perpétuo, Dómine, comitáre præsidio: et, quos fovére non désinis, dignos fieri sempitérna redemptione concéde. Per Dóminum.

7 PRO EPISCOPO

¶ Dicit nequit si oratio pro Papa recitata sit.

Oratio

Deus, ómnium fidélium pastor et rector, famulum tuum **N.**,

quem pastorem ecclesiæ **N.** præesse voluisti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dñm.

Secreta

Oblátis, quæsumus, Dómine, placáre munéribus: et famulum tuum **N.**, quem pastorem ecclesiæ **N.** præesse voluisti, assidua protectione guberna. Per Dóminum.

Postcommunio

Hæc nos, quæsumus, Dómine, divini sacramenti percéptio protégat: et famulum tuum **N.**, quem pastorem ecclesiæ **N.** præesse voluisti; una cum commisso sibi grege, salvet semper, et múniat. Per Dóminum.

8 PRO SEIPSO SACERDOTE

In anniversario propriæ Ordinationis sacerdotalis, quilibet sacerdos orationi Missæ, sub unica conclusione, orationem pro seipso addere potest, modo ne occurrant festum Nativitatis et Epiphaniæ Domini, Triduum sacrum, dominica Resurrectionis, festum Ascensionis Domini, dominica Pentecostes, festa SS. Trinitatis, Corporis Christi, Cordis Iesu et Christi Regis, necnon Commemoratio omnium Fidelium defunctorum. Quoties impeditur, oratio pro seipso sacerdote transferri potest in proximiorum diem similiter non impeditum.

Oratio

Omnípotens et miséricors Deus, humilitátis meæ preces benignus inténde: et me famulum tuum, quem, nullis suffragántibus méritis, sed imménsa cleméntiæ tuæ largitate cæléstibus mystériis servíre tribuisti, dignum sacris altáribus fac mínistrum; ut, quod mea voce deprómitur, tua sanctificatióne firmétur. Per Dóminum.

Secreta

Huius, Dómine, virtúte sacraménti, peccatórum meórum máculas abstérge: et præsta; ut ad exsequéndum iniúnci officii ministérium, me tua grátia dignum efficiat. Per Dóminum.

Postcommunio

Omnípotens sempitérne Deus, qui me peccatórem sacris altáribus astáre voluísti, et sancti nóminis tui laudáre poténtiam: concede propítius, per huius sacraménti mystérium, meórum mihi véniam peccatórum; ut tuæ maiestáti digne mérear famulári. Per Dóminum.

9 PRO RES PUBLICAS
MODERANTIBUS

Oratio

Omnípotens sempitérne Deus, in cuius manu sunt ómnium potestátes et ómnium iura populórum: réspice benígnus ad eos, qui nos in potestáte regunt; ut ubíque terrárum, dextera tua protegente, et religiónis intégritas, et pátriæ secúritas indésinenter consístat. Per Dóminum.

Secreta

Propitiáre, Dómine, précibus et hóstiis famulórum tuórum, et propter nomen tuum pátriæ defénde rectóres; ut salus serviéntium tibi princípum, pax tuórum possit esse populórum. Per Dóminum.

Postcommunio

Prótege, Dómine, fámulos tuos subsidiis pacis; et córporis et spirituálibus enútriens aliméntis, a cunctis hóstibus redde secúros. Per Dóminum.

10 PRO REGE

Oratio

Quæsumus, omnípotens Deus: ut fámulus tuus **N.** rex noster, qui tua miseratione suscepit regni gubernácula, virtútum étiam ómnium percípiat incrementa; quibus decénte ornátus, et vitiórum monstra devitáre et ad te, qui via, véritas, et vita es, gratiósus váleat pervenire. Qui vivis.

Secreta

Múnera, Dómine, quæsumus, obláta sanctífica: ut et nobis Unigéniti tui Corpus et Sanguis fiant; et regi nostro ad obtinéndam ánimæ corporisque salútem, et peragéndum iniúncum officium, te largiénte, usquequáque proficiant. Per eúndem Dóminum.

Postcommunio

Hæc, Dómine, oblátio salutáris fámulum tuum **N.** regem nostrum, ab ómnibus tueátur advérsis: quátenus et ecclesiásticæ pacis obtíneat tranquillitátem; et, post huius témporis decúrsum, ad ætérnam pervéniat hereditátem. Per Dóminum nostrum.

11 PRO FAMILIA

Oratio

Defénde, quæsumus, Dómine, beáta María semper Vírgine intercedénte, istam ab omni adversitáte famíliam: et toto corde tibi prostrátam, ab hóstium propítius tuére cleménte insídiis. Per Dñm.

Secreta

Súscipe, quæsumus, omnípotens Deus, oblatiónem nostræ devotiónis: et per virtútem huius sacraménti, fámulos tuos a cunctis adversitatibus prótege. Per Dñm.

Postcommunio

Sumptis redemptionis nostræ muneribus: præsta, quæsumus, miséricors Deus; eorum nobis celebratione, tuæ protectionis contra omnes adversitates subsidium. Per Dóminum.

12 PRO CONCORDIA
SERVANDA

Oratio

Deus, largitor pacis, et amátor caritátis: da fámulis tuis veram cum tua voluntáte concórdiam; ut ab ómnibus, quæ nos pulsan, tentationibus liberémur. Per Dñm.

Secreta

His sacrificiis, Dómine, quæsumus, concéde placátus: ut, qui propriis orámus absólvi delíctis, non gravémur extérnis. Per Dóminum.

Postcommunio

Spíritum nobis, Dómine, tuæ caritátis infúnde; ut, quos uno pane cælésti satiásti, tua fácias pietáte concórdes. Per Dóminum... in unitáte eiúsdem.

13 PRO DEFENSIONE AB
HOSTIBUS

Oratio

Hóstium nostrórum, quæsumus, Dómine, elíde supérbiam: et eorum contumáciam dexteræ tuæ virtúte prostérne. Per Dóminum.

Secreta

Huius, Dómine, virtúte mystérii, et a propriis mundémur occúltis, et ab inimicórum liberémur insídiis. Per Dóminum.

Postcommunio

Protéctor noster, áspice, Deus, et ab inimicórum nos defénde perículis: ut, omni perturbatióne submóta, liberis tibi méntibus serviámus. Per Dóminum.

14 TEMPORE FAMIS

Oratio

Da nobis, quæsumus, Dómine, piæ supplicatiónis efféctum: et famem propitiátus avérte; ut mortálium corda cognóscant, et te indignánte tália flagélla prodíre, et, te miseránte, cessáre. Per Dóminum.

Secreta

Deus, qui humáni géneris utrámque substántiam, præsentium múnere et aliménto végetas, et rénovas sacraménto: tríbe, quæsumus; ut eorum et corpóribus nostris subsidium non desit, et méntibus. Per Dóminum.

Postcommunio

Gubérna, quæsumus, Dómine, temporálibus aliméntis: quos dignáris ætérnis informáre mystériis. Per Dóminum.

15 TEMPORE TERRÆMOTUS

Oratio

Omnípotens sempitérne Deus, qui réspicis terram, et facis eam trémere: parce metuéntibus, propitiáre supplicibus; ut, cuius iram terræ fundaménta concutiéntem expávimus, cleméntiam contritiónes eius sanántem iúgiter sentiámus. Per Dóminum.

Secreta

Deus, qui fundásti terram super stabilitátem suam, súscipe oblationes et preces pópuli tui: ac treméntis terræ perículis pénitus amótis, divínæ tuæ iracúndiæ terrores, in humánæ salútis remédia convérte; ut, qui de terra sunt, et in terram reverténtur, gáudeant se fieri sancta conversatióne cælestes. Per Dóminum.

Postcommunio

Tuére nos, Dómine, quæsumus, tua sancta suméntes: et terram, quam vídimus nostris iniquitatibus treméntem, supérno múnere firma: ut mortálium corda cognóscant, et te indignánte tália flagélla prodíre, et, te miseránte, cessáre. Per Dóminum.

16 AD PETENDAM PLUVIAM**Oratio**

Deus, in quo vívimus, movémur, et sumus: plúviam nobis tríbue congruéntem: ut, præsentibus subsidiis sufficiénter adiúti, sempitérna fiduciálius appetámus. Per Dóminum.

Secreta

Oblátis, quæsumus, Dómine, placáre munéribus: et opportúnum nobis tríbue plúviæ sufficiéntis auxílium. Per Dóminum.

Postcommunio

Da nobis, quæsumus, Dómine, plúviam salutárem: et áridam terræ fáciem fluéntis cælestibus dignánte infúnde. Per Dóminum.

17 AD POSTULANDAM SERENITATEM**Oratio**

Ad te nos, Dómine, clamántes exáudi: et áëris serenitátem

nobis tríbue supplicántibus; ut, qui iuste pro peccátis nostris affligimur, misericórdia tua præveniéntem cleméntiam sentiámus. Per Dóminum.

Secreta

Prævéniat nos, quæsumus, Dómine, grátia tua semper, et subsequátur: et has oblationes, quas pro peccátis nostris nómini tuo consecrándas deférimus, benígnus assúme; ut, per intercessiόνem Sanctórum tuórum, cunctis nobis proficiant ad salútem. Per Dóminum.

Postcommunio

Quæsumus, omnípotens Deus, cleméntiam tuam: ut inundántiam coérceas ímbrium, et hilaritátem vultus tui nobis impertíri dignéris. Per Dóminum.

18 AD REPELLENDAS TEMPESTATES**Oratio**

Adomo tua, quæsumus, Dómine, spiritáles nequitiæ repellántur: et aëreárum discédant malignitas tempestátum. Per Dóminum.

Secreta

Offerimus tibi, Dómine, laudes et múnera, pro concéssis beneficiis grátias referéntes, et pro concedéndis semper suppliciter deprecántes. Per Dóminum.

Postcommunio

Omnípotens sempitérne Deus, qui nos et castigándo sanas, et ignoscéndo consérvas: præsta supplicibus tuis; ut et tranquillitátibus huius optátæ consolatiónis lætémur, et dono tuæ pietátis semper utámur. Per Dóminum.

19 TEMPORE PESTIS ANIMALIUM

Oratio

Deus, qui labóribus hóminum étiam de mutis animálibus solátia subrogásti: súpplīces te rogámus; ut, sine quibus non álitur húmana condítio, nostris fácias úsibus non períre. Per Dóminum.

Secreta

Sacrificiis, Dómine, placátus oblátis: opem tuam nostris tempóribus cleménter impénde. Per Dóminum.

Postcommunio

Benedictiónem tuam, Dómine, pópulus fidélis accípiat, qua corpore salvétur, et mente: et congruam tibi exhibeat servitútem, et propitiatiónis tuæ benefícia semper invéniat. Per Dóminum.

20 PRO QUACUMQUE NECESSITATE

¶ *Dici nequit in Missa dominicæ XXII post Pentecosten.*

Oratio

Deus, refúgium nostrum, et virtus: adésto piis Ecclésiæ tuæ précibus, auctor ipse pietátis, et præsta; ut, quod fidéliter pétimus, effícaciter consequámur. Per Dóminum.

Secreta

Da, miséricors Deus: ut hæc salútáris oblátio et a propriis nos reátibus indésinénter expédiat, et ab ómnibus tueátur advérsis. Per Dóminum.

Postcommunio

Súmpsimus, Dómine, sacri dona mystérii, humíliter deprecántes: ut quæ in tui commemoratióne nos fácere præcepísti, in nostræ proficiant infirmitátis auxiliū: Qui vivis.

21 IN QUACUMQUE TRIBULATIONE

Oratio

Ne despicias, omnípotens Deus, pópulum tuum in afflictiónē clamántem: sed propter glóriam nóminis tui, tribulátis succúrre placátus. Per Dóminum.

Secreta

Súscipe, Dómine, propítius hostias, quibus et te placári voluísti, et nobis salútem poténti pietáte restítui. Per Dóminum.

Postcommunio

Tribulatióne nostram, quæsumus, Dómine, propítius respice: et iram tuæ indignatiónis, quam iuste merémur, avérte. Per Dóminum.

22 AD PETENDAM COMPUNCTIONEM CORDIS

Oratio

Omnípotens et mitíssime Deus, qui sitiénti pópulo fontem vivéntis aquæ de petra produxísti: educ de cordis nostri durítia lácrimas compunctiōnis; ut peccáta nostra plángere valeámus, remissionémque eórum, te miseránte, mereámur accípere. Per Dóminum.

Secreta

Hanc oblationem, quæsumus, Dómine Deus, quam tuæ maiestati pro peccatis nostris offerimus, propitius respice: et produc de oculis nostris lacrimarum flumina, quibus debita flammarum incendia valeamus extinguere. Per Dóminum.

Postcommunio

Gratiam Spíritus Sancti, Dómine Deus, cordibus nostris clementer infunde: quæ nos gemitibus lacrimarum efficiat maculas nostrorum diluere peccatorum; atque optatæ nobis, te largiente, indulgentiæ præstet effectum. Per Dóminum . . . in unitate eiusdem.

23 PRO REMISSIONE PECCATORUM

Oratio

Deus, qui nullum respicis, sed quantumvis peccantibus, per penitentiam pia miseratione placaris: respice propitius ad preces humilitatis nostræ, et illumina corda nostra; ut tua valeamus implere præcepta. Per Dóminum.

Secreta

Præsens sacrificium, Dómine, quod tibi pro delictis nostris offerimus, sit tibi munus acceptum: et tam viventibus, quam defunctis proficiat ad salutem. Per Dóminum.

Postcommunio

Exaudi preces familie tuæ, omnipotens Deus: et præsta; ut sancta hæc, quæ a te sumpsimus, incorrupta in nobis, te donante, serventur. Per Dóminum.

24 PRO TENTATIS ET TRIBULATIS

Oratio

Deus, qui iustificas impium, et non vis mortem peccatoris, maiestatem tuam suppliciter deprecamur: ut famulos tuos de tua misericordia confidentes, cælesti protegas benignus auxilio, et assidua protectione conserves; ut tibi iugiter famulentur, et nullis tentationibus a te separentur. Per Dóminum.

Secreta

Huius, quæsumus, Dómine, virtute mystérii, et a propriis nos munda delictis, et famulos tuos ab omnibus absolve peccatis. Per Dóminum.

Postcommunio

Purificent nos, quæsumus, Dómine, sacramenta quæ sumpsimus: et famulos tuos ab omni culpa liberos esse concede; ut, qui conscientiae reatu constringuntur, cælestis remédii plenitudine gloriëntur. Per Dóminum.

25 AD REPELLENDAS MALAS COGITATIONES

Oratio

Omnipotens et mitissime Deus, respice propitius ad preces nostras: et libera corda nostra de malarum tentationibus cogitationum; ut Sancti Spíritus dignum fieri habitaculum mereámur. Per Dóminum . . . in unitate eiusdem.

Secreta

Has tibi, Dómine, offérimus oblationes pro salute nostra: quatenus ánimas nostras ab imúndis cogitationibus purges, illæ-sásque custódias, et Sancti Spíritus grátia illumináre dignéris. Per Dóminum . . . in unitáte eiúsdem.

Postcommunio

Deus, qui illúminas omnem hóminem veniéntem in hunc mundum: illúmina, quæsumus, corda nostra grátiae tuæ splendóre; ut digna ac plácita maiestáti tuæ cogitare semper, et te sincére diligere valeámus. Per Dóminum.

**26 AD POSTULANDAM
CONTINENTIAM****Oratio**

Ure igne Sancti Spíritus renes nostros, et cor nostrum, Dómine: ut tibi casto córpore serviámus, et mundo corde placeámus. Per Dóminum . . . in unitáte eiúsdem.

Secreta

Dirúmpe, Dómine, víncula peccatórum nostrórum: et, ut sacrificáre tibi hóstiam laudis absóluta libertáte, ac munda mente pos-súmus, retríbue quæ ante tribuísti; et salva nos per indulgéntiam, quos dignátus es salváre per grátiam. Per Dóminum.

Postcommunio

Dómine, adiútor et protéctor noster, ádiuva nos: et reflóreat cor et caro nostra vigóre pudicítiæ, et castimóniæ novitáte; ut per hoc sacrificium, quod tuæ obtúlimus pietáti, ab ómnibus tentationibus emundémur. Per Dóminum.

**27 AD POSTULANDAM
HUMILITATEM****Oratio**

Deus, qui supérbis resístis et grátiam præstas humílibus: concéde nobis veræ humilitátis virtútem, cuius in se formam fidélibus Unigénitus tuus exhibuit; ut numquam indignatiónem tuam provo-cémus eláti, sed pótius grátiae tuæ capiámus dona subiécti. Per eúndem Dóminum.

Secreta

Hæc oblátio, Dómine, quæsumus, veræ nobis humilitátis grátiam obtíneat: simúlque a córdibus nostris concupiscéntiam carnis et oculórum, atque ambitiónem sæculi áuferat; quatenus sóbrie, iuste, piéque vivéntes, præmia consequámur æténa. Per Dóminum.

Postcommunio

Huius, Dómine, sacraménti perceptio, peccatórum nostrórum máculas abstérget: et nos per humilitátis exhibitiónem ad cæléstia regna perdúcat. Per Dóminum.

**28 AD POSTULANDAM
PATIENTIAM****Oratio**

Deus, qui Unigéniti tui paciéntia antíqui hostis contrivísti supérbiam: da nobis, quæsumus, quæ idem pie pro nobis pértulit, digne recólere; sicque exémplo eius, nobis adversántia æquanímiter toleráre. Per eúndem Dóminum.

Secreta

Múnera nostræ oblationis, quæsumus, Dómine, súscipe placátus: quæ, ut nobis paciéntiæ donum largíri dignéris, maiestáti tuæ devóta offérimus actióne. Per Dñm.

Postcommunio

Mystéria, Dómine, sacrosáncta quæ sumpsimus, amíssam nobis, quæsumus, reconcílient grátiam: atque munus patiéntiæ in illátis ómnibus, semper et ubique protegendo, impértiant. Per Dóminum.

29 AD POSTULANDAM CARITATEM

Oratio

Deus, qui diligéntibus te facis cuncta prodésse: da córdibus nostris inviolábilem tuæ caritátis afféctum; ut desidéria de tua inspiratióne concépta, nulla possint tentatióne mutári. Per Dóminum.

Secreta

Deus, qui nos ad imáginem tuam sacraméntis rénovas et præcéptis: pérfice gressus nostros in sémitis tuis; ut caritátis donum, quod fecísti a nobis sperári, per hæc, quæ offérimus sacrificia, fácias veráciter apprehénderi. Per Dñm.

Postcommunio

Sancti Spíritus grátia, quæsumus, Dómine, corda nostra illúminet: et perféctæ caritátis dulcédine abundánter refíciat. Per Dóminum . . . in unitáte eiúsdem.

30 PRO DEVOTIS AMICIS

Oratio

Deus, qui caritátis dona per grátiam Sancti Spíritus tuórum fidélium córdibus infudísti: da fámulis et famulábus tuis, pro quibus

tuam deprecámur cleméntiam, salutem mentis et córporis; ut te tota virtúte diligant, et quæ tibi plácita sunt, tota dilectiône perficiant. Per Dóminum . . . in unitáte eiúsdem.

Secreta

Miserére, quæsumus, Dómine, fámulis et famulábus tuis, pro quibus hoc sacrificium laudis tuæ offérimus maiestáti: ut per hæc sancta, supérnæ benedictiόνis grátiam obtíneant, et glóriam ætérnæ beatitúdinis acquírant. Per Dñm.

Postcommunio

Divína libántes mystéria, quæsumus, Dómine: ut hæc salutária sacraménta illis proficiant ad prosperitátem et pacem; pro quorum quarúmque dilectiône hæc tuæ obtúlimus maiestáti. Per Dóminum.

31 PRO INIMICIS

Oratio

Deus, pacis caritatísque amátor et custos: da ómnibus inimícis nostris pacem, caritatémque veram; et cunctórum eis remissionem tríbue peccatórum, nosque ab eórum insídiis poténter éripe. Per Dóminum.

Secreta

Oblátis, quæsumus, Dómine, placáre munéribus: et nos ab inimícis nostris cleménter éripe, eisque indulgéntiam tríbue delictórum. Per Dóminum.

Postcommunio

Hæc nos commúnio, Dómine, éruat a delictis: et ab inimicórum deféndat insídiis. Per Dóminum.

32 PRO CAPTIVIS

Pro pluribus captivis Oratio

Deus, qui beátum Petrum Apóstolum a vînculis absolútum, illæsum abîre fecísti: famulórum tuórum in captivitáte positórum vîncula absolve; eósque ipsíus méritis illæsos abîre concéde. Per Dóminum.

Pro uno captivo Oratio

Deus, qui beátum Petrum Apóstolum a vînculis absolútum, illæsum abîre fecísti: fámuli tui in captivitáte pósito vîncula absolve; eúmque ipsíus méritis illæsum abîre concéde. Per Dóminum.

Pro pluribus captivis Secreta

Super has, quæsumus, Dómine, hóstias benedíctio copiósa descéndat: quæ captivórum horum vîncula solvat, et de eórum liberatióne nos cito lætíficet. Per Dóminum.

Pro uno captivo Secreta

Super has, quæsumus, Dómine, hóstias benedíctio copiósa descéndat: quæ captívi huius vîncula solvat, et de eius liberatióne nos cito lætíficet. Per Dóminum.

Pro pluribus captivis Postcommunio

Preces nostras, quæsumus, Dómine, cleménter exáudi: et per hæc sacraménta quæ sumpsimus, fámulos tuos a vînculis eórum captivitátis absolve. Per Dóminum.

Pro uno captivo Postcommunio

Preces nostras, quæsumus, Dómine, cleménter exáudi: et per

hæc sacraménta quæ sumpsimus, fámulum tuum a vînculis suæ captivitátis absolve. Per Dóminum.

33 PRO NAVIGANTIBUS

Oratio

Deus, qui transtulísti patres nostros per Mare Rubrum, et transvexisti eos per aquam nímiam, laudem tui nóminis decantántes: te suppliciter deprecámur; ut in navi fámulos tuos, repúlsis adversitatibus, portu semper optábili, cursúque tranquillo tueáris. Per Dóminum.

Secreta

Súscipe, quæsumus, Dómine, preces famulórum tuórum, cum oblatiónibus hostiárum: et eos, pro quibus tua mystéria celebrámus, ab ómnibus defénde perículis. Per Dóminum.

Postcommunio

Sanctificáti divíno mystério, maiestátem tuam, Dómine, suppliciter deprecámur, et pétimus: ut fámulos tuos, quos donis facis cæléstibus memorári; per lignum sanctæ Crucis, et a peccátis ábstrahas, et a perículis cunctis miserátus erípias. Per Dóminum.

34 PRO SALUTE VIVORUM

Oratio

Præténde, Dómine, fidélibus tuis dexteram cæléstis auxílii: ut te toto corde perquírant, et quæ digne póstulant, cónsequi mereántur. Per Dóminum.

Secreta

Propitiâre, Dómine, supplicati-
ónibus nostris, et has oblatiões
fidélium tuórum, quas tibi pro in-
columitâte eórum offérimus, be-
nignus assúme: et, ut nullius sit
írritum votum, nullius vácuâ postu-
lâtió, præsta, quæsumus; ut, quod
fidéliter pétimus, efficáciter conse-
quámur. Per Dóminum.

Postcommunio

Da fidélibus tuis, quæsumus, Dó-
mine, in tua fide et sinceritâte
constántiam: ut in caritâte divína
firmâti, nullis tentatió nibus ab eius
integritâte vellântur. Per Dóminum.

35 PRO VIVIS ET DEFUNCTIS**Oratio**

Omnípotens sempitérne Deus,
quí vivórum domináris simul
et mortuórum, omniúmque miseré-
ris, quos tuos fide et ópere futúros
esse prænóscis: te súpplīces exorá-
mus; ut, pro quibus effúndere preces
decrévimus, quosque vel præsens
sæculum adhuc in carne rétinēt,

vel futúrum iam exútos corpore su-
scépit, intercedéntibus ómnibus
Sanctis tuis, pietátis tuæ cleméntia
ómnium delictórum suórum véniam
consequántur. Per Dóminum.

Secreta

Deus, cui soli cógnitus est núme-
rus electórum in supérna feli-
citâte locándus: tríbue, quæsumus;
ut, intercedéntibus ómnibus San-
ctis tuis, universórum, quos in ora-
tióne commendátos suscepimus, et
ómnium fidélium nómina, beátæ
prædestinatiónis liber adscrípta re-
tíneat. Per Dóminum.

Postcommunio

Puríficent nos, quæsumus, omni-
potens et miséricors Deus,
sacraménta quæ sumpsimus: et,
intercedéntibus ómnibus Sanctis
tuis, præsta; ut hoc tuum sacramén-
tum non sit nobis reátus ad poenam,
sed intercésio salutáris ad véniam:
sit ablútió scélerum, sit fortitúdo
fragílium, sit contra ómnia mundi
perícula firmaméntum: sit vivórum
atque mortuórum fidélium remissio
ómnium delictórum. Per Dóminum.

MISSÆ DEFUNCTORUM

IN COMMEMORATIONE OMNIUM FIDELIUM DEFUNCTORUM

¶ Hoc die dicuntur Missæ, uti habentur in Proprio Sanctorum ad diem 2 novembris.

Prima Missa ex iis quæ habentur in Commemoratione omnium Fidelium defunctorum, adhibitis orationibus propriis in Missali inter orationes diversas pro defunctis assignatis, sumitur:

a) pro defunctis Summo Pontifice, Cardinalibus, Episcopis, et Sacerdotibus, in omnibus Missis I, II et III classis;

b) in anniversariis omnium defunctorum alicuius Ordinis vel Congregationis clericalis.

IN DIE OBITUS SEU DEPOSITIONIS DEFUNCTI

¶ Sequens Missa dicitur pro defunctis non sacerdotibus:

- a) In Missa exsequiali;
- b) In Missis pro die obitus;
- c) In Missis post acceptum mortis nuntium;
- d) In ultima defuncti sepultura;
- e) In die III, VII et XXX, adhibitis tamen orationibus propriis.

Antiphona ad Introitum

4 Esdr. 2, 34 et 35

Réquiem ætérnam dona eis, Dómine: et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi orationem meam, ad te omnis caro véniet. **Réquiem ætérnam.**

Oratio

Deus, cui proprium est misereri semper et párcere, te súplices exorámus pro ánima fámuli tui **N. (fámulæ tuæ N.)**, quam hódie de hoc sæculo migráre iussísti: ut non tradas eam in manus inimíci, neque obliviscáris in finem, sed iúbeas eam a sanctis Angelis súscipi, et ad pátriam paradísi per-

dúci; ut, quia in te sperávit et crédidit, non poenas inférni sustíneat, sed gáudia ætérna possídeat. Per Dóminum.

In die tertio, septimo et trigesimo:

Oratio

Quæsumus, Dómine, ut ánimæ fámuli tui **N. (fámulæ tuæ N.)**, cuius depositionis diem tértium (**vel séptimum, vel trigésimum**) commemorámus, Sanctórum atque electórum tuórum largíri dignéris consórtium: et rorem misericórdiæ tuæ perénnem infúndas. Per Dóminum nostrum.

Léctio Epístolæ beáti Pauli Apóstoli ad Thessalonicéenses

1 Thess. 4, 13-18

Fratres: Nólumus vos ignoráre de dormiéntibus, ut non contristémini, sicut et céteri, qui spem non habent. Si enim crédimus quod Iesus mórtuus est, et resurréxit: ita et Deus eos, qui dormiérunt per Iesum, addúcet cum eo. Hoc enim vobis dícimus in verbo Dómini, quia nos, qui vívimus, qui resídui sumus in advéntum Dómini, non præveniémus eos, qui dormiérunt. Quóniam ipse Dóminus in iussu, et in voce Archángeli, et in tuba Dei descéndet de cælo: et mórtui, qui in Christo sunt, resúrgent primi. Deínde nos, qui vívimus, qui relínquimur, simul rapiémur cum illis in núbibus óbviám Christo in áëra, et sic semper cum Dómino érimus. Itaque consolámini invicem in verbis istis.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **℣. Ps. 111, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **℣.** Et grátia tua illis succurrénte, mereántur evádere iudícium ultiónis. **℣.** Et lucis ætérnæ beatitúdine pérfrui.

Sequentia

(de præcepto in Missa exsequiali)

Dies iræ, dies illa,
Solvét sæclum in favilla:
Teste David cum Sibýlla.

Quantus tremor est futúrus,
Quando iudex est ventúrus,
Cuncta stricte discussúrus!

Tuba mirum spargens sonum
Per sepúlcrá regiόνum,
Coget omnes ante thronum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treméndæ maiestátis,
Qui salvándos salvás gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissiόνis
Ante diem ratiόνis.

Ingemisco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favilla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélii
secúndum Ioánnem

Ioann. 11, 21-27

In illo témpore: Dixit Martha ad Iesum: Dómine, si fúisses hic, frater meus non fuisset mórtuus: sed et nunc scio, quia quæcúmque popósceris a Deo, dabit tibi Deus. Dicit illi Iesus: Resúrget frater tu-

us. Dicit ei Martha: Scio quia resurget in resurrectione in novissimo die. Dixit ei Iesus: Ego sum resurrectio, et vita: qui credit in me, etiam si mortuus fuerit, vivet: et omnis qui vivit, et credit in me, non morietur in ætèrnum. Credis hoc? Ait illi: Utique, Dómine, ego credidi, quia tu es Christus Fílius Dei vivi, qui in hunc mundum venisti.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de poenis infèrni, et de profúndo lacu: libera eas de ore leónis, ne absorbéat eas tártarus, ne cadant in obscúrum: sed signifer sanctus Míchaël repræséntet eas in lucem sanctam: * Quam olim Abrahæ promisisti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fáci-mus: fac eas, Dómine, de morte transíre ad vitam. **Q**uam olim Abrahæ promisisti, et sémini eius.

Secreta

Propitiáre, quæsumus, Dómine, ánimæ fámuli tui **N.** (fámulæ tuæ **N.**), pro qua hóstiam laudis tibi immolámus, maiestátem tuam suppliciter deprecántes: ut per hæc piæ placatiónis officia, pervenire mereátur ad réquiem sempitérnam. Per Dóminum.

In die tertio, septimo et trigesimo:

Secreta

Múnera, quæsumus, Dómine, quæ tibi pro ánimæ fámuli tui **N.** (fámulæ tuæ **N.**), offérimus, placátus inténde: ut remédiis purgáta

cæléstibus, in tua pietáte requiescat. Per Dóminum.

Præfatio defunctorum.

Responsorium ad Communionem

4 Esdr. 2, 35 et 34

Lux ætérna luceat eis, Dómine: * Cum Sanctis tuis in ætèrnum: quia pius es. **V.** Réquiem ætérnam dona eis, Dómine: et lux perpétua luceat eis. **C**um Sanctis tuis in ætèrnum: quia pius es.

Postcommunio

Præsta, quæsumus, omnípotens Deus: ut ánimæ fámuli tui **N.** (fámulæ tuæ **N.**), quæ hódie de hoc sæculo migrávit, his sacrificiis purgáta, et a peccátis expedita, indulgéntiam páriter et réquiem capiat sempitérnam. Per Dóminum.

In die tertio, septimo et trigesimó:

Postcommunio

Súscipe, Dómine, preces nostras pro ánimæ fámuli tui **N.** (fámulæ tuæ **N.**): ut, si quæ ei máculæ de terrénis contágiis adhæsérunt, remissionis tuæ misericórdia deleántur. Per Dóminum.

IN ANNIVERSARIO DEFUNCTORUM

qui non sint sacerdotes

Antiphona ad Introitum

4 Esdr. 2, 34 et 35

Réquiem ætérnam dona eis, Dómine, et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi oratióne meam, ad te omnis caro véniet. **R**équiem ætérnam.

Oratio

Deus, indulgentiarum Dómine: da ánimæ fámuli tui **N.** (fámulæ tuæ **N.** **vel** animábus famulorum famularúmque tuárum) cuius (quorum) anniversárium depositiónis diem commemorámus, refrigerií sedem, quiétis beatitúdinem, et lúminis claritátem. Per Dóminum.

Lectio libri Machabæorum

2 Mach. 12, 43-46

In diébus illis: Vir fortíssimus Iudas, facta collatióne, duódecim míllia drachmas argénti misit Ierosólymam, offérri pro peccátis mortuorum sacrificium, bene et religiósse de resurrectione cógitans (nisi enim eos, qui cecíderant, resurrectúros speráret, supérfluum viderétur, et vanum oráre pro mórtuis): et quia considerábat quod hi, qui cum pietáte dormitiónem accéperant, óptimam habérent repósitam grátiam. Sancta ergo et salúbris est cogitatio pro defúctis exoráre, ut a peccátis solvántur.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **V. Ps. 111, 7** In memória ætérna erit iustus: ab auditiónē mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **V.** Et grátia tua illis succurrēte, mereántur evádere iudícium ultiónis. **V.** Et lucis ætérnæ beatitúdine pérfrui.

Sequentia Dies iræ, (120) **omitti potest.**

✠ **Sequentia sancti Evangélii**
secúndum Ioánnem

Ioann. 6, 37-40

In illo témpore: Dixit Iesus turbis Iudæórum: Omne, quod dat mihi

Pater, ad me véniet: et eum, qui venit ad me, non eiíciam foras: quia descéndi de cælo, non ut fáciam voluntátem meam, sed voluntátem eius, qui misit me. Hæc est autem volúntas eius, qui misit me, Patris: ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me: ut omnis, qui videt Fílium, et credit in eum, hábeat vitam ætérnam, et ego resuscitábo eum in novíssimo die.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de poenis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræsentet eas in lucem sanctam: * Quam olim Abrahæ promisísti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. Quam olim Abrahæ promisísti, et sémini eius.

Secreta

Propitiáre, Dómine, supplicatió-nibus nostris, pro ánima fámuli tui **N.** (fámulæ tuæ **N.**, **vel** animábus famulorum famularúmque tuárum), cuius (quorum) hódie ánnua dies ágitur: pro qua (quibus) tibi offérimus sacrificium laudis; ut eam (eas) Sanctórum tuórum consórtio sociáre dignéris. Per Dóminum.

Præfatio defunctorum.

Responsorium ad Communionem

4 Esdr. 2, 35 et 34

Lux ætérna lúceat eis, Dómine:
 * Cum Sanctis tuis in ætérnum quia
 pius es. **℣.** Réquiem ætérnam dona
 eis, Dómine: et lux perpétua lúceat
 eis. **Cum Sanctis tuis in ætérnum:**
 quia pius es.

Postcommunio

Præsta, quæsumus, Dómine: ut
 ánima fámuli tui **N.** (fámulæ tuæ
N., vel animæ famulorum famula-
 rúmque tuárum), cuius (quórum)
 anniversárium depositiónis diem
 commemorámus; his purgáta (pur-
 gátæ) sacrificiis, indulgéntiam pá-
 riter et réquiem cápiat (cápiant)
 sempitérnam. Per Dóminum.

**IN MISSIS COTIDIANIS
DEFUNCTORUM****Antiphona ad Introitum**

4 Esdr. 2, 34 et 35

Réquiem ætérnam dona eis, Dó-
 mine: et lux perpétua lúceat
 eis. **Ps. 64, 2-3** Te decet hym-
 nus, Deus, in Sion, et tibi reddétur
 votum in Ierúsalem: exáudi oratió-
 nem meam, ad te omnis caro véniet.
Réquiem ætérnam.

¶ **Si Missa applicetur pro certis defunctis,**
 dicitur oratio conveniens, ut infra inter ora-
 tiones diversas (125); **si applicetur pro defun-**
 ctis in genere, vel designatio ignoretur, dici-
 tur sequens oratio.

**Pro omnibus fidelibus defunctis
Oratio**

Fidélium, Deus, ómnium cónditor
 et redemptor: animábus famu-
 lorum famularúmque tuárum remis-
 siónem cunctórum tríbue peccató-
 rum: ut indulgéntiam, quam semper
 optavérunt, piis supplicatióibus
 consequántur: Qui vivis.

Léctio libri Apocalypsis beáti Ioán-
 nis Apóstoli **Apoc. 14, 13**

In diébus illis: Audívi vocem de
 cælo, dicéntem mihi: Scribe:
 Beáti mórtui, qui in Dómino mori-
 úntur. Amodo iam dicit Spíritus, ut
 requiéscent a labóribus suis: ópera
 enim illórum sequúntur illos.

Graduale 4 Esdr. 2, 34 et 35 Ré-
 quiem ætérnam dona eis, Dómine:
 et lux perpétua lúceat eis. **℣. Ps.**
111, 7 in memória ætérna erit iu-
 stus: ab auditióne mala non timé-
 bit.

Tractus Absólve, Dómine, áni-
 mas ómnium fidélium defunctorum
 ab omni vínculo delictórum. **℣.** Et
 grátia tua illis succurrénte, mere-
 ántur evádere iudícium uliónis. **℣.**
 Et lucis ætérnæ beatitúdine pérfrui.

¶ **Sequentia** Dies iræ, dies illa (120), **omitti**
potest.

**✠ Sequentia sancti Evangélii
secúndum Ioánnem**

Ioann. 6, 51-55

In illo témpore: Dixit Iesus turbis
 Iudæórum: Ego sum panis vivus
 qui de cælo descéndi. Si quis man-
 ducáverit ex hoc pane, vivet in
 ætérnum: et panis quem ego dabo,
 caro mea est pro mundi vita. Liti-
 gábant ergo Iudæi ad ínvicem, di-
 céntes: Quómodo potest hic nobis
 carnem suam dare ad manducán-
 dum? Dixit ergo eis Iesus: Amen,
 amen dico vobis: nisi manducavé-
 ritis carnem Fílii hóminis, et bibéri-
 tis eius sánguinem, non habébitis
 vitam in vobis. Qui mandúcat me-
 am carnem, et bibit meum sángu-
 nem, habet vitam ætérnam: et ego
 resuscitábo eum in novíssimo die.

Responsorium ad Offertorium

Dómine Iesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræséntet eas in lucem sanctam: * Quam olim Abrahæ promisísti, et sémini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fáci-mus: fac eas, Dómine, de morte transíre ad vitam. **Q**uam olim Abrahæ promisísti, et sémini eius.

Pro omnibus fidelibus defunctis
Secreta

Hóstias, quæsumus, Dómine, quas tibi pro animábus famulórum famularúmque tuárum offérimus, propitiátus inténde: ut, qui-

bus fidei christiánæ méritum contulísti, dones et præmium. Per Dóminum.

Præfatio defunctorum.**Responsorium ad Communionem**

4 Esdr. 2, 35 et 34

Lux ætérna luceat eis, Dómine: * Cum Sanctis tuis in ætérnum: quia pius es. **V.** Réquiem ætérnam dona eis, Dómine: et lux perpétua luceat eis. **C**um Sanctis tuis in ætérnum: quia pius es.

Pro omnibus fidelibus defunctis
Postcommunio

Animábus, quæsumus, Dómine, famulórum famularúmque tuárum orátio proficiat supplicántium: ut eas et a peccátis ómnibus éxuas, et tuæ redemptionis fácias esse partícipes: Qui vivis.

ORATIONES DIVERSÆ PRO DEFUNCTIS

1 PRO DEFUNCTO SUMMO PONTIFICE

Oratio

Deus, qui inter summos Sacerdotes famulum tuum **N.** ineffabili tua dispositione connumerari voluisti: præsta, quæsumus; ut, qui Unigéniti Filii tui vices in terris gerébat, sanctorum tuorum Pontificum consortio perpétuo aggregetur. Per eundem Dóminum.

Secreta

Súscipe, Dómine, quæsumus, pro ánima famuli tui **N.** Summi Pontificis, quas offerimus hostias: ut, cui in hoc sæculo pontificale donasti meritum, in cælesti regno Sanctorum tuorum iubeas iungi consortio. Per Dóminum.

Postcommunio

Prosit, quæsumus, Dómine, animæ famuli tui **N.** Summi Pontificis, misericordiæ tuæ implorata clementia: ut eius, in quo speravit et credidit, ætérnum capiat, te miserante, consortium. Per Dóminum.

2 PRO DEFUNCTIS EPISCOPIS ET SACERDOTIBUS

Oratio

Deus, qui inter apostólicos sacerdotes, famulos tuos pontificali seu sacerdotali fecisti dignitate vigere: præsta, quæsumus; ut eorum quoque perpétuo aggregentur consortio. Per Dóminum.

Secreta

Súscipe, Dómine, quæsumus, pro animabus famulorum tuorum Pontificum seu sacerdotum, quas offerimus hostias: ut, quibus in hoc sæculo pontificale seu sacerdotale donasti meritum, in cælesti regno Sanctorum tuorum iubeas iungi consortio. Per Dóminum.

Postcommunio

Prosit, quæsumus, Dómine, animabus famulorum tuorum Pontificum seu sacerdotum, misericordiæ tuæ implorata clementia: ut eius, in quo speraverunt et crediderunt, ætérnum capiant, te miserante, consortium. Per Dóminum.

3 PRO EPISCOPO CARDINALI DEFUNCTO, VEL PRESBYTERO CARDINALI, QUI EPISCOPALI DIGNITATE AUCTUS FUERIT

Oratio

Deus, qui inter apostólicos sacerdotes famulum tuum **N.** Episcopum (Presbyterum) Cardinalem, pontificali fecisti dignitate vigere: præsta, quæsumus; ut eorum quoque perpétuo aggregetur consortio. Per Dóminum.

Secreta

Súscipe, Dómine, quæsumus, pro ánima famuli tui **N.**, Episcopi (Presbyteri) Cardinalis, quas offerimus hostias: ut, cui in hoc sæculo pontificale donasti meritum, in cælesti regno Sanctorum tuorum iubeas iungi consortio. Per Dóminum.

Postcommunio

Prosit, quæsumus, Dómine, ánimæ fámuli tui **N.** Epíscopi (Presbýteri) Cardinális, misericórdiæ tuæ imploráta cleméntia: ut eius, in quo sperávit et crédidit, ætérnum cápiat, te miseránte, consórtium. Per Dóminum.

4 PRO PRESBYTERO CARDINALI, QUI EPISCOPALI DIGNITATE AUCTUS NON FUERIT, VEL PRO DIACONO CARDINALI

Oratio

Deus, qui inter apostólicos sacerdótes fámulum tuum **N.** Presbýterum (Diáconum) Cardinálem, sacerdotáli fecísti dignitáte vigére: præsta, quæsumus; ut eórum quoque perpétuo aggregétur consórtio. Per Dóminum.

Secreta

Súscipe, Dómine, quæsumus, pro ánimá fámuli tui **N.** Presbýteri (Diáconi) Cardinális, quas offérimus hóstias: ut, cui in hoc sæculo sacerdotále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Prosit, quæsumus, Dómine, ánimæ fámuli tui **N.** Presbýteri (Diáconi) Cardinális, misericórdiæ tuæ imploráta cleméntia: ut eius, in quo sperávit et crédidit, ætérnum cápiat, te miseránte, consórtium. Per Dóminum.

5 PRO DEFUNCTO EPISCOPO

Oratio

Deus, qui inter apostólicos sacerdótes fámulum tuum **N.** pontificáli fecísti dignitáte vigére: præsta, quæsumus; ut eórum quoque perpétuo aggregétur consórtio. Per Dóminum.

Secreta

Súscipe, Dómine, quæsumus, pro ánimá fámuli tui **N.** Pontificis, quas offérimus hóstias: ut, cui in hoc sæculo pontificále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Prosit, quæsumus, Dómine, ánimæ fámuli tui **N.** Pontificis, misericórdiæ tuæ imploráta cleméntia: ut eius, in quo sperávit et crédidit, ætérnum cápiat, te miseránte, consórtium. Per Dóminum.

¶ Si pro pluribus, orationes dicuntur ut infra:

Oratio

Deus, qui inter apostólicos sacerdótes fámulos tuos **N.** et **N.** pontificáli fecísti dignitáte vigére: præsta, quæsumus; ut eórum quoque perpétuo aggregéntur consórtio. Per Dóminum.

Secreta

Súscipe, Dómine, quæsumus, pro animábus famulórum tuórum **N.** et **N.** Pontificum, quas offérimus hóstias: ut, quibus in hoc sæculo pontificále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Profit, quæsumus, Dómine, ánimábus famulórum tuórum **N.** et **N.** Pontíficum, misericórdiæ tuæ imploráta cleméntia: ut eius, in quo speravérunt et credidérunt, ætérnum cápiant, te miseránte, consórtium. Per Dóminum.

6 ALTERA PRO DEFUNCTO EPISCOPO**Alia Oratio**

Da nobis, Dómine, ut ánimam fámuli tui **N.** Epíscopi, quam de huius sæculi eduxísti laboriósó certámine, Sanctórum tuórum tríbuas esse consórtem. Per Dóminum.

Secreta

Annue nobis, quæsumus, Dómine, ut ánimæ fámuli tui **N.** Epíscopi hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

His sacrificiis, quæsumus, omnipotens Deus, purgáta ánimá fámuli tui **N.** Epíscopi, ad indulgéntiam et refrigerium sempitérnum pervenire mereátur. Per Dóminum.

¶ Si pro pluribus, orationes dicuntur ut infra:

Oratio

Da nobis, Dómine, ut ánimas famulórum tuórum **N.** et **N.** Pontíficum: quas de huius sæculi eduxísti laboriósó certámine, Sanctórum tuórum tríbuas esse consórtes. Per Dóminum.

Secreta

Annue nobis, quæsumus, Dómine, ut animábus famulórum tuórum **N.** et **N.** Pontíficum hæc prosit

oblátio: quam immolándo, totíus mundi tribuísti relaxári delícta. Per Dóminum.

Postcommunio

His sacrificiis, quæsumus, omnipotens Deus, purgáta ánimæ famulórum tuórum **N.** et **N.** Pontíficum, ad indulgéntiam et refrigerium sempitérnum pervenire mereántur. Per Dóminum.

7 PRO DEFUNCTO SACERDOTE**Oratio**

Deus, qui inter apostólicos sacerdótes fámulum tuum **N.** sacerdotáli fecísti dignitáte vigére: præsta, quæsumus; ut eórum quoque perpétuo aggregétur consórtio. Per Dóminum.

Secreta

Súscipe, Dómine, quæsumus, pro ánimá fámuli tui **N.** sacerdotís, quas offerimus hóstias: ut, cui in hoc sæculo sacerdotále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Profit, quæsumus, Dómine, ánimæ fámuli tui **N.** sacerdotís, misericórdiæ tuæ imploráta cleméntia: ut eius, in quo sperávit et crédidit, ætérnum cápiat, te miseránte, consórtium. Per Dóminum.

¶ Si pro pluribus, orationes dicuntur ut infra:

Oratio

Deus, qui inter apostólicos sacerdótes fámulos tuos **N.** et **N.** sacerdotáli fecísti dignitáte vigére: præsta, quæsumus; ut eórum quoque perpétuo aggregéntur consórtio. Per Dóminum.

Secreta

Súscipe, Dómine, quæsumus, pro animábus famulórum tuórum **N.** et **N.** sacerdotum, quas offérimus hóstias: ut, quibus in hoc sæculo sacerdotále donásti méritum, in cælésti regno Sanctórum tuórum iúbeas iungi consórtio. Per Dñm.

Postcommunio

Prosit, quæsumus, Dómine, animábus famulórum tuórum **N.** et **N.** sacerdotum, misericórdiæ tuæ imploráta cleméntia: ut eius; in quo speravérunt et credidérunt, ætérnum cápian, te miseránte, consórtium. Per Dóminum.

8 ALTERA PRO DEFUNCTO SACERDOTE**Alia oratio**

Præsta, quæsumus, Dómine: ut ánima fámuli tui **N.** sacerdotis quem, in hoc sæculo commorántem, sacris munéribus decorásti; in cælésti sede gloriósa semper exsúltet. Per Dóminum.

Secreta

Súscipe, Dómine, quæsumus, pro ánima fámuli tui **N.** sacerdotis, quas offérimus hóstias: ut, cui sacerdotále donásti méritum, dones et præmium. Per Dóminum.

Postcommunio

Præsta, quæsumus, omnípotens Deus: ut animam fámuli tui **N.** sacerdotis in congregatióne iustórum ætérnæ beatitúdinis iúbeas esse consórtem. Per Dóminum.

¶ Si pro pluribus, orationes dicuntur ut infra:

Oratio

Præsta, quæsumus, Dómine: ut animæ famulórum tuórum **N.** et

N. sacerdotum, quos, in hoc sæculo commorántes, sacris munéribus decorásti; in cælésti sede gloriósa semper exsúltent. Per Dóminum.

Secreta

Súscipe, Dómine, quæsumus, pro animábus famulórum tuórum **N.** et **N.** sacerdotum, quas offérimus hóstias: ut, quibus sacerdotále donásti méritum, dones et præmium. Per Dóminum.

Postcommunio

Præsta, quæsumus, omnípotens Deus: ut ánimas famulórum tuórum **N.** et **N.** sacerdotum in congregatióne iustórum ætérnæ beatitúdinis iúbeas esse consórtes. Per Dóminum.

9 PRO UNO DEFUNCTO**Oratio**

Inclína, Dómine, aurem tuam ad preces nostras, quibus misericórdiam tuam súplices deprecámur: ut animam fámuli tui **N.**, quam de hoc sæculo migráre iussísti; in pacis ac lucis regióne constituas, et Sanctórum tuórum iúbeas esse consórtem. Per Dóminum.

Si dici contingat altera oratio pro uno defuncto, dicitur oratio sequens n. 10, mutato genere.

Secreta

Annue nobis, quæsumus, Dómine, ut animæ fámuli tui **N.** hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

Absólve, quæsumus, Dómine, animam fámuli tui **N.**, ab omni vínculo delictórum: ut in resurrectionis glória inter Sanctos et elé-

ctos tuos resuscitatus respíret. Per Dóminum.

¶ Si pro pluribus, etiam sexus diversi, orationes dicuntur ut infra:

Oratio

Inclína, Dómine, aurem tuam ad preces nostras, quibus misericórdiam tuam súplices deprecámur: ut ánimas famulórum tuórum **N.** et **N.** quas de hoc sæculo migráre iussísti; in pacis ac lucis regiónē constitúas, et Sanctórum tuórum iúbeas esse consórtes. Per Dóminum.

Secreta

Annue nobis, quæsumus, Dómine, ut animábus famulórum tuórum **N.** et **N.** hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

Absólve, quæsumus, Dómine, ánimas famulórum tuórum **N.** et **N.** ab omni vínculo delictórum: ut in resurrectionis glória inter Sanctos et eléctos tuos resuscitáti respírent. Per Dóminum.

Pro una defuncto et una defuncta, quorum nomina ignorentur, dicitur oratio ut supra, adhibitis verbis fámuli et fámulæ tuæ.

10 PRO UNA DEFUNCTA

Oratio

Quæsumus, Dómine, pro tua pietáte miserére animæ fámulæ tuæ **N.**: et a contágiis mortalitátis exútam, in æternæ salvatiónis partem restítue. Per Dóminum.

Si dici contingat altera oratio pro una defuncta, dicitur oratio præcedens n. 9, mutato genere.

Secreta

His sacrificiis, quæsumus, Dómine, ánima fámulæ tuæ **N.** a peccátis ómnibus exuátur, sine quibus a culpa nemo liber éxstitit: ut, per hæc piæ placatiónis officia, perpétuam misericórdiam consequá-tur. Per Dóminum.

Postcommunio

Invéniat, quæsumus, Dómine, ánima fámulæ tuæ **N.** lucis æternæ consórtium: cuius perpétuæ misericórdiæ consecúta est sacraméntum. Per Dóminum.

¶ Si pro pluribus, orationes dicuntur ut infra:

Oratio

Quæsumus, Dómine, pro tua pietáte miserére animábus famulárum tuárum **N.** et **N.**: et a contágiis mortalitátis exútas, in æternæ salvatiónis partem restítue. Per Dóminum.

Secreta

His sacrificiis, quæsumus, Dómine, animæ famulárum tuárum **N.** et **N.** a peccátis ómnibus exuántur, sine quibus a culpa nemo liber éxstitit: ut, per hæc piæ placatiónis officia, perpétuam misericórdiam consequántur. Per Dóminum.

Postcommunio

Invéniant, quæsumus, Dómine, animæ famulárum tuárum **N.** et **N.** lucis æternæ consórtium: cuius perpétuæ misericórdiæ consecútæ sunt sacraméntum. Per Dóminum.

11 PRO PATRE ET MATRE

Oratio

Deus, qui nos patrem et matrem honorare praecepisti: miserere clementer animabus patris et matris meae (parentum nostrorum), eorumque peccata dimitte: meque (nosque) eos in aeternae claritatis gaudio fac videre. Per Dominum.

Secreta

Suscipe sacrificium, Domine, quod tibi pro animabus patris et matris meae (parentum nostrorum) offero: eisque gaudium sempiternum in regione vivorum concede; meque (nosque) cum illis felicitati Sanctorum coniunge. Per Dominum.

Postcommunio

Caelstis participatio sacramenti, quaesumus, Domine, animabus patris et matris meae (parentum nostrorum) requiem et lucem obtineat perpetuam: meque (nosque) cum illis gratia tua coronet aeterna. Per Dominum.

12 PRO PATRE TANTUM

Oratio

Deus, qui nos patrem et matrem honorare praecepisti: miserere clementer animae patris mei (nostri), eiusque peccata dimitte; meque (nosque) eum in aeternae claritatis gaudio fac videre. Per Dominum.

Secreta

Suscipe sacrificium, Domine, quod tibi pro anima patris mei (no-

stri) offero: eisque gaudium sempiternum in regione vivorum concede; meque (nosque) cum illo felicitati Sanctorum coniunge. Per Dominum.

Postcommunio

Caelstis participatio sacramenti, quaesumus, Domine, animae patris mei (nostri) requiem et lucem obtineat perpetuam: meque (nosque) cum illo gratia tua coronet aeterna. Per Dominum.

13 PRO MATRE TANTUM

Oratio

Deus, qui nos patrem et matrem honorare praecepisti: miserere clementer animae matris meae (nostrae), eiusque peccata dimitte; meque (nosque) eam in aeternae claritatis gaudio fac videre. Per Dominum.

Secreta

Suscipe sacrificium, Domine, quod tibi pro anima matris meae (nostrae) offero: eisque gaudium sempiternum in regione vivorum concede; meque (nosque) cum illa felicitati Sanctorum coniunge. Per Dominum.

Postcommunio

Caelstis participatio sacramenti, quaesumus, Domine, animae matris meae (nostrae) requiem et lucem obtineat perpetuam: meque (nosque) cum illa gratia tua coronet aeterna. Per Dominum.

14 PRO DEFUNCTIS FRATRIBUS, PROPINQUIS, ET BENEFACTORIBUS

Oratio

Deus, véniaē largitor et humanāe salutis amātor: quāesumus clemēntiam tuam; ut nostrae congregatiōnis fratres, propinquos, et benefactōres, qui ex hoc saeculo transiērunt, beāta Mariā semper Virgine intercedēte cum omnibus Sanctis tuis, ad perpētuae beatitudinis consōrtium pervenīre concēdas. Per Dōminum.

Secreta

Deus, cuius misericordiāe non est nūmerus, sūscipe propitius preces humilitātis nostrae: et animābus fratrum, propinquorum, et benefactorum nostrorum, quibus tui nōminis dedisti confessiōnem, per haec sacramēta salutis nostrae, cunctōrum remissiōnem trībue peccatorum. Per Dōminum.

Postcommunio

Praesta, quāesumus, omnīpotens et misēricors Deus: ut animae fratrum, propinquorum, et benefactorum nostrorum, pro quibus hoc sacrificium laudis tuae obtulimus maiestāti; per huius virtutem sacramēti a peccātis omnibus expiatae, lucis perpētuae, te miserānte, recīpant beatitudinem. Per Dōminum.

15 PRO HIS, QUI IN CŒMETERIO REQUIESCUNT

Oratio

Deus, cuius miseratione animae fideliū requiēscunt: famulis et famulābus tuis, et omnibus hic et ubique in Christo quiescētibus, da

propitius véniam peccatorum; ut a cunctis reātibus absolūti, tecum sine fine laetēntur. Per eūndem Dōminum.

Secreta

Pro animābus famulorum famularūque tuarum, et omnium catholicorum hic et ubique in Christo dormiēntium, hōstiam, Dōmine, sūscipe benīgnus oblātā: ut hoc sacrificio singulāri, vīculis horrēndae mortis exūti, vitam mereāntur aetērnā. Per eūndem Dōminum.

Postcommunio

Deus, fideliū lumen animarum, adēsto supplicatiōnibus nostris: et da famulis et famulābus tuis, quorum cōrpora hic et ubique in Christo requiēscunt, refrigeriū sedem, quiētis beatitudinem, et lūminis claritatem. Per eūndem Dōminum.

16 PRO PLURIBUS DEFUNCTIS

Oratio

Deus, cui propriū est misereri semper et parcere: propitiāre animābus famulorum famularūque tuarum, et omnia eorum peccāta dimitte; ut mortalitātis vīculis absolūtā, transire mereāntur ad vitam. Per Dōminum.

Secreta

Annue nobis, quāesumus, Dōmine, ut animābus famulorum famularūque tuarum haec prosit oblātio: quam immolādo, totius mundi tribuisti relaxāri delicta. Per Dōminum.

Postcommunio

Deus, cui soli cōmpetit medicīnam præstāre post mortem: præsta, quæsumus; ut animæ famulōrum famularūmq̃ tuārum, terrenis exūtæ contāgiis, in tuæ redemptionis parte numerētur: Qui vivis.

17 ITEM PRO PLURIBUS DEFUNCTIS

Oratio

Animābus, quæsumus Dōmine, famulōrum famularūmq̃ tuārum misericōrdiam concēde perpētua: ut eis proficiat in ætēnum,

quod in te speravērunt, et credidērunt. Per Dōminum.

Secreta

His, Dōmine, quæsumus, placātus intēde munéribus: et quod ad laudem tui nōminis supplicātes offērimus, ad indulgēntiam proficiat defunctōrum. Per Dōminum.

Postcommunio

Supplices, Dōmine, pro animābus famulōrum famularūmq̃ tuārum preces effūdimus: obsecrāntes; ut, quidquid conversatiōne contraxērunt humāna, clemēter indūlgeas, et in tuōrum sede lætāntium constituas redemptōrum. Per Dōminum.

ORDO ABSOLUTIONIS

IN EXSEQUIIS PRÆSENTE DEFUNCTI CORPORE EX RITUALI ROMANO

(Titulus VII, Caput III nn. 7-15).

Finita Missa exsequiali, ultimo Evangelio omisso, celebrans, depositis casula seu planeta et manipulo in plano ad latus Epistolæ, accipit pluviale nigri coloris, diacono et subdiacono paratis remanentibus, depositis tamen manipulis. Tum subdiaconus accipit Crucem, et præcedentibus duobus acolythis, uno cum thuribulo et navicula incensi, alio cum vase aquæ benedictæ et aspersorio, accedit ad feretrum et se sistit ad caput defuncti cum Cruce, medius inter duos acolythos seu ceroferarios cum candelabris et candelis accensis. Post eum omnes alii de clero veniunt ordinatim in gradu suo cum candelis accensis, et stant in circuitu feretri: ultimo loco sequitur celebrans cum diacono a sinistris, et facta prius reverentia altari, sistit se contra Crucem ad pedes defuncti, retro astantibus ei a sinistris duobus acolythis, uno cum thuribulo et navicula incensi, altero cum vase aquæ benedictæ et aspersorio. Tunc, diacono tenente librum, iunctis manibus absolute dicit sequentem orationem (nulla numeri aut generis facta muta-

tione, etiamsi pro pluribus aut pro femina dicatur):




Oratio

Non intres in iudicium cum servo tuo, Dómine, quia nullus apud te iustificábitur homo, nisi per te ómnium peccatórum ei tribuátur remissio. Non ergo eum, quæsumus, tua iudiciális senténtia premat, quem tibi vera supplicatio fidei christiánæ comméndat: sed, grátia tua illi succurrénte, mereátur evádere iudicium ultiónis, qui dum viveret, insignítus est signáculo sanctæ Trinitátis: Qui vivis et regnas in sæcula sæculórum.

Rv. Amen.

Deinde, cantore incipiente, clerus circumstans cantat sequens responsorium:

I
L í-be- ra me, Dó- mi-ne, *de morte æ-tér- na,
in di- e il- la tre-mén- da: * Quando cæ- li
mo- véndi sunt et ter-ra: † Dum vé- ne- ris



Repetitur *Líbera me, Dómine, usque ad V̇. Tremens.*

¶ **Dum repetitur prædictum responsorium, sacerdos, diacono ministrante, accipit incensum de navicula et ponit in thuribulum, benedicens illud more solito. Finito responsorio,**


Cantor cum primo choro dicit:

Et secundus chorus respondet:



Deinde omnes simul dicunt:



Mox sacerdos dicit alta voce:



¶ **Et secreto continuatur ab omnibus.**

Ipsa interim accipit de manu diaconi aspersorium aquæ benedictæ, eodemque diacono comitante a dexteris et anteriorem fimbriam pluvialis sublevante, circumiens feretrum, aspergit corpus defuncti aqua benedicta, ter a parte sinistra cadaveris et ter a dextera. Cum

transit ante altare et ante Crucem, quæ est ex adverso, profunde se inclinat, diacono genuflectente; si transit ante Sacramentum, genuflectit. Deinde, reversus ad locum suum, diacono ministrante, accipit thuribulum, et eodem modo quo asperserat, circuit feretrum, et corpus incensat; postea, reddito thuribulo, stans in loco suo, diacono librum apertum ante ipsum tenente, iunctis manibus dicit:



V. Dóminus vobíscum.

R. Et cum spírítu tuo.

Orémus.

Oratio


Deus, cui próprium est miseréri
semper et párcere, te súppli-
ces exorámus pro ánima fámuli tui
N. (fámulæ tuæ **N.**), quam hódie
de hoc sáeculo migráre iussísti: ut
non tradas eam in manus inimíci,

neque obliviscáris in finem, sed
iúbeas eam a sanctis Angelis sú-
scipi, et ad pátriam paradísi per-
dúci; ut, quia in te sperávit et cré-
didit, non pœnas inférni sustíneat,
sed gáudia ætéRNA possídeat. Per
Christum Dóminum nostrum.

R. Amen.

Si defunctus fuerit sacerdos vel Episcopus,
in oratione dicatur: pro ánima fámuli tui **N.**
Sacerdótis **vel** Epíscopi, quam etc.


Finita oratione, corpus defertur ad sepulcrum, si tunc deferendum sit; dum autem portatur, vel in eodem loco, si tunc non portetur, clerici cantant antiphonam:




In pa-ra-dí-sum* de-dú-cant te Ange-li: in tu-o advéntu suscí-



pi-ant te Már-ty-res, et perdú-cant te in ci-vi-tá-tem san-ctam Ie-



rú-sa-lem. Cho-rus Ange-ló-rum te sus- cí-pi-at, et cum Lá-za-ro



quondam páu-pe-re æ-térnam há-be-as réqui-em.

Deinde, etiamsi corpus tunc ad sepulturam delatum non fuerit, sacerdos prosequatur Offi-

cium, ut infra, quod numquam omittitur; et intonet antiphonam:



E-go sum *

Chorus
prosequitur:

re-surré-cti- o et vi-ta: qui cre-dit in me, é-ti- am si




mórtu-us fú-e-rit, vi-vet: et om-nis qui vi-vit et cre-dit in me,



non mo-ri-é-tur in æ-térnum.

II



Canticum: Be-ne-dí-ctus Dó-mi-nus De- us Is-ra-el.



E u o u a e. Et e-ré-xit.

Canticum Zachariæ

Luc. 1, 68-79

Benedíctus Dóminus, Deus Israël,
* quia visitávit et redémit pó-
pulum suum,

Et eréxit cornu salútis nobis * in
domo David servi sui,

Sicut locútus est per os sanctó-
rum, * qui olim fuérunt, prophe-
tárum suórum:

Ut liberáret nos ab inimícis no-
stris, * et e manu ómnium qui
odérunt nos,

Ut fáceret misericórdiam cum
pátribus nostris * et recordarétur
foéderis sui sancti:

Iurisiurándi, quod iurávit Abra-

hæ, patri nostro, * datúrum se
nobis,

Ut sine timóre, e manu inimicó-
rum nostrórum liberáti, * serviámus
illi

In sanctitáte et iustítia coram
ipso * ómnibus diébus nostris.—

Et tu, puer, prophéta Altíssimi
vocáberis: * præíbis enim ante
fáciem Dómini ad parándas vias
eius,

Ad dandam pópulo eius sciénti-
am salútis * in remissióne peccató-
rum eórum

Per víscera misericórdiæ Dei
nostri, * qua visitábit nos Oriens
ex alto,


Ut illúminet eos, qui in ténebris
et in umbra mortis sedent, * ut
dírigat pedes nostros in viam pacis.

Réquiem ætérnam * dona ei,
Dómine.

Et lux perpétua * lúceat ei.

*Ae, si longitudo itineris postulaverit, dica-
tur psalmus De profúndis et alii psalmi ex
Officio defunctorum, et in fine cuiuslibet
psalmi dicitur: Réquiem ætérnam dona ei,
Dómine.*

*Ad ingressum cœmeterii repetitur anti-
phona:*



E-go sum re-surré-cti-o et vi-ta: qui cre-dit in me, é-ti-am si



mórtu-us fú-e-rit, vi-vet: et om-nis qui vi-vit et cre-dit in me,



non mo-ri-é-tur in æ- térnun.

*Cum autem pervenerit ad sepulcrum, si
non sit benedictum, sacerdos illud benedicit,
dicens hanc orationem:*

Orémus.

Oratio

Deus, cuius miseratione ánimæ
fidélium requiéscunt, hunc tú-
mulum bene ✠ dícere dignáre,
eíque Angelum tuum sanctum dé-
puta custódem: et quorum qua-
rúmque córpora hic sepeliúntur,
ánimas eórum ab ómnibus absólve

vínculis delictórum; ut in te sem-
per cum Sanctis tuis sine fine læ-
téntur. Per Christum Dóminum
nostrum. *R̃.* Amen.

*Si sepulcrum pro uno tantum inserviat,
dicatur: et cuius corpus hic sepelitur, áni-
mam eius . . . lætétur.*

*Dicta oratione, sacerdos aqua benedicta
aspergat, deinde incenset corpus defuncti et
tumulum.*

*Quod si sepulcrum iam sit benedictum,
omíttitur tum benedictio sepulcri, tum asper-
sio et incensatio corporis ac tumuli.*

Postea sacerdos dicit:

Chorus prosequitur:



Ký-ri- e, e-lé- i-son. *Chri-ste*, e-lé- i-son. Ký-ri- e, e-lé- i-son.

Sacerdos:



Pa-ter noster.

Interim corpus, quin circumeat, aspergit.

**ψ. Et ne nos indúcas in tentati-
ónem.**

Rv. Sed líbera nos a malo.

V. A porta inferi.

Rv. Erue, Dómine, ánimam eius.

℣. Requiescat in pace. ℞. Amen.

V. Dómine, exáudi oratiónem meam.

IV. Et clamor meus ad te véniat.

℣. Dóminus vobíscum.

Rv. Et cum spírítu tuo.

Et, dicto per cantores:



℟. Requi-éscat in pa-ce. ℞. Amen.

Celebrans dicit recto tono:

V. Anima eius, et ánimæ ómnium fidélium defunctórum, per

Orémus.

Oratio

Fac, quæsumus, Dómine, hanc cum servo tuo defúncto (ancilla tua defúncta) misericórdiam, ut factórum suórum in poenis non recípiat vicem, qui (quæ) tuam in votis ténuít voluntátem: ut, sicut hic eum (eam) vera fides iunxit fidélium turmis; ita illic eum (eam) tua miserátio sóciet angélicis choris. Per Christum Dóminum nostrum. **Rv.** Amen.

Deinde celebrans, faciens crucem manu
dextera super feretrum, dicit:

**℣. Réquiem ætérnam dona ei,
Dómine.**

R. Et lux perpétua luceat ei.

**misericórdiam Dei requiéscent in
pace. R. Amen.**

ORDO ABSOLUTIONIS

IN EXSEQUIIS ABSENTE DEFUNCTI CORPORE EX RITUALI ROMANO

(Titulus VII, Caput V).

¶ Hic ritus servatur pro defunctis adultis, quando exsequiæ fiunt absente defuncti corpore, sive in die tertio, septimo, trigesimo et anniversario ab obitu vel depositione defuncti, sive in alio die.

¶ Si absolutio immediate Missam defunctorum sequitur, in ea ultimum Evangelium omittitur. Post Missam, celebrans deponit planetam seu casulam et manipulum in plano ad latus Epistolæ, accipit pluviale nigri coloris, et, præcedentibus duobus acolythis, uno cum navicula incensi et thuribulo, altero cum vasculo aquæ benedictæ et aspersorio, post eos subdiacono cum Cruce, et duobus ceroferariis cum luminaribus accensis, et clero, accedit cum diacono a sinistris ad locum tumuli. Subdiaconus cum Cruce sistit se ad pedes tumuli seu lecticæ mortuorum contra altare, medius inter dictos acolythos tenentes luminaria; celebrans vero ex alia parte in capite loci inter altare et tumulum, aliquantulum versus latus Epistolæ, ita ut Crucem subdiaconi respiciat; a sinistris eius diaconus, et prope eum alii duo acolythi deferentes thuribulum et vas aquæ benedictæ. Tunc, omissa oratione Non intres, etc., a clero circumstante cantatur *R.* Libera me, Dómine, etc., ut supra (133). Interim ministratur incensum, benedicitur, et imponitur in thuribulum.

Postea dicitur:

Kýrie, eléison. Christe, eléison.
Kýrie, eléison.

Mox sacerdos dicit: Pater noster, quod dum secreto continuatur, accipit aspersorium, et circuit tumulum aspergens, atque incensans eodem modo, ut supra dictum est.

Postea dicit:

V. Et ne nos indúcas in tentati-
ónem.

R. Sed libera nos a malo.

V. A porta inferi.

R. Erue, Dómine, ánimam eius
(ánimas eórum *vel* eárum).

V. Requiéscat (-ant) in pace.

R. Amen.

V. Dómine, exáudi oratió-
nem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Absólve, quæsumus, Dómine, ánimam fámuli tui **N.** (fámulæ tuæ **N.**, *vel* ánimas famulórum tuórum **N.** et **N.**, *vel* ánimas famulárum tuárum **N.** et **N.**, *vel* ánimas famulórum famularúmque tuárum) ab omni vínculo delictórum: ut, in resurrectionis glória, inter Sanctos et eléctos tuos resuscitátus (-a) respíret (resuscitáti *vel* resuscitátæ respírent). Per Christum Dóminum nostrum.

R. Amen.

Si defunctus fuerit sacerdos vel Episcopus, in oratione exprimitur nomen dignitatis.

Loco præcedentis orationis, celebrans dicere potest orationem, quæ dicta est in Missa, vel aliam convenientem, ut supra (125), adhibita tamen conclusione brevi.

Deinde celebrans, faciens crucem manu dextera super tumulum, dicit:

V. Réquiem æté-
rnam dona ei
(eis), Dómine.

R. Et lux perpétua
lúceat ei
(eis).

Et, dicto per cantores:



℣. Requi-éscat in pa-ce. ℞. Amen.

Requi-éscant

Celebrans dicit recto tono:

℣. Anima eius (Animæ eórum
vel eárum) et ánimæ ómnium fidé-
lium defunctórum per misericór-
diam Dei requiéscant in pace.

℞. Amen.

Versus supradictus omittitur si absolutio
pro omnibus fidelibus defunctis facta fuerit.

PROPRIUM SANCTORUM PRO ALIQUIBUS LOCIS

Infrascriptæ Missæ de Mystério vel Sancto elogium in Martyrologio eo die habente, dici possunt ut festivæ ubicumque, ad libitum sacerdotis, iuxta rubricas. Similiter huiusmodi Missæ dici possunt etiam ut votivæ, nisi aliqua expresse excipiat.

FESTA DECEMBRIS

DIE 7 DECEMBRIS

S. AMBROSII

EP., CONF. ET ECCL. DOCT.

Antiphona ad Introitum

Sap. 7, 7-8

Optavi, et datus est mihi sensus: et invocavi, et venit in me spiritus sapientiæ: et præposui illam regnis et sedibus, et divitias nihil esse duxi in comparatione illius. **Ps. 85, 1** Inclina, Domine, aurem tuam, et exaudi me, quoniam inops et pauper sum ego. **V.** Glória Patri. **O**ptavi.

Oratio

Omnipotens, sempitærne Deus, qui hodiernam festivitatem beati Ambrósii Sacerdotis electione consecrasti; præsta pópulo tuo; ut cuius ánnua celebritate devótis exsultat obséquiiis, eius patrocínio tuæ pietátis consequátur auxílio. Per Dóminum.

Lectio Epístolæ beati Pauli
Apóstoli ad Ephésios

Eph. 3, 2-11

Fratres: Audístis dispensationem grátiae Dei, quæ data est mihi in vobis; quoniam secúndum revelationem notum mihi factum est sacraméntum, sicut supra scripsi

in brevi; prout potéstis legéntes intellégere prudéntiam meam in mystério Christi, quod áliis generationibus non est ágnitum filiis hóminum, sicuti nunc revelátum est sanctis apóstolis eius et prophétis in Spíritu: gentes esse cohærédes, et concorporáles, et compartícipes promissionis eius in Christo Iesu per Evangélium: cuius factus sum mínister secúndum donum grátiae Dei, quæ data est mihi secúndum operationem virtútis eius. Mihi ómnium sanctórum mínimo data est grátia hæc, in géntibus evangeli-záre investigábiles divítias Christi, et illumináre omnes, quæ sit dispensátio sacraménti abscónditi a sæculis in Deo, qui ómnia creávit: ut innotéscat principátibus et potestátibus in cæléstibus per Ecclesiám, multifórmis sapiéntia Dei, secúndum præfinitionem sæculórum, quam fecit in Christo Iesu Dómino nostro.

Graduale Gen. 12, 1 Egrédere de terra tua, et de domo patris tui, et veni in terram, quam monstrábo tibi. **V. Ps. 20, 3** Desidérium cordis eius tribuísti ei, et voluntáte labi-órum eius non fraudásti eum.

Allelúia, allelúia. **V.** Diréctus est vir ínclitus ut Aríum destrúeret, splendor Ecclesiæ, cláritas vatú, ínfulas dum gerit sæculi acquisívit Paradísi. Allelúia.

✠ Sequéntia sancti Evangélii secúndum Ioánnem

Ioann. 10, 11-16

In illo témpore: Dixit Iesus phari-
sæis: Ego sum pastor bonus.
Bonus pastor ánimam suam dat pro
óvibus suis. Mercenárius autem, et
qui non est pastor, cuius non sunt
oves própriæ, videt lupum venién-
tem, et dimíttit oves, et fugit: et
lupus rapit, et dispérgit oves: mer-
cenárius autem fugit, quia merce-
nárius est, et non pértinet ad eum
de óvibus. Ego sum pastor bonus:
et cognósco meas, et cognóscunt
me meæ. Sicut novit me Pater, et
ego agnósco Patrem: et ánimam
meam pono pro óvibus meis. Et
álias oves hábeo, quæ non sunt ex
hoc ovíli: et illas opórtet me addú-
cere, et vocem meam áudient, et
fiet unum ovíle, et unus pastor.

Antiphona ad Offertorium

Ezech. 34, 15-16

Ego pascam oves meas, et ego
eas accubáre fáciam, dicit Dómi-
nus. Quod perierat requíram, et
quod abiéctum erat redúcám, et
quod confráctum fúerat alligábo,
et quod infirmum fúerat consoli-
dábo.

Secreta

Omnípotens sempitérne Deus,
múnera tuæ maiestáti obláta,
per intercessiónem beáti Ambrósii
Confessóris tui atque Pontíficis, ad
perpétuam nobis fac proveníre sa-
lútem. Per Dóminum.

Antiphona ad Communionem

Eccli. 50, 6-7

Quasi stella matutína in médio
nébulæ, et quasi luna plena in dié-
bus suis lucet, et quasi sol refúl-
gens, sic ille effúlsit in templo Dei.

Postcommunio

Sacraménta salútis nostræ susci-
piéntes, concéde, quæsumus,
omnípotens Deus: ut beáti Ambró-
sii Confessóris tui atque Pontíficis,
nos ubíque orátio ádiuvet; in cuius
veneratióne hæc tuæ obtúlimus
maiestáti. Per Dóminum.

FESTA IANUARI

DIE 3 IANUARI

S. GASPARIS DEL BUFALO CONFESSORIS

Antiphona ad Introitum

Apoc. 5, 9-10

Dignus es, Dómine, accípere
librum, et aperíre signácula
eius: quóniam occísus es, et
redemísti nos Deo in ságuine tuo,
et fecísti nos Deo nostro regnum
et sacerdótes. **Ps. 83, 2** Quam di-
lécta tabernácula tua Dómine vir-
tútum, concupíscit et déficit ánima
mea in átria Dómini. **V.** Glória
Patri. **Dignus es.**

Oratio

Deus, qui ad salútem animárum,
quas tuo pretióso Ságuine
redemísti, novam per beátum Gas-
párem in Ecclésia tua famíliam
congregásti: concéde propítius; ut
ipso intercedénte, copiósum tuæ
redemptiónis fructum consequá-
mur: Qui vivis.

Léctio Epístolæ beáti Pauli Apó-
stoli ad Ephésios **Eph. 1, 3-7**

Benedíctus Deus et Pater Dómi-
ni nostri Iesu Christi, qui bene-
dixit nos in omni benedictióne spi-
rituáli in cæléstibus in Christo,
sicut elégit nos in ipso ante mundi
constitutiónem, ut essémus sancti

et immaculáti in conspéctu eius in caritáte. Qui prædestinávit nos in adoptiōnem filiōrum per Iesum Christum in ipsum: secūndum propositum voluntátis suæ, in laudem glóriæ grátiae suæ, in qua gratificávit nos in dilécto Fílio suo. In quo habémus redemptiōnem per sánguinem eius.

Graduale Apoc. 14, 6 Vidi áltér-
rum Angelum volántem per mé-
dium cæli, habéntem Evangélium
ætérnum, ut evangelizáret sedénti-
bus super terram. **℣. Rom., 10, 15**
Quam speciōsi pedes evangelizán-
tium pacem, evangelizántium bona!

Allelúia, allelúia. **℣. 2 Cor., 2, 14**
Deo autem grátias, qui odórem
notítiæ suæ maniféstatur per nos in
omni loco. Allelúia.

**In Missis votivis post Septuagesimam,
omissis Allelúia et versu sequenti, dici-
tur:**

Tractus Ps. 39, 10-11 An-
nuntiávi iustítiam tuam in ec-
clésia magna, ecce lábia mea
non prohibébo: Dómine, tu
scisti. **℣.** Iustítiam tuam non
abscóndi in corde meo: veri-
tátem tuam et salutáre tuum
dixi. **℣.** Non abscóndi miseri-
córdiam tuam, et veritátem
tuam a concílio multo.

**Tempore autem paschali omittitur
graduale, et eius loco dicitur:**

Allelúia, allelúia. **℣. Rom.,
10, 15** Quam speciōsi pedes
evangelizántium pacem, evan-
gelizántium bona! Allelúia. **℣.
2 Cor., 2, 14** Deo autem grá-
tias, qui odórem notítiæ suæ
maniféstatur per nos in omni
loco. Allelúia.

✠ Sequéntia sancti Evangélii secūndum Marcum

Marc. 16, 15-18

In illo témpore: Dixit Iesus discí-
pulis suis: Eúntes in mundum
univérsum, prædicáte Evangélium
omni creatúræ. Qui credíderit, et
baptizátus fúerit, salvus erit: qui
vero non credíderit, condemnábi-
tur. Signa autem eos, qui credíde-
rint, hæc sequéntur: In nómine meo
dæmónia eiicient: linguis loquéntur
novis: serpéntes tollent: et si mor-
tíferum quid bíberint, non eis nocé-
bit: super ægros manus impónent,
et bene habébunt.

Antiphona ad Offertorium

Apoc. 22, 14

Beáti qui lavant stolas suas in
ságuine Agni: ut sit potéstas eó-
rum in ligno vitæ.

Secreta

Dómine Iesu Christe, qui pretiōsi
Ságuinis tui divítias in beá-
tum Gaspárem effudísti: fac nos
hanc salutárem hóstiam sic tibi of-
ferre, ut eiúsdem Ságuinis fructus
large percípere mereámur: Qui vi-
vis.

Antiphona ad Communionem

Apoc. 7, 17

Agnus, qui in médio throni est,
reget illos, et dedúcet eos ad vitæ
fontes aquárum.

Postcommunio

Inténde nobis fámulis tuis, quæ-
sumus, Dómine: et beáto Gas-
páre Confessóre tuo intercedénte,
quam ille ex hoc divíno convívio
spíritus gustávit dulcédinem, eán-
dem et nos hauríre concédas. Per
Dóminum.

EODEM DIE 3 IANUARI

S. FRANCISCÆ XAVERIÆ
CABRINI VIRGINIS

Antiphona ad Introitum

Ps. 72, 24

Tenuisti manum dexteram meam; et in voluntate tua deduxisti me, et cum gloria suscepisti me. **Ps. ibid., 1** Quam bonus Israël Deus his, qui recto sunt corde. **V.** Glória Patri. **Tenuisti.**

Oratio

Dómine Iesu Christe, qui sanctam Virginem Franciscam Xaveriam, sacratissimi Cordis tui igne succensam, per amplissimas mundi plagas ad ánimas tibi lucrandas deduxisti et per eam novam in Ecclesia tua virginum familiam suscitasti: concéde, quæsumus; ut ipsa intercedente eiúsdem Cordis tui virtutibus induámur atque ad ætérnum beatitudinis portum pervenire mereámur. Qui vivis.

Lectio Epistolæ beati Pauli
Apóstoli ad Corínthios

1 Cor. 1, 26-31

Fratres: Vidéte vocatióem vestram: quia non multi sapientes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius. Ex ipso autem vos estis in Christo Iesu, qui factus est nobis sapiéntia a Deo et iustítia, et sanctificátio et redemptio: ut quemádmódum scriptum est: Qui gloriátur in Dómino gloriétur.

Graduale Ps. 17, 33-34 Deus qui præcínxit me virtúte: et pósuit im-

maculátam viam meam. **V.** Qui perfécit pedes meos tamquam cervórum: et super excélsa státuens me.

Allelúia, allelúia. **V. 1 Cor. 9, 22** Omnibus ómnia factus sum, ut omnes fácerem salvos. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Ps. 17, 2-3 Díligam te, Dómine, fortitúdo mea: Dóminus firmaméntum et refúgium meum et liberátor meus. **V.** Deus meus adiutor meus, et sperábo in eum: Protéctor meus, et cornu salútis meæ, et suscéptor meus. **V.** Laudans invocábo Dóminum: et ab inimícis meis salvus ero.

Tempore autem paschali omittitur graduale, et eius loco dicitur:

Allelúia, allelúia. **V. 1 Cor. 9, 22** Omnibus ómnia factus sum, ut omnes fácerem salvos. Allelúia. **V. Ps. 72, 28** Mihi autem adhærere Deo bonum est: pónere in Dómino Deo spem meam. Allelúia.

✠ Sequéntia sancti Evangélii
secúndum Matthæum

Matth. 11, 25-30

In illo témpore: Respóndens Iesus dixit: Confíteor tibi, Pater, Dómine cæli et terræ, quia abscondisti hæc a sapiéntibus et prudentibus et revelásti ea párvulis. Ita Pater: Quóniam sic fuit plácitum ante te. Omnia mihi trádicta sunt a Patre meo, et nemo novit Fílium nisi Pater: neque Patrem quis novit, nisi Fílius et cui volúerit Fílius reveláre. Veníte ad me omnes qui laborátis et oneráti estis et ego reficiam vos. Tóllite iugum meum super vos, et discite a me quia mitis

sum et húmilis corde; et inveniétis réquiem animábus vestris; iugum enim meum suáve est et onus meum leve.

Antiphona ad Offertorium

Ps. 72, 28

Mihi autem adhærere Deo bonum est: pónere in Dómino Deo spem meam: ut annúntiem omnes prædicatiónes tuas in portis filiae Sion.

Secreta

Múnera quæ tibi, Dómine, in honórem sanctæ Franciscæ Xavériæ Vírginis offérimus, súscipe et præsta: ut sacratíssimo Fílii tui Cordi conformáti, hóstia acceptábilis et ipsi tibi efficiámur. Per eúndem Dóminum.

Antiphona ad Communionem

Matth. 11, 28

Veníte ad me omnes qui laborátis et oneráti estis et ego reficiam vos.

Postcommunio

Deus qui nos de plenitúdine Cordis dilécti Fílii tui cæléstia dona hauríre concédís: præsta, quæsumus, ut sanctæ Franciscæ Xavériæ exémpa prosequéntes; eiúsdem Fílii tui glóriam iúgiter quæramus et ipsíus regni præmia consequámur. Qui tecum vivit.

DIE 23 IANUARI

S. ILDEFONSI EP. ET CONF.

Missa In médio, de Communi Doctorum (23), et cum orationibus ut infra:

Oratio

Deus, qui per gloriosíssimam Fílii tui Matrem beátum Ildefónsum Confessórem tuum atque

Pontíficem, misso de thesáuris cæléstibus múnere, decorásti: concéde propítius; ut, per eius preces et mérita, múnera capiámus ætérna. Per eúndem Dóminum.

Secreta

Sancti Ildefónsi Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátiae tuæ dona concíliet. Per Dóminum.

Postcommunio

Deus, fidélium remunerátor animárum: præsta; ut beáti Ildefónsi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

DIE 29 IANUARI

**S. FRANCISCI SALESII
EP., CONF. ET ECCL. DOCT.**

Antiphona ad Introitum

Eccli. 45, 8-9

Státuit ei testaméntum ætérnum, et dedit illi sacerdotium gentis: beatificávit illum in glória, et coronávit eum in vasis virtútis. **Ps. 118, 103** Quam dúlcia fáucibus meis elóquia tua, super mel ori meo! **V.** Glória Patri. **S**tátuit.

Oratio

Deus, qui ad animárum salútem beátum Francíscum Confessórem tuum atque Pontíficem ómnibus ómnia factum esse voluísti: concéde propítius; ut caritátis tuæ dulcédine perfúsi, eius dirigéntibus mónitis ac suffragántibus méritis, ætérna gáudia consequámur. Per Dóminum.

Lectio Epistolæ beāti Pauli
Apóstoli ad Ephésios

Eph. 3, 7-21

Fratres: Factus sum miníster secúndum donum grátiae Dei, quæ data est mihi secúndum operatió-nem virtútis eius. Mihi ómnium sanctórum mínimo data est grátia hæc, in géntibus evangelizáre investigábiles divítias Christi: et illumináre omnes, quæ sit dispensátio sacraménti abscónditi a sæculis in Deo qui ómnia creávit: ut innotéscat principátibus et potestátibus in cæléstibus per Ecclésiám multifórmis sapiéntia Dei: secúndum præfinitiónem sæculórum quam fecit in Christo Iesu Dómino nostro, in quo habémus fidúciám et accéssum in confidéntia per fidem eius. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis et in terra nominátur: ut det vobis secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritáte radicáti et fundáti: ut possitis comprehendere, cum ómnibus sanctis, quæ sit latitúdo, et longitúdo, et sublimitas, et profúndum: scire étiam supereminentem sciéntiæ caritátem Christi, ut impleámini in omnem plenitúdinem Dei. Ei autem, qui potens est ómnia fácere superabundánte quam pétimus, aut intellégimus, secúndum virtútem, quæ operátur in nobis: ipsi glória in Ecclésia, et in Christo Iesu, in omnes generatiónes sæculi sæculórum. Amen.

Graduale Eccli. 33, 18-19 Respícite quóniam non mihi soli laborávi, sed ómnibus exquiréntibus disciplínam. **V.** Audíte me,

magnátes, et omnes pópuli, et rectóres ecclésiæ áuribus percípите.

Allelúia, allelúia. **V. Ps. 32, 18** Ecce, óculi Dómini super metuéntes eum: et in eis qui sperant super misericórdia eius. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 33, 8 Gustáte, et vidéte quóniam suávis est Dóminus: beátus vir, qui sperat in eo. **V. Prov. 16, 23** Cor sapiéntis erúdiet os eius: et lábiis eius addet grátiam. **V. Ibid., 17, 27** Qui moderátur sermónes suos, doctus et prudens est: et pretiósí spíritus vir eruditus.

In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 36, 37** Custódi innocéntiam et vide æquitátem: quóniam sunt relíquiæ hómini pacífico. Allelúia. **V. Eccli. 6, 35** In multitúdine presbyterórum prudéntium sta, et sapiéntiæ illórum ex corde coniúngere, ut omnem narratiónem Dei possis audíre. Allelúia.

✠ Sequéntia sancti Evangélii
secúndum Matthæum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt.

Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Antiphona ad Offertorium

Apoc. 2, 19

Novi ópera tua, et fidem, et caritátem tuam, et ministérium, et patientiam tuam, et ópera tua novíssima plura prióribus.

Secreta

Per hanc salutárem hóstiam, quam offérimus tibi, Dómine, divíno illo Sancti Spíritus igne cor nostrum accénde, quo mitíssimum beáti Francísci ánimum mirabíliter inflammásti. Per Dóminum ... in unitáte eiúsdem Spíritus Sancti.

Antiphona ad Communionem

1 Cor. 9, 22

Factus sum infirmis infirmus, ut infirmos lucrifácerem: ómnibus ómnia factus sum, ut omnes fácerem salvos.

Postcommunio

Concéde, quæsumus, omnípotens Deus: ut, per sacraménta quæ sumpsimus, beáti Francísci caritátem et mansuetúdinem imitántes in terris, glóriam quoque consequámur in cælis. Per Dóminum.

FESTA FEBRUARII

DIE 21 FEBRUARII

S. MARGARITÆ DE CORTONA PÆNITENTIS

Antiphona ad Introitum

Ps. 118, 75 et 120

Cognóvi, Dómine, quia æquitas iudícia tua, et in veritáte tua humiliásti me: confíge timóre tuo carnes meas, a mandátis tuis tímui. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri. **C**ognóvi.

Oratio

Deus, qui fámulam tuam Margarítam de perditionis via ad salutis tráitem misericórditer deduxísti: eádem nobis miseratióne concéde; ut, quam prius errántem sectári non erubúimus, mox pæniténtem ímpigre sequi gloriémur. Per Dóminum.

Léctio libri Sapiéntiæ

Cant. 3, 2-5; 8, 6-7

Surgam, et circuibo civitátem: per vicos et platéas quæram quem diligit ánima mea: quæsívi illum, et non invéni. Invenérunt me vígiles, qui custódiunt civitátem: Num quem diligit ánima mea, vidístis? Páululum cum pertransíssem eos, invéni quem diligit ánima mea: ténuí eum, nec dimíttam donec introducam illum in domum matris meæ, et in cubículum genetrícis meæ. Adiúro vos, filia Ierúsalem, per cápreas, cervósque campórum, ne suscitétis, neque evigiláre faciátis diléctam donec ipsa velit. Pone me ut signáculum super cor tuum, ut signáculum super bráccium tuum: quia fortis est ut mors diléctio,

dura sicut inférnus æmulatio: lámpades eius lámpades ignis atque flammárum. Aquæ multæ non potuerunt exstinguere caritátem, nec flúmina óbruent illam: si déderit homo omnem substántiam domus suæ pro dilectióne, quasi nihil despíciat eam.

Graduale Ps. 44, 3 Diffúsa est grátia in lábiis tuis: proptérea benedíxit te Deus in ætérnum. **V. Ibid., 5** Propter veritátem, et mansuetúdinem, et iustítiam: et dedúcet te mirábiliter dextera tua.

Allelúia, allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

Post Septuagesimam, omissis Allelúia, **et versu sequenti, dicitur:**

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. **V. Ibid., 5** Spécie tua, et pulchritúdine tua inténde, prospere procéde, et regna.

In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 44, 5** Spécie tua, et pulchritúdine tua inténde, prospere procéde, et regna. Allelúia. **V.** Propter veritátem et mansuetúdinem, et iustítiam: et dedúcet te mirábiliter dextera tua. Allelúia.

✠ Sequéntia sancti Evangélíi secúndum Matthæum

Matth. 13, 44-52

In illo témpore: Dixit Iesus discí-pulis suis parábolam hanc: Sími-le est regnum cælórum thesáuro

abscóndito in agro: quem qui invénit homo, abscóndit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiós-a margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sáeculi: exíbunt Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patri-famílias, qui profert de thesáuro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis: proptérea benedíxit te Deus in ætérnum, et in sáeculum sáeculi.

Secreta

Placatiónis hóstia, quam tibi offérimus, Dómine, beátæ Margarítæ interveniénte suffrágio, optátæ nobis indulgéntiæ plenitúdinem largiátur. Per Dóminum.

Antiphona ad Communionem

Ps. 44, 8

Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis.

Postcommunio

Uberes, Dómine, sanctæ tuæ Margaritæ lácrimæ durítiem nostri cordis emólliant: ut per huius virtútem sacraménti débitas reátibus flammæ incessánti fletu exstinguámus. Per Dóminum.

FESTA MARTII

DIE 15 MARTII

S. LUDOVICÆ DE MARILLAC **VIDUÆ**

Antiphona ad Introitum

Iob. 30, 25; 31, 18

Flebam super eum qui afflíctus erat, et compatiebátur ánima mea páuperi: quia ab infántia mea crevit mecum miserátio, et de útero matris meæ egréssa est mecum. (T. P. Allelúia, allelúia.) **Ps. 40, 1** Beátus qui intéllegit super egénium et páuperem: in die mala liberábit eum Dóminus. **V.** Glória Patri. **F**lebam.

Oratio

Deus, caritátis auctor et præmíum, qui novam in Ecclésia tua famíliam suscitásti, eiúsque matrem beátam Ludovicam esse voluísti: da, quæsumus; ut, caritátis ópera exercéntes, promíssam in cælis mercédem ássequi mereámur. Per Dóminum.

Léctio Isaíæ Prophétæ

Isai. 58, 7-11

Hæc dicit Dóminus: Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítiús oriétur, et an-

teíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum; si abstúleris de médio tui caténam et desíeris exténdere dígitum, et loqui quod non prodest. Cum effúderis esuriénti ánima tuam, et ánima afflíctam repléveris, oriétur in ténebris lux tua, et ténebræ tuæ erunt sicut merídies. Et réquiem tibi dabit Dóminus semper, et implébit splendóribus ánima tuam, et ossa tua liberábit, et eris quasi hortus irriguus, et sicut fons aquárum, cuius non deficient aquæ.

Graduale Eccli, 29, 15 Conclúde eleemósynam in corde páuperis, et hæc pro te exorábit ab omni malo. **V. Tob. 4, 17** Panem tuum cum esuriéntibus cómede, et de vestiméntis tuis nudos tege.

Tractus Iob 29, 11-13 Auris áudiens beatificábat me, et óculus videns testimónium reddébat mihi. **V.** Eo quod liberássem páuperem vociferántem, et pupíllum cui non esset adiútor. **V.** Benedíctio peritúri super me veniébat, et cor víduæ consoláta sum.

Tempore paschali, omissis graduali et tractu, dicitur:

Allelúia, allelúia. **V. Act. 10, 31** Exaudíta est orátio tua, et eleemósynæ tuæ commemorátæ sunt in conspéctu Dei. Allelúia. **V. Ibid., 9, 36** Hæc erat plena opéribus bonis et eleemósynis quas faciébat. Allelúia.

In Missis votivis ante Septuagesimam vel post Pentecosten, graduale dicitur ut supra, sed, omisso tractu, additur:

Allelúia, allelúia. **V. Act. 10, 31** Exaudíta est orátio tua, et eleemósynæ tuæ commemorátæ sunt in conspéctu Dei. Allelúia.

✠ Sequéntia sancti Evangélíi
secúndum Matthæum

Matth. 25, 31-40

In illo témpore: Dixit Iesus discí-
pulis suis: Cum vénerit Fílius
hóminis in maiestáte sua, et omnes
Angeli cum eo, tunc sedébit super
sedem maiestátis suæ: et congre-
gabúntur ante eum omnes gentes,
et separábit eos ab ínvicem, sicut
pastor ségregat oves ab hædis: et
státuet oves quidem a dextris suis,
hædos autem a sinístris. Tunc dicet
Rex his, qui a dextris eius erunt:
Veníte benedícti Patris mei, possi-
déte parátum vobis regnum a con-
stitutióne mundi. Esurívi enim, et
dedístis mihi manducáre: sitívi, et
dedístis mihi bíbere: hospes eram,
et collegístis me: nudus, et coope-
ruístis me: infirmus, et visitástis
me: in cárcere eram, et venístis ad
me. Tunc respondébunt ei iusti,
dicéntes: Dómine, quando te vídi-
mus esuriéntem, et pávimus te:
sitiéntem, et dédimus tibi potum?
quando autem te vídimus hóspi-
tem, et collégimus te: aut nudum,
et cooperúimus te? aut quando te
vídimus infirmum, aut in cárcere,
et vénimus ad te? Et respóndens
Rex, dicet illis: Amen dico vobis:
quámdiu fecístis uni ex his frátri-
bus meis mínimis, mihi fecístis.

Antiphona ad Offertorium

Act. 10, 4

Oratiónes tuæ et eleemósynæ
tuæ ascendérunt in memóriam in
conspéctu Dómini. (T. P. Allelúia.)

Secreta

Réspice, Dómine, oblatiões no-
stras in honórem beátæ Ludo-
vicæ tibi reverénter exhibitas; et
per eius intercessiõem nos in
ómnibus vitæ sémitis fácias et a

perículis tutos et ad virtútes iúgiter
expeditos. Per Dóminum.

Antiphona ad Communionem

Is. 54, 2-3

Diláta locum tentórii tui: longos
fac funículos tuos; ad dexteram
enim et ad lævam penetrábis: et
semen tuum gentes hereditábit.
(T. P. Allelúia.)

Postcommunio

Devótio nostra, Dómine, inter-
cedénte beáta Ludovíca, con-
tínuum e refectione cælésti sumat
auxílium; ut divínam fidem, quam
intus fovémus in corde, étiam foris
exhibeámus in ópere. Per Dómi-
num.

DIE 21 MARTII

S. BENEDICTI
ABBATIS

Antiphona ad Introitum

Ps. 36, 30-31

Os iusti meditábitur sapiéntiam,
et lingua eius loquétur iudí-
cium: lex Dei eius in corde
ipsíus (T. P. Allelúia, allelúia.) Ps.
ibid., 1 Noli æmulári in malignánti-
bus: neque zeláveris faciéntes ini-
quitátem. V. Glória Patri. Os iusti,

Oratio

Omnípotens sempitérne Deus,
qui hodiérna die carnis educ-
tum ergástulo sanctum Confessó-
rem tuum Benedíctum sublevásti
ad cælum: concéde, quæsumus,
hæc festa tuis fámulis celebránti-
bus cunctórum véniam delictórum;
ut, qui exsultántibus ánimis eius
claritáti congáudent, ipso apud te
interveniente consociéntur et méri-
tis. Per Dóminum.

Lectio libri Sapiéntiæ

Eccli. 50, 1-11 et 13-15

Ecce, Confessor magnus, qui in vita sua suffúlsit domum et in diébus suis corroborávit templum. Templi étiam altitúdo ab ipso fundáta est, duplex ædificátio, et excélsi paríetes templi. In diébus ipsíus emanavérunt pútei aquárum, et quasi mare adimpléti sunt supra modum. Qui curávit gentem suam, et liberávit eam a perditíone. Qui præváluit amplificáre civitátem, qui adéptus est glóriam in conversatióne gentis, et ingrèssum domus et átrii amplificávit. Quasi stella matutína in médio nébulæ, et quasi luna plena, in diébus suis lucet; et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ et quasi thus rédolens in diébus æstátis; quasi ignis effúlgens, et thus ardens in igne; quasi vas auri sólídum, ornátum omni lápide pretióso; quasi olíva púllulans, et cypréssus in altitúdinem se extóllens. Circa illum coróna fratrum, quasi plantátio cedri in monte Líbano, sic circa illum stetérunt quasi rami palmæ, et omnes filii Aaron in glória sua.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius corónam de lápide pretióso. **V.** Vitam pétiit a te, et tribuísti ei longitúdinem diérum in sæculum sæculi.

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sæculum sæculi.

Tempore paschali, omissis graduale et tractu, dicitur:

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélii
secúndum Matthæum

Matth. 19, 27-29

In illo témpore: Dixit Petrus ad Iesum: Ecce nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cénuplum accípiet, et vitam ætérnam possidébit.

Antiphona ad Offertorium

Ps. 20, 3 et 4

Desidérium ánimæ eius tribuísti ei, Dómine, et voluntáte labiórums eius non fraudásti eum: posuísti in cápite eius corónam de lápide pretióso. **(T. P. Allelúia.)**

Secreta

Oblátis Dómine ad honórem sancti Confessóris tui Benedícti placáre munéribus; et ipsíus intervéntu fámulis tuis tríbe indulgéntiam peccatórum. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram. (T. P. Allelúia.)

Postcommunio

Percéptis, Dómine Deus noster, salutáribus sacraméntis, humíliter deprecámur: ut intercedénte sancto Benedícto Confessóre tuo, quæ pro illius veneránda gérimus solemnitáte, nobis proficiant ad salútem. Per Dóminum.

FESTA APRILIS

DIE 16 APRILIS

S. BENEDICTI IOSEPHI
LABRE, **CONF.**

Antiphona ad Introitum

Jerem. 12, 7; Ps. 85, 1; 26, 10

Relíqui domum meam: dimísi hereditátem meam: inops et pauper ego sum: Dóminus autem assúmpsit me. (T. P. Allelúia, allelúia.) **Ps. 41, 2** Quemádmódum desíderat cervus ad fontes aquárum, ita desíderat ánima mea ad te, Deus. **V. Glória Patri. Relíqui.**

Oratio

Deus, qui sanctum Benedíctum Ioséphum Confessórem tuum humilitátis stúdio, et paupertátis amóre tibi uni adhærere fecísti: da

nobis eius suffragántibus méritis; terréna cuncta despícere, et cæléstia semper inquirere. Per Dñm.

Léctio Epístolæ beáti Pauli
Apóstoli ad Timótheum

1 Tim. 6, 6-12

Caríssime: Est quæstus magnus píetas cum sufficiéntia. Nihil enim intúlimus in hunc mundum: haud dúbium quod nec auférre quid póssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatiónem, et in láqueum diaboli, et desidéria multa inútilia, et nocíva, quæ mergunt hómines in intéritum, et perditiónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: sectáre vero iustítiam, pietátem, fidem, caritátem, paciéntiam, mansuetúdinem. Certa bonum certámen fidei, apprehénde vitam ætérnam.

Tempore paschali:

Allelúia, allelúia. **V. Ps. 112, 5-6** Quis sicut Dóminus Deus noster, qui in altis hábitat, et humília respicit in cælo et in terra? Allelúia. **V. Ibid., 7-8** Súscitans a terra inopem, et de stércore érigens páuperem: ut cóllocet eum cum princípibus, cum princípibus pópuli sui. Allelúia.

Extra tempus paschale:

Graduale Ps. 39, 5 et 18 Beátus vir, cuius est nomen Dómini spes eius, et non respéxit in vanitátes et insánias falsas. **V. Ego autem mendícus sum et pauper: Dóminus sollicitus est mei. Adiútor meus, et protéctor meus tu es.**

Tractus 1 Ioann. 2, 15, 16 et 17
 Nolite diligere mundum, neque ea quæ in mundo sunt. Si quis diligit mundum, non est caritas Patris in eo. *℣.* Omne, quod est in mundo, concupiscencia carnis est, et concupiscencia oculorum, et superbia vitæ. *℣.* Et mundus transit, et concupiscencia eius: qui autem facit voluntatem Dei, manet in ætérnum.

In Missis votivis ante Septuagesimam vel post Pentecosten, graduale dicitur ut supra, sed, omisso tractu, additur:

Allelúia, allelúia. *℣. Ps. 38, 13* Exáudi oratióem meam, Dómine, et deprecationem meam: áuribus pécipe lácrimas meas: quóniam ádvena ego sum apud te, et peregrínus. Allelúia.

✠ Sequéntia sancti Evangélíi
 secúndum Matthæum

Matth. 16, 24-27

In illo témpore: Dixit Iesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuique secúndum ópera eius.

Antiphona ad Offertorium

Hebr. 13, 14 et 15

Non habémus hic manéntem civitátem, sed futúram inquírimus: offerámus ergo hóstiám laudis semper Deo, fructum labiórú confiténtium nómini eius. *(T. P. Allelúia.)*

Secreta

Obláta múnera, clementíssime Deus, propítius réspice: et, sancti Benedícti Ioséphi Confessóris tui interveniénte suffrágio, in salútem nobis proveníre concéde. Per Dóminum.

Antiphona ad Communionem

Matth. 5, 3 et 8

Beáti páuperes spíritu, quóniam ipsórum est regnum cælórum: beáti mundo corde, quóniam ipsi Deum vidébunt. *(T. P. Allelúia.)*

Postcommunio

Sacris, Dómine, refécti munéribus: quæsumus; ut sancti Benedícti Ioséphi Confessóris tui virtútes imitémur, cuius póscimus méritis adiuvári. Per Dóminum.

DIE 26 APRILIS

B. MARIÆ VIRG. A
 BONO CONSILIO

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis, Boni Consílii Matris: de cuius solemnitáte gaudent Angeli, et coláudant Fílium Dei. *(T. P. Allelúia, allelúia.) Ps. 44, 2* Eructávit cor meum verbum bonum: dico ego ópera mea Regi. *℣.* Glória Patri. Gaudeámus.

Oratio

Deus, qui Genetrícem dilécti Fílii tui matrem nobis dedísti, concéde, quæsumus; ut, eiúsdem mónitis iúgiter inhæréntes, secúndum cor tuum vívere, et ad cæléstem pátriam felíciter perveníre valeámus. Per eúndem Dóminum.

Lectio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Tempore paschali:

Allelúia, allelúia. **V. Luc. 1, 28**
Ave, María grátia plena: Dóminus tecum: benedícta tu in muliéribus. Allelúia. **V.** Per te, Dei Génatrix, nobis est vita pérdita data: quæ de cælo suscepísti prolem, et mundo genuísti Salvatórem. Allelúia.

In Missis votivis extra tempus paschale:

Graduale Prov. 8, 12 et 34
Ego sapiéntia hábito in consílio, et erudítis intérsu cogitatióibus. **V.** Beátus homo qui audit me, et vígilat ad fores meas cotídie, et obsérvat ad postes óstii mei.

Allelúia, allelúia. **V. Ibid., 35** Qui me invénierit, invéniet vitam et háuriet salútem a Dómino. Allelúia.

Post Septuagesimam, omissis Allelúia, et versu sequenti, dicitur:

Tractus Prov. 8, 14, 17 et 20-21 Meum est consílium, et æquitas, mea est prudéntia, mea est fortitúdo. **V.** Ego diligéntes me díligo: et qui mane vígilant ad me, invénient me. **V.** In viis iustítiæ ámbulo, in médio semitárum iudícii. **V.** Ut ditem diligéntes me, et thesáuros eórum répleam.

✠ Sequéntia sancti Evangélii
secúndum Lucam

Luc. 1, 26-33

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingrèssus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis.

Antiphona ad Offertorium

Ierem. 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatiónem suam a nobis. **(T. P. Allelúia.)**

Secreta

Sanctifica, Dómine, quæsumus, oblata libamina: et beátæ Dei Genetrícis Mariæ, Boni Consilii Matris, salubérrima intercessióne, nobis salutária fore concède. Per eúndem Dóminum.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, Mariá Virgo perpétua, intercède pro nostra pace et salute, quæ genuísti Christum Dóminum Salvatórem ómnium. **(T. P. Allelúia.)**

Postcommunio

Adiuvet nos, quæsumus, Dómine, gloriósæ tuæ Genetrícis semperque Vírginis Mariæ, Matris Boni Consilii, intercessio veneránda: ut, quos perpétuis cumulávit beneficiis, ea quæ agénda sunt iúgiter vidére fáciat, et ad implénda quæ viderint convaléscere: Qui vivis.

DIE 28 APRILIS

S. PETRI CHANEL **MARTYRIS**

Antiphona ad Introitum

Is. 66, 19

Mittam ex his qui salváti fuerint ad gentes in mare, ad insulas longe, ad eos qui non audiérunt de me et non vidérunt glóriam meam: et annuntiábunt glóriam meam géntibus. **(T. P. Allelúia, allelúia.) Ps. 96, 1** Dóminus regnávit, exsúltet terra: læténtur insulæ multæ. **V. Gloria Patri. Mit-**

Oratio

Deus, qui beátum Petrum, Mártyrem tuum, ad prædicándum Evangélium mira mansuetú-dine, flagránti caritáte et invícta constantia decorásti: da nobis, quæsumus; ut eius vestigiis inhæréntes, fidem quam profitémur, usque ad mortem teneámus. Per Dóminum.

Léctio Epístolæ beáti Pauli
Apóstoli ad Colossénses

Coloss. 3, 12-17

Fratres: Indúite vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, patiéntiam: supportántes invicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculum perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter in omni sapiéntia, docétes, et commonéntes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fáctis in verbo aut in ópere, ómnia in nómine Dómini Iesu Christi, grátias ágéntes Deo et Patri per Iesum Christum Dóminum nostrum.

Tempore paschali:

Allelúia, allelúia. **V. Ps. 20, 3** Desidérium ánimæ eius tribuísti ei, Dómine, et voluntáte labiórum eius non fraudásti eum. Allelúia. **Is. 24, 15-16** In insulis maris nomen Dómini Dei Israél, a finibus terræ laudes audívimus, glóriam iusti. Allelúia.

In Missis votivis extra tempus paschale dicitur:

Graduale Is. 42, 10 et 12
Cantáte Dómino cánticum novum, laus eius ab extrémis terræ: qui descénditis in mare et plenitúdo eius; ínsulæ et habitatóres eárum. **℣.** Ponent Dómino glóriam, et laudes eius in ínsulis nuntiábunt.

Allelúia, allelúia. **℣. Is. 24, 15-16** In ínsulis maris nomen Dómini Dei Israel; a fínibus terræ laudes audívimus, glóriam iusti. Allelúia.

✠ **Sequéntia sancti Evangélii**
secúndum Matthæum

Matth. 16, 24-27

In illo témpore: Dixit Iesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detrimentum patiátur? Aut quam dabit homo commutatiónem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera eius.

Antiphona ad Offertorium

Is. 52, 7

Quam pulchri pedes annuntiántis et prædicántis pacem: annuntiántis bonum, prædicántis salútem, dicéntis Sion: Regnabit Deus tuus. **(T. P. Allelúia.)**

Secreta

Hæc hóstia, Dómine, quam in beáti Petri triúmpo deférimus, corda nostra tui amoris igne iúgiter inflámmet; et ad promissa perseverántibus præmia dispónat. Per Dóminum.

Antiphona ad Communionem

Ps. 20, 4

Prævenísti eum in benedictiónibus dulcédinis: posuísti in cápite eius corónam de lápide pretióso. **(T. P. Allelúia.)**

Postcommunio

Angelórum pane nutriti et supérna dulcédine perfúsi, te, Domine, suppliciter exorámus; ut beáti Petri Mártiris tui exémplo, discámus terréna cuncta despícere, et amáre cæléstia. Per Dóminum.

EODEM DIE 28 APRILIS
S. LUDOVICI MARIE
GRIGNION A MONTFORT
CONFESSORIS

Antiphona ad Introitum

Is. 52, 7

Quam pulchri super montes pedes annuntiántis et prædicántis pacem, annuntiántis bonum, prædicántis salútem, dicéntis Sion: Regnabit Deus tuus. **(T. P. Allelúia, allelúia.) Ps. 48, 2** Audíte hæc, omnes gentes: áuribus percípите, omnes qui habitátis orbem. **℣.** Glória Patri. **Quam.**

Oratio

Deus, qui sanctum Ludovicum Mariam regni Unigéniti Fílii tui præcónem exímium effécísti, et géminam per eum familiam religiósam in Ecclésia tua suscitásti: concéde propítius; ut, ipsíus mónitis et exémplo, eídem diléctio Fílio tuo, sub suávi iugo beatíssimæ Vírginis et Matris eius, perénniter servíre valeámus: Qui tecum.

Léctio Epístolæ beáti Pauli
Apóstoli ad Corínthios

I Cor. 1, 17-25

Fratres: Non misit me Christus baptizáre, sed evangelizáre: non in sapiéntia verbi, ut non evacuétur crux Christi. Verbum enim crucis pereúntibus quidem stultítia est: iis autem, qui salvi fiunt, id est nobis, Dei virtus est. Scriptum est enim: Perdam sapiéntiam sapiéntium, et prudéntiam prudéntium reprobábo. Ubi sápiens? ubi scriba? ubi conquisítor huius sæculi? Nonne stultam fecit Deus sapiéntiam huius mundi? Nam quia in Dei sapiéntia non cognóvit mundus per sapiéntiam Deum: plácuit Deo per stultítiam prædicatiónis salvos fácere credéntes. Quóniam et Iudæi signa petunt, et Græci sapiéntiam quærunt: nos autem prædicámus Christum crucifíxum: Iudæis quidem scándalum, géntibus autem stultítiam, ipsis autem vocátis Iudæis, atque Græcis, Christum Dei virtútem, et Dei sapiéntiam: quia quod stultum est Dei, sapiéntius est homínibus: et quod infirmum est Dei, fórtius est homínibus.

Tempore paschali:

Allelúia, allelúia. *℣. 1 Cor. 1, 23-24* Nos autem prædicámus Chri-

stum crucifíxum, Dei virtútem et Dei sapiéntiam. Allelúia. *℣. Eccli. 3, 5-6* Sicut qui thesaurizat, ita et qui honorificat Matrem suam: et in die oratiónis suæ exaudiétur. Allelúia.

In Missis votivis extra tempus paschale dicitur:

Graduale Ps. 85, 9-10 Omnes gentes quascúmque fecísti, vénient et adorábunt coram te, Dómine: et glorificábunt nomen tuum. *℣. Quóniam magnus es tu, et fáciens mirabília: tu es Deus solus.*

Allelúia, allelúia. *℣. 1 Cor. 1, 23-24* Nos autem prædicámus Christum crucifíxum, Dei virtútem et Dei sapiéntiam. Allelúia.

Post Septuagesimam, omissis Allelúia et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. *℣. Potens in terra erit semen eius: generatio rectórum benedicétur. ℣. Glória et divítiae in domo eius: et iustítia eius manet in sæculum sæculi.*

✠ Sequéntia sancti Evangélíi
secúndum Ioánnem

Ioann. 19, 25-27

In illo témpore: Stabant iuxta crucem Iesu mater eius, et soror matris eius María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium

Ps. 115, 16-17

O Dómine, quia ego servus tuus, ego servus tuus et fílius ancíllæ tuæ. Dirupísti víncula mea: tibi sacrificábo hóstiam laudis. (T. P. Allelúia.)

Secreta

Múnera altári tuo, Dómine, superpósita, sancto Ludovíco María intercedénte, propítius respice, ac nos quoque per beatíssimam Vírginem Mariám hóstias tibi placéntes effícere dignáre. Per Dñm.

Antiphona ad Communionem

Eccli. 3, 5

Sicut qui thesaurízat, ita et qui honoríficat Matrem suam, et in die orationis suæ exaudiétur. (T. P. Allelúia.)

Postcommunio

Grátia tua nos, Dómine, non derelinquat: quæ, sancto Ludovíco María intercedénte, et sacræ nos déditos fáciat servitúti, et tuam nobis, per Vírginem Matrem, opem semper acquírat. Per Dóminum.

DIE 29 APRILIS

S. IOSEPHI BENEDICTI
COTTOLENGO **CONFESSORIS**

Antiphona ad Introitum

Ier. 17, 7-8

Benedíctus vir, qui confídít in Dómino, et erit Dóminus fidúcia eius: et erit quasi lignum, quod transplantátur super aquas, quod ad humórem mittit radíces suas: et non timébit cum vénerit æstus. (T. P. Allelúia, alle-

lúia.) Ps. 24, 1-2 Ad te, Dómine, levávi ánimam meam: Deus meus, in te confído, non erubéscam. **V.** Glória Patri. **Benedíctus.**

Oratio

Deus, qui in te confidéntibus patérna largitáte succúrris: beáti Ioséphi Benedicti intercessióne concéde; ut, derelíctis paupéribus serviéntes, promíssa misericórdibus præmia consequámur. Per Dóminum.

Léctio libri Iob

Iob 29, 11-16, 18-20

In diébus illis: Assúmens Iob parábolam suam, dixit: Auris áudiens beatificábat me et óculus videns testimónium, reddébat mihi, eo quod liberássem páuperem vociferántem, et pupíllum cui non esset adiútor. Benedíctio peritúri super me veniébat, et cor víduæ consolátus sum. Iustítia indútus sum, et vestívi me, sicut vestiménto et diadémate, iudício meo. Oculus fui cæco, et pes claudó. Pater eram páuperum, dicebámque: In nídulo meo móriar, et sicut palma multiplicábo dies. Radix mea apérta est secus aquas, et ros morábitur in messióne mea. Glória mea semper innovábitur, et arcus meus in manu mea instaurábitur.

Tempore paschali:

Allelúia, allelúia. **V. Ps. 54, 23** Iacta super Dóminum curam tuam, et ipse te enútriet: non dabit in ætérnum fluctuatióne iusto. Allelúia. **Ps. 51, 10** Ego autem sicut olíva fructífera in domo Dei, sperávi in misericórdia Dei in ætérnum: et in sæculum sæculi. Allelúia.

In Missis votivis extra tempus paschale dicitur:

Graduale Is. 58, 7 Frange esuriénti panem tuum, et egénos vagósque induc in domum tuam: cum víderis nudum, óperi eum, et carnem tuam ne despéxeris. **V. Ibid., 10** Cum effúderis sitiénti ánimam tuam et ánimam afflíctam repléveris, oriétur in ténebris lux tua, et ténebræ tuæ erunt sicut merídiés.

Allelúia, allelúia. **V. Ps. 54, 23** Iacta super Dóminum curam tuam, et ipse te enútriet: non dabit in ætérnum fluctuatió nem iusto. Allelúia.

Post Septuagesimam, omissis Allelúia et versu sequenti, dicitur:

Tractus Ps. 33, 9-11 Gustáte, et vidéte quóniam suávis est Dóminus: beátus vir qui sperat in eo. **V.** Timéte Dóminum, omnes Sancti eius: quóniam non est inópia timéntibus eum. **V.** Dívites eguerunt, et esuriérunt: inquirentes autem Dóminum non minuén tur omni bono.

✠ **Sequéntia sancti Evangélii secúndum Matthæum 25, 31-40**

In illo témpore: Dixit Iesus discí pulis suis: Cum vénerit Fílius hóminis in maiestáte sua, et omnes Angeli cum eo, tunc sedébit super sedem maiestátis suæ: et congregabúntur ante eum omnes gentes, et separábit eos ab invicem, sicut pastor ségregat oves ab hædis: et státuet oves quidem a dextris suis, hædos autem a sinístris. Tunc dicet

Rex his, qui a dextris eius erunt: Veníte benedícti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre: sitívi, et dedístis mihi bíbere: hospes eram, et collegístis me: nudus, et coope ruístis me: infírmus, et visitástis me: in cárcere eram, et venístis ad me. Tunc respondébunt ei iusti, dicétes: Dómine, quando te vídimus esuriéntem, et pávimus te: sitiéntem, et dédimus tibi potum? quando autem te vídimus hóspitem, et collégimus te: aut nudum, et cooperúimus te? aut quando te vídimus infírmum, aut in cárcere, et vénimus ad te? Et respóndens Rex, dicet illis: Amen dico vobis: quám diu fecístis uni ex his frátribus meis mínimis, mihi fecístis.

Antiphona ad Offertorium

Ps. 40, 1

Beátus qui intéllegit super egén um et páuperem, in die mala liberábit eum Dóminus. **(T. P. Allelúia.)**

Secreta

Dómine Deus, qui beáto Iosépho Benedícto, divína celebránti mystéria, quod tractábat imitári tribuísti: eius précibus et méritis concéde; ut nos quoque, immaculátam hóstiam offeréntes, holocáustum tibi accéptum éffici mereámur. Per Dóminum.

Antiphona ad Communionem

Matth. 25, 40 et 34

Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab iníitio sáeculi. **(T. P. Allelúia.)**

Postcommunio

Sit nobis, Dómine, tui percéptio sacraménti perénne subsidium: ut, intercedénte beáto Iosépho Benedícto, misericórdiæ opéribus insistentés, temporálibus foveámur auxiliis, et sempitérnis divítiis augeámur. Per Dóminum.

FESTA MAII**DIE 3 MAII****IN INVENTIONE S. CRUCIS****Antiphona ad Introitum***Gal. 6, 14*

Nos autem gloriári opórtet in Cruce Dómini nostri Iesu Christi: in quo est salus, vita, et resurréctio nostra: per quem salváti, et liberáti sumus, allelúia, allelúia. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri. **Nos.**

Oratio

Deus, qui in præclára salutíferæ Crucis Inventióne, passiónis tuæ miracula suscitásti: concéde; ut vitális ligni prétio, æternæ vitæ suffrágia consequámur: Qui vivis.

Léctio Epístolæ beáti Pauli Apóstoli ad Philippénes **2, 5-11**

Fratres: Hoc enim sentíte in vobis, quod et in Christo Iesu: qui cum in forma Dei esset, non rapínam arbitrátus est esse se æquálem Deo: sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est

super omne nomen: (**hic genuflectitur**) ut in nómine Iesu omne genu flectátur cæléstium, terréstrium, et infernórum: et omnis lingua confiteátur, quia Dóminus Iesus Christus in glória est Dei Patris.

Allelúia, allelúia. **V. Ps. 95, 10** Dícite in géntibus, quia Dóminus regnávít a ligno. Allelúia. **V.** Dulce lignum, dulces clavos, dúlcia ferens póndera: quæ sola fuísti digna sustinére Regem cælórum, et Dóminum. Allelúia.

✠ Sequéntia sancti Evangélíi secúndum Ioánnem **3, 1-15**

In illo témpore: Erat homo ex pharisæis, Nicodémus nómine, princeps Iudæórum. Hic venit ad Iesum nocte, et dixit ei: Rabbi, scimus quia a Deo venísti magíster, nemo enim potest hæc signa fácere, quæ tu facis, nisi fúerit Deus cum eo. Respóndit Iesus, et dixit ei: Amen, amen dico tibi, nisi quis renátus fúerit dénuo, non potest vidére regnum Dei. Dicit ad eum Nicodémus: Quómodo potest homo nasci, cum sit senex? numquid potest in ventrem matris suæ iteráto introíre, et renásci? Respóndit Iesus: Amen, amen dico tibi, nisi quis renátus fúerit ex aqua, et Spíritu Sancto, non potest introíre in regnum Dei. Quod natum est ex carne, caro est: et quod natum est ex spíritu, spíritus est. Non miréris quia dixi tibi: opórtet vos nasci dénuo. Spíritus ubi vult spirat, et vocem eius audis, sed nescis unde véniat, aut quo vadat: sic est omnis qui natus est ex spíritu. Respóndit Nicodémus, et dixit ei: Quómodo possunt hæc fieri? Respóndit Iesus, et dixit ei: Tu es magíster in Israél, et hæc ignóras? Amen, amen dico

tibi, quia quod scimus loquimur, et quod vidimus testamur, et testimonium nostrum non accipitis. Si terrena dixi vobis et non creditis: quomodo, si dixerō vobis cœlestia, credetis? Et nemo ascendit in cœlum, nisi qui descendit de cœlo, Filius hominis, qui est in cœlo. Et sicut Moyses exaltavit serpentem in deserto; ita exaltari oportet Filium hominis: ut omnis qui credit in ipsum, non pereat, sed habeat vitam æternam.

Antiphona ad Offertorium

Ps. 117, 16 et 17

Dextera Domini fecit virtutem, dextera Domini exaltavit me: non moriar, sed vivam, et narrabo opera Domini, allelúia.

Secreta

Sacrificium, Domine, quod tibi immolamus, placatus intende: ut ab omni nos eruat bellorum nequitia, et per vexillum sanctæ Crucis Filii tui, ad conterendas potestatis adversæ insidias, nos in tuæ protectionis securitate constituat. Per eundem Dominum.

Præfatio de Cruce.

Antiphona ad Communionem

Per signum Crucis de inimicis nostris libera nos, Deus noster, allelúia.

Postcommunio

Replēti alimonia cœlesti, et spiritali poculo recreati, quaesumus, omnipotens Deus: ut ab hoste maligno defendas, quos per lignum sanctæ Crucis Filii tui, arma iustitiæ, pro salute mundi, triumphare iussisti. Per eundem Dominum.

¶ Pro votiva de S. Cruce dicitur Missa. Nos autem, quæ habetur inter Missas votivas circa finem Missalis (64).

DIE 6 MAII

S. IOANNIS APOSTOLI ET EVANGELISTÆ ANTE PORTAM LATINAM

Antiphona ad Introitum

Ps. 63, 3

Protexisti me, Deus, a convētu malignantium, allelúia: a multitudine operantium iniquitatem, allelúia, allelúia. **Ps. ibid., 2** Exaudi, Deus, orationem meam cum deprecor: a timore inimici eripe animam meam. **V.** Glória Patri. **P.** Protexisti.

Oratio

Deus, qui conspicias quia nos undique mala nostra perturbant: præsta, quaesumus; ut beati Ioannis Apostoli tui et Evangelistæ intercessio gloriōsa nos protegat. Per Dominum.

Lectio libri Sapiētiæ

Sap. 5, 1-5

Stabunt iusti in magna constantia adversus eos, qui se angustaverunt, et qui abstulerunt labores eorum. Videntes turbabuntur timore horribili, et mirabuntur in subitatione insperatæ salutis, dicentes intra se, pœnitentiam agentes, et præ angustia spiritus gementes. Hi sunt, quos habuimus aliquando in derisum, et in similitudinem improperii. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter sanctos sors illorum est.

Allelúia, allelúia. **V.** **Ps. 91, 13** Iustus ut palma florēbit: sicut cedrus Libani multiplicabitur. Alle-

lúia. **V. Osee 14, 6** Iustus germinabit sicut lílium: et florébit in ætérnum ante Dóminum. Allelúia.

✠ **Sequéntia sancti Evangélíi
secúndum Matthæum**

Matth. 20, 20-23

In illo témpore: Accéssit ad Iesum mater filiórum Zebedæi cum filiis suis, adórans, et petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Iesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinístram, non est meum dare vobis, sed quibus parátum est a Patre meo.

Antiphona ad Offertorium

Ps. 88, 6

Confitebúntur cæli mirabilia tua, Dómine: et veritátem tuam in ecclésia sanctórum, allelúia, allelúia.

Secreta

Munéribus nostris, quæsumus, Dómine, precibúsque suscep-tis: et cælestibus nos munda mystériis, et cleménter exáudi. Per Dóminum.

Præfatio de Apostolis.

Antiphona ad Communionem

Ps. 63, 11

Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

Postcommunio

Refécti, Dómine, pane cælesti: ad vitam, quæsumus, nutriámur ætérnam. Per Dóminum.

¶ **Pro votiva de S. Ioanne, Missa dicitur ut in festo, die 27 decembris 25, et in oratione secreta immutatur vox solemnitate in commemoratióne.**

EODEM DIE 6 MAII

**S. DOMINICI SAVIO
CONFESSORIS**

Antiphona ad Introitum

Apoc. 14, 4-5

Hi sequúntur Agnum quocúmque íerit, primítiae Deo et Agno: sine mácula enim sunt ante thronum Dei. **(T. P. Allelúia, allelúia.) Ps. 118, 1** Beáti quorum immaculáta est via, qui ámbulant in lege Dómini. **V. Glória Patri. Hi sequúntur.**

Oratio

Deus, qui in sancto Domínico mirábile adolescéntibus pietátis ac puritátis exémpplar dedísti: concéde propítius; ut, eius intercessióne et exémplo, casto corpore et mundo corde tibi servíre valeámus. Per Dóminum.

**Léctio Epístolæ beáti Pauli
Apóstoli ad Thessalonicénses**

I Thess. 4, 1-3 et 7

Fratres: Rogámus vos et obsecrámus in Dómino Iesu, ut quemádmódum accepístis a nobis quómodo opórteat vos ambuláre et placére Deo, sic et ambulétis, ut abundétis magis. Scitis enim quæ præcépta déderim vobis per Dóminum Iesum. Hæc est enim volúntas Dei,

sanctificatio vestra. Non enim vocavit nos Deus in immunditiam, sed in sanctificationem.

Tempore paschali:

Allelúia, allelúia. **V. Ps. 20, 3** Desiderium cordis eius tribuisti ei, et petitionem labiorum eius non denegasti. Allelúia. **V. Ibid., 4** Benedictionibus faustis praevenisti eum, imposuisti capiti eius coronam de auro puro. Allelúia.

In Missis votivis extra tempus paschale:

Graduale Ps. 118, 100-101 Senibus intellegentior sum, quia praeccepta tua observo. **V.** Ab omni via mala cohibeo pedes meos, ut custodiam verba tua.

Allelúia, allelúia. **V. Ps. 20, 3** Desiderium cordis eius tribuisti ei, et petitionem labiorum eius non denegasti. Allelúia.

Post Septuagesimam, omissis Allelúia et versu sequenti, dicitur:

Tractus Ps. 118, 9-11 Quomodo puram servabit adolescens viam suam? Custodiendo verba tua. **V.** Toto corde meo quaero te; ne siveris me aberrare a mandatis tuis. **V.** In corde meo recondo eloquium tuum, ne peccem contra te.

✠ **Sequentia sancti Evangelii secundum Matthaeum**

Matth. 11, 25-30

In illo tempore: Respondens Iesus, dixit: Confiteor tibi, Pater Domine caeli et terrae, quia abscondisti haec a sapientibus et prudentibus, et revelasti ea parvulis. Ita Pater: quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi

Pater: neque Patrem quis novit, nisi Filius, et cui voluerit Filius revelare.

Antiphona ad Offertorium

Ps. 99, 2

Exsultate Domino, omnes terrae; servite Domino cum laetitia; introite in conspectum eius cum exultatione. **(T. P. Allelúia.)**

Secreta

Salutaris hostia, quam tibi offerimus, Domine, mentes nostras attollat; et seraphico nos inflamment ardore, quo sanctus Dominicus vehementer aestuavit. Per Dñm.

Antiphona ad Communionem

Gen. 27, 27

Ecce odor filii mei sicut odor agri pleni, cui benedixit Dominus. **(T. P. Allelúia.)**

Postcommunio

Divina mensa refecti, tuam in nobis, quaesumus, Domine, refove gratiam: ut, beati Domini vestigia secuti, et viriliter aggrediamur sanctitatis viam, et animas fratrum ad portum salutis perducere valeamus. Per Dominum.

DIE 8 MAII

**BEATAE MARIAE VIRGINIS
REGINAE SANCTORUM
OMNIUM ET MATRIS
PULCHRAE DILECTIONIS**

Antiphona ad Introitum

Egredimini et videte, filiae Sion, Reginam vestram, quam laudant astra matutina: cuius pulchritudinem sol et luna mirantur, et iubilant omnes filii Dei. **(T. P. Allelúia, allelúia.) Ps. 83, 2-3**

Quam dilecta tabernacula tua, Domine virtutum! concupiscit, et deficit anima mea in atria Domini. *Ps. Gloria Patri. Egredimini.*

Oratio

Deus, qui beatissimam Virginem Mariam, omnium Sanctorum Reginam, et Matrem pulchrae dilectionis, nos venerari tribuisti: concede propitius; ut, ipsa protegente, te in omnibus et super omnia diligamus in terris, et Sanctorum tuorum felici consortio perfruamur in caelis. Per Dominum.

Lectio libri Sapientiae

Eccli. 24, 22-31

Ego quasi terebinthus extendi ramos meos, et rami mei honoris et gratiae. Ego quasi vitis fructificavi suavitatem odoris: et flores mei, fructus honoris et honestatis. Ego mater pulchrae dilectionis, et timoris, et agnitionis, et sanctae spei. In me gratia omnis viae et veritatis: in me omnis spes vitae et virtutis. Transite ad me, omnes qui concupiscitis me, et a generationibus meis impleremini. Spiritus enim meus super mel dulcis, et hereditas mea super mel et favum. Memoria mea in generationes saeculorum. Qui edunt me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elucidant me, vitam aeternam habebunt.

Tempore paschali:

Allelúia, allelúia. *Ps. Cant. 2, 14* Ostende mihi faciem tuam, sonet vox tua in auribus meis: vox enim tua dulcis, et facies tua decora. Al-

lelúia. *Ps. Ibid. 4, 11* Favus distillans labia tua, mel et lac sub lingua tua, et odor vestimentorum tuorum sicut odor thuris. Allelúia.

In Missis votivis extra tempus paschale dicitur:

Graduale 1 Machab. 6, 14-15 Praeposuit eam Dominus super universum regnum suum, et dedit ei diadema, ut filium suum nutriret, et regnaret. *Ps. Eccli. 45, 14* Corona aurea super caput eius, expressa signo sanctitatis, gloria honoris, et opus fortitudinis.

Allelúia, allelúia. *Ps. Cant. 5, 1; 4, 11* Veni, Regina nostra, veni, Domina, in hortum tuum. Odor vestimentorum tuorum super omnia aromata. Allelúia.

Post Septuagesimam, omissis Allelúia et versu sequenti, dicitur:

Tractus Cant. 5, 1; 4, 11 Veni, Regina nostra, veni, Domina, in hortum tuum. *Ps.* Favus distillans labia tua, mel et lac sub lingua tua. *Ps.* Et odor vestimentorum tuorum sicut odor thuris.

✠ Sequentia sancti Evangelii secundum Ioannem **19, 25-27**

In illo tempore: Stabant iuxta Crucem Iesu mater eius, et soror matris eius Maria Cleophae, et Maria Magdalene. Cum vidisset ergo Iesus matrem, et discipulum stantem, quem diligebat, dicit matri suae: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

In Missis votivis post Septuagesimam, in fine sequentis antiphonæ, Allelúia omittitur.

Antiphona ad Offertorium

Prov. 9, 4-5

Si quis est párvulus, véniat ad me, et insipientibus locúta est: Veníte, comédite panem meum, et bíbite vinum quod míscui vobis, allelúia.

Secreta

Laudis tibi, Dómine, hóstias immolámus, de Genetrícis Fílii tui glória lætántes: cuius suffúlti præsidio, et præsentibus éxui malis confidimus, et futúris. Per eúndem.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem ómnium. (T. P. Allelúia.)

Postcommunio

Cæléstibus pasti delíciis, te supplices deprecámur, Dómine Deus noster: ut sicut nobis in beatíssima Fílii tui Genetríce tutelam et præsidium constituísti; ita eius solémnia celebrántibus æternæ glóriæ corónam retríbuas. Per eúndem Dóminum.

EODEM DIE 8 MAII

BEATÆ MARIÆ VIRGINIS
OMNIUM GRATIARUM
MEDIATRICES

Antiphona ad Introitum

Hebr. 4, 16

Adeámus cum fidúcia ad thronum grátiae, ut misericórdiam consequámur, et grátiam inveníamus in auxílio opportúno.

(T. P. Allelúia, allelúia.) Ps. 120, 1 Levávi óculos meos in montes: unde véniet auxílium mihi. V. Glória Patri. Adeámus.

Oratio

Dómine Iesu Christe, noster apud Patrem mediátor, qui beatíssimam Vírginem matrem tuam, matrem quoque nostram et apud te mediátricem constitúere dignátus es: concéde propítius; ut quisquis ad te benefícia petitúrus accésserit, cuncta se per eam impetrásse lætétur: Qui vivis.

Lectio Isaíæ Prophætæ

Isai. 55, 1-3 et 5

Omnes sitiéntes, veníte ad aquas: et qui non habétis argéntum, properáte, émite et comédite: veníte, émite absque argénto et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? audíte audíentes me, et comédite bonum, et delectábitur in crassitúdine ánima vestra. Inclínate aurem vestram, et veníte ad me: audíte, et vivet ánima vestra. Ecce gentem, quam nesciébas, vocábis: et gentes, quæ te non cognovérunt, ad te current propter Dóminum Deum tuum, et sanctum Israël, quia glorificávit te.

Tempore paschali:

Allelúia, allelúia. V. Is. 60, 4 Leva in circúitu óculos tuos, et vide: omnes isti congregáti sunt, venérunt tibi. Allelúia. V. Fílii tui de longe vénient, et fíliæ tuæ de látere surgent. Allelúia.

In Missis votivis extra tempus paschale dicitur:

Graduale Eccli. 24, 25-26 In me grátia omnis viæ et veritátis, in me omnis spes vitæ et

virtútis. *Y.* Transíte ad me, omnes qui concupíscitis me, et a generatió nibus meis implémini.

Allelúia, allelúia. *Y.* Salve, Mater misericórdiæ, Mater spei et grátiae, o María. Allelúia.

Post Septuagesimam, omissis Allelúia, et versu sequenti, dicitur:

Tractus Ap. 22, 16-17 Ego sum radix et genus David, stella spléndida et matutína. *Y.* Et spíritus et sponsa dicunt: Veni. Et qui audit, dicat: Veni. *Y.* Et qui sitit, véniat; et qui vult, accípiat aquam vitæ gratis.

✠ **Sequéntia sancti Evangélii secundum Ioánnem 19, 25-27**

In illo témpore: Stabant iuxta Crucem Iesu mater eius, et soror matris eius María Cléophæ, et María Magdaléne. Cum vidísset ergo Iesus matrem et discípulum stantem, quem diligébat, dicit matri suæ: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium

Ierem, 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatió nem suam a nobis. (T. P. Allelúia.)

Secreta

Matris tuæ ac mediatrícis nostræ précibus, Dómine, quæsumus, hæc hostiárum oblátio nosmetípsos, tua grátia largiénte, tibi perficiat munus ætérnum: Qui vivis.

Præfatio de B.M.V. Et te in Festivitate.

Antiphona ad Communionem

Esth. 15, 17

Valde mirábilis es, o María, et fácies tua plena est gratiárum. (T. P. Allelúia.)

Postcommunio

Subvéniat nobis, Dómine, beátæ Mariæ Matris tuæ ac nostræ mediatrícis orátio: ut per hæc sacrosáncta commércia, tua grátia largiénte, ad redemptiόνis ætérnæ proficiámus augméntum: Qui vivis.

EODEM DIE 31 MAII

B. MARIÆ VIRGINIS
D. N. a S. CORDE IESU

Antiphona ad Introitum

Ps. 9, 3 et 11

Lætábor et exultábo in te: sperent in te qui novérunt nomen tuum, quóniam non derelínquis quæréntes te. (T. P. Allelúia, allelúia.) *Ps. ibid., 2* Confitébor tibi, Dómine, in toto corde meo: narrábo ómnia mirábilia tua. *Y.* Glória Patri. Lætábor.

Oratio

Dómine Iesu Christe, qui beáta María Vírgine intercedénte, in nos divítias Cordis tui dignáris effúndere: concéde, quæsumus; ut, quod in eiúsdem Vírginis veneratióne depóscimus, te propitiánte, cónsequi mereámur: Qui vivis.

Léctio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiόνis, et timóris, et agnitiόνis, et sanctæ spei.

In me grátia omnis viæ et veritátis, in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúci-dant me, vitam ætérnam habébunt.

Tempore paschali:

Allelúia, allelúia. *℣. Num. 17, 8* Virga Iesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúia. *℣. Luc. 1, 28* Ave, María, grátia plena: Dóminus tecum: benedícta tu in muliéribus. Allelúia.

In Missis votivis extra tempus paschale dicitur:

Graduale Benedícta et venerábilis es, Virgo María: quæ sine tactu pudóris invénta es mater Salvatóris. *℣. Virgo Dei Génatrix, quem totus non capit orbis, in tua se clausit viscera factus homo.*

Allelúia, allelúia. *℣. Num. 17, 8* Virga Iesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúia.

Post Septuagesimam, omissis Allelúia, et versu sequenti, dicitur:

Tractus Luc. 1, 46-50 Magnificat ánima mea Dóminum: et exsultávit Spíritus meus in Deo salutári meo. *℣. Quia respéxit humilitátem ancillæ suæ: ecce enim ex hoc beátam me dicent omnes generatióes. ℣. Quia fecit mihi magna*

qui potens est: et sanctum nomen eius. *℣. Et misericórdia eius a progénie in progénies tíméntibus eum.*

✠ **Sequéntia sancti Evangélíi secúndum Ioánnem** *2, 1-11*

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlíer? nondum venit hora mea. Dicit mater eius minístris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatióem Iudæórum, capiéntes singulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in Cana Galilææ: et manifestávit glóriam suam, et credidérunt in eum discípuli eius.

Antiphona ad Offertorium

Ierem. 18, 20

Recordáre, Virgo Mater Dei, dum stéteris in conspéctu Dómini, ut loquáris pro nobis bona. *(T. P. Allelúia.)*

Secreta

Intercéssio, quæsumus, Dómine, beátæ Mariæ semper Vírginis múnera nostra comméndet: nosque in eius veneratióne sacratíssimo unigéniti Fílii tui Cordi reddat ac- céptos: Qui tecum.

Præfatio de B.M.V. Et te in Festivitate.

Antiphona ad Communionem

Eccli. 24, 25

In me grátia omnis viæ et veritá- tis, in me omnis spes vitæ et virtú- tis. **(T. P. Allelúia.)**

Postcommunio

Cognóscimus, Dómine Iesu, tuæ circa nos cleméntiæ largitá- tem: et ídeo, beáta María Vírgine apud Cor tuum intercedente, fiduci- álius exorámus; ut, quos páscere non désinis imméritos, et digne tibi servíre perficias et donis uberióri- bus prosequáris: Qui vivis.

EODEM DIE 8 MAII

IN APPARITIONE

S. MICHÆLIS ARCHANGELI

Missa Benedícite, ut in Missali, die 29 septem- bris 684, Credo dicitur tantum si festum celebratur gradu I classis.

DIE 15 MAII

S. ISIDORI **AGRICOLÆ CONF.**

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **(T. P. Alle- lúia, allelúia.) Ps. ibid., 2** Bonum est confitéri Dómino: et psállere nómini tuo, Altíssime. **V. Glória Patri. Iustus.**

Oratio

Da nobis, quæsumus, miséricors Deus: beáto Isidóro agricola Confessóre tuo intercedente, su- pérbe non sápere; sed eius méritis et exémpis, plácita tibi semper hu- militáte deservíre. Per Dóminum.

Léctio Epístolæ beáti Iacóbi Apó- stoli

Iac. 5, 7-8, 11 et 16-18

Patiéntes estóte, fratres, usque ad advéntum Dómini. Ecce agrí- cola expéctat pretiósus fructum terræ, patienter ferens donec accí- piat temporáneum, et serótinum. Patiéntes ígitur estóte et vos, et confirmáte corda vestra: quóniam advéntus Dómini appropinquávit. Ecce beatificámus eos, qui susti- nuérunt. Sufferéntiam Iob audístis, et finem Dómini vidístis, quóniam miséricors Dóminus est, et miserá- tor. Confitémini ergo altérutrum peccáta vestra, et oráte pro ínvicem ut salvémini: multum enim valet deprecátio iusti assídua. Elías homo erat símilis nobis passíbilis: et oratióne orávit ut non plúeret super terram, et non pluit annos tres, et menses sex. Et rursum orávit: et cælum dedit plúviam, et terra dedit fructum suum.

Tempore paschali:

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

Extra tempus paschale:

Graduale Ps. 36, 30-31 Os iusti meditábitur sapiéntiam, et lingua

eius loquétur iudícium. *℣.* Lex Dei eius in corde ipsíus: et non supplantabúntur gressus eius.

Allelúia, allelúia. *℣. Ps. 111, 1* Beátus vir, qui timet Dóminum: in mandátis eius cupit nimis. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. *℣.* Potens in terra erit semen eius: generátio rectórum benedicétur. *℣.* Glória et divítiae in domo eius: et iustítia eius manet in sáeculum sáeculi.

✠ *Sequéntia sancti Evangélíi secúndum Ióannem*

Ioann. 15, 1-7

In illo témpore: Dixit Iesus discí-
pulis suis: Ego sum vitis vera: et
Pater meus agrícola est. Omnem
pálmitem in me non feréntem fru-
ctum, tollet eum: et omnem, qui fert
fructum, purgábit eum, ut fructum
plus áfferat. Iam vos mundi estis
propter sermónem, quem locútus
sum vobis. Manéte in me: et ego in
vobis. Sicut palmes non potest ferre
fructum a semetípso, nisi mánserit
in vite: sic nec vos, nisi in me man-
sérítis. Ego sum vitis, vos pálmities:
qui manet in me, et ego in eo, hic
fert fructum multum: quia sine me
nihil potéstis fácere. Si quis in
me non mánserit, mittétur foras
sicut palmes, et aréscet, et cólligent
eum, et in ignem míttent, et ardet.
Si mansérítis in me, et verba mea
in vobis mánserint: quodcúmque
voluérítis petétis, et fiet vobis.

Antiphona ad Offertorium

Ps. 20, 2-3

In virtúte tua, Dómine, lætábitur
iustus, et super salutáre tuum ex-
sultábit veheménter: desidérium
ánimæ eius tribuísti ei. *(T. P. Alle-
lúia.)*

Secreta

Propitiáre, Dómine, supplicatió-
nibus nostris, et has pópuli tui
oblatiónes benígnus assúme: ut,
intercedénte beáto Isidóro Confes-
sóre tuo, quod fidéliter pétimus,
efficáciter consequámur. Per Dñm.

Antiphona ad Communionem

Matth. 19, 28 et 29

Amen dico vobis: quod vos, qui
reliquístis ómnia, et secúti estis me,
céntuplum accipiétis, et vitam ætér-
nam possidébitis. *(T. P. Allelúia.)*

Postcommunio

Sit nobis, Dómine, reparátio men-
tis et córporis cæléste mystéri-
um: et præsta; ut, cuius exséquimur
cultum, intercedénte sancto Isidóro
Confessóre tuo, sentiámus effé-
ctum. Per Dóminum.

DIE 16 MAII

SANCTI IOANNIS
NEPOMUCENI
MARTYRIS

Antiphona ad Introitum

Eccli. 51, 30

Dedit mihi Dóminus linguam
mercédem meam: et in ipsa
laudábo eum *(T. P. Allelúia,
allelúia.) Ps. 38, 2* Dixi: Custódiam
vias meas, ut non delínquam in lin-
gua mea. *℣.* Glória Patri. **Dedit.**

Oratio

Deus, qui ob invictum beāti Ioānnis sacramentale silentium nova Ecclesiam tuam martyrii corónā decorāsti: da; ut, eius exemplo et intercessiōne, ori nostro custodiā ponentes, beātis, qui lingua non sunt lapsi, annumeremur. Per Dóminum.

Lectio libri Sapiéntiæ

Eccli. 21, 26-31

Stultus a fenestra respiciet in domum: vir autem eruditus foris stabit. Stultitia hóminis auscultare per óstium: et prudens gravabitur contumelia. Lábia imprudentium stulta narrábunt: verba autem prudentium statéra ponderabúntur. In ore fatuórum cor illórum: et in corde sapiéntium os illórum. Dum maledicit impius diábolum, maledicit ipse animam suam. Susúrro coinquinábit animam suam, et in ómnibus odiétur: et qui cum eo mánserit, odiósus erit: tácitus et sensátus honorábitur.

Graduale Prov. 11, 13 Qui ámbulat fraudulénter, revélat arcána: qui autem fidélis est ánimi, celat. **Ps. 14, 1 et 3** Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum.

Allelúia, allelúia. **Ps. Eccli. 25, 11** Beátus, qui lingua sua non est lapsus, et qui non servívit indignis se. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Iac. 1, 26; 3, 2 et 7-8

Si quis putat se religiósus esse, non refrénans linguam suam, sed sedúcens cor suum, huius vana est religio. **Ps.** Si quis in verbo non offéndit, hic perféctus est vir. **Ps.** Omnis enim natúra bestiárum domántur, et dómita sunt a natúra humana: linguam autem nullus hóminum domáre potest.

Tempore autem paschali omittitur graduale, et eius loco dicitur:

Allelúia, allelúia. **Ps. Eccli. 25, 11** Beátus, qui lingua sua non est lapsus, et qui non servívit indignis se. Allelúia. **Ps. Prov. 10, 31** Lingua pravórum peribit: lingua autem sapiéntium est sánitas. Allelúia.

✠ Sequéntia sancti Evangélii secúndum Matthæum

Matth. 11, 2-10

In illo témpore: Cum audísset Ioánnes in vínculis ópera Christi, mittens duos de discípulis suis, ait illi: Tu es, qui ventúrus es, an álium expectámus? Et respóndens Iesus, ait illis: Eúntes renuntiáte Ioánni, quæ audístis, et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, coepit Iesus dicere ad turbas de Ioáanne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus regum sunt. Sed quid exístis vidére? prophétam? Etiam dico vobis, et plus quam prophétam. Hic est enim, de

quo scriptum est: Ecce ego mitto Angelum meum ante faciē tuam, qui præparabit viam tuam ante te.

Antiphona ad Offertorium

Eccli. 42, 1

Non dúplices sermónem de revelatióne sermónis abscónditi, et eris vere sine confusióne: et invénies grátiam in conspéctu ómnium hóminum (T. P. Allelúia).

Secreta

Hæc tua, Dómine, sacra mystéria illum in nobis, quæsumus, ignem accendant: quo inclytus Martyr et Sacerdos tuus Ioánnes, ea peragendo, flagrabat. Per Dóminum nostrum.

Antiphona ad Communionem

Isai. 6, 6-7

Volávit ad me unus de Séraphim: et in manu eius cálculus, quem túlerat de altári, et tétigit os meum (T. P. Allelúia).

Postcommunio

Fragilitátem nostram, Dómine, cæléstis hæc mensa fórtium pane confírmēt: qui beáti Mártyris et Sacerdótis tui Ioánnis tentátam contra honórem sacraménti constantiam, iúgiter áluit ad victóriam. Per Dóminum.

DIE 22 MAII

S. RITÆ DE CASSIA VID.

Antiphona ad Introitum

Ps. 117, 19 et 22

Aperíte mihi portas iustítiæ, ingressus in eas confitébor Dómino: lápidem, quem re-

probavérunt ædificántes, hic factus est in caput ánguli. (T. P. Allelúia, allelúia.) Ps. ibid., 1 Confitémini Dómino quóniam bonus, quóniam in sáeculum misericórdia eius. V. Glória Patri. Aperíte.

Oratio

Deus, qui sanctæ Ritæ tantam grátiam conférre dignátus es, ut inimícos diligeret, et in corde ac fronte caritátis et passiónis tuæ signa portáret: da nobis, quæsumus, eius intercessióne et méritis; inimícis nostris sic párcere, et passiónis tuæ dolóres contemplári, ut promissa mítibus ac lugéntibus præmia consequámur: Qui vivis.

Léctio libri Sapiéntiæ

Cant. 2, 1-13

Ego flos campi, et lílium conválium. Sicut lílium inter spinas, sic amíca mea inter fílias. Sicut malus inter ligna silvárum, sic diléctus meus inter filios. Sub umbra illíus, quem desideráveram, sedi: et fructus eius dulcis gútturi meo. Introduxit me in cellam vináriam, ordinávit in me caritátem. Fulcíte me flóribus, stipáte me malis: quia amore lángueo. Læva eius sub cápite meo, et dextera illíus amplexábitur me. Adiúro vos, fíliæ Ierúsalem, per cápreas, cervósque campórum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, transíliens colles: símilis est diléctus meus cápreae, hinnulóque cervórum. En ipse stat post paríetem nostrum, respiciens per fené-

stras, prospiciens per cancellos. En dilectus meus loquitur mihi: Surge, propera, amica mea, columba mea, formosa mea, et veni. Iam enim hiems transiit, imber abiit, et recessit. Flores apparuerunt in terra nostra, tempus putationis advenit: vox turturis audita est in terra nostra: ficus protulit grossos suos: vineae florentes dederunt odorem suum. Surge, amica mea, speciosa mea, et veni.

Tempore paschali:

Allelúia, allelúia. **V. Eccli. 24, 18** Quasi palma exaltata sum in Cades, et quasi plantatio rosae in Iericho. Allelúia. **V. Ibid., 20** Sicut cinnamomum, et balsamum aromatizans odorem dedi: quasi myrrha electa dedi suavitatem odoris. Allelúia.

Extra tempus paschale:

Graduale Ps. 117, 6 Dominus mihi adiutor: non timebo quid faciat mihi homo. **V. Ps. 115, 16-17** Dirupisti vincula mea: tibi sacrificabo hostiam laudis, et nomen Domini invocabo.

Allelúia, allelúia. **V. Ibid., 18-19** Vota mea Domino reddam in conspectu omnis populi eius: in atriis domus Domini, in medio tui Ierusalem. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Veni, sponsa Christi, accipe coronam, quam tibi Dominus preparavit in aeternum. **V. Ps. 44, 8 et 5** Dilexisti iustitiam, et odisti iniquitatem: propterea unxit te Deus, Deus tuus, oleo laetitiae prae consortibus tuis. **V. Specie tua,**

et pulchritudine tua intende, prospere procede, et regna.

✠ Sequentia sancti Evangelii secundum Matthaeum

Matth. 13, 44-52

In illo tempore: Dixit Iesus discipulis suis parabolam hanc: Simile est regnum caelorum thesauro abscondito in agro: quem qui invenit homo, abscondit, et prae gaudio illius vadit, et vendit universa, quae habet, et emit agrum illum. Iterum simile est regnum caelorum homini negotiatori, quaerenti bonas margaritas. Inventa autem una pretiosa margarita, abiit, et vendidit omnia, quae habuit, et emit eam. Iterum simile est regnum caelorum sagenae missae in mare, et ex omni genere piscium congreganti. Quam, cum implenda esset, educentes, et secus litus sedentes, elegerunt bonos in vasa, malos autem foras miserunt. Sic erit in consummatione saeculi: exhibunt Angeli, et separabunt malos de medio iustorum, et mittent eos in caminum ignis: ibi erit fletus, et stridor dentium. Intellexistis haec omnia? Dicunt ei: Etiam. Ait illis: Ideo omnis scriba doctus in regno caelorum similis est homini patrifamilias, qui profert de thesauro suo nova et vetera.

Antiphona ad Offertorium

Gen. 40, 9-10

Videbam coram me vitem, in qua erant tres propaggines, crescere paulatim in gemmas, et post flores uvas maturescere. **(T. P. Allelúia.)**

Secreta

Corda nostra, quæsumus, Dómine, sanctæ Ritæ méritis, supérni dolóris spina confíge: ut, a peccátis ómnibus tua grátia liberáti, sacrificáre tibi hóstiam laudis pura mente valeámus. Per Dóminum.

Antiphona ad Communionem

Ps. 20, 4

Prævenísti eam, Dómine, in benedictiónibus dulcédinis: posuísti in cápite eius corónam de lápide pretióso. (T. P. Allelúia.)

Postcommunio

Caeléstibus, Dómine, pasti delíciis, súpplíces te rogámus: ut, intercedénte sancta Rita, caritátis et passi ónis tuæ in méntibus nostris signa ferámus, et perpétuæ pacis fructu iúgiter perfruámur. Per Dóminum.

DIE 23 MAII

S. IOANNIS BAPTISTÆ
DE ROSSI
CONFESSORIS

Antiphona ad Introitum

Deut. 15, 11

Præcípíio tibi ut apérias manum fratri tuo egéno et páuperi, qui tecum versátur in terra. (T. P. Allelúia, allelúia.) Ps. 40, 2 Beátus, qui intéllegit super egénúm et páuperem: in die mala liberábit eum Dóminus. V. Glória Patri. Præcípíio tibi.

Oratio

Deus, qui sanctum Ioánnem Baptistam Confessórem tuum in evangelizándis paupéríbus caritáte et patiéntia decorásti: concéde, quæsumus; ut, cuius pia mérita venerámur, virtútum quoque imitémur exémpa. Per Dóminum.

Léctio libri Iob

Iob 29, 1 et 8-18

In diébus illis: Addidit Iob, assúmens parábolam suam, et dixit: Vidébant me iúvenes, et abscondebántur: et senes assurgéntes stabant. Príncipes cessábant loqui, et dígitum superponébant ori sui. Vocem suam cohibébant duces, et lingua eórum gútturi suo adhærébat. Auris áudiens beatificábat me, et óculus videns testimónium reddebát mihi: eo quod liberássem páuperem vociferántem, et pupílum, cui non esset adiútor. Benedíctio peritúri super me veniébat, et cor víduæ consolátus sum. Iustítia indútus sum: et vestívi me, sicut vestiménto et diadémate, iudício meo. Oculus fui cæco, et pes claudó. Pater eram páuperum: et causam quam nesciébam, diligentísime investigábam. Conterébam molas iníqui, et de déntibus illíus auferébam prædam. Dicebámque: In nídulo meo móriar, et sicut palma multiplicábo dies.

Tempore paschali:

Allelúia, allelúia. V. Ps. 73, 21 Ne avertátur húmilis factus confúsus: pauper et inops laudábunt nomen tuum. Allelúia. V. Prov. 31, 20 Manum suam apéruiť inopi, et palmas

suas exténdit ad páuperem. Allelúia.

Extra tempus paschale:

Graduale Eccli. 4, 1 Fili, eleemósynam páuperis ne defráudes, et óculos tuos ne transvértas a páupere. **V. Ibid., 7, 39** Non te pígeat visitáre infirmum: ex his enim in dilectióne firmáberis.

Allelúia, allelúia. **V. Isai. 58, 7** Frange esuriénti panem tuum, et egénos vagósque induc in domum tuam: cum víderis nudum, óperi eum, et carnem tuam ne despéxeris. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

✠ **Sequéntia sancti Evangélíi secúndum Matthæum**

Matth. 25, 31-40

In illo témpore: Dixit Iesus discí-
pulis suis: Cum vénerit Fílius
hóminis in maiestáte sua, et omnes
Angeli cum eo, tunc sedébit super
sedem maiestátis suæ: et congre-
gabúntur ante eum omnes gentes,
et separábit eos ab ínvicem, sicut
pastor ségregat oves ab hædis: et
státuet oves quidem a dextris suis,
hædos autem a sinístris. Tunc dicet
Rex his, qui a dextris eius erunt:
Veníte, benedícti Patris mei, possi-
déte parátum vobis regnum a con-

stitutióne mundi. Esurívi enim, et
dedístis mihi manducáre: sitívi,
et dedístis mihi bíbere: hospes
eram, et collegístis me: nudus, et
cooperuístis me: infirmus, et visitá-
stis me: in cárcere eram, et venístis
ad me. Tunc respondébunt ei iusti,
dicéntes: Dómine, quando te vídi-
mus esuriéntem, et pávimus te:
sitíéntem, et dédimus tibi potum?
quando autem te vídimus hóspitem,
et collégimus te: aut nudum, et
cooperúimus te? aut quando te
vídimus infirmum, aut in cárcere,
et vénimus ad te? Et respóndens
Rex, dicet illis: Amen dico vobis:
quamdiu fecístis uni ex his frátri-
bus meis mínimis, mihi fecístis.

Antiphona ad Offertorium

Iac. 1, 27

Relígio munda et immaculáta
apud Deum, et Patrem, hæc est:
Visitáre pupílos, et víduas in tribu-
latióne eórum, et immaculátum se
custodíre ab hoc sáeculo. **(T. P.**
Allelúia.)

Secreta

Oblátum tibi munus, quæsumus,
Dómine, in odórem suavitátis
ascéndat: et, sancto Ioánnē Bap-
tísta Confessóre tuo intercedénte,
nos córpore et mente puríficet. Per
Dóminum.

Antiphona ad Communionem

2 Tim. 2, 24-25

Servum autem Dómini non
opórtet litigáre: sed mansuétum
esse ad omnes, docíbilem, patién-
tem, cum modéstia corripiéntem
eos, qui resístunt veritáti. **(T. P.**
Allelúia.)

Postcommunio

Cæléstis, Dómine, participatio sacraménti, sancti Ioánnis Baptistæ Confessóris tui suffragántibus méritis, fideles tuos mundet et múniat: ac bonis opéribus iúgiter præstet esse inténtos. Per Dóminum.

DIE 24 MAII

BEATÆ MARLÆ VIRGINIS

TITULO

AUXILIUM CHRISTIANORUM

Missa Salve, sancta parens, de Communi festorum B.M.V., (44), præter orationes sequentes:

Oratio

P

Omnípotens et miséricors Deus, qui ad defensionem pópuli christiáni in beatíssima Vírgine María perpétuum auxílium mirabíliter constituísti: concéde propítius; ut, tali præsidio muníti certántes in vita, victóriam de hoste maligno cónsequi valeámus in morte. Per Dóminum.

Secreta

P

Pro religiónis christiánæ triúmphi hóstias placatiónis tibi, Dómine, immolámus: quæ, ut nobis proficiant, opem auxiliátrix Virgo præstet; per quam talis perfécta est victória. Per Dóminum.

Præfatio de B. Maria Virg. Et te in Festivitate.

Postcommunio

P

Adésto, Dómine, pópulis, qui participatióne Córporis et Sanguinis tui reficiúntur: ut, sanctíssima tua Genetríce auxiliánte, ab omni malo et perículo liberéntur, et in omni ópere bono custodiántur: Qui vivis.

DIE 30 MAII

S. FERDINANDI REGIS, CONF.

Missa Iustus, de Communi Conf. non Pont. 2º loco, (26) præter orationem sequentem:

Oratio

P

Deus, qui beáto Confessóri tuo Ferdinándó proeliári próelia tua, et fidei inimícos superáre dedísti: concéde; ut eius nos intercessióne muníti, ab hóstibus mentis et córporis liberémur. Per Dñm.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos cörpero páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépi-mus, intercedénte beáto Ferdinándó Confessóre tuo, per hæc contra ómnia advérsa muniámur. Per Dóminum.

EODEM DIE 30 MAII

S. IOANNÆ DE ARC VIRGINIS

Antiphona ad Introitum

Exodi 15, 1 et 2

Cantémus Dómino: glorióse enim magnificátus est. Fortitúdo mea et laus mea Dóminus, et factus est mihi in salútem. (T. P. Allelúia, allelúia.) Ps. 97, 1 Cantáte Dómino cánticum novum, quia mirabilia fecit. V. Glória Patri. Cantémus.

Oratio

Deus, qui beátam Ioánnam Vírginem ad fidem ac pátriam tuéndam mirábiliter suscitásti: da, quæsumus, eius intercessióne; ut Ecclésia tua, hóstium superátis insídiis, perpétua pace fruátur. Per Dóminum.

Léctio libri Sapiéntiæ**Sap. 8, 9-15**

Propósui sapiéntiam addúcere mihi ad convivéndum: sciens quóniam mecum comunicábit de bonis, et erit allocútio cogitatiónis et tædii mei. Habébo, propter hanc, claritátem ad turbas, et honórem apud senióres iúvenis: et acútus invéniam in iudicio, et in conspéctu poténtium admirábilis ero, et fácies princípum mirabúntur me: tacéntem me sustinébunt, et loquéntem me respicient, et sermocinánte me plura, manus ori suo impónent. Prætérea habébo, per hanc, immortalitátem: et memóriam ætérrnam his, qui post me futúri sunt, relínquam. Dispónam pópulos: et nátiónes mihi erunt súbditæ. Timébunt me audiéntes reges horréndi: in multitúdine vidébor bonus, et in bello fortis.

Tempore paschali:

Allelúia, allelúia. **℣. Judith 15, 11** Fecísti viríliter, et confortátum est cor tuum: manus Dómini confortávit te, et ideo eris benedícta in ætérnum. Allelúia. **℣. Ibid., 8, 29** Nunc ergo ora pro nobis, quóniam múluer sancta es, et timens Deum. Allelúia.

Extra tempus paschale:**Graduale Iudic. 5, 8-11** Nova

bella elégit Dóminus, et portas hóstium ipse subvértit. **℣.** Ubi colísi sunt currus, et hóstium suffocátus est exércitus, ibi narréntur iustítiæ Dómini, et cleméntia eius in fortes Israël.

Allelúia, allelúia. **℣. Judith 13, 17-18** Laudáte Dóminum Deum nostrum, qui non desérui sperántes in se, et in me ancílla sua adimplévit misericórdiam suam, quam promísit dómui Israël. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Judith 6, 15 Benedictus es, Dómine, qui non derelínquis præsuméntes de te: et præsuméntes de se, et de sua virtúte gloriántes, humílias. **℣. 2 Machab. 1, 5** Exaudivit Dóminus oratióem puéllæ suæ, qua orávit pro nobis, ut reconciliétur nobiscum Deus. **℣. Judith 15, 11; 8, 29** Fecísti viríliter, et confortátum est cor tuum: manus Dómini confortávit te, et ideo eris benedícta in ætérnum. **℣.** Nunc ergo ora pro nobis, quóniam múluer sancta es, et timens Deum.

**✠ Sequéntia sancti Evangélii
secúndum Matthæum**

Matth. 16, 24-27

In illo témpore: Dixit Iesus discí-pulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui au-

tem perdiderit animam suam propter me, invéniet eam. Quid enim prodest hómini, si mundum universum lucrétur, animæ vero suæ detriméntum patiátur? Aut quam dabit homo commutatióem pro anima sua? Fílius enim hóminis ventúrus est in glória Patris sui cum Angelis suis: et tunc reddet unicuique secúndum ópera eius.

Antiphona ad Offertorium

Judith 15, 10

Benedixerunt eam omnes una voce, dicéntes: Tu glória Ierúsalem, tu lætítia Israël, tu honorificéntia pópuli nostri. (T. P. Allelúia.)

Secreta

Hæc hóstia salutáris, Dómine, illam nobis in rebus árduis cónferat fortitúdinem, cuius beáta Ioáanna, sub tanta discrímínem varietáte, tam insígnia præbuit exémpa: ut, ad inimícos repelléndos, étiam belli perícula subíre non dubitáverit. Per Dóminum.

Antiphona ad Communionem

Ps. 22, 4

Si ambulávero in médio umbræ mortis, non timébo mala, quóniam tu mecum es, Dómine Iesu. (T. P. Allelúia.)

Postcommunio

Cælésti pane reféctos, qui tóties beátam Ioánnam áluit ad victóriam: præsta, quæsumus, omnípotens Deus; ut hoc salutis aliméntum de inimícis nostris victóres nos efficiat. Per Dóminum.

SABBATO POST ASCENSIONEM

BEATÆ MARLÆ VIRGINIS REGINÆ APOSTOLORUM

Antiphona ad Introitum

Ps. 86, 1-3

Fundaménta eius in móntibus sanctis: díligit Dóminus portas Sion super ómnia tabernácula Iacob. Gloriósa dicta sunt de te, cívitas Dei. (T. P. Allelúia, allelúia.) *Ps. 133, 1* Ecce nunc benedícite Dóminum, omnes servi Dómini: qui statis in domo Dómini, in átriis domus Dei nostri. *V.* Glória Patri. **F**undaménta.

Oratio

Deus, qui Apóstolis tuis cum María Matre Iesu unánimiter orántibus, Sanctum dedísti Spíritum: da nobis; ut, eádem Matre nostra et Apostolórum Regina protegénte, maiestáti tuæ fidéliter servíre, et nóminis tui glóriam verbo et exémplo diffúndere valeámus. Per eúndem Dóminum.

Léctio Actuum Apostolórum

Act. 1, 1-14

Primum quidem sermónem feci de ómnibus, o Theóphile, quæ coépít Iesus fácere et dócere usque in diem, qua, præcípiens Apóstolis per Spíritum Sanctum, quos elégit, assúptus est: quibus et præbuit seípsum vivum post passióem suam in multis arguméntis, per dies quadragínta appárens eis, et loquens de regno Dei. Et convéscens, præcépit eis ab Ierosólymis ne discéderent, sed exspectárent promissióem Patris, quam audístis (inquit) per os meum: quia Ioánnes quidem baptizávit aqua, vos autem

baptizabimini Spíritu Sancto non post multos hos dies. Igitur qui convenerant, interrogabant eum, dicentes: Dómine, si in témpore hoc restitues regnum Israël? Dixit autem eis: Non est vestrum nosse témpora vel moménta, quæ Pater pósuit in sua potestáte: sed accipiétis virtútem superveniéntis Spíritus Sancti in vos, et éritis mihi testes in Ierúsalem, et in omni Iudæa, et Samaría, et usque ad últimum terræ. Et cum hæc dixisset, vidéntibus illis, elevátus est, et nubes suscepit eum ab óculis eórum. Cumque intueréntur in cælum eúntem illum, ecce duo viri astitérunt iuxta illos in véstibus albis, qui et dixerunt: Viri Galilæi, quid statis aspiciéntes in cælum? Hic Iesus, qui assúptus est a vobis in cælum, sic véniet, quemádmódum vidístis eum eúntem in cælum. Tunc revérsi sunt Ierosólymam a monte, qui vocátur Olivéti, qui est iuxta Ierúsalem, sábbati habens iter. Et cum introissent in cenáculum, ascendérunt ubi manébant Petrus, et Ioánnes, Iacóbus, et Andréas, Philíppus, et Thomas, Bartholomæus, et Matthæus, Iacóbus Alphæi, et Simon Zelótes, et Iudas Iacóbi. Hi omnes erant perseverántes unánimiter in oratióne cum muliéribus, et María Matre Iesu, et frátribus eius.

Tempore paschali:

Allelúia, allelúia. *℣. Num. 17, 8* Virga Iesse flóruit: Virgo Deum et hóminem génuít: pacem Deus reddidit, in se reconcilians ima summis. Allelúia. *℣. Iudith 13, 17-18* Laudáte Dóminum Deum nostrum, qui non desérui sperántes in se: et in me ancilla sua adimplévit misericórdiam suam, quam promísit dómui Israël: et interfécit in manu mea hostem pópuli sui. Allelúia.

In Missis votivis extra tempus paschale dicitur:

Graduale Porta cæli et stella maris es, Virgo María, Regis ætérni Mater ac Regina nostra. *℣.* Gratos nos redde Fílio tuo: quia omnis virtus et decor et glória ex te respléndet.

Allelúia, allelúia. *℣. Num. 17, 8* Virga Iesse flóruit: Virgo Deum et hóminem génuít: pacem Deus reddidit, in se reconcilians ima summis. Allelúia.

Post Septuagesimam, omissis Allelúia, et versu sequenti, dicitur:

Tractus Sub tuum præsidium confúgimus, sancta Dei Génatrix. *℣.* Súscipe nos, Mater nostra, Regina nostra: roga Fílium tuum Dóminum messis, ut mittat operários in messem suam. *℣.* Ut confiteántur illi pópuli omnes, ac beátam te dicant omnes generatiónes. *℣.* Tu vénia vena, tu grátia mater, tu spes mundi, exáudi, nos clamántes ad te.

✠ Sequéntia sancti Evangélii secúndum Ioánnem *19, 25-27*

In illo témpore: Stabant iuxta Crucem Iesu mater eius, et soror matris eius María Cléophæ, et María Magdaléne. Cum vidisset ergo Iesus matrem, et discípulum stantem, quem diligébat, dicit matri suæ: Múlier, ecce fílius tuus. Deinde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium

Iudic. 5, 3 et 7-8

Ego sum, ego sum quæ Dómino canam, psallam Dómino Deo Israël. Cessavérunt fortes in Israël, et quievérunt: donec súrgeret mater in Israël. Nova bella elégit Dóminus, et portas hóstium ipse subvérit. (T. P. Allelúia.)

Secreta

Tua, Dómine, propitiatióne, et beátæ Mariæ semper Vírginis intercessióne hæc nostra obtíneat oblátio: ut Ecclésia tua fidélium número crescat, et iúgiter fúlgeat varietáte virtútum. Per Dóminum.

Præfatio de B.M.V. Et te in Festivitate.

Antiphona ad Communionem

Beáta Mater et intácta Virgo, gloriósa Regína mundi, intercède pro nobis ad Dóminum: tu enim glória Ierúsalem, tu lætítia Israël, tu honorificéntia pópuli nostri. (T. P. Allelúia.)

Postcommunio

Sumptis, Dómine, salútis nostræ subsidiis: da nobis, quæsumus, beátæ Mariæ semper Virginis ac Reginæ Apostolorum patrocínio, perseverántem in tua voluntáte famulátum; ut Ecclésia tua novis semper proficiat incrementis. Per Dóminum.

FESTA IUNII

DIE 9 IUNII

**BEATÆ MARLÆ VIRGINIS
MATRIS A GRATIA**

Missa Vultum tuum, ut in festo Sanctissimi Nominis Mariæ, die 12 septembris 667, præter orationem sequentem et dicitur præfatio de B. Maria Virg. Et te in Festivitate.

Oratio

Deus, qui humano géneri beátæ Mariæ virginitáte fecúnda reparatiónis grátiam contulisti: concède; ut, quam grátiae Matrem appellámus in terris, eius felíci consórtio perénriter perfruámur in cælis. Per Dóminum.

DIE 13 IUNII

**S. ANTONII DE PADUA
CONF. ET ECCL. DOCT.****Antiphona ad Introitum**

Eccl. 15, 5

In médio Ecclésiæ apérui os eius: et implévit eum Dóminus spíritu sapiéntiæ, et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Ecclésiám tuam, Deus, beáti Antónii Confessóris tui atque Doctóris solémnitas votíva lætíficet: ut spirituálibus semper muniátur auxiliis et gáudiis pérfrui mereátur ætéris. Per Dóminum.

Léctio libri Sapiéntiæ

Sap. 7, 7-15

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inexstinguibile est lumen illíus. Venérunt autem mihi ómnia bona páriter cum illa, et in-

numerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici, et sine invídia comúnico, et honestátem illíus non abscóndo. Infínitus enim thesáurus est homínibus: quo qui usi sunt, partícipes facti sunt amicítiae Dei, propter disciplínæ dona commendáti. Mihi autem dedit Deus dícere ex senténtia, et præsumere digna horum quæ mihi dantur, quóniam ipse sapiéntiæ dux est, et sapiéntium emendátor.

Graduale Eccli. 24, 3-4 In médio pópuli sui exaltábitur, et in plenitúdine sancta admirábitur. **℣.** In multitúdine electórum habébit laudem, et inter benedíctos benedicétur.

Allelúia, allelúia. **℣. Eccli. 48, 15** In vita sua fecit monstra, et in morte mirábilia operátus est. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Eccli. 39, 12-13 Colaudábunt multi sapiéntiam eius, et usque in sæculum non delébitur. **℣.** Non recédet memória eius, et nomen eius requirétur a generatióne in generatióne. **℣. Ibid., 48, 15** In vita sua fecit monstra, et in morte mirábilia operátus est.

Tempore autem paschali omittitur graduale, et eius loco dicitur:

Allelúia, allelúia. **℣. Eccli. 24, 4** In multitúdine electórum habébit laudem, et inter benedíctos benedicétur. Allelúia. **℣. Ibid., 48, 15** In vita sua fecit monstra, et in morte mirábilia operátus est. Allelúia.

✠ Sequéntia sancti Evangélii secúndum Matthæum

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Eccli. 49, 1-2

Memória eius in compositióne odóris, in omni ore quasi mel indulcábitur memória eius.

Secreta

Hóstias tibi, Dómine, in beáti Antónii Confessóris tui atque Doctóris solemnitáte offeréntes: te súpplices deprecámur, ut sicut ipsum cælestibus donis cumulásti; ita nos fácias tuo amóre fervéntes. Per Dóminum.

Antiphona ad Communionem

Eccli. 51, 30

Dedit mihi Dóminus linguam
mercédem meam, et in ipsa lau-
dábo eum.

Postcommunio

Divínis, Dómine, munéribus sa-
tiáti: quæsumus; ut beáti An-
tónii Confessoris tui atque Doctóris
méritis et intercessióne, salutáris
sacrificií sentiámus efféctum. Per
Dóminum.

DIE 16 IUNII

**S. IOANNIS FRANCISCI
REGIS CONFESSORIS****Antiphona ad Introitum**

Luc. 4, 18 et 19

Spíritus Dómini super me: prop-
ter quod unxit me: evangeli-
záre paupéribus misit me, sa-
náre contrítos corde, prædicáre an-
num Dómini accéptum, et diem
retributiónis. **Ps. 9, 33** Exsúrge,
Dómine Deus, exaltétur manus tua:
ne obliviscáris páuperum. **V.** Glória
Patri. **S**píritus.

Oratio

Deus, qui ad plúrimos pro salúte
animárum perferéndos labó-
res, beátum Ioánnem Francíscum
Confessórem tuum mirábili cari-
táte, et invícta patiéntia decorásti:
concéde propítius; ut, eius exémp-
lis instrúcti, et intercessiúnibus adiúti,
æternæ vitæ præmia consequámur.
Per Dóminum.

Léctio Epístolæ beáti Pauli
Apóstoli ad Thessalonicénses

1 Thess. 2, 2-9

Fratres: Fidúciam habúimus in
Deo nostro loqui ad vos Evan-
gélum Dei in multa sollicitúdine.

Exhortátio enim nostra non de er-
róre, neque de immundítia, neque in
dolo, sed sicut probáti sumus a Deo
ut crederétur nobis Evangélum: ita
lóquimur non quasi homínibus pla-
céntes, sed Deo, qui probat corda
nostra. Neque enim aliquándo fú-
mus in sermóne adulatiónis, sicut
scitis: neque in occasióne avarítiæ:
Deus testis est: nec quæréntes ab
homínibus glóriam, neque a vobis,
neque ab áliis. Cum possémus vo-
bis óneri esse ut Christi Apóstoli:
sed facti sumus párvuli in médio
vestrum, tamquam si nutrix fóveat
fílios suos. Ita desiderántes vos, cú-
pide volebámus trádere vobis non
solum Evangélum Dei, sed étiam
ánimas nostras: quóniam caríssimi
nobis facti estis. Mémoires enim
estis, fratres, labóris nostri, et fati-
gatiónis: nocte ac die operántes, ne
quem vestrum gravarémus, prædi-
cávimus in vobis Evangélum Dei.

Graduale Ps. 91, 13 et 14 Iustus
ut palma florébit: sicut cedrus Lí-
bani multiplicábitur in domo Dómi-
ni. **V. Ibid., 3** Ad annuntiándum
mane misericórdiam tuam, et veri-
tátem tuam per noctem.

Allelúia, allelúia. **V. Ps. 67, 12**
Dóminus dabit verbum evangeli-
zántibus, virtúte multa. Allelúia.

**In Missis votivis post Septuagesimam,
omissis Allelúia, et versu sequenti, dici-
tur:**

Tractus Ps. 111, 1-3 Beátus
vir, qui timet Dóminum: in
mandátis eius cupit nimis. **V.**
Potens in terra erit semen
eius: generátio rectórum bene-
dicétur. **V.** Glória et divítiæ in
domo eius: et iustítia eius ma-
net in sæculum sæculi.

**Tempore autem paschali omittitur
graduale, et eius loco dicitur:**

Allelúia, allelúia. *Ps. 67, 12* Dóminus dabit verbum evangelizántibus virtúte multa. Allelúia. *Ps. Osee 14, 6* Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Matthæum *9, 35-38*

In illo témpore: Circuibat Iesus omnes civitátes, et castélla, docens in synagógis eórum, et prædicans Evangélium regni, et curans omnem languórem, et omnem infirmitátem. Videns autem turbas, misértus est eis: quia erant vexáti, et iacéntes sicut oves non habéntes pastórem. Tunc dicit discíplis suis: Messis quidem multa, operárii autem pauci. Rogáte ergo Dóminum messis, ut mittat operários in messem suam.

Antiphona ad Offertorium

Iob. 29, 13 et 15-16

Benedíctio peritúri super me veniébat, et cor víduæ consolátus sum: óculus fui cæco, et pes claudó: pater eram páuperum.

Secreta

Caritátis víctima, quam immolántes offérimus, sit nobis, Dómine, te miseránte, propitiábilis: et, beáti Ioánnis Francísci précibus et méritis, ad obtinéndum paciéntiæ et caritátis augméntum, éfficax et salutáris. Per eúndem Dóminum.

Antiphona ad Communionem

Isai. 52, 7

Quam pulchri super montes pedes annuntiántis et prædicántis pacem: annuntiántis bonum, prædicántis salútem.

Postcommunio

Crescat in nobis, Dómine, pietátis tuæ efféctus salutáris: ut, cælésti pábulo refécti et Sanctórum exémpis accénsi, ad ætérnæ salútis portum, te misericórditer protegénte, et beáto Ioáanne Francíscó intercedénte, felíciter perveníre valeámus. Per Dóminum.

DIE 27 IUNI

BEATÆ MARLÆ VIRGINIS
DE PERPETUO SUCCURSU

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis: de cuius solemnitáte gaudent Angeli, et colláudant Fílium Dei. *Ps. 44, 2* Eructávit cor meum verbum bonum: dico ego ópera mea Regi. *Ps. Glória. Gaudeámus.*

Oratio

Dómine Iesu Christe, qui Genetrícem tuam Mariám, cuius insígnem venerámur imáginem, Matrem nobis dedísti perpétuo succurrere parátam: concéde, quæsumus; ut nos, matérnam eius opem assídue implorántes, redemptiónis tuæ fructum perpétuo experíri mereámur: Qui vivis.

Léctio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis.

Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Cant. 6, 3 et 9 Tota formósa et suávis es, filia Sion, pulchra ut luna, elécta ut sol, terríbilis ut castrórum ácies ordináta. **V. Iudith 13, 22** Benedíxit te Dóminus in virtúte sua, quia per te ad níhilum redégit inimícos nostros.

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Prov. 8, 17-19 Ego diligéntes me díligo: et qui mane vígilant ad me, invénient me. **V.** Mecum sunt divítiae, et glória, opes supérbæ, et iustítia. **V.** Mélior est enim fructus meus auro et lápide pretióso, et genímína mea argénto elécto.

Tempore autem paschali omittitur graduale, et eius loco dicitur:

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia. **V. Prov. 8, 34** Beátus homo, qui audit me, et qui vígilat ad fores meas cotídie, et observat ad postes óstii mei. Allelúia.

✠ Sequéntia sancti Evangélíi secúndum Ioánnem **19, 25-27**

In illo témpore: Stabant iuxta Crucem Iesu mater eius, et soror matris eius María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium

Ierem. 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

Tua, Dómine, propitiatióne, et beátæ Vírginis et Matris Mariæ intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem ómnium.

Postcommunio

Adiuvet nos, quæsumus, Dómine, immaculátæ Genetrícis tuæ sempérque Vírginis Mariæ intercessio veneránda: ut, quos perpétuis cumulávit beneficiis, a cunctis perículis absolútos, sua fáciat pietáte concórdes: Qui vivis.

EODEM DIE 27 IUNII

S. IOSEPHI CAFASSO CONF.

Antiphona ad Introitum

Dan. 12, 3

Qui docti fuerint fulgebunt quasi splendor firmamenti: et qui ad iustitiam erudiunt multos quasi stellæ in perpétuas æternitátes. (T. P. Allelúia, allelúia.) **Ps. 118, 1** Beáti immaculáti in via: qui ámbulant in lege Dómini. **V.** Glória Patri. **Q**ui docti.

Oratio

Deus, qui ad plúrimos pro salúte animárum perferéndo labóres, sanctum Ioséphum Confessórem tuum mirábili caritáte, et invícta patiéntia decorásti: concéde propítius; ut, eius exémplicis instrúcti, et intercessiónibus adiúti, æternæ vitæ præmia consequámur. Per Dóminum nostrum.

Lectio libri Sapiéntiæ

Eccli. 7, 31-40

In tota ánima tua time Dóminum, et sacerdótes illíus sanctífica. In omni virtúte tua dílige eum qui te fecit, et minístros eius ne derelínquas. Honóra Deum ex tota ánima tua, et honorífica sacerdótes, et propúrge te cum bráchiis. Da illis partem, sicut mandátum est tibi, primitiárum et purgatiónis, et de negligéntia tua purga te cum paucis. Datum brachiórum tuórum, et sacrificium sanctificatiónis offeres Dómino, et inítia sanctórum. Et páuperi pórrige manum tuam, ut perficiátur propitiátio et benedictio tua. Grátia dati in conspéctu omnis vivéntis, et mórtuo non prohibeas grátiam. Non desis plorántibus in consolatióne, et cum lugéntibus ámbula. Non te pígeat

visitáre infirmum; ex his enim in dilectiône firmáberis. In ómnibus opéribus tuis memoráre novíssima tua, et in ætérnum non peccábis.

Graduale Ps. 23, 34 Quis ascendet in montem Dómini aut quis stabit in loco sancto eius? **V.** Innocens mánibus et mundo corde, qui non accépit in vano ánimam suam nec iurávit in dolo próximo suo.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 91, 13-14 Iustus ut palma florébit, sicut cedrus Líbani multiplicábitur. **V.** Plantátus in domo Dómini, in átriis domus Dei nostri. **V. Ps. 111, 2 et 3** Potens in terra erit semen eius, generátio rectórum benedicétur. **V.** Glória et divítiæ in domo eius: et iustitia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia. **V. Osee 14, 6** Iustus germinábit sicut lílum: et florébit in ætérnum ante Dóminum. Allelúia.

✠ Sequéntia sancti Evangélii secúndum Matthæum 25, 31-40

In illo témpore: Dixit Iesus discipulis suis: Cum vénerit Fílius hóminis in maiestáte sua, et omnes Angeli cum eo, tunc sedébit super

sedem maiestatis suae: et congregabuntur ante eum omnes gentes, et separabit eos ab invicem, sicut pastor segregat oves ab haedis: et statuet oves quidem a dextris suis, haedos autem a sinistris. Tunc dicet Rex his, qui a dextris eius erunt: Venite benedicti Patris mei, possidete paratum vobis regnum a constitutione mundi. Esurivi enim, et dedistis mihi manducare: sitiivi, et dedistis mihi bibere: hospes eram, et collegistis me: nudus, et cooperuistis me: infirmus, et visitastis me: in carcere eram, et venistis ad me. Tunc respondebunt ei iusti, dicentes: Domine, quando te vidimus esurientem, et pavimus te: sitiientem, et dedimus tibi potum? quando autem te vidimus hospitem, et collegimus te: aut nudum, et cooperuimus te? aut quando te vidimus infirmum, aut in carcere, et venimus ad te? Et respondens Rex, dicet illis: Amen dico vobis: quamdiu fecistis uni ex his fratribus meis minimis, mihi fecistis.

Antiphona ad Offertorium

Ps. 20, 3-4

Desiderium animae eius tribuisti ei, Domine, et voluntate labiorum eius non fraudasti eum: posuisti in capite eius coronam de lapide pretioso.

Secreta

Oblatum tibi munus, quaesumus, Domine, in odorem suavitatis ascendat: et, intercedente beati Iosepho Confessore tuo, nos corpore et mente purificet. Per Dominum.

Antiphona ad Communionem

Io. 12, 26

Qui mihi ministrat me sequatur, et ubi sum ego illic et minister meus erit.

Postcommunio

Divinitatis tuae, Domine, sempiterna fruitione satiemur: quam beatus Iosephus Confessor tuus in sacro altaris mysterio praegustabat. Per Dominum.

FESTA IULII

DIE 4 IULII

IN COMMEMORATIONE OMNIUM SS. SUMMORUM PONTIFICUM

Antiphona ad Introitum

Ps. 49, 5-6 et 7

Congregate illi sanctos eius, qui ordinaverunt testamentum eius super sacrificia. Et annuntiabunt caeli iustitiam eius: quia Deus tuus ego sum. **Ps. ibid., 1** Deus deorum Dominus locutus est: et vocavit terram. **V.** Gloria Patri. **Congregate.**

Oratio

Deus, qui populis tuis indulgentia consulis et amore dominaris: da spiritum sapientiae, suffragantibus meritis Antistitum Ecclesiae tuae, quibus dedisti regimen disciplinae; ut de profectu sanctarum ovium fiant gaudia aeterna pastorum. Per Dominum.

Lectio Epistolae beati Pauli Apostoli ad Hebraeos

Hebr. 13, 7-17

Fratres: Mementote praepositorum vestrorum, qui vobis locuti sunt verbum Dei: quorum intuentes exitum conversationis, imitamini fidem. Iesus Christus heri, et hodie: ipse et in saecula. Doctrinis variis et peregrinis nolite abduci. Opti-

mum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Iesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini eius. Beneficéntiæ autem, et communionis nolíte oblivísci: tálibus enim hóstiis promerétur Deus. Obedíte præpósitis vestris, et subiáceite eis. Ipsi enim pervígilant, quasi ratióne pro animábus vestris redditúri.

Graduale Ps. 131, 16-17 Sacerdótes eius induam salutári: et sancti eius exsultatióne exsultábunt. **Ÿ.** Illuc producam cornu David: parávi lucérnam Christo meo.

Allelúia, allelúia. **Ÿ. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **Ÿ.** Potens in terra erit semen eius: generátio rectórum benedicétur. **Ÿ.** Glória et divítiae in domo eius: et iustítia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. **Ÿ. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia. **Ÿ. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ **Sequéntia sancti Evangélíi secúndum Matthæum**

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómínes esse Fílium hómínis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus, Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum.

Secreta

Unigéniti Fílii tui, quam tibi, Deus Pater omnípotens, in honórem sanctórum Pontíficum offéri-mus, immaculáta hóstia, prosit nobis ad medélam percipiéndam. Per eúndem Dóminum.

Antiphona ad Communionem

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Postcommunio

Da, quæsumus, Dómine, fidélibus pópulis: sanctórum Pontíficum tuórum semper veneratióne lætári: et eórum perpétua supplicatióne muníri. Per Dóminum.

DIE 6 IULII

S. MARIAE GORETTI
VIRG. MART.

Antiphona ad Introitum

Ps. 118, 95-96

Me exspéctant peccatóres ut perdant me: ad præscrípta tua atténdo: omnis perfectiόνis vidi esse términum: latíssime patet mandátum tuum. **Ps. Ibid. 1** Beáti quorum immaculáta est via qui ámbulant in lege Dómini. **V.** Glória Patri. **Me** exspéctant.

Oratio

Deus, qui fámulæ tuæ Mariæ in ténera ætáte victóriam martyrii contulisti: da nobis, quæsumus, eius patrocínio in mandátis tuis constántiam; qui dedisti certánti vírgini corónam. Per Dñm.

Léctio Epístolæ beáti Pauli
Apóstoli ad Corínthios

1 Cor. 1, 26-29; 2, 14

Fratres: Vidéte vocatióem vestram, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi, et contemptibilia elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius. Animális autem homo non pércipit ea quæ sunt Spíritus Dei; stultítia enim est illi, et non potest intellégere, quia spirituáliter examinátur.

Graduale Ps. 70, 4, 6 Deus meus, éripe me de manu iníqui, de pugno impróbi et oppressóris. **V.** A ventre matris meæ eras protéctor meus.

Allelúia, allelúia. **V.** In te sperávi semper. Tamquam prodígium appáruí multis; tu enim fuísti adiútor meus fortis. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 70, 9-12 Cum defécerint vires meæ, ne derelíqueris me. **V.** Nam loquúntur de me inimíci mei et observántes consiliántur una dicéntes: Deus derelíquit eum: persequímini et comprehéndite eum, quia non est qui erípiat. **V.** Deus, noli stare procul a me, Deus meus, ad iuvándum me festína.

Tempore autem paschali, omittitur graduale et eius loco dicitur:

Allelúia, allelúia. **V. 70, 6 et 7** In te sperávi semper. Tamquam prodígium appáruí multis; tu enim fuísti adiútor

meus fortis. Allelúia. *V.* Veni, Sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. Allelúia.

✠ Sequéntia sancti Evangélíi
secúndum Ioánnem

Ioann. 12, 23-25

In illo témpore: Dixit Iesus discí-
pulis suis: Venit hora, ut clari-
ficétur Fílius hóminis. Amen, amen
dico vobis, nisi granum fruménti
cadens in terram, mórtuum fúerit,
ipsum solum manet: si autem mór-
tuum fúerit, multum fructum affert.
Qui amat ánimam suam, perdet
eam: et qui odit ánimam suam in
hoc mundo, in vitam ætérnam cu-
stódit eam.

Antiphona ad Offertorium

Ps. 73, 18

Ne tradíderis vúlturi vitam túr-
turis tui, vitam páuperum tuórum
noli oblivísci in perpétuum.

Secreta

Placatiónis tibi hóstiam, Dómine,
offérimus, qua beáta María fá-
mula tua, prima iam ætáte, dídicit
corpus suum hóstiam sanctam tibí-
que placéntem exhibére. Per Dó-
minum.

Antiphona ad Communionem

Is. 33, 6

Timor Dómini ipse est thesáurus
eius.

Postcommunio

Cælésti pane reféctis, da, quæ-
sumus, Dómine, eam in tuénda
córporis et ánimæ castitáte forti-
túdinem: quam fámulæ Mariæ mi-
rabíliter contulísti. Per Dóminum.

DIE 9 IULII

**S. VERONICÆ DE IULIANIS
VIRGINIS**

*Missa Dilexísti, de Communi Virginum 3º
loco (33), cum orationibus ut infra:*

Oratio

P

Dómine Iesu Christe, qui beátam
Verónicam Vírginem passiónis
tuæ signis mirábilem effecísti: con-
céde propítius; ut, carnem crucifi-
géntes, ad gáudia ætérna perveníre
mereámur: Qui vivis.

Secreta

P

Súscipe, miséricors Deus, quas
tibi humíliter offérimus laudis
hóstias: et, interveniénte beáta Ve-
rónica Vírgine tua, fac eas nobis ad
perpétuum proveníre subsídium.
Per Dóminum.

Postcommunio

P

Cælésti múnere roborátos fac
nos, quæsumus, Dómine Deus
noster: beátæ Verónicæ Vírginis
tuæ et extrémis instrui, et patrocí-
niis adiuvári. Per Dóminum.

DIE 19 IULII

**S. VINCENTII A PAULO
CONFESSORIS**

Antiphona ad Introitum

Ps. 131, 15-16

Páuperes Sion saturábo páni-
bus: sacerdótes eius induam
salutári, et sancti eius exsul-
tatióne exsultábunt. *V. Ibid., 1* Me-
ménto, Dómine, David: et omnis
mansuetúdinis eius. *V. Glória Patri.*
Páuperes.

Oratio

Deus, qui, ad salutem pauperum et cleri disciplinam, novam in Ecclesia tua per beatum Vincendum familiam congregasti: da, quaesumus; ut, eodem nos quoque spiritu ferventes, et amemus quod amavit, et quod docuit operemur. Per Dñm.

Lectio Epistolae beati Pauli
Apóstoli ad Corinthios

1 Cor. 1, 26-31; 2, 1-2

Videte vocationem vestram, fratres, quia non multi sapientes secundum carnem, non multi potentes, non multi nobiles: sed quae stulta sunt mundi elegit Deus, ut confundat sapientes: et infirma mundi elegit Deus, ut confundat fortia: et ignobilia mundi, et contemptibilia elegit Deus, et ea quae non sunt, ut ea quae sunt destrueret: ut non gloriatur omnis caro in conspectu eius. Ex ipso autem vos estis in Christo Iesu, qui factus est nobis sapientia a Deo, et iustitia, et sanctificatio, et redemptio: ut quemadmodum scriptum est: Qui gloriatur, in Domino gloriatur. Et ego, cum venissem ad vos, fratres, veni non in sublimitate sermonis, aut sapientiae, annuntians vobis testimonium Christi. Non enim iudicavi me scire aliquid inter vos, nisi Iesum Christum, et hunc crucifixum.

Graduale Luc. 4, 18 Evangelizare pauperibus misit me, sanare contritos corde. **V. Ps. 67, 11-12** Parasti in dulcedine tua pauperi, Deus: Dominus dabit verbum evangelizantibus, virtute multa.

Allelúia, allelúia. **V. Is. 52, 7** Quam pulchri super montes pedes annuntiantis et praedicantis pacem,

annuntiantis bonum, praedicantis salutem! Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Prov. 31, 20 Manum suam aperuit inopi, et palmas suas extendit ad pauperem. **V. Ps. 40, 2** Beatus qui intellegit super egenum et pauperem: in die mala liberabit eum Dominus. **V. Ps. 111, 5-6** Iucundus homo qui miseretur et commodat: disponet sermones suos in iudicio, quia in aeternum non commovebitur.

Tempore autem paschali, omittitur graduale et eius loco dicitur:

Allelúia, allelúia. **V. Is. 52, 7** Quam pulchri super montes pedes annuntiantis et praedicantis pacem, annuntiantis bonum, praedicantis salutem! Allelúia. **V. Ibid., 11** Exite de medio Babylónis: mundamini, qui fertis vasa Domini. Allelúia.

✠ Sequentia sancti Evangelii
secundum Matthaeum 9, 35-38

In illo tempore Circuibat Iesus omnes civitates et castella, docens in synagogis eorum, et praedicans Evangelium regni, et curans omnem languorem et omnem infirmitatem. Videns autem turbas, misertus est eis: quia erant vexati, et iacentes sicut oves non habentes pastorem. Tunc dicit discipulis suis: Messis quidem multa, operarii autem pauci. Rogate ergo Dominum messis, ut mittat operarios in messem suam.

Antiphona ad Offertorium

3 Reg. 8, 58

Inclínet Dóminus Deus noster corda nostra ad se, ut ambulémus in univérsis viis eius, et custodiámus mandáta eius et cæremónias eius, et iudícia quæcúmque mandávit pátribus nostris.

Secreta

Deus, qui beáto Vincéntio, divína cotidie celebránti mystéria, tribuísti quod tractábat imitári: eius nobis précibus indúlge; ut, immaculátam hóstiam offeréntes, ipsi quoque in holocáustum tibi accéptum transeámus. Per Dñm.

Antiphona ad Communionem

Ps. 106, 8-9

Confiteántur Dómino misericórdiæ eius, et mirabilia eius filiis hóminum: quia satiávit animam inánem, et ánimam esuriéntem satiávit bonis.

Postcommunio

Cæléstibus, Dómine, refécti sacraméntis: quæsumus; ut, ad evangelizántem paupéribus Fílium tuum imitándum, beáti Vincéntii, sicut exémpis provocámur, ita et patrocíniis adiuvémur. Per eúndem Dóminum.

DIE 21 IULII

**S. LAURENTII DE BRUNDUSIO
CONF. ET ECCL. DOCT.**

Antiphona ad Introitum

Eccli. 42, 15-16

In sermónibus Dómini ópera eius: sol illúminans per ómnia respéxit, et glória Dómini plenum est opus eius. **Ps. 67, 2** Exsúrgat Deus,

et dissipéntur inimíci eius, et fúgi-
ant qui odérunt eum, a fácie eius.
V. Glória Patri. In sermónibus.

Oratio

Deus, qui, ad árdua quæque pro nóminis tui glória et animárum salúte, beáto Lauréntio Confessóri tuo atque Doctóri spíritum consílii et fortitúdinis contulísti: da nobis in eódem spíritu et agénda cognóscere: et cógnita, eius intercessi-óne, perfícere. Per Dóminum.

Léctio Epístolæ beáti Pauli
Apóstoli ad Corínthios

2 Cor. 5, 14-21

Fratres: Cáritas Christi urget nos: æstimántes hoc, quóniam si unus pro ómnibus mórtuus est, ergo omnes mórtui sunt: et pro ómnibus mórtuus est Christus: ut, et qui vivunt, iam non sibi vivant, sed ei, qui pro ipsis mórtuus est et resurréxit. Itaque nos ex hoc néminem nóvimus secúndum carnem. Et si cognóvimus secúndum carnem Christum: sed nunc iam non nóvimus. Si qua ergo in Christo nova creatúra, vétera transiérunt: ecce facta sunt ómnia nova. Omnia autem ex Deo, qui nos reconciliávit sibi per Christum: et dedit nobis ministérium reconciliatiónis. Quóniam quidem Deus erat in Christo mundum reconcilians sibi, non réputans illis delícta ipsórum, et pósuit in nobis verbum reconciliatiónis. Pro Christo ergo legatióne fúngimur, tamquam Deo exhortánte per nos. Obsecrámus pro Christo, reconciliámini Deo. Eum, qui non nóverat peccátum, pro nobis peccátum fecit, ut nos efficerémur iustítia Dei in ipso.

Graduale Exodi 15, 2 et 3 Fortitúdo mea et laus mea Dóminus, et factus est mihi in salútem: iste Deus meus, et glorificábo eum. *V.* Dóminus quasi vir pugnátor: omnipotens nomen eius.

Allelúia, allelúia. *V. Eccli. 46, 6* Invocávit Altíssimum poténtem in oppugnádo inimícos úndique: et audívit illum magnus et sanctus Deus. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Iudith 16, 2-4 Modulámini Dómino psalmum novum; exaltáte, et invocáte nomen eius. *V.* Dóminus cónterens bella, Dóminus nomen est illi. *V.* Qui pósuit castra sua in médio pópuli sui, ut erípert nos de manu ómnium inimicórum nostrórum.

Tempore autem paschali, omittitur graduale et eius loco dicitur:

Allelúia, allelúia. *V. Eccli. 46, 6* Invocávit Altíssimum poténtem in oppugnádo inimícos úndique: et audívit illum magnus et sanctus Deus. Allelúia. *V. Iudith 16, 3-4* Dóminus cónterens bella, Dóminus nomen est illi: qui pósuit castra sua in médio pópuli sui. Allelúia.

✠ Sequéntia sancti Evangélíi
secúndum Lucam

Luc. 9, 1-6

In illo témpore: Convocátis Iesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque pa-

nem, neque pecúniám, neque duas túnicas habéátis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos: exéuntes de civitáte illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes, et curántes ubíque.

Antiphona ad Offertorium

Isai. 49, 2

Pósuit os meum quasi gládium acútum: in umbra manus suæ protéxit me, et pósuit me sicut sagittam eléctam.

Secreta

Ad cæléste convívium fac nos, Deus, salutáribus pæniténtiæ lácrimis dignos accédere: quod beáto Lauréntio vitæ candor suavíssimum efficiébat. Per Dóminum.

Antiphona ad Communionem

Sap. 8, 11

In conspéctu poténtium admirábilis ero, et fácies princípum mirabúntur me.

Postcommunio

Divinitátis tuæ, Dómine, sempitérna fruitióne satiémur: quam beátus Lauréntius in sacro altáris mystério prægustábat. Per Dñm.

SABBATO ANTE DOM. IV IULII
BEATÆ MARLÆ VIRGINIS
MATRIS MISERICORDIÆ

Missa Salve, de Communi festorum B. Mariæ Virg. (44), præter orationem sequentem.

Oratio

P

Deus, cuius misericórdiæ non est númerus: concéde nobis, sanctíssima unigéniti Fílii tui Matre intercedénte; ut hanc misericórdiam

lārgiter in terris, et glóriam cónse-
qui mereámur in cælis. Per eúndem
Dóminum.

Secreta

C

Tua, Dómine, propitiatióne, et
beátæ Mariæ semper Vírginis
intercessióne, ad perpétuam atque
præséntem hæc oblátio nobis profi-
ciat prosperitátem et pacem. Per
Dóminum.

Præfatio de B. Maria Virg. Et te in Festivi-
táte.

Postcommunio

C

Sumptis, Dómine, salútis nostræ
subsídiis: da, quæsumus, beátæ
Mariæ semper Vírginis patrocíniis
nos ubique prótegi; in cuius vene-
ratione hæc tuæ obtúlimus maie-
státi. Per Dóminum.

FESTA AUGUSTI

DIE 1 AUGUSTI

S. PETRI AP. AD VINCULA

Antiphona ad Introitum

Act. 12, 11

Nunc scio vere, quia misit Dó-
minus Angelum suum, et erí-
puit me de manu Heródis, et
de omni exspectatióne plebis Iu-
dæórum. *Ps. 138, 1-2* Dómine, pro-
básti me, et cognovísti me: tu co-
gnovísti sessiónem meam, et resur-
rectiónem meam. *V.* Glória Patri.
Nunc scio.

Oratio

Deus, qui beátum Petrum Apó-
stolum, a v́nculis absolútum,
illæsum abire fecísti: nostrórum
quæsumus, absólve v́ncula pecca-
tórum: et ómnia mala a nobis pro-
pitiátus exclúde.

*Et fit commemoratio S. Pauli Apostoli sub
unica conclusione:*

Oratio

Deus, qui multitúdinem géntium
beáti Pauli Apóstoli prædicati-
óne docuísti: da nobis, quæsumus;
ut, cuius commemoratióne cóli-
mus, eius apud te patrocínia sen-
tiámus. Per Dóminum.

Léctio Actuum Apostolorum

Act. 12, 1-11

In diébus illis: Misit Heródes rex
manus, ut afflígeret quosdam de
ecclésia. Occídit autem Iacóbum
fratrem Ioánnis gládio. Videns au-
tem quia placéret Iudæis, appósuit
ut apprehénderet et Petrum. Erant
autem dies Azymórum. Quem cum
apprehendísset, misit in cárcerem,
tradens quátuor quaterniónibus
mílitum custodiéndum, volens post
Pascha producere eum pópulo. Et
Petrus quidem servabátur in cár-
cere. Oratio autem fiébat sine inter-
missióne ab ecclésia ad Deum pro
eo. Cum autem productúrus eum
esset Heródes, in ipsa nocte erat
Petrus dórmiens inter duos mílites,
vinctus caténis duábus: et custódes
ante óstium custodiébant cárce-
rem. Et ecce Angelus Dómini ástitit:
et lumen refúlsit in habitáculo: per-
cussóque látere Petri, excitávit
eum, dicens: Surge velóciter. Et ce-
cidérunt caténæ de mánibus eius.
Dixit autem Angelus ad eum: Præ-
cingere, et cálcea te cáligas tuas.
Et fecit sic. Et dixit illi: Circúmda
tibi vestiméntum tuum, et séquere
me. Et éxiens sequebátur eum, et
nesciébat quia verum est, quod
fiébat per Angelum: existimábat
autem se visum vidére. Transeún-
tes autem primam et secúndam cu-

stódiam, venérunt ad portam férream, quæ ducit ad civitátem: quæ ultro apérta est eis. Et exeúntes processérunt vicum unum: et continuo discéssit Angelus ab eo. Et Petrus ad se revérsus, dixit: Nunc scio vere, quia misit Dóminus Angelum suum, et erípuit me de manu Heródis, et de omni expectatióne plebis Iudæórum.

Graduale Ps. 44, 17-18 Constitues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V.** Solve, iubénte Deo, terrárum, Petre, caténas: qui facis ut páteant cæléstia regna beátis. Allelúia.

✠ Sequéntia sancti Evangélii
secúndum Matthæum

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus es Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque

sólveris super terram, erit solútum et in cælis.

Antiphona ad Offertorium

Ps. 44, 17-18

Constitues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Oblátum tibi, Dómine, sacrificium, intercedénte beáto Petro Apóstolo tuo, vivíficet nos semper, et múniat.

Et fit commemoratio S. Pauli Apostoli sub única conclusione:

Secreta

Apóstoli tui Pauli précibus, Dómine, plebis tuæ dona sanctifica: ut, quæ tibi tuo grata sunt institúto, gratióra fiant patrocínio supplicántis. Per Dóminum.

Præfatio de Apostolis.

Antiphona ad Communionem

Matth. 16, 18

Tu es Petrus, et super hanc petram ædificábo Ecclésiám meam.

Postcommunio

Córpore sacri et pretiósí Sanguinis repléti libámine, quæsumus, Dómine Deus noster: ut, quod pia devotióne gérimus, certa redemptione capiámus.

Et fit commemoratio S. Pauli Apostoli sub única conclusione:

Postcommunio

Percéptis, Dómine, sacraméntis, beáto Paulo Apóstolo tuo interveniéntem, deprecámur: ut, quæ pro illíus celebráta sunt glória, nobis proficiant ad medélam. Per Dñm.

DIE 3 AUGUSTI
IN INVENTIONE
SANCTI STEPHANI
PROTOMARTYRIS

Antiphona ad Introitum

Ps. 118, 23, 86 et 23

Sedérunt príncipes, et advérsus me loquebántur: et iníqui persecúti sunt me: ádiuva me, Dómine Deus meus, quia servus tuus exercebátur in tuis iustificatióibus. **Ps. ibid., 1** Beáti immaculáti in via, qui ámbulant in lege Dómini. **V.** Glória Patri. **S.** Sedérunt.

Oratio

Da nobis, quæsumus, Dómine, imitári quod cólimus: ut discamus et inimícos dilígere; quia eius Inventiόνem celebrámus, qui novit étiam pro persecutóribus exoráre Dóminum nostrum Iesum Christum Fílium tuum: Qui tecum.

Lectio Actuum Apostolorum

Act. 6, 8-10; 7, 54-59

In diébus illis: Stéphanus plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphano: et non póterant resístere sapiéntiæ et Spíritui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in cælum, vidit glóriam Dei, et Iesum stantem a dextris Dei. Et ait: Ecce vídeo cælos apértos, et Fílium hóminis stantem a dextris Dei. Exclamántes autem voce magna continuérunt aures suas, et

ímpetum fecérunt unanímiter in eum. Et eiiciéntes eum extra civitátem lapidábant: et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem: Dómine Iesu, súscipe spíritum meum. Pósitis autem génibus, clamávit voce magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale Ps. 118, 23 et 86; 6, 5

Sedérunt príncipes, et advérsus me loquebántur: et iníqui persecúti sunt me. **V.** Adiuva me, Dómine Deus meus: salvum me fac propter misericórdiam tuam.

Allelúia, allelúia. **V. Act. 7, 56** Vídeo cælos apértos, et Iesum stantem a dextris virtútis Dei. Allelúia.

✠ Sequéntia sancti Evangélíi
secúndum Matthæum

Matth. 23, 34-39

In illo témpore: Dicébat Iesus scribis et pharisæis: Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persequémini de civitáte in civitátem: ut véniat super vos omnis sanguis iustus, qui effúsus est super terram, a sanguine Abel iusti usque ad ságuinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Ierúsalem, Ierúsalem, quæ occidis prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti? Ecce relinquétur

vobis domus vestra desérta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Antiphona ad Offertorium

Act. 6, 5 et 7, 59

Elegérunt Apóstoli Stéphanum Levítam, plenum fide et Spíritu Sancto: quem lapidavérunt Iudæi orántem, et dicéntem: Dómine Iesu, áccipe spíritum meum, allelúia.

Secreta

Súscipe, Dómine, múnera pro tuórum commemoratióne Sanctórum: ut, sicut illos pássio gloriósa effécit; ita nos devótio reddat innócuos. Per Dóminum.

Antiphona ad Communionem

Act. 7, 56, 59 et 60

Vídeo cælos apértos, et Iesum stantem a dextris virtútis Dei: Dómine Iesu, áccipe spíritum meum, et ne státuas illis hoc peccátum.

Postcommunio

Auxiliéntur nobis, Dómine, sumpta mystéria: et, intercedénte beáto Stéphano Mártire tuo, sempitérna protectióne confirment. Per Dóminum.

DIE 8 AUGUSTI

S. IOANNIS MARIÆ VIANNEY
CONFESSORIS

Antiphona ad Introitum

Gal. 6, 14

Mihi autem absit gloriári, nisi in cruce Dómini nostri Iesu Christi, per quem mihi mundus crucifíxus est, et ego mundo. **Ps. 30, 2** In te, Dómine, sperávi, non confúndar in ætérnum: in iustítia tua líbera me. **V.** Glória Patri. **M**ihi autem.

Oratio

Omnípotens et miséricors Deus, qui sanctum Ioánnem Mariám pastoráli stúdio et iugi oratiónis ac pæniténtiæ ardóre miráblem effecísti: da, quæsumus, ut eius exémplo et intercessióne, ánimas fratrum lucrári Christo, et cum eis ætérnam glóriam cónsequi valeámus. Per eúndem Dóminum.

Lectio Ezechiélis Prophætæ

Ezech. 33, 7 et 10-12

Et tu, fili hóminis, dic ad domum Israël: Sic locúti estis, dicéntes: Iniquitátes nostræ et peccáta nostra super nos sunt; et in ipsis nos tabéscimus: quómodo ergo vívere poterimus? Dic ad eos: Vivo ego, dicit Dóminus Deus, nolo mortem ímpii, sed ut convertátur ímpius a via sua, et vivat. Convertímini, convertímini a viis vestris péssimis; et quare moriémmini, domus Israël? Tu ítaque, fili hóminis, dic ad filios pópuli tui: Impíetas ímpii non nocébit ei, in quacúmque die convérsus fúerit ab impietáte sua.

Graduale Ps. 44, 2 Eructávit cor meum verbum bonum, dico ego ópera mea regi. **V. Ps. 38, 4** Concáluit cor meum intra me, et in meditatióne mea exardéscet ignis.

Allelúia, allelúia. **V. Eccli. 48, 1** Surréxit quasi ignis, et verbum ipsíus quasi fácula ardébat. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ezech. 34, 15-16 Ego pascam oves meas. **V.** Quod perierat requíram, et quod abiéctum erat redúcam. **V.** Quod confráctum fúerat alligábo, et quod infirmum fúerat consolidábo. **V.** Et quod

pingue et forte custódiam. *℣.*
Et pascam illas in iudício.

*Tempore autem paschali, omittitur
graduale, et eius loco dicitur:*

Allelúia, allelúia. *℣. Luc. 4,
18* Evangelizáre paupéribus mi-
sit me, sanáre contrítos corde.
Allelúia. *℣. I Cor. 9, 22* Omni-
bus ómnia factus sum, ut om-
nes fácerem salvos. Allelúia.

✠ Sequéntia sancti Evangélii
secúndum Matthæum

Matth. 9, 35-38 et 10, 1

In illo témpore: Circuibat Iesus
omnes civitátes, et castélla, do-
cens in synagógis eórum, et præ-
dicans evangélium regni, et curans
omnem languórem, et omnem in-
firmitátem. Videns autem turbas,
misértus est eis: quia erant vexáti,
et iacéntes sicut oves non habéntes
pastórem. Tunc dicit discíplis suis:
Messis quidem multa, operárii au-
tem pauci. Rogáte ergo Dóminum
messis, ut mittat operários in mes-
sem suam. Et convocátis duódecim
discíplis suis, dedit illis potestá-
tem spirítuum immundórum, ut
eícerent eos, et curárent omnem
languórem, et omnem infirmitátem.

Antiphona ad Offertorium

Coloss. 1, 24-25

Gáudeo in passiónibus, et adím-
pleo ea quæ desunt passiónum
Christi in carne mea, pro córpore
eius quod est Ecclésia, cuius factus
sum ego mínister.

Secreta

Super hanc illibátam hóstiam,
omnípotens sempitérne Deus,
descéndat invisíbilis plenitúdo Spí-
ritus Sancti: et præsta, ut interce-
dente beáto Ioáanne María, casto
corde et mundo corde ad tantum

semper mystérium accedámus. Per
Dóminum . . . in unitáte eiúsdem
Spíritus Sancti.

Antiphona ad Communionem

Luc. 6, 18, 19

Multitúdo languéntium, et qui
vexabántur a spirítibus immúndis
veniébant ad Iesum; quia virtus de
illo exíbat, et sanábat omnes.

Postcommunio

Angelórum dape refécti, te, Dó-
mine, deprecámur: ut sicut in
fortitúdiine huius panis beátus Ió-
annes María advérsa ómnia invícta
constántia tolerávit; ita nos eius
méritis et imitatióne, de virtúte in
virtútem eúntes, ad te feliciter per-
ducámur. Per Dóminum.

DIE 11 AUGUSTI

S. EMIGDII EP. ET MART.

Antiphona ad Introitum

Psal. 17, 8

Commóta est, et contrémuit
terra: fundaménta móntium
conturbáta sunt, et commó-
ta sunt, quóniam irátus est eis. *Psal.*
49, 15 Invoca me in die tribula-
tiónis: éruam te, et honorificábis
me. *℣.* Glória Patri. **Commóta.**

Oratio

Deus, qui beátum Emígdium
Mártirem tuum atque Pontí-
ficem, idolórum victória et miracu-
lórum glória decorásti: concéde
propítius; ut, eo interveniéntem,
malórum spirítuum fraudes v́ncere,
et coruscáre virtútibus mereámur.
Per Dóminum.

Léctio libri Apocalýpsis beáti
Ioánnis Apóstoli

Apoc. 11, 13-17

In illa hora factus est terræmótu magnus, et décima pars civitátis cécidit: et occísa sunt in terræmótu nómina hóminum septem millia: et reliqui in timórem sunt missi, et déderunt glóriam Deo cæli. Væ secúndum ábiit: et ecce væ tértium véniet cito. Et séptimus Angelus tuba cécinit: et factæ sunt voces magnæ in cælo, dicéntes: Factum est regnum huius mundi, Dómini nostri et Christi eius, et regnabit in sæcula sæculórum: Amen. Et vigin-tiquátuor senióres, qui in conspéctu Dei sedent in sédibus suis, cecidérunt in fácies suas, et adora-vérunt Deum, dicéntes: Grátias ágimus tibi, Dómine Deus omní-potens, qui es, et qui eras, et qui ventúrus es: quia accepísti virtú-tem tuam magnam, et regnásti.

Graduale Ps. 59, 6-7 Dedísti me-tuéntibus te significatióem: ut fú-giant a fácie arcus. **V.** Ut liberéntur dilécti tui: salvum fac dextera tua, et exáudi me.

Allelúia, allelúia. **V. Ps. 88, 22** Manus mea auxiliábitur ei: et brác-chium meum confortábit eum. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ierem. 3, 12 Non avértam faciém meam a vobis: et non iráscar in perpétuum. **V. Isai. 42, 6** Dedi te in foedus pópuli, et in lucem géntium. **V. Ibid. 25, 4** Factus est fortitúdo páuperi, fortitúdo egéno in tribulatióne sua.

Tempore autem paschali omittitur graduale, et eius loco dicitur:

Allelúia, allelúia. **V. Ierem. 1, 18** Dedi te in civitátem mu-nítam, et in colúmnam férre-am, et in murum æreum. Alle-lúia. **V. Eccli. 39, 20** Date nó-mini eius magnificéntiam, et confitémini illi. Allelúia.

✠ Sequéntia sancti Evangélii
secúndum Lucam

Luc. 21, 9-19

In illo témpore: Dixit Iesus discí-pulis suis: Cum audiéritis prœlia et seditiões, nolíte terréri: opórtet primum hæc fieri, sed nondum sta-tim finis. Tunc dicébat illis: Surget gens contra gentem, et regnum ad-vérsus regnum. Et terræmótu ma-gni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia iniíciant vobis manus suas, et persequéntur, tradéntes in syna-gógas et custódias, trahéntes ad reges, et præsides propter nomen meum: contínget autem vobis in testimónium. Pónite ergo in córdi-bus vestris non præmeditári quem-ádmódum respondeátis. Ego enim dabo vobis os, et sapiéntiam, cui non póterunt resistere, et contra-dícere omnes adversárii vestri. Tradémini autem a paréntibus, et frátribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra pos-sidébitis ánimas vestras.

Antiphona ad Offertorium

Ps. 59, 4

Commovísti, Dómine, terram, et conturbásti eam: sana contritiões eius, quia commóta est.

Secreta

Múnera tibi, Dómine, obláta sanctífica: ut per ea, intercedente beáto Emígdio Mártire tuo atque Pontífice, ab ómnibus ánimæ et cörperis perículis liberémur. Per Dóminum.

Antiphona ad Communionem

Ps. 32, 8

Tímeat Dóminum omnis terra: ab eo autem commoveántur omnes inhabitántes orbem.

Postcommunio

Sacraménta, quæ sumpsimus, Dómine: per intercessiónem beáti Emígdii Mártiris tui atque Pontíficis sint nobis ad tutaméntum mentis et cörperis, et ad misericórdiam tuam effícaciter consequéndam. Per Dóminum.

DIE 13 AUGUSTI

BEATÆ MARIÆ VIRGINIS

TITULO

REFUGIUM PECCATORUM

Missa Salve, de Communi festorum B. Mariæ Virg. (44), præter orationem sequentem; et dicitur Credo.

Oratio

P

Omnípotens et miséricors Deus, qui in beáta semper Vírgine María peccatórum refúgium et auxílium collocásti: concéde; ut, ipsa protegente, a culpis ómnibus absolúti, misericórdiæ tuæ efféctum félicem consequámur. Per Dóminum.

Secreta

C

Tua, Dómine, propitiatióne, et beátæ Mariæ semper Vírginis intercessióne, ad perpétuam atque

præséntem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Postcommunio

Sumptis, Dómine, salútis nostræ subsídiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratione hæc tuæ obtúlimus maiestáti. Per Dóminum.

EODEM DIE 13 AUGUSTI

S. IOANNIS BERCHMANS
CONFESSORIS**Antiphona ad Introitum**

Ps. 118, 167

Custodívit ánima mea testimónia tua, Dómine: et dilexit ea vehementer. **Ps. ibid., 1** Beáti immaculáti in via: qui ambulant in lege Dómini. **V.** Glória Patri. **C.** Custodívit.

Oratio

Concéde, quæsumus, fámulis tuis, Dómine Deus: ea innocentíæ ac fidelitátis exémpa in tuo servítio sectári; quibus angélicus iúvenis Ioánnes ætátis suæ florem consecrávit. Per Dóminum.

Léctio libri Sapiéntiæ

Eccli. 51, 17-25, 27-28 et 35

Confitébor, et laudem dicam tibi, Dómine Rex, et benedícam nómini Dómini. Cum adhuc iúnior essem, priúsqvam oberrárem, quæsívi sapiéntiam palam in oratióne mea. Ante templum postulábam

pro illa, et usque in novíssimis inquíram eam. Et efflóruit tamquam præcox uva, lætátum est cor meum in ea. Ambulávit pes meus iter rectum, a iuventúte mea investigábam eam. Inclinávi módice aurem meam, et excépi illam. Multam invéni in meípso sapiéntiam, et multum proféci in ea. Danti mihi sapiéntiam, dabo glóriam. Consiliátus sum enim ut fácerem illam: zelátus sum bonum, et non confúndar. Colluctáta est ánima mea in illa, et in faciéndó eam confirmátus sum. Animam meam diréxi ad illam, et in agnitióne invéni eam. Possédi cum ipsa cor ab initio: propter hoc non derelinquar. Vidéte óculis vestris quia módicum laborávi, et invéni mihi multam réquiem.

Graduale Sap. 4, 13-14 Consummátus in brevi explévit témpora multa. **℣.** Plácita enim erat Deo ánima illíus: propter hoc properávit educere illum de médio iniquitátum.

Allelúia, allelúia. **℣. Ibid., 16** Condémnat autem iustus mórtuus vivos ímpios, et iuventus celérius consummáta longam vitam iniústi. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 70, 17 Deus, docuísti me a iuventúte mea: et usque nunc pronuntiábo mirabília tua. **℣. Ps. 118, 103 et 101** Quam dúlcia fáucibus meis elóquia tua, super mel ori meo! **℣.** Ab omni via mala prohibui pedes meos: ut custódiam verba tua.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 118 106** Iurávi, et státui custodíre iudícia iustítiæ tuæ. Allelúia. **℣. Ibid., 74** Qui timent te vidébunt me, et lætabúntur: quia in verba tua supersperávi. Allelúia.

✠ Sequéntia sancti Evangélíi secúndum Matthæum

Matth. 19, 16-21

In illo témpore: Ecce unus accédens ad Iesum, ait illi: Magíster bone, quid boni fáciam ut hábeam vitam ætérnam? Qui dixit ei: Quid me intérrogas de bono? Unus est bonus, Deus. Si autem vis ad vitam íngredi, serva mandáta. Dicit illi: Quæ? Iesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia hæc custodívi a iuventúte mea: quid adhuc mihi deest? Ait illi Iesus: Si vis perfectus esse, vade, vende quæ habes, et da paupéribus, et habébis thesáurum in cælo: et veni, séquere me.

Antiphona ad Offertorium

Ps. 115, 16-17

O Dómine, quia ego servus tuus: ego servus tuus et fílius ancillæ tuæ: dirupísti víncula mea: tibi sacrificábo hóstiam laudis.

Secreta

Réspice, miséricors Deus, dona quæ offérimus recoléntes ánimo caritátem, qua beátus Ioánnes inter hæc mystéria flagrábat. Per Dóminum.

Antiphona ad Communionem

Cant. 6, 2; 3, 4

Ego dilécto meo, et diléctus meus mihi, qui páscitur inter lília. Invéni quem díligit ánima mea: ténuí eum, nec dimíttam.

Postcommunio

Cælésti épulo reféctis præsta nobis, quæsumus, miséricors Deus: ut, beáti Ioánnis vestígia sequéntes, viam mandatórum tuórum dilatáto corde currámus. Per Dñm.

DIE 16 AUGUSTI

S. ROCHI CONFESSORIS

Missa Iustus, de Communi Confessoris non Pontificis 2º loco (26), præter orationem sequentem:

Oratio

P

Pópulum tuum, quæsumus, Dómine, continúa pietáte custódi: et, beáti Rochi suffragántibus méritis, ab omni fac ánimæ et córporis contagióne secúrum. Per Dñm.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio

Quæsumus, omnipotens Deus: ut, qui cæléstia aliménta percépi-mus, intercedénte beáto Rocho Confessóre tuo, per hæc contra ómnia advérsa muniámur. Per Dñm.

DIE 18 AUGUSTI

S. HELENÆ IMPERATRICIS, VIDUÆ**Antiphona ad Introitum**

Gal. 6, 14

Mihi autem absit gloriári, nisi in Cruce Dómini nostri Iesu Christi: per quem mihi mundus crucifíxus est, et ego mundo. **Ps. 22, 4** Virga tua et báculus tuus: ipsa me consoláta sunt. **V.** Glória Patri. **Mihi autem.**

Oratio

Dómine Iesu Christe, qui locum, ubi Crux tua latébat, beátæ Helenæ revelásti, ut, per eam, Ecclésiám tuam hoc pretiósó thesauro ditáres: eius nobis intercessióne concéde; ut vitális ligni pretio, æternæ vitæ præmia consequámur: Qui vivis.

Léctio libri Sapiéntiæ

Prov. 31, 10-31

Mulierem fortem quis invéniet? Procul, et de últimis finibus pretium eius. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis; et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit brácchium suum. Gustávit, et vidit quia bona est negotiátio eius: non exstinguétur in nocte lucérna eius. Manum suam misit ad fórtia, et dígití eius apprehendé-

runt fusum. Manum suam apéruiť inopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici eius vestíťi sunt duplícibus. Stragulátam vestem fecit sibi: byssus, et púrpura induméntum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cíngulum trádedit Chananæo. Fortitúdo et decor induméntum eius, et ridébit in die novíssimo. Os suum apéruiť sapiéntiæ, et lex cleméntiæ in lingua eius. Considerávit sémitas domus suæ, et panem otiósa non comédit. Surrexérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlter timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 44, 13, 10 et 15-16
Vultum tuum deprecabúntur omnes dívites plebis: filiæ regum in honóre tuo. **Ų.** Adducéntur Regi vírgines post eam: próximæ eius afferéntur tibi. Afferéntur in lætítia, et exultatióne: adducéntur in templum Regis.

Allelúia, allelúia. **Ų. Ps. 111, 9**
Dispérsit, dedit paupéribus: iustítia eius manet in sáeculum sáeculi. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum. **Ų. Ps. 44, 8** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis.

Ų. Ibid., 5 Spécie tua, et pulchritúde tua inténde, prospere procéde, et regna.

Tempore autem paschali omittitur graduale, et eius loco dicitur:

Allelúia, allelúia. **Ų. Ps. 111, 9** Dispérsit, dedit paupéribus: iustítia eius manet in sáeculum sáeculi. Allelúia. **Ų. Ps. 44, 5** Spécie tua, et pulchritúde tua inténde, prospere procéde, et regna. Allelúia.

✠ **Sequéntia sancti Evangélii**
secúndum Matthæum **13, 44-52**

In illo témpore: Dixit Iesus discipulis suis parábolam hanc: Símile est regnum cælórum thesauro abscóndito in agro: quem qui invénit homo, abscóndit, et præ gáudio illíus vadit, et vendit univérša, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sáeculi: exhibunt Angeli, et separábunt malos de médio iustórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifamílias, qui profert de thesauro suo nova et vétera.

Antiphona ad Offertorium

1 Cor. 2, 2

Non enim iudicavi me scire aliud, nisi Iesum Christum, et hunc crucifixum.

Secreta

Per hæc sacra mysteria concede nobis, Domine: ut, sicut beatæ Helenæ misericórditer tribuisti ut Filium tuum crucifixum in corde semper gestaret; ita et nos eum in córdibus nostris perpétuo deferamus: Qui tecum.

Antiphona ad Communionem

Cant. 7, 8

Ascendam in palmam, et apprehendam fructus eius.

Postcommunio

Concede nobis, miséricors Deus: ut, qui salutíferæ Crucis tuæ fructu in terra sumus recreati; per intercessionem beatæ Helenæ, eodem iúgiter pérfrui mereámur in cælis: Qui vivis.

DIE 20 AUGUSTI

SANCTI BERNARDI
ABBATIS ET ECCL. DOCT.

Antiphona ad Introitum

Eccli. 15, 5

In médio Ecclésiæ aperuit os eius: et implévit eum Dominus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri. **In médio.**

Oratio

Pérfice, quæsumus, Domine, pium in nobis sanctæ religiónis af-féctum: et ad obtinendam tuæ grátiae largitatem, beátus Bernárdus, Abbas et Doctor egrégus, suis apud te semper pro nobis méritis et précibus intercédât. Per Dñm.

Léctio libri Sapiéntiæ

Eccli. 39, 6-14

Iustus cor suum tradet ad vigilandum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplínam, et in abscónditis suis consiliábitur. Ipse palam fáciét disciplínam doctrínæ suæ, et in lege testaménti Dómini gloriábitur. Colaudábunt multi sapiéntiam eius, et usque in sæculum non delébitur. Non recédet memória eius, et nomen eius requirétur a generatióne in generatióne. Sapiéntiam eius enarrábunt gentes, et laudem eius enuntiábit ecclésia.

Graduale Sap. 8, 2 Sapiéntiam amávi, et exquisívi a iuventúte mea, et quæsívi sponsam mihi eam assumere, et amátor factus sum formæ illíus. **V. Ibid., 10-11** Habébo propter sapiéntiam claritatem ad turbas, et in conspéctu poténtium admirabilis ero, et fácies princípum mirabúntur me.

Allelúia, allelúia. **V.** Caritate vulnerátus, castitate dealbátus, verbo vitæ laureátus est Bernárdus, sublimátus in glória. Allelúia.

✠ Sequéntia sancti Evangélii
secúndum Matthæum

Matth. 5, 13-19

In illo témpore: Dixit Iesus discí-
pulis suis: Vos estis sal terræ.
Quod si sal evanúerit, in quo salié-
tur? Ad níhilum valet ultra, nisi ut
mittátur foras, et conculcétur ab
homínibus. Vos estis lux mundi.
Non potest cívitas abscóndi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut
lúceat ómnibus qui in domo sunt.
Sic lúceat lux vestra coram ho-
mínibus, ut vídeant ópera vestra
bona, et gloríficent Patrem ve-
strum, qui in cælis est. Nolíte putá-
re, quóniam veni sólvare legem, aut
prophétas: non veni sólvare, sed
adimplére. Amen quippe dico vo-
bis, donec tránseat cælum et terra,
iota unum, aut unus apex non præ-
teríbit a lege, donec ómnia fiant.
Qui ergo sólverit unum de mandá-
tis istis mínimis, et docúerit sic
hómines, mínimus vocábitur in
regno cælórum: qui autem fécerit,
et docúerit, hic magnus vocábitur
in regno cælórum.

Antiphona ad Offertorium

Cant. 1, 12

Fascículus myrrhæ diléctus me-
us mihi, inter úbera mea commorá-
bitur.

Secreta

Grata tibi sit, Deus, intercedénte
beáto Bernárdο, huius oblátio
Sacraménti, quod in memóriam
passiónis Unigéniti tui, tuæ offéri-
mus maiestáti. Per eúndem Dñm.

Antiphona ad Communionem

Eccli. 51, 30

Dedit mihi Dóminus linguam
mercédem meam: et in ipsa lau-
dábo eum.

Postcommunio

Suum in nobis, omnípotens Deus,
intercedénte beáto Bernárdο,
cibus, quem sumpsimus, operétur
efféctum: ut incórporet nos sibi
esus edéntes. Per Dóminum.

DIE 28 AUGUSTI

S. AUGUSTINI **EP., CONF.**
ET ECCL. DOCT.

Antiphona ad Introitum

Eccli. 15, 5

In médio Ecclésiæ apérui os eius:
et implévit eum Dóminus spíritu
sapiéntiæ et intelléctus: stolam
glóriæ induit eum. **Ps. 91, 2** Bonum
est confitéri Dómino: et psállere
nómini tuo, Altíssime. **V.** Glória
Patri. **In médio.**

Oratio

Deus, qui abditióra sapiéntiæ tuæ
arcána beáto Augustíno reve-
lándo, et divínæ caritátis flammās
in eius corde excitándo, miráculum
columnae nubis et ignis in Ecclésia
tua renovásti: concéde; ut eius
ductu mundi vórtices feliciter tran-
seámus, et ad ætérnam promís-
sionis pátriam pervenire mereá-
mur. Per Dóminum.

Léctio líbri Sapiéntiæ

Eccli. 50, 1-14

Ecce sacérdos magnus, qui in vita
sua suffúlsit domum, et in dié-
bus suis corroborávit templum.
Templi étiam altitúdo ab ipso fun-
dáta est, duplex ædificátio et ex-
célsi paríetes templi. In diébus
ipsíus emanavérunt pútei aquá-
rum, et quasi mare adimpléti sunt
supra modum. Qui curávit gentem
suam, et liberávit eam a perditíone.

Qui præváluit amplificáre civitátem, qui adéptus est glóriam in conversatióne gentis: et ingrèssum domus, et átrii amplificávit. Quasi stella matutína in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in transítu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pretióso. Quasi olíva púllulans, et cypréssus in altitúdinem se extóllens, in accipiéndó ipsum stolam glóriæ, et vestíri eum in consummationem virtútis. In ascénsu altáris sancti, glóriam dedit sanctitátis amíctum. In accipiéndó autem partes de manu sacerdotum, et ipse stans iuxta aram. Et circa illum coróna fratrum: quasi plantatio cedri in monte Líbano, sic circa illum stetérunt quasi rami palmæ, et omnes filii Aaron in glória sua.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **℣.** Lex Dei eius in corde ipsíus: et non supplantabúntur gressus eius.

Allelúia, allelúia. **℣. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **℣.** Potens in terra erit semen eius: generatio rectórum bene-

dicétur. **℣.** Glória et divítiae in domo eius: et iustítia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. **℣. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia. **℣. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ **Sequéntia sancti Evangélii secúndum Matthæum 5, 13-19**

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat cælum et terra, iota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium

Ps. 91, 13

Iustus ut palma florébit: sicut cedrus. quæ in Líbano est, multiplicábitur.

Secreta

Omnípotens sempitérne Deus, qui præcláro sapiéntiæ lúmine beáti Augustíni mentem illustrásti, et sancti amóris iáculo eiúsdem cor transverberásti: da nobis fámulis tuis; ut illíus doctrínæ et caritátis partícipes éffici mereámur. Per Dóminum.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Fove, Dómine, famíliam tuam munéribus sacris, quam cælésti libámine recreásti: et, ut solémnia sancti Augustíni devóte concélebret, infúnde lumen supérnæ cognitiónis, et flammam ætérnæ caritátis. Per Dóminum.

SABBATO POST FESTUM S. AUGUSTINI
EP., CONF. ET ECCL. DOCT.

**BEATÆ MARIÆ VIRGINIS
DE CONSOLATIONE**

Antiphona ad Introitum

Ps. 44, 10

Astitit Regína a dextris tuis in vestítu deauráto: circúmdata varietáte. **Ps. ibid., 2** Eructávit cor meum verbum bonum: dico ego ópera mea Regi. **℣.** Glória Patri. **Astitit.**

Oratio

Dómine Iesu Chríste, pater misericordiárum, et Deus totíus consolatiónis: concéde propítius; ut, sicut lumbos præcíncti, puríssimam Genetrícem tuam Mariám sub Consolatiónis título gaudéntes

venerámur in terris, ita perénni eiúsdem consórtio pérfrui mereámur in cælis: Qui vivis.

Léctio Isaíæ Prophétæ Isai. 11, 1-5

Hæc dicit Dóminus Deus: Egrediétur virga de radíce Iesse, et flos de radíce eius ascéndet. Et requiescet super eum spíritus Dómini: spíritus sapiéntiæ, et intellectus, spíritus consílii, et fortitúdinis, spíritus sciéntiæ, et pietátis; et replébit eum spíritus timóris Dómini. Non secúndum visiónem oculórum iudicábit: neque secúndum audítum áurium árguet: sed iudicábit in iustítia páuperes, et árguet in æquitáte pro mansuétis terræ: et percútiet terram virga oris sui, et spíritu labiórum suórum interficiet ímpium. Et erit iustítia cingulum lumbórum eius: et fides cinctórium renum eius.

Graduale Ps. 44, 8-9 Unxit te Deus, Deus tuus, óleo lætítiæ præ consórtibus tuis. **℣.** Myrrha, et gutta, et cásia a vestiméntis tuis.

Allelúia, allelúia. **℣. Cant. 2, 14** Sonet vox tua in áuribus meis: vox enim tua dulcis, et fácies tua decóra. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 44, 12 et 18 Concupíscet Rex decórem tuum: quóniam ipse est Dóminus Deus tuus, et adorábunt eum. **℣.** Mémoires erunt nóminis tui in omni generatióne et generatióne. **℣.** Proptérea pópuli confitebúntur tibi in ætérnum: et in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 44, 9** Myrrha, et gutta, et cásia a vestiméntis tuis. Allelúia. **℣. Cant. 2, 14** Sonet vox tua in áuribus meis: vox enim tua dulcis, et fácies tua decóra. Allelúia.

✠ Sequéntia sancti Evangélii secúndum Lucam **Luc. 1, 39-47**

In illo témpore: Exsúrgens María ábiit in montána cum festinatióne in civitátem Iuda: et intrávit in domum Zachariæ, et salutávit Elísabeth. Et factum est, ut audívit salutatiónem Mariæ Elísabeth, exsultávit infans in útero eius: et repléta est Spíritu Sancto Elísabeth: et exclamávit voce magna, et dixit: Benedícta tu inter mulieres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi a Dómino. Et ait María: Magníficat ánima mea Dóminum: et exsultávit spíritus meus in Deo salutári meo.

Antiphona ad Offertorium

Ierem. 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

Súscipe, Dómine, munus, quod tibi offérimus, memóriam recoléntes puríssimæ Vírginis Mariæ, quæ consolátur nos in omni tribulatióne nostra: et præsta; ut mens nostra supérno lúmine Sancti Spíritus irradiáta, terréna despíciat, et

ad cæléstia semper aspíret. Per Dóminum . . . in unitáte eiúsdem.

Præfatio de B. Maria Virg. Et te in Festivitate.

Antiphona ad Communionem

Ierem. 2, 32

Numquid obliviscétur virgo ornaménti sui, aut sponsa fásciae pectorális suæ?

Postcommunio

Fons vitæ, Dómine Iesu, reple mentem nostram torrénite voluptátis tuæ; ut, beatíssimæ semper Vírginis Mariæ Consolatiónis Matris præsído terréna calcántes, cæléstibus semper recreári valeámus: Qui vivis.

SABB. ANTE DOM. ULTIMAM AUGUSTI
BEATÆ MARIÆ VIRGINIS

TITULO

SALUS INFIRMORUM

Antiphona ad Introitum

Salus pópuli ego sum: de quacúmque tribulatióne clamáverint ad me, exáudiam eos. **Ps. 33, 2** Benedícam Dóminum in omni témpore: semper laus eius in ore meo. **℣. Glória Patri. Salus.**

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsénti liberári tristítia, et ætérna pérfrui lætítia. Per Dóminum.

Lectio libri Sapiéntiæ

Prov. 8, 22-35

Dóminus possédit me in inítio viárum suárum, ántequam quidquam fáceret a princípío. Ab ætérno ordináta sum, et ex antiq̃uis, ántequam terra fieret. Nondum erant abyssi, et ego iam concépta eram: necdum fontes aquárum erúperant: necdum montes gravi mole constíterant: ante colles ego parturiébar: adhuc terram non fécerat, et flúmina, et cárdines orbis terræ. Quando præparábat cælos, áderam: quando certa lege et gyro vallábat abyssos: quando æthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram cuncta compónens: et delectábar per singulos dies, ludens coram eo omni témpore: ludens in orbe terrárum: et delíciæ meæ esse cum filiis hóminum. Nunc ergo, filii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abiícere eam. Beátus homo, qui audit me, et qui vígilat ad fores meas cotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale Ps. 102, 1 et 3-4 Bénedic, ánima mea, Dómino: et ómnia interióra mea nómini sancto eius. Qui sanat omnes infirmitátes tuas, qui rédimít de intéritu vitam tuam. **Ps. 117, 14** Fortitúdo mea, et laus mea Dóminus: et factus est mihi in salútem.

Allelúia, allelúia. **Ps. 59, 13** Da nobis, Dómine, auxílium de tribulatióne: quia vana salus hóminis, Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 117, 16-17 Déxtera Dómini fecit virtútem: déxtera Dómini exaltávit me, déxtera Dómini fecit virtútem. **Ps. 59, 13** Da nobis, Dómine, auxílium de tribulatióne: quia vana salus hóminis.

Tempore autem paschali omíttitur graduale, et eius loco dicitur:

Allelúia, allelúia. **Ps. 117, 14** Fortitúdo mea, et laus mea Dóminus: et factus est mihi in salútem. Allelúia. **Ps. 59, 13** Da nobis, Dómine, auxílium de tribulatióne: quia vana salus hóminis. Allelúia.

✠ Sequéntia sancti Evangélii
secúndum Ioánnem

Ioann. 2, 1-11

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiénte vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlter? nondum venit hora mea. Dicit mater eius minístris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatióem Iudæórum, capiéntes singulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum

architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in Cana Galilææ: et manifestávit glóriam suam, et credidérunt in eum discípuli eius.

Antiphona ad Offertorium

Jerem. 18, 20

Recordáre, Virgo Mater, dum stéteris in conspéctu Dei, ut loquáris pro nobis bona, et ut avértat indignatióem suam a nobis.

Secreta

Hæc oblátio, Dómine, per salutíferam beatíssimæ Unigéniti Fílii tui Genetrícis intercessiónem, nos in tua grátia confírmes, et a malis ómnibus reddat immúnes. Per eúndem Dóminum.

Præfatio de B. Maria Virg. Et te in Festivitate.

Antiphona ad Communionem

Isa. 46, 13

Dabo in Sion salútem, et in Israël glóriam meam.

Postcommunio

Divína libátio Córporis et SÁNGUINIS tui, Dómine Iesu Christe, quam in honórem Genetrícis tuæ devóte suscepimus, temporális vitæ páriter et æternæ múnera largiátur: Qui vivis.

FESTA SEPTEMBRIS

DIE 4 SEPTEMBRIS

BEATÆ MARLÆ VIRGINIS
DIVINI PASTORIS MATRIS

Missa Salve, de Communi Festorum B. Mariæ Virg. (44), *præter orationem sequentem:*

Oratio

P

Dómine Iesu Christe, pastor bone, qui pro óvibus tuis ánimam dedísti, nosque pópulum tuum et oves páscuæ tuæ in Cruce pendens Matri Vírgini commendásti: ipsa interveniéntem concéde; ut, te pastórem nostrum sequéntes in terris, ad páscua æternæ vitæ perducámur in cælis: Qui vivis.

Secreta

C

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Postcommunio

C

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratione hæc tuæ obtúlimus maiestáti. Per Dóminum.

EODEM DIE 4 SEPTEMBRIS
S. ROSÆ VITERBIENSIS
VIRGINIS

Missa Dilexísti, de Communi Virginum 3º loco (33), *præter orationem sequentem:*

Oratio

P

Deus, qui beátam Rosam sanctárum tuárum Vírginum collégio aggregáre dignátus es: tríbue nobis, quæsumus; ut eius précibus et méritis a culpis ómnibus expiémur, et tuæ maiestátis consórtio perfruámur æterno. Per Dóminum.

Secreta**C**

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio**C**

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

DIE 9 SEPTEMBRIS

S. PETRI CLAVER
CONFESSORIS**Antiphona ad Introitum**

Ps. 106, 9-10

Satiávit Dóminus ánimam inánem: sedéntes in ténebris et umbra mortis, vinctos in mendicitáte et ferro. **Ps. ibid., 8** Confiteántur Dómino misericórdiæ eius: et mirabília eius filiis hóminum. **V.** Glória Patri. **Satiávit.**

Oratio

Deus, qui abréptos in servitútem Nigrítas ad agnitióem tui nóminis vocatúrus, beátum Petrum mira in eis iuvándis caritáte et patiéntia roborásti: eius nobis intercessióne concéde; ut, quæ Iesu Christi sunt quæréntes, próximos ópere et veritáte diligámus. Per eúndem Dóminum.

Léctio Isaíæ Prophétæ

Isai. 58, 6-9 et 10

Hæc dicit Dóminus: Dissólve colligatiónes impietátis, solve fascículos depriméntes, dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque

induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiæ.

Graduale Ps. 71, 12-14 Liberábit páuperem a potén-te, et páuperem cui non erat adiútor: parcet páuperi et ínopi, et ánimas páuperum salvas fáciat. **V.** Ex usúris et iniquitáte rédimet ánimas eórum: et honorábile nomen eórum coram illo.

Allelúia, allelúia. **V. Ps. 9, 33 et 35** Exsúrge, Dómine Deus, exaltétur manus tua: ne obliviscáris páuperum: tibi derelíctus est pauper: órphano tu eris adiútor. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Isai. 61, 1 Misit me Dóminus ut medérer contrítis corde, et prædicárem captívis indulgéntiam. **V. 1 Cor. 9, 22** Factus sum infírmis infírmus, ut infirmos lucrifácerem. **V.** Omnibus ómnia factus sum, ut omnes fácerem salvos.

Tempore autem paschali omittitur graduale, et eius loco dicitur:

Allelúia, allelúia. **V. Ps. 123, 7** Anima nostra, sicut passer, erépta est de láqueo venántium: láqueus contrítus est, et nos liberáti sumus. Allelúia. **V. Ps. 84, 10** Prope timéntes Dóminum Deum salutáre ipsíus: ut inhábitet glória in terra nostra. Allelúia.

✠ Sequéntia sancti Evangélii
secúndum Lucam

Luc. 10, 29-37

In illo témpore: Legisperítus quidam, volens iustificáre seípsum, dixit ad Iesum: Et quis est meus próxímus? Suscípiens autem Iesus, dixit: Homo quidam descendébat ab Ierúsalem in Iéricho, et incidit in latrónes, qui étiam despoliavérunt eum: et plagis impósitis abiérunt, semivívo relícto. Accidit autem ut sacérdos quidam descénderet eádem via: et viso illo præterívit. Simíliter et levíta, cum esset secus locum, et vidéret eum, pertránsiit. Samaritánus autem quidam iter fáciens, venit secus eum: et videns eum, misericórdia motus est. Et apprópians alligávit vúlnera eius, infúndens óleum et vinum: et impónens illum in iuméntum suum, duxit in stábulum, et curam eius egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum redíero, reddam tibi. Quis horum trium vídétur tibi próxímus fuisse illi, qui incidit in latrónes? At ille dixit: Qui fecit misericórdiam in illum. Et ait illi Iesus: Vade, et tu fac simíliter.

Antiphona ad Offertorium

Iob 29, 12-13 et 15-16

Eo quod liberássem páuperem vociferántem, et pupíllum, cui non esset adiútor, benedíctio peritúri super me veniébat, et cor víduæ consolátus sum: óculus fui cæco, et pes claudó: pater eram páuperum.

Secreta

Caritátis víctima, quam immolántes offérimus, sit nobis, Dómine, te miseránte, propitiábilis: et, beáti Petri précibus et méritis, ad

obtinéndum patiéntiæ et caritátis augméntum, éfficax et salutáris. Per eúndem Dóminum.

Antiphona ad Communionem

Ezech. 34, 15-16

Ego pascam oves meas: et ego eas accubáre fáciam, dicit Dóminus Deus. Quod perierat requíram, et quod abiéctum erat redúcám, et quod confráctum fúerat alligábo, et quod infirmum fúerat consolidábo.

Postcommunio

Crescat in nobis, Dómine, tuæ pietátis efféctus salutáris: ut, cælésti pábulo nutriti, æternæ vitæ corónam, beáto Petro intercedénte, feliciter assequámur. Per Dóminum.

DIE 15 SEPTEMBRIS

S. CATHARINÆ FLISCÆ
ADURNÆ **VIDUÆ**

Antiphona ad Introitum

Ps. 41, 3

Sitívit ánima mea ad Deum fortem vivum: quando véniam et apparébo ante faciém Dei? **Ps. ibid., 2** Quemádmódum desiderat cervus ad fontes aquárum: ita desiderat ánima mea ad te, Deus. **℣.** Glória Patri. **Sitívit.**

Oratio

Deus, qui beátam Catharínam, in contemplánda Fílii tui passióne, divíni amoris igne flagráre fecísti: quæsumus; ut, ipsa intercedénte, tuæ in nobis flammam caritátis accéndas, et eiúsdem passiónis partícipes dignánter efficias. Per eúndem Dóminum.

Lectio libri Sapiëntiæ

Prov. 31, 10-31

Mulierem fortem quis invéniet? Procul, et de últimis finibus prætium eius. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsivit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit brácchium suum. Gustávit, et vidit quia bona est negotiatio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici eius vestíti sunt duplícibus. Stragulátam vestem fecit sibi: byssus, et púrpura indumentum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cingulum trádidit Chananéó. Fortitúdo et decor indumentum eius, et ridébit in die novísimo. Os suum apéruit sapiëntiæ, et lex cleméntiæ in lingua eius. Considerávit sémitas domus suæ, et panem otiósa non comédit. Surrexérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlíer timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 44, 3 Diffúsa est grátia in lábiis tuis: proptérea benedíxit te Deus in ætérnum. **V. Ibid., 5** Propter veritátem, et mansuetúdinem, et iustítiam: et dedúcet te mirabíliter dextera tua.

Allelúia, allelúia. **V. Ps. 72, 25-26** Quid mihi est in cælo? et a te quid vólui super terram? Defécit caro mea, et cor meum: Deus cordis mei, et pars mea Deus in ætérnum. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8 et 5** Dilexísti iustítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem paschali, omissis graduáli et tractu, dicitur:

Allelúia, allelúia. **V. Ps. 72, 25-26** Quid mihi est in cælo? et a te quid vólui super terram? Defécit caro mea, et cor meum: Deus cordis mei, et pars mea Deus in ætérnum. Allelúia. **V. Ps. 38, 4** Concáluit cor meum intra me: et in meditatione mea exardéscet ignis. Allelúia.

✠ **Sequéntia sancti Evangélii**
secúndum Matthæum

Matth. 13, 44-52

In illo témpore: Dixit Iesus discipulis suis parábolam hanc: Símile est regnum cælórum thesauro abscóndito in agro: quem qui invénit homo, abscóndit, et præ gáudio

illius vadit, et vendit universa, quæ habet, et emit agrum illum. Iterum simile est regnum cælorum homini negotiatóri, quærenti bonas margaritas. Inventa autem una pretiosa margarita, abiit, et vendidit omnia, quæ habuit, et emit eam. Iterum simile est regnum cælorum sagænæ missæ in mare, et ex omni genere piscium congreganti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de medio iustórum, et mittent eos in camínium ignis: ibi erit fletus, et stridor déntium. Intellexístis hæc omnia? Dicunt ei: Etiam. Ait illis: Ideo omnis scriba doctus in regno cælorum similis est homini patri-famílias, qui profert de thesauro suo nova et vétera.

Antiphona ad Offertorium

Ps. 107, 2

Parátum cor meum, Deus, parátum cor meum: cantábo, et psallam in glória mea.

Secreta

His sacrificiis, quæsumus, omnipotens Deus, propitiátus inténde: et beáta Catharina intercedente, spíritum in nobis tuæ dilectionis accénde. Per Dóminum.

Antiphona ad Communionem

Ps. 83, 3

Cor meum, et caro mea exsultavérunt in Deum vivum.

Postcommunio

Súpplīces te rogāmus, omnipotens Deus: ut, quos tuis reficere dignátus es sacraméntis, interce-

dente beáta Catharina, tribuas pro tui amore terréna despícere: et cæléstium semper participatióne gaudére. Per Dóminum.

DIE 26 SEPTEMBRIS

SS. IOANNIS, ISAACI ET SOCIORUM MARTYRUM

Antiphona ad Introitum

Apoc. 7, 14

Hi sunt qui venérunt de tribulatione magna, et lavérunt stolas suas, et dealbavérunt eas in ságuine Agni. **Ps. 116, 1** Laudáte Dóminum, omnes gentes; laudáte eum, omnes pópuli. **V.** Glória Patri. **Hi** sunt.

Oratio

Deus, qui primítias fidei in boreálibus Américæ regiónibus sanctórum Mártyrum tuórum Ioánnis, Isaáci, eorúmque Sociórum prædicatióne et ságuine consecrásti: concéde propítius; ut eórum intercessiόne, flórida christianórum seges ubique in dies augéatur. Per Dóminum.

Léctio Epístolæ beáti Pauli Apóstoli ad Corínthios

2 Cor. 12, 11-15

Fratres: Ego a vobis débui commendári: nihil enim minus fui ab iis qui sunt supra modum Apóstoli, tamétsi nihil sum. Signa tamen apostolátus mei facta sunt super vos, in omni patiéntia, in signis et prodigiis et virtútibus. Quid est enim quod minus habuístis præ céteris ecclésiis, nisi quod ipse non gravávi vos? Donáte mihi hanc in-iúriam. Ecce tértio hoc parátus sum veníre ad vos: et non ero gravis vobis. Non enim quæro quæ vestra

sunt, sed vos; nec enim debent filii paréntibus thesaurizáre, sed paréntes fíliis. Ego autem libénter impéndam et superimpéndar ipse pro animábus vestris: licet plus vos díligens, minus díligar.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. 2 Cor. 1, 5** Sicut abúndant passiónes Christi in nobis, ita et per Christum abúndat consolátio nostra, allelúia.

In Missis votivis post Septuagesimam, omissis Allelúia et versu sequenti, dicitur:

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

Tempore autem paschali omittitur graduale, et eius loco dicitur:

Allelúia, allelúia. **V. 2 Cor. 1, 5** Sicut abúndant passiónes Christi in nobis, ita et per Christum abúndat consolátio nostra, allelúia. **V. Exodi 15, 11** Gloriósus Deus in Sanctis suis: mirábilis in maiestáte fáciens prodígia, allelúia.

✠ Sequéntia sancti Evangélíi
secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius et

multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere; quia virtus de illo exíbat et sanábat omnes. Et ipse, elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die et exsultáte: ecce enim, merces vestra multa est in cælo.

Antiphona ad Offertorium

Sap. 3, 6

Tamquam aurum in fornáce probávit illos Dóminus, et quasi holocáusti hóstiam accépit illos.

Secreta

Immaculátam hóstiam fac nos, Dómine, méntibus tibi puris offerre, quam Sanctis Martýribus tuis illibátus vitæ candor et iuge mortificatiónis stúdiu dapem suavíssimam efficiébant. Per Dóminu.

Antiphona ad Communionem

Philipp. 1, 20-21

Magnificábitur Christus in corpore meo, sive per vitam sive per mortem: mihi enim vívere Christus est et mori lucrú.

Postcommunio

Fórtium pane reféctis tríbue nobis, omnípotens Deus: ut, sicut sancti Mártyres tui Ioánnes, Isaacus eorúmque Sócii, eódem roboráti, ánimam suam pro fratribus pónere non dubitárunť; ita nos, alter altérius ónera portántes, próximos nostros ópere et veritáte diligámus. Per Dóminum.

FESTA OCTOBRIS

DIE 1 OCTOBRIS

S. GREGORII

**EP. MAIORIS ARMENIÆ
ET MARTYRIS**

*Extra tempus paschale Missa Státuit, de
Communi unius Martyris 1º loco (4), præter
orationem sequentem:*

Oratio

P

Deus, qui per beátum Gregórium Pontíficem et Mártyrem tuum Arménia gentis pópulum regémque veræ fidei lucem recípere tribuísti: da Ecclésiæ tuæ de tantis gaudére triúmphis, et apud te méritis eiúsdem et précibus adiuvári. Per Dóminum.

Secreta

C

Hóstias tibi, Dómine, beáti Gregórii Mártyris tui atque Pontíficis dicátas méritis, benígnus asúme: et ad perpétuum nobis tríbue proveníre subsídium. Per Dóminum.

Postcommunio

C

Refécti participatióne múnery sacri, quæsumus, Dómine Deus noster: ut, cuius exséquimur cultum, intercedente beáto Gregório Mártyre tuo atque Pontífice, sentiámus efféctum. Per Dóminum.

DIE 15 OCTOBRIS

S. TERESIÆ VIRG.

Antiphona ad Introitum

3 Reg. 4, 29

Dedit ei Dóminus sapiéntiam et prudéntiam multam nimis, et latitúdinem cordis quasi arénam quæ est in litore maris. **Ps. 97, 1** Cantáte Dómino cánticum novum: quia mirabilia fecit. **V.** Glória Patri. **D**edit.

Oratio

Exáudi nos, Deus salutáris noster: ut, sicut de beátæ Teresiæ Vírginis tuæ festivitáte gaudémus; ita cæléstis eius doctrínæ pábulo nutriámur, et piæ devotiónis erudiámur afféctu. Per Dóminum.

Léctio libri Sapiéntiæ

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inexstinguibile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiône dídici, et sine invídia comúnico, et honestátem illíus non abscóndo. Infínitus enim thesáurus

est homínibus: quo qui usi sunt, partícipes facti sunt amicítiae Dei, propter disciplínæ dona commendáti.

Graduale Eccli. 51, 23-25 Danti mihi sapiéntiam, dabo glóriam: zeláta sum bonum, et non confúndar. *℣.* Colluctáta est ánima mea in illa, et in faciéndó eam confirmáta sum.

Allelúia, allelúia. *℣. Ps. 118, 130* Declarátio sermónum tuórum, Dómine, illúminat: et intelléctum dat párvulis. Allelúia.

In Missis votivis post Septuagesimam, omissis Allelúia et versu sequenti, dicitur:

Tractus Is. 54, 6, 7, 11 Ut mulierem derelíctam et mœréntem spíritu vocávit me Dóminus. *℣.* Dixit: Abscóndi fáciem meam parúmper a te, et in misericórdia sempitérna misértus sum tui. *℣.* Paupércula tempestáte convúlta, absque ulla consolatióne: in iustítia fundáberis, et non timébis.

Tempore autem paschali omittitur graduale, et eius loco dicitur:

Allelúia, allelúia. *℣. Apoc. 19, 7* Gaudeámus, et demus glóriam ei: quia venérunt nuptiæ Agni, et uxor eius præparávit se. Allelúia. *℣. Is. 35, 2* Exsultávit lætabúnda, et laudans: glória Líbani data est ei, decor Carméli et Saron. Allelúia.

✠ Sequéntia sancti Evangélíi secúndum Matthæum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita Pater:

quóniam sic fuit plácitum ante te. Omnia mihi trádita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite iugum meum super vos, et discite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium

Ier. 20, 9

Factus est in corde meo quasi ignis exæstuans, clausúsque in ósibus meis: et deféci, ferre non sústinens.

Secreta

Maiestáti tuæ, quæsumus, Dómine, beátæ Terésiae précibus nostra sit accépta devótio: cui medullátum cordis eius ita plácuít holocáustum. Per Dóminum.

Antiphona ad Communionem

Ps. 88, 2

Misericórdias Dómini in ætérnum cantábo.

Postcommunio

Súbdita tibi família, quam cælésti pane satiásti, quæsumus, Dómine Deus noster: ut, beátæ Terésiae intercessióne et exemplo, misericórdias tuas váleat in ætérnum cantáre. Per Dóminum.

DIE 23 OCTOBRIS

SANCTISSIMI REDEMPTORIS

Antiphona ad Introitum

Isai. 61, 10

Gaudens gaudébo in Dómino, et exsultábit ánima mea in Deo meo: quia induit me

vestiméntis salútis: et induménto iustítiæ circúmdedit me. **Ps. 88, 2** Misericórdias Dómini in ætérnum cantábo: in generatióem et generatióem annuntiábo veritátem tuam in ore meo. **V. Glória Patri. Gaudens.**

Oratio

Deus, qui Unigénitum tuum mundi Redemptórem constituísti, et per eum, devícta morte, nos misericórditer ad vitam reparásti: concéde; ut, hæc benefícia reco-léntes, tibi perpétua caritáte adhæ-rére, et eiúsdem redemptionis fru-ctum percípere mereámur. Per eúndem Dóminum.

Lectio Epístolæ beáti Pauli Apóstoli ad Ephésios

Ephes. 1, 3-9

Benedíctus Deus et Pater Dómini nostri Iesu Christi, qui benedíxit nos in omni benedictióne spiri-tuáli in cæléstibus in Christo, sicut elégit nos in ipso ante mundi con-stitutióem, ut essémus sancti et immaculáti in conspéctu eius in caritáte. Qui prædestinávit nos in adoptiόem filiόrum per Iesum Christum in ipsum: secúndum pro-pósitum voluntátis suæ, in laudem glóriæ grátiae suæ, in qua gratificávit nos in dilécto Fílio suo. In quo habémus redemptionem per sán-guinem eius, remissionem peccató-rum secúndum divítias grátiae eius, quæ superabundávit in nobis in omni sapiéntia, et prudéntia: ut no-tum fáceret nobis sacraméntum voluntátis suæ, secúndum bene-plácitum eius, quod propósuit in eo.

Graduale Ps. 85, 9-10 Omnes gentes quascúmque fecísti, véni-ent, et adorábunt coram te, Dómi-ne: et glorificábunt nomen tuum.

V. Quóniam magnus es tu, et fá-ciens mirabília: tu es Deus solus.

Allelúia, allelúia. **V. Ps. 73, 12** Deus autem Rex noster ante sæcu-la: operátus est salútem in médio terræ. Allelúia.

In Missis votivis post Septuagesimam, omissis Allelúia, et versu sequenti, dici-tur:

Tractus Isai. 53, 4-5 Vere languóres nostros ipse tulit, et dolóres nostros ipse portávit. **V. Et nos putávimus eum quasi leprósum, et percússum a Deo, et humiliátum. V. Ipse autem vulnerátus est propter ini-quitates nostras, attrítus est propter scélera nostra. V. Disciplína pacis nostræ super eum: et livóre eius sanáti su-mus.**

Tempore autem paschali omittitur graduale, et eius loco dicitur:

Allelúia, allelúia. **V. Ave, Rex noster: tu solus nostros es miserátus erróres: Patri obédiens, ductus es ad cruci-figéndum, ut agnus mansué-tus ad occisióem. Allelúia. V. Tibi glória, hosánna: tibi tri-úmphus et victória: tibi sum-mæ laudis et honóris coróna. Allelúia.**

✠ Sequéntia sancti Evangélii secúndum Ioánnem

Ioann. 3, 13-18

In illo témpore: Dixit Iesus Nico-démo: Nemo ascéndit in cælum, nisi qui descéndit de cælo, Fílius hóminis, qui est in cælo. Et sicut Móyses exaltávit serpéntem in de-sérto; ita exaltári opórtet Fílium hóminis: ut omnis, qui credit in ipsum, non péreat, sed hábeat vi-tam ætérnam. Sic enim Deus diléxit

mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut iúdicet mundum, sed ut salvétur mundus per ipsum. Qui credit in eum, non iudicátur: qui autem non credit, iam iudicátus est: quia non credit in nómine unigéniti Fílii Dei.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium

Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Deus in perpétuum, allelúia.

Secreta

Súscipe, quæsumus, Dómine, oblátum redemptionis ætérnæ mystérium: et præsta; ut, unigéniti Fílii tui gloriósis méritis intercedéntibus, vivíficet nos semper, et múniat. Per eúndem Dóminum.

Præfatio de sancta Cruce.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Communionem

Ps. 106, 8

Confiteántur Dómino misericórdiæ eius, et mirabília eius filiis hóminum, allelúia.

Postcommunio

Córpore tui sacri, ac pretiósí Sanguinis quo redépti sumus, Dómine Iesu Christe, partícipes effécti: quæsumus; ut in nobis tua múnere tueáris, atque a præsentis vitæ malis eréptos, ad bona perdúcas sempitérna: Qui vivis.

FESTA NOVEMBRIS

DIE 4 NOVEMBRIS

S. CAROLI EP. ET CONF.

Antiphona ad Introitum

Eccli. 45, 29-30

In bonitáte et alacritáte ánimæ suæ plácuit Deo: ideo státuit illi testaméntum pacis, príncipem sanctórum et gentis suæ, ut sit illi sacerdótii dígnitas in ætérnum. *Ps. 72, 1* Quam bonus Israël Deus his, qui recto sunt corde! *V.* Glória Patri. *In bonitáte.*

Oratio

Ecclésiám tuam, Dómine, sancti Cároli Confessóris tui atque Pontíficis continúa protectióne custódi: ut, sicut illum pastorális sollicitúdo gloriósum réddidit; ita nos eius intercéssio in tuo semper fáciat amóre fervéntes. Per Dóminum.

Léctio libri Sapiéntiæ

Eccli. 50, 1, 4-11

Ecce sacerdos magnus, qui in vita sua suffúlsit domum, et in diébus suis corroborávit templum. Qui curávit gentem suam, et liberávit eam a perditióne. Qui præváluit amplificáre civitátem, qui adéptus est glóriam in conversatióne gentis: et ingressum domus, et átrii amplificávit. Quasi stella matutína in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pre-

tióso. Quasi olíva púllulans, et cypréssus in altitúdinem se extól-lens, in accipiéndo ipsum stolam glóriæ, et vestíri eum in consum-matióne virtútis.

Graduale Sap. 4, 13-14 Consum-mátus in brevi explévit témpora multa: plácita enim erat Deo ánima illíus. **℣.** Propter hoc properávit edúcere illum de médio iniquitátis.

Allelúia, allelúia. **℣. Eccli. 45, 9** Induit eum stolam glóriæ, et co-ronávit eum in vasis virtútis. Alle-lúia.

✠ Sequéntia sancti Evangélíi
secúndum Ioánnem

Ioann. 10, 11-16

In illo témpore: Dixit Iesus phari-sæis: Ego sum pastor bonus. Bo-nus pastor ánimam suam dat pro óvibus suis. Mercenárius autem, et qui non est pastor, cuius non sunt oves própriæ, videt lupum venién-tem, et dimíttit oves, et fugit: et lupus rapit, et dispérgit oves: mer-cenárius autem fugit, quia merce-nárius est, et non pértinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addú-cere, et vocem meam áudient, et fiet unum ovíle, et unus pastor.

Antiphona ad Offertorium

Sap. 8, 2

Amávit sapiéntiam a iuventúte sua, et quæsívit sibi sponsam eam assúmere, et amátor factus est formæ illíus.

Secreta

Sancti Cároli Confessóris tui at-que Pontíficis pastorális officii vigilántiam et præcláras virtútes admirántibus: præsta quæsumus: ut, ipsíus inhæréntes vestígiis, tibi digne múnera deferámus. Per Dó-minum.

Antiphona ad Communionem

Eccli. 39, 13

Non recédet memória eius, et nomen eius requirétur a genera-tióne in generatióne.

Postcommunio

Sanctíficent nos, quæsumus, Dó-mine, sumpta mystéria: et san-cto Cárolo Confessóre tuo atque Pontífice intercedénte, nostrórum puríficent máculas delictórum. Per Dóminum.

DIE 5 NOVEMBRIS

SACRARUM RELIQUIARUM

Antiphona ad Introitum

Ps. 33, 20-21

Multæ tribulatiónes iustórum, et de his ómnibus liberávit eos Dóminus: Dóminus cu-stódit ómnia ossa eórum: unum ex his non conterétur. **Ps. ibid., 2** Be-nedícam Dóminum in omni tém-pore: semper laus eius in ore meo. **℣.** Glória Patri. **Multæ.**

Oratio

Auge in nobis, Dómine, resurre-ctiόνis fidem, qui in Sanctórum tuórum Relíquiis mirabília operá-ris: et fac nos immortalis glóriæ partícipes; cuius in eórum cinéribus pignora venerámur. Per Dóminum.

Léctio libri Sapiéntiæ

Eccli. 44, 10-15

Hi viri misericórdiæ sunt, quorum pietátes non defuérunt: cum sémíne eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapiéntiam ipsórum narrent pópuli, et laudem eórum núntiet Ecclésia.

Graduale Ps. 149, 5 et 1 Exsultábunt sancti in glória: lætabúntur in cubílibus suis. **V.** Cantáte Dómino cánticum novum: laus eius in ecclésia sanctórum.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

Tempore autem paschali omittitur graduale, et eius loco dicitur:

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 15** Pretiósá in conspéctu Dómini mors sanctórum eius. Allelúia.

✠ Sequéntia sancti Evangélii
secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudáea, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exhibat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in cælo.

In Missis votivis post Septuagesimam in fine sequentis antiphonæ ad Offertorium Allelúia omittitur.

Antiphona ad Offertorium

Ps. 67, 36

Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Implorámus Dómine, cleméntiam tuam: ut Sanctórum tuórum, quorum Relíquias venerámur, suffragántibus méritis, hóstia, quam offérimus, nostrórum sit expiatio delictórum. Per Dóminum.

Antiphona ad Communionem

Ps. 32, 1

Gaudéte, iusti, in Dómino: rectos decet collaudátio.

Postcommunio

Multiplica super nos, quæsumus, Dómine, per hæc sancta, quæ sumpsimus, misericórdiam tuam: ut, sicut in tuórum solemnitáte Sanctórum, quorum Relíquias cólimus, pia devotióne lætámur; ita eórum perpétua societáte, te largiēte, fruámur. Per Dóminum.

DIE 13 NOVEMBRIS

S. STANISLAI KOSTKÆ
CONFESSORIS

Antiphona ad Introitum

Sap. 4, 13-14

Consummátus in brevi explévit témpora multa: plácita enim erat Deo ánima illíus: propter hoc properávit edúcere illum de médio iniquitátum. **Ps. 112, 1** Laudáte, púeri, Dóminum: laudáte nomen Dómini. **V.** Glória Patri. **C**onsummátus.

Oratio

Deus, qui inter cétera sapiéntiæ tuæ mirácula, étiam in ténera ætáte matúræ sanctitátis grátiam contulísti: da, quæsumus; ut, beáti Stanislái exémplo, tempus instánter operándo rediméntes, in ætérnam ingredi réquiem festinémus. Per Dóminum.

Léctio libri Sapiéntiæ

Sap. 4, 7-16

Iustus, si morte præoccupátus fúerit, in refrigerio erit. Senectus enim venerábilis est non diutúrna, neque annórum número computáta: cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum eius, aut ne fictio decíperet ánima illíus. Fascinátio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa: plácita enim erat Deo ánima illíus: propter hoc properávit edúcere illum de médio iniquitátum: pópuli autem vidéntes, et non intellegéntes, nec ponéntes in præcórdiis tália: quóniam grátia Dei, et misericórdia est in sanctos eius, et respéctus in eléctos illíus. Condémnat autem iustus mórtuus vivos ímpios, et iuvéntus celérius consummáta longam vitam iniústi.

Graduale Ps. 20, 3-4 Desidérium cordis eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictiónibus dulcédinis.

Allelúia, allelúia. **V. Ps. 118, 152** Inítio cognóvi de testimoniis tuis, quia in ætérnum fundásti ea. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in

domo eius: et iustitia eius manet in sæculum sæculi.

Tempore autem paschali omittitur graduale, et eius loco dicitur:

Allelúia, allelúia. *℣. Iac. 1, 12* Beátus vir, qui suffert tentationem: quóniam cum probátus fúerit, accípiet coronam vitæ. Allelúia. *℣. Eccli. 45, 9* Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Matthæum *19, 13-21*

In illo témpore: Obláti sunt Iesu párvuli, ut manus eis impóneret et oráret. Discípuli autem increpábant eos. Iesus vero ait eis: Sínite párvulos, et nolíte eos prohibére ad me veníre: tálium est enim regnum cælórum. Et cum imposúisset eis manus, ábiit inde. Et ecce unus accédens, ait illi: Magíster bone, quid boni fáciam ut hábeam vitam ætérnam? Qui dixit ei: Quid me intérrogas de bono? Unus est bonus, Deus. Si autem vis ad vítam ingredi, serva mandáta. Dicit illi: Quæ? Iesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia hæc custodívi a iuventúte mea, quid adhuc mihi deest? Ait illi Iesus: Si vis perféctus esse, vade, vende quæ habes, et da paupéribus, et habébis thesáurum in cælo: et veni, séquere me.

Antiphona ad Offertorium

Ps. 42, 4

Introíbo ad altáre Dei: ad Deum, qui lætíficat iuventútem meam.

Secreta

Angelórum pane, quæsumus, Dómine, beáti Stanislái nos intercessio dignos efficiat, qui eo méruiť angélica manu recreári. Per Dñm.

Antiphona ad Communionem

Eccli. 15, 3

Cibávit illum Dóminus pane vitæ et intelléctus, et aqua sapiéntiæ salutáris potávit illum.

Postcommunio

Ut nobis, Dómine, cæléstis, quem sumpsimus, panis sit vitæ: beáto Stanisláo Confessóre tuo intercedénte, quæsumus; ut panis sit intelléctus, et potus aqua sapiéntiæ salutáris. Per Dóminum.

SABB. ANTE DOM. III NOVEMBRIS
BEATÆ MARIÆ VIRGINIS
DIVINÆ PROVIDENTIÆ
MATRIS

Antiphona ad Introitum

Ioann. 19, 26 et 27

Múlier, ecce fílius tuus, dixit Iesus matri: deínde dixit discípulo quem diligébat: Ecce mater tua. *Ps. 105, 1* Confitémini Dómino quóniam bonus: quóniam in sæculum misericórdia eius. *℣. Glória Patri. Múlier.*

Oratio

Deus, cuius providéntia in sui dispositióne non fállitur, te súpplíces exorámus: ut, intercedénte beáta Vírgine ac Genetríce Fílii tui Maríæ; nóxia cuncta submóveas, et ómnia nobis profutúra concédas. Per eúndem Dóminum.

Lectio libri Sapiëntiæ

Eccli. 24, 1 et 4-13

Sapiëntia laudábit ánimam suam, et in Deo honorábitur, et in médio pópuli sui gloriábitur. Et in multitúdine electórum habébit laudem, et inter benedíctos benedicétur, dicens: Ego ex ore Altíssimi prodívi primogénita ante omnem creatúram: Ego feci in cælis ut orirétur lumen indeficiens, et sicut nébula texi omnem terram: Ego in altíssimis habitávi, et thronus meus in columna nubis. Gyrum cæli circuívi sola, et profúndum abyssi penetrávi, in flúctibus maris ambulávi, et in omni terra steti: et in omni pópulo, et in omni gente primátum hábui: et ómnium exceléntium et humílium corda virtúte calcávi: et in his ómnibus réquiem quæsívi, et in hereditáte Dómini morábor. Tunc præcépit, et dixit mihi Creátor ómnium: et qui creávit me, requiévít in tabernáculo meo, et dixit mihi: In Iacob inhábíta, et in Israél hereditáre, et in electis meis mitte radíces.

Graduale Isai. 49, 15 Numquid oblivísci potest múlíer infántem suum, ut non misereátur filio úteri sui? **℣.** Et si illa oblíta fúerit, ego tamen non oblivíscar tui.

Allelúia, allelúia. **℣. Tob. 13, 17** Tu autem lætáberis in filiis tuis, quóniam omnes benedicéntur, et congregabúntur ad Dóminum. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Prov. 8, 32-35 Nunc ergo, filii, audíte me: Beáti, qui custódiunt vias meas. **℣.** Audíte disciplínam, et estóte sapiéntes, et nolíte abiícere eam. **℣.** Beátus homo qui audit

me, et qui vígilat ad fores meas cotídie, et observat ad postes óstii mei. **℣.** Qui me invénerit, invéniet vitam, et háuriet salutem a Dómino.

Tempore autem paschali omittitur graduale, et eius loco dicitur:

Allelúia, allelúia. **℣. Isai. 66, 10 et 13** Lætámini et exsultáte, omnes qui dilígitis eam. Allelúia. **℣.** Quómodo si cui mater blandiátur, ita ego consolábor vos. Allelúia.

✠ Sequéntia sancti Evangélii
secúndum Ioánnem

Ioann. 2, 1-11

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlíer? nondum venit hora mea. Dicit mater eius minístris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatióem Iudæórum, capiéntes singulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in

Cana Galilææ: et manifestávit glóriam suam, et credidérunt in eum discípuli eius.

Antiphona ad Offertorium

Sap. 14, 3

Tua autem, Pater, providéntia gubernat: quóniam dedísti et in mari viam, et inter fluctus sémitam firmíssimam.

Secreta

Adeúntibus cum fidúcia ad thronum grátiae, propitiáre nobis, Dómine Deus: ut, benigníssima divínæ providéntiae Matre intercedente, misericórdiam consequámur, et grátiam inveniámus in auxilio opportúno. Per Dóminum.

Præfatio de B. Maria Virg. Et te in Festivitate.

Antiphona ad Communionem

Ps. 127, 3

Fílii tui sicut novéllæ olivárum in circúitu mensæ tuæ.

Postcommunio

Caeléstis mensæ virtus, misericors Deus, in fámulis tuis iúgiter perservéret: ut, divínæ providéntiae Matris intercessióne, regnum et iustítiam tuam ante ómnia quæréntes, temporálibus non destituántur auxiliis. Per Dñm.

DIE 24 NOVEMBRIS

S. IOANNIS A CRUCE **CONF.**
ET ECCL. DOCT.

Antiphona ad Introitum

Gal. 6, 14

Mihi autem absit gloriári, nisi in cruce Dómini nostri Iesu Christi: per quem mihi mundus crucifixus est, et ego mun-

do. **Ps. 118, 1** Beáti immaculáti in via: qui ámbulant in lege Dómini. **V.** Glória Patri. **Mi**hi autem.

Oratio

Deus, qui sanctum Ioánnem Confessórem tuum atque Doctórem perféctæ sui abnegatiónis et Crucis amatórem exímium effecísti: concéde; ut, eius imitatióni iúgiter inhæréntes, glóriam assequámur ætérrnam. Per Dóminum.

Léctio Epístolæ beáti Pauli Apóstoli ad Philippéenses

Phil. 3, 17-21; 4, 6-9

Fratres: Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimícos crucis Christi: quorum finis intéritus: quorum Deus venter est: et glória in confusióne ipsórum, qui terréna sapiunt. Nostra autem conversátio in cælis est: unde étiam Salvatórem expectámus Dóminum nostrum Iesum Christum, qui reformábit corpus humilitátis nostræ, configurátum córpori claritátis suæ, secúndum operatióne, qua étiam possit subiícere sibi ómnia. Nihil solliciti sitis: sed in omni oratióne, et obsecratióne, cum gratiárum actióne petitiónes vestræ innotescant apud Deum. Et pax Dei, quæ exsúperat omnem sensum, custódiat corda vestra, et intellegéntias vestras in Christo Iesu. De cétero fratres, quæcúmque sunt vera, quæcúmque pudíca, quæcúmque iusta, quæcúmque sancta, quæcúmque amabilia, quæcúmque bonæ famæ, siqua virtus, siqua laus disciplínæ, hæc cogitáte. Quæ

et didicistis, et accepistis, et audistis, et vidistis in me, hæc agite: et Deus pacis erit vobiscum.

Graduale Matth. 16, 24 Qui vult post me venire, abneget semetipsum et tollat crucem suam, et sequatur me. **V. Is. 26, 6** Anima mea desideravit te in nocte: sed et spiritu meo in precordiis meis de mane vigilabo ad te.

Allelúia, allelúia. **V. Eccli. 51, 18 et 22.** Quæsiui sapiéntiam in oratione mea: multam invéni in meipso, et multum profeci in ea. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Is. 42, 1 Ecce puer meus, electus meus: dedi spiritum meum super eum. **V. Sap. 10, 17** Fuit mihi in velamento diei, et in luce stellarum per noctem. **V. 1 Cor. 2, 6-7** Sapiéntiam loquimur inter perfectos: sapiéntiam vero non huius sæculi: sed loquimur Dei sapiéntiam.

Tempore autem paschali omittitur graduale, et eius loco dicitur:

Allelúia, allelúia. **Ps. 29, 11** Convertisti planctum meum in gaudium mihi: conscidisti saccum meum, et circumdedisti me lætitia. Allelúia. **V. Ps. 65, 15** Venite, audite, et narrabo vobis quanta fecit Deus animæ meæ. Allelúia.

✠ Sequéntia sancti Evangélíi
secúndum Lucam

Luc. 11, 33-36

In illo témpore: Dixit Iesus discipulis suis: Nemo lucernam accéndit, et in abscondito ponit, neque sub módio: sed supra candelá-

brum, ut qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lúcidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

Antiphona ad Offertorium

Is. 60, 19

Erit tibi Dóminus in lucem sempitérnam, et Deus tuus in glóriam tuam.

Secreta

Offerimus tibi, Dómine, hóstiam laudis in honórem sancti Ioánnis Confessóris tui atque Doctóris, qui assíduam crucis mortificationem in semetípso portans, tibi fuit hóstia grata, atque iucúnda: Qui vivis.

Antiphona ad Communionem

Is. 53, 10-11

Pro eo, quod laborávit ánima eius, vidébit semen longævum, et volúntas Dómini in manu eius dirigétur.

Postcommunio

Préebeant nobis, Dómine, divínium tua sancta fervórem, intercedente sancto Ioánnē Confessóre tuo atque Doctóre: et præsta; ut, sicut illum, dum hæc sacra mystéria perágeret, caritátis igne cælitus immísso, étiam extérius irradiáre fecísti: ita nos eiúsdem caritátis ignibus succénsi, ad cælestia iúgiter aspirémus: Qui vivis.

DIE 26 NOVEMBRIS
S. LEONARDI
DE PORTU MAURITIO
CONFESSORIS

Antiphona ad Introitum

Isai. 58, 11

Dóminus implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum cuius non deficient aquæ. **Ps. 80, 2** Exsultáte Deo adiutóri nostro: iubiláte Deo Iacob. **V.** Glória Patri. **Dóminus.**

Oratio

Deus, qui in obstinátis peccatórum córdibus ad pæniténtiam flecténdis beátum Leonárdum Confessórem tuum ópere ac sermóne poténtem effecísti: da, quæsumus; ut per eius preces et mérita e córdibus nostris contritiónis lácrimas elicere valeámus. Per Dóminum.

Léctio Epístolæ beáti Pauli Apóstoli ad Ephésios **Ephes. 1, 3-14**

Benedíctus Deus et Pater Dómini nostri Iesu Christi, qui benedíxit nos in omni benedictióne spirituáli in cæléstibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu eius in caritáte. Qui prædestinávit nos in adoptiόνem filiórum per Iesum Christum in ipsum: secúndum propósitum voluntátis suæ, in laudem glóriæ grátiae suæ, in qua gratificávit nos in dilécto Fílio suo. In quo habémus redemptiόνem per ságuinem eius, remissiόνem peccatórum secúndum divítias grátiae eius, quæ superabundávit in nobis in omni sapiéntia, et prudéntia: ut no-

tum fáceret nobis sacraméntum voluntátis suæ, secúndum beneplácitum eius, quod propósuit in eo, in dispensatióne plenitúdinis témporum, instauráre ómnia in Christo, quæ in cælis, et quæ in terra sunt, in ipso. In quo étiam et nos sorte vocáti sumus prædestináti secúndum propósitum eius, qui operáitur ómnia secúndum consílium voluntátis suæ: ut simus in laudem glóriæ eius nos, qui ante sperávimus in Christo. In quo et vos, cum audissétis verbum veritátis, (Evangélium salútis vestræ) in quo et credéntes signáti estis Spíritu promissiόνis Sancto, qui est pignus hereditátis nostræ, in redemptiόνem acquisitiónis, in laudem glóriæ ipsíus.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Isai. 52, 7** Quam pulchri super montes pedes annuntiántis et prædicántis pacem: annuntiántis bonum, prædicántis salútem. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátió rectórum benedicétur. **V.** Glória et divítiae in domo eius: et iustítia eius manet in sáeculum sáeculi.

Tempore autem paschali omittitur graduale, et eius loco dicitur:

Allelúia, allelúia. **V. Ps. 111, 1** Beátus vir, qui timet Dómi-

num: in mandátis eius cupit nimis. Allelúia. **Ÿ. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evāgélíi secúndum Lucam **Luc. 10, 1-9**

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiéscet super illum pax vestra: sin autem, ad vos revertétur. In eádém autem domo manéte, édéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium

2 Cor. 3, 5-6

Non sumus sufficiéntes cogitáre áliquíd a nobis, quasi ex nobis: sed sufficiéntia nostra ex Deo est, qui et idóneos nos fecit minístros novi testaménti.

Secreta

Immaculatam hóstiam tibi, Dómine, offérimus deprecántes: ut, sancti Leonárdi Confessóris interveniénte suffrágio, semper in nobis dilécti Fílii tui passiónis memória perseveret et fructus. Per eúndem Dóminum.

Antiphona ad Communionem

2 Cor. 5, 20

Pro Christo legatióne fúngimur, tamquam Deo exhortánte per nos: obsecrámus pro Christo, reconciliámini Deo.

Postcommunio

Cito antícipent nos misericórdiæ tuæ, quæsumus, Dómine, intercedénte sancto Confessóre tuo Leonárdo: ut, a culpis expiáti, in electórum número esse mereámur. Per Dóminum.

DIE 27 NOVEMBRIS

BEATÆ MARIÆ VIRGINIS
IMMACULATÆ
A SACRO NUMISMATE

Antiphona ad Introitum

Exodi 13, 9

Erit quasi signum in manu tua, et quasi monuméntum ante óculos tuos, et ut lex Dómini semper sit in ore tuo. **Ps. 104, 1** Confitémini Dómino, et invocáte nomen eius: annuntiáte inter gentes ópera eius. **Ÿ. Glória Patri. Erit.**

Oratio

Dómine Iesu Christe, qui beatísimam Vírginem Mariám Matrem tuam ab origine immaculatam innúmeris miraculis claréscere voluísti: concéde; ut, eiúsdem patrocínium semper implorántes, gáudia consequámur ætérna: Qui vivis.

Lectio libri Apocalýpsis beáti
Ioánnis Apóstoli

Apoc. 12, 1, 5, 14 et 15-16

Signum magnum appáruit in cælo: Múlier amícta sole, et luna sub pédibus eius, et in cápite eius coróna stellárum duódecim. Et péperit filium másculum, qui rectúrus erat omnes gentes in virga férrea: et raptus est filius eius ad Deum, et ad thronum eius. Et datæ sunt mulíeri alæ duæ áquilæ magnæ ut voláret in desértum in locum suum. Et misit serpens ex ore suo post mulierem, aquam tamquam flumen, ut eam fáceret trahi a flúmine. Et adiúvit terra mulierem, et apéruiť terra os suum, et absórbuit flumen, quod misit draco de ore suo.

Graduale Ps. 104, 5 et 27 Me-mentóte mirabílium eius, quæ fecit: prodígia eius, et iudícia oris eius. **V.** Pósuit in ea verba signórum suórum, et prodigiórum suórum in terra.

Allelúia, allelúia. **V. Ps. 18, 7** A summo cælo egréssio eius, nec est qui se abscondat a calóre eius. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus Ps. 86, 1-2 Fundaménta eius in móntibus sanctis: díligit Dóminus portas Sion super ómnia tabernácula Iacob. **V. Ibid., 3** Gloriósa dicta sunt de te, cívitas Dei. **V. Ibid., 5** Homo natus est in ea, et ipse fundávit eam Altísimus.

Tempore autem paschali omittitur graduale, et eius loco dicitur:

Allelúia, allelúia. **V. Iudith,**

15, 10, Tu glória Ierúsalem, tu lætítia Israëľ, tu honorificéntia pópuli nostri. Allelúia. **V. Cant. 4, 7** Tota pulchra es, María: et mácula originális non est in te. Allelúia.

✠ Sequéntia sancti Evangélíi
secúndum Ioánnem

Ioann. 2, 1-11

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiénte vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlier? nondum venit hora mea. Dicit mater eius minístris: Quodcúmque díxerit vobis, fácite. Erant autem ibi lapídeæ hýdriæ sex pósitæ secúndum purificatiónem Iudæórum, capiéntes singulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit iníťium signórum Iesus in Cana Galilææ: et manifestávit glóriam suam, et credidérunt in eum discípuli eius.

Antiphóna ad Offertorium

Ioann. 19, 27

Dixit Iesus discípulo: Ecce mater

tua. Et ex illa hora accépit eam discípulus in sua.

Secreta

Beáta Vírgine María intercedénte, cuius précibus exorátus Iesus Christus Fílius tuus fecit inítium signórum: da nobis, Dómine Deus, sacraméntum Córporis et Sánguini eiúsdem Fílii tui pura mente conficere; ut ætéрни convívii mereámur esse partícipes. Per eúndem Dóminum.

Præfatio de B. María Virg. Et te in Concepti-
óne immaculáta.

Antiphona ad Communionem

Eccli. 36, 6-7 et 10

Innova signa, et immúta mirabília. Glorífica manum tuam, et brácchium dexterum. Festína tempus, et meménto finis, ut enárrent mirabília tua.

Postcommunio

Dómine Deus omnípotens, qui per immaculátam Genetrícem Fílii tui ómnia nos habére voluísti: da nobis tantæ Matris auxílio, præ-séntis témporis perícula devitáre; ut vitam consequámur ætéرنam. Per eúndem Dóminum.

COMMUNE SANCTORUM PRO ALIQUIBUS LOCIS

Infrascriptæ Missæ adhiberi possunt tantum ubi peculiare Commune concessum est.

COMMUNE PLURIUM CONFESSORUM PONTIFICUM

Antiphona ad Introitum

Ps. 131, 16-17

Sacerdotes Sion induam salutari, et sancti eius exultatione exultabunt, dicit Dominus: illuc producam cornu David, paravi lucernam Christo meo. (T. P. Allelúia, allelúia.) Ps. *ibid.*, 1 Meménto, Dómine, David: et omnis mansuetúdinis eius. V. Glória Patri. Sacerdotes.

1 Oratio

Deus, qui nos beatórum **N.** et **N.** Confessorum tuórum atque Pontíficum confessiönibus gloriósis circúmdas et prótegis: da nobis, et eórum imitatióne profícere, et intercessióne gaudere. Per Dóminum.

2 Alia oratio

Ecclésiám tuam, Dómine, beatórum **N.** et **N.** Confessorum tuórum atque Pontíficum continúa protectione custódi: ut, sicut illos pastorális sollicitúdo gloriósis reddidit; ita nos eórum intercessio in tuo semper fáciat amóre fervéntes. Per Dóminum.

Léctio Epístolæ beáti Pauli
Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti

sunt verbum Dei: quorum intuéntes éxítum conversatiónis, imitámini fidem. Iesus Christus heri, et hódie: ipse et in sácula. Doctrínis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Iesus, ut sanctificáret per suum ságuinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini eius. Beneficéntiæ autem, et communiónis nolíte oblivísci: tálibus enim hóstiis promerétur Deus. Obedíte præpósitis vestris, et subiacéte eis. Ipsi enim pervigilant, quasi ratiónem pro animábus vestris redditúri.

Graduale Ps. 106, 22 et 32 Sacríficent Dómino sacrificium laudis: et annúntient ópera eius in exultatióne. V. Et exáltent eum in ecclésia plebis: et in cáthedra seniórum laudent eum.

Allelúia, allelúia. **V. 2 Paral. 6, 41**
Sacerdótes tui, Dómine Deus, indu-
ántur salútem, et sancti tui lætén-
tur in bonis. Allelúia.

*Post Septuagesimam, omissis Allelúia, et
versu sequenti, dicitur:*

Tractus Ps. 131, 8-10 Surge, Dó-
mine, in réquiem tuam, tu et arca
sanctificatiónis tuæ. **V.** Sacerdótes
tui induántur iustítiam: et sancti tui
exsúltent. **V.** Propter David ser-
vum tuum, non avértas fáciem
Christi tui.

*Tempore autem paschali omittitur graduale,
et eius loco dicitur:*

Allelúia, allelúia. **V. 2 Paral. 6, 41**
Sacerdótes tui, Dómine Deus, indu-
ántur salútem, et sancti tui lætén-
tur in bonis. Allelúia. **V. Ierem. 31,**
14 Ego Dóminus inebriábo ánimam
sacerdótum pinguédine: et pópulus
meus bonis meis adimplébitur. Al-
lelúia.

✠ Sequéntia sancti Evangélii
secúndum Marcum

Marc. 13, 33-37

In illo témpore: Dixit Iesus discí-
pulis suis: Vidéte, vigiláte, et
oráte: nescítis enim quando tempus
sit. Sicut homo, qui péregre profé-
ctus relíquit domum suam, et dedit
servis suis potestátem cuiúsque
óperis, et ianitóri præcépit ut vígi-
let. Vigiláte ergo, (nescítis enim
quando dóminus domus véniat:
sero, an média nocte, an galli cantu,
an mane) ne cum vénerit repén-
te, invéniat vos dormiéntes. Quod
autem vobis dico, ómnibus dico:
Vigiláte.

Antiphona ad Offertorium

Ps. 105, 3

Beáti, qui custódiunt iudícium, et
fáciunt iustítiam in omni témpore.
(T. P. Allelúia.)

1 Secreta

Múnera nostra, Dómine, sacris
altáribus offeréntes, quæsu-
mus cleméntiam tuam: ut eádem,
suffragántibus beatórum **N. et N.**
Pontíficum méritis, et suprémam
tibi glóriam operéntur, et ubérri-
mam nobis grátiam assequántur.
Per Dóminum.

2 Alia secreta

Hanc nostræ oblatiόνis hóstiam,
Deus, gratam óculis tuæ maie-
státis efficiant beatórum **N. et N.**
Pontíficum expetíta suffrágia: qui
digne in hoc sáeculo sacrificia tibi,
ac preces in salútem pópuli obtulé-
runt. Per Dóminum.

Antiphona ad Communionem

Marc. 13, 34

Homo péregre proféctus relíquit
domum suam, et dedit servis suis
potestátem cuiúsque óperis, et iani-
tóri præcépit ut vígilet. **(T. P. Alle-
lúia.)**

1 Postcommunio

Refectiône sacra enutrítos, fac
nos, omnípotens Deus, vestí-
giis beatórum **N. et N.** Pontíficum
semper insístere: qui studuérunt
pérpeti devotiône te cólere, et inde-
féssa ómnibus caritáte profícere.
Per Dóminum.

2 Alia postcommunio

Mensa cæléstis, omnípotens De-
us, intercedéntibus beatórum
N. et N. Pontíficum méritis, su-
pérnas in ómnibus vires firmet et
áugeat: ut et fidei donum íntegrum
custodiámus, et per osténsu salú-
tis trámitem ambulémus. Per Dó-
minum.

COMMUNE PLURIUM CONFESSORUM NON PONTIFICUM

Antiphona ad Introitum

Ps. 144, 10-11

Confiteántur tibi, Dómine, ómnia ópera tua, et sancti tui benedicant tibi: glóriam regni tui dicent, et poténtiam tuam loquéntur. (T. P. Allelúia, allelúia.)

Ps. *ibid.*, 1 Exaltábo te, Deus meus Rex: et benedicam nómini tuo in sáeculum, et in sáeculum sáeculi. V. Glória Patri. Confiteántur.

1 Oratio

Concède, quæsumus, omnípotens Deus: ut ad meliorem vitam beatórum N. et N. Confessorum tuórum exémpa nos próvocent; quátenus, quorum memóriam ágimus, étiam actus imitémur. Per Dóminum.

2 Alia oratio

Deus, qui nos beatórum N. et N. Confessorum tuórum méritis et intercessióne lætifícas: concède propítius; ut, qui tua per eos beneficia póscimus, dono tuæ grátiae consequámur. Per Dóminum.

Lectio libri Sapiéntiæ

Eccli. 2, 7-13

Metuéntes Dóminum, sustinéte misericórdiam eius: et non deflectátis ab illo ne cadátis. Qui timétis Dóminum, créдите illi: et non evacuábitur merces vestra. Qui timétis Dóminum, speráte in illum: et in oblectatióne véniet vobis mi-

sericórdia. Qui timétis Dóminum, dilígite illum: et illuminabúntur corda vestra. Respícite, filii, nátiónes hóminum: et scitóte quia nullus sperávit in Dómino, et confúsus est. Quis enim permánsit in mandátis eius, et derelíctus est? aut quis invocávit eum, et despéxit illum? Quóniam pius et miséricors est Deus, et remíttet in die tribulatiónis peccáta: et protéctor est ómnibus exquiréntibus se in veritáte.

Graduale Ps. 30, 24-25 Dilígite Dóminum, omnes sancti eius, quóniam veritátem requíret Dóminus, et retribuet abundánter faciéntibus supérbiam. V. Viríliter ágite, et confortétur cor vestrum, omnes qui sperátis in Dómino.

Allelúia, allelúia. V. Ps. 9, 11 Sperent in te qui novérunt nomen tuum: quóniam non dereliquísti quæréntes te, Dómine. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 33, 9-11 Gustáte, et vidéte quóniam suávis est Dóminus: beátus vir, qui sperat in eo. V. Timéte Dóminum, omnes sancti eius: quóniam non est inópia timéntibus eum. V. Dívites eguérunt et esuriérunt: inquiréntes autem Dóminum non minuéntur omni bono.

Tempore autem paschali omittitur graduale, et eius loco dicitur:

Allelúia, allelúia. V. Ps. 9, 11 Sperent in te qui novérunt nomen

tuum: quóniam non dereliquisti quæréntes te, Dómine. Allelúia. **V. Ps. 139, 14** Iusti confitebúntur nómini tuo, Dómine: et habitábunt recti cum vultu tuo. Allelúia.

✠ Sequéntia sancti Evangélii
secúndum Lucam

Luc. 12, 35-40

In illo témpore: Dixit Iesus discipulis suis: Sint lumbi vestri præcincti, et lucérnæ ardéntes in mánibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos cum vénerit dóminus, invénerit vigilántes: amen dico vobis, quod præcínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti, quia qua hora non putátis, Fílius hóminis véniet.

Antiphona ad Offertorium

Ps. 67, 4

Iusti epuléntur, et exsúltent in conspéctu Dei, et delecténtur in lætítia. **(T. P. Allelúia.)**

1 Secreta

Hóstias ad altáre tuum offeréntibus, Dómine, da nobis

illum pietátis afféctum, quem beátis **N. et N.** Confessóribus tuis infudísti: ut pura mente ac férvido corde rei sacræ attendámus, et sacrificium tibi plácitum nobisque profícuum immolémus. Per Dóminum.

2 Alia secreta

Múnera, Dómine, obláta sanctífica: et intercedéntibus beátis **N. et N.** Confessóribus tuis, nos per hæc a peccatórum nostrórum máculis emúnda. Per Dóminum.

Antiphona ad Communionem

Luc. 12, 37

Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciat illos discúmbere, et tránsiens ministrábit illis. **(T. P. Allelúia.)**

1 Postcommunio

Tríbuat nobis, omnípotens Deus, suffragántibus beatórum **N. et N.** Confessórum tuórum précibus, reféctio sacra subsidium: ut et castitátis mundítiam observémus in córpore, et lumen veritátis exhibeámus in ópere. Per Dóminum.

2 Alia postcommunio

Súpplīces te rogámus, omnípotens Deus: ut quos tuis réficis sacraméntis, intercedéntibus beátis **N. et N.** Confessóribus tuis, tibi étiam plácitis móribus dignánter tríbuas deservíre. Per Dóminum.

COMMUNE PLURIUM VIRGINUM

I

PRO

VIRGINIBUS ET MARTYRIBUS

Antiphona ad Introitum

Ps. 17, 31

Deus meus, impollúta via eius: elóquia Dómini igne examináta: protéctor est ómnium sperántium in se. (T. P. Allelúia, allelúia.) Ps. *ibid.*, 2-3 Díligam te, Dómine, fortitúdo mea: Dóminus firmaméntum meum, et refúgium meum, et liberátor meus. V. Glória Patri. Deus meus.

1 Oratio

Da nobis, quæsumus, Dómine Deus noster, beatárum N. et N. Vírginum et Mártyrum tuárum palmas incessábili devotióne venerári: ut, quas digna mente celebráre non póssumus, humílibus saltem frequentémus obséquiiis. Per Dóminum.

2 Alia oratio

Omnípotens sempitérne Deus, qui beátas N. et N. virginitátis et martýrii glória decorásti: da nobis eárum précibus ita córporis et mentis serváre puritátem; ut nec blandítiis carnis, nec malórum acerbítate vincámur. Per Dñm.

Léctio Epístolæ beáti Pauli
Apóstoli ad Corínthios

2 Cor. 4, 6-11 et 16-17

Fratres: Deus illúxit in córdibus nostris ad illuminatióem sciéntiæ claritátis Dei, in fácie Christi Iesu. Habémus autem thesáurum

istum in vasis fictílibus: ut sublímitas sit virtútis Dei, et non ex nobis. In ómnibus tribulatióem pátimur, sed non angustiámur: aporiámur, sed non destitúimur: persecutió-nem pátimur, sed non derelínqui-mur: deiícimur, sed non perímos: semper mortificatióem Iesu in córpore nostro circumferéntes, ut et vita Iesu manifestétur in corpóribus nostris. Semper enim nos, qui vívimus, in mortem trádimur propter Iesum: ut et vita Iesu manifestétur in carne nostra mortáli. Propter quod non defícimus: sed licet is, qui foris est, noster homo corrumpá-tur: tamen is, qui intus est, renovátur de die in diem. Id enim, quod in præsénti est momentáneum et leve tribulatióis nostræ, supra modum in sublimitáte ætérnum glóriæ pondus operátur in nobis.

Graduale Ps. 43, 8-9 Salvásti enim nos, Deus, de affligéntibus nos: et odiéntes nos confudísti. V. In Deo laudábimur tota die: et in nómine tuo confitébimur in sæculum.

Allelúia, allelúia. V. **Apoc. 12, 11** Vicérunt draconem propter sánguinem Agni, et propter verbum testi-mónii sui. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 144, 5-7 Magnificén-tiam glóriæ sanctitátis tuæ, Dómi-ne, loquéntur: et mirábilia tua nar-rábunt. V. Et virtútem terribílium tuórum dicent: et magnítudinem tuam narrábunt. V. Memóriam abundántiæ suavitátis tuæ eructá-bunt: et iustítia tua exsultábunt.

Tempore autem paschali omittitur graduale, et eius loco dicitur:

Allelúia, allelúia. **V. Apoc. 12, 11** Vicérunt draconem propter sánguinem Agni, et propter verbum testimonií sui. Allelúia. **V. Sap. 4, 1 et 2** Casta generátio in perpétuum coronáta triúmphant, incoinquinatórum certáminum præmium vincens. Allelúia.

✠ Sequéntia sancti Evangélíi
secúndum Matthæum

Matth. 25, 1-13

In illo témpore: Dixit Iesus discí-
pulis suis parábolam hanc: Sí-
mile erit regnum cælórum decem
virgínibus: quæ accipiéntes lámpa-
des suas, exiérunt óbviám sponso,
et sponsæ. Quinque autem ex eis
erant fátuæ, et quinque prudéntes:
sed quinque fátuæ, accéptis lampá-
dibus, non sumpsérunt óleum se-
cum: prudéntes vero accepérunt
óleum in vasis suis cum lampádi-
bus. Moram autem faciénte sponso,
dormitavérunt omnes, et dormié-
runt. Média autem nocte clamor fa-
ctus est: Ecce sponsus venit, exíte
óbviám ei. Tunc surrexérunt omnes
vírgines illæ, et ornavérunt lámpa-
des suas. Fátuæ autem sapiéntibus
dixérunt. Date nobis de óleo vestro:
quia lámpades nostræ exstinguún-
tur. Respondérunt prudéntes, di-
céntes: Ne forte non suffíciat nobis,
et vobis, ite pótius ad vendéntes:
et émite vobis. Dum autem írent
émere, venit sponsus: et quæ pa-
rátæ erant, intravérunt cum eo ad
núptias, et clausa est iánua. No-
víssime vero véniunt et réliquæ
vírgines, dicéntes: Dómine, Dó-
mine, áperi nobis. At ille respón-
dens, ait: Amen dico vobis, nescio
vos. Vigiláte itaque, quia nescítis
diem, neque horam.

Antiphona ad Offertorium

Ps. 88, 16-17

Dómine, in lúmine vultus tui am-
bulábunt, et in nómine tuo exsultá-
bunt tota die: et in iustítia tua ex-
altabúntur. **(T. P. Allelúia.)**

1 Secreta

Inténde, quæsumus, Dómine, mú-
nera altáribus tuis pro beatá-
rum Vírginum et Mártýrum tuárum
N. et N. honóre propósita: ut, sicut
per hæc sacra mystéria illis gló-
riam contulísti, ita nobis indulgén-
tiam largiáris. Per Dóminum.

2 Alia secreta

Hóstia nómini tuo, Dómine, re-
verénter exhibita, glorióso be-
atárum Vírginum et Mártýrum
tuárum **N. et N.** suffrágio commen-
détur: quæ se tibi gratas pudóris et
fidei víctimas immolárun. Per Dñ.

Antiphona ad Communionem

Matth. 25, 4 et 6

Prudéntes vírgines accepérunt
óleum in vasis suis cum lampádi-
bus: media autem nocte clamor
factus est: Ecce sponsus venit, exíte
óbviám ei. **(T. P. Allelúia.)**

1 Postcommunio

Præsta nobis, quæsumus, Dómi-
ne, intercedéntibus beátis Vir-
gínibus et Martýribus tuis **N. et N.**,
ut, quod ore contíngimus, pura
mente capiámus. Per Dóminum.

2 Alia postcommunio

Cæléstia sacraménta, quæsumus,
Dómine, suffragántibus beátis
Virgínibus et Martýribus tuis **N. et**
N., sua nos virtúte commúniant: ut,
quarum pie venerámur in fidei con-
fessióne victóriam, imitémur in
morum puritáte constántiam. Per
Dóminum.

II

PRO VIRGINIBUS TANTUM

Antiphona ad Introitum

Ps. 148, 12-14

Virgines laudent nomen Dómini, quia exaltátum est nomen eius solius: conféssio eius super cælum et terram. (T. P. Allelúia, allelúia.) Ps. *ibid.*, 1 Laudáte Dóminum de cælis: laudáte eum in excélsis. V. Glória Patri. Virgines.

1 Oratio

Concède, quæsumus, omnípotens Deus: ut qui beatárum Virgínium **N.** et **N.** puritátem húmili venerámur obséquio; étiam piæ conversatiónis imitémur exémplum. Per Dóminum.

2 Alia oratio

Fidèles tuos, quæsumus, Dómine, intercedéntibus beátis Virgínibus **N.** et **N.**, ita corpore et mente purífica: ut a nóxiis delectatió nibus elongéntur, ac tua iúgiter suavitate pascántur. Per Dóminum.

Léctio Epístolæ beáti Pauli
Apóstoli ad Corínthios

1 Cor. 7, 25-34

Fratres: De virgínibus præcéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutió nem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatió nem tamen carnis habébunt huiúsmodi. Ego autem vobis parco. Hoc itaque dico, fra-

tres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitú dine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divísus est. Et múlIER in-núpta et virgo, cógitat quæ Dómini sunt, ut sit sancta corpore, et spírítu: in Christo Iesu Dómino nostro.

Graduale Ps. 44, 3 et 10 Speciosus forma præ filiis hóminum: diffúsa est grátia in lábiis tuis. V. Fíliæ regum in honóre tuo: ástitit regína a dextris tuis in vestítu deauráto, circúmdata varietáte.

Allelúia, allelúia. V. Sap. 4, 1 O quam pulchra est casta generátio cum claritáte: immortalis est enim memória illíus. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 44, 14-16 Omnis glória eius fíliæ Regis ab intus, in fimbriis áureis, circumamícta varietátibus. V. Adducéntur Regi vírgines post eam, próximæ eius afferéntur tibi. V. Afferéntur in lætítia et exultatió ne, adducéntur in templum Regis.

Tempore autem paschali omittitur graduale, et eius loco dicitur:

Allelúia, allelúia. V. Sap 4, 1 O quam pulchra est casta generátio cum claritáte: immortalis est enim memória illíus. Allelúia. V. Isai. 56, 5 Ego Dóminus dabo eis nomen mélius a filiis et filiáb us: nomen

sempiternum dabo eis, quod non peribit. Allelúia.

✠ Sequéntia sancti Evangélii
secúndum Matthæum

Matth. 25, 1-13

In illo témpore: Dixit Iesus discipulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstiguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes: et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Antiphona ad Offertorium

Ps. 33, 6

Accédite ad Dóminum, et illuminámini: et fácies vestræ non confundéntur. (T. P. Allelúia.)

1 Secreta

Munéribus tibi, Dómine, pro beatárum Vírginum **N.** et **N.** honóre dicátis, benedictiónem tuam propitiátus effúnde: ut per éadem, et a vítiis ómnibus emundémur, et cæléstibus delíciis impleámur. Per Dóminum.

2 Alia secreta

Offeréntes tibi hóstiám laudis, miséricors Deus, apud maiestátem tuam beatárum Vírginum **N.** et **N.** suffrágio commendémur: quæ cónsonis opéribus in sua virginitáte iucúndum tibi habitáculum præparáru(n)t. Per Dóminum.

Antiphona ad Communionem

Matth. 25, 10

Venit sponsus: et vírgines, quæ parátæ erant, intravérunt cum eo ad núptias, et clausa est iánua. (T. P. Allelúia.)

1 Postcommunio

Sumpta mystéria, quæsumus, Dómine, suffragántibus beatárum Vírginum **N.** et **N.** méritis, incitent nos iúgiter et illústrent: ut digne advéntum Fílii tui præstolémur, et ad supérnas eius núptias admittámur. Per eúndem Dóminum.

2 Alia postcommunio

Córpore et Sánguine tui sacralibátio, Dómine, intercedéntibus beátis Virgínibus **N.** et **N.**, ab ómnibus nos cadúcis rebus avértat: ut valeámus tui et sincéra in terris caritáte proficere, et perpétua in cælis visióne gaudére: Qui vivis.

COMMUNE PLURIUM NON VIRGINUM

I

PRO MARTYRIBUS

Antiphona ad Introitum

Ps. 107, 13-14

Da nobis, Deus, auxilium de tribulatione, quia vana salus hominis: in Deo faciemus virtutem: et ipse ad nihilum deducet inimicos nostros. (T. P. Alleluia, alleluia.) Ps. *ibid.*, 2 Paratum cor meum, Deus, paratum cor meum: cantabo, et psallam in gloria mea. V. Gloria Patri. Da nobis.

1 Oratio

Deus, cuius munere virtus in infirmitate perficitur: da omnibus beatarum N. et N. Martyrum tuarum gloriam recolentibus; ut quae abs te sumpsérunt robur ut vincerent, abs te quoque nobis vincendi gratiam semper obtineant. Per Dominum.

2 Alia oratio

Da nobis, quaesumus, Domine Deus noster, beatarum N. et N. Martyrum tuarum palmas incessabili devotione venerari: ut, quas digna mente celebrare non possumus, humilibus saltem frequentemus obsequiis. Per Dominum.

Lectio Epistolae beati Pauli
Apóstoli ad Corínthios

2 Cor. 4, 6-11 et 16-17

Fratres: Deus illuxit in cordibus nostris ad illuminationem scientiae claritatis Dei, in facie Christi Iesu. Habemus autem thesaurum istum in vasis fictilibus: ut sublimi-

tas sit virtutis Dei, et non ex nobis. In omnibus tribulationem patimur, sed non angustiamur: aporiamur, sed non destituimur: persecutionem patimur, sed non derelinquimur: deiicimur, sed non perimus: semper mortificationem Iesu in corpore nostro circumferentes, ut et vita Iesu manifestetur in corporibus nostris. Semper enim nos, qui vivimus, in mortem tradimur propter Iesum: ut et vita Iesu manifestetur in carne nostra mortali. Propter quod non deficimus: sed licet is, qui foris est, noster homo corrumpatur: tamen is, qui intus est, renovatur de die in diem. Id enim, quod in praesenti est momentaneum et leve tribulationis nostrae, supra modum in sublimitate aeternum gloriae pondus operatur in nobis.

Graduale Ps. 59, 13, 14 Da nobis, Deus, auxilium de tribulatione, quia vana salus hominis. V. In Deo faciemus virtutem: et ipse ad nihilum deducet tribulantes nos.

Alleluia, alleluia. V. **Apoc. 7, 14** Venérunt de tribulatione magna, et lavérunt stolas suas, et dealbavérunt eas in sanguine Agni. Alleluia.

Post Septuagesimam, omissis Alleluia, et versu sequenti, dicitur:

Tractus Ps. 65, 10-12 Probasti nos, Deus: igne nos examinasti sicut examinatur argentum. V. Induxisti nos in laqueum, posuisti tribulationes in dorso nostro: imposuisti homines super capita nostra. V. Transivimus per ignem et aquam: et eduxisti nos in refrigerium.

Tempore autem paschali omittitur graduale, et eius loco dicitur:

Allelúia, allelúia. *Ps. Apoc. 7, 14*
Venérunt de tribulatióne magna, et
lavérunt stolas suas, et dealbavé-
runt eas in sáanguine Agni. Allelúia.
Ps. Apoc. 12, 11-12 Non dilexérunt
ánimas suas usque ad mortem:
proptérea lætámini, cæli, et qui
habitátis in eis. Allelúia.

✠ Sequéntia sancti Evangélii
secúndum Matthæum

Matth. 13, 44-52

In illo témpore: Dixit Iesus discí-
pulis suis parábolam hanc: Sí-
mile est regnum cælórum thesáuro
abscóndito in agro: quem qui in-
vénit homo, abscóndit, et præ gáu-
dio illíus vadit, et vendit univér-
sa, quæ habet, et emit agrum illum.
Iterum simile est regnum cælórum
hómini negotiátóri, quærénti bonas
margarítas. Invénta autem una pre-
tíosa margaríta, ábiit, et véndidit
ómnia quæ hábuit, et emit eam.
Iterum simile est regnum cælórum
sagénæ missæ in mare, et ex omni
génere píscium congregánti. Quam,
cum impléta esset, educéntes, et
secus litus sedéntes, elegérunt
bonos in vasa, malos autem foras
misérunt. Sic erit in consummatione
sæculi: exíbut Angeli, et separá-
bunt malos de médio iustórum, et
mittent eos in camínus ignis: ibi
erit fletus, et stridor déntium. Intel-
lexístis hæc ómnia? Dicunt ei: Eti-
am. Ait illis: Ideo omnis scriba
doctus in regno cælórum similis est
hómini patrifamílias, qui profert de
thesáuro suo nova et vétera.

Antiphona ad Offertorium

Ps. 104, 4

Quærite Dóminum, et confirmá-
mini: quærite fáciem eius semper.
(*T. P. Allelúia.*)

1 Secreta

Obláta tibi, Dómine Deus, in
honórem beatárum *N.* et *N.*
Mártyrum tuárum dona intuére
propítius: ut accéptum nostræ tibi
fáciant servitútis obséquium, et
opportúnum nobis tríbuant tuæ
protectiósni auxílium. Per Dñm.

2 Alia secreta

Inténde, quæsumus, Dómine, mú-
nera altáribus tuis pro beatárum
Mártyrum tuárum *N.* et *N.* honóre
propósita: ut, sicut per hæc sacra
mystéria illis glóriam contulísti; ita
nobis indulgéntiam largiáris. Per
Dóminum.

Antiphona ad Communionem

Matth. 13, 44

Símile est regnum cælórum the-
sáuro abscóndito in agro: quem qui
invénit homo, abscóndit, et præ
gáudio illíus vadit, et vendit uni-
vér-
sa quæ habet, et emit agrum
illum. (*T. P. Allelúia.*)

1 Postcommunio

Sanctíficet et róbo-
ret nos, quæ-
sumus, Dómine, supernórum
múnerum fructuósa recéptio: ut,
suffragántibus beátis Martýribus
tuis *N.* et *N.*, et vitiórum æstibus
obsistámus, et contra ómnium ím-
petus hóstium repugnémus. Per
Dóminum.

2 Alia postcommunio

Præsta nobis, quæsumus, Dó-
mine, intercedéntibus beátis
Martýribus tuis *N.* et *N.*: ut, quod
ore contíngimus, pura mente capi-
ámus. Per Dóminum.

II

PRO NON MARTYRIBUS

Antiphona ad Introitum

Ps. 79, 19

Dómine Deus virtútum, non discédimus a te: vivificábis nos, et nomen tuum invocábimus. (T. P. Allelúia, allelúia.) Ps. *ibid.*, 2 Qui regis Israël, inténde: qui dedúcis velut ovem Ioseph. V. Glória Patri. Dómine.

1 Oratio

Concède, quæsumus, omnípotens Deus: ut veneránda nobis beatárum N. et N. intercéssio tríbuat cæléste subsidium; quarum vita mirábilis ómnibus salutáre præstat exémplum. Per Dóminum.

2 Alia oratio

Tuórum corda fidélium, Deus miserátor, illústra: et, beatárum N. et N. précibus ac méritis gloriósis; fac nos terréna cuncta despícere, et dona cæléstia possidére. Per Dóminum.

Léctio Epístolæ beáti Pauli
Apóstoli ad Timótheum

1 Tim. 2, 9-15; 5, 3-6

Caríssime: Volo mulieres oráre in hábitu ornáto, cum verecúndia, et sobrietáte ornátes se, et non in tortis crínibus, aut auro, aut margarítis, vel veste pretiósá: sed quod decet mulieres, promitténtes pietátem per ópera bona. Múlier in siléntio discat cum omni subiectione. Docére autem mulieri non permitto, neque dominári in virum: sed esse in siléntio. Adam enim primus formátus est: deínde Heva. Et Adam non est sedúctus: múlier

autem sedúcta in prævaricatione fuit. Salvábitur autem per filiórum generatióem, si permánerit in fide, et dilectione, et sanctificatione cum sobrietáte. Víduas honóra, quæ vere víduæ sunt. Si qua autem vídua filios, aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecrationibus, et orationibus nocte ac die. Nam quæ in deliciis est, vivens mórtua est. Et hoc præcipe ut irreprehensibiles sint: in Christo Iesu Dómino nostro.

Graduale Ps. 32, 20-21 Anima nostra sústinet Dóminum: quóniam adiutor et protéctor noster est. V. Quia in eo lætábitur cor nostrum: et in nómine sancto eius sperávimus.

Allelúia, allelúia. V. Eccli. 1, 16 Inítium sapiéntiæ timor Dómini: cum eléctis féminis gráditur, et cum iustis et fidélibus agnóscitur. Allelúia.

Post Septuagesimam, omissis Allelúia, et versu sequenti, dicitur:

Tractus Ps. 47, 10-12 Suscépimus, Deus, misericórdiam tuam in médio templi tui. V. Secúndum nomen tuum, Deus, sic et laus tua in fines terræ: iustítia plena est dextera tua. V. Lætétur mons Sion, et exsúltent filiaë Iudæ, propter iudicia tua, Dómine.

Tempore autem paschali omittitur graduale, et eius loco dicitur:

Allelúia, allelúia. V. Eccli. 1, 16 Inítium sapiéntiæ timor Dómini: cum eléctis féminis gráditur, et cum iustis et fidélibus agnóscitur. Allelúia. V. Ps. 23, 6 Hæc est generatio quæréntium Dóminum, quæréntium faciém Dei Iacob. Allelúia.

✠ Sequéntia sancti Evangélíi
secúndum Matthæum

Matth. 13, 44-52

In illo témpore: Dixit Iesus discí-
pulis suis parábolam hanc: Sí-
mile est regnum cælórum thesáuro
abscóndito in agro: quem qui in-
vénit homo, abscóndit, et præ gáu-
dio illíus vadit, et vendit univér-
sa, quæ habet, et emit agrum illum.
Iterum símile est regnum cælórum
hómini negotiatóri, quærénti bonas
margarítas. Invénta autem una pre-
tíosa margaríta, ábiit, et véndidit
ómnia, quæ hábuit, et emit eam.
Iterum símile est regnum cælórum
sagénæ missæ in mare, et ex omni
génere píscium congregánti. Quam,
cum impléta esset, educéntes, et
secus litus sedéntes, elegérunt
bonos in vasa, malos autem foras
misérunt. Sic erit in consummatione
sæculi: exíbut Angeli, et separá-
bunt malos de médio iustórum, et
mittent eos in camínus ignis: ibi
erit fletus, et stridor déntium. Intel-
lexístis hæc ómnia? Dicunt ei: Eti-
am. Ait illis: Ideo omnis scriba
doctus in regno cælórum símilis est
hómini patrifamílias, qui profert de
thesáuro suo nova et vétera.

Antiphona ad Offertorium

Ps. 104, 3

Laudámini in nómine sancto
eius: lætétur cor quæréntium Dómi-
num. (T. P. Allelúia.)

1 Secreta

Offeréntes tibi, Dómine Deus,
hóstiam pro beatárum **N.** et **N.**
honóre propósitam, te súplices

exorámus: ut spem nostram in te
firmiter collocémus, et pias petitió-
nes cordis nostri abs te iúgiter
habeámus. Per Dóminum.

2 Alia secreta

Sacrificium nostrum, Dómine,
suffragántibus beatárum **N.** et
N. précibus, tibi reddátur accép-
tum: ut nobis idem et culpárum
véniam largiátur, et meritórum
cópiam operétur. Per Dóminum.

Antiphona ad Communionem

Matth. 13, 45-46

Símile est regnum cælórum
hómini negotiatóri, quærénti bonas
margarítas: invénta autem una
pretíosa margaríta, ábiit, et vén-
didit ómnia quæ hábuit, et emit
eam. (T. P. Allelúia.)

1 Postcommunio

Divíni operátio sacraménti, om-
nípotens Deus, suffragántibus
beatárum **N.** et **N.** méritis, illúminet
nos páriter et inflámmet: ut et san-
ctis iúgiter desidériis ferveámus, et
bonis opéribus abundémus. Per
Dóminum.

2 Alia postcommunio

Aceptórum múnus virtus, Dó-
mine Deus, intercedéntibus
beátis **N.** et **N.**, suos in nobis ef-
féctus impleat: ut simul et mortális
vitæ subsidium cónferat, et gáudi-
um perpétuæ felicitátis obtíneat.
Per Dóminum.

ORDO AD FACIENDAM ET ASPERGENDAM AQUAM BENEDICTAM

I Benedictio aquæ

Die dominica, in sacristia præparato sale et aqua benedicenda, sacerdos celebraturus Missam, vel alius ad id deputatus, alba vel superpelliceo indutus cum stola circa collum, primo dicit:

V. Adiutórium nostrum in nómine Dómini.

R. Qui fecit cælum et terram.

Deinde absolute incipit exorcismum salis.

Exorcízo te, creatúra salis, per Deum ✠ vivum, per Deum ✠ verum, per Deum ✠ sanctum: per Deum, qui te per Eliséum prophétam in aquam mitti iussit, ut sanarétur sterilitas aquæ: ut efficiáris sal exorcizátum in salutem credéntium: et sis ómnibus suméntibus te sánitas animæ et córporis: et effúgiat atque discédât a loco, in quo aspérsum fúeris, omnis phantásia et nequítia, vel versútia diabólicæ fraudis, omnisque spíritus immúndus, adiurátus per eum, qui ventúrus est iudicáre vivos et mórtuos, et sáeculum per ignem. *R.* Amen.

Orémus.

Oratio

Imménsam cleméntiam tuam, ómnipotens ætérne Deus, humíliter implorámus: ut hanc creatúram salis, quam in usum géneris humáni tribuísti, bene ✠ dícere tua pietáte dignéris; ut sit ómnibus suméntibus salus mentis et córporis: et quidquid ex eo tactum vel respérsum fúerit, cáreat omni immundítia,

omníque impugnatióne spiritális nequítiae. Per Christum Dóminum nostrum. *R.* Amen.

Exorcismus aquæ: et dicitur absolute:

Exorcízo te, creatúra aquæ, in nómine Dei ✠ Patris omnipoténtis, et in nómine Iesu ✠ Christi Fílii eius Dómini nostri, et in virtúte Spíritus ✠ Sancti: ut fias aqua exorcizáta ad effugándam omnem potestátem inimíci, et ipsum inimicum eradicáre, et explantáre váleas cum ángelis suis apostáticis, per virtútem eiúsdem Dómini nostri Iesu Christi: qui ventúrus est iudicáre vivos, et mórtuos, et sáeculum per ignem. *R.* Amen.

Orémus.

Oratio

Deus, qui ad salutem humáni géneris, máxima quæque sacraménta in aquárum substántia condidísti: adésto propítius invocatióibus nostris, et eleménto huic multímodis purificatióibus præparáto, virtútem tuæ bene ✠ dictiónis infúnde: ut creatúra tua, mystériis tuis sérvuens, ad abigéndos dæmones, morbósque pelléndos, divínæ grátiae sumat efféctum; ut, quidquid in dómibus, vel in locis fidélium hæc unda respérserit, cáreat omni immundítia, liberétur a noxa: non illic resídeat spíritus péstilens, non aura corrúmpens: discédant omnes insídiæ laténtis inimíci: et si quid est, quod aut incolumitáti habitántium ínvidet,

aut quiéti, aspersione huius aquæ effúgiat ut salúbritas per invocatióem sancti tui nóminis expetita, ab ómnibus sit impugnationibus defénsa. Per Christum Dóminum nostrum. *R.* Amen.

Hic mittat sal in aquam in modum crucis, dicendo:

Commixtio salis et aquæ páriter fiat, in nómine Patris, et Fílii, *✠* et Spíritus Sancti.

R. Amen.

V. Dóminus vobíscum.

R. Et cum spíritu tuo.

Orémus.

Oratio

Deus, invictæ virtútis auctor et insuperábilis impérii rex ac semper magníficus triumphátor: qui advérsæ dominationis vires réprimis: qui inimíci rugiéntis sævítiam súperas: qui hostíles nequítias poténter expúgnas: te, Dómine, treméntes et súpplíces deprecámur ac pétimus: ut hanc creatúram salis et aquæ dignánte aspicias, benígnus illústres, pietátis tuæ rore sanctífices; ut, ubicúmque fúerit aspérta, per invocatióem sancti nóminis tui, omnis infestatio immúndi spíritus abigátur, terrórque venenósi serpéntis procul pellátur: et præsentia Sancti Spíritus nobis, misericórdiam tuam poscén- tibus, ubique adesse dignétur. Per Christum Dóminum nostrum.

R. Amen.

II Aspersio aquæ benedictæ EXTRA TEMPUS PASCHALE

Sacerdos celebraturus, indutus pluviali coloris Officio convenientis, accedit ad altare, et ibi ad gradus cum ministris genuflexus,

etiam tempore paschali, accipit a diacono aspersorium, et primo ter aspergit altare, deinde se, et erectus ministros, incipiens antiphonam Asperges me. Et chorus prosequitur: Dómine, hyssópo, etc., ut infra. Interim celebrans aspergit clerum, deinde populum.



Ant. Aspér- ges me, *

Dómine, hyssópo, et mundábor: lavábis me, et super nivem dealbábor. **Ps. 50, 3** Miserére mei, Deus, secúndum magnam misericórdiam tuam.

V. Glória Patri.

Et repetitur ant. Aspérges me.

Finita antiphona supradicto modo, sacerdos, qui aspersit aquam, reversus ad altare, stans ante gradus altaris, iunctis manibus, dicat:

V. Osténde nobis, Dómine, misericórdiam tuam.

R. Et salutáre tuum da nobis.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio


Exáudi nos, Dómine sancte, Pater omnípotens, ætérne Deus: et mittere dignéris sanctum Angelum tuum de cælis, qui custódiat, fóveat, próteget, visitet atque deféndat omnes habitántes in hoc habitáculo. Per Christum Dóminum nostrum.

R. Amen.

Tempore Passionis non dicitur Glória Patri post psalmum Miserére, sed repetitur immediate antiphona Aspérges me.

TEMPORE PASCHALI

A dominica Paschæ usque ad Pentecosten inclusive, loco ant. Aspérget me et psalmi Miserére, cantatur sequens



egrediéntem de templo, a látere dextro, allelúia: et omnes, ad quos pervénit aqua ista, salvi facti sunt, et dicent, allelúia, allelúia. **Ps. 117, 1** Confitémini Dómino, quóniam bonus: quóniam in sáeculum misericórdia eius. **V.** Glória Patri.

Repetitur ant. Vidi aquam egrediéntem.

Finita antiphona supradicto modo, sacerdos, qui aspersit aquam, reversus ad altare, stans ante gradus altaris, iunctis manibus, dicat:

V. Osténde nobis, Dómine, misericórdiam tuam, allelúia.

R. Et salutáre tuum da nobis, allelúia.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Exáudi nos, Dómine sancte, Pater omnípotens, ætérne Deus: et mittere dignéris sanctum Angelum tuum de cælis; qui custodiat, fóveat, prótegat, vísitet atque deféndat omnes habitántes in hoc habitáculo. Per Christum Dóminum nostrum.

R. Amen.

¶ **Dominica Resurrectionis ubi est fons baptismalis, fit aspersione cum aqua in Vigília paschali benedicta, et ante infusionem oleorum separata.**

CANTUS AD LIBITUM

I. TONI "GLORIA IN EXCELSIS DEO"


Missa III

In festis I classis 2




Missa V


In festis II classis 2, 3, 4 et 5



Missa VI



Missa VII



Missa VIII



In festis B. Mariæ Virg. 2

Missa X

VIII

Gló-ri- a in excél-sis De- o.

Missa XIII

In festis III classis 2 et 3

I

Gló-ri- a in excél-sis De- o.

Missa XIV

III

Gló- ri- a in excél-sis De- o.

I ad libitum

VIII

Gló-ri- a in excél- sis De- o.

II ad libitum

II

Gló-ri- a in excél-sis De- o.

III ad libitum

II

Gló-ri- a in excél- sis De- o.

II. PRÆFATIONES IN TONO SOLEMNIORE

Toni sequentes adhiberi nequeunt in Missis quibus tonus ferialis assignatur.

PRÆFATIO DE NATIVITATE DOMINI



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-



bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad



Dó-mi-num. *℣*. Grá-ti- as a-gá-mus Dó-mi-no De- o no-stro.



℞. Di-gnum et iu-stum est. *Ve-re* dignum et iu- stum est,




æ-quum et sa-lu- tá- re, nos ti-bi semper, et u-bí-que



grá-ti- as á-ge- re: Dó-mi-ne, sancte Pa-ter, omní-po-tens




æ-térne De- us: Qui- a per incarná- ti Verbi my-sté- ri-um,



no-va mentis nostræ ó-cu-lis lux tu- æ cla-ri-tá- tis infúl- sit:



ut dum vi-si-bí- li-ter De-um co-gnó-sci-mus, per hunc in in-vi-si-



bí- li-um amó-rem ra-pi- á- mur. Et íd- e- o cum



Ange- lis et Archánge- lis, cum Thro-nis et Do-mi-na- ti- ó-



ni-bus, cumque omni mi-lí- ti- a cæ-lé-stis ex- ér-ci-tus, hym-num




gló-ri- æ tu- æ cá-ni-mus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.


PRÆFATIO DE EPIPHANIA DOMINI



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-



bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad



Dó-mi-num. *℣*. Grá-ti- as a-gá-mus Dó-mi-no De- o no- stro.




℞. Di-gnum et iu- stum est. *V* e-re dignum et iu- stum est,



æ-quum et sa-lu-tá- re, nos ti-bi semper, et u-bí-que



grá- ti- as á-ge- re: Dó-mi-ne, sancte Pa-ter, omní-po-tens æ-térne



De- us: Qui- a, cum U-ni-gé-ni-tus tu- us in substán-ti- a nostræ



mor-ta-li- tá-tis ap-pá-ru- it, no-va nos immor-ta- li- tá-tis su- æ



lu-ce re-pa-rá- vit. Et íd- e- o cum Ange- lis et Ar-



chánge- lis, cum Thro-nis et Domi-na- ti- ó-ni-bus, cumque omni



mi- lí- ti- a cæ-lé-stis ex- ér-ci- tus, hym-num gló-ri- æ tu- æ



cá-ni-mus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE QUADRAGESIMA



Per ómni- a sæ-cu-la sæ-cu-ló- rum. *R.* Amen. *V.* Dó-mi-nus vo-



bís-cum. *R.* Et cum spí-ri-tu tu- o. *V.* Sur-sum corda. *R.* Ha-bé-mus ad



Dó-mi-num. *V.* Grá-ti- as a-gámus Dó-mi-no De- o no-stro.



R. Di-gnum et iu-stum est. *V.* Ve-re dignum et iu- stum est,



æ-quum et sa-lu-tá- re, nos ti-bi semper, et u-bí-que



grá-ti- as á-ge- re: Dó-mi-ne, sancte Pa-ter, omní-po-tens æ-tér-




ne De-us: Qui corpo-rá-li ie-iú-ni- o ví-ti-a cómpri-mis,




mentem é-le-vas, vir-tú-tem lar-gí-ris, et præmi-a: per Chri-stum



Dó-mi-num no-strum. Per quem ma-ie-stá-tem tu-am laudant



Ange-li, ad-ó-rant Domi-na-ti-ó-nes, tre-munt Po-testá-tes.




Cæ-li, cæ-lo-rúmque Vir-tú-tes, ac be-á-ta Sé-raphim, só-



ci-a exsul-ta-ti-ó-ne concé-lebrant. Cum qui-bus et nostras



vo-ces, ut admít-ti iú-be-as, depre-cámur, súp-pli-ci confes-si-




ó-ne di-cén-tes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE SANCTA CRUCE



Per ómni- a sæ-cu- la sæ-cu- ló- rum. *℞*. Amen. *℣*. Dó-mi-nus vo-



bís- cum. *℞*. Et cum spí- ri- tu tu- o. *℣*. Sur- sum corda. *℞*. Ha-bé-mus ad



Dó-mi-num. *℣*. Grá- ti- as a- gá-mus Dó-mi-no De- o no-stro.



℞. Di-gnum et iu-stum est. *V*e- re dignum et iu- stum est,




æ-quum et sa-lu- tá- re, nos ti- bi semper, et u- bí- que



grá- ti- as á- ge- re: Dó-mi-ne, sancte Pa- ter, omní-po- tens æ- tér-




ne De- us: Qui sa- lú- tem humá- ni gé- ne- ris in ligno Cru- cis




consti- tu- í- sti: ut unde mors o- ri- e- bá- tur, in- de vi- ta




re-súr- ge-ret: et qui in ligno vin-cé-bat, in ligno quoque vin-



ce- ré-tur: per Chri-stum Dó- mi-num no-strum. Per quem ma-ie-



stá-tem tu-am laudant Ange- li, ad-ó-rant Do-mi-na-ti- ó-nes,



tre-munt Po-te-stá- tes. Cæ-li, cæ-lo-rúmque Vir- tú-tes, ac be-



á- ta Sé-raphim, só- ci- a exsul-ta-ti- ó- ne concé- lebrant.



Cum qui-bus et nostras vo-ces, ut admít-ti iú-be- as, depre-cámur,




súp-pli- ci confessi- ó- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.

PRÆFATIO PASCHALIS



Per ómni- a sæ-cu-la sæ-cu-ló- rum. *R.* Amen. *V.* Dómi-nus vo-bís-cum.




R. Et cum spí-ri-tu tu- o. *V.* Sur- sum cor-da. *R.* Ha-bé- mus ad




Dó-mi-num. *V.* Grá- ti- as a-gá-mus Dó-mi-no De- o no- stro.



R. Di- gnum et iu- stum est. *V.* e-re dignum et iu- stum est,



æ-quum et sa-lu-tá- re: Te qui-dem, Dómi-ne, omni témpo-re,




sed in { hac po-tís-simum nocte glo-ri- ó-si- us præ-di- cá-re,
hac po-tís-simum di- e
hoc po-tís-simum




cum Pascha no-strum immo-lá- tus est Chri-stus. Ipse e-nim



ve-rus est Agnus, qui ábs-tu-lit pec- cá-ta mun-di. Qui mortem



nostram mo-ri- éndo de-strú-xit, et vi- tam re-surgéndo re-pa-



rá- vit. Et íd- e- o cum Ange- lis et Archánge- lis,



cum Thro-nis et Domi-na- ti- ó-ni-bus, cumque omni mi- lí- ti- a



cæ- lé-stis ex-ér-ci-tus, hym-num gló- ri- æ tu- æ cá- nimus,



si- ne fi- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE ASCENSIONE DOMINI



Per ómni- a sæ-cu-la sæ-cu-ló-rum. *℞*. Amen. *℣*. Dó-mi-nus vo-




bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad



Dó-mi-num. *℣*. Grá-ti- as a-gá-mus Dó-mi-no De- o no- stro.



℞. Di-gnum et iu-stum est. *V*e-re dignum et iu- stum est,



ae-quum et sa-lu-tá- re, nos ti-bi semper, et u-bí-que




grá-ti- as á-ge- re : Dó-mi-ne, sancte Pa-ter, omní-po-tens



æ-tér-ne De- us: per Chri-stum Dó- mi-num no- strum.




Qui post re-surre-cti- ó-nem su-am ómni-bus dis-cí-pu-lis su-is



ma-ni- fé-stus ap-pá-ru-it, et ip-sis cernén-ti-bus est e-le-vá-tus



in cæ-lum, ut nos di-vi-ni-tá-tis su-æ tri-bú-e-ret es-se




par-tí-ci-pes. Et íd-e-o cum Ange-lis et Archánge-lis,



cum Thro-nis et Do-mi-na-ti- ó-ni-bus, cumque omni mi-lí-ti-a



cæ-lés-tis ex-ér-ci-tus, hym-num gló-ri-æ tu-æ cá-ni-mus,




si-ne fi-ne di-cén-tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE SSIMO CORDE IESU



Per ómni- a sæ-cu-la sæ-cu-ló- rum. *ṛ*. Amen. *ṽ*. Dó-mi-nus vo-




bís-cum. *ṛ*. Et cum spí-ri-tu tu- o. *ṽ*. Sur-sum corda. *ṛ*. Ha-bé-mus ad



Dó-mi-num. *ṽ*. Grá-ti- as a-gá-mus Dó-mi-no De-o no-stro.



ṛ. Di-gnum et iu-stum est. *V*e-re dignum et iu- stum est,



æ-quum et sa-lu-tá- re, nos ti-bi semper, et u-bí-que




grá-ti- as á-ge- re : Dó-mi-ne, sancte Pa-ter, omní-po-tens



æ- térne De- us: Qui U-ni-gé-ni-tum tu-um in cru-ce pendéntem



lance- a mí- li- tis transfí- gi vo- lu- í- sti, ut a- pértum Cor,




di- ví- næ lar- gi- tá- tis sa- crá- ri- um, torréntes no- bis fún- de- ret



mi- se- ra- ti- ó- nis et grá- ti- æ, et quod amó- re nostri



flagrá- re numquam dé- sti- tit, pi- is esset ré- qui- es et pæ- ni- tén-



ti- bus pa- té- ret sa- lú- tis re- fú- gi- um. Et íd- e- o



cum An- ge- lis et Archánge- lis, cum Thro- nis et Do- mi- na- ti- ó-




ni- bus, cumque omni mi- lí- ti- a cæ- lé- stis ex- ér- ci- tus, hym- num



gló- ri- æ tu- æ cá- nimus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.


PRÆFATIO DE D. N. IESU CHRISTO REGE



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-
 bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad
 Dó-mi-num. *℣*. Grá-ti- as a-gá-mus Dó-mi-no De-o no-stro.
℞. Di-gnum et iu-stum est. *V*e-re dignum et iu- stum est,
 æ-quum et sa-lu-tá- re, nos ti-bi semper, et u-bí-que
 grá-ti- as á-ge- re: Dó-mi-ne, sancte Pa-ter, omní-po-tens æ-térne
 De-us: Qui u-ni-gé-ni-tum Fí-li-um tu-um Dómi-num nostrum Iesum
 Chri-stum, Sa-cerdó-tem æ-térnum et u-ni-versó-rum Re-gem, ó- le- o
 ex-sul-ta- ti- ó- nis unxí- sti: ut se- ípsum in a- ra cru-cis,



hó-sti-am imma-cu-lá-tam et pa-cí-fi-cam óf-fe-rens, re-dempti-



ó-nis humá-næ sacramén-ta per-á-ge-ret: et su-o subié-ctis



impé-ri-o ómni-bus cre-a-tú-ris, æ-térnum et u-ni-versá-le



re-gnum imménsæ tu-æ trá-de-ret Ma-ie-stá-ti: regnum ve-ri-



tá-tis et vi-tæ; regnum sancti-tá-tis et grá-ti-æ; regnum iu-stí-



ti-æ, amó-ris et pa-cis. Et íd-e-o cum Ange-lis



et Archánge-lis, cum Thro-nis et Do-mi-na-ti-ó-ni-bus, cumque



omni mi-lí-ti-a cæ-lés-tis ex-ér-ci-tus, hym-num gló-ri-æ




tu-æ cá-ni-mus, si-ne fi-ne di-cén-tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómi-
ne Dómini. Hosánna in excélsis.

PRÆFATIO DE SPIRITU SANCTO



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bís-cum. *℞*. Et cum spí-ri- tu tu- o. *℣*. Sur-sum corda. *℞*. Ha-bé-mus ad



Dó- mi-num. *℣*. Grá- ti- as a-gá-mus Dó- mi-no De-o no- stro.



℞. Di-gnum et iu- stum est. *℣*. Ve- re dignum et iu- stum est,




æ-quum et sa-lu-tá- re, nos ti-bi semper, et u-bí-que




grá- ti- as á-ge- re: Dó-mi-ne, sancte Pa-ter, omní-po- tens



æ- tér-ne De- us: per Chri- stum Dó- mi-num no- strum.




Qui ascéndens su-per omnes cæ-los, se-dénsque ad dexte-ram tu-am,




promís-sum Spí-ri- tum Sanctum (ho-di- érna di- e) in fí- li- os



ad-opti- ó- nis ef-fú- dit. Quaprópter pro-fú-sis gáudi- is,



to-tus in orbe terrá- rum mun-dus exsúl- tat. Sed et su-pérnæ



Vir-tú- tes, atque angé- li-cæ Po-te- stá- tes, hym-num gló- ri- æ




tu- æ cónci-nunt, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO DE SANCTISSIMA TRINITATE



Per ómni- a sæ-cu- la sæ-cu- ló rum. *℞*. Amen. *℣*. Dó-mi-nus vo-




bís- cum. *℞*. Et cum spí-ri-tu tu- o. *℣*. Sur- sum corda. *℞*. Ha-bé-mus ad



Dó-mi-num. *℣*. Grá- ti- as a- gá-mus Dó- mi-no De- o no- stro.



℞. Di-gnum et iu- stum est. *V*e- re dignum et iu- stum est,



æ-quum et sa- lu- tá- re, nos ti- bi semper, et u- bí- que



grá- ti- as á- ge- re: Dó-mi-ne, sancte Pa- ter, omní-po- tens



æ- tér-ne De- us: Qui cum u- ni- gé- ni- to Fí- li- o tu- o,



et Spí- ri- tu San- cto, u- nus es De- us, u- nus es Dó- mi- nus:



non in u-ní-us singu-la-ri-tá-te per-só-næ, sed in u-ní-us




Tri-ni-tá-te substán-ti-æ. Quod e-nim de tu-a gló-ri-a, re-ve-



lánte te, cré-dimus, hoc de Fí-li-o tu-o, hoc de Spí-ri-tu



Sancto, si-ne diffe-rén-ti-a discre-ti-ó-nis sentí-mus. Ut in




con-fes-si-ó-ne ve-ræ sempi-ternæque De-i-tá-tis, et in



persó-nis pro-prí-e-tas, et in essénti-a ú-ni-tas, et in ma-ie-



stá-te ad-o-ré-tur æquá-li-tas. Quam laudant Ange-li



atque Archánge-li, Ché-ru-bim quoque ac Sé-raphim: qui non



cessant cla-má-re co-tí-di-e, u-na vo-ce di-cén-tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE BEATA MARIA VIRGINE

Dicitur vel Et te in Annuntiatióne, **vel** Visitatióne, **vel** Assumptiόne, **vel** Nativitáte, **vel** Præsentatiόne, **secundum denominationem festi.**

In Missis vero de Conceptione immaculata dicitur: Et te in Conceptione immaculáta.

In Missis de Septem Doloribus dicitur: Et te in Transfixiόne.


In Commemoratione de Monte Carmelo dicitur: Et te in Commemoratione.

In omnibus aliis festis dicitur: Et te in Festivitaté.

In Missa de S. Maria in sabbato, et in Missis votivis, in quibus speciale Mysterium non sit exprimendum, dicitur: Et te in Veneratiόne.



Per ómni- a sæ-cu-la sæ-cu-ló- rum. **℣.** Amen. **℟.** Dó-mi-nus vo-




bís-cum. **℣.** Et cum spí-ri-tu tu- o. **℟.** Sur-sum corda. **℣.** Ha-bé-mus ad



Dó- mi-num. **℟.** Grá-ti- as a-gá-mus Dó-mi-no De- o no- stro.




℣. Di-gnum et iu- stum est. **V**e-re dignum et iu- stum est,



æ-quum et sa-lu- tá- re, nos ti-bi semper, et u-bí-que



grá-ti- as á-ge- re: Dómi-ne, sancte Pa-ter, omní-po-tens æ-tér-



ne De-us : Et te in * * * * * be- á-tæ Ma-rí- æ semper




Vír-gi-nis col-lau-dá-re, be-ne-dí-ce-re et præ-di-cá-re.




Quæ et U-ni-gé-ni-tum tu-um Sancti Spí-ri-tus ob-umbra-ti-ó-ne



con-cé-pit: et vir-gi-ni-tá-tis gló-ri-a perma-nén-te, lumen æ-térnum




mundo ef-fú-dit, Ie-sum Chri-stum Dó-mi-num no-strum. Per quem




ma-ie-stá-tem tu-am laudant Ange-li, ad-ó-rant Do-mi-na-ti-




ó-nes, tre-munt Po-te-stá-tes. Cæ-li, cæ-lo-rúm-que Vir-tú-tes,



ac be-á-ta Sé-raphim, só-ci-a exsul-ta-ti-ó-ne concé-



lebrant. Cum qui-bus et nostras vo-ces, ut admít-ti iú-be-as,



depre-cámur, súp-pli-ci confes-si-ó-ne di-cén-tes:

Sanctus, Sanctus, Sanctus Dóminus Deus Sábaoth. Pleni sunt cæli,
et terra glória tua. Hosánna in excélsis. Benedíctus qui venit in nómine
Dómini. Hosánna in excélsis.

PRÆFATIO DE S. IOSEPH, SPONSO B. M. V.

In Missis votivis dicitur: Et te in Veneratione.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.

Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-

bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad

Dó-mi-num. *℣*. Grá-ti- as a-gá-mus Dó-mi-no De- o no- stro.

℞. Di-gnum et iu-stum est. *Ve-re* dignum et iu- stum est,


æ-quum et sa-lu-tá- re, nos ti- bi semper, et u-bí-que

grá-ti- as á-ge- re: Dómi-ne, sancte Pa-ter, omní-po-tens æ-tér-

ne De- us: Et te in * * * * * be- á- ti Io-seph dé- bi- tis

magni- fi- cá-re præ- có-ni- is, be-ne-dí- ce- re et præ-di- cá- re.


Qui et vir iustus, a te De- í-pa-ræ Vír-gi-ni Sponsus est da-tus:




et fi-dé-lis servus ac pru-dens, su-per Famí-li-am tu-am est consti-



tú-tus: ut U-ni-gé-ni-tum tu-um, Sancti Spí-ri-tus ob-umbra-ti-




ó-ne concéptum, pa-térna vi-ce cu-sto-dí-ret, Ie-sum Chri-stum



Dó-mi-num no-strum. Per quem ma-ie-stá-tem tu-am laudant An-



ge-li, ad-ó-rant Do-mi-na-ti-ó-nes, tre-munt Po-te-stá-tes.



Cæ-li, cæ-lo-rúm-que Vir-tú-tes, ac be-á-ta Sé-raphim, só-ci-a



exsul-ta-ti-ó-ne concé-lebrant. Cum qui-bus et nostras vo-ces,



ut admít-ti iú-be-as, depre-cámur, súp-pli-ci confessi-ó-ne




di-cén-tes: Sanctus, Sanctus, Sanctus Dóminus Deus
Sábaoth. Pleni sunt cæli, et terra glória tua. Hosánna in excélsis.
Benedíctus qui venit in nómine Dómini. Hosánna in excélsis.

PRÆFATIO DE APOSTOLIS



Per ómni- a sæ-cu-la sæ-cu-ló- rum. *℞*. Amen. *℣*. Dó-mi-nus vo-




bís-cum. *℞*. Et cum spí-ri-tu tu- o. *℣*. Sur-sum corda. *℞*. Ha-bé-mus ad



Dó-mi-num. *℣*. Grá-ti- as a-gá-mus Dó-mi-no De-o no- stro.



℞. Di-gnum et iu- stum est. *℣* e-re dignum et iu- stum est, æ-quum



et sa-lu- tá- re: Te, Dó-mi-ne, supplí-ci-ter ex-o- rá-re,



ut gre-gem tu-um, Pastor æ-térne, non dé-se-ras: sed per be- á-tos



A-pósto- los tu- os, contí- nu- a pro-te-cti- ó- ne custó- di- as:




Ut i- ísdem rectó-ri-bus gu-ber-né-tur, quos ó-pe-ris tu-i vi-




cá-ri- os e- í-dem contu- lí-sti præ- és- se pa-stó- res. Et




íd- e- o cum Ange-lis et Archánge- lis, cum Thro-nis et Do-



mi-na- ti- ó-ni-bus, cumque omni mi- lí- ti- a cæ-lé-stis ex- ér-



ci- tus, hym-num gló-ri- æ tu- æ cá-nimus, si- ne fi- ne



di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómi- ne Dómini. Hosánna in excélsis.

PRÆFATIO COMMUNIS

Per ómni- a sæ-cu-la sæ-cu- ló- rum. *℣.* Amen. *℟.* Dó-mi-nus vo-
 bís-cum. *℣.* Et cum spí-ri-tu tu- o. *℟.* Sur-sum corda. *℣.* Ha-bé-mus ad
 Dó-mi-num. *℣.* Grá-ti- as a-gá-mus Dó- mi-no De- o no- stro.
℣. Di-gnum et iu- stum est. *℟.* Ve-re dignum et iu- stum est,
 æ-quum et sa- lu-tá- re, nos ti-bi semper, et u-bí-que
 grá-ti- as á-ge- re: Dó-mi-ne, sancte Pa-ter, omní-po-tens æ-tér-
 ne De-us: per Chri-stum Dó- mi-num no-strum. Per quem ma-ie-
 stá-tem tu- am laudant Ange- li, ad-ó-rant Do-mi-na-ti- ó-nes,
 tre- munt Po-te-stá- tes. Cæ- li, cæ- lo-rúm-que Vir-tú-tes,



ac be- á- ta Sé-raphim, só- ci- a exsul-ta- ti- ó- ne concé-
lebrant. Cum qui-bus et nostras vo-ces, ut admít-ti iú-be- as,
depre- cámur, súp- pli- ci confes-si- ó- ne di- cén- tes:

Sanctus, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

III. TONI "ITE, MISSA EST"

In festis I classis 1

Missa II



III
I- te, mis- sa est.

In festis II classis 2, 3, 4 et 5

Missa V




VIII
I- te, mis-sa est.

Missa VI




VIII
I- te, mis-sa est.

Missa VII




I- te,



mis-sa est.

Missa VIII



I- te,

mis-sa est.

In festis III classis 2 et 3

Missa XIII



I- te,

mis-

sa est.

Missa XIV



I

te,

mis-

sa est.

IV. AD ASPERSIONEM AQUÆ

(extra tempus paschale)

Ant.
VII

Aspér- ges me,*

Ant.
IV

Aspér- ges me,*

Finis editionis typicæ

APPENDIX

AD MISSALE ROMANUM

I. EXCERPTA EX RITUALI ROMANO

BENEDICTIONES RESERVATÆ
EPISCOPIS ALIISQUE ORDINARIIS, ET SACERDOTIBUS
SPECIALI FACULTATE INSTRUCTIS

BENEDICTIO SACERDOTALIIUM INDUMENTORUM IN GENERE

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Omnípotens sempitérne Deus, qui per Móysen fámulum tuum pontificália et sacerdotália seu levítica vestiménta, ad expléndum in conspéctu tuo ministérium eórum, ad honórem et decórem nóminis tui fieri decrevísti: adésto propítius invocatióibus nostris: ut hæc induménta sacerdotália, désuper irrigánte grátia tua, ingénti benedictióne per nostræ humilitátis servítium puri ✠ ficáre, bene ✠ dícere et conse ✠ cráre dignéris: ut divínis cúltibus et sacris mystériis apta et benedícta exsístant, his quoque sacris véstibus Pontífices, et Sacerdótes, seu Levítæ tui indúti, ab ómnibus impulsiónibus seu tentatióibus malignórum spírituum muníti et defénsi esse mereántur: tuisque mystériis apte et condígne servíre et inhærére, atque in his tibi plácite et devóte perserveráre tríbue. Per Christum Dóminum nostrum. **℞.** Amen.

Orémus.

Deus, invíctæ virtútis triumphátor et ómnium rerum creátor

ac sanctificátor: inténde propítius preces nostras; et hæc induménta levíticae, sacerdotális et pontificális glóriæ, ministris tuis fruéndam, tuo ore próprio bene ✠ dícere, sancti ✠ ficáre et conse ✠ cráre dignéris: omnesque eis uténtes, tuis mystériis aptos et tibi in eis devóte ac laudabíliter serviéntes, gratos effícere dignéris. Per Christum Dóminum nostrum. **℞.** Amen.

Orémus.

Dómine Deus omnípotens, qui vestiménta Pontíficibus, Sacerdótibus et Levítis, in usum tabernáculi fœderis necessária, Móysen fámulum tuum ágere iussísti, eúmque spíritu sapiéntiæ ad id peragéndum replevísti: hæc vestiménta in usum et cultum mystérii tui bene ✠ dícere, sancti ✠ ficáre et conse ✠ cráre dignéris: atque ministros altáris tui, qui ea indúerint, septifórmis Spíritus grátia dignánte repléri, atque castitátis stola, beáta fácias cum bonórum fructu óperum ministérii congruéntis immortalitáte vestíri. Per Christum Dóminum nostrum. **℞.** Amen.

Et aspergatur aqua benedicta.

BENEDICTIO MAPPARUM ET TOBALEARUM ALTARIS

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Exáudi, Dómine, preces nostras, et hæc linteámina sacri altáris úsui præparáta bene ✠ dicere, et sancti ✠ ficáre dignéris. Per Christum Dóminum nostrum. *R.* Amen.

Orémus.

Dómine Deus omnípotens, qui Móysen fámulum tuum ornámenta et linteámina fácere per quadragínta dies docuísti: quæ étiam María téxuit et fecit in usum ministérii tabernáculi fœderis; bene ✠ dicere, sancti ✠ ficáre et conse ✠ cráre dignéris hæc linteámina ad tegéndum involvendúmque altáre gloriosíssimi Fílii tui Dómini nostri Iesu Christi: Qui tecum vivit et regnat in unitáte Spíritus Sancti Deus: per ómnia sæcula sæculórum. *R.* Amen.

Et aspergatur aqua benedicta.

BENEDICTIO PALLÆ ET CORPORALIS

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Clementíssime Dómine, cuius inenarrábilis est virtus, cuius mystéria arcánis mirábilibus celebrántur: tríbue, quæsumus; ut hoc linteámen tuæ propitiatiónis bene ✠ dictióne sanctificétur ad consecrándum super illud Corpus et Sánguinem Dei et Dómini nostri Iesu Christi Fílii tui: Qui tecum vivit et regnat in unitáte Spíritus Sancti Deus: per ómnia sæcula sæculórum. *R.* Amen.

Orémus.

Omnípotens sempitérne Deus, bene ✠ dicere, sancti ✠ ficáre et conse ✠ cráre dignéris linteámen istud ad tegéndum involvendúmque Corpus et Sánguinem Dómini nostri Iesu Christi Fílii tui: Qui tecum vivit et regnat in unitáte Spíritus Sancti Deus: per ómnia sæcula sæculórum. *R.* Amen.

Orémus.

Omnípotens Deus, mánibus nostris opem tuæ benedictiónis infúnde: ut per nostram bene ✠ dictiónem hoc linteámen sanctificétur, et Córporis ac Sánguinis Redemptóris nostri novum sudárium, Spíritus Sancti grátia, efficiátur. Per eúndem Dóminum nostrum Iesum Christum Fílium tuum: Qui tecum vivit et regnat in unitáte eiúsdem Spíritus Sancti Deus: per ómnia sæcula sæculórum. *R.* Amen.

Et aspergatur aqua benedicta.

BENEDICTIO TABERNACULI SEU VASCULI

pro sacrosancta Eucharistia
conservanda

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Omnípotens sempitérne Deus, maiestátem tuam súplices deprecámur: ut vásculum hoc pro Córpo Fílii tui Dómini nostri Iesu Christi in eo condéndo fabricátum, bene ✠ dictiónis tuæ grátia dicáre dignéris. Per eúndem Dóminum nostrum Iesum Christum Fílium tuum: Qui tecum. *R.* Amen.

Et aspergatur aqua benedicta.

BENEDICTIONES NON RESERVATÆ

BENEDICTIO AGNI IN PASCHA

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Deus, qui per fámulum tuum Móysen, in liberatióne pópuli tui de Ægýpto, agnum occídi iussísti in similitúdinem Dómini nostri Iesu Christi, et utrósque postes domórum de ságuine eiúsdem agni perúngi præcepísti: ita bene ✠ dicere et sancti ✠ ficáre dignéris hanc creatúram carnis, quam nos fámuli tui ad laudem tuam súmere desiderámus, per resurrectiόνem eiúsdem Dómini nostri Iesu Christi: Qui tecum vivit et regnat in sæcula sæculórum. **R.** Amen.

Et aspergatur aqua benedicta.

BENEDICTIO OVORUM

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Subvéniat, quæsumus, Dómine, tuæ bene ✠ dictiónis grátia huic ovórum creatúrae: ut cibus salúbris fiat fidélibus tuis, in tuárum gratiárum actiône suméntibus, ob resurrectiόνem Dómini nostri Iesu Christi: Qui tecum vivit et regnat in sæcula sæculórum. **R.** Amen.

Et aspergantur aqua benedicta.

BENEDICTIO PANIS

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Dómine sancte, Pater omnípotens, ætérne Deus, bene ✠ dicere dignéris hunc panem tua sancta spirituáli benedictiône: ut sit ómnibus suméntibus salus mentis et córporis; atque contra omnes morbos, et univérsas inimicórum insídias tutámen. Per Dóminum nostrum Iesum Christum Fílium tuum, panem vivum, qui de cælo descéndit, et dat vitam et salútem mundo: et tecum vivit et regnat in unitáte Spíritus Sancti Deus: per ómnia sæcula sæculórum. **R.** Amen.

Et aspergatur aqua benedicta.

BENEDICTIO NOVORUM FRUCTUUM

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Béne ✠ dic, Dómine, hos novos fructus **N.** et præsta: ut, qui ex eis in tuo sancto nómine vescéntur, córporis et ánimæ salúte potiántur. Per Christum Dóminum nostrum.

R. Amen.

Et aspergantur aqua benedicta.

BENEDICTIO AD QUODCUMQUE COMESTIBILE

℣. Adiutórium nostrum in nómine Dómini.

℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Béne ✠ dic, Dómine, creatúram istam *N.*, ut sit remédium salutáre géneri humano: et præsta per invocatiónem sancti nóminis tui; ut, quicumque ex ea sumpserint, corporis sanitátem, et animæ tutelam percípiant. Per Christum Dóminum nostrum. *℟.* Amen.

Et aspergatur aqua benedicta.

BENEDICTIO CANDELARUM

℣. Adiutórium nostrum in nómine Dómini.

℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Dómine Iesu Christe, Fili Dei vivi, béne ✠ dic candélas istas supplicatió nibus nostris: infúnde eis, Dómine, per virtútem sanctæ Cru ✠ cis, benedictiónem cælestem, qui eas ad repellé ndas ténebras humano géneri tribuísti: talémque benedictiónem signáculo sanctæ Cru ✠ cis accípiant, ut,

quibuscúmque locis accénsæ sive pósitæ fúerint, discédant príncipes tenebrárum, et contremíscant, et fúgiant pávidi cum ómnibus ministris suis ab habitatió nibus illis: nec præsumant ámplius inquietáre, aut molestáre servié ntes tibi omnipoté nti Deo: Qui vivis et regnas in sæcula sæculórum. *℟.* Amen.

Et aspergatur aqua benedicta.

BENEDICTIO AD OMNIA

Hæc benedictionis formula adhiberi potest a quovis sacerdote pro omnibus rebus, quarum specialis benedictio in Rituali non habeatur.

℣. Adiutórium nostrum in nómine Dómini.

℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Deus, cuius verbo sanctificántur ómnia, béne ✠ dictiónem tuam effúnde super creatúram istam (creatúras istas): et præsta, ut, quisquis ea (eis) secúndum legem et voluntátem tuam cum gratiárum acti óne usus fúerit, per invocati ónem sanctíssimi nóminis tui, corporis sanitátem et animæ tutelam, te auctóre, percípiat. Per Christum Dóminum nostrum.

℟. Amen.

Et aspergatur (vel aspergantur) aqua benedicta.

II. EXCERPTA EX PONTIFICALI ROMANO

ORDO AD PATENAM ET CALICEM CONSECRANDUM

Consecratio patenæ et calicis fieri potest quolibet die, loco convenienti.

Parentur: sanctum chrisma, et quæ necessaria sunt ad abluendum et extergendum ipsum calicem et patenam et manus Pontificis. Calix insuper et patena deponantur super mensa, alba tobalea cooperta, vel super altari.

Si plures patenæ et calices sint consecranda, Pontifex unctiones super singula successive perficit, orationes vero numero plurali semel dicit.

Pontifex, stans cum rochetto, stola alba et mitra auriphrygiata, dicit:

V. Adiutórium nostrum in nómine Dómini.

R. Qui fecit cælum et terram.

Orémus, fratres caríssimi, ut divinæ gratiæ benedictio cónsecret, et sanctíficet hanc paténam (has paténas) ad confringéndum in ea (in eis) corpus Dómini nostri Iesu Christi, quo Crucis passióem sustínuit pro nostrum ómnium salúte.

Tum, deposita mitra, dicit:

V. Dóminus vobíscum.

R. Et cum spíritu tuo.

Orémus

Omnípotens sempitérne Deus, qui legálium institútor es hostiárum, quique inter eas conspérsam similáginem deférri in paténis áureis et argénteis ad altáre tuum iussísti: bene ✠ dícere, sancti ✠ fi-

cáre et conse ✠ cráre dignéris hanc paténam (has paténas), in administratióem Eucharístiæ Iesu Christi Fílii tui, qui pro nostra omniúmque salúte seípsum tibi Deo Patri in patíbulo Crucis elégit immolári, ac tecum vivit et regnat in sácula sæculórum.

R. Amen.

Tum Pontifex, accepta mitra, facit cum pollice dexteræ manus sancto chrismate intincto crucem super singulas patenas, ab ora in oram, dicens:

Conse ✠ cráre et sancti ✠ ficáre dignéris, Dómine Deus, paténam hanc per istam unctionem, et nostram bene ✠ dictionem in Christo Iesu Dómino nostro: Qui tecum vivit et regnat in sácula sæculórum. **R.** Amen.

Deinde, stans adhuc cum mitra, procedit ad benedictionem calicis, dicens:

Orémus, fratres caríssimi, ut Deus et Dóminus noster cálicem istum (cálices istos) in usum ministérii sui consecrándum (consecrándos), cæléstis gratiæ inspiratióne sanctíficet: et ad humánam consecratióem plenitúdinem divini favóris accómmodat. Per Christum Dóminum nostrum. **R.** Amen.

Tum, deposita mitra, dicit:

V. Dóminus vobíscum.

R. Et cum spíritu tuo.

Orémus.

Dignáre, Dómine Deus noster, cálicem hunc (cálices hos) bene ✠ dicere, in usum ministérii tui pia famulátus devotióne formátum (formátos), et ea sancti ✠ ficatione perfúndere, qua Melchisedech fámuli tui sacrátum cálicem perfudisti: et quod arte vel metálli natúra éffici non potest altáribus tuis dignum, fiat tua bene ✠ dicti-óne sanctificátum. Per Christum Dóminum nostrum. *R. Amen.*

Deinde, accepta mitra, facit crucem cum pollice dexteræ manus de sancto chrismate intra singulos calices a labio in labium, dicens:

Conse ✠ cráre et sancti ✠ ficáre dignéris, Dómine Deus, cálicem hunc per istam uncti-ónem et nostram bene ✠ dicti-ónem in Christo Iesu Dómino nostro: Qui tecum vivit et regnat in sæcula sæculórum. *R. Amen.*

Tum, deposita mitra, dicit super calicem et patenam:

V. Dóminus vobíscum.

R. Et cum spíritu tuo.

Orémus.

Omnípotens sempitérne Deus, mánibus nostris, quæsumus, opem tuæ benedicti-ónis infúnde: ut per nostram bene ✠ dicti-ónem hoc vásculum et paténa (hæc váscula et paténæ) sanctificéntur, et Córporis et Sánguinis Dómini nostri Iesu Christi novum sepúlcrum Sancti Spíritus grátia efficiántur. Per eúndem Christum Dóminum nostrum.

R. Amen.

Quo facto, abstergere facit per aliquem sacerdotem patenam et calicem cum mica panis, et bene mundare: deinde extersiones proiciuntur in ignem, vel sacrarium.

RITUS CONFIRMATIONIS

Pontifex supra rochetum, paratus amictu, stola et pluviali albi coloris, cum mitra et baculo pastoralis, vel, si hoc Sacramentum minus solemniter conferatur, stola alba et mitra simplici paratus, accedit ad faldistorium ante medium altaris, si sit in aliqua capella, aut in alio convenienti loco sibi paratum et sedens brevi sermone alloquitur adstantes et confirmandos.

Quo facto, lavat manus: deinde, deposita mitra, surgit, et versa facie ad confirmandos ante se genuflexos, iunctis manibus dicit:

Spíritus Sanctus supervéniat in vos, et virtus Altíssimi custódiat vos a peccátis. *R. Amen.*

Deinde, signans se manu dextera a fronte ad pectus signo crucis, dicit:

V. Adiutórium nostrum in nómine Dómini.

R. Qui fecit cælum et terram.

V. Dómine, exáudi orati-ónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Tunc, extensis versus confirmandos manibus, dicit:

Orémus.

Omnípotens sempitérne Deus, qui regeneráre dignátus es hos fámulos tuos ex aqua et Spíritu Sancto, quique dedísti eis remissi-ó-nem ómnium peccatórum: emítte in

eos septifórmem Spíritum tuum
Sanctum Paráclitum de cælis.

R. Amen.

Spíritum sapiéntiæ et intelléctus.

R. Amen.

Spíritum consílii et fortitúdinis.

R. Amen.

Spíritum sciéntiæ et pietátis.

R. Amen.

Adimple eos Spíritu timóris tui,
et consigna eos signo Cru ✠ cis
Christi, in vitam propitiátus ætér-
nam. Per eúndem Dóminum no-
strum Iesum Christum Fílium
tuum: Qui tecum vivit et regnat in
unitáte eiúsdem Spíritus Sancti
Deus: per ómnia sæcula sæculó-
rum. *R.* Amen.

*Pontifex, accepta mitra, sedet in faldistorio,
et inquisito cuiuslibet confirmandi nomine,
sibi per patrinum vel matrinam flexis genibus
præsentati, et summitate pollicis dexteræ
manus Chrismate intincta, dicit:*

N. Signo te signo Cru ✠ cis:

*quod dum dicit, producit pollice signum crucis
in fronte illius; deinde prosequitur:*

Et confirmo te Chrismate salutis:
In nómine Pa ✠ tris, et Fí ✠ lii,
et Spíritus ✠ Sancti. *R.* Amen.

Et leviter eum in maxilla cædit, dicens:

Pax tecum.

*Uctione peracta, Pontifex tergit cum mica
panis, et lavat pollicem et manus super
pelvim; et aqua lotionis cum pane funditur in
piscinam sacrarii.*

*Interim, dum lavat manus, legitur a mini-
stris vel cantatur sequens*

Ant. Confirma hoc Deus, quod
operátus es in nobis a templo san-
cto tuo, quod est in Ierúsalem.

V. Glória Patri, et Fílio, et Spi-
rítui Sancto.

R. Sicut erat in princípio, et

nunc, et semper: et in sæcula sæcu-
lórum. Amen.

*Deinde repetitur antiphona Confirma hoc.
Qua repetita, Pontifex, deposita mitra, surgit,
et stans versus ad altare, iunctis ante pectus
manibus, dicit:*

V. Osténde nobis, Dómine, mi-
sericórdiam tuam.

R. Et salutáre tuum da nobis.

V. Dómine, exáudi oratióem
meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, qui Apóstolis tuis Sanctum
dedísti Spíritum, et per eos
eorúmque successóres céteris fidé-
libus tradéndum esse voluísti: ré-
spice propítius ad humilitátis no-
stræ famulátum, et præsta; ut
eórum corda, quorum frontem
sacro Chrismate delinívimus, et
signo sanctæ Crucis signávimus,
idem Spíritus Sanctus in eis super-
véniens, templum glóriæ suæ di-
gnánte inhabitándo perficiat: Qui
cum Patre et eódem Spíritu Sancto
vivis et regnas Deus, in sæcula
sæculórum. *R.* Amen.

Deinde dicit:

Ecce sic benedicétur omnis ho-
mo, qui timet Dóminum.

*Et vertens se ad confirmatos, et faciens
super eos signum crucis, dicit:*

Bene ✠ dícat vos Dóminus ex
Sion: ut videátis bona Ierúsalem
ómnibus diébus vitæ vestræ, et ha-
beátis vitam ætérnam. *R.* Amen.

*Expedita Confirmatione, Pontifex sedens,
accepta mitra, patrinis et matrinis annuntiat,
quod instruant filios suos bonis moribus, quod
fugiant mala, et faciant bona, et doceant eos
Credo in Deum, et Pater noster, et Ave, María,
quoniam ad hoc sunt obligati.*

INDEX ALPHABETICUS OMNIUM FESTORUM

Nota: Missæ pro aliquibus locis concessæ litteris notantur *italicis*.

Festa Domini nostri Iesu Christi

Ascensio	345	Iesu Christi Regis D. N., dom. ultima oct.	712
— Vigilia	343	Nativitas, 25 dec.	17
Com. Baptismatis, 13 ian.	42	— Vigilia, 24 dec.	15
Cordis sacratissimi	373	— Octava, 1 ian.	33
Corporis Christi	369	Nominis Iesu, dom. a die 2 ad diem 5	
Crucis Exaltatio, 14 sept.	668	ian.—vel die 2 ian.	34
— <i>Inventio</i> , 3 maii	(161)	Pentecostes	350
Dedicatio Archibasilicæ Ssmi Salvatoris,		— Vigilia	348
9 nov.	731	<i>Redemptoris Ssmi</i> , 23 oct.	(216)
Dedicatio Basilicarum Ss. Petri et Pauli		Resurrectio	322
App., 18 nov.	739	Sanguinis Pretiosissimi, 1 iulii	582
Epiphania, 6 ian.	37	Transfiguratio, 6 aug.	627
Familiæ Sanctæ Iesu, Mariæ, Ioseph, dom.		Trinitatis Ssmæ	366
I post Epiph.	39		

Festa beatæ Mariæ Virginis

Annuntiatio, 25 mar.	495	<i>Mediatricis omnium Gratiarum</i> , 8 maii	(166)
Apparitio B. M. V. immaculatæ, 11 feb.	473	A Mercede, Com., 24 sept.	681
Assumptio, 15 aug.	640	De Monte carmelo, Com., 16 iulii	597
— Vigilia, 14 aug.	638	Nativitas, 8 sept.	664
<i>Auxilium Christianorum</i> , 24 maii	(176)	Nominis, 12 sept.	667
Conceptio immaculata, 8 dec.	435	A <i>Sacro Numismate</i> , 27 nov.	(227)
<i>De Bono Consilio</i> , 26 apr.	(154)	Præsentatio, 21 nov.	740
<i>De Consolatione</i> , sabb. post fest. S. Augustini	(206)	Purificatio, 2 feb.	464
Cordis Immaculati, 22 aug.	647	<i>Refugium Peccatorum</i> , 13 aug.	(199)
Dedicatio ad Nives, 5 aug.	626	Reginæ, 31 maii	543
D. N. a S. Corde Iesu, 31 maii	(167)	<i>Reginæ Apostolorum</i> , sabb. post Ascens.	(178)
A <i>Gratia</i> , 9 iunii	(180)	<i>Reginæ Sanctorum omnium</i> , 8 maii	(164)
Maternitatis, 11 oct.	700	A Rosario sacratissimi, 7 oct.	692
<i>Matris Dilectionis pulchrae</i> , Die 8 maii	(164)	<i>Salus Infirmorum</i> , sabb. ante dom. ult.	
— a <i>Gratia</i> , 9 iunii	(180)	aug.	(207)
— <i>Matris Misericordiae</i> , sabb. ante dom.		Septem Dolorum, feria VI post dom. I	
IV iulii	(192)	Passionis	500
<i>Matris Pastoris Divini</i> , 3 septembris	(209)	— 15 sept.	670
— <i>Providentiæ Divinae</i> , sabb. ante dom.		<i>De Perpetuo Succursu</i> , 27 iunii	(183)
III novembris	(222)	Visitatio, 2 iulii	584

Festa Sanctorum

A		Agathæ Virg. et Mart., 5 feb.	468
Abdon et Sennen Mm., 30 iulii	619	Agnētis Virg. et Mart., 21 ian.	449
Aegidii Abbatis, 1 sept.	659	— secundo, 28 ian.	458
Agapiti Mart., 18 aug.	643	Alberti Magni Ep., Conf. et Eccl. Doct.,	
		15 nov.	737

Alexandri I, Eventii et Theoduli	
Mm. ac Iuvenalis Ep. et Conf., 3 maii	520
Alexii Conf., 17 iulii	598
Alfonsi Mariæ de Ligorio Ep., Conf. et Eccl. Doct., 2 Aug.	623
Aloisii Gonzagæ Conf., 21 iunii	566
Ambrosii Ep., Conf. et Eccl. Doct., 7 dec.	432
<i>Ambrosii Ep., Conf. et Eccl. Doct., 7 dec</i>	(142)
Anastasiæ Mart. Com., 25 dec.	19
Andreæ Apostoli, 30 nov.	426
Andreæ Avellini Conf., 10 nov.	732
Andreæ Corsini Ep. et Conf., 4 feb.	468
Angelæ Mericiæ Virg., 1 iunii	545
Angelorum Custodum, 2 oct.	686
Aniceti Papæ et Mart., 17 apr.	508
Annæ Matris B. M. V., 26 iulii	613
Anselmi Ep., Conf. et Eccl. Doct., 21 apr.	508
Antonii Abbatis, 17 ian.	444
Antonii Mariæ Claret Ep. et Conf., 23 oct.	709
Antonii Mariæ Zaccaria Conf., 5 iulii	588
Antonii de Padua C. et E. D., 13 iunii	558
<i>Antonii de Padua C. et E. D., 13 iunii</i>	(180)
Antonini Ep. et Conf., 10 maii	524
Apollinaris Ep. et Mart., 23 iulii	609
Apolloniæ Virg. et Mart., 9 feb.	473
Athanasii Ep., Conf. et Eccl. Doct., 2 maii	519
Augustini Ep. et Conf., 28 maii	541
Augustini Ep., Conf. et Eccl. Doct., 28 aug.	653
<i>Augustini Ep., Conf. et Eccl. Doct., 28 aug.</i>	(204)

B

Barbaræ Virg. et Mart., 4 dec.	430
Barnabæ Apostoli, 11 iunii	553
Bartholomæi Apostoli, 24 aug.	649
Basilidis, Cyrini, Naboris et Nazarii Mm., 12 iunii	557
Basilii Magni Ep., Conf. et Eccl. Doct., 14 iunii	559
Bedæ Venerabilis Conf. et Eccl. Doct. 27 maii	540
Benedicti Abbatis, 21 mar.	492
<i>Benedicti Abbatis, 21 mar.</i>	(151)
<i>Benedicti Iosephi Labre Conf., 16 apr.</i>	(153)
Bernardi Abbatis et Eccl. Doct., 20 aug.	645
<i>Bernardi Abbatis et Eccl. Doct., 20 aug.</i>	(203)
Bernardini Senensis Conf., 20 maii	536
Bibianæ Virg. et Mart., 2 dec.	427
Birgittæ Viduæ, 8 oct.	694
Blasii Ep. et Mart., 3 feb.	468
Bonaventuræ Ep., Conf. et Eccl. Doct., 14 iulii	595
Bonifatii Ep. et Mart., 5 iunii	549
Bonifatii Mart., 14 maii	533
Brunonis Conf., 6 oct.	691

C

Cæciliæ Virg. et Mart., 22 nov.	741
Caietani Conf., 7 aug.	628
Callisti I Papæ et Mart., 14 oct.	702
Camilli de Lellis Conf., 18 iulii	599
Canuti Regis, Mart., 19 ian.	447
Caroli Ep. et Conf., 4 nov.	727
<i>Caroli Ep. et Conf., 4 nov.</i>	(218)
Casimiri Conf., 4 mar.	483
<i>Catharinæ Fliscæ Adurnæ Vid., 22 mar.</i>	(211)
Catharinæ Senensis Virg., 30 apr.	516
Catharinæ Virg. et Mart., 25 nov.	744
Cathedra S. Petri, 22 feb.	477
Christinæ Virg. et Mart., 24 iulii	611
Christophori Mart., 25 iulii	613
Chrysanthi et Dariæ Mm., 25 oct.	714
Chrysogoni Mart., 24 nov.	744
Claræ Virg., 12 aug.	637
Clementis I Papæ et Mart., 23 nov.	742
Cleti et Marcellini Pp. et Mm., 26 apr.	512
Commemoratio omnium Fidelium defunctorum, 2 nov.	722
<i>Commemoratio Omnium Summorum Pontificum, 4 iulii</i>	(186)
Cornelii Papæ et Cypriani Ep., Mm., 16 sept.	672
Cosmæ et Damiani Mm., 27 sept.	682
Cypriani et Iustinæ Virg., Mm., 26 sept.	681
Cyriaci, Largi et Smaragdi Mm., 8 aug.	632
Cyrilli Ep. Alexandrini, Conf. et Eccl. Doct., 9 feb.	472
Cyrilli Ep. Hierosolymitani, Conf. et Eccl. Doct., 18 mar.	489
Cyrilli et Methodii Epp. et Cc., 7 iulii	590

D

Damasi I Papæ et Conf., 11 dec.	437
Dedicatio Basilicarum Ss. Petri et Pauli App., 18 nov.	739
Didaci Conf., 13 nov.	736
Dionysii Ep., Rustici et Eleutherii Mm., 9 oct.	698
Dominici Conf., 4 aug.	625
<i>Dominici Savio Conf., 6 maii</i>	(163)
Donati Ep. et Mart., 7 aug.	630
Dorotheæ Virg. et Mart., 6 feb.	471
Duodecim Fratrum Mm., 1 sept.	659

E

Eduardi Regis, Conf., 13 oct.	701
Eleutherii Papæ et Mart., 26 maii	540
Elisabeth Reginae, Viduæ, 8 iulii	591

Elisabeth Viduæ, 19 nov.	739
Emerentianæ Virg. et Mart., 23 ian.	451
Emigdii Ep. et Mart., 11 aug.	(197)
Ephræm Syri Diaconi, Conf. et Eccl. Doct., 18 iunii	562
Euphemiæ Virg., Luciae et Geminiani Mm., 16 sept.	673
Eusebii Ep. et Mart., 16 dec.	439
Eusebii Conf., 14 aug.	639
Eustachii et Sociorum Mm., 20 sept.	677
Evaristi Papæ et Mart., 26 oct.	715

F

Fabiani Papæ et Sebastiani Mm., 20 ian.	447
Faustini et Iovitæ Mm., 15 feb.	477
Felicis I Papæ et Mart., 30 maii	542
Felicis Presb. et Mart., 14 ian.	442
Felicis de Valois Conf., 20 nov.	740
Felicis et Adaucti Mm., 30 aug.	657
Felicis, Simplicii, Faustini et Beatricis Mm., 29 iulii	618
Felicitatis Mart., 23 nov.	744
Ferdinandi Regis, Conf., 30 maii	(176)
Fidelis de Sigmaringa Mart., 24 apr.	510
Franciscæ Romanæ Vid., 9 mar.	487
Franciscæ Xaveriæ Cabrini Virg., 3 ian.	(145)
Francisci Conf. 4 oct.	689
— Impressio Sacrorum Stigmatum, 17 sept., Commemoratio	673
Francisci Borgiae Conf., 10 oct.	700
Francisci Caracciolo Conf., 4 iunii	547
Francisci de Paula Conf., 2 apr.	502
Francisci Salesii Ep., Conf. et Eccl. Doct., 29 ian.	460
Francisci Salesii Ep., Conf., et Eccl. Doct., 29 ian.	(146)
Francisci Xaverii Conf., 3 dec.	428

G

Gabrielis Archangeli, 24 mar.	493
Gabrielis a Virgine perdolente Conf., 27 vel 28 feb.	481
Gasparis del Bufalo Conf., 3 ian.	(143)
Georgii Mart., 23 apr.	509
Gertrudis Virg., 16 nov.	738
Gervasii et Protasii Mm., 19 iunii	564
Gordiani et Epimachi Mm., 10 maii	525
Gorgonii Mart., 9 sept.	666
Gregorii Barbadici Ep. et Conf., 17 iunii	561
Gregorii I Papæ, Conf. et Eccl. Doct., 12 mar.	488
Gregorii VII Papæ et Conf., 25 maii	537

Gregorii Ep. mai. Armeniae et Mart., 1 oct.	(215)
Gregorii Nazianzeni Ep., Conf. et Eccl. Doct., 9 maii.	523
Gregorii Thaumaturgi Ep. et Conf., 17 nov.	738
Gulielmi Abbatis, 25 iunii	573

H

Hadriani Mart., 8 sept.	666
Hedwigis Viduæ, 16 oct.	702
Helenæ Imperatricis, Vid., 18 aug.	(201)
Henrici Imperatoris, Conf., 15 iulii	596
Hermenegildi Mart., 13 apr.	504
Hermetis Mart., 28 aug.	655
Hieronymi Aemiliani Conf., 20 iulii	602
Hieronymi Presb., Conf. et Eccl. Doct., 30 sept.	685
Hilarii Ep., Conf. et Eccl. Doct., 14 ian.	441
Hilarionis Abbatis, 21 oct.	708
Hippolyti et Cassiani Mm., 13 aug.	638
Hyacinthi Conf., 17 aug.	643
Hygini Papæ et Mart., 11 ian.	42

I

Iacobi Ap., 25 iulii	611
Iacobi et Philippi App., 11 maii	526
Ianuarii Ep. et Soc. Mm., 19 sept.	676
Ignatii Conf., 31 iulii	620
Ignatii Ep. et Mart., 1 feb.	462
Ildefonsi Ep. et Conf., 23 ian.	(146)
Innocentium Mm., 28 dec.	27
Ioachim Patris B. M. V., Conf., 16 aug.	641
Ioannæ de Arc Virg., 30 maii	(176)
Ioannæ Franciscæ Fremiot de Chantal Viduæ, 21 aug.	646
Ioannis Apost. et Evang., 27 dec.	25
— ante Portam Latinam, 6 maii	(162)
Ioannis Baptistæ Decollatio, 29 aug.	655
— Nativitas, 24 iunii	571
— Vigilia, 23 iunii	569
Ioannis Baptistæ de la Salle Conf., 15 maii	533
Ioannis Baptistæ de Rossi Conf., 23 maii	(174)
Ioannis Berchmans Conf., 13 aug.	(199)
Ioannis Bosco Conf., 31 ian.	460
Ioannis Cantii Conf., 20 oct.	707
Ioannis de Capistrano Conf., 28 mar.	498
Ioannis Chrysostomi Ep., Conf. et Eccl. Doct., 27 ian.	456
Ioannis a Cruce Conf. et Eccl. Doct., 24 nov.	(744)
Ioannis a Cruce Conf. et Eccl. Doct., 24 nov.	(224)

Ioannis Damasceni Conf. et Eccl. Doct., 27 mar.	497	Marcelli I Papæ et Mart., 16 ian.	444
Ioannis a Deo Conf., 8 mar.	485	Marcellini, Petri atque Erasmi Ep., Mm., 2 iunii	545
Ioannis Eudes Conf., 19 aug.	644	Marci Evang., 25 apr.	511
Ioannis a S. Facundo Conf., 12 iunii	556	Marci et Marcelliani Mm., 18 iunii	562
<i>Ioannis Francisci Regis, Conf., 16 iunii</i>	(182)	Marci Papæ et Conf., 7 oct.	694
Ioannis Gualberti Abbatis, 12 iulii	593	Margaritæ Virg. et Mart., 20 iulii	604
<i>Ioannis, Isaaci et Soc. Mart., 26 sept.</i>	(213)	<i>Margaritæ de Cortona Poenit., 26 feb.</i>	(148)
Ioannis Leonardi Conf., 9 oct.	696	Margaritæ Mariæ Alacoque Virg., 17 oct.	703
Ioannis Mariæ Vianney Conf., 8 aug.	631	Margaritæ Reginae Vid., 10 iunii	553
<i>Ioannis Mariæ Vianney Conf., 8 aug.</i>	(196)	<i>Mariæ Goretti Virg. et Mart., 6 iulii</i>	(188)
Ioannis de Matha Conf., 8 feb.	472	Mariæ Magdalænæ de Pazzis Vir., 29 maii	542
<i>Ioannis Nepomuceni Mart., 16 maii</i>	(170)	Mariæ Magdalænæ Pænitentis, 22 iulii	608
Ioannis et Pauli Mm., 26 iunii	573	Marii, Marthæ, Audifacis et Abachum Mm., 19 ian.	445
Ioannis I Papæ et Mart., 27 maii	540	Marthæ Virg., 29 iulii	617
Iosaphat Ep. et Mart., 14 nov.	736	Martinæ Virg. et Mart., 30 ian.	460
Ioseph Sponsi B. M. V., Conf. et Ecclesiæ Universalis Patroni, 19 mar.	491	Martini Ep. et Conf., 11 nov.	734
— Opificis, 1 maii	517	Martini I Papæ et Mart., 12 nov.	735
<i>Iosephi Benedicti Cottolengo, C., 29 apr.</i>	(159)	Matthæi Ap. et Ev., 21 sept.	678
<i>Ioseph Cafasso Conf., 27 iunii</i>	(185)	Matthiæ Ap., 24 vel 25 feb.	480
Iosephi Calasactii Conf., 27 aug.	652	Mauri Abbatis, 15 ian.	443
Iosephi a Cupertino Conf., 18 sept.	674	Mauritii et Sociorum Mm., 22 sept.	680
Irenæi Ep. et Mart., 2 iulii	586	Melchiadis Papæ et Mart., 10 dec.	437
<i>Isidori Agricolaæ, Conf., 15 maii</i>	(169)	Mennæ Mart., 11 nov.	735
Isidori Ep., Conf. et Eccl. Doct., 4 apr.	503	<i>Michaelis Archangeli Apparitio, 8 maii</i>	(169)
Iudæ et Simonis App., 28 oct.	715	— Dedicatio, 29 sept.	684
Iulianæ de Falconeriis Virg., 19 iunii	564	Monicæ Viduæ, 4 maii	521
Iustini Mart., 14 apr.	506		

L

Laurentii Mart., 10 aug.	635
— Vigilia, 9 aug.	633
Laurentii de Brundusio Conf. et Eccl. Doct., 21 iulii	604
<i>Laurentii de Brundusio Conf. et Eccl. Doct., 21 iulii</i>	(191)
Laurentii Iustiniani Ep. et Conf., 5 sept.	663
<i>Leonardi a Portu Mauritio Conf., 26 nov.</i>	(226)
Leonis I Papæ, Conf. et Eccl. Doct., 11 apr.	504
Liborii Ep. et Conf., 23 iulii	611
Lini Papæ et Mart., 23 sept.	680
Lucae Evang., 18 oct.	704
Luciæ Virg. et Mart., 13 dec.	438
Lucii I Papæ et Mart., 4 mar.	483
<i>Ludovicæ de Marillac Vid., 15 mar.</i>	(150)
<i>Ludovici Mariæ Grignon a Montfort Conf., 28 apr.</i>	(157)
Ludovici Regis, Conf., 25 aug.	650

M

Machabæorum Mm., 1 aug.	621
-------------------------	-----

N

Naboris et Felicis Mm., 12 iulii	595
Nazarii et Celsi Mm., Victoris I Papæ et Mart. ac Innocentii I Papæ et Conf., 28 iulii	616
Nerei, Achillei et Domitillæ Virg. atque Pancratii Mm., 12 maii	529
Nicolai Ep. et Conf., 6 dec.	431
Nicolai a Tolentino Conf., 10 sept.	666
Nicodemis Mart., 15 sept.	672
Norberti Ep. et Conf., 6 iunii	550

O

Omnium Fidelium defunctorum Commemo- ratio, 2 nov.	722
Omnium Sanctorum, 1 nov.	718
<i>Omnium Ss. Summ. Pontificum, 4 iulii</i>	(186)

P

Pantaleonis Mart., 27 iulii	615
Paschalis Baylon Conf., 17 maii	535
Patricii Ep. et Conf., 17 mar.	489
Pauli Ap. Commemoratio, 30 iunii	580
— Conversio, 25 ian.	453

Pauli a Cruce Conf., 28 apr.	513
Pauli primi Eremitæ, Conf., 15 ian.	442
Paulini Ep. et Conf., 22 iunii	567
Perpetuæ et Felicitatis Mm., 6 mar.	484
Petri et Pauli App., 29 iunii	576
— Vigilia, 28 iunii	574
<i>Petri Ap. ad Vincula</i> , 1 aug.	(193)
Petri Mart., 29 apr.	515
Petri de Alcantara Conf., 19 oct.	706
Petri Alexandrini Ep. et Mart., 26 nov.	745
Petri Canisii Conf. et Eccl. Doct., 27 apr.	513
<i>Petri Chanel Mart.</i> , 28 apr.	(156)
Petri Chrysologi Ep., Conf. et Eccl. Doct., 4 dec.	429
Petri Cælestini Papæ et Conf., 19 maii	535
<i>Petri Claver Conf.</i> , 9 sept.	(210)
Petri Damiani Ep., C. et E. D., 23 feb.	479
Petri Nolaschi Conf., 28 ian.	458
Petronillæ Virg., 31 maii	544
Philippi Benitii Conf., 23 aug.	649
Philippi et Iacobi App., 11 maii	526
Philippi Nerii Conf., 26 maii	538
Pii I Papæ et Mart., 11 iulii	593
Pii V Papæ et Conf., 5 maii	522
Pii X Papæ et Conf., 3 sept.	662
Placidi et Sociorum Mm., 5 oct.	690
Polycarpi Ep. et Mart., 26 ian.	455
Pontiani Papæ et Mart., 19 nov.	740
Praxedis Virg., 21 iulii	606
Primi et Feliciani Mm., 9 iunii	551
Priscæ Virg. et Mart., 18 ian.	445
Processi et Martiniani Mm., 2 iulii	585
Proti et Hyacinthi Mm., 11 sept.	666
Pudentianæ Virg., 19 maii	536

Q

Quadraginta Martyrum, 10 mar.	487
Quatuor Coronatorum Mm., 8 nov.	730

R

Raphaelis Archangeli, 24 oct.	710
Raymundi Nonnati Conf., 31 aug.	658
Raymundi de Pennafort Conf., 23 ian.	450
<i>Reliquiarum Sacrarum</i> , 5 nov.	(219)
Remigii Ep. et Conf., 1 oct.	686
<i>Ritæ de Cassia Viduæ</i> , 22 maii	(172)
Roberti Bellarmino Ep., Conf. et Eccl. Doct., 13 maii	531
<i>Rochi Conf.</i> , 16 aug.	(201)
Romani Mart., 9 aug.	635
Romualdi Abbatis, 7 feb.	471
Rosæ Limanæ Virg., 30 aug.	657
<i>Rosæ Viterbiensis Virg.</i> , 4 sept.	(209)

S

Sabbæ Abbatis, 5 dec.	431
Sabinæ Mart., 29 aug.	656
Sanctorum Omnium, 1 nov.	718
Saturnini Mart., 29 nov.	425
Scholasticæ Virg., 10 feb.	473
Septem Fratrum Mm., ac Rufinæ et Secundæ Vv. et Mm., 10 iulii	591
Septem Fundatorum Ord. Servorum B. M. V., Cc., 12 feb.	475
Sergii, Bacchi, Marcelli et Apuleii, Mm., 8 oct.	696
Silverii Papæ et Mart., 20 iunii	566
Silvestri Abbatis, 26 nov.	745
Silvestri I Papæ et Conf., 31 dec.	32
Simeonis Ep. et Mart., 18 feb.	477
Simonis et Iudæ App., 28 oct.	715
Soteris et Caii Pp. et Mm., 22 apr.	509
Stanislai Ep. et Mart., 7 maii	522
<i>Stanislai Kostkæ Conf.</i> , 13 nov.	(221)
Stephani I Papæ et Mart., 2 aug.	625
Stephani Protomartyris, 26 dec.	23
— <i>Inventio</i> , 3 aug.	(195)
Stephani Regis, Conf., 2 sept.	660
Symphorosæ et Septem Filiorum Mm., 18 iulii	601

T

Telesphori Papæ et Mart., 5 ian.	36
Teresiæ Virg., 15 oct.	702
<i>Teresiæ Virg.</i> , 15 oct.	(215)
Teresiæ a Iesu Infante Virg., 3 oct.	688
Theclæ Virg. et Mart., 23 sept.	681
Theodori Mart., 9 nov.	731
Thomæ Ap., 21 dec.	440
Thomæ de Aquino Conf. et Eccl. Doct., 7 mar.	484
Thomæ Ep. et Mart., 29 dec.	30
Thomæ de Villanova Ep. et Conf., 22 sept.	679
Tiburtii et Susannæ Virg., Mm., 11 aug.	636
Tiburtii, Valeriani et Maximi Mm., 14 apr.	508
Timothei Ep. et Mart., 24 ian.	451
Timothei, Hippolyti et Symphoriani Mm., 22 aug.	648
Titi Ep. et Conf., 6 feb.	470
Tryphonis, Respicii et Nymphæ Virg., Mm., 10 nov.	732

U

Ubaldi Ep. et Conf., 16 maii	534
Urbani I Papæ et Mart., 25 maii	538
Ursulæ et Sociarum, Vv. et Mm., 21 oct.	709

V

Valentini Presb. et Mart., 14 feb.	476
Venantii Mart., 18 maii	535
Veronicae de Iulianis Virg., 9 iulii	(189)
Vincentii Ferrerii Conf., 5 apr.	504
Vincentii a Paulo Conf., 19 iulii	601
Vincentii a Paulo Conf., 19 iulii	(189)
Vincentii et Anastasii Mm., 22 ian.	450
Vitalis et Agricolæ Mm., 4 nov.	729
Viti, Modesti atque Crescentiæ Mm., 15 iunii	560

W

Wenceslai Ducis, Mart., 28 sept.	683
----------------------------------	-----

X

Xysti II Papæ, Felicissimi et Agapiti Mm., 6 aug.	628
--	-----

Z

Zephyrini Papæ et Mart., 26 aug.	652
----------------------------------	-----

Commune Sanctorum

Unius aut plurium Summorum Pontificum	(2)	<i>Plurium Confessorum non Pontificum</i>	(232)
Unius Martyris extra tempus paschale	(4)	Abbatum	(28)
Plurimorum Martyrum extra tempus paschale	(10)	Virginum	(29)
Martyrum tempore paschali	(16)	<i>Plurium Virginum</i>	(234)
Confessoris Pontificis	(20)	Non Virginum	(37)
<i>Plurium Confessorum Pontificum</i>	(230)	<i>Plurium non Virginum</i>	(238)
Doctorum	(23)	Dedicationis ecclesiæ	(41)
Confessoris non Pontificis	(25)	Festorum B. Mariæ Virg.	(44)
		De sancta Maria in sabbato	(45)

Missa Votivæ

De Ssma Trinitate	(52)	9. In benedictione cœmeterii	(77)
De Angelis	(53)	10. In reconciliatione ecclæ. vel cœmeterii	(78)
De S. Ioseph	(55)	11. Pro Sponsis	(78)
De S. Petro Ap.	(578)	12. In 25° et 50° anniversario a celebra- tione matrimonii	(81)
De Ss. Petro et Paulo App.	(56)	13. In die Professionis Religiosorum	(81)
De omnibus Sanctis	720	14. In die Professionis Religiosarum	(82)
De omnibus Ss. Apostolis	(58)	15. Ad Vocationes ecclesiasticas petendas	(84)
De Spiritu Sancto	(60)	16. Ad Vocationes ecclesiasticas servandas	(86)
De Ssmo Corde Iesu	(67)	17. Ad Vocationes religiosas petendas et foendas	(87)
De Ssmo Eucharistiæ Sacramento	(61)	18. Pro Fidei propagatione	(89)
De S. Cruce	(64)	19. Pro Ecclesiæ defensione	(90)
De Passione Domini	(66)	20. Pro Ecclesiæ unitate	(92)
D. N. Iesu Christi Summi et Aeterni Sacerdotis	(63)	21. Tempore belli	(94)
1. Pro eligendo Summo Pontifice	(70)	22. Pro pace	(95)
2. In die coronationis Papæ et in eius anniversario	(71)	23. Tempore mortalitatis	(97)
3. In consecratione Episcopi	(73)	24. Pro remissione peccatorum	(98)
4. In anniversario Episcopi	(75)	25. Pro peregrinantibus, iter agentibus et profugis	(99)
5. In collatione Ordinum	(76)	26. Pro infirmis	(101)
6. In benedictione Abbatis	(76)	27. Ad postulandam gratiam bene moriendi	(104)
7. In benedictione Abbatissæ	(77)	28. Pro quacumque necessitate	(105)
8. In benedictione et consecratione Virgi- num	(77)	29. Pro gratiarum actione	(106)

Orationes diversæ

1. Ad poscenda suffragia Sanctorum	(107)	18. Ad repellendas tempestates	(112)
2. — Alia oratio	(107)	19. Pro peste animalium	(113)
3. Pro libertate Ecclesiæ	(108)	20. Pro quacumque necessitate	(113)
4. Pro omni gradu Ecclesiæ	(108)	21. In quacumque tribulatione	(113)
5. Pro Papa	(108)	22. Ad petendam compunctionem cordis	(113)
6. Pro Prælati, et Congregationibus eis commissis	(109)	23. Pro remissione peccatorum	(114)
7. Pro Episcopo	(109)	24. Pro tentatis et tribulatis	(114)
8. Pro seipso sacerdote	(109)	25. Ad repellendas malas cogitationes	(114)
9. Pro respublicas moderantibus	(110)	26. Ad postulandam continentiam	(115)
10. Pro rege	(110)	27. Ad postulandam humilitatem	(115)
11. Pro familia	(110)	28. Ad postulandam patientiam	(115)
12. Pro concordia servanda	(111)	29. Ad postulandam caritatem	(116)
13. Pro defensione ab hostibus	(111)	30. Pro devotis amicis	(116)
14. Tempore famis	(111)	31. Pro inimicis	(116)
15. Tempore terræmotus	(111)	32. Pro captivis	(117)
16. Ad petendam pluviam	(112)	33. Pro navigantibus	(117)
17. Ad postulandam serenitatem	(112)	34. Pro salute vivorum	(117)
		35. Pro vivis et defunctis	(118)

Missæ Defunctorum

In Commemoratione Omnium Fidelium defunctorum	(119)	In anniversario defunctorum	(121)
In die obitus seu depositionis defuncti	(119)	In Missis cotidianis defunctorum	(123)
In die tertio, septimo et trigesimo	(121)	Orationes diversæ	(125)
		Ordo absolutionis	(133)

Orationes diversæ pro defunctis

1. Pro defuncto Summo Pontifice	(125)	8. Pro defuncto sacerdote (alia oratio)	(128)
2. Pro defunctis Episcopis et sacerdotibus	(125)	9. Pro uno defuncto	(128)
3. Pro Episcopo Cardinali defuncto, vel Presbytero Cardinali, qui episcopali dignitate auctus fuerit	(125)	10. Pro una defuncta	(129)
4. Pro Presbytero Cardinali, qui episco- pali dignitate auctus non fuerit, et pro Diacono Cardinali, qui fuerit Sacerdos	(126)	11. Pro patre et matre	(130)
5. Pro defuncto Episcopo	(126)	12. Pro patre tantum	(130)
6. Pro defuncto Episcopo (alia oratio)	(127)	13. Pro matre tantum	(130)
7. Pro defuncto sacerdote	(127)	14. Pro defunctis fratribus, propinquis et benefactoribus	(131)
		15. Pro his, qui in cœmeterio requiescunt	(131)
		16. Pro pluribus defunctis	(131)
		17. — — (alia oratio)	(132)

Commune Sanctorum pro aliquibus locis

Plurium Confessorum Pontificum	(230)	— Virginum	(234)
— Confessorum non Pontificum	(232)	— non Virginum	(238)

Ordo ad faciendam et aspergendam aquam benedictam	242
Cantus ad libitum	246

APPENDIX AD MISSALE ROMANUM

Excerpta ex Rituali Romano Benedictiones

Agni in Pascha	3°	Ignis, Sabb. sancto	188
Ad quodcumque comestibile	4°	Indumentorum sacerdotalium	1°
Aquæ baptismalis, Sabbato sancto	205	Mapparum et Tobalearum, sive lintea-	
Candelarum	4°	minum Altaris	1°
Candelarum, 2 feb.	464	Omnia (ad)	4°
Cerei Paschalis, Sabb. Sancto	189	Ovorum	3°
Cinerum, Feria IV Cinerum	55	Palmarum, Dominica in Palmis	134
Corporalis et Pallæ	2°	Panis	3°
Fructuum novorum	3°	Tabernaculi seu Vasculi	2°

Excerpta e Pontificali Romano

Ordo Confirmationis	6°	Ordo ad patenam et calicem consecrandum	5°
---------------------	----	---	----

MISSÆ SPECIALES

Quæ non inveniuntur vel in Missali Romano vel in Missis pro aliquibus locis quæque nonnisi in iis locis adhiberi possunt ubi ex indulto Sanctæ Sedis conceduntur.

DIE 12 DECEMBRIS

B. M. V. DE GUADALUPE

Antiphona ad Introitum

Sedulius

Salve, sancta Parens, enixa puerpera Regem: qui cælum terramque regit in sæcula sæculorum. **Ps. 44, 2** Eructavit cor meum verbum bonum: dico ego opera mea Regi. **V. Glória Patri. Salve.**

Oratio

Deus, qui sub beatissimæ Virginitis Mariæ singulâri patrocínio constitutos, perpétuis beneficiis nos cumulâri voluisti: præsta supplicibus tuis; ut cuius hodie commemoratione lætâmur in terris, eius conspectu perfruâmur in cælis. Per Dóminum.

Lectio libri Sapiéntiæ

Eccli. 24, 23-31

Ego quasi vitis fructificâvi suavitatem odoris: et flores mei, fructus honoris et honestatis. Ego mater pulchræ dilectionis, et timoris, et agnitionis, et sanctæ spei. In me grátia omnis viæ et veritatis: in me omnis spes vitæ et virtutis. Transíte ad me omnes qui concupiscitis me, et a generationibus meis implémini. Spíritus enim meus super mel dulcis, et heréditas mea super mel et favum. Memória mea in generationes sæculorum. Qui edunt

me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúci-dant me, vitam ætérnam habébunt.

Graduale Cant. 6, 9 Quæ est ista, quæ progréditur quasi auróra consúrgens, pulchra ut luna, eléctta ut sol? **V. Eccli. 50, 8** Quasi arcus refúlgens inter nébulas glóriæ, et quasi flos rosárum in diébus vernis.

Allelúia, allelúia. **V. Cant. 2, 12** Flores apparuérunt in terra nostra, tempus putationis advénit. Allelúia.

✠ Sequéntia sancti Evangélii
secúndum Lucam

Luc. 1, 39-47

In illo témpore: Exsúrgens María abiit in montána cum festinatione in civitátem Iuda: et intrávit in domum Zachariæ, et salutávit Elísabeth. Et factum est, ut audívit salutatió-nem Mariæ Elísabeth, exsultávit infans in útero eius: et repléta est Spíritu Sancto Elísabeth: et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me? Ecce enim ut facta est vox salutatió-nis tuæ in áuribus meis, exsultávit in gáudio infans in útero meo. Et beáta, quæ credidísti, quóniam perficiéntur ea,

quæ dicta sunt tibi a Dómino. Et ait María: Magnificat ánima mea Dóminum: et exsultávit spíritus meus in Deo salutári meo.

Antiphona ad Offertorium

2 Paral. 7, 16

Elégi, et sanctificávi locum istum, ut sit ibi nomen meum, et permáneant óculi mei, et cor meum ibi cunctis diébus.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Antiphona ad Communionem

Ps. 147, 20

Non fecit táliter omni natióni: et iudícia sua non manifestávit eis.

Postcommunio

Sumptis, Dómine, salutis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratione hæc tuæ obtúlimus maiestati. Per Dóminum.

DIE 15 IANUARI

B. MARLÆ VIRGINIS
A PROMPTO SUCCURSU

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis: de cuius festivitáte gaudent

Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri. **G**audeámus.

Oratio

Clementíssime Iesu, qui divítias misericórdiæ tuæ in sinu Matris Mariæ collocásti: concéde propítius; ut eius patrocínio a cunctis malis mentis et córporis liberémur: Qui vivis.

Léctio libri Sapiéntiæ

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sitient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Cant. 6, 3 et 9 Tota formósa et suávis es, filia Sion, pulchra ut luna, elécta ut sol, terríbilis ut castrórum ácies ordináta. **V. Iudith 13, 22** Benedíxit te Dóminus in virtúte sua, quia per te ad níhilum redégit inimícos nostros.

Allelúia, allelúia. **V. Luc. 1, 28** Ave, María, grátia plena; Dóminus tecum: benedícta tu in muliéribus. Allelúia.

In Missis votivis post Septuagesimam, omissis Allelúia, et versu sequenti dicitur:

Tractus Prov. 8, 17-19 Ego diligéntes me díligo; et qui mane vígílant ad me, invénient me. **V.** Mecum sunt divítiae et glória, opes supérbæ, et iustítia. **V.** Mélior est enim fructus meus auro, et lápide pretiósó, et genímína mea argénto elécto.

Tempore autem paschali omittitur graduale, et eius loco dicitur:

Allelúia, allelúia. **V.** **Luc. 1, 28** Ave, María, grátia plena; Dóminus tecum: benedícta tu in muliéríbus. Allelúia. **V.** **Prov. 8, 34** Beátus homo qui audit me, et qui vígílat ad fores meas cotídíe, et obsérvat ad postes óstii mei. Allelúia.

✠ Sequéntia sancti Evangélíi
secúndum Ioánnem

Ioann. 2, 1-11

In illo témpore: Núptiæ factæ sunt in Cana Galilææ: et erat mater Iesu ibi. Vocátus est autem et Iesus, et discípuli eius ad núptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlíer? nondum venit hora mea. Dicit mater eius minístris: Quodcúmque díxerit vobis, fácite. Erant autem ibi lapídeæ hýdriæ sex pósitæ secúndum purificatiónem Iudæórum, capiéntes síngulæ metrétas binas, vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum

factam, et non sciébat unde esset, minístri autem sciébant, qui háuserant aquam; vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in Cana Galilææ: et manifestávit glóriam suam, et credidérunt in eum discípuli eius.

Antiphona ad Offertorium

Ierem. 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatiónem suam a nobis.

Secreta

Tua, Dómine, propitiatióne, et beátæ Vírginis et Matris Maríæ intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem ómnium.

Postcommunio

Adjuvet nos, quæsumus, Dómine, immaculátæ Genetrícis tuæ sempérque Vírginis Maríæ intercessio veneránda: ut, quos perpétuis cumulávit beneficiis, a cunctis perículis absolútos sua fáciat pietáte concórdes: Qui vivis et regnas.

DIE 5 FEBRUARII

S. PHILIPPI A IESU MARTYRIS

Philipp. 2, 10-11

In nómine Iesu omne genu flectá-tur, cæléstium, terréstrium, et inférnórum: et omnis lingua confiteátur, quia Dóminus Iesus Christus in glória est Dei Patris. **Ps. 102, 1** Bénedic, ánima mea, Dómino: et ómnia, quæ intra me sunt nómini sancto eius. **V.** Glória Patri. **In nómine.**

Oratio

Deus, qui inter primos Iapóniæ Mártýres beátum Philíppum cruci alligátum, triplicíque láncea confóssum, primum ómnium mártýrio coronásti: concéde propítius; ut eiúsdem nos suffúlti patrocínio, cum illo páriter coronémur in cælis. Per Dóminum.

Et fit commemoratio S. Agathæ Virg. et Mart., ut in Missali hac die 468.

Léctio Epístolæ beáti Pauli
Apóstoli ad Gálatas

Gal. 6, 14-18

Fratres: Mihi autem absit gloriári, nisi in cruce Dómini nostri Iesu Christi: per quem mihi mundus crucifíxus est, et ego mundo. In Christo enim Iesu neque circumcísio áliquid valet, neque præpútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit: ego enim stigmata Dómini Iesu in corpore meo porto. Grátia Dómini nostri Iesu Christi cum spíritu vestro, fratres. Amen.

Graduale Ps. 102, 2-3 Bénedic, ánima mea, Dómino: et noli obliví-

sci omnes retributiónes eius. **V.** Qui propitiátur ómnibus iniquitatibus tuis, qui sanat omnes infirmitates tuas.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

Post Septuagesimam, omissis Allelúia et versu sequenti, dicitur:

Tractus Ps. 117, 16-18 Déxtera Dómini fecit virtútem: déxtera Dómini exaltávit me, déxtera Dómini fecit virtútem. **V.** Non móriar, sed vivam: et narrábo ópera Dómini. **V.** Castigans castigávit me Dóminus: et morti non trádidit me.

✠ Sequéntia sancti Evangélii
secúndum Matthæum

Matth. 16, 24-27

In illo témpore: Dixit Iesus discí-pulis suis: Si quis vult post me veníre, ábneget semetípsum, et tol-lat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera eius.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Sanctifica, quæsumus, Dómine, múnera tibi dicáta: et interces-

sióne beáti Philíppi Mártyris tui, ad perpétuum nobis tríbue proveníre subsídium. Per Dóminum.

Et fit com. S. Agathæ et M. 469.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

Postcommunio

Sacro Córpoze, et pretiósó Sán-guine Iesu Christi, Fílii tui, Dómine, satiáti: te súpplíces deprecámur; ut intercedénte beáto Philíppo, Mártyre tuo, ab omni adversitaté liberémur. Per eúndem.

Et fit com. S. Agathæ V. et M. 470.

DIE 27 APRILIS

S. TURIBII DE MOGROVEIO EPISCOPI ET CONFESSORIS

Antiphona ad Introitum

Eccli. 45, 30

Státuit ei Dóminus testaméntum pacis, et princípem fecit eum: ut sit illi sacerdótii dígnitas in ætérnum. Allelúia, allelúia. **Ps. 131, 1** Meménto Dómine David: et omnis mansuetúdinis eius. **V.** Glória Patri. **S**tátuit.

Oratio

Ecclésiám tuam, Dómine, beáti Turíbii, Confessóris tui atque Pontíficis, contínua protectióne custódi: ut sicut illum pastorális sollicitúdo gloriósum réddidit, ita nos eius intercéssio in tuo semper fáciat amóre fervéntes. Per Dóminum nostrum.

Et fit com. S. Petri Canisii Conf. et Eccli. Doct. ut in Missali hac die 513.

Léctio libri Sapiéntiæ

Eccli. 50, 1-14

Ecce sacérdos magnus, qui in vita sua suffúlsit domum, et in diébus suis corroborávit templum. Templi étiam altitúdo ab ipso fundáta est, duplex ædificátio, et excélsi paríetes templi. In diébus ipsíus emanavérunt pútei aquárum, et quasi mare adimpléti sunt supra modum. Qui curávit gentem suam, et liberávit eam a perditióne. Qui præváluit amplificáre civitátem: qui adéptus est glóriam in conversatióne gentis, et ingrèssum domus et átrii amplificávit. Quasi stella matutína in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pretiósó. Quasi olíva púllulans, et cypréssus in altitúdinem se extóllens. Circa illum coróna fratrum: quasi plantátio cedri in monte Líbano, sic circa illum stetérunt quasi rami palmæ, et omnes filii Aaron in glória sua.

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia. **V.** Hic est sacérdos, quem coronávit Dóminus. Allelúia.

✠ Sequéntia sancti Evangélíi secúndum Matthæum

Matth. 25, 14-23

In illo témpore: Dixit Iesus discí-pulis suis parábolam hanc: Homo

péregre proficíscens, vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscóndit pecúniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus eius: Euge serve bone, et fidélis, quia super pauca fuísti fidélis, super multa te constitúam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce ália duo lucrátus sum. Ait illi dóminus eius: Euge serve bone, et fidélis, quia super pauca fuísti fidélis, super multa te constitúam: intra in gáudium dómini tui.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum. Allelúia.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Et fit com. S. Petri 515.

Antiphona ad Communionem

Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram. Allelúia.

Postcommunio

Præsta, quæsumus, omnípotens Deus, ut, de percéptis munéribus grátias exhibéntes, intercedente beáto Turíbio Confessóre tuo atque Pontífice, beneficia potióra sumámus. Per Dóminum.

Et fit com. S. Petri 515.

DIE 22 IUNII

S. IOANNIS FISHER EPISCOPI ET MARTYRIS

Missa Státuit, de Communi unius Martyris 1º loco (5), præter orationes sequentes:

Oratio

P

Deus, qui beáto Pontífici tuo Ioánni pro veritáte et iustítia magno ánimo vitam profúndere tribuísti: da nobis, eius intercessióne et exémplo, vitam nostram pro Christo in hoc mundo pérdere, ut eam in cælo inveníre valeámus. Per eúndem Dóminum.

Et fit commemoratio S. Paulini Ep. et Conf., ut in Missali hac die 567.

Secreta

P

Clementíssime Deus, múnera hæc tua benedictióne perfúnde, et nos in ea fide confírma, quam beátus Ioánnes, Martyr et Póntifex tuus, effúso ságuine, proclamávit. Per Dóminum.

Et fit commemoratio S. Paulini Ep. et Conf., ut in Missali hac die 568.

Postcommunio

P

Spíritum, Dómine, fortitúdinis
hæc nobis tríbuat mensa cælé-
stis, quæ beáti Ioánnis Mártiris tui
atque Pontíficis vitam pro Ecclésiæ
honóre iúgiter áluit ad victóriam.
Per Dóminum nostrum.

*Et fit commemoratio S. Paulini Ep. et Conf.,
ut in Missali hac die 568.*

DIE 24 IULII

S. FRANCISCI SOLANI
CONFESSORIS

Antiphona ad Introitum

Ps. 36, 30-31

Os iusti meditábitur sapiénti-
am, et lingua eius loquétur
iudícium: lex Dei eius in
corde ipsíus. *Ps. ibid., 1* Noli æmu-
lári in malignántibus: neque zelá-
veris faciéntes iniquitátem. *V. Gló-
ria Patri. Os iusti.*

Oratio

Deus, qui plúrimas Américæ
gentes per beátum Francíscum
ad sinum Ecclésiæ perduxísti: eius
méritis et précibus indignatióem
tuam a peccátis nostris avérte; et
in gentes, quæ te non cognovérunt,
timórem nóminis tui benígnus im-
mítte. Per Dóminum.

Lectio Epístolæ beáti Pauli
Apóstoli ad Romános

Rom. 10, 10-18

Fratres: Corde enim créditur ad
iustítiam: ore autem conféssio
fit ad salútem. Dicit enim Scrip-
túra: Omnis qui credit in illum non
confundétur. Non enim est distín-
ctio Iudæi et Græci: nam idem
Dóminus ómnium, dives in omnes
qui invocant illum. Omnis enim,

quicúmque invocáverit nomen Dó-
mini, salvus erit. Quómodo ergo
invocábunt, in quem non credidé-
runt? Aut quómodo credent ei,
quem non audiérunt? Quómodo
autem áudient sine prædicánte?
Quómodo vero prædicábunt, nisi
mittántur? sicut scriptum est:
Quam speciósi pedes evangelizán-
tium pacem, evangelizántium bo-
na! Sed non omnes obédiunt Evan-
gélío. Isaías enim dicit: Dómine,
quis crédidit auditui nostro? Ergo
fides ex auditu, auditus autem per
verbum Christi. Sed dico: Numquid
non audiérunt? Et quidem in om-
nem terram exívit sonus eórum, et
in fines orbis terræ verba eórum.

Graduale Ps. 91, 13 et 14 Iustus
ut palma florébit: sicut cedrus Lí-
bani multiplicábitur in domo Dó-
mini. *V. Ibid., 3* Ad annuntiándum
mane misericórdiam tuam, et veri-
tátem tuam per noctem.

Allelúia, allelúia. *V. Iac. 1, 12*
Beátus vir, qui suffert tentatióem:
quóniam cum probátus fúerit, accí-
piet corónam vitæ. Allelúia.

✠ Sequéntia sancti Evangélii
secúndum Marcum

Marc. 16, 15-18

In illo témpore: Dixit Iesus discí-
pulis suis: Eúntes in mundum
univérsum, prædicáte Evangélium
omni creatúræ. Qui credíderit, et
baptizátus fúerit, salvus erit: qui
vero non credíderit, condemnábi-
tur. Signa autem eos, qui credíde-
rint, hæc sequéntur: In nómine meo
dæmónia eiíficient: linguis loquén-
tur novis: serpéntes tollent: et si
mortíferum quid bíberint, non eis
nocébit: super ægros manus im-
pónent, et bene habébunt.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu eius.

Secreta

Munus, quod tibi offérimus, det nobis, quæsumus, omnípotens Deus, fidei, spei, et caritátis augmentum: et ut mereámur ásequi quod promíttis, interveniénte beáto Francíscó Confessóre tuo, fac nos amáre quod præcipis. Per Dóminum nostrum.

Antiphona ad Communionem

Matth. 24, 46-47

Beátus servus quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Ut sumptis, Dómine, reddámur digni munéribus: intercedénte beáto Francíscó Confessóre tuo, fac nos tuis semper obedíre mandátis. Per Dóminum.

DIE 7 SEPTEMBRIS

**S. CLODOALDI
CONFESSORIS**

Missa Os iusti, de Communi Confessoris non Pontificis 1° loco (24), præter orationes sequentes:

Oratio

P

Deus qui beátum Clodoáldum propter te humiliátum in sæculo, et sacerdótii múnere et virtútum splendóre sublimásti: tríbe nos, eius exémplo tibi digne ministráre, et per eius intercessiónem grátia semper et mérito proficere. Per Dóminum.

Secreta

P

Te, Dómine, fidei nostræ salutisque auctórem cum sancto Sacerdóte Clodoáldo confiténtes, quæsumus; ut hanc de mánibus nostris hóstiam laudis cleménter suscípias, et qua religióne ipse vota sua reddidit, eádem nobis tríbuas nostra persólvere. Per Dóminum.

Postcommunio

P

Suméntes, Dómine, in festivitáte sancti Clodoáldi Sacerdótis divína mystéria: te súpplíces deprecámur, ut eréctis ad cæléstia méntibus, ómnia detriméntum fácere valeámus propter eum qui semetípsum nobis dedit, Iesum Christum Fílium tuum Dóminum nostrum: Qui tecum vivit et regnat in sæcula sæculórum.

DIE 26 SEPTEMBRIS

**SS. IOANNIS, ISAACI
ET SOCIORUM MARTYRUM**

Antiphona ad Introitum

Apoc. 7, 14

Hi sunt qui venérunt de tribulatione magna, et lavérunt stolas suas, et dealbavérunt eas in ságuine Agni. **Ps. 116, 1** Laudáte Dóminum, omnes gentes; laudáte eum, omnes pópuli. **V.** Glória Patri. **Hi sunt.**

Oratio

Deus, qui primítias fidei in boreálibus Américæ regiónibus sanctórum Mártyrum tuórum Isaáci, Ioánnis eorúmque Sociórum prædicatióne et ságuine consecrásti: concéde propítius; ut eórum intercessióne, flórida christianórum seges ubique in dies augeátur. Per Dóminum.

Lectio Epistolæ beāti Pauli
Apóstoli ad Corínthios

2 Cor. 12, 11-15

Fratres: Ego a vobis débui commendári: nihil enim minus fui ab iis qui sunt supra modum Apóstoli, tamétsi nihil sum. Signa tamen apostolátus mei facta sunt super vos, in omni patiéntia, in signis et prodigiis et virtútibus. Quid est enim quod minus habuístis præ céteris ecclésiis, nisi quod ipse non gravávi vos? Donáte mihi hanc iníuriam. Ecce tértio hoc parátus sum veníre ad vos: et non ero gravis vobis. Non enim quæro quæ vestra sunt, sed vos; nec enim debent filii paréntibus thesaurizáre, sed paréntes filiis. Ego autem libénter impéndam et superimpéndar ipse pro animábus vestris: licet plus vos diligens, minus díligar.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. 2 Cor. 1, 5** Sicut abúndant passiónes Christi in nobis, ita et per Christum abúndat consolátio nostra, allelúia.

In Missis votivis post Septuagesimam, omissis Allelúia et versu sequenti, dicitur:

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

Tempore autem paschali omittitur graduale, et eius loco dicitur:

Allelúia, allelúia. **V. 2 Cor. 1, 5** Sicut abúndant passiónes Christi in nobis, ita et per Christum abúndat consolátio nostra, allelúia. **V. Exodi 15, 11** Gloriósus Deus in Sanctis suis: mirábilis in maiestáte fáciens prodígia, allelúia.

✠ Sequéntia sancti Evangélíi
secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius et multitúdo copiósa plebis ad omni Iudæa, et Ierúsalem, et marítima, et Tyri, et Sidónis, qui vénerant, ut audírent eum et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere; quia virtus de illo exíbat et sanábat omnes. Et ipse, elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die et exsultáte: ecce enim merces vestra multa est in cælo.

Antiphona ad Offertorium

Sap. 3, 6

Tamquam aurum in fornáce probávit illos Dóminus, et quasi holocáusti hóstiam accépit illos.

Secreta

Immaculatam hóstiam fac nos, Dómine, méntibus tibi puris offerre, quam Sanctis Martyribus tuis illibátus vitæ candor et iuge mortificatiónis stúdiu dapem suavisissimam efficiébant. Per Dóminu.

Antiphona ad Communionem

Philipp. 1, 20-21

Magnificábitur Christus in corpore meo, sive per vitam sive per mortem: mihi enim vivere Christus est et mori lucrum.

Postcommunio

Fórtium pane reféctis tríbue nobis, omnipotens Deus: ut, sicut sancti Mártyres tui Isaácus, Ioáannes eorúmque Sócii, eódem roboráti, ánimam suam pro fratribus pónere non dubitáru; ita nos, alter altérius ónera portánte, próximos nostros ópere et veritate diligámu. Per Dóminu.

DIE 2 OCTOBRIS

**S. BONI LATRONIS
CONFESSORIS****Antiphona ad Introitum**

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita et resurréctio nostra: per quem salváti et liberáti sumus. **Ps. 66, 2** Deus misereátur nostri, et benedícat nobis: illúminet vultu suu super nos, et misereátur nostri. **V.** Glória Patri. **Nos autem.**

Oratio

Omnipotens et miséricors Deus, qui iustificas ímpios, te súpli-

ces exorámu: ut nos benígno intúitu, quo Unigénitus tuus beátu traxit Latróne, ad dignam pæniténtiam próvoces; et illam, quam ei promísit, tríbuas nobis glóriam sempitérnam. Per eúndem Dóminu.

Léctio Isaíæ Prophétæ

Isai. 59, 1-4

Ecce, non est abbreviáta manus Dómini, ut salváre néqueat, neque aggraváta est auris eius, ut non exáudiat: sed iniquitátes vestræ divisérunt inter vos et Deu vestru, et peccáta vestra absconderunt fáciem eius a vobis, ne exaudíret. Manus enim vestræ pollútæ sunt ságuine, et dígití vestri iniquitate: lábia vestra locúta sunt mendácium, et lingua vestra iniquitátem fatur. Non est, qui invocet iustítiam, neque est, qui iúdicet vere: sed confidunt in níhilo, et loquúntur vanitátes: concepérunt labóres, et peperérunt iniquitátem.

Graduale Philipp. 2, 8-9 Christus factus est pro nobis obédiens usque ad mortem, mortem autem crucis. **V.** Propter quod et Deus exaltávit illum, et dedit illi nomen, quod est super omne nomen.

Allelúia, allelúia. **V. Ps. 95, 10** Dícite in géntibus, quia Dóminus regnávit a ligno. Allelúia.

In Missis votivis post Septuagesimam, omissis Allelúia, et versu sequenti, dicitur:

Tractus. Adorámu te, Christe, et benedícimus tibi: quia per Crucem tuam redemísti mundu. **V.** Tuam Crucem adorámu, Dómine, tuam gloriósam recólimus passióne:

miserere nostri, qui passus es pro nobis. **V.** O Crux benedicta, quæ sola fuisti digna portare Regem cælorum et Dóminum.

Tempore paschali, omissis graduali et tractu, dicitur:

Allelúia, allelúia. **V. Ps. 95, 10** Dícite in géntibus, quia Dóminus regnávít a ligno. Allelúia. **V.** Dulce lignum, dulces clavos, dúlcia ferens póndera: quæ sola fuisti digna sustinére Regem cælorum et Dóminum. Allelúia.

✠ Sequéntia sancti Evangélíi
secúndum Lucam

Luc. 23, 39-43

In illo témpore: Unus de his, qui pendébant, latrónibus blasphemábat Iesum, dicens: Si tu es Christus, salvum fac temetípsum, et nos. Respóndens autem alter increpábat eum, dicens: Neque tu times Deum, quod in eádem damnatióne es. Et nos quidem iuste, nam digna factis recípiamus: hic vero nihil mali gessit. Et dicébat ad Iesum: Dómine, meménto mei, cum véneris in regnum tuum. Et dixit illi Iesus: Amen, dico tibi: Hódie mecum eris in paradíso.

Antiphona ad Offertorium

Ps. 117, 16 et 17

Déxtera Dómini fecit virtútem, déxtera Dómini exaltávit me: déxtera Dómini fecit virtútem: non móriar, sed vivam, et narrábo ópera Dómini.

Secreta

Hæc oblátio, Dómine, quæsumus, ab ómnibus nos purget

offénsis: quæ in ara Crucis étiam totíus mundi tulit offénsam. Per eúndem Dóminum.

Præfatio de Cruce.

Antiphona ad Communionem

Per signum Crucis de inimícis nostris líbera nos, Deus noster.

Postcommunio

Adésto nobis, Dómine, Deus noster; et quos sanctæ Crucis lætári facis honóre, eius quoque perpétuis defénde subsidiis. Per Dóminum.

DIE 5 NOVEMBRIS

**B. MARTINI DE PORRES
CONFESSORIS ORD. PRÆD.**

Missa Iustus ut palma, **de Communi Conf. non Pont. 2º loco** (26) **præter orationes sequentes:**

Oratio

P

Deus humílium celsitúdo, qui beátum Martínium Confessórem tuum ad cæléstia regna transíre fecísti: eius méritis et intercessióne concéde, nos eius humilitátem ita imitári in terris; ut cum ipso exaltári mereámur in cælis. Per Dóminum.

Secreta

P

Hanc hóstiam, Dómine, quam tibi in honórem beáti Martíni Confessóris sacrándam offérimus, benígnus súscipe: et præsta, ut eius pia intercessióne, nobis efféctum tuæ salvatiónis impéndat. Per Dóminum nostrum.

Postcommunio

P

Cæléstibus aliméntis enutríti, súpplices te rogámus, Dómine Deus noster: ut beáto Martíno Confessóre pro nobis intercedénte; tuis semper valeámus obedíre mandátis. Per Dóminum.

DIE 17 NOVEMBRIS

B. PHILIPPINÆ DUCHESNE
VIRGINIS

Missa Dilexisti, de Communi Virginum 3^o loco (32) præter orationes sequentes:

Oratio

P

Deus, qui caritátis dona in corde beátæ Philippinæ infudísti: eius méritis et précibus concéde; ut fideles tui quæ tibi sunt plácita, tota dilectióne perfícient. Per Dóminum nostrum.

Et fit commemoratio S. Gregorii Thaumaturgi Ep. et Conf. ut in Missali hac die 738.

Secreta

P

Preces et hóstias, Dómine, benígnus assúme, quas in beátæ Philippinæ festivitáte dicámus, cuius ánimus tibi sédula oratióne et sui ipsíus immolatióne adhærébat. Per Dóminum.

Et fit commemoratio S. Gregorii Thaumaturgi Ep. et Conf. ut in Missali hac die 739.

Postcommunio

P

Cælésti dape refécti, quæsumus, Dómine, ut beátæ Philippinæ vestígiis insistentés, dilectíssimi Fílii tui regnum ubíque géntium dilatáre studeámus. Per eúndem Dóminum nostrum Iesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum.

Et fit commemoratio S. Gregorii Thaumaturgi Ep. et Conf. ut in Missali hac die 739.

Imprimatur:

FRANCISCUS CARDINALIS SPELLMAN

Novi Eboraci

die 19 Decembris, 1961

CANTUARIENSIS





